

INJILĚ NIHABAR'I

MATIUS

DARUMATINGE

Bukĕ *Matius* mĕlĕhabar'u waŕon daŕuasĕ si kite, u Mawu Yesus kai Ratu Mananaŕamatĕ seng nirianding Mawu Ruata rokeng. Bo'i Yesus ene Mawu Ruata nĕngganapĕ apan sen niriandin'E su raŕungu Pĕdariandi Tĕbe su manga umat'E. Manilaing Mawu Yesus niwantelĕ boŭ tau Yahudi ringangu mĕbĕbiahĕ kere tau Yahudi, kai Injilĕ e baŕinebe keŕaeng su tau Yahudi samatang, kaiso kawe su patiku dunia e.

Bukĕ i *Matius* ini nihunsudĕ mapia nanĕŕa boŭ kaŕaiwantel'u Mawu Yesus, tuhuĕ maŕanum pĕnanahani ringangu sasaluka kinahombangeng'E, mase maŕanuwewen munaran'E su Galilea. Su tampa ene i Sie mĕnĕnasĕ, mĕnĕntiro ringangu mapakapian masasaki. Boŭ ene bukĕ ini e mĕbĕbĕken daralengu Mawu Yesus boŭ Galilea sarang Yerusalem, dingangu apan nariadi su Mawu Yesus suralungu sĕngkamisa pĕngĕsueĕngu pĕbawiah'E su dunia ini ku tepase sarang kapapohong'E ringangu pĕbawangung'E.

Haŕĕ sĕmbau kawĕhakenge nĕnaungang i Matius u Mawu Yesus kai Mananĕntiro kasĕllahenge, ku maŕanĕntiro u Mawu Ruata e kai mĕpĕparenta kere sĕngkatau Ratu. Mawu Yesus maŕaiaing pia kawasan'E waug'u mĕlahe u mangalĕn Torat'u Mawu Ruata. Kaŕawokange wou manga tĕntiron Mawu Yesus ene nipahia tuhu timonane. Ku pia e limang kamonaĕ(1) Tĕntiro su wuŭudĕ ku maŕanung kakanoa, tatuhu, manga pĕnanaghuang, dingangu timonan pĕbawiah'u manga raŕohong jamaat'u Mawu (pasalĕ 5-7); (2) manga tatĕntiro si sire mapuŕo dua murid'u Mawu Yesus baŭgu pĕkakoa munara (pasalĕ 10); (3) manga papinintu maŕanung kakakoau tempon pĕpaparentan Duata kere sĕngkatau Ratu (pasalĕ 13); (4) tĕntiro maŕanun mangalen maka koa murid'u Mawu Yesus (pasalĕ 18); ringangu (5) tĕntiro maŕanun

pěngěnsueěngu dunia ringangu mañanung darěntang Ahus'u Taumata (pasalě 24-25).

Lohone

Dolě u asal'u Mawu Yesus Kristus ringangu kalaiwantel'E	1:1-2:23
Munarang Yohanes Mananahani	3:1-12
Pěnanahani ringangu sasaluka su Mawu Yesus	3:13-4:11
Pětatangkiang'u Mawu Yesus su tałoarang kawanuang Galilea	4:12-18:35
Boų Galilea sarang Yerusalem	19:1-20:34
Misa pěngěnsueěnge su Yerusalem ringangu manga lampunge	21:1-27:66
Pěbawangung'u Mawu Yesus dingangu pětatěngkasilom batangeng'E	28:1-20

Dolĕ u manga iupung
gaghurangu Mawu
Yesus Kristus

(Luk. 3:23-38)

1 Ini e kai rolĕ u manga
iupung gaghurangu Mawu
Yesus Kristus, hĕnton Daud,
hĕntong Abraham. Bọ'i Abra-
ham sarang i Daud, manga areng
iupungu Mawu Yesus kai kere ini:

2-6a Abraham,
Ishak,
Yakub,
Yehuda ringangu manga
anau sĕmbaue,
i Peres dingang i Zerah (ini-
nang i sire isĕsĕba si Tamar),
Hezron,
Ram,
Aminadab,
Nahason,
Salmon,
Boas (i ninange i Rahab),
Obed (i ninange i Rut),
Isai,
dingangu Ratu i Daud.

6b-11 Bọu i Daud sarang tem-
pone tau Israel niwembang sa-
rang Babel, mabawohę manga a-
reng ini:

Salomo (i ninange kai walung
Uria),
Rehabeam,

Abia,
Asa,
Yosafat,
Yoram,
Uzia,
Yotam,
Ahas,
Hizkia,
Manasye,
Amon,
Yosia,
Yekhonya dingangu manga
anau sĕngkataune.

12-16 Bọu tempon tau Israel
niwembang su Babel saraeng ka-
wawantel'u Mawu Yesus maba-
wohę manga areng ini:

Yekhonya,
Sealtiel,
Zerubabel,
Abihud,
Elyakim,
Azur,
Zadok,
Akhim,
Eliud,
Eleazar,
Matan,
Yakub,
Yusuf kawing i Maria.

Ku bọu i Maria ene nawan-
tel'e Mawu Yesus ku isĕsĕba si
Kristus.

¹⁷ Kū bōu i Abraham sarang i Daud kalawōe mapulo – ěpa su hawenge. Bōu i Daud sarang tau Israel niwembang su Babel ute malaing mapulo – ěpa su hawenge. Bōu tempon tau Israel niwembang su Babel sarang kalaiwantel'u Mawu Yesus Kristus malaing mapulo – ěpa su hawenge.

Kalaiwantel'u Mawu Yesus Kristus

(Luk. 2:1-7)

¹⁸ Kereini wēkeng kalaiwantel'u Mawu Yesus Kristus. I ninge i Maria e mēkēkaghiang dingang i Yusuf. Arawe i rēdua reng tawe nēkēkawing, kuteu naung i Maria kai seng pia kapapia. I Yusuf bēdaweng bēga u kapapia ene kai ualingu kawasang Rohkē'u Mawu. ¹⁹ I Yusuf kaghiange ene kai sēngkatau masatia tutuhū tita agama. Kuteu i sie mēkēkaraki mamēsū pēkaka-ghiange su kapapēnisē, tadeau i Maria tawe mamea su tēngong lawō. ²⁰ Tangu pia e i Yusuf mēlēhingidē halē ene, i sie nipi. Suralungu ipine ene, i sie na-

kasilo sēngkatau malaekat'u Mawu kū nēberae si sie, "Yusuf, hēnton Daud, abe katakū mēkawing i Maria; batu anā kū su ralungu gandongange kai pinēpo-hiama ualingu kawasang Rohkē'u Mawu. ²¹ I Maria sarung maiwantel'u sēngkatau ahusē ese. Dariō ene mambeng sēbau arenge i Yesus, u kai i Sie sarung mangambang umat'E wōu rosan sire."

²² Patikū ene nariadi kere-ne, tadeau misēhū apan ni-hengetangu Mawu limiu nabin'E, angkuēng, ²³ "Sēngkatau mahuala sahī sarung pia kapapia ringangu maiwantel'u sēngkatau ahusē ese. Ahusē ene sarung isēba Imanuel." (Imanuel su werang Ibrani mangalene ute, "Mawu Ruata e ene ringang i kite".)

²⁴ Saraeng i Yusuf napukōe, i sie nēkoae kēbī apan niwerang malaekat'u Mawu e si sie. I sie nēkawing dingang'i Maria. ²⁵ Kū karēngūewen i Maria reng tawe namantel'u ahusē ene, i rēdua e reng tawe nētētātamba nakoā gēsī sēmbau. Kū saraeng ahusē ene nawantelē. I sie nisēba i Yusuf si Yesus.

Darəntang mapapande wou səmbəkan Daki

2 Mawu Yesus kinawantelə su soam Betlehem su wanuag Yudea su tempon pəpaparentan Datu i Herodes. Su orasə ene kai pia mapapandeng bituing pirangkatau wou səmbəkan daki nahundenta su Yerusalem. **2** I sire nəmpəkibalo su apan tampa, "Kai su apa Rario buhu nawantelə ku sarung makoa datun tau Yahudi e? U i kami e kai nakasilo wituing tatialane, siməbang bou səmbəkan daki, ku i kami e rimənta mēdeau mēsuba si Sie."

3 Ene sarang Datu i Herodes nakaringihə habarə u kai pia datu waline nawantelə makoa datun tau Yahudi e, ute i sie himəkosə ta sihingə, dingangu lai kalawou taumatan su Yerusalem. **4** Tangu i sie nakireang kəbi tēmbonangu imang dingangu manga mananəntirong agama tau Yahudi apētəampung. Mase i sie nakiwalo si sire, "Kai sua-pa sarung kawantelangu Ratun nikədom Mawu Ruata e?"

5 I sire siminbang, angkuəng. "Su soam Betlehem, su wanuag Yudea. U kai kereini niwohe u səngkatau nabi e,

6 'Ei Betlehem, su wanuag Yehuda,

i kau mambeng balinewe kakadodokangu soa wou taloaran kəbi soa su Yehuda.

Ualingu kai wou i kau e sarung dumənta səngkatau pangahae

ku sarung mēngaha kawanuaku Israel.'"

7 Saraeng nakakasingka kere-ne i Herodes kimuie mapapandeng bituinge bou səmbəkan daki mapəni-pənisə. Mase i sie nakiwalo si sire, kai nung dokeng kange wituing ene kinasilo. **8** Bou ene i sie rimoloh'i sire sarang Betlehem ku timanata, "Dakoe ku səsuieko Rario ene pakapia-pia. Ku kereu Rario ene kahombangeng i kamene, ute habareko ia e, tadeau ia e maiaing tamai makapəsuba si Sie."

9-10 Mase nəmpədəlangke i sire. I sire sauewe nakasilo wituing nung seng bou kinasilon sire kangere su səmbəkan daki. Ku mēngkate maia-ia i sire mamanda wituing ene! Bituing ene manggalimona si sire, bou ene timaing su lanteh'u tampa u Rario ene. **11** I sire nahunsuə su ralungu wale ene ku nakasilo Ra-



Lelangu kalung kamania (2:11)

riø ene ringang i Maria, i ninang'E. I sire nẽmpõtẽngkasanæ ringangu nẽmpẽsubæ Rariø ene, kũ nẽmpangukahẽ tampa u arẽta i sire, mase nẽmpangonggou sasẽmba wuļaeng, kamania, ringangu mur. ¹²Tangu Mawu Ruata e nẽgẽlliũ ingate si sire su raļungu ipi tadeau abe pẽbaļi sarang anung Herodes. Kũ i sire nẽngkapuļe e nẽbatu daļeng baļi-ne.

Nẽlingka sarang Misirẽ

¹³Su apan manga mapapandem bituing nẽbuæ, tangu malaekat'u Mawu nẽtẽngkasilom batangenge si Yusuf su raļungu ipi. Malaekatẽ e nẽbera, "I Herodes e mẽkẽkaraki u mẽdeu Dariø ene pateẽng. Uaļingu ene, pẽbangungke, ku lingkakø Rariø ene dẽduan ninang'E sarang Misirẽ. Kẽngkatanæ sene sarang la mẽkui kapia si kau."

¹⁴I Yusuf nẽbangungke, kũ su hẽbi ene apidẽ niḃawawane Rariø ene dingang i ninang'E niingka sarang Misirẽ. ¹⁵I sire nẽtana sene sarang i Herodes nate.

Tangu nariadiẽ kere nihengentang'u Mawu, limiu nabin'E, ke-reini, "la mẽkẽkui Ahusẽku wou Misirẽ."

Pẽmamate manga rariø

¹⁶Saraeng i Herodes nakaẽn-næ u mapapandem bituing bou sẽmbẽkan daki ene nẽmpangakalẽ si sie, tangu i sie mẽngkatewe limangelẽ marasai. Mase i sie nẽparenta pẽmẽmate kaļawøwen manga rariø esẽ apang umu-

re rua taung tanae su Betlehem ringangu apan soa mangeliku e. Ene nipetatahinong habare ku kinabakeng bou mapapandem bituing ene manun orase wituing ene kinasilo.

¹⁷ Tangu nisehure kere nung nitel'u nabi Yeremia u;

¹⁸ "Su Rama kinarangihet
tingihu rangkang,
kakuhau ore lai sasangi.
I Rahel lungkangu manga
anae;
i sie madihi hiborang
batu i sire kai seng
natadise."

Nempesule wou Misire

¹⁹ Saraeng i Herodes nate, su tempong i Yusuf bedang su Misire, pia malakat'u Mawu e netengkalahau watangenge kapia si Yusuf su rangku ipi. ²⁰ Malakat'e e neberae, "I sire apan mapulu mampamate Rari e seng nengkate. Uangu e ne pembangke, alako Rari e ne deduang ninang'E ku pesule e sarang Israel e." ²¹ I Yusuf nembangke, bou e nebawa Rari ene deduam Maria nesule sarang Israel.

²² Kuteu samurine i Yusuf e nakarangihet u i Arkelaus, ana i Herodes seng nakaroloset si amange naratu su wanuang Yudea. Tangu i Yusuf maku mako sarang ene. Saraeng i sie nakabae tatuladang Mawu nanglembo surangu ipi, i sie nengingkae sarang banuang Galilea. ²³ Sene i sie netana su soa iseseba Nazaret. Ku mang nisehure kere nung niweran manga nabi e manung Dari ene: "I Sie sarung iseba Tau Nazaret."

Kotbang Yohanes Mananahani

(Mrk 1:1-8; Luk. 3:1-18)

(Yoh 1:19-28)

3 Su tempo ene rimetae i Yohanes Mananahani su wana linggi su Yudea ku netae nanentiro. ² "Pempetobate wou kalawou rosanu," angkuenge, "batu Mawu Ruata e seng ta karengue sarung meparenta kere sengkatau Ratu!"

³ I Yohanes ini e ilhabar'u nabi Yesaya surangu manga wawerane kere ini,

"Pia tau mamohang su
wanua linggi,
'Diahiko raleng baugu
Mawu e; teneko
raralengang baug'i Sie.'"

⁴I Yohanes mēpēpakeangu pakeang bōu rukū u onta. Papehē e wōu pisim binatang, arawe kaēnge kalimbotong ringangu ghulang katiupang. ⁵Lawō tau-matang Yerusalem bōu patikū banuang Yudea ringangu wōu manga wanua māngēlikū salū u Yordan nahundēnta su anung Yohanes. ⁶I sire māngakun kalawōu rosan sire, kū i Yohanes nēnahani si sire su salū u Yordan.

⁷Lawō lai tau Farisi ringangu Saduki nēmpēdēnta su anung Yohanes mēdeau makisahani. Kai saraeng i sie nakasilo si sire rimēnta, i sie nēberae si sire, "I kamene taumata ralai! I sai tangu nēbera u i kamene maliwirē bōu hukumangu Mawu Ruata kū sarung humombang? ⁸Todeko ringangu kakanoa i kamene u i kamene seng nēto-batē bōu kalawōu rosang kamene. ⁹Abe pēmpangēnnau i kamene maliwirē bōu hukumangu ualingu mēbera'u i Abraham kai iupungu. Kasingka, bōu manga

watu tamai Mawu Ruata e makakoa bue palahite waug'i Abraham! ¹⁰Baliung seng masasadia tadeau ipanuwang kalu sarang manga hamu e. Apang kalu ta mēbawuam buane mapapia e sarung tuwangeng, kū iwahung su putung. ¹¹I kamene takū sahaniangu akē tadeau kasingkatengu i kamene seng nēmpēto-batē bōu rosang kamene; arawe sarung dumēnta samuring ia e, ute sarung manahani si kamene dingangu Rokē Susi ringangu putung. I Sie limembōeweng kasellahe wōu ia e. Kalungung mēbawa sapatune lai ia tawe hinone. ¹²Su limane pia nihung pētaēkangu kēbi ēmmene sarang mawurēsi. Ēmme e sarung iko-molē su ralungu wasung, arawe walēkane ute tutungang su putung ta masasēbu."^a

Mawu Yesus nisahani

(Mrk. 1:9-11, Luk 3:21-22)

¹³Su orasē ene i Yesus nēbuā bōu Galilea sarang salū u Yordan. Su tanpa ene i Sie himaung si Yohanes kū mēdēdorong makisahani. ¹⁴Arawe i Yo-

^a mēnirī = mētasē



Tiahang tau Israel naung kaḥmona e mēniri gandum bou walēkane (3:12)

hanes nēnalukā nametō dorong'E ene. I Yohanes nēberae, "Kai ia e hinon sahaniang i Tuang. Kū orasē ini e kawē i Tuang dimēnta su anuku."

¹⁵ Kai Mawu Yesus si-mimbah'u, "Mēngkateko walae pēnētaḥang su orasē ini. Batū kai kere ini i kite mēkoā kēbi ikēkapulung Duata." Tangu i Yohanes nēnahanī e Mawu Yesus.

¹⁶ Bōuten nisahani, Mawu Yesus mēngkatewe simēpu bōu akē u saḥu e. Arakuteu langie natopē e kū Mawu Yesus nakasilo

Rohkē Susi ēnnaē limintu kere manū paluma kū dimorō si Sie. ¹⁷ Mase nakaringihe tingih'u Mawu Ruata nēhengetang, "Ini e kai AhusēKu ikēkēndagē. I Sie makaḥuasē naungKu."

Mawu Yesus nisaḥukateng

(Mrk. 1:12-13; Luk 4:1-13)

4 Bōu e Mawu Yesus niaḥa u Rohkē Susi sarang banua ḥinggi tadeḥu pakisaḥukate su setang. ² Ēpa u puḥo su ēllone ringangu ēpa u puḥo su hēbine Mawu Yesus tawe kimaēng. Nadehō

i Sie nakapëndangke nahutung.

³Setang himaungke bōu e nēbera, "O kai i Kau Ahus'u Mawu Ruata e ěng? Ho, pangorōe manga watu tamai e apakakoā borotē."

⁴Mawu Yesus simimbangke, "Su raḷungu Winoḥe Susi maḃawoḥe: Taumata tawe makapēbiahē kētaeng bōu borotē samatang, kaiso maḷaing bōu patiku hengetang, ku nipēhengetangu Mawu Ruata."

⁵Kuteu setange namaringingken Mawu Yesus sarang Yerusalem, soa susi, ku napararisī i Sie sene su wowom pusig'u Walem Mawu. ⁶Mase setange nēberae si Sie, "I Kau kai Ahus'u Ruata arau? Mageng kerene ute pētēngkanawōe; u su raḷungu Winoḥe Susi kai maḃawoḥe kereini,

'Mawu Ruata e sarung mēparenta manga maḷaekatē pēndiaga si Kau, ku i sire sarung mēmpēnalēndengu ḷiman sire si Kau, tadeau laed'u maḷaing tawe masangkong su watu.'"

⁷Mawu Yesus simimbang, "Kai su raḷungu Winoḥe Susi maḷaing kaḃawoḥe, 'Kumbahang i kau mēnaluka Mawu Ruatanu.'"

⁸Bōu ene setang namaringang Mawu Yesus sarang bulude marangē-dangē ku napatodē u kaḷawōu kararatuangu dunia e ringangkeweng kēbi kakalae si Sie. ⁹Mase setange nēbera su Mawu Yesus, "Kēbi ini e sarung taku ionggō si Kau, kereu i Kau mētumpēkuhē mēsuba si sia."

¹⁰Mawu Yesus simimbangke, "Pamehōe i kau setang! Su raḷungu Winoḥe Susi maḃawoḥe: I kau pangadatēko Mawu Ruatanu, dingangu pētahamawu si Sie sidutu!"

¹¹Nadehō setange nanēntangkeng Yesus, ku manga maḷaekatē maḷaing nahundēntanēm-pētangkiang si Sie.

Mawu Yesus nanēta u munaran'E su Galilea

(Mrk. 1:14-15; Luk. 4:14-15)

¹²Suapan nakaringihē'u i Yohanes kai nitahungku, Mawu Yesus nēlingka sarang Galilea.

¹³Mawu Yesus nanēntangu Nazaret, mase natana su Kaper-naum su wiwih'u ranong Galilea

su wanuan Zebulon dingang i Naftali.

¹⁴ Ualingu Mawu Yesus nêkoꝝ kerene, ute nisêhꝝe apan nitêbaꝝ nabi Yesaya, bawalone:

¹⁵ "Ĕntanang Zebulon dẽduan Naftali

su raꝝeng soꝝlong dano, su sẽmbẽkang saꝝu u Yordan, Galilea e nakoꝝ ĩntanang taumata waꝝine Yahudi!

¹⁶ Bansa ku mẽbẽbiahẽ su raꝝungu kararẽndung seng nakasilo tualagẽ mahamagẽ!

Apan mẽtẽtana su kararẽndungu papate e niꝝasarangengu sennangu tualagẽ!"

¹⁷ Nanẽta orasẽ ene Mawu Yesus nẽhabar'u, "Pẽmpẽtobate wou kaꝝawou rosang kamene, batuu semben ta kararẽngꝝe Mawu Ruata e sarung mẽparenta kere sengkatau Ratu!"

Mawu Yesus nẽkui mẽnanoma ĩpa u katau

(Mrk. 1:16-20, Luk. 5:1-11)

¹⁸ Ene Mawu Yesus ruꝝdalengke su apengu ranong Galilea e, i Sie nakasilo mẽnanoma ruangkatau, i Simon (ku lai isẽsẽba si

Petrus) dingangu tuarine i Andreas. I rẽdua kapẽnẽnomane su rano.

¹⁹ Mawu Yesus nẽhengetang si rẽdua, "Mahiẽ toꝝ Siꝝa ku Ia deng manẽntiro si kamene mẽno-ma taumata." ²⁰ I rẽdua mẽngkatewe nanẽntangu soma mase nẽmpẽtoꝝe su Mawu Yesus.

²¹ Mawu Yesus rimaꝝengke, mase nakasilo lai si rẽdua ta-hatuari waꝝine, ku kai i Yakobus rẽduang Yohanes, ana i Zebedeus. I rẽdua sengkapẽnaming soma ringang i amang i rẽdua su raꝝungu sakaeng. Mawu Yesus maꝝaing nẽkui si rẽdua, ²² ku i rẽdua mẽngkatewe nẽmpanẽntangu sakaeng dingang i amang i rẽdua e, mase timoꝝe Mawu Yesus.

Mawu Yesus nanẽntiro, nẽnasẽ, dingangu napakapian masasaki

(Luk. 6:17-19)

²³ Su Galilea, Mawu Yesus namẽpidẽ kaꝝuwau wanua ene ringangu nanẽntiro su manga waꝝeng pẽkakaꝝiomanengang. I Sie mẽlẽhabar'u Injilẽ, u Mawu Ruata e sarung mẽparenta. Dingangu i Sie maꝝaing napaka-



Samchê su ranong Galilea (4:18)

pian masasaki, dingangu apaewen pia kurangu wadange. ²⁴ Habarê maanun Mawu Yesus e timeleng su kaguwau wanuan Siria, hakiu lawo taumata nahundenta su anun'E. I sire nempangentudê kalawou taumata masasaki dingangu lulahunsusa. Taumata apan niwaliuang u rohkê dalai, apan pia saki u wawi ringangu peosê, kēbie niapakapiang Yesus. ²⁵ Mēngkate apa lawo taumata nahuntolē Mawu Yesus su tempo ene. Piāben dimēnta wou Galilea, piāben bou Soa Mapulo, wou Yerusalem,

wou Yudea, dingangu lai wou soa su sēmbēkang Yordan.

Kotbah su wuludê

5 Su apan Mawu Yesus nakasiloe taumata lawo, i Sie simaka e su wuludê. Bouten i Sie naiangke, manga murit'E nahundēntae su anun'E, ² mase i Sie nanētāe nanēntiro si sire:

Pēkakariangkamang tutune

(Luk. 6:20-23)

³ "Kariangkamang i sai makapēndang tawē kuate

- ringangu kětaewen mětětīm-
balong su Mawu sēsane;
i sire kai kawanuan Duata!
- 4 Kariangkamang i saing
lulahunsusa;
Mawu Ruata e sarung
mēhiborē si sire!
- 5 Kariangkamang i sai masana
naunge;
Mawu Ruata e sarung
mapakasēhū u kēdon'E si
sire!
- 6 Kariangkamang i saing
lulahimpuluangu munara
ikēkapulun Duata;
Mawu Ruata e sarung ma-
pakawatū u kapulun sire!
- 7 Kariangkamang i saing
kukēndagu sēndinganenge,
Mawu Ruata e sarung
kumēndag'i sire lai!
- 8 Kariangkamang i sain naunge
wurēsi;
i sire sarung makakiraḷa
Ruata.
- 9 Kariangkamang i sai
mēbēbawa pēdaramē su
taḷoaran sēndinganenge;
Mawu Ruata e sarung
mangakun sire e makoa
ana'E!

- 10 Kariangkamang i sai maka-
hombang tatumbiagē ualingu
pēkakoa kapulun Duata;
i sire kai kawanuan Duata!
- 11 Kariangkamang i kame-
ne, kereu i kamene lēheghesang,
tētumbiageng, dingangu lēhina-
kaneng ualingu Ia. 12 Manga nabi
apan nēmpēbiahē kaḷamonan ka-
mene ute seng bōu nitumbiageng
kerene. Pēmpahūlasē dingangu
pēmpahūliagē, batūu masaria wa-
walise su sorga nisadian Mawu
waug'i kamene."

Asing dingangu tualagē

(Mrk 9:50; Luk. 14:34-35)


13 "I kamene kai asingu du-
nia. Kereu asing kai malele, ute
kai saḷ pēhadeng kerea? Semben
tawē gunane lai, katewe irēmme
arau tatahidaēngu taumata.

14 I kamene kai tualag'u du-
nia. Soa kū su wowom buḷude
tawe ikawuni. 15 Tawē taumata
wōu mēndikō soḷo mase soḷo e-
ne lingkuwangu wēnsadē. I sie
mambeng mamēllo u soḷo ene su
tetere, tadeaḷ makatualagēbe pa-
tikū dalohom baḷe. 16 Kerene lai
tualag'u harusē apasēnnang su

5:4: Yes 61 2 5:5: Mzm 37 11 5:6: Yes 55 1-2 5:8: Mzm. 24:3-4

5:10: 1Ptr 3 14 5:11: 1Ptr 4.14 5:12: 2Kar 36-16, MMR. 7 52

5:13: Mrk 9 50, Luk 14:34-35 5:14: Yoh 8 12, 9 5 5:15: Mrk. 4 21, Luk 8 16,
11 33



*Solo ringangu wēnsadē nāung Tempo
kalāmōna (5:15)*

tēngon taumata, tadeāu i sire makasilo kalawōu kakanoāu mapapia, mase mēdalo si Amangu su Sorga.”

Tēntiro māanun torat’u

Yahudi e

17”Abe pēmpēngēnnau Ia e rumēnta mēndēdasē torat’i Musa ringangu tēntiro manga nabi. Ia e rimēnta wāline-we mēndēdasē e, kaiso kai inanēbōu mangalēne kahēngang. 18”Tahēndunge! Karēngu u langi dingangu dunia e wēdang ene, hurupē sēmbau arau titigē kakadōdokange su raḷungu to-

ratē e tawe sarung dēdaseng, kereu kēbje remben tawe nādiadi! 19”Uaḷingu ene, i saing lumampa sēmbau bōu manga tita ene, manilaing kakadīdikange mase manēntiro taumata wāline apēkoā lai kerene, sarung mariadi kakadīdikange su taḷorang kawanuan Duata. Arawe su sēmbēkane, isaiewen mēdēndalēn manga parenta ene dingangu manēntiro taumata wāline apēkēkoā lai kerene, sarung iapakasaria su taḷorang kawanuan Duata. 20”Tangu, tahēndungeko: I kamene tawe hinon makoā kawanuan Duata, kereu tawe mamaliu manga mananēntirong agama dingangu manga taumatan Farisi su haḷē’u mēkoā kapulun Duata!”

Sasasa māanun pēpapēdu

(Luk. 12:57-59)

21”I kamene masingkau su manga iupung i kite e kēkaēbakeng tēntiro kereini: Kumbahang mamate; i sai mamate hinong ihukung. 22”Kai orasē ini Ia mēbera si kamene, i sai mēpēdu su taumata wāline, sarung ihukung su tēngon Pēnggaghutaēng u Agama. Ringangu i sai mēbera su taumata wali-ne, ‘Apa pēmparaḷu,’ ute hinong

irēmme su raḷungu putungu naraka. ²³ Uaḷingu ene kereu pia u sēngkatau wou taḷoarang kamene kaḷpēngētude sasēmba su Ruata mase nakatahēndungu kai pia u natēdu naunge si sie, ²⁴ ute kēnangko i sie panētangu sasēmbane ene kaḷanona su tēngon pananēmbaēng mase tamaie pēdame ringangu tau ene. Bōu ene wuhue i sie makapēbaḷi ku manarakangu sasēmbane su Ruata.

²⁵ Kereu pia u manarakang i kamene su mēlahukunge ute pēdame e ringange karēngueng bēdang pia tempone ta naḷuipa su mēlahukung. Kamageng tala ute, tau ene sarung manarakang i kamene su mēlahukung, mase manarakang su polisi. Ku polisi e manuē i kamene su raḷungu tahungku. ²⁶ Ku pētahēndungke: Mambeng tēngadē i kamene tawe makasēbang bōu tahungkuē, tēntaḷang kaḷawou une wēdang ta naḷueng baehe kēbi.”

Sasasa maḷanun mawuang

²⁷ ”I kamene masingka u pia tēntiro kereini: Kumbahang mawuang.

²⁸ Arawe ini e Ia mēbera si kamene: i sai maḷamanda tau wawine ringangu pia sahige ute tau ene seng nawuang dingangu wawine ene su raḷungu naunge. ²⁹ Kereu matanu koanenge makadiading kau e mēbaradosa, ute lēsā e ku dēmme e mata ene! Mapiaēngbe kailangengu laes’u wadangu sēmbau e suḷungu kēbi badangu irēmme su raḷungu naraka. ³⁰ Kereu ḷimanu koanenge kai makakoā dosa si kau e, ute potō e ku dēmme e ḷima ene! Ēndoben kailangengu ḷimanu sēmbēka suḷungu kēbi badangu masuē su naraka.”

Sasasa maḷanun pēnanindo

(Mat. 19:9; Mrk. 10:11-12)

(Luk. 16:18)

³¹ ”Pia lai tēntiro kereini: i sai-sai manindo kawinge, hinom mangonggou surat’u sindo si sie. ³² Kai ini e Ia mēbera si kamene: i sai manindo kawinge sēmbaḷiau wawine ene tawe nawuang, ute makawodai bawine ene mawuang, kereu kawinge ene mēkawing kapia. Ku i sai mēkawing u wawine nisasindoēng ene, ute maḷaing nawuang.”

Sasasa mañanun pësasalu

³³"I kamene masingkau su manga iupung i kite e pia tënti-ro kereini: kumbahang mëlанда kire. Apan seng niriandinu ku pinësalu su tēngon Duata e hinon këkoạ u. ³⁴Arawe ini e la mēbera si kamene: kumbahang-kumbahang i kau mēsalu, baebe su arengu langi e batuu langi e kai kalaianeng u Mawu Ruata, ³⁵kerene lai su arengu ěntana, u ěntana e kai laēmpahē laede; arau su areng i Yerusalem, u ene kai soan Datu masēlahē. ³⁶Kumbahangbe lai mēsulun tēmbou batuu i kau sēsanu tawe maka-koạ uta u iapakawira arau iapakaitung maning kētau sēmbua. ³⁷Pēberaē, 'Ore' arau 'Tala' – nangēlembo wou ene ute rarēntane kai wou anun setang."

Sasasa mañanun pēmamalisē

(Luk 6:29-30)

³⁸"I kamene masingkau pia lai tëntiro kereini: mata awenge mata, isi awenge isi. ³⁹Arawe ini la e mēbera si kamene e: kumbahang mēmālisē une si sai apan mēkēkoạ dalaki si kamene.

Su sēmbēkane kereu pia u mameru pipi u koaneng, ute walae lai i sie pameru pipi u kaihi. ⁴⁰Ringangu kereu pia u mēngaduhang i kamene su mēlahukung ku manuntu laku u, ute ghēlli lai kakingkaengu. ⁴¹Kereu sēngkatau mangangawasa e manihasa si kamene pēmāsaēng bawawaēnge karaune sēngkilo meterē, ku pamasaēngke ghēnnangu ruang kilometerē karaune. ⁴²Kereu pia u mēgēgausē sạbarang bo'i kamene, ute ongote wue i sie. Dingangu abe lai tatalikure i sai mapulu mangēdang sạbarang boi kamene."

Kēndagu sēdu u

(Luk. 6:27-28, 32-36)

⁴³"I kamene masingkau pia lai tëntiro kereini: kēndagu manga hapiu ku pēmpēbinsi u manga sēdu u. ⁴⁴Arawe ini la e mēbera si kamene: kēndagēko manga sēdu u, ringangu u pēmpēkalīomaneng u apan mēmpēngane si kamene, ⁴⁵tadeau i kamene makoabe manga ana i Amangu su Sorga. Batuu Mawu Ruata e mapasēbangu ma-

5:33: Im. 19:12, Pēt. 30:2, Pang 23:21 5:34: Yak 5:12, Yes. 66:1, Mat. 23:22

5:35: Yes. 66:1, Mzm. 48:3 5:38: Sas. 21:24, Im. 24:20, Pang. 19:21

5:43: Im. 19:18

tangëllone waug'u taumata mapia e ringangu waug'u taumata raralaj lai. I sie mapadasehë baug'u taumata mëkëkoạ mapia ringangu taumata mëkëkoạ dalaj. ⁴⁶Batuu kereu i kamene këtang kukëndag'u apang kukëndag'i kamene, ute kai waug'u apae ngae Mawu Ruata hinon mamalisë kakanoạ e? Balinewe maghaghëlle bea lai mëkëkoạ kerene tangu? ⁴⁷Ku kamageng i kamene këtang mëtëtabeạ su manga hap i kamene e ute apa wue lembone? I sire apan ta makakirala Mawu Ruata e malang mëkëkoạ kerene! ⁴⁸I Amangu su Sorga kukëndag'u këbi taumata ringangu masuku. I kamene pëmpëkoakọ lai kerene."

Sasasa maanun tonggolë

6 "Pëtahëndungko, kumbahang i kamene mapatode u tathu agama su têngon taumata lawo, tadeau ikasilon sire. Kamageng i kamene e mëmpëkoạ kerene, ute i kamene tawe kaonggo tangu wawalise kahiang Amangu su Sorga.

²Ku kereu i kamene mëngonggou tatongka su tau kasiang, ute kumbahang mëngka-

we mëmombengu halë ene kere këkoateng u taumata mëmëlle. I sire puluang mëmpëkoạ kerene su walem pëkakaliomaneng dingangu su mangaraleng gaghuwa, tadeau makiralo. U pakatahëndung bue, i sire seng tëbe nakatarima bawalise. ³Arawe i kamene kamagengbe mëmpëngonggou tatongka e pëmënggolëbe su kapënisë tadeau taweu makakasingka. ⁴Balae kakanoạ e tawe kasingkateng i sai-sai, tabeau katewe i Amang su Sorga. I Sie makasilo kakanoạ apan mabawunie ku sarung mangonggou wawalise si kamene."

Sasasa maanum pëkakaliomaneng

(Luk 11.2-4)

⁵"Kamageng i kamene mëmpëkaliomaneng, ariëbe kere taumata papuluang mëmpëmëlle. I sire mëmpëkaliomaneng dudarisi su walem pëkakaliomaneng dingangu su pësëmakengu raleng mëdeau ikasilon taumata. Tahëndunge, u mang seng kinarima i sire wawalise.

⁶Kai kereu i kamene mëmpëkaliomaneng ute pahusuëko su

kamarē dingangu hēpingko tukadē mas e pēkaliomaneng si Amang tawe kasasilo. Tangu i Amangu e makasilo kakanoau apang kabawunie ku sarung mēngonggou wawalise si kamene.

⁷Kamageng i kamene mēm-pēkaliomaneng, kumbahangbe ipēkakaliku kere su manga tau-mata bēgang Mawu. I sire mangiralingu rorong i sire sarung daringihang, batuu kaliomaneng i sire manandue. ⁸Kumbahangbe kere i sire. I Amangu sembeng masingkau apang gēgausang i kamene, tēntalang i kamene reng tawe nēdēdorong. ⁹Ku pēmpēkaliomaneng kereini,

'I Amang i kami su Sorga:
Małowoko arengu susiang.

¹⁰ Kararatuangu karēntako.

Kapulunu apakasēhuko su
wowon dunia kerewe su
sorga.

¹¹ Pangonggoko si kami su
sahello ini laidop'i kami
mello-mello.

¹² Dingangu pangampungko
pēsasaḷag'i kami,

kerewe i kami mēgēgelliū
ampung su taumata
apan mēmpēsasaḷagē si
kami.

¹³ Dingangu abe pēngaha i kami sarang dalengu sasaluḷa, kaiso pelliū si kami wō'i ralaki.

[Ukai si Kau kararatuang
dingangu kawasa dingangu
kawawantugē e sarang
kakalē. Aming.]'

¹⁴Kamageng i kamene mēm-pangampung taumata apang mēsēsaḷa si kamene ute i Amang su Sorga e sarung mangampung pēsasaḷang kamene. ¹⁵Kai kereu i kamene tawe mangampung pēsasaḷan taumata waline, ute i Amang su Sorga e malaing tawe mangampung pēsasaḷang kamene."

Sasasa maanun pētatingkēdang

¹⁶"Kamageng i kamene mēpuasa ute, kumbahangbe gating kamene mēmpēkahēndusē kere taumata pul mēmpēmelle. I sire maḡalu gatin sire tadeau taumata kēbi masingkau i sire kai mēpēpuhēdang. Tahēndungeko, u kai ene wawaehe ku seng kinatarima i sire. ¹⁷Kai kereu i kamene mēpuhēdang, ute pēmpēndēmusebe gating kamene ringangu pēmpēnau bue uta i kamene, ¹⁸tadeau taweu masingkau

i kamene kai kapëpëpuhëdange, sulikudu i Amang ta ikasasilo e. I Sie nakasilo kakanoa i kamene apam mabawuni ringangu sarung mëgëlli wawaehe si kamene."

Arëta su sorga

(Luk. 12:33-34)

19" Ariebe mëngkai mëdeä arëta'u dunia baug'u watangengue, suapan uane ringangu taing uase makahupadë e ringangu tahatako e rumënta mëtako. 20 Su sëmbekeane ute, pëdeäko arëta'u sorga waug'u watangenge suapan uane ringangu taing uase e tawe makahupadë, dingangu tahatako e tawe makatako. 21 Batuu suapan pia arëta'u e, ute sene lai naungu e!"

Tualagë mawadang

(Luk. 11:34-36)

22" Mata e kai soło waug'u wadang. Kereu matanu matilang, kaguwau wadangu e matuala-tualagë. 23 Kai kereu matanu marëndung, ute kaguwau wadangu e marëndung-dëndung. Ku kereu soło su ralungu wadangu e marëndung, ute kai apae maëlli kararëndung ene!"

Duata ringangu arëta

(Luk. 16:13, 12:22-31)

24" Taweu sarang sëngkatau makapamunara maengu mawune ruangkatau. U i sie kai sarung limembong kapiane su sëngkatau wou waline. Arau i sie limembon satia su sëngkatau wou su waline. Kerene lai i kamene; tawe maria-di mëtahamawu Mawu Ruata, ringangu mëtahamawuko lai arëta.

25 Ualingu ene kasingkako; kumbahangbe ghumënggang u pëbawiahu, mangalene apan ku sarung kanengang arau inungang, arau apa ku sarung iluheng kamene. Pëbawiahë marohkë e kai limembong kaarëgane wou kakaëng dingangu wadange limembong kaarëgane wou pakeang? 26 Tingangko manü u winalangeng. I sire tawe mëlahënsinuang, tawe mëmamënsa, dingangu tawe lai mëngangomolë ëmme su pëndaresoënge.^b Kai i Amang su Sorga e mang mëlēhiking si sire! I kamene kai limembo maarëga wou manga manü u winalangeng. 27 I sai wue wo'i kamene su kaghaghëngganenge ma-

^b wasung

katamba umure inaning kětaeng kadodo?

²⁸ Unęe i kamene ghuměnggangu ta mępakeang? Tingangko manga ghałoghong maħuntuwo su manga wimbaenge. Bungang tamai ene tawe męmpělahalę e dingangu tawe mękakahiwuang; ²⁹ Seng Datu i Salomo kereng kakalęe lai, kai tawe nakałuhem pakeang kerene kahole e kere su manga bungang ene! ³⁰ Dęmpugę su wimbaenge timuwo sahęllo ini mase sęngkariqęllone nasue męngkahęngisę. Kai Mawu Ruata e mang męlęlęnggihe ene iapakaholę. Nęngalembęe wue i kamene! Katewe i kamene kadodo pangangimange! ³¹ Kumbahangbe ghuměnggang dingangu mębera u, 'Kai apae sarung kanengang i kite', arau 'kai apae sarung inungangi kite', arau 'kai apae sarung iluheng kite'? ³² Kębi ene mang sęsahusuangu taumata ku apan tawe makakirala Mawu Ruata. Sęmbalıau i Amang su Sorga e tębe masingkau i kamene męgęgausę patiku ene. ³³ Pęmpędeako kałamona kararatuangu Mawu Ruata e ku pęmpękoako apang kapulun'E su pębawiah'u. Tangu

kębi e sarung ionggou Ruata si kamene. ³⁴ Ualıngu ene ute, kuhęe ghuměnggangu apan mariadi rięllo. Batuu rięlloe piabe ghęnggange sęsane. Sigęsa ku sahęllo ini e seng plane ku tawe wahałuas'u tambaęng."

Męanun pęlahukung taumata

(*Luk. 6:37-38, 41-42*)

7 "Kumbahang męmpęhukung taumata waline, tadeau i kamene tawe ihukung u Ruata e. ² U keręewe i kamene męmpęhukung taumata waline, kerene lai Mawu Ruata e sarung męhukung i kamene. U sasuka ipanuka i kamene su taumata waline e sarung lai ipanukau Mawu Ruata si kamene. ³ Unęe i kamene makasilo wue tahuwu su mata manga anau sęmbau u arawe saławaku surałungu matanue tawe ikasilong kamene? ⁴ I kamene makabera su anau sęmbau u, 'Mahie ia męgałapuling ene bou matanu e,' daliune kawe pia saławaku surałungu matanu? ⁵ Ei tau męlle! Ałako kałamona saławaku su matanu ho, buhęe i kau ma-

kasilo mapia ku makaala pulingu matang anau sɛmbau u e.

⁶ Abe onggɔ apan susi su asu, u asu e kai mɛmaɭi^c manɛmbo si kamene. Kerene lai mutiara e a-be onggɔ su wawi, u mutiara e kai sarung dalindaɛngu wawi e.”

Pɛdorong, pɛdea dingangu pɛnengkelɛ

(Luk. 11:9-13)

⁷”Pɛmpɛdorong, tangu i kamene onggolang. Pɛmpɛdea, tangu i kamene makahombang. Pɛmpɛnengkelɛ, tangu i kamene sarung pɛnopeɛng tukadɛ. ⁸Ualingu i sai mɛdɛdorong i sie sarung onggotang; i sai mɛdɛdea sarung makahombang; dingangu i sai mɛnɛnengkelɛ sarung pɛnopeɛng tukadɛ. ⁹I Amangbe sude ngae mɛgɛlli watu kereu anae mɛdorong kaɛng? ¹⁰Arau kawɛ mangonggou tɛmpu kereu anae mɛdorong kina? ¹¹Maningbe i kamene matalipupu,^d kai i kamene masingkabe lai mangonggou apan mapia su manga ana i kamene. Nɛngalembɔewe i Amang su Sorga e! I Sie limembong kapiane, ku sarung mangonggou apan dɛdorongang si Sie.

¹²Pɛmpɛkoako su taumata waline kereuwe ikɛkapulung kamene, wou i sire. U kai ene timonan toratɛ nionggɔ i Musa ringangu tɛntirom manga nabi.”

Sasuɛkang mahepo

(Luk. 13:24)

¹³”Pɛmpɛsuɛ bou tukadɛ mahepo, u tukadɛ dingangu raleng mɛtɛtimona naraka kai ghɛguwa dingangu maɭoahɛ, ku maɭawo taumata mahunsuɛ bou ene. ¹⁴Kai mahepo dingangu masɛsɛ tukadɛ arau raleng makahumpa u pɛbawiahɛ e. Ku kɛtaeng mahali taumata makahumpa u ene.”

Kalu ringangu wuane

(Luk. 6:43-44)

¹⁵”Pakatateghang su manga mahang nabi e. I sire rudɛnta anung kamene makitika domba, sɛmbaliau tumuhu hinone i sire kai sarigala wahani. ¹⁶I kamene makakirala si sire wou apang kɛkoateng i sire. Sumpinje tawe kapanipoɛng buang anggorɛ dingangu wou ɛnggahanɛ tawe kapɛdeakeng buang ara.

^c mɛnumbiling ^d maɭahagɛ, mailɛmu

makakirala si sire wou lēnna'u munarane."



Buang anggorē (7:16)

¹⁷Bou kakaluang matatendange kēkaēbakeng buane mapapia ringangu wou kakaluang daralakie kēkaēbakeng buane ralai. ¹⁸Kakaluang matatendange tawe mēbawuam buane ralai, dingangu kakaluang daralakie tawe mēbawuam buane mapapia. ¹⁹Apang kalu tawe mēbawuam buane mapapia e ute tuwangeng dingangu tutungang. ²⁰Kerene lai manga mahang nabi e. I kamene sarung

Tatuhū, balinewe wawera

(Luk. 13:25-27)

²¹"Balinewe kēbi taumata apan mēsēsēbau Ia, 'Mawu, Mawu,' Mawu! sarung makoā kawauan Duata, kaiso kawē kētaeng i sai-sai mēkēkoā kapulung AmangKu su Sorga. ²²Tangu su ēllo kasamuriange sarung malawo taumata mēmpēbera su tēngoku, 'Mawu, Mawu, u kara kai ringangu arengu Mawu e i kami mēlēhabar'u hengetangu Mawu Ruata? Dingangu kara kai ringangu arengu Mawu e lai i kami mēnēnokol'u manga rohkē daralai mase makakoā manga halē makadalinau lawo?' ²³Arawe Ia e sarung sumimbah'u, 'Ia e mambeng bēgang kamene! Ku pēmpamehōe wou ini, i kamene tahapēkoā dalai!'"

Mēmamētī bale matahuēnna ringangu longong

(Luk. 6:47-49)

²⁴"Tangu, i sai makadingihē baweraKu ini e, ku tutuhue, u-

te mēsulungu tau matahuēnna nēkoa balene su wowom batu. ²⁵Su tempon tahiti nangēndu dingangu lēbae rimalengke mase wale nitanggaēngkolaing anging maiha, kai wale ene mang tawe nahaka u kawe nirarisi su wowom batu.

²⁶Ku i sai makadingihē baweraKu ini e ku tawe tuma-tuhu, ute i sie mēsulungu tau-mata longong i sie namēti bale-ne su ēne. ²⁷Su tempon nirasehang dingangu nēlebae ku anging maiha timanggāe, tangu wale nahakāe. Ku mēngkate apa nagha-gholang!"

Kawasa Mawu Yesus

²⁸Ene sarāeng Mawu Yesus nasuēen tēntirone, tangu taumata apan ene sene mangkewen nēngkaherang nakaringihē tēntiron'E e. ²⁹Ualingu i Sie manēntiro pia pēhēngkinge, walīnewe ke-re manga mananēntirong agama.

Mawu Yesus napakapian sēngkatau pia sakie su pisi makatatakū

(Mrk. 1:40-45; Luk. 5:12-16)

8 Ene Mawu Yesus narēsungke wou wuludē e, i Sie nitole-ēngken gapaēngu taumata lawo. ²Arakuteu rimēntae tau pia sakie su pisi makatatakū. I sie nēsuba su tēngo Mawu Yesus, ku nēbera, "Tuang, kereu wotonge, apakauleko ia."

³Tangu Mawu Yesus nannenggeheng limane si sie apid'u kapēberane, "Botonge. Kapiāe!" Ku orasē ene lai sakie nailang. ⁴Mase angkuēngu Mawu Yesus si sie, "Pakatahēndung! Abe pēbēke si sai-sai. Kaiso pētēngkatodeko su imang ku gause i sie pēnahutēngadēkong kau u, kawe seng naule. Bōu ene pangēntudēbe sasēmba ilēoron Musa e, makoa tatahutēngadē su tēngon sire u i kau e mamben tēngadē seng naule wou saki!"

**Mawu Yesus napakapiang
ëllangu mananëmbonang u
soldadong Roma**

(Luk 7:1-10)

⁵Saraeng Mawu Yesus nasuë e su Kapernaum, pia e tẽmbonangu soldadong Roma e rimẽnta mẽsombang i Sie, kũ kimahioroe. ⁶"Tuang," angkuẽngu tẽmbonang ene, "ëllangu e masakĩ su wale. I sie nipeose, ruḁaloka kũ mam-beng masigësã."

⁷Angkuẽngu Mawu Yesus, "Ia e tamai mapakapian sie."

⁸"Seng tawahaluasẽ i Tuang," angkuẽngu tẽmbonang ene, "Ia e tawe hinone manarima i Tuang su waleku. I Tuang pẽhengetangke ëllangu e seng mule. ⁹U ia e malaing harusẽ sumasumẽllung su parentang tẽmbonangu e. Kũ su alungkue pia lai manga mẽsa-seke, kũ malaing su alungu kawasaku e. Kereu ia mẽndoloh'u sengkatau soldado, 'Dakoko!' ute i sie malaing tamai. Ia mẽberaewue su waline u, 'Damahiko!' i sie malaing damahi; kũ kereu ia

mẽparenta ëllangu e, 'Koako ini!' ute i sie mang mẽkoa."

¹⁰Suapan Mawu Yesus nakaringihẽ apan niweran tẽmbonang u soldado ene, i Sie rimalinaue ta sihinge. Mase i Sie nẽhenge-tang su taumata apan maḁuntolẽ si Sie, "Taumatawe lai wotonge ini! Maninglai bou taloaran tau-matan Israel e, Ia e mam-beng ta nakahombang pangangimang kereini kasëllahe! ¹¹Mam-beng kahẽngang! Lawo taumata sarung dumẽnta wou sẽmbẽkan daki ringangu wahẽ kũ mẽmpa-huluasẽ dingang i Abraham, Is-hak ringang i Yakub su ralungu Runian Duata Wuhu.

¹²Arawe i sire kũ mangakum batangenge hinong makoã kawa-nuan Duata e sarung iwahung suralungu kararẽndung su likude. Sene sarung pia palahunsangi di-ngangu kasasigësã." ¹³Mase Mawu Yesus nẽhengetang su tẽmbonang u soldado ene, "Kapule e, ualingu pangangimangue apang ikẽkahioro u e sarungbe maria-di."

Kũ orasẽ ene lai ëllange na-piaẽ.

Mawu Yesus napakapian taumata lawo

(Mrk 1:29-34, Luk. 4:38-41)

¹⁴Mawu Yesus e nakoꝝ sa-
rang balem Petrus. Sene i Sie
nakasiloe si ninang i Petrus
kinaratingang, kaꝛhabe suralo-
kaeng. ¹⁵Tangu Mawu Yesus na-
nenggehẽ limane, kuteu lẽha-
be nailangke. I sie nẽbangung
ku nanẽtae nẽtangkiang Mawu
Yesus.

¹⁶Saraeng kakabawẽllone ta-
umata e nẽmpangẽntuden si-
re lawo apan niwaliuang rohkẽ
daꝛai e su anum Mawu Yesus.
Ku kẽtaewen dingangu wawe-
ra pẽsengkamohong, Mawu Yesus
manokolu manga rohkẽ daꝛai e
dingangu mapakapian kẽbi apan
taumata masaki. ¹⁷Mawu Yesus
mekẽkoꝝ kẽbi ene, ku ualingu ene
ute nisẽhẽ apan niꝛbaweran nabi
Yesaya, u, "I Sie manaludẽ tẽdu i
kitẽ dingangu mapakapian saki i
kitẽ e."

Taumata apan mapulu tumole Mawu Yesus

(Luk. 9:57-62)

¹⁸Mẽngkate malawo-lawo ta-
umata mẽlẽliwung Mawu Yesus

e. Saraeng Mawu Yesus naka-
siloe si sire ene kẽbie, i Sie
nangoroe su manga tumatolene
apaꝛiu^e rano e. ¹⁹Mase sengkata-
tau mananẽntirong agama e hi-
maung si Sie ku nẽberae, "Tuang
Guru, ia mapulu tumole si Tuang
balaewe mẽnsang sarang a!"

²⁰Mawu Yesus simimbangu,
"Sarigala^f piabe liange, ringangu
manu u winalangenge piabe sa-
lehe, arawe Ahus'u Taumata e
taweu pangalelengange."^g

²¹Mase sengkatau tumato-
len'E waline nẽberae, "Tuang, ke-
reu wotonge ia deng mapule kaꝛi-
mona mẽngubul'i amangku e."

²²Arawe Mawu Yesus e kawe
simimbah'u, "Toꝛ e Sia, ku balae
taumata nate e apẽlẽbingken tau-
matan naten sire hala."

Mawu Yesus napakalenehu rẽllang

(Mrk. 4:35-41; Luk. 8:22-25)

²³Mawu Yesus simake e su
sakaeng ku manga murid'E na-
hunsake e ringang. ²⁴Sẽngkẽlẽndi
u pia anging maiha-ihã timang-
ga su rano e hakiu sakaenge tẽ-
takaleng u wẽlladẽ e. Su tempo
ene Mawu Yesus e kapẽhẽdange.
²⁵Ene manga murid'E himaungke

^e apaꝛẽba ^f longgoi ^g pangiruleeng

kū namukōe si Sie. "Tuang! Ambangeko! I kitē kai miwonohē!" angkuēng i sire.

²⁶ "Kawe unūe i kamene nēngkataku?" angkuēngu Mawu Yesus. "Kai kadodo pangangimang i kamene si Sia e!" Bōu e i Sie rimarisi e kū namalēndihē anging dingangu rano e. Tangu mēngkatewe nalēne-lēnehē.

²⁷ Manga murit'u Mawu Yesus nēngkaherang. Angkuēng i sire, "Kai taumata kerea-pa ēndaie, kalungung anging dingangu rano e kawe mahimang si Sie!"

**Mawu Yesus napakapian
duangkatau niwalīuangu
rohkē dalai.**

(Mrk. 5:1-20; Luk. 8:26-39)

²⁸ Mawu Yesus nahumpae su sēmbēkan dano su soang Gadarā. Pai sene i Sie nihaungangken taumata niwalīuangu rohkē dalai duangkatau. I rēdua e kai taumata makatatakū tā sihinge, hakiu tā u sarang sēngkatau nakalawes'u raleng ene. ²⁹ I sire nahunsēbang bōu manga ralungu wangkang kubulē kapēmansage,

"Ahus'u Ruata, sarung pēkapuraneng'U i kami e? Kai seng mapulu manigēsā si kami maningbe wēdang baline tempone?"

³⁰ Ene tawē karaune wōu ene, piako ghapaēngu wawi malawō-lawō kapēdēdeae kaēnge. ³¹ Tangu manga rohkē dalai e nēmpēkalīomanengke si Sie angkuēng, "Kereu i kami e itokol'u, ute rolohēko i kami pasuē su ralungu manganā wawi tamai e."

³² "Dakōe!" angkuēngu Mawu Yesus. Manga rohkē dalai e nahunsēbangke wō'i rēdua e, kū nahunsuē e su manga wawi ene. Kuteu manga wawi e nahuntalangke apid'u nahuntumpa wō'u wiwihu tagialu sarang dano e, mase nēngkalēmīsē.

³³ Mēndalukadē bawi e nahuntalang solong soa, kū nēmpēbēkem patikū apan nariadi su wawi ringangu su ruangkatau niwalīuangu rohkē dalai e. ³⁴ Tangu sēngkasoange mēngkatewe nahunsēbang nanēnsomahē Mawu Yesus. Su tempong i sire nakasilōe Mawu Yesus, i sire nēmpēdorongke sēngapam botonge tadeau i Sie manēntang bōu wanuan sire.

Mawu Yesus napakapian tau
nipeosě

(Mrk. 2:1-12; Luk. 5:17-26)

9 Mawu Yesus simake e su sa-
kaeng, ku liměbae rano, ku
nēsule su soan'E. ²Pai sene tau-
mata e nēmpanondāen tau nipeo-
se su anun'E, ruḍaloka su tēpihě.
Tangu Mawu Yesus nakasilōe ka-
sarian pangangimang i sire e,
ku i Sie nēhengetangke su tau
peosě ene angkuēng, "Pakata-
rimāe naung u amang! Kaḷawou
rosanu e seng niampungang."

³Manga mananētirong a-
gama mēmpěbēbera suralungu
naung i sire angkuēng, "Tau
ēndaie kai mēlēhodatě Mawu
Ruata e!"

⁴Mawu Yesus e masingkau
tinēnnan sire, ku i Sie nē-
hengetang, "Kai unue i ka-
mene mēmpětētinnēna raḷaki?
⁵Sude nēngalembon nētatarang:
mēberau, 'Dosanu e seng niam-
pungang' arau, 'Pěbangungke, ku
daleng'? ⁶Arawe Ia kai mapaka-
singka si kamene u su dunia ini
e Ahus'u Taumata kai kawasa
mangampung dosa." Tangu Ma-
wu Yesus nēhengetang su tau

peosě e, "Pěbangungke, sapuāe
raḷokaēngu ku kapule e!"

⁷Tau peosě e nēbangung di-
ngangu napule sarang baḷene.

⁸Tangu taumata ḷawō nakasilōe
halě ene, nēngkatakuē ku nēmpě-
dalōe Mawu Ruata watuu seng
nangonggou kawasa kerene kasa-
riane su taumata.

Mawu Yesus kimui si
Matius

(Mrk. 2:13-17; Luk. 5:27-32)

⁹Ene wou e Mawu Yesus
nanēntangken soa ene. Kapahun-
dalenge i Yesus nakasilōe magha-
ghělle bea sēngkatau maiang su
waḷem pēmamaehang bea e a-
rengē i Matius, ku nēhengetang si
sie, "Toḷeko Sia!"

Tangu i Matius nēbuāe ku ti-
mole e Mawu Yesus.

¹⁰Pia e Mawu Yesus ka-
kaēnge su waḷeng Matius,
narēntae lai i sire maghaghělle
bea riō natimu, ringangu a-
pang lēnnaēngu taumata ḷawōe
kai taumata raralai,^h ku nahung-
kaēng sēngkakaēng dingangu Ma-
wu Yesus dingangkewelain manga
murit'E. ¹¹Pia i sire tau Fari-
si nakasilo halě ene, nakiwaḷōe

^h waradosa

9:10-11: Luk. 15:1-2

su manga murit'u Mawu Yesus, "Kawe un̄e manan̄entirong kamene kawe kukāng dingangu maghagh̄elle bea ringangu tau-mata war̄adosa?"

¹² Mawu Yesus nakaringih̄e kakiwal̄on sire mase simimbang angkūng, "Mālahuwekae tawe wahāluas'u pia mangangundang e, plane e apan masaki. ¹³ S̄esuieko m̄ensang apa mangalem ayat'u Winohe Susi ini: 'Ia e kai m̄eḡegaus̄e, ta-tal̄entu, bal̄inewe sas̄emba binatang'. Bat̄u Ia dim̄enta wal̄inewe kumui apam mālaadil̄e kaiso kawe apang bar̄adosa e."

Hal̄e u p̄etat̄ellingⁱ

(*Mrk. 2:18-22; Luk. 5:33-39*)

¹⁴ B̄ou e manga tumatōle si Yohanes Mananahani e n̄emp̄d̄enta su anum Mawu Yesus, k̄u nakiwal̄ou, "Kawe un̄e i kami ringangu tau Farisi e m̄ep̄puasa wue, arawe manga murit'i Tuang kawe tala?"

¹⁵ Mawu Yesus simimbang, "Kereapa ngae su tin̄ennan kamene? Botonge sake su sal̄iwangu p̄kakawinge lumahunsusa kereu kagh̄iang es̄e e w̄edang e-

ne sutaloaran sire? Tantu tala wue! Kai h̄edowen su tempong kagh̄iang es̄e e al̄akeng b̄ou anun sire. K̄u su tempo ene wuh̄ue i sire m̄emp̄t̄elling.

¹⁶ Tawe taumata m̄end̄epel'u riris̄e buhu su laku t̄ebe. Bat̄u riris̄e ene kai m̄engahimb̄es̄o dingangu makaghehe laku ene hakiu makakatapeng gehe e li-membong kasariane. ¹⁷ Kerene lai tawe makap̄endālingu anggor̄e buhue su rālungu wakuh̄e^j pisi seng t̄ebe. Bat̄u wakuh̄e ene e kai māb̄ese ringangu magholang, mase anggor̄e e māboso. Anggor̄e buhue harus̄e itaho su rālungu wakuh̄e lai wuhu tadeau i r̄edua ene mapiawe k̄ebi."

P̄ebawangungu ana u t̄embonang u wal̄em p̄ekakaliomanengang dingangu tau wawine nanenggeh̄e laku u Mawu Yesus.

(*Mrk. 5:21-43; Luk. 8:40-56*)

¹⁸ Pia e Mawu Yesus kap̄e-hengetange su manga tumatōle si Yohanes M̄enanahani e, ute rim̄entāe s̄engkatau t̄embonang u wal̄em p̄ekakaliomanengang. I sie n̄etump̄ekuh̄e su t̄engom Mawu Yesus dingangu n̄ebera, "Anaku

ⁱ p̄epapusa ^j kawih̄e

9:13: Mat. 12:7, Hos. 6:6

wawine wuhu-wuhu nate. Kai karimako i Tuang deng dumēnta mēdeau makapēnēlid'u līman'U e tadeau i sie mēbiahē kapia."

¹⁹Ene Mawu Yesus dingangu manga murit'E mēngkatewe nēbua kṽ timole si sie.

²⁰⁻²¹Ene kapahundalenge kai pia tau wawine kṽ seng mapulo dua su taunge karēngue masaki dēdalengangu raha, himaung si Yesus wou likude. I sie mētētinnēna u, "Manieng kētaeng manenggehē kakingkaeng'E, ia e mang sarung mapia." Mase i sie nanenggehe humbung kakingkaengu Mawu Yesus.

²²Su orasē ene lai Mawu Yesus nēbihue kṽ nakasilo si sie, kṽ nēbera u, "Pakatarima bue inang! Ualingu pangangimangu e nakapia si kau!" Ene tau wawine e nule e wou orasē ene.

²³Bou e Mawu Yesus nangengke su walen tēmbonang u walem pēkakaliomanengange. Saraeng i Sie nakasilo mēmamusikē u pēhampugang dingangu taumata lawo mēmpēgēgano-hae, ²⁴i Sie nēhengetang si sire, "Sēbangko kēbi i kamene! Dariu ini e tawe nate; i sie kētaeng mētētikī."

I sire kēbi nēmpēheghesē Mawu Yesus. ²⁵Kṽ saraeng taumata

lawo nahunsēbang, tangu i Sie simuē e su ralungu kamar'u rario e, mase nangumpaede lima-ne. Tangu rario e nēbangungke. ²⁶Habarē ene e nasēsahe su kaguwau wanua ene.

Mawu Yesus napakapian tau wuta ruangkatau

²⁷Kuteu, saraeng i Yesus dimaleng bou ene, i Sie kai niwatukangu tau wuta ruangkatau kapēkuine angkuēng, "Talēntukong kandua e Ahus'i Daud!"

²⁸Saraeng i Yesus simuē su wale, tau wuta rarua e himaungke si Sie. Ene i Yesus nakiwaloe si rēdua, "I rua mangimang u la makakaulewen dua wou sakie?"

"Mangimang Tuang!" angkuēng i rēdua.

²⁹Mase Mawu Yesus nanenggehe matan dēdua apid'u nēhengetang, "Ualingu i rua mangimang, ute kariadiē ke-re lēharapeng i rua." ³⁰Tangu i rēdua e nēkēllae. Ene Mawu Yesus kai nēsēding masēga-sēgadē u kumbahang mēhabar'u halē ene si sai-sai.

³¹Kaiso i rēdua e mang nahundaleng nēdalahabar'u Mawu Yesus su kaguwau wanua ene.

Mawu Yesus napëberan tau mou

³² Pia i rëdua kapahulintue, tangu piako i anu mou nisawelangu rohkë dalakî niëntudë su anung Yesus. ³³ Mawu Yesus nanokoleng rohkë dalakî e, ku i anu mou e nakaweræ. Taumata lawoë nëngkaherangke ringangu nëmpëbera u, "Kakakoå kereini e tawe kinasilo sarang sënsule su Israel e!"

³⁴ Kai tau Farisi e nëmpëbera u, "kai tëmbonang u rohkë dalakî e nangonggou kawasa si Sie mëdeau manokolë manga rohkë dalakî e."

Mawu Yesus timalëntu nakasilo taumata lawo e

³⁵ Kerene raralengu Mawu Yesus bou soa sëmbau sarang soa waline, wou kampong sëmbau sarang kampong baline. I Sie manëntiro su manga walem pëkakaliomanengang, dingangu mëlëhabar'u Injilë maanun kararatuang u Mawu. I Sie mapakapian taumata wou kalawou haghin sakî dingangu kurangu wadang. ³⁶ Ene Ma-

wu Yesus tūtalëntu i sire, watuu i sire mëngkatewe nionganenge ringangu tawe makapëkapura, mës langkewen domba ta mëndalukade. ³⁷ Ku i Yesus nëhengetang su manga murit'E, "Pamënsakenge malawo bue, arawe mëmamënsæ kawë mahali. ³⁸ Tangu pëdorongke su taghuangu waelë e tadeau mëndoloh'u mamamënsa ipamënsa."

I sire mapulo dua rarolohang'u Mawu

(Mrk 3:13-19, Luk. 6:12-16)

10 Mawu Yesus kimui si sire murit'E mapulo dua su kataune pinëkomolë, ku nëgëlli u kawasa si sire apënokol'u manga rohkë dalai dingangu mapakapian kalawou haghin sakî dingangu tëdu u wadang. ² I sire ene ute kai: humotong, i Simon (isësëba lai si Petrus) dingangu tuarine i Andreas, mase i Yakobus dingangu tuarine i Yohanes, manga ana i Zebedeus. ³ Bou e i Filipus dingang i Bartolomeus, i Tomas dingang i Matius maghaghëlle bea ringangkewen Yakobus ana i Alfeus, dingang i Tadeus; ⁴ mase pëngënsueënge i Simon, i Anu

Wahani ringang i Yudas Iskariot, i anu nētulaen Mawu Yesus.

Munara manga rarolohang

(Mrk. 6:7-13; Luk. 9:1-6)

⁵I sire mapulo dua e-ne niroloh'i Yesus ringangu nitumbaŕungang u, "Kumbahang mēmpahundaŕeng makahumpa u wanuam baŕine tau Yahudi. Dingangu abe lai kakoa sarang soan tau Samaria. ⁶Kaiso kahu-motongange kakoako sarang a-nun tau Israel apan nēngkailang. ⁷Pēhabarēko si sire u Ruata e sarung maŕigha mēparenta kere sēngkatau Ratu. ⁸Pakapiangkon masasaki; Pamiahēko apan nate; pakauŕekong apang pia sakie su pisi makatatakū, dingangu pēnokolēkon manga rohkē daralaŕai. I kamene seng nēnarimaŕu kēbi ene tawē bawahe, ku pēmpēgēlliko lai tawē bawahe. ⁹Abe pēmpēbawa roitē buŕaeng, roitē saŕaka arau lai roitē tambaga. ¹⁰Abeko lai pēmpēbawa kawih'u roitē arau lahaweng u rarua waug'u raralengu, arau sapatu, arau tēking. U i sai mēkēkaradiahange ute hinone wue makahombang laidope.

¹¹Kereu i kamene makahumpaen soa arau kampong sude, ute pēmpēdeabe si sai mapulu manarima i kamene. Kēngkatanabe ringange saŕaeweng i kamene mēmpahundaŕeng kapia wou ene. ¹²Kereu i kamene kaŕdange-nge su waŕe ute, pēberako, 'Karimakō Mawu e mēngaŕamatē si kamene.' ¹³Kamageng taumata su waŕe ene manarima u ene, ute pēngangadat'u e remben marēpang si sire. Kai kereu i sire tawe manarima i kamene ute kauŕe e kapia pangangadat'u e. ¹⁴Kereu pia baŕe arau soa tawe manarima i kamene arau tawēu rumaringihē si kamene, ute pahuntētangken kamene tampa ene ringangu tontongke awulē bou paŕed'u laedu. ¹⁵Tahēndungeko u, su Ēllong Kiamatē, Duata e maŕhaēngangbe mangonggou ampung su taumatan soan Sodom dingangu Gomora e suŕungken taumatan soa ene!"

Tatumbiagē sarung dumēnta

(Mrk. 13:9-13; Luk. 21:12-17)

¹⁶"Pēdaringihēko: Ia e mēndoloh'i kamene kere domba su taŕoaran sarigala marangēngisē.

Ku pakapapentesëko^k i kamene kere tempu ringangu pakatatulidë^l naung, i kamene kere paluma. ¹⁷Pakaralëndi bue, batu u i kamene sarung samekang ku ipëtëngo manga mēlahukung. U i kamene sarung ipakasigësə su kanisan sire. ¹⁸I kamene sarung isarakang su tēngo mangangawasa ringangu manga ratu ualingu i kamene kawe tumatoḷe Sia. Ku seng tempone si kamene waug'u mēmpēsahiding la si sire ringangu su taumata apəwem bēgan Duata. ¹⁹Arawe kamagengu i kamene kawe isarakang su mēlahukung ute, abe ghēnggangu kai mēbisara kerea. U apang iwerang kamene e kai sarung ihabarē si kamene su tempone. ²⁰U mēbēbisara su tempo ene e wali newe i kamene, kaiso kawe Rohkē i Amang su Sorga e suralung kamene:

²¹Sarung mariadi u taumata e sarung manarakangu anau sēmbaue sēsane mēdeau ipakapate. Dingangu ene lai sarung mariadi sutaloarang amange ri-

ngangu anae. Manga anə sarung dumoka si ninange ringangu si amange ku manarakang i sire mēdeau pakipate. ²²I kamene sarung ipēbinsi u kēbi ualingu i kamene kawe tumatoḷeKu. Arawe i sai makakēdang sarang pangənsueēnge, sarung masalamatē. ²³Kereu i kamene sēsahusuang su soa sēmbau, ute pahuntalang solong soa sēmbau. Ia mauḷi si kamene: U mambeng kahēngang tēntalang i kamene reng ta nakəsuen pēpide kaḷawou soang Israelē e, Ahus'u Taumata e seng dimēnta.


²⁴Muritē e wali newe limembong gēguwa bou mananēntirone, ringangu ēllange wali newe limembong kasēllahē wou mawune. ²⁵Seng kapapiane kereu sēngkatau muritē mariadi kere mananēntirone, ringangu sēngkatau ēllange kere mawune. Kereu matimad'u wale seng nisēba si Beelzebul ute, rumakeleng kawe raḷohom balene. I sire sarung kaghēlirangu areng limembong karalakise!"

^k pakapelesa ^l pakatumpiako

10:16: Luk. 10:3 10:17-20: Mrk. 13:9-11, Luk. 12:11-12, 21:12-15

10:21: Mrk. 13:12, Luk. 21:16 10:22: Mat. 24:9, 13, Mrk. 13:13, Luk. 21:17

10:24: Luk. 6:40, Yoh. 13:16, 15:20 10:25: Mat. 9:34, 12:24, Mrk. 3:22, Luk. 11:15



Hënggeng (10:29)

Këngkatakuben Mawu Ruata

(Luk. 12:2-7)

²⁶”Abe këngkatakü u tau-
mata. U tawëu kałahëmbung kü
tawe ikasilo, dingangu tawëu
kabawuni kü tawë kasingka-
teng. ²⁷Apaeweng takü nipauli
si kamene su marëndung, uliko
su matualagë. Dingangu apa-
eweng nisasiang su tuling ka-
mene ute wohangko pakaliku!
²⁸Abe këngkatakü i sire apam
mëmpamate wadang, kai tawë
kawasa mëmpamate himukudë e.

Kai këngkatakuben Mawu Rua-
ta kü kai makabinasa himu-
kudë ringangkewelaing badange
su naraka. ²⁹Hënggeng duam-
bau botonge kawëliangu roitë
sëngkalëpa kakadodokange. Ma-
ning kerene kai tawëu sarang
sëmbau manawo su ëntana su li-
kud’u kasingka i Amang i kame-
ne. ³⁰Kakëpalu uta su tëmbo
u seng nirekenang këbi. ³¹Batuu
ene, abe këngkatakü! I kamene
limembowe maarëga wou manga
hënggeng!”

Mangakun Yesus su tëngong lawo

(Luk. 12:8-9)

³²”Tangu i sajewen manga-
kung la su tëngon taumata e,
sarulaing takü iaku su tëngong
AmangKu su Sorga e. ³³Arawe i
saing kawe mësunialë su tëngong
lawo, la e lai sarung mësunial’i
sie su tëngong AmangKu su Sor-
ga.”

Balınewe pëdarame, kaiso kawe pëdaroka

(Luk 12:51-53, 14:26-27)

³⁴”Abe pëmpangiralingu la e
kawe rumëntam pëdarame su du-
nia ini. la e walınewe rimëntam

pëdarame, kaiso kai pëdaroka.
³⁵Ia e rimënta mapëdara ļai anā u esë dëduang amange, anā bawine rëduan ninange, ringangu anā mirarating bawine e rëduan ninange kinaratingang. ³⁶Ore, ku sarung mariadi sëdu kaguwakenge, ute kai raļohong balene sësane.

³⁷I saing kukëndag'i amange arau i ninange limembo wou Ia e, tawe hinone makoā muritëKu. Kerene lai isaing kukëndagu anāe esë arau anāe wawine limembo wou Ia e. ³⁸Dingangu i sain tawe mapulu mamasaëng kuruisë e ringangu tumole si Sia, ute tawe hinone makoā muritëKu. ³⁹I sai mëtëtatahangu pëbawiahë sarung kailangeng pëbawiahe, arawe i sai mëtëtatahangu pëbawiahë e ualingu satiane si Sia, e ute, sarungbe makahombang pëbawiahë."

Alamat'u pëkakoā mapia e
(Mrk. 9:41)

⁴⁰"I sai manarima i kame-ne ute, manarima Ia. Dingangu i sai manarima Ia e ute manarima i Sie nëndoloh'u Ia e.

⁴¹I sai manarima nabi, ualingu i sie kai nabi ute, sarung manarima bawalise waug'u sengkatau nabi. Dingangu i sai manarima sengkatau mapia ualingu i sie mapia ute, sarung manarima bawalise waug'u sengkatau mapia. ⁴²I sai mapënginungu sengkatau wou taļoaran sire kasiang ini e manjeng tumba u akë lënding ualingu i sie kawë muritëKu ute, pëmpangimangke u i sie mam-beng têngadë sarung manarima bawalise!"

Darolohang i Yohanes Mananahani

(Luk. 7:18-35)

11 Saraeng i Yesus bouten nangonggou manga tëntiron'E kerene su murit'E mapulo dua e, i Sie nanëntangken tampa ene. I Sie tamai manëntiro ringangu nangeken hengetang'u Ruata su manga soa mararanine.

²I Yohanes Mananahani nang katatahungkue kai nakaringihë kakakoau munarang Kristus. Bou e i sie nëndoloh'u tumatole-ne pirangkatau apakakoā sarang

anung Yesus pakibalo, angkueng,
 3 "I Tuang ngae sarung dumenta
 kere su kedom Mawu Ruata, a-
 rau i kami kai mangampale tau-
 mata waline?"

4 Mawu Yesus simimbang,
 "Pempelale ku pauli si Yoha-
 nes apang kinaringihẽ dingang-
 u kinasilong kamene: 5 Tau wuta
 nakasilo, tau peose nakaraleng,
 taumata pia sakie su pisi e
 makatatakue nule; tau wengelẽ
 nakaringihẽ, taumata nate e
 nebiahe kapia, ringangu Injile e
 nihabare bue su taumata ka-
 siang. 6 Kariangkamang i sain ta-
 we mebwinsu u Ia e!"

7 Samurin manga rarolohang
 i Yohanes ene naraleng, tangu
 Mawu Yesus nanetae nehenge-
 tang su taumata lawo ma-
 nung Yohanes, angkueng'E, "I
 kamene nengkakoa solong ba-
 nua linggi e kai nekakellaẽ a-
 pa? Dempuge tetiukangu anging?
 8 Kai a tamai nikakellaeng i ka-
 mene? Arau kai sengkatau mepẽ-
 pakeang malenggihe ngae? Tau-
 mata apam mepẽpakeang kere-
 ne ute kai metetana su walem
 mararatu. 9 Unue wue i kame-
 ne makoa solong banua linggi?
 Mẽmanda sengkatau nabi tangu?

Kahengang bue, luhud'u nenga-
 lembo lai wou sengkatau nabi.

10 Batuu kai i Yohanes ene ilẽha-
 bar'u Winohe Susi ini,

'Ini e kai rarolohangku,
 angkuengu Mawu Ruata,
 Ia dimoloh'i sie pengalimona
 woi kamene
 tadeau i sie mamuka raleng
 baug'i kamene.'

11 Pẽtahẽdung! Su dunia ini
 tawe taumata limembo woi Yo-
 hanes Mananahani. Maning ke-
 rene, i saing kakadodokange su
 taloarang kawanuan Duata e li-
 memb Bowen geguwa woi Yohanes.

12 Dokeng boi Yohanes mange-
 keng habare sarangkeng orase i-
 ni e, kawanuan Duata e red-
 katengu taumata apam mengkai
 mangala kawasa e ringangu wun-
 tale. 13 Sarang darẽtang Yoha-
 nes, kalawou titan Musa ri-
 ngangu tentiron manga nabi e
 mnenẽbal'u apang hinom ma-
 riadi. 14 Ku kereu i kamene
 mẽmpangimang bue ute, i Yoha-
 nes ene kai i Elia, ku darẽtane
 seng nitẽbalẽ. 15 I sain pia tuline
 ute pẽdaringihẽ!

16 Taku isihing suapa tangu
 taumatang orase ini e? I sire

kai kere manga rario mahung-
kaiang su pasarē. Sēnggalipoho e
mēmpēkēkui si sire waline, ¹⁷ 'I
kami mēkantari u kakantari ma-
kaḷuasē si kamene, kaiso i ka-
mene mang tawēu mēmpēsai!^m
I kami e mēkantariweng kan-
tari u pēhampugang kaiso i ka-
mene mang tawēu mahunsangi!¹⁸
I Yohanes e rimēnta – i sie
nēpuasa ringangu tawe nangi-
nung anggorē; ku taumata e
nēmpēbera, 'I sie kai nikase-
tangeng!' ¹⁹ Ēndai Ahus'u Tau-
mata e rimēnta – i Sie kimaēng
dingangu nēnginung; mase tau-
mata e nēmpēbera, 'Kakēlla tau
ēndai! Kombangeng, tahawuka-
neng, hapiu maghaghēlle bea ri-
ngangu taumata waradosa.' Ma-
ning kerene, kai katatahuēnnan
Duata e limēta bue wou kaḷawou
ualine."ⁿ

**Kaḷawou soa ku ta
mēmpangimang**
(Luk. 10:13-15)

²⁰ Bōu e Mawu Yesus na-
nētae nanēngkulē kaḷawou soa,
suapang i Sie kasauange mēkoā

tanda makalaherang. Batu tau-
mata suapan soa ene tawe ma-
pulu mētobatē bōu rosan sire.
²¹ "Kaēngkēhang i kamene Kora-
zim! Dingangu kaēngkēhang lai i
kamene, Betsaida! U kamagengu
kaḷawou tanda makalaherang ni-
koā seng nariadi sutaḷoarang ka-
mene su Tirus dingangu Sidon,
ute angkeēnge taumata apan se-
ne sembem marēngu nēmpēto-
batē bōu kaḷawou rosan sire ri-
ngangu nēmpēlutu mase nēmpa-
nawuh'u awu su tēmbō i sire.
²² Pētahēndung, u su Ēllong Kia-
matē, taumatan Tirus dingang-
u Sidon e limembowen kaḷowōe
ampungangu Ruata wou i ka-
mene! ²³ Ringangu i kamene Ka-
pernaum! I hengkē sarang sor-
ga ngae i kamene? Tala wue!
Buā i kamene ute sarung iwa-
hung su naraka! U kawe mangae-
we kaḷawou tanda makalaherange
nikoā sutaḷoarang kamene e seng
nikoā lai su Sodom, ute So-
dom e wēdangbe lai ene orasē
ini! ²⁴ Pētahēndung! U su Ēllong
Kiamatē e tau Sodom sarungbe
limembong kaḷowōe ampungangu
Ruata e wou i kamene!"

^m Lumaodong = menari ⁿ nēnggae = hasilnya

11:21: Yes. 23:1-18, Yeh. 26:1-28:26, Yl. 3:4-8, Am. 1:9-10, Za. 9:2-4

11:23: Yes. 14:13-15, Pēnd. 19:24-28 11:24: Mat 10:15, Luk. 10:12

Dëntako su anuKu*(Luk. 10:21-22)*

²⁵ Su tempo ene Mawu Yesus nëkalìomaneng, "O i Amang, Mawu mēngēngawasa langi ringangu dunia! Ia makitarimakasē si Kau, u kēbi ini e kinalirungu wou mapapande ringangu mata-tahuēna e, kù nilahēu su taumata rararodō. ²⁶ Kù kai ene nāung mētētatahino si Amang."

²⁷ Mase Mawu Yesus nēhengetang, "Patikū sabarange seng nisarakang i Amange si Sia. Tawēu makakirala Ahusē, sulung Amang. Tawēu lai makakirala si Amang, sulung Ahusē, dingangu si sai-saiewe pēlahakang i Amang kahiaeweng Ahusē e.

²⁸ Dëntako su anuKu i kamene kēbi apan nēngkasaghedē dingangu nēngkawēha u wawawaēnge; Ia e sarung mapangiruleng kamene. ²⁹ Pēmpētōleko titaKu e dingangu pēmpangēndungko si Sia e i kamene. U Ia ini e kai masikome ringangu masana naungKu, kù i kamene sarung makapēndang malunsemahē. ³⁰ U kalawou titaKu e makaluasē, dingangu wawawa-

ēng takū pakipasaēng si kamene e mahaēng!"

Kakiwalō māanung ēllon Sabatē*(Mrk. 2:23-28; Luk. 6:1-5)*

12 Pia sēnsulē su ēllon Sabatē, pia e Mawu Yesus simahe wael'u gandum, manga murit'E e nanētaē nēmpamēnsa gandum, kù nahungkaēng batūu kai seng kinalunusang. ² Sarangke kinasilon tau Farisi e ute i sire nēmpēberae si Sie, "Kēllae! Manga murit'U e limawang torat'i kite dingangu nēmpēkoabe apan isēsēding su ēllon Sabatē."

³ Mawu Yesus simimbang, "I kamene kai ta nakabasa apa kinoa i Daud pia i sie ringangu manga taumatane kinalunusang? ⁴ I sie kawe simuē su ralungu Walem Mawu Rua-ta; mase kimaēng borotē nāung seng nakoā sasēmba su Mawu. Sēmbaliau tumuhū torat'i kite e, i sire sēndinganenge kawe pēlli mahungkaēng borotē ene kaiso mantiewen manga imange wotonge. ⁵ Arau kai wēdang ta nakabasa i kamene su ralungu torat'i Musa u apang ēllon Sa-

batě e manga imang mēm̄unara su Walem Mawu, k̄u l̄ulampa atorang'u ěllon Sabatě, kai tawe nipēsala? ⁶Tatingangko apa taku niwera ini: endai kai piā limembong kasēllahe wō'u Balem Mawu e. ⁷Su raḷungu Winohe Susi e maḃawohe: I kēkapuluku e kai pēkakakēndagě e, wal̄inewe sasēmba binatang. Kereu i kamene kahēnga-hēngang nakaēnna waweraku e, ute mambeng tawe sarung mapēsalaḃang apan tawe salane. ⁸Baugu Ahus'u Taumata e kai kawasa su ěllon Sabatě e."

Tau limane sēmbēka nipatene

(Mrk. 3:1-6; Luk. 6:6-11)

⁹Mawu Yesus nanēntangken tanpa ene k̄u simuě su wal̄em pēkakaliomanengang. ¹⁰Akuteu sene kai piā tau limane sēmbēka nipatene. Pirangkatau mēdēdeā ai u mapēsēsala Mawu Yesus k̄u mēmpakibalo si Sie, "Botonge mapakapian masasak̄i su ěllon Sabatě?"

¹¹Mawu Yesus simimbang, "Mangawe piā u sēngkatau wou taḷoarang kamene piā dombane, k̄u su ěllon Sabatě domba e ne nataho su wangka maraḷung;

k̄u kereapa wue taghuang'u domba e tawe mēnēngalě k̄u matung domba e wou lohange? ¹²Kuteu taumata e kawē limembom maarēga wou domba e! K̄u maeng kerene, botonge wue mētulungu taumata su ěllon Sabatě." ¹³Bou e i Sie nēhengetang su tau e, "Uḷuhēko limanu."

Tau e nanguluhe limane, tangu limane nulě e, mēsulungkelain limane sēmbēka. ¹⁴Arawe taumata Farisi e nahunsēbangke wou wal̄en pēkakaliomanengange, mase nēmpēkakirē e mēdeāu mate.

Darolohang pinilen Duata

¹⁵Mawu Yesus nakahēngangke u tau Farisi e piā dialē rumoka si Sie. I Sie rimalengke wou ene kuteu kai nitolengu taumata ḷawo-ḷawo, k̄u i Sie napakapian kaḷawou masasak̄i. ¹⁶K̄u i Sie nēsēdingken sire mēmpēbawēken Sie su taumata wal̄ine. ¹⁷Uaḷingu ene ute nisēhue apang pinēhengetang'u Mawu Ruata kere tēbaḷu nabi Yesaya,

¹⁸ "Kai ini e rarolohangKu Taku pinile,

i Sie ikëkëndagëKu
ringangu mëtëtatalahino
su naungKu e.

RohkëKu e Taku isarakang si
Sie,

kalaadilëKu e sarung ipa-
kasingka su patiku bansa.

19 I Sie tawe sarung manitori
arau mëmansagë,^o

arau mëtahawerang su
manga raleng gaghuwa.^p

20 Hiung napëkuhë e tawe
pëdiang'E

ringangu soło mēdēdusë e
tawe tiukang'E.

I Sie sarung mëtätëtolë
sarang makawuna u kaadilë;

21 patiku bansa e samatang
mëlëharapë si Sie."

Mawu Yesus dingangu Beelzebul

(Mrk 3:20-30, Luk. 11:14-23)

22 Ene niëntuden su anun
Yesus sengkatau wuta ringang-
u ta kawawera ualingu pinaka-
wasaëngu rohkë dalaki e. Mawu
Yesus napakaulen tau ene hakiu
i sie nakawera ringangu nakasilo.
23 Kalawou taumata e nēngkahe-
rang ku nēmpëbera u, "Walinewe
i Sie ini ngae Ahus'i Daud kere
naung su këdo e?"

24 Arawe tau Farisi naung
makadingihë ene, i sire nēmpë-
simbah'u, "Tau ëndaie këtaeng
makapanokolë rohkë dalai e
ualingu i Beelzebul, tēmbonangu
manga rohkë dalai e, seng
nangonggou kawasa si Sie."

25 Mawu Yesus masingkau
tinēnnan tau Farisi e, ku i Sie
nēhengetang si sire, "Kamageng
kararatuang sēmbau mapahia pi-
rang kamonaëng, mase sēmbau
dingangu waline mēdaralai, u-
te kararatuang ene tawe tumei,
kaiso mang maromba. Dingangu
soa sēmbau arau wou taloarang
anau sengkatau e mēkaliaesë ku
mēmpēsëdu sēmbau su waline u-
te mang maghoghahë. 26 Kerene
lai su ralungu kararatuang'u se-
tang; kereu kamonaëng sēmbau
mēndalai kamonaëng baline ute,
kararatuang setange seng napa-
hia-pahia ku mang sarung ma-
gholang. 27 I kamene mēbëbera
u Ia manokolë rohkë dalai
ualingu kawasam Beelzebul. Ka-
mageng kerene ute, kai ualingu
kawasan sai tumatolë si kamene
e mēmpanokolë rohkë dalai? I si-
re apan tumatolë si kamene hala
e mapēsësalan kamene! 28 Arawe
Ia e kawé manokolë rohkë dalai

^o mēbuheang ^p su manga taloaran soa

12:18-21: Yes. 42:1-4 12:24: Mat. 9 34, 10 25

u_lingu kawasan Rohkě'u Mawu. Ku ene mangalene ute, Mawu Ruata e seng maněta mēparenta su taloarang kamene!

²⁹ Kereapa tangu makakasue su walēn sengkatau taumata matoghasě ku mamulaho rarotonge, kereu i sie tawe mangikie⁹ tau matoghasě e kalimona? Mase wou ene i sie wuhue makapulaho rarotonge.

³⁰ I sain tawe manumbeka wou Ia e ute nalahēu i sie rumoka si Sia. Dingangu i sai tawe mēsumbala Sia e ute, mambeng tēngadě makagholang halěKu! ³¹ Ualingu ene ute, kēngkasinkako, kereu i sai mēkěkoa dosa ringangu mēbēberang lahina-kang, i sie wotonge i kaampung. Kai kamegeng i sie mēhinakang Rohkě'u Ruata e i sie tawe ikaampung! ³² Arawe kereu i sie kawe mēbēberang bawera ipēndoka Ahus'u Taumata, i sie wotonge kaampung, arawe kamagengu i sie kawe mēhinakang Rohkě Susi ute, i sie tawe kaampungang, baē orasě ini kerene lai su aheratě e!"

Kalu ringangu manga wuane
(Luk. 6:43-45)

³³ "Mēdeau makahombangbe wuang kalu mapia e ute kalune harusēbe lai mapia. Kereu kalune ralaki, ute wuane malaing dalaki. U kai wou wuane kapēkiralaēng kalune. ³⁴ I kamene taumata ralai, i kamene kai makapēberawen mapia kereapa, kereu i kamene kawe ralai? Apang iwēbera mohong, ute ene kai tutompe bou ralungu naung! ³⁵ Taumata mapia e kai mēbēbera manga halě mapapia e batu i sie kai napenē u kapia. Arawe taumata ralai kawe mēbēbera manga halě daralai e batu i sie kai napenē u karalai.

³⁶ Ku pětahēndungko: u su Ėllong Kiamatě, sengkatau-sengkatau e mēnalud'u apam bawerane ku tawe mētatalahino. ³⁷ U kai wou manga waweranu hala e ku sarung ipakē ipēnilakehu i kau mēnsang nēsala arau nihino."

⁹ mēhapusě = mengikat

12:30: Mrk. 9:40 12:32: Luk. 12:10 12:33: Mat. 7:20, Luk. 6:44
12:34: Mat. 3:7, 23:33, 15:18, Luk. 3:7, 6:45

**Tau Farisi mēgēgausē Mawu
Yesus paṇodeu tanda
makālaherang**

(Mrk 8.11-12, Luk. 11.29-32)

³⁸Bou e pirangkatau manānti-ro agama ringangu manga tau Farisi e nēmpēbera, "Tuang Guru, i kami kai mapulu reng makasilo si Tuang mēkoā tanda makālaherang."

³⁹"Apae karālai dingangu kaḍuruhakane manga taumata tempo ini!" angkuēng Mawu Yesus. "I kamene mēdēdo-rong si Sia pēkoā tanda makālaherang? I kamene tawe ghēlirang u tanda makālaherange maning-lai tumbau sēmbau, tabeau katewe tanda makālaherang i nabi Yunus. ⁴⁰I Yunus e nāung tēllu ēllo tēllu hēbi suralungu tiangu kinā gēguwā. Kerene lai Ahus'u Taumata e malaing tēllu ēllo tēllu hēbi su ralungu unid'u dunia. ⁴¹Su Ēllong Kiamatē tumanau Niniwe sarung mēmpēbangung dingangu taumatang orasē ini kṽ mēmpēhukung i sire. U taumatan Niniwe e kai seng nēmpētobatē bou kaḷawou rosan sire, pia i Yunus e seng mēnēnasē si sire. Kaiso orasē ini

e ēndaī piakong lai nangēlembong kasēllahe wō'i Yunus e! ⁴²Su Ēllong Kiamatē e, datu wawine wou wanuan sēmbēkang timuhē e sarung mēbangung dingangu taumata orasē ini e kṽ mēhukung i sire. U i sie rimēnta wou pondol'u dunia e mēdeau makaringihē kapanden Salomo. Kuteu ēndaīe kawe pia nangēlembong kasēllahe wō'i Salomo!"

Pēsasuleng rohkē dalai

(Luk. 11.24-26)

⁴³"Kamageng rohkē dalai e mēmpēsēbang bou pēsēngkatau, ute rohkē ene mēpēpaiwuhī banua mamara mēdeau pēngirulēng, kaiso tawe makalahombang. ⁴⁴Ualingu ene i sie nēberau, 'Ia sarung mēbaī kapia su wale kṽ seng takṽ nitēntang.' Ene i sie nasongōe sene, kuteu wale e kawe tā taune, wurēsi ringangu mahundugē. ⁴⁵Mase i sie rimaleng kṽ namaringang si sire pitu rohkē baline kṽ limembong karālaīe wō'i sie. Bou e i sire simuē su tau ene, kṽ nētumana sene. Kṽ pangēnsueēnge kakakoau tau ene napaliung karalakīe wou kaḷamona. Kṽ kerene lai sarung

mariadi su taumata raralaḡ orasē ini.”

I ninang dingangu anau

sēmbau Mawu Yesus

(Mrk. 9:31-35; Luk. 8:19-21)

⁴⁶Ene Mawu Yesus bēdang kapēhengetange su taumata lawo-lawo, tangu narēntae i ninang'E ringangu anau sēmbau'E. I sire māhundarisi su likude mēdeau mēbisaran Sie. ⁴⁷Sēngkatau wou taloaran taumata lawo nēberae si Yesus, "Tuang, i ninang dingangu manga anau sēngkataun Tuang e ene wawa su likudē. I sire mapulu mēbisaran Tuang."

⁴⁸Mase Mawu Yesus simimbang, "I sai i ninangKu? I sai manga anau sēngkatau-Ku?" ⁴⁹Bou e i Sie nanēbo su manga murit'E ringangu nēbera u, "Kakēllae, kai ini e i ninangKu ringangu manga anau sēngkatauKu. ⁵⁰Taumata apam mēmpēkēkoā kapulung AmangKu su Sorga, ute i sie anau sēngkatauku esē, anau sēngkatauku wawine ringangu i ninangku."

**Papinintu maanun
mananawuhē**

(Mrk. 4:1-9; Luk. 8:4-8)

13 Su ēllo lai ene Mawu Yesus simēbangke wou wale ene, mase nakoā sarang biwih'u rano e ku kimaian senē. ²Malawo kahēngang taumata nēmpētampung nēmpēliwung Mawu Yesus, hakiu ene i Sie simake e su sakaeng ku naiang, arawe taumata lawo māhundarisi e su apeng e. ³Mase Mawu Yesus nanētiroeng halē lawo nēpake u papinintu kerei.

"Tangu kai pia sēngkatau mēnanawuhē, dimaleng nana-wuhē bine," kerene Mawu Yesus nanētau wēkene. ⁴"Ara kapēnawuhe, pia e wine nasawuhē su raleng. Ku manu u winalangeng e rimēnta ku bine e nasueng temoe. ⁵Pia lai nasawuhē su tampa mawatu, ku ēntanane mahali. Manga wine ene mēngkate timuwo ualingu ēntanane manipi. ⁶Ara matangello e nasahengke e, tangu manga hētie nanētae nēngkalolang bou e nahēgu ri-



Huang gandum (13:4)

ngangu nate waug'u hamue tawe tumanju maralung. ⁷Pia lai wine nasawuhẽ su taloaran manga sumpini. Manga sumpinie nahuntuwo ringangu nẽmpangẽpisẽ manga hẽtje ene, sarangkewen nate. ⁸Kai piabe lai wine nasawuhẽ su ẽntana mapia, mase nẽmpẽbua e; pia u mahasu, pia u ẽnnungu puło, dingangu piabe lai nẽhaweng sarang tẽllum puło su sulene."

⁹Nasueeng bẽkene papinintu ene Mawu Yesus nẽhengetang u, "I sain pia tuline pẽdaringihẽ!"

Kawe unue Mawu Yesus mẽpẽpapinintu

(Mrk. 4:10-12; Luk. 8:9-10)

¹⁰Ene manga murit'i Yesus nẽmpẽhaungke dingangu nẽmpẽkiwaloe si Sie, "Kawe unue i Tuang mẽpẽpapinintu kereu mẽbisaran taumata lawoe?"

¹¹Mawu Yesus simimbang u, "Batuu i kamene semben niongotangu alamatẽ mẽdeau makakasingkau dahasiang kereapa Ruata e mẽparenta, arawe i sire ute tala wue. ¹²U si sai pia sarung ongotang limembong kalawoe, ringangu si sie ute sarung ipẽdalẽmbo. Arawe si sain tala ute, apaewen pẽkadodo si sie ute sarung panguleeng. ¹³Kai ene hakju la mẽpẽpapinintu kereu mẽbisaran taumata lawo, ualingu i sire mẽmpẽmẽmanda wue, kai mẽsulungu tawe makasasilu, i sire mẽmpẽdẽdaringihẽ bue kai mẽsulungu tawe makararingihẽ dingangu tawe makaẽenna. ¹⁴Ualingu ene ute natuhue kere nitẽbalu nabi i Yesaya,

'Ruata nẽhengetang:

I sire sarung tatapẽ
mẽmpẽdẽdaringihẽ

kai tawe makaẽenna;

i sire sarung tatapě
měmpěkěkəkəlla
kai wěga wue apan seng
nariadi.

15 U naungu sěngkawanuag ini
e sen něngkalumu,
tulın sire sen něbengelě,
dingangu matan sire sen
nipakawuta.
Ini e niapakariadi tadeau
matan sire kumbahang
měmanda,
tulın sire kumbahang
dumaringihě,
naung i sire kumbahang
makahěngang
mase kumbahang mėsule su
anuku.

kū Ia e mapakaulen sire.”

16” Kai eně e kapiane i ka-
mene,” angkuěngu Mawu Yesus
su manga murit’E, ”u i ka-
mene kahěngang-hěngang maka-
silo ringangu makadingihě. 17 Pě-
tahěndungko, kai lawo nabi ri-
ngangu taumata masatia su Rua-
ta mēměningu kumakəlla apang
kěkəkəllaěng i kamene orasě ini,
kai i sire tawe makasilo. I sire
mapulu mēmědaringihě apang
kınaringih’i kamene orasě ini. kai
i sire tawe makaringihě.”

Mawu Yesus mėləlahe u
papinintu maanun
mėnanawuhě

(Mrk 4:13-20; Luk. 8:11-15)

18” Pědaringihěko apa ma-
ngalem papinintu maanun ma-
nanawuhě e. 19 Bine apan nasa-
wuhě su ralenge tabidau tau-
mata apan nakaringihě habar’u
maanun kereapa Ruata e mēpa-
renta, kai tawe makalaenna. I
ralakie riměnta ringangu nanga-
ho apan seng nisawuhě suralungu
naung i sire. 20 Bine kū nisawuhě
su tampa mawatu, tabidau tau-
mata kū makadingihě injilě e-
ne, apid’u nēnarima u naung
maluasě. 21 Kaiso habarě ene ta-
we nēhamu suralungu naung’i
sire, hakiu tawe mararěpang.
Lěpase i sire kinahombange-
ngu susa arau tatumbiagě ka-
hian injilě e apid’u nēsuniałě.
22 Bine kū nasawuhě su talo-
aran sumpini e tabidau taumata
makadingihě injil’u Ruata, kaiso
kai gaghěnggangu pėbawiah’i si-
re ringangu mapulum pėbawiahě
marange. Ualingu ene, injilě e
nahepesě su ralungu naung i si-
re hakiwen tawě buane. 23 Ara-



Sumpini (13:22)

we wine ku nasawuhë su ënta-
na mapia e tabidau taumata a-
pam makadingihë injilë e apid'u
nakahëngang. I sire mëmpëbua
maławo, pia u mahasu, pia u
ënnungu puło, ringangu pia u lai
tëllum puło su sulene kaławoë."

**Papinintu maanun wineng
ëhe su taloarang gandum**

²⁴ Mawu Yesus nëbëke pa-
pinintu lai waline su taumata
lawoë angkuëng'E, "Kereu Mawu
Ruata e mëparenta ute kakakoæ
kai mësulungu papinintu kerei:
Pia sengkatau mëlahënsinuang
nangasi u wine mapia su waele.
²⁵ Su sëhëbi pia i sire kapahun-
tikie këbi, sëdwe rimënta nana-
wuhu wineng ëhe" su taloarang
" ëhe = dëmpugë

gandum ene, mase nënggeang.
²⁶ Saraeng manga gandum ene ti-
muwoë ringangu manga wuræ
nëmpësôngkangke, kuteu manga
ëhe kinasiloë lai. ²⁷ Kuteu manga
ëllange nëmpësôngoë su anun
taghuang u waelë e ringang-
u nëmpëbera, 'I tuang baline-
we mëşësuangu wine mapia su
wael'i Tuang? Ku kai kereapa
tangu sarang kawë pia ëhe timu-
wo sene?' ²⁸ Taghuangu waelë e
simimbang u, 'Ene e kai nika-
koa u sëdu.' Mase manga ëllange
nëmpëberæ kapia, 'I tuang ma-
pulu kereu manga ëhe ene ta-
mai ëbukang i kami?' ²⁹ 'Balæ,
angkuëng'E, 'U kamagengu ëhe
e kawë ëbukang ute mëntëhang

gandum kawē lai maēbu dingang.
³⁰ Balae apatuwo sēngkakatuwo
 sarang pamamēnsae. Ia e hēdo-
 wen mēbera su taumata apan
 mēmamēnsau: Komolēko kalamo-
 na manga ēhe e, iki kṽ tutung.
 Masene pēmpangomolē gandum
 kṽ deso su ralungu wasung.”

Papinintu maanun batun sawi e

(Mrk 4:30-32; Luk 13:18-19)

³¹ Mawu Yesus nēbēkeng lai
 papinintu sēmbau su tauma-
 ta lawo, angkuēng'E, "Kawasan
 Duata e, kakakoae kai kere pa-
 pinintu: Bakṽ u sasawi sēmbau
 nialau sēngkatau, kṽ nisuangē
 su waele. ³² Bakṽ u sasawi e-
 ne kai kakadodokangu kēbṽ bine.
 Kai kamageng seng tumuwo e u-
 te i sie makoā kasariaēngu patikṽ
 sasuang. I sie makoā kakaluang
 gaghuwā hakṽewen pēbēbaesangu
 manṽ u kinoaēng su manga le-
 lange.”

Papinintu maanung lahaesē

(Luk. 13:20-21)

³³ Mawu Yesus nēbēken lai
 papinintu walāe sēmbau su tau-
 mata lawo, "Kawasa Mawu e
 kai kere kakakoau lahaesē niala
 u sēngkatau wawine, kṽ nikaugē

nipēdalau u tapoēng ēpa puḽo su
 literē sarang nasue timuwo!”

Unuē Mawu Yesus mēpēpapinintu

(Mrk. 4:33-34)

³⁴ Kēbṽ nitēntiro Mawu
 Yesus su taumata lawoē ri-
 ngangu papinintu. ³⁵ Ualingu ene
 nasēhūe apang kṽ nitēbaḽu nabi
 u.

”Ia e sarung mēpapinintu

kereu mahumbisaran sire;

Ia e sarung mēlahēu

kalawo apam

mapapēnnisē dokeng bou

karariadin dunia ini.”

Mawu Yesus manualagu papinintu maanun ēhe sutaloarang gandum

³⁶ Bou e Mawu Yesus nēngge-
 angken taumata lawoē, mase ri-
 mangeng su wale. Manga mu-
 ritē e himaungke kṽ nēmpēberau,
 ”Kēnangko i Tuang pēnualagē si
 kami mangalem papinintun ēhe
 su taloarang gandum e.”

³⁷ Mawu Yesus simimbang,
 ”Mēnanawuhē bine kṽ mapia e
 ute kai Ahus'u Taumata. ³⁸ Baelē
 ene ute kai runia ini. Bine e
 mapia ene kai taumata apan
 seng nariadi kawanuan Duata

e. Manga ěhe e ute kai apan taumata kũ manumbĕka setang. ³⁹Sĕdũ kũ mĕsĕsuangu manga ěhe ene ute kai setang. Tempom pĕmamĕnsaĕ ute kai Ėllong Kiamatĕ, dingangu taumata apan mamĕnsaĕ ute kai manga malĕakatĕ. ⁴⁰Kerĕewe ěhe e niĕkako-molĕ dingangu niĕtatutung su putung, kerene lai sarung su Ėllong Kiamatĕ e. ⁴¹Ahus'u Taumata e sarung dumolohu manga malĕakatĕ mĕmpangomoľu apam makawodai taumata mĕbaradosa, ringangu kaľawou taumata apam mĕmpĕkĕkoľ dalakie wou taloaran umat'E. ⁴²I sire kĕbie sarung iwahung su raľungu sunggilĕ pia putunge ruďelli; Kũ sene i sire sarung pia parahulungkang dingangu mĕtatahangu sigĕsa. ⁴³Kũ i sai mĕmpĕkĕkoľ kapulun Mawu e sarung su sĕnnang kere matangĕllo su Wanuan Duata Wuhu e, Ruataĕ i Amang i sire. Kũ kereu pia tuľi ute pĕdarinhĕko!"

Papinintung arĕta maľaambung

⁴⁴"Kamagengu Mawu Ruata mĕparenta kakakoľe kai kere papinintu ini: kai pia arĕta kũ maľaambung su raľungu ĕntana kũ nikaĕbakengu sĕngkataue, ma-

se niľĕbing kapia su raľungu ĕntana. Tangu kahiaĕn daluase tau ene nĕbaľuĕn patiku darotonge, mase saľ nĕsuľe kũ namĕlli ĕntana ene."

Papinintu maľanun mutiara mahole

⁴⁵"Kamagengu Mawu Ruata mĕparenta kakakoľe kai kere papinintu ini: U kai pia sĕngkatau tahapĕdagang mĕďĕďeľ mutiara maraľĕgadĕ. ⁴⁶Kuteľu saraĕng i sie nakahombangke mutiara sĕmbaľ kũ tawe sihing kaľĕnggihe, tangu i sie ringangu tamai nĕbaľu u kĕbi darotonge, boľ e namĕlli mutiara sĕmbaľ ene."

Papinintu maľanun soma

⁴⁷"Kamagengu Mawu Ruata mĕparenta kakakoľe kai nisihing su soma nipĕllo su rano, kũ nakaliwung kaľawou haghing kinā. ⁴⁸Saraĕng soma e napenĕng kinā, ute niwolĕng sarang dulunge kahian mĕnanoma. Boľ e i sire nahungkaiang nĕmpamile kinā. Apang mapapia e nitaľo su manga ľuweng kinā, arawe apan daralakisĕ e ute nirĕmme i sire. ⁴⁹Kerene lai su Ėllong Kiamatĕ, manga malĕakatĕ e sarung mapĕdalahaĕn taumata apan dalai boľ taumata apam

mëkëkoə kapulun Duata. ⁵⁰ Bəu ene taumata apan daɽaɽe sarung iwahung su putung u rapuhang. Sene tangu i sire sarung mahulungkang dingangu masigësə.”

**Apaliwū buhu ringangu
apaliwū tēbe**

⁵¹ ”Kū i kamene nakaēnna-we kēbī tamai ene?” kakiwalong Yesus.

”Nakaēnna Tuang!” sasimbang i sire.

⁵² Mase Mawu Yesus nēhengetang, ”Kai ene hakū apam mēmpānēntiro agama kū seng nakoə kawanuan Duata e, kai mēsulungu sēngkatau taghuangu wale kū nangukahē apaliwū buhu ringangu tēbe wəu pēndaresoēnge.”

**Mawu Yesus pinēbinsi su
Nazaret**

(Mrk. 6:1-6, Luk. 4:16-30)

⁵³ Ene, saraeng nasueeng bēkene si Yesus kaɽawəu papinintu tamai ene, i Sie nēnggeangke wəu ene, ⁵⁴ bəu e nēsule solong banuane. Paise tangu i Sie simuē e nanēntiro su kanisa, ringangu su taumata apan dūdarangihē si Sie sene mēngkai rudaɽinau. Ungkuēng i sire u, ”Kai wəu

apa i Sie ini nakahombang kapande kerene? Dingangu kai wəu apa wue i Sie nakahombang kawasa makapēkoə haɽē makadaɽinau? ⁵⁵ Kara kai anaū basē u kalu i Sie? Kara kai i ninange i Maria; ringangu manga anaū sēngkataune i Yakobus, i Yusuf, i Simon, dingang i Yudas? ⁵⁶ Dingangu kara kawe mētētana sini lai manga wawinene? Kai wəu apa i Sie nakahombang kēbī ene?” ⁵⁷ Tangu i sire tawe mēnarima i Yesus. Bəu ene i Yesus nēhengetang si sire u, ”Sēngkatau nabi e lēadateng baləwe su tampa sude, tabeau katewe su wanuane hala arau su walene hala e.” ⁵⁸ Tangu Mawu Yesus e tawe nēkoə haɽē makadaɽinau natimu sene, watuu i sire tawe mēmpangimang.

**Papateng Yohanes
Mananahani**

(Mrk 6:14-29; Luk. 9:7-9)

14 Su tempo ene i Herodes datung Galilea e nakaringihē teleng u maanun Mawu Yesus. ² Kū i Herodes e nēberəe su manga ēllange, ”Nalahe u ini mang i Yohanes Mananahani e nēbangung bəu taɽoaran tauma-

ta nate! Ku kai ene hakiu i Sie makapëkoə halë makadalinau."

³Batuu kalamonang ene i Herodes kai seng bou nakisame i Yohanes mase nipakihapusë bou e nipakitahungku. I Herodes nëkoə kerene kai ualingu kaka-koə i Herodias, kawingu tuarine sësane i Filipus. ⁴U naung i Yohanes kai wou nëbera kere ini si Herodes, "Kumbahang i kau mëkawing dingang i Herodias!" ⁵Kuteu naung kapulung Herodes e kai mëmate si Yohanes, kaiso i sie mataku u taumata lawoe, baug'u taumata lawoe mangiralingu i Yohanes e kai nabi.

⁶Su tempöeng i Herodes mëšëšaliwangkeng ëllong kinariadiange, ana i Herodias mahuala e nëšalai su têngong lawo. Pëšasałaine mëngkate makaluasë naung i Herodes, ⁷hakiu i Herodes nëkëdo si sie ringangu kasalune balæwe apan dorongange, sarung onggotang si sie.

⁸Ualingu niwurungangkeng ninance ute mahuala ene nëbera, "Ia mëdorong tëmbo i Yohanes Mananahani e onggo si sia orasë ini e lai ku taho su baki!"

⁹Nakaringihë dorong ene, i Herodes e mëngkate nasusa-susa naunge. Kai ualingu i sie seng

nësalu su têngong kalawou sake-ne, i sie nëparenta tadeauorongu mahuala ene pakituhuke. ¹⁰I sie rimoloh'u taumata apaka-koə sarang tahungkue mëdeau iapamoto tëmbo i Yohanes. ¹¹Bou e tëmbo i Yohanes e nisuë mata-talëndeng su wowom baki ku nionggö su mahuala ene. Mase mahuala ene nanëpase lai sarang anun ninange. ¹²Bou ene manga murit'i Yohanes e nahündëntæ nëmpëngałə bədag i Yohanes ku niđalëbing. Bou e i sire nahündëntæ nëmpëhabar'u ene si Yesus.

Mawu Yesus napakaëngu

lima hiwu sukataune

(Mrk. 6:30-44, Luk. 9:10-17)

(Yoh. 6:1-14)

¹³Pia i Yesus nakaringihë habarë e, i Sie simake sakaeng sësane ku nangaling bou ene nëtëngkahae. Kuteu halë ene kinaringihen taumata ute, i sire nëmpanëntangkeng manga soan sire ku timole si Yesus, nahulëngang. ¹⁴Ene Mawu Yesus natumpæ wou sakaeng ku nakasilo taumata lawoe, i Sie timalëntuen sire. Mase i Sie napakapiæn taumata masasakie su taloaran sire.

¹⁵ Sěngkawawěllone, manga murit'i Yesus e himaungke kŭ němpěbera si Sie, "Ĕndaung seng bawěllo kuteu tampa ini e maghea. Mapiawe i Tuang pěndolohen sire ini aparaleng, tadeau makapamělliwe kaěng su manga apang kampong."

¹⁶ "Ta wahaľuas u i sire tamai," unguěng i Yesus, "i kame-ne e pakaěng i sire."

¹⁷ "I kami e kětaewen managhuan borotě limambau dingangu kinu duambua!" Ungkuěng manga murit'i Yesus e.

¹⁸ "Ĕntude ramahi," unguěng i Yesus. ¹⁹ Bŭ ene i Sie napakaiangu taumata ľawŭe su rěmpuagě. Bŭ e i Sie nangalae borotě limambau dingangu kinu duambua, mase rimalingara solong ľangi, dingangu nakitarimakase su Mawu Ruata. Bŭ ene i Sie nangangompeng borotě e ringangu ľimane kŭ něgěllie su manga murit'E pakibalawuhě su taumata ľawŭe. ²⁰ I sire kěbie nahungkaěngke sarang něngkalaedě. Bŭ e manga murit'E němpangomŭlě ľěmbeng kaěnge, mapuľo dua su luwene napene. ²¹ Apan němpěkaěng su tempo ene ute mangawe lima hiwu sukataune, ta narekeng manga wawine ringangu manga rariŭ.

Mawu Yesus dŭdaleng su wowong ake

(Mrk. 6:45-52, Yoh 6:16-21)

²² Bŭ e Mawu Yesus dimoloh'u manga murit'E nipěsakaeng kŭ piněngalamona si Sie rumaki sarang sěmběkan dano, těntalang i Sie reng měděndoloh'u taumata ľawŭe iapakapule e. ²³ Saraeng taumata ľawŭe napule, Mawu Yesus simakae su wuľude, i Sie sěsane někalıomaneng. Ene nahěbie, kai Mawu Yesus e mang bědang sene. ²⁴ Kuteu sakaeng nisakeěng manga murit'i Yesus e, seng su ľoang u rano. Sakaenge mangkewen ipědědareh'u wělladě e, u anginge kai ipěsěsomah'u sakaeng. ²⁵ Su wělla u pukule tatěllu ringangu pukule ěnnung malukadě, Mawu Yesus himaung si sire, rŭdalengke su wowon ake e. ²⁶ Saraeng manga muritě nakasilo si Sie rŭdaleng su wowong ake tangu i sire měngkate apa himěkosě. "Himukudě!" kaku i sire něngkataku.

²⁷ Arawe Mawu Yesus e měngkatewe ligha simimbahě si sire u, "Pakalenehěko! Ia e kai i Yesus, abe kataku!"

²⁸ Mase i Petrus e něberae, "Kereu Mawu e kawe i Yesus, ute

aparalengko ia e solong anun'U su wowong ake."

²⁹ "Dëntae," unguëng i Yesus. Ku i Petrus timumpae wou sakaeng, kadalenge su wowong ake e ku makoa solong anung Yesus. ³⁰ Kuteu pia e i Petrus nakasilou kawe kaihae anging su rano e, tangu natakue i sie ringangu nanëtae kakabuluse. "Mawu ambangeko!" kakiaë.

³¹ Ene i Yesus mēngkatewe ligha nanguluh'u liman'E ku nēhēgo si sie, ringangu nēhenge-tang, "Petrus, Petrus, i kau e mēngkai wēdang gūgoëu la?"

³² Mase i rēdua e simake e su sakaenge, ku anginge lai nalēdaë. ³³ Tangu manga murit'i Yesus apan su sakaenge nasihaung-ke ku nēmpēsuba si Sie. I sire nēmpēberau, "Mamben tēngadē u. Mawu e kai Ahus'u Ruata!"

Mawu Yesus napakapian taumata masasakī su Genesaret

(Mrk. 6:53-56)

³⁴ Ene pia e i sire narakie su sēmbēkan dano, i sire timumpae su Genesaret. ³⁵ Kuteu saraeng taumata sene nakasilo u kai i Yesus dimēntae, tangu i sire mēngkatewe napēka-

kekeng habarē ene su kaguwau wanua mangeliku soa ene. Mase kakēpalewem masasakī e niēntu-den sire su anung Yesus. ³⁶ Ku i sire nēmpēdorong si Sie tadeau wotongke manenggehē lakue, maniang kētaeng humbun'E. Ku kēbi apan nanenggehē e napiāe.

Tundung iupung gaghurang

(Mrk. 7:1-13)

15 Tau Farisi sēngkomolang dingangu mananēntiro agama pira-pira wou Yerusalem nahundēnta solong anung Yesus. I sire nēmpēkiwalo si Sie, ² "Unue manga murit'U kawe lulampa tundung iupung gaghurang i kite? Mageng mahungkaēng, i sire kawe tawe mēmpanguhasē liman sire kalamona kere su ator-range!"

³ Mawu Yesus ute simimbangke si sire unguëng, "Ku kawe unue i kamene malaing lulampa parentang Duata ualingu pamamewe tundung iupung gaghurang i kamene? ⁴ U Mawu Ruata kai nēhengetang, 'Pangadatē si amangu ringangu si ninangu, ku i sai mangane si amang dingangu si ninange ute hinong pateēng.' ⁵ Arawe unguëng i kamene ute, maeng u pia

u mēbera su gaghurange, 'Apae angkeēng taku ighēlli si amangku ringangu si ninangku, seng taku nisasēmba su Ruata,' ⁶tangu tau ene seng tawe wahaluas'u mēngadatē gaghurange. Ku, ualingken tundung iupung gaghurang i kamene, ute i kamene kawe mēmēmalang hengetang'u Mawu Ruata. ⁷I kamene kai tau mēlle! Nihino-hino apan nitēbalu nabi Yesaya maanung kamene, u,

⁸ 'Kai kereini unguēngu

Mawu:

Umatē ini e kai mēmpangadat'u wiwih'i sire si Sia,
arawe naung i sire ute
maraung Ia.

⁹ Tawē gunane i sire
mēmpangadatē Sia,
batuu i sire kai manēnti-
rong atorangu taumata
isēsihing i sire su
atorangku.'"

**Kalawou apam makalamuhu
taumata**

(*Mrk. 7:14-23*)

¹⁰Tangu Mawu Yesus kimuie taumata lawoe ku nēhengetang si sire, "Pēmpēdaringihēko mēdeau makaēnna! ¹¹Apan seng nawoko su mohonge tawe makakala-

muhu taumata; tumbaeng apang malua wou mohonge, ute kai ene makakalamuhu si sie."

¹²Mase manga murit'i Yesus nahundēnta ku nēmpēbera si Sie, "Masingka bue i Tuang u i sire tau Farisi e kawe nimēnggau nakaringihē hengetang i Tuang kawe kerene?"

¹³Mawu Yesus simimbang, "Apawen sasuang ku baline nisuang i AmangKu su Sorga e, kai ēbukang. ¹⁴Manieng ai sēmpike i sire tau Farisi ene. I sire kai mēngangaha buta; ku kereu kawe wuta mēngaha buta ute i rēdua mēngkawunsalē sēngkawunsalē su ralungu songe."

¹⁵Ene i Petrus nēberae si Sie, "Tulungko i Tuang pēlahēu papi-nintu ene si kami."

¹⁶Kuteu Mawu Yesus simimbang si sire, "Kai ta nakaēnna i kamene? ¹⁷Kai wēga i kamene, u apam masuē su mohonge kawe sumuē su tiang, ku bou e sumēbang kapia? ¹⁸Arawe apan susebang bou mohong, ute kai mēbēbua bou naung; ku kai ene makadiadi taumata malamuhu. ¹⁹U kai wou ralungu naunge pēbēbuakengu tinēnna rarakie, makauali taumata mēma-

te, mawuang, mēsundaḷḷe, mēta-ko, mēsahiding konti, ringangu mēhodatḷe. ²⁰ Kakakoḷa tamai ene makauaḷi taumata maḷamuhu, kai waḷineḷe kumaḅng u ḷima ta niu-hasḷe."

Pḅngangimangu sḅngkatau wawineng Kanaan

(Mrk. 7:24-30)

²¹ Bḷu e Mawu Yesus di-maḷengke nanḅntangu tampa ene soḷong banua maraning soan Ti-rus dingangu Sidon. ²² Ene pia e sḅngkatau wawineng Kanaan bḷu wanua ene, ḷuhaung si Yesus kapḷekḷekuine, "Ahus'i Daud, taḷḅntukong ia! Anaḷu wawine e kai niwaḷiuangu rohkḷe daḷaki ku tangu kakakoḷe marasai."

²³ Mawu Yesus e mḅngkate tawe kḅndḷe. Tangu manga murit'E nḅmpḷhaungke si Sie ku nḅmpḷedorong, "Tuang, dolohḷeko apḅngensoḷ bawine ḅndaḷe pa-karau. I sie mḅngkate kḷḷaeng mḅḡḡgaḷe su ḷikud'i kite!"

²⁴ Mawu Yesus simimbang, "Ia e nirolohḷe samatang baug'u kawanuang Israel e, tumange si sire apan nḅngkapalidḷe."

²⁵ Tau wawine ene himaungke ku nḅsuba si Yesus kapḷeberane, "Tuḷungko ia, Mawu!"

²⁶ Kai i Yesus simimbang, "Tawe hinone mḅngalaḷa kaḅng u paḷahanaḷa ku iteledḷe su manga asu."

²⁷ "Kerene wue, Mawu," ung-kuḅngu wawine ene, "arawe asu e maḷaing kuḷaḅng manga popahḷe apan mḅngkaḷhondosḷe bḷu medan mawune."

²⁸ Mase Mawu Yesus nḅhe-ngetangke si sie, "Ei wawine, mambeng masaria pḅngangimangu e! Kariadḷe apan dḷḷo-rongangu e!" Tangu wḷuten o-rasḷe ene anaḷe napiḷe.

Mawu Yesus napakapian masasakḷi lawḷo

²⁹ Ene Mawu Yesus nanḅntangken tampa ene, ku simḷeḷe⁸ e wiwih'u ranong Galilea e. Bḷu e i Sie simaka su wḅntihe ku naiang sene. ³⁰ Maḷawḷo taumata nahundḅnta su anun'E nḅmpangḅntud'u tau kempaḷḷe, buta, peosḷe, mou ringangkewelain masasakḷi baḷine. I sire nḅmpanondang masasakḷi ene su tḅngong Yesus, ku i Sie napakapian sire ene. ³¹ Taumata ḷawḷo apan ene sene mḅngkate apa mḅngkaḷherang, makasiloḷe apang mou makawera, kempaḷḷe nḅngkapia,

⁸ mangumbiwi = menyusur

peosë makadaleng, dingangu wu-
ta makasilo. Ku i sire mēngkate
mēmpēdēdalo Mawu Ruatang Is-
rael.

**Mawu Yesus napakaēng u
ēpa u hiwu sukataune**

(Mrk. 8:1-10)

³²Ene Mawu Yesus kimuie
manga murit'E mase nēhenge-
tang, "Ia e tūtalēntu u taumata
lawo ini. Seng tēllu ēllo karēngue
i sire mēngkai ringanku kuteu
i sire seng ta u kanengang. Ia
mađiri wue i sire mēngkapule di-
ngangu tiang ta lohone, kibasi'u i
sire mapinsang su raleng."

³³Mase manga murit'i Yesus
nakiwaloe si Sie, "Kai makaēba
kaēng bou apa i kite su wa-
nua maghea ini waug'u taumata
kalawoe ini?"

³⁴"Pirambau borotē si kame-
ne? Mawu Yesus nakiwaloe si si-
re."

"Pitumbau dingangu kinā
darodo pirambua."

³⁵Tangu Mawu Yesus nango-
roe taumata lawoe niapahung-
kaiang su ēntana. ³⁶Mase i Sie
nangalae borotē pitumbau di-
ngangu kināe ku bou e naki-
tarimakase su Mawu. Bou ene
pinēkakakempangete borotē di-

ngangu kināe ringangu liman'E,
mase tinēgone e su manga mu-
rit'E. Ku i sire nēmpamahiae su
taumata lawo ene. ³⁷Ku i sire
nahungkaēng kēbi sarang nēngka-
laedē. Bou ene i sire nēmpēngo-
mole manga lēmbeng kaēnge.
Kēbi kalawoe pitung kēmbuahē
napene. ³⁸Kalawoeu manga esē
apan nahungkaēng su orasē ene
tangu nangun ēpa u hiwu sukatau-
ne, tawē nadekeng manga wawine
ringangu manga rario e.

³⁹Bou e Mawu Yesus nēndo-
loh'u taumata lawoe pinakapule.
I Sie simake e su sakaenge, ku
nawunau wanua Magadan.

**Tau Farisi e mēgēgausu i
Yesus apēkēkoā tanda
makalaherang**

(Mrk. 8:11-13; Luk. 12:54-56)

16 Piako tau Farisi ri-
ngangu Saduki pirangka-
tau nahundēnta su anung Yesus
mēhēbagē si Sie. I sire nēmpēdo-
rong u i Sie apēkēkoako tanda
makalaherang panahuntēngad'u
rarēntan'E kai wou anun Duata.
²Mawu Yesus simimbang, ["Ka-
magengu matangēllo e kasēdāe,
i kamene maui u, 'Wanua e
mapia, u langie kawe mahamu.'
³Dingangu malukade wue ute, i

kamene něbera u, 'Sahěllo ini e rumasehě, u řangie kawe mahamu dingangu malělubě.' Ho, i kamene masingkabe měpatehě wana ringangu makasilowe kakoau řangie, arawe tatialan tempo e kawe tawe ikatighad'i kamene!"]
⁴"Kai apae karalař dingangu kawawařětohě taumatang orasě ini. I kamene měgěgaus'u la e apěķķoa tanda makalaherang. I kamene tawe panodekangu tanda makalaherange sarang sěmbau tabeau katewe tanda makalaherang bou nabi Yunus." Saraeng bou něhengetang kerene, i Yesus e naněntangken sire, mase rimaleng.

**Ragin⁴ tau Farisi ringangu
tau Saduki**
(Mrk. 8:14-21)

⁵Pia e manga murit'i Yesus nahumpaen sěmběkan dano e, wuhue kinasingkateng i sire u i sire kawe niwule něbawa borotě.
⁶I Yesus něhengetangke si sire, "Pakatateghang bue su ragin tau Farisi ringangu tau Yahudi e."

⁷Nakaringihe manga wawera Mawu Yesus e, manga murit'E

nanětae němpahumbisara sěmbau su wařine. "I Sie něbera kerene e kai puhinengu i kite tawe němpěbawa borotě e."

⁸Mawu Yesus e masingka u apang ipahumbisaran sire. Ku i Sie něhengetang, "Unue i kamene měmpahumbisaran tawe borotě niwawang kamene? I kamene kadodo pangangimang e! ⁹Kai wědang ta nakaěnna i kamene ngae? Kai ta nakatahěndung i kamene borotě řimambau taku piněpapahia baugu řima hiwu sukataune? Pirang luwe lěmbeng kaěng nikakomol'i kamene? ¹⁰Ku kereapa wue borotě pitu ene waugu epa u hiwu sukataune? Piran luwe lěmbeng kaěng nikakomol'i kamene. ¹¹Kawe nakoā kereapa ho i kamene mang ta makalaěnna, u la, tawe malaa-num borotě si kamene? Pakatateghang bue su wawitaugu tau Farisi ringangu Saduki!"

¹²Kasueěnge manga murit'i Yesus e nakaěnnae u Mawu Yesus mařliu pakatateghang e wařinewe apětětihō u ragi kakaugě borotě e, kaiso kawe apětětěghangu manga těntirong tau Farisi ringangu Saduki.

⁴ Lahaesě

16:4: Mat 12:39, Luk. 11:29 16:6: Luk. 12:1 16:9: Mat. 14:17-21
 16:10: Mat 15:34-38

Laakum Petrus maanu

Mawu Yesus

(Mrk 8:27-30, Luk 9:18-21)

¹³ Mawu Yesus nakoae sarang banua maraning soang Kaisarea Filipi. Sene i Sie kai nakiwalo su manga murid'E, "Ungkueng u taumata e, kai i sai Ahus'u Tau-mata e uade?"

¹⁴ Manga murid'E nauli u, "Angkuengu senga i Yohanes Mananahani, senga wue mau li u i Elia. I sirewe lai waline ute mau li u i Yeremia, arau sengkatau wou taloaran manga nabi."

¹⁵ "Arawe su tinennan kame-ne hala, i sai wue tangu Ia e?" angkueng i Yesus si sire.

¹⁶ Ene i Petrus simimbangu, "I Tuang kai Ratu Mananalamate, Ahus'u Ruata Ku Biahē."

¹⁷ "Kariangkamang i kau, Simon ana i Yona!" ungkueng i Yesus, "U walineuwe taumata nelahe ene si kamene, kaiso kai i AmangKu su Sorga. ¹⁸ Ualingu ene tangu kasingkako, i kau e kai i Petrus, batu hanibē, ku su wom batu sasukunang ini e taku pametikang u gahedaKu; ku ta-we ikawata maning lai papate! ¹⁹ Ia e sarung megelli u kakunsi

u Runian Duata Wuhu e si kau. Ku apaewen isesedingu su dunia e malaing isesedingu su sorga. Dingangu apaewen netatalahino angkuengu su dunia e, ute netatalahino lai su sorga."

²⁰ Bōu e Mawu Yesus mesesedingu manga murid'E tadeau i sire kumbahang mau li si sai-sai u i Sie kawe Ratu Mananalamate.

Mawu Yesus mebbisaran

sigesae ringangu

kapapohong'E

(Mrk 8:31-9:1; Luk. 9:22-27)

²¹ Naneta bou tempo ene Mawu Yesus nauli malahe su manga murid'E, u i Sie hinong solong Yerusalem ku metatahangu sunsara lawo bou manga tembonange, manga imang tembonange dingangu manga mananentirong agama. I Sie sarung pateeng, kaiso su katellu ellone i Sie sarung iapembangung kapia.

²² Kutau i Petrus kai namoleng si Yesus solong sendihange ringangu nebera si Sie, ungkuenge, "Karimako Mawu Ruata e mapakaraung ene Mawu! Kumbahang bue hale ene humombang si Kau Mawu!"

23 Ene Mawu Yesus nēbihue mase nēbera si Petrus, "Pameho e i kau wou ini setang! I kau e kai manahaghe si Sia. Tinēnnanue^u kai tinēnnan taumata; baḷi-newe tinēnnan Duata!"

24 Bōu e Mawu Yesus nēhengetangke su manga murid'E, "I sai mapulu tumole si Sia, ute harusē mētimbuleng batangenge sēsane, kṽ pamasāeng kuruise kṽ mēngkatewe toḷe si Sia e. **25** U i sai mapulu mētahuntēda u pēbawiahe, ute sarung kailangengu pēbawiahe. Arawe i sai manarakangu pēbawiahe waug'u Ia e, ute sarung makahombang ene. **26** Kai apaē untune su pēsengkatau, kereu kaguwau dunia ini makoā tataghuanenge arawe i sie kailangengu pēbawiahē e? Botonge pēbawiahē e kasaliuangu apa-apa?"

27 Selain tawē karēngue Ahus'u Taumata mahundingangu manga malāekatē e sarung dumēnta ringangu kawasang Amange. Su tempo ene i Sie sarung mamalisē su sengkatau-sengkatau tuhewe kakanoāe. **28** Kasingkako! U wou taḷoarang kamene ēndaḷe piā u ta nakasi-

lo Ahus'u Taumata rumēnta kere sengkatau Ratu."

Mawu Yesus mapakawantugē

(Mrk. 9:2-13; Luk. 9:28-36)

17 Ēnnungu ēllo samurim Mawu Yesus namaringang si Petrus dēduang Yakobus dingangu tuarine i Yohanes, nēmpēnētani soḷong buḷudē marangē sēmbau. **2** Su kēllaēng i sire, Mawu Yesus kai nēbaḷui ghahie: Gatin'E sūsēnnang kere matangēllo ringangu pakeange kṽkerong mawira. **3** Mase i sire tēllu manga murid'E nakasilo si Musa rēduan Elia maḥumbisara ringangu Mawu Yesus. **4** Mase i Petrus nēbera su Mawu Yesus, "Mawu, kai kapaelē pēndange i kite su tampa ini. Kereu Mawu maḷuasē ute ia e reng mamēti selo tatēllu sini, sēmbau baugu Mawu, sēmbau baug'i Musa, ringangu sēmbauewe lai e waug'i Elia."

5 Kuteu i Petrus deng kapēbēberane, tangu winawa matualatualagē e natimbuhungke si sire kṽ bōu raḷungu winawa ene kinaringihe tingihē mēbēbera, "I-

^u Tingirangu = pikiranmu

16:24: Mat. 10:38, Luk. 14:27 **16:25:** Mat. 10:39, Luk. 17:33, Yoh. 12:25

16:27: Mat. 25:31, Mzm. 62:13, Rm 2:6 **17:1-5:** 2Ptr. 1:17-18

ni e kai AhusëKu ikëkëndagë. I Sie kai makalahimpulu naungku e. Daringihe i Sie!"

⁶Lëpase manga murid'i Yesus himaung nakaringihe tingihë ene, i sire mëngkatewe apa nëngkataku hakü nëngkasumagë su ëntana. ⁷Arawe Mawu Yesus himaung kü nanenggehë si sire, "Pëbangungke," angkuëng'E, "a-be këngkataku!" ⁸Sarəeng i sire nëmpamandə, i sire tawe nakasilo si sai-sai tumbəben Mawu Yesus səsane.

⁹Pia e i sire kapahundəsunge wou wuludë ene, Mawu Yesus kai mëgëgëlliü ingate^v si sire, "A-be pëmpëhabarë si sai-sai apang kinasilong kamene buhu-wuhu, tëntalang Ahus'u Taumata e reng tawe niapëbangung bou papatene."

¹⁰Manga murid'i Yesus nakiwaləe si Sie, "Kawe unəe mananəntirong agama e nëmpëbera u i Elia kai harusë dumənta kalamona?"

¹¹Mawu Yesus simimbang, "Mambeng kahəngang i Elia rimənta kü i sie sarung mënguli këbi. ¹²Kai la e mauü si kamene, i Elia seng dimənta, arawe tau-

mata e tawe nakakirala si sie, kaiso i sire nëmpëkoə si sie walaewe kapulun sire. Kü kerene lai i sire sarung mëmpëkoə Ahus'u Taumata."

¹³Mase manga murid'E nakaənnəe u i Yesus mēbēbisara maənung Yohanes Mananahani.

Mawu Yesus napakapian dariə nikasuë kangu rohkë dalai

(Mrk. 9:14-29; Luk. 9:37-43a)

¹⁴Pia i Yesus dingang'i sire təllu murid'E nəbəli solong anun taumata lawə ene, pia səngkatau esə himaung, kü nətumpëkuhë su təngong Yesus, ¹⁵ringangu nəbera, "Tuang, taləntukong anakü. I sie kai nitanggaəngu saki u wawi. Tatanggap saki u wawi e mëngkate apa makasunsara, hakü i sie seng tawə palə e mawunsalə su putung arau su akə. ¹⁶la seng bou nangəntud'i sie su manga murid'i Tuang, kai i sire tawe nakapia si sie."

¹⁷Mawu Yesus simimbang, "Balənewe maləngko^w i kamene ini! I kamene mangkewen taumata lulawang dingangu ta-

^v məmatasë ^w kaəoa = bukan main

17:5: Pënd. 22:2, Mzm. 2:7, Yes. 42:1, Mat. 3:17, 12:18, Mrk. 1:11, Luk. 3:22, Pang. 18:15 17:10: Mal. 4:5 17:12: Mat. 11:14

we mēmpangangimang. Delaing kadēngue la mētana dingang'i kamene ringangu mētingkēdang ualing'i kamene? Mahie tonda rariō ene!" ¹⁸ Mase Mawu Yesus e namalēndihē rohkē dalakī su raḷungu rariō ene niapasēbang. Tangu rohkē dalakī e simēbangke, kṷ dariō ene nuḷe e lai orasē ene.

¹⁹ Bōu e manga murid'i Yesus nēmpēhaungke si Sie pēsēngkatau kṷ makībalō si Sie, "Tuang unue i kami tawe makatokolē rohkē dalakī ene?"

²⁰ Mawu Yesus simimbang, "Suwṷ u i kamene kadodō pangangimang e. Tahēndungeko! Kamageng i kamene piabe pangangimang i kamene kadiongeng kere kaḡuwau wakī u sawi, ute i kamene makapēbera su wuḷudē ini, u, 'Pangalingko sarang pai!' mambeng tēngadē buḷudē ini sarung maaling. Taweu ta ikakoā kamene! [²¹ Kai rohkē dalakī kere ini e kētaeng botonge ikatokolṷ kakaliomaneng dingangu pētatatēlling samatang.]"

Mawu Yesus nēsawewe nēbi-saran haḷē u kapapohong'E

(Mrk. 9:30-32; Luk. 9:43b-45)

²² Pia e manga murid'i Yesus mēmpētētampung su Galilea, Mawu Yesus nēhengetang si sire, "Selaing tawē karēngue, Ahus'u Taumata e sarung isarakang su kawasan taumata. ²³ I Sie sarung pateēng, kaiso su katēllu ēllone i Sie sarungbe iapēbangung."

Tangu manga murid'E mēngkate nēngkasusa tawē sihinge.

Bawachē pajak'u Waḷem Mawu

²⁴ Saraeng Mawu Yesus dingangu manga murid'E narēntae su Kapernaum, maghaghēlle pajak u Waḷem Mawu e nahundēnta anum Petrus dingangu nakiwaḷo, "Mananēntironu e mamaehēbe pajak u waḷem Mawu arau tala?"

²⁵ I Petrus simimbang, "Mamaehē!"

Saraeng i Petrus e napuḷe, Mawu Yesus nakiwaḷo si sie kaḷamona, "Simon, kerea su tinēnna-



Soa su wunthu ranong Cablea (17:22)

nu e? I sai harusě mamaehě bea arau pajakě su tēmbonang u dunia ini e? Kawanua arau taumata raghi?"

²⁶ "Tau raghi," angkuěng i Petrus.

"Kamageng kerene," angkuěngu Mawu Yesus, "pamanuane sembeng tawe waha_{ra}uas'u mamaehě ho. ²⁷ Kai kumbahangbe i kite makaněngga pěndang i sire ene. Ku dakoe solong dano pěngeke.² Alako kina nikaalau humotonge. Su ralungu mohonge ene tangu, sarung makahombang

doitě ku seng botonge makawaehě pajak'i kadua. Alako roitě ene ku baehěko pajak'i kadua baugu Walem Mawu si sire."

I sai ngae kasěllaheng e?

(Mrk. 9:33-37; Luk. 9:46-48)

18 Su tempo ene manga murit'i Yesus himaungke si Sie ku nakiwalo, "I sai ngae lěennaěng kasěllaheng e su taloarang kawanuan Duata?"

² Mawu Yesus kimuie sěngkatau rario kadodo, ku niapara-risi su těngon sire. ³ Mase Mawu

² pēmekeng = memancing

18:1: Luk. 22:24

Yesus nēhengetang, "Pangimang-ke! U kētaeng kereu i kamene mēmpēbaŕui kŭ mēngkakoā kere manga rariō e ute, i kamene makoa kawanuan Duata. ⁴I sai mētēngkasanau watangenge kŭ mētēngkakoā kere rariō ini, ute i sie kai kasēllaheng e su taŕoarang kawanuan Duata. ⁵Dingangu i sai kŭ manarima u rariō kere ini e uaŕingu Ia e, mangalene manarima u Ia."

Halē e makakoā taumata mēdosa

(Mrk. 9:42-48; Luk. 17:1-2)

⁶"I sai makabodai sēngkatau wou taumata kakadodokange ini e kŭ seng tawe sau mangimang si Sia e, ute mapiangbe i sie ikitangu watung gilimang su lehe e bou e iwontolē su laudē maraŕung. ⁷Kai kaēngkēhang bue dunia ini uaŕingkeng apan makabodai taumata mēmpēdosa. Kahēngang bue kēbi-kēbie mang tēbe ene, kaiso kaēngkēhang bue i saing makakoā ene!

⁸Kereu ŕimanu arau laed'u kawe makabaradosa si kau e, ute potōe kŭ dēmme e. Mapiangbe i kau mēbēbiahē dingangu Ruata tawē ŕimanu sēmbēka arau lae-

du sēmbēka, kai suŕungu i kau irēmme su raŕungu putung u naraka ringangu ŕimanu arau laedu ruam bēka. ⁹Kŭ kereu matanue kawe makadiading kau waradosa, ute lēsae kŭ hipe e. Mapiangbe i kau mēbēbiahē dingangu Ruata kŭ tawē matanu sēmbēka, suŕungu irēmme su naraka ringangu matanu ruam bēka."

Papinintun Domba nailang

(Luk. 15:3-7)

¹⁰"Pakapia wue! Kumbahang mēhinakang su sarang sēngkatau wou taumata kakadodokange ini. U pētahēndung, batuu manga malækat'i sire sidutu mang ene su tēngong AmangKu su Sorga.

[¹¹U Ahus'u Taumata e kai rimēnta waug'u mēngambang apan nailang!]

¹²Kereapa su tingirangu? Kereu pia u sēngkatau pia dombane mahasu, kuteu sēmbaue kawe nailang, kai a koateng e? Nalahēu i sie reng manētangu dombane siom puŕo sio e su wawuŕurange mase tamai mēdeā sēmbau kŭ nailange. ¹³Kŭ kama-gengu sembeng kareakeng domba ene, ute – pangimangke Sia – u

i sie kai sarung nangëlembo lumuasë su sëmbaue wou siom pulo sio waline ku tawe nailang. ¹⁴ Kere ne lai i Amangu su Sorga e madiri pia u sengkatau wou tau mata apan buhewe mangimang si Sia e miwuhj.”

Kereu anau sengkataunue nēdosa

¹⁵”Kereu anau sengkataunue nēdosa su tēgonu ute, kakoako solong anune ku pēlahēkon pēsasalane. Ku koako ene pakapēnisē ku pianē e i rua hala e masingka. Kereu i sie tumuhj manga waweranue ute, nēbarauntu i kau e nakawoleng kapia anau sengkataunue. ¹⁶ Kai kereu tala e ute, sauko lai pamaringang sengkatau arau ruangkatau. U suralungu Winohe Susi mābawohe, ’Mētēngkahali rarua arau tēllungkatau sahidi ipēnahuntēngadē sengkatau kaēnsilangu pēsasala.’

¹⁷ Kereu i sie tawe manarima u sasasan sire ene ute pēharēkong halē ene su jamaatē. Ku samurine, kereu i sie tawe manarima u sasasang jamaatē ute koae i sie alingakai maghaghelle pajakē dingangu alingakai sengkatau wēgam Mawu Ruata.”

Apan tawe wotonge ringangu hinone

¹⁸”Kasingkako: Apang isēsēding i kamene su dunia e ute, maiaing isēsēding su sorga. Dingangi apan ipahuntēngad’i kamene su dunia e, ute maiaing ipahuntēngadē su sorga.

¹⁹ Dingangu kasingkako lai: Kamageng su taloarang kame ne ini ku pia duangkatau ku mēsēngkanaungu apa-apa ringangu mēkaļiomanengu ene ute, kakaliomaneng ene sarung daringihang i AmangKu su Sorga. ²⁰ U suapan pia darua arau tēllungkatau mētētampung ualingu Ia, ute Ia ene su taloaran sire.”

Papinintung ēllang ku tawe mēgēllj u ampung

²¹ Bōu e i Petrus himaung si Yesus ku nakiwalo, ”Mawu, kereu anau sēmbauku nēmpēdosa su tēngoku ute, kai sarang kapiran sulene ia harusē mapēngampung i sie? Sarang pitun sūlē ngae?”

²² Mawu Yesus simimbang, ”Tala, balinewe sarang pitun sūlē, kaiso pitum pulo pitung kapitun sulene! ²³ U ka-

magengu Ruata e mëparenta, kakakoae kai kere suralungu papinintu ini: Piåko sêngkatau ratu mapulu mëdarekengu utang manga ëllang e. ²⁴ Piå i sie nanëtae nêdarekeng ute, piåko sêngkatau ëllang nêngutang yutane ku nipëtëngon sie, ²⁵ ku seng tawe nakawaehë. Ku datu e nêparenta tadeau ëllang ene pakiwålu sêngkawålu dingangu anaë ringangu kawinge, ringangkewen patiku darotonge tadeau ipëmaehë utang e. ²⁶ Ëllang ene nêtumpëkuhë su têngon datu e, ku kapëdëdoronge, 'Tuang, pakanduko wue naungu su ëllangu e. Ëllang hêdowen mëmaehë utang pakasueng baehe.' ²⁷ Tangu ratu e mëngkatewe nêkakalëkad'u tatalëntue hakiu i sie niliwirë bou kaławou utange.

²⁸ Arakuteu ëllang ene nasëbangke, i sie nêsombangkeng hapie, målaing sêngkatau ëllang, ku piå utange manga pira hiwu. I sie mëngkatewe nêhëgo hapie ene, nikëlöe kapëbëberane, 'Baeheko këbi utangu e!' ²⁹ Mase hapie ene nêtumpëkuhë su têngone kapëdëdoronge, 'Pakasabarëko wue hapi, këbie sarungbe taku baehang!' ³⁰ Arawe ëllang ene kai tawe nahimang. Ku ëllange mëngkatewe tamai nanuë i sie

su rålungu tahungku saraeweng i sie namaehë utang e. ³¹ Ene manga ëllang båline e nakasilöe apang seng nariadi, i sire nêngkasusa ku nêhabarë halë ene su anun datu. ³² Tangu ratu e kimui ëllang dålai ene ku nipëberaëng, 'E ëllang dålai! Kaławou utangu e seng taku nirëdasë, sêmatang ualungu i kau e nakitůlung si sia. ³³ Ku i kau e wålinewe lai hinong kumëndag'u hapiu e kerewe ia e seng kimëndag'i kau?' ³⁴ Datu e limangehë matëdu. Ku ëllang dålai ene nisasuë e su rålungu tahungku sarang i sie makawaehë këbi utang e."

³⁵ Mawu Yesus nangënsue wëkene ringangu wawerane kerei-ni, "Kerene lai i AmangKu su Sorga e sarung mapëkoä i kame-ne sêngkatau-sêngkatau, kereu i kamene tawë karåluase mëgëlli u ampung su manga anåu sêngkataunue."

Tëntiro Mawu Yesus måanum pësasindo

(Mrk. 10:1-12)

19 Ene Mawu Yesus nasuëen hengetange këbie, i Sie nanëntangkeng Galilea e mase nakoä so̊long banuang Yudea, su sëmbëkan sålu u Yordan. ² Lawo

taumata nēbatu si Sie, ku i Sie napakapian sire sene.

³Mase tau Farisi e nahundēta mēdeau mētēga si Sie. I sire nakiwaḷo, "Tumuhu torat'u agamang kite e, botonge ngae taumata manindo kawinge walāewe mēnsang ualingu a?"

⁴Mawu Yesus simimbang, "Kai ta nakabasa i kamene suralungu Winohe Susi u Mēndariadi taumata e naung bou tētae nēndiadi si rēdua esē dingangu wawine? ⁵Ku bou ene i Sie nēhengetang, 'Kai ene, hakiweng esē e kawe manēntang i ninang dingangu i amange ku mētēngkatakidē dingangu kawinge ku i rēdua nasēmbau.' ⁶Kuteu i rēdua e sembem balinewe rarua, kaiso kawe sēmbau. Ku kai ene, hakiu apang ku seng nikauh'u Ruata abe pētan taumata."

⁷Mase tau Farisi nēmpēkiwaḷo si Sie, "Kamageng kerene, unue wue i Musa māngoro taumata apēgēgēlliū surat'u sindo su kawinge ku seng nisindoēng e?"

⁸Mawu Yesus simimbang, "I Musa napakawalang kamene manindo kawing'i kamene ualingu i kamene tumanīu makēti tēntiroēng. Kai tuhū hinone ute kai

walinewe kerene rokeng bou tētae. ⁹Ku pēdaringihēko ini: I sai manindo kawinge – sēmbaliau wawine ene tawe nawuang – bou e sau nēkawing u wawine waline ute, tau ene nawuang."

¹⁰Tangu manga murit'i Yesus nēmpēberae si Sie, "Kamageng kakakoau sēngkawingang kai kerene ute, māpiangbe ta mēkawing."

¹¹Mawu Yesus simimbang u, "Balinewe kēbi taumata makatarimau manga wawera ene, kai kētaeng taumata apan seng niti-lakeh'u Ruata. ¹²Ualingu kai pia taumata tawe nēkawing, ualingu i sire semben kerene rokeng bou kaluwaeng i ninange. Piabe lai tawe nakapēkawing ualingu pēka-koau taumata waline. Dingangu piabe lai nētatudē tawe nēkawing, mēdeau makapētangkiang Mawu Ruata. I sai makaumaḷē manarima u tēntiro ini ute, walāe kere i sie apēnarima."

Mawu Yesus nēngalamatē manga rariō

(Mrk 10:13-16; Luk. 18:15-17)

¹³Piako taumata nēmpēngēntudē manga rariō su anung Yesus pakitēllideng ḷiman'E su tēmbō i

sire ringangu makikalīomaneng i sire. Kuteu manga murid'i Yesus kawē nēmpēpēdu si sire. ¹⁴Tangu Mawu Yesus nēmpēbera su manga murid'E, "Balae manga rariō e rumēnta su anuku! Abe sahaghei, i sire, u kai manga rariō kereini e sarung makoa kawanuan Duata."

¹⁵Mase Mawu Yesus nanelli-d'u liman'E su tēmbo u manga rariō ene ku nēngalamatē si sire. Mase i Sie nangenso bou tampa ene.

Tau umbaseng kala

(*Mrk. 10:17-31; Luk. 18:18-30*)

¹⁶Su sahēllo pia tau esē sēngkatau rimēnta su anung Yesus. "Tuang Guru", angkuēng e, "kakanoa sude mapia hinon taku koateng tadeau makatarima pēbawiahē tutune ringangu kakalē e?"

¹⁷Mawu Yesus simimbang, "Unue i kau makibalang halē mapapia e si Sia? Kētaeng pia sēmbau mapia. Kereu i kau mapulu mēbiahē ute, i kau e harusēbe pakatuhu su tita Mawu Ruata."

¹⁸"Tita we sude tangu ene?" angkuēng tau ene.

Mawu Yesus simimbang, "Kumbahang mamate, kumbahang mawuang, kumbahang mētako, kumbahang mēsahiding konti, ¹⁹pangadatē si amang ringangu si ninangu ringangu kēndag'u kasanggidangu mēsulungu i kau kumēndag'u watangengu e hala."

²⁰"Patiku tita e seng taku nisēmpikang," angkuēng tau umbaseng ene, "Delaing apa wēdang?"

²¹Mawu Yesus nēberae si sie, "Kereu i kau mapulu masuku ute, rakoe pēbalu u patiku darotong u, onggoko roite su taumata kasiang, ku i kau sarung makahombang arēta su sorga. Bou ene, ramahi e tolē e si Sia!"

²²Sarang nakaringihe wawera ene, umbaseng ene napulē dingangu naunge masusa^y watuu i sie kawē taumata rarotonge lawo.

²³Mase Mawu Yesus nēhengetangke su manga murid'E, "Ia mēbera si kamene, apawe mawēha kahēngang tau kala makoa kawanuan Duata. ²⁴Kapia Ia mauḷi si kamene; maḷowokangbe onta sumuē lohangu tulung dara-

^y napēndu

19:18: Sas 20 13-16, Pang 5:17-20 19:19: Sas. 20 12, Pang. 5:16, Im. 19:18

hung, suḷungu tau kala sumuē su Runian Duata Wuhu e.”

²⁵ Saraeng manga murit'i Yesus nakaringihē baweran Mawu Yesus e, i sire mēngkai apa rimālinau. "Kamageng kere-ne," angkuēng i sire, "i sai wue masalamatē e ho?"

²⁶ Mawu Yesus nēmandae si sire mase nēberae, "Su taumata e, ene tawe nasowa su akalē! Arawe su Ruata e, kēbi mēngkai mariadi."

²⁷ Mase i Petrus nēberae, "Kakēllako, i kami seng nanēntang u patiku sabarang baug'u tumole si Tuang. Ku apa wue sarung ikatarima i kami?"

²⁸ Mawu Yesus nēberae si sire, "Pēmpangimangke: Su Dunia Wuhu e, Ahus'u Taumata e sarung maiang su wowong kaderang kawawantugē. Su tempo ene i kamene manga muritēKu e sarung maiang su kaderang kawawantugē mapulo dua ku mēmpēhukung u hēntong Israel mapulo dua! ²⁹ Ku isajewen nanēntang u wale arau anau sengkataune esē arau wawine, arau inang i amang arau manga ana, arau winalaenge waug'u la e, tau ene sarung manarima ka-

pia mahasu su sulene. Ku i sie sarung lai manarima pēbawiahē tutune ringangu kakalē. ³⁰ Kai lawo taumata orasē ini apang kahumotongange sarung mēngkakoā kasamuriange, ringangu apan kasamuriange sarung mēngkakoā kahumotongange."

Papinintu mēlahēnsinuangu anggorē

20 "Kamageng u Ruata e mēparenta ute kakakoae kai mēsulungu papinintu ini: Sēngkatau taghuangu wael'u anggorē e simēbang dokeng malukadē mēdēdea taumata waug'u pēmunara su wael'u anggorē e. ² Saraeng i sie kimirē e mēmaeh'u roitē salaka sēngkalēpa sahēllo si sire, i sie rimolohen sire pēmēmunara su wawaelangu anggorē e. ³ Pukulē sio malukadē, taghuangu waelē e rimaleng kapia, ku nakasilōe pirangkatau lūliongahē tawē halē e su pasarē. ⁴ Tangu nēbera i sie si sire, 'Dakōe i kamene pēmunara su wael'u anggorēku. Ia sarungbe mamaehē si kamene ringangu wawaehe mētatalahino.' ⁵ Tangu i sire nēmpēta-

maie. Pukulë mapulo dua ëllo malëtu ringangu pukulë tatëllu wawëllo, taghuangu waelë e-ne sauewe rimaleng, ku nëkoə halë mësulung. ⁶Ku mangəe pukulë lima wawëllo, i sie sauewe simëbang ku nakasilo lai pia taumata lüliongahë tawë halë e. Mase i sie nakiwalö si sire, 'Unue i kamene mëngkai mahundarisi sahëllö tiwatu ëndaï sini ku tawë nempëkoə apa-apa?' ⁷I sire nempësimbang, 'Tawë taumata mapëhalë i kami.' angkuëngu taghuangu waelë e, 'Maeng kere-ne ute, rakoko i kamene pëmunara su wael'u anggorëku.'

⁸Nawawëllöe, taghuangu wael'u anggorë e nëberəe su sawohie,^z 'Kuie manga mëmamunara ene ku baehe e sewan sire sengkatausengkatau tëtə bəu i sain simuë kahumotongange.'

⁹Mase nahundëntəe mëmpëlahalë apan nanëtə bəu pukulë lima wawëllo. I sire nempənarimə u roitë salaka nahuntia u pësengkalëpa. ¹⁰Bəu ene nahundëntəe lai mëmamunara apang bëbaehang nanëtə dokeng malukadë. I sire mëmpəngënnau reng makatarimə nangëlem-

bo. Sëmbəliau i sire këtəeng nighëlikangu lai roitë salaka pësengkalëpa. ¹¹Pia e mënənərimə doitë ene, i sire mëmpë-sësimbulung su taghuangu waelë e: ¹²'Manga apan mëmpamunara apang ku dimëntə samuri ene këtəeng nempëhalë sengkəorasë. Arawe i kami kawe mëmunara ghënanu pësahëllö, su tëtti u pëdisë, kaiso i Tuang kawe naməhë si sire mësulungu si kami!' ¹³Taghuangu wael'u anggorë e simimbahë su sengkatau wə'i sire, 'E hapi, ia e tawë nəsəla si kau. Balinewe i kau napulu waehang pësengkalëpa waug'u pëmamunaranu sëhëllö? ¹⁴Ku, aləe bawaehe dingangu kapulë e. Ia e mang mapulu mëgëlli bawaehe su tau simuë samuri mësulung dingangu taku nighëllikang si kau. ¹⁵Kai tawë wotonge ia mëbatu kapuluku su rarotongku e? Arau kai sumingking i kau, puhinengu ia kawe matalëntue?'"

¹⁶Mase Mawu Yesus nëberəe lai, "Məlaing kerene taumata apang kasamuriange sarung makəə kalahumotongange, ringangu taumata apang kalahumotongange sarung makəə kasamuriange."

^z mandorë e = mandurnya

**Katëllun sulene Mawu
Yesus maŭlĭ u kapapohong'E**
(*Mrk. 10:32-34; Luk 18:31-34*)

¹⁷Pia e-i Yesus makoꝝ sarang Yerusalem, ene su talo-aran daleng i Sie kai namaringang murit'E mapulo dua nĕkomolĕ i sire hala. Bꝝ e i Sie nĕhengetang si sire, ¹⁸"Pĕdarinhĕko! I kite ini mĕtĕtimo-na Yerusalem. Pai sene Ahus'u Taumata e sarung isarakang su manga imang tĕmbonange ringangu manga mananĕntirong agama. Mase i Sie sarung ihukung pateĕng, ¹⁹bꝝ e isarakang su waline taumatang Yahudi. I sire sarung mĕmpĕtaghunalang i Sie, manigĕsa si Sie, dingangu mĕnguruis'i Sie. Kai su katëllu ĕllone, i Sie sarung iapĕbangung kapia."

**Dorong i ninang i Yakobus
dĕduan Yohanes**
(*Mrk. 10:35-45*)

²⁰Bꝝ e kawing i Zebedeus dimĕnta ringangu manga anꝝe su anung Yesus. Su tĕngom Mawu Yesus i sie nĕsuba waꝝu pia dĕdorongange.

²¹"I ninang kai mapulunga?" angkuĕngu Mawu Yesus.

I ninang ene simimbang, "Iꝝ kai mapulu tadeꝝu anꝝku rarua ini pakaiang su kaihi ringangu su koaneng i Tuang kereu i Tuang makoꝝ Datu."

²²"I kamene wĕgaweng apa rĕdorongang i kamene," angkuĕng i Yesus si sire. "I kamene makainung bue wꝝu panganginuniangu kasasigĕsaKu ku hinon taku inungang?"

"Botonge," angkuĕng i sire.

²³Mawu Yesus nĕhengetang, "Tĕngadĕ i kamene sarungbe manginung lai wꝝu panganginunianguKu. Arawe maꝝanun i sai sarung kumaiang su kaihi'U ringangu su koanengKu, ene waline Iꝝ mananilakehĕ. Manga tampa ene kai waꝝu'u taumata apan seng nitilakeh'i AmangKu."

²⁴Tangu sarang i sire manga muritĕ mapulongkatau waline nakaringihĕ halĕ ene, i sire kai limangehĕ si rĕdua tahatuari ene. ²⁵Batꝝu ene ute Mawu Yesus kinuĭe sire kĕbi ku nĕhengetang, "I kamene masingkau manga tĕmbonang u bansa ku tawe makakirala Ruata e, manigĕsa kawa-

nuane. Dingangu kasasëllaheng i sire mēmpanēda si sire. ²⁶ Arawe i kamene e tawe wotonge kerene. Su sēmbēkane, i saing kṽ mapulu mētēngkasëllahē su taloarang kamene, hinong makoṽ mētatangkiang si kamene.

²⁷ Dingangu i sai mapulu makoṽ kahumotongange su taloarang kamene, hinom makoṽ ëllang i kamene. ²⁸ Kerewe lai Ahus'u Taumata e; i Sie rimēnta walineuwe waug'u makitangkiang, kaiso kawe mēdeṽ mētangkiang, dingangu mangonggou niawane mēdeṽ ipēliwirē taumata lawo."

Mawu Yesus napakakëllāen taumata wuta ruangkatau

(Mrk 10:46-52; Luk 18:35-43)

²⁹ Tangu piṽ i sire nahunsēbangke wou Yerikho, lawo taumata timole si Yesus. ³⁰ Kuteṽ kai piṽ tau wuta ruangkatau maḥungkaiang su wiwih'u raleng. Sarang i sire nakaringihē u i Yesus kai sṽsahe ute i rēdua nēmpēkuṽ, "Ahus'i Daud, talēntukong kami!"

³¹ Taumata lawo apang ene sene nēmpēhēkadē si rēdua e kṽ mēsēsēding i rēdua e apakādēmmasē. Kaiso i rēdua e nakapiang pēmamansage nēnga-

lembong kaihae lai, "Tuang, Ahus'i Daud, talēntukong kami!"

³² Mase Mawu Yesus e timaingke kṽ kimui si rēdua. "I rua e mapulu takṽ kapuraneng?" kakiwalong Yesus.

³³ I rēdua e nēmpēsimbang, "Tuang, i kami e mapulu makasilo!"

³⁴ Mawu Yesus e timalēntuēn dēdua e, kṽ bou nanenggehē matan dēdua. Kṽ su orasē ene lai i sire nakasilo. Bou e i rēdua e nēmpētoṽ si Yesus.

Mawu Yesus simuē su Yerusalem dingangu kawawantug'E

(Mrk. 11:1-11; Luk. 19:28-40)

(Yoh. 12:12-19)

21 Kakasandigeng Yerusalem tangu, i sire nahumpau Betfage su wulud'u Zaitun. Sene Mawu Yesus dimolohe murit'E ruangkatau pinēngalimona. ² "Dakoko solong kampong su tēngone pai," tatanatan Mawu Yesus si rēdua. "I kamene apid'u makasilo kalide sēmbau maḷaiki ringangkeweng anae. Lukako kalide ene kṽ aḷa damahi. ³ Kereu piṽ taumata makiwalong saba-rang ute, pēbera su tau ene, 'Kai Mawu mēgēgausē e,' tangu tau e

mëngkatewe ligha mapakawalang kalide ene pakiwawa.”

⁴Kerene katataingu halë e ne tadeau misëhu kere pinëberan nabi, u,

⁵ ”Pëhabarëko su Sion,

Datunu seng kadëntane su anunu.

I Sie mëngkate masana naunge ku i Sie simake su kalide,

ku kai sëmbau anau kalide, ku deng bëdang kawuhuang.”

⁶Bou e murit'E rarua e nëmpëtamaie ku nëmpëkoae kerewe nioron Mawu e si rëdua. ⁷I rëdua nëmpëbawa kalide e ringangu anae. Mase palukang kalide e niëmpahengu kakingkaeng i rëdua e. Ku Mawu Yesus simake e. ⁸Taumata sëmbuntuang sene e nëmpamilae manga kakingkaeng i sire su raleng, arawe sëngga ute mëmpanëntoe manga lelang u kalu e ku nianthehe su taloaran daleng. ⁹Taumata mëgëgapaëng kadalenge su tëngo ringangu su likud'i Yesus e kapëbëbansage u, ”Biahë Ahus'i Daud! Alamatë e mahundingang i Sie ku dudënta

suralungu arengu Mawu! Pëdalo-ko Mawu Ruata Su Marange!”

¹⁰Ene, saraeng Mawu Yesus susuë e su Yerusalem, sëngka-soaëng e mëngkatewe nëgëgahë, ”Kai i sai ini?” angkuëngu taumata su soa ene.



*Daleng mahëpo su soang Yerusalem
(21:10)*

¹¹”I Sie kai nabi i Yesus, bou Nazaret su Galilea,” angkuëngu taumata lawo mëmpahuntaking si Yesus.

**Mawu Yesus simuë su
Balem Mawu**

(Mrk 11:15-19, Luk 19:45-48)

(Yoh 2:13-22)

¹²Bou e Mawu Yesus simuë e su Walem Mawu, ku nanokolë patiku taumata apang mēmpēbēbawēlli sene. I Sie namalintui manga meda mananaliu roitë dingangu kakaianeng u mēbawalu paluma. ¹³Mase i Sie nēhengetang si sire u, "Su ralungu Winohe Susi e kabawohe u Mawu Ruata e kai nēhenge-tang, 'BaleKu e sarung isēba bale pēkakaļionanengang.' Kuteu ka-hiang kamene kawe nikakoā baes'u tahapēhampasē!"

¹⁴Ene pia e manga tau wu-ta ringangu peosē nahundēnta su anung Yesus su Walem Mawu, ku i Sie napakapian sire. ¹⁵Arawe manga imang tēmbonange ringangu mananēntiro u agama nēmpēpēdu nakasilo manga halē makadalinau kēkoateng i Yesus. Naung i sire naraļaki lai ualingu nakaringihē manga rariō mēmpēgēgio su Walem Mawu, "Kaumburē Ahus'i Daud!"

¹⁶I sire nēmpēberae si Yesus, "I Kau e makadingihē apa iwēberan sire?"

"Ore, la makadingihē," ungkuēng i Yesus. "Kai wēdang ta nakabasa i kamene Winohe Susi ini: 'Manga rariō dingangu ana deng sūsusu seng taku nitēntiroēng kereapa mēberang daralo mapia?'"

¹⁷Bou e Mawu Yesus nanēntang i sire, ku simēbang bou soa ene solong Betania, ku nēhēdang sene.

**Mawu Yesus nēngane
kalung ara**

(Mrk. 11:12-14, 20-24)

¹⁸Sēngkariō ēllone maļuka-lukadē kapahundaļenge mēsule solong soa, Mawu Yesus kai nahutung. ¹⁹I Sie nakasilo ara sēngkalu su wiwih'u raleng. I Sie himaungke kalu ene, kuteu kai tawe nakahombang buane sarang manga kadiongeng sēmbau, tumbawen daukalune sēsane. Mase Mawu Yesus nēberae su kalu ene, "I kau e kumbahang de-

laing mēbua!" Apid'u nahēguete kalu ene.

²⁰ Tangu, saraeng manga murit'i Yesus nakasilo halē ene, i sire mēngkatewe apa nēngkahe-rang, "Kawe kereapa hakū kalu ene apid'u nahēgu kēbī?" i sire nakiwało.

²¹ "Tēngadē," angkuēng i Yesus, "kereu i kamene mangi-mang kū tawē goē e ute, i kamene makakoā apan seng takū nikoā su kalu ara ini. Dingangu walineuwe tumbā ene lai, kaiso i kamene małaing makapēbera su wułodē ini, 'Kasapuāko kū kateledē su laudē'; tangu halē ene sarung mariadi. ²² Kū apaewen dēdorongan i kamene suralungu kałiomaneng i kamene e, sarung-be ikatarima i kamene, asału i kamene mēmpangimang."

Kakiwało mañanung kawasang Mawu Yesus

(*Mrk. 11:27-33, Luk. 20:1-8*)

²³ Bōu e Mawu Yesus nēsule sołong Bałem Mawu, mase simuē e kū nanaēntiro sene. Ene i Sie kapanēntirone, manga imang tēmbonange ringangu matatimad'u tau Yahudi e kai himaung si Sie ringangu nakiwało,

"Kai wōu kawasang apa i Kau makapēkēkoā patikū ini e? I sai tangu nēgēlliū kawasa ene si Kau?"

²⁴ Mawu Yesus simimbang, "Ia e małaing mapulu makiwało si kamene. Kū kereu i kamene sumimbang bue ute, Ia sarung mēbera si kamene u kai ringangu kawasan sai Ia makakoā manga halē ini. ²⁵ I Yohanes nēnahani e kai uałingu kawasan sai tangu? Mawu Ruata arau taumata?"

Mase manga imang tēmbonange ringangu matatimad'u tau Yahudi ene nanētae nēmpēsasing-gata su tałoaran lawō i sire, "Kereu i kite sumimbah'u, 'Ringangu kawasan Duata,' i Sie sarung mēbera, 'Maeng kerene unue i kamene tawe mangimang si Sie?' ²⁶ Kai kereu i kite mēbera, 'Dingangu kawasan taumata,' ute i kite e kai matakūben taumata lawōe, u su naung i sire kēbīe i Yohanes e kai nabi." ²⁷ Tangu i sire simimbangke si Yesus u, "I kami e wēga wue."

Mase Mawu Yesus nēhenge-tangke si sire, "Maeng kerene Ia e tawe lai mēhabarē si kamene u kai ringangu kawasan sai Ia makapēkēkoā kēbī ini e."

Papinintu maanung ana darua

²⁸ "Ku kerea su pëndangeng i kamene su halë ini?" angkuëng i Yesus tuhë. "Piako matimadë esë piä anä esë duangkatau. I sie himaungke su anä kai-akanenge ku nëbera, 'Amang, dakoko pamunara su wael'u anggorë e sahëllo ini.' ²⁹ 'Madi iä,' angkuëngu rarië ene. Kai wou e i sie nësasaule tinënnane ku nakoä sojong bael'u anggorë e. ³⁰ Bou e matimadë esë e himaung su anä karuane, ku maiaing nëbera kere. 'Kerene e gaghurang,' angkuëngu ana karuane e. Kaiso i sie tawe rimalleng. ³¹ Ku bou taloarang ana darua ene, sude e mëkëkoä kapulung amange?"

"Kaiakanenge," angkuëngu manga imang tēmbonange ringangu matatimad'u tau Yahudi e.

Tangu Mawu Yesus nēhenge-tangke si sire, "Pangimangke: Manga maghaghëlle pajakë dingangu manga wawine tahapësundaļë kai sarung makali-mona makoä kawanuan Duata e wou i kamene. ³² Ualingu i Yohanes Mēnanahani e rimēnta ku mēlahë si kamene u kai kereapa

mëbiahë kere ikëkapulu Mawu, kaiso i kamene tawe mangimang tēntirone arawe manga maghaghëlle bea ringangu manga wawine tahapësundaļë e mëmpangimang bue si sie. Kai manjeng i kamene sembeng makasilo këbi ene, kai i kamene mang ta nësasaule ringangu tawe nēmpangimang su Mawu."

Papinintu maanu manga nēmamunara wael'u anggorë
(Mrk. 12:1-12; Luk. 20:9-19)

³³ "Pēmpëdaringihëko lai papinintu sēmbau ini," angkuëng i Yesus. "Naung kai piä sēngkatau taghuang ëntana nēsuangkeng anggorë su waelë. Baele nitēndakenge pinakaliku, mase nēmangka lohange waug'u pēmamēhaëng u anggorë, mase napararisu mēnara pëndariagateng. Bou ene i sie nakitamangu sasuang anggorë e su manga mēmamunarane, mase namundaļë sojong banua waline. ³⁴ Saraeng seng masandig'u tempon pananipo wuang anggorë e, taghuang ëntana e rimolohen manga ëllange sojong anum mēmamunara sasuang mēdeau iapanarima buane wahageange. ³⁵ Kuteu manga mēmamunara sa-

suange kai nēmpēname manga ěllangu taghuang baelē e: Kū sēngkataue nilimadē, sēngga pinate, arawe sēnggae wue u-te niēntungangu watu. ³⁶ Taghuangu waelē sauewe rimoloh'u manga ěllange waline, nēngalem-bong kaławōe wōu humotong. Kuteu i sire maļaing nikakoā kere-ne. ³⁷ Nadehō taghuangu waelē e rimoloheng ahusē esē e niapa-kakoā solong anun sire. 'Nalaheu anaku e sarungbe adateng i sire,' angkuēngu naunge. ³⁸ Kai sarang mēmamunara nakasilōe ahus'u taghuang baelē e, i sire nēmpēberae sēmbau su waline, 'Eneku ēndai taghuange. Mahie pateēngkeng kite i sie, tadeau i kite makapēnaghuang pusakae!' ³⁹ Tangu rario e nihēgoen sire, niwahung sulikude, mase pinate."

⁴⁰ Mawu Yesus nakiwalōe, "Ho, kereu taghuang bael'u anggorē e rumēnta kapia ute, kai pēkapuraēng e ngae manga mēmamunara ene?"

⁴¹ I sire nēmpēsimbang, "Nalaheu i sie sarung mēmate taumata raralakī ene mase makitamangu wael'u anggorē e su taumata waline apang

mēmpangonggōbem buane si sie su tempone."

⁴² Tangu Mawu Yesus nēhengetangke si sire, "Kai wēdang ta nakabasa ngae i kamene māba-wohē suralungu Winohe Susi e?

'Batu niwalan tukang e
seng nakoā batu
kahumotongan e.

Ini e kai munara Mawu;
kū enēewe makananiang
kalēnggihe!'"

⁴³ "Kū pēmpētahēndung," angkuēng i Yesus, "patikū apan tētaghuanengu kawanuan Duata e sarung alakeng bo'i kamene kū ionggō su umatē mēdēndaleng u kapulun Duata. [⁴⁴ I saing kū maēnsa su watu ene, sarung maralūmadē; kū i saing kaēnsakengu watu ene, sarung mararulē kere awulē.]"

⁴⁵ Ene, saraeng manga imang tēmbonange ringangu tau Fari-si e nakaringihē papinintun Mawu Yesus ene, i sire nakaēnnāe u i Yesus kai mēbēbisara māa-nun sire. ⁴⁶ Kū i sire nēmpēdeabe mēhēgo si Sie. Kaiso i sire kai matakū u taumata ļawōe, watuu taumata ļawō mēngēngēnnau Mawu Yesus kai sēngkatau nabi.

Papinintun saliwang u
pëkakawing

(Luk. 14:15-24)

22 Kuteu Mawu Yesus saue-
we nëhengetang su tau-
mata lawo dingangu papinintu,
² angkuënge, "Pëpaparenta Mawu
Ruata e, kakakoae kai mësulungu
papinintu: Sëngkatau ratu na-
mangung saliwang u pëkakawing
baug'u ahuse esë. ³ Datu ene ri-
molohen manga ëllange tamai
panënsomahë taumata apan ni-
habareng su saliwang ene. Kuteu
apaewen nihabareng kai nëngka-
diri rimënta. ⁴ Nësau kapia ratu e
rimoloh'u manga ëllange waline.
Tatanatane si sire: 'Pëmpëha-
barëko si sai-saing kewe ninotë
é: Kaëngu saliwange seng nasa-
dia. Sapi, ringangu manga ana u
sapi kù karalënggihange seng pi-
noto. Këbje seng nauadipë. Sa-
lamate mahundënta su saliwang
u kawing!' ⁵ Kuteu kalawou sake
apan ninotë e tawe nëmpësëmpj.
I sire nasidaleng rälange solong
pëmamunaraënge – sëngkatau
solong baelë, sënggäe wue u-
te nëdeä pëbawalukange; ⁶ arawe
sënggäete wue kawe nëmpëhëgo
manga ëllang u ratu e, mase
nëmpëndariha ringangu nëmpa-

mate si sire. ⁷ Saraeng datu e na-
karingihë halë ene, i sie mëngka-
tewe limangehë. I sie rimoloheng
buntuangu mësasëkë e mëdeäu
pëmate manga tahapate ene, ri-
ngangu niapanutung soan sire.
⁸ Bøu e i sie kimui manga ëllange
mase nëhengetang, 'Salimbang u
kawinge semben sadia, kai apan
ninotë e tawe hinone naung.
⁹ Dakoko luhu e apan daleng
gaghaghuwäe kù notëko kalawo-
wen taumata solong saliwang u
kawing ini.' ¹⁰ Tangu manga ëlla
nge nahundalengke. I sire nahun
daleng suapaewen daleng gagha-
ghuwäe kù nëmpënampungu këbi
taumata apaewen kinaëbakeng i
sire sene bae mapapia, bae rara
läi. Tangu napenë e tampau pësa
salimbangenge kahian sake.

¹¹ Bøu e ratu ene simuë ki-
makëlla manga sake. I sie naka-
silo kai piä sëngkatau su salim-
bang ene tawe nëluhen pakeangu
salimbang. ¹² Bøu ene i sie naki-
walo su tau ene, 'Hapi, kawe na-
kakasuë kereapa i kau sarang ini
kù kawe tawe nëluhen pakeangu
salimbang e?' Tau e tawe naka-
werang apa-apa. ¹³ Tangu ratu e
nëhengetangke su manga ëllange,
'Hapusëko laede ringangu lima-
ne, kù bahungko i sie solong li-

kude su tanpa marëndung. Sene sarung pia sasangi dingangu kasasigësä.”

¹⁴Mase Mawu Yesus nangensuen papiniintu e kereini, "Lawo bue kinakuiange, kai tangu kawé mahali kinapile."

Halë u pëmamaehë pajakë

(Mrk 12:13-17, Luk 20:20-26)

¹⁵Tangu manga tau Fari-si e nempësolihe kü nempëdalahlintau mësang kereapa i sire makapëngalä bera si Yesus e ringangu manga kakiwalö. ¹⁶Tangu i sire rimoloheng nanga murit'i sire solong anung Yesus, ringangkewen pirangkatau taumatang Herodes. I sire nempëberäe si Yesus, "Tuang Guru, i kami masingkau i Tuang kai matulidë. I Tuang manëntirowe su katëngadë manun kapulun Duata waug'u taumata, tawé mësasasëmpibe tinënnan sai-sai. U i Tuang e tawé mëmamile ghatin taumata. ¹⁷Ualingu ene ute, kënang i Tuang pëbera si kami: Kereu tumuhu atorangu agamang kite, botonge mëmaehë pajakë su Kaisarë arau tawé wotonge?"

¹⁸Mawu Yesus masingka tinënnan sire ralaki ene, kü i

Sie nëhengetang, "E, i kamiene taumata mëmëlle! Unue i kamiene mëmpañaluka Sia? ¹⁹Todeko si Sia galiu roitë ipëpake i kamiene mëdeau pëmaehë pajakë!"

Mase i sire nangonggou roitë salaka sëngkalëpa si Sie. ²⁰Kuteu Mawu Yesus nakiwalöe si sire, "Kai ghahi i sai ringangu areng i sai ini e?"

²¹"Kaisarë," angkuëng i sire.

Tangu Mawu Yesus nëhenge-tangke si sire, "Kamageng kere-ne ute, onggoe su Kaisarë apan tëtaghuaneng'u Kaisarë dingangu su Ruata apan tëtaghuaneng'u Ruata."

²²Saræng i sire nakaringihë pëndalahë ene, i sire naralingu. Kü i sire nëmpanëntang i Yesus.

Halë u pëbawangung bou papate

(Mrk. 12:18-27; Luk. 20:27-40)

²³Su ëllo ene lai, pia e tau Saduki pirangkatau nahundënta su anung Yesus. I sire kai taumata nangun mëmpëbëbera u taumata nate e seng tawé sarung mëbangung kapia. ²⁴"Tuang Guru," angkuëng i sire, "I Musa e nanëntirowe kereini: Kereu sëngkatau esë e mate, kü ta anæ ute anæ u sëngkataune harusë pëka-

wing dingangu walune tadeau mapalēton hite waug'u tau ēndai seng nate e. ²⁵ Nəung pia i si-re pitu tamahuari ku nēmpētana sini. Ene kaiakanenge nēkawing ku bōu ene nate tawē anae. Tangu walune nitētang baug'u anau sēngkataune. ²⁶ Bōu e tuarine maļaing nate tawē anae. Halē kerene maļaing himombang su tuarine katēllune nakahakiewen lai kapitune. ²⁷ Kasamuriange ute wawine ene hala e maļaing nate. ²⁸ Ku su tempon taumata nate e ipēbangung kapia e ute, kawingken sai tau wawine e? U nəung i sire pitu e seng bōu pinēkawingange."

²⁹ Mawu Yesus ute simimbangke, "I kamene mambeng nēsaļa, u i kamene tawe nakaēnna Winohe Susi, kerene lai kawasan Duata. ³⁰ Batuu kamageng taumata nate e sarung mēbangung kapia ute i sire semben tawe mēkawing kaiso i sire sarung mēbiahē kere maļekatē su sorga e. ³¹ Kai wēdang ta nakaḅasa i kamene apa hengetangu Mawu Ruata maanun taumata nate nipēbangung kapia? Mawu Ruata e nēhengetang, ³² 'Ia e kai Ruatang Abraham, Duatang Is-

hak dingangu Ruatang Yakub.' Mawu Ruata e tangu walineuwe Ruatan taumata nate. I Sie kai Ruatan taumata wiahē!"

³³ Saraeng taumata ļawō ene nakaringihē tatualag'i Yesus, i si-re mēngkatewe nēmpēdaļinau u tēntiron'E.

Tita kahumotongang e

(*Mrk. 12:28-34; Luk. 10:25-28*)

³⁴ Ene saraeng tau Farisi e nakaringihē u i Yesus kai seng nakapēkēmming mohongu tau Saduki e, ku i sire kai nēmpētampung. ³⁵ Sēngkatau wō'i sire, kai sēngkatau mananēntiro agama, kai mēnangka si Yesus ku mangala bera ringangu kakiwaļo sēmbua. ³⁶ "Tuang Guru," angkuēnge, "kai tita sude kahumotongange su raļungu atorang u agama?"

³⁷ Mawu Yesus simimbang, "Kēndag'u Mawu Ruatanu ringangu kaḡuwau naungu, ringangu kaḡuwau himukud'u, ringangu kaḡuwau ļaēnnanu. ³⁸ Kai ene tita kahumotongange ringangu kaḡuwakenge! ³⁹ Tita karuane ute mēsulung dingangu humotonge ute kai: Kēndag'u sēndinganengu kerewe

i kau kumëndagu watangengu.
⁴⁰ Patikū tita kū mionggō i Musa ringangkewen tēntiro manga nabi e niapakaiaŋ su tita rarua ene.”

**Māanun · Datu
 Mananaŋamatē**

(*Mrk. 12:35-37. Luk. 20:41-44*)

⁴¹ Kuteū tau Farisi e nāung deng maŋatampung sene, Mawu Yesus nakiwaŋe si sire, ⁴² ”Kere-rea su tinēnuang kamene māanun Datu Mananaŋamatē? Kai hēnton sai tangu i Sie?”

”Hēnton Daud,” simbah’i sire.

⁴³ ”Maeng kerene,” angkueng i Yesus, ”kawe unue tangu hakiu Rohkē Susi e mēkēkaradiahang si Daud kū mēsēsēbau Ratu Mananaŋamatē e ’Mawu’? U i Daud nēbera,

⁴⁴ ’Mawu e nēhengetang su Mawuku:

kaiangko su koanengKu,
 sarang la mēkoā manga
 rumarokaū e
 sumasumēllung si Kau.’

⁴⁵ Kuteū kereu i Daud mēsēbau Ratu Mananaŋamatē e kai ’Mawu’, ute kereapa wue i Sie hēnton Daud?”

⁴⁶ Taweū sarang sēngkatau nakakasimbahē si Yesus. Kū nanēta bou ēllo ene taweū waha-ni makiwaŋe manga apa lai si Sie.

**Tatumbaŋung tadeau
 pakalaingatē su manga
 mananēntiro agama ringangu
 tau Farisi**

(*Mrk 12:38-39; Luk. 11:43,*)

(*46, 20:45-46*)

23 Mase Mawu Yesus nēhe-ngetang su taumata ŋawō dingangu su manga murit’E e angkuēng, ² ”Mangā mananēnti-rong agama ringangu tau Farisi e nakahombang kawasa waug’u mēlahe u tita Musa. ³ Batuū ene ute pēmpēsēmpī bue ringangu pēmpētuhū bue waug’u patikū apang ipēparentang sire. Kai kumbahangbe mēmpētēno kakanoā i sire, u i sire tawe mēkakoa apang itētēntiron sire. ⁴ I sire mēmpānuntūewe manga halē mawawēha dingangu mēmpangonggou atorē mawawēha, kai mang ta kadiiongeng mētulungu taumata tadeau mēmpēdēndalengu ene. ⁵ Patikū apang kēkoa-teng i sire kētaeweng mēdeau pakipandai su taumata. I sire

mētētātndē mēpēpakē u wawēkise mawawēnahē keren mēmpēkaļio-maneng dingangu mapakanandū u humbung lakū i sire. ⁶I sire papuluang su tanpa kaho-roēnge su manga saļiwang di-ngangu su manga kalaianeng su tēngone suraļingu manga waļen pēkakaļioamanengang. ⁷I sire pu-luang maķiadatē su manga pa-sarē, dingangu maļuasē kuiang 'Tuang Guru'. ⁸Arawe i kamene, abe kapulu kuiang 'i Tuang Gu-ru', u gurunu e mang sēmbau kū i kamene kēbje kai anau sēmbau. ⁹Dingangu kumbahang i kamene kumui su sēngkatau su dunia ini 'Amang', u i Amang i kamene e mang sēmbau kū kai i Amang su Sorga. ¹⁰Dingangu abe kapulu i kamene kuiang 'Mēngangaha', batū mēngangaha i kamene mang sēmbau kū kai Ratu Mana naļamatē seng nikēdon Duata. ¹¹I saing kasēllahenge su taļoa-rang kamene, hinong kakoā mēta-tangkiang si kamene. ¹²I sai mē-tēngkarangeu watangenge sarung iapa kasana; arawe i saļewe mē-tēngkasana, sarung iapakarange."

Mawu Yesus nanēngkulē lulu mēmēlle

(Mrk 12:40; Luk 11:39-42.)

(44. 52. 20-47)

¹³"Kaēngkēhang i kamene manga mananēntiro agama ri-ngangu tau Farisi! I kamene tau-mata mēmēlle. I kamene ma-na-haghe taumata mēdeau makoā daļohong jamaat'u Mawu. I ka-mene hala maļiri makoā daļo-hong jamaat'u Mawu, arawe waļine apam mapulu e, kahian kamene sahagheēng.

[¹⁴Kaēngkēhang i kamene manga mananēntiro agama ri-ngangu tau Farisi: I kame-ne kai mēmpēmēlle. I kame-ne mēngēngakaļē manga wawine waļu ringangu mēmpēlēhampasē baļen sire kū mēdeau ipangam-bung kararaļaje tangu i kamene mēkēkaļiomaneng manandu-nan-du. Suwu u ene ute hukumang i kamene e sarung limembong kawēhaje!]

¹⁵Kaēngkēhang i kamene manga mananēntirong agama ri-ngangu tau Farisi! I kamene kai

tahapēmēlle! I kamene rūdaleng mararau māmotō laudē, dingangu mēmpāmēpidē banua mēdeau reng makasahionge sēngkatau makakasuē agamanu. Kū saraeng tau e simuē e agamanu e ute i sie koateng ikamene raḷohon narka ruan suḷe limembong karalakiē wou'i kamene!

¹⁶ Kaēngkēhang i kamene manga mēngangaha buta! I kamene mēmpānēntirong ini, 'Kereu i sai mēsalu su Waḷem Mawu e ute, saluwe tawē mangalane; kai kereu i sie mēsalu su wuḷaeng su raḷungu Waḷem Mawu e ute i sie kaḷakaju salune ene.' ¹⁷I kamene taumata e wodokē o kawē lai wuta! Sude ḷimembong kapiāne: buḷaenge arau Baḷem Mawu e makasusi wuḷaenge? ¹⁸I kamene mānēntirong ini lai, 'Kereu sēngkatau mēsalu ualingu pananēmbaēng, taumata ene tawe naiki su salune; arawe kereu i sie mēsalu ualingu sasēmba su wowom pananēmbaēnge, i sie naiki kahian sasalune ene.' ¹⁹Kai wuta kaēli i kamene! Sude limembong kapiānge? Sasēmbane arau pananēmbaēng kū makakoā sasēmba ene masusi? ²⁰Batu ene, kereu pia u

mēsalu su pananēmbaēng, ene mangalene i sie nēsalu ualingu kai su pananēmbaēng, mēbēbawa kēbi apaewen mapapēllo su wowane. ²¹Kū kereu pia u mēsalu su Waḷem Mawu, ene mangalene i sie mēsēsalu kurai su Baḷem Mawu e, kurai su Ruaḷta mētētumana sene. ²²Dingangu kereu pia u sēngkatau mēsalu ualingu sorga, ene mangalene i sie mēsēsalu ualingu kararatuang u Mawu, dingangu ualingu Ruaḷta kū māiang su kaḷaianeng'E. ²³Kaēngkēhang i kamene manga mananēntiro agama ringangu tau Farisi! I kamene kai tahapēmēlle. I kamene mēmpāngonggou katahapuḷong kapahiakengu salasi, pingkilē,^{aa} dingangu pēmpasē^{ab} e su Mawu. Arawe manga haḷē kaghaghuwakenge suraḷung u atorang u agama, kere manga: Kaadilē, pēkakakēndagē, katatuhue tawe sasēmpikang i kamene. Sēmbaḷiau kai ene harusē koateng i kamene kaḷamona, su sēmbēkang ene tamai lai mapakawalan haḷē baḷine. ²⁴I kamene e kawē niangangahau wuta lai! Lango su inumang sahikang i kamene, arawe onta e kawē ēlukangbeng kamene!

^{aa} adas manis ^{ab} jintan

²⁵ Kaëngkëhang i kamene mananëntiro agama ringangu tau Farisi! I kamene e tahapëmëlle! Manga lainumang dingangu manga lama i kamene lëuhasengbeng kamene likude pakawurësi, arawe raŕunge mëngkate apa maŕamuhü kahiaewen haŕë këkaëbakeng i kamene ualingu pëmamulaŕaho ringangu pëbawawusa. ²⁶I kamene tau Farisi wuta! Uhasëko kaŕamona pakawurësi raŕungu manga lainumang dingangu manga lama, ta-deaŕu likude maŕaing burësi!

²⁷ Kaëngkëhang i kamene mananëntiro agama ringangu tau Farisi! I kamene e tahapëmëlle! I kamene kerë e manga kubulë nilaburë pinakawira, su likude ikëkasilo maŕënggiŕhë, arawe suraŕunge napenë ruhi ringangu këbiewe apam mawawuhü. ²⁸Kerene lai i kamene. Wou likude i kamene kakëllaëng mapia su taumata; arawe suraŕunge ute i kamene kawe napenë u konti ringangu kararaŕaki."

**Mawu Yesus nanëbaleng
hukumang su manga
mananëntiro agama ringangu
manga tau Farisi**

(Luk 11:47-51)

²⁹"Kaëngkëhang i kamene mananëntiro agama ringangu tau Farisi! I kamene e tahapëmëlle! I kamene nëmpangëndü u wutung kubulë maraŕënggiŕhë baugu manga nabi e, ringangu lëŕëga-hengu palë tatiaŕen taumata kakanoaë mapia. ³⁰Kü i kamene nëmpëbera u, 'Mangawe i kami nëbiahë su tempong manga iupung i kami e naung ute, i kami e tawe timuhü dingang i sire nëmpamate manga nabi! ³¹Kü i kamene nëmpangaku hala u i kamene e kai hiten taumata nëmpamate manga nabi.' ³²Maeng kerene ute, pëmpanurusë e ringangu mëngkate pakasue e kaŕawou rosa kü seng niwahëtang iupung i kamene e! ³³I kamene e kai raraŕai dingangu kawe hiten taumata raraŕai! Kereapa ngae

i kamene mapakasalamat'u watangeng bōu hukumangu naraka? ³⁴Daringihēko pakapia-pia: Ia e sarung mēndoloh'u manga nabi, taumata matatahuēna, ringangu manga mananēntiro; kŭ sēngga bō'i sire sarung pateēng i kamene, ringangu sēnggaewe lai waline sarung kuruisang i kamene. Piabe lai sarung pahangeng i kamene suralungu waleng pēkaka-liomanengang, mase saghegheēng i kamene bōu soa sēmbau sarang soa waline. ³⁵Batŭu ene i kamene sarung ihukung ualingu pēmamate kŭ nīkakoā su kaławōu taumata tawē salane – nanēta bōu pēmamate si Habel kŭ tawē salane sarang pēmamate si Zakharia anā i Berekia, kŭ pinateng kamene su taławaram Balem Mawu ringangu pananēmbaēng. ³⁶Pangimangke: patikŭ ene sarung tumuhung su taumata orasē ini!"

Mawu Yesus tŭtalēntŭ u Yerusalem

(Luk. 13:34-35)

³⁷"Yerusalem, Yerusalem! Manga nabi e kawē nīpapate-nu. Manga raro-lohang u Ruata

e niēntungangu watu sarang nate. Seng kapirang sulē e Ia mapulu mangomol'u patikŭ mētatumanaŭ, tabidaeng inēngen manŭ mangokŭ manga anae sualung u panide, kutēu i kau e kawē maḍiri! ³⁸Ualingu ene Mawu Ruata e tawē lai mahundingang i kamene. ³⁹Kasingkako: Manēta bōu orasē ini e i kau seng tawē makasilo Sia saŭ sarang i kau mēbera, 'Alamatē e mahundingang si Sie kŭ dimēnta su arengu Mawu.'"

Mawu Yesus mēbēbisarang kaghaghoghahu Walēm Mawu

(Mrk. 13:1-2; Luk. 21:5-6)

24 Saraeng Mawu Yesus dimalengke nanēntangu Walēm Mawu e, tangu manga murit'E himaung si Sie kŭ nēmpanēbōeng sahang kakakoā u Walēm Mawu e si Sie. ²Kutēu i Yesus nēhengetang si sire, "Nakasilo wue patikŭ ene i kamene? Kasingkako, mambeng tēngadē u, tawēu watu sarang sēmbau bōu manga walē tamai ini e bēdang mawala maḍalēnsung sēmbau su waline, su ēnnae. Kēbie sarung tēnnehang."

Kasasigësa dingangu tatumbiagë

(Mrk. 13:3-13; Luk. 21:7-19)

³Bou e Mawu Yesus simaka solong bulud'u Zaitun, tangu pia e i Sie maiang, manga murit'E e himaungke mëdeau mahumbisara ringang'E mëtëngo. "Pëhabarëko si kami ku kai angere tempone patiku ene sarung mariadi," angkuëng i sire si Sie. "Kai mangae tatiala apa ngae pëlahékangu rarëntan Tuang dingangkewe lai kasueëngu runia?"

⁴Mawu Yesus simimbang, "Pakapapia wue, kumbahangbe sarung i kamene kaakaleng. ⁵Batuu taumata lawo sarung mëmpëdënta ringangu arengKu ku mëmpëbera, 'Kai Ia e Ratu Mananałamatë!' I sire kai sarung mëngakalë taumata lawo. ⁶I kamene sarung makaringihë tingihu pësasekë^{ac} e dingangu habar'u pësasasekë e, kaiso abe këngkatu. U këbi ene mang harusë mariadi, kai ene walineuwe tempone seng mëkiamatë. ⁷Bansa sëmbau sarung mëseke dumoka bansa waline, dingangu karara-

tuang sëmbau sarung mëngalo kararatuang baline. Ku suapan tanpa sarung pia karalunusë dingangu mëlinuhë. ⁸Ku patiku ene wuhuwe panëtakege, kere tëdu u^{ad} sëngkatau wawine su tempon mëhënding.

⁹Bou e i kamene sarung samekang ku isarakang mëdeau pahangeng dingangu pateëng. Patiku dunia e sarung mëmpëbinsi i kamene ualingu i kamene kai muritëKu. ¹⁰Su tempo ene sarung malawo taumata mëmpësoho dingangu mëdaralai ore lai mëmpëbinsi sëmbau dingangu waline. ¹¹Lawo mahang nabi sarung mëmpëlëto, ku makaakalë taumata lawo. ¹²Karalakie mangken mahuntinambang katoghase hakiu taumata lawo selaing tawe makakoë mëkakëndagë. ¹³Arawe i sajewen matatana satia sarang pangënsueënge ute sarung iapa kasalamatë. ¹⁴Ku Injilë e manung kereapa Mawu Ruata mëparenta ute sarung ihabarë su kaguwau dunia, tadeau patiku umatë e makaringihë. Mase wuhuwe rumënta kiamatë."

^{ac} pëbawawuno = pertempuran ^{ad} kaliking

24:9: Mat. 10:22 24:13: Mat. 10:22

Dosa ku makabinasa

(Mrk. 13:14-23; Luk. 21:20-24)

¹⁵ "I kamene sarung makasilo, 'Dosa ku makawinasa', ke-re ilëhabar'i nabi Daniel, dudarisi su tampa susi. (Kaketa suapam mēbawasane: Ennaiko kaia mangalene!) ¹⁶ Su tempo ene i saing ene su Yudea harusē tumalang solong bawuludange. ¹⁷ I sain su wowong atu u wale abe lintu mēngala apa-apa wou ralungu wale. ¹⁸ I sain su waelē abe pēsule mēngala lakue. ¹⁹ Kaēngkēhang ēllo ene su manga wawine pia kapa-pia, ringangu su manga wawine kapanusune rariō! ²⁰ Pēmpēkaļio-manengko tadeau kumbahang sarang i kamene harusē tumalang su tempong pēdasehang arau su ēllon Sabatē! ²¹ Su ēllo makagaghēnggang ene sarung pia kasasusa masaria kerewe wēdang ta nadiadi rokeng bou tētau dunia sarangkewen orasē ini, ringangu selaing tawe mēsau. ²² Kai manga Mawu Ruata e tawe mangēsō tempone ute; tawe u sarang sēngkatau masalamatē. Kai ualingu umat'E, ute Mawu Ruata e nangēsō u tempo ene.

²³ Ku su tempo ene kereu pia sēngkatau mēbera si kamene, 'Kakēlla, Ratu Mananalamatē e ēndaung sini!' arau 'i Sie pai sene!' – ute abe pēmpangimang su tau ene. ²⁴ U kai sarung lumēto mahang kristus e ringangu mahang nabi. I sire sarung mēmpēkoā manga halē makadalinau dingangu makalahe-rang mēdeau makaakalē, sēngapam botonge sarang su kawanuan Duata ewe lai. ²⁵ Ku, pētahēndungko! U Ia e seng nēhabarē si kamene kaļamona tēntalang halē ene ta nadiadi.

²⁶ Kereu pia u mēbera si kamene, 'Kakēlla, i Sie ene pai su wanua ļinggi!' – kumbahang i kamene tamai. Arau kereu i sire mēmpēbera, 'Kakēlla, i Sie mēkēkēmbuni suralungu kamarē ēndai sini e!' – ute abe pangimang. ²⁷ U rarēntang Ahus'u Taumata e kai mēsulungu sēnang u kilā bou sēmbēkan daki, ku matuahē solong sēmbēkam bahe.

²⁸ Suapan pia kasuang ute sene pia manu tahapanemo kasuang."

Darëntang Ahus'u Taumata*(Mrk. 13:24-27; Luk. 21:25-28)*

²⁹”Tangu lëpasewen napaluse kasasusan tempo ene ute, matangello e sarung marëndung, dingangu wulang e seng tawe sumënnang. Manga wituing e sarung mëngkahondosë bou langi, dingangu kalawou mangangawasa kinoaëng e sarung mëkalëmboghang.^{ac} ³⁰Bou e tatialang Ahus'u Taumata e sarung ikasilo su langi. Su tempo ene patiku umatë su dunia e sarung mahulungkang. I sire sarung makasilo Ahus'u Taumata kadëntane su wowom bina-wa ringangu kawasa ringangu kawawantugë masëllahë. ³¹Napiri gaghuwae sarung tiukang, ku Ahus'u Taumata sarung mëndoloh'u manga malækatë ipangomolë kawanuan'E wou këbi bukun dunia ëpae, dingangu wou pungu langi sëmbau sarang pungulangï baline.”

Tëntiro wou kalung ara*(Mrk. 13:28-31; Luk. 21:29-33)*

³²”Pëngalako tëntiro wou kalung ara, kereu manga hakondane kawé melong dingangu masasikome, ringangu manëtaë humëti, i kamene masingkau tempom pëdisë e seng marani. ³³Kerene lai kereu i kamene makasilo halë tamai ene mariadi, i kamene masingkau tempone seng masandisandigë. ³⁴Kasingkako! Halë tamai ene sarung mariadi tëntalang taumata apan mëbëbiahë orasë ini e, mëngkairi këbi. ³⁵Langi dingangu dunia e sarung mapaghohë, arawe waweraKu e tatapë sarang marëngu-dëngu.”

Taweu masingkau ëllo ringangu orase*(Mrk. 13:32-37; Luk. 17:26-30, 34-36)*

³⁶”Taweu masingka mënsang angere ëllone ringangu orase, manga malaekatë su sorga e wëga, Ahus'u Taumata e malaing

^{ac} guminuë = kacau balau

24:29: Yes. 13:10, 34.4, Yeh. 32.7, Yl. 2:10, 31, 3:15, Pël. 6:12-13

24:30: Dan. 7:13, Za. 12:10-14, Pël. 1:7

běga, samatang i Amang tumba masingkæ. ³⁷Kamageng Ahus'u Taumata e ruměnta ute, kakakoæ kai mēsulungu su temping Nuh naung. ³⁸Su pira ěllo těntalang ta nědēdarulung gěguwæ, taumata e maḥungkaěng mēmpanginung dingangu mēmpekķekawing. Kerene sěnti niā saraeweng niḍating u ěllon Nuh nasake su raḷungu kapalě. ³⁹Saraeng darulunge nangelōe si sire ķēbi buhūe i sire nakahěngangu kaia seng nariadi. Kerene lai kakakoæ sarung kereu Ahus'u Taumata e ruměnta. ⁴⁰Su tempo ene piako ruangkatau su waelě kapamunarane: Sěngkataue sarung paringaneng, arawe sěngkataue wue itěntang. ⁴¹Manga wawine ruangkatau e kapěnggilinge gandum: Sěngkatau paringaneng, sěngkatuēwue itěntang. ⁴²Tangu pakalahěkosě bue, u i kamene wěga wue měnsang angere Mawunu sarung duměnta. ⁴³Pětahěndungko ini! Kereu manga taghuangu wale e masingkau kai pukulě pira su hěbi ku pia tahatako e sarung duměnta, ute i sie tawe mětiki, tadeau tahatako e tawe sumuě solong dalungu walene.

⁴⁴Uaḷingu ene, i kamene maḷaing pakarariahi. Batu Ahus'u Taumata e sarung duměnta su orasewe i kamene ta pěngangantibe."

Ĕllang satia ringangu ěllang ta satiane

(Luk. 12:41-48)

⁴⁵Angkuěngu Mawu Yesus kapia, "Kamageng kerene, kai ěllang sude masatia ringangu matahuěnna? Seng i sie nirui u mawune nakoā těmbonang u manga ěllang baline; tadeau i sie mangonggou kaěng si sire su tempone. ⁴⁶Kariangkamang su ěllang ene kamageng kawalikangu mawune, ku i sie kahombangengbe kapěkoæ munarane. ⁴⁷Pangimangke, u mawune sarung manarakangu kaḷawou raro-tonge su ěllang ene. ⁴⁸Kai kereu ěllang ene kawe raḷaki ute, i sie sarung mēbera suraḷungu naunge, ⁴⁹'Mawuku bēdaweng marěngu mēbali,' ku i sie nanětæ namaḷo manga ěllang waline, mase kimaěng nangi-nung dingangu tahapětěngkiwukang. ⁵⁰Bou e mawune sarung mēbali su ěllo ringangu orase ta laantiwange. ⁵¹Tangu ěllang ene sarung bēbawēbahengu mawune,

kü iwahung soḷong tampaṽ tau-
mata mēlle. I sire sarung ma-
hunsangi dingangu mētatahangu
sigēsā paise.”

Papinintu maṇung mahuala mapuḷo

25 ”Kereu Ahus’u Taumata
e rumēnta waug’u i Sie
kawe Mawu ute, kakakoṽ kai
mēsulungu papinintu ini: Mahua-
la mapuḷo nasiḷaḷa soḷone, mase
tamai nēmpānēsomahē kaghiang
esē.

²Ene limangkataṽ wō’i si-
re e kai longong,^{af} arawe li-
mangkataṽ waḷine e kai mata-
tahuēnna. ³Limangkataṽ mahua-
la ḷongong e nēmpēbawawe soḷon
sire, kaiso tawe nēmpēbawa ḷa-
na rariahine. ⁴Limangkataṽ ma-
huala matatahuēnna e nasiḷbawa
soḷone ringangkewen lana rariahi-
ne. ⁵Kaghiang esē e rimēnta riṽ
maḷongge, kü manga mahuala e
nanētāe nēngiolabē kü nikahunti-
kilangke.

⁶Ara kēkaḷoaranete, wuhue
kinaringihē piā kakui u,
’Kaghiang esē e narēnta!
Ēndaie pēmpānēsomahē si
sie!’ ⁷Ene mahuala mapuḷoe
nēmpēbangungke kü nēmpēndikō

soḷon sire. ⁸Manga mahuala
apan longong e nēmpēberāe su
matatahuēnna, ’Pahiakengkōn la-
nang kamene e, i kami, u soḷong
kami e seng mēdēdusē.’ ⁹’Ta-
we makaonggō!’ angkuēng i sire
mahuala matatahuēnnae, ’batuṽ
mēntēhang kai i kiteṽ kēbi lana-
ne ta natimu. Dakōe pēmpamēlli
su toko!’ ¹⁰Ene, manga mahua-
la ḷongong e tamai e nēmpēmēlli
lana. Saraeng i sire naḷikudē,
narēntāe kaghiang esē. I sire ma-
huala kü seng nariahie nahunsuē
e ringangkeweng kaghiang esē su
saḷiwange mase tukadē e nikunsi!

¹¹Bōu e i sire mahuala waḷi-
ne e nēngkarēntāe. I sire ma-
hungkui, ’Mawu, Mawu, topeiko
tukadē e i kami.’ ¹²Kai kaghiang
esē e simimbang, ’Ia bēgaweng
kamene!’”

¹³Tangu Mawu Yesus na-
ngunsie papinintune e kereini,
”Uaḷingu ene pakaraḷukadē bue,
batuṽ i kamene bēgaweng ēllone
lai orase.”

Papinintu maṇun ēllang tatēllu

(Luk. 19:11-27)

¹⁴”Kamageng Ahus’u Tau-
mata rumēnta suraḷungu kara-

^{af} wodo



Solo ringangu tampau lana (25.4)

ratun'E, kakakoae ute maɭaing kere su papiniintu ini. Səngkatau esə mənənaung məbua solong tanipa marau. I sie kimui manga ɛllange, pinənaranangu raro-tonge si sire. ¹⁵Suapang ɛllange ene i sie nangonggou roitə buɭaeng lima hiwu. Su waline lai i sie nangonggou roitə buɭaeng dua hiwu. Ku su səngkatauwe lai i sie nangonggou roitə buɭaeng səhiwu. Mase i sie ri-

maleng. ¹⁶Tangu ɛllang ku nənarimaɭau roitə buɭaeng lima hiwu ene apid'u rimaleng nahumbaɭu, mase nakaəba untunge lai roitə buɭaeng lima hiwu. ¹⁷Kerene lai ɛllang ku nanarimaɭau roitə buɭaeng dua hiwu e maɭaing nakaəba untunge rua hiwu. ¹⁸Arawe ɛllang ku nənarimaɭau roitə buɭaeng səhiwue kawə rimaleng ku nəmangka lohange su ɛntana, ku nəmuni roit'u mawune sene.

¹⁹Marəngu kahəngang bou ene mawu manga ɛllang ene napule, ku nanətae nempədare-



Kalēpan doite buḷaeng (25/15)

keng dingang i sire. ²⁰ Ėllang kṷ nakatarimaṷ roitē buḷaeng lima hiwu ene himaung kṷ nēnarakangu mapuḷo hiwu. 'Tuang,' angkuēnge, 'i Tuang nēnarakangu roitē buḷaeng lima hiwu si siā. Kakēllako, iā nakaēbā lai untunge lima hiwu.' ²¹ 'Mapia,' angkuēngu tuange ene, 'i kau ėllangbe mapia ringangu satia. Uaḷingu i kau kawē kapēngumbalaēngu mahali, iā tangu sarung manarakangu ḷawo si kau. Suē e kṷ pēmpahuḷuasē dinganku!'

²² Mase ėllang kṷ nēnarimaṷ roitē buḷaeng dua hiwu ene himaung, kṷ nēberae, 'Tuang, i Tuang seng nēnarakang u roitē buḷaeng dua hiwu si siā. Kakēlla-

ko, iā dembeng nakaēbā untunge rua hiwu lai.' ²³ 'Mapia,' angkuēngu tuange ene, 'i kau ėllang mapia ringangu masatia. Uaḷingu i kau kapēngumbalaēng su mahali ute iā sarung manarakangu ḷawo si kau. Suē e kṷ pahuḷuasē ringanku!' ²⁴ Bōu e ėllang kṷ nanarimaṷ doitē buḷaeng sēhiwu himaung kṷ nēberae, 'Tuang, iā masingka i Tuang e kai sēngkatau mahasa. I tuang mēnēnipo wuang kalu su tampa i Tuang tawe nēsuang, dingangu māmēnsa su tampa i Tuang tawe nangasi. ²⁵ Iā kai nataku, kṷ iā e rimalēng nēmuning doit'i Tuang suraḷungu ėntana. Ėndaung doit'i Tuang e.' ²⁶ 'I kau ėllang daḷaki dingangu malaseng!' ungkuēng i tuang e. 'Karaḷ kawē i kau e seng masingkau iā e kai manipo wuang kalu su tampa iā tawe nēsuang dingangu māmēnsa su tampa iā tawe nēngasi?' ²⁷ Kamageng kere-ne, hinone i kau e kai mēndesou roitēku e su bank, tadeau su kawawaḷiku e, iā e makatarimaṷ kapia roitēku e ringangu rentene. ²⁸ Uaḷingu ene, aḷako roitē bo'i sie, mase ghēlli su taumata apang piaḷ doite mapuḷo hiwu doitē buḷaenge. ²⁹ Batṷu taumata kṷ seng piaḷ, sarung gēlikang limem-

bong kaławoꝛ, ku i sie sarung maḥēmpaḷiu. Arawe taumata ku tawē apa, kadodo ku bēdang si sie, saḡ aḷakeng. ³⁰ Ku ēllang ku ta gunane e, hiḡe e suraḷungu kara rēndung su ḷikude. Sene i sie sarung sumangḷ dingangu masi-gēsa!’”

Pēlahukung su Ēllong Kiamatē

³¹”Kamageng Ahus’u Taumata e rumēnta kere sēngkatau ratu, tētakinangu kaławoꝛ malāekatē e, i Sie sarung maiang su wowong kawawantug’E mahamagē.^{ag} ³² Patiku umatē su dunia ini sarung ipētampung su tēngon’E. Bōu e i Sie sarung mapēdalahaen sire makoḡ duang kamonaēng kere mēndalukadē napēdalahaeng domba wōu kambing. ³³ Taumata apang mēkēkoḡ kapulun Duata e sarung iko-mōḷē su sēmbēkane koaneng, arawe apang tawe mēkakoḡ kapulun Duata e su sēmbēkane kaihi. ³⁴ Mase ratu e sarung mēhenge-tang si sire su sēmbēkane koaneng, ’Pēmpēdamahḷe i kamene apang niaḷamateng i AmangKu. Pēmpēsūḡ e su raḷungu karara-

tuang ku seng nḷdariahi si kamene rokeng su pēmamahēta^{ah} dunia e. ³⁵ U su tempong ḷa nahutung, i kamene niapakaēngu ḷa dingangu su tempong ḷa narou, i kamene niapanginungu ḷa. ḷa e kai tau raghi, i kamene nēnarimaḡ ḷa su waḷeng kamene. ³⁶ Pia ḷa tēntōḷē, nḷpakeaneng i kamene. ḷa masaki niundangeng i kamene. Pia ḷa nitahungku, i kamene nēmpēdalḷinge si Sia.’

³⁷ Mase i sire nēmpēbera, ’Mawu, angere e i kami nakasilo Mawu e lunusē ku i kami e napakaēng arau narou ku i kami e napēnginung? ³⁸ O angere bue i kami nakasilo Mawu e kere tau raghi, ku i kami e nanēnsomahē Mawu e ku napēnumpang su waḷeng kami? Angere, bue Mawu e kinasilo tēntōḷē mase i kami napēluhen pakeang su Mawu e? ³⁹ Angere i kami nakasilo Mawu masaki arau maḡatahungku, mase i kami e nētulung?’ ⁴⁰ Tangu Ratu e sumimbang si sire angkuēng, ’Kasingkako: apang naung nḷka-koḡ i kamene, manḷeng su sēngkatau wōu manga anaḡ sēngkatauku masasusa e, ute mēsulungu kinoḡ i kamene Sia!’

^{ag} mawantugē = mulia ^{ah} tētāu = permulaan

25:29: Mat. 13:12, Mrk. 4:25, Luk. 8:18

25:31: Mat. 16:27, 19:28

25:30: Mat. 8:12, 22:13, Luk. 13:28

⁴¹ Mase Ratu e mēhengetang-ke lai si sire su kaihin'E, 'Pamehōe wou ini, i kamene tau-mata niapakakutu! Pēmpēsue e su raŕungu putung ta masasēbu, ku seng niðariahi waugu setang dingangu manga malaekatē! ⁴² U su tempong Ia lunusē, i kamene tawe napakaēngu Ia; su tempong Ia narou i kamene tawe napēngi-nungu Ia. ⁴³ Ia e tau raghi, i kamene tawe nanarimaŕu Ia e su waŕeng kamene. Ia tēntole, i kamene tawe napēluheng Ia pa-keang. Ia masaki dingangu ma-tatahungku, i kamene tawe nētang-kiang si Sia.' ⁴⁴ Mase i sire maŕaing mēmpēsimbang si Sie, 'Mawu, angere bue i kami e naka-silo Mawu e lunusē arau narou, arau mēsuluŕngu taumata raghi, arau tēntole, arau masaki, arau ma-tatahungku, ku i kami e ta-we nētuluŕngu Mawu e?' ⁴⁵ Tangu ratu e sumimbang, 'Kasingkako: su tempong i kamene tawe ma-pulu mētuluŕngu sēngkatau wō'i sire kasiang ini e ute, mangale-ne i kamene tawe nētuluŕngu Ia.' ⁴⁶ Tangu i sire ene sarung ihu-kung u hukumang kakalē, arawe i sire apang mēmpēkēkoā kapu-lung Duata e, sarung makahom-

bang pēbawiahē tutune ringangu kakalē."

Laakalē su Mawu Yesus

(Mrk. 14:1-2; Luk 22:1-2)

(Yoh. 11:45-53)

26 Kuteu nasueen tēntirone kēbi haŕē ene su Ma-wu Yesus, i Sie nēhengetang su manga murit'E. ² "I kamene ma-singkau kate lai rua ēllo seng Ēllong Paskah, ku Ahus'u Tau-mata e sarung isarakang tadeau pakipaku su kalu kuruisē!"

³ Su tempo ene manga i-mang tēmbonange ringangu manga matatimad'u tau Yahu-di e nēmpētampung su ista-nang Imang Marangē i Kayafas. ⁴ I sire nēmpēdaŕahintau mēdeau mēname si Yesus pakapēnisē di-ngangu mēngakalē mēmate si Sie. ⁵ "Kaiso," angkuēng i sire, "kum-bahang haŕē ene koateng su tempon saŕiwang, maḏiring ma-kapēgongga kawanua."

Mawu Yesus nilanisang u lana mawēngi su Betania

(Mrk. 14:3-9; Yoh. 12:1-8)

⁶ Pia i Yesus naung su Beta-nia, su waŕen Simon naung pia sakie su pisi makatataku, ⁷ ene

piã e tau wawine sêngkatau hi-
maung si Yesus. I sie nêbawa
wotoľę pualam sěmbua lohona la-
na mawěngi maľęgadě. Ene Ma-
wu Yesus maľang kapěsěsimokoľę,
tau wawine ene naněboheng la-
na mawěngi ene su těmbou Ma-
wu Yesus. ⁸Manga murid'i Yesus
e nakasilę halę ene kų naralaki
naung i sire. "Apawe gunane
kěbi ene nipęgagholę?" angkuęng
i sire. ⁹"Lana mawěngi ene wo-
tonge ikawaľu maľęgadě, kų doi-
te rembeng ikaonggọ su taumata
kasiang!"

¹⁰Mawu Yesus masingkau
tiněnnang sire, kų i Sie něhenge-
tang, "Kawe unęe i kamene ma-
pakasusan tau wawine ęndaie?
I sie kai nękoã munara ma-
pia ringangu mawantugę baugu
la. ¹¹Tau kasiang e hanesębe e-
ne su taloarang kamene, arawe
la ute walinewe sěntiniã dingangi
kamene. ¹²U pananěbohu la
mawěngi ene su wadangku e u-
te, i sie kai męděndiahi pęlalębing
baug'u la. ¹³Pangimangke! Su
kaguwau dunia e suapaeweng In-
jilę ipękękakeke ute, kakanoau
tau wawine ene sarung ipębawęke
lai makoã tatahěndung si sie."

I Yudas kimire mębaľu u Mawu Yesus

(Mrk. 14:10-11, Luk. 22:3-6)

¹⁴Kuteu sêngkatau wọ'i si-
re mapuľo dua murid'u Ma-
wu Yesus, kų arenge i Yu-
das Iskariot, natamai nęsěmau
manga imang těmbonange. ¹⁵I
sie nęberaę si sire, "Apa sarung
ionggọ i kamene si sia kereu ia
manarakang i Yesus si kame-
ne?" Tangu i sire nęmpěndekeng-
ke roitę salaka, těllum puľo su
kalępane kų bou ene nangong-
gogeng doitę ene si sire. ¹⁶Nanęta
bou ene i Yudas hanesę mędędea
loahe mapia męnarakang u Mawu
Yesus.

Mawu Yesus nęsimokoľę simokol'u Paskah ringangu manga murid'E

(Mrk. 14:12-21; Luk. 22:7-14, 21-23)

(Yoh. 13:21-30)

¹⁷Su ęllo humotong su Saľi-
wangu Borotę Ta Lahaesang,
manga murid'u Mawu Yesus
nęmpęhaungke si Sie. I sire na-
kiwaľę, "Kai suapa kapulun'U
sadiaęng i kami e kaęng u Paskah
e waug'i Tuang?"

¹⁸ Mawu Yesus simimbang, "Dakꝑe solong soa pēsēmā i a-nu sene kꝑ pēbera si sie, 'Angkuēng i Mananēntiro, tempoku e seng nīdating; kꝑ Ia mapulu mēsaliwang u Paskah e su wālenu ringangkeweng manga muritēKu.'" ¹⁹ Manga murit'i Yesus e nēmpēkoā kereewe nioron Mawu Yesus si sire. I sire tamai nēmpēnadia kaēngu Paskah ene.

²⁰ Ene nahēbje, Mawu Yesus dingang i sire murit'E mapulo dua e nēmpēkaiangke su meda e. ²¹ Ara i sire kapahungkaēnge, Mawu Yesus nēhengetang, "Darinhēko: sēngkatau wꝑu taloarang kamene e sarung mēsuniaꝑ'u Ia."

²² Nakaringihē ene, manga muritē e mēngkate nēngkasusa tāsihingē. Mase i sire nasikiwalong kiwalone su Mawu Yesus, "Balīnewe ia itētimonang i Kau Mawu?"

²³ Mawu Yesus simimbang, "I sain nangunong borotē su ralungu mangko ringanku ute, i sie sarung mēsuniaꝑ'u^{ai} Ia e. ²⁴ Kahēngang bue Ahus'u Taumata e sarung mapohong kere mābawohē su ralungu Winohe

Susi. Kaiso kaēngkēhang bue i sai mēsuniaꝑ'u Ahus'u Taumata! Tau ene maēndokangbelai nāung tawe kadiiongeng pinēhana!"

²⁵ Mase i Yudas i anꝑe nēsuniaꝑe e nēbera, "Kꝑ balīnewe ia ngae itētimonang Kau Mawu?"

I Yesus simimbangke, "Kereewe nībaweranu!"

Pēpaperjamuang u Mawu Yesus

(Mrk. 14:22-26; Luk. 22:14-20)

(1Kor. 11:23-25)

²⁶ Ene i sire māhungkaēngke, Mawu Yesus nangaꝑae borotē, mase nēberang kakaliomaneng tatarimakasē. Bꝑu e i Sie nēngangempangke borotē ene ringangu ḷiman'E kꝑ nitēgone su manga murit'E apid'u nēhenge-tang, "Pēmpangaꝑae, pēmpēkaēngke; ini e kai wadangKu."

²⁷ Bꝑu e i Sie nangaꝑae panganginumangu anggorē e, mase nakitarimakasē su Mawu Ruata. Nitēgone su manga murit'E, kapēberane, "Panginumēen kame-ne kēbi! ²⁸ U ini e kai rahaku ipanahutēngadē pēkakēdon Dua-ta – dahā e iapatēdꝑ baugu ḷawꝑ ipangampung dosan sire. ²⁹ Pangimangke: Ia sem-beng ta-

^{ai} mētulan = mengkhianati

we sarung manginung anggorë ini lai sarung tempong Ia manginung anggorë buhu ringangkeweng kamene su Runia Wuhung Amang-Ku e."

³⁰ Bōu e i sire nēmpēkantarīu kakantari daralo sēmbua. Kū mase i sire nakoā solong bulud'u Zaitun.

Tēbalu i Petrus sarung mēsunial'u Mawu Yesus

(Mrk. 14:27-31, Luk. 22:31-34)

(Yoh. 13:36-38)

³¹ Ene i Yesus nēhengetang-ke su manga murit'E, "Su hēbi ini e lai i kamene kēbje raliu mēmpētalang manētangu Ia. U su Winohe Susi e mābawohe: Mawu Ruata nēhengetang, 'Ia e sarung mēmate mēlalukadē e, kū gapaēngu domba e sarung mēkaliaesē.' ³² Kai kereu Ia seng niapēbangung kapia, Ia e sarung mēngalimona si kamene solong Galilea."

³³ I Petrus simimbang su Mawu Yesus u, "Manilaing i sire waline e manētang i Tuang, arawe ia e mambeng tala!"

³⁴ "Tahēndunge," angkuēngu Mawu Yesus si sie, "su hēbi ini e lai tēntalang manū ta kimēkukū,

i kau e seng tēllung sulē nēsunial'u Ia."

³⁵ I Petrus simimbang, "Manilaing ia pateēng sēngkapate ringangu Mawu, kai ia e mang ta mēsunial'i Kau Mawu!"

Ku kēbi manga muritē baline e mālaing nēmpēbera kerene.

Mawu Yesus mēkēkaliomaneng su Getsemani

(Mrk. 14:32-42; Luk. 22:39-46)

³⁶ Naliung ene Mawu Yesus natamai ringangu manga murit'E nēdeā tampa isēsēba Getsemani. Sene i Sie nēhengetang si sire, "Pahungkaiangko sini tēntalang Ia deng tamai mēkaliomaneng."

³⁷ Mase i Sie nēmaringang si Petrus dingangi rēdua ana i Zebedeus sēngkatamai ringang'E. I Sie nanētāe nasusa ringangu ghimēnggang. ³⁸ I Sie nēhenge-tang su manga murit'E, "Naungku e nasusa tā sihinge, pēndange mēsulungu seng matē e. Kēngkatanako sini i kamene, kū pēmpēdalukadēko ringangKu."

³⁹ Bōu e Mawu Yesus diō nētēngkaghea, kū i Sie nētēngkasumagē su ēntana kū nēkaliomaneng. "O Amang," angkuēng'E, "kereu wotonge, apakarauko wou

Ia e kasasigësa taku taludang ini. Kai walinewe kapuluku e maria-di, kaiso kawe tumuhu kapulung AmangKu e sësane."

⁴⁰ Bøu e Mawu Yesus në-baļie su anum manga murid'E i sire tēllu, kuteu sēngkakēllae i sire kawe kapahun-tikiē. I Sie nēhengetangke si Petrus, "Kalingung lai sēngkaorasē kai i kamene tēllu e mang tawe nakalukadē dingangKu?"

⁴¹ Pakaralukadē bue ringangu pēmpēkaliomanengko maḍiring i kamene kahombangengu sasalukā. Tēngadē bue rohkē e mapulu mēkoā halē mētētahino, kaiso i kamene mang ta makatoḥa, batu wou sēmbēkang katataumata e kai lome."

⁴² Sau kapia Mawu Yesus natamai nēkaliomaneng, angkuēng'E, "O i Amang, kereu kasasigësa ini kawe hinong taku taludang, ku tawe ikahipe ute, walae karariadine kapulung Amang." ⁴³ Bøu e Mawu Yesus nēsule kapia, ku sēngkakēllane manga murid'E kawe wēdang kapahuntikiē, ualingu tiki i sire kai tumanju mawēḥa bēḥa.

⁴⁴ Sēsule ko lai Mawu Yesus nanēntangken sire ku katēllun sulene nēkaliomaneng, bawerane mēsulung u kalamona. ⁴⁵ Bøu e

i Sie nēsule e kapia su anum manga murid'E ku nēhengetang, "Mēngkai wēdang mēmpētētikī dingangu mēmpangirule i kamene? Kakēllae, seng nidating tempone Ahus'u Taumata isarakang su kawang taumata waradosa. ⁴⁶ Pēmpēbangungke, bøe i kite mahundalengke. Tingangke! Taumata mēsuniaļ'u Ia e seng ene!"

Mawu Yesus nisame

(Mrk. 14:43-50; Luk. 22:47-53)

(Yoh. 18:3-12)

⁴⁷ Pia i Yesus bēdang kapēlēhengetange i Yudas, sēngkatau wo'i sire mapulo dua murid'E ene narēntae. Ringangi sie ute, nahundēntae lai taumata ļawo ku pia pedane ringangu paļo-paļon sire. I sire niroloh'u manga imang tēmbonange ringangu manga matatimad'u tau Yahu-di. ⁴⁸ I taha pēsuniaļē e kai seng nāung nēhabarē si sire tatiala ini, "I sain taku dēnguangē ute ene taumatane. Ku same e i Sie!"

⁴⁹ Kerene sarang nahumpau tampa ene i Yudas mēngkatewe himaung su Mawu Yesus ku nēbera, "Tabea, Tuang Guru!" mase i sie rimēngu Mawu Yesus.

⁵⁰ I Yesus simimbang, "Anu, kai waugu apa i kau

nakakarēnta sini?" Ene taumata lawo nētēngkawahanje ku nēname si Yesus. ⁵¹Sēngkatau wo'i sire murid'E apang ene sene ringangi Yesus, nēnawu pedane ku namili ēllangu imang marange sarangkewe nahēnsi tuline. ⁵²Mawu Yesus nēhengetangke su murid'E ene, "Suhje kapia pedanu e su homane u kēbi apang mēmpamateng peda e, sarung lai mateng peda. ⁵³Arau su naungu Ia e kai ta makarorong tulung si AmangKu e, ku i Sie apid'u mēndolohu malækat'E nangēlembo wou mapulo dua su gha-paēnge? ⁵⁴Arawe maeng kawe kerene ute, tawe kasasēlije kereu apang ku seng nitēbalē suralungu Winohe Susi u mambeng tēngadē mariadi kere orasē ini e?"

⁵⁵Mase Mawu Yesus nēhengetang su taumata lawo ene, "Unue Ia e kai tahapate, hakiu i kamene rumēnta mēmpēbawa wara dingangu palo-palo mēdeau mēname si Sia? Ēllo-ēllo Ia e kawe manēntiro su Walem Mawu e, kai i kamene tawe mēname Sia! ⁵⁶Kai mang seng harusē kerene tadeau misēhu apang ku niwoheu manga nabi e su ralungu Winohe Susi."

Bou e kēbi murid'E nahuntalang nēmpanētangu Mawu Yesus.

Mawu Yesus su tēngon Sanhedrin

(Mrk. 14:53-65; Luk 22:54-55, 63-71)

(Yoh. 18:13-14, 19-24)

⁵⁷Taumata apaen nēmpēname Mawu Yesus nēmpangētuden Sie solong baleng Imang Marange i Kayafas. Sene manga mananētirong agama e ringangu manga matatimad'u tau Yahudi e seng nēmpētampung. ⁵⁸I Petrus tutole Mawu Yesus bou maraune sarang dēlah'u waleng imang marange. Mase i Petrus simuē e su ralungu rēlahe, ku naiangke ringangu manga mēndariaga. I sie mapulu makakasingka mēnsang kereapa sarung ēnsue-ne. ⁵⁹Manga imang tēmbonange ringangu patikuwen dalohong Sanhedrin e mēdēdeā sahidi konti, mēdeau mapakanawong hukumangu papate su Mawu Yesus. ⁶⁰Kai i sire tawe nakareā sarang sēmbau tatahutēngade, sēmbalieu seng lawo niala sahidi konti. Nadeho pia e ruangkatau rimēnta. ⁶¹I rēdua e nēmpēberae, "I anu ēndaie nēbera, 'Ia e makaghogha-

hě bue Walem Mawu, ku saube ikakoꝫu suralungu tēllu ẽllo.”

⁶² Mase imang marangẽ e nẽbuæ, ku nẽbera si Sie, ”Kawe unue i Kau e mang tawẽ sa-simbangu su laẽnsilẽ ipangẽnsilẽ si Kau e?” ⁶³ Arawe Mawu Yesu mẽngkate tawẽ kẽndjẽ. Nẽsau kapia imang marangẽ e nẽbera si Sie, ”Su Tẽngon Duata Wiahẽ e ute pauliko si kami mẽnsang kai i Kau e Ratu Mananaĩamatẽ, Ahus’u Ruata?”

⁶⁴ Mawu Yesu simimbang, ”Kere niweranu. Kai pangimangko: u manẽta bou orasẽ ini e, i kamene sarung makasilo Ahus’u Taumata maĩang su sẽmbẽka koanengu Mawu Ruata Makawasa, ku dumẽnta su wowom binawa su langi e!”

⁶⁵ Tangu imang marangẽ e mẽngkate naningkasẽ pakeange, ku nẽberæ. ”I Sie nẽhinakang Duata! Seng ta wahaluasu pia lai sahidine. I kamene kẽbje seng nakaringihẽ hala pẽlahinakange su Mawu Ruata e.

⁶⁶ Ku ini e kerea su tinẽnmang kamene e?”

I sire nẽmpẽsimbang u, ”I Sie nẽsala ku hinong pateẽng.”

⁶⁷ Ene i sire nangẽdũe ghatĩng Yesu, ku nẽmpangoka si Sie. Sẽnggæ wue ute nẽmpameru si Sie, ⁶⁸ ringangu nẽbera, ”Kẽnangko tika dingangu pẽhabarẽko si kami, ei Ratu Mananaĩamatẽ! I sai wue nameru si Kau e?”

I Petrus nẽdẽndil’u Mawu Yesu

(Mrk 14:66-72, Luk 22:56-62)

(Yoh. 18:15-18, 25-27)

⁶⁹ Ene i Petrus kakaiane su likude, su rẽlahẽ. Sẽngkatau wou taĩloarang ẽllang bawine himaung ku nẽbera si Petrus, ”Baĩnẽbe i kau lai ringang i Yesu tau Galilea e?”

⁷⁰ Kai i Petrus nẽdẽndilẽ su tẽngon sire kẽbi. ”Ia e ta nakahẽngang mẽnsang i kau e maanung a,” angkuẽng i Petrus, bou ene i sie simẽbangkẽ wou tukadẽ e. ⁷¹ Sẽngkatau ẽllang bawine waline nakasilo si Petrus, ku nẽbera si sire sene, ”Tau ẽndai ini e mang maĩaing dingang i Yesu bou Nazaret e.”

⁷² Kutẽu saue wue i Petrus nẽdẽndilẽ, kapẽsalune, ”Tẽnga-

těngadě iạ bęgawen tau ene!" angkuęng i Petrus.

⁷³ Ta nararęna wou ene i sire apang dųdarisi sene nęmpęhaungke si Petrus dingangu nębera, "Maļahe bue, i kau e mang dingang i sire. Ene kinakiraļa wue wou pębawisaranu."

⁷⁴ Ene i Petrus nanętae męsęsasalu ku nębera, "Makakutę, iạ e węgawen tau ene!"

Su orasę ene lai manų kimuku. ⁷⁵ Ku i Petrus nakatahędungke u Mawu Yesus seng bou nęhengetang si sie, "Tęntaļang manų deng ta kimękuku, i kau e seng tęllun suļe nęsuniaļ'u Iạ." Bou e i Petrus simębangke ku simangię ringangu pęsasasęsilę.

Mawu Yesus niapętęngon Pilatus

(Mrk. 15:1; Luk. 23:1-2)

(Yoh. 18:28-32)

27 Deng maļuka-ļukadę, kaļawou imang tęmbonange ringangu matatimad'u tau Yahudi nęsęngkanaungke mamate Mawu Yesus. ² I sire nęhapusę si Sie, ku nęngęntuden Sie si Pilatus, gubernurę u Roma.

Kapapateng Yudas

(MMR. 1:18-19)

³ Ene i Yudas tahapęsuniaļę ene nakasilęe u i Yesus seng nihukung, i sie nęsasęsilę. Mase i sie nęnuļeng doitę saļaka tęllung puļo su kaļępane ene su manga imang tęmbonange ringangu matatimad'u tau Yahudi. ⁴ I sie nęberaę, "Iạ e mamben nędosa, watuu nęnarakangu tau ta saļane, sarang i Sie nihukungu papate!"

Kai i sire nęmpęsimbang, "Kaia gunane^{aj} si kami? Ene kai haļę u!"

⁵ I Yudas nęhipen doitę ene su Waļem Mawu, mase nętęngkawitingu watangenge.

⁶ Manga imang tęmbonange nęmpangemongke roitę ene ku nęmpębera, "Doitę ini e kai roit'u raha. Tumuhų toratę e, doitę ini e kai kumbahang isowa su raļungu tampaų sasęmba su Waļem Mawu." ⁷ Mase saraęng i sire sęngkanaungke, i sire nęngaļa doitę e pinęmęlli ęntana ku isęsęba Ęntanang Męka-koạ Kuring. Ęntana ene niķakoạ pęndaļębingangu taumata raghi.

^{aj} puļise = manfaatnya

⁸ Ualingu ene hakiu sarang orasë ini e ěntana ene nisëba "Ěntanang Daha".

⁹ Ualingu ene, nisëhũe kere seng nipaulũu nabi Yeremia, u, "I sire nĕnarima doitë salaka tĕllum pulo su kalĕpane, u kai arĕga pinĕkiren tau Israel kere wawaehë baug'i Sie. ¹⁰ Ku doitë ene nĩpapakë i sire pinĕmĕlli Ěntanang Mĕkakoã Kuring e, kerẽwe seng niorong Mawu e si sia."

I Pilatus namarikësa

Mawu Yesus

(Mrk. 15:2-5; Luk. 23:3-5)

(Yoh. 18:33-38)

¹¹ Pia i Yesus nĕtĕngom Pilatus, gubernurë u wanua ene, i Pilatus nakiwalõ, "I Kau e ratun tau Yahudi?"

"Kere niweran Tuang," angkuĕngu Mawu Yesus. ¹² Arawe naung pia e manga imang tĕmbonange ringangu matatimad'u tau Yahudi e mĕnĕnokeng kalawõu laĕnsilë su Mawu Yesus, kai i Sie tawe simimbang sarang sĕngkamohong.

¹³ Ualingu ene i Pilatus nĕberaë si Sie, "I Kau kai ta nakaringihë kalawõu laĕnsil'i sire si Kau?"

¹⁴ Kai Mawu Yesus e tawe simimbang kadiongeng sĕngka-

mohong hakiu gubernurë e naringu ta sihingë.

Mawu Yesus kinahinoĕngu hukumang papate

(Mrk 15:6-15; Luk 23:13-25)

(Yoh 18:39-19:16)

¹⁵ Su apan tempong Salimbang u Paskah e, gubernurë kai pia tundune mamĕllõu sĕngkatau wõu talõaran taumata mata-tahungkũe walæwe tuhũ pinilen taumata lawõ. ¹⁶ Su tempo ene pia sĕngkatau taumatang hukumang pinĕtateleng. Arengë i Yesus Barabas. ¹⁷ Tangu pia e taumata lawõ natampungke, i Pilatus nakiwalõ si sire, "Kai i sai tangu su kapulung kamene e takũ ipĕllõ? I Yesus Barabas arau i Yesus isĕsëba si Kristus?" ¹⁸ I Pilatus nĕbera kerene u i sie kai masingkau manga mangangawasa tau Yahudi e nĕmpĕnarakang i Yesus si sie ualingu i sire nĕmpananoi.

¹⁹ Su tempong Pilatus kũkaiang su waleng mĕlahukung, kutẽu kawingë timanatang ini si sie, "Kumbahang i kau mĕtĕngkalau pĕrkarang tau ta salane ene, batũu kai ualingu i Sie, ia nipi ralaj ĕllo ini." ²⁰ Kai manga imang tĕmbonange ringangu matatimad'u tau Yahudi e mĕngkai

měmpanahowong taumata lawo ene mēdeau i Barabas pakipello ku Mawu Yesus pakipate. ²¹ Mase gubernurē saḡ kapia nikawaḡ si sire, "I sai su kapulung kame-ne taku pellokang bōu taḡoaran dēdua ēndaie?"

"I Barabas," angkuēng i sire.

²² "Kamageng kerene ute, ia kai hinong mēkoḡ a si Yesus isēsēba si Kristus e?" angkuēng i Pilatus si sire.

"Kuruise i Sie!" angkuēng i sire kēbi.

²³ "Kawe apa pēsasaḡan'E tangu?" angkuēng i Pilatus.

Mase i sire nēmpamansagē li-membong kaihae lai, "Kuruise i Sie!"

²⁴ Nadeho i Pilatus nakahēnganke u i sie tawe lai maka-koḡ apa-apa ringangu i sire kawe sarung mēmpēganoha. Ene i sie nēngalḡae ake, ku su tēngon taumata lawo ene i sie nanguhasē li-manē ringangu kapēberane, "Iḡ e tawe makataludē su papaten tau ini! Ene kai kasingka i kamene!"

²⁵ Kuteu taumata lawo nēmpēsimbangke, "Ore, walḡae si kami ringangu manga ana i kami e kahombangengu hukumang su papatene!"

²⁶ Mase i Pilatus namelloeng Barabas baug'i sire, ku dimoloh'u taumata pinelimadē Mawu Yesus dingangu nanarakang i Sie mēdeau pakikuruisē.

Manga soldado mēmpētētaghunangu Mawu Yesus

(*Mrk 15:16-20; Yoh. 19:2-3*)

²⁷ Bōu e manga soldadom Pilatus nēmpēbawa si Yesus simuē su waleng lawo u gubernurē, ku kaḡuwau wuntuangu soldado e nēkomolē nēliwung Mawu Yesus. ²⁸ I sire nēmpēluḡ pakeangu Mawu Yesus, ku pinēka-kingkaengu kakingkaeng kamumu si Sie. ²⁹ I sire nēmpelokongu paporong bōu manga lelangu kalu pia hanggange, ku tinaka i sire su tēmbōu Mawu Yesus. Bōu e pinakiumpaed'i sire tēking sēmpēdi su li-man'E koaneng, ku nēmpamulangeng su tēngon'E, ku nēmpētaghunalkan Sie. "Tabeḡ Datun Tau Yahudi!" angkuēng i sire. ³⁰ I sire nēmpēngēdue si Sie, ku nangalḡae tēking sēmpēdi ene, mase nipēmēbahē si Sie su tēmbō'E. ³¹ Bōuten nēmpētaghunang si Sie, i sire nēmpēluḡae kakingkaeng kamumu wōu e niluheēngken pa-

keange kapia. Bōu e i Sie niwawa solong likude mēdeau ipakikuruisē.

Mawu Yesus nikuruisē

(Mrk 15:21-32, Luk. 23:26-43)

(Yoh. 19:17-27)

³²Su taloaraen daleng, i sire nēmpēsēmaeng sēngkatau wōu Kirene arenge i Simon. I sire nēnihasaen tau ene iapamasaeng kuruis'i Yesus. ³³Bōu ene i sire nahumpae su tampa sēmbau isēsēba Golgota, mangalene "Tampau Raran Tēmbō". ³⁴Su tampa ene i sire napēnginung i Yesus anggorē nilaukangu pēdu. Kai saraeng Mawu Yesus bōu nētemang anggorē e i Sie nādirie nangingung.

³⁵Bōu e i sire nēmpanguruisse si Sie, kō nēmpēpapahiaen pakeang'E kō pinēdalahuri. ³⁶Mase i sire nahungkaiangke nēmpēhapa si Sie sene. ³⁷Su lantehu tēmbō'E i sire nētaingu wohe laēnsilē si Sie kerei: "Ini e kai i Yesus, Datun Tau Yahudi". ³⁸Dingangu Mawu Yesus e, piako lai tahapate ruangkatau nikuruis'i sire, sēngkatau su sēmbēkane koaneng, sēngkatauwe lai su sēmbēkane kaihi.

^{ak} mēmpēleheghese

³⁹Taumata apan sūsahe sene mēmpēpakilingu tēmbō i sire kapēlēhinakangē Mawu Yesus. ⁴⁰I sire kapēberane, "I Kau mapulu mēnggoghahēbe Baḷem Mawu, kō mamēti kapia suralungu tēllu ēllo! Kereu i Kau kai Ahus'u Ruata ute ēnnae e rēllusē bōu kuruisē ene, kō pētēngkasalamateng batangengu."

⁴¹Kerene lai manga imang tēmbonange ringangu manga mananētiro agama e ringangkewen manga matatimad'u tau Yahudi mēmpēbēbaheaun^{ak} Mawu Yesus. I sire nēmpēbera u, ⁴²"I Sie makasalamatē taumata waline, arawe watangeng'E sēsane, i Sie seng tawe makasalamatē! Kereu i Sie kai ratuwen tau Israel ute mapiangbe i Sie pētēngkarēllusē bōu kuruisē ene buhūe i kami mangimang si Sie. ⁴³I Sie māngimang su Mawu Ruata, kō nēberau i Sie kai Ahus'u Ruata. Ho, ene i kite deng mēmanda mēnsang Duata e makasalamatēbe si Sie ini e."

⁴⁴I rēdua tahapēhampasē nikuruisē dingang'E mālaing mēmpēlēhinakang si Sie kerene.

Kapapohong u Mawu Yesus

(Mrk. 15:33-41, Luk 23:44-49)

(Yoh. 19:28-30)

⁴⁵Ene, ěllo e malětu, ka-rĕngue tĕllung kaorasĕ, ka-guwau wanua ene mĕngkatewe narĕndung. ⁴⁶Ene mangae pukulĕ tatĕllu wawĕllo, Mawu Yesus nĕkia dingangu tingih'E maiha, "Eli, Eli lama sabakhtani?" ku mangalene, "O Ruataku, O Ruataku, unue i Kau nanĕntang u Ia e?"

⁴⁷Pirangkatau sene nakaringihĕ kakia ene, ku nĕmpĕbera, "I Sie mĕkĕkui si Elia!" ⁴⁸Sĕngkatau woi sire mĕngkatewe nĕbalikĕkasĕ tamai nĕngalabungan saghe ku nilaehe su anggorĕ mahaesĕ. Mase kahian sie niŕsasusue su kotou kalu sĕmpĕdi ku niwuhane su wiwih'u Mawu Yesus.

⁴⁹Arawe angkuĕngu waline e, "Pĕngampalĕko, i kite deng kumakĕlla mĕnsang i Elia sumongo mĕngambang si Sie!"

⁵⁰Ene Mawu Yesus saŕewe nĕkia maiha-ihă, mase nĕminsulu singongon'E pĕngĕnsueĕnge.

⁵¹Gorden kaŕasange su raĕlunu Waĕem Mawu e natingkasĕ napahia darua wou rasĭ sarang bawa. Banua e nĕlinuhĕ ku manga wukidĕ batu e nawawĕka. ⁵²Manga lĕbing nĕngkatope, ku lawo badang u masasusi nate e, nĕbangung kapia. ⁵³I sire nahunsĕbangke wou manga lĕbinge sarang i Yesus nĕbangung bou papaten'E, ku i sire nahunsuĕ su Yerusalem. Ku sene lawo taumata nakasilo si sire.

⁵⁴Tĕmbonangu soldado ringangkewen manga soldado apaen mĕlĕhapa si Yesus mangkewen nĕngkatakū tā sihing sarang nakasilo linuhĕ, dingangu apaewen nariadie. I sire nĕmpĕberae, "Mambeng tĕngadĕ, i Sie ini kai Ahus'u Ruata!"

⁵⁵Sene piako lai manga wawine lawo mĕmpĕkĕkakĕlla wou marau. Kai i sire ene naung nahuntolĕ si Yesus mĕtangkiang si Sie rokeng bou Galilea. ⁵⁶Su raĕlunge kai i Maria Magdalena, i Maria i ninang i Yakobus dĕduan Yusuf, dingang i ninangu manga ana i Zebedeus.

Pėnanampa Mawu Yesus

(Mrk. 15:42-47; Luk. 23:50-56)

(Yoh. 19:38-42)

⁵⁷ Hėbi ene narėntae sėngkatau kalā bōu Arimatea i Yusuf arenge. ⁵⁸ I sie nakoā solong anung Pilatus kŭ nėdorong balunangu^{al} Mawu Yesus. Mase i Pilatus nėparentae tadeāu walunang u Mawu Yesus pakigėlli si sie. ⁵⁹ Tangu i Yusuf nangalae walunang'E kŭ nipikungu heka alusė leneng buhu. ⁶⁰ Mase i sie nėngomolem balunang u Mawu Yesus su lėbing tataghuanenge, naung seng tėbe nipakange su wukidė batu. Bōu e i sie nėlungging batu masaria sėmbau, kere lahėping tukad'u lėbinge, mase i sie napulė. ⁶¹ I Maria Magdalena ringangu i Maria waline maHungkaiang sene tŭtatėngo lėbing ene.

Manga mėndalukadė lėbing

⁶² Tangu su sėngkariŕellone su ėllon Sabatė, manga imang tėmbonange ringangu manga tau Farisi sėngkapahundėnta nėsombang i Pilatus, ⁶³ kŭ nėbera, "Mawu, i kami nakatahėndung su tempong i anu kontiang ene wėdang biahė, i Sie kai wōu

nėbera u, 'Maliun tėllu ėllo Ia e sarung mėbangung.' ⁶⁴ Ualingu ene, pėparentako taumata pėhapa lėbing ene pakapia-pia sarang katėllu-ėllone, maĎiringu manga murit'E makatako walunang u wadange kŭ mėbera su taumata u i Sie kai seng nėbangung kapia wōu papatene. Kŭ pėmamitaugė pangėnsueėnge ini sarung limembong karalakie wōu humotong e."

⁶⁵ "I kamene pia be soldadong kamene mėndalukadė," angkuėng i Pilatus si sire, "dakoe riagate pakasėgadė lėbinge sėngapam botonge."

⁶⁶ Mase i sire nakoae solong lėbinge, nėmpanegelė lahėping tukadė, mase nipėlloėngu mėndariagae su tėngone tadeāu tawe makapėnggohaeng su lėbing e.

Pėbawangung u Mawu Yesus

(Mrk. 16:1-10; Luk. 24:1-12)

(Yoh. 20:1-10)

28 Ene saraeng ėllon Sabatė e naliu, tangu su ka-longeng ėllo Misa e, i Maria Magdalena ringangi Maria lai waline natamaie nėmpėdalinge nėmpa-

^{al} kasuang; wadang

manda lëbing ene. ²Sëngkianu pia linulië maiha. Sëngkatau ma-laekat'u Mawu e limintu bou sor-ga ku nëlungging batu lahëpinge; ku kimaiaingke su wowone. ³Gahiu malaekatë e kere kilä, pakeange mawira palusë. ⁴Soldado mëndalukadë e nïnipëlëhapa sene mëngkatewe nëngkawintogë sarang i sire nahungkende, ku tabidau kere taumata nate.

⁵Malaekatë e nëbera su manga wawine ene, "Abe këngkataku! Ia masingka i kamene mëdëdeä si Yesus naung seng nikuruisë ene. ⁶I Sie tawëdisë sini. I Sie kai seng nëbangung kereewe seng nihabar'E kałamo-na. Mahie pëmpëkakëlla ënna u rëdalokaënge. ⁷Ene, raköe ligha pëhabarë su manga murid'E, 'U i Sie kai seng nëbangung bou taloaran taumata nate, ku i Sie kai seng natamai nëngalimona si kamene solong Galilea. Sene i kamene sarung makasilo si Sie! Tahëndungeko apang seng taku nïbawera si kamene."

⁸Mëngkatewe masahawu manga wawine ene nëmpañëntang u lëbing ene. I sire nahuntalang mëdeäu mëhabaru halë nariadie su manga murid'u Mawu Yesus, dingangu taku nëdalau u rałuasë.

⁹Sëngkianu Mawu Yesus nauënsomahë manga wawine ene, ku nëhengetang, "Tabea!" Ku i sire himaungke si Sie mase limahëküe laede ringangu nëmpësuba si Sie. ¹⁰"Abe këngkataku," angkuëng i Yesus si sire, "daköe pënpëhabarë su manga anaü sëmbauku e mëdeäu i sire mačoä solong Galilea ku sene i sire sarung makasilo Sia."

Pëlahabar'u manga mëndalukadë e

¹¹Pia e manga wawine ene kapahundalenge, pirangkatau soldado apang nëmpëlëhapa lëbinge nëmpëbałi solong soa, ku nëmpëhabar'u patiku apan nariadie su manga tëmbonangu imang. ¹²Manga imang tëmbonange nëmpëdalahintau ringangu manga matatimad'u tau Yahudi, mase nangonggoen doitë lawo su soldado mëndalukadë e, ¹³ku nëbera, "I kamene harusë pëmpauli u manga murid'u Mawu Yesus e rimënta hëbi, ku nëmpëtako maiet'u Mawu Yesus pia i kamene kapahuntikie. ¹⁴Ku kereu ikaringihu gubernurë halë ene ute, i kami hëdowe mëloke si sie tadeäu i kamene tawe mësom-bangu sungkalene apa."

¹⁵ Tangu soldado mēndalu-kadē e rimae roitē ene, ku nēkoawe apan naung nitanata si sire. Ualingu ene tangu wēke ene wēdangben nasēsahē su taloaran tau Yahudi e sarang ēllo ini.

**Mawu Yesus nētēngkasilo
batangenge su manga
murit'E**

(*Mrk. 16:14-18; Luk. 24:36-49*)

(*Yoh. 20:19-23; MMR. 1:6-8*)

¹⁶ Murit'E mapulo ēsa e si-maka solong buludē su Galilea, kerewe naung pakidēntaing Yesus si sire. ¹⁷ Pia i sire nakasilo Mawu Yesus sene, i sire

nēmpēsuba si Sie. Maning kere-ne kai mang pia u mēdēndapatē bou taloaran sire. ¹⁸ Mawu Yesus himaung si sire, apid'u nēbera angkuēng, "Patiku kawasa su sorga ringangu su dunia e seng nisarakang si Sia. ¹⁹ Ualingu ene ute, dakoe pēmpahundaleng, ku patiku umatē su kasēllah'u dunia e koako muritēKu. Sahaniko i sire su areng i Amange ringangu Ahusē dingangu Rohkē Susi e. ²⁰ Tēntiroiko i sire mēsempi kēbi apan taku nioro si kame-ne. Ku pētahēndungu la e mang manēntanudē si kamene saraweng kasueēngu dunia e."

INJILĚ NIHABAR'I

MARKUS

DARUMATINGE

InjilĚ nihabar'i *MarkusĚ* e nitĕtæ ringangu pĕlalahe: "Kų kai seng ini e InjilĚ maanung Yesus Kristus, Ahus'u Ruata". Suralungu InjilĚ ene e Mawu Yesus nitode kere sĕngkatau makĕhagĕ kumanoa piako lai pĕhĕngking e. Pĕhĕngking'E ene e małahĕ suralungu kakakoau i Sie manĕntiro, suralungu kawasan'E mĕseke u rohkĕ dalakisĕ, dingangu lai suralungu mĕngampung dosa e. Mawu Yesus e mapatode u watangenge kere sĕngkatau Ahus'u Taumata, kų mangonggou niawane tadeau taumata e maliwirĕ bou rosa.

Bĕke maanum Mawu Yesus suralungu bukĕ ini e nipĕbawĕke mapia-pia ringangu pinakalahe. Kawĕhakenge kai su halĕ u kakanoa'E walĭnewe su wawera ringangu tĕntiron'E. Bouten nĕberan bawerane manimbų pinamahĕta maanun Yohanes Mĕnanahani e ringangu maanun sasahanim Mawu Yesus ringangu sasaluka baugu watangenge, tangu bukĕ i *Markus* ini e hatede mĕbĕbĕken pĕtangkiangu Mawu Yesus, limembo lai katewe su halĕ u karaulen saki kinoa'E ringangu lai su halĕ u tĕntiron'E. Manga pirang pasalĕ pangĕnsueĕnge nĕlurangu wĕke maanun halĕ apan nariadi su ĕllon misa pangĕnsueĕnge su pĕbawiah'u Mawu Yesus su dunia ini, nĕngalembĕe wue su halĕ u kaghaghantongu watangeng'E ringangu pĕbawangunge wou kapapohong'E.

Duang bahageang pangĕnsueĕnge wou bukĕ u *Markus*, kų nisue suralungu kurung gĕguwa, kasariange walĭnewe winohe u mĕmamohĕ bukĕ u Markus, kaiso kawē sĕngkatau walĭne.

Lohone

Panětakenge	1:1-13
Pětatangkiangu Mawu Yesus su tałoarang kawanua su Galilea	1:14– 9:50
Bou Galilea sołong Yerusalem	10:1-52
Missa pangěnsueěnge su Yerusalem ringangu nangěliku e	11:1–15:47
Pěbawangungu Mawu Yesus	16:1-8
Pětatěngkatode dingangu pětatěngkasapua u Mawu Yesus sołong Sorga	16:9-20

Kotbah Yohanes Mananahani

(Mat. 3:1-12; Luk 3:1-18)

(Yoh 1:19-28)

1 Ini e kai Injilë maanun Mawu Yesus Kristus, Ahus'u Mawu Ruata e. **2** Injilë e nitëta kerewe nibawohë u nabi Yesaya kereini,

" 'Kai ini e raro lohang Ku,' angkuëngu Mawu Ruata; 'Ia e nëndoloh' i sie niapëngalimona si Kau, tadeau i sie apëdëndiahi raralengang' U.' "

3 Pia e tau mamohang su wanua linggi, 'Riahiko raleng baugu Mawu; teneko raralengang apan dalengange.' "

4 Mësulungkewen mabawohë e kerene lai rarëntang Yohanes su wanua linggi. I Sie mënënahani taumata ringangu mëdëndalngkëng habar'u Mawu Ruata e. "I kamene harusë pëmpëtobatë bou kalawou rosanu ringangu harusë sahaniang, tadeau Mawu Ruata e mëgëlli u ampung si kame-ne," kerene angkuëng i Yohanes. **5** Këbi taumata wou wanuang Yu-

dea e ringangu soang Yerusalem nahuntamai nëmpëdaringihë si Yohanes. I sire nëmpangakung kalawou rosan sire, ku i Yohanes nënënahani si sire su salu u Yordan.

6 I Yohanes mëpëpakeangu^a pakeang bou ruk u onta. Papehë e wou pisi, ringangu kinæ kalimbotong dingangu kaënge ghulan katiupang. **7** I Sie kai mau li u habarë ini, "Samurin ia e sarung dumënta sëngkatau nangëmbong kasëllahe wou ia e. Kalungung kumakurung mëluka taling sapatun'E e, ia e tawe wotonge. **8** Ia mënënahani si kamene e kai ringangu akë arawe i Sie ku sarung mënënahani si kamene ringangu Rohkë Susi."

I Yohanes nënënahani Mawu Yesus

(Mat. 3:13-17; Luk. 3:21-22)

9 Su tempo ene tangu Mawu Yesus narënta wou Nazaret su wanuang Galilea, ku i Yohanes nënënahani si Sie niurung su salu u Yordan. **10** Saraeng Mawu Yesus e nasëpu bou akë ene, i Sie nakasilo langi natope ku Rohkë Susi e natëntung kere manu paluma ku dimoro si Sie. **11** Bou e

^a mëlëluheng

1:2: Mal 3:1 1:3: Yes 40:3 1:6: 2Rat. 1:8

kinaringihë tingih'u Mawu Ruata mëlëhengetang, "I Kau e kai AhusëKu ikëkëndagë. I Kau e mëtëtalähino su naungKu e."

Mawu Yesus nisalukatengu setang

(*Mat. 4:1-11; Luk. 4:1-13*)

¹²Bou ene Rohkë Susi apid'u nëngahä Mawu Yesus solong bannua linggi. ¹³Ëpä u pulo su ëllone i Sie sene nisalukatengu setang. Manga binatang dula e malaing ene ringangkewen Sie sene e, ku manga malaekatë e mëmpëtëtangkiang si Sie.

Mawu Yesus nëkui ëpä u katau mënanoma

(*Mat. 4:12-22; Luk. 4:14-15, 5:1-11*)

¹⁴Saraeng i Yohanes nita-hungkü, Mawu Yesus e nakoä solong Galilea, ku nëhabar'u Injil'u Mawu Ruata e païse. ¹⁵Angkuëng'E, "Kararatun Mawu Ruata e seng masandigë. Kü pëmpëtobate i kamene wou kalawou rosang kamene, ku pangimangke su Injil'u Ruata!"

¹⁶Ene, Mawu Yesus kadalenge su apengu ranong Galilea e, i Sie nakasilo mënano-

ma duang katau, kü i Simon dingangu tuarine i Andreas. I rëdua e kai kapënënomane su rano. ¹⁷Mawu Yesus nëhengetang si rëdua, "Pëmpëtöleko si Sia. Ia e sarung manëntiro si kamene mënomä taumata." ¹⁸Ene i rëdua mëngkatewe nanëntangu somä i rëdua e mase timole su Mawu Yesus.

¹⁹Mawu Yesus mang kadalenge, tangu i Sie saüewe nakasilo si rëdua tahatuari waline, i Yakobus dëduang Yohanes, manga ana i Zebedeus. I rëdua kinaëbakeng suralungu sakaeng, kapënënaminge somä i rëdua. ²⁰Mawu Yesus apid'u kimui si rëdua. Ku i rëdua e mëngkatewe nanëntang i amangi rëdua e su sakaeng, ringangkewen i sire mëlahaletë waline e. Bou e i rëdua nëmpëtöle e Mawu Yesus.

Tau naung nisawelangu rohkë dalakisë

(*Luk. 4:31-37*)

²¹Mawu Yesus dingangu manga maurit'E nahumpa su soang Kapernaum. Kü su ëllon Sabatë tuhue, Mawu Yesus nasuë su walem pëkakaliomanengang

kū nanētæ nanëntiro. ²²Taumatā kū apan dūdarīngihē e mangkewen dūdalīnau u pananëntiron'E. U i Sie nanëntiro e kai piā pēhēngkinge, walīnewe kere manga mananëntiro agama e.

²³Su tempo ene piā sēngkatau kinasuēkangu rohkē dalakī kū simuē suralungu walēng pēkakaliomanengang, kū nēmansagē, ²⁴"Ei Yesus tau Nazaret, kai pēkapuraēngu i kami e? I Kau e rumēnta waug'u mapakawinasang kami e? Ia e masingka i sai i Kau e: I Kau e kai rarolohang masusi wou anun Duata!"

²⁵"Karēmasēko!" angkuēngu Mawu Yesus nēhēkadē rohkē dalakī ene, "Sēbangke wou tau ini?"

²⁶Ene rohkē dalakī e mēngkatewe nēnggaghinggo tau ene maiha-ihā, bōu e simēbang bōu ralungu tau ene kabansage. ²⁷Kēbi taumata e mēngkatewe nēngkaherang hakiu i sire nēmpēbera sēmbau su walīne, "Hu, kai apae ini? Piaewe tēntiro wuhu! Makalahēngking rēdēndinganengu kawasa i Sie nanokolē rohkē dalakisē nīapasēbang, kū i sire mēngkawe mararingihē si Sie!"

²⁸Tangu habar'u Mawu Yesus e mēngkatewe masahawu

nēkakeke su kaguwau wanuang Galilea.

Mawu Yesus napakaulen taumata lawo

(Mat. 8:14-17; Luk. 4:38-41)

²⁹Mawu Yesus dingangu manga murit'E nanëntangu walēm pēkakaliomanengang ene, kū nakoā solong balen Simon dēduan Andreas. I Yakobus dēduan Yohanes maiaing natoļe ringangi sire. ³⁰I ninangi Simon kinaratingang niļēhabe suralokaēng. Kū ene piā e Mawu Yesus dingangu manga murit'E simuē su wale ene, Mawu Yesus e nihabareng u halē ene. ³¹Tangu Mawu Yesus tamai himaung si ninang i Simon kinaratingang, kū nangumpaedē limane apid'u nēmangung si sie. Kutēu lēhabe napiā e, kū i sie nanētæ nakapēsiliwirē si sire.

³²Ene nawawēlloē, kū matangēlloē seng simēdæ, i sire tangu nēmpangēntudē kalawou taumata apan masakī dingangu u nikasuēkangu rohkē dalakīe solong anun Mawu Yesus. ³³Kakēpalēwen pēmamanuan^b soa ene e nēmpētampungke su tēngon bale ene. ³⁴Mase Mawu Yesus napakapiaen taumata lawo apan piā sakīe mēdēdalāhaghi e,

^b tumanau = penduduk

kū nanokolēko lai rohkē daralakie malawo. I Sie tawe napakawalang rohkē daralakī e pēbēbera, watuu i sire masingkau kai i sai i Sie.

Mawu Yesus nēnasē su Galilea

(Luk. 4:42-44)

³⁵ Sēngkarioēllone reng marēndung-dēndung, Mawu Yesus nēbangung kū limintu nanēntangu wale. I Sie nakoā solong tanpa marēmasē su likud'u soa, kū nēkaliomaneng sene. ³⁶ Ara-we i Simon dingangu manga hapie natamai nēmpēdeā si Sie. ³⁷ Kū saraeng i sire nēsombang i Sie, i sire nēmpēberae, angkuēng, "Kēbi taumata e mēmpēdēdeā si Tuang."

³⁸ Mawu Yesus e kai simimbang, "Boete i kite manēpasēkon daraleng i kite solong apan soa waline kū mararani e wou ini. Ia harusē lai manēntiro tamai sene, u kai ene tēgalu rarēntakue."

³⁹ Kai ualingu ene Mawu Yesus e rūdaleng māmēpidē kaguwau Galilea e, manēntiro su manga waleng pēkakaliomanengang apidē mēnēnokolu manga rohkē dalakī e.

Mawu Yesus napakapian sēngkatau pia sakī e su pisi
(Mat. 8:1-4; Luk. 5:12-16)

⁴⁰ Tau nirorokangu sakie su pisi makatatakue rimēnta su anum Mawu Yesus. Tau ene nēmulangeng kū nēbera, "Kereu i Tuang tumalēntu u ia, ute i Tuang botonge mapakaulen ia e."

⁴¹ Mawu Yesus timalēntuen tau ene. Kū i Sie nēnenggehe tau ene apid'u nēbera, "Ia e mapulu kū kapiā e!" ⁴² Su orasē ene tangu sakie nailang kū i sie napia. ⁴³ Mase Mawu Yesus nēndoloh'i sie pinakapule apid'u timanatang ini, ⁴⁴ "Ene ēng abe pēbēke si sai-sai, kaiso tamaiko solong anung imang, kū pēdorong si sie pēsahiding kau u i kau e seng napia. Mase waug'u pēngangundangu e, pēnondangkon sasēmba kereewe nititan Musa, kere tatiala su taumata lawo u i kau e kahēnga-hēngang seng napia."

⁴⁵ Kaiso taumata ene napule, mang hanesē mēbēbēken kariadin halē ene suapan tanpa, hakiwen Mawu Yesus e tawe nakasuē su soa ene ringangu waharia. I Sie kētaeng nētana

su likud'u soa su manga tanpa mararëmasë. Kai manilaing kerene taumata e mang ta pontode mahundënta su anun'E bou apan beo e.

Mawu Yesus napakapian tau nipeosë

(Mat. 9:1-8; Luk. 5:17-26)

2 Pira ëllo naliung ene Mawu Yesus nësulë solong Kapernaum. Tangu nakekë e habarë u i Sie kai su wale. **2** Ku lawo taumata nëmpëdënta. I sire nëmpëtampung sene, hakiu seng tawë apa loahe. Kalingung tukadë e malaing nasëse u taumata. Mase Mawu Yesus e nëhəba-reng hetang u Mawu Ruata e si sire. **3** Kapëhetang'E i Sie, pia e i sire ëpa mēbēba-wenteng tau nipeosë tadeau wawəng sarang anum Mawu Yesus. **4** Kai kahian kalawou taumata, i sire tawë nakakahaung sarang dëduh'E. I sire nawı ku nële-kesë atı su lanteh'u Mawu Yesus e. Bou ene i sire nëmpanguluh'u tau peosë ene ringangu tēpihe. **5** Saraeng Mawu Yesus nakasilo kasariang pangangimang i sire, i Sie nëhetangke su tau peosë e, "Amang, kalawou rosanue seng niampungang."

6 Ene pia e mananëntirong agama pirang katau kapahungkai-ange sene, nanëtaë nahëngkiwalo su ralungu naung i sire, **7** "Kawahani i anu ëndaie nëbera kerene! I Sie kai mēlēhinakang Mawu Ruata. I sai wotonge makaam-pung dosa e sulıun Mawu Ruata e sēsane?"

8 Su tempo ene lai Mawu Yesus masingkau tinënnang sire. Mase i Sie nëhetangke, "Kawe unue i kamene mēmpëtëtinëna kerene su naung i kamene? **9** Sude limembong mahaëng: mēberang, 'Dosanu seng niampungang', arau mēberang 'Pëbangungke, hengke e tēpihu ku dalëngke'? **10** Arawe ini la sarung mēlahë si kamene u su won dunia ini e, Ahus'u Taumata e kai kawasa mēngampung dosa." Mase Mawu Yesus nëhetang su tau peosë ene, **11** "Pëbangungke, hengke e tēpihu e ku kapulë e!"

12 Nēbangungke i sie ku apid'u nëngala tēpihe mase simēbangke tētatinganeng i sire këbi. I sire ë nëmpëdalinau, ku mase nëmpëdalöe Mawu Ruata. Angkuëng i sire, "Bëdaweng tanakasilo i kite halë kere ini e!"

Mawu Yesus kimui si Lewi

(*Mat. 9:9-13; Luk. 5:27-32*)

13 Mawu Yesus nēsule kapia solong apeng u ranong Galilea. Maławo taumata e himaung si Sie, mase i Sie nanēntiro si sire. **14** Pia e Mawu Yesus kapēdaralenge sene, i Sie nakasilo sēngkatau maghaghēlle bea arenge i Lewi, ana i Alfeus, kukaian su kantorē u bea. "Tole e Sia," unguēngu Mawu Yesus si sie. Tangu i Lewi e mēngkatewe nēbua kupa timole Mawu Yesus.

15 Kuteu Mawu Yesus kapēsēsimokole su waleng Lewi, tangu narēnta e ghapaēngu maghaghēlle bea ringangu taumata apaewen pēpandaēngu taumata lawo e taumata ralakisē kupa nahungkaēng sēngkakaēng dingangu Mawu Yesus sire manga murit'E. U kai lawo su taloaran sire nahuntole su Mawu Yesus.

16 Mananēntirong agama pirangkatau wou ghapaēng u tau Farisi nakasilo Mawu Yesus sēngkapahungkaēng dingangu manga maghaghēlle bea ringangu taumata lēnnaēng baradosa e. Kupa i sire nēmpēkibalo su manga murit'u Mawu Yesus, "Kawe unue mananēntirong kamene e kawe kukaēng dingangu manga ma-

ghaghēlle bea ringangu taumata apan dalakisē e?"

17 Mawu Yesus e nakaringihē kakiwalon sire ene, kupa simimbang unguēng, "Taumata apan malahuweka e tawe mēgaghausē dokterē, kaiso kawe apang masasaki e sidutu. Ia dimēnta e walinewe kumui apan kupa mēpēpēndang batangenge seng mapia, kaiso kawe taumata apan baradosa e."

Halē u pētattelling

(*Mat. 9:14-17; Luk. 5:33-39*)

18 Ene pia su sēngkatempo manga murit'i Yohanes Mēnanahani ringangu tau Farisi e kapēpuasane. Bopa e kai pia u himaung su Mawu Yesus kupa nakiwalo angkuēng, "Kawe unue murit'i Yohanes Mēnanahani ringangu tumatole tau Farisi e kawe mēpēpuasa, arawe manga murit'i Tuang kawe tala wue?"

19 Mawu Yesus simimbang, "Makoā bue su salimbangu kawing, kupa manga sake ipēpuhēdang? Kereu kaghiang esē deng bēdang dingangi sire, nalahu i sire mang mahungkaēng. **20** Kai sarung su tempone kaghiang esē e alakeng bopa i sire. Su tempo ene ute wuhewe i sire tawe mēmpahungkaēng.

²¹ Tawę apa taumata mëndē-
pelu ririsē buhu waug'u ghēdeu
pedesē tēbe. Batuu ririsē buhu
ene kai mēngahēbu dingangu ma-
kaghēde pedesē ene, ku sauneng
makasaria ghehe e. ²² Kerene lai
taweu mētahong anggorē buhu su
kawihē pisi tēbe. U anggorē buhu
e sarung makabēse kawihē. Sa-
murine i rēdua e magholo kēbi.
Anggorē buhu e kawe hinong ita-
ho su kawihē buhu e lai!"

Kakiwalō maanung ěllon Sabatē e

(Mat. 12:1-8; Luk 6:1-5)

²³ Pia sēnsulē su ěllon Sa-
batē e, pia e Mawu Yesus si-
mahe wou rahaming gandum,
manga murit'E, nanēta e nēmpa-
nipo gandum. ²⁴ Kuteu tau Farisi
e nēmpēbera e su Mawu Yesus,
angkuēng, "Kawe unūe manga
murit'U e kawe lūlampa ator'u
agamang kite, ku i sire kawe
mēmpēkēkoabe apang ipēpelli su
ěllon Sabatē e?"

²⁵⁻²⁶ Mawu Yesus simimbang-
ke u, "Kai wēdang ta nakabasa
i kamene apang ku nīkakoā i
Daud, pia i Abyatar kapēmuna-
rane kere sēngkatau imang ma-
wantugē. Pia i Daud dingangu

manga taumatane nēngkalunusē,
ku nikawusangu kaēng, tangu i
sie simuē su Walem Mawu ma-
se kimaēng borotē sasēmba su
Mawu Ruata. Ku borotē ene
maļaing pinēgēllikange su tauma-
tane. U sēmbalīau su atorang'u
agamang kite e kētaewen manga
imang botonge kumaēng borotē
ene."

²⁷ Mase Mawu Yesus bēdang
nēbera lai u, "Ěllon Sabatē
e nikoā baugu taumata walīne-
we taumata waugu ěllon Sabatē;
²⁸ Ku Ahus'u Taumata e kai ka-
wasa, ore lai su ěllon Sabatē."

Tau ĩmane sēmbēka nipatene

(Mat. 12:9-14; Luk. 6:6-11)

3 Mawu Yesus nēsulē ka-
pia solong baļe pēkakalīoma-
nengang. Sene kai pia tau ĩ-
mane sēmbēka nipatene. ² Sene
kai lai pia i sire mēmpēdēdeā
saļang Mawu Yesus, mēdeāu ma-
kapangēnsil'i Sie. Tangu i sire
mēngkatewe hanesē mēkēkakēlla
si Sie, mēnsang i Sie maļa-
kauļen taumata masakī e su ěllon
Sabatē. ³ Mawu Yesus nēbera su
taumata ĩmane sēmbēka nipate-
ne e, "Mahiko rarisi ěndaung

sini su tēngone.” ⁴Mase i Sie nakiwalo si sire sene, ”Tuhu agamang kite e, kai apa hinong koateng i kite su ellow Sabatē e? Mēkoā mapia arau mēkoā dalakī? Mēngambang taumata arau mēmate?”

I Sire mēngkate nēngkarēm-masē. ⁵Mawu Yesus e limangehē kapēmmandane mangelikū si sire, kaiso naung'E mang masusa, ualingu i sire mahēmpaliung tungkēti e. Mase i Sie nēbera su tau ene, ”Togorēko limanu.” Tau ene nanogore limane, kū sēngkianue nauē. ⁶Tangu tau Farisi e nēmpañtangken baleng pēkakaļiomanengang, mase nēdalāhintau ringangi sire pirang katau tumatoļe si Herodes, mēdeau mēmate Mawu Yesus.

Taumata lawo su wiwihu rano

⁷Mawu Yesus dingangu manga murit'E simohō solong danong Galilea. Tangu malawo-lawo taumata wou Galilea nahuntōļe Mawu Yesus. Malawo lai nahundēnta wou Yudea, ⁸wou Yerusalem, bou wanuang Idumea, dingangu wou wanua su sēmbēkan daking Yordan, dingangu wou likud'u manga soa

su Tirus dingangu Sidon. I sire kēbi nēmpēdēnta solong anun Mawu Yesus, u i sire seng nakaringihē kalawou halē kū seng nikakoā'E. ⁹I Sire ene malawo-lawo, hakiu Mawu Yesus nēndoloh'u manga murit'E apēdēndiahi sakaeng baug'i Sie, u mađiringu i Sie kasēsekangu taumata lawo. ¹⁰I Sie napakauleen masasakī malawo, kū kakēpalewen masasakī e mēngkate mēpēpapangan-suhē mētēngkarani kađiongeng deng makapēnenggehē si Sie. ¹¹Dingangu i sire apan nika-suēkangu rohkē dalakī e, kasuewen makasilo si Sie, apidu mēsuba su tēngon'E ringangu mēmansagē u, ”Seng i Kau e Ahus'u Ruata e!”

¹²Kai Mawu Yesus mēsēsēding sēngapan botonge u kumbahang manga rohkē dalakī e mēmombeng i Sie.

Mawu Yesus nēmile sire mapulo dua murit'E (Mat. 10:1-4; Luk. 6:12-16)

¹³Bou e Mawu Yesus simaka solong buludē, kū kimui si sire apan ikēkapulune. I sire e nahundēnta, ¹⁴mase i Sie namile wou taloaran sire mapulo dua sukataune. Angkuēng'E, ”Ia e na-

mile si kamene, tadeau i kamene tumaking si Sia ku i kamene taku irolohë iapangeken Injil'u Mawu Ruata, ¹⁵ringangu i kamene sarung makatarima kawasa mēdeau makapēnokol'u manga rohkë daralakisë."

¹⁶Kai ini e areng i sire mapulo dua ene: I Simon (Ku isēsëbā e lai si Petrus), ¹⁷i Yakobus dēduan Yohanes tuarine, manga anā i Zebedeus (i sire ini nitambaengu areng i Boanerges mangalene "manga anau rëllu"), ¹⁸i Andreas, Filipus, Bartolomeus, Matius, Tomas, Yakobus anā i Alfeus, Tadeus, Simon i Malintoj,^c ¹⁹dingang'i Yudas Iskariot, ku ianu e netulang Mawu Yesus e.

Mawu Yesus ringangu Beelzebul

(*Mat. 12:22-32; Luk. 11:14-23, 12:10*)

²⁰Bou e Mawu Yesus napule solong balë. Kai taumata lawo e sau nahundenta nētampung, saraeweng Mawu Yesus dingangu manga murit'E tawe nakapēsimo-kolë. ²¹Taumata nēmpēbera, "I Sie seng nēpulu!" Ene saraeng manga anau sengkataune naka-

ringihe halë nariadi e, tangu i sire nēmpangala e si Sie.

²²Manga mananëntirong agama apang nēmpēdenta wou Yerusalem nēmpēbera u, "I Sie nikasuëkang i Beelzebul! Tēmbonangu manga rohkë dalaki ene e ku nēmpēgëlliū kawasa si Sie tadeau makapēnokolu rohkë dalaki."

²³Tangu Mawu Yesus kimui e taumata lawo e, ringangu nēbēken papinintu pirambau si sire. "Kai makoabe kerea rohkë dalaki e manokol'u rohkë dalaki?" unguengu Mawu Yesus. ²⁴"Ku kereu sēmbanuaenge kawe napahia suralungu piran kamonaeng ku tawē pēdaramene, ute wanua ene tawē mēdaragë. ²⁵Ku kereu suralungu sēntahanakeng tawē kasasēmbaue ringangu apaewen dalohone kawe mēmpēsēsasitori sēmbau dingangu waline, ute pētātenganau sengkataue sarung magholang. ²⁶Kereu su ralungu kararatuangu setang kai pia kaghagholang dingangu pēsasitori, kararatuang ene e tawē mēdaragë dingangu sarung miwu.^d

²⁷Taweu sarang sengkatau makasuë su walēn tau matoghasë

^c Sawohj = patriot ^d mailang = lenyap
3:22: Mat. 9:34, 10:25

kū mēhampasē arētāe kereu i sie tawe mēhapusē tau matoghasē e-ne kalimona. Bōu ene wuhū e i sie makapēhampasē darotonge.

²⁸ Kēngkasingkako! Kereu tauniata niēkoā dosa ringangu mēhinakang, i sie wēdang kaampungang. ²⁹ Arawe i sai mēhinakang Rohkē Susi e i sie tawe kaampungang! Batūu pēlahinakang ene kai rosa sarang kakalē.” (³⁰ Mawu Yesus nakapēbera kere-ne, batūu piā u nēberau Mawu Yesus niwāliuangu rohkē dalakī.)

I ninang ringangu anau sēngkatau Mawu Yesus

(Mat. 12:46-50, Luk 8:19-21)

³¹ Bōu e i ninang'E ringangu manga anau sēmbaue nasongoe. I sire nēmpēngampalē su likude kū dimoloh'u taumata niapēkui Mawu Yesus. ³² Su tempo ene maławo taumata maiang mēlēliwung Mawu Yesus. I sire nēmpēbera si Sie, "Tuang, i ninang dingangu manga anau sēmbau i Tuange ene su likude. I sire mēmpēdēdeā si Tuang."

³³ Mawu Yesus simimbang, "I sai tangu i ninangkue? I sai tangu anau sēmbaukue?" ³⁴ Bōu ene i Sie namanda si sire apan kūkaiang mēmpēlēliwung e ma-

se nēhengetang, "Tamai ini e i ninangku ringangu manga anau sēmbauku e! ³⁵ I sai mēkēkoā kapulu Mawu Ruata e, i sie kai anau sēmbauku ese dingangu anau sēmbauku wawine, ringangu i ninangku."

Papinintu maanung sēngkatau mananawuhē

(Mat. 13:1-9, Luk. 8:4-8)

4 Mawu Yesus sauewe nanēntiro su apengu ranong Galilea. Taumata mēngkate maławo mēmpēlēhēmbung si Sie. Ualingu ene i Sie simakē e kū naiang su raľungu sakaeng sēnggēsa dūdalēto su akē, kū taumata lawo e rūdarisi su wiwih'u rano. ² Mase Mawu Yesus nanēntirong halē maławo si sire suraľungu papinintu. Kū i Sie nanēntiro kerei-ni si sire.

³ "Pēmpēdaringihēko! Piā tahawaelē sēngkatau tarai nēngasiu wine. ⁴ Kapēnawuhe, piā e wine naasi su wēntang daleng. Bōu e nirēntaēngkeng manū u winalangeng kū bine e nasueen temoe. ⁵ Piabeng sēngga naasi su ēntana mahuwatu kū ēntanane mahali. Bine e maligha nahuntuwo watūu kai manipi ēntanane, ⁶ kai saraeng matangello e nasa-

hengke, hētiē nanētāe nalolang
 kū su samurine naghihang mase
 nahēgu, batuū hamūe tawe na-
 kasuē maralung. ⁷Sēngga e wue
 ute piā bine nasawuhē su talo-
 aran manga sumpinī. Sumpinī e-
 ne timuwo kū nanēsēewe manga
 towōe, sarang tawe nēbua. ⁸Kai
 piābe lai wine naasi su ēnta-
 na mapia. Bine ene himēti kū
 timuwo nakoā gēguwā mase
 nēbua e, piābeng tēllum pulo,
 piābeng ēnnungu pulo, ringangu
 piābeng limembo mahasu su sule-
 ne kakēpale.”

⁹Bouten nēbēke papinintu e-
 ne Mawu Yesus nēhengetang, ”I
 kamene piābe tuling kamene, ra-
 ringihe!”

Unue Mawu Yesus mēpēpapinintu

(*Mat. 13:10-17; Luk. 8:9-10*)

¹⁰Natarangke Mawu Yesus
 sēsane, taumata apan seng na-
 karingihē tēntiron’E rimēnta e
 su anun’E sēngkakarēnta ringang-
 u manga murit’E i sire mapulo
 dua. I sire mēdēdorong tadeau i
 Sie pēnēnualag’u mangalen pa-
 pinintu ene. ¹¹Tangu Mawu Ye-
 sus nēberae si sire, ”I kame-
 ne seng nionggolangu alamatē,
 tadeau makakasingkau dahasia

maanun kereapa kararatun Mawu
 Ruata e. Arawe taumatang liku-
 de tētēntiroēng’u papinintu, ¹²ta-
 deau

’I sire sarung mēmpamanda-
 we kahēnga-hēngang

kaiso kawē tawe makasilo,
 i sire sarung hanesē
 mēmpēdēdaringihē,

kaiso tawe makalaēnna,
 tadeau kumbahang i sire
 makasilo ringangu makaēnna
 ringangu kumbahang
 mahundēnta su anum
 Mawu Ruata
 kū Mawu e mēngampung
 dosan sire.’”

Mawu Yesus manualag’u papinintu maanum mēnanawuhē

(*Mat. 13:18-23; Luk. 8:11-15*)

¹³Bou e Mawu Yesus nēhe-
 ngetang si sire, ”Kereu i kamene
 tawe makaēnna papinintu ene,
 ute i kamene kawē makaēnna ke-
 reapa manga papinintu lai wali-
 ne tangu? ¹⁴Mēnanawuhē e ute
 kai taumata apam mēlēhabar’u
 hengetangu Mawu Ruata. ¹⁵Bi-
 ne ninawo su raleng ute kai
 isēsihing si sire apan dūdaringihē
 injilē maanung kereapa kararatun
 Mawu Ruata e, kaiso tawe ma-

kaenna. Ene nakaringihe, tangu rimēntae setang k_u nēngalae apang k_u seng nisawuhē suralungu naung i sire. ¹⁶Bine k_u apan ninawo su ěntana k_u mawawatu, aling kai taumata makadingihē injilē, k_u apidewe nēnarima dingangu maluasē. ¹⁷Kai injilē ene tawe nēhamu suralungu naung i sire hak_iu tawē kararēpange.^e Sarangke i sire kinahombangengu sigēsā arau tatumbiagē ualingu injilē e, ute i sire apid'u nētula.^f ¹⁸Apam bine nasawuhē su taloaran sumpini e, aling kai taumata apam makadingihē injilē e, ¹⁹kaiso kawē ghugēngangu pēbawiah'i sire ringangu lūēning u wiahē mahēmpaliu. Mēningu haghin sabarange sūsuē suralungu naungi sire. Ualingu ene injil'u Mawu Ruata e kēkaēpisang su ralungu naungi sire, hak_iu tawē mēbawua. ²⁰Dingangu wine k_u nasawuhē su ěntana matawa e aling kai taumata k_u apam makadingihē injilē, ute mēnarima_u ene, k_u i sire mēbua malawo, piabeng tēllum pulo, piabeng ěnnungu pulo, ri-

ngangu piabeng mahasu su sulē ne limembong kalawo_e wuane."

Solo nitakateng u wēnsadē

(Luk. 8:16-18)

²¹Mase Mawu Yesus nēhengetangke kapia, "Seng pia ngae taumata nēndiko solo k_u bou e nitakatengu wēnsadē, arau nipēllōe su ralungu raralo-kaēng? Kawē unūe i sie tawe mamēllou solo ene su ralaede? ²²Tawēu mābawuni k_u tawe ikasilo; dingangu tawēu kapapēnisē e k_u tawe sarung kasingkateng. ²³Ualingu ene, kereu pia tul_i ute, daringihēko!"

²⁴Mase Mawu Yesus sau lai nēhengetang, "Pēsipirēko apang ikaringih'i kamene ini! Sasuka k_u ipanuka i kamene waugu taumata waline sarung lai ipanukau Mawu Ruata si kamene – dingangu wēdalain_g limembong kalawo_e. ²⁵U i sain seng pia, sarung lai ongotang bēdang limembong kalawo_e; arawe apang k_u tā apa ute, relaing pēngalakengu apam mahali k_u bēdang si sie."

^e mētahang marēngu = tahan lama ^f murtad

4:21: Mat. 5:15, Luk. 11:33 4:22: Mat. 10:26, Luk. 12:2 4:24: Mat. 7:2, Luk. 6:38 4:25: Mat. 13:12, 25:29, Luk. 19:26

Papinintu mañanum bine timuwo

²⁶ Mawu Yesus delaing nañempu bisarane, "Kereu Mawu Ruata e mēparentae aling kai sengkatau Ratu, kakakoae wotonge ikasihing kere sengkatau mēnanawuhē bine su waelē e. ²⁷ Hēbi i sie mētikī; arawe ēllo i sie mēbangung. Ku manga wine ene mang katuwone ringangu kakasariane. Katewe mēnsang kereapa kakakoau tatuwone ringangu nasaria e, tau ene e wēga wue. ²⁸ Ēntana ene sēsane nalāhēu mapasēbangu wuane: kahumotongange pulane, bou ene kawene, mase wuane. ²⁹ Ku kereu gandung ene seng nasasae, ute tau ene manētāe mēharesē e, batuu kai seng tempo pamamēnsa."

Papinintu batun sawi e

(*Mat. 13:31-32, 34; Luk. 13:18-19*)

³⁰ "Kereu Mawu Ruata e mēparenta, ute kai ikasihing i kite e ringangu a?" Kapia Mawu Yesus nakiwalō. "Kai papasihing apa ikapake i kite mēdeau ikapanualagē ngae? ³¹ Kereu Mawu Ruata e mēparenta kakakoae ute

kai kere papinintu ini: Bakiu sasawi sēmbau nialau sengkatau ku nisuang su ēntana. Bakiu sasawi e kai kararidikangu wine su dunia. ³² Kai kamagengu seng timuwo ute, i sie mariadi kasariaēnge wou taloarang haghin sasuang. Manga lelange mēngkate apa masuhampa⁹ hakiu manga manuu winalangenge mēmpahundēnta ku mēmpēkēkoā salehe su naue."

³³ Kerene kakakoau Mawu Yesus manēntiro taumata lawo dingangkewen papinintu matatimu mēsulungu ene, karauewen kahēnganeng i sire. ³⁴ Mawu Yesus mēngkate sēntiniā mēpēpakeu papinintu kereu i Sie manēntiro si sire ene. Kai kamagengu i Sie hala ringangu manga murit'E, ute i Sie mēnēnualag'u kēbi tamai ene si sire.

Mawu Yesus napakalēnēh'u rēllang

(*Mat. 8:23-27; Luk. 8:22-25*)

³⁵ Su sengkawawēllo ene lai, Mawu Yesus nēhengetang su manga murit'E, "Tamai e i kite mēsakaeng solong sēmbēkan dano."

³⁶ Tangu Mawu Yesus si make e su sakaeng dingangu

⁹ naghaghundung = rindang
4:29: Yl. 3 13

manga murit'E, kù nanëntangu taumata lawo e su wiwihu rano e, kù simake sēngkasake. Manga sakaengkewe lai waline e malaiing ene sene. Mase Mawu Yesus dingangkewelai manga murit'E tangu nanētāe nēsakaenge. ³⁷Tawe nararēnna wou ene tangu rēllang maihāe timiue. Mēlisange nanētāe nanakalē sakaenge kù kinasakaeēnge hakū sakaeng kawe maraning mapenēu ake. ³⁸Su petong sakaeng ene Mawu Yesus kapēhēdange kù tēmbōe kaḍalēngkang su kapepe. Manga murit'E nēmpēmukōe si Sie. I Sire nēmpēbera, "Tuang Guru, kawe tawe sēmpikang i Tuang tangu i kite masilaka?"

³⁹Mawu Yesus napukōe kù namalēndihē anginge kù nēberae su rano u, "Kēndi e, kalenehēko?" Kuteu anginge nalēdāe, kù dano mēngkatewe nalene-lenehē. ⁴⁰Mase Mawu Yesus nēhengetang su manga murit'E, "Kawe unue i kamene mataku? Kawe unue i kamene tawe mangimang si Sia?"

⁴¹Tangu i sire nēngkatakue kù nēmpēberae sēmbau su wali-ne, "Kawe i sai tangu i Sie ini, hakū anging dingangu lua e kawe mahimang si Sie."

Mawu Yesus napakapian tau niwalīuang u rohkē ḍalakisē e

(*Mat. 8:28-34; Luk. 8:26-39*)

5 Bōu e Mawu Yesus dingangu murit'E nawunae su sēmbēkan danong Galilea, su wanian Gerasa. ²Ene Mawu Yesus natumpae wou sakaeng, i Sie nihaungangu sēngkatau esē matoghasē simēbang bōu manga liangu kubulē. ³Tau ene seng nipēbanuangu rohkē ḍalakī kù i sie seng mētētana su manga pēngangubulang. I Sie seng tawe ikaīaikī manilaing ikitangu hante. ⁴Seng masau wēntungang su laede ringangu su limane, kai manga hante e mēngkate wēbēsukange, dingangkewen uase su laede pēpapēdiange. I Sie kerene katoghase hakīewen tawēu makatatētolē mēhēgo si sie. ⁵Ēllo hēbi i sie mēngkatewe lēgah'u manga lēbing dingangu manga wēntihe, kapēmansagē kù mēḍēndalesē badange ringangu watu.

⁶Ene wou maraune i sie seng nakasilo Mawu Yesus narēnta, kù i sie mēngkatewe timalang nanēnsomahē mase nēsuba su tēngon Mawu Yesus. ⁷Dingangu

tingihe maiha i sie mamansagë,
 "Yesus Ahus'u Mawu Ruata Ka-
 rangetange! Kai sarung pëkapu-
 ranengu ia ini e? Su arengu
 Mawu Ruata, ia mëdëdorong, a-
 be sigësake ia e!" (8 Tau ene
 nëbera kerene batuu Mawu Ye-
 sus nëhengetang si sie, "Rohkë
 dalaki, sëbangke wou tau ëndai
 ini!")

9 Mase Mawu Yesus naki-
 walöe si sie, "I sai areng u?"

Tau ene simimbang, "Areng-
 ku e i 'Legiun' – batuu i kami
 ini e kai malawo-lawo!" 10 Apan
 piran sule i sie mëdëdorong
 sëngapang botonge tadeau Mawu
 Yesus abe pënokol'u manga rohkë
 dalai e wou weö e ene.

11 Maranin tampa ene pia ga-
 paëngu wawi malawo mëmpëdë-
 dea kaënge su lengeh'u wuludë.
 12 Manga rohkë dalaië nëmpëdo-
 rong su Mawu Yesus, "Rolo-
 he i kami apahunsuë su ralungu
 manga wawi e." 13 Ku Mawu Ye-
 sus kimire e. Tangu manga rohkë
 daralai e nahunsëbangke wou tau
 ene ku nëmpësuë su wawi e.
 kalawou wawi e nëmpëtalang ku
 nahuntumpa wou wiwih'u tēnggi-
 lihange ku nëngkawunsalë su ra-
 no mase nëngkawulusë – kalawöe
 mangawe rua hiwu su wau e.

14 Manga mëndalukadë bawi
 e nahuntalang ku nëmpëbëken
 halë ene su soa ringangu su a-
 pang kampong mangëliku e. Ma-
 se taumata lawo e simëbang
 nëmpamanda halë seng nariadi
 e. 15 I sire nëmpëhaungke Ma-
 wu Yesus, ku nakasilo tau ka-
 nini niwaluangu rohkë dalakie
 ku maiang ëndaise. I Sie seng
 pia pakeange, ringangu tinënnan-
 e seng kere wiasa. Ku i sire
 këbi e nëngkatakü. 16 I sire apaë-
 wen nakasilo hala kakakoau tau
 ene ringangu manga wawi e,
 mëmpëbëbëken halë seng naria-
 die. 17 Mase apan tumanau weö
 e ene tangu mëdëdorong tadeau
 Mawu Yesus manëntangu wanua
 ene.

18 Ene Mawu Yesus simakë e
 su sakaeng, i anu nangun niwalu-
 uangu rohkë dalaië nëdorongke
 su Mawu Yesus mëdeau i sie wo-
 tonge makatole.

19 Kai Mawu Yesus e tawe
 napakawala, angkuëng'E, "Daköe
 kapule, ku paulie su manga anau
 sëmbau u apan seng kinoau Ma-
 wu si kau, ringangu kereapa ka-
 pian'E i Sie si kau!"

20 Tau e apid'u napule, ku
 nanëtae nëbëke su kaguwau Soa
 Mapulo apang ku seng nikoau

Mawu Yesus si sie. Ku kēbi taumata e mēngkaherang naka-ringihē ene.

**Ana i Yairus – Wawine
nēnenggehē laku
u Mawu Yesus**

(Mat. 9:18-26; Luk. 8:40-56)

²¹Mawu Yesus nēsulē kapia solong sēmbēkan dano. Su wi-wih'u rano e, taumata lawo nēmpēdahēmbung Mawu Yesus. ²²Ene pia tau narēnta arenge i Yairus. I Sie kai sēngkatau tēmbonangu waleng pēka-kaliomanengang su soa ene. Pia i sie nakasilo Mawu Yesus, i sie nēsuba su tēngon'E, ²³ku mēdēdorong sēngapam botonge, "Tuang, anaku wawine kai masakī matēdu. Karimako i Tuang deng dumēnta ku makapanēllid'u liman'U, ku i sie maule ringangu tawe mate!"

²⁴Tangu Mawu Yesus e natamai ringang i Yairus. Maławo taumata nēmpētole si Sie mēmpēsēsasēngkelē balaewe mēnsang bou tampa sude.

²⁵Su taloaran sire e pia lai sēngkatau wawine ku seng mapulo dua su taunge mēngkai rēdalengangu raha wou wadange pelli. ²⁶Patiku darotonge seng nasuen pake e pinamaehē manga

mangangundang, kaiso taweu nakapia, kaiso kawē napahuntinambang tēdūe. ²⁷Bawine ene seng maławo dingihe maanun Mawu Yesus. Tangu su taloaraen taumata lawo ene, i sie himaungke Mawu Yesus bou likude, ²⁸u su tinēnnane, "Kadiongeng katewe ia manenggehē lakue, tangu ia e seng mapia!"

²⁹I Sie nanenggehē laku u Mawu Yesus, ku su tempo ene e lai raralengu rahane e napon-todē. I Sie nakapēndangu i sie seng nule. ³⁰Tangu su orasē ene lai Mawu Yesus nakapēndangu pia kuatē simēbang bou watangeng'E. Tangu i Sie nēbihi su taumata lawo ene ku nēhenge-tang, "I sai wēdi nanenggehē lakuKu e?"

³¹Manga muritē e nēmpēbera, "I Tuang makasilo hala u apae maławo taumata ku mēmpēsēsasēse. Ku i Tuang delaing makiwalou, i sai nanenggehē si Tuang?"

³²Arawe Mawu Yesus mēngkate sēntinia, mamanda kaihi koaneng mēdēdeā tau nanenggehē si Sie. ³³Tau wawine ene ku nasingkaeng apa naria-di su watangenge, ku kaken-deneeng taku tangu i sie nēsuba su tēngon Mawu Yesus

kū nēngakūen kēbī-kēbī. ³⁴Tangu Mawu Yesus nēhengetang su wawine ene, "AnaKu, ualingu i kau nangimang si Siā, ute i kau e nau! Dakōe kapulē suralungu pēdarame. I kau e seng nūlē kahēngang!"

³⁵Ene Mawu Yesus bēdang kapēhengetange, piā darolohang pirang katau, nahundēnta wou waleng Yairus. "Ahus'i Tuang bawine e seng nanēntang," angkuēng i sire si Yairus. "Tawe wahaluasē i Tuang mapakasusa Mawu Yesus e wēdang."

³⁶Tawe nēsēmpī apang iwēberang taumata lawō e, Mawu Yesus nēhengetang si Yairus, "Abe katakū, mēngkate pangimang!" ³⁷Mase Mawu Yesus dimaleng turusē, kai i Sie tawe napakawalan sarang sēngkatau niapatolē si Sie, kētaewen i Petrus, Yakobus dingangi Yohanes sire tahatuari. ³⁸Sarāeng i sire nahumpa su waleng Yairus, Mawu Yesus nakasilou mēngkate nēmpēgolang, dingangu nakaringihē sasangī dingangu ralungkang maiha. ³⁹Bou e Mawu Yesus simuē dingangu nēbera si sire, "Kawe unūe mēmpēgēganoha dingangu mahunsangi? Darīō ene walīnewe nate, i sie kētaeng mētētiki!"

⁴⁰I Sire kai nahulēgen Mawu Yesus. Tangu i Sie nēndolohen sire niapasēbang kēbī. Bou ene i Sie namaringang si ninang dingangu i amangu rario dingangu i sire tēllungkatau murit'E simuē su ralungu kamar'u rariō ene. ⁴¹Mawu Yesus nangumpaede liman dariō e, kū nēhengetang si sie, "Talita kum," mangalene, "Momo, Ia mēbera si kau: pēbangungke!"

⁴²Dariō mahuala e mēngkatewe nēbangung, kū dimaleng. (Umure seng mapulō dua su taunge.) Kēbī apan nakasilo karariading ene e mēngkatewe nēmpēdalinau! ⁴³Kai Mawu Yesus e nēsēding sēngapam botonge si sire mēhabar'u halē ene si sai-sai. Mase ungkuēng'E, "Gēlikengkong kaēnge rariō ene."

Mawu Yesus pinēbinsi su Nazaret

(Mat 13:53-58; Luk. 4:16-30)

6 Bou tampa ene, Mawu Yesus napulē sēngkakapulē dingangu manga murit'E solong soan sire. ²Kū su ēllon Sabatē, i Sie nanētae nanēntiro su walem pēkakaliomanengang. Senē kai piā taumata maralawō. Ene i sire nakaringihe tēntiron Mawu Yesus, i sire mangkewen



*Walēm pēkakalōmanengang batuhu
raḷunge (6:2)*

nēmpēdalinau. I sire nēmpēbera,
"Kai wou apa tau ēndaḷ nakaēba
kēbi tamai ene? Kai kasingka ke-
reapa si Sie? Kai kereapa i Sie
mēkoā karalinau? ³Karā i Sie ka-
we basē u kalu, ana i Maria, ku
tuhang i Yakobus, i Yoses, i Yu-
das dingangi Simon? Ore, manga
wawinene maḷaing mēmpētētana
sini." Uaḷingu ene i sire tawe
nēnarima i Sie.

⁴Mase Mawu Yesus nēhenge-
tangke si sire, "Sēngkatau nabi
e lēadateng suapan tanpa ta-
beau katewe su wanuane ringang-
u sutaloarang anaḷ sēmbau e ri-
ngangu walage."

⁵Ku sene Mawu Yesus ta-
we nakapēkoā munara makadalī-
nau tabeau katewe napakapian
masasaki, pirangkatau ringang-
u nanēllid'u ḷimane si sire. ⁶I
Sie naralingung sire, kawe tawe
mangimang.

**Mawu Yesus rimoloh'u
muri'E mapulo dua e**
(Mat. 10:5-15; Luk. 9:1-6)

Bou e Mawu Yesus limu-
hu manga kampong maḅgēllikue
kapanēntirone. ⁷I Sie kimui
manga murit'E mapulo dua e,
mase rimoloh'i sire pētaḷadu-
ang katau ku niongotangu kawa-
sa tadeau i sire makapēnokolē
manga rohkē dalai e. ⁸I sie
nēgēlliu tēntiro kereini si si-
re, "Kumbahang mēbawa manga
apa-apa su raralengang i ka-
mene, tabeau katewe tēking.
Kumbahang mēmpēbawa kaēng
arau kawih'u sidēka, arau
roitē. ⁹Pēmpēsasapatu wue, kai
maḅieng tawe mēbawa laahusē
duam parē." ¹⁰I Sie maḷaing
nēhengetang, "Kereu i kamene
rumangeng su wale sēmbau, u-
te katanāe sene sarang i kame-
ne manēntangu soa ene. ¹¹Kai

kereu i kaniene mahunipae su tampa sēmbau, ku i sire se-ne tawe manarima dingangu tawe rumaringihē si kaniene, ute tēntangke wanua ene. Ku ton-tongko awulē bou laed'i kamene makoa kere sasahidi si sire!"

¹² Tangu manga murit'u Mawu Yesus i sire mapulo dua e nahundalengke. I sire rimaleng nēmpēkakekeng habarē u taumata e apētēto batē bou kalawou rosane. ¹³ Manga murit'u Mawu Yesus e nēmpanokolē kalawou manga rohkē dalaie, naniuhang lanang zaitun su masasaki, dingangu niapakaulen sire.

Papateng Yohanes Mananahani

(Mat. 14:1-12, Luk 9:7-9)

¹⁴ Manga habarē maanung kalawou apan seng nariadi kinaringih'u Ratu i Herodes, batuu arengu Mawu Yesus e seng time-leng suapan tampa. Pia taumata nēbera u, "i Yohanes Mananahani e seng nēbiahē kapia! Kai ene hakū i sie pia kawasane mēkoa karalinau tamai ene."

¹⁵ Arawe i sire waline e mēbēbera u, "i Sie kai i Elia."

Pia lai mēbēbera u, i Sie kai nabi, mēsulungu sēngkatau nabi wou taloarang tempo kalimona.

¹⁶ Pia e i Herodes nakaringihē ene. i sie nēbera u, "Mang kahēngangu ini e kai i Yohanes Mananahani ku kangere e seng taku pakibusā tēmbōe. Ini i sie kai seng nēbiahē kapia!"

¹⁷ Batuu kalimonang ene, i Herodes nāung seng nangoro tau-mata pinēnaniē si Yohanes, ku pinakitahungku. I Herodes nēkoa kerene ualingu i Herodias kawingu anau sēmbau e hala i Filipus. Batuu i Herodes kai seng nēkapapuēng dingangi Herodias, ¹⁸ ku su halē ene tangu i Yohanes kai seng piran sule mēbēbera si Herodes kereini, "Tawe wotonge i kau mēkapapuēng kawingu anau sēmbau u ene!"

¹⁹ Kai ene sungkalene hakū i Herodias nāung nangune si Yohanes ku mapulu mēmate si Yohanes, kai i sie tawe nakakoa halē ene, batuu sēsahagheēng i Herodes. ²⁰ Batuu i Herodes kai seng nēndoloh'u taumata pēdēndiagā pakapia-pia si Yohanes su tahungku, ualingu i sie kai matakū i Yohanes. I Sie masingkau i

Yohanes kai sengkatau taumata naunge mapia ringangu matulidë kù nidaroloh'u Mawu Ruata. Kù kamageng i Yohanes mēbisara ute, i Herodes maiaing puluang dumaringihë, maning i sie ikëkalipomponge.

²¹ Pangēsueēnge i Herodias nakaēbae loahe su ēllom pētahēndungangu karariading Herodes. Su tempo ene i Herodes namangung saliwangu kēbī wēbatone, tēmbonangu manga mēsasekedingangu manga matatēllangu wanuang Galilea. ²² Su saliwang ene, ana i Herodias mahuala taraie simuē nēsalai, kù pēsasalaine mēngkai nakalahimpulu naung i Herodes dingangkewelai manga sakene. Tangu i Herodes nēberae su rariō mahuala ene, "I kau e mētonengu a, pēhabare! Ia e sarung mēngonggou ene si kau!" ²³ Mase i Herodes nēkēdo su rariō mahuala ene apid'u pia salune. I Herodes nēberau, "Baēbe apa rorongangue mang sarung taku ionggō, ore lai maning sēmbēka wou wanua pēparentaēngku e!"

²⁴ Tangu rariō mahuala ene simēbangke kù nakiwalō si ni-

nange, "Inang, apa e kapiange taku dorongang?"

I ninange simimbang, "Pēdorongke tēmbō i Yohanes Mēnanahani."

²⁵ Dario mahuala e mēngkatewe ligha nēsule solong anung Herodes kù nēbera, "Ia mēdorong tēmbō i Yohanes Mēnanahani kù onggō si sia su orasē ini lai ku taho su baki!"

²⁶ Sarang nakaringihë dorong ene, tangu i Herodes mēngkatewe apa masusa-susa naung e. Kaiso, i sie mang tawe maka koa mangilēmму u rorong ene, ualingu i sie kai seng nēsalu su tēngon manga sakene. ²⁷ Kù i sie mēngkatewe nēhanggosē dimoloh'u sengkatau lukade apēngala tēmbō i Yohanes Mēnanahani e. Tangu lukadë ene simuē e su tahungku, mase namusa tēmbō i Yohanes. ²⁸ Bōu ene i sie nēbawa tēmbō ene su baki kù nitēgone su rariō bawine ene. Mase rariō bawine ene sau nēnogor'u tēmbō ene si ninang e. ²⁹ Bōu e manga murit'i Yohanes nakaringihë halë ene, i sire nahundēntae nēmpangala maieti Yohanes mase nilëbing.

**Mawu Yesus napakaëng u
lima hiwu sukataune**

(Mat 14.13-21; Luk. 9:10-17)

(Yoh. 6:1-14)

³⁰ Manga rarolohang ku nirolu'u Mawu Yesus e nempësule kapia ku nempëkomolë dingangu Mawu Yesus. I sire nempëbëke si Sie patikuwe apan seng niko'a dingangu nitëntiron sire.

³¹ Mëngkai apa malawo taumata mëngkasongo ringangu mëngkapule, hakiu kalingung kumaënge Mawu Yesus dingangu manga murtië e tawë loahe. Tangu Mawu Yesus nëhenge-tang su manga murid'E, "Boete i kite solong tanpa marëmmasë mëtëngkatëntani i kite hala, tadeau i kamene reng makapangirolo kadodo tempo." ³² Tangu i sire nempëbua e ringangu sakaeng solong tanpa marëmmasë.

³³ Kuteu kai lawo taumata seng nakasilo si sire nempänëntangu tanpa ene, ku masingkau i sai wue i sire. Ku bou këbi soa su wanua ene, i sire mëngkatewe mahuntalang bou rulunge mëmpëngalimona Mawu Yesus dingangu manga murid'E.

³⁴ Ene, Mawu Yesus tutumpae

wou sakaeng, i Sie nakasilo taumata lawo. I Sie timalëntu i sire, ualingu i sire kai kere domba ta mërälukade. Tangu i Sie nanëtae nanëntirong halë lawo si sire.

³⁵ Ene nawawëllöe, tangu manga murid'u Mawu Yesus nempëberae si Sie, "Seng masara mahëbi, kuteu tanpa ini e kawe maghea. ³⁶ Mapiawe i Tuang pëndoloh'i sire ini e aparaleng, tadeau i sire makawelliwe kaeng su manga weo e arau manga kampong apan mangëliku ini e."

³⁷ Kai Mawu Yesus e simimbang, "I kamene e pëgëlli kaeng i sire."

"Hu, kai i kami harusë dumaleng mamëlli borotë arëgan doitë salaka dua hasu su kalëpane waug'u kaeng i sire ini e?" kerene angkuengu manga murid'u Mawu Yesus e.

³⁸ Mase Mawu Yesus nakiwalö e, "Kai pirang bau borotë si kamene? Kënganko pëmpëkakëlla."

Bouten i sire nempëkakëlla, ute i sire nempëbera u, "Pia borotë limambau dingangu pia lai kina duambua."

³⁹ Mase Mawu Yesus nango-ro si sire këbi e apakaiang

pěķķamonaěng su rěmpugě me-long. ⁴⁰I sire měngkate nahungkaiang němpěkamonaěng. Kų pia u pětahā mahasų, dingangu pia lai pětahā limam puļo sukataune pēsěngkamonaěng. ⁴¹Bou ene Mawu Yesus něngala e borotě limambau dingangu kinā duambua ene, mase rimalingara solong langi kų nakitarimakase su Mawu Ruata. Bou ene, i Sie nangangompeng borotě ene ringangu liman'E kų nionggo e su manga murit'E pakipahia su taumata lawo ene. Kų kinā duambua ene nipěpapahia lai si sire ķebi. ⁴²Tangu i sire nahungkaěngke sarang něngkalaedě. ⁴³Bou ene lěmbeng kaěng e nīkakomolu manga murit'u Mawu Yesus – kalawoe mapulo dua su luwene napene-pene. ⁴⁴Kų kalawou manga esē apan nahungkaěng borotě e naung piaū manga lima hiwu sukataune.

Mawu Yesus dūdaleng su wowong aķe

(Mat. 14:22-33; Yoh. 6:16-21)

⁴⁵Bou e Mawu Yesus měngkatewe rimoloh'u manga murit'E nipěsakaeng piněngalimo-na si Sie solong Betsaida pai sěmběkan dano, arawe i Sie reng

mapakapulę u taumata lawo e. ⁴⁶Saraeng bou někatau taumata lawo e, Mawu Yesus simaka solong buludě tadeau měkalīomaneng. ⁴⁷Ene nahěbi e, sakaengu manga murit'E ene seng su taloaran dano, arawe Mawu Yesus e wědang su ruļunge. ⁴⁸I Sie nakasilote si sire měngkate marasai mēdēndalung sakaenge watu so-mahě. Ualingu ene, mangae su wěllau pukulę tatěllu ringangu pukulę ěnnung maļukadě, i Sie nēmatu si sire kų dimaleng su wowong aķe. Kų i Sie měngkate rimaleng mēsulungu luniu si sire. ⁴⁹Kai saraeng i sire nakasilo si Sie ruđaleng su wowon aķe e, ute i sire mangiralingu i Sie kai himukudě, ⁵⁰hakiu i sire němpěkia u katatakų. U kai i sire ķebi e nakasilo si Sie kų i sire něngkawintogě.

Kai Mawu Yesus e ligha namisara si sire, "Pakarēmmasěeko! Ia e kai I Yesus. Abe ķěngkatakų!" ⁵¹Mase i Sie simake e su sakaeng i sire, kų anginge nalěda e. Manga murit'E mangkewen dimalinau tawē sihinge. ⁵²Karalīnau su pia borotě limambau e, wědang ta nakapuko pangangimangi sire. Mawěha baug'i sire makahěngang.

Mawu Yesus napakapia masasakī su Genesaret

(Mat. 14:34-36)

⁵³ Saraeng naraki su sēmbēkan dano e, i sire nēmālango su apengu Genesaret. ⁵⁴ Lēpase i sire natumpa wou sakaenge, i sire nakakirala u narēntae kawe Mawu Yesus. ⁵⁵ Mase i sire mēngkatewe nētatalang suapang kaguwau weḡe ene, ku nanēntae nanondan masasakī su tēpihē solong anum Mawu Yesus. Kereu i sire makaringihē u Mawu Yesus kai ene su tampa sēmbau, i sire tamai manondang masasakī sene. ⁵⁶ Balawe Mawu Yesus mēnsang – su weḡe e sude su kampong, su soane arau su wawurasenge – sene i sire mang dumēnta mamēllou masasakīe su taluahe. Mase i sire mēmpēdorong tadeau masasakīe rembeng ipakawala mēmpanenggehē kakingkaenge manjeng tumbau humbu-ne. Kēbī apan nēmpanenggehē e, nēngkapia.

Tundung i upung gaghurang

(Mat. 15:1-9)

7 Tau Farisi sēngkamona-
ēng dingangu pirangkatau mananēntirong agama wou Yeru-

salem nahundēnta su anun Mawu Yesus. ² I sire nakasilo manga murit'u Mawu Yesus pirangkatau māhungkaēngu liman sire kotorē tuhu agama, mangalene tawe nēmpanguhasē lima kalimona tuhu ator'u agama.

³ Tau Farisi, kerene lai patiku apan tau Yahudi e masatia kahēngang mahuntolē tundung i upung gaghurang i sire. I sire tawe mahungkaēng kereu tawe nanguhasē liman sire tuhu tundu seng nihundugē e. ⁴ Apan niwēlliang su pasarē e reng tawe kanengang, tēntalang deng tawe nilēuhasē kalimona. Dingangu lawo lai atorē baline wou i upung i sire ku lēumpaedang i sire matoghasē; kere manguhāsē galasē, bekerē dingangu apaliwu bou witu.

⁵ Batuu ene manga tau Farisi ringangu manga mananēntirong agama e, nēmpakiwalo su Mawu Yesus, "Kai unue manga murit'U e kawe kukaēngu lima tawe nilēuhasē? Kai unue i sire tawe tumatolē tundu manga i upung gaghurang i kite e?"

⁶ Mawu Yesus simimbang, "I kamene mamben taumata mēlle! Mangkewen nihino apang nitēbal'i Yesaya māanung kame-ne,

'U kai kereini angkuëng u
Mawu Ruata,
i sire ene kětaeng mąngadatě
si Sią su mohong,

arawe naung i sire e kai
marau wou Ią e.

7 Tawě kěhase i sire
měmpaněmba Sią,
batųu kai tiahan taumata
itětěntiron sire,
tabidau kai titaKu!

8 Manga titan Duata e ta-
we sasěmpikang i kamene, arawe
tundung taumata e lěumpaerang-
beng kamene masěga-sěgadě."

9 Mase Mawu Yesus saųe wue
nėhengetang, "I kamene e pande
kahěngang měsumal'u tita Ma-
wu Ruata e, tadeau makapěta-
hutěndau těntiron kamene hala.

10 I Musa e seng nangonggou ti-
ta kerei, 'Pangadatě si amangu
ringangu si ninangu,' dingang-
u 'I sai mamųlo si amange ri-
ngangu si ninange, hinong ihu-
kung pateęng.' 11 Arawe i kame-
ne kawe měnėnėntiro: Kereu pią
u měmųlo gaghurange, 'Apang
kų hinong takų ionggou si amang-
ku ringangu si ninangku, seng
bou takų nįsasěmba su Ruata,'
12 tangu i kamene kai nėliwirě
taumata ene wou tatangkianenge

mětųlungi amange ringangu. i
ninange. 13 Tangu ualųngu těnti-
rong kamene kų nionggou i ka-
mene su taumata e, i kamene
měnděmme u hengetangu Mawu
Ruata. Bědaląing malawou kaka-
koą kereini kų kěkoateng i kame-
ne."

Apa makalamuh'u taumata

(Mat 15.10-20)

14 Mase Mawu Yesus kimui
taumata lawou e sěnsule kapia kų
nėhengetang si sire, "Pěmpěda-
ringihěko tadeau makaenna!

15 Tawě manga apa kų bou liku-
de masųe su ralųngu taumata kų
makalamuhų si sie. U kawe apan
sųsěbang bou sěngkatau ene na-
kalamuhų si sie. [16 Tangu kereu
pią tulį, pěmpědaringihě.]"

17 Ene saraęng Mawu Yesus
naněntangken taumata lawou e kų
dimangeng su wale, manga mu-
rit'E nakiwalou si Sie měnsang
kaia timonan papinintu ene.

18 Tangu Mawu Yesus nėhenge-
tang si sire, "Kai ta nakaenna
i kamene? Arau kai tawe ma-
kaenna i kamene u apan masųe
su ralųngu pěsěngkatau e tawe
makalamuhų si sie? 19 U apaewen
masųe e tawe sumahe ralųngu

naung, kaiso kawē lūliu tiang, kṛ susamurine sṛsēbang kapia." Bṛou manga wawera ene Mawu Yesus mēlēlahē u kēbṛi kaēng e mapia.

²⁰ Mase Mawu Yesus sau lai nēhengetang, "Apan sumēbang bṛou pēsēngkataue kai ene makālamuhṛu si sie. ²¹ Batṛu wṛou ralunge, mangalene wṛou ralungu naung, pēbēbuakengu tinēnna ralarakṛi kṛu makābodai taumata mēkēkoā lamuhṛu, mētako, mēmāte, ²² mābuang, mēngakalē, mēlēhinakang dingangu mēkēkoā haghing kakanoā dalakṛi, mauagē, tā adate, mēnanoi, maobotē, dingangu mawēhā pēnēntiroēnge. ²³ Kēbṛi apan daralakṛi ene sṛsēpṛu bṛou ralunge, kṛu kai ene e makālamuhṛu taumata e."

Pangangimangu sēngkatau wawine

(*Mat. 15:21-28*)

²⁴ Bṛou e Mawu Yesus nanēntang u tampa ene, kṛu nakoā solong beṛo e maraning soan Tirus. I Sie simuē su ralungu walē sēmbau, kṛu tawe mapulu piāu makakasingkṛau i Sie kawē ene sene. Kai i Sie tawe nakawuning batangenge. ²⁵ Sēngkatau inang, kṛu piā anāe wawine kṛu niwalṛuang u rohkē dalai, nakaringihē piā Mawu Yesus. I Sie

rimēnta solong anum Mawu Yesus kṛu nēsuba su tēngon'E, ²⁶ apid'u nēkalṛiomaneng tadeau Mawu Yesus e mēnokṛolu rohkē dalai bṛou rariṛo ene. Tau wawine ene walṛinewe tau Yahudi, nihana su wanuan Fenisia su Siria. ²⁷ Mawu Yesus nēhengetang si sie, "Manga rariṛo e hinong gēlirang u kaēnge kalṛimona. Kawē ralakṛi mangalā kaēng u manga rariṛo e kṛu iteledē su asu."

²⁸ "Tuang," angkuēngu wawine ene, "manga asu su alungu meda e malāing kṛukaēng manga popahē kṛu ilēondol'u manga rariṛo e!"

²⁹ Mase Mawu Yesus e nēhengetang si sie, "Ualṛingu sasimbahu ene, ute kapulē e; rohkē dalakṛie seng simēbang bṛou anau e!"

³⁰ Inang ene e napulē. Su walē, i sie nakahombangke anā e ruṛadaloka su raralokaēng, kṛu rohkē dalakṛie mambeng kahēngang seng simēbang bṛou rariṛo e.

Mawu Yesus napakapian tau mou kuteu lai wengelē

³¹ Bṛou e Mawu Yesus nanēntangken Soan Tirus kṛu nanēpa-seng daralenge lumiun Sidon solong danon Galilea. I Sie ni-

ralengu weo e limiu Soa Mapulo. ³²Sene tangu taumata e nangëntud'u sengkatau mou kuteu lai wengelë su anun'E. I Sire mēdorong su Mawu Yesus apanëllid'u limane su tau ene. ³³Mawu Yesus nēbawae tau ene niapakatëntani wou taumata lawo, mase nanëllid'u talimēdone su tulīn tau ene ruambēka e. Mase Mawu Yesus nangēdu ringangu nanenggehë lilang tau ene. ³⁴Tuhū e Mawu Yesus e rimalingara solong langi, ku siminda maralung dingangu nēhengetang su tau ene, "Efata," mangalene, "Kawuka e!"

³⁵Tulīn tau ene nawuka e, ringangu lilane limontoe sau, ku i sie nanēta e nakawera mapia. ³⁶Mase Mawu Yesus nēse-ding i sire kēbi mēmpēbēken halë ene si sai-sai. Kai mangkeng isēdingu Mawu Yesus, i sire lai mangkeng mēbēbēkeng ene. ³⁷Ku kēbi taumata apan naka-ringihë e, rimalinau tawē sihinge. I sire nēmpēbera, "Kēbi e seng nikoā'E ringangu maudupë! O i Sie wēdang lai napakateleng u tulīn tau wengelë dingangu taumata mou e nakawera!"

Mawu Yesus napakaëngu ëpa u hiwu sukataune

(Mat. 15:32-39)

8 Tawe narakēna wou ene, pia lai ghapaëngu taumata lawo dimēnta nēkomolë. Ualingu i sire tawēu kanengang, ute Mawu Yesus mēngkatewe kimui manga murit'E ku nēhengetang, ²"Ia e timalëntu u taumata lawo tamai ini e. Seng tēllu ëllo karēngue i sire ringangKu, ku orasë ini i sire tawēu kanengang. ³Kamageng Ia mēndoloh'i sire iapakapulë lunusë e ute i sire sarung mēnsu su talo-aran daleng. Kuteu sēngga kawe pia u nahundēnta wou mararau."

⁴Manga murit'E simimbang, "Su tampa ku naghea ini e, kai suapa e kapēdeakeng kaëng mapakalaed'u taumata lawo ini e?"

⁵"Kalawoe borotë si kame-ne?" unguëng u Mawu Yesus.

"Pitumbau," angkuëng i sire.

⁶Tangu Mawu Yesus nango-roë taumata sēnggapaënge niapakaiang su ëntana, mase i Sie nangala borotë pitum bau e ku nakitarima kasë su Ruata. Bou e i Sie nēngangangompengke borotë ene ringangu liman'E, ma-

se nitëgone su manga murit'E tadeau ipëpapahia su taumata lawo. Tangu manga murit'E nëmpëkoā ene. ⁷Ene si sire piako lai kinā daridi manga pirambua. Mawu Yesus nakitarima kasē su Mawu Ruata waug'u manga kinā ene, bou e rimoloh'u manga murit'E pinëpapahia u kinā ene lai. ⁸⁻⁹I sire nahungkaëngke sarang nëngkalaedē – kù piāu manga ëpā u hiwu sukataune apan nahungkaëng. Bou ene manga murit'u Mawu Yesus e nëmpango-molēn lëmbeng kaëng – kù pitung këmbuahē nasëgadē. Mase Mawu Yesus dimoloh'i sire ene nipakapule, ¹⁰kù i Sie ringangu manga murit'E apid'u nëmpësake sakaeng kù nëngkakoā solong banuan Dalmanuta.

**Tau Farisi e mëgëgaus'u i
Yesus apëkëkoā tanda
makalaherang**

(Mat. 16:1-4)

¹¹Piā e tau Farisi pirangkatauhundēnta su anun Mawu Yesus kù nanëtae nëdarendehē dingang'E tadeau mëmpanompolē e. I sire mëdëdorong Mawu Yesus pëkëkoā karalīnau kere ka-

ralahēu i Sie kai wou anun Dua-ta.

¹²Mawu Yesus nëkurate, bou e simimbang, "Kawe unue tau-matang ëllo ini e mëdëdorong si Sia pëkëkoā karalīnau? Tala! Ia e tawe mëgëllīu karalīnau kerene si sire!"

¹³Mase Mawu Yesus nanëntang i sire, kù simake su sakaeng. kù bou ene rimakī solong sëmbëkan dano e.

**Ragin tau Farisi ringangu
Herodes**

(Mat. 16:5-12)

¹⁴Manga murit'u Mawu Yesus e naung niwule nëmpëbawa borotē pinakatimu. Si sire naung këtaewen piā borotē sëmbau su sakaeng. ¹⁵"Pëmpëteghang bue su lahaes'u tau Farisi ringangu lahaes'i Herodes," unguéng u Mawu Yesus si sire.

¹⁶Tangu manga murit'u Mawu Yesus e nanëtae nëmpahumbisarang halē ene. I Sire nëmpëbera, "I Sie nëbera kerene watuu si kite e kawe tawē apa borotē."

¹⁷Mawu Yesus e masingkau apa ipëpahumbisaran sire. Batuu

ene i Sie nakiwaŀo si sire, "Kawe unŕe ipahumbisarawen kame-ne haŀŕe u si kamene tawe apa borotŕe e? I kamene kai wŕga, arau kai relaing ta nakaŕenna? Kai apaŕe kaŀumu tinŕnnang kamene e? ¹⁸I kamene piabe mata, kawe unŕe tanakasilo? I kamene piabe tuŀi, kawe unŕe ta nakaringihŕe? Kai ta nakatahŕndung i kamene, ¹⁹borotŕe limambau taku nipŕka-kakompeng baug'u lima hiwu sukataune? Pirang luwe kaŀawŕe lŕmbeng kaŕng nikakomol'i kame-ne?"

"Mapuŀo dua," angkuŕng i sire.

²⁰"Kuteu pia e Ia nŕngangempang borotŕe pitumbau baug'u ŕpa u hiwu sukataune," saŕewe kapia Mawu Yesus nakiwaŀo, "pirang luwe kaŀawŕe lŕmbeng kaŕng nikakomol'i kame-ne?"

"Pitu," sasimbah'i sire.

²¹"Kuteu, mŕngkai wŕdang ta nakaŕenna i kamene?" angkuŕngkewen Mawu Yesus e.

Mawu Yesus napakapian tau wuta su Betsaida

²²Tangu i sire narŕntae su Betsaida. Sene kai pia taumata nangŕntud'u sŕngkatau wuta su

anum Mawu Yesus, ku mŕdŕdo-rong tadeau i Sie apanenggehŕ tau wuta e apakapia. ²³Tangu Mawu Yesus nŕngumpaŕdŕ liman tau wuta e ku nitatan'E nia-pasŕbang bou soa ene. Bou e Mawu Yesus nŕngŕdu matan tau ene ringangu nanŕllid'u liman'E su matan tau ene, ku nakiwaŀo si sie, "Pia e nikasilonu orasŕ ini e?"

²⁴Tau ene nŕmanda e solong tŕngone, ku nŕbera u, "Ore. Ia e nakasilo taumata mŕdŕdaraleng; kaiso i sire kakŕllaŕng kai kere ka-lu."

²⁵Mawu Yesus saŕewe nanŕllidu liman'E su matan tau ene. Sŕnsule ini tau ene tuŕtaedŕ sŕngapam botonge. Matane nuŕe, ku i sie nakasilo e kŕbi dingangu maŀahe-lahe. ²⁶Mase Mawu Yesus nehengetang si sie, "Kapule e, ku abe pŕsule solong soa ene."

Laakum Petrus maanum Mawu Yesus

(Mat. 16:13-20; Luk. 9:18-21)

²⁷Mawu Yesus dingangu manga murit'E nahundaleng solong manga kampong maŕngŕliku Kaisaria Filipi. Su taŀoaran daleng Mawu Yesus nakiwaŀŕe si sire,

"Angkuëngu taumata, kai i sai la ini e?"

²⁸I Sire simimbang, "Pia u nẽmpẽberau i Yohanes Mẽnana-hani; pia u lai nẽmpẽberau, i Elia, ringangu wałine ete wue nẽmpẽberau; kai sěngkatau wou manga nabi."

²⁹"Arawe tumuhu si kamene hala e, kai i sai la ini e?" ungkuëngu Mawu Yesus.

I Petrus simimbang, "I Tuang e kai Ratu Mananałamatẽ!"

³⁰Bou e Mawu Yesus nẽsẽding masẽga-sẽgadẽ si sire, tadeau kumbahangbe pia u mẽhabarẽ si sai-sai maanun batangeng'E.

**Mawu Yesus mẽbẽbisaran
maanun sigẽsae ringangu
kapapohong'E**

(*Mat. 16:21-28; Luk. 9:22-27*)

³¹Bou ene, Mawu Yesus nanẽtae nanẽntiro manga murit'E u Ahus'u Taumata e harusẽ mẽtatahangu sunsara haghı, ringangu sarung dokatengu manga tẽmbonange, manga imang tẽmbonange ringangu manga mananẽntiro agama. I Sie

sarung pateẽng, kai su katẽllu ẽllone i Sie sarung ipẽbangung kapia. ³²Dingangu małahẽ-lahe Mawu Yesus nẽhabar'u hałẽ ene su manga murit'E. Tangu i Petrus nẽmolengke Mawu Yesus sarang sěndihange apid'u namoka si Sie. ³³Kai Mawu Yesus e nẽbihi ku nẽmanda manga murit'E, mase nẽbera maiha si Petrus, "Pẽmehoe wou ini, setang! Tiněnnanu e kai tiněnnan taumata; wałinewe tiněnnan Duata!"

³⁴Bou ene Mawu Yesus nẽkui e taumata lawo apang ene sene ringangu manga murit'E. Mase i Sie nẽhengetang si sire, "I sai mapulu tumole Sia harusẽ mẽtimbuleng kapulun batangenge, bou e pamasaẽng kuruisẽ ku tole si Sia sěntinia. ³⁵U i sai mẽtahutẽndau pẽbawiahe, sarung kailangengu pẽbawiahe. Arawe i sai ku manarakangu pẽbawiahe waugu la dingangu waugu Injil'u Ruata, sarung mapakasałamat'u watangenge. ³⁶Apa wue gunane su taumata e, kereu kaguwau dunia e makoա tataghuanenge, a kuteu i sie kawe kailangengu pẽbawiahe? ³⁷Makoա bue ngae pẽbawiahẽ e ipẽnaliu apa-apa?"

³⁸ Kereu pësëngkataue ma-me^a mangakung la dingangu tëntiroku su tempon duruhaka ringangu kararalakisë ini e, ute Ahus'u Taumata e malaing ma-me^a mangakun taumata ene, su tempong i Sie rumënta sarung dingangu kawasang Amange, tëtakinangu manga malaëkatë masasusi e."

9 "Kasingkako!" angkuëngu Mawu Yesus. "Bou taloarang kamene sini e pia u tawe mate, tëntalang deng ta nakasilo Mawu Ruata nëparenta ringangu kawasa!"

Mawu Yesus mapakawantugë
(*Mat. 17:1-13; Luk. 9:28-36*)

² Ënnungu ëllo samuring ene Mawu Yesus nëmaringangi Petrus dingangi Yakobus dëduang Yohanes tuarine, nëtëngkatëntani solong buludë sëmbau marange. Kuteu su pandaëng i sire Mawu Yesus e kai nëbalui gahie. ³ Pakeange nëtëngkawira kuke-rong. Taweu sarang sëngkatau tahaunsau dunia ini e ku makawurësi kerene kawirane. ⁴ Bou e i sire tëllu manga murid'E nakasilo Mawu Yesus mahumbi-sarang ringangi Elia rëduan Mu-

sa. ⁵ Tangu i Petrus mëngkatewe nëbera su Mawu Yesus, "Tuang Guru, kai apae kapia su tampa ini. Mapiawe i kami mëndarisì se-lo tatëllu: sëmbau baug'i Tuang, sëmbau baug'i Musa, dingangu sëmbau lai e waug'i Elia." ⁶ Tuhu hinone i Petrus e wëga wue mënsang apa ipëberane, batu u i sie ringangu ringange rarua e kai su katatakutang ta sihinge.

⁷ Bou e pia binawa nëhëmbung si sire ku bou raungu winawa ene kinaringihe tingihë mëbëberau, "Ini e kai AhusëKu ikëkëndagë. Pëmpëdaringihë si Sie!" ⁸ Masahawu-sahawu i sire mëkëkakëlla su kaihi arau koaneng i sire, kai mang taweu sarang sëngkatau kinasilo ringangi sire sene, sulun Mawu Yesus sësane. ⁹ Tangu pia e i sire mahundësung bou wuludë, i Sie mëgëgëlli u ingate si sire u, "Abe pëmpëbëke su sarang sëngkatau apang kinasilong kamene tëntalang Ahus'u Taumata e reng tawe nipëbangung bou papatene."

¹⁰ I sire mang mëtëtahëndung tatanata ene, kai su taloaran sire hala e, nanëta e mëkëkake-reapa mënsang apa timona Ma-

wu Yesus su "mapëbangung kapia wou papate". ¹¹Tangu i sire nakiwalö si Sie, "Kawe unue manga mananëntirong agama e mëmpëbëbera u, i Elia e harusë dumënta kalimona?"

¹²Mawu Yesus simimbang, "I Elia e mambeng harusë dumënta kalamona e tadeau mapëñadiang kalawou këbi e. Kai kerap wue ngae Ahus'u Taumata? Kawe unue su Winohe Susi e mabawohe u i Sie sarung mëtatahangu sunsara lawo dingangu hinakanengu taumata e? ¹³Arawe la mauji si kamene: i Elia e seng dimënta, ku i sire nëmpëkoa si sie tuhewe kapulun sire. Ene nëtatolino ringangu mabawohe su Winohe Susi manun batangenge."

**Mawu Yesus napakapian
dariö nikasuëkangu
rohkë dalai**

(Mat. 17:14-21; Luk. 9:37-43a)

¹⁴Pia e Mawu Yesus dingangi sire tellu murid'E narënta kapia sutaloaran manga muridë baline e, i sire nakasilo taumata lawo sene. Mananëntirong agama pirang katau mëmpëdëdarendehe dingangu manga murid'u Mawu Yesus e. ¹⁵Lëpasewe taumata lawo e nakasilo Mawu Yesus, i

sire mëngkatewe rimalinau, mase nahunalang nëmpanënsomahë si Sie. ¹⁶"Kai apae ipëdëdarendehe'i kamene ringangu manga mananëntirong agama e?" angkuengu Mawu Yesus su manga murid'E.

¹⁷Sëngkatau wou taloaran taumata lawo e simimbang, "Tuang Guru, ia kai mangelntud'u anak u si Tuang. I Sie kai nëmou ualingu niwaluangu rohkë dalakisë. ¹⁸Kamagengu i sie sampokang u rohkë ene ute wadange ipëtëtëngkawëbahë su ëntana, mohonge mënenëbu, isine mëkëkarerong, dingangu kaguwau wadange matëtogë. Ia mëdorong su manga murid'i Tuang pënëno-koju rohkë dalaki ene, kai i sire mang tawe nakapëkoa ene."

¹⁹Tangu Mawu Yesus nëhengetang si sire, "Baline wë malongko i kamene ini e! I kamene e mambeng kahënganghëngang taumata ta mëmpëngangimang. Delaing kadëngue la mëtana dingangi kamene dingangu mëkakëdang ualingu i kamene? Bawae rario ene ramahi!" ²⁰I sire nëmpangëntuden dariö e su anum Mawu Yesus.

Lëpasewe rohkë dalakie nakasilö Mawu Yesus, i sie napakatëtog'u wadangu rario e, hakiu

rario e nawatang ku nēparalunggi su ēntana. Mohonge pia sēbune.

²¹ Mase Mawu Yesus nakiwalo si amangu rario e, "Seng kaḍēngue i sie kereini?"

"Dongkeng i sie wēḍang kadodo!" angkuēng i amange.

²² "Seng masau rohkē ḍalakie mēḍeḍu mēm̄ate si sie, mangondol'i sie sarang ḍalungu putung arau sarang ḍalungu ake. Kai kereu i Tuang e wotonge makatulung, ute karimako i Tuang e sadia tumalēntu i kami ringangu mētulung i kami e!"

²³ "Apa unguēngu? Kereu i Tuang botonge?" angkuēngu Mawu Yesus, "Patikue wotonge, asalēweng taumata e mangimang!"

²⁴ I Amangu rario e apidu nēkia, "Mawu, ia e m̄angimang, kaiso pangangimangkue kai lome. Tulungko ia e tadeḍu pangangimangu e mahuntinamba!"

²⁵ Ene Mawu Yesus nakasilou taumata lawo e nanēṭae rimēnta nēmpēdahēmbung, ute i Sie nēnokoḷu rohkē ḍalakī ene nipēberaēng u, "Rohkē bengelē dingangu mou, Ia e mēparenta si kau, sēbangke wou rario ini ku kumbahang-bahang sumuē kapia su raḷunge!"

²⁶ Tangu rohkē ḍalakī e mēngkatewe nēpalehe mase nipēkahimbēsō u wadangu rario e, bou e simēbang bou rario ene. Dario e pandaēng seng mēsulungu kasuang hakū kaḷawokange taumata e nēmpēberau, "I sie seng nate!" ²⁷ Kai Mawu Yesus mēngkatewe nēngumpaēḍē ḷimane ku nētulungi sie nēmangung. Ku anaē lai nēbangung.

²⁸ Ene, saraeng Mawu Yesus seng su wale, manga murit'E nēmpēhaungke tēntani su anun'E ku nakiwalo, "Kawe unue i kami ta nakatokolē rohkē ḍalakī ene?"

²⁹ Mawu Yesus simimbang, "Rohkē ḍalakī kerene tawe i katokolē baebe koateng kereapa tabeḍu katewe ringangu kaḷiomaneng."

Mawu Yesus saḷwe nēbi-saran m̄aanun kapapohong'E

(Mat 17:22-23; Luk. 9:43b-45)

³⁰ Mawu Yesus dingangu manga murit'E nanētangu tampa ene ku nanēpas'u ralaḅeng limiu wanuang Galilea. Mawu Yesus maḍiri kasingkateng u taumata mēsang kai suapa i Sie e, ³¹ u i Sie kai kapanēntirone manga murit'E. "Ahus'u Tauma-

ta e sarung isarakang su kawasan taumata,” kerene angkuëngu Mawu Yesus, ”kū i Sie sarung pateëng, kai su katëllu ëllone i Sie sarung mēbangung!”

³² Manga murid'E tawe nakaëna apa itëtentirom Mawu Yesus, kai i sire matakū makiwalo si Sie.

I sai ngae kasëllaheng e?

(*Mat 18:1-5; Luk 9:46-48*)

³³ Ene i sire narëntae su Kapernaum. Kutëu sarangke seng su wale, Mawu Yesus nakiwalo e su manga murid'E, ”I kame ne nangun kai mēmpahumbisarang apae su raralengang kanini?”

³⁴ I sire tawe nēmpēsimbang, batūu kapahundalenge i sire kai mēdēdarendeh'u mēnsang i sai kasëllahenge. ³⁵ Mawu Yesus naiang, kū bou e nēkui si sire mapulo dua murid'E. I Sie nēhengetang si sire, ”I sai kū mapulu makoā kahumotongange, i sie harusē makoā kasamuriange kū harusē makoā mētatangkuang patikū taumata.” ³⁶ Bou e Mawu Yesus nēngala dariō kadodo sengkatau, kū nipararisi su tēngon sire kēbi. Mawu Yesus li-

mahēkū dariō ene kū nēhengetang su manga murid'E, ³⁷ ”I sai mēnarima u sengkatau rariō kere ini ualingu Ia e, ute nēnarima u Ia. Kū i sain nēnarima u Ia, i sie walineuwe tumbau nēnarima u Ia e, kaiso malaing nēnarima i Sie kū dimoloh'u Ia e.”

I sai tawe rumoka si kite e, ute manumbeka si kite

(*Luk. 9:49-50*)

³⁸ Mase i Yohanes nēbera su Mawu Yesus, ”Tuang Guru, i kami nakasilo pia tau mēlēliwuahē setang su areng i Tuang. Kū i kami nēsēding i sie, batūu i sie walineuwe wō'i kite.”

³⁹ Kai Mawu Yesus e kawe nēhengetang, ”Abe pēsēding i sie, u kai tawëu sarang sengkatau mēkoā karalinau suralungu arengku, kū apid'u mēngkai mēndalakū Ia e. ⁴⁰ U i sai tawe rumoka si kite e ute kai mēlēlahëu su sēmbëkang kite. ⁴¹ Pētahëndungke! I sai mapanginung i kamene ualingu i kamene kawe tumatole Ratu Mananalamatë, ute i sie mambeng tēngadë manarima u wawalise.”

Halē en makakoā taumata mēdosa

(Mat. 18:6-9; Luk. 17:1-2)

42 "I sai makawodai sēngkatau wou i sire rarodo tamai ini e ku tawe mangimang si Sia, ēndokangbe watuangengu watung pēmamēhaseng ku iki su lehe e, ku i sie iwahung su laudē. **43** Kereu limanue kai makarosa si kau, pentehe limanu ene! Mapiaēngbe i kau mēbiahē dingangu Mawu limanu sēmbēka sulungu pia limanu ruambēka ku masuē su naraka, mangalene putung kakalē. [**44** Sene putunge tawe masasēbu, ringangu ulidē e tawe lumaate.] **45** Dingangu kereu laed'u e kai makarosa si kau, pentehe laed'u ene. Mapiaēngbe i kau mēbiahē dingangu Mawu Rua-ta e ta laed'u sēmbēka, sulungu pia laed'u ruambēka ku i kau iwahung su naraka. [**46** Pai sene putunge tawe masasēbu ringangu ulidē e tawe lumaate.] **47** Kereu matanue kai makarosa si kau, loē e mata ene! Mapiaēngbe i kau sumuē Dunia Wuhun Duata ta mata sēmbēka, sulungu pia matanu ruambēka ku i kau iwahung

su naraka. **48** Pai sene putung ta masasēbu ringangu ulidē e tawe lumaate.

49 Sēngkatau-sēngkataue sarung sahikangu putung, kereewe sasēmba sēsahikangu asing.

50 Asinge apaewe mapia, kai kereu kawe malele, botonge sau asingang ngae? Tangu karimako i kamene makoā kere asing. Pēmpēbiahe sēngkapēbiahē suralungu pēdarame."

Tēntiro Mawu Yesus mañanun pēsasindo

(Mat. 19:1-12; Luk. 16:18)

10 Bou e Mawu Yesus nanēntang u tampa ene, ku dimaleng solong banuang Yudea ringangu wanua su sēmbēkan salu u Yordan e. Taumata lawo nahundēnta sau nēmpētampung nēmpētalimpurung su Mawu Yesus. Ku kereewe sēntiniā Mawu Yesus e mañēntiro si sire.

2 Pira-pirang katau taumatan Farisi e malaing dimēnta mēdeau mēname salang Mawu Yesus. I sire nakiwalo, "Tumuhū ator'u agamang kite e, botonge taumata manindo kawinge?"

³ Mawu Yesus simimbang, "I Musa e nēparenta kereapa si kamene?"

⁴ "I Musa e napakawalan tau-mata manindo kawinge, kētaeweng apamohe surat'u sindo kalimona," angkueng i sire.

⁵ "I Musa namohe parenta ene watu i kamene tumanu masigesa panentiroenge," angkuengu Mawu Yesus si sire. ⁶ "Arawe nung deng su teta e Mawu Ruata nendiadi taumata e, kabawera u 'Ruata e nendiadi si sire ese dingangu wawine. ⁷ Kai ene haku ese e sarung manentang i ninange reduang amange ku metengkatakidu su kawinge, haku i redua e nako sēmbau." ⁸ Ku i sire balinewe lai ruangkatau kaiso kai sēmbau. ⁹ Ualingu ene, apang nikauh'u Ruata e, abe petang taumata!"

¹⁰ Saraeng i sire simue e su wale, manga murit'E nakiwalo su Mawu Yesus manung halu ene. ¹¹ Mawu Yesus nengetang si sire, "I sai manindo kawinge, mase mekawing dingangu wawine walinu, tau ene nawuang su kawinge humotong. ¹² Kerene lai wawine

ku manindo kawinge mase mekawing dingangu ese balinu, i sie malang nawuang."

Mawu Yesus nengalamatu manga rario

(Mat. 19:13-15; Luk. 18:15-17)

¹³ Tangu piako i sire nem-pangentud'u manga rario su anum Mawu Yesus tadeau i Sie manenggeh'u limane ringangu menalamatu si sire. Kaiso manga murit'u Mawu Yesus e kai nempelangehe si sire. ¹⁴ Nakasilo halu ene, Mawu Yesus limangehe ku i Sie nengetang su manga murit'E, "Walae manga rario e aparenta su anuku! Abe petoke i sire, u kai taumata kere i sire ini e mako kawania Mawu Ruata e. ¹⁵ Tahendungko ini e! I sai tawe metengon Dua-ta e kere sengkatau rario e, tawe mako kawania Mawu Ruata e." ¹⁶ Saraeng bou nengetang kere-ne, Mawu Yesus limaheku manga rario e, bou e i Sie apid'u nanellidu liman'E si sire sengkatau sengkatau ku nengalamatu si sire.

Tau umbaseng kala

(Mat. 19:16-30; Luk. 18:18-30)

¹⁷ Pia e Mawu Yesus sau manēpasu raraleng'E, pia e tau tuta_rlang mētēt_rmona anum Mawu Yesus. Tau ene nēsubae su tēngon Mawu Yesus ku nakiwalo, "Mananēntiro mapia, ia e kai hinon mēkoā apa mēdeāu makahombang pēbawiahē tutune ringangu kakalē e?"

¹⁸ "Kawe unūe i kau mēbēbera u Ia mapia?" kakiwalon Mawu Yesus. "Taweu mapia, sul_riun Mawu Ruata sēsane. ¹⁹ I kau seng masingka u manga tita Mawu Ruata. 'Kumbahang mēmate, kumbahang mawuang, kumbahang mētako, kumbahang mēsahiding konti, kumbahang mēngakalē, pēngadatē si amangu ringangu si ninangu e.'"

²⁰ "Tuang Guru," angkuēngu tau ene, "kalawou parenta ene seng taku nituhukang dokeng ia deng mangudā."

²¹ Mawu Yesus nēmanda tau ene ringangu tatalēntue mase nēhengetang, "Bēdang halē sēmbau hinong gausangu. Dakoe kapule ku pēbalu kalawou apan tētaghuanengu; doitē onggo su taumata kasiang, ku i kau sa-

rung makahombang arēta su sor-ga. Bōu e ramahie tole si Sia."

²² Nakaringihe hengetangu Mawu Yesus kerene, tau e kimēndung, bōu e mēngkatewe nanēntangu tampa ene ringangu susa naung ualingu i sie kai makala.

²³ Tangu Mawu Yesus nēmandae su manga murid'E mase nēhengetang si sire, "Mawēha kahēngang su taumata kala makoā kawanuan Duata!"

²⁴ Manga murid'E nēmpēdalinau nakaringihē hengetang u Mawu Yesus ene. Kai Mawu Yesus nēhengetang kapia, "Manga anaku, mambeng mawēha mētēngkakoā kawanuan Duata!" ²⁵ Małowokangbe onta sumuē su tul_rin darahung sulungu tau kala sumuē su Runia Ruata Wuhu."

²⁶ Hengetang u Mawu Yesus tamai ene nakaral_rinau manga murid'E, hak_riu i sire nēkakiwaloe sēmbau su waline, "Kamageng kerene, i sai wue sarung masala_rmatē e?"

²⁷ Mawu Yesus timingang si sire ku simimbang, "Su taumata e halē kerene ta mariadi, arawe su Mawu Ruata e mang mariadi; patiku e makoā su Mawu Ruata e."

²⁸Mase i Petrus nēbera, "Kakēllae, i kami e seng nanēntangu kaławou patiku mēdeau tumole si Tuang."

²⁹Angkuēngu Mawu Yesus, "Pēmpangimangke: I sai ku seng nanēntangu rałohom balene arau anau sēngkataune esē arau wawine arau i ninange arau i amange arau manga anaē arau pēlahēnsinuange nge ualingu la dingangu ualingu Injilē bou anum Mawu Ruata, ³⁰i sie sarung makahombang limembong kaławoe wou tempo ini. I Sie sarung makahombang mahasu su sulene limembong kaławoe wale, anau sēngkatau esē, anau sēngkatau wawine, inang, manga rario, pēlahēnsinuangeng - dingangu sasigēsa lai. Ku hēdon sarung su tempo ramahi, i sie sarung manarima u pēbawiahē tutune ringangu kakalē e. ³¹Kaiso kai lawo taumata su orasē ini apan kakalimonaēnge sarung makoā kasamuriange, dingangu lawo orasē ini e apang kasamuriange makoā kakalimonaēnge."

Katēllun sulene Mawu Yesus maūliu kapapohong'E

(Mat. 20:17-19; Luk. 18:31-34)

³²Mawu Yesus dingangu manga murid'E kapahundalenge solong Yerusalem. Mawu Yesus dūdaleng su horone, arawe manga murid'E su kaghaghēngganeng kēbi. Dingangu taumata apang mahuntolē si sire malaing nēngkataku. Kasamuriange Mawu Yesus sau lai kimui manga murid'E natēntani ku nēhabarē si sire apa sarung maria-di su watangenge. ³³"Pēmpēdarinhēko," angkuēnge, "I kite orasē ini kapētētimonane Yerusalem. Paise Ahus'u Taumata e sarung isarakang su manga imang tēmbonange ringangu manga mananēntiro agama. I sie sarung ihukung pakipate bou e isarakang su taumata waline tau Yahudi. ³⁴I sire sarung mēbaheau si Sie, mēmpēngēdu si Sie, mēmpēlimadē si Sie, ringangu mēnguruisē si Sie. Kaiso su katēllu ēllo-

ne i Sie kai sarung mēbangung kapia."

Dorong i Yakobus dēduan Yohanes

(Mat. 20:20-28)

³⁵Ene i Yakobus dēduan Yohanes anā i Zebedeus e, hi-maungke Mawu Yesus kṽ nēbera, "Tuang Guru," angkuēng i rēdua, "kai piā halē sēmbau i kami mapulu koateng i Tuang baug'i kanda."

³⁶"Kai apa ikēkapulun dua takṽ koateng baug'i rua?" angkuēng u Mawu Yesus.

³⁷I rēdua e simimbang, "I kandua lūnningu sēngkataue reng makakaiang su koaneng i Tuang dingangu sengkataue su kaihing Tuang, kereu i Tuang seng maiang su kawawantugē."

³⁸"I rua e kai wēga apa rēdorongan irua," angkuēng u Mawu Yesus si rēdua, "Makaumalē bue i rua manginung bōu panganginumangu kasasigēsā kṽ sarung takṽ inungang dingangu sumuē su raḷungu walang kasasigēsā ku sarung takṽ suēkang?"

³⁹"Makaumalē," angkuēng i rēdua.

Tangu Mawu Yesus saṽewā nēhengetang si rēdua, "Kahēngang i rua sarung manginung bōu lainumang u sigēsā kṽ sarung takṽ inungang, dingangu makasuē su walang sigēsā kṽ sarung takṽ suēkang e. ⁴⁰Arawe kṽ mētatahinong i sai sarung maiang su koaneng dingangu su kaihiku e, ene walinewe Ia hinom mētatilakehē. Kai Mawu Ruata e manilakeh'u i sai-sai sarung kumaiang su manga tampa ene."

⁴¹Ene i sire manga murit'u Mawu Yesus mapulo waline e nakaringihe halē ene, ute i sire kai limangehē si Yakobus dēduang Yohanes. ⁴²Tangu Mawu Yesus kimui e si sire kēbi, dingangu nēhengetang angkuēng, "I kame-ne masingka u manga tēmbonang kawanua kṽ bēgan Duata e kai mētētahuēllang u kawanuane. Dingangu manga tēmbonang i sire e mēmpañēda si sire. ⁴³Arawe i kamene walinewe kere-ne! Kai nawali, i sai mapulu mētēngkasēllahē sutaloarang kamene e, i sie kai hinom makoā mētatangkiang si kamene. ⁴⁴Arau i sai mapulu makoā kahumotongange su taloarang kamene,

ate hinom mariadi ẽllangu kẽbi.
 45 U Ahus'u Taumata e wałine-
 we rimẽnta mẽdeau tangkianeng.
 I Sie rim'enta mẽdeau mętang-
 kiang dingangu mẽnarakang u
 niawane, waug'u mẽliwir'u tau-
 mata ɭawo."

Mawu Yesus napakapian Bartimeus buta

(Mat. 20:29-34, Luk. 18:35-43)

46 Ene i sire narẽntae su
 soang Yerikho. Ku pia e Mawu
 Yesus dingangu manga murit'E
 ringangu lai ghapaẽngu taumata
 ɭawo nahunsẽbang bou soa ene,
 piako sengkatau wuta mẽdẽdo-
 rong doitẽ, kakaiange su wiwih'u
 raleng arenge i Bartimeus, ana
 i Timeus. 47 Saraeng i Sie naka-
 ringihẽ u sũahe ene kai Mawu
 Yesus tau Nazaret, ute i sie ki-
 muj e, "Yesus, Ahus'i Daud!
 Talẽntukong ia!"

48 I Sie nipẽpẽduangken tau-
 mata ɭawo ku iapakadẽmmasẽ.
 Kaiso sauneng i sie limembong
 kaiha e nẽmansag'u, "Ahus'i
 Daud, talẽntukong ia!"

49 Tangu Mawu Yesus ti-
 maingke mase nẽhengetang,
 "Kuieko i sie."

Ku i sire nẽmpẽkui e tau wu-
 ta ene. I sire nẽmpẽbera e si sie,

"Pakatatape! I kau e kẽkuiangu
 Mawu Yesus, pẽbuã e!"

50 Tau wuta e mẽngkai nẽn-
 dẽmmẽ pakeange, mase masa-
 hawu-sahawu dimarisi ku tamai
 sarang anun Mawu Yesus.

51 "Apa kapulunu e, taku ko-
 ateng baug'i kau e?" angkuẽng u
 Mawu Yesus si sie.

Tau wuta e simimbang,
 "Tuang Guru, kapuluku e tadeau
 ia makasilo."

52 "Dakoe," angkuẽngu Ma-
 wu Yesus, "ualingu i kau mangi-
 mang si Sia, i kau e nule."

Ku su tempo ene lai tau ene
 nakasilo. Tangu i sie timole Ma-
 wu Yesus.

Mawu Yesus simuẽ su Yerusalem dingangu kawawantugẽ

(Mat. 21:1-11; Luk. 19:28-40)

(Yoh. 12:12-19)

11 Masanggiden soang Yeru-
 salem, i sire nahumpa e
 su soam Betfage ringangu Beta-
 nia, su lengeh'u wulud'u Zaitun.
 Sene pia duang katau wou mu-
 rit'E nirolohẽ kalimona kahian
 Mawu Yesus. 2 "Dakoko solong
 soa su tẽngone pai e," angkuẽngu
 Mawu Yesus si redua. "Masuẽ e
 su soa pai ene, i rua sarung



Soam Betania (11:1)

makasilo anau kalide maḷaiki, ku bēdang tawē taumata simēsake. Lukae kalide ene ku bawa e ramahi. ³Ku kereu pia u makiwaḷo si rua, kawē unue i rua nēluka ene ute pauliko, 'Mawu e mēgēgausē e, ringangu saube ligha isule.'"

⁴Murit'u Mawu Yesus darua e natamaie, ku nakahombangke ana u kalide maḷaiki su tukad'u wale su wiwih'u raleng. Tangu nilukaen dēdua kalide e. ⁵I sire

apam maḥundarisi sene nakiwaḷo e si rēdua, "Oi, kai mēkēkapura i rua e? Unue kai mēluka ana kalide ene?"

⁶Tangu i rēdua e simimbang kerewe nitanatang Mawu Yesus si rēdua. Kuteu i sire napakawalan dēdua nempēbawa kalide ene. ⁷Nasongoe su anum Mawu Yesus, talētugu kalide e niēmpaheng u ḷaku i sire, mase Mawu Yesus e simake e su wowone. ⁸Maḷawo taumata nēmpamila u

lakū i sire su raleng pia lai sēngga nēmpangēmpah'u hakonda^h nitēntong sire wou kēhu. ⁹I sire apam māhundaleng su horone ringangu i sire samuri, kēbi e mēmpēgēgio, "Pēdalo Mawu Ruata! Kaalamatengko i Sie kū dimēnta su arengu Mawu. ¹⁰Apasomboko kararatun'E sarung – kararatun Daud iupung i kite! Pēdalo Mawu Ruata su Marange!"

¹¹Pangēsueēnge Mawu Yesus narēntae su Yerusalem, ku simuē su Walem Mawu. Naḷikū bue i Sie sene mamepide kūkakēlla. Kai ualingu seng bawēllo, ute i Sie wou ene simēbangke nakoā solong Betania ringangkewen sire mapulo dua murit'E

Mawu Yesus nēngane kalung ara

(Mat. 21:18-19)

¹²Sēngkariōellone pia i sire nahunsēbang bōu Betania, Mawu Yesus kai nahutung. ¹³Bōu marau i Sie nakasilo kalung ara daunge maḷahēbung. Tangu i Sie himaungke kalu ene tadeau mēmanda mēnsang pia buane. Kai saraeng nahumpa su punge-

ne, i Sie tawe nakahombang apa-apa, kētaewen manga raukalune, u su tempo ene balinewe tempone pēbuaēngu ara. ¹⁴Mase Mawu Yesus nēhengetangke su kalung ara ene, "Manēta orasē ini taweu sarang sēngkatau makateēng buanu e!"

Manga murit'u Mawu Yesus e nakaringihē hengetang ene.

Mawu Yesus simuē su Walem Mawu

(Mat. 21:12-17; Luk. 19:45-48)

(Yoh. 2:13-22)

¹⁵Bōu e i sire nahumpa su Yerusalem kū Mawu Yesus simuē kapia su Walem Mawu e. Sene i Sie nanētae nanokoḷu kēbi tau-mata apan māhumbalu dingangu mēbēbawēlli su tampa ene. I Sie namalintui manga medan mēnahunle roitē dingangu manga kakai-anengu mēbawalu paluma. ¹⁶Kū taweu sarang sēngkatau niapaka-wala mēbawa manga apaliwu kū iparalengu rēllah'u Walem Mawu e. ¹⁷Bōu e Mawu Yesus nanēntiro si sireewe apan sene. I Sie nēhengetang, "Su ralungu Winohē Susi e mābawohē kereini: Mawu Ruata nēhengetang, 'Baleku e sarung isēba bale pēka-

^h lelangu kalu rararodo

kaliomanengang u patiku umatě.' Kai kahiang kamene kawē nikoā liangu tahapēhampasě!"

¹⁸ Manga imang tēmbonange ringangu manga mananēntirong agama e nakaringihě bawera ene. Tangu i sire nanētāe nēmpēdeā dalengu tadeāu mēmāte Mawu Yesus. I sire matakū i Sie, batūu kēbī taumata e māngaku ringangu mēmpēdēdalōn tēntiron'E.

¹⁹ Maranieng mahēbi Mawu Yesus dingangu manga murit'E nanēntangu soa ene.

Tēntiro wou kalung ara

(Mat. 21:20-22)

²⁰ Ene sēngkariōellone maḷuka-ḷukadě piā i sire simahe wou kalung ara ene, i sire kimakēlla kalu ene kai seng nahēgu sarang hamue. ²¹ Tangu i Petrus nakatahēndungke apan seng nariadi kahēbi e. Tangu i Petrus nēberae su Mawu Yesus, "Tuang Guru, kēnangko kakēlla! Ara kū nianeng Tuang e seng nahēgu!"

²² Mawu Yesus simimbang, "Pēmpangimangke su Mawu Ruata. ²³ Kahēngang-hēngang i kamene makawera su wuludě ēndai e, 'Kasapuāko kū kate-

ledě su ḷaudě!' tangu haḷě enē sarung masēhū baug'i kamene; a-saḷeweng i kamene tawe ghumoě, dingangu i kamene mangimang u apang iwēberang kamene e tēngatēngadě mariadi. ²⁴ Uaḷingu ene pakatahēndungeko ini e: Kereu i kamene mēkaliomaneng dingangu mēgēgausě apa-apa, pēmpangimangke u, Mawu Ruata e seng tēbe nangonggo u apang gēgausang i kamene, tangu i kamene sarung makahombang. ²⁵ Kū kereu i kamene mēkaliomaneng, kai naung i kamene kawē piā u ne su sēngkatau, ute ampungeko saḷan tau ēndai e kalimona, tadeāu i Amangu su Sorga e maḷaing mangampung kaḷawou rosanu. [²⁶ Kereu i kamene kawē tawe mangampung taumata waḷine ute i Amang su Sorga e maḷaing tawe mangampung kaḷawou rosanu e.]"

Kakiwaḷo maanung kawasang Mawu Yesus

(Mat. 21:23-27; Luk. 20:1-8)

²⁷ I sire nēsule kapia soḷong Yerusalem. Kutēu piā e Mawu Yesus mēdēdaraleng su raḷungu Waḷem Mawu e, manga imang tēmbonange, manga mananēnti-

rong agama ringangu manga pangaha 'u Yahudi e himaung-ke si Sie. ²⁸I sire nēmpēkiwaḷo, "Kai apa wanggile i Kau nakapēkoḷa patiku ini e? Kai i sai nangoro si Kau e?"

²⁹Mawu Yesus simimbang, "Iḷa e maḷaing mapulu makiwaḷo si kamene. Simbahēko, ku Iḷa e sarung mauḷi si kamene, u kai uḷingu kawasan sai ku Iḷa e mēkekoḷa kēbi-kēbi e. ³⁰I Yohanes mēnēnahani e kai munaran sai tangu? Mawu Ruata arau taumata?"

³¹Mase manga imang tēmbonange ringangu manga mananēmbonang u Yahudi e nanēta e nēmpēdaḷahintau ḷawo i sire. I sire nēmpēbera, "Kamageng i kite e mēbera, 'Kawe uḷing u kawasan Duata,' Sie sarung mēberau, 'Kawe unue i kamene tawe mēmpangimang si Yohanes?' ³²Kaiso mawēha lai ku mēbera u, 'Ringangu kawasan taumata.'" Waugu i sire matakū u taumata ḷawo uḷingu i sire kēbi nangēna u i Yohanes kai sēngkatau nabi. ³³Tangu i sire simimbangke, "I kami wēga wue."

Mase Mawu Yesus nēhenge-tang si sire, "Kamageng kere-

ne, Iḷa e tawe mauḷi si kamene mēnsang dingangu kawasan sai Iḷa e makapēkoḷa kēbi ene."

Papinintu maḷanun manga mēmamunara wael'u anggorē

(*Mat. 21:33-46; Luk. 20:9-19*)

12 Bōu e Mawu Yesus nanēta e nēbisara ringangu papinintu su manga imang tēmbonange manga mananēntiro agama ringangu manga mananēmbonangu Yahudi e. Mawu Yesus nēhenge-tang, "Piḷa e sēngkatau nēsuangu anggorē su wawaelange, mase nipagarengē naḷiku. Bōu ene i sie namangka ḷohang baug'u pēmamēhaseng anggorē, mase nēndarisīu waḷen pēlahapaēng.ⁱ Bōu ene i sie nakitamangu sasuang u anggorē ene su mēndaḷu-kadē pirangkatau mase i sie nēbuḷa soḷong banua waḷine. ²Saraeng seng tempone manipo wuang anggorē, i sie rimoloh'u ēllange sēngkatau soḷong anum mēlahalē u sasuang ene mēdeḷau mēnarima bageang e. ³Kuteu manga mēlahalē e mēngkatewe nēname ēllang ene. Bōu ene nipahangeng i sire, ku nioro pina-kapule ta uḷene apa-apa. ⁴Mase

ⁱ pēndaḷukadeng
12:1; Yes. 5:1-2

taghuangu sasuang saɣewe rimoloh'u sɛngkatau ɛllange waline. Kuteu manga mɛlahalɛ e kawe nɛmpamɛbahɛ tɛmbɔ u ɛllang ene, mase nanokolɛ apid'u kapɛparohange. ⁵ Taghuangu sasuang saɣewe rimoloh'u sɛngkatau ɛllange waline. Kai i sire kawe nɛmate ɛllang ene. Ku kerene lai pɛkakoɔ i sire su kalawɔu ɛllang baline, tuhu e: pia u niwanggo ringangu piɔbe lai nipapate. ⁶ I sai lai ini e wɛdang botonge ikaroloh'u taghuang sasuang e? Kate nalɛmbe sɛngkatau, ku samatang ahuse ikɛkɛndagɛ. Ku samurine i sie rimoloh'u ahuse solong a num manga mɛlahalɛ e. 'Nalɛhe u asɛku e sarungbe ilahunggeɛ,' su tinɛnnane. ⁷ Kuteu manga mɛlahalɛ ene nɛmpahumbisara sɛmbau su waline, 'ɛndai mɛpapusaka e! Mahi e pateɛng i kite i sie, tadeau makoɔ si kite pusaka e!' ⁸ Tangu rariɔ ene nisa-mɛ mase nipate. Kasuang ni-rɛmme i sire su likud'u waelɛ ene."


⁹ Mase Mawu Yesus naki-walo, "Apɛ ngae sarung koateng u taghuang sasuang e? Nalɛhe i sie sarung sumongo ku mɛmate si sire mɛlahalɛ ene, ku bɔu ene

mɛnarakangu sasuang su mɛlahalɛ baline. ¹⁰ I kamene nalɛhe sɛng bɔu nɛmpɛbasa ayetɛ ini suralungu Bukɛ Susi e,

'Batu ku ta nipakɛ u tukang e,

ini e nakoɔ batu pinɛbukuange.

¹¹ Ini e munara Mawu Kasɛllahenge; ku ene e kaholɛ e!"



*Mɛnaram pɛndalukadeng suwachu
anggorɛ(12:1)*

¹² Tangu manga mananɛmbo-nangu tau Yahudi apan nakaringihɛ papinintu ene, mɛdɛdeau mɛname Mawu Yesus, batuu i sire kai masingkau papinintu ene ipɛtɛtahino Mawu Yesus si sire. Kaiso i sire kai matakɔ u taumata lawo. Tangu i sire

němpědaleng naněntangken Mawu Yesus.

Halě u pēmamaehě pajakě^j

(*Mat. 22:15-22; Luk. 20:20-26*)

¹³ Pirang katau wou tau Farisi ringangu wou ghalipohon Herodes nirolohě niapěngěngala bera su Mawu Yesus ringangu kakiwało. ¹⁴ I sire riměnta su anum Mawu Yesus ku němpěbera, "Tuang Guru, i kami e masingka u i Tuang kawē matulidě dingangu lai tawē mēsasěmpī kapulun sai-sai. I Tuang mañěntirowe ringangu malahe maanung kapulun Duata su taumata, batuu i Tuang e tawē mēmamamile ghatin taumata. Ho, kěňangko i Tuang pěbera si kami, 'Tuhū ator'u agamang kite e, botonge mamaehě pajakě su Kaisarě arau tala? Harusě i kite mamaehě pajakě arau tala?'"

¹⁵ Mawu Yesus e masingkau lulun sire měmpēmēmělle. I Sie simimbang, "Kawē unue i kamene měmpěnaluka si Sia? Kěňangko tode Sia doitě salaka sěngkalěpa."

¹⁶ Tangu i sire němpañěgoen doitě salaka sěngkalěpa. Mase Mawu Yesus nakiwało, "Kai

ghahī i sai ringangu areng i sai ini e?"

"Kaisarě," angkuěng i sire.

¹⁷ "Ho, kamageng kerene," angkuěng'u Mawu Yesus, "onggo e su Kaisarě apaewen tataghuanengu Kaisarě, dingangu su Mawu Ruata apaewen tataghuanengu Ruata." I sire mangkewen dimalīnau nakaringihě si Sie.

Halě u pěbawangung bou papate

(*Mat. 22:23-33, Luk. 20:27-40*)

¹⁸ Ene pia e pirang katau wou ghalipohon tau Saduki himaung su Mawu Yesus. (I sire kai wou komolangu apam mangěnna u taumata nate e tawē měbiahě kapia.) ¹⁹ "Tuang Guru," angkuěng i sire su Mawu Yesus, "I Musa e namohē u tita ini waug'i kite: 'Kereu sěngkatau esē mate ku i sie wědang tawē anae su kawinge, ute sěngkatau wou anau sěmbau e hinong mamillasē su walune tadeau makahombangke palahite waugu wahaka e.' ²⁰ Naung pia i sire pitu tahatuari. Kaiakanenge někawing, mase nate wědang ta hitene. ²¹ Tangu tuarine karuane někawingu walune, ku i sie malaing nate tawē

^j balasteng = pajak

12:18: MMR. 23:8 12:19: Pang. 25:5

hitene. Kakakoā kerene malaing nariadi su tuarine katēllune, ²² k_u mētētatuḥ saraeweng kapitune. Pangēnsueēnge tangu tau wawine ene natē e lai. ²³ Su tempo pēbawangungu taumata nate kapia e, ute kawingken sai ngae tau wawine ene? U i sire pitu e seng bōu nēmpēkawing i sie kēbi!”

²⁴ Mawu Yesus simimbang, ”I kamene mambeng nēsaḷa kahēngang. Bat_u i kamene tawe makalaēnna Winoḥe Susi kerene lai kawasa Mawu Ruata e. ²⁵ K_u kamageng manga taumata nate mēmpēbangung kapia, i sire seng tawe saḥ mēmpēkawing, kaiso i sire saḥ mēbiahē kere malaekatē su sorga. ²⁶ Arawe taumata nate k_u ipēbangung kapia e, kai wēdang ta nakabasa i kamene su raḷungu bukē i Musa pia bēkeng gahundungu sumpin_i dimaē tangu? Su raḷungu manga ayeḥ ene kabawohē u Mawu Ruata e nēhengetang si Musa, ’Kai Ia e Ruatang Abraham, Duatang Ishak dingangu Ruatang Yakub.’ ²⁷ Ruata ene wal_inawe Ruatan taumata nate. I Sie kai Ruatan taumata wiahē. I kamene kai tumani_u mēsēsaḷa ēnna!”

Tita kahumotongang e

(*Mat. 22:34-40; Luk. 10:25-28*)

²⁸ Kute_u narēntae sēngkatau mananēntirong agama naung_u nakaringihē palahumbisara Mawu Yesus dingangi sire wōu komolangu Saduki e. Mananēntirong agama e masingka u Mawu Yesus seng simimbahē mapia-pia si sire. Tangu i sie nakiwalōe su Mawu Yesus, ”Kai tita sude kasēllahengu patiku tita e?”

²⁹ Mawu Yesus simimbang, ”Kahumotongangu tita ute: ’Daringihēko, i kamene tau Israel! Mawu Ruatang kite e kai Mawu mang sēmbau. ³⁰ Kēndagēko Mawu Ruatanu e ringangu kaḡuwau naungu, ringangu kaḡuwau laēnnanu ringangu lai kaḡuwau iḡau.’ ³¹ Tita karuane ute ini: ’Kēndagēko kasanggidangu e, kereewe i kau kumēndag’u watangengu.’ Tawē tita wal_ine limembong kahumotongange wōu tita ene.”

³² Mase mananēntirong agama e nēberae su Mawu Yesus, ”Sembeng nihino, Tuang Guru! Mambeng tēngadē apan nipēhengetang i Tuang: Seng i

Tuang e Mawu Ruata mang sēmbau ku seng tawē a-pa Ruata waline. ³³ Dingangu taumata e harusē kumēndagu Mawu Ruata e ringangu kaguwau naunge, ringangu kaguwau laēnnane, ringangu lai kaguwau ihae. Dingangu i sie lai harusē kumēndagu kasanggidange kereewe kumēndagu watangenge. Ene kai limembong kapiaēngewou manēmbang sasēmba tētutungang ringangkewelain sasēmba waline su Mawu Kasēllahenge.”

³⁴ Mawu Yesus nakasilōe u mananentirong agama e seng simimbahē maudupē kahēngang. Ku Mawu Yesus nēhengetang si sie, ”I kau seng maraning makoa kawanuan Mawu Ruata.”

Bou ene seng tawēu sarang sēngkatau relaing bahani makiwalō su Mawu Yesus.

Maanun Datu Mananalamatē

(*Mat 22:41-46; Luk 20:41-44*)

³⁵ Kapanēntirone su Walēm Mawu, i Yesus nakiwalō, ”Kawe kereapa manga mananēntirong agama e makapēbēbera u Ratu Mananalamatē e kai hēnton

Daud? ³⁶ Sēmbalieu i Daud sēsane – ualingu nipēkaradiahangu Rohkē Susi e – nēbera,

’Mawu e nēhengetang su
Mawuku:

kaiangke su koaneng Ku
sarang la e mapakawata u
kalawou
sēdu u su tēgonu.’

³⁷ Tangu kamagengu i Daud mēsēsēba u Ratu Mananalamatē e kai ’Mawu’, ute mariadi we kereapa u i Sie kawe hēnton Daud?”

Tatumbalung tadeau pakalaingatē^k su manga mananēntirong agama

(*Mat 23:1-36, Luk 20:45-47*)

Taumata lawou apang ene su Walēm Mawu maraluasē dūdaringihē Mawu Yesus manēntiro. ³⁸ I Sie nēhengetang si sire, ”Pakalaingatē bue su manga mananēntirong agama. I sire papuluang mēdaraleng dingangu laku mananandu, dingangu papuluang adateng su manga pasarē. ³⁹ I sire papuluangu kalai-aneng su horone su ralungu Walēm Mawu ringangu su manga saliwang. ⁴⁰ I sire mēmpangakalē

^k pakatateghang = peringatan

manga wawine walu ringangu mēmpēngēngaho walene. Ku ta-deau mēmpangambung kararala-kis'i sire ute i sire mēmpēkalio-maneng mananandu-nandu. Hukumang i sire sarung mawēha!"

**Sasēmbang tau
wawine walu**
(Luk. 21:1-4)

⁴¹Ene, maīangke mētētēngon kasē u sasēmba su Walem Mawu e, Mawu Yesus mēnēnahimata taumata apam mēmpētētahon doit'i sire su ralungu kasē ene. Lawo taumata kala mēmpētētahon doit'i sire maralawo; ⁴²mase sengkatau wawine walu kasiang himaungke lai. I Sie nētahon doitē bitu duang kalēpa kaesē ku arēgane kasasanakenge. ⁴³Tangu Mawu Yesus kimui e manga murit'E mase nēhenge-tangke si sire, "Kakēllako ini: Bawine walu kasiang ēndai ene kai nētaho su kasē e limembon kalawo wou kēbi apan nitatahon taumata waline e. ⁴⁴U i sire kēbi e nēmpētaho wou lēmbeng arēta i sire. Arawe tau wawine walu e maning kerene kakasiange kai nangonggou apam pia e – ku kai apang gēgausange waug'u ipēbiahe."

**Mawu Yesus mēbēbisarang
kaghaghoghahu Walem
Mawu**

(Mat. 24:1-2, Luk. 21:5-6)

13 Saraeng Mawu Yesus nanētangu Walem Mawu, sengkatau wou manga murit'E nēbera, "Tuang Guru. Tinganko manga wale tamai e. Tinganko manga mesele. Ku balinewe malongko lēnggihe!"

²Mawu Yesus simimbang u, "I kau e nakasilo manga wale gaghaghuwa ene eng? Tawe batu sarang sēmbau bou manga wale tamai e sarung matatana madalēnsung su ēnna e. Kēbi e sarung matatēnehē."

**Kasasigesa dingangu
tatumbiagē**

(Mat. 24:3-14; Luk. 21:7-19)

³Bou e Mawu Yesus nakoā solong bulud'u Zaitun, ku naiang su tampa tutatēngo Walem Mawu. Tangu i Petrus, i Yakobus, i Yohanes dingangu i Andreas dimēnta su anun Sie ku mahumbisara ringang'E sēsane. ⁴"Kēnangko i Tuang pēhabarē si kami," angkuēng i sire si Sie, "su tempo sude patiku ene sarung

mariadi? Dingangu kai manga e apa e tatialan mapakaḷahe u seng tempone?"

⁵"Pakatatahuēnna wue," angkuēngu Mawu Yesus, "kumbahangbe sarang i kamene kaḷingaēng. ⁶Maḷawo taumata sarung mahundēnta mēmpēbawa arengku ku mēmpēbera, 'Seng ia e i Sie!' mase mēlinga taumata lawo e. ⁷Kamageng i kamene makaringihē tingih'u pēbawawuno¹ ringangu habar'u pēsasaseke, ute abe kēngkataku. Kēbi-kēbi e harusē mariadi, kaiso ene waḷinewe seng tatialan tempon mēkiamatē. ⁸Banua sēmbau sarung mēseke dumoka bansa waḷine. Nēgara sēmbau sarung mangalo nēgara waḷine. Baḷawe su tampa sude sarung mēlinuhē dingangu mariadi pia karalunusē. Patiku ene wuhewe aha e, ku tabidau sakiu manga wawine su tempong kapētahasenggo e."^m

⁹I kamene harusē pakalaingatē, batu i kamene sarung samekang dingangu i wawa sarang anum mēlahukungu agama. I Kamene sarung daḷimadeng su manga waḷem pēkakaliomanengang. I kamene sarung itonda

apētēngon manga tēmbonange ringangu manga ratu watu u i kamene kai tumatoḷeku. Ku seng ene loah'i kamene manode u pēsasahiding Ia su tēngon sire. ¹⁰Injilē bou anum Mawu Ruata e harusē ipēkakeke kaḷamona su patiku bansa. ¹¹Ku kamagengu i kamene samekang dingangu iwawa su mēlahukung, ute abe gagha u kai mēberaeng apa i kamene. Kamagengu seng niding ting tempone waug'u mēbisara, ute mēngkate paḷiu apaewen ni-habarē si kamene su tempone. Batu manga wawera ku apang pinēberang kamene e waḷinewe wawerang kamene hala, kaiso kawe rimēnta wou anung Rohkē Susi e. ¹²Taumata sarung mēsuniaḷ'u anau sēngkataune hala e mēdeau pateēng. Ene maḷaing sarung mariadi su pēsēntahakang. Manga rariḷo dumoka si ninange ringangu si amange, dingangu mēnarakang i sire pakipate. ¹³I kamene sarung ipēbinsi u patiku taumata ualingu i kamene kawe tumatoḷeku. Kai taumata ku apam mēkēkakēdang sarang pangēnsueēnge, sarung iapa-kasalamatē."

¹ pēsasaseke/pēpapapate = peperangan ^m kapēhēndinge

13:9-11: Mat. 10:17-20, Luk. 12:11-12 13:13: Mat. 10:22

Karalai ku makabinasa

(Mat. 24:15-28; Luk. 21:20-24)

¹⁴"I kamene sarung makasilo 'Kakakoꝝ dalai ku Mënggaghölöe' dudarisi su tanpa ipëtëteghang baug'i Sie. (Tëhusë su mëbawasa: Pëmanda wue apa mangale-ne!) Su tempo ene taumata ku apang su Yudea harusë mahuntalang solong bawulurange. ¹⁵I sain su wowong atu abe lintu dingangu abe suë suralungu wale ku mëngala apa-apa. ¹⁶I sain su sasuang abe pësule ku mëngala laku e. ¹⁷Ene e makalahiasë su tempo ene, su manga wawine pia kapapia ringangu su sengkatau inang ku bëdang mapasusung anae. ¹⁸Mëngkate pëmpëkaliomaneng tadeau manga hombang ene abe katarang su tempon tahiti. ¹⁹Suapang ëllo makalahiasë ene e sarung pia kasasusa ku bëdang ta nikëkahombangeng deng dokeng Mawu Ruata nëndiadi dunia sarang orasë ini, dingangu sembelaing tawe mësaꝝ. ²⁰Kai manga Mawu Ruata tawe mangësou ëllo ene ute, taweu sarang sengkatau masalamatë. Kai ualingu kawa-

nuan'E, ute Mawu Ruata e mang nangësou u ëllo ene.

²¹Su orasë ene kereu piaumbera si kamene, 'Kakëllako, Datu Mananalamatë e kai ëndaung sini!' arau 'Kakëllako, i Sie kai païse!' – ute abe pëmpangimang su tau ene. ²²Batuu manga mananalamatë konti ringangu manga nabi konti e sarung mëmpahundënta. I sire sarung mëmpëkoꝝ halë gaghuwa dingangu manga karalinau tadeau ipëngakalë apan pinilen Mawu Ruata sëngapam botonge. ²³Tangu pakatateghang bue! Këbi ene seng taku nihabarë kalimona si kamene ipanalumbaghe."

Darëntang Ahus'u Taumata

(Mat. 24:29-31; Luk. 21:25-28)

²⁴"Su kapapalusen tempong kasasusa ene, matangëllo e sarung iapakarëndung, dingangu wulang e selaing tawe sumënnang. ²⁵Manga wituing e sarung mëngkahondosë bou langi, dingangu kalawou mëngangawasa kinoaënge sarung mëgolang. ²⁶Ku su orasë ene Ahus'u Tau-

13:14: Dan 9:27, 11:31, 12:11 13:15-16: Luk. 17:31 13:19: Dan. 12:1, Pël. 7:14
13:24: Yes 13:10, Yeh. 32:7, Yl. 2:10, 31, 3:15, Pël 6:12 13:25: Yes. 34:4,
Yl 2:10, Pël 6:13 13:26: Dan 7:13, Pël 1:7

mata e sarung ikasilo rumēnta su raṙungu winawa dingangu kawasān'E masēllahē dingangu kawawantugē. ²⁷I Sie sarung dumoloh'u manga malaekatē tadeau mapētampungu umatē pinilen'E wou wukung dunia ēpa, bou manga pondol'u dunia sarang manga pungu langi."

Tēntiro wou kalung ara

(*Mat 24:32-35; Luk. 21:29-33*)

²⁸"Pangalako tēntiro wou kalung ara. Kereu manga hakondane e melong dingangu masasikome ku manētae mētumbaṙlē, ute i kamene masingkau tempom pēdisē e seng marani. ²⁹Kerene lai kamagengu i kamene makasiloe patiku halē ene seng nariadi, ku i kamene masingka u tempone seng marani-rani. ³⁰Kasingkako! Kēbi kakakoā ini e sarung mariadi kalimonang kēbi umatē apang mēbēbiahē orasē ini e wēdang tawe nētate kēbi. ³¹Langi dingangu dunia e sarung mapaghohē arawe waweraku e tapē sarang karēngue."

Taweu masingkau ěllo ringangu orase

(*Mat. 24:36-44*)

³²"Manilaing kerene, taweu sarang sēngkatau masingkau angere ěllone arau angere orase. Manga malaekatē su sorga e wēga wue ringangu Ahusē e malaing bēga, kētaewen i Amang hala e masingka. ³³Ku i kamene pakaralukadē bue ringangu pakalahēkosē, u i kamene wēga wue mēnsang angere tempone. ³⁴Kakakoāe kai tabidaṙu sēngkatau nanētangu walene mase nakoā solong banua marau. I Sie nangoro manga ěllang e apētētangkuang balene ringangu nēgaghelar'u munara si sire sēngkatau-sēngkatau. I Sie nangoro su mēlahapa tukadē u pēlēlukadēbe pakapia. ³⁵Ualingu ene i kamene harusē pakaralukadē, u i kamene wēga wue mēnsang angere taghuangu walē ene masongo – aramanung bawēllo, arau mēnsang kēkalōarane, arau kibasiu kawē kalonge, arau kai manga matangēllo kasēbange.

³⁶Kamagengu i Sie sengkianu marēnta, ute kumbahangbe sarang i Sie makaēba si kamene kapahuntikie. ³⁷Apan taku ipēbēbera ini si kamene malaing taku ipēbēbera su taumata lawo: u pakaralukadē bue!"

Laakalē su Mawu Yesus

(Mat 26:1-5, Luk 22:1-2)

(Yoh 11:45-53)

14 Ene kate rua ěllo seng ěllom Paskah ringangu Saliwangu Borotē Tawē Lahae-se. Manga imang tēmbonange ringangu manga mananēntirong agama e mēngkate mēmpēdēdea dalengu mēlikosē e menamē Mawu Yesus, dingangu tadeau mēmate si Sie. ²"Kaiso kumbahang bue i kite mēkoā ene su tempon salimbange," angkuēng i sire, "Kibasīu makapēgohaeng."

Mawu Yesus nilanisang u lana mawēngi

(Mat. 26:6-13; Yoh 12:1-8)

³Su tempo Mawu Yesus narēnta su Betania, su walēn Si-

mon kų nāung piā sakī e kusta makātataku, kų piā e tau wawine himaung si Sie. I Sie nēba-wa wotoļē marmarē lohong lana mawēngi malēgadē, nikoā bou hamu u kalu mawēngi. Ene Mawu Yesus kųkaiangke mēsēsimo-koļē, tau wawine ene mēngkatewe namose wotoļē e, kų nanēboh'u lana mawēngi ene su tēmbō u Mawu Yesus. ⁴Ene piāko pirangkatau ěndai sene nēmpēlangehē, kų nahumbisara lawo i sire u, "Apawe gunane lana mawēngi ene nipēgagholo? ⁵Lana ene ikawalube ringangu arēgane nangēlembō wou tēllu hasu su kalēpane roitē salaka, kų doite reng ikaonggo su tau kasiang!" Tangu i sire nēmpēpēdu su tau wawine ene.



Apahwu marmarē (14:3)

⁶Kai Mawu Yesus e nēhenge-tang, "Balae kere i sie! Unue i kamene napakasusan sie? I sie

kai nêkoạ munara mapia ringang-u rêdaloêng baugu Iạ. ⁷Tau kasiang hanesêbe ene ringangi kamene. Apan tempo kereu i kamene mapulu, i kamene makaambang i sire. Arawe Iạ e tawê hanesê dingangi kamene. ⁸Tau wawine ini e seng nêkoạ apaewen botonge ikakoạ e. I sie seng namaghe baugu Iạ dingang-u Iạna mawengi waug'u pênanampaku kalimonang tempone. ⁹Pêmpangimangke! Su kaguwau dunia e suapaewen Injilê bôu Mawu Ruata e ipêkêkakeke, kakaoau wawine ini e ute sarung iwêke lai makoạ kere tahêndung si sie."

I Yudas kimire mêbalu u Mawu Yesus

(*Mat. 26:14-16; Luk. 22:3-6*)

¹⁰Ene i Yudas Iskariot, sêngkatau wô'i sire mapulo dua murid'u Mawu Yesus, nakoạ solong anum manga imang têmbonange manarakangu Mawu Yesus si sire. ¹¹I sire mêngkatewe nêmpêluasê kahêngang nakaringihe rorong ene, kù nêmpêkêdo sarung mangonggou roitê si Yudas Iskariot. Tangu i Yudas nanêtae mêdêdea loahe tadeau manarakangu Mawu Yesus.

Mawu Yesus nêsimokolê simokolu Paskah ringangu manga murid'E

(*Mat. 26:17-25; Luk. 22:7-14, 21-23*)

(*Yoh. 13:21-30*)

¹²Su êllo kahumotongangu êllon Saliwangu Borotê Tawe Lahaese – su tempon taumata mamoto domba Paskah e, manga murid'u Mawu Yesus nêmpêki-walo si Sie, "Suapae mêtatalahino pëndiahiang i kami e kaêngu Paskah waug'i Tuang?"

¹³Tangu Mawu Yesus nêndolohen duangkatau wô'i sire, "Rakô e solong soa, kù païse pia tau esê, mênênuêng bênsadu ake, sarung ipêsombang i rua. Pêmpêtolê e si sie ¹⁴solong bale suêkange kù pêbera su taghuang u wale ene, 'Mananêntiro e makibalo, kai suapa tampa i Sie ringangu manga murid'E makapêsimokolê kaêngu Paskah.' ¹⁵Tau ene sarung mênulada si rua dalunge malohê su wowone rasi. Dalunge ene seng nihundugê nauadipê dingangu manga apaliwue. Kù sadiajete kêbî sene waug'i kite."

¹⁶Tangu murid'u Mawu Yesus darua ene nakoạ solong soa. Tangu sene i rêdua e naka-

hombangke kēbī kereewe nipauliū Mawu Yesus. Tangu i rēdua e nēmpanadiae kaēngu Paskah e.

¹⁷ Sēhēbi ene, Mawu Yesus simongo ringangu murit'E mapuḷo dua. ¹⁸ Kuteu i sire kūkaiang kapahungkaēnge, Mawu Yesus nēhengetang, "Daringihēko: sēngkatau wō'i kamene, kū su orasē ini sēngkakaēng dingangu sarung mēsuniaḷu Ia e."

¹⁹ Nakaringihē ene, manga murit'u Mawu Yesus e mamben nēngkasusa, kū sēngkatau-sēngkatau e nanētae nakiwaḷo su Mawu Yesus, "Tantu walineu ia tētimonang i Tuang arau ēng?"

²⁰ Mawu Yesus simimbang, "I sie ute kai sēngkatau wōu i kemene mapuḷo dua ini, kūkaēng su lama sēmbau dingangu. ²¹ Kahēngang bue Ahus'u Taumata e sarung mate kereewe mābawohē su raḷungu Winohe Susi. Kaiho! Kaēngkēhang bue i sai manarakangu Ahus'u Taumata e! Mapiaēngbe naung tau e ne manīeng tawe kaḍiongeng pinahana!"

Pēpaperjamuang u Mawu

(Mat. 26:26-30; Luk. 22:14-20)

(1Kor. 11:23-25)

²² Ene kapahungkaēnge i sire e, Mawu Yesus nēngaḷae borotē dingangu nēkaliomaneng nakitarimakasē su Mawu Kasēllahenge. Bōu e nēngangompeng borotē e, mase niḃawaḷawuhe su manga murit'E apid'u nēhengetang, "Daekeko kū kaengko, ini e kai wadangu."

²³ Bōu e i Sie nangaḷae panganginumangu anggorē e. I Sie nēkaliomaneng tatarimakasē su Mawu Kasēllahenge, kū tinēgone su manga murit'E. Tangu i sire kēbī e nēmpanginungke anggorē e. ²⁴ Samuring ene ute Mawu Yesus nēhengetang, "Ini e kai rahaku, rahaen pēkakakēdo Mawu Ruata, kū niapatēdo bauḡu ḷawō. ²⁵ Pēmpangimangke: Ia e seng tawe saḡ manginung bōu anggorē ini, saraeweng su tempong Ia manginung anggorē buhu su Dunia Wuhung AmangKu e."

²⁶ Tangu i sire nēmpēkantiarieng kakantari daralo sēmbua. Ku bou ene i sire nakoā solong bulud'u Zaitun.

Tēbaļu i Petrus sarung mēsuniaļu Mawu Yesus

(Mat 26:31-35; Luk 22:31-34)

(Yoh. 13:36-38)

²⁷ Tangu Mawu Yesus nēhengetang si sire, "I kame-ne kēbi e sarung mēmpahun-taḷang manēntangu Ia e. Batu suraḷungu Winohe Susi e kai maḃawohe u, 'Mawu Kasella-henge sarung mapakaten mēlaḷu-kadē e, ku gapaēngu rumba e sarung mēkaḷiaesē.' ²⁸ Arawe samurin pēbawangung Ku kapia e, Ia e sarung tamai mēngalimona si kamene solong Galilea."

²⁹ "Tala," angkuēng i Petrus, "Manilaing i sire kēbi manēntang i Tuang, kai ia e mambeng tala."

³⁰ "Ene eng," angkuēngu Mawu Yesus, "hēbi ini lai, kaḷi-monan manū kimuku karuan sulene e, i kau seng tēllun sula nēsuniaļu Ia e."

³¹ I Petrus simimbangke ringangu mahoto, "Manilaing ia iapakapate sēngkakate ringangi

Tuang, kai ia e mambeng ta makawera u ia e wēgan Tuang!"

Ku manga murit'E waḷine e maḷaing nēmpēbera kerene.

Mawu Yesus mēkēkaḷiomaneng su Getsemani

(Mat. 26:36-46; Luk. 22:39-46)

³² I sire nahumpaen tampa sēmpalang ku arenge Getsemani, mase Mawu Yesus nēhengetang su manga murit'E, "Pahungkai-angko sini, tēntaḷang Ia deng tamai mēkaḷiomaneng."

³³ Mase Mawu Yesus nēmaringang i Petrus, i Yakobus, dingangi Yohanes sēngkapahundaḷeng dingang'E. I Sie nanētae nakapēndang nasusa ringangu kimaḷinsau." ³⁴ "Naung-Ku e nasusa tawē sihinge," angkuēng u Mawu Yesus si sire, "pēpēndangeng seng saḷa makapate e. Kēngkatanako sini ku pēmpēlukadēko!"

³⁵ Mawu Yesus nētēngka-gheang kadodo bou e nētēngkasumagē su ēntana ku nēkaḷiomaneng. Suraḷungu kaḷiomanenge i Sie mēdēdorong sēngapam botonge tadeau i Sie manięng tawe kahombangengu tempon

" kaḷinso = gelisah

sigësa ene. ³⁶"Amang, O i Amang," angkuënge, "taweu sarang sëmbau ku kai ta makoa su Ruata. Apakapuako kasasigësa ini e wou anuku. Këtaeweng balinewe kapuluku e kaiso kawe kapulung Amang."

³⁷Bou e Mawu Yesus nësule ku sëngkakakëllane manga muritë e kapahuntikië. I Sie nëbera si Petrus, "Simon, mëtiki i kau e? Këtaeng beng sëngkaorasë, ku i kau mang tawe makalukadë?"

³⁸Tangu Mawu Yesus nëhenge-tang si sire, "Pakaralukadëko, ringangu pëmpëkalïomanengko tadeau i kamene tawe kasalukateng. Rohkë ete wue mambeng mapulu mëkoa apam mëtëtatalahino, kai arawe i kamene e mambeng ta makatoha ualingu ghësi e kai lome."

³⁹Kapia Mawu Yesus tamai nëkalïomanengu kerëwe wawerane kalïmona. ⁴⁰Bou e i Sie nësule kapia su anum manga murit'E ku nikahombangenge i sire mang bëdang mëtëtiki, ualingu i sire kai mëtiki-tiki. Tangu i sire wëga wue mënsang kai mëberaeng apa su Mawu Yesus.

⁴¹Kuteu Mawu Yesus nësule e kapia su anun sire su katëllun sulene. I Sie nëhengetang, "Mëngkai wëdang mëmpahuntiki

dingangu mëmpangirule i kamene? Pianë e! Seng nïdating tem-pone, Ahus'u Taumata e isarakang su liman taumata waradosa. ⁴²Pëmpëbangungke, boete i kite mahundaleng. Kakëlla! Taumata ku mëndalak si Sia e seng dimënta!"

Mawu Yesus nisame

(Mat. 26:47-56; Luk. 22:47-53)

(Yoh. 18:3-12)

⁴³Ene Mawu Yesus bëdang kapëlëhengetange, narëntae i Yudas sëngkatau wou manga murit'E mapulo dua e. Sëngkarënta ringang'E malawo lai taumata mëmpëbëbawa wara dingangu palo-palo. I sire niroluhu manga imang tëmbonange, manga mananëntirong agama ringangu manga tëmbonangu tau Yahudi. ⁴⁴I nëndalai e seng nëgëlliü tatialane si sire u. "Taumata ku taku dënguange," angkuënge si sire e, "Ute kai i Sie taumatane. Samë e i Sie ku bawa e ringangu riagate pakapia."

⁴⁵Saraeng i Yudas dimënta, i sie mëngkatewe himaung Mawu Yesus ku nëbera, "Tuang Guru!" bou e i sie rimëngu Mawu Yesus. ⁴⁶Mase i sire sëngkakarënta ringangi Yudas e mëngkatewe nëname Mawu Yesus ku mëha-

nusë si Sie. ⁴⁷ Arawe sêngkatau wô'i sire sene mêngkate nanawu barâ e mase namili ëllangu i-mang marangë e hakiu nasa-hing tuline. ⁴⁸ Bôu e Mawu Yesus nëhengetang si sire, "Kai taumata ralaki Iâ e, hakiu i kamene rumëntan barâ dingangu paļopaļo ku mëname si Sia? ⁴⁹ Apang kalaëllo e Iâ manëntiro su Walëm Mawu su têngong kamene, kai i kamene tawe mëmpaname si Sia. Kai mang seng hinong kerene, tadeau misëhu apang kabawohë su ralungu Winohe Susi e."

⁵⁰ Këbi muritë e timalang nëmpantangu Mawu Yesus.

⁵¹ Umbaseng sêngkatau, ku këtaeng mëkëkakingkaengu heka leneng nipëhëmbung awa e, tutole Mawu Yesus. I sire mapulu mëmpaname si Sie, ⁵² kai i sie mêngkatewe namëllou kakingkaenge, ku timalang tëntole.

Mawu Yesus su têngon Sanhedrin

(*Mat. 26:57-68; Luk. 22:54-55,*)

(*68-71; Yoh. 18:13-14, 19-24*)

⁵³ Mawu Yesus niëntud'i sire su waleng imang marangë. Païse, kalawou imang tëmbonange ri-

ngangu manga matatimaden tau Yahudi ringangu mananëntirong agama e matatampung. ⁵⁴ I Petrus timole Mawu Yesus wou marau saraeweng nasuë su rëllah'u waleng imang marangë. Sene i sie maiang su rëduhu putung sêngkapëndarang dingangu manga mëndariagae. ⁵⁵ Manga i-mang tëmbonange ringangkewen sënaung Sanhedrin mêngkatewe mëmpëdëdeä karalahëu sahiding sire mapësalan Mawu Yesus tadeau makapëhukungu papate si sie. Kai i sire tawe nakahombang sala kadiongeng sarang sëmbau. ⁵⁶ Malawo sahidi nikuiang ipësëshahiding konti wau-gu Mawu Yesus, kaiso sasahiding sire e mëdëdalewang sëmbau su waline.

⁵⁷ Ene kai pia pirang katau rimarisi ku nëmpëshahiding konti, kerei manun Mawu Yesus, ⁵⁸ "I kami e nakaringihë tau ini nëbera, 'Iâ sarung mënggoghahë Balëm Mawu kinoau taumata, ku samurin tellu ëllo, ku Iâ e sarung mamëtiewe lai waline ku baline-we koa u taumata.'" ⁵⁹ Kai sasa-hidin sire ene e malaing nëdalewang sëmbau su waline.

⁶⁰Tangu imang marangē e rimarisi su tēngon sire kēbi mase nakiwalo su Mawu Yesus, "Unue i Kau tawe sumimbahē kalawou laēnsilē itētmona si Kau e?"

⁶¹Kai Mawu Yesus mang tawē kakēndiē. I Sie tawe kadiongeng simimbahē sarang kadodo. Mase imang marangē e sau nakiwalo sēnsulē si Sie, "Kahēngang i Kau e Ratu Mananalamatē, Ahus'u Ruata Limembon Susi?"

⁶²"Seng Ia e i Sie," angkuēngu Mawu Yesus, "kū i kamene kēbi e sarung makasilo Ahus'u Taumata e kūkaiang su sēmbēkang koanengu Mawu Ruata Lembong Kawasa kū dimēnta suralungu winawa wou langi!"

⁶³Tangu imang marangē e nēningkasē pakeange ringangu nēberae u, "Tawe wahaḷuasū pia sahidine! ⁶⁴I kamene hala e semben nakaringihē manga wawerane mēlēhinakang Duata. Kū orasē ini e kereapa su tinēnnang kame-ne?"

I Sire kēbi nēmpamutusē u Mawu Yesus nēsala, kū i Sie mambeng hinom pateēng.

⁶⁵Tangu sēnggae wue nanētāe nēmpangēdu Mawu Yesus, dingangu i sire nēmpanakā

matan'E, kū nēmpangoka si Sie kapēberane, "Kēnang panika, i sai nangoka si Kau?" Manga mēndariaga e maḷaing nēmpameru Mawu Yesus.

I Petrus nēdēndil'u

Mawu Yesus

(Mat. 26:69-75; Luk. 22:56-62)

(Yoh. 18:15-18, 25-27)

⁶⁶Tēntalang i Petrus bēdang su rēllahē, sēngkatau wou ēllang bawine ēllangu imang marangē e rimēnta sene. ⁶⁷Sarang nakasilo si Petrus mēdēndarang su putung i sie timingangke mapia-pia gahi i Petrus dingangu nēbera, "Walinebe i kau lai ringangu Mawu Yesus tau Nazaret?"

⁶⁸Kaiso i Petrus kawe nēdēndilē, "Ia e wēga wue ringangu tawe nakahēngang mēnsang apa wue timonanu," angkuēnge su ēllang ene. Mase i Petrus simēbang soḷong tukad'u walēng imang marangē ene. [Tangu manu kimukue.]

⁶⁹Tangu ēllang bawine ene saḷewe nakasilo si Petrus, kū nēbera kapia si sire apang sene, angkuēng, "I anu ēndaie maḷaing dingangi sire!" ⁷⁰Kai i Petrus saḷewe nēdēndilē kapia.

Tawe nararēnna, i sire apang sene nēmpēbera kapia si Petrus, "Sembelaing tawe ikapēsunia_lē i kau mang sēngkatau wō'i sire u i kau e wōu Galilea!"

⁷¹Mase i Petrus nanēta e nēsalu ringangu nēbera, "Ia wēgangbeng taumata itētimo-nang kamene ene!"

⁷²Su orasē ene lai tangu manū kimukū karuan sulene. Kū i Petrus nakatahēndungu Mawu Yesus bōuwen nēhengetang si sie, "Tēntalang manū tawe kimēkukū duan sulē, i kau e seng tēllun sulē nēsunia_lu Ia." Ene i Petrus mēngkatewe simangi marehe.^o

Mawu Yesus sutēngon Pilatus

(*Mat. 27:1-2, 11-14; Luk. 23:1-5*)

(*Yoh. 18:28-38*)

15 Deng bēdang maluka-lu-kadē sēnaungkewen dalohon Sanhedrin sarangkewelain manga imang tēmbonange manga tēmbonang u tau Yahudi ringangu manga mananēntiro agama mēngkatewe ligha nēmpēdalahintau. I Sire nēmpēhapusē Mawu Yesus, mase nēmpēbawa si Sie kū nēmpēnarakang i Sie si Pilatus. ²I Pilatus nakiwa_lo su Ma-

wu Yesus, "Kahēngang bue i Kau ratun tau Yahudi?"

"Kereewe niweranu," angkuēngu Mawu Yesus.

³Manga imang tēmbonange mēngkate mapasēpū u laēnsil'i sire lawō-lawō su Mawu Yesus.

⁴Mase i Pilatus nakiwa_lo kapia su Mawu Yesus, "Kai ta sumasimbang i Kau? Kakēllae tamai kalawōe laēnsil'i sire itētimona si Kau!"

⁵Arawe Mawu Yesus e mam-beng tawe saū simimbang, hakiu i Pilatus naherang.

Mawu Yesus kinahinoēng u hukumang papate

(*Mat. 27:15-26; Luk. 23:13-25*)

(*Yoh. 18:39-19:16*)

⁶Suapan Salimbangu Paskah, lulun Pilatusē e kai mēlēlēsoū sēngkatau wōu taumatang hukumang, tuhūewe kapulun taumata lawō e. ⁷Suralungu tahungkūe, sutaloaran tahapēnggohaeng kū nēmate su tempong gohaenge, pia sēngkatau arenge i Barabas. ⁸Taumata lawō e nēkomolē kū nēmpēdorong si Pilatus tadeau i sie apēlēsoū sēngkatau wōu taloarang taumatang hukumang kereewe nāung tundune. ⁹I Pilatus

^o nararubai = tersedu-sedu

nakiwalo si sire, "I kamene mapulu ia mēlēso ratun tau Yahudi e waug'i kamene?" ¹⁰ Batuu i Pilatus nakaēnna u manga imang tēmbonange nēnarakangu Mawu Yesus si sie kai ualingu pananoi.

¹¹ Kai manga imang tēmbonange mēngkai nēmpanahowong taumata lawo tadeau mēmpedorong si Pilatus apēlēso i Barabas baug'i sire. ¹² Tangu i Pilatus nēberaewe kapia su taumata lawo e, "Kamageng kerene ute kawe taku pēkapuraneng tau isēsēba i kamene ratun tau Yahudi e?"

¹³ I sire nēmpamansagē, "Kuruise i Sie!"

¹⁴ "Piabe kakanoa dalaki apa tangu i Sie?" angkuēng i Pilatus.

Tangu i sire nēmpēbansagē kapia limembowen kaihae, "Kuruise i Sie!"

¹⁵ I Pilatus mapulu mapakaluasu naungu taumata lawo, tangu i sie nakilēsoen Barabas si sire, Bōu e i sie rimolohen taumata pinēlimadē Mawu Yesus, mase nisarakange pinakikuruisē.

Manga soldado mēmpētētaghunalang u Mawu Yesus

(Mat. 27:27-31; Yoh. 19:2-3)

¹⁶ Mawu Yesus nībawawa manga soldado soḷong baḷeng mēlahukung su istanang gubērnurē.

Bōu e kaḡuwau wuntuange nikuiang pinētampung. ¹⁷ Mase i



Soldadong Roma (15:16)

sire nēmpēluheng lakū kamumu su Mawu Yesus, bōu e nikoa-teng makotane wōu manga hakonda piā hanggange, kū nipakē su tēmbōu Mawu Yesus. ¹⁸ Bōu e i sire nēmpētabeā si Sie, "Tabēā Datun tau Yahudi!" angkuēng i sire. ¹⁹ I sire nēmpēmēba-hu tēking su tēmbōu Mawu Yesus, mase i sire nēmpangēdu si Sie dingangu nēmpēsuba su tēngon'E. ²⁰ Bōuten nēmpētaghunalang Mawu Yesus, i sire nēmpēluāeng lakū kamumūe mase niawengangu pakeange tutune.

Su samurine i Sie niwawa solong likude mēdeau i kuruisē.

Mawu Yesus nikuruisē

(*Mat. 27:32-44; Luk. 23:26-43*)

(*Yoh. 19:17-27*)

²¹ Su taloaran daleng i sire nēnihasa sengkatau niapēmasaēng kuruis'u Mawu Yesus. Tau ene naung buhū e lai sūsēbang bōu rarukutange kasuē e solong soa (Arenge i Simon, – bōu Kirene – i amang i Aleksander dēduan Rufus). ²² Mawu Yesus niēntudē su tanpa arenge Golgota mangalene "Wanuang Daran Tēmbō". ²³ Sene, i sire mapulu mangonggōu anggorē lau u mur si Sie, kai Mawu Yesus tawe nangingung anggorē ene. ²⁴ Samurine i sire nēmpanguruisen Sie, kū nēmpēpahia pakeang'E pinēdalāhuri, baug'u pēlahekang buā u sengkatau-sengkatau. ²⁵ Pēnganguruisē e nariadi pukulē sio malukadē. ²⁶ So wōwong kuruisē e nipapēlokangu wōhē māanun laēnsilē si Sie, ke-reini: "Datun Tau Yahudi e". ²⁷ Nēsion Mawu Yesus e i sire nanguruisē lai tahapēhampasē

duangkatau, sengkatau su koaneng'E, dingangu sengkataue su sēmbēka kaihi. [²⁸ Tangu ualingu ene nasēhūe apa mābawohē suralungu Winohe Susi e: "I Sie kai nirekeng kere nasowa su komolangu taumata ralai."]

²⁹ Sumasahe sene mēngkate apa māhungkiling dingangu mēmpēlēhodatē Mawu Yesus. I sire nēmpēbera, "Ei, Kau ēndai mapulu mēnggoghahē Baēm Mawu kū irarisiu kapia suralungu tēllu ēllo. ³⁰ Kēnnangko rēllusē bōu kuruisē e kū pētēngkalēsoko batangengu e!"

³¹ Kerene lai manga imang tēmbonange ringangu manga manāntirong agama e mēmpēbēbaheaun Mawu Yesus. I sire māhumbisara sēmbau dingangu waline, "I Sie mangambang taumata waline, arawe watanenge tawe makaambang! ³² Kereu i Sie ratung Israel, Datu Mananalamatē, kapiaēnge i Sie pētēngkarēlluse wōu kuruisē e, tadeau i kami makasilo kū mangimang si Sie!" I rēdua nikuruisē dingangu Mawu Yesus e mālaing nēmpēbaheaun Mawu Yesus.

Kapapohong u Mawu Yesus

(Mat 27:45-56; Luk. 23:44-49)

(Yoh 19:28-30)

³³ Su ěllo maļĕttue, suraļungu tĕllung kaorasĕ sĕnaung kaġuwau wanua e narĕndungke. ³⁴ Ku pu-kuļĕ tatĕllu wawĕllo e Mawu Yesus nĕkia e maiha, "Eloi, Eloi lama Sabakhtani?" mangale-ne, "DuataKu, RuataKu, kawewunĕ i Kau nanĕntangu Ia e?"

³⁵ Pirang katau sene nakaringihĕ kaka'E ku nĕbera, "E wĕdi, i Sie kuku si Elia!" ³⁶ Sĕngkatau wou i sire mĕngkate masahawu-sahawu tamai nĕngaļa bungan saghe nilauno su raļungu anggorĕ mahaesĕ. Bou ene bungang saghe e nesusue su pondolu kalu sĕmpĕdi ku nio-gore pinakaratingu wiwihu Mawu Yesus, kapĕberane, "Ampaleko, i kite deng kumakĕlla mĕnsang i Elia e reng dumĕnta mĕndĕllus'i Sie wou kuruisĕ ene."

³⁷ Mase Mawu Yesus gimaghahe e maiha-ihā naminsuļu singongone ku nanĕntang.

³⁸ Gorden^p maļawiting su raļungu Waļem Mawu e natingkasĕ darua wou rasi sarang bawa.

³⁹ Tĕmbonangu soldado e ruðarisi su tĕngon kuruisĕ e nakasilokereapa kakakoae Mawu Yesus napohong. Tĕmbonangu soldado e nĕberae, "Mambeng kahĕngang tau ini e Ahus'u Ruata!"

⁴⁰ Ĕndai sene pia lai manga wawine pirang katau mĕmpĕmĕmanda patiku ene wou maraune. Su taļoaran sire pia i Salome, i Maria Magdalena, ringang i Maria i ninang i Yakobus umbaseng dingangi Yoses. ⁴¹ Seng i sire e manga wawine naung maļuntole ringangu nĕmpĕtuļung Mawu Yesus naung pia i Sie su Galilea. Dingangu lawo lai manga wawine waļine apang sene ku sĕngkakarĕnta su Yerusalem dingangu Mawu Yesus e.

Pĕnananpa Mawu Yesus

(Mat. 27:57-61; Luk. 23:50-56)

(Yoh. 19:38-42)

⁴²⁻⁴³ Ene ělloe seng kakaļĕbine pia i Yusuf bou Arimatea nasongoe. I sie kai raļohon Sanhedrin ku Lĕadateng. I sie maļaing maļampale tempo Mawu kasĕllahenge manĕta mĕparenta kere sĕngkatau Ratu. Ĕllo

^p pele-pele

15:34: Mzm 22:2 15:36: Mzm 69:22 15:38: Sas 26:31-33

15:40-41: Luk. 8:2-3

ene kai ěllon Pědarariahi (kū kai ěllo kałamonan ěllon Sabatě). Uaingu ene i Yusuf męngkatewe nětumbahani nětęgon Pilatus kū nędorong bałunangu⁹ Mawu Yesus. ⁴⁴Ene i Pilatus naherangke nakaringihě u Mawu Yesus kai seng napohong. Kū i sie nakireaen tēmbonangu soldado kū nakiwałe si sie męnsang Mawu Yesus seng maręgu napohong. ⁴⁵Saraeng nakaringihě habaru tēmbonangu soldado ene, i Pilatus buhewe napakawalan Yusuf męngała badang i Yesus. ⁴⁶Mase i Yusuf namęllie heka ałusě bōu leneng kū bōuten nęlintu badangu Mawu Yesus, nipikungken sie ringangu heka ene. Bōu e i sie namęllōen bałunangu Mawu Yesus su kubulě nipakange su watu hanibě kū nitaho su rałunge. Bōu ene i sie nęlunggin batu ghęguwa nipěhěping tukad'u kubulě e. ⁴⁷Su orasě ene i Maria Magdalena rěduang Maria i ninangi Yoses naung kūkakęlla suapa pinęnam-pakengu Mawu Yesus e.

Pěbawangung u Mawu Yesus

(Mat. 28:1-8; Luk. 24:1-12)

(Yoh. 20:1-10)

16 Saraeng ěllon Sabatě e, seng naliu, i Maria Magdalena, i Maria i ninang Yakobus, dingangu i Salome rimaleng nęmpamęlli manga węngi waug'u ipęlanisě badangu Mawu Yesus. ²Dongkeng małuka-lukadě su sasěbang matangęllo, su ěllo kahumotongange su sęngkamisa ene, i sire nęngkakoā sołong kubulě. ³⁻⁴Kadalenge i sire małumbisara sęmbau su wałine, "I sai e ngae makatułung i kite mameho batu lahěping tukadu kubulě e?" Batuu watu e kai masaria-saria. Ene saraeng i sire nahumpa sene, sęngkakakęllane watu e kai seng naweho. ⁵Tangu i sire nahunsuě e su kubulě e. Su rałunge su sęmbęka koaneng, i sire nakasilo pia umbaseng pakeange mawira maıang, kū i sire męngkatewe nęmpěhěkosě.

⁹ badang = jenazah

⁶ Umbaseng ene nēbera, "Abe kēngkataku! Ia e masingka i kamene mēdēdeḁ Mawu Yesus tau Nazaret naung seng nikuruisē e. I Sie tawēdisē sini. I Sie kai seng nēbangung! Kakēllaie, ēndai tampa e pinamēlloēng i sire si Sie. ⁷ Ku dakōe, ku bunako wēke ini su manga murid'E, saraeweng i Petrus. Pēbera, 'i Sie tamai mēngalimona si kamene solong Galilea. Pai sene i kamene sarung makasilo si Sie, kerewe apan seng nībaweran'E si kamene.'"

⁸ Tangu i sire mēngkatewe nahunsēbang bōu kubulē e ne mase nēmpētalang ualingu nēmpēhēkosē dingangu nēngkataku. I sire tawe nēbera apa si saiewe lai, ualingu nataku.

**PĒNGĒNSUEĒNGU
NIWĒKEN MARKUS
TUHU HUNSUDE NAUNG
DOKENG KALIMONA**

**Mawu Yesus nētēngkasilon
batangenge si Maria
Magdalena**

(*Mat. 28:9-10; Yoh. 20:11-18*)

[⁹ Saraeng Mawu Yesus nēbangung bōu papatene, su ēllo Misa reng maḁuka-lukadē, i Sie kahumotongange nētēngkasilo batangenge si Maria Magdalena. (Bō'i Maria ene, naung Mawu Yesus nēnokoḁ rohkē pitu raḁaki.) ¹⁰ Tangu i Maria Magdalena e natamaie nēhabaru halē e ne su manga hapiu Mawu Yesus, ku bēdang mēngkasusa ringangu maḁunsangi. ¹¹ Kai saraeng i sire nakaringihē u Mawu Yesus kai nēbiahē, dingangu i Maria seng bōu nakasilo si Sie, i sire tawe nēmpangimang.

**Mawu Yesus nētēngkasilo
watangenge su manga
murit'E ruang katau**

(*Luk. 24:13-35*)

¹² Bōu e Mawu Yesus nētēngkasilo watangenge su murid'E

ruang katau sura_ṛlungu kakakoae naněntani. Ene tangu nariadi pia i rědua měmpahundaleng solong kampong sěmbau. ¹³Ku i rědua němpěsule ku němpěhabaru halě ene si sire wa_ṛline. Kaiso i rědua e taweu němpangimang si sire.

**Mawu Yesus nětěngkasilo
watangenge su manga
murit'E**

(*Mat. 28:16-20; Luk 24:36-49*)

(*Yoh. 20:19-23; MMR. 1:6-8*)

¹⁴Pangěnsueěnge Mawu Yesus nětěngkasilo watangenge si sire manga murit'E mapu_ṛlo e-sa e, pia i sire ka_ṛpahungkaěnge. I Sie naněngku_ṛlě si sire puhi-nengu i sire kai kadodo_ṛ panga-ngimange ringangu tumani_ṛu makakěti těmbo i sire hak_ṛiu i sire tawe měmpangimang su taumata ku seng bou nakasilo ma_ṛlahe u Mawu Yesus e wiahě. ¹⁵Ma-se Mawu Yesus něheng-tangke si sire, "Dako_ṛe pěmpaměpidě kaguwa_ṛu dunia e ku pěmpěhabaru Injil'u Mawu Ruata e su patiku_ṛ taumata. ¹⁶I sai tawe mangimang sarung ihukung. Arawe i sai mangimang ku makisahani, sarung masala_ṛmatě. ¹⁷Ma-ko_ṛa tatiala u i sire ma_ṛngimang, i

sire ene sarung měnguserě rohkě dalaki_ṛ sura_ṛlungu arengKu; i sire sarung mahumbisara sura_ṛlungu haghin bera, ku tawe kahěnganeng i sire. ¹⁸Kereu i sire ma-kaumbele_ṛ těmpu arau makainung doti," ute taw_ṛe makapěkapura. Kamageng i sire měmpaněllidu li_ṛman sire su taumata masasaki, ute sarung měngkapia!"

**Mawu Yesus nisapua
solong sorga**

(*Luk 24:50-53; MMR. 1:9-11*)

¹⁹Saraeng Mawu Yesus bou-ten něhengetang si sire, i Sie nisapua solong sorga. Dasi sene i Sie sěngkapěparenta ringangu Mawu Kasěllahenge. ²⁰Tangu manga murit'E němpahundaleng ku němpěhabaru injil'u Mawu Ruata suapan tampa. Ku Mawu e ma_ṛlaing měsasumbalane si sire ringangu mapala_ṛhe_ṛu haghin tanda makadalina_ṛu u pěnganginjil'i sire mambeng kahěngang.]

**PANGĚNSUEĚNGU
WOHEU KALIMONANE
SĚNGGA E**

[⁹Manga wawine ene němpě-tamai solong anum Petrus di-

^r daghusě = racun

16:15: MMR. 1:8 16:19: MMR. 1:9-11

ngangu manga ringange, mase
němpěběķe e mahatedě ķěbī apan
nipaulīu umbaseng ene si sire.

¹⁰Bou ene, Mawu Yesus sěsane

limiu manga murit'E němpěha-
barě bou raki so_ṛlong bahe, ha-
barě susi ringangu kakalě maa-
nun kasasalamatě kakalě e.]

INJILĚ NIHABAR'I

LUKAS

DARUMATINGE

Bukĕ u Injil'i *Lukasĕ* e kai mapadarumating i Yesus kere sĕngkatau Ratu Mananaġamatĕ ku nirianding Duata baġu Israel ringangu waġu patiku taumata. Su raġungu bukĕ ini i Lukas nĕmoġe u Yesus seng niongotangu munarane kahian Rohkĕ u Mawu waġu mananawuhĕ Injil'u Mawu Ruata su taumata kasiang. Habarĕ mapia ini napenĕ u pĕnanaung su patiku taumata ku mĕdĕdaġahaghin kapulune. Ikĕkasilong ġai sĕmbau tialan daġuasĕ suraġungu bukĕ i *Lukas* ini, kasa-riange su manga pasalĕ kaġahumotongange maanun darĕntang Yesus, bou ene su wahageang kakunsĭe ġai pĕtĕtĕngkasapua i Yesus soġong sorga. Bĕken maanun tatuwo ringangu kasasawuhu agaman Sahani saraeng Yesus nasapua soġong sorga, niwĕkelaing mamamoġe bukĕ ini e su raġungu bukĕ u *Munarang Manga Rarolohang*.

Bageang karuane dingangu kaĕnnunge (kakĕlla lohong bukĕ suaġungu wawa ini) lawo lohone, maanun bĕke, ku kĕtaeng kĕkaĕbakeng su raġungu bukĕ Injilĕ ini. Kere e wĕkeng kakantari u manga malaekatĕ dingangu pĕtatatiwon manga mĕndaġukadĕ su tempon kawawantel'i Yesus, Mawu Yesus su Baġem Mawu naung deng kadodo, dingangu lai papinintu maanun tau Samaria matalĕntu dingangu ana nailang. Bukĕ ini maġaing maġbĕġa su haġe u pĕkakaġiomaneng, Rohkĕ u Ruata, koa u manga wawine suraġungu pĕtatangkiang si Yesus dingangu pĕngangampung u rosa kahian Mawu Ruata.

Lohone

Panětakenge	1:1-4
Kawawantelě dingangu tempong kararariŋ	
i Yohanes Mananahani rěduan Mawu Yesus	1:5-2:52
Pětatangkiang i Yohanes Mananahani	3:1-20
Pėnanahani si Yesus dingangu sasaluka	
su watangeng'E	3:21-4:13
Pětatangkiang i Yesus sutaŋoaran kawanuang	
Galilea	4:14-9:50
Bou Galilea soŋong Yerusalem	9:51-19:27
Misa pėngěnsueěnge su Yerusalem ringangkewen	
sěnaung beŋ e	19:28-23:56
Pėbawangung i Yesus bou papaten'E,	
pětětěngkatode u watangeng'E ringangu	
kasasapua e soŋong sorga e	24:1-53

Panětakenge

1 Teofilus makëndagě,
1 Lawo taumata seng nětawa-
 kalı nēmohę dingangu mahun-
 dugě maanun halě pirambau ku
 seng nariadi sutaloaran kitę. **2** I
 sire nēmohę mēsulungkewen di-
 ngangu wěkene si kite kěbi bọ'i
 sire apan ku seng nakasilo hala
 manga halě ene bọu panětakenge,
 ku masene někakeken habarę.
3 Saraeng ia bọu nanęsui mapia
 kěbi ene bọu panětakeng e, ute
 su tiněnnaku e mapiawe mamohę
 laporang sěmbau pakahundugę
 pakapia baug'i Tuang. **4** Ia mękoą
 ene, tadeąu i Tuang masingka u
 apang ku seng nitěntiro si Tuang
 ene mambeng kahěngang.

Kalawantel'i Yohanes Mananahani e niapakasingka

5 Su tempong i Herodes na-
 koą datu su wanuag Yudea,
 pia e sěngkatau imang arenge
 i Zakharia. I sie nasuę su ka-
 monaěng u manga imang i A-
 bia. Kawinge arenge i Elisa-
 bet, malaing palahěnton imang.
6 Pěbawiah'i rědua sěngka-
 wingang ene makaļuasę naungu
 Mawu e. I rědua ene matatuhu

su kěbi parenta ore lai Torat'u
 Mawu ringangu kaęuwau naung i
 rědua. **7** Tawę ana i rědua watu
 i Elisabet kawę wanto dingangu i
 rědua kěbi seng maghurang.

8 Pia su sahěllo tempong
 kamonaěng i Abia nakaěba ba-
 geang, i Zakharia mēndaļu
 munarane makoa imang su
 těngon Mawu Ruata e. **9** Di-
 ngangu lahuri, tuhęwe tun-
 dung pělěhalę u manga imang,
 i Zakharia kai kinatębo ta-
 deąu sumuę solong Bałem Mawu
 ku mēnawungu kamania. **10** Ene
 kapanutunge kamania e tauma-
 ta lawo e kapękalıomanenge su
 likude. **11** Su tempo ene malae-
 kat'u Mawu e nětěngkatode u
 watangenge si Zakharia. Malae-
 katę ene dudarisi su sěmbękang
 koanengu meda tampa pananu-
 tungangu kamania. **12** Saraeng i
 Zakharia nakasilo malae katę ene,
 i sie nębingo^a dingangu matakų.
13 Kai tangu malae katę e nębera,
 "Abe katakų, Zakharia! Mawu
 Ruata e seng nakaringihę kakalıo-
 manengu. Kawingu i Elisabet e
 sarung maiwantel'u sěngkatau a-
 husę esę. I kau harusę męgęllıu
 arenge isęba si Yohanes. **14** I kau
 sarung lumuasę dingangu lawo lai

^a gımlabě = bingung

taumata sarung mahuluasë kereu rario e seng naiwantelë sarung! ¹⁵I sie sarung mariadi taumata masëllahë su tēngon Mawu e dingangu i sie tawe manginung anggorë arau inumang makabukang. Dokeng su kawawantele i sie seng su kawasang Rokhë u Mawu. ¹⁶Lawo taumatang Israel sarung tataēnge mësulë kapia solong anung Mawu Kasëllahenge Ruatan sire. ¹⁷I Sie sarung maka darolohang u Mawu kù matoghasë dingangu piã kawasane mësulung i Elia e. I sie sarung mapëdamen manga iamang dingangu manga anã e, ringangu taumata kù tawe mangimang sarung tataēnge kapia suralungu tinëna kahëngang. Dingangu kerene i sie managhupia sēngkatau umatë kù seng sēsadiang baugu Mawu e."

¹⁸"Kereapa iã makakasingkã u halë ene sarung mariadi?" kakiwalong i Zakharia su malækatë e. "Iã seng maghurang dingangu kawingku e lai seng maghurang."

¹⁹Malækatë e simimbang, "Iã e i Gabriel. Iã mëtangkiang Mawu Ruata e ringangu kai i Sie nëndoloh'u iã e ipëlëhabar'u habarë mapia ini si kau. ²⁰Apan taku iwera, sarung mariadi su

tempone. Kai ualing i kau ta mangimang ute, i kau hëdowe ta makawera; i kau sarung mēmou saraeweng apang kù taku iwera ini mariadi."

²¹Kapëbisarane kerene taumata lawo mēngkatewe kapëngampalë si Zakharia. I sire mēngkate rudałinau, kai unë i sie kereng karēngue suralungu Bałem Mawu e. ²²Kù su temping i sie simëbang, i sie tawe nakawerang apa si sire. I sie këtæn nēgëliu tanda nēñidan li mane kù mēngkawe wëdang mou. Tangu taumata ene masingkã e u i sie seng nakasilo sēmbau papasilo suralungu Bałem Mawu.

²³Saraeng temping pëlahalë e su Bałem Mawu seng nasuë e, ute i Zakharia e napulë solong balene. ²⁴Tawe nararëna wou ene, i Elisabet kawinge piã e kapiã kù i sie tawe manga simëbang bou wale lima wulang karēngue. ²⁵I sie nëbera, "Mahunëu Mawu kasëllahenge mëtulungu iã dingangu mëndëdasë katatelorëku."

Kawawantel'i Yesus e nilahabarë

²⁶Ene mangã e kaënnung u wulange i Elisabet mëbëbawa ka-



Sumu sĕmbau su Nazaret (1:26)

papia, Mawu Kasĕllahenge rimo-
lohen malaekatĕ Gabriel nakoꝝ
soꝝlong Nazaret, soa sĕmbau su
wanuang Galilea.^b ²⁷I Gabriel
nirolohĕ soꝝlong anun sĕngka-
tau mahuala parawang arenge
i Maria. Mahuala parawang e-
ne seng mĕkĕkakaghiang dingang-
u sĕngkatau esĕ arenge i Yu-
suf palahĕnton Datun i Daud.
²⁸Malaekatĕ ene rimĕnta si Maria
ku nĕbera, "Tabeꝝko si kau ku
niaꝝamatengu Mawu su kapiane!
Mawu rumĕndingang si kau!"

²⁹Nakaringihĕ baweran ma-
laekatĕ e i Maria himĕkosĕ, hakiĕ
mĕngkate mĕtĕtinĕnna suraꝝlungu
naunge mĕnsang apa mangalĕne

pĕtatabeꝝ ene. ³⁰Tangu malaĕ-
katĕ ĕ nĕbera si sie, "Abe kataku
Maria, batuu i kau mĕtĕtatahi-
no su naungu Mawu e. ³¹I kau
sarung pia kapapia ringangu mai-
wantel'u sĕngkatau rario, ku i
kau harusĕ pĕsĕba arenge si Ye-
sus. ³²I Sie sarung mawantugĕ
dingangu sarung isĕba Ahus'u
Ruata Ku Karangetange. Mawu
Ruata sarung mapakariadin Sie
ratu kere Ratu i Daud, iupung'E.
³³Ku i Sie sarung mĕparenta
kere ratu su hiten Yakub e sa-
rang kakalĕ. Kararatuang'E tawĕ
pĕngĕnsueĕnge."

³⁴"Kuteu ia bĕdang para-
wang," angkuĕng i Maria su

^b Sumu = pahighi

1:27: Mat. 1:18 1:31: Mat. 1:21 1:32-33: 2Sam 7:12, 13, 16, Yes. 9:7

malaekatë e, "kai kereapa tangu halë ene mariadi?"

³⁵ Malaekatë e simimbang u, "Rohkë u Mawu Ruata e sarung mëtëngkatëntung si kau ringangu kawasan Mawu Ruata e sarung mangëlung si kau. Kai e-ne hakiu dariö kü ikawantelë e sarung ikasëba Susi, Ahus'u Ruata. ³⁶ Pëtahëndung: I Elisabet, manga anau sëngkataunu e-ne, seng pia kaluwaenge kü seng kaënnungu wulange, maningbe i sie seng mahunggurang kü tau-mata e mëbëbera u i sie kawewantö. ³⁷ U kai su Mawu Ruata e tawë u ta mariadi."

³⁸ Bøu e i Maria nëbera, "Ia ini e kai ëllangu Mawu; balae karriadine si siä e kere ipëbëberanu." Bøu e malaekatë e tamai nanëntang i Maria.

I Maria nëtiwo si Elisabet

³⁹ Ta nararëna wou ene, i Maria e nakoä solong soa su Yudea su wawulurange. ⁴⁰ I sie nakoä e solong baleng Zakharia, kü nasuë e, i sie nëgëlliü adatë si Elisabet. ⁴¹ Ene i Elisabet nakaringihe adat'i Maria e, dariö suralungu gandongang i Elisabet e nëkakanoä e. Tangu Rohkë Su-

si e nëkaradiahangke si Elisabet, ⁴² kü nëluntingihë, "Seng i kau e nialamateng böu patiku manga wawine! Kawuako alamatë su rariö kü sarung ipëhëndingu ene! ⁴³ Kai i sai ia e hakiu i nianangu Mawu e rumënta su anuku? ⁴⁴ Ene pia e ia nakaringihë adat'u e, tangu rariö suralungu gandongangku e nëkakanoä eng daluasë. ⁴⁵ Kariangkamang i kau, ualingu nangimang apang nipëluntingih'u Mawu si kau e, sarungbe mariadi!"

Kakalïomaneng tatarimakasë i Maria e

⁴⁶ I Maria nëbera,
"Naungku e mëdëdalo Mawu,
⁴⁷ dingangu himukudëku e luluasë
batu u Ruata e
Mënanalamatëku.
⁴⁸ I Sie mëtëtahëndung si siä, ëllang'E hina ini!
Manëta böu orasë ini e
patiku bansa e
mëbëbera u ia e
masalamatë.
⁴⁹ Ualingu Mawu Ruata
Makawasa e
mëkëkoabe halë
masasëllahë si siä e.

Areng'E mambeng susi.

50 Bōu hēnto sarang hēnto,
Mawu e kükēndag'u
taumata kṽ matakṽ i Sie.

51 Dingangu takiah'E
makawasa e
i Sie nanaliawuh'u
maḷaobotē e,
ringangu nēngaliaesē
tinēnnan dalungu naung i
sire.

52 Manga ratu e niaparēluse
wōu kararatuang
mase napakarange u
apang su kasasana e.

53 I saing lunusē e ipakalaed'u
patikṽ kapia e,
makakala e ipakapulē di-
ngangu ḷimane tā lohōne.

54 I Sie mētētulungu Israel
ēllang'E,
tuhūewe kēdon'E ringangu
manga iupung i kitē e.

55 Mawu e tawe miwawuleng
kēdon'E,
i Sie maḷondo si Abraham
dingangu hitene sarang
marēngu-dēngu."

56 Manga tēllu wuḷang karē-
ngue i Maria mētētana dingang
i Elisabet, buhūe i sie napulē
solong balene.

Kalāiwantel'i Yohanes Mananahani

57 Nīdatingken tempone i Eli-
sabet mamantelē. I sie maiwan-
tel'u ahusē esē. 58 Manga ḷam-
pung dingangu anau sēmbau e
nakaringihē u Mawu e kai kereng
kapiane si Elisabet, dingangu i si-
re maḷaing nahuḷuasē dingange.

59 Ene rariō e natimue uaḷu
ēllo umure, i sire nahundēnta e
mēdeau manunatē si sie. I sire
mapulu mēsēba arengu rariō e
si Zakharia tuhū arengi amange,
60 kaiso i ninange kai nēbera u,
"Tala! I sie harusē isēba si Yoha-
nes."

61 "Tawēu sarang sēngkatau
wōu anau sēmbau e piā arenge
kerene," unguēng i sire si sie.
62 Mase kapanīdane, i sire naki-
waḷo e si Zakharia kai isēba si sai
tangu rariō e.

63 I Zakharia nēdorongke
pēpaḷē pēmamohekan sēngkalēpa
kṽ nēmohe u, "Arenge i Yo-
hanes." I sire kēbi e nasue e
rimaḷinau. 64 Su tempo ene lai
i Zakharia nakawera kṽ nēda-
lo Mawu Kasēllahenge. 65 Tangu
apaeweng sēlampungange nasue

nëngkataku, ku habarë ene nake-
ke su kaguwau wawulurangu Yu-
dea. ⁶⁶ Këbi taumata apang na-
karingihë e makibalo suralungu
naung i sire, "Kai makoə e apa
ngae rario ëndaj e?" U Mawu e
manëntanudë si sie.

I Zakharia mëhabar'u hengetangu Mawu

⁶⁷ I Zakharia, i amangu rario
e, nitumanakengu Rohkë Susi e
hakju i sie nëhabar'u tatanatang
Mawu. I sie nëbera,
⁶⁸ "I kite mëdaloko Mawu,
Ruatang Israel!
I Sie seng dimënta nëtulungu
umat'E
ringangu nëliwir'i sire.
⁶⁹ I Sie nëgëlli u mënanałamatë
matoghasë si kite,
hënton Daud, ëllang'E.
⁷⁰ Naung kangere lumion
manga nabi pinilen'E,
Mawu e seng nangonggou
këdon'E,
⁷¹ waug'u mapakasalamat'i kite
e wou roka i kite,
dingangu wou kawasang
taumata apang mëbëbinsi
i kite.
⁷² Mëdeau manodë u
tatalëntu'E su manga iupung
i kite e,

pëkakëdon'E susi e sarung
ipakasëhu'E.

⁷³⁻⁷⁴ I Sie nësalu si amang i kite i
Abraham,
dingangu nëkëdo
mëngambang i kite e wou
roka i kite,
tadeau i kite ta kataku
mëtangkiang si Sie
⁷⁵ sëntinia mëmunara waug'i
Sie
ringangu makałuasë
naung'E karëngu u i kite e
reng biahë.
⁷⁶ Ei kau amang, anaku sarung
isëba nabing
Mawu Karangetange.
I kau taku irolohë
pëngalimona Mawu
pënałoahë dałeng baug'i
Sie,
⁷⁷ apëgekeng habarë su manga
umat'E
u i sire sarung
ipakasalamatë,
kereu Ruata e seng
nangampung kaławou
rosang sire.
⁷⁸ Mawung kite e małondo
ringangu matalëntu;
ku ualingu
mapakasalamat'i kite e
hakju i Sie rimënta.
Mësulungu matangëllo

simarang malukadë,
 79 kerene i Sie nangonggou
 tualag'E waugu patiku
 taumata e
 ku mēbēbiahē suralungu
 kararēndung dingangu
 katatakū.

I Sie mēngēngahā i kite
 suraleng mētētmona
 pēdaramē."

80 Ana i Zakharia e nahunti-
 nambang kasēllahe ringangu na-
 toghasē su rohkē e. I sie nētana
 su wanua linggi, sarang nīdating
 tempone i sie nētēngkatodē u wa-
 tangenge su tau Israel.

Kawawantel'i Yesus

(Mat. 1:18-25)

2 Kuteu su tempo ene, Kaisar
 Agustus nēparenta tadeau
 kēbi kawanua Paparentang u
 Roma e makiwohē u areng
 su manga mēndarolē. 2 Pēndarolē
 humotong ini e nariadi pia i
 Kirenius nakoā gubernur su wa-
 nuang Siria. 3 Kēbi taumata su
 tempo ene nahundaleng makirolē
 su soan sēmbau-sēmbau.

4 I Yusuf e malaing nēbua
 bou Nazaret su Galilea, solong
 Betlehem su Yudea tampa kina-
 wantelangu Ratu i Daud; batuu
 i Yusuf kai hiten Daud. 5 I Yu-

suf nakiwohē arenge ringangi Ma-
 ria kaghiange, ku kapēbēbawa-
 ne kapapia. 6 Kuteu pia i rēdua
 su Betlehem, tempone natimue i
 Maria mamantelē. 7 I sie naiwan-
 teleng ahusē esē, ahusē iakang.
 Ana ene nipapikungu laēmping
 mase nipapēllōe suralungu kaka-
 nengangu binatang lohon dahan-
 mi; batuu i sire tawe nakaēba
 loahe su wale kawawunakenge.

Mēlalukadē dingangu malækatē

8 Su hēbi ene, pia manga
 mēlalukadē mēmpēlēhapaewe
 ghapaēng u dombaue su win-
 baengu rēmpugē ku su wa-
 nua ene. 9 Sēngkēlēndiu kai pia
 malækat'u Mawu mētētēngka-
 todē si sire, ku tualag'u Mawu e
 mēngkatewe simarang mēnēnua-
 lagē si sire, ku i sire nēngka-
 wintogē. 10 Arawe malækatē e
 nēbera, "Abe kēngkatakū! U ia
 kawe rumēnta mēbawa raluasē
 masaria si kamene – raliagē e
 makoā bua u sēngkawanuang.
 11 Su sahēllo ini su soan Daud
 seng nawantelē Datu Mananala-
 matē ku kai i Kristus, Mawu e.
 12 Ku ini e tatialane: I kamene
 sarung makalombang dariō ka-
 dodo mapapikung u laēmping, di-

ngangu ruḍaloka su kakanengang u binatang.”

¹³ Arakuteu sēngkianu pia malaekatē dingangu ghapaēngu malaekatē baḷine mēmpēdēdalo Mawu Ruata e. I sire nēmpēbera,

¹⁴ ”Dalo su Ruatang ḷangi su marange!

Dingangu pēdarame su dunia, maḷunsemahē taumata apan makaḷuasē naung u Mawu!”

¹⁵ Saraeng malaekatē seng nanēntang i sire ku nēngkapuḷe soḷong sorga e, tangu manga mēlaḷukadē e nēmpēberae sēngkatau su waḷine, ”Boete i kite soḷong Betlehem ku kumakēllako haḷe nariadi ene, niapakasingka u Mawu si kite.”

¹⁶ I sire mēngkatewe nēmpē-sasahawu nahundaleng mase nakaēbae si Maria rēduang Yusuf dingangu rario kadodo ḍuḍaloka su kakanengangu binatang e.

¹⁷ Ene, saraeng i sire mēlaḷukadē e nakasilo rario e, i sire nēmpēbēkeeng apang niha-bar’u manga malaekatē maanun dario ene. ¹⁸ Ku kēbi taumata maḥerang nakaringihē bēken sire mēlaḷukadē e. ¹⁹ Arawe i Ma-

ria ute nēndeso u kaḷawou ene suralungu naunge ringangu sēsipirange. ²⁰ Manga mēlaḷukadē e nēmpēsulē e soḷong wimbaengu rēmpugē kapēḍalone ringangu kapēpudine Mawu Ruata e, ualungu kēbi apaewen kinaringihē dingangu kinasilon sire, mēsulungkewe apan nipauli u malaekatē.

I Yesus nipēsēbakengu arenge

²¹ Saraeng natimue umure ualu ḗllo, mase rario e nisunate. Ku i sire nēmpēsēba e si Yesus, arengkewe naung sinēba u malaekatē dokeng i Sie reng ta nipēpēpohiama.

Mawu Yesus niongo su Mawu Kasēllahenge su Baḷem Mawu

²² Saraeng ḗllone natimue i Yusuf dingangi Maria mēdēndalengu tundung kawawurēsi tuḥewe torat’i Musa. Ku i sire nēmpēbawa Ana ene soḷong Yerusalem mēdeau iongo su Mawu Kasēllahenge. ²³ Kai suralungu Torat’u Mawu e maḅawohē ke-

reini, "Apaewen ana ese iakang, hinon isarakang su Mawu." ²⁴I sire lai mēngēna u mangētudē sasēmba, kere manu tēkukur sēhongkateng arau ana u paluma kawuhuang darua tuhūewe wawera suralungu Torat'u Mawu.

²⁵Kuteu su tempo ene su Yerusalem pia e sēngkatau arenge i Simeon. I sie tau mapia, mataku u Mawu Kasēllahenge, dingangu mēngēngampalē oras'u Mawu Ruata e mapakasalamat'u Israel. Rohkē u Mawu Kasēllahenge matana si sie, ²⁶dingangu lai Rohkē u Mawu Ruata e seng mēlēhabarē si sie u i sie tawe sarung mate kereu reng tawe makasilo Ratu Mananalamatē naung nikēdon Mawu. ²⁷Kuteu Rohkē u Mawu Kasēllahenge nēngaha si Simeon nasuē su Baēm Mawu. Su tempo ene i Yusuf dingang i Maria nēbawa si Yesus, naung deng kadodōe mēdeau koateng halē u pēsarakang tuhu tundun toratē. ²⁸Tangu i Simeon mēngkatewe nangaḷa dariō ene mase nisarulun'E, ku i sie nēdalo e Mawu Ruata,

²⁹ "Ini e Mawu, ute i Kau seng ta nēlanda kire.

Karimako ēllang'U e mairi be suralungu pēdarame.

³⁰ Batūu ringangu matakū hala e ia seng nakasilo Mananalamatē bou anun'U.

³¹ Mēnanalamatē ene e seng niriahin'U

baugu patiku umatē:

³² tabidau tualagē mēnēnualagē daralengu manga umatē baline

mēdeau rumēnta su

anun'U,

ku kai tualagē

makakarēntang kalaadatē su kawanuan'U Israel."

³³Ene i amange rēduan i ninangu Rario ene mēngkatewe mahundaḷinau nakaringihē apan niweran Simeon maanung Ana i sire. ³⁴I Simeon nēngalamatē si sire ringangu nēbera si Maria, i ninangu Rario e, "Dariō ene seng kinapilen Mawu Ruata mēdeau mapakawinasa ringangu mapakasalamat'u kalawou tau Israel. I Sie sarung mariadi tatiala wou Ruata e, ku sarung dokatengu taumata lawo, ³⁵ku ualingu kai kerene ute naukahe kēbi ralungu naung i sire. Kasasusa e sarung

mēnusu daḷungu naung i kamene kere aghidē mahoro.”

³⁶Ene piako lai naung sēngkatau nabi wawine seng maghurang kahēngang. Arengē i Hana, ana i Fanuel, bou hēntong Asyer. Pia e seng kapitu taunge nēdaḷahikingu kawinge karēngue, ³⁷i Hana nawalūe ku saræweng umure ualumpulo ēpa su taunge. Mang tawe nanēntangu Baḷem Mawu. Ēllo hēbi i sie mētatahamawu Ruata mēkēkaḷio-maneng dingangu mēpēpuasa. ³⁸Tangu su orasewe lai ene, i sie himaung, mase nēdalo Mawu Ruata e ringangu mēbēbisara maanun ana ene su kēbi apan mēmpēngēngampalē tempone Ruata mapakaḷiun Yerusalem e.

Mēbaḷi soḷong Nazaret

³⁹Saraeng i Yusuf dēduang Maria mēkēkoḷa kaḷawou apaewen hinong koateng tuḷu Torat'u Mawu, ute i rēdua e nēmpēsulē e soḷong Nazaret su Galilea. ⁴⁰Dario e ute limembōeng kaguwae ringangu natoghasē. I Sie mēngkatewe matahuēnna ringangu Mawu Ruata e mang makēndagē si Sie.

I Yesus su Baḷem Mawu

⁴¹Apan taung-taung gaghurang i Yesus makoḷa soḷong Yerusalem mēdeḷu mēsaliḷimbang u Ēllom Salimbangu Paskah. ⁴²Ku pia e i Yesus umure natimue mapulo dua su taunge, i sire tamai nēsaliḷimbang tuḷuwe tundune. ⁴³Sarangke nasuē e salimbang ene i sire nēmpēsulē e, dario ene wēdang maḷana su Yerusalem, ku iamang dingangu i ninange nikawēgaēnge. ⁴⁴I rēdua mēngēngēna i Sie kai natoḷe ringangu ghapaēngu tau-mata. Saraeng bou nahundaleng sahēllo e karēngue, buḷue i rēdua mēdēdeḷa si Sie sutaloarang anaḷ sēmbau dingangu manga kanarang i rēdua e. ⁴⁵Kuteu i rēdua kai tawe nēsombang'E, ku i sire saḷuwe nēsulē kapia soḷong Yerusalem kapēdeḷa e si Sie. ⁴⁶Kuteu naḷiun tēllu ēllo mēdēdeḷa, i rēdua kai nakaēba si Sie suraḷungu Baḷem Mawu. I Sie maḷiang dūdarīngihē manga mananēntiro agama ringangu maḷibaḷo. ⁴⁷Ku kēbi apan maḷadingihē si Sie mēngkatewe maḷalingun manga sasimbang'E matahuēnna. ⁴⁸Ene gaghurang'E maḷaing maḷalingu

nakasilo si Sie. I ninang'E nēberae si Sie, "Amang, kawē unūe i Kau nēkoā kerene si kami? Ēndaung, i kanduang amangu e mēngkatewe su kaghaghēngganeng mēdēdeā si Kau!"

⁴⁹ I Yesus simimbangke, "Kawe unūe i amang dingangi ninang mēdēdeā si Siā e? Apa i amang dingangi ninang kawē wēga, u Ia e kawē hinong ene su waleng AmangKu e?" ⁵⁰ Ene, i rēdua tawē nakaēnna sasimbang i Yesus e.

⁵¹ Bōu e i Yesus napulē e ringangi rēdua solong Nazaret, kū dimaringihē si rēdua. Kū patikū ene kādareso si ninge suralungu naunge. ⁵² I Yesus e mang kakasēllahe ringangu kakātahuēnnane ringangu makalahimpulu Ruata ringangu ikēkapulun taumata.

Habar'i Yohanes

Mananahani

(*Mat. 3:1-12; Mrk. 1:1-8*)

(*Yoh. 1:19-28*)

3 Su taung kapulō limane pēpaparentang Kaisar Tiberius, i Pontius Pilatus nahengke nakoā Gubērnur su Yudea kū i Herodes nēparenta su Galilea. I Filipus anāu sēmbau i Herodes nēparenta su wanuang Iturea

dingangu Trakhonitis. Arawe kawē i Lisania su nēparenta su Abilene. ² Kuteu nakoā manga imang marangē ute kai i Hanas dēduang Kayafas. Su taung ene ute Mawu Ruata nēhengetang si Yohanes anā i Zakharia su wanua linggi. ³ Tangu i Yohanes rimaleng su apan tampa su kaguwau wimbaengu saļu u Yordan e kū mēlēhabar'u hengetangu Ruata e. I Yohanes nēhabarē si sire u, "Pēmpētobate i kamene wōu kalawōu rosanu, kū i kamene harusē pakisahani, tadeau Mawu Ruata mangampung i kamene." ⁴ Ene, kerewe mābawohē suralungu bukē u nabi Yesaya:

"Piā e tingih'u tau

māmohang su wanua linggi,
'Diahiko raralengengu Mawu e,

pakatateneko daralengang
i Sie.

⁵ Apang pingka e ambunge,
apam bulude ringangu
wonggkone e sapo.

Apang daleng kalelō e tulide,
ringangu apang daleng
matatahigagulē e harusēbe
tene.

⁶ Patikū taumata su dunia e
sarung makasilo

sa_ramat'u Mawu Ruata
e!"

⁷Ma_rawo taumata e ma-
hundenta so_rlong anung Yoha-
nes e mēde_{au} makisahani. I Yo-
hanes nēbera si sire, "E i
kamene taumata rara_{ai}! I sai
tangu nēbera u i kamene maka-
ta_{ang} bo_u hukumang u Mawu
Kasēllaheng e ramahi ka_dēntane?
⁸Todēko su kakanoa i kamene u
i kamene kai seng nēmpētobatē
bo_u ka_rawo_u rosang kamene! Ku
kumbahang mēnēta mēbera u i
Abraham e kai i upung i ka-
mene. Pētahēndung: Bo_u manga
watu tamai ini e Mawu Kasēlla-
heng e ma_raing makako_a pa_rahi-
teng Abraham! ⁹Ba_riung e seng
ka_dariahi waugu i panuwang ka-
lu sarang manga hamu e. Tangu
apaeweng kalu ta mēbawuam
buane mapia e, sarung tu-
wangeng ku iwahung sura_rungu
putung."

¹⁰"Ku kai apa e tangu hi-
nong koateng i kami e?" Kerene
kakiwa_{long} taumata lawo e si Yo-
hanes.

¹¹I Yohanes simimbang, "I
sain pia laku e rarua, gēlliko
sēmbau e si sain tala; dingangu i

sain pia kaēnge, hinom pēmahia
lai."

¹²Maghaghēlle manga bea e
ma_raing dimēnta su anung Yo-
hanes mēde_{au} makisahani. I si-
re nakiwa_{lo}, "Tuang Guru, kai
iapēkapura tangu i kami e?"

¹³I Yohanes simimbang, "Kum-
bahang maghēlle ku nēngalembo
wo_u apan seng nipoēng."

¹⁴Pia lai soldado nakiwa_{lo},
"Kereapa wue i kami e? Apa e
hinong koateng i kami tangu?"

I Yohanes simimbang,
"Kumbahang mēmpēngakalē si
sai-sai dingangu kumbahang
mēmpēhampasē doitē ua_ringu
pēngangangēnsilē ta katēngadē.
Kaiso pēmpēkadarewen ēba i ka-
mene e!"

¹⁵Su tempo ene tangu tau-
mata e nanēta e mēkēkakiwa_{lo},
mēnsang i Yohanes ute kai Ratu
Mēnana_ramatē lēantiwang i sire
ngae. ¹⁶Kai ua_ringu ene hakiu i
Yohanes nēbera si sire kēbi, "Ia e
mēnēnahani si kamene e ringangu
ake, kai hēdownen sarung dumēnta
Taumata nēngalembong kasēlla-
he wo_u ia e. Ka_ringung mēluka
ta_ring sapatune e, ia e ma_raing
tawe wotonge. I Sie sarung

mënahani si kamene ringangu Rohkë Susi e dingangu putung. ¹⁷Su lîman'E seng piã nihung mëdeau pëtaëkang këbî gandum e sarangkewe mawurësi. Gandum sarung ikomolë suralungu pëndaresokange, arawe këbî apam balëkane sarung tutungang'E suralungu putung tawe masasëbu!"

¹⁸Kerene i Yohanes m̃analën-tihö si sire ringangu haghing kakoa e, su tempöen sie mëlëhabaru Injilë. ¹⁹Arawe i Herodes datun Galilea e nisëngkulang i Yohanes halë u pëkakawinge ringang i Herodias, kinawing u tuhang e, dingangkewelain su halë u këbî kararalaj baline e kû seng kinoã e. ²⁰Kaiso i Herodes kai sauneng nënambang kararalakise kû dingangu nanuë i Yohanes suralungu tahungkû.

I Yesus nisahani

(Mat. 3:13-17; Mrk. 1:9-11)

²¹Tangu sarangke taumata këbî e reng nisahani, i Yesus nisahani lai. Kû piã e i Sie kapëkëkalïomanenge, tangu langi e nahënge, ²²kû Rohkë Susi e nëtëngkatëntung si Sie kere manu paluma su pusige. Bõu ene kinaringihe tingih'u Mawu Ruata e

nëhengetang, "I Kau e kai AhusëKu ikëkëndagë e. I Kau e makaļuasë naungKu e."

Dolë u manga iupung gaghurang u Mawu Yesus Kristus

(Mat. 1:1-17)

²³Su tempon Mawu Yesus nanëta u munaran'E, umur'E seng piã u manga tëllum ruļo su taunge. Angkuëngewen taumata, uade i sie kai anã i Yusuf, anã i Eli, ²⁴anã i Matat, anã i Lewi, anã i Malkhi, anã i Yanai, anã i Yusuf, ²⁵anã i Matica, anã i Amos, anã i Nahum, anã i Hesli, anã i Nagai, ²⁶anã i Maat, anã i Matica, anã i Simeï, anã i Yosekh, anã i Yoda, ²⁷anã i Yohanan, anã i Resa, anã i Zerubabel, anã i Sealtiel, anã i Neri, ²⁸anã i Malkhi, anã i Adi, anã i Kosam, anã i Elmadam, anã i Er, ²⁹anã i Yesua, anã i Eliezer, anã i Yorim, anã i Matat, anã i Lewi, ³⁰anã i Simeon, anã i Yehuda, anã i Yusuf, anã i Yonam, anã i Elyakim, ³¹anã i Melea, anã i Mina, anã i Matata, anã i Natan, anã i Daud, ³²anã i Isai, anã i Obed, anã i Boas, anã i Salmon, anã i Nahason, ³³anã i

Aminadab, anā i Admin, anā i Arni, anā i Hezron, anā i Peres, anā i Yehuda, ³⁴anā i Yakub, anā i Ishak, anā i Abraham, anā i Terah, anā i Nahor, ³⁵anā i Serug, anā i Rehu, anā i Peleg, anā i Eber, anā i Salmon, ³⁶anā i Kenan, anā i Arpakhsad, anā i Sem, anā i Nuh, anā i Lamekh, ³⁷anā i Metusalah, anā i Henokh, anā i Yared, anā i Mahalaleel, anā i Kenan, ³⁸anā i Enos, anā i Set, anā i Adam, anā i u Ruata.

Mawu Yesus nisalukateng u setang

(Mat 4:1-11; Mrk. 1:12-13)

4 Mawu Yesus napene u Rohkē Susi e su tempong i Sie nanētangu salu u Yordan e. Rohkē u Susi e nangaha si Sie solong banua linggi. ²Se-ne i Sie nisalukateng u setang epa u pulo su ěllone karēngue. Karēngüewen ěllo ene, i Sie tawe kimaēng manga apa-apa ku pēngēnsueēnge i Sie nakapēndang nahutung.

³Setang nēberae si Sie, "I Kau Ahusēben Duata arauēng? ute pēngoroko watu ěndai apaka-koā borotē."

⁴Tangu Mawu Yesus simimbang, "Su ralungu Winohe Susi kabawohe, 'Taumata e tawe makapēbiahē sēmatang bou bo-rotē.'"

⁵Mase setange nēngahae si Yesus solong sēmpalang marange, ku suralungu sēngkakonda tangu setange nanodeen patiku kararatuangu dunia ini e si Sie. ⁶"Patiku kawasa ringangu kakakala ěndai e sarung taku onggotang si Kau e," angkuēngu setang si Yesus e, "ualingu patiku ene seng nighēlli si sia, ute walaewe ia mapulu mēnsang taku ionggo si sai-sai. ⁷Tangu patiku ene sarung makoā bageang'U, kereu i Kau mēsuba su tēngoku."

⁸I Yesus simimbang, "Su ralungu Winohe Susi e mabawohe, 'Pēsubae su Mawu Kasēllahenge ku pētahamawu e si Sie sēsane.'"

⁹Mase setange nangahae-wen Yesus solong Yerusalem ku namēllo i Sie su wowong atu u Balem Mawu e, ku nēberae si Sie, "I Kau Ahusēben Mawu Ruata arau ēng? Ute tumpa e wou ini. ¹⁰Batū su ralungu Winohe Susi e mabawohe, 'Ma-

wu Ruata e sarung mēparen-
ta manga malækatē ipēnanudē
pakapia-pia si Kau.' ¹¹Kuteu
lai, 'Manga malækatē sarung
mēmpanalendeng si Kau ringang-
u limang sire, tadeau laed'U e lai
tawe matangga su watu e.'"

¹²I Yesus simimbang, "Su
raḷungu Winohe Susi maḃawohe,
'Kumbahang manaluka Mawu
Kasēllahenge Ruatanu.'"

¹³Tangu saraeng setange
nangēdōe nanaḷuka si Yesus di-
ngangu haghin sasaluka, tangu i
sie namehōe wou anun Yesus ku
nēngampalē tempone mapia.

Mawu Yesus nanētaen munaran'E su Galilea


(Mat 4:12-17; Mrk. 1:14-15)

¹⁴Bou e i Yesus nēsulē e
solong Galilea; ku i Sie nilo-
hoēngken Rohkē Susi e. Ku te-
lengu maanun Sie mēngkatewe
nasēsahē su patiku banua e-
ne. ¹⁵I Sie mañēntiro su manga
waḷem pēkakaliomanengang ri-
ngangu kēḃi taumata mēdēdalo si
Sie.

Mawu Yesus pinēbinsi su Nazaret

(Mat. 13:53-58; Mrk. 6:1-6)

¹⁶Ene i Yesus natamai lai
solong Nazaret tampae naung ki-
nasariaēnge. Su ēllon Sabatē e
tuhewe tundune i Sie simuē
su waḷem pēkakaliomanengang. I
Sie nēbua dimarisi mēbasa Wi-
nohe Susi e, ¹⁷ku nighēllikang-
kem bukē u nabi Yesaya. I Sie
namingkahē bukē ene, mase na-
kahombang ayatē ini,



Dulungu bukē (4:17)

18 "Rohkë u Mawu ene si Siä,
batu i Sie seng nēlanisē si
Siä
tadeau ipēlēhabar'u
habarē makadaḷuasē e su
makakasiang.

I Sie rimoloh'u Ia mēdeau
pēmēmohangu
karalēsō u maṭatahungku
dingangu kawawekesu
matan tau wuta;

iapēlēliu tau tētumbiagheng
19 ringangu iapēlēhabar'u
oras'u rarēntang Mawu e,
makasaḷamatē umat'E
pinilene."

20 Mase i Yesus wōten
nēndulung bukē ene kapia
ku nanēgong ene su mēla-
halē, bōu ene i Sie kima-
iang. Matang kaḷawōu taumata
su raḷungu waḷem pēkakaḷionma-
nengang e mēngkatewe mata-
tanda si Sie. 21 Tangu i Yesus
nanētāe nēhengetang si sire kerei-
ni, "Manga ayat'u Winoḥē Susi
su sahēllo ini e pinakasēhū su o-
ras'u i kamene nakaringihē."

22 Manga wawera niweran'E
mēngkatewe maralēnggiḥē, hakū
i sire nēmpēdaḷinau dingang-
u maḃohang si Sie. I sire

nēmpēbera, "Kai waḷinewe ana i
Yusuf i Sie Ho?"

23 Tangu i Yesus nēhengetang
si sire, "Endiū i kamene mang
mēpakeu sasailing bawera ini e
si Siä, 'Dokterē pangundang-
ko watangengue. Apan nakaḷahe-
rang kinaringih'i kami e nikoā
u su Kapernaum, koāko lai su
soan gaghurangu e.'" 24 I Yesus
saḃewe nēnamba, "Pētahēndung-
ke, tawe apa nabi ku lēadateng
su soane sēsane. 25 Uaḷingu e-
ne daringihēko: su tempong Elia,
piā e arēgan tēllu taung ēnnungu
wuḷang karēngue tawe rimasehē,
hakū piā e karalūnusē masa-
ria su kaḃuwau wanua. Su tem-
po ene lawō manga wawine waḷu
su Israel. 26 Maning seng kerene,
Mawu Ruata e tawe nēndoloh'i
Elia tamai solong sēngkatau wōu
manga waḷu e, kaiso kētaewen
solong anun sēngkatau wawine
waḷu su Sarfat su wanuang Sidon.
27 Kerene lai su tempon nabi E-
lisa maḷawō taumata su Israel
piā sakie kusta makatatakū, kaiso
tawēu sarang sēngkatau lai wo'i
sire nipakaule, tumbāewen i Na-
aman tau Siria e"

²⁸ Kēbī taumata su walem pēkakaliomanengang e mēngkatewe nisawelangu pēdu saraeng nakaringihē tamai ene. ²⁹ Kū i sire mēngkatewe nēmpēbua mase nanokol'i Yesus nipasēbang bōu soa, ringangu niwawan sire sarang lengehu wulude, pinēkoa-teng soan sire. I sire mēnēnaung u mēnuhud'i Sie su tēnggilihange. ³⁰ Arawe i Yesus dimaleng bōu taloaran taumata lawo e apidu natamai.

Taumata nikasuēkangu rohkē dalakī

(Mrk. 1:21-28)

³¹ Bōu e i Yesus tamai solong soan Kapernaum su Galilea. Su tampa ene i Sie manēntiro taumata lawo su ēllon Sabatē e. ³² Kū i sire mangkewen mēmpēdalinau nakasilo kakao'E manēntiro, u i Sie mēbēbera ringangu kawasa. ³³ Ene su walem pēkakaliomanengang pia e sēngkatau nisakeēngu rohkē dalakī. Tau ene mēngkatewe namansagē maiha-ihā, ³⁴ "Ei Yesus, tau Nazaret, i kau mapulu mēkoa apa si kami? I Kau rimēnta minasa si kami e? Ia masingka i sai Kau! I kau kai rarolohangu Ruata!"

³⁵ "Pakarēmasēko!" Palēndih'i Yesus su rohkē dalakī e. "Pēmpēsēbangke wōu tau ēndai e!" Mase rohkē dalakī e wōuten napakawēbahu tau e su tēngon sire kēbī, bōu e simēbang wōu tau ene, kū tawe kadiongeng nakapēkapura si sie.

³⁶ Kēbī taumata naralingu kū nēmpēbera sēngkatau su wali-ne, "Balinewe malongko manga waweran'E. Pia pahēngking'E ringangu kawasan'E, i Sie nēparenta manga rohkē daralai pasēbang, kū i sire nahunsēbangke wue!" ³⁷ Kuteu telengu maanun Yesus mēngkatewe nēsasēsahē su apam beo u wanua naliku.

Yesus napakapian taumata lawo

(Mat. 8:14-17; Mrk. 1:29-34)

³⁸ I Yesus simēbang bōu walem pēkakaliomanengang e, mase rimangeng su waleng Simon. Kuteu i empong Simon bawine e kai lūlēhabē, kū i sire nakitulungke si Yesus e. ³⁹ Tangu i Yesus himaung su ralokangu tau wawine ene, kū napakailangu lēhabē ene. Kū lēhabē e naintakē dingangu i empong Simon bawine.

ne e mēngkatewe nēbangung di-
ngangu nētangkiang si sire.

⁴⁰Ene saraeng matangello
simēda e ute kēhī taumata
nēmpangēntudē solong anung Ye-
sus apaewen anau sēngkataun si-
re balāewe mēnsang sakī apa.
I Yesus e nēnēlid'u liman'E su
pēsēngkatau kū napakapian sire.

⁴¹Manga rohkē daralaj e mālāing
nahunsēbang bōu taumata lawō
e, apidu kapēmansage maiha, "I
Kau Ahus'u Ruata e!"

Kuteu i Yesus kai nēmalēndi-
hē si sire kū tawe napakawalan
sire niapēbera, watūu i sire kawe
masingka u i Sie kai Ratu Mana-
nalamatē.

**Yesus mēnēnasē suralungu
manga walem
pēkakaliomanengang
(Mrk. 1:35-39)**

⁴²Saraeng matangello e nanē-
tāe simēnang i Yesus nanētangu
soa ene mase nakoā solong tampa
ta taune. Kuteu taumata lawō e
nanēta e mēdēdeā si Sie kū pia
e i sire nakaēba si Sie, i sire
mēngkai māmaedē si Sie u abe
apēnēntang i sire. ⁴³Kaiso i Ye-
sus nēhengetang, "Injilē māanun
kereapa Mawu Ruata e mēparen-
ta ute hinon Takū habareng lai

su manga soa waline batūu kai e-
ne Mawu Kasēllahenge rimoloh'u
la solong dunia e."


⁴⁴Ualingu ene Mawu Yesus
mēngkawe mēnēnasē su manga
kanisa su patikū soan Yudea e.

**Mawu Yesus namile manga
murit'E humotong**

(Mat. 4:18-22; Mrk. 1:16-20)

5 Sēnsulē tempo i Yesus rūda-
risi su apeng u ranong Ge-
nesaret. Lawō taumata mēngka-
te mēngkasēngkilē mēgēgausē du-
maringihē hengetang u Mawu
Kasēllahenge. ²Kū i Yesus naka-
silo sakaeng duang gēsa māsa-
siladē su apeng ene. Manga
mēpapakisaghe e ute nāung na-
huntumpa wōu sakaeng e kū
mēmpañēbang somā i sire. ³I
Yesus mēngkatewe simake su
sēnggēsa su sakaeng i Simon, ma-
se nēngoro si Simon apēnondo sa-
kaeng e riō pakaghea wōu apeng.
Yesus naiang su ralungu sakaeng
e kū nanēntiro taumata lawō bōu
ralungu sakaeng e.

⁴Saraeng i Sie nangēdōe
nēhengetang e tangu i Sie
nēberaē si Simon, "Pundalēko sa-
sae solong tampa maralung e kū
panēntangkon somā i kamene su
sasi mēdeāu panamē kinā."



Dałombo ringangu sakaeng'u samchě sěmbay (5:2)

⁵"Tuang Guru," nisimbangi Simon, "kanandun hěbi e i kami nąung mětětěngkasaghedě, kai i kami e tawe nakaalą apa-apa! Kai ualįngen i Tuang nangoro e, ute kerene e; ia deng saų maněntang u soma." ⁶Bouten i sire němpěkoą kerene, i sire nakaliwungke ghapaěngu kiną lawo-lawo hakiu somang sire nanětae naghehe. ⁷Ualįngu ene i sire němpangalape e mědědorong tulung su manga ringang i sire su sakaeng baline e, apěsěsumbala si sire. Manga ringangi sire ramahie mase i sire nětataliwung nělurangken kiną e su sakaeng

duang gěsa e pinakapene hakiu manga sakaeng e masara mawulusě. ⁸Sarangke i Simon nakasilo ene, ute i sie měngkatewe nětumpěkuhe su těngon Yesus e, mase něberae, "Těntangke ia, Mawu! U ia kai taumata warado-sa!"

⁹I Simon dingangu kěbi taumata ringangi sie mangkewen dimalınau nakasilo kiną kerene kalawoe nikasame i sire. ¹⁰Kerene lai manga hapi i Simon, u i Yakobus děduan Yohanes, manga ana i Zebedeus. Ene i Yesus něhengetangke si Simon, "Abe

katakū! Manēta bou ini e i kau kai makoā mananoma taumata.”

¹¹I Simon ringangkewelain manga ringange nēmpamuā sa-kaeng ene soḷong apeng, bou e nanēntangu kēbi ene, mase nahuntole si Yesus.

**Mawu Yesus napakapian
sēngkatau piā saki e pisi
makatatakū**

(*Mat. 8:1-4; Mrk. 1:40-45*)

¹²Piā sahēllo i Yesus naung su soa sēmbau. Pai sene lai piā sēngkatau esē kū badange natukusu saki u pisi makatatakū. Kutēu sarang i sie nakasilo si Yesus e, i sie nētēngkasumagē su tēngone apidu mēdēdorong, ”Tuang, kereu i Tuang mapulu, ute i Tuang deng mapakapian ia e!”

¹³Tangu i Yesus mēngkatewe nēngumpaede tau ene apidu nēhengetang, ”Ia e mapulu kū kapiā e!” Orasē ene lai saki e mēngkatewe nanēntang. ¹⁴Mase i Yesus nēsēdingken tau ene mēbēkeng halē ene su patikū taumata angkuēng’E, ”Dakōe pētēngkatode su imang kū pēdorong si sie pēnahiring kau e kū seng nauḷe e. Bou e tamai pēbawa sasēmba kere tinitan Musa e

ipahanuntēngadē su manga tau-mata u i kau mamben tēngatēngadē seng nauḷe.”

¹⁵Arawe telengu i Yesus kai sauneng napēpidē su apan tampa kū mēngkai lawo taumata nēmpēdēnta mēgēgausē dumarinhē si sie ringangu makikapian saki i sire. ¹⁶Bou ene i Yesus nangingka nēkaḷionaneng su tampa tā taune.

**Mawu Yesus napakapian tau
nipeosē**

(*Mat. 9:1-8; Mrk. 2:1-12*)

¹⁷Su sēnsulē tempo piā e i Yesus kapañēntirone piā pirangkatau tau Farisi ringangu manga mananēntiro agama māhungkaiang sene. I sire naung nahundēnta wou Yerusalem dingangu wou manga soa su Galilea ringangu Yudea e. Kū kawasang Mawu Kasēllahenge ene mētētumana si Yesus mēdeau mapakapiam manga masasaki. ¹⁸Kutēu su tempo ene sēngkianu piā pirangkatau nahundēnta nēmpēbawa sēngkatau peosē pētētimbangeng suraḷokange. I sire mēngkai mētētawakali manuē tau ene soḷong dalungu wale mēdeau ipēllo su tēngong Yesus e. ¹⁹Kai ualēngken

taumata tumanĭu lawo sene ute i sire tate nakasuē. Tangu i sire nēlēngkangken sie su wowong atu u wale. Mase i sire nēlekese atu e ringangu nanguluh'i sie ringangkewen dalokaēnge su tēngong Yesus su taloaran taumata lawo ene. ²⁰Ene saraeng i Yesus nakasilo kerene kaguwae pangangimang i sire, i Sie nēhengetang su tau ene, "Anau sēmbauku ikēkēndagē, dosanu e seng niampungang."

²¹Manga mananēntiro agama ringangu manga tau Farisi nanētae nēmpēbera sēngkatau su waline, "Kai i sai tau ēndaĭ e wahanĭ nēhinakang Mawu Ruata e? I sai wue makaampung dosa, sulikud'u Mawu sēsane?"

²²I Yesus masingka u kakiwalon sire, ku i Sie nēhenge-tang, "Kawe unue i kamene mēkēkiwalō kerene su ralungu naungu? ²³Małowokangbe sude ngae, mēbera u, 'Kalawou rosanu e seng niampungang', arau mēbera u, 'Pēbangungke, mase ralengke!'" ²⁴Arawe orasē ini e Ia sarung manahuntēngadē si kamene u su wowong dunia ini e Ahus'u Taumata e kawasamangampung dosa e." Mase i Yesus nēhengetang su tau ni-

peosē ene, "Pēbangungke, panapuae raralokaēngu ku kapule e!"

²⁵Ene i sie mēngkatewe nēbangung su tēngon sire kēbi, mase nanapua dalokaēnge ku napule kapēdalone Mawu Ruata e.

²⁶Tangu i sire kēbi mangkewen nēmpēdalinau ku nēmpēdalō Mawu Ruata e. Ku dingangu pēndangu katataku i sire nēmpēbera, "Apa makadalinau kahēngang kinasilon kite su sahēllo ini!"

Mawu Yesus nēmaringang si Lewi

(Mat. 9:9-13; Mrk. 2:13-17)

²⁷Bou ene i Yesus simēbang ku nakasilo sēngkatau maghaghēlle bea, arenge i Lewi, kukaiang su kantorē e. I Yesus nēhengetang si sie, "Toļee Sia." ²⁸Ene i Lewi mēngkatewe nēbua ku nanētangu kēbi, mase timole si Yesus e.

²⁹Tangu bou ene i Lewi nēkoako saliwang baug'i Yesus su walene. Lawo maghaghēlle bea ringangu taumataewe waline nahungkaēng dingang i sire. ³⁰Kuteu pirangkatau tau Farisi ringangu manga mananēntiro agama nakapēndang naunge

ta kaloahenge, tangu nēmpēbera su manga murit'i Yesus, "Unue i kamene kēbī mahungkaēng dingangu mēmpānginung dingangu maghaghēlle bea ringangu manga taumata raralakī?"

³¹I Yesus simimbang, "Tau malahuweka e tawe hinom piā mangangundange; kaiso kawe masasakī e. ³²Ia dimēnta walīnewe mēkēkui taumata makapēndang batangenge mapia, kaiso taumata marosa tadeau i sire mēmpētobatē bōu kalawōu rosan sire."

Halēen pēpapuasa

(Mat. 9:14-17; Mrk. 2:18-22)

³³Ene i sire nēmpēbera si Yesus, "Murit'i Yohanes ringangu murit'u tau Farisi e masau mēmpēpuasa ringangu mēmpēkaliomaneng. Ara-we manga murit'U ute mēngkawe mahungkaēng dingangu mēmpānginung."

³⁴Kuteu i Yesus simimbang, "Apa i kamene makakoā mango-ro manga sake ipēpuasa su salīwangu kawinge, tēntalang kaghīang esē e reng dingangi sire? Tantu tala! ³⁵Kai sarung mīdating tempone kaghīang esē e e-

ne alakeng bōu anun sire. Ku su tempo ene i sire wuhūewe mēmpēpuasa."

³⁶Mase i Yesus nēbēken papinintu ini si sire, "Tawēu sarang sēngkatau mēndēpellē laku tēbe dingangu ririsu laku buhu. Batūu i sie kai makaghehe laku buhu ene. Mase lai heka darēpelē buhu e tawe nēkēta su laku tēbe. ³⁷Kerene lai tawē taumata mētētahong anggorē buhu e su kawihē pisi tēbe, u anggorē buhu e kai sarung makariading kawihē ene mawēdesē. Kuteu anggorē e nawoso e ringangu kawihē e magholo. ³⁸Anggorē buhu e hinong itaho su ralungu kawihē buhu lai. ³⁹Kerene lai tawē taumata mapulu manginung anggorē buhu kereu seng bōu nanginung anggorē tēbe. 'Anggorē tēbe uade kai katemangenge,' angkuēnge."

Kakiwalon māanun ēllon Sabatē

(Mat. 12:1-8; Mrk. 2:23-28)

6 Ene sēnsulē su ēllon Sabatē, piā e i Yesus simahen taloaram baelu gandum, manga murit'E nēmpamoso gandum. I sire mēlēlising gandum ene ringangu liman sire, mase kēkaneggang

i sire. ²Kuteu pirangkatau tau Farisi nẽmpẽbera, "Kawe unue i kamene mẽlẽlampa manga ator'u agamang kite dingangu mẽmpẽkẽkoạ apan pẽlli koateng su ẽllon Sabatẽ?"

³I Yesus simimbang, "Kai reng tanakạ basa i kamene apan nikoạ i Daud tangu, pia i sie ringangu manga taumatane nẽngkalunusẽ? ⁴I sie simuẽ suralungu Balem Mawu kụ nangalạ e borotẽ nạng na-koạ sasẽmba su Mawu Kasẽllahenge, mase nĩkakaẽnge. Bọ ene malaing pinẽgẽlirange borotẽ ene su manga taumatane. Sẽmbalıu kere su atorangu agamang kite, kẽtaem manga imang botonge kumaẽng borotẽ ene."

⁵Mase i Yesus nẽhengetang, "Ahus'u Taumata e kawasa su ẽllon Sabatẽ e!"

Tau limane sẽmbẽka nipatene

(Mat. 12:9-14; Mrk. 3:1-6)

⁶Tangu su ẽllon Sabatẽ lai waline, i Yesus simuẽ su walem pẽkakalıomanengang. Ene sene kai pia tau limane nipatene sẽmbẽka. ⁷Pirangkatau mananẽntiro agama ringangu tau Farisi mẽngkate maniti pẽsasalan

Yesus mẽdeau ikapangaduhang i Sie. Kụ i sire mẽngkatewe maniti mẽnsang i Sie sarung mapakapian taumata su ẽllon Sabatẽ. ⁸Kuteu i Yesus tẽbe masingkạ u tinẽnnan sire. Tangu i Sie nẽberaẽ su tau limane nate sẽmbẽka e, "Endaiko pẽbuạ darisi sini su tẽngone!" Tangu tau ene nẽbuạ e, kụ dimarisiewe sene. ⁹Kuteu i Yesus nakiwalọ si sire apang ene sene, "Tumuhu agamang kite e mẽnsang botonge mẽkoạ apa su ẽllon Sabatẽ? Mẽkoạ mapia arau mẽkoạ dalakị? Mangambang taumata arau manilakạ?" ¹⁰I Yesus mẽmanda kẽbi si sire, mase nẽhengetang su tau ene, "Uluhẽko limanu e." Tau e nẽnguluhe limane kụ limane e nulẽ.

¹¹Arawe manga mananẽntiro agama ringangu tau Farisi e mẽngkatewe nisawelangu pẽdu kụ nanẽta e nahumbisara mẽnsang kapuraneng i sire Mawu Yesus e.

Mawu Yesus namile si sire mapulo dua sukataune

(Mat. 10:1-4; Mrk. 3:13-19)

¹²Tangu su tempo ene i Yesus rimaleng kụ simaka wulude, kụ mẽkakalıomaneng. Ene sene i Sie mang mẽkẽkakalıomaneng su

Mawu Ruata səliḗbi tiwatu. ¹³E-ne saraeng ɛllo seng natualiḗ, i Sie kinui e manga murit'E, mase pinilene mapulo dua sukataune wo'i sire rasul. I Sie nəśəba i sire mapulo dua ene kai manga raro-lohang. I sire ene ute kai: ¹⁴I Simon (ku isəsəba'E lai si Petrus), dingangi Andreas tuaring Simon; Yakobus dɛduan Yohanes, Filipus dingangi Bartolomeus, ¹⁵i Matius dingangi Tomas, Yakobus ana i Alfeus, dingangi Simon (isəsəba si Patriot), ¹⁶i Yudas ana i Yakobus dingangi Yudas Iskariot ku samurine nakoḗ mɛtatula.

Mawu Yesus nanɛntiro
ringangu napakapian
taumata masaki
(Mat 4:23-25)

¹⁷Bou ene i Yesus dimɛsung-ke wou wulude ene ringangkewelain manga rasulɛ e, mase timaing ku dimarisi su səmpalang tampa matene. Sene pia ko lai kamonaəng manga nurit'E wali-ne ringangu taumata lawo nahundenta wou apan tampa su kaguwau Yudea, Yerusalem, dingangu manga soan Tirus dingangu Sidon su səbu lua. ¹⁸I sire nahundenta mɛdeau rumarigiliḗ si Yesus e, dingang-

u tadeau mauḗ wou kalawou saki i sire. I sire apaewen kəkasuḗkangu rolikɛ dalai e malaing nahundenta ku nəngkapia. ¹⁹Ku patiku taumata mɛdɛdeau niapanenggelɛ si Yesus e, watuu kai pia kawasa susəbang bou watangeng'E ku makapia si sire kɛbi.

Daluasɛ dingangu kasasusa
su naung
(Mat 5:1-12)

²⁰I Yesus nanianda manga murit'E mase nəhengetang,

"Kariangkamang i kamene
taumata makakasiang e,
u i kamene kai ralohong
kararatuangu Mawu
Ruata e!

²¹ Kariangkamang i kamene
apan nəngkahutung orasɛ ini;
u i kamene hɛdong
iapakalaedɛ!

Kariangkamang i kamene
apang susangɛ orasɛ ini;
i kamene sarung nahulɛge!

²² Kariangkamang i kamene
kereu ipɛbinsi, ikawənsing, lɛhi-
nakaneng, dingangu ipəsəsam-
puhɛ ualingu Ahus'u Taumata e!

²³ Manga nabi su tempon naung
kɛkoateng kerene lai. Kamageng
halɛ ene mariadi ute karimako i

kamene mēngkai mēmpahuluasē dingangu mēmpēsalaṛin daliagē, u kawē masaria wawaliṛisē kaṣasadia si kamene su sorga e.

²⁴ Ku kaēngkēhang bue i kamene apang makakala e orasē ini;

watuu i kamene seng kina-wuakengu katatemange!

²⁵ Kaēngkēhang i kamene apan nikalaedang orasē ini; u i kamene sarung kalunusang!

Kaēngkēhang i kamene apan maḥulēge orasē ini;

u i kamene sarung lumahunsusa ringangu mahunsangi!

²⁶ Kaēngkēhang i kamene, kereu patiku taumata e mēngkai mēmpēdēdalo si kamene; u maḷaing kerene manga iupung i sire mēmpēdēdalo manga mahang nabi kalimonane.”

Kakēndagē su sēdu

(Mat. 5:38-48, 7:12a)

²⁷”Arawe si kamene apan dudaringihē e si Sia orasē ini, la tumanata eng ini: pēmpēkēndagēben manga sēdu i kamene ringangu pēmpēkoabe mapia su taumata apan mēmpēbēbinsi i kamene. ²⁸Pēmpangalamatē tau-

mata apan mēmpangane si kamene, ringangu pēmpēkaliomanengu taumata apan mapakaṣusang kamene. ²⁹Kereu i sai mameru pipiu sēmbēka ute walaewe i sie pameru pipiu sēmbēka lai. Kereu laku u nipulaho ute ghēlie lai lahawengu e. ³⁰Kereu sēngkatau mēgēgausē apa-apa si kau ute ghēllie si sie, ringangu kereu rarotongu e pulahong, ute walaē manieng tawe ulenang. ³¹Pakapiako miēbau taumata waline kereuwe su kapulung kamene i sire miēba i kamene e.

³²Kereu i kamene sēmatang ku kēndagu apang ku kēndag'i kamene ute apa wue wawaliṛise? Taumata waradosa e maḷaing kükēndagu i sai-saing kükēndag'i sire. ³³Dingangu kereu i kamene sēmatang mēmpēkēkoā mapia su manga taumata apan mēmpēkēkoā mapia si kamene, ute apa wue wawaliṛise? Taumata waradosa e maḷaing mēmpēkēkoā kerene! ³⁴Dingangu kereu i kamene sēmatang mangonggou roitē pakiēdang si sai-saiwen makawaehē ute apa wue wawaliṛise? Taumata waradosa e maḷaing mangonggou roitē pakiēdang su taumata waradosa e, wou ene paghellenang kapia!

³⁵ Tuhū hinone abe kere! I kame-
ne kawē harusē kumēndag'u sēdū
i kamene ringangu mēmpēkoā
mapia si sire. I kamene harusē
pēmpangonggō su ēdang dingang-
u abe pēlēharapē makaēba sa-
sulene. Kamageng kerene ute wa-
walise sarung masēllahē dingang-
u i kamene mariadi manga anā
u Mawu Karangetange. U Mawu
Ruata e kai maḷondo su tauma-
ta apan wēgang makitarimakasē
dingangu su apan daralaki e
lai. ³⁶ Pakatatalēntūko i kamene
mēsulungkewen i Amang i kame-
ne e kawē matalēntū."

Mapakasalan taumata

(Mat. 7:1-5)

³⁷ "Kumbahang mapēsalan
taumata waline mēdeāu i kame-
ne hala tawē lai ipēsalam Ma-
wu Ruata e. Kumbahang mēhu-
kung u taumata waline mēdeāu
i kamene e lai tawē ihukung u
Mawu Ruata e. Pēngampungko
taumata waline, mēdeāu Mawu
Ruata lai mangampung i kame-
ne. ³⁸ Pēmpangonggō su tauma-
ta waline, mēdeāu Mawu Ruata
lai mangonggō si kamene. I ka-

mene sarung makatarima laonggo
mēdēdalembo kū seng niapakasi-
kilē mapia-pia si kamene. U kai
sasupā ipanupang kamene baug'u
taumata waline sarung ipanupan
Duata si kamene."

³⁹ Mase i Yesus nēbēkē si si-
re papinintu kereini, "Kamageng
tau wuta mangahā tau wuta
waline, ute nalāhē i rēdua sa-
rung manawo su ralungu wang-
ka. ⁴⁰ Tawē apa muritē limebo
wou mananēntirone. Arawe mu-
ritē nasuen sikoḷane, sarung
mēsulungu mananēntirone.

⁴¹ Kawē unūe i kamene
makasilowe puling su matang
anāu sēmbau u, arawe saḷawa-
ku su matang kamene hala e
tawē kinasilon kamene? ⁴² Kerea-
pa wue i kamene makapēbera su
anāu sēmbau u, 'E anu, mahie ia
mangoē puling bōu matanu,' a-
rakuteu suralungu matanu sēsanu
kawē pia saḷawaku kū tawē kina-
silon kamene? Ei kau tau mēlle!
Alako kalimona saḷawaku su ma-
tanu e. Mase wuhue i kamene
makasilo maḷahē dingangu ma-
kakoe puling bōu matang anāu
sēmbau u e."

Kalu ringangu wuane

(Mat. 7:16-20, 12:33-35)

⁴³ "Kalu mapia e tawe mẽba-wuam buane rałakı. Kerene ıai kalu rałakıe tawe mẽbawuam buane mapia. ⁴⁴ Apaeweng ka-lu e kai ikėkakirala su wua-ne. Sumpini tawe kapananipoeng buang ara, ringangu wanehe ta-we kapėdareakeng buan anggorė. ⁴⁵ Taumata mapia e mangukahu halė mapapia watu naunge kai kalaemungangu kapapia. Tauma-ta rałakı e mangukahu halė da-rałakıe watu naunge mapene u karalakı. U apan iwėberang mo-honge ene e kai wou tompe u naunge."

Mėmamangung bale pelesa ringangu mẽmamangung bale wodo

(Mat. 7:24-27)

⁴⁶ "Unu e i kamene mẽkėkui si Sia, 'Mawu, Mawu,' kaiso tawe mẽkakoa apan Taku ipėlėhenge-tang si kamene? ⁴⁷ Dingangi sai e wue i kite mẽnulung tau-mata apan dimenta su anuKu, dingangu ruđaringihė hengetang-Ku, mẽndalengu ene? – Ma-piangbe ıa deng manentiro si kamene –. ⁴⁸ I sie mẽsulungu tau-mata pia nėmangung bale nengali

niapakaralung dalung pundasine niapakaiane su watu hanibė. Tangu saraeng pia lėba ringan-gu ake u salu timangga e wale, ute bale ene tawe kađionge kimo-long, batu seng niwangung pon-dasi koae mapia. ⁴⁹ Arawe i sain naungbe ruđaringihė hengetang-Ku ku tawe tumatuhu, ute kai mẽsulungu taumata nėmangung balene ta pondasine. Kereu lėba e timangga e, ute wale ene mang-kewen apidu nopehe; ku kagha ghoghahe mambeng masaria!"

Mawu Yesus niapakapian ėllangu sengkatau soldadong Roma

(Mat. 8:5-13)

7 Tangu saraeng nasu e kaławou hengetange su tau-mata lawo e, i Yesus simu e su Kapernaum. ² Sene pia tėmbonangu soldadong Roma e pia ėllange ikėkėndage. Kuteu ėllang ene kai masaki marasai, ku seng marani mate. ³ Su tempon tėmbonangu soldado nakaringihė u kai pia i Yesus e, i sie rimo-loh'u pirangkatau manga tėmbonangu tau Yahudi iapėsombang i Sie tađeau pėgėgausė si Sie apadenta ku apakapiang ėllange. ⁴ Ene, saraeng i sire narėntae su anung Yesus, i sire mẽngka-

tewe mēḍēdorong tadeau i Sie mangambang tēmbonangu soldado e, "Tēmbonangu soldado e-ne hinong ambangeng i Tuang," angkuēng i sire si Yesus. ⁵"U i sie kai kükēndag'u wansang kite e ku seng nēmangung walem pēkakaliomanengang waug'i kami e."

⁶Tangu i Yesus mēngkatewe rimaleng sēngkahindō dingangi sire. Kutēu i Yesus seng mādaniem bale e tēmbonangu soldado ene rimolohen manga hapie su anun'E mēḍeāu iapēbera, "I Tuang manjeng tawe mētēngkasaghedē, solong baleku. Ia ta hinone manarima i Tuang su waleku e. ⁷Hakju ene ia sēsaku tawe wahani humaung si Tuang. Ku botongke pēhengetang sēngkamohong tadeau ēllangku e seng mule. ⁸U ia e malaing masasēllung su parentang mangangawasa ringangu su alungu ia pia lai manga soldado malaing harusē sumasumēllung su parentaku. Kereu ia mēbera su sēngkatau soldado, 'Rakoko!' ute i sie rumaleng; dingangu kereu ia mēbera su waline, 'Mahiko!' ute i sie mitu. Dingangu kereu ia mēparenta ēllangku, 'Pēkoako ini!' ute i sie mēkoā."

⁹I Yesus naralingu nakaringihē ene. I Sie nēbihi ku nēhengetang su taumata lawo mahuntolē si Sie, "Nanihing bue tau ēndai e. Su taloaran taumatang Israel e Ia mang ta nakahombang pangangimang kasēllahe kereini!"

¹⁰Tangu saraeng taumata nirolōhē e nēngkawali su waleng tēmbonangu soldado ene tangu ēllang ene napia e.

I Yesus napēbiah'u ana u sēngkatau wawine walu

¹¹Tawē karēngue samuring ene, i Yesus nakoā solong soan Nain. Manga murit'E ringangu taumata lawo e mahundingang i Sie. ¹²Ene saraeng i Yesus lūhaung pasēllangeng u soa e ute manga taumata ēnsae mēmpētētimbang taumata nate ene sarang likudu soa ute kai ana esē, ana u tau wawine walu mang sēmbau. Lawo taumatan soa e nēmpētaleing tau wawine ene. ¹³Ene saraeng Mawu Yesus nakasilo tau wawine ene, i Sie timalēntu e mase nēhengetang, "Kuhāe sumangi, bawine!" ¹⁴Bou e i Yesus himaung ringangu nanenggehē. Tangu mamamenteng e nangēdung ku i Ye-

sus nēhengetang, "Ei umbaseng Ia mēbera si kau pēbangungke!"
 15 Umbaseng nate ene nēpētje ki-maiang dingangu nanētāe nēbera. Tangu i Yesus e nēnarakangke si ninange.

16 I sire kēbjī e nēngkataku e ku nanētāe nēmpēdalo Mawu Ruata. I sire nēmpēbera, "Sēngkatau nabi masēllahē e seng limēto su taloarang kite e! Mawu Ruata e seng dimēnta tadeau makasalamatē kawanuan'E!"

17 Tangu habarē māanun halē i Yesus e nimēnē su patiku banuan Yudea ringangu ghalipohone.

Darolohang i Yohanes Mananahani

(Mat. 11:2-19)

18 Manga murid'i Yohanes e tangu nēmpaulje si Yohanes kaławou sabarang ene. Ene i Yohanes kimuje murite ruangkatau.
 19 Mase nēndolohen sire solong anun Mawu Yesus e ku nakiwalo, "Seng i Tuang tangu sarung dumēnta kere su riandin Mawu Ruata e arau mēnsang i kami reng iapangampalē taumata waline?"

20 I rēdua murid'i Yohanes e natamai solong anun Yesus ku

nēbera, "I Yohanes Mananahani nēngoro si kami pakibalo si Tuang, mēnsang i Tuang kai tau-mata ku sarung marēnta tumuhu diandin Duata e arau i kami mēngampalē taumata waline?"

21 Orasē ene, i Yesus napakapian taumata lawo dingangu nēnguserē kaławou rohkē daralakī apidu napēkēllan taumata wuta malawōe. 22 Tangu i Yesus simimbang, "Pēmpēsulē e solong anung Yohanes ku pēmpēhabarē apang kinaringihē dingangu kinasilong kamene: tau wuta nēkēlla, tau peosē nakaraleng, tau pia sakie pisi makatatakū naulē e, tau wengelē nakaringihē, tau nate nēbiahē sau, dingangu Injil'u Mawu Ruata e nilahabarē su taumata kasiang. 23 Kariangkamang, i sain tā kadiongeng dalengu mēsuniaļu Ia."

24 Su paluseng manga raro-lohang i Yohanes e, tangu i Yesus nanētāe nēhengetang su taumata lawo māanun Yohanes, angkuēng'E, "I kamene nahunsēbang solong banua linggi e kai mēmpēkakēlla apa? Hiung ipēgēgaghinggeng anging?
 25 I kamene nahunsēbang timingang apa tangu? Sēngkatau mēpēpakeang malēnggihē? Tau-

mata apang mēpēpakeang kerene ringangu mēbēbiahē masasēdapē e kai mētētana su waleng mararatu! ²⁶ Ku i kamene kai simēbang nēmpētingang apa tangu? Nēmpētingang nabi ngae? Ore! Limembolain sēngkatau nabi! ²⁷ Kai i Yohanes nāung ipēbēbalon ayet'u Winohe Susi ini,

'Ini e kai rarolohangKu,' angkuēngu Ruata e.

'Ia e sarung mēndoloh'i sie iapangalimona wō'i Kau, tadeau i sie iapēndiahi raralengangu e su tēngon'U!'"

²⁸ "Pētahēndungko," angkuēng i Yesus lai, "su dunia ini e taweu sarang sēngkatau limembong kasēllahe wō'i Yohanes Mananahani. Arawe taumata kakadodokang e sutaḷoarang kawanuan Duata e, limembong kasariane wō'i Yohanes Mananahani."

²⁹ Kēbi taumata – nasowa lai maghaghēlle bea e – ruḍaringihē si Yesus nēhengetang u haḷē ene; i sire ete taumata apan tutuhu manga atorangu Mawu Ruata ringangu napulu nakisahani si Yohanes e. ³⁰ Arawe tau Fari-

si ringangu manga mananēntiro agama e tawe manarima u tinggirang u Ruata e si sire. I sire madiri makisahani si Yohanes.

³¹ Mase i Yesus nēhengetang kapia angkuēng, "Kai Taku isihing suapa taumata tempo ini? Kai mēsulungu a i sire?"

³² I sire kai mēsulungu manga rario maḥungkaiang su pasarē; sēngkamonaēng mēmpēkēkui si sire waline, 'I kami mēsēsulungu lagun daḷuasē si kamene, kai i kamene mang tā kadiongeng mēsalai! I kamene mēkēkantariu kakantari makasusa kaiso i kamene mang tā kadiongeng sumangi!' ³³ I Yohanes Mananahani e rimēnta – i sie mēpēpuasa ringangu tawe manginung anggorē – ku i kamene nēmpēberau, 'I sie kinasuēkangu setang!' ³⁴ Ahusewen Taumata e rimēnta – i Sie kukaēng dingangu maḡinung – mase i kamene nēmpēberau, 'Kēllae taumata ēndai! Kombangeng, tahawukaneng, hapi u maghaghēlle bea ringangu hapiu taumata waradosa.' ³⁵ Maningbeng kerene, kata-tahuēnnan Mawu Ruata e nita-hutēngadeng bou kaḷawou taumata apan maḡarima i Sie."

Mawu Yesus su walen Simon

³⁶Ene sengkatau tau Farisi, arenge i Simon, nēnotē si Yesus kumaēng. Tangu i Yesus rimangeng su walene e kṽ naiang su meda e. ³⁷Kuteu su soa ene piā lai sengkatau wawine waradosa. Piā e i sie nakaringihē u i Yesus kṽkaēng su walen tau Farisi e, i sie rimēnta ringangu nēbawa wotoḷē pualam lohong lana mawēngi. ³⁸Kṽ i sie rimarisi su likud'i Yesus maraning laed'E kṽ kaŋangie, kṽ ēllong matane timēdō nēnanta laed'i Yesus e. Bṽ e laed'i Yesus mananta ene niēmṽeweng uta e mase nirēnguangē ringangu nilanisangu lana mawēngi. ³⁹Tangu saraeng tau Farisi nēnotē si Yesus nakasilōe haḷē ene, i sie nēbera e suraḷungu naunge, "Kereu tau ēndai e nabi, ute angkeēng i Sie masingka bue i sai tangu wawine nanenggehē si Sie ringangu kawē wawine waradosa!"

⁴⁰Kuteu i Yesus nēhengetang si Simon, "Simon, kai piā apa Takṽ ipauli si kau."

"Kerene e Tuang," angkuēngkewen Simon e, "mēngkate pēhengetang."

⁴¹I Yesus nēhengetang, "Piā duangkatau nēmpangutang su tau pinēngēdangeng doitē. Kṽ sengkatau nēngutang lima hasṽ doitē saḷaka, mase sengkatau lai limam puḷo sukaḷēpane roitē saḷaka. ⁴²I rēdua kēbi tawe nakawaehē utang ene, tangu i rēdua semben tawe niapamaehē. Kṽ i sai wṽu taḷoaran dēdua e limembong kakēndage su tau pinangēdangeng doitē ene?"

⁴³"Su pēndangku e ute i anu kakēpaḷenge utange ta niapamaehē e!" angkuēng i Simon.

"Tinēnmanu e nihino," angkuēng i Yesus. ⁴⁴Bṽ e i Yesus nēmanda su tau wawine ene ringangu nēhengetang si Simon, "I kau nakasilo wawine ini? Ia dimangeng su walenu, kṽ i kau tawe nēnadiang akē lauhasē laedēKu; arawe wawine ēndai e ute seng nēmurēsi laedēKu e ringangu ēllom matane mase niēmṽe ringangu uta e. ⁴⁵I kau tawe nanēnsomahē Sia dingangu laimbu, arawe wawine ēndai e ute tawe nangēdo nangimbu laedēKu rokeeweng ia narangeng sini e. ⁴⁶I kau tawe namēmbingu lana pinēlawi tēmbōKu, arawe wawine ēndai e ute seng nanēdō lana mawēngi su laedēKu

e. ⁴⁷ Kahëngang: kakëndage masaria ene e manodeu rosane lawo e seng nasue niampungang! Kereu i saing kadodo pangangampunge, ute i sie maiaing sarung kadodo kakëndage."

⁴⁸ Mase i Yesus nëhengetang su tau wawine ene, "Kalawou rosanu e seng niampungang."

⁴⁹ Manga taumata waine mahungkaiang kukaeng dingangi i Yesus nanëta e nëmpëbera sengkatau su waine, "I sai e tau ëndai e kawe lai mangampung dosa e?"

⁵⁰ Kuteu i Yesus nëhengetang su tau wawine e, "Ualingu i kau mangimang si Sia, i kau masalamatë. Dakoe kapule su pëdaramel!"

Manga wawine mëtëtangkiang si Yesus

8 Tawe Karëngue wou ene tangu i Yesus limuhu kalawou soa ringangu manga kampong tadeau mëhabar'u Injilë u Mawu Ruata seng nanëta mëparenta makoä Datu. I sire mapulo dua sukataune murid'E ute ringang'E. ² Kerene lai pirangkatau manga wawine apan seng naule wou rohkë dalaki dingangu sakie. I sire ene i Maria, isësëba

si Magdalena (rohkë dalaki pitu e naung seng nisëbang bou i sie); ³ i Yohana lai, kawingi Khuza, mëlëhalë su waleng Datu i Herodes; i Susana ringangu lawo lai manga wawine waine. Ringangu wawaeh'i sire hala ute i sire mëmpëtëtangkiang si Yesus dingangu lai manga murid'E.

Papinintung mananawuhë

(Mat. 13:1-9, Mrk 4:1-9)

⁴ Taumata mëngkatewe mahundëta solong anung Yesus wou kalawou soa. Ringangu su tempon seng lawo taumata natampung, i Yesus mëbëbëken papintu kereini: ⁵ "Piä e sengkatau mananawuhë bine. Kuteu kapanawuhete, piä bine nanawo su raleng. Sëngga ute nitahidan taumata ringangu sëngga nikaeng u manu u winalangeng e. ⁶ Piako lai nanawo su tampa mawatu ku su tempon himëtï, apidu nahëgu, watuu ëntanane mamarra. ⁷ Piako lai wine nanawo su taloaran sumpini. Tangu sumpini e timuwo sengkatuwo ringangu wine e, ku nakaëpisë hakïu nate. ⁸ Kuteu piako lai wine nanawo su ëntanane matawa, mase timuwo ringangu nëbua mahasu su kawene."

Saraeng bou nēbēkem papi-
nintu ene, i Yesus nēhengetang,
"Kamageng pia tuḷi, daringihē!"

**Kawe unḷe Mawu Yesus
nēpapinintu e**

(*Mat. 13:10-17; Mrk. 4:10-12*)

⁹Manga murit'i Yesus naki-
waḷo si Sie mangalēn papinin-
tu ene. ¹⁰I Yesus simimbang,
"I kamene seng nionggotang
u tahuēnna tadeḷu makaēnna
pinēnnisu maanun mēnsang ke-
reapa Mawu Kasēllahenge nēpa-
renta nakoḷa Datu e. Arawe i
sire waḷine ute tētēntirong di-
ngangu papinintu, mēdeḷu i si-
re kumakēlla, kaiso wēga wue
apa nariadi; ringangu i si-
re makadingihē, kaiso tawe ma-
kaēnna."

**Mawu Yesus maḷualag'u
papinintu maanung
sēngkatau mananawuhē**

(*Mat. 13:18-23; Mrk. 4:13-20*)

¹¹"Kai ini mangalēn papi-
nintu ēndaḷ e: Bine ene kai
hengetangu Ruata. ¹²Bine nasa-
wuhē suralēng mēsulungu tauma-
ta apan nakaringihē hengetang
ene. Arawe setang rimēnta ku
nēhampasē hengetang ene wou

naungi sire, mēdeḷu i sire ta-
we mēmpangimang ku mēngka-
saḷamatē. ¹³Bine nasawuhē su
tampa mawatu mēsulungu i si-
re naung su tempon nakaringihē
hengetang ene, nēnarimabe ri-
ngangu naung maraḷuasē. Kai-
so hengetang ene tawē hamḷe
suralungu naung i sire. I sire
nēmpangimang sēngkakonda, ku
su tempon sasaluka himombang,
i sire nēmpēdēndilē.^c ¹⁴Bine na-
nawo su sumpinḷi mēsulungu i si-
re apan nakaringihē hengetang e,
kaiso ghugēnggang u pēbawiah'i
sire ringangu mapulu mēbiahē
su kakakala dingangu karaḷunse-
mahē suralungu dunia ini. Kēbi
ene mangingpisē si sire hakḷu tawe
mēmpēbuam buane ma-
sasḷa. ¹⁵Bine nanawo su ēnta-
nane matawa e mēsulungu tau-
mata nakaringihē hengetang e,
mase nēndeso maēmpigē su
naunge ringangu katulide. I sire
mēmpangampalē sarang pia bua-
ne."

Soḷo nilingkubang u wēnsadē

(*Mrk. 4:21-25*)

¹⁶"Tawē taumata mēndikō
soḷo mase lingkubang u wēnsadē
arau isēllung suaḷung u raḷokang.

^c nēmpēdēndilē = murtad

8:10: Yes. 6:9-10



Sumpin? (8:14)

I sie sarung mamello u solo e tadeau taumata apan simue e makasilo tualage. ¹⁷Tawe apa mabawuni ku tawe ikasilo; ringangu tawe apa madalirung ku tawe sarung lumahē dingangu kasingkateng.

¹⁸Ualingu ene kakellako pakapia-pia apan seng kinaringh'i kamene. U i sain pia delaing ong-gotang pakalawoe; arawe i sain tala, ute lembene kadodo e relaing sarung pengalakeng."

I ninang dingangu anau sengkataung Yesus e

(Mat. 12:46-50, Mrk. 3:31-35)

¹⁹Ene i ninang'E ringangu manga tuhang i Yesus nahundenta solong anun'E, arawe i sire tawe nakahaung si Sie kahian taumata tumanju lawo. ²⁰Tangu pia sengkatau nēbera si Yesus e, "Tuang, i ninang dingangu manga mahuanen'U ene su likude. I sire mapulu mēsombang i Tuang."

²¹Kai i Yesus nēhengetang, si sire, "I sire apaewen dūdarinhē hengetangu Mawu Ruata e ringangu mēkēkoā ene, ute kai i sire i ninangKu ringangu ana u sengkatauKu e."

Mawu Yesus napakaledang dellang

(Mat. 8:23-27; Mrk. 4:35-41)

²²Ene su ello sēmbau i Yesus dingangkewen murit'E simake sakaeng. "Mahi e i kite dumaki solong sēmbekang dano e," angkuēng i Yesus si sire. Tangu i sire nēmpēbuā e. ²³Su tempong i sire kapēsakaenge, i Yesus kinahuntikilang. Sēngkēlēndie pia dellang timiu su rano e. Ake nanētae

nakasuë sarang dalungu sakaeng, hakju nakatatakü si sire këbi. ²⁴Manga murit'i Yesus himaung-ke si Sie kü nempamuko si Sie. I sire nempëbera, "Tuang Guru, Tuang Guru, i kite masilaka!"

I Yesus napuko mase nēmaļēndihē anging dingangu lua kapēgēgalumbange. Anging dingangu lua e naļēdæ kü dano e mēngkatewe naļene-ļenehē. ²⁵Mase i Yesus nēhengetang su manga murit'E, "Kawe unūe i kamene tawe mēmpangimang si Sia?"

I sire nēngkaralingu ringangu nēngkatakü. Kü nēmpahumbi-sara e i sire sēngkatau su waļine, "I sai tangu tau ēndai e hakju nēparenta anging dingangu lua, kü i Sie rēdaringihang!"

Mawu Yesus napakapian tau nikasuëkang u rohkë dalakie

(*Mat. 8:28-34; Mrk. 5:1-20*)

²⁶Mawu Yesus dingangu manga murit'E nanēpasen pēsa-sakaengi sire soļong nahumpa u wanuag Gerasa su sēmbēkang danong Galilea. ²⁷Kuteu sarang-ke i Yesus natumpa surulunge, i Sie nihaungangu sēngkatau esē nikasuëkang u rohkë dalakü. Tau ene wou soa. Seng marēngu ta mēlaļuhēn pakeange ringang-

u mađiri matana su waļe. I sie mēngkawe mapulu matana su ralungu manga liang tanpa u pēndaļēbingang. ²⁸Sarangke nakasilo si Yesus e, i sie nēmansagē mase nētēngkaēnsa su tēngong Yesus kü nēbera, "Yesus, Ahus'u Mawu Ruata Karangetange! Sarung koateng'U kereapa ia e? Ia mēkaļiomanengu abe panēnsara sia e!" ²⁹Tau ene makapëbera kere-ene ualingu i Yesus nēparenta rohkë dalakü e niapasēbang bo'i sie. Mēngkatewe seng masau i sie sēsawelangu rohkë dalakü e hakju maning lima ringangu laede seng maļaikü dingangu hante kü i sie lēlukadeng, kai i sie wēdang lai makabësu hante ene mase wēba-waēngu rohkë dalakü soļong banua linggi.

³⁰Mawu Yesus nakiwaļo su tau ene, "I sai arengu?"

"Arengu e 'Legiun'," angkuēngu tau ene – ualung kai lawo rohkë dalakü seng simuë e su ralungu watangenge. ³¹Manga rohkë daralakü e mēngkatewe nēmpēdorong sēngapam botonge tadeau i Yesus kumbahangbe mēnokoļi sire su Tēndihe Makapapate.

³²Kuteu maraning tanpa e-ne pia gapaēngu wawi kapēdeā e kaēng su lengeh'u wuļu-

de. Manga rohkë daralakî e nêmpëdongke si Yesus tadeau apamalan sire sêngapam botonge mahunsuë su manga wawi e-ne. Tangu i Yesus kimirë e. ³³Ene manga rohkë daralakî e nahunsëbangke wou tau e ku nahunsuë su wawi e. Kuteu wawi sênggapaenge mëngkatewe nahuntalang dingangu nahuntumpa wou wiwihu tigalu solong dano, bou ene nêngkalëmmisë.

³⁴Manga mëndalukad'u wawi e tangu seng nakasilo halë nariadie. Tangu i sire nahuntalangeke ku nêmpëbëkeng habarë e-ne su soa ringangu su kampong nalikue. ³⁵Mase manga taumata e nahunsëbangke nêmpëkakëlla halë nariadie. I sire nahundënta solong anung Yesus e, ku senë i sire nakaëba taumata wuhu nisëbangengu manga rohkë daralakisë kakaïange maraning laed'i Yesus e. I sie seng pia pakeange ringangu naunge seng matilang. I sire mëngkatewe nêngkataku. ³⁶Ene i sire apaewen nakasilo kakakoä e nêmpëbëkë e su manga taumata lawo e kereapa tau ene niapakapia. ³⁷Kuteu kalawowen dalohom banuang Gerasa e mëngkatewe nêmpëdong tadeau i Yesus manëntangu tanpa ene, u i sire mangkewen

mataku. Ku i Yesus e tangu simakë e su sakaeng e mase nësule. ³⁸Kuteu tau nisëbangeng u rohkë daralakî e kai nêdong si Yesus mëdeau i sie makakatole.

Arawe i Yesus kai rimoloh'i sie angkueng, ³⁹"Kapule e ringangu pëbëkeng apa seng kinoa u Mawu Ruata e si kau."

Tangu tau e tamai namombeng su kaguwau soa e, apa seng kinoa i Yesus si sie.

Ana i Yairus – Wawine nanenggehë si Yesus e (Mat. 9:18-26; Mrk. 5:21-43)

⁴⁰Su kawawalien Yesus e su sëmbëkan dano e, i Sie niam-pangeng dingangu kararaluasen sire watuu i sire e mëngkai mëkëkati si Sie. ⁴¹Kuteu rimënta e sêngkatau tëmbonang u jamaatë su tanpa ene. Arengë i Yairus. I sie mëtëtëngkasana su têngong Yesus ku mëkëkalïomaneng sêngapam botonge tadeau i Yesus apadangeng su walene, ⁴²ualingu mang sëmbau ene ana e wawine ku umbure mangawe mapulo dua su taunge, seng luhëdu.

Pia e i Yesus kahaunge waleng Yairus, taumata lawo e mëngkawe mësësasëngkilë walae wou tanpa sude. ⁴³Wou talo-

aran sire piako lai sengkatau wawine seng kapulo duane su taunge masaki redalengangu raha. I sie seng nakasue kebı darotonge pesesalima su dokter, kaiso mang taweu nakapia sarang sengkatau. ⁴⁴Bawine ene himaung si Yesus wou likudę, ku nanenggehę biwih'u laku'E. Orasę ene raraleng u rahane ringangkewen napoto. ⁴⁵I Yesus nakiwalo, "I sai nanenggehę Sia e?"

Tangu kebı taumata nempędędilę. Kuteu i Petrus nębera, "Tuang, kai męngkate lawo taumata męlęliwung si Tuang; i sire męngkate manęse si Tuang!"

⁴⁶I Yesus nęhengetang, "Kai pia tau nanenggehę Sia. Ia nakapędang batu pia kuatę simębang bou Ia." ⁴⁷Bawine ene nakahęngangke u kakako a seng kinasingkateng. Kuteu i sie himaung kakendene mase nęsuba su tęngong Yesus. Tangu i sie nębęke su taumata lawo e unę i sie nanenggehę si Yesus mase sakie naule su orasę ene lai. ⁴⁸I Yesus nęhengetang si sie, "AnaKu, ualing i kau nangimang si Sia ute i kau seng napia. Dalengke su pędarame."

⁴⁹Kuteu i Yesus będang męlęhengetang, sengkatau rarolo-

hange rimęnta wou waleng Yairus e. I sie nębera si Yairus, "Ahus'i Tuang bawine e seng nate. I Tuang maningke tawe sau mapakasiges a i Tuang Guru."

⁵⁰Sarang i Yesus nakaringihę ene, i Sie nęhengetang si Yairus, "Abe kataku, męngkate pangimang, ku ana u mule wue."

⁵¹Sar aeng naręnta su waleng Yairus ute, i Yesus tawe nipakawala sarang sengkatau niaparangeng dingang'E kętau i Petrus, Yohanes, Yakobus dingangkewen i ninang iamangu rario. ⁵²Ene kebı męngkatewe mahunsangi dingangu mahulungkang batu kapapateng ana e. Arauwe i Yesus nęhengetang, "Abe pęmpęsangi. Dario ene balinewe nate, kaiso kętaeng mętętikı!"

⁵³Ene i sire kai nahulęgen Yesus, watu i sire masingka u, i sie mambeng nate. ⁵⁴Bou e i Yesus nęngumpaedę limang ana ene ku nęluntingihę, "Pębangungke, inang!" ⁵⁵Tangu rohkę u rario e nęsule su anung dario e ku orasę ene lai i sie nębangung. Bou e i Yesus nangoro si sire pakiong-goteng kaęnge rario ene. ⁵⁶Ene manga gaghurangu rario e mangkewen dimalınau ta sihinge. Kai i Yesus nęsęding i sire u kum-

bahang mēhabarē apan nariadi e sarang su sēngkatau.

ngangu mapakapian taumata masasakī su apan tampa.

Mawu Yesus nēndoloh'i sire mapulo dua murit'E

(Mat. 10:5-15; Mrk. 6:7-13)

9 Mawu Yesus kimui si sire mapulo dua murit'E, mase nangonggoen kawasa mēdeau manguserē rohkē dalakī dingangu mapakapian sakī e. ²Bou e i Sie nēndoloh'i sire iapakapian taumata masasakī dingangu apēlēhabar'u habaru māanun kereapa Mawu Kasēllahenge mēparenta makoa Datu. ³"Abe pēmpēbawa manga apa su raralengangu," angkuēng i Yesus si sire. "Abe pēmpēbawa tēking, arau petang sasēmba, arau kaēng, arau roitē, arau lai manga pakeang taha duanibau. ⁴Ku suapaewen i kamene nipakawala nēmpētana ute pētanae sene sarang i kamene manēntang soa ene. ⁵Ku suapaewen i kamene tawe iapapa-kawala, ute su oras'u i kamene manēntang soa ene ute tontongko awulē bou laed'i kamene, ipēsahidi si sire."

⁶Manga murit'i Yesus nahundaleng mase māngēliku kalawou soa ku mēlēhabar'u Injilē e ri-

I Herodes nēbimbong

(Mat. 14:1-12; Mrk. 6:14-29)

⁷Saraeng i Herodes mēpēparenta su Galilea nakaringihē kalawou halē mādiadi e, i sie nēbimbong. Watu pia u nēbera u i Yohanes Mananahani e seng nēbiahē kapia. ⁸Piako lai sēngga nēbera, u i Elia sau nētēngkasilo. Sēngga lai nēbera, u pia sēngkatau nabi wou manga nabi kalamonane sau nēbangung kapia. ⁹I Herodes e ute nēbera, "Ia seng nēndoloh'u taumata nakiwusa u tēmbō i Yohanes e. Arawe tau ēndai e, i sai tangu i Sie? Seng lawo taku kinariningihē māanun Sie." Ku i Herodes niēngkai mēdēdeā makasilo si Yesus e.

Mawu Yesus napakaēng i sire lima liwu sukataune

(Mat. 14:13-21; Mrk. 6:30-44)

(Yoh. 6:1-14)

¹⁰Ene manga rasulē e nēngkawali e, ku nēmpēbēke si Yesus kalawou apang kinoā i sire. Tangu i Yesus niēngkatewe nēmaringang si sire, mase tamai ringangkewen sire nētēngkaghea

solong soan Betsaida. ¹¹Kuteu sarangke taumata lawo naka-singka u kerene e, i sire nempetuhu si Yesus. I Sie nana-rima i sire mase nēbisaran sire maanung kereapa Mawu Ruata e nēparenta makoā Datu. Ku i Sie lai napakaulen masasaki e sutalo-aran sire.

¹²Saraeng matanggello nanē-tae napihe, i sire mapulo dua murid'i Yesus nempēhaungke si Sie ku nempēbera, "Tuang, tanpa ini kai naghea. Mapia-we i Tuang nēndoloh'u taumata lawo iapēkaesē mēdeau i sire na-kapēdeā kaēng dingangu kawawu-nakeng su manga weo e ringangu su manga kamponge tamai sini mangēlikue."

¹³Kuteu i Yesus simimbang, "I kamene e apakaēng i sire e."

Manga murid'i Yesus nempēbera, "Si kami ēndaung sēngapaen kate borotē limambau dingangu kina duambua. Ku apa i kami mēnsang harusē tamai mamēlli kaēng baug'u taumata ini kēbi?" ¹⁴(Kai naung mangawe lima hiwu sukataune esē sene.)

Mawu Yesus nēhengetang su manga murid'E, "Apakaiangko i sire ēndai e apēkamonaēng

pētahā limang pulo sukataune sēngkamonaēng."

¹⁵Manga murid'i Yesus e nempēkoā ewe apan nipēhenge-tang i Yesus si sire. ¹⁶Ene i Yesus nangaļae borotē limambau dingangu kina duambua e mase rūdaļingarā e solong langi e ku nakitarimakasē su Mawu Ruata e. Bōu e i Sie nēkakakempangke borotē dingangu kina e ringang-kewen liman'E mase tinēgone su manga murid'E tadeau ipēpapa-hia su taumata lawo e. ¹⁷Tangu i sire nahungkaēngke kēbi sarang nēngkalaedē. Ku manga murid'i Yesus nēmpangomoleng lēmbem bōu nikaēng i sire kakēpalē mapulo dua su luwene.^d

**Pangangakun Petrus
maanun Mawu Yesus e**
(*Mat. 16:13-19; Mrk 8:27-29*)

¹⁸Su ēllo sēmbau e, pia i Yesus mēkēkaļiomaneng sēsane, ku manga murid'E rimēnta su anun'E. I Yesus kai nakiwaļo si sire, "Angkuēngkewen taumata, kai i sai la e tangu?"

¹⁹I sire simimbang, "Pia u mēbēbera u kai i Yohanes Mananahani. Piaکو lai mēbēberau kai i Elia, sēnggaete wue u-

^d patangane = bakul

te mēbēberau kai sēngkatau wou taŋoaran manga nabing kaŋimona-ne ku sau nēbangung kapia."

²⁰"Kuteu angkuēngbeng kamene ute i sai wue tangu Ia ini?" angkuēng i Yesus.

I Petrus simimbang, "I Tuang kai Ratu Mananaŋamatē seng nirianding Mawu Kasēlla-henge."

**Mawu Yesus mēbēbisara
maŋanun sēnsara ringangu
papaten'E**

(*Mat. 16:21-28; Mrk. 8:31-9:1*)

²¹Kuteu i Yesus nēhengetang su manga murit'E, "Mēngkatewe kumbahang mēhabarē halē ene su sarang sēngkatau." ²²I Yesus nēhengetang lai, "Ahus'u Taumata e maŋaŋ hinong makēdang mētatahang u sunsara ikadirin manga matatebone ringangu manga imang tēmbo-nange ringangkewelain manga mananētiron agama. I Sie sarung pateēng, arawe su katēllu ēllone sarung iapēbangung kapia."

²³Bou e i Yesus nēhengetang su kēbi taumata apang ene sene, "I sai mapulu tumole Sia ute

harusē mētimbuleng kapulum batangenge manapuā kuruisse apang kalaēllo ku mēngkatewe tole Sia.

²⁴U i sai mapulu mētatahangu pēbawiahe ute sarung kailangeng u pēbawiahe. Arawe i sai manarakang u pēbawiahe waug'u Ia e, ute sarung ipakasalamatē.

²⁵Apa wue gunane su sēngkatau managhuang kaguwau dunia ini, kuteu i sie makagholang dingangu kailangengu pēbawiahe?

²⁶Kereu i sai mamea mangakung Ia dingangu tēntiroKu ute Ahus'u Taumata sarung lai mamea mangakun sie su tempong i Sie sarung dumēnta ringangu kawasan'E, ku dingangu kawasang i Amang dingangkewelain kawasan manga malaekatē masusi e! ²⁷Kēngkasingkako: u wou taŋoarang kamene tamai ini e pia u tawe makatemang papate e tēntalang i sie reng tawe nakasilo Mawu Ruata nēparenta."

Mawu Yesus niapakawantugē

(*Mat. 17:1-8; Mrk. 9:2-8*)

²⁸Mangawe sēngkamisa, Yesus nanētiron manga halē e, i Sie namaringang i Petrus, i Yohanes dingangi Yakobus si-

maka wu_ɾude, ku nēka_ɾlioma-neng. ²⁹Kuteu pia e i Yesus mēkēka_ɾliomaneng sene, ghatin'E nēba_ɾlui ringangu pakeang'E ku_ɾkerong nētēngkawira. ³⁰⁻³¹E-ne sēngka_ɾlēndi e pia taumata ruangkatau i Musa rēduan Elia nētēngkasilo sura_ɾlungu tua-lagē bou sorga. I sire ma_ɾhum-bisaran Yesus ma_ɾanung kapapo-hong'E seng tawē karēngue lai sarung da_ɾlangang'E su Yerusa-lem. ³²Su tempo ene i Petrus dingangu manga hapi e mētē_ɾtiki, sēngkianu nēngkapuko ringangu nakasilo si Yesus simēnnang di-ngangu ruangkatau ma_ɾhundarisi dingang i Sie. ³³Ene pia e i rēdua e mētē_ɾta_ɾlejen Yesus tangu i Petrus e kai nēbera si Ye-sus, "Tuang Guru, napiang koa e i kite sini. Mapiangbe i kami mēndarisi sello tatēllu: sēmbau si Tuang, sēmbau si Musa ringan-gu sēmbau lai si Elia." (I Petrus nēbera kerene wēga wue kai apa iwēberane.)

³⁴Kuteu i Petrus kapēbera-ne, pia e winawa ku nangēllung si sire, hakiu i sire nēngkataku. ³⁵Kuteu wou winawa ene kina-ringihē tingihē mēbēbera, "Ini

e AhusēKu pinileKu. Pēdaringihē si Sie!"

³⁶Saraeng tingihē ene nangē-dung, i sire nakasilōe si Yesus sēsane sene. Manga murid'i Yesus mēngkatewe nēndēm_ɾmasu kēbi e-ne, dingangu tawe nēmpēbēke si sai-sai apang ku seng kinasilon si-re.

Mawu Yesus napakapian ana nikasuēkangu rohkē da_ɾlakī

(Mat. 17:14-18; Mrk. 9:14-27)

³⁷Sēngkariōēllone i Yesus dingang i sire tēllu murid'E kapahundēsunge wou wu_ɾude e-ne, ku gapaēng u tauma-ta lawo ma_ɾnēnsomahē si Ye-sus. ³⁸Sēngkatau esē bou ta_ɾlo-aran taumata lawo e nēpa_ɾlehe, "Tuang Guru, tu_ɾlungko kakēllai anaku – kai kētaeng mang sēmbau ene anaku e! ³⁹Kama-geng rohkē da_ɾlakī sumake si sie, i sie mēngkatewe pēsēngkia-nu mēpēpa_ɾlehe ringangu wa-dang e iapēkēkahimbēsō e hakiu mēnēnēbu mohonge. Rohkē ene mēngkatewe mapakabau i sie ri-ngangu tawe sumēbang bou anu-ne! ⁴⁰Ia seng bou nēdorong su manga murid'i Tuang, apanoko_ɾ'u

rohkë ene, kaiso i sire mang ta makakoã.”

⁴¹I Yesus simimbang, ”Bali-newe ma_longko i kamene ini! I kamene mang têngadë taumata makaka_lubengko dingangu tawe mangimang! Delaing ka_dëngue ia harusë mëtana dingangi kamene ringangu mëtinkëdang i kame-ne? Ramahie wawa ana_u ene!”

⁴²Kuteu rario buh_ue l_uhaung si Yesus, rohkë da_laki e ma-pëdëda_lahintu i sie hakiu wa-dange mapëkakahimbësoe. Ku i Yesus naggoro rohkë da_laki ene pasëbang ku dari_o e napi_ae. Ma-se rario ene ni_sasule si amange. ⁴³Këbi taumata e mangkewen nëmpëda_linau nakasilo kawasan Duata e kawe kereng kawantuge.

**Mawu Yesus sa_uewe
nëbisarang ha_lëu papaten'E**

(*Mat. 17:22-23; Mrk. 9:30-32*)

Su tempong i sire mëngkate-we wëdang mëngka_herangu naka-silo apang këbi këkoateng'E, ute i Yesus nëhengetang su manga murid'E, ⁴⁴”Pëkakëllako pakapia-pia ku ariëbe kiwulei manga hengetangKu ini: Ahus'u Tauma-ta e sarung isarakang su kawasan taumata e.” ⁴⁵Arawe manga mu-

rit'i Yesus e tawe nakaëna wa-weran'E e. Ku ha_lë ene mëngkai ma_dalirung si sire, madiringu i sire makaëna. Kuteu i sire ghugoë makiwa_long ha_lë ene si Sie.

I sai e ka_guwakenge?

(*Mat. 18:1-5; Mrk. 9:33-37*)

⁴⁶Su ta_loaran manga mu-rit'i Yesus mëmpëdëdarende_h'u maanung mënsang i sai e woi sire ka_guwakenge. ⁴⁷I Yesus masingkau tinënnan sire, hakiu ene i Sie nanga_la sengkatau rario ka_dodo_o ku niapararisie su rëduh'E. ⁴⁸Mase i Sie nëhenge-tang su manga murid'E, ”I sai manarima u rario ini ua_ling u Ia e mangalene ute mënarima u Ia. Ku i sai mënarima u Ia e, ute mënarima i Sie ku nëndoloh'u Ia e. Batuu i saing kakadodokang e su ta_loarang kamene e, i sie kai ka_guwakenge!”

**I sain tawe rumoka si
kamene, ute hapi i kamene**

(*Mrk. 9:38-40*)

⁴⁹I Yohanes nëberau, ”Tu-ang, i kami nakasilo pia tau manokolu setang sura_lungu a-rengi Tuang, ku i kami nësëding

i sie, watu i sie waline we'i kite."

⁵⁰ "Abe pēsēding i sie," angkuēng i Yesus si Yohanes dingangu manga murid'i Yesus waline, "u i sai tawe rumoka si kamene, ute su sēmbēkang kame-ne."

**Pia kampung sēmbau su
Samaria tawe
nanarima i Yesus**

⁵¹ Ene saraeng maraning tempone i Yesus mahengke solong sorga, i Sie namutusē tadeau makoā solong Yerusalem. ⁵² Tangu i Sie rimolohen tau niapangalimona si Sie. I sire apan nirolohē ene nahundalengke, mase nahunsuē e su kampung sēmbau su Samaria mēdeau mēndiahing kēbi ene si Yesus. ⁵³ Kaiso i sire su kampung ene tawe manarima i Yesus, batu mamben malahe-lahe u i Sie kawe kaḍalenge solong Yerusalem. ⁵⁴ Tangu, su tempong manga murid'i Yesus ku i Yakobus dēduan Yohanes masingkaeng halē ene, i sire nēmpēbera e, "Mawu, kawe Mawu mapulu, i kami mēgahagho tadeau pia putung ēnaē

katēntung bou langi ku panutung si sire ini e?"

⁵⁵ I Yesus nēbiling, mase namalēndihē si rēdua e. ⁵⁶ Bou e i sire nēngkakoā e solong kampung baline.

**Taumata apan mapulu
makoā murid'i Yesus**

(Mat. 8:19-22)

⁵⁷ Kuteu i Yesus dingangu manga murid'E kapahundalenge, pia tau nēbera si Yesus, "Tuang, ia mapulu tumole si Tuang suapaewen dalengangu e!"

⁵⁸ I Yesus simimbang, "Dalugē^e e pia liange ringangu manu u kinoaēng e pia pangangēlungang-e, arawe Ahus'u Taumata ute taweu pangirulumang u tēmbo e." ⁵⁹ Mase i Yesus nēhengetang su sēngkatau waline, "Tolē e si Sia."

Arawe tau e nēbera, "Tuang balako ia mapule kalimona mēlēbing iamangku e."

⁶⁰ Yesus simimbang, "Balae taumata nate e apēlēbing u taumatane nate sēsane. Arawe i kau, rakō e ku pangekeng habar'u Mawu Ruata seng nanēta e nēparenta."

^e sarigala

9:54: 2Rat. 1:9-16

⁶¹ Pia lai sengkatau wai_rline nēbera, "Tuang, ia mapulu tumole si Tuang, ku balako ia mapule kalimona mēdeau mēkata."

⁶² Yesus nēhengetang su tau ene, "Ku seng nanēta nēmungkalang ēntana e, mase mēbihi solong likude, ute tawe hinone makoā komolangu umat'u Mawu Ruata."

Mawu Yesus nēndoloh'u murit'E pitum pulongkatau

10 Bō ene Mawu e nanēbō lai pitumpulo murit'E wai_rline, mase nēndoloh'i sire taha duangkatau niapangalamona si Sie su apan soa ringangu tanpa sarung karēntaēng'E. ² "Pamēnsakenge masēllahē," angkuēng'E si sire, "arawe mamamēnsae kētaeng mahali. Batū ene pēmpedorongke su Taghuange tadeau i Sie mēndoloh'u mēlahalē e mēdeau manipo wuane. ³ Ho! dakōe pēmpahundalengke! ku ene ēng! Ia mēndoloh'i kamene tabidau rumba sutaloaran sari-gala. ⁴ Abe pēmpēbawa kawihu roitē, arau ponde arau sapatu. Abe pēngēdung sutaloaran daleng ku mēmpētabea su sarang

sengkatau. ⁵ Kamageng i kamene rumangeng su wai_rle, pēmpēbera kalimona, 'Karimako pia pēdaramē su wai_rle ini.' ⁶ Ku kereu sene pia taumata mapulung pēdaramē, ute tabeau pēdaramenu e mēngkai matana si sie. Kereu tala ute, saūewe wai_rle ka-pia tabeau pēdaramenu ene. ⁷ Ku kēngkatana su wai_rle sēmbau ene. Pēmpanarima apang ku nisiliwirē sene si kau, batū i sai mēmēmunara e hinone wue makahombang bawaehe. Abe pēmpangaling bō wai_rle sēmbau solong bale wai_rline. ⁸ Kereu i kamene rumēnta su soa sēmbau ku sene i kamene nitarima dingangu mapia ute, kaēngke apang nisadia sene si kamene. ⁹ Apakauleko taumata apang masasaki su soa ene ku pēmpēhabarēko su taumata sene, 'Mawu Ruata e seng masanggidu tempone mēparenta makoā Datu su taloarang kamene.' ¹⁰ Arawe kamagengu i kamene rumēnta su soa sēmbau ku sene tawe nitari-ma ute, pahunsēbang solong daleng ku pēmpēbera, ¹¹ 'Saralaing awulu soang kamene rimēka su laed'i kami e, tontongangbeng kami e makoā tatiala si kamene.

Ku kěngkasingkako u kai seng maranin tempone Mawu Kasělla-henge maněta měparenta makoa Datu su taloarang kamene!"
 12 Pětahěndungko, su Ėllong Kiamatě, tau Sodom sarungbe limembong kalowokange ampungang u Mawu Ruata sulungu tau-matan soa ene!"

**Manga soa tawe
měmpangimang**

(Mat. 11:20-24)

13 "Kaěngkěhang i kamene, Korazim! Dingangu kaěngkěhang i kamene Betsaida! Kereu manga apa makalaherang ku seng nikakoa su talorang dua e seng nikakoa su soan Tirus dingangu Sidon ěngkudeng manga taumata pai sene seng marěngu němpěto-batě bou kalawou rosan sire, ku němpěluheng pakeangu lutu ringangu němpěnawuh'u awulě su wowon těmbo i sire. 14 Maěndokangbe tau Tirus dingangu Sidon ampungangu Mawu Ruata sulungu i kamene, su Ėllong Kiamatě. 15 Dingangu i kamene Kapernaum! I kamene mąngiralingu i kamene kai sarung masapua

solong sorga? Tala! I kamene sarung irěmmě sarang naraka!"

16 Mase Mawu Yesus něhengetang su manga murit'E, "I sain dudarangihě si kamene, rudaringihě Sia. I sai manuhud'i kamene, kai manuhudu Ia, ku lai manuhud'i Sie rimolohu Ia e."

**Kawawalı u manga muritě i
sire pitumpulo**

17 I sire pitumpulo muritě e něngkawalibe ringangu naungi sire maraluasě kahěngang. "Mawu," angkuěng i sire, "kalıngung manga rohkě daralakı e sūsuměllung si kami kahiang pěmarentang kami e si sire su areng u Mawu!"

18 Mawu Yesus simimbang, "Ia e nakasilo setang ěnnae nanawo wou langı kere kilā. 19 Kěngkasingkako! I kamene seng Taku niongotangu kawasā tadeau i kamene makatahıda těmpu ringangu i ninangu lipang dingangkewe mamědi kaguwau wuntuangu roka, ku mambeng ta makapěkapura si kamene. 20 Maning seng kerene, abe pahuluasě ualingu manga rohkě daralakı e



Bakunang (10.19)

susasumiëllung si kamene. Endokang i kamene pëmpahuľuas u areng i kamene mabawohë su sor-ga."

Mawu Yesus limuasë

(Mat. 11:25-27, 13:16-17)

²¹ Su orasë ene lai i Yesus limuas u Rohkë Susi e nëkaradiahang si Sie. I Yesus nëhenge-tang, "Amang, Mawu kawang langi dingangu dunia! Ia makita-rimakasë si Kau watu këbi ini ipakapënis'u taumata mapapan-de ringangu matatahuëna, kaiso kareau mang nilahë u su kalawou taumata reng ta nasikola. Ene e makaluasë naung i Amang.

²² Patiku sabarang seng nisa-rakang i Amang si Sia. Taweu sarang sengkatau masingka u A-

husë ketaewen i Amang'E. Taweu lai masingka i Amang mantiewen Ahusë e dingangu i saiewen i kapulung Ahusë e pëlahékangu i Amang'E."

²³ Mase i Yesus nëbihi su manga murit'E, bou ene nëhenge-tang si sire hala, "Kariang-kamang i kamene watu seng nakasilo apau nikasilong kame-ne orasë ini. ²⁴ Kai pëtalëndung: Bue lawo nabi ringangu ratu mapulu makasilo apang kinasilong kamene orasë ini, kaiso tawe i-kasilon sire. I sire mapulu ru-maringihë apang kinaringih'i ka-mene orasë ini, kaiso tawe ika-ringih'i sire."

Papinintun tau Samaria matalëntu

²⁵ Bou e pia sengkatau mananëntiro agama nëbua mënangkä si Yesus. I sie nakiwalo, "Tuang Guru, kai mëkapuräe ia e tadeau makahombang pëbawiahë patu-tune ringangu kakalë e?"

²⁶ I Yesus simimbang, "Apatangu mabawohë suralungu Winohë Susi? Kerea tinënnanu su halë ene?"

²⁷ Tau ene simimbang, "Këndagëkon Mawu Ruatanu ringangu kaguwau naungu, ringangu kaguwau kuat'u kù dingangu kaguwau laënnanu kù këndagëkong kasanggidangu mësulungu i kau kumëndagu watangengu."

²⁸ "Sasimbangu e nihino," angkuëng i Yesus. "Pëkoako kere kù i kau sarung mëbiahë."

²⁹ Kai mananëntiro agama ene mapulu mëtëngkahinom batangenge. I sie nakiwalo, "I sai wue kasanggidangu e?"

³⁰ Yesus simimbang, "Pia sengkatau esë dimësung bôu Yerusalem solong Yerikho. Su taloaran daleng i sie nihombangengu taha pëngaho, nihampasë kalawou rarotonge, nibawawëbahë sarang masaramate, mase niwala ralimbatange su raleng dingangu lese e ghëguwa. ³¹ Nësarëta u lai sengkatau imang narësungu raleng ene. Kutëu i sie nakasiloe tau ene, i sie mëngkatewe limihi pai wou sëmbeëkane kù mëngkai rimaleng. ³² Kerene lai ringangu sengkatau hiten tau Lewi e rudësung sene, suapaewen nikasilone tau ene, nihaungange kapëpëpatehe si sie. Kaiso i sie

nëtëngkaghea sarang sëmbeëkan daleng, mase mëngkate rimaleng.

³³ Arawe wou ene piako lai sengkatau wou Samaria nasahe suraleng ene. Saraeng kinasilone tau ene, ute naunge mëngkatewe nëkakalëkaden tatalëntu. ³⁴ Kù mëngkatewe tamai himaung tau e mase namurësi manga lese e niuhasu anggorë kù niundangengu lana, bôu e namëkisë manga lese ene. Mase i sie nënduiju tau ene su wowong kalidene sësane, kù niëntudë su wale kawawunakeng dingangu nipaduliange. ³⁵ Sëngkarioëllone i sie mangukahë doite salaka ruang kalëpa kù nitëgone su taghuangu wale e apidu nëbera, 'Padulie wue i sie kù apaeweng manga wawaehë baline ute, sarung taku baehang kereu ia mawali kapia sini."

³⁶ Bôu e i Yesus nëngënsueeng bëkene ringangu kakiwalo ini, "Bôu i sire tëllu ene i sai e su ënnanu nakoå kere tau kasanggidange wou tau nihampasë e?"

³⁷ Mananëntiro agama e nikiwalongu ene simimbang, "Tau kù seng timalëntu u tau ene!"

"Ho, dakoe kù pëkoå e kere ne lai!" angkuëng i Yesus.

Yesus nētiwo si Marta ringangi Maria

³⁸ Bōu e i Yesus dingangu manga murit'E nēsawewe rimaleng kŭ narēnta e su kampong sēmbau. Sene pia sengkatau wawine arenge i Marta, nighausang i Sie solong balene. ³⁹ I Marta pia tuarine arenge i Maria. I Maria e kimaianke maraning Mawu Yesus dūdarangihē manga tēntiron'E. ⁴⁰ Arawe i Marta e mēngkatewe matasibung^f halē u wale. I sie himaung si Yesus kŭ nēbera, "Mawu, apa Mawu ta mēsasēmpī si Maria nanētangu halē pinakihalē si sia sēsaku? Dolohēko i sie pētulungu ia!"

⁴¹ "Marta, Marta!" angkuēngu Mawu. "I kau mēngkatewe ghugēnggang dingangu tasibu mētētinnan halē lawo; ⁴² sēmbaliau halē kahumotongange mang sēmbau. Kŭ i Maria seng namile apang kapiaēnge, kŭ tawe sarung ikaala wō'i sie."

Tēntiron Yesus māanum pēkakaliomaneng

(Mat. 6:9-13, 7:7-11)

11 Su sēnsulē tempo i Yesus mēkēkaliomaneng su tampa sēmpalang. Saraeng nasueng kaliomanenge tangu, sengkatau wōu taloarang manga murit'E nēbera, "Mawu kēnang tēntiroi i kami mēkaliomaneng kereewe i Yohanes nanētiro manga murite mēmpēkaliomaneng."

² Tangu i Yesus nēhenge-tang si sire, "Kereu i kamene mēmpēkalioameng ute, pēmpēbera kereini,

'Amang,

i Kau e Ruata mang
Sēmbau.

Karimako i Kau
sēsēmbaēng dingangu
lēadateng.

³ Gēlirengkon biah'i kami
mēllo-mēllo

^f kēkalipusaneng = sibuk

10:38-39: Yoh. 11:1

kerewe ghëgausang i
kami.

⁴ Ampungeko kalawou rosang
kami,
batu i kami lai
mëngëngampung su
taumata
apan mëmpësësala si kami.
Dingangu abe wala i kami
kailangengu pangangimang
su tempong i kami
sësälukateng.'"

⁵ Yesus nëhengetang su ma-
nga murid'E, "Kereu pia sëng-
katau wou taloarang kamene
ku makoä solong balen hapie
këkaloarangane ku mëberau, 'Hapi,
mëngëdangko borotë u tëllum-
bau, ⁶ u piako hapi ku kalëngange
wuhu-wuhu rarangeng su wale ku
ia e tawë u ipësake si sie!' ⁷ Ku
kereu hapi u nirëntaëngu ene su-
mimbang kereini, wou ralungu
walene, 'Abe pëtaghal si sia! Tu-
kadë seng nipapale ku i kami
tahanä kai seng nëtiki. Ia ta-
we makawangung dingangu tawe
makaghëlliü apa-apa si kau.'"

⁸ "Mase kerea?" angkuëng i
Yesus tuhue. "Ia mau! Maning-
be lai i kau hapie, kai mang
tawe mapulu i sie mëbangung
dingangu mëgëlliü apa-apa si
kau. Kai ualingu i kau mëngka-
te hanesë mëdëdorong dingang-
⁹ nëngkananiang = heran, takjub

u wëgawen mamea e ute
marale mang mëbangung ku
mangonggou apang gausangu.
⁹ Ku, ia mëbera si kamene:
Pëmpëdorongke, tangu i kame-
ne sarung onggoang; pëmpëdeä,
ku i kamene sarung makareä;
pëmpanengkohë ku tukadë e sa-
rung topeëng. ¹⁰ Ualingu i sai
mëgausë e sarung makatarima; i
sai mëdeä sarung makahombang,
dingangu i sai manengkelë e sa-
rung topeëng. ¹¹ Sutaaloarang ka-
mene, apa pia i amang ku mëgëlli
u tëmpu su anä e, kereu i sie
mëdorong kina? ¹² Arau mëgëlliü
wakunang kereu i sie mëdo-
rong tëlluhë? ¹³ Maningbe i ka-
mene ralaki, i kamene masingka
lai mëgëlli u apang mapia su anä
u. Dumakelengbe lai i Amang su
Sorga! I Sie sarung mangonggo u
Rohkë'E si sire apan mëgëgausë
si Sie!"

Yesus dingangu Beelzebul

(Mat. 12:22-30; Mrk. 3:20-27)

¹⁴ Pia su sahëllö, i Yesus ma-
noko lu rohkë dalaki bou sëngka-
tau mou. Saraeng rohkë dalaki
ene simëbang, tau e nanëtae na-
kawera. Lawo taumata mangke-
wen mëngkaherang,⁹ ¹⁵ kaiso pia
u nëmpëbera, "I Sie makapëno-

kolu rohke dalaki e ualingu kawang Beelzebul tẽmbonangu rohke dalaki e.”

¹⁶ Pia lai i sire waline ku mapulu mẽmpenangka si Yesus, ku i sire mẽdedorong tadeau i Sie apekekoa sembau tanda malaherang kere makoa tatualang kai i Sie rimenta wou ann Duata. ¹⁷ Kai i Yesus masingkau tinennan sire. Tangu i Sie nehengetang si sire, ”Kereu pia kararatuang sembau ku napahia suralungu pirang kamonaneng ku mẽdedaralai sembau su waline ute kararatuang ene tawe tumei. Dingangu anau sembau ku napahia-pahia ringangu lai mẽdedaralai sembau su waline sarung magholang. ¹⁸ Kerene lai suralungu kararatuangu setang; kereu pia sengkamonaeng mẽndoka lai kamonaeng waline, ute kararatuang ene mambem mahaka. I kamene nempebera u Ia manokolu rohke dalaki ualingu kawasan Beelzebul. ¹⁹ Kamageng kerene kai ringangu kawang sai wue manga murit’u manokole rohke daralaki e? Manga murit’u e sesane napakalahe u i kamene kawe nesala! ²⁰ Arawe Ia e nano-

kolu rohke dalaki dingangu kawang Duata ku ene mangalem Mawu Ruata e seng kapenetae mẽparenta sutaloarang kamene.

²¹ Kereu sengkatau matoghase dingangu mangkewen nepalanghidi natimu mẽlehapa walene sesane tangu kalawou rarotonge tawe mẽkapura. ²² Kai kereu piau sengkatau limembong katoghase mẽndoka dingangu mamata si sie, tangu tau limembong matoghase ene mangala patiku aghidi naung palangumblaẽngu taghuang bale e, mase mẽpapahiau kalawou salbarang ene.

²³ I sain baline ringangKu, mamben tengade dumoka Sia, ku i sain tawe mẽsumbala si Sia ute mambeng makagholang haleKu!”

Pesasulen rohke dalaki e

(Mat. 12:43-45)

²⁴ ”Kamagengu rohke dalaki e manentang u pesengkatau, rohke ene mẽtetellamaeng^h su wanua mamara mang kapedea e tampa pangiruleng, kaiso i sie mang makahombang. Ualingu ene i sie neberau, ’Ia mẽsule e su waleku taku nilintukang!”

^h mẽpepapalili

²⁵ Su tempo i sie masongoe sene, sengkahombange wale e nawurēsi ringangu maatorē. ²⁶ Mase i sie rimaleng kụ nēmaringang i sire pitu rohkē baline kụ limembong karalai e wō'i sie. Bōu e i sire mahunsuē e suralungu tau ene kụ mēngkatana sene. Dingangu samurine kakakoā tau ene mēngkate limembong dalai bōu kałamona."

Kariangkamang patutune

²⁷ Saraeng i Yesus nēhenge-tang kerene sengkatau wawine wōu taloaran taumata lawō ene nēbera si Yesus, "Kariangkamang bawine kụ nipēpohiama ringangu nisusuang'U!"

²⁸ Arawe i Yesus simimbang, "Mēngkai limembong makariangkamang i sain kụ mararingihē su hengetangu Mawu ringangu mēkēkoā ene!"

Taumata mēgēgausē si Yesus pēkēkoā tanda makalaherang
(Mat. 12:38-42)

²⁹ Ene pia e ghapaēngu taumata lawō e kapētētalipurunge si Yesus, i Sie nanēpaseng henge-tang'E angkuēng, "Kai apa ka-

ralaki umatē orasē ini. I sire mēgēgausē tanda makalaherang tadeau i sire mēmpangimang si Sia, kaiso i sire tawe ongotang sarang kaḍiongeng sēmbau, kētaewen tandang kałaherangu nabi Yunus. ³⁰ Kereewe nabi Yunus naung nakoā kałaherang su taumatan soan Niniwe, kerene lai Ahus'u Taumata sarung makoā sēmbau tandang kałaherang baugu taumata su tempo ini. ³¹ Su Ĕllong Kiamatē Datum banuan sēmbēkan Timuhē sarung mēbangung dingangkeweng manga taumatang orasē ini kụ mangēnsilē si sire. Kai mēdeau makakaringihē kapanden Salomo e, Datu ene hinong dumaleng marau kahēngang bōu pondol'u dunia. Arawe ēndaung orasē ini pia lai limembong kasariane wō'i Salomo. ³² Su Ĕllong Kiamatē taumatan Niniwe sarung mēbangung sēngkawangung dingangkewen taumatan orasē ini kụ mēngēnsilē si sire, batuu tau Niniwe e nēmpēto batē bōu manga rosan sire pia i Yunus e nēnasa si sire. Kuteu ēndaung sini e kai naung pia limembong kasariane wō'i Yunus."

**Matualagē dingangu
marēndung**

(*Mat. 5:15, 6:22-23*)

³³”Tawē apa taumata mēn-
dikō solō mase takateng arau
lingkuwangu wēnsadē. I sie hi-
nong mamēllōu solō ene su pēna-
nolōēng mēdeāu apam mahunsuē
makasilowe tualagē. ³⁴Mata e kai
solōm badang. Kereu matanu e
mapia, ute kaguwau wadangu e
mēngkawe matualagē. Arawe ke-
reu matanu e marēndung u-
te kaguwau wadangu e maļaing
marēndung. ³⁵Uaļingu ene paka-
pia wue, maḍiring tualagē si
kau e makoā kararēndung. ³⁶Ke-
reu kaguwau wadangu e matua-
lagē kū tawēu sarang sēmpa-
lang marēndung, ute mēngka-
tewe mati watu sēngkakatualagē
mēsulungkewen kereu i kau kasa-
ramengu tualag’u solō e.”

**Mawu Yesus manēbo pēsā-
sala tau Farisi dingangu
manga mananēntiro agama**

(*Mat. 23:1-36; Mrk. 12:38-40*)

³⁷Saraeng i Yesus nasuēen
hengetang’E, kuteu sēngkatau
Farisi nēnotē i Sie kumaēng su

walene. Tangu i Yesus rimangeng
kū kimaēng sene. ³⁸Tau Fari-
si mēngkate rimalīnau nakasilo
si Yesus tawe manga nangu-
hasē liman’E kaļimona, tutuhū
tiahani agama. ³⁹Uaļingu ene
Mawu e nēhengetang si sie, ”I
kamene mang kahēngang tau Fa-
risi nanarang manguhasē lainu-
mang dingangu taļētugu lama,
arawe suraļung i kamene kawē
napenēu pēngangahēbu dingang-
u kararāļi. ⁴⁰I kamene kai wodo!
Kū kai waļinewe Mawu Rua-
ta ho nēkoā likude ene maļaing
daļunge? ⁴¹Kū apan su raļungu
lainumang dingangu kakēntuļang
ene e kai harusē ionggō i kamene
su manga tau kasiang. Dingangu
kakakoā ene kēbi sarung maka-
wurēsi si kamene.

⁴²Kaēngkēhang i kamene tau
Farisi! I kamene maņongggōu ka-
tahapulōng kapahiakeng bōu sa-
suang i kamene kere manga sa-
lasi ringangu walakama arau lai
manga rampa waļine su Mawu
Ruata e, arawe kaadilē dingang-
u kakēndagē su Mawu Ruata e
lēlihiang i kamene. Sēmbaļiau kai
ene hinone sēmpikang i kamene
ringangu abe pamalan lai waļine.

ⁱ atorang; tundung = peraturan

11:33: Mat 5:15, Mrk. 4:21, Luk. 8:16 11:42: Im. 27:30

⁴³ Kaëngkëhang i kamene tau Farisi! I kamene puluang kumaian su tanpa kapiange su waleng pëkakaliomanengang dingangu puluang tabeakeng su manga pasarë. ⁴⁴ Kaëngkëhang i kamene! I kamene mësulungu lëbing tau pëkirałaenge ku lëlingdangu taumata ualingu ta kinahënganeng."

⁴⁵ Pia e sëngkatau mananëntirong agama nëbera si Yesus, "Tuang Guru, ualingu waweranu ene, i Tuang e małaing nakasamedë si kami!"

⁴⁶ Mawu Yesus simimbang, "Kaëngkëhang i kamene lai, manga mananëntirong agama! I kamene mënëntuntu manga halë masasëgadë dingangu mëlëlëngkangu atorang mawawëha, arawe i kamene hala mang tawe makatulung sarang manga kadodo-dodo su apan tumatuhë. ⁴⁷ Kaëngkëhang i kamene! I kamene mëmpëkëkoä ëndu u watung manga nabi, u mahunëu mang nipateng manga iupung i kamene. ⁴⁸ Ku i kamene hala nangaku u i kamene lëlahimpuluangu apan seng nikoä u manga iupung kamene; mambeng i sire nëmpamate manga nabi e ku mang i ka-

mene mëmpëkoä ëndu u watune. ⁴⁹ Kai ene hakü Kapelesan Mawu Ruata e nëbera, 'Ia sarung mëndolohë si sire manga nabi ringangu manga rarolohang-Ku; sëngga e sarung pateëng dingangu sënggae wue sarung tumbiagheng!' ⁵⁰ Mawu Ruata e nëkoä kerene e mëdeau taumata orasë ini e ihukung ualingu pëmamate seng nikoä su patiku nabi rokeng pamamahëtang dunia, ⁵¹ nanëta bou pëmamate si Habel saraeweng pëmamate si Zakharia, ku nariadi su wëlla u pananëmbaenge ringangu Walem Mawu Ruata. Pëmpangimangko: Taumatang orasë ini mambeng ihukung ualingu këbi ene.

⁵² Kaëngkëhang i kamene manga mananëntirong agama! Kakunsü mamuka tukad'u kasingka e maðareso si kamene, arawe i kamene hala maðiri mëmpahunsuë su ralunge mëdeau makaëba kasingka ene. Su sëmbëkane i kamene mëngkate mënahaghe taumata apaewen mapulu sumuë!"

⁵³ Ene, saraeng i Yesus nanëntangu tanpa ene, manga mananëntirong agama ringangu manga tau Farisi e nëmpëbuehang maiha si Yesus. Ku i sire

naněta e mēngēnga₁la bera si Sie tadeau i Sie mēbisarang ka₁lawou sa₁barang. ⁵⁴Ku su tempo ene i sire kapēpēpatehe si Sie mapia-pia waugu pēnamekangu sa₁la su apan manga wawerane.

I.ingatē su apan taumata ma₁mēlle

(*Mat. 10:26-27*)

12 Mēngkatewe ringangu hi-wune ka₁lawou tauma-ta mēmpēsēsasēngkilē hakiu seng pia₁u kēkatahidaēng lae-de. Tēnta₁lang manga taumata reng mēnipēdēdahēmung, i Yesus nēhengetang su manga murit'E, "Pēmpēteghang bue su lahaes'u tau Farisi, mangale-ne i sire kai mēmpamēlle. ²Tawe apa ma₁lahēmbung ku tawe lekesang dingangu tawē apa ma₁dalirung ku tawe kasingkateng. ³Apan niwerang kamene su tempong hēbbi sarung karingihē su tempong ēllo; ku apaewen nisiang i kamene su ra₁lungu kamarē makakunsi sarung iwohang pakapēpidē."

Kēngkataku bue su Mawu

(*Mat. 10:26-31*)

⁴"Manga hapi pēmpētahēndung bue! Abe kataku si sire apan mēmpamate wadange, kaiso kawe tawe makapēkapura mapaliung ene. ⁵Mapiangbe Ia manēntiro si kamene i sai hinong ikēkataku i kamene. Kēngkataku su Mawu Ruata! Watu wouten namate, i Sie kawasa lai mēhi-pe su ra₁lungu naraka! Pēmpangimangke u kai i Sie hinong ikatakū i kamene.

⁶Hēnggeng limambau iwēba-lu su roitē kararodokange ruang ka₁lēpa. Maningbe kerene tawēu sarang sēmbau kawuleēngu Mawu Ruata. ⁷Sara₁laing uta su tēmbō mang ka₁darekeng^j kēbi, ua₁lingu ene abe kataku; i kamene limembowen maarēga wou manga hēnggeng!"

Mangakung Kristus su tēngon taumata

(*Mat. 10:32-33, 12:32, 10:19-20*)

⁸"Pēmpētahēndungko pakapia-pia: I sai mangakum ba-

^j tia e = terhitung

12:1: Mat 16.6, Mrk 8 15 12:2: Mrk 4 22, Luk 8 17

tangenge su tēngong lawo u i sie kai muritēKu ute, i sie sarulaing iakung Ahus'u Taumata e su tēngon manga malaekat'u Mawu Ruata e. ⁹Arawe i sai mēsunia'u Ia e su tēngon taumata e u i sie kai muritēKu e tangu i sie sarulaing ipēsuniaļē su tēngon manga malaekat'u Mawu Ruata e.

¹⁰Kamageng i sai mēberang sēngkamohong ipēndoka Ahus'u Taumata e, i sie rembeng ampungang; arawe kereu i sie kai mēhinakang Rohkē Susi e, i sie tawe kaampungang.

¹¹Kereu i kamene iēntudē sarang manga waleng pēkakaliomanengang ku ipakihukung su tēngon tēmbonangu kawanua arau mēngangawasa ute, abe ghēnggang u mēnsang kereapa wue i kamene mētahutēndau watangeng arau kai hinong sumimbang kereapa. ¹²U wawera hinong ipēberang kamene e sarungbe tēntiroēngu Rohkē Susi si kamene su tempone."

Papinintun tau kala ta kasingka e

¹³Sēngkatau wou taloaran taumata lawo e nēbera si Ye-

sus, "Tuang Guru, kēnnangko i Tuang pēbera su tuhangku, ia gēllirengkon sēmbageang bou arēta tatēntang i amang i kami."

¹⁴Mawu Yesus simimbang, "I sai wue nēndui Sia makoā mēlahukung arau mēmamahia pusaka sutaļoaran dua?" ¹⁵Mase su kēbi taumata apan ene sene i Yesus nēhengetang, "Pēmpēteghang dingangu pakarariaga bue, i kamene kumbahangbe maanggang. U pēbawiah'u taumata e waline-we kahiang kakakala e, maningbe lai rarotonge mahēmpaliu."

¹⁶Mase i Yesus nēbēkem papinintu ini, "Piā e sēngkatau kala. I sie piā ēntannane ku mēgēgēsi malawo. ¹⁷Tau kala ene mēsēsipirē suraļungu naunge, 'Seng tawē apa tampa lai pēngomolangu ghēsing ēntannaku. Ku kai mēkapurāe ia e?' ¹⁸Bou e i sie mēngkate sau māngēnna ku nēbera e suraļungu naunge, 'Ah! Ia piābe akalēku; manga gudangku e sarung taku golangeng mase taku koateng limembong kaguwae. Su tampa ene taku pēngomolang kalaļowu gandum dingangu patiku darotongku waline. ¹⁹Tangu ia sarung mēbera su watangengku:

I kau nakauntung! Kaławou a-pang mapia seng tētaghuanengu ringangu tawe sarung kasueēnge karēnguēwen taung mēdēdaliun taung. Pangiroloko! Kaēngko ringangu panginungko ku temangeko wiahu!’ 20 Arawe Mawu Ruata e nēhengetang si sie, ’Ei tungko! Sēhēbi ini e lai i kau sarung mate, mase i sai wue sarung makaēba kēbi kakakala u seng niriahinu e?’

21 Kerene kakakoā u apan taumata mēdēdeau makala baugu watangenge hala, kaiso tawe mētēngkakala su matan Duata.”

Pēmpangimang su Mawu Ruata

(Mat. 6:25-34)

22 Mase i Yesus nēhengetang su manga murit’E, ”Ualingu ene hakiu Ia e nēhengetang, ’Abe ghēnggangu pēbawiahu, mēnsang i kamene kai kumaēng a ringangu mēpakeangu a.’ 23 Pēbawiahē e limembowen bou laidopē dingangu wadange limembowen bou pakeang. 24 Tatingangko manga manu gaga!^k I sire tawe mangangasi, dingangu tawe mananipo, tawē lai manga gudange arau pēndaresokangu ēmme. A-

rawe Mawu Ruata mang mēlēhiking si sire! I kamene limembong maarēga wou manga manu u kinoaēng. 25 I sai wue wou taloarang kamene kahiang ghēnggange makakasēmpu umurē maning kētaeng kadodo? 26 Kereu halē kakadodokange mang tawe ikakoā i kamene, unūe ghumēnggangu manga halē baline? 27 Tatingangko! Kereapa manga ghaloghonge timuwo nēbungang, kuteu manga bungang ene e tawe mēlahalē, dingangu tawe mēkakahiwuang. Arawe lai Ratu i Salomo e kereeng kakala e tawe mēpapakeang kere manga bungang ene kahole e. 28 Dēmpugē suralone timuwo su sahēllo ini e ku sēngkariōēllone natatutung. Arawe Mawu Ruata e mēlēlēnggi hē dēmpugē ene kereng kahole e. Dumakelengbe i kamene! Kuteu i kamene kai lome pangangimange! 29 Ku abe ghēnggang dingangu mēbingo mēnsang i kamene kumaēng a ringangu manginung a! 30 Manga halē tamai ene rēdareakengu apan taumata wēgam Mawu Ruata. Sumbaliau i Amangu e masingka u i kamene mambeng mēsēsālimae patiku ene. 31 Kaiso i kamene hinong mēsēsēmpī ta-

^k woka-boka = burung gagak

12:27: 1Rat. 10 4-7, 2Kar. 9:3-6

deau Mawu Ruata: mēkawasa su pēbawiahu, ku apaewen bałine ute, małaing ionggo u Mawu Ruata si kamene.”

Arēta su sorga

(Mat. 6:19-21)

³²”I kamene maningbe reke-nange mahali, kai abe kataku! U i Amang i kamene e małuasē mangonggou ałamat’E wou Kararatuang’E. ³³Bałue rarotong i kamene ku onggoکو manga roi-te su tau kasiang. Pēkoako kawihē ta małahene baugu watangengu e, mangalene arēta mareso su sorga. Arēta ene tawe mailang ualingu tahatako e tawe makapēngala dingangu dingangu uane tawe makapēnggolō. ³⁴U suapan pia arēta u e, naungu e małaing sene!”

Ėllang ku mēngkai sēntinia mahēkosē

³⁵”Pakarariahi wue tumatēngo patiku sabarang. I kamene mēngkai hinong mēmpēpa-keang dingangu sołonu hanesē dudēlli, ³⁶mēsulungu manga ėllang ku mēmpangampałē mawune mēbałi bou sałiwangu pēka-

kawing. Kereu mawune mēbałi ku manengkelē tukadē e, tangu i sire sarung manope tukadē. ³⁷Apae mauntu manga ėllang ku kēkaēbakeng mēmpēłēlukadē su tempon mawune sumongo. Pēmpangimangko: Mawu ene sarung mēdariahi ku mēngoro e manga ėllange apakaiang, ku bou ene i sie mēsiliwirē. ³⁸Apae mauntu manga ėllang ene kereu mawun sire ene ku nakaēba si sire kapēngampałē maningbe lai i sie simongo kēkałoarane,¹ arau maraning kalonge! ³⁹Pētahēndungko ini! Kereu manga taghuangu wałe masingka u orasē dēntaēngu tahatako e, i sie sarung mēndiaga takadeau tahatako e tawe makasuē surałungu wałene. ⁴⁰Hakju ene i kamene małaing pakarariahi, u Ahus’u Taumata e sarung dumēnta su tempo ta laantiwang i kamene.”

Ėllang masatia ringangu ėllang tawē satiane

(Mat. 24:45-51)

⁴¹”Mawu, apa wue tēntiro ene timonane si kami arau su kēbi taumata?” angkuēng i Petrus.

¹ hēbi rałung = tengah malam

⁴² Mawu simimbang, "I sai ěllang masatia ringangu matahuēnna hakju nirui u mawune iapanēmbonang manga ěllange wāline iapangonggo u kaēng si sire su tempone? ⁴³ Kariangkamang ěllang ene kereu mawune mēsule ku kēkaēbakeng i sie kapēkoae munarane! ⁴⁴ Pēmpangimangko: Mawu ene sarung mēndui i sie manahimata patiku darotonge. ⁴⁵ Kaiso kereu ěllang ene ku kai mēbera suralungu naunge, 'Mawuku e wēdang diō mararēnna rumēnta,' mase i sie mēngkate mēmēmahang kaławou manga ěllange ku kumaēng dingangu mēnginung sarang miwukang, ⁴⁶ tangu mawune sarung dumēnta su ěllo ringangu orasē ta kinahēnganeng. Ku ěllang ene sarung tēntiroēngu papahang bou mawune, ringangu koateng kere nēkoā taumata tawē satiane su Ruata.

⁴⁷ ěllang ku masingka u kapulun mawune kaiso tawē nēdariahi ringangu tawē lai nēkoā timuhewe kapulun mawune, sarung pahangengu raliwara manēngga. ⁴⁸ Arawe ěllang naung bēgang kapulung mawune, bou ene mēkēkoā halē tawē mēlahino hakju hinong liwa-

rangu raliwara riō mahaēng. U i sain seng nionggolang ļawo sarulaing paghēleēng ļawo. Ku i sain pinēnarakanengu ļawo saunengke wue pabētulang limembong kakēpale."

Baline pēdarame kaiso
pēsasitoriang
(Mat. 10:34-36)

⁴⁹ "Ia dumēnta mapakahēngisu dunia ini. Apa kapia kereu putunge seng dūdēlli! ⁵⁰ Bēdang pia kasasusa masaria hinon taku dalengang. Ene naungku e mēngkate apa maghēnggang tēntalang ene wēdang ta nakoā. ⁵¹ Su naung i kamene Ia dumēnta e kai mēbawa pēdarame su dunia e? Tala, balinewe pēdarame kaiso kawē pēdaralai. ⁵² Manēta bou ini e, dalohom bale limangkatau e sarung mēdaroka, tēllungkatau sarung dumoka duangkatau arau ruangkatau rumoka tēllungkatau. ⁵³ I amang sarung dumoka anae esē dingangu anā e esē dumoka si amange. I ninange sarung dumoka anā e wawine ku anae wawine rumoka si ninange. I ninange kinaratingang sarung dumoka anā e mirarating, ku anā e mirarating dumoka si ninange kinaratingang."

Mëkirala tialan tempo

(Mat. 16:2-3)

⁵⁴Mawu Yesus nëhengetang lai su taumata lawo, "Kereu i kamene makasilo winawa masapua su puengu wahe ute, i kamene apid'u mëmpëbera u, 'Sarung dumasehë.' Ku mang kahëngang-hëngang mëtahiti. ⁵⁵Kereu i kamene makapëndang u anging tumi bōu timuhë ute, i kamene mëmpëberau, 'Sarung mëpëdisë.' Ku mang makoā kerene. ⁵⁶I kamene kai puluang mëmëlle! I kamene makakatika bue kakakoā u wanua maeng mëmpëpatehë kakakoā u langi dingangu dunia. Kawe unue manga tatialan tempo ini tawe ikatika i kamene?"

Pëmpëdame e ringangu

sëduu e

(Mat. 5:25-26)

⁵⁷"Kawe unue tawe ikaputusi kamene hala e halë u katulidë e? ⁵⁸Kereu pia taumata mangaduhang i kamene su mëlahukung, ute pëkakereapa wue sëngapang botonge pëngënsue patiku halë ene tëntalang i kamene deng bëdang su taloaran dalenge. Kamageng tala ute, kiwau i sie kai mamoleng i kamene solong tëngon hakim ku sarung mëna-

rakang i kamene su polisi, ku mënowang kamene su ralungu tahungku. ⁵⁹Pëmpangimangko! I kamene tawe makasëbang bōu tahungku tëntalang une suralungu naung bedang ta nasue."

Kamageng tawe mëmpëtobatë bōu rosa ute sarung mawinasa

13 Su orasë ene taumata e nëmpëbëke si Yesus mauļu pirangkatau tau Galilea nïpapaten Pilatusë e, pia e i sire nëmpëbawa sasëmba su Mawu Ruata e. ²Kapëtinënaneng bëke ene i Yesus simimbangke, "Batuu tau Galilea e nïpapate kerene ute su naung i kamene i sire kai limembong kawaradosane wōu patiku tau Galilea waline? ³Mambeng baline wue! Kaiso pëtahëndungko: kereu i kamene tawe mëmpëtobatë wōu kalawōu rosang kamene ute, i kamene këbi sarung mate lai mësulung i sire. ⁴Ku kereapa ngae habar'i sire mapulo ualu sukataune nate su Siloam, su tempon candi e naënsa si sire? Su naung i kamene ene kai nanodeu i sire limembo waradosa wōu patiku taumata waline matana su Yerusalem? ⁵Mambeng tala wue! Sënsuleko lai la mëluntingihë: Kereu i ka-

mene tawe mëmpëtobatë bõu kalawõu rosanu, i kamene këbì maļaing mate kerene.”

Papinintun kalu ara tawe nẽbua

⁶ Bõu ene i Yesus nẽbẽken ļai papinintu ini, ”Kai naung piã sengkatau kũ piã arane sengkalu su wawaelangu anggorẽ e. Sẽnsule tempo rimẽnta e i sie mẽdẽdẽa e wuane, kuteu tawe nakahombang sarang sẽmbau. ⁷ Kuteu, i sie nẽbera e su mandorẽ u sasuanget, ’Kẽllaẽ, seng tẽllu taung iã dũdẽnta mẽdẽdẽa buang ara ẽndaĩ e, kuteu mangta makalaẽba maning sẽmbau. Tuwangke kalu e! I sie kẽtaeng mangẽnsue tawang ẽntana e!’ ⁸ Arawe mandorẽ u sasuang ene simimbang, ’Walae i sie patuwo sẽntaung ini ļai, Mawu. Iã deng mẽmacolẽ ẽntana pakaliku mase pẽtahoẽngu pupukẽ. ⁹ Mẽnsang i sie reng mẽbua su taung mahi e. Kereu mang tala, ute buhẽ Mawu mẽngoro pakituwang.’”

Mawu Yesus napakapian sengkatau wawine wẽtu su ẽllon Sabatẽ

¹⁰ Su ẽllon Sabatẽ sẽmbau, i Yesus nanẽntiro su walem

pẽkakaliomanengang. ¹¹ Sene piã sengkatau wawine kũ seng mapulo ualu su taunge masaki, watuu piã rohkẽ dalaki su ralungu watangenge. Bawine ene wẽtu kũ mambeng tawe makararisi matei. ¹² Ene i Yesus nakasilõ, mẽngkatewe kimui, ”E wawine, i kau seng naliu wõu sakju!” ¹³ Mase i Yesus nanẽliden ļiman’E su wawine ene kũ su tempo ene lai i sie nakararisi matei-tei, kũ nẽdalo Mawu Ruata e.

¹⁴ Tẽmbonangu kanisa ene limangehẽ batuu i Yesus napakapian tau ene su ẽllon Sabatẽ, ualingu ene i sie nẽhengetang si sire, ”Ennungu ẽllo wue ipẽkara-diahang; kũ dẽntako su apan ẽllo ene makisalimaẽ u wadang, abe kawe su ẽllon Sabatẽ!”

¹⁵ Mawu e simimbang, ”I kamene ini e tahapẽmẽlle! Su ẽllon Sabatẽ këbì taumata mẽngkai masilukan sapine arau kalidene wõu kandange masẽ lẹahakeng iapanginung. ¹⁶ Kũ ẽndaĩ sini e kai piã sengkatau wawine hẽntong Abraham, kũ seng mapulo ualu su taunge karẽngue maļahapusẽ su setang. Unẽ i sie tawe hinon lukaẽng bõu ļahapusẽ e su ẽllon Sabatẽ e?” ¹⁷ Sasimbangi Yesus ene kai nakamea si

sire apan dudoka si Yesus; arawe taumata lawo baline luluasē makasilo patiku munara mawantugē kēkoateng i Yesus.

Papinintun bakī u sasawi

(Mat. 13:31-32; Mrk. 4:30-32)

¹⁸I Yesus nakiwalo, "Kereu Mawu Ruata e mēparenta kai kereapa kakakoā e? Kai Taku isihing su apa ngae? ¹⁹Kakakoā e mēsulungu papinintu ini. Bakīu sasawi sēmbau nisa-wuhē e sēngkatau su waelē. Bakī e himētī mase nariadi kalu, ku manga manu u winalangeng e nēkoā saleh'i sire su manga le-lange."

Papinintun lahaesē

(Mat. 13:33)

²⁰Sēsuleko lai i Yesus nakiwalo, "Kereu Mawu Ruata e mēparenta, kai Taku isihing su apa ngae kakakoā e? ²¹Kakakoā e mēsulungu lahaesē niala u tau wawine mase nilau e su tapong ēpa u pulo su litere, sarangkewe timuwo kēbi."

Tukadē masuhepe

(Mat. 7:13-14, 21-23)

²²Suraraleng i Yesus nakoā solong Yerusalem, i Yesus di-

maleng simahe manga soa ringangu manga kampong mang kapēnēntirone. ²³Mase pia tau nakiwalo si Sie, "Tuang, mang mahali ngae taumata masalamatē e ēng?"

Mawu Yesus simimbang, ²⁴"Pēmpētātētehē sēngapam botonge sumuē u sasuēkang mahepo e. Watuu, pētahēndung! Lawo taumata sarung mēmpēdeā u mahunsuē kuteu tawe makapahunsuē. ²⁵Su tempon taghuangu wale seng nēbua ku namaē tukadē e, i kamene mahundarisiete su likude ku manētae mēpanengkohē apid'u kapēberane, 'Mawu, topeiko tukadē i kami!' Mawu e sarung sumimbang, 'Ia bēgaweng kamene mēnsang bou a!' ²⁶I kamene sarung sumimbang, 'I kami e nāung bou kimaēng dingangu nēnginung dingangu e Mawu, ku Mawu e seng nanēntiro lai su manga raleng su soang kami!' ²⁷Arawe Mawu ene sarung mēbera lai, 'Ia bēga wue mēnsang i kamene wou apa. Pēmpamehōe wou ini e i kamene tahapēkoā daī!' ²⁸Su tempong i kamene makasilo e si Abraham, Ishak dingang i Yakub dingangkewen kalawou nabi mēmpahuļuasē su ralungu

Wanuan Duata Wuhu, i kame-
ne sarung mahunsangi dingang-
u mētatahangu sigēsā batu u i
kamene hala nipasēbang su li-
kudē. ²⁹I sire apam bōu sara-
meng^m dingangu sēdapengⁿ bōu
sawēnahē dingangu wōu timuhē
kū mahūlasē su Duniang Duata
kū Buhē. ³⁰Mambeng tēngadē,
piaū kasasamuriange mēngkakoā
kahumotongange ringangu pia u
kahumotongange mēngkakoā ka-
samuriange.”

Mawu Yesus kimēndagu Yerusalem

(Mat. 23:37-39)

³¹Su orasē ene lai pia pirang-
katau Farisi nēmpēdēnta su a-
nung Yesus dingangu nēmpēbera,
”Abe katana sini! Sēbangke
solong tampa baline u i Herodes
kai mēkēkaraki mamate si Kau.”

³²Mawu Yesus simimbang,
”Dakoko pauli su tau tawē guna-
ne ene, ’Ēllo ini ringangu riōello,
Ia kai manokolu rohkē daralaki
dingangu mapakapian taumata
masaki, arawe su ēllo katellu-
ne, Ia sarung mēlēpasē halēKu.’
³³Maningbe kerene Ia kai hinon
dumaleng mēnēpasu raralengang-
ku ēllo ini, riōello ringangu karu-

^m daki ⁿ bahe

13:28: Mat. 22:13, 25:30 13:28-29: Mat. 8:11-12 13:30: Mat. 19:30, 20:16,
Mrk. 10:31 13:35: Mzm. 118:26

mahing, batu ta hinone nabi e
pateeng su likud’u Yerusalem.

³⁴Yerusalem! Yerusalem! Ta-
hapamate manga nabi! Manga
rarolohangu Mawu Ruata e na-
sueng ēntunge kahiang kame-
ne ringangu watu sarang nate!
Seng apa piran sule Ia nāung
mapulu manampung patiku tau-
matanu mēsulungu i ninangu
manu mēndēdiaga manga anae su
alungu papanide, kuteu i kame-
ne mang mēngkadiri! ³⁵Ualingu
ene tangu, Mawu Ruata e seng
tawe rumēndingang si kamene.
Kēngkasingkako, manēta bōu o-
rasē ini i kau sembeng tawe ma-
kasilo Sia, sarang i kau mēberau,
’Alamatē i Sie rūdēnta su areng u
Mawu Kasēllahenge.’”

Mawu Yesus napakapian masakie

14 Su ēllon Sabatē sēmbau
i Yesus dimangeng ki-
maeng su walem sēngkatau
tēmbonangu tau Farisi. Sene
tangu taumata e mēngkatewe
mēpēpatehē mapia-pia si Yesus.
²Tangu rimēntae su anun Ye-
sus sēngkatau pia sakie solō
kū laede ringangu limane si-

mahēnu. ³Mase Yesus nakiwalo su manga mananēntiro agama ringangu manga tau Farisi apang ene sene, "Tuhū tēntirong agamang kite, botonge ngae i kite mapakapian taumata masakī su ēllon Sabatē arau tala?"

⁴Manga mananēntiro agama ringangu manga tau Farisi e tawē kēndiē, mase i Yesus kimui tau e kū napakapian sie, mase napakapulē i sie. ⁵Bou e i Yesus nēhengetang si sire, "Kereu piā sēngkatau wō'i kamene piā anā e arau sapine manawo su pahighi su ēllon Sabatē apa i sie tawē ligha mēmatung dariō arau sapi su ēllo ene lai?"

⁶Kaiso tawēu sarang sēngkatau nakasimbahē si Yesus māanung halē ene.

Kasana u naung dingangu makēhagē mēmpēgēllī

⁷Mawu Yesus māmanda si sire manga sake mēngkai mēmpamile kakaianeng kapaelange. Ualingu ene i Sie nanēntiro si sire kēbi. ⁸"Kereu i kamene ninotē su salimbangu pēkaka-wing ute, abe kaiang su kadera kapiange. Madiring kibasi u kai piāu lai lēadateng limembong kau

e ninotē, ⁹kū taghuangu wālē seng nēnotē si rua kawē lumau si kau ringangu mēbera, 'Mēdorong ampungu kakaianeng ini seng nisadia waug'u sake ramahi.' Tangu apaewe ghēguwā meane hakiu i kau ringangu nasisasa katewe maiang sulikude. ¹⁰Batū ene, kamagengu i kamene ikanotē, ute pēmpamile kakaianeng su likude, tadeau taghuangu wālē sarung humaung kū mēbera si kau, 'Hapi ēndaiko kaiang su kakaianeng seng nisadia.' Mageng kerene ute, i kamene adateng su tēngong kalawou sake waline. ¹¹U i sai mētēngkarangē sarung iapakasana; isaiewen mētēngkasana, sarung iapakarangē."

¹²Mase angkuēng i Yesus su taghuangu wālē, "Kamageng i kau mēnotē taumata mēsālimbang ēllo malētu arau hēbbi ute, abe pēkui manga hapi u arau tuhangu arau anau sēmbau, lampungu makakala e. Kibasīu i sie sarung mēnotē i kau lai kū mageng kerene ute i kau kawālisangu lialē ene. ¹³Ene, kamagengu i kau māmangung saliwang ute, pēnotē u taumata kasiang, ponggo, peosē, buta. ¹⁴I kau e

sarung al_ṛamateng, bat_u i si-
re ene taw_u sarung ipamal_ṛisē
kapi_ṛanu. Kapi_ṛanu e sarung bal_ṛ-
sangu Mawu Ruata su temp_ṛong
manga taumata apan mapapia e,
ipēbangung kapi_ṛa w_ṛou papate-
ne."

Papinintun saliwang masaria
(*Mat. 22:1-10*)

¹⁵ Su temp_ṛoen sēngkatau
w_ṛouteng kimaēng sēngkakaēng
dingang'E sene nakaringihēko wa-
weran Yesus, mēbēberau, "Ka-
riangkamang i saing k_ṛukaēng
sēngkakaēng dingangu Mawu
Ruata, maengu i Sie rumēnta ke-
re sēngkatau Ratu!"

¹⁶ Kut_ṛeu i Yesus nēhengetang
su tau ene, "Su sēnsul_ṛe tempo
pi_ṛa sēngkatau namangung sal_ṛi-
wang masaria k_ṛu nēnotē tauma-
ta law_ṛo. ¹⁷ Saraeng seng tempone
manēta e sal_ṛiwang tau e rimo-
loh'u ēllange nipaul_ṛi su taumata
apan ninotē e k_ṛu nēbera, 'Sa-
lamatē mahundēnta u kēb_ṛi seng
nasadia!' ¹⁸ Arawe i sire kēb_ṛi,
sēngkatau-sēngkatau e nanēta
e nēdorong ampung. Humotonge
nēbera su ēllange, 'I_ṛa kai wuh_ṛe
nēmēlli ēntana, k_ṛu mambeng ha-
rusē dumaleng mēkakēlla. Am-
punge wue i_ṛa.' ¹⁹ Sēngkatau u-
te wal_ṛine nēbera, 'I_ṛa kai wuh_ṛe

nēmēli sapi limam parē, k_ṛu
kai reng sal_ṛukateng manga sa-
pi ene. I_ṛa mēdorongke ampung.'
²⁰ Sēngkatau ewe wal_ṛine mal_ṛaing
nēbera, 'I_ṛa wuh_ṛe pēkakawing,
k_ṛu tawe makarēnta.'

²¹ Ēllange ene napul_ṛe e k_ṛu
nau_ṛlieng hal_ṛe ene su mawune.
Ene, matimadu wal_ṛe mēngka-
te l_ṛimangehē k_ṛu nēbera su
ēllange, 'Dak_ṛoe pakasahaw_ṛ
solong manga ral_ṛeng dingang-
u loronge su soa. Mēngkate wa-
wa tau kasiang, pongg_ṛo, bu-
ta, ringangu tau peosē.' ²² B_ṛou
e ēllange nēbera, 'Mawu, pa-
rentang Mawu seng nikako_ṛa, a-
rawe tampa bēdang pi_ṛa lo-
ahe.' ²³ Tangu mawune nēbera,
'Dak_ṛoe solong manga ral_ṛeng
gaghuw_ṛa dingangu manga lo-
ronge su l_ṛikud'u soa, k_ṛu
mang pakaparingang apahun-
suē, mēde_ṛau wal_ṛek_ṛu e mapenē.
²⁴ Pētahēndungko! Taw_ṛeu sarang
sēngkatau w_ṛou tal_ṛorang manga
sake apan seng ninotē e maka-
teēng sal_ṛiwangku ini!"

Pētatumbiag'u sēngkatau
muritē

(*Mat. 10:37-38*)

²⁵ Ene mēngkate law_ṛo-law_ṛo
taumata mahundaleng dingang-

kewen Yesus. I Yesus nēbilingke kŭ nēhengetang si sire, ²⁶"Kereu i sain dumēnta su anuKu, kutēu kai limembong kakēndage si ninange, si amange, su kawinge, su manga anaŭ sēmbau e ore lai watangenge, ute i sie tawe makoa muritēKu. ²⁷I sain tawe mamasaēng kuruisē kŭ tumole Sia tawe mariadi muritēKu. ²⁸Kereu sēngkatau wō'i kame-ne mapulu mēlanging candi, ute i sie reng maiang mēndekeng kalāmona ongkose mēdeau i sie masingka mēnsang doite makarating bue sarang maghanapē arau tala. ²⁹Kai kereu nalahe i sie ta makasue munarane, sēmbaliau wawukune seng nipapēllo, kŭ kēbi apang makasilo munara ene sarung mēmpēbaheau sie. ³⁰I sire sarung mēmpēbera, 'Ai, i anu ēndai e nēlanging candi, kutēu i sie tawe makasue!' ³¹Kereu sēngkatau ratu pia soldadone mapulo hiwu sukataune, mapulu mēmpēseke u ratu woline soldado duam pulo hiwu sukataune, nalahe u ratu ene sarung kumaiang mēsipirē mēnsang makaroka bue pēsēsetang ene. ³²Kereu i sie masingka u i sie tawe makaumalē

ute, palibe roka e reng marau, i sie sarung dumolohēben darolohange apakiwalon kaianengu pēdarame." ³³Pēngēsueēnge i Yesus nēhengetang, "Kerene lai ringangi kamene. Taweu sarang sēngkatau wou taloarang kamene makoa muritēKu e kereu i sie tawe manarakangu patiku apan tētaghuanengu e."

Asing malele

(Mat. 5:13; Mrk. 9:50)

³⁴"Asinge apaewe mapia, kai kereu asinge malele, botonge ngae sau mapēhadē? ³⁵Sembeng tawē gunane lai, walaewe su ēntana arau ipēlau pupukē kŭ katewe irēmme. I sain pia tuline, pēdaringihē!"

Domba nailang

(Mat. 18:12-14)

15 Su ēllo sēmbau lawo maghaghēlle bea ringangu taumata ilēnsilē dalai kahian sēngkawanuang, nahundēnta rumaringihē si Yesus. ²Tau Farisi ringangu manga mananētiro agama e mēngkate mēgēgahatang. I sire mēmpēbera, "Sih, tau ēndai e manarima si sire taumata apan

daralaɪ dingangu kukaəng səngka-
kaəng dingangi sire!" ³ Uaɪngu e-
ne i Yesus nəbəkem papinintu ini
si sire.

⁴ "Kereu pia səngkatau wou
taɔorang kamene pia domba-
ne mahasu, mase kailangengu
səmbau – kai apae koatenge?
Sembeng tēngadə i sie sarung
manəntang u domba siom puɔ
sio e su wimbaengu rēmpugē
ku dumaɪəng mēdeə səmbau
nailange sarangkewe ikareə. ⁵ Ku
kereu ikareə kapia domba e-
ne ute, i sie kereng kaɭua-
se hakiu niləngkange domba ene
su wēmbange, ⁶ mase niɓawawane
napuɭ. Bəu e i sie kimui manga
hapie ringangu manga lampunge
ku nəbera, 'Mahie i kite ma-
huluasē! Dombaku nailange seng
takū kinareə kapia!' ⁷ Tangu, ke-
rene lai su sorga pia daɭuasē
masaria kahian səngkatau tauma-
ta waradosa nətobatē, limembo
wou siom puɔ sio taumata seng
mapia ku tawahaɭuas'u mēmpəto-
batē."

Doitē nailang

⁸ "Arau kereu pia səngka-
tau wawine pia doite saɭaka
mapuɭəng kaɭəpa kuteu nikaila-
ngengu səngkaɭəpa – apae koa-
tenge? I sie sarung mēndikə soɔ

ku manapu waɭene mase mēdeə
suapan tampa saraeweng ikareə
doite ene. ⁹ Su tempong i sie na-
kareə doitē ene, i sie kimui
manga hapie ringangu manga
lampunge, mase nəbera, 'Ia e
maɭuasē kahəngang batu seng
kinareə doitēku e nailang. Mahie
i kite mahuluasē!' ¹⁰ Kerene lai
maɭəkat'u Mawu Ruata luɭia-
geng kereu səngkatau taumata
waradosa mētobatē bəu kaɭawou
rosane. Pēmpangimangko!"

Ana nailang

¹¹ Mawu Yesus nəhengetang
lai, "Pia səngkatau matimadə
pia anae esə duangkatau. ¹² Sem-
bau tuari nəbera si sie, 'Amang
onggə siə darotong bageang-
ku su orasē ini wou kakakala
i kite.' Tangu i amange nəpa-
pahiaəng kakaləe su ana e ra-
rua. ¹³ Manga e pira əllo tuɔ e
tangu ana e tuari e nəbaɭu pu-
saka baɭəgeange, mase i sie na-
koə soɭəng banua marau. Sene i
sie nəbatuə kapuluə nəgaghəlo u
roitē su pēbawiahē mēləlambai-
hang ta kēhase. ¹⁴ Saraəng doite
seng nasuə e kēbi, nariadi su
wanua ene kaɭahutung marasai,
hakiu i sie nanəta e nikaka-
wusange. ¹⁵ Ene i sie rimaɭengke
nəhaɭə e su səngkatau mēma-



Domba natlang (15:4)

mamunarane sene, ku nirolöhe i sie soḷong baelē, niapēlukadē manga wawī. ¹⁶I sie mēngkatewe lunu-lunusē hakīu mapulu mēloho tiange ringangu kaēngu wawī e. Maning seng kerēen kaḷunuse, kaiso mang tā u sarang sēngkatau nakaonggou kaēng si sie. ¹⁷Pēngēnsueēnge i sie nēkakaliu naunge ku nēbera, 'Taumata apang mēlēhalē su anung amangu e kai kēkaḷemboēngu kaēnge ku ia e ēndaung mateen lunusē. ¹⁸Ia e mēbuako ku mēsuleko soḷong anung amangu, ringangu mēbera: Amang, ia nēdosa su Mawu ri-

ngangu si Amang. ¹⁹Ia sembeng ta hinone isēba anau. Ia koa e kere sēngkatau taumatan sewa si Amang.' ²⁰Tangu i sie mēngkatewe nēbuā soḷong anung amange.

Kuteu wēdang marau wou wale i sie seng nikasilong amange. Ku naunge mēngkatewe nēkakalēkaden tatalēntu, i sie timalang nēlahēku dingangu rimēngu. ²¹'Amang,' angkuēng u ana e, 'ia e seng nēdosa su Mawu ringangu si Amang. Sembeng ta hinone ia isēba ana i Amang.' ²²Arawe i amange kimui manga ēllange dingangu nēhengetang,

'Lighako! Ala laku kalënggihange ku luheko si sie. Luhein sinsing su talimëdone ringangu sapatu su laede. ²³ Bou e alakò ana u sapi riò matawa ku potòko! I kite deng mahungkaëng dingangu mahuliagë. ²⁴ U anaku ini e naung nate, kuteu nëbiahë kapia; i sie naung nailang kuteu kinarea sau.' Mase i sire nanëtae nësaliwang.

²⁵ Kapësësaliwange, ana iakang kai su waelë. Sarangke i sie susongo ku naranjeng bale, i sie nakaringihë tingihu musikë dingangu salai. ²⁶ I sie kimui e sëngkatau wou manga ëllange, mase nakiwalò, 'Mënsang kawe pia apa e ini su wale?' ²⁷ Ëllange simimbang, 'Tuarin Tuang kai nasongo! Ku i amang i Tuang seng nakipotò u ana u sapi matawa, batu ana e saube kinarea suralungu kapapian badang!'

²⁸ Ana e iakang mëngkatewe limangehë ku madiiri tarai dumangeng su wale. Ku katewe i amange tanae limintu nanahionge si sie. ²⁹ Arawe i sie kai simimbang, 'Seng pira-pira e su taunge karëngue ia mëlëhalë baug'i Amang kai tawë sarang sënsule ia limawang parentang Amang. Ku kai apa e nikaonggò i Amang si sia? Kadiongeng deng

manga kambing sëmbau? Kai i Amang tawe nangonggò tadeau ia demben makapësaliwang dingangu manga hapiku! ³⁰ Ana i Amang ene seng nëngënsue kakakala i Amang dingangu wawine tahasundaë, kai saraeng i sie nawali e i Amang nakipotò ana u sapi matawa si sie!' ³¹ 'Anaku! angkuëng i amange, 'i kau e sëntinia mëngkatewe su anuku. Ku apaewen si sia e, mëngkai si kau lai. ³² Arawe i kite mambeng hinone mëdaluasë dingangu mahuliagë e, watuu tuarinu e naung nate kuteu ëndai sau nëbiahë; i sie naung nawuhi kuteu ëndai saube kinarea kapia.'"

Sawohi matahuëna

16 Mawu Yesus nëhengetang su manga murit'E, "Pia naung sëngkatau kala. I sie pia sawohi e mëngangurusë kakakalae. Tau kala ene nakaëbae aduhangu sawohie kai mëgëgaghoulou roite. ² Kuteu i sie nakireang sawohie ku nëbera, 'Kai apaë ngae ikëkaringihëku maanun kau? Orasë ini, pëhabarëko pakaunsu-unsui halëu pananahimatanu su rarotongku. U i kau seng tawe wotonge makoà sawohi u mëngangurusë doitëku.' ³ Tangu sawohi ene mësësipirë,

'Kai mēkapura e tangu ia e? Mawuku e kai mēlēlohosu ia. Mamacolē ia tawe makakoā; mētaharorong ia e kai mamea. ⁴Ia nakahēngangke; kereu ia nalohosete, ia harusē lawō hapiku manarima su walēn sire!' ⁵Kuteu sawohi ene kimui e si sire apan pia utange su mawune. Su humotonge, i sie nēbera, 'Pira e utangu su mawuku e?' ⁶Tau ene simimbang, 'Mahasu su wēnsad'u lanang zaitun.' Sawohi e nēbera si sie, 'Alako surat'u utangu. Kaiangke ku ligha pēmohe: liman pulo.' ⁷Bou e i sie nēbera su tau karuane, 'Ku si kau pira e utangu e?' Tau e simimbang, 'Sēhiwu su karong'u gandum.' Sawohi e nēbera si sie, 'Ini alako surat'u utangu. Bohe e: ualu hasu.'

⁸Tangu mawun sawohi u roitē ku tawē katulide e nēdalo si sie ualingu kakanoā e matahuēnna; u manga taumatan dunia e limembo matahuēnna mangatorē urusang i sire wou manga taumata mēbēbiahē su tualagē."

⁹Mase i Yesus sauewe nēhengetang kapia, angkuēnge, "Pēm-

pēdaringihēko! Pakēko arēta u dunia ini wangu makareā hapi, tadeau kereu arēta u dunia ini seng ta arēgane, i kamene sarung ikatarima su ēllong kakalē e. ¹⁰I saing kēkapangimangeng suralungu manga halē dararodo kēkapangimangeng lai su nianga halē gaghaghuwa. Arawe i sain ta ikapangimangeng suralungu manga halē dararodo, malaing ta ikapangimangeng su manga halē gaghaghuwa. ¹¹Kerene, kamageng su halēu arēta u dunia e i kamene seng ta ikapangimangeng, i sai tangu niapulu mangumbalang kamene su halē arēta marohkē? ¹²Dingangu kereu su rarotongu waline i kamene lēnau ta ikapangimangeng, ute i sai wue mapulu mangonggo apan makoā tataghuaneng i kamene?

¹³Tawēu sarang sēngkatau makapētahamawu su mawune raru; watu i sie kumēndagewen sēmbau nēngalembo wou waline, arau i sie masatia su mawune sēmbau wou waline. Kerene lai i kamene. I kamene tawe makapētahamawu su Mawu Ruata ringangu lai su arēta."

Manga hengetang u Mawu Yesus

(Mat. 11:12-13, 5:31-32)

(Mrk 10:11-12)

¹⁴Tau Farisi nakaringihě kěbi apan nipěhengetang i Yesus, mase i sire němpahulěge něbaheun Sie, watu i sire papuluang su roitě. ¹⁵Arawe i Yesus něhengetang si sire, "I kame-ne kai taumata ikěkasilo adilě su těngong taumata waline, kai Mawu Ruata e masingka u ralungu naung i kamene. U apan lěennaěng marangě su taumata, kai kěkakěllaěng masana su Mawu Ruata e.

¹⁶Toratě ku nigaghělli i Musa e ringangu těntirong manga nabi e, wodang mapake sarang tempon Yohanes Manana-hani. Dokeng tempo ene Injilě maanung kereapa Mawu Ruata měparenta kere sěngkatau Ratu měngkate hanesě ipědědala-habarě. Ku taumata e měngkai měpěpapulaho makoạ umat'u Mawu Ruata. ¹⁷Kai ẻndou katewe langi dingangu dunia e mapaghohě, sulungu pia hurupě sěmbau bou torat'u Mawu e mailang.

¹⁸I sai mauindo kawinge mase měkawing dingangu wawine waline, tau cue e nawuang. Dingangu i sai měkawing dingangu wawine ku nisindoěnge malaiing nawuang."

Tau kala dingang i Lazarus

¹⁹"Ene naung pia tau kala. Pakeange měngkai malalěgadě, ku měngkatewe měsěsalwang ẻllo-ẻllo e. ²⁰Ku piako tau kasiang mapapẻllo su pasẻllangengu walene arenge i Lazarus. Awae napẻpidu hampang. ²¹I sie mapulu mẻloho tiange dingangu popahu kaěng mahondosẻ bou medang tau kala ene. Asu rudẻntakolai mẻmpẻlẻlewa hampang.

²²Tau kasiange wou e nate, ku niẻntud'u malae katě sarang tampa kawangunge su sẻndi-hang i Abraham su sorga. Tau kala e nate e lai ku nilẻbing. ²³Su katanakeng u taumata nate i sie měngkate apa masigesa. Ku su tempong i sie riinalingara ute, i sie nakasiloe si Abraham dasi marangě dingangu i Lazarus susẻndihang i Abraham. ²⁴"Tuang Abraham!" kakuien tau kala, "Talẻntukon ia. Oroiko i

Lazarus apangunon talimědone su ake, ku apěnantā lilaku. Ia mangkewen nasunsara su ralungu rělliū putung ini!’

²⁵ Kuteu i Abraham simimbang, ‘Pětahěndung bue anaku: kananduen pěbawiah’u i kau seng nakatarima apan mapapia, arawe i Lazarus e nakahombang dalaki e. Ku ini i sie malunsemahě arawe i kau e masunsara.

²⁶ Tapengu lai, su taloarang kau ringangu i kami e seng pia tagialue maloang tadeau i sain bou ini tawe makatamai ringangu i sain bou pai e tawe makaramahi!’ ²⁷ ‘Kamageng kerene, Tuang,’ angkuěng u tau kala e, ‘ia mēdēdorong sěngapang botonge si Tuang pēndoloh’i Lazarus sarang baleng amangku e. ²⁸ Pia limangkatau ana u sěngkatauku sene. Dolohěko i Lazarus apěnasako si sire, madiring i sire lai manawo su tampa masunsara ini.’

²⁹ I Abraham simimbahě, ‘Si sire seng pia manga bukě i Musa ringangu bukě u manga nabi! Balā e i sire raringihě apam mabawohē suralungu manga bukě ene!’ ³⁰ Arawe tau kala e simimbang, ‘Ene kai tawe makahětibě, Tuang Abraham.

Kai kereu pia taumata nate mēbangung kapia ku duměnta sarang anun sire, ute i sire mēmpětobatě bou kalawou rosan sire.’ ³¹ Kuteu i Abraham nēbera, ‘Kereu i sire tawe rumaringihě parentang Musa ringangu manga nabi ute, nalahēu i sire tawe mēmpangimang manilaing pia taumata nate mēbangung kapia.’”

Haghin sabarang makakoā taumata mēmpēdosa

(Mat 18:6-7, 21-22; Mrk. 9:42)

17 Mawu Yesus nēhenge-tang su manga murit’E, ”Manga haghin sabarang makoa katatanggaěngu taumata mēmpēdosa tēngadě sarung luměto. Arawe kaěngkěhang i sai makakoā katatanggaěng! ² Mapiangbe kereu watung gili-mang nilaikī su lehe e, mase i sie niwontolě su laudě, sulungu i sie makakariadin sěngkatau wou manga rariō tamai mēmpēdosa. ³ Ualingu ene pakapia wue!

Kereu anau sěmbau u mēsala, ute pēberai. Ku kereu i sie mēsasēsilě ute, ampunge wue i sie. ⁴ Kereu i sie nēsala si kau pitun sulě sahěllō ku apan su sulě-ne ruměnta su anunu ku mēbera

u, 'Ia mēdorong ampung,' ute ampunge wue i sie."

Māanun pangangimang

⁵ Manga rasulē nēmpēbera e su Mawu Yesus, "Mawu, toghaseko pangangimang i kami e."

⁶ Mawu simimbang, "Kereu i kamene pia pangangimang kere kaguwa wakī u sasawi ute, i kamene makapēbera su kalu murbei ēndai, 'Kaēbuko i kau kū kasuangko su sasi,' tēngadē kalu ene sarung tumuhu si kamene."

Hinong koateng sēngkatau ēllang

⁷ "Kereu sēngkatau wō'i kamene pia ēllange māmungkalang ēntana arau mēlalukadē domba. Kamageng ēllange masongo kū i sie makawera wue ngae si sie, 'Mahie ligha e kaēng'? ⁸ Mamben tala! Kasuenge i sie sarung mēbera si sie, 'Pēlloko kaēngku, Pēluhengkon pakeang burēsi ringangu hapaiko ia, tēntalang deng kakaēnge ringangu kapēnginunge; bōu e i kau e wuhude kaēng.' ⁹ Ēllang ene tawahaluas'u raloēng ualingu seng timuhu parentang mawune wēgang? ¹⁰ Kereu lai i kamene. Kereu i kamene seng nēmpēkoā kalawōu apae-

wen ipakikoā si kamene e ute, pēmpēberaē u, 'I kami ēllangbe wiasa; i kami kētaeweng mēkoā apang hinong koateng i kami.'"

Mawu Yesus napakapian mapulōngkatau

¹¹ Suraralengang sarang Yerusalem, i Yesus kai rimaleng bōu wēlla u Samaria ringangu Galilea. ¹² Pia e simuē su kampong sēmbau, i Sie nirēntaēngu mapulōngkatau pia sakie su pi-si, makatatakū. I sire rūdarisi bōu maraune, ¹³ kū mēmpēkēkui malaiha, "Mawu Yesus! Talēntukong kami e!"

¹⁴ Sarang i Yesus nakasilo si sire, i Sie nēhengetang, "Dakōe pēmpētēngkatodē su manga imang, pēdorong si sire pamarikēsa wadang i kamene."

Kapahundalēngete i sire nēngkaulē e wōu sakī i sire. ¹⁵ Kuteu sēngkatau wōi sire napakēndangu i sie seng napia ute, mēngkatewe nēsulē kapēdalōng tingihē maiha su Mawu Ruata e. ¹⁶ Mase su tēngon Yesus, i sie nētēngkasumagē kū makitarimakasē e i Sie. Tau ene tangu kai tau Samaria. ¹⁷ Bōu e i Yesus nēhengetang, "Kara kawe mapulōngkatau arau napia?"

Ku kawē suapa ho i sire siongkatau lai? ¹⁸Unue ketaen tau raghi endai e nēsule kapia nakitarimakase su Mawu Ruata?" ¹⁹Mase i Yesus nēhengetang su tau e, "Pēbuā e ku kapule e. Ualingu i kau mangimang si Sia ute i kau naule."

Tempon Mawu Ruata mēparenta

(Mat. 24:23-28, 37-41)

²⁰Pia tau Farisi pira-pirangkatau nakiwalo si Yesus mēnsang angere Mawu Ruata rumēnta mēparenta. I Yesus simimbang, "Kararatuangu Mawu Ruata e tawe tētakengu tatiala ikēkasilon taumata, ²¹hakū taumata makapēbera, 'Mahi e kakēlla, endai i sie!' arau, 'Pai sene i sie!' U Mawu Ruata seng manēta mēparenta si kamene."

²²Bou ene Mawu Yesus nēhengetang su manga murit'E, "Sarung dumēnta tempone i kamene mapulu reng makasilo ello sēmbau bou patiku ellong Ahus'u Taumata, kaiso i kamene mang ta makasilo. ²³Sarung pia taumata mēbera si kamene, 'Kakēlla, pai sene!' arau, 'Kakēlla endang sinī!' Kai kumbahang i kamene

sumēbang mēdeā si sie. ²⁴Kereewe kakerongu kilā su langi ku matuahē bou pondole sarang pondole, kerene lai sarung kakakoā u Ahus'u Taumata e su ellon'E. ²⁵Kai kakalimonaēnge i Sie mang deng harusē masunsara ku ikadirin taumata orasē ini. ²⁶Su ellong Ahus'u Taumata sarung ilēlahē kakakoā e mēsulungkewen nāung su tempong Noakē kalimona e. ²⁷I sire nāung nahungkaēng dingangu nēmpanginung dingangu nēmpēkawing; ku kerene mēngkate sarang i Noakē e simuē su ralungu kapale ku nirēntaēngken dalulung ku nakawinasā e kēbi taumata.

²⁸Mēsulungkewelain su tempon Lotē. I sire mahungkaēng mēmpanginung mēbēbawēlli, mahēnsinuang dingangu mēmpēlēlanging bale. ²⁹Arawe saraeng i Lotē simēbang bou Sodom, su ello ene putung dingangu malelang ēnnaē nēboang bou langi ku nakawinasā e si sire kēbi. ³⁰Maiaing kerene sarung su ellon pētēngkalahekangu Ahus'u Taumata e.

³¹Su ello ene i sai su wong atu u walene, abe lintu mangala manga apaliwu e su-

raŋungu waŋe. Maŋaing kerene i sain su waelë, abe pësule sarang baŋene. ³²Pëmpëtaheëndung apan seng nariadi su kawing i Lotë.

³³I sai mëtëngkasalamat'u pëbawiahe sarung kailangengu pëbawiahe. Arawe i saing kailangengu pëbawiahe sarung makauntung. ³⁴Pangimangke: Su hëbi ene, duangkatau su pëtatikilang sëm̄bau, sëngkatau paringaneng dingangu sëngkatau itëntang. ³⁵Duangkatau wawine kapëluta e gandum sëngkatau paringaneng, dingangu sëngkatau itëntang. [³⁶Duangkatau mamunara su lantang sëngkatau paringaneng, ku sëngkatau e wue itëntang.]”

³⁷Manga murit'i Yesus nëm-pëkiwaŋe, "Suapa wue ene sarung mariadi Mawu?"

Yesus simimbang, "Suapan pia° bangke ute, sene pia manu mananodo bangke ene."

Papinintung bawine waŋu ringangu mëlähukung

18 Bōu ene i Yesus mēbē-bēken sēm̄bau papinintu waugu ipanëntiro manga murit'E tadeau i sire hanesë mēmpēdoa ringangu tawe ikawesū u ēnna.

° kasuang = bangkai

17:31: Mat. 24:17-18, Mrk. 13:15-16 17:32: Pënd. 19:26 17:33: Mat. 10:39, 16:25, Mrk. 8:35, Luk. 9:24, Yoh. 12:25

²Mawu Yesus nēhengetang, "Su soa sēm̄bau kai pia mēlahukung ku tamatataku u Mawu Ruata e, dingangu tawe mēndarekeng i sai-sai. ³Su soa ene pia lai sëngkatau wawine waŋu ku seng pira-pirang suŋe mëtëtëngong mēlahukung ene mēdëdorong perkarane pakiontolë, 'Tuŋungko ia mëtëngon dokaku,' angkuëngu wawine waŋu ene. ⁴Ene sëngapang dëngue mēlahukunge tawe mapulu mëtulungu wawine waŋu ene. Kai samurine mēlahukung ene kai nētinnēna, 'Maningbeng ia tamatataku u Mawu Ruata ringangu tawe mēndarekeng i sai-sai, ⁵kai ualingu wawine waŋu ini mēngkai hanesë dudēnta manahaghe sia, mapiangbe ia mëtulungu perkarane. Kai kereu tala, i sie mēntēhang mēngkai hanesë dudēnta ku makasigēsā si sia.'"

⁶Bōu e Mawu nēhenge-tang, "Pētinnēna apan ku niwerang mēlahukung ta katulide ene! ⁷Ho! Sēnaungu Mawu Ruata kai ta makakoā tumatawang pëkarang umat'E sēsane ku mēmpëkëkaŋiomaneng si Sie ëllohëbi? Su naungu i Sie mēnēnoho

u tempo mēdeau mētulung i sire?

⁸Pangimangke: I Sie mēngka-te masahawu tumatawang perkarang sire! Kaiso kamageng Ahus'u Taumata rumēnta, apa wēdaweng makahombang taumata manging mang si Sie su dunia ini?"

Papinintung tau Farisi ringangu maghaghēlle bea

⁹Mawu Yesus maļaing nēbēkeng papinintu ini ku pinēti-monan'E su taumata mapakasana u taumata waline, kaiso mangiaking u batangeng i sire mapia. ¹⁰Angkuēng i Yesus, "Piā tau ruangkatau ku nakoā sarang baleng Mawu mēmpēkalio-maneng. Sēngkatau tau Farisi, ku sēngkatau e waline lai e maghaghēlle bea. ¹¹Tau Farisi ene rimarisi nētēngkahae sēsane ku nēkalio-maneng, 'Oh Ruata, iā makitarima kasē si Kau, u iā baline kere taumata sēngga, ku tahapēhampasē, tā katulide, arau tahawuang. Iā makitarimakasē ualingu iā balinewe mēsulungu maghaghēlle bea ēndai ene. ¹²Iā mēpuasa duan sulē sēngkami-sa dingangu iā mangonggo u sasēmbaku si Kau katahapulung bahageange bou kēbi ēbaku.'

¹³Arawe maghaghēlle bea ene dudarisi bou maraune dingangu saļa matakū kadalingarane sarang ļangi. Apid'u kapēngapune sēba e i sie kapēberane, 'O Mawu Ruata, talēntukon Iā taumata waradosa ini!"

¹⁴"Pangimangke," angkuēng i Yesus, "su tempong napulē solong bale, maghaghēlle bea ene ku nitarima u Mawu Ruata balinewe tau Farisi ene. U apan taumata ku mētēngkarange u watangenge kai iapakasana; dingangu i saing ku mētēngkasana u watangenge kai iapakarange."

Mawu Yesus mangalamatē manga rario

(Mat. 19:13-15; Mrk. 10:13-16)

¹⁵Piā manga taumata nēm-pēbawa manga rario darodo solong anun Mawu Yesus tadeau i Sie manenggehē dingangu mangalamatē si sire. Saraeng manga murid'i Yesus nakasilo ene, i sire kai limangehē su taumata ļawo ene. ¹⁶Kai i Yesus nēkui manga rario e mase nēhengetang su manga tumatolen'E, "Balā e manga rario aparēnta su anuKu! Abe sahaghei i sire, batu kai taumata kere ēndai ini makoā ana u Mawu Ruata. ¹⁷Tahēndunge-

ko! I sain tawe mětəngon Duata e kere manga rariŋ ini, tawe makoə manga ana u Mawu Ruata."

Kakakoə u taumata kala

(*Mat. 19:16-30; Mrk. 10:17-31*)

¹⁸Səngkatau pangaha u tau Yahudi e nakiwalo su Mawu Yesus, "Tuang Guru ləadateng, ia harusə məkəpura ho, tadeəu məkəbə pəbawiahə kakalə?"

¹⁹"Kawe unəe i kau mēsəbə u Ia mapia?" kakiwalon Mawu si sie. "Tawəu sarang səngkatau mapia, sulikud'u Mawu Ruata səsane. ²⁰I kau seng masingka manga parentang Mawu Ruata: 'Kumbahang mawuang, kumbahang mamate, kumbahang mətako, kumbahang mēsahiding konti, ringangu pangadatə si amangu ringangu si ninangu.'"

²¹"Kəbi parenta ene seng taku nituhukang, dokeng ia bəđang kadodo," sasimbangu tau ene.

²²Nakaringihə ene, i Yesus nəhengetang, "Bəđang pia səmbau hinong koatengu: Baluko kəbi arəta u ku onggoke roite su tau kasiang, ku i kau sarung makahombang arəta u su sorga. Bəu ene mahie tole Sia." ²³Sa-

rangke tau ene nakaringihə ene, i sie mēngkatewe masusa naunge, ualingu i sie kai kala kahəngang.

²⁴I Yesus masingka u tau ene masusa naunge ualingu ene Mawu Yesus nəhengetang, "Masigəsə kahəngang tau kala makoə kawanua Mawu Ruata! ²⁵Malowokangbe unta sumuə su tulin darahung, sulungu tau kala sumuə su kararatuang u Mawu Ruata."

²⁶Kəbi taumata apan nakaringihə si Yesus nəhengetang kere ne nakiwalo, "Kamageng kere ne, i sai tangu hinong masalamatə?"

²⁷Yesus simimbang, "Apan tawe mariadi su taumata e, mariadi wue su Mawu Ruata!"

²⁸Mase i Petrus nəbera, "Kakəlla! I kami seng nanəntangu səmbaleəng baugu tumole si Tuang."

²⁹"Pangimangke!" angkuəng i Yesus, "I sain seng nanəntangu walene, arau kawinge arau mahuanene arau inang-iamange arau manga ana e ualingu mətangkiang Mawu Ruata, ³⁰i sie sarung balisang limembong kalawoe pira haweng su tempo ini, dingangu su tempo sarung dumənta, i sie sarung gəlikangu

pětatumbiahě tutune ringangu kakalě."

**Mawu Yesus nēbisara
katěllung sulene halě u
kapapohonge**

(*Mat. 20:17-19; Mrk. 10:32-34*)

³¹ Mawu Yesus nangomoli sire murit'E mapulo dua nihaene mase nēhengetang, "Daringihěko! I kite ini mětětmona Yerusalem. Pai sene, kēbi apan niwohe u manga nabi maanun Ahus'u Tau-mata sarung mariadi. ³² I Sie sarung isarakang su apan taumata waline Yahudi, ku sarung mētaghunalang, mēhinakang dingangu mangědu si Sie. ³³ I sire sarung manigěsa dingangu mamate si Sie, arawe su katěllu ellone i Sie sarung mēbangung."

³⁴ Patiku ene tawe nikaēnnaengu manga murit'E sarang kadodo-dodo. Mangalen bawerang Yesus ene nibawunin sire. I sire bėgan Sie mēnsang mēbēbi-sarang apa.

**Mawu Yesus napakapian
taumata wuta taharorong**

(*Mat. 20:29-34; Mrk. 10:46-52*)

³⁵ Su tempon Yesus marani mahumpa u Yerikho, sėngkatau

wuta maiang mētaharorong su wih'uh' u raleng. ³⁶ Pia i sie nakaringihě taumata lawo susehe i sie nakiwalo, "Kai pia apa?"

³⁷ "Yesus tau Nazaret ene susehe," angkueng i sire si sie.

³⁸ Tangu tau wuta e nēkia-ae, "Yesus, Ahus'i Daud! Talěntukong ia!"

³⁹ I sire apan su tēngone, nēmpēpědu ringangu nēngoron sie apakademasě. Kai i sie saunengkewe nēkujewen tingihe limembong kaihā e, "Ahus'i Daud! Talěntukong ia!"

⁴⁰ Mawu Yesus nēdung dingangu nagoro taumata apēbēbawa tau wuta ene sarang anun'E. Saraeng i sie nahumpa, Yesus nakiwalo, ⁴¹ "Kai apa kapulunu Taku koateng si kau?"

"Tuang," sasimbahu tau wuta ene, "ia mapulu makasilo."

⁴² Mase Mawu Yesus nēhengetang, "Kamageng kerene ute, pēkellae! Ualingu i kau mangimang si Sia ute, i kau e muļe."

⁴³ Su tempo ene lai, i sie ringangu nakasilo, mase i sie timole si Yesus apidu nakitarimakasě, su Mawu Ruata. Saraeng taumata lawo e nakasilo e halě ene ute, i sire kēbi nēmpědalo Mawu Ruata.



Mawu Yesus dingangi Zakheus

19 Saraeng i Yesus nahumpa su Yerikho, i Sie mēngkatewe rimālengu soa ene. ²Su soa ene piā sēngkatau tēmbonangu maghaghēlle bea kalā, Arengē i Zakheus. ³I sie mapulu makasilo kai i sai Mawu Yesus ene, kū uālīngken taumata tumanīu ļawō dingangu i sie sēsane kai masana, ute i sie tawe nakasilo si Yesus. ⁴Kuteu i sie timālāng nangālāmona taumata ļawō, bōu e naawī su kalu, tadeāu makasilo si Yesus kū tā kadēngue sarung sumahe sene. ⁵Saraeng i Yesus nahumpa su kalu ene, i sie rimālīngara mase nēbera, "Zakheus lighāko ēnaē

dēlusē! U Ia e kai mapulu mawuna su walenu sahēllo ini."

⁶I Zakheus mēngkatewe masahawu-sahawu dimēlusē dingangu nanarima si Yesus napenē u raļuasē. ⁷Kēbi taumata nakasilo haļē ene nanētaē nēmpēgahutu. I sire nēbera, "Sih! I Sie tamai makisake su walēn taumata raļai!"

⁸Bōu e su walēne, i Zakheus dimarisi dingangu nēbera e si Yesus, "Mawu, sēmbahageang bōu arētaķu, takū ionggo su taumata kasiang; dingangu balāe i sai wōu takū kinaakaļeng, sarung takū baehang kapia si sie ēpa u suļē!"

⁹Mase angkuēng i Yesus, "Su sahēllo ini i kau ringangu kaļawōu raļohon balēnu masaļa-

matě dingangu ghëllikangu pëbawiahě buhu, batu mang i kau lai hiten Abraham. ¹⁰ Ahus'u Tau-mata rumënta mëdeä dingangu mapakasalamatu apang nëngkalidë."

Papinintung doitë bułaeng

(Mat. 25:14-30)

¹¹ Pia e i sire wëdang kapëdëdaringihe si Yesus mëbëbisara, i Sie nëbëken papinintu sëmbau. Batu su orasë ene i Sie maraning Yerusalem, dingangu taumata mangiralingu Mawu Ruata seng ligha mëparenta kere sëngkatau Ratu su dunia. ¹² Mawu Yesus nëhengetang, "Pia sëngkatau tuhasë kü nakoä solong banua marau mëdeäu mahengke makoä datu, mase mësulë kapia. ¹³ Bëdang ta nëbëbua, i sie nëkui mapulöngkatau ëllange, mase nangonggou roitë bułaeng pësëngkalëpa si sire pësëngkatau. 'Pëmpëdagangken doitë ini karënguëwen iä suraralëngang,' angkuënge si sire. ¹⁴ Arawe ralohon soa ene mëbëbinsi i sie. Kuteu, saraeng i sie seng napa-ghohë i sire nëndolohu rarolohang tadeäu apauliü, 'I kami ma-

diring tau ini iapakakoa datang kami.'

¹⁵ Kaiso tuhasë ene nahengke naratu bou e nësulë su wanuane. Mëngkate apa masahawu i sie kimui manga ëllange apëtëtëngo, tadeäu makakasingkau kalawou untunge nikatarima i sire. ¹⁶ Ëllang humotonge rimënta ringangu nëbera, 'Mawu, doitë bułaeng kü nionggö u Mawu e, seng taku kinakoä mapulöng kalëpa.' ¹⁷ 'Mapaelë,' angkuëngu mawune, 'i kau ëllang mapia! Ualingu su manga halë dararodö, i kau wotonge kapëngumbalaëng ute, iä sarung mëkoä si kau mangawasa soa mapulo.' ¹⁸ Ëllang karuane rimënta ringangu nëbera u, 'Tuang, doitë bułaeng sëngkalëpa nionggö i Tuange, seng taku nikakoä lima.' ¹⁹ Su ëllang ene, datu e nëbera, 'I kau sarung mangawasa soa lima.' ²⁰ Ëllang kewelai waline rimënta, kü nëbera, 'Tuang, ini roit'u; taku niresö suralungu lenso. ²¹ Iä kai matakü si Tuang batu i Tuang kai taumata mahëgisë. I Tuang kawë mangala apam baline tataghuaneng i Tuang, dingangu i Tuang mamënsa su

tampa tawe niasi i Tuang.' ²² Datu ene nēbera si sie, 'I kau ēllang dalai! Mētakaewen^p baweranu sēsanu iā sarung mēhukung i kau. I kau masingka u iā taumata mahēgisē: iā mēngaḷa apang ku baline tataghuanengku, dingangu mamēnsa su tampa tawe taku pinēngasikang. ²³ Maeng kerene unue i kau tawe nanowa roitē ene su bank tadeau su tempon iā mawali, iā nakapanarima bue roitē ringangu untune?' ²⁴ Mase ratu ene nēbera si sire apan mahundarisi sene, 'Aḷa e roitē ene wo'i sie ku gēliko su ēllang ku managhuang doitē buḷaeng mapulo ene.' ²⁵ Arawe ene nēmpēbera, 'Mawu, i sie seng nēnaghuang mapulo.' ²⁶ Datu e simimbang, 'Tahēndunge: i sain seng pia si sie, sarung tambaēng iapakaḷawo. Arawe i sain tawe apa ute, apan ene si sie sarung pēngalakeng lai wo'i sie. ²⁷ Ku orasē ini ute wawae ramahi apan dumaroka si sia e, ringangu tawe mapulu iā makoḷa datun sire. Patē e i sire kēbi su tēngoku!'"

Mawu Yesus simuē su
Yerusalem suralungu
kawawantugē

(Mat. 21:1-11; Mrk. 11:1-11)


(Yoh. 12:12-19)

²⁸ Saraeng i Yesus nēhenge- tang u kēbi ene, i Sie rimaḷeng su tēngon sire nētimona Yerusalem. ²⁹ Saraeng seng maraning Betfage ringangu Betania su wulud'u Zaitun, i Sie rimoloh'u murit'E ruangkatau niapangalimona. ³⁰ "Dakoko sarang kampong pai tētātēngoēng," angkuēng i Yesus si rēdua, "kereu i rua masuē sene i rua mēntēhang makasilo anau kalide sēmbau mālaiki. Kalide ene wēdang tawe nisēsakeēngu taumata. Lukae kalide ene ringangu wawa e ramahi. ³¹ Kereu taumata makiwalo si rua, 'Unue i rua nēluka kalide e?' pēberako, 'Mawu e mēgēgausē.'"

³² I rēdua murit'i Yesus e natamai ringangu kinaēbakeng kēbi e kahēngang kerēwe niweran Yesus. ³³ Kuteu i rēdua kapēlukane anau kalide e, taghuange

^p natuhung = sesuai

19:26: Mat. 13:12, Mrk. 4:25, Luk. 8:18



Ana'u kalide (19:30)

nëbera si rëdua, "Unue i rua mëluka kalide ene?"

³⁴I rëdua simimbahë, "Mawu mëgëgausë." ³⁵Bou e i rëdua nëbawa ana u kalide e sarang anung Yesus. Mase i rëdua nëmilau pakeang i rëdua su talëtugu kalide e ku niapaawi i Yesus su wowong kalide ene. ³⁶Kutëu i Sie simahe apid'u kasakene kalide e taumata lawøe nëmpamilaem pakeang i sire su raleng.

³⁷Su tempong i Yesus maranieng mahumpa u Yerusalem suraleng ku dumësungu wulud'u Zaitun, këbi manga murit'E makëpalë ene nanëta e mëmpëdalon tingihë maiha mëdëdalo Mawu Ruata ringangu makitarimakasë si Sie ualingu kalawou munara makalaherang ku seng kinasilon sire e. ³⁸I sire nëmpëbera maiha, "Alamatë kawuako su Ratu ku kadëntane suralungu areng u Mawu! Pëda-

rame su sorga dingangu apakara-loko Mawu Ruata!"

³⁹ Pirangkatau tau Farisi wou taloaran taumata lawo e nempëbera si Yesus, "Tuang Guru, pëberaiko manga murit'i Tuang apakarëmasë."

⁴⁰ Mawu Yesus simimbang, "Pangimangke! Kereu i sire marëmmasë ute manga watu ini sarung mëmpëgio."

Mawu Yesus simangi u Yerusalem

⁴¹ Saraeng i Yesus lühaungkeng Yerusalem ku nakasilö e soa ene, i sie simangien soa ene. ⁴² Angkuëng'E, "Pirua, kerëeng kapiane, kereu sahëllo ini i kau masingkau apan makarëntan pëdarame! Kaiso orasë ini e i kau tawe makasilö ene. ⁴³ I kau sarung makapëndang su sënsule tempo suapan seke u e mëkoä sasahaghe ipëliku si kau; i sire sarung mëmpëliwung si kau ringangu mëmpañesë si kau wou këbi tampa. ⁴⁴ I sire sarung mapakasilaka i kau ringangkewen taumata ralohonu e; ku tawe manga watu sarang sëmbau i-

walan sire maðalënsung su tampa e, batu i kau tawe mëñënaungu tempon Mawu Ruata rumënta mapakasalamat'i kau!"

Mawu Yesus simuë su Walen Duata

(Mat. 21:12-17; Mrk. 11:15-19)

(Yoh. 2:13-22)

⁴⁵ Mawu Yesus simuë su Walem Mawu ku nanëta nanokolu malahumbaļu su tampa ene. ⁴⁶ "Su ralungu Winohë Susi," angkuëng'E si sire, "mabawohe kereini: Mawu Ruata e nëhenge-tang, 'BaleKu kai sarung maka koa baleng pëkakaliomanengang.' Kuteu kahiang kamene nikakoa liangu taha pëhampasë!"

⁴⁷ Ëllo-ëllo i Yesus manënti-ro su ralungu Balem Mawu. Manga imang tëmbonange ringangu manga mananëntiro agama, ringangkewen manga pangahau tau Yahudi e mapulu mamate si Sie, ⁴⁸ kuteu tawe nakarea dalenge mënsang kerea-pa mëkoä halë ene, ualingu këbi taumata mëngkate rudaringihë si Sie ringangu rudaringihë manga hengetang'E.

Kakiwalon n̄aanun kawasang Yesus

(Mat. 21:23-27; Mrk. 11:27-33)

20 Pia e su sahēllo, i Yesus kapanēntirone ringangu mēlēhabaren Injilē bou Mawu Ruata su taumata lawo su ralungu Balem Mawu. Manga imang tēmbonange, manga mananēntiro agama ringangke-wen mēngangaha tau Yahudi rimēnta, ²kū nēmpēbera si Yesus, "Kēnang habarē si kami kai apa wanggilu timonanu hakiu i Kau nēkoā kēbi ini? Kai i sai tangu nēgēlliū kawasa ene si Kau?"

³Yesus simimbang, "Ia mapulu makiwalō. Kēnangko pēhabarē si Sia, ⁴I Yohanes kai nēnahani ringangu kawasang sai tangu? Mawu Ruata arau taumata?"

⁵Tangu i sire nanēta e nahumbisara, "Kereu i kite mēhabarē, 'U kai ringangu kawasan Mawu Ruata,' ute i Sie sarung mēbera, 'Maeng kerene, kawe unūe i kamene tawe mangimang si Sie?' ⁶Arawe maeng i kite mēbera, 'Kai ringangu kawasang taumata,' ute sēngkawauange mēntēhang mangēntungu watu si kite, batuu i sire mangi-

mangu i Yohanes kai sēngkatau nabi." ⁷Kuteu i sire simimbangu, "I kami wēga wue."

⁸Tangu i Yesus nēhengetang si sire, "Kamageng kerene Ia e tawe lai mauḷi si kamene, mēnsang dingangu kawasang sai Ia mēkēkoā kēbi ene."

Papinintung manga mēlahalē u wael'u anggorē

(Mat. 21:33-46; Mrk. 12:1-12)

⁹Mawu Yesus mēbēbēke su taumata lawo e, papinintu kereini, "Piako naung sēngkatau nēkoā sasuang anggorē. I sie nakitamang sasuang su pirangkatau mēlēhalē sasuang mase nakoā sarang banua waline kū nētana diō marēngu sene. ¹⁰Su temponē e manipo wuang anggorē, taghuangu sasuang nēndoloh'u ēllange sarang anun mēlahalē ene tadeau manarima bageange. Kuteu manga mēlahalē ene nēlimadē ēllang ene kū i sie nirolohē niapakapule dingangu limane ta lohōne. ¹¹Tangu taghuangu sasuang saūewe lai rimoloh'u ēllange lai waline; kuteu ēllange ene malaing nilimad'i sire ringangu nipakameang manga mēlahalē, mase niapakapule ta ule apa. ¹²Bou e taghuangu sa-

suange rimoloh'u ẽllange katẽllu-
ne. Arawe ẽllang ene maļaing ni-
limad'u manga mẽlahalẽ ene ku
niteled'i sire sulikudu sasuang
ene. ¹³Pẽngẽnsueẽnge taghuang
sasuang ene nẽbera e, 'Ia e
kai mẽkapuræ ngae? Ia e sarung
mẽndolohen ahusẽku ikẽkẽndagẽ.
Sembeng naļahẽu i sie sarung a-
dateng i sire!' ¹⁴Akutẽu sarang
manga mẽlahalẽ nakasilo ana u
taghuangu sasuang ene, i sire
nẽmpahumbisara e sẽngkatau su
waline, 'Kai ẽndai i sie ini e tag-
huange. Mahiẽ i kitẽ mẽmate si
sie, mẽdeau i kitẽ managhuang
pusaka e.' ¹⁵Tangu i sire nẽhipen
sie sarang likud'u sasuang mase
pinate."

Mase Mawu Yesus naki-
waļo e, "Ene ẽng, kama-
geng taghuangu sasuang ene
mẽbaļi, i sie sarung mẽka-
puræ su manga mẽlahalẽ ene?
¹⁶Mambeng tẽngadẽ, i sie sa-
rung dumẽnta ku mamate manga
mẽlahalẽ ene, ku manarakangu
sasuang su mẽlahalẽ e waline."

Nakaringihẽ ene, nẽmpẽbera
e taumata ļawo si Yesus, "Mam-
beng ai kariadi kerene!"

¹⁷Mawu Yesus kai namanda
si sire mase nakiwaļo, "Kama-

geng kerene, apa mangalẽn ba-
walom Binoļe Susi ini?

'Batu niwalan mẽkakoā baļe
e kai seng nakoā batu
kahumotongange.'

¹⁸Kẽbi taumata apan naẽnsa su
watu ene sarung maraluta; di-
ngangu i saļewen kaẽnsakengu
watu ene sarung mararulẽ makoā
awulẽ."

Halẽ u pẽmamaehẽ balasteng

(*Mat 22:15-22; Mrk 12:13-17*)

¹⁹Manga mananẽntiro agama
ringangu manga imang tẽmbo-
nage masingka u papinintu e-
ne ipẽtẽtalahinon Yesus si si-
re. Ualingu ene i sire mẽdẽdeā
maname si Sie su orasẽ e-
ne lai, kai i sire matakũ
u kawanua e. ²⁰Kutẽu i sire
mẽngkai mẽdẽdeā loahe mapia.
I sire rimoloh'u taumata sa-
rang anung Yesus makoā nẽpa-
pahimang makitikau taumatawe
matulidẽ tadeau i sire mẽngaļa
bera si Yesus dingangu kakiwaļo
mẽdeau i sire makapẽbarakang i
sie su mananẽmbonange ringang-
u kawang gubernurẽ. ²¹Tangu
i sire apan niongotangu roitẽ
e nẽmpẽbera si Yesus, "Tuang

Guru, i kami masingka u kēbi apan niwera ringangu nitēntiron Tuange nēhino wue. I kami masingka lai u i Tuang dingangu mahatedē manēntirong kapulun Mawu Ruata su taumata, batu i Tuang tawe mēmamile taumata. ²²Ualingu ene kēnang i Tuang pēbera si kami, tuhewe su tēntirong agamang kite botonge wue mamaehē balasteng su Kaisarē a-rau tala?"

²³Kai Mawu Yesus masingkau tondoliku i sire hakiu ene i Sie nēhengetang, ²⁴"Kēnangko tode si sia doitē salaka sēngkalēpa. Tulada ringangu arengi sai ini e?"

"Kaisarē!" simbah'i sire.

²⁵"Maeng kerene," angkuēng i Yesus si sire ute, "ghēlibe su Kaisarē apaewen darotongu Kaisarē dingangu su Mawu Ruata apaewen darotongu Mawu Ruata e."

²⁶Kawe tēngadē su tēngon taumata lawo e i sire tawe nakasame sala maning kētau sēmbau si Yesus. I sire mēngkatewe marēmmasē dingangu madalinguen sasimbang'E.

Halē u pēbawangung bou papate

(*Mat 22:23-33; Mrk 12:18-27*)

²⁷Pirangkatau wou ghalipohong Saduki nahudenta sarang anum Mawu Yesus. (I sire ghalipohon taumata ku pia kasingka u tawe apa pēbawangungu taumata nate.) I sire nakiwalō si Yesus. ²⁸"Tuang Guru, i Musa kawē namohē u tita ini si kite: Kereu pia u sēngkatau esē mairi ku i sie kawē wantō, tangu tuarine (tuhange) harusē pēkawing dingangu walune mēdeau mapalētowen hite su tau seng nairi. ²⁹Pia nāung i sire pitu tamahuari. Ene iakange nēkawing dingangu walune, kuteu i sie lai nate wantō. ³⁰Mase karuane nēkawing dingangu walune, kuteu i sie lai nate wantō. ³¹Mēsulungkewen nariadi malaing dingangu katēllune sarang i sire pitu. ³²Nadeho tau wawine ene nate e lai. ³³Su ēllon pēbawangungu taumata nate ute, kai kawingken sai tau wawine ene? Batu i sire pitu e seng bou nēmpēkawing i sie kēbi."

³⁴Mawu Yesus simimbang, "Manga taumata mēbēbiahē o-rasē ini mēmpēkēkawing, ³⁵kai i sai-saing hinong ipēbangung kapia wou papatene, ku mēbiahē su tempo ramahi e i sire seng tawe mēkawing. ³⁶Kakakoā i sire kai kere malaekatē tawe lu-maate. I sire kai manga ana u Mawu Ruata, watu i sire seng niapēbangung kapia wou papate. ³⁷I Musa sēsane nēlahē u taumata nate sarung iapēbangung kapia. Suralungu winohē e māanun gahundungu sumpini ku dudēlli ene i sie nakasēbau Mawu kere 'Ruatang Abraham, Duatang Ishak, Duatang Yakub'. ³⁸Ku Duata ene balinewe Ruatan taumata nate! I Sie kai Ruatan taumata wiahē! Batuu su Ruata e kēbi taumata e wiahē."

³⁹Pirangkatau mananēntiro agama nēmpēbera, "Sasimbang-i Tuang Guru e mapaelē kahēngang." ⁴⁰Ualingu ene i sire sembeng tawe lai wahani maki-walon manga apa si Yesus.

Halē u Ratu Mananałamatē
(*Mat 22:41-46, Mrk 12:35-37*)

⁴¹Mawu Yesus nakiwalō si sire, "Kere apa ralenge mēdeau

Ratu Mananałamatē e ikawera-we hēnton Daud? ⁴²Sumbaliau i Daud sēsane nēbera suralungu bukē u Mazmur,

'Mawu kasēllahenge
nēhengetang su Mawuku:

Kaiangko su koanengKu,

⁴³sarang Ia mēkoā manga roka'U e mēsuba si Kau.'

⁴⁴Kuteu kamageng i Daud mēsēsēbau Ratu Mananałamatē e, 'Mawu', ku kereapa wue i Sie kawē hēnton Daud?"

**Laingatu tadeau pakatate-
ghang bue su manga
mananēntirong agama**
(*Mat 23:1-36; Mrk 12:38-40*)

⁴⁵Ene taumata e kapēda-ringihe si Yesus mēlēhengetang, i Sie nēbera su manga murit'E, ⁴⁶"Pakatateghang bue su manga mananēntiro agama. I sire puluang mēdaraleng dingangu laku mananandu, ku papuluang makīadatē su manga pasarē. I sire papuluang kumaian su kakai-aneng su horone su pēmanisaēng dingangu su manga salimbang. ⁴⁷I sire mēmpangakalē manga wawine walū ringangu mēlēham-pasē balene. Ku mēdeau karałai i sire tawe kasingkateng ute, i si-

re mēmpēkēkālīomaneng manan-
du-nandu. Hukumang i sire sa-
rung limembong kawēhæ.”

Sasēmban tau wawine walū

(Mrk. 12:41-44)

21 Su Walēm Mawu e, i Ye-
sus nēhengkē u matane
nakasilo makakalæ nēmpamēllo u
roitē suralungu peting sasēmba.
²I Sie nakasilo lai sēngkatau
wawine walū kasiang nētahong
duang kalēpa roitē tambaga.
³Mase i Yesus nēhengetang, ”Da-
ringihē: tau walū ěndai e nēta-
hon sasēmba limembong kalawōe
wōu kēbiwe lai waline. ⁴Batūu i
sire kēbi e mēngkai mēmpēgēgēlli
bōu tompe u arēta i sire. Arawe
wawine walū ěndai e, manieng
tumanju kasiang, kaiso i sie
nangonggōu kēbi apan tētaghua-
nenge kū gēgausang hala waugu
pēbawiahē.”

Yesus mānēbalen kaghagho-
ghahu Walēm Mawu

(Mat. 24:1-2; Mrk. 13:1-2)

⁵Pia i sire māhumbisara
maanung kereapa kapaele Balēm
Mawu nilēgahu watu ma-
ralēnggihē dingangu manga saba-
rang sasēmba su Ruata. Tangu
i Yesus nēhengetang si sire.
⁶Kai sarung pia tempone kēbi

apang kinasilong kamene sarung
matēnehē kū tawēu sarang batu
sēmbau ěndai sini maḍalēnsung
su tampa e.”

Kasasusa ringangu
tatumbiagē

(Mat. 24:3-14, Mrk. 13:3-13)

⁷I sire nakiwalō si Yesus,
”Tuang Guru, angereŋŋae tamai
ene mariadi? Kū kai apa e tatia-
lane, watūu kai sen tempone halē
ene sarung mariadi?”

⁸I Yesus nēhengetang, ”Pa-
kapapia wue kumbahangbe i ka-
mene kaakaleng. Lawō taumata
sarung mahundēnta ringangu a-
rengKū, kapēberane seng, ’Ia e
i Sie!’ ringangu ’Seng tempone.’
Kaiso kumbahangbe i kamene tu-
moŋ si sire. ⁹Abe lai kēngka-
takū kereu i kamene makaringihē
habar’u pēsasekē dingangu pēga-
ghuhaeng. Tamai ene harusē ma-
riadi kalimona. Kaiso ene walī-
newe mangalēn seng tempone
mēkiamatē.”

¹⁰Bōu e i Yesus nanēpa-
seng hengetang’E, angkuēng’E,
”Umatē sēmbau sarung mēseke
dumoka umatē baline ringangu
kararatuang sēmbau sarung du-
moka kararatuang baline. ¹¹Su
apang tampa sarung pia linuhē
maŋaiha dingangu karalunusē di-

ngangu sahinda suapan tampa. Mase sarung mariadi manga apa makalahiasē dingangu makātataku su langi. ¹²Kai kalimonan patiku ene nariadi, i kamene ute sarung isamme dingangu tingkai-tang. I kamene sarung ihukung su manga walem pēkakaliomanengang ku itahungku. Dingangu i kamene sarung ipētēngom manga ratu ringangu manga mēngangawasa ualingu i kamene kawe manga muritēKu. ¹³Ku ene kai seng tempone si kamene tadeau makapēhabar'u Injil'u Ruata. ¹⁴Mēngkate pakapaku su nauung i kamene u i kamene tawe sarung ghumēnggangu apang isimbah'i kamene mētahutēndau watangeng. ¹⁵Ia sēsaku sarung pia u taku ipēbera ringangu sasalēntihō tadeau taweu manga sarang sēngkatau wou manga rokaku makakaroka arau mēdēndilu apan niwerang kamene. ¹⁶I kamene sarung ipēbinsi u ghaghurang, manga anau sēngkatau arau kahian manga ēgē arau manga hapi i kamene. Sēmbahageang bo'i kamene sarung pateēng i sire. ¹⁷I kamene sarung ipēbinsi u kēbi taumata ualingu i kamene kawe muritēKu. ¹⁸Kaiso

sarang uta sēmbua wou tēmbō i kamene e tawe sarung mailang. ¹⁹Kereu i kamene makakēdang dingangu makasabarē ute i kamene sarung masalamatē.”

Mawu Yesus manēbaleng kaghaghologu Yerusaleni

(Mat. 24:15-21; Mrk. 13:14-19)

²⁰”Kereu i kamene makasilōe Yerusalem maḍaliwungu wuntuangu mēsasekē ute i kamene sarung masingka u soa ene tawē karēngue lai sarung pakawinasa. ²¹Su tempo ene apang ene su Yudea e harusēbe pahuntalang solong bulude.⁹ I sire apan suralungu soa harusēbe panētangu soa, ku i sire apan sulikud'u soa e abe suē suralungu soa. ²²Batuu ēllo-ēllo ene e kai 'Ēllo-ēllon Tilakehangu Papahang', medeau ualingu kakakoā kerene ute mariadi wue kere seng nawohē suralungu Winohe Susi. ²³Ku apaewe kereng katēdūe su manga ēllo ene mihino su manga wawine pia kapapia, ringangu mapasusun dariōe! Banua ini e sarung kahombangengu sigēsā masaria, dingangu Mawu e sarung mēhu-

⁹ bawulurang = pegunungan

21:14-15: Luk. 12:11-12 21:22: Hos 9:7

kungu kawanua ini. ²⁴Pia sarung pateŋgu peda,^r piaben lai sarung tawengang sarang banuan tau liwu; ringangu i sain bėgan Mawu e sarung mēndalinda^s Yerusalem sarang masue tempone nitantun Mawu e si sire.”

Darēntang Ahus'u Taumata

(*Mat. 24:29-31; Mrk. 13:24-27*)

²⁵”Hėdowe su matangėllo, wuŋang dingangu su manga wi-tuing sarung ikasilo manga tatiala. Su dunia e, manga umatė e sarung mēngkataku dingangu mēmpėbingo u ghalėdu dingangu wėlladu sasi. ²⁶Taumata e sarung matakū tā si-hinge tumatėngo apa sarung mariadi su kasėllah'u dunia ini, watuū manga mangawasa ŋangi e sarung guminuė.^t ²⁷Su tempo ene Ahus'u Taumata e sarung dumėnta suralungu winawa, pia e kawasan'E, ringangu kawawantug'E masėllahė. ²⁸Kamagengu kėbi ene manėta e mariadi ute pėmpėpėtiko mase ralingara, u mēntėhang ini e i kamene sarung ipakasaŋamatė.”

Tėntiro wou kalun ara

(*Mat. 24:32-35; Mrk. 13:28-31*)

²⁹Mase i Yesus nėbėken papi-nintu kereini si sire, angkuėng'E, ”Kakėllako kalun ara ringangu kaŋawou kakaluang baŋine. ³⁰Kereu manga towou seng manėta humėti ute i kamene masingkau musungu pėdisė e seng masandigė. ³¹Kerene lai kereu i kamene makasilo manga haŋe ene maŋia-di, i kamene sarung masingka u Mawu Ruata seng tā karėngue mēparenta kere sėngkatau Ratu.

³²Kasingkako! Manga haŋe ene sarung mariadi kaŋimonan taumata mēbėbiahė orasė ini e, kėbje reng ta nėngkapuŋe asalė. ³³Langi dingangu dunia e sarung mapaghohė arawe hengetangKu e ute tatapė sarang marėngu-dėngu.”

Mambeng pėdariaga

³⁴”Pėndiaga batangengu, kumbahang sarang i kame-ne mēngkate mėtėtasibung saŋi-wang ku mēmpanginung inu-mang makabukang arau mēngkate mėsėsipir'u haŋe u pėbawiahė

^r bara = pedang ^s mēndalita = menginjak-injak ^t mēgohaeng = kacau-balau

21:25: Yes. 13:10, Yeh. 32:7, Yl. 2:31, Pėl. 6:12-13 21:27: Dan. 7:13, Pėl. 1:7

hakju i kamene tawe nasadia su tempong ěllo ene sĕngkianu rumĕnta makalahĕkosĕ. ³⁵ U Ěllo ene sarung dumĕnta kere rarĕntang tahatako su patiku taumata su wowon dunia ini. ³⁶ Pakarariaga dingangu pĕmpĕkĕkaĭiomaneng sidutu mĕdeau i kamene maťoghasĕ mĕtatĕtoľu patiku halĕ maria-di ku i kamene makarariš su tĕngong Ahus'u Taumata."

³⁷ I Yesus nanĕntiro su Baľem Mawu su tempong ěllo ringangu hĕbine i Sie tamai sarang bulud'u Zaitun ku nĕtana sene. ³⁸ Apan maľukadĕ kĕbi taumata e maľundĕnta su Baľem Mawu mĕdeau rumaringihewe si Yesus manĕntiro.

Komolangu rumaroka si Yesus

(*Mat. 26:1-5; Mrk. 14:1-2*)

(*Yoh. 11:45-53*)

22 Saľiwang u Borotĕ Ta Ła-haesang, isĕsĕba Paskah e seng masandigĕ. ² Manga imang tĕmbonange ringangu mananĕntiro agama mang kapĕdĕdeu e raľengu mamate si Yesus dingangu marĕma-rĕmasĕ, batuu i sire mataku u taumata ľawo.

I Yudas kimireng manarakang i Yesus

(*Mat. 26:14-16; Mrk. 14:10-11*)

³ Bou e setang simuĕ e si Yudas ku isĕsĕba lai si Iskariot, sĕngkatau wou i sire mapuľo dua murit'i Yesus. ⁴ Uaľingu ene i Yudas tamai ku nĕmpahumbisara ringangu manga imang tĕmbonange ringangkewen manga tĕmbonangu ľukad'u Baľem Mawu mĕnsang kereapa i sie makapĕnarakang i Yesus si sire. ⁵ I sire mĕngkate maraľuasĕ ku nĕkĕdo mĕmpĕgĕlli u roitĕ si sie. ⁶ I Yudas maľaing kimire ku nanĕta e nĕdeu loahe pakapia mĕdeau manarakang i Yesus si sire, tawe kasingkateng i sai-sai.

Pĕnanadiang kaĕngu Paskah

(*Mat. 26:17-25; Mrk. 14:12-21*)

(*Yoh. 13:21-30*)

⁷ Nidatingken tempone ěllon Saľiwang u Borotĕ Ta Łahaesang, tangu domba wagu kaĕngu Paskah e nipoto e. ⁸ Tangu i Yesus rimolohi Petrus rĕduan Yohanes, "Dakoko pĕmpĕnadia kaĕngu Paskah wagu'i kite."

⁹"Suapa i Tuang mapulu sadiang i kami e?" kakiwalon dēdua.

¹⁰Yesus simimbang, "Su tempon i rua kapahunsuē e su soa, pia sēngkatau ese māmasaēng bēnsad'u ake sarung ipēsombang i rua. Toleiko i sie sarang bale suēkange, ¹¹mase pēmpēbera su taghuang'u wale e: I Tuang nēbera, 'Suapa tampa la ringangu manga muritēKu kumaēng kaēngu Paskah?" ¹²Taghuangu wale ene sarung manulada si rua kamarē gēguwa su loteng nasuku u apaliwue. Sadiako kēbi ene sene."

¹³Tangu nahundalengke i Petrus dēduan Yohanes ku naka-hombangke kēbi ene kere nipauli i Yesus. I rēdua nēmpañadia simokol'u Paskah e.

Pēpaparjamuangu Mawu

(*Mat. 26:26-30; Mrk. 14:22-26*)

(*1Kor. 11:23-25*)

¹⁴Saraeng seng oras'u mēpake simokolu Paskah e, i Yesus naiangke ringangkewen manga murit'E su medang perjamuang. ¹⁵Mase i Sie nēhenge-tang si sire, "Ia nāung mēngkai mēkēkarimang tā sihinge ku-

maēng kaēngu Paskah e ringang i kamene kalimonan Ia e masunsara! ¹⁶U pangimang bue: Ia e sembeng ta kumaēng ini e lai saraeweng mangalen pēpapərjamuang ini e ipakalahe su Wanuan Duata Wuhu e."

¹⁷Bou e i Yesus rimaē ku nihengke e panganginumangu anggorē, bou ene nakitarimakase su Ruata, mase nēhenge-tang, "Alako ini ku pēpapahiaeng kamene; ¹⁸ku kēngkasingkako: manēta orasē ini Ia mang seng ta manginung ake u anggorē ini lai saraeweng Mawu Ruata e rumēnta kapia mēkawasa patiku."

¹⁹Bou e Mawu Yesus nēngala e borotē. Ku bouten nakitarimakase, nikakakompenge borotē ene ringangu liman'E mase tinēgone si sire ku nēhengetang, "Ini e kai wadangKu [ilēonggo baug'i kamene. Koako ini e tatahēndung si Sia." ²⁰Kerene lai samuring kakaēnge, i Sie nangonggoen panganginumangu anggorē e si sire mase nēhengetang, "Panganginumang ini e kai pēdariandin Mawu Ruata wuhu nisarakang suralungu rahaKu – raha e niapae-lehē baug'i kamene]."

²¹ "Kaiho, kēllae! Tau manaraku Iā e ene lai sini ringang-Ku! ²² Ahus'u Taumata e sarung mapohong kereewe nītatantung'u Mawu Ruata; arawe kaēngkēhang taumata ku manarakang i Sie!"

²³ Ene i sire nanēta e nēkiwalo, sēngkatau su walo, mēnsang i sai wou taloaran sire sarung mēkoā kerene.

Pēsasitori maanun sai kaguwakenge

²⁴ Sutaaloaran manga murit'i Yesus nakoā pēsasitori mēnsang i sai e woi sire hinong ikatika kasēllahenge. ²⁵ Yesus nēhengetang si sire, "Datung kalawou umatē bēgan Mawu Ruata manigēsā kawanuane, ringangu mēngangawasa si sire e isēsēbā 'Mēndalukad'u Kawanua'. ²⁶ Arawe i kamene abe kerene. Kaiso i saing makoā kasēllahenge su taloarang kamene hinong makoā kere kakadodokange, ringangu pangaha e hinone makoā kere mētatangkiang. ²⁷ Ku kawē i sai limembong kasēllahenge: taumata maiang kukaēng su meda, arau kawē i sai mētētangkiang si sie? Tantu i saing kukaiang ene. Ara-

we Iā ene su taloarang kamene kere mētatangkiang.

²⁸ Su patiku sigēsā Ku i kamene mēngkate sēntiniā dingang Ku. ²⁹ Kereewe i Amang seng nēgēllū kawasa si Sia mēparenta, kerene lai Iā e sarung mengonggou kawasa ene si kamene. ³⁰ Ualingu ene i kamene wotonge makapahuluasē dingang Ku su tempon Iā makoā Datu. Ku i kamene sarung kumaiang su wowong kaderra mapulo dua mēdeau kawasa makaparenta umat'u Israel mapulo dua su hēntone."

Pananēbal'i Petrus mēsunia'i Yesus

(Mat 26:31-35; Mrk 14:27-31)

(Yoh. 13:36-38)

³¹ "Simon, Simon daringihēko! Setange seng niapakawala ipanaḷuka si kamene; tabidau gandum nihae wou pisine hakiewen mapia e nihae wou raḷakisē. ³² Arawe Iā e seng nēkaḷiomaneng baug'i kau, Simon, tadeau pangangimangu e tawe mēnsu. Ku kerēu i kau mēsasēsilē bou pēsasaḷa ute i kau harusē panoghasē manga anaḷu sēmbau u."

22:21: Mzm. 41:10 22:24: Mat. 18:1, Mrk. 9:34, Luk. 9:46

22:25-26: Mat. 20:25-27, 10:42-44 22:26: Mat. 23:11, Mrk. 9:35

22:27: Yoh. 13:12-15 22:30: Mat. 19:28

³³I Petrus simimbangu, "Mawu, ia manilaing sumuë su ta-hungku, saraiaing mate asale dingang'U Mawu!"

³⁴"Pangimangke, Petrus," angkuëng i Yesus, "tëntalang manu deng ta kimëkuku sahëllö ini, u i kau e seng tëllun sule nëdëndilu Ia e."

Dompëtë, kawihë arau wara

³⁵Bou ene i Yesus nëhenge-tang si sire, "Kangerë pia Ia dimoloh'i kamene ringang-u tawe mapakawalang kamene mëmpëbawa dompëtë, kawihë a-rau sapatu, i kamene nikakawu-sangu manga apa?"

"Tala!" angkuëng i sire.

³⁶"Arawe ini," angkuëng i Yesus, "i sai pia dompete arau kawihe harusë pëmpëbawa; ringangu i sain tawë pedane harusë pëbaļu u lakue ku pëmëlli peda. ³⁷U, pangimangke ayet'u Winohe Susi e bawalone kereini, 'I Sie kai nirekeng kere sëngkatau ralaki,' hinong mariadi su watangengKu. U apan mabawohë su ralungu Winohe Susi e mëtëtatahinong Ia e selaing madiadi orasë ini."

³⁸"Mawu," angkuëngu ma-nga murit'i Yesus, "kakëlla, ëndaung sini pia peda rarua."

"Kuhæ!" angkuëng i Yesus.

Mawu Yesus mëkëkalïoma-neng su wulud'u Zaitun

(*Mat. 26:36-46; Mrk. 14:32-42*)

³⁹Mawu Yesus nanëntang-ken soa e, ku dimaleng sarang bulud'u Zaitun kereewe tundu-ne ku manga murit'E nahuntole lai si Sie. ⁴⁰Saraeng nahumpa se-ne, i Sie nëhengetang si sire, "Pëmpëkalïomaneng mëdeau i kamene tawe mëdosa kereewe i kamene kasalukateng."

⁴¹Mase i Sie nëtëngkaghea" kadodo bö'i sire, mangawe pamahungangben batu karaune, bou ene nëmulangeng dingangu nëkalïomaneng, ⁴²"Amang," angkuëng'E, "kereu wotonge apakarauko" wou kasasigësä ku humombang si Sia ini. Kai waline-we tuhü kapuluKu, kaiso tuhübe su kapulung Amang sësane." [⁴³Malækatë sëngkatau rimënta si Sie ku nanoghasë. ⁴⁴I Yesus mëngkatewe masusa naunge hakü i Sie mëngkate ma-

^u papakaliukon ^v nëtëngkarau = menjauhkan ^w papakaliukon

22:35: Mat. 10:9-10, Mrk. 6:8-9, Luk 9:3, 10:4 22:37: Yes 53:12

kuatë mēkalīomaneng. Liaghan'E mēngkate kere raha tutēdo su ėntana.]

⁴⁵ Bōuten nēkalīomaneng, i Yesus tangu nēsule kapia su anum manga murid'E. I Sie nakaēba e si sire kapahuntiki e kahian susa naung. ⁴⁶ Kutēu i Sie nēhengetang si sire, "Kawe unūe i kamene mēmpētētiki? Pēmpēbangungke kŭ pēmpēkalīomaneng, maḍiring i kamene kahi-noēngu sasaluka."

Mawu Yesus nīsasame

(*Mat. 26:47-56; Mrk 14:43-50*)

(*Yoh. 18:3-11*)

⁴⁷ Mawu Yesus tēntalang deng kapēlēhengetange rimēnta e taumata sēnggapaēng. I sire lēahakeng i Yudas, sēngkatau wōu manga murid'i Yesus. Bōu ene i Yudas nakoā sarang anung Yesus mase rimēngu si Sie. ⁴⁸ Kutēu i Yesus nēhengetang si sie, "Yudas ualingu rarēngunu e i kau manarakangu Ahus'u Taumata?"

⁴⁹ Saraeng manga murid'i Yesus apang ene sene nakasilōe apa sarung mariadi, i sire nēmpēbera, "Mawu, pilikangkeng kami ringangu peda!" ⁵⁰ Mase sēngkatau wo'i sire namili e ėllangu manga

imang marangē dingangu pēda hakīu nasahing tulīne koaneng.

⁵¹ Kutēu i Yesus nēhenge-tang, "Balāete!" Mase i Sie nangengehē tulīn tau e kŭ niapaka-piane.

⁵² Bōu e i Yesus nēhenge-tang su manga imang tēmbonange dingangu manga tēmbonangu lukad'u Balem Mawu, ringangkewen matatimad'u Yahudi nēmpēdēnta sarang ene mēdeāu maname si Sie. "Unūe Ia kai taumata ralakisē tangu, sarang kate i kamene rumēntang pēda ringangu paḷo paḷo mēname si Sia?" ⁵³ Apan kaḷaēllo Ia e ene ringangi kamene su Balem Mawu, i kamene tawe mēname Sia. Kai ini e seng tempone i kamene kumanoā, su piā kawasang kararēndunge nakoā panekehe."

I Petrus nēsunia'i Yesus

(*Mat. 26:57-58, 69-75; Mrk 14:53-54.*)

(*66-72; Yoh. 18:12-18, 25-27*)

⁵⁴ I sire nēname si Yesus kŭ niēntudē su walēn imang marangē. I Petrus ute nēbatu bōu maraune. ⁵⁵ Su talōaran dēlahē ene putunge seng niaparēlli kŭ i Petrus tamai ki-maiang sēngkakaiang dingangi si-

re maḥungkaiang mēlēliku putung. ⁵⁶Sēngkatau wou ēllange wawine nakasilōe si Petrus kūkaiang su wiwih'u putung kaḍēllie; mase ēllang bawine ene namanda si Petrus, bōu e nēbera, "Tau ēndaḥ kanini e maḥaing dingang i Yesus!"

⁵⁷Arawe i Petrus nēdēndilē. I sie nēbera, "Ia mang bēga-wēgan tau ēndaḥ ene!"

⁵⁸Ta nararēnna, piako sēngkatau waḥine nakasilo si Petrus kū nēbera, "I kau maḥaing sēngkatau wō'i sire!"

Kai i Petrus simimbang, "Tala, balinewe ia!"

⁵⁹Mangawe sēngkaorasē bōu ene, sēngkatauko lai waḥine maḥaing nēbera maiha, "Kahēngang tau ēndaḥ e murit'i Yesus, batuu i sie maḥaing tau Galilea!"

⁶⁰Kutēu i Petrus simimbang, "Kai a su tinēnnanu, ia bēga wue!"

Orasē ene lai, pia i Petrus bēdang kapēberane, ute manu kimuku. ⁶¹Yesus lai nēbihi kū timingang si Petrus. Mase i Petrus nakatahēndungke Mawu seng nēhengetang si sie, "Tēntalang manu deng ta kimēkuku saḥello ini, i kau seng tēllun sule nēsuniaḥ'u Ia." ⁶²Tangu simēbangke i

Petrus wou ene kū mēngkatewe apa simangi marasai.

Mawu Yesus pinētaghulang dingangu nipapahang

(*Mat. 26:67-68; Mrk. 14:65*)

⁶³Manga taumata kapēlēhapanē si Yesus e mēmpētētaghulang dingangu nēlimadē si Sie.

⁶⁴I sire nēmpanakā matan'E ringangu nakiwaḥo si Sie, "Kēnang tika, i sai nēlimadē si Kau e?"

⁶⁵Lawo lai manga wawera lahina-kang kū nībaweran sire si Sie.

Mawu Yesus su tēngon Mēnggaghuta

(*Mat. 26:59-66; Mrk. 14:55-64*)

(*Yoh. 18:19-24*)

⁶⁶Sēngkamalukade, manga matatimad'u tau Yahudi, manga imang tēmbonange ringangu manga mananēntiro agama nēmpēkomolē bōu ene i Yesus niēntudē su tēngon Mēnggaghuta sire. ⁶⁷"Habareko i kami e," angkuēng i sire si Sie, "kai i Kau ini Ratu Mananaḥamatē?"

Yesus simimbang, "Kerēu Ia mēhabarē si kamene, kai i kamene mang tawe mangimang. ⁶⁸Kai maning Ia makiwaḥo si kamene kai i kamene tawe sumasimbang. ⁶⁹Kai manēta bōu orasē ini, Ahus'u Taumata sarung maiang

su sěmběkanġ koanengu Mawu Kasěllahenge."

⁷⁰I sire kěbġ němpěbera, "Kamageng kerene, i Kau ini kai Ahus'u Ruata?"

Yesus simimbang, "Kere niwerang kamene."

⁷¹Tangu i sire němpěbera e, "Tawahaľuas'u měgausě sasahidine! I kite seng nakaringihě bōu mohong'E sěsane."

Mawu Yesus su těngon Pilatus

(Mat. 27:1-2, 11-14; Mrk 15:1-5)

(Yoh. 18:28-38)

23 Kaľawō měsasidang e-ne mahundarisġ bōu e-ne něbawa si Yesus pětěngon Pilatus. ²Sene i sire naněta e němpěngaduhang i Sie. I sire němpěbera, "I kami nakahombang tau ini mamalidě kawanua. I Sie měsěsědingu tau-mata mědeau abe pēměmaehě balasteng su Kaisarě, batū angkuěng'E i Sie kai i Kristus, sěngkatau ratu."

³Bōu ene i Pilatus nakiwaľo si Yesus, "Kahěngang bue i Kau ratun tau Yahudi e?"

Yesus simimbahě, "Mang kere niweranu e."

⁴Tangu i Pilatus e něbera e su manga imang těmbonange ri-

ngangu su taumata ľawō ene. "Ia e tawe nakahombang sěmbau saľa su tau ini kŭ makapěhukung i Sie."

⁵Arawe i sire saunengkewe lai, "Měmpěnėnahosōu uaľingu těntiron'E i Sie mapěgěganoha u taumata su kaguwaľu Yudea; nitěta e wōu Galilea kŭ tempo ini seng nahumpa ľai sini."

Mawu Yesus su těngon Herodes

⁶Saraeng i Pilatus nakaringihě ene, i sie nakiwaľo, "Apa tau ini, tau Galilea?" ⁷Saraeng nipaulikang u Yesus kai wōu tampa suaľungu kawasang Herodes, i Pilatus něndoloh'i Yesus sarang anung Herodes, kŭ tempo ene maľaing ene su Yerusalem. ⁸I Herodes měngkatewe maľuasě ta sihingě saraeng nakasilo si Yesus, uaľingu seng marěngu i sie makadingihě kakakoľa i Yesus kŭ měngkate mēměningu makasilo si Yesus. I sie měľěharapě u reng makasilo si Yesus makapěkoľa tanda makalaherang. ⁹Uaľingu ene i Herodes nangantagu kakiwaľo lawō si Sie, kaiso i Yesus tawe simimbahě sarang sěngkamohong. ¹⁰Manga imang těmbonange ringangu manga mananěntiro agama maľaing timatěngo sene kŭ

měngkate mēmpāngěnsil'i Yesus marasai. ¹¹I Herodes dingangu manga soldadone e mēmpětětāghunalang dingangu mēmpělēhinakang si Yesus, mase mapēluhen Sie pakeangu kawawantugē bōu e rumoloh'i Sie pēbālī sarang anum Pilatus. ¹²Su sahēllo ene lai i Herodes dingangi Pilatus, nāung kawē sēdū ute ini e sembeng saū nēdaḷahapī."

Mawu Yesus kinahinoēngu hukumang papate

(Mat. 27:15-26; Mrk. 15:6-15)

(Yoh. 18:39-19:16)

¹³I Pilatus nēngomolen manga imang tēmbonange, manga pangahā, dingangu kawanua, ¹⁴mase nēbera si sire, "I kamene nēbawa tau ini sarang anuku kū mēbēbera u i Sie makapaḷidē taumata. Kū ini su tēngong kamene iā e seng namarikēsa si Sie kai iā tawe nakaēbā kakanoā e raḷakī sarang sēmbau kere ilēēnsil'i kamene si Sie. ¹⁵Kerene lai ēbā i Herodes, batūu i sie lai seng nēndoloh'i Yesus e ipēsēsulē su anung kami. Tau ini tawe nēkoā manga apa sarang sēnsulē kū hinong hukumangu papate. ¹⁶Ualingu ene iā mēnggeserē si Sie bōu ene takū ipēlō."

[¹⁷Apan tempong salimbangu Paskah, i Pilatus harusē mamēllo u sēngkatau wōu taumatan ta-hungkū baugu kawanua.] ¹⁸Kēbi taumata kū makakomolē sene sēngkapēbansagē, "Pate e i Sie! Pēllo e i Barabas baug'i kami!" (¹⁹I Barabas nitahungkū ualingu nēnggohaeng sutaloaran soa ringangu ualingu namate.)

²⁰I Pilatus mapulu mēmēllo i Yesus ualingu ene i sie saū mēbisara kapia sutaloaran taumata ḷawō e. ²¹Kai i sire nēmpēbansagē u, "Kuruise i Sie! Kuruise i Sie!"

²²Bōu ene saū katēllun sulēne i Pilatus nēbera si sire, "Kai apa pēsasaḷan'E? Iā tawe nakaēbā saḷa sarang sēmbau si Sie kū hinong ihukungu hukumang papate! Iā e mēnggeserē si Sie mase takū ipēlō."

²³Kai i sire mēngkate mēbēbansagē sēngapang iḷa i sire u i Yesus kai hinon pakikuruisē. Kū samurine pēbawansag'i sire timētalē. ²⁴Tangu i Pilatus nēnawong hukumangu papate si Yesus kerēwe su kapulun taumata ḷawō ene, ²⁵dingangu nēlēso u taumata kū dēdorongan i sire, mangalene tau kū nitahungkū ualingu pēnggaghohaeng dingangu pamamate. Bōu e i Ye-

sus nisarakangke si sire balæwe
koateng tuhu kapulun sire.

Mawu Yesus nikuruisë

(*Mat. 27:32-44; Mrk. 15:21-32*)

(*Yoh. 19:17-27*)

²⁶Ene i Yesus niwawaelain
sire. Su taloaran daleng, i sire
nësombangu tau sengkatau ku a-
renge i Simon ku asale wou Kire-
ne ku seng kasuë e su soa. I sire
naname si sie, mase nisihasang
sëngapan botonge pamasaëng ka-
lung kuruisë niapatole si Yesus.

²⁷Lawo taumata nahuntole si
Yesus – piako lai kadalaü manga
wawine pirangkatau. Manga wa-
wine ene mahunsangi dingang-
u mahunggunguin Mawu Yesus.

²⁸Arawe i Yesus nëbihi si sire
ringangu nëbera, "Manga wawi-
nen Yerusalem! Abe pahunsangi
u Ia. Pahunsangien batangeng
dingangu manga ana i kamene.

²⁹U kai sarung dumënta tempone
taumata e mëmpëbera, 'Kariang-
kamang manga wawine wanto e
ringangu tawe nëmpëhana, di-
ngangu tawe niapasusun manga
rariö!' ³⁰Su tempo ene taumata
e sarung mëmpëbera su manga
wulude, 'Kaensako si kami!' Di-
ngangu su manga wongkone,

'Pangambungko si kami!' ³¹Kai
kereu su kalu wëdang biahë, tau-
mata seng mëkëkoa kereini ute,
kereapa wue sarung pëkakoa i si-
re su kalu mahëgu!"

³²Pia lai ruangkatau wali-
ne – irëdua taha pëkoa dalai
– ku niwawan sire waugu
pakikuruisë dingang i Yesus.
³³Saraeng nahumpa su tampa ku
isësëba "Daran Tëmbö", i si-
re nanguruis'i Yesus dingang i
rëdua tahapëgue ene – sëngka-
tau su sëmbëka koaneng dingang-
u sengkatau lai su sëmbëka-
ne kaihing Yesus. ³⁴Mase i Ye-
sus nëkaliomaneng, "Amang am-
punge wue i sire! U i sire wëga
wue apa këkoateng i sire."

Pakeang i Yesus pinëpapa-
hiaen sire sene ringangu lahuri.
³⁵Taumata lawo mahundarisi se-
ne mëmpëbëbiala manga pangaha
u tau Yahudi nëbaheaun Ye-
sus apid'u nëbera u, "I Sie
makasalamatëbe taumata waline;
këhangko ini i Sie pëlësokon ba-
tangeng'E, kereu i Sie kahëngang
hëngang Datung Salamatë ku ni-
pilen Mawu Ruata!"

³⁶Manga soldado lai nëba-
heaun Sie. I sire nëmpëhaung di-
ngangu nëmpañëgon anggorë ma-

haesë si Sie, ³⁷ apidu nëbera, "Kereu i Kau ratun tau Yahudi, pëlësokon batangeng'U!"

³⁸ Su wowong kalung kuruis'u Mawu Yesus, məbawohe bawera ini: "Ini e Ratun Tau Yahudi."

³⁹ Səngkatau wou tau tahapëgue məgaghantong sene nëhinakang Mawu Yesus. I sie nëbera, "I Kau Ratun Salamatë bëgang? Ute pëlësokon batangeng'U ringangu i kandua lai!"

⁴⁰ Arawe tahapëgue səngkatau e wue nëbera su hapie angkuënge, "Apa i kau tamatataku u Mawu Ruata e? I kau seng səngkakahukungu papate kere i Sie. ⁴¹ Këtaeng hukumang si kadua ute, nëkëtaeweng kakanoa i kadua. Kai i Sie mang tawë salane!" ⁴² Mase i sie nëbera, "Mawu Yesus, tahëndunge wue ia kereu i Kau seng dumënta kere səngkatau Ratu!"

⁴³ "Pangimangke," angkuëng i Yesus si sie, "sahëllö ini i kau sarung dingangKu su Firdaus."

Kapapohong u Mawu Yesus

(Mat. 27:45-56; Mrk. 15:33-41)

(Yoh. 19:28-30)

⁴⁴ Mangae pukulë mapulo dua ëllo rangë matangëllö tawe simënanğ dingangu kaguwau wanua ene mëngkate marëndung-dëndung sarang pukulë tatëllu wawëllö. ⁴⁵ Gordeng məgaghantong su ralungu Bałem Mawu e natingkasë napahia darua. ⁴⁶ Mase Mawu Yesus nëluntingihë tingih'E maiha, "Amang! Su ralungu liman'U Ia manarakangu watangengKu!" Bouten nëhenge-tang kerene, i Sie napohong.

⁴⁷ Saraeng tēmbonangu soldado e nakasilöe apan seng naria-di, i sie mëdëdalo Mawu Ruata mase i sie nëbera, "Kahëngang i Sie Taumata ta salane!"

⁴⁸ Taumata lawo ku narënta sene mëmpëbiala, nakasilöe apa nariadi. I sire napulë dingangu naung napenë u pësasasësilë. ⁴⁹ Dingangu këbi kanarang i Yesus laü e manga wawine ku

nahuntole si Sie wou Galilea, mahundarisi bou maraune ku nakasilo kebı ene.

Pëngangubulë si Yesus

(Mat. 27:57-61; Mrk. 15:42-47)

(Yoh. 19:38-42)

50-51 Pia sengkatau arenge i Yusuf ku asale wou soang Ari-matea su wanuan Yudea. I sie sengkatau mapia ku lëdatengu taumata ku malaing kapangam-pale tempone Mawu Ruata manëta mëparenta kere sengkatau Ratu. Maning i sie kai ang-gotang Mënggaghuta, i sie ta-we sengkanaung su putusang di-ngangu kakanoa i sire ene. 52 I Yusuf e tamai nëtëngon Pilatus ku mëgëgausë tadeau wadangu Mawu Yesus e pakigëlli si Sie. 53 Bou ene i sie nangała badangu Mawu Yesus bou kalu kuruisë, mase nipikungu heka sapu bou heka alusë. Kuteu nipëloete su ralungu kubulë ku nikakoā su ralungu watu hanibë – kubulë e-ne bëdaweng ta nipapake. 54 Ëllo ene ëllon sambaiang; dingang-u seng maraning pënanëtau ëllon Sabatë.

55 Manga wawine ku nëmpëtole si Yesus bou Galilea e timole lai si Yusuf ku naka-

siloe kubulë ene. I sire nakasilo lai kereapa wadangu Mawu Ye-sus nipëllö su ralungu kubulë. 56 Bou ene i sire nëngkapulë mase nëmpanadia manga ram-pa ringangu lana mawëngi baugu mëlanisë badang i Yesus.

Su ëllon Sabatë, i sire ta-we nëhalë baugu tutuhı tita su ralungu pangangagama.

Pëbawangung u Mawu

Yesus

(Mat. 28:1-10; Mrk. 16:1-8)

(Yoh. 20:1-10)

24 Su ëllon Misa, maluka-lu-kadë, manga wawine e-ne nakoā sarang kubulë nëbawa manga rampa ku seng nisadiang sire. 2 Nikaëbakengi sire watu lahëping kubulë seng limunggi. 3 Mase i sire nahunsuë su ralungu kubulë ene, kai i sire tawe na-kaëba badangu Mawu Yesus se-ne. 4 Kapahundarisi e sene i si-re ringangu nëmpëbingo mangëna halë ene, sëngkëlëndiı pia duang-katau ringangu pakeange kuku-hena dıdarisi dëduh'i sire. 5 I sire nëngkatakı kahëngang, ku nëtumpëkuhë sarang ëntana, a-pid'u i rëdua ene nëbera si sire, "Unue i kamene mëdëdeā tau-mata wiahë sutałoarang taumata

nate? ⁶I Sie tawē dīe sini, i Sie seng nēbangung! Tahēndunge e apang kŭ seng niweran'E si kamene su tempong i Sie wēdang su Galilea, ⁷u 'Ahus'u Taumata e harusē isarakang su limang tau waradosa, mase ikuruisē dingangu su katēllu ěllone i Sie sarung mēbangung.'"

⁸Tangu manga wawine ene nakatahēndungke apan niwerang Mawu Yesus. ⁹Saraeng nēngkawali bōu kubulē, i sire nēmpēbēkeng kēbi apan nariadi ene si sire murit'E mapulo-ěsa ringangu apan tumatolene lai waline. ¹⁰Manga wawine kŭ nēmpēbēkeng kēbi ene su manga murit'i Yesus ute kai: I Maria Magdalena, Yohana ringangu i Maria i ninang i Yakobus, dingangkewelain manga wawine waline kŭ naung dingangkewen sire. ¹¹Kuteu naung manga raro-lohang ene mangingaling u manga wawine ene kētaeng mēbēbēkeng apan ta gunane. I sire tawe mēmpangimangu wēkeng manga wawine ene. ¹²Arawe i Petrus nēbangung dingangu timalang sarang kubulē. Apid'u kakakowōe i sie kaḍalingene sarang ḍalunge kŭ kinasilone kētaeng heka sa-

sapu sene. I Petrus mēngkatewe naherang kŭ napulē dingangu naunge maḍalingung kēbi apan seng nariadi.

Sutaḷoaran ḍaleng sarang Emaus

(Mrk. 16:12-13)

¹³Su ěllo ene lai, pia duangkatau tumatolē si Yesus kapa-hundalenge sarang soa sēm̄bau, kŭ arenge Emaus, mangawe mapulo-ěsa su kilometere karaune wōu Yerusalem. ¹⁴I rēdua kapa-hundalenge mahumbisaran maanung kēbi halē kŭ seng nariadi ene. ¹⁵Ene kapahumbisarine i rēdua ringangu kapēbawukane ěnna, i Yesus sēsane rimēnta kŭ dimaleng sēngkaraleng dingang i sire. ¹⁶I sire nakasilo si Yesus, kai piako apa nakatuē hakiu i sire ta nakakirala si Sie. ¹⁷Mase Mawu Yesus nēhengetang, "Kai apaē ipahumbisaran dua su taḷoaran ḍaleng ini e?"

I rēdua timaing dingangu ghati malēhubē. ¹⁸Mase sēngkatau wō'i sire, arenge i Kleopas, nakiwalō si Yesus, "I Tuang sēsane tau raghi su Yerusalem kŭ

běgang haļē nariadi paļ sene samurine ini?"

¹⁹ "Haļē u apa e?" angkuēng i Yesus,

"Haļē nariadi su Mawu Yesus tau Nazaret e," simbahi rēdua, "I Sie kai nabi. Manga wawerau'E ringangu manga kakanoa'E makawasa kahēngangbae tumuhu tingirangu Ruata ore lai tumuhu tingirangu kēbi taumata. ²⁰ Manga imang tēmbonange ringangu manga pangaha u wauang kite seng nanarakang i Sie mēdeau pinakihukungu papate, ringangu i sire seng nanguruisē si Sie. ²¹ Sēmbaliu i kami mēlēharapē u kai i Sie sarung mēliwir'u tau Israel! Dingangu sahēllo ini kai seng katēllu ēllone wou karriadin haļē ene. ²² Ringangu lai pirangkatau wawine wou taloarang kami seng napakahēkosē si kami. Maļuka-ļukadē kahēngang i sire seng sarang kubulē, ²³ kai tawe nakaēba badange paļ sene. Mase i sire nēngkawali dingangu nēmpēbera u i sire nakasilo malaekatē ku manga malaekatē e nēmpēbera u i Yesus kai wiahē. ²⁴ Pirangkatau woi kami e maka sarang kubulē ku nakaēba u apaewen niḃawerang manga wawine ene mang kahēngang kerene,

kētaeng i sire ta nakasilo si Yesus."

²⁵ Mase i Yesus nēhenge-tang si sire, "I kamene mambeng longong! Mēngkate tumanju malongge mahimangu kēbi apan niwerang manga nabi. ²⁶ Baļinewe Ratun Saļamatē e kai hinong mētatahangu sunsara kaļimona wuhue makaēba kawawantug'E?" ²⁷ Samurine i Yesus nanualagē si rēdua apan maḃawohē suraļungu Winohe Susi maḃanum batangeng'E manētaḃou manga bukē i Musa ringangu bukē u manga nabi.

²⁸ Kaḃahumbisaraḃe tangu i sire kakaḃanineng soa tētimo-naēng i sire. I Yesus kai ke-re makiēnna u aļing kai manēpasu raraļenge, ²⁹ kuteu i rēdua e kawe maḃamaedē si Sie. "Katanāe ringangi kaudua," angkuēng i rēdua si Sie, "u ini e seng kakaḃawēllone ku seng manēta maḃdēndung^{*} lai." Tangu i Yesus simuē e mēdeau mētana dingangu i rēdua. ³⁰ Su tempon maļiang kaḃahungkaēnge ringangi rēdua, i Yesus nangaļa e borotē, nakitarimakasē su Mawu Ruata, mase niḃakakēmpange mase nionggōe si rēdua. ³¹ Ene nakakiraļae i rēdua u ene kawe naung i Yesus.

* masunaubē = hampir malam

Kuteu i Sie kawē naghēngging bou matan dēdua. ³² Angkuēng i rēdua, sēngkatau su waline, "Balineuwe pēndangu naung i kadua e mēsulungu luhune su tempon i Sie mēbēbisara ringangi kadua sutaloaran daleng dingangu manualag'u ralohon Winohe Susi e si kadua e?"

³³ Orasē ene lai i rēdua mēngkatewe nēmpēbua mase nēmpēsule sarang Yerusalem. Pai sene i rēdua nakahombang si sire mapulo ēsa murit'i Yesus nēmpēkomolē dingangu manga ringangi sire waline. ³⁴ I sire e nēmpēbera, "Mambeng kahēngang Mawu e seng nēbiahē kapia. I Sie seng nētēngkatodē u watangeng'E si Simon!"

³⁵ I rēdua murit'i Yesus ku buhu rarēnta ene ute nēmpēbēkēen ēba i rēdua sutaloaran daralengang, dingangu kere-apa i rēdua nakakirala Mawu su tempon i Sie māngompeng borotē.

**Mawu Yesus mētēngkatodeu
watangeng'E su manga
murit'E**

(Mat. 28:16-20; Mrk. 16:14-18)

(Yoh. 20:19-23; MMR. 1:6-8)

³⁶ I sire wēdang kapahumbi-sarane, sēngkēlēndi i Yesus sēs-

ne rimarisi sutaloaran sire ku nēhengetang, "Pēdarame si kamene!"

³⁷ I sire himēkosē dingangu nēngkatakū u māngiraling i sire kai nakasilo himukudē. ³⁸ Kai i Yesus nēhengetang, "Unūe i kamene nēngkatakū? Unūe pia pēbawimbong suralungu naung i kamene? ³⁹ Kakēlla limaKu ringangu tatinganko laedēKu. Kēngkasingkako u mambeng la sēsaku. Pēnaghipoe ringangu tahēndungeko, watu himukudē e tawē gēsine arau ruhine kere kinasilong kamene si Sia."

⁴⁰ Mawu Yesus nēhengetang kerene apidu nanodē u liman'E ringangu laed'E si sire. ⁴¹ Ku pia i sire mēngkai wēdang tawe mēmpangimang ualingken mahēmpaliun daluase ringangu kalahorange, tangu i Yesus naki-waloe si sire, "Ku bēdangben pia kaēng i kamene sini e?" ⁴² Ku ene i sire nēmpangonggoen kinā goreng sēmpoto si Sie. ⁴³ Mawu Yesus dimaē kinā ene, mase nikināe su tēngon sire.

⁴⁴ Bou ene i Sie nēhengetang si sire, "Halē tama i ini e sembeng takū nihabarē si kamene pia la deng dingangi kamene u kēbi apang ku mābawohe māanun la e suralungu manga bukē i Mu-

sa, manga nabi ringangu Mazmur harusẽ mariadi."

⁴⁵ Mase i Yesus namuka e tinẽnnan sire mẽdeau i sire ma-kaẽnna timonan Binohe Susi e.

⁴⁶ Mase i Yesus nẽhengetang si sire, "Suralungu Winohe Susi e maɓawohe u Ratun Saɓamatẽ e harusẽ mẽtatahangu sunsara ringangu harusẽ mẽbangung kapia wou papate su ẽllo katẽllune.

⁴⁷ Kerene lai suralungu arengu Ratun Saɓamatẽ e hinong ihabarẽ su patiku umatẽ u taumata harusẽ pẽmpẽtobatẽ batuu Mawu Ruata e mangampung kaɓawou rosa. Ringangu habarẽ e hinon ipẽdaɓahabarẽ manẽta ɓou Yerusalem. ⁴⁸ I kamene e sahidine wou kẽbi ene. ⁴⁹ Dingangu la e sẽsaku sarung mẽndolohẽ sarang anun kamene apaeweng nikẽdon

Amang. Kai i kamene pakata-tapẽ bue mẽmpangampalẽ su soa ini sarang i kamene kawuakengu kawasa wou anun Mawu Ruata."

Mawu Yesus nasapua sarang sorga

(Mrk. 16:19-20; MMR. 1:9-11)

⁵⁰ ɓou ene i Yesus nẽbawa si sire niapasẽbang ɓou soa sarang Betania. Sene i Sie nẽhengke u liman'E, mase nẽngaɓamatẽ si sire. ⁵¹ I Sie kapẽkoae kerene, api-du i Sie nasapua solong sorga, mase naghea wo'i sire. ⁵² I sire nẽtẽngkasumagẽ nẽmpẽsuba si Sie, ɓou ene nẽmpẽsule sarang Yerusalem dingangu raɓuasẽ tawe sihinge, ⁵³ dingangu mẽngkatewe mẽmpẽdẽdalo Mawu Ruata su Walem Mawu e.

INJILĚ NIHABAR'I YOHANES

DARUMATINGE

Suralungu InjilĚ nihabar'i *Yohanes* ini, tangu Mawu Yesus e kai ipĕpauli kere Hengetangu Ruata kakalĚ ku seng nĕtĕngkataumata ku natana su taŕoaran kite. Kere niwera suralungu bukĚ ini, u InjilĚ ini e niŕawohe timonane ute tadeau mĕbawasane mĕmpangimang u kai i Yesus Datu Mananaŕamatĕ su pĕkakakĕdo e – i Sie kai Ahus'u Ruata tutune. Kerene lai tadeau ualingu pangangimang si Sie ute i sire makahombang pĕbawiahĕ (20:31).

Saraeng tatĕtae maŕuli u Hengetangu Ruata kakalĚ e kai Mawu Yesus, ute wahageang humotong ɓu bukĚ ini e mĕbĕbĕken haghing munara makadaŕinau kinoa'E. Kĕbi apan makadaŕinau ene mĕlĕlahe u Mawu Yesus e kai Ratu Mananaŕamatĕ seng nikĕdo, i Sie kai Ahus'u Ruata. Apaewen bĕkem munara makalaherange pia tatambane paŕahumbisarang Mawu Yesus dingangu taumata. ɓu apan paŕahumbisara tamai ene naŕahe e apa tumangu tanda makalaherang ene. Su wahageang ini e nipauli pia tau mangimang su Mawu Yesus dingangu makɔa murit'E, kaiso piabe lai rumalaŕawange ku tawe mangimang si Sie. Su pasalĚ 13-17 namohe matimu kereapa kapiane pĕkakakĕndagĕ sutaloaran Mawu Yesus dingangu manga murit'E su hĕbi pia i Sie seng mĕnaung samekang dingangu kereapa i Sie nĕnadia ringangu manoghasĕ pĕndangu naung i sire su hĕbi ene. Su manga pasalĚ kasasamuriange mĕlĕlahe kereapa Mawu Yesus nisame dingangu ilĕhukung, kereapa i Sie nikuruisĕ, napohong mase nĕbangung kapia, ringangu kereapa i Sie nĕtĕngkatodeu watangeng'E su manga murit'E saraeng i Sie nĕbangung kapia.

Bĕke maanun tau wawine sĕngkatau kinatangka nawuang (8:1-11), nitaho sutaloaran, tanda kurung gĕguwa ualingu kai malaŕawo

karangang dingangu manga tungkangu apan kalimonane tawe nêlurangu wêke ene, arawe sênggæ wue ute nêlurangu ene su kêbî tampa.

Suralungu bukê ini e i Yohanes napakatumang^a su halê u gaghêlli, mangalene pëbawiahê tutune ringangu kakalê, nighêllu Ruata suralungi Kristus. Gaghêlli ene seng nanêta dokeng su dunia, ringangu seng bôu nikahombangengu apan taumata nênarima i Yesus kere raleng solong anun Mawu Ruata, kere mëlêlahê Ruata, ringangu kere mëgaghêlli pëbawiahê. Pëkakiralaëng si Yohanes ute kai manga papintu lëalakenge wou manga kakako u ëllo-ëllo pëlahékangu apan katëngadê marohkê, pinintune kere: akê, borotê, tualagê, mëndalu-kadê ringangu dombane, kalun anggorê, dingangu wuane.

Lohone

Panêtakege	1:1-18
Yohanes Mangangurung ringangi sire kalamona- mona nako murit'u Mawu Yesus	1:19-51
Pëtatangkiangu Mawu Yesus su taloaran kawanua	2:1-12:50
Su pira-pira ëllo pëngënsueënge su Yerusalem dingangu su rêduhu Yerusalem	13:1-19:42
Pëbawangungu Mawu Yesus dingangu pëtatëngkatodê watangeng'E	20:1-31
Kakunsi e: pëtatëngkatodê watangenge kapia su Galilea	21:1-25

^a manakatuntu

Hengetang mēgēgēllīu pēbawiahē

1 Su tētā-tētā e kalimonan dunia e niriadi, Hengetang e seng ene.

Hengetang e kai ringangu Ruata,
kū Hengetang e mēsulung dingangu Ruata.

2 Dokeng su tētāe i Sie ringangu Ruata.

3 Kēbī e niriadi wō'i Sie, ringangu wōu kēbī apang seng ene,
tawēu sarang sēmbau niriadi tā i Sie.

4 Hengetang e kai simbulu pēbawiahē,
dingangu pēbawiahē e mēgēgēllīu tualagē su taumata.

5 Tualagē e sūsarang su kararēndung,
dingangu kararēndung e tawe makawata e.

6 Narēntāe sēngkatau rarolohangu Ruata,
arengē i Yohanes.

7 I Sie rimēnta mēhabar'u tualagē ene,
tadeau kēbī taumata e mangimang.

8 I sie sēsane walīnewe tualagē ene,
kai i sie kētabeng mēlahabare.

9 Tualagē tutune makatualagē kēbī taumata e,
rimēnta su dunia.

10 Hengetang ene su dunia,
dunia e niriadi wō'i Sie,
kaiso dunia e tawe makakirala.

11 I Sie rimēnta su soan'E sēsane,
kaiso taumatan'E tawe nēnarima i Sie.

12 Kaiso piābe lai taumata kū nēmpēnarima i Sie ringangu nangimang si Sie;
i sire niongotang'E hakē makoā anau Ruata,
13 kū niwantelē balīnewe wōu taumata,
u pēbawiahē buhu e kai wōu anum Mawu e rarēntane.

14 Hengetang e seng niriadi taumata,
kū nētana sutaḷoarang kite,
dingangu i kite seng nakasahidi kawawantug'E.
Kawawantugē ene seng nitarima'E tabidau Ahus'i Amang mang sēmbau.

Wō'i Sie i kite makasilo
Ruata ringangu kakēdag'E
si kite.

15 I Yohanes dimēnta kere
sahidin'E,
kū i sie mēlēhabaru:
"Seng i Sie ini e nāung takū
ipēpauli:
I Sie sarung dumēnta
samurin iā e,
kai limembong kasēllahe wōu
iā,
u kalāmonan iā ene, i Sie
seng tēbe ene."

16 I Sie napenēu kakēdagē;
kū tawē ēdone,
i Sie mēngalamatē si kite.

17 Torat'u Mawu e kai nitarima
i kite bōu i Musa.
Arawe kakēdagē dingangu
kasasatian Duata e nilahe si
Yesus Kristus.

18 Tawēu nakasilo Mawu Ruata,
suliun Ahusē mang sēmbau,
kū mēsulung i Amang kū
kasasēmbau dingang'E.
Kai i Sie nēlahe Ruata i
Amang si kite e.

Sasahidin Yohanes

(Mat. 3:1-12; Mrk. 1:1-8

Luk. 3:1-18)

19 Mangangawasang Yahudi
su Yerusalem nēndolohu manga i-

mang dingangu taumatan Lewi
apakakoā solong anung Yohanes
kū iapakibalo si sie, "Kai i sai i
kau?"

20 I Yohanes nēngaku malahe,
"U iā e walīnewe Ratu Mēnana-
lamatē."

21 "Maeng kerene, i kau kai
i sai?" angkuēng i sire, "I Elia
ngae?"

"Baline," angkuēng i Yoha-
nes.

"Nabi i kau e?" kakiwalon si-
re kapia.

"Baline," angkuēnge.

22 "Maeng kerene, pēberae si
kami mēnsang i sai i kau, tadeau
i kami makawawawe sasimbange
baug'i sire kū dimoloh'i kami.
Apa e ipauli u māanun bata-
ngengu e?"

23 I Yohanes nēberae u, "Seng
iā e ipēpauli u nabi Yesaya:


'Tau māmohang su wanua

linggi:

Teneko daralengangu

Mawu.'"

24 Kalawōu taumata apan ni-
roloh'u tau Farisi e 25 nakiwalo,
"Kereu i kau walīnewe Ratu Ma-
nanaalamatē, arau walīnewe i E-
lia, arau walīnewe lai nabi, kawē
unūe i kau mēnahani?"



Soang Yerusalem (1:19)

²⁶I Yohanes simimbang, "Ia e mēnahani ringangu ake. Ara-we su taŋorang kamene ute kai pia tau ta nikahēnganeng i kame-ne. ²⁷I Sie rumēnta samurin ia e, kaŋlung mēluka taŋing sapa-tun'E e, ia e tawe wotonge."

²⁸Kēbi ini e nariadi su Beta-nia, su sēmbēkan daki wou saŋuu Yordan tampa pēnēnahaniang i Yohanes.

Ahus'u Domban Duata

²⁹Su sēngkariqēllone, i Yo-hanes nakasilōe Mawu Yesus dūdēnta su anune. Tangu i Yoha-nes nēbera, "Kakēlla ēndai, A-hus'u Domban Duata nangēm-mu dosan dunia e. ³⁰Kai i Sie naung

taku ipēpauliu sarung dumēnta samurin ia, kaiso kawē limembon kasēllahe wou ia, batuu tēntaŋ ia deng tawe nipēhanae, i Sie seng tēbe ene. ³¹Kalimonan ene, ia e wēgan Sie e. Sēmbaŋiau ia dimēnta mēnahani ringangu ake tadeau tau Israel e masingkaben Sie."

³²I Yohanes maŋaing nēsahi-di u, "Ia nakasilo Rohkē Su-si natēntung kere manū paluma ēnae bou ŋangi ku dimoro su pu-sig'E. ³³Tempo ene ia bēdawen bēga i sai i Sie. Kaiso Ruata nēndoloh'u ia e apēnēnahaning ake e, kai seng nēbera si sia, 'Maeng i kau makasilo Rohkē Su-si e rumorō, ku mētumanā su

səngkatau, ute kai i Sie sarung mənahani ringangu Rohkē Susi.³⁴ Ia e seng nakasilo'E sēsaku," angkuəng i Yohanes, "kū ia e nēsahidi u seng i Sie e Ahus'u Ruata e."

Manga murid'u Mawu Yesus kalahumotongang e

³⁵ Səngkariqəllone i Yohanes ene kəpia su tampa ene e ringangu murite ruangkatau. ³⁶ Pia e i sie nakasilo Mawu Yesus simahe, i sie nəbera, "Kakəlla e! Pai Ahus'u Domban Duata."

³⁷ I rədua nəung murid'i Yohanes e nakaringihe manga wawera ene, tamai timolə e Mawu Yesus. ³⁸ Mawu Yesus nəbihi sarang likude kū nakasilo si sire kəpahuntolene si Sie. I Sie nakiwalo, "I kamene kai mēdēdeə apa?"

Angkuəng i sire, "Guru, i Tuang kai maṭana suapa?" (Guru arau 'Rabi' mangalene mananəntiro.)

³⁹ "Mahie pəmandəe hala," angkuəngu Mawu Yesus. I rədua nahuntolə si Sie, kū nakasilə katatanakeng'E. Orasə ene seng pukulə əpa bawello. Əllo ene i rədua e nəngkatana dingang'E.

⁴⁰ Səngkatau wə'i rədua kū seng nakaringihə bawerang Yohanes kū mase timolə Mawu Yesus, ute kai i Andreas, anəu səmbau i Simon Petrus. ⁴¹ I Andreas e mēngkatewe ligha nədeə si Simon, anəu səmbau e, mase nəbera si sie, "I kami e seng bəu nəsombangu Mesias!" (Mesias ute mēsulungu i Kristus kū kai: Ratu Mananaḷamatə.) ⁴² I Andreas e nangəntud'i Simon solong anun Mawu Yesus.

Mawu Yesus e timaedə^b si Simon, mase nəhengetang, "I kau e i Simon anə i Yona. I kau sarungbe isəba si Kefas." (Kefas mēsulung dingangu Petrus, mangalene: i wukidə batu.)

Mawu Yesus nəkui si Filipus dəduan Natanael

⁴³ Səngkariqəllone Mawu Yesus kai napulu makoə solong Galilea. I Sie kai nəsombang i Filipus kū nəhengetang si sie, "Mahi e tolə Sia!" ⁴⁴ I Filipusə e kai tau Betsaida, pətatanakeng i Andreas dəduang Petrus. ⁴⁵ Filipusə e nəsombang i Natanael kū nəbera si sie, "I kami e seng bəu nəsombangu tau ipəpauli i Musa

^b nəmanda mataedə

surajungu bukë u Torat'u Mawu, dingangu lai seng nihabaru manga nabi. I Sie kai i Yesus tau Nazaret, anə i Yusuf."

⁴⁶ Arawe i Natanael simimbang, "Mariadi wue ngae halë mapapia sumëpu bou Nazaret?"

"Pëmandə sësənu," nisimbang i Filipus.

⁴⁷ Mawu Yesus məmanda si Natanael kadəntane, ku məbəbisaran kakakoə i sie, "Tingangke, ene səbə e tau Israel patutune. Tawə apa halë melle si sie."

⁴⁸ "Kereapa wue i Tuang nakakirała si sia?" kerene kakiwalon Natanael su Mawu Yesus.

Mawu Yesus simimbang, "I Filipus deng ta nəkkëkui si kau e, Ia seng tēbe məmanda si kau suaungu kalun ara e."

⁴⁹ "Tuang Guru," angkuəng i Natanael, "I Tuang e kai Ahus'u Ruata! I Tuang e kai Ratun tau Israel!"

⁵⁰ Mawu Yesus nəhengetang, "I kau mangimangu kətaben ualingu Ia nəbera u Ia seng nakasilo si kau suaungu kalun ara e? Patiku halë ku nangələmbon kasəllahe wou ene e sarungbe ikasilonu!" ⁵¹ Mawu Yesus nəhengetang kapia, "Mambeng kahəngang, pangimangke, i

kau sarung makasilo langi e matope, ringangu manga malaekat'u Mawu malintu marangeng su lantehu Ahus'u Taumata e."

Saliwangu pëkakawing su Kana

2 Dua əllo tuhu e piako saliwangu pëkakawing su soang Kana su ėntanang Galilea, ku i ninangu Mawu Yesus maļaing ene sene. ² Mawu Yesus dingangu manga murit'E nighausang lai su saliwang ene. ³ Saraeng anggorë e nasuə e, i ninang'E nəberəe su Mawu Yesus, "I sire nikasueəngu anggorë."

⁴ Mawu Yesus simimbang, "Inang, abe pəngoro si Sia e. Deng baline tempone Ia mēlahə u watangengKu."

⁵ Kaiso i ninangu Mawu Yesus nəbera su manga koki, "Məngkate koə apan nioron'E si kamene."

⁶ Ene kai nəung pia bənsadu akə ėnnungu wau mapapəllo sene, baugu panganguhaseng tuhewə tundung tau Yahudi. Bənsadə ene pəsəmbau manga-we lohong mahasu su litere. ⁷ Mawu Yesus nəhengetang su manga koki ene, "Lohoingkong akə bənsadə ene kəbi." Tangu i

sire nēlohōe niapakapene. ⁸ Bōu ene Mawu Yesus nēhengetang si sire, "Pēnggaingko kadodō ake ene kŭ bawako su anung tēmbo-nangu saliwang." I sire nēbawae ake ene sarang anung tēmbo-nangu saliwang e, ⁹ ringangu i sie nētemangke ake kŭ seng nēbaļu nakoā anggorē. (I sie wēga wue mēnsang bōu apa asale anggorē ene, u tumbawen kokī apang nēmpēndalingu ake ene e masingka.) Tangu tēmbonangu saliwang ene himaungke su kaghiang esē, ¹⁰ mase nēbera si sie, "Tuhū tundune, taumata e mēsiliwirē u anggorē mapapia kalimona, dingangu maengbeng sake semben naundang doune, buhūewe anggorē baline. Arawe i kau e kawē nēndesō u anggorē kapiaēnge sarang orasē ini!"

¹¹ Kai ene halē nakaralīnau kahumotongange kinoau Mawu Yesus. I Sie nēkoā halē ene su soan Kana su Galilea. Su halē ene e i Sie nēlahēu kasasēllah'E. Tangu manga murit'E nēmpangimang si Sie.

¹² Bōu ene Mawu Yesus rimēsung soļong Kapernaum i siren ninang'E, manga anau sēmbau'E ringangu manga mu-

rit'E. I sire nēmpētana sene mangawe pira ēllo karēngue.

Mawu Yesus simuē su Walem Mawu

¹³ Saraeng Ēllon Paskang tau Yahudi seng masandigē, Mawu Yesus nakoā e soļong Yerusalem. ¹⁴ Su Walem Mawu su Yerusalem i Sie nakaēbāe maļahumbaļu u sapi, domba, ringangu manū paluma; ringangu manga mēnanaliu roitē maļhungkaiang sene. ¹⁵ Mawu Yesus nēkoā gagheserē bōu tali kŭ nēliwuahē kaļawōu manga binatangē bāe domba arau sapi, wōu raļungu Walem Mawu. Manga medang mēnanaliu roitē e niwalintui'E hakīu roitē e mēngkatewe nēsaliawuhē tamai ramahi. ¹⁶ Bōu e i Sie nēhenge-tang su manga mēbawaļu u manū paluma, "Pakasue e hengkē bōu ini apa tamai ene. Baleng AmangKu abe koā tampa u paļahumbaļukang!" ¹⁷ Tangu manga murit'E nakatahēndungke ayet'u Winohe Susi ini, "KakēndagēKu baug'u Waleu'U, o RuataKu, makatutung naungKu."

¹⁸ Manga tēmbonangu tau Yahudi e kai rimoka Mawu Yesus, angkuēng i sire, "Kēnang

pëndeu halë makadalinau su tēngong kami e tadeau i kami makahēngangu su tanpa e wue i Kau mēkoā kereini."

¹⁹ Mawu Yesus simimbang, "Goghahe Bale ini, ku suralungu tellu ěllo Taku pētikang kapia."

²⁰ Bou e i sire nēmpēbera, "Epa u pulo ěnnung su taunge karēngue nipamētikang ini. Bou e i kau mamēti kapia suralungu tellu ěllo?"

²¹ Arawe Balem Mawu su timonan Mawu Yesus ute kai watangeng'E sēsane. ²² Ku tangu susamurine, saraeng Mawu Yesus niapēbangung kapia wou kapapohong, nakatahēndungke manga murit'E u halë ene kai seng bou nipēhengetang'E. Tangu nēmpangimangke i sire su apan mābawohe suralungu Winohe Susi e ringangu su apan iwēberang Yesus.

Mawu Yesus masingka u patiku taumata

(Mat. 21:12-13; Mrk. 11:15-17)

(Luk. 19:45-46)

²³ Tēntalang Mawu Yesus deng ene su Yerusalem su tempon pēmamantugu ěllon Paskah, lawo taumata māngimang si Sie ualingu halë kēkoateng'E. ²⁴ Kai-

so Mawu Yesus sēsane tawē nēmpangimang si sire, watu i Sie masingkaben sire kēbi. ²⁵ Tawe wahaluasē taumata mānualagu kakanoā i sai-sai si Sie, batu i Sie sēsane seng masingkau ralungu naungu taumata.

Mawu Yesus dingangu i Nikodemus

3 Pia sēngkatau tēmbonangu agama wou ghalipohong tau Farisi ku arenge i Nikodemus. ² Pia sēhēbi i sie rimēnta su anum Mawu Yesus dingangu nēbera, "Tuang Guru, i kami masingkau i Tuang kai niroloh'u Ruata. Batu kai tawēu sarang sēngkatau makakoā halë makadalinau kere kēkoateng i Tuang, kereu Mawu Ruata tawe rumēndingang i sie."

³ Mawu Yesus simimbang, "Pangimangke, tawēu sarang sēngkatau makoā kawanuan Dua-ta kereu i sie tawe ipēhana kapia."

⁴ "Makoabe kereapa taumata seng matēllang ku sau ipēhana kapia?" angkuēng i Nikodemus su Mawu Yesus. "Lahau i sie saube makasuē suralungu gandongang i ninange mase ipēhana karuan sulenc?"

⁵Mawu Yesus simimbang, "Mambeng tēngadē baweraKu i-ni: Kereu taumata tawe ipēhana bōu akē dingangu wōu Rohkē Susi e, taumata ene tawe masowa su kararatuangu Mawu. ⁶Taumata tuhū gēsī ute nipēhana u matimadē, arawe tuhū marohkē e ute kai nipēhana u Rohkē Susi. ⁷Abe raḷinau u Ia nēbera u: i kamene harusē ipēhana kapia. ⁸Anging tumiū suapaeweng kapulune, i kite e makaringihē salinduhunge; kai i kau wēga wue mēnsang dimēntawe wōu a ringangu mēnsang makoabe solong a i sie. Kerene lai apan taumata kū pinēhana bōu Rohkē Susi e."

⁹"Kereapa ene mariadi?" angkuēng i Nikodemus.

¹⁰Mawu Yesus simimbang, "I kau e mananēntiro su Israel; unūe i kau wēga wue? ¹¹Pangimangke: i kami maḷiū apang kasingka i kami, dingangu i kami e kētabeng mēsēsahiding apang seng kinasilong kami; kai i kamene tawe mapulu mangimang sasahiding kami. ¹²I kamene tawe mangimang kereu Ia e mēbēkeng kakakoā u dunia ini; kereapa i kamene mangimang, kereu Ia mēbēkeng kakakoā u sorga e si kamene? ¹³Tawēu sa-

rang sēngkatau nakadangeng su sorga e samatang i Sie kū seng nētēngkatēntung su dunia, kū kai Ahus'u Taumata e.

¹⁴Kerēwe i Musa napakarangē u tēmpu witu su kalu sēmbua su wanua ḷinggi e, kerene lai Ahus'u Taumata e hinong iapakarangē, ¹⁵tadeau kēbi taumata e mangimang si Sie, makahombang pēbawiahē tutune ringangu kakalē."

¹⁶Uaḷingu Mawu Ruata kereneeng kakēndage su raḷohon dunia e, hakiu i Sie nēnarakangu Ahus'E mang sēmbau tadeau apan taumata kū mangimang si Sie tawe mawinasa, kaiso kawē makahombang pēbawiahē kakalē. ¹⁷Batūu Mawu Ruata e nēndoloh'u Ahus'E waḷinewe mēhukungu dunia e kaiso kawē mēngambang dunia e. ¹⁸Taumata kū mangimang si Sie tawe ihukung. Arawe taumata kū tawe mangimang ute seng niहुkungu Mawu, puhinengu i sie tawe mangimang su Ahus'u Ruata e mang sēmbau. ¹⁹I sie tētuntukang uaḷingu haḷē ini: Tualagē e seng dimēnta su dunia, kai taumata e ēndōu kawē mapulung marēndunge sulungu tualagē, u kakanoā i sire kai raralaki. ²⁰I

sai-saiewen mēkēkoā daralaki, kai mēbēbinsiū tualagē; kŭ tawe mapulu humaung su tualagē e, maḍiring kakanoā i sire raralakisē e ikasilo. ²¹Arawe i saing kawe tutuhŭ kapulun Duata e ute lŭhaung su tualagē e mēdeau malahe apan seng nikakoae timuhŭ kapulun Duata.

Mawu Yesus dingangi Yohanes Mangangurung

²²Samurin ene Mawu Yesus dingangu manga murid'E nēngka-koā solong banuang Yudea. I Sie reng nētana kadodo tempo ringangi sire kŭ nēnahani. ²³⁻²⁴Su tempo ene i Yohanes deng tawe natahungkŭ. I sie nēnahani su Anon, masandigu Salim, batu se ne kai pia malawo ake. Taumata e mēmpahundenta su anune, mase i sie mēnēnahani si sire.

²⁵Manga tumatole si Yohanes nanetae nēmpēdarendehe dingangu tau Yahudi su halē u panamurēsi e. ²⁶I sire nakoā solong anun Yohanes kŭ nēbera, "Guru, i Tuang bēdang makatahēndung tau ringangi Tuang su sēmbēkan saŭ u Yordan ene, kŭ itētēbōu si kami kangere? Orasē ini i Sie malaing

mēnēnahani kŭ kēbi taumata e rudenta su anun'E!"

²⁷I Yohanes simimbang, "Taumata e tawe pusakae kereu tawe ghēlirangu Mawu si sie. ²⁸I kamene hala seng nakaringihē si siā nēbera, 'Ia balinewe Ratu Mēnanaŭamatē. Ia kai nirolohē ipangalimona si Sie.' ²⁹Kaghiang bawine e kai tētaghua-nengu kaghiang esē. Arawe hapŭ kaghiang esē e kētaben mēnanggele ringangu kapēdēdaringihe, kŭ maŭasē naunge kereu makaringihē tingih'u kaghiang esē. Ia malaing kerene. Kŭ orasē ini e raŭasēku e nasukŭ kahēngang. ³⁰Kai i Sie hinon kakaŭellahe, arawe ia e kai hinong kakaḍodo e."

I Sie kŭ seng dimēnta wou sorga

³¹I saing kŭ bōu rasŭ kai su wowong kēbi e. I saing kŭ bōu dunia e kai nasowa taumatan dunia ringangu maḥumbisarang halē u maḍunia. I Sie e kŭ darēntane wou rasŭ e kai su wowong kēbi. ³²I Sie mēbēbisaran apang kŭ seng kinasilon'E ringangu kinaringih'E, kaiso mang taweu sarang sēngkatau mangi-

mang su apan sasahidin'E. ³³I sai manging mang su sasahidin'E e-ne ute, mēngaku wue u Ruata e mambeng tēngadē. ³⁴Batu tau-mata rarolohangu Mawu mēlēha-barē manga baweran Duata, ualingu Rohkē u Ruata seng nipaloho si Sie masuku. ³⁵I Amange makēndagē su Ahus'E, ku seng nēnarakangu kēbi kawasa si Sie. ³⁶I saing ku mangimang su Ahusē ene sarung makahombang pēbawiahē tutune ringangu kakalē. Arawe i saing ku tawē satiane su Ahusē ene e tawe makahombang pēbawiahē. I sie ihukungu Mawu sarang karēngue.

Mawu Yesus dingangu tau wawinen Samaria

4 Tau Farisi e nakaringihē u Mawu Yesus nakareā dingangu nēnahani limembong kalawōe tumatolene wou i Yohanes. (²Tuhū hinone Mawu Yesus sēsane tawe mēnahani, kaiso kētaben manga murit'E.) ³Sarāeng Mawu Yesus nakakasingka u tau Farisi seng nakaringihē halē ene, ute i Sie nanēntangu Yudea e ku nakoā solong Galilea. ⁴Kuteu raraleng'E ene kai harusē lumiu Sa-

maria. ⁵Tangu Mawu Yesus nahumpaen soa sēmbau su Samaria e arenge Sikhar tawē kadaune wou ēntana naung nionggō i Yakub su ana e i Yusuf. ⁶Sene kinahombangenge pahighin Yakub. Mawu Yesus mamben nasaghedu raraleng, ku i Sie naiang su wiwihu pahighi. Tempo ene pia u manga pukulē mapulo dua ēllo range. ⁷⁻⁸Dingangu manga tumatole Mawu Yesus seng nēngkakoā solong soa nēmpamēlli kaēng.

Bou ene sēngkatau wawinen Samaria e rimēnta nēnimba ake. Mawu Yesus nēberae si sie, "Inang, botonge Ia mēdorong mēnginung?"

⁹Tau Samaria wawine e simimbang, "I Tuang tau Yahudi, ia tau Samaria; unue i Tuang mēdorong inumang si sia?" (U tau Yahudi e tawe pēdalāhēmpukange ringangu tau Samaria.)

¹⁰Mawu Yesus simimbang, "Kereu i kau masingkau kakēndagu Ruata ringangu i sai mēdēdorong inumang si kau, ute nasahe bue kai i kau e mēdorong mēnginung si Sie, ku i Sie sarung mangonggou ake biahē si kau."

¹¹Angkuēngu wawine ene, "I Tuang tawē tatimba, mase pahi-

ghi ini e kai mara^ɽlung kahēngang. Kai wou apa i Tuang makahom-bang ake^ɽ biahē ngae? ¹²I Yakub, gaghurang i kami e nanēntangu pahighi ini si kami. I sie sēsane mangala^ɽ ake^ɽ inumange wou ini; kerene lai manga ana e ringangu binatangē lēhikinange. Apa i Tuang mangira^ɽling kai nangēlem-bong kasēllahe wo'i Yakub?"

¹³"I saing ku manginung ake^ɽ ini e mang sa^ɽ marou," angkuēngu Mawu Yesus, ¹⁴"arawe i saing ku manginung ake^ɽ sarung Taku iongo e, ute semben tawe marou sarang marēngu-dēngu. U ake^ɽ sarung Taku iongo e kai mako^ɽ simbulē sura^ɽlungu watangenge ku susa^ɽliwēbudē solong likude mase mēgēgēllī si sie pēbawiahē tutune ringangu kakalē."

¹⁵Angkuēngu wawine ene, "Tuang, onggo^ɽleko ia ake^ɽ ene, tade^ɽau ia semben tawe marou; dingangu seng tawaha^ɽluasu rumēnta sini mēngala^ɽ ake^ɽ."

¹⁶"Dakōe kui e kawingu, mase pēsuleko sini," unkuēngu Mawu Yesus.

¹⁷"Ia e tawē kawinku," unkuēngu wawine ene.

"Kahēngang buē si kau," unkuēngu Mawu Yesus. ¹⁸"Batūu i kau seng bou nēkawing liman su^ɽle, mase tau esē

ipēdēda^ɽlahikingu orasē ini e wali^ɽnewe kawingu."

¹⁹"Orasē ini ia nasingkaē u i Tuang kai sēngkatau nabi," unkuēngu wawine ene. ²⁰"I upung i kami e manēmba Ruata su wu^ɽludē ini, arawe kawanuan Tuang e mēbēbera u kētaeng su Yerusalem tampau taumata manēmba Ruata e."

²¹"Pangimangke," unkuēngu Mawu Yesus si sie, "sēsule tempo taumata e manēmba si Amang, seng ba^ɽlinewe su wu^ɽludē ini, ringangu wali^ɽnewe lai su Yerusalem. ²²I kamene tau Samaria manēmba Ruata wēgang kamene, arawe i kami tau Yahudi e kawe manēmba si Sie ku seng kinasingkateng i kami, watūu kasa^ɽlamatē e kai rimēnta wou tau Yahudi. ²³Kai tempone sarung dumēnta, ku seng narēnta, ku dingangu kawang Rohkē Susi taumata e sarung manēmba si Amang ku nako^ɽ Ruata kahēngang ikēkapulun Duata. ²⁴U Ruata e kai Rohkē, dingangu samatang u^ɽalingu kawang Rohkē Susi e apan taumata makapanēmba si Amang kerēwe i Sie ene."

²⁵Bawine ene nēbera su Mawu Yesus, "Ia masingka, u Ratu Manana^ɽlamatē (ku isēsēba si Kristus e) sarung dumēnta. Ke-

reu i Sie marēnta, i Sie sarung mēhabaru patikū s̄abarang si kite."

²⁶ "Kai seng Ia e i Sie," angkuēngu Mawu Yesus, "Ia e k̄u seng kapēbēbisarane ringangu e."

²⁷ Su tempo ene manga murit'u Mawu Yesus e nēngkawali. I sire naherang nakasilo Mawu Yesus mēbēbisara ringangu tau wawine. Kai taweu sarang sēngkatau wou i sire nakiwalo su tau wawine ene, "I ninang kai mēgēgausē apa tangu?" arau makiwalo su Mawu Yesus, "Kawe unue i Tuang mēbēbisara ringangu tau wawine ene?"

²⁸ Tangu tau wawine ene nanētangu wēnsade ēndai sene wou e timalang solong soa k̄u nēbera suapan taumata sene. ²⁹ "Mahiko pēmpēmānda taumata k̄u mēlēhabaru kēbi apan seng bōu takū nikakoā, ilēuli e si siā. I Sie ene walīnewe Ratu Mananaḷamatē e ngae?" ³⁰ Tangu i sire ene maḷaing nēmpānētangu soa e k̄u nakoā solong anung Mawu Yesus.

³¹ Su orasē ene manga murit'E nēmpēmaringang si Yesus mēsīmolē. "Tuang Guru," angkuēng i sire, "saḷamate mēsīmolē."

³² Kai Mawu Yesus e kawe simimbang, "Piā be kaēng si Siā e, katewe su kawēgang kamene."

³³ Tangu manga murit'E nanēta e nahēngkiwalo u, "Kai piā u nēbawa kaēng baug'i Sie?"

³⁴ Mase Mawu Yesus nēhengetang, "Kaēngku e ute kai mēkoā kapulun Sie k̄u nēndoloh'u Ia, dingangu mēngganapē munara k̄u seng nisarakang'E si Siā. ³⁵ I kamene mēmpēbēbera u, 'Kate ēpa u wulang seng oras'u mamēnsa.' Arawe Ia tangu kai mēbera si kamene: Kakēllako manga waelē seng nēngkararirihē, k̄u seng hinong pēnsakeng! ³⁶ Mamamēnsae seng manēta manarima u sasewane ringangu seng makapēngomolē buane waug'u pēbawiahē tutune ringangu kakalē. Tadeau bae mēngangasīe arau mēmamēnsae mahūluasēbe sēngkapahūluasē. ³⁷ Papasihing^c ini e maḷaing nihi-no, 'Kū sēmbau e mēngasī, arawe walīne wue ute mamēnsa.' ³⁸ Ia mēndoloh'i kamene pamēnsa su waelē balīne niwahētang kamene; u ene seng bōu nihaḷē u taumata walīne, k̄u i kamene makatarima u untunge wou munaran sire."

^c sasalili = peribahasa

³⁹Maḷawo tau Samaria tumana u soa ene nēmpangimang su Mawu Yesus, ualingu waweran tau wawine ene, "I Sie kawe maḷiu kēbi apan seng taku nikoḷa." ⁴⁰Tangu saraeng manga taumatan Samaria ene nēmpēsombangu Mawu Yesus, i sire mēdorong sēngapang botonge tadeḷu i Sie mētana dingangi sire. Tangu Mawu Yesus natana sene dua ḷlo karēngue.

⁴¹Bou ene sauneng kakaḷawo taumata nangimang su Mawu Yesus ualingu kēbi apan nitatēntiron'E si sire. ⁴²I sire nēmpēbera su tau wawine ene, "I kami nangimang orasē ini e, walineuwe lai ualingu waweranu si kami, kaiso kawe i kami hala seng nakaringihē si Sie, ringangu nasingka u i Sie mambeng tēngadē Mananaḷamatē dunia."

**Mawu Yesus napakapian
ana'u mēlahalē
u walēn datu**

⁴³Naliun dua ḷlo nētana su Sikhar, Mawu Yesus nakoḷa soḷong Galilea. ⁴⁴Mawu Yesus sēsane seng nēhengetang,

"Sēngkatau nabi e tawe lēadatang su soane sēsane." ⁴⁵Arawe su tempon i Sie nahumpaḷu Galilea, i sire pai sene nēmpanēnsomahē dingangu karaḷuasḷu naung, batuu i sire kai ene su Yerusalem su Ḽllon Pēmamantugē Paskah, ku seng bou nakasilo kēbi apang kinoḷa u Mawu Yesus.

⁴⁶Bou ene Mawu Yesus nēsulē soḷong Kana su Galilea, su pia i Sie nēmaḷui ake niapakariadi anggorē. Su soa ene pia sēngkatau mēlahalē u mananēmbonangu kawanua e ku anaē naung kai masakī su Kapernaum. ⁴⁷Saraeng i sie nakaringihē u Mawu Yesus kai seng nēdeḷa Galilea wou Yudeḷa, ku i sie nakoḷa soḷong anum Mawu Yesus ku mēgēgausē tadeḷu Mawu Yesus e rembeng masongo su Kapernaum ku deng mapakapian ana e, ku kai seng marasai.^d

⁴⁸Mawu Yesus e nēhengetang su mēlahalē u mananēmbonange ene, "Kereu i kamene tawe makasilo manga halē makaḷalinau e, ute i kamene tawe mēmpangimang."

⁴⁹"Tuang," angkuēngu mēlahalē ene, "tuḷungko ligha dēsunge

^d luhēdu = hampir mati

paḷi anaḷu e reng bēḍang ta nairi."

⁵⁰ Mawu Yesus e nēhenge-tangke si sie, "Dakoe, anaḷu e seng nuḷe."

Tau e nangimang su henge-tangu Mawu Yesus e, ku mase i sie napuḷe e. ⁵¹ Kutēu i sie wēḍang kaḍesunge, su raralengange pinēsombangke manga ēllange ku nēmpēbēke u, "Ahus'i Tuang seng nuḷe."

⁵² Mase i sie nakiwaḷo si sire, mēnsang pukuḷe pira rario e nanēta nuḷe. I sire simimbahē u, "Kahēbi manga pukuḷe sēmbau ēllo rangē lēhabe nai-lang." ⁵³ Bōu e i amangu rario e nakatahēndung u su tempo ene Mawu Yesus e nēhengetang si sie, "Anaḷu e napia." Tangu i sie ringangu kaḷawōu manga anaḷu sēmbau e nangimang su Mawu Yesus.

⁵⁴ Kai ene e haḷe makāḍali-naḷu karuane kinoḷu Mawu Yesus su Galilea saraeng i Sie narēnta wōu Yudea.


Kaḷaulen tau masakī su liwua u Betesda

5 Bōu ene piako salimbangu tau Yahudi, tangu Mawu Yesus e natamai e soḷong Yeru-

salem. ² Su Yerusalem marēduhu "Tukad'u Domba" piako liwua e sēmbau, ku suweran Ibra-ni isēsēba Betesda. Sene pia panonggene lima kaḷawōe. ³ Suapan panonggene tangu mēngkate maḷawō masasakī e maḥundaḷoka; pia u wuta, pia u kempaḷe, dingangu lai peosē. [I sire kēbi e mēngampaḷe pēgaghologu ake e. ⁴ Batu maḷaekatē u Mawu e kai kaḍinga luḷintu suraḷungu talaga e mapēgēgologu ake e. Ku masasakī kahumotongange matumpa su pēgaghologu ake e, i sie mapia wōu saki, balaewe mēnsang saki apa tētaḷudange.] ⁵ Su tampa ene kai pia tau esē ku seng tēllum puḷo ualu su taunge karēngue masakī. ⁶ Mawu Yesus nakasilo si sie ruḍaḷoka sene ringangu masingka u i sie seng marēngu-dēngu masakī; tangu Mawu Yesus nakiwaḷe si sie, "Mapulu i kau e mapia?"

⁷ Tau masakie simimbang, "Tuang, sini tawēu makasowang ia suraḷungu talaga su pēgaghologu ake e. Ku tēntalang ia buhu e kaṭamaine soḷong talaga e, seng pia taumata waḷine mēngalimona sumuē e."

⁸ Tangu Mawu Yesus nēhengetangke si sie, "Pēbangungke, hengke e tēpihu mase ralengke."



Daḷeng sēmbua su soan Yerusalem (5:1)

⁹Tangu su tempo ene lai tau e napia. I sie nēhengke e tēpihe ku bōu e rimaleng.

Halē ene nariadi su ēllon Sabatē. ¹⁰Ualingu ene manga tēmbonangu tau Yahudi nēmpēbera e su tau wuhu kapia wōu saki e, "Sahello ini e kai ēllon Sabatē. I kau tawe wotonge mēhengke tēpihu."

¹¹Arawe tau ene simimbangu, "Tau napakapian ia kani-

ni e, nēngoro si sia apēlēhengke tēpihēku ringangu apadaḷenge."

¹²"Ku kai i sai tangu nangoro si kau e apēlēhengke tēpihu mase apadaḷeng?" ungkuēng i sire.

¹³Kai tau ēndai buhu napia e wēga wue mēnsang i sai taumatane, u Mawu Yesus e seng nētēngkaghēngging sutaḷoaran taumata ḷawo e.

¹⁴Su samurine Mawu Yesus e nēsombangu tau ene suraḷungu Waḷem Mawu ringangu nēhenge-tang si sie, "Ini i kau e seng napia. Ku kuhæ sau mēdosa, tadeaḷu tawe sau hombangengu li-membon karalakise."

¹⁵Mase natamai e tau ene nēhabarē su manga tēmbonangu kawanuang Yahudi u kai Mawu Yesus nakakapia. ¹⁶Ku ualingu ene i sire nanētæ mapakasusan Mawu Yesus, batuu i Sie mapakapian masasaki su ēllon Sabatē.

¹⁷Arawe Mawu Yesus e nēhengetang si sire, "I AmangKu e mang kaḷalē e sarang orasē ini, dingangu Ia e maḷaing mēlēhalē."

¹⁸Manga wawera ene makadiadi^c naungu manga tēmbonangu tau Yahudi e sauneng

^c makatapeng = membuat
5:10; Neh. 13:19. Yer. 17:21

mědeau mēm̄ate si Sie. I si-re mēm̄pěkēkoā kerene wālinewe kētau uālingu i Sie lūlampa atorangu agama māanun ēllon Sabatē, kaiso kai lai uālingu i Sie nēbera u Ruata kai i Amang'E; mangalene i Sie mētētēngkasulungu watangeng'E ringangu Ruata.

Kawasang Ahusē

¹⁹ Mawu Yesus simimbang si sire ene kerei, "Pangimangke Ahusē e tawe makakoā apa-apa ringangu kawasan'E sēsane. I Sie kētaeng mēkēkoā apang ikēkasilon'E kēkoateng i Amang'E. U apang kēkoateng i Amang e ene lai kēkoateng u Ahusē e. ²⁰ Batu i Amang kükēndagu Ahusē ringangu mēlēlahē u kēbi apang kēkoateng'E hāla. Sude wue i Amang sarung lai mēlahē u munara limembong kasēllahe hakīewen i kame-ne mēm̄pēdalinau. ²¹ I Amange mapēbēbangung u taumata nate ringangu mēgēlliu pēbawiahē tutune ringangu kakalē; kerene lai Ahusē e mēgēlliu pēbawiahē kakalē su taumata kū mapulu ghēlikang'E pēbawiahē! ²² I Amange tawe mēhukung si saisai. Kēbi kawasa waug'u mēhu-

kung e seng nisarakang'E su Ahus'E. ²³ I Amang nēkoā ene tadeau kaławou taumata mēngadatē Ahusē e kereewe lai i si-re mēngadatē si Amang. Taumata kū ta mēngangadatē Ahusē e maļaing ta mēngangadatē si Amang nēndolohu Ahusē e.

²⁴ Mambeng tēngadē manga waweraKu ini e: I sain dūdarinhē hengetangKu ringangu māngimang si Sie nēndoloh'u la e, mānaghuang pēbawiahē kakalē. I sie tawe sarung ihukung; batu i sie kai seng nāliwirē bou papate ringangu makahombang pēbawiahē.

²⁵ Pangimangke: Sarung dumēnta tempone – arau sembeng tempone – taumata nate sarung makaringihē tingih'u Ahus'u Ruata. Kū i sain nakaringihē e sarung mēbiahē. ²⁶ Kereewe i Amang kawepuēngu pēbawiahē, i Sie napakariadin Ahus'E lai puēngu pēbawiahē. ²⁷ I Sie seng nangonggo su Ahus'E kawasa waugu mēhukung, u i Sie kai Ahus'u Taumata. ²⁸ I kamene abe rālinau makaringihē halē ini e, batu sarung dumēnta tempone u patiku taumata nate makaringihē tingih'E. ²⁹ Mase sumēbang bou kubulē. Taumata kū naung mēkēkoā ma-

pia e sarung mēbangung kŭ mēbiahē. Arawe taumata kŭ naung mēkēkoā dalakŭ e sarung mēbangung tadeāu ihukung.”

Kalawou karalahē maanun Mawu Yesus

³⁰”Ia e tawe makakoā apa tuhŭ kapuluKu hala. Ia kētaeng mēlēhukung tuhewe ilēorong Duata. Kŭ putusangKu e adilē, u Ia e tawe mēkakoā kapuluKu sēsaku, kaiso kai kapulung Amang kŭ nēndoloh’u Ia.

³¹Kereu Ia e kai mēsēsahidim batangengKu hala, sasahidiKu e tawe hinong pangimangeng. ³²Kai piabe taumata waline mēsēsahidim batangengKu, kŭ Ia masingka u sasahidine e mambeng tēngadē. ³³I kamene seng nēndolohu rarolohang solong anung Yohanes kŭ i sie seng nēsahidi kahēngang maŭliu watangengKu. ³⁴Halē ini e Taku ihabarē, balinewe tadeāu Ia e pia u mēsahidi, kaiso kawe mēdeāu i kamene iapakasalamatē. ³⁵I Yohanes e kai tabidau solō rudelli kŭ mapasēnnangu tualagē. Kŭ kētaeng kadodo tempo e i kamene maŭuasē manarima tualagē ene. ³⁶Arawe sasa-

hidiKu e kai limembong kasellahe wou sasahiding Yohanes. Apang kēkoatengKu orasē ini e, ute kai munara nitilakeh’i Amang si Sia, mēlēlahē i Amange seng nēndoloh’u Ia. ³⁷Dingangu i Amang kŭ seng nēndolohu Ia e maŭaing apēsēsahidin Ia e. I kamene mambeng bēdang ta nakadingihē tingih’E arau nakasilo ghah’E. ³⁸Manga hengetang’E tawe nareso su naung i kamene batŭu i kamene tawe nangimang si Sia e kŭ seng niḍaroloh’E. ³⁹I kamene mēmpangēndung Binohe Susi batŭu i kamene mēngiralingu ringangu kakakoā kerene i kamene managhuang pēbawiahē tutune ringangu kakalē. Kŭ Binohe Susi e sēsane mēsēsahidin Ia e. ⁴⁰Arawe i kamene tawe mapulu rumēnta su anuKu tadeāu makahombang pēbawiahē kakalē.

⁴¹Ia e tawe mēdareā daralo wou taumata. ⁴²Ia e makakirala si kamene. Ia masingka i kamene tawe kumakēndagu Ruata suralungu naung i kamene. ⁴³Ia e rimēnta ringangu kawasang AmangKu, kaiso i kamene tawe nēnarima Ia. Arawe kereu taumata waline dumēnta ringang-

u kawasane hala. ute i kamene mēnarimaḅen sie. ⁴⁴Kereapa i kamene makapangimang kama-gengu i kamene kawē mēdeḅau makiralo su sēndinganengu, ku tawē mapulu mēgausē daralo a-salē wou Ruata mang Sēmbau? ⁴⁵Abe pēngēnnau Ia sarung mapēsalaḅang kamene su tēngon A-mang. U mapēsalaḅang kamene e kai i Musa, i sie ēndaḅ pēlēhara-peng i kamene. ⁴⁶Kereu i kamene mangimang si Musa, ute i kamene sarung mangimang si Sia, u apan niḅawohē e ute maanun Ia. ⁴⁷Arawe kamageng i kamene tawē mangimang su apang ku bēbohekanḅ i Musa e, ute kereapa wue i kamene mangimang apang Taku ipēbēbera si kamene?"

**Mawu Yesus napakaēngu
lima hiwu su kataune**
(Mat. 14:13-21; Mrk 6:30-44)
(Luk. 9:10-17)

6 Nararēna samurin ene Mawu Yesus dimakḅ solong paḅ sēmbēkan danong Galilea, ku isēsēḅa lai dano Tiberias. ²Narēntāe sene, tangu kai piḅ gapaēngu taumata maḅawo timole si Sie, u i sire naung seng bou makasilo halē makadalinau kēkoateng'E makapia masasakḅ. ³Mawu Yesus simakae solong

buludē, mase naiangke ringangu manga murit'E. ⁴Su tempo ene kai maraning Ēllon Salimbangu Paskang Yahudi e. ⁵Piḅ e Mawu Yesus maḅanda kaihi-koaneng maḅgēlikue, i Sie nakasilō e si sire mēgēgapaēng nahundēnta su anun'E. Ene i Sie nēbera e si Filipus, "Suapa ngae i kite makapamēlli kaēng, tadeḅau i sire kēḅi e makakaēng?" (⁶Mawu Yesus seng masingka apa sarung koateng'E, kai i Sie nēhengetang kerene, ute kai manaluka si Filipus.)

⁷I Filipusē e simimbang, "Borotē arēgang dua hasu su kalēpane roitē salaka e tawē makakaēng baug'i sire ini, manilaing i sire kētaeng mahiaḅ pēkadodo."

⁸Sēngkatau wou taḅoaran murit'u Mawu Yesus waline ku arenge i Andreas, anḅ sēmbau i Simon Petrus nēbera, ⁹"Endaung piḅ dariḅ esē sēngkatau, sinasae borotē limambau dingangu kinḅ duambua. Kai apa wue nēnggae waugu taumata kakēpaḅ kerei-ni?"

¹⁰"Apakaiangko i sire," ungkuēngu Mawu Yesus. Su tampa ene piḅ dēmpugē masuwenehē, ku i sire naiangke su rēmpugē ene – kalawoe piḅ u manga lima hiwu su kataune esē. ¹¹Bou ene Mawu

Yesus nëngalæ borotë ene mase nakitarimakasë su Mawu Ruata. Bøu e i Sie nëpapahiaen borotë ene su taumata lawo. Mase i Sie nëpapahiaen kinä ene, ku i sire nahungkaëngke nëbatu lehe i sire. ¹² Saraeng seng nëngkalaedë, Mawu Yesus nëhengetang su manga murit'E, "Komolëko manga lëmbeng kaëng ene; kumbahangbe pia u magholo." ¹³ Mase i sire nëngomolë mapulo dua su patangane napenë kalawoë lëmbeng kaëng bøu borotë limambau ku nikakaëngu taumata lawo e.

¹⁴ Saraeng i sire nakasilo halë makadalinau nikoä u Mawu Yesus, i sire nëbera, "Tëngadë, ini e kai nabi lëharapeng dumënta su dunia!" ¹⁵ Mawu Yesus e masingka u i sire rimënta tadeau manihasan Sie makoä datun sire. Batuu ene natamai e i Sie nënggeang solong tanpa bawulurange.

Mawu Yesus dimaleng su wowon akë

(Mat 14:22-33; Mrk. 6:45-52)

¹⁶ Saraeng seng kakahëbine, manga murit'u Mawu Yesus e nëmpëdësungke solong dano e. ¹⁷ Mase i sire nëmpësake sakaeng ku nëmpëlëbä dano ene, nëtimona Kapernaum. Ëllo

e seng marëndung kai Mawu Yesus wëdang tawe nadënta su anung sire. ¹⁸ Kutëu rano e nanëta e nëkalitota kahiaen kaiha u anging. ¹⁹ Saraeng nësakaeng mangæ lima arau ënnungu kilo meterë kalaude, i sire nakasilo e Mawu Yesus kadalenge su wowong akë, luhang sakaeng i sire. I sire nëngkataku. ²⁰ Arawe Mawu Yesus e kawe nëhengetang si sire, "Abe këngkataku, kai la ëndaunge!" ²¹ Mase ringangben naung maluasë i sire nënarima i Sie simake su sakaeng, ku su tempo ene lai sakaeng i sire nahumpa u tëtmonaëng.

I sire nëmpëdëdea

Mawu Yesus

²² Sëngkariöëllone taumata lawo ku bëdang ene su sëmbëkang dano e, nakahëngangu wuhu-wuhu e këtaeng sënggësä sakaeng sene. I sire masingka u manga murit'u Mawu Yesus e seng nëbua su sakaeng ene, arawe Mawu Yesus e tawe natoë. ²³ Samuring ene pia e sakaeng pirang gësä wou Tiberias natuli ku nëmalango marëduhu tanpa ku pia taumata lawo e mahungkaëng borotë bøu nialamateng u Mawu. ²⁴ Pia e taumata lawo nakasilo e u Mawu Yesus dingangu manga

murit'E tawę dise sene, tangu i sire nęmpęsakę e manga sakaeng ene kų nęngkakoą solong Kapernaum nęmpędeą Mawu Yesus.

Mawu Yesus e kai borotę makadęntang pębawiahę

²⁵ Pia e manga taumata ene nęsombangu Mawu Yesus su sęmbękang dano e, i sire nakiwało si Sie, "Tuang Guru, kange i Tuang nahumpa sini?"

²⁶ Mawu Yesus simimbang, "Mambeng kahęngang i kamene mędędeą si Sia bałinewe uałingu i kamene seng nakaęnna timonan manga hałę makadałinau Takų nikoą, kaiso uałingu i kamene seng bọu nęmpękaęng borotę sarang nęngkalaedę. ²⁷ Abe pęmpamunara waųgu makaęba kaęng kų masue ringangu małuhų. Pęmpamunarako waųgu makahombang kaęng ta mawawuhų dingangu makaręntang pębawiahę tutune ringangu kakalę. Kaęng ene e sarungbe ionggọ u Ahus'u Taumata si kamene, batųu i Sie seng niakun Duata-Amang."

²⁸ Mase i sire nakiwało si Sie, "Kai apa harusę koateng i kami tadeąu mętatahino su kapulun Duata e?"

²⁹ Mawu Yesus e simimbang, "Kai ini e ikękapulun Duata wọu i kamene: pangimangke si Sie kų seng niroloh'u Ruata."

³⁰ "Kamageng kerene," unguęng i sire, "apa wue tatialane ikaonggọ i Tuang tadeąu i kami makasilo ringangu mangimang si Tuang? Apa wue kų sarung koateng i Tuang? ³¹ Manga iupung i kami e nęmpękaęng manna su wanua ta taune, kere maławohe surałungu Winohe Susi, 'I Sie napakaęng i sire borotę bọu sorga.'"

³² Mase Mawu Yesus e nęhengetang si sire, "Pęmpangimangke: Bałinewe i Musa, kaiso kawe i AmangKu e nangonggọu borotę tutune wọu sorga. ³³ Batųu borotę kų nionggọ u Ruata e ute kai i Sie kų seng limintų bọu sorga kų mangonggọ u pębawiahę baųgu taumata su dunia."

³⁴ "Tuang," unguęng i sire, "onggoleko i kami borotę ene sęntinia."

³⁵ "Kai Ia e borotę makaręntang pębawiahę," unguęng u Mawu Yesus si sire. "I sain dumęnta su anuKu mang seng ta mahutung sarang karęngų. Dingangu i sai kų mangimang si

Sia e semben tawe marou sarang marëngu-dëngu.

³⁶Kai kereewe seng Taku nipëbera si kamene, maningbe i kamene seng bou nakasilo si Sia, kai i kamene mang tawe mangimang. ³⁷Kalawou taumata seng nionggo i Amang si Sia sarung mahundënta su anuKu. Ia e tawe mëbinsi i sai-sai rumënta su anuKu. ³⁸Batuu Ia e limintu bou sorga e, walineuwe waugu mëkoä kapuluKu sësaku, kaiso kawe kapulun Sie nëndoloh'u Ia. ³⁹Ku kai ini kapulun Sie nëndoloh'u Ia e: Tadeau wou këbi taumata ku seng nisarakang si Sia, taweu sarang sengkatau mailang; kaiso kawe tadeau Ia mapëbangung i sire su Ëllong Kiamatë. ⁴⁰Ku i ni e mambeng kapulun Amangku kahëngang: Tadeau këbi apan seng nakasilo Ahusë ku mangimang si Sie, managhuang pëbawiahë tutune ringangu kakalë, ku Taku ipëbiahë kapia su Ëllong Kiamatë."

⁴¹Apawen tau Yahudi nanëta e nëmpëgalundung su Mawu Yesus, batuu i Sie nëbera u: "Kai Ia e borotë natëntung bou sorga." ⁴²I sire nëmpëbera, "Kara i Yesus ini e kawe anä i Yusuf? I kami masingkau inang-

iamang'E! Kereapa wue i Sie wahan i nëbera u i Sie natëntung bou sorga?"

⁴³Mase Mawu Yesus nëhengetang si sire, "Abe pëm-pëgalundung. ⁴⁴Taweu sarang sengkatau makakarënta su anuKu, kereu i Amang nëndoloh'u Ia e tawe mëbawa si sie su anuKu, dingangu i sain dumënta, sarung taku ipëbangung su Ëllong Kiamatë. ⁴⁵Suralungu bukë u manga nabi kəbawohë kereini: 'Këbi taumata e sarung tënti-roëngu Mawu Ruata.' Ku këbi taumata apang dudarangihë si Amang dingangu manëndung bo'i Sie, rumënta su anuKu. ⁴⁶Ku e ne walineuwe mauļu mangalene seng pia u wou nakasilo si Amang. Këtaeng i Sie rimënta wou anun Duata e seng nakasilo si Amang.

⁴⁷Këngkasingkako: Taumata maimange kai managhuang pëbawiahë tutune ringangu kakalë. ⁴⁸Kai Ia e borotë makadëntang pëbawiahë. ⁴⁹Iupung i kamene kimaëng manna su wanua linggi, kai i sire malang nate. ⁵⁰Kai waline kerene su borotë ku natëntung bou sorga; i saing kumaëng borotë ene semben tawe mate. ⁵¹Kai Ia e borotë natëntung bou sorga – borotë

kū makadēntang pēbawiahē. I saing kumaēng borotē ini sarung mēbiahē sarang karēngue. Borotē kū sarung Takū ionggō baugu pēbawiah'u taumata su dunia e ute kai ghēsiku."

⁵² Sarang nakaringihē ene tau Yahudi nēmpēdarendehē lawō i sire, "Kereapa wue tau ini mangonggō ghēsini'E si kite ipakikina?" angkuēng i sire.

⁵³ Mase Mawu Yesus nēhengetang si sire, "Pangimangke: Kereu i kamene tawe kumina gēsini Ahus'u Taumata e ringangu tawe manginung dahan'E, i kamene mambeng kahēnga-hēngang tawe makaēba pēbawiahē. ⁵⁴ I saing kumina gēsiku ringangu manginung dahaKu e managhuang pēbawiahē tutune ringangu kakalē, dingangu Takū ipēbangung su Ēllong Kiamatē. ⁵⁵ U ghēsiku e mamben kaēng kahēngang, dingangu rahaKu e mambeng inumang kahēngang. ⁵⁶ I saing kūkina gēsiku ringangu manginung dahaKu, mang tatapē masēmbau dingangKu, kū la e masēmbau dingange. ⁵⁷ I Amang kū biahē ene, nēndoloh'u la dingangu la maiaing nēbiahē bo'i Amang. Kerene lai i saing kumina gēsiku sarung mēbiahē bōu la. ⁵⁸ Kai ini e borotē natēntung

bōu sorga: balinewe borotē kere nikaēng iupung i kamene. Kai saraeng kimaēng borotē ene, i sire e maiaing nate. Arawe i saing kimaēng borotē ini sarung mēbiahē sarang karēngu e."

⁵⁹ Kēbi ene pinēhengetang u Mawu Yesus pia i Sie manēntiro su balem pēkakaliomanengang su Kapernaum.

Manga wawera makadēntang pēbawiahē tutune ringangu kakalē

⁶⁰ Saraeng bōu nakaringihē apang hengetangu Mawu Yesus e, lawō bōu taloarang manga murit'E nēmpēbera u, "Tēntiro ini tumanju mawēha. I sai wue makatarima!"

⁶¹ Mawu Yesus sēsane masingka u manga murit'E mēmpēsēsinguhutangu halē ene. Tangu i Sie nēbera e, "Apa i kamene kawe nimēngga u manga wawera ene? ⁶² Kai makoā kereapa maeng i kamene makasilo Ahus'u Taumata e mahengke kapia solong tampa e naung kalamona? ⁶³ Kū makābiahē taumata kai Rohkē u Mawu. Katatoghas'u taumata e mambeng tawē gunane. Manga wawera kū Takū pinēbera si kamene kanini ute kai manga wawerang Rohkē u Ruata kū

kai manga wawera makadëntang pëbawiahë. ⁶⁴Kaiso malaing pia sutaloarang kamene ku tawe mangimang." (Mawu Yesus e seng masingka dokeng bou tëtæ kai i sai-sai tawe mapulu mangimang, dingangu i sai ku sarung mësunia'i Sie.) ⁶⁵Mase Mawu Yesus nëhengetang kapia, "Kai ualingu ene hakiu la mëlëhabarë si kamene u tawëu sarang sengkatau makakarënta su anuKu, kereu i Amang e tawe mapakawala."

⁶⁶Nanëta bou orasë ene malawo bou manga murid'E nëmpañëntang i Sie, ku seng tawe lai mapulu tumole si Sie. ⁶⁷Mase Mawu Yesus e nakiwaloe su manga murid'E si sire mapulo dua e, "Apa i kamene malaing mapulu mëmpañëntangu la e?"

⁶⁸"Mawu," unguëng i Simon Petrus si Sie, "ku kai solong anung i sai tangu i kami e? Hengetangu Mawu e kai makadëntang pëbawiahë tutune ringangu kakalë. ⁶⁹I kami e seng nangimang dingangu nangiaking u kai i Kau Mawu e rarolohang susi wou anun Duata."

⁷⁰Mawu Yesus simimbang, "Kara kawë ia namile si kamene mapulo dua ini e? Sëmbaliau

sengkatau wou taloarang kamene kai rohkë dalaki!" ⁷¹Ku itëtimo-nang Mawu Yesus e ute kai i Yudas anã i Simon Iskariot. Batu manilaing i Yudas sengkatau woi sire mapulo dua murid'u Mawu Yesus e, i sie sarung mësunia'u Mawu Yesus.

Mawu Yesus dingangu manga anã u sëmbau e

7 Bou ene Mawu Yesus nëdaraing su apan tampa su Galilea. I Sie tawe mapulu solong banuan Yudea batu manga mëngangawasan Yahudi e sene mëkëkaraki mëmate si Sie.

²Su tempo ene ute seng masandigë Ëllon Salimbangu Selo Raukalu. ³Tangu manga anau sëmbau u Mawu Yesus nëmpëbera e si Sie, "Tëntangke tampa ini e ku kakoako solong Yudea, tadeau manga murid'U e malaing makasilo munaran'U. ⁴Tawë apa taumata ku sarung mëmuning apang kinoa e, kereu i sie kai mapulu tumeleng mapia. Kereu i Kau e mëkoa bue këbi tamai ene, ute kasëllahu dunia e harusë masingka." (⁵Batu manga anau sëmbau e sësane malaing tawe mangimang si Sie.)



Danong Galilea (7:9)

⁶”Bědangbe wāline tempone si Sia,” unguēngu Mawu Yesus si sire, ”arawe waugu i kamene, sěntiniā mang botonge. ⁷ Dunia ini e tawe mariadi mēbinsi i kamene. Arawe Ia e mang ipěbēbinsiū dunia, ualingu Ia mēngkate hanesē mēbēbera su dunia e u kakakoā e kai rālakisē. ⁸ Dako e i kamene hala kakoā solong salimbang ene. Ia e tawe tamai u reng baline tempoKu.” ⁹ Kerene pinēhengetang u Mawu Yesus su manga anau sēmbau e, ku i Sie natana su Galilea.

Mawu Yesus su salimbang u Selo Raukalu

¹⁰ Saraeng manga anau sēmbau e nēmpētamai solong salimbang ene, ute marēma-rēmasē Mawu Yesus e nēbua sēsane tawē su kasingka u lawo. ¹¹ Karēnguēwen salimbang ene e, manga mēngangawasa su Yahudi e mēmpēdēdeā si Sie ringangu māhēngkiwalo, ”Kai suapa i Sie?”

¹² Taumata lawo e nanēta e mēmpēsēsasiang maanun Sie.

Piaben mēbēbera u: "I Sie tau-mata mapia," Pia ewe lai mēbēberau: "Tala! I Sie makapa-lidē taumata lawo." ¹³ Kai taweu sarang sēngkatau wahani mēbisa-ra su tēngo maanun Sie, u i sire mataku u mēngangawasan Yahu-di.

¹⁴ Mēloaraen parahuluasē, Mawu Yesus simuē suralungu Baḷem Mawu, ku nanēta e nanēntiro. ¹⁵ Manga mēngangawasan Yahudi nēngkaherang ku nēmpēbera u, "Kereapa wue tau ini nakakasingka u kereng kalawo e, sēmbaliau i Sie tawe nēsēsikoḷa?"

¹⁶ Mawu Yesus simimbang, "Taku itētēntiro ini e walīnewe tēntiroKu, kaiso kai tēntiron Sie nēndoloh'u Ia e. ¹⁷ I sai mapulu tumuhu kapulun Duata ute sarungbe makakasingka mēnsang tēntiro Taku itētēntiro e asaḷe wou Ruata arau wou Ia sēsaku. ¹⁸ I sai mēgēgēlliu tēntirone sēsane kai mēdeau mapakasēllahen batangenge sēsane. Arawe i sai mēdeau mapakasēllahen Sie ku nēndolohē e, ute i sie matulidž, ku tawē apa pēkakakonti su watangenge. ¹⁹ Kara kawē i Musa seng nēgēlliu manga titan Duata e si kamene? Kai sutaloarang ka-

mene taweu timuhu manga tita tamai ene. Kawē unue i kamene mēngantibē mēmate Sia?"

²⁰ Taumata lawo e nēmpēsimbang, "Pulu i Kau! Kai i sai tangu mapulu mēmate si Kau e?"

²¹ Mawu Yesus simimbang, "Kētaben halē sēmbau koateng-Ku su ēllon Sabatē, ku i kamene nēngkaherang. ²² I Musa e nangonggou tiahān sunatē si kamene – manilaing tuhū hino-ne sunatē e baḷine wō'i Musa, kaiso kawē wou manga i-upung kalimonan Musa. Uaḷingu ene su ēllon Sabatē e i kamene maḷaing mapulu mēnūnatē taumata. ²³ Kereu i kamene kawē mēmpēkoā ene u mēdeau kumbahangbe lumampa atorangu sunatē bo'i Musa, unūewe i kamene limangehē si Sia, uaḷingu Ia napakaulen saki u taumata patiku e su ēllon Sabatē? ²⁴ Kumbahangbe mapēsalan taumata tuhūewe silon mata e, kaiso tuhūbe su katulidē."

**Kahēngang bue Mawu Yesus
Datu Mananaḷamatē e?**

²⁵ Samuring ene pia e pirangkatau tau Yerusalem nēmpēbera u, "Baḷinewe ini taumatane ku pēpareakeng tadeau pateēng e?

²⁶ Pëmandə e i Sie mēbēbisarawe ta konsange su tēngon lawo, mase taweu nēmpēberang apa-apa si Sie! Manga mēngangawasang kite e kai seng makəhēngang ngae u i Sie ini e kai Ratu Mananalamatē e? ²⁷ Kai kereu Ratu Mananalamatē e rumēnta, ute taweu sarang sēngkatau masingka u wou apa asal'E! Sēmbaliəu i kite masingka bue wou apa asale tau ini e."

²⁸ Su samurine, pia Mawu Yesus kapanēntirone su Balem Mawu, i Sie nēhengetangken tingihe maiha, "Kū i kamene masingka u kai i sai Ia ini, ringangu wou a? Ia e tawe rimēnta ualingu kapuluku sēsaku. Ia e kai niroloh'i Sie kū kawasa nēndoloh'u Ia e, mase i Sie kai kapēngimangeng. Arawe i kamene tawe nakakirala si Sie. ²⁹ Ia e masingka i Sie, u Ia e kai wou i Sie asale, kū kai i Sie nēndoloh'u Ia e."

³⁰ Su tempo ene i sire mapulu mēname Mawu Yesus, kai taweu wahani mēhēgo si Sie, u kai wēdang tanīdatingu tempone. ³¹ Lawo bou tałoaran sire ene nanētae nēmpangimang si Sie ringangu nēmpēbera u, "Kereu Ratu Mananalamatē e marēnta, mēnsang i Sie makakoəbe halē

makadalinau limembong kaławo wou tau ini ngae?"

Hingid'u mēname

Mawu Yesus

³² Tau Farisi e nakaringihē u kereapa taumata lawo e mēmpēsēsasiang maanun Mawu Yesus. Ualingu ene, i sire ringangkewen manga imang tēmbonange, i sire nēmpēndoloh'u pirangkatau wou manga mēndariaga Balem Mawu e apēnēname Mawu Yesus. ³³ Mawu Yesus nēhengetangke su tēngon taumata su Balem Mawu e, "Kate kadodo tempo Ia e ringangi kamene. Bou ene Ia e sarung mēbali solong anun Sie kū nēndoloh'u Ia e. ³⁴ I kamene e sarung mēmpēdeə si Sia e, kai tawe mēsombangu Ia e; batu i kamene tawe makarēnta su tampa su apan Ia ene."

³⁵ Mase manga mēngangawasa Yahudi e nahumbisara e sēmbau su wəline, "Tau ini e kai mēnaung makoə solong a, hakū i kite e kawe tawe makareə si Sie? Apa i sie makoə solong anun tau Yahudi nasaliawuhē su soan tau liwu sutaloaran tau Yunani e, kū manēntiro tau Yunani ngae? ³⁶ Kū kai apa ngae timonane mēbera u i kite sarung mēdeə

si Sie kai tawe makarea dingangu i kite e tawe makakarenta su tampa e ku su apan i Sie ene senen?"

Ake makarentang pëbawiahë

³⁷ Su ëllo kasamuriange wou salimbang ene, ëllo e kawan-tugange, Mawu Yesus dimarisi e suralungu Balem Mawu mase nëhengetang, "I sain narou e rentà e su anuku tadeau panginung. ³⁸ Arawe i sai mangimang si Sia e, mabawohë suralungu Bukë Susi e: 'Bou ralungu naunge luelehë manga elehangu ake ku makadëntang pëbawiahë e.'" (³⁹ Mawu Yesus e mëbëbisarang halëu Rohkë Susi e ku sarung itarima u apan taumata mëpangimang si Sie. Batuu su orasë ene Rohkë u Mawu Ruata e bédawen ta nilëonggo; batuu Mawu Yesus bédawen tawe niapakawantugu kapapohong'E.)

⁴⁰ Malawo taumata nakaringihë apan nipëhengetang u Mawu Yesus, ku sutaloaran sire pia nëmpëbera u, "Tau ini, nasahë e u mang nabi e!"

⁴¹ Angkuëng u sëngga, "Ini e kai Ratu Mananalamatë!"

Kuteu piako lai nempëbera u, "Ah, unue Ratu Mananalamatë e kawe rumënta wou Galilea? ⁴² Suralungu Bukë Susi e kabawohë u Ratu Mananalamatë e kai hënton Daud, dingangu sarung sumëpu bou Betlehem, ku kai wou soan Daud." ⁴³ Pëngënsueënge taumata e nanëta e nëmpëdarendehë maanun Mawu Yesus. ⁴⁴ Pia u mapulu mëname si Sie, kai taweu sarang sëngkatau nanenggehu li-manë si Sie.

Manga mangangawasang Yahudi e tawe nangimang

⁴⁵ Pia e mëndariaga Balem Mawu nirolohë niapëname Mawu Yesus këkapule e, manga imang tëmbonange ringangu tau Farisi e nëmpëkiwalò e si sire, "Kawe unue i Sie tawe niwawang kame-ne ramahi?"

⁴⁶ Manga lukadë e nëmpësimbang, "Uh, bédang ta apa taumata kapiane mëbisara kere i Sie!"

⁴⁷ "Apa i kamene seng napalidë karea'E?" ungkuëngu tau Farisi ene. ⁴⁸ "Pia ngae wou taloaran manga tëmbonag i kite e arau tau Farisi ku pia u mangi-

mang si Sie? ⁴⁹Arawe tauniata lawo ini, i sire wëga wue atorang i Musa, mase wæbe kereapa i sire kai seng niane."

⁵⁰Sëngkatau wou taloaran tau Farisi ene ute i Nikodemus, i anue nung bou simongo su anun Mawu Yesus. I Nikodemus nëbera su tau Farisi wali-ne e, ⁵¹"Tumuhu atorange, tau-mata e tawe wotonge ihukung, tentalang katataingu pësasane nirëdaringihang dingangu kakanoa e nisësuiang."

⁵²"Apa i kau e malaing bou Galilea?" unkuëng i sire, "Mëngkate panësu su Bukë susi! I kau sarungbe makasilo u tawë apa nabi ku asale wou Galilea!"

Sëngkatau wawine kinatangka nawuang

[⁵³Samurin ene, këbi taumata nëngkapule e solong bale.

8 Arawe Mawu Yesus e natarai solong bulud'u Zaitun. ²Sëngkariöellone maluka-lukadë i Sie simuë su Balem Mawu, ku malawo taumata rimënta solong anun Sie. Mawu Yesus tangu naiangke, mase nanëtae nanëntiro si sire. ³Kapanëntirone e, manga mananëntirong agama ringangu manga tau Farisi e

nëbawako tau wawine nikatangka nawuang. I sire nangoro tau wawine ene niapararisi sutało-
rane, ⁴mase nëbera su Mawu Yesus, "Tuang Guru, bawine ini nikaëbakeng kapëbaradosane. ⁵Suralungu titam Musa e kai pia atorang u kamageng manga wawine kakakoae kere ini ute harusë bahungangu watu sarang pakapate. Ku su tempo ini e kereapa su tinënnang Tuang?" ⁶I sire niakibalo kerene mëdeau i sire mënangka si Sie. Tadeau i sire makatokeng sala si Sie. Arawe Mawu Yesus e mang kukakurung mamohë u talimëdone su ëntana. ⁷Saraeng i sire mëngkate mënenahonsang, i Sie nëpëtje ku nëbera si sire u, "Kereu sutaloarang kamene pia u tawë dosane ute, i sie kakalimonaënge pamereng u watu su tau wawine ëndaj e." ⁸Bou ene Mawu Yesus kimakurung kapia ku sauewe namohë su ëntana. ⁹Saraeng i sire nakaringihë Mawu Yesus nëhengetang kerene, naniehöe i sire nëmpañtangu tampa ene sëngkatau-sëngkatau nanëta bou kaghurangenge. Narale kate Mawu Yesus sësane natëntang sene ringangu tau wawine e, ku bëdang ene su rarisikang e. ¹⁰Mase



Bongkon Zaitun (8:1)

Mawu Yesus nēpētīe kŭ nēbera su tau wawine ene, "Suapae i sire kēbī ē? Taweu nēhukung si kau e?"

¹¹ "Tala, Tuang," nisimbange.

"Kerene e," angkuēng u Mawu Yesus, "Ia e maīaing tawe mēhukung i kau, kŭ kuhae mēdo-sa kapia."]

Mawu Yesus tualag'u dunia

¹² Mawu Yesus sau e nēhengetang su taumata lawo, ungkuēng'E, "Kai Ia e tualag'u dunia. I sain tumole si Sia e tawe rumaleng su kararēndung, kaiso i sie kai managhuang tualag'u pēbawiahē."

¹³ "Ini e i kau nēsahiding batangengu e", ungkuēng u tau

Farisi si Sie, "Sasahidin'U e tawe katēngade."

¹⁴ Mawu Yesus simimbang, "Manilaing Ia mēsahidin batangengKu e kai halē ini e mam-beng kahēngang; u Ia e masingka bou apa rarēntaKu, ringangu solong apa timonaKu. I kamene wēga wue mēnsang Ia e wou a ringangu solong a. ¹⁵ I kamene mēlēhukung taumata tuhu tabiat'u taumata; arawe Ia e tawe mēlahukung i sai-sai. ¹⁶ Kereu Ia e mēhukung taumata ute, putusanku ene e matulidē, batu Ia e walīnewe sēsaku; I Amang kŭ nēndoloh'u Ia e rūdēndingang Sia. ¹⁷ Suralungu torat'i Musa e mābawohē kereini: Sasahidi kahēngang ute kai sasahidi wou

ruangkatau. ¹⁸Ku mēgēgēlliū sa-
sahidi waugu watangengKu e ute
kai rarua – Ia dingangu i Amang
ku nēndoloh'u Ia e."

¹⁹"I Amang'U ene kai sua-
pa?" unguēng i sire.

Mawu Yesus simimbang, "I
kamene tawe makakirala si Sia,
kerene lai si AmangKu. Mangae-
we i kamene makakirala si Sia,
ute i kamene malaing makakirala
si AmangKu e."

²⁰Kēbi ene seng nipēhenge-
tang u Mawu Yesus su teni-
pong i Sie mānēntiro su Balem
Mawu su rēduhu manga kasē
tampa u papēllo. Kai tawēu sa-
rang sēngkatau nēname si Sie,
batūu bēdaweng baline tempone.

Su tanpa Taku tamaiang, i
kamene tawe makakarēnta

²¹Tangu Mawu Yesus saūewe
nēhengetang si sire, unguēnge,
"Ia e sarung dumaleng, ku i ka-
mene sarung mēdeā si Sia, kaiso i
kamene sarung mate su ralungu
rosang kamene. Su tanpa tamai-
angKu e, i kamene tawe maka-
karēnta."

²²Tangu manga mēnganga-
wasan tau Yahudi nēmpēberae u,
"Aramanung i Sie kai mapulu
mētumpate, u i Sie kai nēbera u,

'Su tanpa tamaiangKu e, i kame-
ne tawe makakarēnta.'"

²³Mase Mawu Yesus e
nēhengetang si sire, "I kamene
e kai rimēnta wou wawa; ara-
we Ia e kawē wou rasi. I kamene
kai wou dunia, arawe Ia e wali-
newe wou dunia. ²⁴Hakiu ene Ia
nēbera si kamene u i kamene sa-
rung mate suralungu rosang ka-
mene. Ku mamben tēngadē i ka-
mene sarung mate suralungu ro-
sang kamene, māengu i kamene
kawē tawe mangimang u kai 'Ia e
isēsēba IA ENE'."

²⁵"Ku kai i sai tangu i Kau
e?" unguēng i sire.

Mawu Yesus simimbang,
"Unue lai wēdang mēbisarang ka-
mene! ²⁶Malawo lai taku ipauli
maanun kamene ringangu pēsa-
salang kamene. Arawe i Sie ku
dimoloh'u Ia e kapangimangeng.
Ku Ia e mēhabarē su dunia e
apang ku seng taku kinaringihē
bō'i Sie."

²⁷I sire tawe nakaēnna u i
Sie kai kapēbisarane si sire māa-
nung i Amang. ²⁸Ualingu ene
Mawu Yesus nēhengetang si si-
re, "Hēdo kereu i kamene seng
napakarange u Ahus'u Taumata
e, i kamene sarung makasingkau
kai 'Ia e isēsēba IA ENE', di-

ngangu i kamene sarung maka-singka u taweu sarang sěmbau kěkoatengKu kų bọu watangeng-Ku sěsaku. Ia e kětaeng mauḷi u apang kų itětěntirong Amang si Sia. ²⁹Kų i Sie rimoloh'u Ia e ruđěndingang Sia e. I Sie tawe manga naněntangu Ia sěsaku, batųu Ia hanesěbe měkěkoā apang makaḷahimpulu si Sie."

³⁰Bọuten Mawu Yesus e nēhengetangu kěbi ene, ute maḷawọ taumata e němpangimang si Sie."

Duata kahěngang e makaliwirě si kamene

³¹Bọu e Mawu Yesus nēhengetangke su manga tau Yahu-di apan seng němpangimang si Sie, "Kereu i kamene měbiahě tumuhų těntiroku, ute i kamene mambeng kahěngang tumatoḷe Sia, ³²tangu i kamene sarung makakiraḷa Ruata kahěngang, kų ualingu ene tangu i kamene ipakaliwirě."

³³"I kami e kai hěnton Abraham," angkuěng i sire. "I kami e taweu u němpětětahamawu si sai-sai! Kų kai a timonan baweran'U, 'I kamene sarung iapa-kaliwirě'?"

³⁴"Mamben těngadě bawera-Ku ini," angkuěngu Mawu Yesus si sire. "I sai-sai měmpěkěkoā dosa e kai ěllangu rosa. ³⁵Kų sěngkatau ěllange tawe tampa natantu suraḷungu sěntahana-keng, sěmbaliau ana ute kawe piabe tampa e sarang marěngu-děngu. ³⁶Ualingu ene e, tangu kereu ana e mapakaliwir'i kamene ute i kamene mambeng maḷi-wirě. ³⁷Těngadě e Ia masingka i kamene ini e kawe paḷahěnton Abraham. Kaiso i kamene kawe mapulu měmate si Sia, ualingu i kamene tawe rumae těntiro-Ku. ³⁸Apang kų kinasiloKu si AmangKu e, ute ene takų ipauḷi. Arawe i kamene ute kawe měkěkoā apan itětěntirong amang i kamene si kamene."

³⁹I sire simimbang, "I Amang i kami e kai i Abraham."

"Kų kereu i kamene kahěngahěngang anaḷen Abraham," ungkuěng u Mawu Yesus e, "ute nalaḷe bue u i kamene měmpěkoabe apang kinoa i Abraham. ⁴⁰Ia e maḷiḷu katěngadě, dingihěku wọu Ruata, arawe i kamene kawe mapulu měmate si Sia. I Abraham e tawe někěkoā

kerene! ⁴¹I kamene mēkēkoā a-pang kinoa i amang i kamene."

Ungkuēng i sire, "I kami e manga anāben Mawu e kahēngang. I amang i kami e mang sēmbau, kŭ kētaben Duata samatang."

⁴²Mase Mawu Yesus nēhengetang si sire, "Kereu Mawu Ruata e kawē i Amang i kamene ute i kamene kŭkēndagēben Ia, u rarēntaKu e kai wou anun Duata. Ia balinewe rimēnta ualingu kapuluKu hala e, kaiso kawē i Sie nēndoloh'u Ia.

⁴³Kawē unŭe i kamene tawē makalaēnna apang Takŭ ipēlēhenge-tang? U i kamene tawē makararagē dumaringihē tēntiroKu.

⁴⁴Setang e kai i amang i kamene, kŭ i kamene mapulu tumolē kapulung amang i kamene. Dokeng su tētāe setange kai taha pēmate. I sie tawē bēke kŭ kai manumbēka wou katēngadē batŭu kai tawē katēngadē si sie. Kereu i sie mēkonti, ute ene mambeng kakakoā e, u seng kerene lulune. I sie makonti ringangu asalē kai patikŭ kakontiang. ⁴⁵Arawe Ia e kawē mēbēberang katēngadē, kŭ ualingu ene i kamene tawē mangimang si Sia. ⁴⁶I sai wue wō'i kamene mapakalahēu kai piā dosa e si Sia? Kereu Ia mauḷiben

katēngadē e, unŭe wue i kamene tawē mangimang si Sia? ⁴⁷I saing asalē wou anun Duata e, i sie rŭdaringihē hengetangu Ruata. Arawe i kamene kawē waline-we wou anun Duata e, hakŭu i kamene kawē tawē mapulu rumarinhē."

Mawu Yesus dingangu i Abraham

⁴⁸Tau Yahudi e nēmpēsimbahē su Mawu Yesus, "Balinewe nihino wawerang kami u i Kau e kai tau Samaria kŭ niwalŭiangu setang?"

⁴⁹Mawu Yesus simimbang, "Ia e tawē niwalŭiangu setang. Ia e mēngēngadatē si AmangKu, kai arawe i kamene kawē mēlēhinakang si Sia. ⁵⁰Ia e tawē mēdareā kawawantug'u watangengKu. Kai piā sēngkatau kŭ mēdēdeā daleng sarang mapakawantug'u Ia, kŭ kai i Sie e mētatatilakehē. ⁵¹Mambeng kahēngang bawera-Ku ini e, i sain tutuhŭ HengentangKu e ute tawē mate sarang karēngŭe."

⁵²Mase tau Yahudi e nēberā e su Mawu Yesus, "Ini e i kami nakaēnna u i Kau e mambeng kahēngang nisawelangu setang! I Abraham sēsane seng nate, kŭ kerene lai kaḷawou manga nabi.

Arawe unguëngu kawē, 'I sain tutuhu baweraKu, tawe mate sarang karëngue.' ⁵³Kereu i Abraham sësane seng nate ringangu kaławou manga nabi e seng nate, ku i Kau ini e ute i sai? Tawe nasowa suakalë i Kau ini e ku limembong kasëllahe wo'i amang i kanii i Abraham!"

⁵⁴Mawu Yesus sinimbang, "Mangawe Ia mëdëdeä kawawantugë baugu watangengKu hala, ute kawawantugë ene tawë mangalene. Mapakawantug'u Ia e kai i AmangKu ku ëndai su ënnang kamene kai Ruatang kamene, ⁵⁵sëmbalïau i kamene tawe nakakirala si Sie. Arawe Ia masingka i Sie. Mangawe Ia e nëbera u Ia tawe nakakirala si Sie, ute tangu ia e sëngkatau kontiang, mësulung i kamene. Ia e masingka i Sie ringangu rudaringihëbe hengetang'E. ⁵⁶I amangu i Abraham niëngkate maluasë u i sie sarung makasilo ëlloKu. I sie seng nakasilo ku i sie maluasë!"

⁵⁷Mase tau Yahudie e nëmpëbera su Mawu Yesus, "Umur'U e wëdang tawe natimu limam pulo su taunge, ku i Kau e seng nakasilo si Abraham?"

⁵⁸Mawu Yesus simimbang, "Mambeng têngadë Ia mëhabarë si kamene: u kałamonan i Abraham nipëhana, Ia e seng tëbe ene."

⁵⁹Mase tau Yahudi e nëmpangala e watu ku mangëntung Mawu Yesus; arawe Mawu Yesus kai nëkëmbuni mase nanëntangu Bałem Mawu e.

Mawu Yesus napëkëlan tau wuta kapia

9 Ene, Mawu Yesus kađalenge, i Sie nakasiloko tau wuta rokeewen i sie pinëhana. ²Kutëu manga murit'u Mawu Yesus e nakiwalo si Sie, "Tuang Guru, kawē unue tau ini e pinëhana buta? Apa ualingu i sie nëdosa, arau kawē ualingu rosan inang dingangu iamange?"

³Mawu Yesus simimbang, "I sie nawuta walineuwe ualingu rosane arau walineuwe lai ualingu rosan inang dingangu i amange, kaiso kawē tadeau taumata makasilo kawasan Duata mëkëkaradiahang suralungu watangenge. ⁴Tëntalang wëdang pia ëllone, i kite e harusë mëkoa munaran Sie rimoloh'u Ia e. Hëbi e sarung dumënta, ku semben ta-

kapēhalēkangu sarang sēngkatau.
⁵Karēnguēwen Iā e su dunia ini,
 Iā e kai tualag'u dunia."

⁶Bouten nēhengetang kere-
 ne, Mawu Yesus e nangēdu
 su ēntana, kū ēdu e nikong-
 ke ringangu ēntana. Mase ni-
 wuhan'E su matan tau ene, ⁷ma-
 se kapēberane si sie, "Dako
 pēndēmuse su liwua u Siloam"
 (Siloam mangalene 'Nirolohē'.)
 Tangu tau ene tamai nanguhasē
 gatine. Su tempon pēbawali e, i
 sie seng nēkēlla.

⁸Manga lampunge ringang-
 u apau taumata kū seng nāung
 makasilo si sie mētētaharorong, i
 sire nēmpēbera, "Balineu i sie
 ngae sēntiniā kūkaiang mētētaha-
 rorong?"

⁹Pia u nēmpēbera, "Aku
 mang i sie." Kai pia lai mēbēbe-
 rau, "Waline, i sie kētau mēpēpa-
 pangawē tau ene."

Kai tau ene sēsane nēbera u,
 "Kai iā e."

¹⁰"Kai kereapa katatainge
 sarang i kau e nakasilo?" ung-
 kuēng i sire si sie.

¹¹I sie simimbang, "Tau a-
 renge i Yesus e nēngongke lēbo
 kadodo, niwuhane su matakū
 kapēberane u, 'Dako e rēmuse
 gatinu su liwua Siloam.' Ma-
 se iā e natamai. Kū su tempon

iā mēdēndēmuse gatiku e iā e
 nēkēlla."

¹²"Kai suapa tau ene?" ung-
 kuēng i sire.

I sie simimbang, "Bēga wue
 iā."

Tau Farisi mēnēnēsui halē u
 kalaulen saki ene

¹³⁻¹⁴Sahello ene kai ēllon
 Sabatē natarangke Mawu Ye-
 sus nēngongke ēntana ringangu
 ēdun'E mēdeau tau wuta e maka-
 silo. Tangu tau nāung bōu nawu-
 ta ene niwawa solong anun tau
 Farisi. ¹⁵I sire malaing nakiwalo
 su tau ene kereapa katatainge
 sarang i sie nēkēlla. I sie simim-
 bang, "I Sie nangunon lēbo su
 matakū bōu e taku niuhasē e ma-
 se iā e nēkēlla."

¹⁶Pirangkatau wōu taloaran
 manga tau Farisi e nēmpēbera u,
 "Tau ene tawe mariadi kū mēkoā
 halē bōu anun Duata batūu i Sie
 kai tawe mēndarekengu ēllon Sa-
 batē."

Angkuēngben baline u, "Ke-
 reapa wue kū tau waradosa e
 makakoā karalīnau kerene?" Ene
 nariadiē pērararendehē su talo-
 aran sire.

¹⁷Tangu tau Farisi e naki-
 walo su tau ene kapia, "Kereapa

wue su naungu maanuen tau nakapia si kau?"

"I Sie kai nabi," angkuengu tau ene.

¹⁸Kai arawe mangangawasang Yahudi e tawe mangimangu tau ene kawe wuta reng dokeng kalamona, ku ini e seng makasilo. Ualingu ene ute i sie kimui ghaghurang e, ¹⁹ku nakiwalo, "Kahengang anau ini e nipahana buta? Ku kai kerea i sie sarung nekella orase ini?"

²⁰I ninang dingangu i amangu rario e simimbang, "Mambeng kahengang ini e ana i kami; dingangu i sie mambeng kahengang buta rokeng nipohana.

²¹Arawe kereapa sarang i sie nakasilo e, i kami e wegawue. Dingangu i sai nakapekkella si sie ute, i kami e malaing bega wue. Pakiwalowe si sie, u i sie seng matellang, ku seng makasimbang hala." ²²I ninang dingangu i amang e nebera kerene e watuu i sire mataku u manga tembonangu tau Yahudi; u i sire kai sengkanaung u i sai mengakun Yesus e kai Ratu Menanalamat, sembeng tawe ipakawala sumue su walen pekakalio-manengang. ²³Ualingu ene haku i ninang dingangu i amangu tau

ene nempembera u, "I sie seng matellang ku pakiwaloe si sie."

²⁴Mase i sire sauwe nekui tau lennau wuta e ku nebera si sie, "Pesaloe u i kau mambeng mēhabaru katulidē. I kami e masingka u tau ene mambeng tau waradosa e."

²⁵"Apa i Sie marosa arau tala," ungkuengu tau ene, "ia e wēga wue. Kai ketaeng pia hale sambau su singaku; kangere ia e wuta, arawe ini e ia seng nekella."

²⁶Mase i sire sauwe nebera si sie, "Pinēkapaneng i kau e kahian Sie? Nekoa kereapa i Sie si kau, sarang nekella?"

²⁷Tau ene simimbang, "Seng bou taku niwēke si kamene, kai i kamene tawe mapulu rumarinhē. Unue i kamene mapulu medaringihē kapia? Aramanung i kamene kai mapulu mariadi tumatolen'E ringang?"

²⁸Mase i sire nempedohang^f si sie ringangu nebera, "O kai i kau murit'E; i kami e waline. I kami e kai murit'i Musa. ²⁹I kami e masingka u Mawu Ruata seng nehengetang si Musa. Arawe maanun tau ene e, i kami e wēga wue mēsang bou apa asal'E."

³⁰ Tau ene simimbang, "Nakalaherang bue maeng i kamene wëgang asal'E, sëmballiau i Sie seng napëkëllan ia e. ³¹ I kite masingka u Mawu Ruata e tawe rumaringihë taumata waradosa e, kaiso kawë su taumata mëngadatë Mawu ringangu mëkëkoä kapulun'E. ³² Dokeng su tëtä u dunia tawë bëke reng nakaringihë u piä taumata makawekesë matan taumata wuta wou karariadine. ³³ Kereu tau ene waline wou anun Duata, i sie tawe makakoä manga apa."

³⁴ Ungkuëng i sire, "Apa i kau napenë u rosa reng dokeng pinëhana, manëntiro lai si kami e?" Tangu nanëtä bou orasë ene i sie nisëding sumuë wu walem pëkakaliomanengang.

Buta su pëngangimang

³⁵ Mawu Yesus nakaringihë u i sire seng mëšëšëding u tau ene sumuë su walem pëkakaliomanengang. I Sie nëdeä tau ene ku nëhengetang si sie, "I kau e mangimang su Ahus'u Taumata?"

³⁶ Tau e simimbangke, "Kai i sai sie Tuang? Tulungko pauli tadeäü ia mangimang si Sie."

³⁷ "I kau e seng nakasilo si Sie," unguëng u Mawu Yesus. "I Sie ku orasë ini kapëbëbisarane ringangu."

³⁸ "Iä mangimang, Mawu!" unguëngu tau ene, bou e nëtumpëkuhë su tëngom Mawu Yesus.

³⁹ Mawu Yesus nëhengetang, "Iä dimënta su dunia ini e kai mëdeäü mëtatilakehë tadeäü tau wuta e makasilo, ringangu taumata makasilo e mawuta."

⁴⁰ Tau Farisi pirangkatau apan sene nakaringihë Mawu Yesus nëhengetang kerene, mase i sire nëmpëkibalo si Sie, "Su tinënnanu i kami e wuta lai?"

⁴¹ Mawu Yesus simimbang, "Manga i kamene wuta, ute i kamene tawë dosane. Kai ualingu i kamene mëmpëbëbera u, 'I kami e makasilo,' ene mëlëlahëu i kamene wëdang mararosa."

Papinintun domba ringangu mëngangaha e

10 "Mambeng tëngadë he-ngetangKu ini: I sain sumuë su tëndä u domba ku lumempangu pagarë ku balinewe wou tukadë, kaiso kawë mëbawï bou ralenge waline e ute kai tahatako ringangu tahapëhampasë.

²Arawe i sain sūsuē bōu tukadē e, ute kai i sie mēndalukadē domba e. ³Mēndalukadē domba e manope tukadē baug'i sie, mase domba e rūdaringihē tingihe su tempon i sie mēkēkui si sire su arenge sēmbau-sēmbau dingangu mēngēgaha i sire apasēbang solong likude. ⁴Sarəng manga domba e seng nasēbang mēngangaha e rumaleng su horone kū manga domba e mahuntolē si sie batūu i sire makakirala tingihe. ⁵I sire tawe mapulu tumolē taumata waline, tabeau katewe mahuntalang bōu anun tau ene batūu tawe makakirala tingihe."

⁶Mawu Yesus nēbēken papi-nintu ene, kai i sire tawe makaēnna apa wue tētmonaēng'E.

Mawu Yesus mēndalukadē mapia

⁷Tangu Mawu Yesus nēhengetang sau sēnsulē, "Mamben tēngadē hengetangKu ini: Kai la e tukadē baugu domba. ⁸Kēbi apan dumēnta mēngalimona Sia e kai tahatako ringangu tahapēhampasē, kai manga domba e tawe mēmpēdaringihē tingih'i sire. ⁹la e kai tukadē. I sain sumuē bōu anuKu e masalamatē;

i sie masuē masēbang dingangu makaēba pēbawiahe. ¹⁰Tahatako e kētaeng dumēnta mētako, mēmate ringangu mēnggolang. Arawe la e rimēnta mēdeau taumata makahombang pēbawiahē – kū pēbawiahe e mēdēdalembo.

¹¹la e mēndalukadē mapia. Mēndalukadē mapia e kai manarakangu watangenge wau-gu manga dombane. ¹²Taumata nisewaēngē kū balinewe mēndalukadē dingangu waline-we taghuangu manga domba ene, sarung mahuntalang kū mēnētangu manga domba e kereu i sie makasilo piā sarigala rimēnta. ¹³Taumatan sewa e kai tumalang, u i sie nēhalē e kai ualingu nisewaēng. I sie tawē agise mēpandung manga domba e. ¹⁴⁻¹⁵la e mēndalukadē mapia. Kereuwe i Amang kawē masingkau la, dingangu la masingka i Amang, kerene lai la masingka u manga dombaKu, ringangu i sire malaing masingka u la. la nēnarakangu niawaKu waug'i sire. ¹⁶Piabe lai manga domba waline malaing tataghuanengKu, kai tawe nasowa su ghapaēngu domba ini. I sire lai hinong taku ahakeng kū i sire sarung dumaringihē tingihēKu. I sire kēbi

sarung mariadi ghapaëng sëmbau ku mëndalukade sëngkatau.

¹⁷I Amang kukëndagu Ia u Ia nënarakangu niawaKu e mēdeau saube taku ikatarima kapia. ¹⁸Taweu sarang sëngkatau makapëngaļa bou Ia. Ia e nënarakang kai ualingu kapuluKu halla. Ia e kawasa mënarakang, dingangu kawasa lai mangule kapia. Kai ene halëKu nitarima bo'i AmangKu."

¹⁹Ualingu Mawu Yesus nëhengetang kerene, tangu tau-matan Yahudi e nanëtae nëmpëdarendehë. ²⁰Lawo bo'i sire nëmpëbera u, "I Sie kai nisa-welangu rohkë dalaki! I Sie kai pulu! Baugu apa i kamene rimaringihë si Sie?"

²¹Kai piabe lai nëmpëbera u, "Taumata ku nisawelangu rohkë dalakisë e tawe mēbisara kerene. Botonge setange mapëkëllan tau-mata wuta?"

Tau Yahudi e tawe mapulu mënarima u Mawu Yesus

²²Ene su Yerusalem taumata e kai kapësalimbange, Ëllon Pananusi Balem Mawu. Su tempo ene kai tempong banua maralënding. ²³Kuteu Mawu Yesus mēdëdaralengke su Gandariang Salomo suralungu Balem Mawu,

²⁴pia e tau Yahudi e nëmpëdënta nëtalipurung su rëduh'u Mawu Yesus. I sire nëmpëbera si Sie, "Kadëngue i kami e mēngkate ipëbëbimbong? Pauliko pakalahe, maengbe i kau kahënga-hëngang Datu Mananalamatë."

²⁵Mawu Yesus simimbang, "Seng bou taku nipëhengetang si kamene, kaiso i kamene mang tawe mangimang. Kalawou munara taku këkoateng su areng'i Amangku e mënënode u karalahë e maanun Ia. ²⁶I kamene tawe mangimang batuu i kamene tawe nasowa su ghapaëng u manga dombaKu. ²⁷Manga dombaKu e rudaringihë tingihëKu. Ia masingkaben sire, ringangu i sire mahuntole si Sia. ²⁸Ia e mangonggou pëbawiahë kakalë si sire ku sarang karëngue i sire tawe mawinasa. Ku taweu sarang sëngkatau makapëhampasë si sire wou limaKu. ²⁹I AmangKu e seng nanarakang i sire si Sia, li-membon patiku e. ³⁰Ia dingangu i Amang kai sëmbau."

³¹Mase tau Yahudi e nesauewe nëmpangala batu e ipëngëntung Mawu Yesus. ³²Kai Mawu Yesus e nëhengetang si sire, "I kamene seng nakasilo si Sia nëkoa kalawou halë mapapia parentang AmangKu e si Sia. Bou

kěbi halě tamai ene tangu kai sude e nakawodai si kamene mapulu mangětung si Sia?"

³³ Taumatang Yahudi e němpěsimbang, "Balineuwe ualingu munaran'U mapapia e i kami nakapěngětungu watu si Kau, kaiso ualingu i Kau kawē něhinakang Duata. I Kau e sěngkatau taumata ku mapulu mětěngkakoā batangeng'U Duata."

³⁴ Mase Mawu Yesus simimbang, "Kara kai mabawohē su bukē u torat'i kamene: Duata e něhengetang, 'I kamene kai mahang duata'? ³⁵ I kite masingka u apan mabawohē su Winohe Susi e mapake sarang karěngue. Ku kereu Mawu Ruata nēsēba u mahang 'duata' su taumata apan němpěnarima u hengetang'E, ³⁶ unue i kamene mēberawe si Sia u Ia kawē něhinakang Duata ualingu nēbera u Ia Ahus'u Ruata? Sěmbaliau Ia kawē pinilen Amang ku nirolohē sarang dunia. ³⁷ Kereu Ia tawē mēkoā munara ku seng niator'i Amang e, ute kumbahangbe měmpangimang si Sia. ³⁸ Kai tangu ualingu Ia mēkēkoā ene, ute kěngkahimang bue suapan taku kēkoatenge, maningbe i kamene tawē mapulu

měmpangimang si Sia. Ualingu ene ute i kamene masingka dingangu makaēna u i Amang e sěntinia masasěmbau dingangu Ku, kerene lai Ia e sěntinia masasěmbau dingangi Amang."

³⁹ I sire mēdēdea lai ralengu měmpěname Mawu Yesus, kutēu i Sie nāung nakalēsō bou i sire.

⁴⁰ Mawu Yesus tangu nēsulē e solong sěmběkang salu u Yordan, su tampa i Yohanes nāung nēnahani, mase nētana sene. ⁴¹ Malawo taumata mahunděnta su anun Sie. I sire měmpěbēbera u, "I Yohanes tawē mēkakoā manga halē makadalinau, kai kěbi apan ipěpauli e maanun tau ini e mang kahěngang." ⁴² Mase malawo taumata sene němpangimang su Mawu Yesus.

Kapapaten Lazarus

11 Tau arenge i Lazarus matana su Betania dingangu manga wawinene i Maria rěduan Marta. ² I Maria e kai tau wawine naněbohu lana mawěngi su laedu Mawu, mase niěmmu u uta e. Pia su sěnsulē i Lazarus nasaki. ³ Bawinene rarua e nēhabarē su Mawu Yesus, "Mawu,

mahuaneng kandua kĕkapiaĕngu e nasakĭ."

⁴Saraeng Mawu Yesus naka-ringihĕ habarĕ ene, i Sie nĕhenge-tang, "Sakĭ ini e tawe makapate. Ini e nariadi mĕdeau Mawu Ruata e bantughang, dingangu ualingu ene tangu Ahus'u Ruata e malaing bantughang."

⁵Mawu Yesus e kŭkĕndagi Marta, i Maria, ringangi Lazarus. ⁶Kai piā e Mawu Yesus naka-hombangke habarĕ u i Lazarus masakĭ, i Sie nĕtatudĕ natana sene rua ĕllo wĕdang! ⁷Bou e-ne wuhŭ e i Sie nĕhengetang su manga murid'E, "Boete i kite mĕsulĕ solong Yudea."

⁸I sire nĕmpĕsimbang, "Tuang Guru, bĕdang ta nađarena tau Yahudi e maŕgĕntungu watu si Tuang, bou e ini i Tuang e seng saŭ mĕbaĭ tamai?"

⁹"Kara kawĕ mapulo dua su kaorasĕ sahĕllo?" angkuĕngu Mawu Yesus. "I sain duđalang su tempong ĕllo e tawe masangkong, batŭu i sie makasilowe tualagu dunia ini. ¹⁰Arawe i sain duđalang hĕbi e masangkong; batŭu tawĕ apa tualagĕ si sie." ¹¹Kerene ungkuĕngu Mawu Yesus. Bou ene i Sie saŭewe lai nĕbera, "Hapĭ i kite i Lazarus e

seng nĕtikĭ kai Ia e reng tamai mĕmuko si sie."

¹²Manga murid'u Mawu Yesus e nĕmpĕbera, "Mawu, maeng i Lazarus kawĕ mĕtĕtikĭ, ute i sie sarungbe mapia."

¹³Timonan Mawu Yesus ute kai i Lazarus seng nate. Arawe su ĕnnan sire ute Mawu Yesus kai mauĭ u i Lazarus mĕngkate mĕtĕtikĭ matagĕ. ¹⁴Ualingu ene Mawu Yesus e nauĭ mahatedĕ si sire u, "I Lazarus e seng nate. ¹⁵Kaiso Ia maluasĕ lai Ia e tadĭe paĭse, batŭu kai limembong kapiane si kamene, tadeau i kamene makapangimang. Boete i kite tamai sarang anun Lazarus."

¹⁶I Tomas isĕsĕba, "si Hindu" nĕbera su manga hapĭ e manga murid'u Mawu Yesus, "Mahĭ e i kite tumole, bala e sĕngkakate i kite dingang'E!"

I napĕbiahĕ kapia ringangu nĕgĕllĭu pĕbawiahĕ

¹⁷Piā e Mawu Yesus narĕnta e su tampa ene, i Lazarus seng ĕpa u ĕllo karĕngŭe su kubulĕ.

¹⁸Soan Betania e maraning Yerusalem, kŭ mangawĕ tĕllung kilometerĕ karaune. ¹⁹Maławo tau Yahudi seng nahundĕnta nĕtiwo si Marta rĕduan Maria e

měmpěhiborě si rědua ualingu kinapateengu mahuaneng dědua.

²⁰Saraeng i Marta nakaringihě u Mawu Yesus e narěnta, i sie siměbang kų naněnsomahě Mawu Yesus, arawe i Maria e natana su wale. ²¹Angkuěng i Marta su Mawu Yesus, "Mawu, kai mangawewe Mawu ene sini su tempo ene, ute nalahě u mahuaneku e wiahě bue. ²²Manilaing kerene, ia e masingka u orasě ini e Ruata malaing sarung mēgělliu patiku apan dēdorongang i kau Mawu e si Sie."

²³"Mahuanenu e sarungbe sau mēbiahě," unguěngu Mawu Yesus si Marta.

²⁴I Marta e simimbang, "Ia e masingkau i Lazarus sarungbe sau mēbiahě su tempon taumata nate e apěbangung kapia su Ėllong Kiamatě e."

²⁵"Kai Ia e mangonggou pěbawiahě dingangu mapěbangung u taumata nate," angkuěngu Mawu Yesus si Marta. "I saing kų mangimang si Sia e sarung mēbiahě, maninglai i sie seng nate. ²⁶Dingangu taumata wiahě apang mangimang si Sia e sarang karěngue tawe mate. Mangimang bue i kau su halě ini e?"

²⁷"Mawu," unguěng i Marta, "ia mangimang su Mawu Ahus'u Ruata, Datu Mananalamatě e kų sarung duměnta su dunia ini e."

Mawu Yesus simangi

²⁸Saraeng i Marta něbera kerene, i sie tamai někui si Maria tuarine, kų simiang si sie, "Tuang Guru ene sini; i Sie e makibalong kau." ²⁹Nakaringihě kerene ute, i Maria mēngkatewe masahawu něbangung, kų naněnsomahě Mawu Yesus. ³⁰Su tempo ene, Mawu Yesus bēdangben tawe nasuě u soane. I Sie wědang su tampa nipěsombangeng i Marta. ³¹Tau Yahudi apan kapělēhibore si Maria su wale, nakasilo si Maria něbangung, dingangu masahawu siměbang; kų i sire tamai timole si sie, u katiho i sire, i sie kai sarang lěbing sumangi.

³²Pia e i Maria nahumpa su tampa u Mawu Yesus kų nakasilo si Sie, i Maria mēngkatewe nětumpěkuhě su tēngon'E ringangu něbera, "Mawu, Kai manga Mawu e ene sini su tempo ene, ute mahuaneku e tawe nate."

³³Pia e Mawu Yesus nakasilo si Maria sųsangi, dingangu

tau Yahudi apan mahundēnta ringangi Maria e malāing mahunsangi, naung'E mēngkate masusa, kŭ i Sie kakēllaēng e mēngkate apa lŭlahunsusa. ³⁴Tangu i Sie nakiwalŕe si sire, "Kai suapa i sie nilēbing i kamene?"

"Mahi e pēmanda, Tuang!" unguēng i sire.

³⁵Mase Mawu Yesus si-mangie. ³⁶Tangu tau Yahudi e nēmpēberae, "Kakēllaē, walineuwe malongkŕ kakēndag'E si Lazarus!"

³⁷Kai pia bŕ taloaran si-re kŭ nēmpēbera u, "I Sie makapēkēllawen taumata wuta e, kai unŕe wue i Sie tawe makata-huntēnda i Lazarus tadeau kumbahang mate?"

I Lazarus nipēbiahē kapia

³⁸Mawu Yesus saŕewe nasusa-susa naunge, kŭ i Sie natamai solong pēndaŕlēbingang. Pēndaŕlēbingang ene e naung kai liang sēmbau pia lahēpinge watu gēguwa.

³⁹"Alingko watu ēndaŕ e," unguēngu Mawu Yesus.

I Marta, wawineng tau nate ene simimbang, "Mawu, i sie kai seng ēpa u ēllo su kubulē, kŭ kai seng dimaruru!"

⁴⁰Mawu Yesus nēhengetang si Marta, "Kara kawē seng takŭ niwera si kau; kereu i kau mangimang, i kau sarung makasilo kasēllahu kawang Duata e!"

⁴¹Tangu i sire nēmpēlunggien batu ene. Bŕ ene Mawu Yesus dimalingara solong ŕangi kŭ nēbera u, "Tarimakasē Amang, u i kau e seng dimaringihē si Sia. ⁴²Ia masingka u i kau mēngkate hanesē dŭdaringihē si Sia, arawe Ia mēbēbera kere ini e, baugu taumata apan ene sini, tadeau i sire mangimang u kai i kau nēndoloh'u Ia e." ⁴³Bŕeten nēbera kere, Mawu Yesus nēbansagē tingihe maiha, "Lazarus sēbangke!" ⁴⁴Tangu simēbangke taumata naung seng nate ene. Li-manē ringangu laede wēdang kapapikungu heka kakēngkaing dingangu ghatine wēdang matataka u heka tatukus'ē gati. "Olŕhēko kakēngkainge, tadeau i sie tawe masahaghe rumaleng," unguēng u Mawu Yesus su taumata ŕawŕ apan sene.

Gapaëngu rumaroka

Mawu Yesus

(Mat 26 1-5, Mrk 14:1-2)

(Luk 22:1-2)

⁴⁵ Lawo bou taumatan Yahudi e nempëdënta nëtiwo si Maria, nëmpangimang su Mawu Yesus pia i sire nakasilo halë naria-di ene. ⁴⁶ Arawe pirangkatau wo'i sire nëngkakoä solong-anun tau Farisi ku nëmpauli u apang kinoa u Mawu Yesus. ⁴⁷ Ualingu ene tau Farisi ringangu manga imang tëmbonange nëtampung nëmpëkakereapa ringangu manga kasasëllahengu Ratë u agama. Ungkuëng i sire, "I kite e kai hinon mëkapu? Tau ini kai seng nëkoä karalinau malawo!" ⁴⁸ Maeng i kite mëngkate mapakawalan Sie kereini ute këbi taumata masue mëmpangimang si Sie. Ku pëngënsueënge mangangawasa Roma e katewe rumënta mënggoghahë Balem Mawu, dingangu këbi kawanuang kite e!"

⁴⁹ Sëngkatau wo'i sire isësëba si Kayafas, imang masëllahë su taung ene nëbera, "I kamene wëgawen apa-apa. ⁵⁰ Kai tanakaënna i kamene u wau-gu kasasalamat'u anau kawanua e, ëndokangbe sëngkatau mate sulungu kawe këbi kawanua

e mawinasa?" ⁵¹ Tuhu hinone i Kayafas nëlahë u ene, balinewe wou tinënnane sësane. Kaiso kawe kere sëngkatau imang masëllahë su taung ene, nanëbalë u Mawu Yesus e sarung mapohong baugu tau Yahudi. ⁵² Ku balinewe këtau waugu tau Yahudi sëmatang, kaiso malaing baugu mëngomolë dingangu mapakasëmbau u manga anau Ruata ku seng nëmpëkaliaesë e.

⁵³ Nanëta bou sahëllö ene i sire tëmbonangu Yahudi e sëngkanaung mëmate Mawu Yesus. ⁵⁴ Ualingu ene Mawu Yesus e seng tawe nëtëngkatodë su tëngon lawo sutaloaran tau Yahudi. I Sie nanëntangu Yudea wou ene nakoä solong soa arenge Efraim maraning banua linggi. Ku sene i Sie sëngkapëtana dingangu manga murid'E.

⁵⁵ Su tempo ene Salimbangu Paskang Yahudi e seng masandigë. Lawo taumatan soa rarodo e seng nëmpësaka solong Yerusalem mëmpëndalengu tundun pëmamurësi watangenge mëngantibë pëmamantugu ëllo ene. ⁵⁶ I sire mëmpëdëdeä Mawu Yesus, ku su tempoen matatampung su Balem Mawu e ute i sire nëmpëberae sëmbau su waline, "Kereapae su tinënnang kame-

ne? Aramanung i Sie tawe sumongo susalimbang ini.” ⁵⁷I sire nēmpēberang ene u manga imang gaghere dingangu tau Farisi e seng nanēbangu parenta u i sai masingka mēnsang suapa Mawu Yesus e, harusē mēhabaru ene, tadeau i Sie ikasame.

**Mawu Yesus nisēbohangu
lana mawēngi su soan
Betania**

(Mat 26:6-13; Mrk. 14:3-9)

12 Ēnnungu ěllo kalamonan Salimbangu Paskah, Mawu Yesus e nakoā solong Betania. Su soa ene pētētanakang i Lazarus tau e niapēbangung’E wou papate. ²Sene Mawu Yesus e nipēsaken sire, ku i Marta e nakoā mēsasiliwirē e. I Lazarus dingangu manga sake e naiang sēngkapēngidopē dingangu Mawu Yesus. ³Ene i Maria e nasongōe ringangu lana mawēngi narwastu malēga-lēgadē e mangawe malorara su litere. I sie namēmbingu lana ene su laed’u Mawu Yesus, bou ene niēmму u uta e. Ku kaguwau wale ene mēngkatewe rimalurung bēngin lana e. ⁴Arawe i Yudas Iskariot, sēngkatau wou murit’u Mawu Yesus – ku samurine kawe nēsunia’i Sie – kawe

nēbera, ⁵”Unue lana mawēngi ene tawe nibawalū e ringangu roitē salaka arēgane tēllu hasu su dinare ku doite nipēgaghēlliko su taumata apang kasiang?” ⁶I Yudas nēbera kerene walineuwe ualingu i sie kawe mēnēnitī taumata kasiang, kaiso kawe ualingu i sie tahatako. I sie masau mangala doitē bou tatahoēngu roit’u lawo kadeso si sie.

⁷Mawu Yesus nēhengetang, ”Balā e kere sēsane wawine ēndai e! I sie nēkoā kerene kai ēllon pēndalēbing Sia e. ⁸Tau kasiange mambeng hanesēbe ringang i kamine, arawe la e tala wue.”

Dumaroka si Lazarus

⁹Malawo tau Yahudi nakaringihē u Mawu Yesus kai ene su Betania, ku i sire nēngkakoā solong tampa ene. I sire natamai walineuwe tumbau ualingu pia i Yesus, kaiso malaing ualingu i sire mapulu mēmānda si Lazarus ku sen niapēbangung wou papatene kahian Sie. ¹⁰Hakū ene manga imang tēmbonange malaing mapulu mēmāte si Lazarus; ¹¹ualingu i sie nakawodai tau Yahudi malawo nanēntang i sire ku nēmpangimang su Mawu Yesus.

Mawu Yesus sinuē su
Yerusalem pia pēhēngkinge

(Mat. 21:1-11; Mrk 11:1-11)

(Luk. 19:28-40)

¹² Sēngkarioēllone taumata
lawo ku seng narēnta waugu
mēmantugē ēllon Paskah naka-
ringihē u Mawu Yesus e seng
kaḍalenge mētimona Yerusalem.
¹³ Tangu i sire nēmpangala e
manga raungu korma mase na-
hunsēbang nanēnsomahē si Sie,
kapēmpēgione, "Hosana! Kaala-
matengko i Sie rimēnta su arengu
Mawu. Kaalamatengko Ratun Is-
rael!"

¹⁴ Mawu Yesus nakahom-
bangke kalide kawuhuang sēmbau
ku nisakeēnge. Tangu natuhu e
kereewe maḅawohē su Winohe
Susi:

¹⁵ "Abe kataku, sangiangu
Sion!

Kakēlla e mahi Ratunu e,
maiangke su wowon kalide
kawuhuang!"

¹⁶ Su tempo ene manga
murit'u Mawu Yesus bēdang
ta nakaēnna kēbi ene. Kuteu
saraeng Mawu Yesus niwantu-
ghangken kapapohong'E, buhu e
i sire nakatahēndung apang kinoa

u taumata si Sie kai seng kaḅa-
wohe suralungu Winohe Susi e
maanun Sie.

¹⁷ Apan taumata ku ene su
tempon Mawu Yesus nēkui si
Lazarus apasēbang bou lēbing di-
ngangu niapēbangung i sie wou
papatene, mang mēmpēsēsahi-
ding halē ene. ¹⁸ Hakū ene tau-
mata lawo e nēngkakoḅa solong
anun Mawu Yesus u i sire naka-
ringihē u kai i Sie nēkoḅa kala-
herang ene. ¹⁹ Tangu manga tau
Farisi e nēmpahumbisara sēmbau
su waline, "I kite e tawe makakoḅa
manga apa! Kakēlla e, sēnaung
dunia e nēmpētole si Sie!"

Tau Yunani pirangkatau
mēmpēdēdeḅa Mawu Yesus

²⁰ Bou taloaran taumata
nēngkakoḅa solong Yerusalem
mēmpēkaḷiomaneng sutenpōen
pēdaraḷuasē e kai pia tau Yuna-
ni pirangkatau. ²¹ I sire himaung
si Filipus ku nēbera, "Anu, ke-
reu wotonge, i kami kai mapulu
mēsombang u Mawu Yesus." (i
Filipus e asaḷe kai wou Betsaida
su Galilea.)

²² Tangu i Filipus tamai
mēhabaru ene si Andreas, ku bou
ene irēdua nēhabarē su Mawu

Yesus. ²³Mawu Yesus něhenge-
tang si sire, "Seng tempone
Ahus'u Taumata ipakawantugě.
²⁴Mambeng tēngadě baweraKu i-
ni: Kereu wakıu gandum sēmbau
tawe suangeng su ěntana e kų
mate, ute i sie mang k̄atatana
sēmbau. Arawe kamageng u wakı
u gandum ene mate, ute i sie
wuh̄e mēbua maławo. ²⁵I sai
mētētundēka su pēbawiahe, sa-
rung kailangengu ene. Arawe i
sai mēbēbinsıu pētatumbiahe su
dunia ini e, sarung makatanudě
baugu pēbawiahe tutune ringan-
u kakalē. ²⁶I sai mapulu mētang-
kiang si Sīa e harusē tumoļe Sīa;
tadēau mētatangkiangKu e ma-
kataking bue si Sīa e suapaewen
Īa ene sene. I sai mētangkiang
Sīa e sarung adateng i Amang-
Ku."

**Mawu Yesus mēbēbisara
māanun kapapohong'E**

²⁷"NaungKu e tutaġhiawahē;
apa e Taku ipēbera su orasē ini
e? Arau Īa mēberaeng, 'Amang,
liuko Īa bōu orasē ini e tangu'?
Kaiso paghudu mambeng kahom-
bangeng u tempon sigēs̄a ini e
nakakarēnta si Sīa e. ²⁸Amang,

apakawantugěko areng'U!" Tangu
nakaringihe tingihē bōu laŋgi
mauļi u, "Īa seng bōu naman-
tugě, dingangu sarung lai ma-
mantugě kapia."

²⁹Taumata laŋo kų ene se-
ne nakaringihē bue tingihē ene.
Ungkuēng i sire u, "Ene kai
rēll̄u!" Kai pīako lai nēbera u,
"Baline! Kai malaekatē mēmēmi-
sara si Sie!"

³⁰Mase Mawu Yesus něhe-
ngetang si sire, "Tingihē kina-
ringihē e, wal̄inewe waugu kapīan
batangengKu, kaiso kai wau-
gu kapiang kamene. ³¹Ini e seng
tempone dunia ihukung; kai orasē
ini e mangangawasang dunia e
nipakawatang. ³²Arawe Īa e, ke-
reu Īa e seng iapakarangē bōu
dunia e, ute kēbi taumata e Taku
sarung pakasue woļengang soļong
anuKu." ³³I Sie něhengetang ke-
rene ute kai mēlēlah̄euh̄e saheng
kapapohong'E sarung.

³⁴Taumata laŋo e nēbera si
Sie, "Tumuh̄u toratē e, Datu
Mēnanałam̄atē e sarung mēbiahē
sarang karēngu e. Kų kerap̄a i
Kau makapēbera u Ahus'u Tau-
mata e harusē iapakarangē su
wowon dunia e? I sai tangu A-
hus'u Taumata e?"

³⁵ Mawu Yesus simimbang,
 "Tumbaeng bangu kadodo tem-
 po tualagë e ene sutaloarang
 kamene. Ku pëmpahundalengke
 tentalang tualagë e wëdang e-
 ne, tadeau i kamene kumbahang
 karëndungang. I sain dūdaleng
 suralungu kararëndung e bēga-
 wen timonane mēnsang solong a.
³⁶ Pëmpangimangke su tualagë e,
 u karënguëwen tualagë e wëdang
 ene ringang i kamene, tadeau i
 kamene mariadiwe manga ana u
 tualagë."

Tau Yahudi apan ta mangangimang

Bouten Mawu Yesus nēhe-
 ngetang kerene, i Sie nēngalīng-
 ke wou ene ku tawe mapu-
 lu mētēngkatode u watangeng'E
 si sire. ³⁷ Manilaing seng malawo
 halë makadalinau kinoa u Mawu
 Yesus e su tēngon sire, kai i si-
 re mang tawe mangimang si Sie.
³⁸ Tangu naghanape tēbaļu nabi i
 Yesaya,

"Mawu, i sai wue
 mangimangu habar'i kami?
 Kai si sai kawasan Mawu e
 ipakalahe?"

³⁹ Kai ualingu ene i sire tawe
 mēmpangimang, u i Yesaya seng
 bou lai nanēbaļë u,

"Mawu nēhengetang,
⁴⁰ 'Ia mapakawutan matang
 sire,
 ringangu mapakarapaļu
 naung i sire;
 tadeau i sire tawe makasilo,
 ringangu maḍiring i sire
 makaënna.
 Tadeau i sire kumbahang
 mēbaļi su anuKu,
 ku mapakaulen sire.'"

⁴¹ I Yesaya nēluntingihë ke-
 rene, u i sie seng nakasahidi
 kasëllahu Mawu Yesus, ringangu
 mēbēbisara maanun Sie.

⁴² Manilaing kerene, lawo
 taumata ore lai sutaloarang
 mēngangawasang Yahudi nangi-
 mang su Mawu Yesus. Kai i sire
 tawe wahani mēngakung ene i-
 pakalahe, batu i sire matakū
 kiwuau tau Farisi e ta-
 we mapakawalan sire sumuë
 su baļem pëkakaliomanengang.
⁴³ I sire ëndokang u mapulu
 makahombang dāralon taumata
 sulungu mētatalahino su tēngom
 Mawu Ruata.

Hengetang u Mawu Yesus sarung mēhukung

⁴⁴ Mase Mawu Yesus nēhe-
 ngetang, "I sai mangimang si
 Sia e, walīnewe si Sia i sie

mangimang e, kaiso kawē si Sie kŭ nĕndoloh'u Ia e. ⁴⁵ Dingangu i sain nakasilo Sia, ute nakasilo si Sie nĕndoloh'u Ia e. ⁴⁶ Ia rimĕnta su dunia ini e kai kere tualagĕ, tadeau kalawou taumata kŭ mangimang Sia e tawē u matana suralungu kararĕndung. ⁴⁷ I sai dŭdaringihĕ tĕntiroKu, kŭ kawē tawē tumatuhŭ ene – balinewe Ia mĕhukung i sie. Batŭu Ia e rimĕnta walineuwe mĕhukung dunia e, kaiso kawē mangambang dunia. ⁴⁸ I sai maŭnuhud'u Ia e ringangu tawē rumaringihĕ baweraku e, seng pia mĕlahukunge. Hengetang kŭ Takŭ iwĕbuna e, ute ene sarung mĕhukung i sie su Ēllong Kiamatĕ e. ⁴⁹ Batŭu Ia e tawē mĕbawisara wou kapuluKu sĕsaku; i Amang kŭ nĕndoloh'u Ia, ute i Sie mĕpĕparenta si Sia apa kŭ hinon Takŭ iwerar ringangu Takŭ iwuna. ⁵⁰ Dingangu Ia masingka u titan'E ene makauali pĕbawiahĕ tutune ringangu kakalĕ. Tangu Ia maanŭewen kere apan nitĕntiron Amang si Sia."

Mawu Yesus nanguhasĕ laed'u manga murit'E

13 Sahĕllo kalimonan Ēllon Pĕmamantugĕ Paskah e, Mawu Yesus masingka u semben tempone i Sie manĕntangu dunia ini kŭ mĕsulĕ su anung Amang'E. I Sie kŭkĕndag'u taumata apan tĕtaghuaneng'E su dunia ringangu mang tĕbe kŭkĕndagi sire sarang pangĕnsueĕnge.

² Mawu Yesus dingangu manga murit'E pia e i sire mĕmpĕsĕsimokolĕ hĕbi e. Sintang e seng namitaugĕ dalungu naung i Yudas ana i Simon Iskariot mĕbaŭu u Mawu Yesus. ³ Mawu Yesus masingka u Ruata i Amang seng bou nĕnarakangu kasĕllahu kawasan'E si Sie. I Sie maŭaing masingka u i Sie kai rimĕnta wou anun Duata i Amang kŭ sarung mĕsulĕ kapia su anun Duata. ⁴ U watŭ u ene tangu i Sie rimarisi kŭ nĕlua lahaweng'E, ringangu namĕgong u handukĕ su kaluwaeng'E. ⁵ Bou ene i Sie nĕndalingu akĕ su

waskom sēmbau, kŭ nanēta e nanguhasē laedu manga murit'E kŭ niēm̄mueng handukē papēgong kaluwaeng'E. ⁶Ene i Sie nahumpaen Simon Petrus, kŭ nēbera u, "Mawu kawē unŭe Mawu e nanguhasēbe laedēku?"

⁷Mawu Yesus simimbang, "Sini i kau e mambeng tawē makaēnna apang kŭ Takŭ nikoā ini e kai i kau e sarungbe makaēnna."

⁸"Kumbahang, Mawu," unguēng i Petrus su Mawu Yesus, "Mēngkatewē kumbahang i Tuang manguhasē laedēku!"

Kai Mawu Yesus simimbang, "Kereu Ia tawē makapēnguhāsē si kau e ute i kau tawē kalahēmpu e ringangKu."

⁹I Simon Petrus nēberae u, "Kamageng kerene, Mawu, abe kētaeng laedēku uhaseng, kaiso kawē lima ringangu tēmboku lai!"

¹⁰"Taumata wou nēndenŭe sembeng nawurēsi kēbi badange," unguēng u Mawu Yesus si Petrus. "I sie seng tawahaŭasu wurēsiang kapia; kētabeng laede. I kamene sembeng burēsi, kaiso balinewe kēbi." (¹¹Mawu Yesus seng nakakasingka i sai sarung mēsuniaŭi Sie. U kai ene hakŭi i

Sie nēhengetang, "I kamene ini sembeng burēsi, kaiso walinewē kēbi.")

¹²Mawu Yesus bouten nanguhasē laed'i sire, tangu i Sie saŭ e nēluhen pakeang'E kŭ nai-angke kapia. Mase i Sie nēhenge-tangke si sire, "I kamene nakaēnnawē kēbi haŭē kŭ buhŭ e takŭ nikoā si kamene? ¹³I kamene mēkēkui si Sia Mananēntiro ringangu Mawu. Kŭ mang hinong kerene. ¹⁴Kamageng Ia e kai Mawu ringangu Mananēntironu kŭ kawē manguhasē laedu, ute i kamene maŭaing hinong mēpapanguhasē laed'i kamene sēmbau su waline. ¹⁵Ia nēnŭlada mēkēkoā kereini si kamene, ta-deau i kamene maŭaing mētēno mēkoā apan seng bou Takŭ nikoā si kamene. ¹⁶Mambeng kahēngahēngang baweraKu ini: Sēngkataŭ ēllange tawē limembo wou mawune, ringangu sēngkataŭ rarolohange tawē limembong kasariane wou mēndarolohe. ¹⁷Kereu i kamene seng masingka u kēbi ene, ute kariangkamang i kamene kereu i kamene makakoā kerene.

¹⁸Apan seng Takŭ niwera ini e walinewē maanung kamene kēbi. Ia masingka i sai-sai seng

Takū nīpapile. Arawe apang kū seng k̄abawohē su Winohē Susi e mang mariadi, mangalene 'Tau-mata kū sēngkakaēng dingangKu e, sarung dumokā si Sia.' ¹⁹ Halē ini e Takū ilēhabarē si kamene orasē ini e, tēntalang tawe n̄adia-di, tadeau kamageng u halē ene seng mariadi, tangu mangimang bue u kai Ia e isēsēba si Ia ENE. ²⁰ U mambeng tēngadē baweraKu ini: I saing kū manarimā u tau-mata Takū nirolohē e ute i sie mālaing manarimā u Ia e. Kū i sai manarimā u Ia e manarimā i Sie kū seng dimoloh' u Ia."

Mawu Yesus mēnēnēbaļu
pēsasunialē baugu
watangeng'E

(Mat. 26:20-25; Mrk. 14:17-21)

(Luk. 22:21-23)

²¹ Saraeng Mawu Yesus nēhengetang kerene, naung'E mambeng kimēndung tā sihinge. Bōu e i Sie nēhengetang, "Tēngatēngadē baweraKu ini: Sēngkatau wō'i kamene sarung mēbaļu u Ia e."

²² Manga murid'E nēmpēpanda e sēmbau su waline mēngk̄aherang ualingu wēga wue mēnsang kai i sai su timonan'E.

²³ Muritē ikēkēndag'u Mawu Ye-

sus e māiang su koaneng u Mawu Yesus. ²⁴ Ene i Simon Petrus e nēnida e si sie apakibalo su Mawu Yesus mēnsang kai i sai tētimonaēng'E.

²⁵ Tangu muritē ene nētēngkasēngkelē su Mawu Yesus kū nakiwalo, "Kai i sai ene, Mawu?"

²⁶ Mawu Yesus simimbang, "I sain Takū pēgēllikangu borotē bōu niuno suralungu mangko, ute i sie taumatane." Tangu Mawu Yesus nēngala e borotē sēmpēdi, niunone suralungu mangko; mase nionggō e si Yudas ana i Simon Iskariot. ²⁷ Lēpasewe i Yudas bōu rimaē borotē ene, setang e nēkaradiahangke suralungu naunge. Mase Mawu Yesus nēhengetangke si sie, "Ligha e koa apang sarung koatengu e." ²⁸ Tā u sarang sēngkatau wōu i sire māhungkaēng sene nakahēngangu kawe unūe Mawu Yesus nēhenge-tang kerene si Yudas. ²⁹ Pia u māngēna u Mawu Yesus dimoloh'i Yudas apamēlli apan hinong gausang baugu salimbang ene, arau mēgēlliu roitē pēkadodo su taumata kasiang – batu i Yudas kai mēngangumpaedē doit'u lawō e.

³⁰ Bōuten i Yudas nēnarimā u borotē ene tangu i sie mēngkate-

we ringangu simëbang. Ku ëllo e nahëbi e.

Tita wuhu

³¹ Saraeng i Yudas nalintu, e-ne Mawu Yesus nëhengetangke, "Orasë ini Ahus'u Taumata e seng niapakawantugë, ku Duata e niapakawantugë ualingu i Sie. ³²Kereu Mawu Ruata e niapakawantugë ualingu i Sie, ute i Sie mälaiing sarung iapakawantugu Ruata lumun batangeng'E sësane. Dingangu Mawu Ruata e mëngkatewe seng ligha mapakawantug'i Sie. ³³Manga anaKu, Ia e sembang tawë karëngue sini ringangi kamene. I kamene sarung mëdea Sia, kai kerëwe seng bou Taku nipauli su manga mëngangawasan tau Yahudi, kerene lai Taku ipauli si kamene këbi; su tampa Taku tamaiang, i kamene tawe makakarënta. ³⁴Tita wuhu Taku ongotang si kamene: Pëkakakëndagëko i kamene sëmbau su waline. Kerëwe Ia seng kimëndag'i kamene, kerene lai i kamene hinon mëmpëkakëndagë. ³⁵Kereu i kamene lawobe mëmpëkëkakëndagë e ute kalawou taumata e sarung-

be makakasingka u i kamene kawe muritëKu."

Tëbal'u i Petrus sarung mësunialu Mawu Yesus

(Mat. 26:31-35; Mrk. 14:27-31)

(Luk. 22:31-34)

³⁶"Mawu, Mawu kai makoa solong a?" kakiwalon Simon Petrus su Mawu Yesus. Ungkuëng Mawu Yesus, "Suapan Taku dalëngang, i kau tawe makatole Sia. Hëdowen mahi i kau sarung makatole Sia e."

³⁷"Mawu, kawe unue ia tawe makatole su Mawu orasë ini?" ungkuëngkewen Petrus. "Ia e sadia mate waug'u Mawu!"

³⁸Mawu Yesus simimbang, "Kahëngang ngae i kau sadia mate waugu Ia? Kasingkako, manu deng tawe kimëkuku e i kau seng tellun sule nësunialu Ia e."

Mawu Yesus e raleng solong anung Amang

14 "Naung i kamene abe taghiawahë," ungkuëng u Mawu Yesus si sire. "Pangimangko su Mawu Ruata, ringangu pangimangbe lai si Sia.

²Su waleng AmangKu e lawo katatanakeng. Ia e kai rumaleng mēndiahing tampa baug'i kamene. Ia e tawe mēbera kerene si kamene, andene walinebe kerene. ³Samurin Ia tamai mēnadian tampa baug'i kamene, Ia e sarung mēbaļi ku manēnsomahē si kamene, tadeau suapan Ia ene, i kamene maļaing sene. ⁴Su tampa Taku dalengange i kamene masingkaben dalenge."

⁵Mase i Tomasē nēbera e su Mawu Yesus, "Mawu, i kami e wēgawen dalengangu e, ku makasingkaben dalenge kereapa i kami?"

⁶Mawu Yesus simimbang, "Ia e kai raleng mēdeau makakirala Mawu Ruata ringangu makahombang pēbawiahē. Taweu sarang sengkatau makarēnta su anung AmangKu, kereu waline-we wou AnuKu. ⁷Kereu i kamene masingka u Ia, ute i kamene maļaing masingka i AmangKu. Ini e i kamene seng masingka i Sie, dingangu seng nakasilo si Sie."

⁸Tangu i Filipusē e nēbera su Mawu Yesus, "Mawu, todeko i Amang si kami, tadeau i kami mawulugē."

⁹Arawe Mawu Yesus simimbang, "Seng kereeng karēngue Ia

dingang i kamene, ku i kau e mang bēgang Ia e Filipusē? I saing ku seng nakasilo si Sia e, ute maļaing bou nakasilo si Amang. Ku kereapa wue i kau nakawera u, 'Todeko i Amang si kami'? ¹⁰Filipus! I kau kai ta mangimang, u Ia e kai nasēmbau dingang i Amang ringangu i Amang e nasēmbau dingangKu? Apang ku Taku niwera si kau e, tawe Taku niwera wou watangengKu hala. I Amang ku tēbe nasēmbau dingangKu e, kai i Sie nēkaradiahangu patiku ene. ¹¹Pangimangke si Sia, u Ia e kai nasēmbau dingangi Amang kapia, ringangu i Amang e nasēmbau dingangKu. Arau maeng tawe kerene pēmpangimangke wou apang ku seng Taku kinoa. ¹²Mambeng kahēngang bawera-Ku ini: I sai mangimang si Sia, sarung mēkoā apan seng Taku kēkoateng, – ore lai i sie sarung mēkoā ku limembon kasēllahe wēdang – batuu Ia e kai reng ma-koā solong anung Amang. ¹³Ku balāewe apan dorongang i kamene suralungu arengKu e, ene Taku koateng baugi kamene, tadeau i Amang e iapakawantugē e ualingu Ahusē e. ¹⁴Ku balāewe apa rorongang i kamene su-

ralungu arengKu e, ute sarung Taku koateng,”

Mawu Yesus nêkêdon Rohkê Susi

¹⁵”Kereu i kamene kûkêndagu Ia e ute i kamene sarungbe mēdēndalengu manga parentaKu. ¹⁶Ia e sarung mēgausē si Amang, kû i Sie sarung mangonggo u Mētatulung baline kû sarung mētumana dingangi kamene sarang marēngu-dēngu. ¹⁷I Sie ute kai Rohkê Susi kû sarung mēlahe u kaadil’u Mawu Ruata. Dunia e tawe makatarima i Sie, ualingu ta makasilo arau ta nakakirala. Arawe i kamene masingkaben Sie, u i Sie kai matana dingangi kamene dingangu i Sie sarung masēmbau dingangi kamene.

¹⁸I kamene tawe taku itēntang hala kere kasisi ēndusē. Ia e sarung mēbali su anung kamene. ¹⁹Kate kadodo tempo dunia e seng tawe saṁ makasilo si Sia. Arawe i kamene ute sarungbe makasilo si Sia. Kû ualingu Ia biahē, i kamene e malaing biahē sarung. ²⁰Kereu seng su ēllone ene, ute i kamene sarung makakasingka u Ia e kawē nasēmbau dingangi Amang, i kamene nasēmbau dingangKu, ma-

se Ia e kawē lai nasēmbau dingangi kamene.

²¹I sain dūdaē manga titaKu e ringangu mēsēsēmpī ene, ute i sie kûkēndag’u Ia e. I AmangKu e sarung kumēndagi saing kûkēndag’u Ia. Ia e lai sarung kumēndagi Sie ringangu mēnode u watangengku e si Sie.”

²²I Yudas (baline i Yudas Iskariot) nakiwalo su Mawu Yesus, ”Mawu, unue Mawu e mapulu manodeṁ watangengu si kami kû balinewe waṁgu dunia?”

²³Mawu Yesus simimbang, ”I saing kûkēndagu Ia e, ute sarung tumuhu tēntiroKu. I kanduang AmangKu e sarung dumēnta su anune matana dingange. ²⁴I sain tawe kumēndagu Ia e tawe tumatuhu tēntiroKu. Tēntiro kû seng kinaringih’i kamene waline-we wou anuKu, kaiso kawē wou i Amang kû dimoloh’u Ia e.

²⁵Kēbi ene Taku ipēpauli si kamene karēnguēwen Ia deng dingangi kamene. ²⁶Arawe Rohkê Susi e, mētatulung sarung irolahi Amang suralungu ArengKu, kû kai i Sie sarung manēntiron patiku e si kamene ringangu mapētahēndung i kamene kapia su kēbi apan seng taku nipauli si kamene.

²⁷ Karalunsemahē Taku itēn-
tang baug'ī kamene. Karalunse-
mahē Taku ionggo si kamene.
Taku nilaonggo e walīnewe kere
nilaonggo u dunia e si kamene.
Abe pēmpētaghiawahē dingang-
u abe kēngkatakū. ²⁸I kamene
seng nakaringihē Sia nēhabarē u,
'Ia e sarung dumaḷeng, kai Ia
e saube mēsule su anung kame-
ne.' Kereu i kamene kūkēndagu
Ia e, i kamene sarung lumuas'u
Ia makoa solong anung Amang-
Ku e, batuu i AmangKu e kai
limembong kasēllahe wou Ia e.
²⁹Ia e mauḷiu ene si kamene su
orasē ini, tēntaḷang kēbī e ta
naḍiadi, tadeau maeng seng su-
karariadine, ute i kamene sarung-
be mēmpangimang. ³⁰Ia e seng
tawe mēbisara maḷawo dingang-
i kamene, u kai seng tempone
mēngangawasa dunia e rumēnta.
Kai i sie tawē kawasane su wa-
tangengKu e. ³¹Kai kēbī mang
harusē mariadi tadeau dunia e
makahēngang u Ia e kūkēndagi
Amang e mase Ia e mēdēndaḷeng-
ben patiku apan niparentang A-
mangKu e si Sia.

Ku mahi e i kite mēbua bou
ini."

Mawu Yesus puēngu anggorē tutune

15 Angkuēng u Mawu Ye-
sus kapia, "Ia e puēngu
anggorē tutune, ku i Amang-
Ku e mēsasuange. ²Apan lelange
si Sia ta mēbawua, tēntoēng'E,
ringangu apan lelange mēbēbua
e, tētaḷuaheng'E tadeau sau-
neng mahuntinamba wuane. ³I
kamene sembeng burēsi uaḷingu
tēntiro seng nitēntiroKu si ka-
mene. ⁴Ku hanesēbe kasasēmbau
dingangKu e ku Ia e hanesē
masēmbau dingangi kamene. Le-
lange sēsane tawe mēbua kereu
tawe maḍarēka su kalune. Kere-
ne lai i kamene tumbaeng mēbua
kereu tatapēbe dingangKu.

⁵Kai Ia e kalun anggorē e,
ku i kamene e manga lelange. I
sain kaṭatana sēmbau dingang-
Ku e, ku Ia dingangi sie, u-
te mēbua maḷawo; kereu tawē
Ia e ute i kamene tawe ma-
kakoā manga apa. ⁶I sain tawe
matana masasēmbau dingangKu,
sarung irēmme kere lelange, ku
i sie mahēgu. Apan lelange ke-
rene ute tampungang i ēndu
su putung mase tutungang. ⁷Ke-



Manga lalang kalung anggorè (15:5)

reu i kamene katatana sēmbau dingangKu, mase waweraKu e matatanabe suralungu naung i kamene, pēgause si Amang walawe apa ghausang i kamene mang gēlirang. ⁸ Kereu i kamene mēmpēbua malawo, i Amang-Ku e iapakawantugē, dingangu ualungu ene i kamene mambeng kahēngang makoā muritēKu. ⁹ Kerewe i Amang kükēndagu la ute kerene lai la kumēndagi kamene. Kēngkatanako i kamene sēntiniā mēmpēbēbiahē kere taumata Taku ikēkēndagē. ¹⁰ Kereu i kamene mēdēndalengben

kalawou manga titaKu e, ute i kamene tatapēbe satia su kakēndagēKu, kerewe la tatapē satia su kakēndagi Amang batu mēdēndalengben kalawou titan'E.

¹¹ Kēbi ini e Taku ilēhabarē si kamene, tadeau raluasēKu e ene suralungu naung i kamene, ringangu raluas e matinalung. ¹² Kai ini titaKu e: Pēkakakēndagēko sēmbau su waline, kerewe la kükēndagi kamene. ¹³ I sain nēngalembon kakēndage su manga hapie ute kai taumata ku manarakangu pēbawiahe waug'i sire. ¹⁴ I kamene kai

manga hapiKu, kereu i kame-
ne mēmpēkoā apan Taku ilēo-
ro si kamene. ¹⁵I kamene sem-
beng tawe Taku kuiang ēllang,
batu ēllang e wēga wue a-
pang kēkoateng u mawune e.
I kamene Taku kēkuiang hapi,
batu kēbi apang kēkaringihēKu
bou i Amang, seng Taku ni-
pauli si kamene. ¹⁶Balinewe i
kamene namile si Sia. Kai la
e namile si kamene, ringang-
u nēndoloh'i kamene apēdēda-
raleng ku apēbēbua malawo ku
buaen ta mawawinasa. Tangu i
Amang e sarung mangonggou
kēbi apan dorongang i kame-
ne si Sie suralungu arengKu.
¹⁷Ku kai ini titaKu si kamene:
Pēmpēkakēndagē sēmbau su wali-
ne."

Dunia e mēbēbinsi i kamene

¹⁸"Kereu dunia e mēbinsi
i kamene, pētahēndungke u la
seng kalimona nipēbinsi u dunia
e. ¹⁹Kereu i kamene kawe tata-
ghuaneng u dunia e ute i ka-
mene ikēkēndagēben dunia e ke-
re tataghuanenge, Kai la e seng

namile si kamene wou dunia i-
ni, ku i Kamene e waline
lai tataghuanengu dunia. Kai ene
hakiu dunia e mēbēbinsi i kame-
ne. ²⁰Pētahēndungke apan seng
Taku niwera si kamene. 'Ēllang
e tawe limembo wou mawune.'
Kereu i sire seng nanigēsa si
Sia, i sire sarung lai manigēsa
si kamene. Kereu i sire tutuhu
tēntiroKu, ute i sire tumuhu lai
tēntirong kamene. ²¹Patiku ene
sarung koateng i sire si kamene,
ualingu i kamene kai muritēKu, u
i sire wēgawen Sie rimoloh'u la
e. ²²Mangawe la e tawe rimēnta
ringangu tawe nēhengetangu kēbi
ene si sire, ute i sire tawē dosane.
Kai ini e si sire seng tawē apa
tatupi⁹ e lai waugu rosan sire.
²³I sai mēbinsi la e, mēbēbinsi i
AmangKu. ²⁴Kai manga sutalo-
aran sire la e tawe mēkakoā pa-
tikū munara ku tawē tau waline
nēkēkoā e, ute i sire tawē dosane.
Arawe ini e i sire seng nakasi-
lo apan Taku nikoā, ku i sire
nēmpēbinsi u la ore lai nēbinsi i
AmangKu. ²⁵Kai tangu semben
harusē kerene, tadeau mariadi
wue apan mābawohē su bukē u

⁹ laēmpinge = alasan

15:20: Mat 10:24, Luk 6:40, Yoh. 13:6

Torat'i sire u: 'I sire mēbinsi u Ia e taweu nikaianenge.'^h

²⁶Ia e sarung mēndolohu Mētatulung ku asale wou anun AmangKu e si kamene. I Sie kai Rohkē ku sarung mēlahē u katulidē maanun Duata. Kereu i Sie rumēnta, i Sie sarung mēsahidin Ia. ²⁷Dingangu i kamene lai harusē mēsahidin Ia, batuu i kamene e seng mēdēdingang u Ia dokeng bou tēta e.

16 Kēbi e seng taku ipēpauli si kamene tadeau i kamene tawe mēsunialē. ²I kamene e sarung iapasēbang bou ralungu walem pēkakaliomanengang. Dingangu sarung dumēnta tenipone u i sai mēmate si kamene e kai mēmpangēna u i sie kai mēkēkoā palahamawu su Ruata. ³I sire mēmpēkēkoā kereu si kamene, ualingu i sire bēdaweng bēgan Duata ringangu wēgawe lain Ia. ⁴Arawe ini Ia e mēbēberang ene si kamene, tadeau kamageng ene niang mariadi, i kamene pēmpētahēndung bue u Ia e seng bou nauli si kamene."

Munaran Rohkē Susi e

"Halē ini e tawe taku nipauli si kamene kēbi dokeng bou tētae, u Ia deng bēdang dingangi kamene. ⁵Arawe ini Ia e reng niapule solong anun Sie ku dinioloh'u Ia; ku taweu sarang sēngkatau wō'i kamene makiwalō kai solong apa Ia e. ⁶Kai ini e mēlahē naung i kamene nēngkasusa, ualingu Ia nauli u halē ene si kamene. ⁷Kai Ia e mauļu katēngadē si kamene: Nēngalenibong kapiane e waugi kamene, kereu Ia mapule; batuu kereu Ia e tawe niapule, Mētatulung e tawe rumēnta su anung kamene. Arawe kamageng Ia e seng mapulē ute Ia e sarung mēndoloh'i Sie solong anung kamene. ⁸Kereu i Sie rumēnta, ute i Sie sarung mapakalahē su dunia u tumulu hinone kai apa niangalen dosa e, wou apang katēngadē, dingangu wou hukuniangu Ruata. ⁹I Sie sarung niēlahē, u tawe mangimang si Sia ute kai rosa; ¹⁰u Ia e kai matulidē, ku ualingu Ia e kai niakoā solong anun Amang, ku i

^h tawē dalenge = tidak ada alasan

kamene sarung lai tawe makasi-lo si Siā; ¹¹dingangu kai Ruata e seng nanēta nēhukung, batuu mēngangawasa dunia ini e seng nīlahukung.

¹²Lawo lai hinong Taku i-wera si kamene, kai orasē ini i kamene reng tawe makaumalē mēnarima u ene. ¹³Kai kereu Rohkē e seng dimēnta, mangalē-ne i Sie ku mēlēlahēu katulidē maanun Duata, i kamene sarung aliakenge tadeau makakasingka u patiku katulidē e. I Sie tawe mēbisara wou watangeng'E halla kaiso kawē mauiju apan seng kinaringih'E, dingangu i Sie sarung mauiju apan sarung mariadi si kamene suello samuri. ¹⁴I Sie sarung mapakawantugu Ia e, u kēbi apan i habare si kamene e kai nitarima e wou Ia. ¹⁵Patiku apaewen si Amang e ute kai tataghuanengku. Hakū ene Ia makapēbera u apan nihabar'u Rohkē si kamene, kai nitarima e wou Ia."

Kasasusa ringangu parahuasē

¹⁶"Kate kadodo tempo i kamene seng tawe makasilo si Siā, dingangu kate kadodo tempo i kamene sarung makasilo si Siā."

¹⁷Pirangkatau wou manga murit'u Mawu Yesus e nanētae nēkakiwalō sēmbau su waline, "Apa wue timonane i Sie nēbera si kite: 'Kate kadodo tempo i kamene seng tawe lai makasilo si Siā, dingangu malaing kate kadodo tempo i kamene sarung makasilo si Siā?' Apa lai timonam bawera: 'Ia e maka koa solong anung Amang e'?" ¹⁸I sire mēngkate makibalo, "Apa mangalene, 'kadodo tempo'? I kite tawe nakahēngang mēnsang i Sie maanung apa!"

¹⁹Mawu Yesus masingka u i sire mapulu makiwalō si Sie. Tangu i Sie nēhengetang, "Kainini Taku niwera, 'Kate kadodo tempo, i kamene sarung tawe makasilo si Siā, dingangu lai kate kadodo tempo i kamene sarung makasilo si Siā.' Kai ene ipēkēkakiwalō sutaloarang kamene?"

²⁰Pēmpangimangke, i kamene sarung sumangi dingangu lumungkang, arawe dunia e kai sarung lumuasē. Naung i kamene sarung mēngkasusa, kai susa naung i kamene sarungbe mēbalui mariadi raluasē. ²¹Kereu sēngkatau wawine maraning mēhēnding, masusa naunge, batuu seng tempone i sie mētingkēdang u sigēsa. Kai lēpa-

sewe anā e seng sulikude i ninge miwulem patiku kasasigēsa e ualingu raluase watu rario e seng simongo su dunia. ²²Kerene lai si kamene; Tempo ini naung i kamene masusa, kai la e sarung mēsombang kapia ringangi kamene, ku i kamene sarung mahulasē; ku taweu sarang sengkatau makaaho raluasē ene wou naung i kamene.

²³Su sahēllo ene, i kamene seng taweu lai makiwalong apa-apa si Sia e. Pēmpangimangke: Balaewe mēnsang apa rorongang i kamene si Amang suralungu arengKu, ene sarung iongo i Amang si kamene. ²⁴Sarang orasē ini i kamene wēdang tawe nēdēdorong apa-apa suralungu arengKu. Pēmpēdorongke, ku i kamene sarung mēmpēnarima, tadeau raluas' i kamene mauadipē."

Kalauntung namata dunia

²⁵"Kēbi ini e Taku pinēhengetang si kamene suralungu papinintu. Kai sarungbe pia tempone ku la e seng tawe mēpapinintu, kaiso kawe seng mēbisara malale si kamene maanung Amang. ²⁶Su tempo ene i kamene sarung mēnipēdorong

si Amang suralungu arengKu; kēngkasingkako, la e tawe mēdorong bo'i Amang baug' i kamene, ²⁷ualingu i Amang sēsane kai kükēndag' i kamene. I Sie kükēndag' i kamene ualingu i kamene kükēndagu la, dingangu mānginang u la e kai wou Rua-ta asale. ²⁸Mambeng asalēKu e bou i Amang, ku seng dimēnta suralungu dunia. Kai orasē ini e la mānēntang u dunia tadeau mēsule solong anu Amang."

²⁹Mase manga murid'u Mawu Yesus e nēmpēbera si Sie, "Su tempo ini Mawu e mēlēhengetang malahe ku tawe mēpapapinintu, ³⁰dingangu i kami e masingka u Mawu e masingka u patiku e. Tawe wahałasē pia u sengkatau makiwalong apa-apa su Mawu e. Batu i kami mānginang u Mawu e rarēntane kai wou anu Duata."

³¹Mawu Yesus e simimbang si sire, "Ku i kamene nangimang su orasē ini? ³²Pētahēndung! Tempone sarung dumēnta, ore seng narēnta, i kamene sarung ipēkaliasē. I kamene sarung mapule sarang balen sengkatau-sengkatau ku mēmpānēntangu la sēsaku. Kaiso la e baline-we sēsaku batu i Amang kawe ringangKu e. ³³Patiku ini e

Taku iwēbera tadeau i kamene makahombang karalunsemahē batu nētēngkasēmbau dingang-Ku. Su dunia e i kamene sarung mētatahangu sigēsā. Kaiso pakatulende bue naung i kamene! Ia e kai seng nakawata dunia!"

Mawu Yesus nēkaliomanengu manga murit'E

17 Saraeng bou nēhenge-tang kerene, Mawu Yesus rimalingaræ solong langi ku nēhengetang, "Amang, ini e seng naghanapē tempone. Pakawantugeng Ahus'U, tadeau Ahus'U malaing mapakawantug'i Amang. ²I Amang seng nangonggou kawasa waugu umate patiku, su Ahuse, tadeau i Sie mēngonggou pēbawiahē tutune ringangu kakalē su kēbi taumata apan nisarakang i Amang si Sie. ³Kai ini e pēbawiahē tutune ringangu kakalē, tadeau i sai masingka i Amang mang sēmbau ku Dua-ta kahēngang, dingangu makakirala su Mawu Yesus Kristus ku niroloh'i Amang. ⁴Ia seng napakawantug'i Amang su wowon dunia ini su pēkakoā munara ku ipakikoā i Amang si Sia. ⁵Amang! Papakawantugeng Ia e su anun'U, apakawantugu kawan-

tugēKu ringang i Amang dokeng dunia e reng tawe nidiadi.

⁶Ia e seng napakalahē i Amang su taumata ralohon dunia ini ku seng nionggō i Amang si Sia. I sire kai tataghuaneng i Amang, dingangu i Amang seng nēnarakang i sire si Sia. I sire seng timuhū hengetang i Amang. ⁷Ini e i sire masingka u patiku apan nisarakang i Amang si Sia e asalē kai wou i Amang. ⁸Seng bou taku nihabarē si sire henge-tang i Amang ku seng nionggō Sia, kuteu sembeng kinatarima i sire. I sire masingka u Ia e mamben tēngadē dimēnta wou anun Amang, dingangu i sire mangimang u kawē i Amang e nēndoloh'u Ia.

⁹Ia mēkaliomaneng baugu i sire. Ia e walīnewe mēkaliomaneng baugu dunia kaiso kai wau-gu taumata ku seng nionggō i Amang si Sia, batu i sire kai tataghuaneng i Amang. ¹⁰Kēbi tētaghuanengKu e malaing tētaghuaneng i Amang; mase patiku tētaghuaneng i Amang-Ku e malaing tētaghuanengKu. Ia wēbantugang sutaloaran sire. ¹¹Ini e Ia dumēnta su anun Amang. Ia e seng balīne matana su dunia; Arawe i sire ute ka-

we su dunia. Amang masusi! Si-rungengkong kawang areng i Amang si sire, arengke nung seng niongo i Amang si Sia, tadeau i sire mariadi sembau, kerewe i Amang dingangu Ia e kai sembau. ¹² Pia Ia e nang bedang dingang i sire, Ia e seng nanentanude si sire ringangu kawang areng i Amang, areng ku nang niongo i Amang si Sia. Ia e seng nelukade si sire ku taweu sarang sengkatau wou i sire ku nailang tabeau katewe ualingu i sie mam-beng hinong mailang; tadeau ualingu ene ute naghanape apang mabawohē suralungu Winohe Susi. ¹³ Ini e Ia kawe seng solong anun Amang. Patiku ini e taku ipēpauli e tentalang Ia e reng bedang su dunia; tadeau i sire makapanaghuangbe raluasēKu e masuku. ¹⁴ Ia e seng nēhabaru hengetang i Amang si sire, kai dunia e nēmpēbinsi i sire, batuu i sire walineuwe tataghuanengu dunia, kerewe lai Ia balineuwe tataghuanengu dunia. ¹⁵ Ia e tawe mēgausē tadeau i Amang mēngalā si sire wou dunia ini e, kaiso kawe mēgēgausē tadeau i Amang e panentanude si sire wou i Ralakisē. ¹⁶ Kerewe lai Ia e walineuwe tataghuanengu dunia, i sire lai

walineuwe tataghuanengu dunia. ¹⁷ Kakoako i sire kētaeng tataghuaneng i Amang luniu katēgadē; hengetang i Amang e kai katēgadē. ¹⁸ Mēsulungken i Amang seng dimolohu Ia su dunia e, kerene lai Ia dimoloh'i sire solong dunia. ¹⁹ Ia e mēnarakangu watangengku kere tataghuaneng i Amang natēntani e, tadeau i sire malaing makoa tataghuaneng i Amang tani e limiun katulidē e, baugu kapian sire.

²⁰ Balineuwe samatang tumbau waugi sire ini e, Ia mēkēkalīomaneng. Ia malaing mēkēkalīomaneng baugu taumata apan mēmpangimang si Sia e ualingu pēsahiding sire ini e. ²¹ Ia e mēkēkalīomaneng, Amang, malowoko i sire kēbi e masēmbau, kerewe i Amang e nasēmbau dingangKu, kerene lai Ia dingang i Amang. Malowoko i sire masēmbau dingang i Kite, tadeau dunia e mangimang u i Amang e kai rimoloh'u Ia. ²² Ia e seng bou napakawantug'i sire ringangu kawawantugu Ruata ku seng niongo Sia e, tadeau i sire masēmbau, kerewe i kite malaing sēmbau; ²³ Ia dingangi sire, mase i Amang dingangu Ia;

tadeau i sire mamben tēngadē sēmbau. Tangu dunia e makaka-singka u kawe i Amang dimolohu Ia e, dingangu i Amang kukēndag'i sire kere i Amang kukēndagu Ia.

²⁴Amang, Ia kai mapulu tadeau i sire ku nisarakang i Amang si Sia e, ene ringangKu suapan Ia ene, tadeau i sire makasilo kawawantugēKu e; ku ene kai kawawantugi Amang nionngo e Sia, batu i Amang e kukēndagu Ia e, rokeng dunia e ta nīdia-di. ²⁵I Amang ku adilē e! Dunia e wēgawen Amang, arawe Ia e masingkabēn Amang; dingangu i sire ini e masingka u i Amang e rimolohu Ia e. ²⁶Ia e seng bōu nēlahēu areng i Amang si sire; ringangu Ia e sarung tawē umpade mēkoā kerene, tadeau kakēndagu i Amang si Sia e tatapē bue suralungu naung i sire, dingangu Ia nasēmbau dingang i sire."

Mawu Yesus nisame

(Mat. 26:47-56; Mrk. 14:43-50)

(Luk 22:47-53)

18 Saraeng Mawu Yesus bōu nēkaliomaneng kerene, i Sie ringangu manga murid'E nakoā solong sēmbēkang salu u Kidron. Sene pia bawaelang sēmbau, ku Mawu Yesus di-

ngangu manga murid'E simuē su wawaelang ene. ²I Yudas tau e mēbēbalu e masingka u tampa ene; batu Mawu Yesus e masau mēkomolē dingangu manga murid'E sene. ³Tangu i Yudas tamai e solong tampa ene ku nēbawa wuntuang u soldadong Romawi ringangu manga mēndariaga Baḷem Mawu pirangkatau apan nirolohu manga imang tēmbonange ringangu i sire tau Farisi. I sire nēmpēbawa aghidē, lēntera, ringangu oborē. ⁴Mawu Yesus masingka u patiku apan sarung mariadi su watangeng'E. Tangu i Sie rimani si sire ku nakiwalō, "I kamene kai mēdēdeā si sai?"

⁵"Yesus, tau Nazaret," unguēng i sire.

"Seng Ia e i Sie," unguēng u Mawu Yesus.

I Yudas tahapēsuniaḷē e ruḷarisi sene ringang i sire. ⁶Pia e Mawu Yesus nēhengetang si sire u, "Seng Ia e i Sie," ute kēbi e nēmpēsohō ku apidu nēngkawatang su ēntana. ⁷Sau kapia Mawu Yesus nakiwalō si sire, "I kamene kai mēdēdeā si sai?"

"Mēdēdeā si Yesus tau Nazaret," angkuēng i sire.

⁸"Seng Taku niwera u, seng Ia e i Sie," unguēngu Mawu Yesus. "Ku kereu mambeng Ia e

rědeakeng i kamene, ute walæke-re i sire waline ini e aparaleng.” (9 Dingangu nēhengetang kerene, nariadi e apa kŭ seng nipēhenge-tang u Mawu Yesus nāung: ”Amang, bōu i sire apan nisarakang i Amang si Siā e, tawēu sarang sengkatau nailang.”)

10 I Simon Petrus mēngkate-we nanawŭ pēda niwawane kŭ namili darolohangu imang gagherē hakiŭ nahēnsi tuŭline koaneng. Arengu ēllang ene ute kai i Malkus. 11 Tangu Mawu Yesus nēhengetang si Petrus, ”Suhŭ e saŭ pedanu e su homane! Unŭe i kau māngēnnau lā e tawe sarung mēnginung bōu lainumangu kasa-sigēsā e kŭ seng nionggo i Amang si Siā e?”

Mawu Yesus niwawa nipētēngon Hanas

12 Mase manga soldadong Roma ringangu manga tēmbonange ringangu manga mēndariaga Yahudi e naname e ringangu nēhapusē Mawu Yesus. 13 Humotong i sire nangētud’u Mawu Yesus niapētēngon Hanas, i amang i Kayafas kinaratingang. I Kayafas e kai imang masēllahē su taung ene. 14 Kŭ kai i sie nāung seng

nanēgu manga mēngangawasang Yahudi e ēndokangbe sengkatau mate ipēngaŭuang sengkawanuaēnge.

I Petrus nēsuniaŭu Mawu Yesus

(Mat. 26:69-70; Mrk. 14:66-68)

(Luk. 22:55-57)

15 I Simon Petrus dingangu muritē lai sengkatau timolē Mawu Yesus. Manga muritē baline ini e kai sēngkanarangu imang masēllahē, hakiwen i sie simuē sēngkakasuē dingangu Mawu Yesus solong dēllahu waleng imang masēllahē e, 16 arawe i Petrus e māngampalē sulikude, sutukadē. Susamurine manga muritē baline e simēbang ku nēbisara ringangu mētatangkiang bawine mēndariaga tukadē, mase nēbawa si Petrus simuē solong dalunge. 17 Tau wawine mētatangkiang mēlahapa tukadē ene e nēbera si Petrus, ”Ei, balinewe i kau lai sēmbau bōu timolē tau rasŭ e?”

”Baline,” unguēng i Petrus.

18 Su tempo ene mawalēnguhē, kŭ manga mētatangkiang dingangu manga mēndariaga e seng nēmpēhunŭ u putung su woheng kŭ nēmpendarangke sene. I

Petrus himaungke tamai ku di-
marisi nendarang dingangi sire.

Imang masëllahë mananësui Mawu Yesus

(*Mat. 26:59-66; Mrk. 14:55-64*)

(*Luk. 22:66-71*)

¹⁹ Imang masëllahë e
mananësui su Mawu Yesus e
maanun manga murit'E ringang-
u kakakoā u tēntiron'E. ²⁰ Ma-
wu Yesus simimbang, "Ia e
mēngkate hanesë mēbēbisara ma-
tulidë su tēngon ļawo. Ia e
hanesë manēntiro su manga
waleng pēkakaliomanengang di-
ngangu suralungu Baļem Ma-
wu, tanpaeng pēkakomolangu
tau Yahudi e. Ia e tawë sarang
sēnsulë pia apa niwisara pēkēkalī-
rung. ²¹ Ku kawē unū i Tuang
mananësui si Sia? Pakiwalōe si
sire apan seng nakaringihë si Sia
manēntiro. Nalahe u i sire ma-
singka u apan Taku niwera."

²² Pia i Yesus kapēlehenge-
tange kerene, sēngkatau wou
mēndariaga sene nameru si Sie ri-
ngangu nēbera, "Kai kawahani i
Kau mēbisara kerene su tēngon i-
mang masëllahë!"

²³ Mawu Yesus simimbang,
"Kereu Ia mauļi u apang ku
nēsala, ute paulikō kaia saļane!
Kai kereu waweraKu e kawē nihi-

no, kawē unū i kau nameru si
Sia?"

²⁴ Su samurine i Ha-
nas nangoro e taumata nia-
pangēntudë Mawu Yesus maļa-
hante soļong anun Imang Ma-
rangë i Kayafas.

I Petrus nēsau kapia nēsunialu Mawu Yesus

(*Mat. 26:71-75; Mrk. 14:69-72*)

(*Luk. 22:58-62*)

²⁵ I Simon Petrus bēdangbe
lain dūdarisi mēdēndarang sene.
I sire nēmpēbera e si sie, "Baļi-
newe i kau ļai tutole tau ene?"
Arawe i Petrus e mang nēsuniaļë
u, "Waline!"

²⁶ Sēngkatau rarolohangu i-
mang marangë, anau sēmbau
i anu tuline nisahing i Petrus
e nēbera, "Baļinebe ia naka-
silo si kau su wawaelang ene
mēdēdingang i Sie?"

²⁷ Mase i Petrus nēsuniaļ'i
Sie kapia, "Tala," – ku nēkēta u
orasë ene manu kimuku e.

Mawu Yesus nētēngon Pilatus

(*Mat. 27:1-2, 11-14; Mrk. 15:1-5*)

(*Luk. 23:1-5*)

²⁸ Ēllo e seng mēbēmbanaho
i sire nangēntud'u Mawu Yesus
bou waleng Kayafas soļong ista-

nang gubernurê. I sire tau Yahudi e tawe nahunsuê solong dalungu istana, maḍiring maka-salamaⁱ si sire tuhu dalungu agama, batuu i sire mapulu lai mēmpangidopu simokoḷu Paskah. ²⁹Ualingu ene i Pilatus simēbang nakoḷ solong anun sire ku nakiwalo, "Kai apa pēsasalan tau ēndai e iwēbawang kamene?"

³⁰I sire nēmpēsimbang u, "Mangawe i Sie tawē salane, ute i kami e tawe manondan Sie su anun Tuang Gubernurê."

³¹I Pilatus nēbera si sire, "Alae i Sie ku hukungke tuhūewe torat'i kamene hala!"

Kai tau Yahudi e simimbang u, "I kami e tawe wotonge mēnawong hukumangu papate su taumata." (³²Ini nariadi e tadeau naghanapē kere seng nipēhenge-tang u Mawu Yesus maanung kakakoḷ u i Sie sarung mapohong.)

³³I Pilatus simuē kapia su istana ku nēkui Mawu Yesus, ku nakiwalo u, "I Kau e ratung tau Yahudi e?"

³⁴Mawu Yesus simimbang, "Apa kakiwalo ini e wou watangeng hala arau kai pia u

waline ku seng nēhabaru Ia e si Tuang?"

³⁵I Pilatus simimbang, "Ia kawe tau Yahudi tangu? Taumata ku nēnarakang i Kau si sia e kai kawanuan'U hala ringangu manga imang tēmbonange. Ku apae seng nikakoḷ u e?"

³⁶Ungkuēngu Mawu Yesus, "KararatuangKu e walineuwe wou dunia ini. Kai manga kararatuangKu e wou dunia ini, ute angkeēng apan taumataKu e sarung mētahutēnda u Ia e, tadeau tawe isarakang su manga mēngangawasan Yahudi. Kaiso mambeng kahēngang u kararatuangKu e asale walineuwe wou dunia ini!"

³⁷Tangu i Pilatus nakiwalo si Sie, "Maeng kerene Datu i Kau tangu?"

Mawu Yesus simimbang, "I kau nēbera u Ia kai ratu. Ia e nawantelē dingangu rimēnta su dunia e kētaeng baugu timona sēmbau, tadeau kai mēsahiding katēngadē. I saing ku asale wou katēngadē e, mambeng dūdarinhē si Sia."

³⁸I Pilatus nakiwalo si Sie, "Kai a mangalene katēngadē e?"

ⁱ makasahaghe

Mawu Yesus nihukung pateeng

(Mat. 27:15-31, Mrk 15.6-20)

(Luk 23:13-25)

Mase i Pilatus simëbang kapia wou istana ku nëbera su tau Yahudi, "Ia e tawe nakareä pësasala sarang sëmбай si Sie. ³⁹Kai tumuhu tundung kamene, ia e sëntiniä makapëliwir'u sëngkatau wou taumatan hukumang su Ëllon Salimbangu Pas-kah e. I kamene mapulu ia mapakaliwir'u ratun tau Yahudi e waug'i kamene?"

⁴⁰I sire simimbang nëmpamansagë u, "Tala, kumbahang i Sie, pamëlloen Barabas!" (I Barabasë ute kai sëngkatau tahapëhampasë sahiun tahapëmate.)

19 Su samurine i Pilatus simuë e ku nangoro si sire nakilimad'u Mawu Yesus. ²Manga soldado e nëmpëkoä e makota wou manga hakonda pia larange, mase nipakë su tëmbo u Mawu Yesus. Bou ene i sire nëmpëluheen laku manandu awäe kamumu, ³mase taghalë mëkëka-kuwalï mahundënta su anun'E ku mëmpëbëbera u, "Karaluhë datun tau Yahudi!" Bou e i sire nëmpameru si Sie.

⁴Bou ene i Pilatus sau simëbang sënsule ku nëbera su taumata lawo e, "Kakëllako! Ia manondan Sie sulikude anung kamene, tadeäu i kamene masingka u ia tawe nakareä pësasala sarang kadidi-didi si Sie." ⁵Tangu Mawu Yesus simëbang ku nëpake u paporong makota pia larange ringangu kakingkaenge kamumu. Tangu i Pilatus nëbera e si sire, "Kakëllako tau ëndai."

⁶Ene sarangke manga imang tëmbonange ringangu mëndariaga e nakasilöe Mawu Yesus, i sire nëmpamansagë u, "Kuruise i Sie! Kuruise i Sie!"

I Pilatus nëbera si sire, "Ala e i Sie, ku kuruiseng kamene hala, u ia e tawe nakaëba pësasala sarang sëmбай si Sie."

⁷Tau Yahudi e nëmpësimbangu, "Tumuhu torat'i kami e, i Sie harusë kahinoëngu hukumang papate, batuu i Sie manganakun batangeng e Ahus'u Ruata."

⁸Ene i Pilatus nakaringihe si sire nëmpëbera kerene, ute i sie saunengke lai nataku. ⁹Tangu i sie simuë e kapia solong dalungu istana ku saraeng Mawu Yesus niapasuë, tangu i Pilatusë e nakiwalö si Sie, "I Kau e asaë kai wou a?"



Manga soldadong Roma (19:2)

Mawu Yesus e tawe simimbang. ¹⁰Tangu i Pilatus nēbera kapia, "Kai madiri i Kau mēbisa-ra ringanku? Kasingkako iā kai kawasa mēliwir'i Kau ringangu kawasa mēnguruis'i Kau."

¹¹Mawu Yesus simimbang, "Kereu Ruata e tawe mangonggo u kawasa ene si kau, ute mamben tēngadē i kau e tawe makapēngawasa sarang kadodo su watangengKu e. Ualingu ene tau-mata ku nēnarakang u Iā si kau e, limembong kasēllahe rosane wou rosanu."

¹²Sarangke i Pilatus nakaringihē ene, i sie mēdēdeā dalengu mēliwiru Mawu Ye-

sus. Kai taumatan Yahudi e mēmpēbēbuheang u, "Kereu i Tuang mēliwir'i Sie, ute i Tuang baḷinewe ringangu Kaisarē! Tau-mata ku mangakun batangenge ratu, kai rudoḷa Kaisarē!"

¹³Ene i Pilatus nakaringihē manga wawera ene, i sie nēbawā e Mawu Yesus sarang ḷikude mase naiangke su kaderan pēgaghutaēng e su tampa isēsēba Ēmpahē Batu. (Su werang Ibrani isēsēba Gabata.)

¹⁴Tempo ene maraning pukulē mapulo dua ḷello rangē, su ḷello kaḷamonang Ēllon Saḷimbangu Paskah. I Pilatusē e

nëbera si sire ene, "Ini e ratung kamene!"

¹⁵I sire mëmpëbëbuheang u, "Pate e i Sie! Pate e i Sie! Kuruise i Sie!"

I Pilatus nakiwalo, "Mihino wue ia manguruisë datung kame-ne?"

Manga imang tēmbonange simimbang u, "Kētaeng Kaisarë e samatang datung kami e!"

¹⁶Tangu i Pilatus e nanarakangen Mawu Yesus si sire, mëdeau ipakikuruisë. I sire nëmpëngalae Mawu Yesus e, ku niwawaen sire.

Mawu Yesus nikuruisë

(Mat. 27:32-44; Mrk 15:21-32)

(Luk. 23:26-43)

¹⁷Mawu Yesus simëbange ke kapëmasaenge kalung kuruisë sēsane solong tanpa isēsëba "Tampa u Raran Tēmbō". (Su werang Ibrani isēsëba Golgota.)

¹⁸Su tanpa ene i Sie nikuruisë. Piako lai ruangkatau waline nikuruisë; sengkatau su sēmbëka kaihi, sengkatau e lai su sēmbëka koaneng arawe Mawu Yesus e sutaloarane. ¹⁹Su kalung kuruis'u Mawu Yesus tangu i Pilatus nangorongkon pētataingu wohe kerei: "Yesus bōu Nazaret, Datun Tau Yahudi". ²⁰Lawo tau-

matan Yahudi e nëmpëbasa wohe ene, batuu tanpa u Mawu Yesus e nikurisë tawë karaune wou soa e. Bohe ene suralungu werang Ibrani, Latin, dingangu Yunani. ²¹Manga imang tēmbonange nëmpëbera si Pilatus, "Abe pamohë u 'Ratun tau Yahudi', kaiso woheko, 'Tau ini e nëbera, Ia e Ratun tau Yahudi.'"

²²Arawe i Pilatusë e simimbang u, "Apan seng taku niwohe e, tatapë kabawohë."

²³Bouten manga soldado e nëmpënguruisë Mawu Yesus e, i sire nëmpangala e pakeang'E. Pakeang ene nipahia i sire ëpa: ku sengkatau-sengkatau e nakaëba e pēsëmbahageang. I sire nëmpëngala lai kakingkaeng'E. Kakingkaeng ene tawë gepe e, nikahiwu tinalung bōu rasi sarang bawa. ²⁴Manga soldado ene nëmpëbisarae sēmbau su waline, "Abe papoto i kite e kakingkaeng ini. Mahie i kite mëkoā lahuri tadeau mēnsang i sai wue kahombangeng." Halë ene nariadi tadeau misēhue apan seng mabawohë suralungu Winohe Susi, u:

"I sire e nëmpëpapahiau pakeangKu, dingangu nëmpëdalahuri baugu kakingkaengKu."

Ku i sire soldado e mang nēmpēkoā kerene.

²⁵ Marēduhu kuruis'u Mawu Yesus e mahundarisi i ninangu Mawu Yesus, tuaring i ninang'E, Maria kawingi Kleopas, dingangi Maria Magdalena. ²⁶ Ene Mawu Yesus nakasilo e si ninang'E ringangu murit'E kēkapiaēnge rударisi sene, i Sie nēbera si ninang'E, "Inang, ěndai e ana i Ninang."

²⁷ Bōu ene Mawu Yesus nēhengetang su murit'E ene, "Ěndai i ninangu." Nanēta bōu ene muritē ene, nēnarima i ninangu Mawu Yesus nētana su walene.

Kapapohongu Mawu Yesus

(Mat. 27:45-56, Mrk 15:33-41)

(Luk. 23:44-49)

²⁸ Mawu Yesus masingka u patiku e seng nasueng koā e, mēdeau apan seng kabawohē suralungu Winohe Susi e mariadi, i Sie nēhengetangke, "Ia e kai narou."

²⁹ Su tampa ene piako lainu-mang napenē u anggorē mahaesē. Tangu wungang saghe e nilaehē su anggorē e, ku nituhē u pon-

doļu kalun hisop, bōu e niogorē su wiwihu Mawu Yesus. ³⁰ Mawu Yesus e nanēsū e akē u anggorē e, ku nēhengetangu, "Seng naghanapē!"

Mase i Sie nētēngkalēin tēmbōe ku napohong.

Mawu Yesus nitēka

³¹ Kalawōu mēngangawasang Yahudi e tawe mapulu walunangu taumata apan nighantonge mēngkai tatapē kagaghangtong^j su kalu pinēkēhusē e su ěllon Sabatē, limemboete lai Sabatē sēnsulē ini e kai Ěllo Mawantugē nanētani. Batū ěllon Mawu Yesus nighantonge nihino sahēllo nakalimona wōu Sabatē ene, tau Yahudi e mēdēdorong si Pilatus mēnsang botonge i sire mamēdi laedu taumata apan seng nighantong, dingangu mēlintu u manga maietē e wōu kalu kurisē. ³² Tangu manga soldado e nahundēnta ku nēmpamamēdi laed'i rēdua magaghangtong dingangu Mawu Yesus. ³³ Pia i sire nahumpa u anun Mawu Yesus e, tangu i sire nakasahidi e u i Sie seng napohong. Hatede i sire tawe nisēhū namēdi laed'E. ³⁴ A-

^j kabawiting

rawe sēndihangu Mawu Yesus e nisuus u wēngko kahian sēngkatau wou manga soldado ene; ku nēboangke raha lau u ake.

³⁵ Taumata ku nakasilo hala su kararariadin halē ene, ute kai i sie mēsahidin halē ene, tadeau i kamene maiaing mangimang. Tangu sasahidine e mambeng kahēngang, dingangu i sie masingkau ene kahēngang. ³⁶ Halē ene nariadi e tadeau maghanapē apang mābawohē suralungu Winohe Susi, u "Tawē u manga sarang kadiongeng sēmbuā wou ruhin'E sarung papēdiang". ³⁷ Suralungu Winohe Susi e maiaing kabawohē: "I sire tangu sarung mēmpēmāda si Sie ku seng tinēka i sire".

Pēnanampa Mawu Yesus

(Mat. 27:57-61; Mrk. 15:42-47)

(Luk. 23:50-56)

³⁸ Bōu ene i Yusuf bōu Arimatea mēdēdorong si Pilatus tadeau i sie iapakawala mēngala balunangu wadang u Mawu Yesus. (I Yusuf ute kai murid'u Mawu Yesus ipēbēbawuni, batu mataku u manga mēngangawasang Yahudi.) I Pilatus napakawalan sie, ku tamai e i sie

nēngala balunangu wadang u Mawu Yesus. ³⁹ I Nikodemus ku naung kalimoana wou rimēnta su anun Mawu Yesus su tempong hēbi, ku dimaleng sēngkaraeng dingangi Yusuf. I Nikodemus kai mēbēbawa mur lau u gaharu – pia u manga tēllum puo sukilone kawēha e. ⁴⁰ I rēdua e nēmpangala e walunang u Mawu Yesus e ku mase nipikunge ringangu heka papikunge sēngkawēkisē dingangu manga wēngi e timuhu e tundung pēlalēbingu tau Yahudi e. ⁴¹ Su sēmpalangke pinēnggantongang u Mawu Yesus pia winalaeng sēmbau. Suralungu winalaeng ene pia kubulē buhu sēmbau tawe nipēpake baugu pēnampakeng taumata. ⁴² Ualingu kawe masandigē kubulē ene ringangu kawe seng maraning pēnanēta u ēllon Sabatē e ute Mawu Yesus e nītampaen dēdua sene.

Kubulē ta lohōne

(Mat. 28:1-8; Mrk. 16:1-8)

(Luk. 24:1-12)

20 Su kaloēngen Misa, ku deng bēdang marēndung, i Maria Magdalena e nakoā solong kubulē. Ene i sie nakasilo

e watu lahēpinge kai seng naenso bou lohangu kubulē e. ²Tangu i sie timalangke nēdea si Simon Petrus dingangu muritē kēkapiangu Mawu Yesus, ku nēbera si sire, "Mawu e seng niala i sire wou kubulē, ku ia e wēga mēnsang i Sie nipellō suapa."

³Bou e i Petrus dingangu muritē baline e natamai e solong kubulē. ⁴I rēdua e nahuntalang, kai muritē sēngkatau e kai limembon kahawese wou i Petrusē, hakiwen i sie nahumpa kakalimonaēnge su kubulē. ⁵I sie naralinge e suralungu kubulē e ringangu nakasilo e heka kakēngkainge kapapellō sene, kai i sie tawe kadionge simuē. ⁶I Simon Petrusē e nakatole e wou likude, apidewe nasuē solong dalungu kubulē e. I sie nakasilo heka kakēngkainge mapapellō sene, ⁷Arawe heka bawēkisē tembo u Mawu Yesus e tawēdisē surēduhe, batuu kai kadamulung natētani.^k ⁸Bou e muritē ku nakalimona nahumpa u kubulē e malaing nasuē dingang. I sie nakasilo ringangu nangimang. (⁹Sarang tempo ene i sire reng bēdang ta nakaēnna apan mābawohe suralungu Winohe Susi u i Sie harusē mēbangung bou papa-

te.) ¹⁰Bou ene muritē darua e nēngkapulē.

**Mawu Yesus napasilon
batangeng'E si Maria
Magdalena**

(*Mat. 28:9-10; Mrk. 16:9-11*)

¹¹I Maria Magdalena e rudarisu tēngon kubulē e kasangi e. Pia i sie susangi e, i sie rimalingeko solong dalungu kubulē, ¹²mase i sie nakasilo malāekatē duangkatau pakeange mawira. I rēdua māhungkaiang su pia ēnnau tampa u walunangu Mawu Yesus, sēngkatau su pia tēmbōe, arawe sēngkatau lai ute su pia laede. ¹³Manga malāekatē e nakiwalō e, "Inang, kawe susangi unue i kau e?"

I Maria simimbang, "Kai pia u nēmpēngala Mawuku e, dingangu ia bēga mēnsang i Sie kai nipellō suapa."

¹⁴Bouten nēbera kerene, i sie nēbihue solong likude kutēu kawe nakasilo Mawu Yesus rudarisu sene. Kai i sie wēga wue u ene kai nāung Mawu Yesus. ¹⁵Mawu Yesus nakiwalō si sie, "Inang, kawe susangi unue i kau e? Kai i sai rēdeakengu e?"

I Maria e māngiralang u tau ene kai mēlahēnsinuang ku i sie

^k kalahae

něbera e si Sie, "Opō, kamageng u kai i Opō nēngal̄ing i Sie wōu i-ni e, ute tulungko paul̄i si siā, kai nipēllo i Opō suapa i Sie tadeau iā makaal̄a bue."

¹⁶ Mawu Yesus nēhengetang si Sie, "Maria!"

I Maria nēbihi solong anun Mawu Yesus ku nēbera su werang Ibrani, "Rabuni!" (Mangalene "Mananēntiro".)

¹⁷ "Abe pēnenggehē si Siā," unguēngu Mawu Yesus si sie, "ualingu Iā e kai wēdaweng tawe natarai solong anung Amang. Kaiso rakōe kakoā solong anun manga ana u sēmbauKu, ku pēhabarēko si sire u Iā kai reng matarai solong anung Amang-Ku dingangu i Amang i kamene, DuataKu ringangu Duatang kamene."

¹⁸ Tangu i Maria e rimalengke nēhabarē su manga murit'u Mawu Yesus u i sie kai seng nakasilo Mawu ringangu Mawu e seng nēhengetang u kēbi ene si sie.

Mawu Yesus napasilon batangeng'E su manga murit'E

(Mat. 28:16-20; Mrk. 16:14-18)

(Luk. 24:36-49)

¹⁹ Su ēllon Misa lai ene, ku nahēbje, ute manga murit'u Mawu Yesus nēmpēkomolē su wale sēmbau ku manga tukade kapapale, batuu i sire kai matakū u manga mangangawasang Yahudi. Sēngkalēndiu Mawu Yesus narēntae ku dimarisi su taloaran sire apidu nēhengetang, "Karaļunsemahē si kamene."

²⁰ Bōuten nēhengetang kere-ne, i Sie nanodeen liman'E ringangu sēndihang'E. Su tempōen i sire nakasilo Mawu e mēngkate apa maraļuasē. ²¹ Mase Mawu Yesus saūewe nēhengetang sēnsule, "Karaļunsēmahē si kamene. Kerēwe i Amang dimoloh'u Iā, ute kerene lai Iā e dumoloh'i kamene." ²² Bōu ene i Sie nēniū u singongan'E si sire ringangu nēhengetang, "Pēmpēnarimae Rohkē Susi. ²³ Kereu i ka-

mene mēmpangampungbe rosan pēsēngkatau e, Mawu Ruata e ma_rlaing mēgēlliu ampunge. Kereu i kamene tawe mēgēlliu ampung rosan pēsēngkatau e ute Ruata e ma_rlaing tawe mēgēlliu ampunge.”

Mawu Yesus dēduan Tomas

²⁴I Tomas (nisēba si ”Hindua”), sēngkatau wou i sire mapulo dua murid’u Mawu Yesus, tawē dise sutaloaran murid’E waline su tempon Mawu Yesus dimēnta. ²⁵Tangu manga murid’u Mawu Yesus baline e nēmpēbera si Tomasē e, ”I kami e seng nakasilo Mawu!”

Arawe i Tomasē e simimbang, ”Kereu ia e wēdang tawe nakasilo ēnna_ru paku su liman’E, ringangu tawe nakapēnuhing talimēdoku su ēnna_ru u lese_ru paku e ringangu tawe nakapēnenggehu limaku su sēndihang’E, ute ia mang bēdang tawe mangimang.”

²⁶Sēngkamisa tuhu e manga murid’u Mawu Yesus natampung kapia su tampa_r ene, dingangu i Tomasē e ma_rlaing ene. Kalawou tukadē e mapapale. Kai

Mawu Yesus e natēntung ku di-marisi sutaloarang sire, mase nēhengetang, ”Karalunsemahē si kamene.” ²⁷Bou e Mawu Yesus nēhengetang si Tomasē, ”Kakēlla e limaKu, ku suhi e talimēdonu e sini. Ogorē limanu ku pēnaghipo sēndihangKu. Kuhae mēndapatē,¹ kai pangimangke!”

²⁸I Tomasē e nēbera su Mawu Yesus, ”Mawuku, ore Ruataku!”

²⁹Tangu Mawu Yesus nēhengetang si sie, ”I kau e nangimang batu seng nakasilo si Sia, arau ēng? Kariangkamang taumata ku mangimang manilaing tawe nakasilo si Sia e!”

Timonam bukē ini

³⁰Lawo lai wēdang tanda makalaharang baline e kinoa_ru Mawu Yesus su tēngon manga murid’E, kai tawe niwēbohe suralungu bukē ini. ³¹Kaiso patiku ini e niwohe, tadeau i kamene mangimang u Mawu Yesus e kai Ratu Mēnana_ramatē, Ahus’u Ruata, ku ualingu mangimang si Sie, ute i kamene makahombang pēbawiahē.

¹ delaing ria-ria = jangan ragu-ragu lagi

Mawu Yesus napasilon
batangeng'E su murid'E
pitungkatau

21 Bəu ene Mawu Yesus napasilon batangeng'E kəpia su ranong Tiberias su tēngon manga murid'E. Kereini katatainge: ²Su sahēllo, i Simon Petrus, i Tomas nisəbə si Hindua, i Natanael bəu Kana su Galilea, manga anə i Zebedeus, dingangu murid'E rarua wəline kapētētampungə. ³Ungkuēng i Simon Petrus su manga ringange, "Iə e kai mapulu sasə məpakisaghe."^m

"I kami e tumolə," unguēng i sire si sie. Tangu sasə e i sire nēmpəsake sakaeng. Kuteu kənduəwen hēbi ene i sire tawe nakasoma apa-apa. ⁴Ene saraeng matanggəllo e kəsəbange, Mawu Yesus e rimarisi su apeng, kaiso i sire wəgawue u ene kawə Mawu Yesus e. ⁵Mawu Yesus nēhenge-tang si sire, "E, manga anə, piəbe kinə i kamene?"

"Tala," unguēng i sire.

⁶Mawu Yesus nēhengetang si sire, "Təntangko somang kamene su koaneng u sakaeng, kə i kamene sarungbe makaəbə kinə." Tangu soma e nitəntangken si-

re, kai tawe nakaumalə sau nēmōlēng ualəngu kalawəu kinə suralunge.

⁷Muritə ikəkəndagu Mawu Yesus e nəbera si Petrus, "E pai Mawu!" Pia e i Simon Petrus nakaringihə u pai ene kai Mawu, ute i sie nēluheən pakeange (batu i sie kai tēntolə) mase timumpa e su akə. ⁸Muritə baline e nēmpətolə sarang dulunge ringangu sakaeng kapēmōlēngə soma napenə u kinə. I sire tawe tumaniu marau wəu rułunge lēnnaēng mangawə kətau mahasu su metere karaune. ⁹Ene i sire natumpəe wəu sakaeng, tangu i sire nakasilə tətuhu putung kə piə kinə mađaləngkang su wowone ringangu borotə. ¹⁰Mawu Yesus nēhengetang, si sire, "Kənangko ramahi pəbawa manga pirambua kinə buhu nisanə i kamene."

¹¹I Simon Petrus tangu simakə e su sakaeng, kə nēmōlēngke soma sarang dulunge. Soma e mēngkatewe napenə u kinə gaghaghuwə; kəbi e mahasu limam pulo təllu su wuane. Kə maning kinə malawə kerene, kai soma e tawe naghədə. ¹²Mawu Yesus e nēhengetang si sire, "Mahi e

^m məname kinə = menangkap ikan

21:3: Luk. 5:5 21:6: Luk. 5:6

i kite męsimokolę.” Kai mang tawę u sęngkatau wou i sire manga murit'E wahani makiwalu u, "I Tuang kai i sai?" Batųu i sire masingka u i Sie kai Mawu. ¹³Tangu Mawu Yesus himaungke si sire ku nęngala e borotę ene, bou e nęngonggo si sire. Ku i Sie malaing nękoa kerene su kina e-ne.

¹⁴Ini e kai katęllun sulene Mawu Yesus napatode u watangeng'E su manga murit'E samurin i Sie niapębangung bou papate.

Mawu Yesus dingangi Petrus

¹⁵Bouten i sire nahungkaęng, tangu Mawu Yesus nęhengetang si Simon Petrus, "Simon, ana i Yona, i kau kukęndagęben Ia li membo wou i sire ęndai e?"

"Tęngadę Mawu," ungkuęng i Petrus, "Mawu e masingka u ia kukęndagęben Mawu e."

Mawu Yesus nęhengetang si sie, "Tangkianeko" manga dombaKu."

¹⁶Su karuan sulene Mawu Yesus nakiwalu si sie, "Simon ana i Yona, i kau kukęndagęben Ia e?"

"Tęngadę, Mawu," ungkuęng i Petrus, "Mawu e masingka u ia kukęndagęben Mawu e."

Mawu Yesus nęhengetang si sie, "Tangkianeko manga dombaKu."

¹⁷Katęllun sulene Mawu Yesus nakiwalu si sie, "Simon ana i Yona, i kau kukęndagęben Ia e?"

I Petrus męngkate masusa naunge u Mawu Yesus kawę nakiwalu si sie sarang katęllun sulene. Tangu i Petrus nęsaųewe simimbang, "Mawu, Mawu e masingka u kalawou kębi. Mawu e masingkaben ia e kukęndag'u Mawu e!"

Bou e Mawu Yesus nęhenge-tang si sie, "Tangkianeko manga dombaKu. ¹⁸Tęnga-tęngadę baweraKu ini: Su tempon i kau reng umbaseng, i kau sęsanu męngkate mamęgong kaluwaengu, ku męngkawę mędędaraleng balawę solong tanpa sude tuųewe kapulunu. Arawę kamageng i kau seng maghurang ute, i kau męngogoru limanu ku taumata waline mamęgong i kau ringangu mębawa si kau solong tanpa ikękadirinu." ¹⁹(Dingangu manga wawera ene Mawu Yesus męlęlahęu kereapa i Petrus sarung mate ualingu pęmamantugę

ⁿ Lukade, lukare, paduļie = Peliharalah

Duata e.) Bɔu ene Mawu Yesus nēhengetang si Petrus, "Tolę e si Sia!"

Mawu Yesus dingangu manga murid'E waline

²⁰ Su tempong i Petrus nēbi-hu solong likude, i sie nakasilo muridę ikękędag'u Mawu Yesus. (Seng i sie kukaian su rėduh'u Mawu Yesus kapęsęsimokole kų nakiwalo si Sie, "Mawu, kai i sai sarung mębaļu u Mawu e?")

²¹ Nakasilo si sie, i Petrus nakiwalo su Mawu Yesus, "Mawu, kai kereapa wue i sie ini e?"

²² Mawu Yesus e simimbang, "Andene Ia mapulu tadeau i sie katatana biahę sarang Ia maręnta, ene e walineuwe halę u. Kai i kau e, tolę e si Sia!"

²³ Tangu nakekę e habarę su taloaran manga murid'u Mawu

Yesus, u muridę ene e tawe mate. Sęmbaliau Mawu Yesus e tawe nębera u muridę ene tawe mate, kaiso kai: "Andene Ia mapulu i sie katatana biahę sarang Ia maręnta e, ene walineuwe halę u."

²⁴ Muridę ene e męsęsahidi maanung kębi halę ini e. Malaing i sie seng namohę u ene. Dingangu i kitę kębi masingka u apan seng nipahumbisane ene mambeng tęgadę.

Bawera pęngęsueęge^o

²⁵ Będangbe lawo lai halę baline kinoa u Mawu Yesus. Andene kębi e mang bohekang e sęmbau-sęmbau, ute taku lęęnaęng u maningbelain dunia sęmbau e kai tawe kapękionangu kalawou bukę kų sarung bohekang e.

^o pinamondolę = terakhir

MUNARANG MANGA RAROLOHANG

DARUMATINGE

Munarang Manga Rarolohang e kai sasěmpu Bukě u Injilě niwěken Lukas. Gěsin timonang palahumbisarang Munarang Manga Rarolohang ini ute kai mañualagu kereapa kakakoā u manga murid'i Yesus – lěaha-kengu Rohkě Susi – e mangedeng Injilě mañanun Yesus "su Yerusalem, su kaguwañ Yudea, su Samaria, dingangu saraeweng pondolu dunia" (1:8). Bukě ini e kai mēbēbēken karadiahang u Sahani ku niwahēta wou taloarang tau Yahudi mase nasaria nakoā sēmbau agama bau-gu kasēllahu dunia. Mēmamohe bukě ini mēpēpēdangu mambeng hinong mēnoghasē pēngangimang u apang mēbawasa u tau Sahani e bañinewe makoa sēmbau katatanggaēng su kararatuangu u Roma, kaiso agamang Sahani e kai mēsulungu makasuku pēnggaghanapu aga-mang Yahudi e.

Munarang Manga Rarolohang e wotonge mapahia tēllung ba-hageang. Suralungu tēllung bahageang ene e kēkasilo pamamēnahu tampa pangekeēng u Injilě mañanun Yesus dingangu ghahedan Mawu e ipararisi: (1) panētakengu kakanoā u munaran Sahani su Yerusalem samurin Yesus nasapua solong sorga; (2) pēmamēnahē solong manga wanua wañine su Palestina: dingangu (3) palahuntinambang kasēllahe lai solong manga soa wañine mēlėliku laudē Talōara sarang kapon-dolangu Roma.

Pia munara sēmbau malahe dingangu kasēllahenge suralungu bukě u *Munarang Manga Rarolohang* ini e ute kai munarang Rohkě Susi ku dimēnta ringangu kawasan'E su taumata apang mañgimang su Yerusalem su ēllon Pentakosta. Suralungu kēbi halē mañiadi e ku mañawohe su bukě ini e nañahē u Rohkě Susi ene e mang tatapē mēngēngaha dingangu mēnēnoghasē ghaheda ringangu manga pangaha e. Habarē ku itētēntirong agamang Sahani dokeng su tēta-tēta e,

niapakanimbū suralungu sēmbau komolangu manga nasē. Apang halē nariadi kū mābawohē suralungu bukē ini e, mālaing mēlēlahe u kawasang halē ene e suralungu pēbawiahu tau Sahani e ringangu suralungu pēdalahēmpukangu ana u sēngkatau su ghaheda.

Lohone

Pēnanādian pēlahabar'u hengetang	1:1-26
a. Parenta pēngēnsueēnge ringangu riandin	
Mawu Yesus	1:1-14
b. Pēngangaweng si Yudas	1:15-26
Pēlahabarē su Yerusalem	2:1-8:3
Pēlahabarē su Yudea ringangu Samaria	8:4-12:25
Pētatangkiang i Paulus	13:1-28:31
a. Daraleng humotong baugu pēlahabar'u	
Injilē	13:1-14:28
b. Pēralahintau su Yerusalem	15:1-35
c. Daraleng karuanē waugu pēlahabar'u Injilē	15:36-18:22
d. Daraleng katēllune waugu pēlahabar'u Injilē	18:23-21:16
e. I Paulus kere sēngkatau taumatang hukumang su Yerusalem, Kaisarea, ringangu Roma	21:17-28:31

1 I Teopilus makëndagë,
 Suralungu bukëku humotong
 seng taku nitualagë këbi apang
 kinoa dingangu nitëntirong Ye-
 sus dokeng i Sie nanëta u mu-
 naran'E, ²sarang ëllo ini i Sie na-
 sapua solong sorga e. Kalamonan
 i Sie nasapua solong sorga e, di-
 ngangu kawang Rohkë Susi e, i
 Sie nëgëlliü manga sasalëntihö su
 manga rarolohange apang kina-
 pile. ³Sarangke i Sie napohong,
 karënguëweng ëpa u pulo su
 ëllone i Sie masau mëngonggou
 ralenge malahë su manga rarolo-
 hange u i Sie mamben têngadë
 biahë. I sire nakasilo si Sie di-
 ngangu i Sie nëbisarang sire ma-
 nueng kereapa Mawu Ruata e
 mëpëparenta kere sëngkatau Ra-
 tu. ⁴Ku su tempo ene i Sie
 nëkomolë dingang i sire, ku i
 Sie nëparenta kere ini si sire,
 "Abe pëmënsö bou Yerusalem.
 Pëngampalë sene sarang i Amang
 mëngonggou këbi apan seng ni-
 riandin'E, apan seng Taku niha-
 barë si kamene su tempo tamaj.

⁵Batü i Yohanes e nënahani
 ringangu akë, arawe pira ëllo lai
 ramahi e, i kamene sarung saha-
 niang u Rohkë Susi e."

Mawu Yesus nasapua solong sorga e

⁶Pia e manga rarolohange
 makakomolë dingang i Yesus, i si-
 re e nakiwalö e si Sie, "Mawu,
 tempo ini e Mawu mapulu ngae
 mëndarisi kapia Kararatuang u
 tau Israel?"

⁷Mawu Yesus simimbang, "I
 Amang'Ku sësane e nëmoëngu
 ëllone ringangu tempone. Tawa-
 haluasü i kamene masingka u
 halë ene, u ene kai hakë i Amang.
⁸Arawe i kamene sarung ma-
 kahombang kawasa, kamagengu
 Rohkë Susi e seng dimënta si ka-
 mene. Dingangu i kamene sarung
 makoä manga sahidiku su Ye-
 rusalem, su kaguwaü Yudea, su
 Samaria, ringangu sarang pon-
 dolu dunia." ⁹Bouten Mawu Ye-
 sus nëhengetang kerene, i Sie
 nëtëngkasapua solong sorga e
 ikëkasilon sire, ku pia e winawa
 namikung si Sie, hakü seng ta
 nikasilong sire.

¹⁰Pia i sire reng kadalinga-
 rane langi, su tempong i Ye-
 sus nëtëngkasapua, sëngkëlëndü
 pia duangkatau pakeange mawi-
 ra dudarisi su sëmbëkan sire.

¹¹”E i kamene tau Galilea,” angkuëng i rëdua ene, ”unue i kamene mëngkate mahundarisi sene rudalingara langi e? Mawu Yesus ku nikasilong kamene nasa-pua solong sorga e ku kinasilo su têngong kamene e, sarungbe mësule kapia ringangu kakakoꝝ e kerene, kerewe wuhu kinasilong kamene.”

Pëngangaweng si Yudas

¹²Bou e manga rarolohang e nësule kapia solong Yerusalem bou wulud’u Zaitun. Bulude ene, pia u manga sêngkilo karau-ne wou Yerusalem. ¹³Su Yerusalem tangu i sire nakoꝝ solong bale tanpa panumpangeng i sire, ku dimangeng solong kamarë su wowone. Manga rarolohange, i Petrus dingang i Yohanes, i Yakobus dingang i Andreas, Filipus dingang i Tomas, Bartolomeus dingang’ i Matius, Yakobus anꝝ i Alfeus, Simon mëtatahutënda u wanua, dingangi Yudas anꝝ i Yakobus; ¹⁴këbi e mang sêngkanaung mëtampung mëkalïomaneng. I sire mëkalïomaneng sêngkapëkalïomaneng dingangu manga wawine pirangkatau ringang’i Maria i ninang

i Yesus dingangu manga anꝝ sëmbau i Yesus.

¹⁵Pia su sahëllö, su tempong i sire katatampung – pia u manga mahasu duampuꝝ su kataune nasongo e – i Petrus dimarisi mëdeꝝu mëbisara. Ene i sie nëberæ, ¹⁶”Manga anꝝ sëmbau! Apang ku mabawohë su Bukë Susi e mambeng mariadi. Nang su tempo kalamona wou i Daud, Rohkë Susi e seng bou nanëbaꝝ kakakoꝝ i Yudas, tëmbonang u taumata apan nëmpëname si Yesus ene. ¹⁷I Yudasë e kai sêngkatau wou i kite, ku i sie seng nipile maꝝaing baugu mëmunara ringang i kite.”

(¹⁸I Yudasë ini e seng nakaëba ëntana pëndalëbingange wou roit’u karakine raꝝakisë. I sie nanawo ku nate ringangu tiange nabëse ku sarang tinaine nasue nasëbang. ¹⁹Kaꝝawou taumata apang mëmpëtëtana su Yerusalem e masingka u haꝝe ene. Ku kai ene hakïu suwerang sire ëntana ene isësëba Akeldama, mangalene ’Ëntanan Daha’.)

²⁰”Batuu suralungu bukë u Mazmurë e pia mabawohë kereini,
 ’Balæ kere pëtatanakenge
 katatana marëmmasë;

kumbalang sarang piaṽ
sēngkatau matana
suralunge.'

Piaṽ lai maḅawohē kereini,

'Balāete pangkate pakirolōse
su waline.'

21-22 Ualingu ene, harusē piaṽ
sēngkatau tumolē si kiteṽ ma-
koa sahiding Mawu Yesus ku
seng nēbangung kapia wou papa-
te. Tau ene harusēbe sēngkatau
wou taloarang taumata hanesē
dingangi kiteṽ e su tempong i kiteṽ
tutolē si Yesus Kristus e walāe-
we solong apa, dokeng i Yohanes
nanēta nēnahani sarang tempong
Mawu Yesus nasapuaṽ solong sor-
ga wou taloarang kiteṽ."

23 Tangu i sai-sain dimēnta
sene nanēgu ruangkatau, si Yusuf
nisunggahi lai si Barsabas (i sie
isēsēbaṽ lai si Yustus), rēduan Ma-
tias. **24-25** Mase i sire nēkalioma-
neng. Angkuēng i sire, "Mawu,
i Kau masingkaṽ u naungu kēbi
taumata. I Yudasē e kai naḷo-
hosē bou pangkate sēngkatau ra-
rolohang, kutēu selaing nate. Ku
lahēko si kami, i sai wou i rēdua
ini nipilen Mawu ipēgēllirangu
munara e ipēngaweng si Yudas."
26 Bou e areng i rēdua pinēdaḷa-
huri e, mase lahurīe kai nihino

si Matias. Tangu i sie nihengkeṽ
nakoṽ darolohang tadeṽ i sie
sēngkapēmunara ringangu manga
rarolohang i sire mapulo ēsa.

Darēntan Rohkē Susi e

2 Saraeng niḋating u ēllon
Pentakosta e, kaḷawou tau-
mata maṅimang e nētampung
su sēmpalang. **2** Sēngkēlēndiṽ piaṽ
tingihē kinaringihē bou ḷangi ke-
re tatiṽ u anging maiḷa. Baḷe
pinētampungang i sire nahung-
kaiang e mēngkatewe napenē u
tingihē ene. **3** Mase i sire nakasilo
e manga lila mēngēngawē pu-
tung nēdaraē su apan tampa ma-
se rimoroṽ su pusig'i sire sēngka-
tau-sēngkatau. **4** I sire kēbi e
nipēkaradiahangengu Rohkē Su-
si, ku nanēta e nēmpēbisara su-
raḷungu haghing bera walīne. I
sire nēmpēbisara timuhūewe ka-
radiahangu Rohkē e apa hinong
iweran sire.

5 Su tempo ene lawoṽ tau-
matan Yahudi, wou kaḷawou ha-
ghing banua su kaguwaṽ du-
nia e nēmpētanaṽ su Yerusalem.
I sire kai taumata masasatia su
Mawu Ruata. **6** Ene kinaringihe
tingihē ene, maḷawoṽ kahēngang

taumata natampung. I sire kēbi e himēkosē nakaringihē manga rarolohang e nēmpahumbisara su werang sire sēngkatau-sēngkatau. ⁷Maḥerang dingangu rudaḷinau, i sire kapēbisarane, "I sire mēbēbisara ini e kēbi tau Galilea arau ēng? ⁸Kerapa ngae kara-riadine hakiu i sire nakawisara su haghing berang banuang kite sēngkatau-sēngkatau e? ⁹I kite a-saḷe kawē wou Partia, Media, Elam; bōu Mesopotamia, Yudea, ringangu Kapadokia, wou Pontus dingangu Asia, ¹⁰bōu Frigia ringangu Pamfilia, bōu Misirē dingangu wahageangu ēntanan Libia rēduhu Kirene; piābe lai i kite bōu Roma, ¹¹piā tau Yahudi ringangu piā lai taumatang kawanua waḷine ku seng naso-wa agamang Yahudi; piā lai rimēnta wou Kreta ringangu Arabē. I kite kēbi e nakaringihē si sire maḥumbisara su werang kite sēngkatau-sēngkatau e, maḥanun manga haḷē makadaḷinau kēkoateng u Mawu Ruata!" ¹²Mēngka-herang dingangu rudaḷinau i sire kēbi e kapēkakiwalone sēmbau dingangu waḷine, "Kai a mangalene ini e?"

¹³Kai piā lai taumata ku mēmpēlēghesē. I sire nēbera,

"Ah, i sire ene tumbaewen niwukang!"

Nasē i Petrus

¹⁴Mase i Petrus dimarisi dingang i sire manga rarolohang baḷine, i sire mapuḷo ēsa su kataune, bōu e nēbera su taumata lawo ene. Dingangu tingihe maiha i sie nēbera, "Manga ana sēmbau, taumatan Yahudi ringangu patikuēwen mēmpētētana su Yerusalem! Daringihēko pakapia, u haḷē ini e hinong taku tualageng si kamene. ¹⁵I sire ini e waḷinewe wukang, kere su tinēnnang kamene; batu u ini wuhū e pukulē sio maḷukadē. ¹⁶Kai ini e seng bōu nipauli u Mawu Ruata su nabi i Yoël:

¹⁷ Duata e nēhengetang, 'Su
Ēllong Kiamatē e,
Ia sarung mamēmbing u
Rohkē'Ku waugu patiku
taumata.

Manga ana i kamene; manga esē dingangu wawine e sarung mēhabarē si kamene apaeweng Taku ihabarē si sire.

Apang manga rario manganguda e sarung makasilo apan Taku pakipandai si sire.

- Manga ghaghurang i kamene e sarung miping ipi sarung Taku ipaipi si sire.
- 18 Su manga ěllang'Ku – lai baębe eę arau wawine e –, sarung Taku pamęmbi-ngangu Rohķę'Ku suapaeweng ěllo e. Ia sire sarung męhabaru apang Taku ihabarę si sire.
- 19 Ia e sarung mękoę apang makadalinau dasi su langi e, ringangkewelain manga halę makadalinau tawę sihinge bawa su winangunang; sarung pia daha ringangu putung, singangu, ringangu tipu.
- 20 Matangęllo e sarung maręndung, bułang sarung mętęngkahamu kere raha kałamonan ěllon Mawu, ěllo masęllahę dingangu mawantugę ene e rumęnta.
- 21 Su tempo ene, i saing ku męķękui Mawu e sarung ipakasalamatę.' 22 Manga anau sęmbau tau-matang Israel! Pędaringihęko apang taku iwera ini: Mawu Yesus

tau Nazaret ene seng nighęlli-rang u munarane kahian Duata e baug'i kamene manga anau sęmbau. Ene małahę kahęngang su manga apa e makalaherang dingangu manga halę makadalinau tawę sihinge ķękoateng u Mawu Ruata e su tałoarang kamene e nilahę si Yesus e. Kębi ene i kamene hala seng masingka. 23 Natuhęewe su karakin'E hala, Duata e nęmutusu męnarakang i Yesus si kamene. Ku pia e i sie nisarakang, i kamene kawe nęmate si Sie, bọ ene napakawalang taumata rałakisę e nęnguruisę si Sie. 24 Kaiso Mawu Ruata e napębiah'i Sie kapia wọ tałoaran taumata nate. I Sie niselohu papate, arawe Ruata e nęliwir'i Sie, u tawe ipakawala i Sie męngkate hanesę su kawang papate. 25 I Daud bọ mębębera małiu i Yesus,

'Ia e makasilo Mawu ku męngkai hanesę su tęngoku; i Sie ruđęndingang si sia, tadeau ia tawe ghuminuę u apa-apa.

- 26 Hakiu ene ia e rułuasę, dingangu mohongku e męgęgięen daralo,

ringangu ghēsiku e tā
konsange

sarung mēngēngampalē
suralungu lēbing.

27 Batuu i Kau e tawe
mapakawalan himukudēku e
suralungu runiang taumata
nate.

I Kau e tawe
mapakawalan ēllang'U
satia e masilakā dingang u
mawinasa.

28 I Kau e seng nanēbōu raleng
si siā e makakawunā u
pēbawiahē tutune.

Daluasēku e mambeng
mahēmpaliu ualingu i Kau
e mang ene ringangu e.'

29 Manga anau sēmbau, gēli-
rengkon loahe iā tadeau reng
mēbēke pakalahe māanueng
Daud, iupung gaghurang i kite
e. I sie seng nate kū selaing
nilēbing; kū lēbing e wēdang-
be lai ene sutaloarang kite sa-
rang orasē ini e. 30 Mawu Ruata
e seng nēkēdo si Daud piā sa-
lune, u sēngkatau wōu hēntone
sarung ihengke u Mawu Ruata
makoā datu. Ualingu i Daud e
masingkā u kēdo ene ringangu
i sie lai sēngkatau nabi, 31 i sie
maiaing masingkā u apang kēko-

ateng u Ruata. Kū i sie seng bōu
nanēbalu Ratu Mēnanalamatē kū
seng nikēdon Duata e, sarung
mēbiahē kapia wōu kapapohonge.
I Daud nēbera,

'I Sie tawe niwala katatana
suralungu tampa u taumata
nate;

badang'E tawe mahene
dingangu tawe masue.'

32 I Yesus ini e niapēbiahē kapia
wōu kapapohonge ualingu Rua-
ta. I kami kēbi seng nakasahi-
di hala ene. 33 I Sie niapakaiang
su kakaianenge marangē dingang-
u niongotangu Ruata kawasa
mēnarima u Rohkē Susi kū seng
nirianding Amang. Dingangu o-
rasē ini e rēdaringihang dingangu
pēpandaēng i kamene e ute kai
Rohkē ene kū niwēmbing si kami.
34 I Daud sēsane tawe nahengke
solong sorga, kai i Daud e nēbera
u,

'Mawu e nēbera su Mawuku:

35 Kaiangko su koaneng'Ku,
sarang iā mapakariadin seke
i Kamene e mēmpēsuba si
Kamene!'

36 Kai ualingu ene hakiu pa-
tiku taumatan Israelē e hinong
masingkā kahēnga-hēngang u kai
i Yesus nikuruis'i kamene, Mawu

Yesus ene e ma_ɾlaing seng ni-rianding Duata mako_ɔ Mawu ri-ngangu Ratu Manana_ɾamatē!”

³⁷Ene apan taumata naka-ringihē ha_ɾlē ene, naung i sire e mengkate ghugēnggang. Mase i sire nēmpēkiwalo si Petrus dingangkewelain manga rarolohang baline, ”Manga ana_u sēmbau, kai mēkapura e tangu i kami?”

³⁸I Petrus simimbang, ”Pēmpētobate wou manga rosang kamene. Ku sēngkatau-sēngkatau e pakisahaniko su areng i Yesus Kristus, tade_ɔu rosang kamene e ampungang. Ku i kamene e sarung makatarima u laonggo u Rohkē Susi e wou anun Duata. ³⁹U apan nikēdon Duata e kai waug’i kamene ringangu wau-gu pa_ɾahiteng kamene orelai wau-gu apan taumata ku su tampa mararau – ku kēbi_ɛwe apang ni-kuiangu Mawu Ruatang kite e mēde_ɔu mahundēnta su anun’E.”

⁴⁰Kerene lai i Petrus nēnua-lagē si sire. Tangu ringangkewe lawo_ɔ lai wawerane wa_ɾline, i sie ma_ɳgansang si sire, tade_ɔu i sire mētēngkapēllou watangeng i sire bou limang umatē makalu-bengkō ini e ku sarung ihukung u Mawu Ruata. ⁴¹Ma_ɾlawo tau-

mata nangimang ua_ɾingu apan niwerang Petrus, ku i sire ni-sahani. Tangu kakēpa_ɾu taumata ma_ɳgimang e su ēllo ene sa_uewe lai natamba tēllu hiwu su katuane. ⁴²Dingangu ma_ɳgia-king kahēngang i sire mēngkai ma_ɳgēndung bou manga rarolohang e ringangu mēngkai hanesē mētētampung-sēngkapētampung. I sire ma_ɳhungkaēng-sēngkakaēng dingangu mēka_ɾliomaneng-sēngkapēka_ɾliomaneng.

Kakako_ɔu pēbawiah’u tau ma_ɳgimang

⁴³Ma_ɾlawo kahēngang kalahe-rang kino_ɔ u manga rarolohang e haki_u patiku taumata e ru_ɔda_ɾinau dingangu mataku. ⁴⁴Taumata ma_ɳgimang e kēbi-kēbi hanesē mētētēngkasēmbau ku apaeweng tētaghuaneng i sire e pēpaketang sēngkapēpake. ⁴⁵I sire mēbēba_ɾu, manga apa_ɾliwu dingangu manga rarotong i sire, mase roitē ipahia tuhewe su pandungang u sēmbau-sēmbau. ⁴⁶Apang kalaēllo i sire mēngkate hanesē mētētampung su Wa_ɾlem Mawu, ringangu ku_ɔkaēng sēngka-kaēng dingangu mara_ɾuasē ore-lai kasasana_u naung su manga

walēn sire. ⁴⁷I sire hanesē mēmpēdēdalo Mawu Ruata ringangu makaḷuasē naungu patiku taumata. Apang kaḷaēllo e kaḷawou taumata māngimang e hanesē māhuntinamba ualingu Mawu e seng nēnarakang u taumata apang makaḥombang kasa-salamatē e si sire.

Tau peosē niapakaule

3 Pia su sahēllo i Petrus dēduan Yohanes nakoḷa solong Baḷem Mawu pukulē tatēllu wawēllo, su tempōen pēdaroa.^a ²Ene sene su tukadē gēgere isēsēba, "Tukadē Malēnggiḥē", pia tau esē sēngkatau saki e peosē deng bōu kararadiadine. Ēllo-ēllo i sie tētōndaēng sene makītatalēntu si sai-sain sumuē solong Baḷem Mawu. ³Pia e tau ene nakasilo si Petrus dēduan Yohanes kapahunsuē e solong Baḷem Mawu, i sie mēdēdorong apa-apa si rēdua. ⁴Tangu i rēdua mēngkate mēmēmanda mataedē si sie, ku bōu e i Petrus nēbera, "Kakēllako si kandua!" ⁵Mase tau ene mēngkate kapandane si rēdua kapēngēgantibe mēnsangbe sarung makaēba manga apa wou i rēdua. ⁶Arawe i Petrus nēbera si sie, "Ia e tawē doitēku sarang kadodo. Kai apaeweng

^a pēkakaḷiomaneng

piaku e, ute taku ionggō si kau: Suraḷungu kawang Yesus Kristus tau Nazaret e, daḷengke!" ⁷Mase i Petrus e nēngumbeḷe e lima koaneng u tau peosē e ringangu napēbangung i sie. Tangu laedē dingangu kaḷentō u tau ene natoghase. ⁸Ku i sie mēngkatewe liminsō dimarisi, ku nanēta e rimaḷeng tamai ramahi. Bōu ene i sie simuē e solong daḷungu Waḷem Mawu, sēngkasuē dingangi Petrus dēduan Yohanes, kaḷaḷenge apidu kaḷinsō e, kapēdēdalone Ruata. ⁹Patiku taumata e nakasilo si sie kaḷaḷenge ringangu kapēdēdalone Ruata. ¹⁰Mase i sire nakaēnna e u i sie kai nāung mēdarorong tiasa kūkaiang su, "Tukadē Mahole" su Waḷem Mawu. I sire mēngkate apa nēngkaḥerang dingangu rimaḷinau nakasilo apa nariadi si sie.

Nasē i Petrus suraḷungu Waḷem Mawu

¹¹Tau ene mēngkate timole si Petrus dēduan Yohanes. Ku pia e i sire tēllu nahumpaeng gandaria isēsēba, "Gandariang Salomo", kēbi taumata e narēnta e nēmpēkomolē su anun sire ualingu mēngkai ruḷalinau.

¹²Saraeng i Petrus nakasi-lo si sire, angkuenge si sire: "Ei tau Israel, unue i kamene nengkaherang u halę ini? Unue wue i kamene męngkate hanesę mēmęmanda si kami? Apa su ęnnang kamene tau ini e naka-raleng ualingu pia kawasa si kami arau kawe ualingu i kami matuhu su Mawu Ruata? ¹³Duatan Abraham, Ishak, Yakub, Duatang i upung i kite, Duata ene seng napakawantugu ęllang'E i Yesus. Ku seng i Yesus ene e nisarakang i kamene su męngangawasane, bou ene nirokateng i kamene su tęngon Pilatus su pia i Pilatus mapulu mēmęllo i Sie. ¹⁴I Sie e kai susi ringangu mapia, arawe i kamene kawe rumoka si Sie, ringangu męnahowong tadeau i Pilatus apēmęmęllo sęngkatau tahapate waug'i kamene. ¹⁵I kame-ne nęmpamate si Sie, sumbaliau mang i Sie nąung simbulu pębawiahę baugu patiku taumata. Ku Ruata e seng napębiah'i Sie kapia wou papate. I kami e seng nęsahiding halę ene. ¹⁶Manga anau sęmbau seng nakasilo ringangu nakasahidi apa nariadi su tau peosę ini. I sie seng natoghasę dingangu nahuweka kapia ualingu

i sie mąngimang Mawu Yesus dingangu kawasan'E. Ualingu nangimang su Mawu Yesu e tangu tau ini e seng sau nau-le kapia su tęngon manga anau sęmbau patiku.

¹⁷Manga anau sęmbau! Kai ini e ia masingka u apang nikoą i kamene ringangu manga tęmbonang i kamene su Mawu Yesus, ene nikoą i kamene e ualingu i kamene węga wue męnsang apa kękoateng i kame-ne. ¹⁸Ku ualingu ene ute nariadi e lai apan seng nihabaru Ruata su tempo nalıu limiun patiku nabin'E, u Ratu Mananałamatę ku seng nikędo e harusę mętatahang u sunsara. ¹⁹Ualingu ene, manga anau sęmbau, pęmpętobate wou patiku dosang kamene ku pęmpębałi e sołong anun Mawu Ruata, tadeau i Sie męndędasę kaławou rosanu. ²⁰Mawu e sarung dumęnta su anunu ku i kamene sarung makahombang katatalęmbuhung pębawiahu marohkę e. Ku Mawu e sarung dumoloh'i Yesus dumęnta su anung kamene batu i Sie kai seng nitilakeh'u Ruata makoą Datu Mananałamatę si kamene. ²¹I Sie harusę matana su sorga sarang

Duata e mapakariadin patiku e wuhu kerewe seng nipēhenge-tang u Mawu Ruata su manga nabi su tempo naliu. ²²I Musa e naung bou nēbera, 'Mawu Rua-tang kamene e sarung mēndolohu sēngkatau nabi wou taloarang kawuanu hala e, karewe i Sie rimoloh'u ia. I kamene harusē dumaringihē patiku apan niwe-rang nabi e si kamene. ²³I sain tawe mēndareso bawerang nabi e, i sie sarung ipakaghaē bou kawuan Duata e ku ipakawinasa.' ²⁴Manga nabi naung bou nēha-baru hengetang u Mawu e nanēta bou nabi i Samuel dingangu manga nabi waline ku dimēnta samuri e, kēbi e mēlēhabaru tem-po orasē ini. ²⁵Manga rianding Duata ku manga nabi e kai waugu manga anau sēmbau. Suralungu pēdariandi ku nikoā u Ruata ringangu manga iu-pung i kamene e, Duata nēhe-ngetang si Abraham kereini, 'Bou hitenu e la sarung mēngala-matē kēbi bansa su dunia.' Pēda-riandi ene malaing baug'i kame-ne. ²⁶Hakū ene Mawu Ruata e nēmile Ēllang'E, bou ene rimo-loh'i Sie apadēnta solong anun kamene kalimona, tadeau i Sie

mēngalamatē si kamene. Kaka-koā u i Sie mēngalamatē e ute tadeau i kamene kai mētobatē bou kararalaki u pēbawiah'i ka-mene."

I Petrus dēduan Yohanes su tēngon Mēnggaghuta Agama e

4 Kuteu i Petrus dēduan Yohanes bēdang mēbēbisa-ra ringangu manga taumata e-ne, manga imang tēmbonang e dingangu pangatasengu mēnda-riaga Balem Mawu ringangkewe manga tau Saduki nahundēnta su anun Petrus dēduan Yoha-nes. ²I sire limangehē u i Petrus dēduan Yohanes nēhabarē su kalawou taumata u Mawu Yesus kai seng nēbiahē kapia wou pa-patene. ³Tangu i sire nēname da-rolohang darua ene ku niapasuē suralungu tahungku. Ku ualingu kai seng hēbi, tangu i Petrus dēduan Yohanes nitahangeng se-ne sarang sēngkariōellone. ⁴Ara-we i sai sain seng nakaringihē tēntiron manga rarolohang e-ne, lawo nēmpangimang. Tangu kakēpalu taumata māngimang e mang katambane sarang māngala manga lima hiwu sukataune.

⁵ Sēngkarioëllone masasingka u Mēnggaghuta Agama, kaławou tēmbonang u tau Yahudi ringangu manga mananēntirong agama e nēmpēkomolē su Yerusalem. ⁶ I sire nēmpēsombang u Imang Dokolē i Hanas, dingangu i Kayafas, i Yohanes, i Aleksander, dingangu kēbi apan narekeng galipohong nanga imang dokolē. ⁷ I Petrus dēduan Yohanes niapētēngon sire, nase nipa-kiwalōēng i sire, "Kai kereapa ralenge hakiu i kamene nakaule peos'u tau ene? Kai ualingu katoghasu apa arau kawasan sai? Ku i kamene e nēkoā ene?"

⁸ I Petrus, ku nipēkawa-saēng'u Rohkē Susi e, simimbang, "Manga mawu tēmbonangu kawanua ringangu manga mawu mēmamunarang pēnggaghutaēng! ⁹ I kami e ghēgutaēng su ēllo ini e ualingu nēkoā mapia, nētulungu sēngkatau peosē dingangu manga mawu e mēdēdeā u mapulu masingka u mēnsang kai kerea kakakoa u tau ene sarang i sie napia. ¹⁰ Ho, manga mawu sēngapang kakēpalē harusēbe masingka, mase lai kēbi tau Israel malaing harusē masingka u tau ini e rūdarisi orasē ini, wadange seng maluweka su

tēngon manga mawu ualingu katatoghasē dingangu kawasa wou i Yesus Kristus tau Nazaret ene. Manga mawu e seng nēnguruis'i Yesus e, kai arawe Mawu Ruata e seng napēbiah'i Sie kapia. ¹¹ Seng Mawu Yesus ini e tētimonang u ayatē suralungu Winohe Susi,

'Batu ku tawe nipakē i kamene manga mēkakoa balē, kai nāung nakoā batu pinēbukuang.'

¹² Kētabeng suralung i Yesus sēmatang, taumata e ipakasalamatē e. Batu su kaguwau dunia su taloarang taumata e taweu sarang sēngkatau waline niakahombang kawang Duata niapakasalamat'i kite."

¹³ Manga mēnggaghuta e rūdalinau u makasilo si Petrus dēduan Yohanes e tawē goē e, kutēu kawē lai i sire masingka u i rēdua e kai taumata tawē sikolane. Tangu i sire nakaēnna e u rarolohang darua ene ute kai nāung dingangu Mawu Yesus. ¹⁴ Arawe i sire tawe makawerang apa-apa, batu tau seng napia e seng ene rūdarisi su tēngon sire ringangi Petrus dēduan Yohanes. ¹⁵ Tangu i sire nangoro manga rarolohang darua e niapasēbang bou huangu pēnggaghutaēng e, ku i sire

němpěkakereapa. ¹⁶I sire něbera u, "Kai pěkăpuraneng i kite, i sire ini e? Patiku taumata apang mēmpětētana su Yerusalem sem-beng masingka u karalīna u ta si-hinge ini e kai nīkakoā i rēdua. I kite e tawe makapēdēndilu ene. ¹⁷Kai tadeau halē ini e kumbahangbe saumeng mawombeng su taumata lawo e, ute i kite mapiangbe mēsēding pia kindore e si rēdua, u kumbahang i rēdua mēkoā bisara si sai-sai su arengi Yesus."

¹⁸Tangu i sire sa u nēkui si rēdua nipasuē nipaulikang u kumbahang-kumbahang i rēdua makakasēba areng i Yesus, arau manēntiro ringangu areng i Yesus.

¹⁹Kai i Petrus dēduang Yohanes sinimbang, "Lēnmai-ko hala apang ku kahēngang su tēngon Duata: tumuhu parentang manga mawu arau tumuhu parentan Duata. ²⁰U i kami e tawe wotonge mēngirule mēbisarang apa seng nikasilo ringangu nikaringih'i kami hala e." ²¹Manga mēnggaghuta e tawe makareā dālungu makapēmahang si Petrus dēduan Yohanes. Ene i sire saumengke nēmpangindore si rēdua, mase irēdua e

nipello sēngkapello batu kēbi taumata e mang mēmpēdēdalo Mawu ualingu halē nariadi ene. ²²Kuteu tau naung napia ku naralīna u e kai seng pia kalimang pulone su taunge umure.

**Apan mangingang e
mēmpēgēgausē kawawahani
wou Mawu**

²³Saraeng i Petrus dēduan Yohanes nipello, ute nēmpēsule e solong anun manga ringang i rēdua e ku nēbēkeng kēbi apang nībawerang manga imang gaghere, dingangu manga tēmbo-nang u tau Yahudi ene si sire. ²⁴Saraeng manga ringang i rēdua e nakaringihē halē ene, ute i sire nēkalīomanengke sēngkapēkalīo-maneng su Mawu Ruata. Ungkuēng i sire, "Mawu, seng i Kau e nēndiadi langi dingangu dunia e ringangu laudē ore lai kēbi dālohōne. ²⁵Ku dingangu Rohkē Susi e, i Kau wou mēlēhengetang, nēpake u mōhong i upung i kami, i Daud ēllang e; unguēngu,

'Kawe unū taumata we
wēgang Mawu e
nēmpēbawaluang;

kawe unū kalawou wansa
mēdēdālahingid'u karaki
tawē gunane?

26 Manga ratun dunia e
mëmpëdëdariahî mësëkë,
dingangu manga
tëmbonang e sêngkanaung
dumokâ Mawu ringangu
Ratu Mënanalamatë e.'

27 Batu mambeng têngadë i
Herodes dëduan Pontius Pila-
tus seng bôu nëmpëtampung di-
ngangu manga tau kapiřë e ri-
ngangu kalawou tau Israel apan
su soa ini. I sire mëmpëkëko-
molë mëdeau rumokâ si Yesus
ëllang'U susi ene, kû seng nila-
nisangu nakoâ Datu Mënanala-
matë. 28 I sire mëtëtëngkasëmbau
mëdeau mëkoâ patikû e, apaeweng
seng tinantunu e kalimona,
u ene e kai sarung mariadi. Di-
ngangu i kau nënantu ene su
kawasa ringangu kapulunu hala
e. 29 Tangu ini Mawu! Kakëllai-
ko kereapa i sire mangingdore si
kami. Kû ongotengkon kawawa-
hani si kami manga ëllang'U ini
e, tadeau makapëhabaru henge-
tangu e tawë goë e. 30 Tulungko,
tadeau apaeweng masakî e rem-
beng ipakaule dingangkeweng a-
pang makadalinau ta sihingë e
deng mariadi ualingu kawasa ri-
ngangu katatoghasë bôu areng i
Yesus, Ëllang'U susi ene."

31 Ene i sire nasueeng
kaliomanenge, tampa pinëtam-
pungang ene e kimiœ. Ene këbî
e nikanoakeng u Rohkë Susi; kû
nanëta e nawahani nahumbisa-
rang hengetangu Mawu.

Këbî e mang sêngkaraleng

32 Patikû taumata mangingi-
mang e mëbëbiahë sêngkanaung
dingangu sëndalengu tinënnâ.
Tawëu sarang sêngkatau wô'i si-
re mangingalingu apang tëtaghua-
nenge, ute ene kawë rarotonge
hala. Kai patikû sabarang kû a-
pang pia si sire e, ute ene kai
pakë i sire pëtambaëng. 33 Di-
ngangu kawasa masëllahë, manga
rarolohang e mësëshahidi Ma-
wu Yesus seng nëbiahë kapia.
Tangu Mawu Ruata e mëngkai
mapëdalembong alamate si si-
re. 34 Kû tawëu sarang sêngkatau
wô'i sire e kakawusang u apa.
Batu i sire apaeweng pia ënta-
nane arau walene e, mëbëbalu u
ëntana arau walen sire e, bôu ene
roite wawaëng i sire, 35 kû isara-
kang i sire su manga rarolohang
e. Kû bôu ene roite iwëbala-
wuhewe su sêngkatau-sêngkatau
tuhewë pandungangu wiahe.

³⁶⁻³⁷ Kerene lai i Yusuf, i sie maḷaing mēbēbaḷu u ěntanane mase roite wawaēng e ku ighēllie su manga rarolohang. I Yusuf e kai sēngkatau hiten Lewi ku pinēhana su tahanusang Siprus; manga rarolohange kai maṇung-gahī i sie lai si Barnabas (itung-kang mangalene, i Makahiborē).

Ananias dēduan Safira

5 Tangu pia sēngkatau esē a-
renge i Ananias. I sie ri-
ngangu kawinge arenge i Safi-
ra, nēbaḷu u winalaeng sēngka-
monaēng bōu rarotong i rēdua.
²Doitu wōu nahumbaḷu e sēngga
e nitaghuaneng i rēdua, arawe
sēnggaete wue nītatonda su anun
manga rarolohang. I sie nēkoḷa
kerene uaḷingu pinēgaghilang i
rēdua sēngkawingang. ³Tangu i
Petrus e nēbera e si sie, "A-
nanias, unue i kau napakawalan
setang nēkawasa raḷungu naungu
napēkonting kau su Rohkē Susi
e ku nēmuni^b arēgang binalaeng
e sēngga? ⁴Ĕntana ene tangu i
kau taghuange mangawe tawe ni-
waḷu. Kuteu sarang ěntana ene
seng nawaḷu kai roite wēdang
i kau mananaghuanage. Kai unue
pia kapulunu nēkoḷa kerene? Kai
waḷinewe taumata kēkontiangu e,

^b nēmulina = menyembunyikan

kaiso kawē Mawu!" ⁵Sarang i A-
nantias nakaringihē bawera ene
tangu i sie mēngkatewe nawatang
apidu naminsulu singongone. Ku
kēbī apaewen nakaringihē kaka-
koḷa e mangkewen nēngkataku.
⁶Tangu manga laumbaseng na-
hundēnta ku nēmpamikung ba-
dang i Anantias mase nīsasēbang
ku lēbingang i sire.

⁷Mangawe tēllung kaorasē
naliung ene, kawinge nasuē. I sie
wēga wue apa wuhu nariadi. ⁸I
Petrus e nēbera si sie, "Kēnang-
ko paḷi si sia: binalaeng niwaḷu
i rua sēngkawingang e, kere ini
kaḷawōu arēgane?" "Kahēngang,
ene arēgane," angkuēngu kawing
i Ananias.

⁹Mase i Petrus nēbera si
sie, "Unue i rua sēngkawingang-
e nēmpēgaghilē manaluka
Rohkē u Mawu e? Daringihēko!
I sire apang bōu nēmpēlēbingu
kawingu e seng nēngkawaḷi. I si-
re maḷaing sarung mēhengke i
kau sarang likude." ¹⁰Orasē ene
lai kawingi Anantias e naēnsa di-
ngangu nate su tēngon Petrus.
Ku pia e manga laumbaseng e
nasuē, ute i sire e nakahombang-
ke si sie seng nate. Ku bōu ene
i sire nēlintueng baḷunangu wa-
dang e sarang likude ku nilēbing

su sēndihangu kawinge. ¹¹Tangu kēbī apan taumata māngimang e dingangu lai taumata waline e apan nakaringihē hombang ene, nēngkataku.

**Kalawou halē makadalinau
dingangu makalaherang
tawē sihinge**

¹²Kahian pētatangkiangu manga rarolohang e mēngkai lawo tanda makalaherang dingangu manga e halē makadalinau ta sihinge mādiadi sutaloarang taumata lawo e. Ku i sire kēbī taumata māngimang e mēngkai sēngkanaung nēmpētampung su Gandaria'n Salomo suralungu Walem Mawu. ¹³Dingangu taumatan likude tawēu wahani rumēnta mētampung dingangi sire. Kai taumata māngimang e mēngkai lēadateng u kawanua. ¹⁴Ku kakadēngue kapahuntinambane kalawou taumata māngimang su Mawu e – baewe esē arau baewe lai wawine. ¹⁵Nēngalēmbō e kakakoā e seng kerene, hakiu masasakī e ipēpēllo su manga ralokaēng arau tēpihē, su wēntan daleng, tadeau i sire manieng kētaeng kēngkaung Petrus, kai rembeng kahinoēnge kereu i Petrus sumathe sene. ¹⁶Taumata e mēngka-

te mēgēgiuma māhundēnta wou kalawou soa māngelikū Yerusalem. I sire mēmpēbēbawa apang masasakī dingangu apang bēbantiangu rohkē dalakisē e ku i sire masue mēngkaule.

**Manga rarolohang
tētingkaitang**

¹⁷Pēngēsueēnge imang marangē e ringangu kēbī manga wihinge wou komolangu tau Saduki e nanēta e nēkakanoā, ualingu sasingking. ¹⁸Manga rarolohang e nisame ku bou e nitahungku su waleng tahungku u wanua. ¹⁹Arawe nahēbī e, pia sēngkatau malaekatē e nanope manga tukadu tahungku, ku napasēbangu manga rarolohang ene e solong likude. Malaekatē e nēbera su manga rarolohang e, ²⁰"Dakoe pahundarisi su Walem Mawu ringangu pēhabarē su apan taumata halēu pēbawiahē buhu ini e." ²¹Tangu manga rarolohang e malaing timuhu tatanatang malaekatē e. Deng maluka-lukadē i sire nēngkakoā solong Balem Mawu e, ku nanēta e nanēntiro sene.

Ene naung imang marangē e ringangu manga murite narēnta e, ku nēndalēngkeng halē u pēgaghuta e ringangu manga

těmbonangu tau Yahudi. Bōu ene i sire nēndolohu taumata apanēbang u manga rarolohang bōu raḷungu tahungku apētētēngon sire. ²²Kai pia i sire nirolohē ene e nahumpa e su tahungku, i sire tawe nakaēba manga rarolohang ene e sene. Ku i sire nēmpēbaḷi, bōu e nēlaporu halē ene su mēnggaghuta e. ²³"Su tempong i kami nasongo su tahungku e," unguēng i sire su mēnggaghuta e, "kinaēbakeng i kami e sēngkakakēllane tukad'u tahungku e mapapalē mapia-pia, dingangu apa eweng mēndariaga e, mēmpēlēlukadē su tukadē. Ene tukadē e nitopeeng kami e, i kami tawe nakasilo taumata sarang kaḍiongeng sēngkatau suraḷunge." ²⁴Su tempōeng tēnibonangu ḷukadu Waḷem Mawu ringangu manga imang tēmbonange, nakaringihe habarē ene tangu, i sire mēngkatewe nēbingo u manga rarolohang ene ringangu nēngkataku u mēnsang kai apa e mariadi. ²⁵Bōu ene narēnta e sēngkatau esē nakawawa habarē ini, "Daringihēko! I sire apang nitahungku i kamene apang manga mawu e orasē ini e seng kapēnēntirone taumata

lawo suraḷungu Waḷem Mawu!" ²⁶Tangu, tēmbonangu mēndaḷukadē Baḷem Mawu e ringangu mangaewe lukade tamai nēngala si sire manga rarolohange kapia. Kai i sire tawe nēngala u wuntalē, batūu i sire kai maṭaku u taumata lawo; maḍiring taumata lawo e niēmpēngēntung u watu si sire.

²⁷Ene manga rarolohange niapasuē nētēngong manga mēnggaghaghuta e. Bōu e imang marangē e nēnanēsui si sire. ²⁸I sie nēbera, "I kami e seng nēsēding i kamene kereng kasēgade, tadeau kumbahang bue manēntiro mēbēkeng tau ene. Kaiso kakēlla e apa nikoā i kamene! I kamene nēnawuhu tēntirong kamene e napēpidē su kaguwau Yerusalem, kuteu i kamene saunengke lai nanoke u kai i kami nakakoā ai u Tau ene nate."^c

²⁹I Petrus dingangu manga rarolohange waḷine e simimbang, "I kami e hinong tumuhu Duata waḷinewe kawe tumuhu taumata. ³⁰Mawu Yesus ku nighantong i kamene e seng niapēbiahē kapia wou kapapohonge kahian Dua-tang i upung i kite e. ³¹Dingangu Mawu Ruata e sen nēngonggo

^c nairi; napohong = mati

si Sie kalaianeng dingangu kawasa marange kere Pangahae ringangu Mënanalamatë e, tadeau tau Israel gëllirang'u loahe mëdeau mëtobatë bou kalawou rosan'e ringangu makahombang kalaampung. ³²I kami e kai mësasahidin patiku ene e – kereewe i kami e ringangu lai Rohkë Susi e ku seng niongo su taumata apan tutuhu parentan'E."

³³Ene manga Mënggaghuta Agama nakaringihe ene, i sire mëngkate apa limangehë, ku i sire sengkanaung mëmate manga rarolohang ene. ³⁴Kaiso wou taloarang mënggaghuta ene pia sengkatau Farisi isësëba si Gamaliel. I sie mananëntiro agama limembon lëadateng u këbi taumata. Ene i sie rimarisi e ku nangoro e taumata nakisëbang u manga rarolohang e kadodo tempo. ³⁵Bou e i sie nëbera e su manga Mënggaghuta Agama e, "Manga anau sëmbau tau Israel! Pëmpëtinënnako pakapia-pia wangu apang sarung koateng i kamene si sire ini. ³⁶Batu naung pia u wou limëto^d i Teudas, manodeu uade i sie kai taumata masëllahë hakiu kai manga ëpa u hasu sukataune taumata e tutole si sie. Kutëu i sie kai nipate ringangu patiku bihinge

^d nasalënsawu = muncul

nëmpësaliawuhë, ku seng tawo kakanoa e. ³⁷Tuhue su tempong pëdararolë ene, simëpu ko lai i Yudas tau Galilea e. Ualingu wawitauge, malaing lawo taumata nëmpëtole si sie. Kaiso i sie malaing kinapate, ringangu këbiwe apan tumatolene nasue nasaliawuhë. ³⁸Ku ini e wue u-te ualingu hombang ini, téguku tangu: abe kapurai i sire ini. balae kere i sire. U kereu tëntiro ringangu kakanoa i sire ini e kawe wou taumata, tangu tëntiro ringangu kakanoa ene e sarungbe mapaghohë. ³⁹Kai kereu ene rarëntane kai wou anun Duata e, tangu i kamene tawe makawata si sire. Katewe aramanung sarung malahe u i kamene rumoka Mawu Ruata e."

Sasalëntihö i Gamaliel ene e nitarima u mënggaghuta e. ⁴⁰Tangu manga rarolohang e nikuiang, bou e nigheserë mase-ne nisëding u kumbahang mësau manëntirong habar'u Mawu Yesus. Bou ene wuhewe i sire pinakipëllö. ⁴¹Manga rarolohang e nëmpënëntangu Pënggaghutaëngu Agama e kapahuase su Mawu Ruata e seng nëngënnau i sire e hinone wue makahombang lahinakang ualingu i Yesus. ⁴²Ku

apang kaḷaëllō e su Waḷem Mawu arau su apang baḷeng taumata e, i sire mang tēbe kapañentiro-ne ringang'u mēlēhabar'u Injilē mañanun Yesus u kai seng i Sie e Ratu Mēnanaḷamatē e ku seng nikēdō e.

Lumaontolē i sire pitungkatau

6 Manga murid'u Mawu Yesus e kakadēngue mang kapahuntinambane. Su tempo ene tau Yahudi mēbēberang Yunani, ghugalumi u tau Yahudi tutune.^e Apang mañg'i Yunani^f e mēbēbera, "Manga wawineng kami apaeweng seng baḷu e tawe kapapahiakeng u tatongka wawēlli wiahē mēllo-mēllo pēpa-hiakeng su apan taumata e."

² Uaḷingu ene, manga rarolohang i sire mapulo dua e mēngkatewe napēkomolu patiku muridē e bōu e nēbera si sire u, "Apa e raḷai kereu i kami mēngirule mēhabaru hengetangu Mawu e, uaḷingu mēngkai mētētasibung haḷē u ka-kaēng. ³ Ku mapiawe i kamene pēmpēmile wou taḷoarang kamene pitungkatau ku arenge mawēngi wue ringangu kēkanoa-kengben Rohkē Susi e ore lai pelesa, ku kapēngumbalaēng i kami

irui makoḷa mēsasēmpī haḷē tamai ini; ⁴ batūu i kami e kai mapulu kētaeng mangindunu haḷē u pēka-kaḷiomaneng dingangu pēlahabaru hengetangu Mawu samatang."

⁵ Patiku taumata e nana-rimabeng naung maḷoahē su tēgung manga rarolohang e. Bōu e i sire nēmile si Stefanus, sēngkatau mañgimang matoghasē su Mawu Yesus dingangu nikano-akeng u Rohkē Susi e. Maḷaing nikapile: I Filipus, i Prokhorus, i Nikanor, i Timon, i Parmenas dingangu i Nikolaus bōu Antiokhia; i sie waḷinewe tau Yahudi, kaiso seng simowa agamang Yahudi. ⁶ I sire pitungkatau ene e pina-kiwaḷoēng su manga rarolohang mēdeḷu itarima, ku bōu e manga rarolohang e nēmpēkaḷiomaneng dingangu.

⁷ Kerene hengetang u Ruata e mangkeng kaḷasawuhe, hakīu manga murid'u Mawu Yesus su Yerusalem maḷaing kapahuntinambane kaḷawōe. Dingangu maḷawō lai manga imang ku nēmpangimang su Mawu Yesus.

I Stefanus nisame

⁸ I Stefanus nasuku u aḷamat'u Ruata e, hakīu i sie makakoḷa tanda makalaherang

^e patēbone = asli, utama ^f berbahasa Yunani

natimu ringangu makadalinau ta sihingē sutaloarang kawanua. ⁹Kuteu kai pia taumata rudoka si sie, ku i sire e kai ralohong baleng pekakalionanengang isesēba Kanisang Taumatang Karaliwirē. Dalohong baleng pekakalionanengang ene e kai tau Yahudi wou Kirene ringangkewe lai tau Yahudi wou Kilikia ringangu Asia e mēdēdarendeh'i Stefanus. ¹⁰Arawe i sire e tawe makakarendehē apang iwēberan Stefanus, ualingu Rohkē Susi e seng nēgēllū kapelesa wau-gu mahumbisara. ¹¹Ualingu ene tangu i sire nēmpamurungke pirangkatau mēdeau apēbēbera, "I kami e nakaringihē tau ene, mēlēhinakang si Musa ringangu Mawu Ruata!" ¹²Kerene kakakoa i sire mēmpēnahowong taumata, ringangu manga tēmbonangu tau Yahudi ringangu lai manga mananēntiro agama. Bōu ene tangu i sire tama i nēmpēname si Stefanus, ku nēbawa si sie nētēngon manga Mēnggaghuta Agama. ¹³Ku i sire napararisien lai manga sahidi mau i u sasihidin sire ta katēngade māanun Stefanus. I sire sahidi e nēmpēberau, "Tau ini e mēngkate masau mēhinakang Baḷem Ma-

wu susi e ringangu mēlēhinakang manga hengetang u Mawu ilēhabar'i Musa. ¹⁴I kami e seng nakaringihē i sie nēbera u, i Yesus bōu Nazaret e sarung mēnggo-ghahē Baḷem Mawu ini, mase mēmaui kēbi adatē seng nipalohong Musa si kite e!" ¹⁵Kēbi taumata apang dimēnta su pēnggaghaghutaēnge mēmpēmēmanda si Stefanus. Ku su tempo ene gahi i Stefanus e kakēllaēng kere ghahū malaekatē.

Dudatong Stefanus

7 Imang marangē nakiwalō si Stefanus, "Lēennaēng, kēbi apan niweran tau ene e kahēngang bue?" ²I Stefanus simimbang, "Manga anau sēmbau dingangu manga mawu lēdateng! Kēnangko pēmpēdaringihē si sia! Kalamonan iupung i kite i Abraham nēngalīng banua solong Haran, su tempo ene i sie wēdang matana su Mesopotamia, Duata mawantugē e rimēnta su anun sie, ³ringangu nēbera, 'Tēntang-ke wanuanu ringangu manga anau sēmbau u. Kakoako solong soa ku sarung taku itēbō si kau.' ⁴Tangu i Abraham e nanēntang-ken soan Kasdim, ku bōu ene nēngalīng solong Haran. Samu-

ring amang i Abraham nairi, Mawu Ruata e napakariadin Abraham niapëngaling solong banua ini pëtëtanakeng i kamene manga anau sëmbau dingangu manga mawu patiku su tempo ini. ⁵Su tempo ene tawë kadiongeng manga sëngkempang bou wanua ini e nionggo u Mawu Ruata e si Abraham makoꝝ pusaka e, kadiongkate manga sëntaka u paledu laedë kasariane. Kai Mawu Ruata e nëkëdo wue u i Sie sarung mëngonggo u ene si Abraham makoꝝ pusaka i Abraham sarang manga hitene. Kuteu su tempo ene i Abraham kai tawë apa anꝝ e. ⁶Kaiso seng ini e ilëhabar'u Mawu e si sie, 'Hitenu e sarung matana kere taumata raghi su tanipa baline. Taumata su soa ene sarung mëtahuëllang si sire ringangu matingkai mëkoꝝ si sire karëngu u ëpa u hasu su taunge. ⁷Arawe Ia e sarung mëhukungu wansa ku mëtahuëllang i sire unguëngu Mawu Ruata, ku i sire sarung sumëbang bou wanua ene ku sarungbe mëmpëtahama wa si Sia su tampa ini.' ⁸Bouten nëbera kerene ute, pëkakakë-

do ene nitahutëngadengken Dua-ta su halë u pësasasunatë. Tangu bou e i Ishakë e, anꝝ i Abraham nipëhëndingke i Abraham nënuten sie su tempon i sie umure ualu ëllo. Bou e i Ishakë e malaing nanunatë anꝝ e i Yakub. Ku i Yakub e malaing nanunatë manga anꝝ e i sire mapulo dua sukataune nakoꝝ iupung u tau Yahudi.

⁹Manga iupung i kite e nënpananoi si Yusuf, hakiu i sire nëmpëbalu i sie nakoꝝ ëllangu tau Misirë. Kai Mawu Ruata e mang manëntanudë si sie, ¹⁰ku mang nëliun sie wou kalawou haghin susane. Mawu Ruata e mang nëngonggo u naung matahuëna ringangu kapelesa su tempöng i sie mëtëngon Pirong datun Misirë, hakiu i Pirong nëhengke i sie nakoꝝ gubernurë su wanuan Misirë dingangu mëngangawasa su wanalang Pirong. ¹¹Bou ene piako karalunusë masaria nariadi su kaguwau Misirë dingangu Kanaan ku taumata e mëngkate apa masigësasigësä. Iupung i kite e tate makaëba kaëng i sire. ¹²Tangu pia e

i Yakub nakaringihē kai piā gandum su Misirē i sie nēndolohen manga anā e tangu i upung i kite e nēngkakoā e solong ene su kahumotongange. ¹³Kū piā i sire tamai su karuan sulene, i Yusuf kai nauli su manga anāu sengkataune u i sie kai i Yusuf. Buhue su tempo ene datang Misirē e nakakasingka u manga anāu sēmbau i Yusuf. ¹⁴Bou ene i Yusuf nēndingoen habarē si amang e i Yakub, mēdeau i sie ringangu kaławou manga anā – pulunge iapēngēngaling banua solong Misirē e – kū kēbi tangu pitum pulo lima sukataune. ¹⁵Tangu i Yakub e rimēsungke solong Misirē e, hakieweng sene tangu i sie ringangu i upung i kite e nēngkapule asalē. ¹⁶Maiet'i sire e wou e niwalī kapia solong Sikhem kū nilēbing su pēndalēbingang seng niwaehang u kaławou roit'i Abraham bou manga palahēnton Hemorē e su Sikhem.

¹⁷Ene seng maraning tempone Mawu Ruata e mapakasēhueng kēdon'E si Abraham, kuteu kawanuang kite su Misirē e kai seng nahuntinambang kaławo e. ¹⁸Kasueēnge ute, piā

sengkatau ratu waline e kū i sie wēgawen Yusuf, kū nēparenta su Misirē. ¹⁹Datu ene tangu mapētētaghunalang u kawanuang kite e, kuteu lai matingkai mēkoā manga i upung i kite e. I sie mēnēnahowong si sire tadeau i sire apēdēndēmme manga rario darodo deng buhu lahana e tadeau mawanti kū mate. ²⁰Kū su tempo ene tangu i Musa e pinēhēnding kū i sie enē e kahole e. Tēllu wulang karēngu e i sie tētangkianeng su walēn amang e, ²¹kū saraeng i sie nirēmme, ute i sie kai niala u sangiang ahus'i Pirong nēngala si sie, mase nilahiking e kere anā e sēsane.

²²Kēbi apang kasingka u tau Misirē e nasueen tēntirone si sie, hakīu i sie nakoā taumata makawasa su wawera ringangu su kakanoā e.

²³Piā i Musa umure ēpa u pulo su taunge, karakine ute, kai mapulu mēmanda kakakoā u kawanuane tau Israel. ²⁴Mase i sie nakasilō e sengkatau wou i sire tētingkaitang u tau Misirē. Tangu i sie timatawangke si anu tētingkaitang kū nēmate tau Misirē ene. ²⁵I Musa mēlēharapē

7:13: Pēnd. 45:1, 16 7:14: Pēnd. 45:9-10, 17-18, 46:27 7:15: Pēnd. 46:1-7, 49:33 7:16: Pēnd. 23:3-16, 33:19, 50:7-13, Yos. 24:32 7:17-18: Sas. 1:7-8
7:19: Sas. 1:10-11, 22 7:20: Sas. 2:2 7:21: Sas. 2:3-10

u kawanuane sarung makaënnu u Mawu Ruata e seng nêpake i sie pêlêliun sire. Kuteu nalahe u i sire kai tawe nakaënnu. ²⁶ Sêngkarioëllone i sie nakasiloko lai tau Israel duangkatau mêkêkakoka, ku i sie mêdêdeu dalengu mapêdameng dêdua. Nêberaete i sie u, 'I rua e kai tamahuari. Unue i rua e kai mêkêkakoka?' ²⁷ Kai i anu nêngoka hapi e ene e nênuhud'i Musa sarang biwihe apidu nêbera, 'Kai isai nêndui i kau nakoâ têmbonang dingangu mêlahukung i kami e? ²⁸ Apa i kau malaing mapulu mêmatae si sia kerewe lai i kau nêmate tau Misirê e kahêbi?' ²⁹ Ene sarang i Musa e nakaringihê apang ku niwerang tau êndai e, i Musa timalang bou Misirê ku bou ene nêtana su soan Midian. Ku sene i sie nakahombangke ana e rarua.

³⁰ Êpa u pulo su taunge samuring ene pia e sêngkatau malaekatê dimênta solong anun Musa su kêhu linggi maraning bulud'u Sinai. Malaekatê ene rimênta suralungu putung su pia gahundunge apidu kadêllie. ³¹ I Musa e naherangke nakasilohale ene, hakju i sie nêtêngkarani e mêdeau makakasingka u kai

apa ene. Bou e i sie nakaringihê tingih'u Mawu nêhenge-tang, ³² 'Ia e kai Ruatang i upung i kamene; Ia e kai Ruatan Abraham, Ishak, dingangi Yakub.' I Musa e kimendêen taku e ku seng tawe wahani lai mêmatae solong gahundunge ene. ³³ Bou ene Mawu nêhenge-tang kapia, 'Luako sandalê kadaluhe ene e, u êntana rêdarisikangu ene e kai êntana susi. ³⁴ Ia e seng nakasilohale ringangu nakaënnu kereapa likibu kasasigêsa u kawanua' Ku e su Misirê e. Ia seng nakaringihê laoghô i sire hakju Ia e nêtêngkatêntung baugu mêngambang si sire. Ia e sarung mêndolohi kau pêsule kapia solong Misirê.'

³⁵ I Musa ini e kai i Musa tawe niakung tau Israel dingangu tawe nitarima u wawera ini, 'Kai i sai nêndui i kau nakoâ têmbonang e ringangu mêlahukung i kami e?' Kuteu mang i sie niroluh'u Mawu Ruata e nakoâ têmbonang e ringangu mêngambang, ualingu ontolu malaekatê e ku dimênta si sie su ghahundunge ku dudêlli ene. ³⁶ I Musa ene e kai têmbonang u kawanuan Israel simêbang bou

Misirë kapëkëkoā e manga tанда makadalinau, dingangu apaeweng makalaherang tā sihinge su Misirë, su laudë Mahamu e, ringangu su wanua linggi karëngu u ëpa u pulo su taunge. ³⁷Seng i sie lai i Musa kù nëbera su tau Israel, 'Mawu Ruata e sarung mëngonggo u sengkatau nabi si kamene kù nipile wou taloarang kamene hala e, kerewe i Sie nëmile si sia.' ³⁸Seng i Musa e wou taloarang kawanuan Israel su këhu linggi, nakoā manaloara waugu malækatë e kù mëbëbisaran sie su wulud'u Sinai ringangu manga i upung i kite e. Seng i sie nënarima u hengtang kù biahë e wou anun Duata mëdeau itëpasë si kite.

³⁹Maningbe lai kerene i upung i kite e tawe mapulu tumuhu si sie. I sire e kawe maddirin sie ringangu mapulu mësulë kapia solong Misirë. ⁴⁰I sire nëbera si Harun, 'Pëkoako mahan duata e waug'i kami, tadeau manga mahan duata ene e mëngaha i kami. Batu i kami e sembelaing bëga wue apang kù mariadi si Musa e kù nëngaha i kami e napasëbang bou Misirë!'

⁴¹Mase su tempo ene i sire nëkoā e tuladang ana u sapi e sëmba, bou e i sire manarakangkeng sasëmba su tulada ene, ringangu nëmpëkoā saliwangu mëmantugë awë kinoā i sire hala e. ⁴²Tangu Mawu Ruata e nanëntang i sire ringangu napakawalang sire niapësulëgihe manga wituing su langi e. Ene e natuhu kere mabawohë suralungu bukë u manga nabi. Kereini,

'Ei kamene tau Israel! Kai walinewe waugu la
i kamene nangun
mëmpamoto dingangu
mëmpangëntudu sasëmba
binatang gënnang u ëpau
pulo su taunge karëngu e
su këhu linggi e.

⁴³Kawe selong pakaluang'i Molokhe e wëbawaëng i kamene itëtakidewe lai ringangu tulada'ng bituing pakaluang'u, kù kai i Refan; kù kai ene e tulada nangun kinoā i kamene e mëdeau sëmbaëng.

Ualingu ene la e sarung mëndëme i kamene pakarau solong pai sëmbeka su wanuang Babelë.'

⁴⁴Selo tampa u Mawu Ruata e rumēnta su anun taumata kēkaēbakeng i upung i kite su wanua linggi. Selo ene nipēti baugu laoron Duata e si Musa ringangu tutuhūewe umbaghane nitode u Mawu Ruata e si Musa.

⁴⁵Bou e sēlo ene tangu nawawa turusē kahian i upung i kite e su tempong i sire ringangi Yosua ku tamai nēmūlaho soang kite ini e bou kawang haghing bansa ku nitokoļu Ruata su tēngon sire. Selo ene mēngkai tēbe ene sene sarang tempon Daud. ⁴⁶I Daud e nakaluasē naung u Ruata ku nēdorong si Sie, tadeau i sie ipakawala mēmēti bale waugu Ruata ku tētahaniawuang i Yakub ene. ⁴⁷Kai i Salomo e nēndarisīu wana waug'u Ruata.

⁴⁸Sēmbaliau Mawu Kasēllahenge tawe mētana su wale nikoā u taumata u suralungu bukē u manga nabi e kabawohē kereini,

⁴⁹ 'Langi e kai
kalaintolangeng'Ku,
dingangu wanua e kai
laēmpahē laedē'Ku.
Kai waleng apa koateng i
kamene waugu Ia e?
Kai mangirule suapa
tangu Ia e?

⁵⁰ Kai walineu Ia sēsaku ngae
nēndiadi patiku?'
ungkuēng u Mawu.

⁵¹Balīnewe malongko kēti u tēmbo i kamene ringangu kai apa e kasigēsā i kamene runaringihē Duata! Kai nēbengelē katēdu tangū tuling kamene ipēdarīngihē hengetangu Mawu! I kamene manibeng mēsulung iupung i kamene tawē beonge, mēngkate mapulu rumoka Dokē Susi e! ⁵²I sai wue, manga nabi e ta nīdalakitang i upung i kamene? I sire e kai nēmpēmate manga rarolohang u Mawu naung kalamona e seng namohang u Ēllangu Mawu maadilē e sarung dumēnta. Ku ini e i kamene nēndalai dingangu nēmate Ēllangu Mawu ene. ⁵³Manga malaekatē e seng nēmpēhabaru hengetangu Mawu e si kamene, kai i kamene mangta tumuhū si Sie!"

I Stefanus niēntungangu watu

⁵⁴Kerene, manga Mēngghuta Agama e nakaringihē patiku bawerang Stefanus, i sire mēngkate apa natēdu naung i sire ringangu nēbawaluang marasai

si sie. ⁵⁵ Arawe i Stefanus nikano-akengu Rohkë Susi, kù mēngka-te rudaṅgara soṅg laṅi. I sie nakasilø kawawantug'u Ruata ringangu Mawu Yesus rudarisi su tampa u makawasa, su koanengu Ruata. ⁵⁶ "Kakëlla," unguēng i Stefanus, "ia e nakasilo sorga natope ringangu Ahusu Taumata e rudaṅgari su koaneng u Mawu Ruata!"

⁵⁷ Manga mēnggaghuta e nēmpañsingke tulīn sire kapēbansage, bōu ene i sire sēngkahindō timēmbo si Stefanus. ⁵⁸ I sire nēhiuden sie sarang liku-du soa mase nipēdaḷaēntungang u watu. I sai-sain nēmpēsahiding kakakoḷa ene nēmpañtangu laku i sire su sēngkatau umbaseng arenge i Saulus. ⁵⁹ Ene i sire kapēngēntungeng batu si Stefanus, kutēu i Stefanusē kapēkaliomanenge, "Mawu Yesus, tarimaḷo rohkëku e!" ⁶⁰ Bōu e i sie nēmulaṅgeng kù nēluntingihē unguēng: "Mawu, kumbahang-be rosa ini e pakitaludē si sire!" Bouten nēluntingih'u ene i sie nasuē e singongone.

8 Kù i Saulus luḷahimpuluang u pamamate ene.

I Saulus nētingkai jamaatē

Su sahēllo ene lai jamaatē su Yerusalem e nanēṭa e sēsahusuang, hakiu kēbi apang māngimang e, su likudu manga rarolohang nasue nēmpēkaḷiasē su kaḡuwau wanuan Yudea ringangu Samaria. ² I sire apang maṭaku u Ruata e nēmpēlēbing i Stefanus dingangu sūsaṅi i sie ringangu mēngkai luḷahunsusa ṭa sihinge.

³ Arawe i Saulus ute mēngkate sēntiniḷa tatapē mēdēdeḷa ai u mēnggoghahē jamaatē. I sie mēngkate maḷintu marangeng bōu waḷe sarang baḷe ringangu mēlēhiudē apan taumata māngimang e sarang likude wōu ene pakisuē suraḷungu tahungkū.

Injil'u Mawu Ruata ilēhabarē su Samaria

⁴ Apan taumata māngimang kù seng nakeke ene mēlēhabar'u Injilē bōu anun Mawu e su apan tampa. ⁵ I Filipus e nakoḷa soṅg soan Samaria kù nēhabarē si sire paḷ sene maṇanun Datu Manalaṃamatē e kù seng nikēdon Duata. ⁶ Ene manga taumata e



Soa sčmbay su Yudea (8:1)

nakaringihē si Filipus mēbēbisa-ra ringangu i sire nakasilō e manga tanda-tanda makadalinau kinoa e, ute maławō bōu i sire mēmpēsēsēmpī u apan niwerang Filipus. ⁷Batūu kaławōu apan taumata kinasakeēngu setang e, seng nempēsēbang apidu kapa-hunsikine. Taumata peosē dingangu kempalē e maļaing lawō niapakaule. ⁸Tangu apang taumata su soan Samaria e mēngka-te apa maraļuasē tā sihinge.

⁹Su soa ene e piā sēngkatau esē arenge i Simon, kū i sie seng apa riō nararēna nakakoā tau Samaria e rimalinau u wawaliku mata ikēkoā e. I sie nauli si si-

re u i sie kai taumata wotonge.

¹⁰Tangu kēbi taumata su soa ene wōu patiku bēhi u kawanua e bōu kasanakeng e sarang karange-tange mēngkai mēmpēsēsēmpī si sie. "Tau ini e kai katatoghasu Ruata kū timeleng aļinkai 'Katatoghesē Masellahe' ene," angkuēng i sire. ¹¹Seng marēngu-dēngu i sie mēmēmoghe taumata ringangu wawaliku matane, hakiu i sire mēngkai apaē mararingihē si sie. ¹²Kai arawe i Filipus e mēlēhabarē si sire Injilē maanun kereapa Mawu Ruata sarung mēparenta kere sēngkatau ratu, ringangu, maanun Yesus Kristus, Datu Mēnanalamatē e. Tangu i

sire e nēmpangimangu habarē iwēbēken Filipus, kŭ i sire naki-sahani e baē esē arau lai wa-wine. ¹³I Simon sēsane maīang nangimang. Kuteu sarangke ni-sahani, i sie mēngkatewe timole si Filipus. Kaławou manga tanda makadalinau kŭ apang nariadi e, nakalaherangkewe si Simong e.

¹⁴Manga rarolohang su Yerusalem nakaringihē e kaławou tau Samaria e seng nēnarima u hengetang u Mawu. Ualingu ene ute, i sire nēndolohen Petrus dēduan Yohanes solong tampa ene. ¹⁵Ene i Petrus dēduan Yohanes nawuna e, i sire nēkaliomanengken tau Samaria ene tadeau i sire makahombang Rohkē Susi e, ¹⁶batu Rohkē Susi e wēdang ta rimēdēnta si sire sarang sēngkatau; i sire wuhŭ e nisahani suralungu areng i Yesus Kristus samatang. ¹⁷Mase i Petrus dēduan Yohanes nanēlliden liman dēdua su tau Samaria e, kŭ i sire nakatarima e Rohkē Susi e.

¹⁸I Simon nakasahidi u kawe ualingu pēnanellidu liman manga rarolohange si sire, hakiu Rohkē Susi e natēntung si sire ene. Ualingu ene i Simon nangēntuden doitē si Petrus dēduan Yohanes, mase nēbera, ¹⁹mase nēbera,

"Onggo e lai kawasa ene, tadeau kamageng limaku e itēlidē si sai-sai tangu i sie sarung manarima u Rohkē Susi."

²⁰Arawe i Petrus e simimbang, "Mawinasa i kau sēngkawinasa ringangu roitu! Katiho-kang u gaghēlli u Mawu Ruata e kai kawaehang u roitē? ²¹I kau e tawē bua u makatole suralungu pēmamunarang kami e, watuu naungu e tawē katulide su Mawu Ruata. ²²Batu ene pamalangkong kapulunu ralakisē e, kŭ pēkaliomanengko su Mawu tadeau i Sie mangampung-be tinēnnanu ralakisē e! ²³U ia kai masingka u i kau e napenē u sasasingking dingangu nakoā ēllangu kararalakisē e."

²⁴Mase i Simon nēbera e si Petrus dēduan Yohanes, "Tulungko kaliomanengen dua su Mawu, tadeau tawēu sarang sēmpēdi wou manga waweran dua e, humombang si sia."

²⁵Sarangke i sire wouten nēsahidi ringangu nēmpēhabaru hengetangu Mawu e, tangu i Petrus dēduan Yohanes nēsule kapia solong Yerusalem. Kŭ suraralengeng tangu i sire mēlēhabaru Injilē ene su apan soa su Samaria.

I Filipus dingangu sengkatau bēbato wou Etiopia

²⁶Ene kai pia sengkatau malaekat'u Mawu e nēhengetang si Filipus, "Hotede pēbuako! Ka-koako soḷong sēmbēkan timuhē, pēbatuko rarēsungang bou Yerusalem soḷong Gaza." Daleng ene kai mahali rumalēngange. ²⁷⁻²⁸Tangu i Filipus mēngkatewe nēdariahī rimaleng. Tempo ene piaḷo sengkatau wēbaton istanang Etiopia kaḷalenge mapuḷe soḷong banuane. Tau ene ute kai sengkatau wēbato marange mananahimata patiku darotong u tau wawine i Kandake, ratun Etiopia. Tau ene seng nakoḷo soḷong Yerusalem mēkaḷiomaneng su Mawu Ruata, ku ini e seng kaḷapule e ringangu karetane. Kaḷaiange suralungu sasakeēnge i sie kaḷasane Bukē u Nabi i Yesaya. ²⁹Rohkē Susi e nēhengetang si Filipus, "Dakoḷo pētēngkaraning kareta ene." ³⁰Tangu i Filipus tamaḷ e nētēngkaraning kareta e, bou e i sie nakaringihē tau ene mēbēbasa bukē u Yesaya. I Filipus nakiwaḷo si sie, "I tuang makaēnna wue iwēbasang tuang e?"

³¹Tau ene simimbang, "Makaēnnawe kereapa ia e kereu taweu manulada si sia?" Mase i sie nēmaringangke si Filipus simake kareta ku naiangke sēngkakaiang dingange. ³²Kai ini e manga ayetē bēbasaēnge ene,

"I sie kai mēsulungu domba niaha mēdeau potokang,
kere anau domba ku tawe lumaēmbē pēngguntang dukū e,
kerene i Sie tawē bisarane baewe sarang manga sēmpēdi e.

³³ I Sie lēheghesang dingangu lēakaleng.
Singongon'E nisawu bou wowon dunia

e hakiu taweu sarang sengkatau makapēbēkeng manga hiten'E."

³⁴Bēbaton Etiopia ene nēbera e si Filipus, "Kēnangko pauli si sia, kai i sai tangu ipēpauli u nabi ini e? I sie sēsane ngae arau kai tau-mata waḷine?" ³⁵Tangu i Filipus e maḷaing nanēta nēbisara: i sie mēpēpake u manga ayetē ene nikoḷo panētakengu mēhabaru Injilē mēbēbēkeng Yesus su wēbato marange ene. ³⁶Kapahundalenge,

i sire nahumpaen tampa sēmbau kŭ sene kai piā ake. Bēbato ene nēberae, "Ene pai piā ake! Kŭ kai apa e lai sungkalene mēnaha-ni si siā?"

[³⁷I Filipus nēbera, "Kereu i tuang mambeng mangimang dingangu kaguwau naung, ute i tuang botonge sahaniang."

"Ia mangimang u i Yesus Kristus e kai Ahus'u Ruata," angkuēng u wēbaton Etiopia ene.]

³⁸Mase i sie napēngēdungke karetane; kŭ i rēdua, i Filipus dingangu wēbato ene limintu e nēdea dalungu ake e kŭ i Filipus nēnahani si sie. ³⁹Piā e i rēdua nasēpu bou ake, tangu Rohkē Susi e sēngkianu namua i sie napakaghēngging bou ene. Tangu wēbato wou Etiopia semben tawe sau nakasilo si sie. Dingangu raluasē e wēbato ene nanēpaseng daralenge. ⁴⁰Bēgawen naung i Filipusē e kai seng ene su Asdod. Kŭ i sie nanēpaseng daralenge, i sie mēlēhabar'u Injilē maanun Mawu Yesus su kaguwau soa saraeweng i sie nahumpa su Kaisarea.

Pētatabat'i Saulus

(MMR. 22:6-16, 26:12-18)

9 Kuteu i Saulus mēngkate sēntiniā wēbalēbidangu mapulu mēmate manga murit'u Mawu Yesus. I sie nakoā solong anung imang marangē, ²kŭ mēdorong surat'u kawasa makoā solong anung mēngangaha u jamaat'u tau Yahudi su Damsyik, tadeau kereu piā u kaēbakeng e apan mangimang Mawu Yesus pai sene, i sie makapēname si sire bou e makapēbawa si sire solong Yerusalem.

³Ene kaḍalenge solong Damsyik, kŭ saraeng masandigu soa ene, sēngkianu piā e tualagē bou langi simarang nēliwung si Saulus. ⁴I sie naēnsa e su ēntana nakaringihē tingihē mēbēbera si sie, "Saulus, Saulus! Unue i kau mētingkai siā?"

⁵"Kai i sai i Kau, Tuang?" angkuēng i Saulus.

Tingihē ene simimbangu, "Seng Ia e i Yesus, tētingkaitangu. ⁶Kai ini e pēbangungke ringangu suē e su soa. Kŭ sene

sarung ipauli si kau apa hinong koatengu."

⁷Taumata apan timole ringangi Saulus himēkosē hakīu nēngkarēmasē; ualingu i sire nakaringihēbe pia tingihē ene, kai tawe nakasilo taumata sarang sēngkatau. ⁸Mase i Saulus dimarisi kŭ namekesē matane, kaiso matane seng tawe makasasilo apa. Kŭ i sire mēngkatewe nēngumbele limane kŭ nēnata si sie sumuē su Damsyik. ⁹Tēllu ēllo karēngu e i sie tawe makasasilo, dingangu karēngu u ene i sie tawe kumakaēng dingangu tawe mēnganginung.

¹⁰Su Damsyik kai pia sēngkatau murit'u Mawu Yesus arenge i Ananias. Suralungu papasilo sēnsule, Mawu e nēhengetang si sie. Angkuēng e, "Ananias!"

I Ananias simimbang, "Ia, Mawu."

¹¹Ene Mawu e nēhengetang, "Pēbua e pakaligha. Dakoe ka-koā solong baleng Yudas su Raleng Matulidē. Pakiwaloko sene tau arenge i Saulus bou soan Tarsus. Tau ene kapēkēkalīomanenge, ¹²kŭ suralungu papasilo sēmbau tangu i sie nakasilo tau esē sēngkatau arenge i Ananias, dimēnta su anune, kŭ nanēllidu

limane su wowong pusige tadeau i sie saube makasilo kapia."

¹³I Ananias simimbang, "Mawu, ia seng nakaringihē, malawo taumata mahumbisaran tau ini, nēngalembo e su halē u pētatingkai kŭ seng nika-koā e su kawanuan'U su Yerusalem. ¹⁴Kŭ orasē ini e i sie seng dimēnta sini niapakawalan manga imang tēmbonange ipēnēname kēbi apang mēmpēkēkalīomaneng si Kau e."

¹⁵Arawe Mawu e nēhenge-tang si Ananias, "Mēngkate tamai! Batuu Ia e seng nēmile si sie mēdeau mētangkiang si Sia, tadeau i sie mēhabar'u Ia su manga kawanua waline kŭ ta nasowa su agamang Yahudi ringangu su manga mararatu ringangkewen su manga kawanuan Israel. ¹⁶Dingangu Ia sēsaku sarung mapakasilo si sie kalawou sunsara kŭ hinong ipētatahange suwŭ u areng'Ku e."

¹⁷Tangu i Ananias e mēngkatewe natamai solong bale ene kŭ nanēllidu limane su pusig'i Saulus. "Saulus," angkuēng i Ananias, "Mawu Yesus kŭ nikasilonu su wēntan daleng kŭ pia i kau kaḍamahine, kŭ kai i Sie nēngoro si sia apadēnta tadeau i

kau saube lai makasilo ringangu kalohoëngu Rohkë Susi e.”¹⁸ Su tempo ene lai piako apa kere ona u kina natontong bou matan Saulus ku i sie nakasilo kapia. Tangu i sie nembangunge, ku bou ene nakisahani.¹⁹ Ku bouten ki-maenge, i sie natoghasë kapia.

I Saulus manëntiro su Damsyik

I Saulus nëtana su Damsyik dingangu manga murit’u Mawu Yesus diö manga pira ëllo.²⁰ I sie seng dingangu tamai nakoä solong manga waleng pëkakalio-manengang ku nanëtae mëlëhabar’i Yesus e kai Ahus’u Ruata.

²¹ Këbi taumata e nëmpëdalinau nakaringihë si Saulus. I sire nëmpëbera, ”Baḷinewe i sie naung su Yerusalem seng nëmate këbi taumata mangimang su Mawu Yesus? I sie rimënta sini mahunë u kawe naung mëname dingangu mëbawa si sire solong anun manga imang tëmbonange!”

²² Kai i Saulus e kakadëngu e sauneng kakatoghase tëntirone e. Manga apa e nakoä sasahidi ilëhabare maanun Yesus mam-beng manoghasë u i Yesus kai

Ratu Mënanalamatë, hakieweng tau Yahudi su Damsyik e seng tawë u rumarendehë.


²³ Naliu e manga pira ëllo karëngu e, tau Yahudi e sengkanaung mëmate si Saulus.²⁴ Kaiso karaking sire kai kinasingkatenge. Ëllo hëbi i sire mëngëngampaḷë su pasëllangeng u soa mëtëtingga mëmate si sie.²⁵ Arawe su sëhëbi e manga murit’i Saulus nëmpangala si sie, ku nënguḷuh’i sie suraḷungu hiang niapaḷiu wou wowom bakudu⁹ soa.

I Saulus su Yerusalem

²⁶ I Saulus nakoä solong Yerusalem, ku paḷ sene i sie nëtëngkatakidë dingangu manga murit’i Yesus. Kaiso i sire kai mataku i sie, batuu i sire tawe mangimang si sie, i sie mënsangbe kahënga-hëngang nakoä murit’u Mawu Yesus.²⁷ Bou ene i Barnabas dimënta su anune, ku nagëntud’i sie solong anun manga rarolohang. I Barnabas nëbëke si sire kakakoä i Saulus nakasilo Mawu e su raraḷengang dingangu kereapa kakakoä u Mawu e nëbisaran sie. I Barnabas maḷaing mëbëbëkeng kawahaning naung’i Saulus manëntiro su Damsyik su-

⁹ meselu

9:23-25: 2Kor. 11:32-33



raḷungu areng'i Yesus. ²⁸ Uaḷingu ene tangu i Saulus nētanaḡ dingangi sire, ku mēñenasē dingangu tawē taku e su kaguwau Yerusalem dingangu arengu Mawu. ²⁹ I sie mēbēbisara ringangu mēdēdarendehē lai ringangu tau Yahudi mēbēberan Yunani, kaiso i sire mēlēhingidu mēmate si sie. ³⁰ Pia e taumata mangimang baḷine e masingka u haḷē ene, i sire nanondang Saulus soḷong Kaisarea, buhuē nēndoloh'i sie soḷong Tarsus.

³¹ Tangu jamaatē su kaguwau Yudea, Galilea ringangu Samaria nakoḡ mapia. Uaḷinkewe lai

kakanoḡ u Rohkē Susi, ringangu katatakū su Mawu tangu manga jamaatē e nahuntinambang katoḡhase ringangu nahuntinambang kaḷawōe, u i sire kai mēbēbiahē dingangu katatakū su Mawu.

I Petrus su Lida ringangu Yope

³² I Petrus e luluhu mētētiwo apan jamaatē. Pia sahēllo i sie nētiwo raḷohon jamaatē apang mēmpētētanaḡ su Lida. ³³ Sene i sie nēsombangken sēngkatau esē arenge i Eneas, badange nipatene ku seng tamakawangung bou tatikilange suraḷungu uaḷu taung

karëngu e. ³⁴I Petrus nêbera si Eneas, "Eneas, i Yesus Kristus mapakapiang kau. Pêbangungke ku komole raralokaëngu." Su tempo ene lai i Eneas nêbangung. ³⁵Patiku tumanā u Lida ringangu Saron nakasilo si Eneas, ku bou ene i sire kêbi e nangimang su Mawu.

³⁶Su Yope naung kai pia sêngkatau wawine arenge i Tabita. I sie mangingang si Yesus. (Arenge su weran Yunani e kai i Dorkas, mangalene rusa.) I sie makêhagê mêkoā mapia ringangu mêtulungu taumata masusa. ³⁷Su tempo ene i sie kai masakî ku bou ene nate. Saraeng maiete nîdarenō e, masene nipello su huange su wowone. ³⁸Yope tawe tumanîu marau wou Lida. Ku su tempon manga murit'i Yesus su Yope e nakaringihê u i Petrus e kai ene su Lida, ute i sire nêndolohu ruangkatau u nakoā solong anun Petrus pêlêhabaru tatana-ta kereini, "Lighako ramahi ku aî dararêna." ³⁹I Petrus mêngkatete nêbawalikêkasê nêbangung ku timole si sire. Nasongō e sene, i sire niwawa solong kamarê su wowone. Kêbi apang baļu sene nêmpêliwungke si Petrus kapa-hungkiā e apidu napasilon manga pakeang dingangu lahaweng ni-

ghepê i Dorkasê baug'i sire su tempon i sie reng biahê. ⁴⁰I Petrus nêngoro si sire nipasêbang kêbi, ku i sie nêmulangeng bou e nêkalîomaneng. Bou ene i sie timatêngōe maieti Dorkas ku nêbera, "Tabita, pêbangungke!" Tangu i Dorkas nêmekese mata-ne, kutêu nakasilo e si Petrus i sie kimaiangke. ⁴¹Bou e i Petrus nêngumpaede limane ku nêtulung i sie niapararisi. Mase i Petrus nêkuî e taumata mangingang sene e sêngkakui ringangu manga wawine walū e, ku nanarakang i Dorkas ku seng nêbiahê e si sire e. ⁴²Habarê ini e kinasingkateng napêpidê su kaguwau soan Yope, hakiu malawō taumata mangingang su Mawu Yesus Datu Mananalamat'i sire. ⁴³I Petrus nê-tana lai sene manga pira êllo su Yope su anun Simon, i anu taha-same pising binatang.

I Petrus dēduang Kornelius

10 Su Kaisarea tangu pia sêngkatau esê arenge i Kornelius. I sie kai sêngkatau kapiteng'u "Wuntuang'u Italia". ²I sie matakū u Mawu Ruata, ringangu kêbi anau sêngkataune e malaagama ringangu masatia su Mawu Ruata. I

sie masau mētulung'u tau Yahudi masasusa e, ringangu i sie makēhagē mēkalīomaneng su Ruata. ³ Pīa sahēllo, manga e pukūlē tatēllu ēllo i sie nakasilo malahē suralung'u sēmbau papasilo, sēngkatau malāekat'u Mawu Ruata e rimēnta mēkēkui si sie, "Kornelius!"

⁴ I Kornelius nēmandā e mataedē su malāekatē e ringangu mangkewen natakū takū kū nēbera, "Kai pīa apa Tuang?"

Malāekatē e simimbang, "Kakalīomanengu ringangu kapiā naungu seng nitarima u Mawu Ruata e ringangu Mawu Ruata e mētahēndung si kau. ⁵ Kū pēndolohen taumata solong Yope pēkui si Simong isēsēba mahatedē si Simon Petrus. ⁶ I sie kai makikawalē^h su waleng sēngkatau mēnaname pising kalu arenge i Simon kū mētētana su wiwi-hu apeng." ⁷ Kū sarangke malāekatē mēbēbisarang Kornelius e napalusē, i Kornelius e nēkui e ruangkatau mētatangkiang balē ene ringangu sēngkatau soldado wou manga lukade tau maagimatē. ⁸ I Kornelius nēbēke si sire apang kū seng nariadi wou e nēndoloh'i sire solong Yope.


⁹ Sēngkariōēllone, tēntalang i sire kapahundalenge kū masan-

^h manumpang = menumpang

digen Yope, i Petrus e kai rimangeng su walē mēkalīomaneng. ¹⁰ Mase i sie nikalunusang marasai kū mapulū e kumaēng. Ene tēntalangke i sire kapēmēlloeng kaēng, i sie nakahombangke papasilo. ¹¹ I sie nakasilo langi natope ringangu pīa apa mēsulungu heka mawēnahē nauūhē solong dunia mābawiting su wukune ēpa. ¹² Suralunge pīa lohōne haghing binatang laede ēpa, haghing binatang lūhomang dingangu manu u kinoaēng maghaghaēng. ¹³ Mase pīa e tingihē nēbera si sie, "Petrus, pēbangungko! Pēmotōe ringangu wou ene kinā!"

¹⁴ I Petrus simimbang, "Tala wue, Mawu! Ia e wēdang tawe kimēkaēng manga apa kū pēlli arau kotorē." ¹⁵ Kaiso tingihē ene nēberaete kapia si sie, "Apang kū seng nilahē u Mawu e wotonge rotongang, ute abe pangiraling u ene kawe pēlli." ¹⁶ Papasilo ene seng nēkakuwalī sarang katēllun sulene, bōu ene heka ene nawatungke solong sorga.

¹⁷ I Petrus niwimbonge mēngēngēna kaia mangalene papasilo ene. Tēntalang i Petrus kapangēnnane, taumata apang nirolōh'i Kornelius apēdēdea



Atu'u wale su Palestina (10:9)

balen Simon, kuteu i sire seng ene sutēgon tukadē. ¹⁸ Mase i sire nēmpēkui e taumata ringangu nakiwalo, "Apa sini e pia sake mētētana, ku arenge i Simon Petrus?"

¹⁹ Kuteu i Petrus manga wēdang mētētinnēna makaka-singka u mangalene papasilo ene, tangu Rohkē Susi e nēhengetang si sie, "Ei Petrus, kai pia tēllung katau kapēdēdeā e si kau. ²⁰ Hotede lighako tanaē lintu solong bawa ringangu kumbahang gumoē tumole si sire, u kai ia dimoloh'i sire." ²¹ Tangu i Petrus limintu e ku nēbera si sire, "Seng ia ini e rēdeakeng i kamene. I kamene kai rumēnta mēkapura?"

²² I sire simimbang, "Kapi-teng Kornelius e rimoloh'i kami e niaparamahi. I sie kai taumata mapia, ringangu matakū u Mawu Ruata, ringangu lēadatengu patiku tau Yahudi. Malāekatu Mawu sēngkatau nēndoloh'i sie, mēmēmatuhung i Tuang apadēnta su walene, watuu makoā kere sasimbahē kakaliomaneng e, i sie apadaringihē apang ku sarung i werang Tuang si sie." ²³ Tangu i Petrus nēhaēngke si sire niapasuē mēdeau pētana sene.

Sēngkariōellone i Petrus nēbangung ku dimaleng sēngkaleng dingang i sire. Pirang katau manga anau sēmbau māngimang bou Yope e mālaing timole

ringange. ²⁴Su sēngkariōēllone i sire e nahumpaen Kaisarea. Sene i sire seng lēampaḷeng i Kornelius dingangu manga anau sēngkataune ringangu lai manga hapi e kapapiaēng e apangkweng nighausange. ²⁵Pia i Petrus nahumpa e, tangu i Kornelius tamaḷ e nanēnsomahē si sie ku nētumpēkuhē su tēngone. ²⁶Arawe i Petrus e nētulung i sie niapararisi, ku bou ene nēbera, "Pēbangungke! Ia sēsa-ku e maḷaing taumata." ²⁷Ene kapēbēbisarane ringang i Kornelius, i Petrus simuē solong dalungu wale. Sene i sie nakasilōe taumata lawo katatanpung. ²⁸Bou ene i sie nēberae si sire, "I kamene hala e seng masingka u tau Yahudi isēsēding u agamane mētiwo ringangu mēdalāhapi u taumata wou kawanua waline. Kai Ruata e seng bou nēlahē si sia u ia tawe wotonge manoke si sai-sai u i sie kai ralakisē arau ipētētēlling. ²⁹Kai ualingu ene hakiu pia i Tuang mēgēgausē tadeau ia dumēnta, ia e tawe kudirine rumēnta. Ku ini e ia kai mapulu masingka u kawe unue i Tuang mēgēgausēbe si sia dumēnta."

³⁰I Kornelius simimbang, "Tēllu ēllo naliu, mangawe orasē kere ini, ia e kapēkēkalīomanenge su wale pukulē tatēllu wawēllo e. Sēngkianu e pia sēngkatau esē dudarisi su tēngoku. ³¹Pakeangu tau ene mēngkate apa kakerong. I sie nēbera, 'Kornelius! Mawu e seng dimaringihē kakalīomanengu ringangu mētētahēndung kapiannaungu. ³²Ku pēndolohēkon tau Yope pēkui tau arenge i Simon Petrus. I sie kai mētētana su annun sēngkatau tahapēname pising binatang arenge i Simon; balene su wiwihu apeng.' ³³Kai ualingu ene hakiu ia ligha nēndolohu taumata e tamaḷ pēkui si Tuang. Tangu i Tuang e mang maḷoahē naunge mēdeau makaramahi. Ku ini e i kami kēbi mētampung sini su tēngon Duata mēdeau mēdarinhē parentan Mawu e ipakiuli i Tuang si kami e."

Nasē i Petrus

³⁴Mase i Petrus nēbera, "Ini e mang kahēnga-hēngang nakaēnna u Mawu Ruata e mang tawe mēmamamile ghahiu taumata e. ³⁵I saing ku matakū u Ruata e ringangu mēkēkoabe katulidē e, taumata ene itarima u

Mawu, tawe mēmamanda u i sie kai tau apa. ³⁶ Manga anau sēmbau seng masingka u lohong hengetang ipēpauli u Mawu Ruata su tau Israel. Habarē ene u te kai mauli u Injilē maanun pēdarame wou i Yesus Kristus e Mawun patiku umatē e. ³⁷ I kamene e masingka u apa naria-di su kaguwa u Yudea, nanēta bou Galilea samurin pēsahani iwēbohang i Yohanes. ³⁸ I kamene seng masingka u Mawu Ruata e seng nēmile si Yesus tau Nazaret dingangu nēngonggou Rohkē Susi e ringangu kawasa. I kamene malaing masingka u i Yesus e māmēpidē banua mēkēkoā mapia; i Sie mapakapian patiku taumata apang pēkēkawasaēng u setang, u Ruata e kawe mānēntanudē si Sie. ³⁹ Seng i kami ini e taumata nakasilo hala patiku apang kēkoateng su wanuan tau Yahudi ringangu su Yerusalem. Kai maning kerene, mang i sire e nēnguruisē dingangu nēmate si Sie. ⁴⁰ Arawe su ēllo katēllune Ruata e napēbiah'i Sie kapia wou papaten'E ringangu nēnode i Sie su taumata; ⁴¹ balinewe su kēbi taumata, kai kētabeng si kami ku seng nipilen Duata kalimona nakoā mēsasahidine: I kami e kūkaēng dingangu mānginung

dingang'E sarangkeng i Sie nipēbiahē kapia wou papate. ⁴² Ku i Sie nēngoro si kami pēlēhabaru Injilē e su taumata ringangu pēngēngonggou sasahidi u i Sie ilēhengkē u Mawu Ruata e makoā mēnggaghuta waugu taumata wiahē dingangu nate. ⁴³ Patiku nabi e mēsēsahidi maanun Sie. I sire mēbēbera u patiku taumata apang māngimang su Mawu Yesus, sarung ampungang dosane kahiang kawasa wou i Yesus."

I sire waline tau Yahudi nakahombang Rohkē Susi e

⁴⁴ Tēntalang i Petrus deng kapēbēbisarane, Rohkē Susi e natēntung ku nēkaradiahang su patiku taumata apan nakaringihē habarē ene. ⁴⁵ Taumatan Yahudi apang māngimang si Yesus dingangu tūtole si Petrus bou Yope, kēbi e rūdalinau u makasilo Mawu Ruata e malaing napakatēntung u Rohkē'E si sire waline tau Yahudi e. ⁴⁶ Batū i sire makadingihewe si sire mēmpēbēberang haghing bera ringangu mēmpēdēdalō e kasēllah'u Ruata. Mase i Petrus nēbera, ⁴⁷ "Kakēlla e, i sire ini e seng nakahombang Rohkē Susi e mēsulungu i kite. Ku delaing

piã u makasahaghe si sire sahaniang u ake e?" ⁴⁸Tangu i Petrus nangoro si sire pakisahani su areng i Yesus Kristus. Bõu ene i sire mēgēgausē tadeau i Petrus pētētana dingang i sire manga pira ěllo karēngue.

Laporang i Petrus su jamāat'u Yerusalem

11 Manga rarolohang dingangu taumata mangimang su kaguwau Yudea e nakaringihē u taumata apan baline su agamang Yahudi e maļaing makatarima u hengetangu Mawu e. ²Ene piã i Petrus nakoã solong Yerusalem, tau Yahudi apang mangimang e nanongkeang si Petrus. ³I sire nēbera, "Kawe unue i kau nakoabe solong baleng sire ta nīsasunatē? O kawe lai kimaēng sēngkakaēng dingang i sire!" ⁴Uaļingu ene i Petrus nēnualagē si sire, kēbiwe apan seng nariadi si sire, nanēta bõu panētakege. I Petrus nēbera,

⁵"Iã e kai kapēkēkaliomangengete su soan Yope, kutēu iã e nakasiloko sēmbau papasilo. Iã e nakasilo piã apa kere heka mawēnahē naē nauļuhē bõu ļangi, maļawiting su wukune ěpa, bõu e naēdung su sēmbēkaku. ⁶Piã iã

e kapēkakēllane solong daļunge iã nakasilo manga binatang laede ěpa, manga binatang duļu, manga binatang tutondo, dingangu manga manu u kinoaēng maghaghaēng. ⁷Mase iã nakaringihē piã tingihē nēbera si siã, 'Pēbangungko Petrus! Pēmoto e ku kinã e!' ⁸Kai iã e simimbang, 'Tala Mawu! Haeng badangku iã e tawe mēndarotong biahē ku ipēpēpēlli' e ringangu maļamuhū e.' ⁹Arawe tingihē ene saūewe nēluntingihē bõu ļangi, 'Apang ku seng niwerang Mawu Ruata e tawe ipētātēlling ute, kumbahang bue iwerang kamene u pēlli.' ¹⁰Iã mambeng nakasilo haļē ene sarang katēllun suļene, ku pēngēnsueēnge tangu kēbi e nasapua kapia solong sorga. ¹¹Nēsarēta u su tempo ene lai i sire tēllu wõu Kaisarea, ku nirolohē solong anuku, nasongo e su waļe pētētanakengku. ¹²Mase Rohkē Susi e nēndoloh'u iã apaðaleng dingang i sire ringangu tawē goē e. I sire ēnnung anau sēngkatau ini e maļaing timole ringangku solong Kaisarea, ku i kami kēbi e nasuē suraļungu waļeng Kornelius. ¹³Bõu e i Korneliusē e nēbēke si kami kereapa i sie nakasilo maļaekatē sēngka-

ⁱ ipētētēlling

tau ruḍarisi su waḷene ringangu nēbera, 'Pëndolohēkon taumata soḷong Yope pēkuiko sēngkatau eṣe arenge i Simon Petrus. ¹⁴I sie sarung mauli si kau hengetang ku sarung makasaḷamatē si kau ringangu kēbi daḷohon baḷenu.' ¹⁵Ku su tempong ia nanēta nēbera kerene," angkuēng i Petrus kapēnēpaseng bēkene, "Rohkē Susi e natēntung si sire kereewe naung nariadi si kite su tēta e kaḷamona. ¹⁶Mase ia e nakatahēndung, Mawu e naung bou nēhengetang, 'i Yohanesē e naung nēnahani ringangu ake, arawe i kamene sarung sahaniang dingangu Rohkē Susi e.' ¹⁷Ku nalahe u Mawu Ruata e maḷaing mēgēgēlli lai su taumata waḷine su agamang Yahudi e, gaghēlli mēsulungu ighēgēlli e si kite su tempong i kite nangimang su Mawu Yesus Kristus. Ualingu ene, tawe masowa su akaḷē ia kawe mēsēding Mawu Ruata e!"

¹⁸Saraeng nakaringihē ene tangu i sire sembeng tawe lai rimendehē. Ku bou ene, i sire nēdalō e Mawu Ruata. I sire nēbera, "Kamageng kerene, i sire waḷine taumatan Yahudi e

maḷaing nighēllirangu loahe kahian Duata e tadeau pētobatē bou kaḷawou rosane ku maka-teēng pēbawiahē tutune."

Jamaatē su Antiokhia

¹⁹Saraeng i Stefanus nipapate, taumata mangimang su Mawu Yesus e nanēta e sēsahusuang, hakiu i sire nasawuhē su apan tampa. Pia u nahuntalang soḷong Fenisia, piako lai nahumpa u Siprus dingangu Antiokhia. I sire mēmpēlēhabaru hengtangu Mawu tumbaeng su taumatan Yahudi samatang. ²⁰Ku bou taḷoarang taumata mangimang ene wou Siprus dingangu Kirene, piabe lai taumata apang nēngkakoḷa soḷong Antiokhia ku mēmpēlēhabaru Injilē maanun Yesus e su apan taunata ku baḷine su agamang Yahudi e lai. ²¹Kawasang Mawu e, ene si sire hakiu kai maḷawo taumata nēmpangimang dingangu niēnarakangu watangeng i sire su Mawu.

²²Manga wēke maanun haḷē tamai ini e kinaringihē lai su jamaatē su Yerusalem. Tangu i sire nēndolohen Barnabas soḷong Antiokhia. ²³Ku saraeng i Bar-



Soang Antiokhia (11:20)

nabas nahumpa sene, ringangu nakasilo kereapa Mawu Ruata e nēngalāmatē si sire ene, i sie mēngkate apa nikahaluaseng. Bōu ene i sie nēdorong tadeau i sire kahēnga-hēngang masatia ringangu kaḡuwa u naung su Mawu. ²⁴I Barnabas ini e kai taumata naunge mapia ringangu pinēkawasaēng u Rohkē Susi tapengu lai māngimang masēgadē su Mawu haḡiu maḡawō taumata tutole Mawu.

²⁵Bōu ene i Barnabas nakoḡ solong Tarsus mēdēdeḡ si Saulus. ²⁶Saraeng nēsombang i Saulus, i sie nēmaringang i Saulus nakoḡ

solong Antiokhia ku sēntaung tinalung i sire mēmpētētampung dingangu jamaatē sene apidu kaḡanēntirone taumata ḡawō. Seng su Antiokhia ene taumata apang māngimang su Mawu Yesus e kakalimonaēng e nisēba taumatan Sahani.

²⁷Su tempo ene piḡ manga nabi pirangkatau dimēnta wōu Yerusalem solong Antiokhia. ²⁸Wōu taḡoaran sire ute piḡ sēngkatau arenge i Agabus, Uḡingu kakanoḡ u Rohkē Susi e i sie mēnēnēbaḡ u su kaḡuwaḡ dunia e sarung kahombangengu tempong karalunusē ma-

saria. (Kū halē ene mambeng lai mariadi su tempong pēpaparentang kaisar Klaudius.) ²⁹Tangu kēbi apan tumatole si Yesus e sēngkanaung mēndingō u tatongka su manga ana u sēmbau kū mētētana su Yudea; sēngkatau-sēngkatau e nēndingō tuhūewe kaumalenge. ³⁰Pēkakakire ene malaing kinoā, kū bōu ene i Barnabas dēduan Saulus nirolohē pinanonda tatongka (roitē) ene su manga tēmbonangu jamaatē.

Pētatatingkai māhumpaliu

12 Mangawe tempo ene lai ratu i Herodes nanēta mānumbiagē dalohon jamaatē. ²Ualingu parentane, tangu i Yakobus tuhang i Yohanes pinakipateng peda. ³Ene i Herodes nakasilō e lulune kai nētatahino su naungu tau Yahudi, tangu i sie malaing nēkoā lai mēsulungu ene; i sie nēndolohu taumata pinēname lai si Petrus. Halē ene nariadi su tempong Hari Basarē u Borotē Tawē Kabō e, ⁴saraeng bōu pinakisame, i Petrus nitaho suralungu tahungku. Soldado ēpa u kamonaēng pētaha ēpa u katau niapēndiaga si Petrus sene. Naliueng ēllon Paskah

e, buhū e i Herodes nēhukung i Petrus su tēngon lawō. ⁵Kū i Petrus tangū katatahang su tahungku, kai arawe ralohon jamaatē e mēngkate mēkēkaliomaneng dingangu kaguwau naung i sire su Mawu e waug'i Petrus.

I Petrus nipasēbang bōu tahungku

⁶Su sēhēbi kalamonan Herodes sarung mapētēngon Petrus su taumata lawō e, i Petrus mētētiki kapapēgong u wawēntung darua matataloara su soldado mēndariaga e ruangkatau. Su tukadu tahungku, manga mēndalukadē baline e malaing kapēlēlukade su tahungku. ⁷Ene malaekatē e sēngkianu e rimarisī sene, kū piā e tualagē simēnnang suralungu tahungku e. Malaekatē e mēngkatewe nēngangio si Petrus sarangkewe i sie nēbangung. Bōu ene malaekatē e nēberae, "Ei lighako pēbangung!" Su tempo ene lai sēngkianu e nanawo hante uase wōu liman Petrus. ⁸Bōu e malaekatē e nēbera, "Luheko pakeangu ringangu ikiko taling sapatunu." Tangu i Petrus e mēngkatewe nēluheng pakeange ringangu

něngiki taling sapatune. Bōu e-ne malækatě e saŭewe něbera, "Pěkakingkaengken kakingkaengu kŭ toľe si sia." ⁹Tangu i Petrus timole malækatě e kŭ siměbang bōu tahungkŭ. Kaiso i Petrus e tawe nakapěndang u apaewen iapakadiadin malækatě e kawē kahěngang. Su naung i Petrus e katiho e ene kai kětaeng sěmbau papasilo. ¹⁰Su tempong i sire limiu tampa u lukadě humotong dingangu karuane, i sire nahumpaen tukadě uase, sasěbangeng solong soa. Tukadě ene kai natope sěsane, kŭ siměbangke i sire mase rimaleng bōu raleng maninta. Sěngkělëndju malækatě ene naghěngging naněntang i Petrus.

¹¹Bōu ene wuhewe i Petrus nakahěngang u kai apa nariadi si sie, kŭ něbera, "Orasě ini ia masingka u Mawu e mambeng kahěnga-hěngang seng něndolohu malækat'E pělěliwiru ia bōu kawasang Herodes dingangu wōu kěbi haghing kakanoa u tau Yahudi e si sia."

¹²Saraeng nakaěnnae halě e-ne ute, i Petrus nakoā solong baleng Maria, i ninang i Yohanes isěsěba lai si Markus. Sene piako taumata lawo matatampung dingangu kapěkěkaļioma-

nenge. ¹³I Petrus mēnēnengkelě tukadu likude, tangu sěngkatau mětatangkiang bawine arenge i Rode, himaungke nanope tukadě. ¹⁴Apidu i sie nakakirala tingih'i Petrus. Ualingu raluase, i sie mēngkate ringangu masahawu simuě kapia, tawe manga nanope tukadě e, bōu ene něhabarě suapan taumata sene u i Petrus kai ene sulikude. ¹⁵"I kau kai pulu!" angkuěng i sire. Kai i Rode mang maļi u katěngade u mambeng kahěnga-hěngang i Petrus. Kŭ i sire němpěbera, "Ene kai malækatě!"

¹⁶Ene i Petrus mang kapanengkele tukadě. Tangu pia e i sire nanope tukadě, kŭ nakasilo e si Petrus, tangu i sire mēngkate rimalinau ta sihinge. ¹⁷I Petrus nēnidang ļimane tadeau i sire pakadēmmasě, mase i sie něběke e si sire sahen pěndaļsō u Mawu si sire siměbang bōu ralungu tahungkŭ. Bōu e i sie něbera, "Habarěko ini si Yakobus, dingangu su manga ana u sěmbau lai waline." Bōu ene i Petrus kai naněntangu tampa ene kŭ nědea tampa baline.

¹⁸Sěngkarioellone maļukadě e nariadi pětatanggara sutaloarang manga soldado mēlaļukadě e. I sire mēngkate niwingo u a-

pa nariadi si Petrus e. ¹⁹ Mase i Herodes nëndolohu taumata apëdëdeä si Petrus, kutëu i sire kai tawe nakareä. Ene i Herodes nëparenta tadeäu manga mëndariaga ene pakışesui e, mase pakipate.

Bou ene i Herodes nëngaling bou Yudea ku nëtana manga pira ello su Kaisarea.

Kapapaten Herodes

²⁰ I Herodes mēngkate li-mangehë marasai su tau Tirus dingangu Sidon. Ualingu ene tangu i sire rimēnta sēngkapahundēnta nētēngon sie. Kahumotongange i sire nēnahionge si Blastus, tēmbonangu mēnanahimata walēn datu i Herodes, hakiu i sie mañumbēka wou i sire. Mase i sire nētēngon Herodes, mēdēdorong tadeäu mēdame, batuu i sire katewe makahombang kaēng bou wanuan Herodes.

²¹ Pia sahēllo ku seng ni-poēng, i Herodes nēluheem pakeang'u kawawantug'e bou e maiang su kaderang karartuang ku nanēta e nēpidato su tēngong kawanua. ²² Kawanua e ku kapēdēdaringihe, ute nēmpēmansage, "Ini e kai tingihu ruata, walīnewe tingihu taumata!" ²³ Su tempo ene lai malæka-

tu Mawu e nameru si Herodes, batuu i sie tawe mēngangadatē Mawu Ruata. I Herodesē e nipa-kikina su ulidē bou ene nate.

²⁴ Tangu hengetang u Mawu e mangkeng kakasawuhe ringangu kakatoghase.

²⁵ Saræng i Barnabas dēduan Saulus e nanguadipē halē irēdua e, irēdua nēsulē solong Yerusalem ku nēmaringang i Yohanes, Markus, ku nēmpēdingang.

I Barnabas dēduan Saulus nipile ringangu nirolohē

13 Suralungu jamaatē su Antiokhia pia manga nabi ringangu manga mananēntiro ute lēnnau: i Barnabas, i Simeon isēsunggahī Si Maitung, i Lukius bou Kirene, i Mēnahem ku niapakasaria ringangu ratu i Herodes, dēduan Saulus. ² Pia i sire kapēkēkaliomanenge su Mawu ringangu mēmpēpēpuasa, Rohkē Susi e nēhengetang si sire, "Ia e ghēlirengkong Barnabas dēduan Saulus, baugu Ia sēsa'Ku, tadeäu i sire apēkoā munara ku seng Taku nitilakehē si rēdua."

³ Bouten nēpuasa ringangu nēkaliomaneng, i sire nanēlliden lima si Barnabas dēduan Saulus, bou e i rēdua e nirolohē.

Su Siprus

⁴Ualingu kawē niroloh'u Rohkē Susi e, tangu i Barnabas dēduan Saulus nēbuā e solong Seleukia. Bōu ene i sire nēbuā solong tahanusang Siprus. ⁵Saraeng nahumpa su Salamis, i sire nēmpēhabaren hengetangu Mawu Ruata e su apan kanisan tau Yahudi. I Yohanes Markus e mētētulung i rēdua e su raralengang.

⁶Kaguwau tahanusa ene e napēpidē si sire sarang Pafos. Pai sene i sire nēsombangkan tau Yahudi sēngkatau arenge i Bar Yesus. I sie kai tau tahatariang^j makitika u i sie kai nabi. ⁷I Sergius Paulus, gubernurē u tahanusa ene, kai hapi mapia ringangu tahatariang ene. Gubernurē ene kai tau pande ringangu peleesa. I sie kimui si Barnabas dēduan Saulus, batūu i sie mapulu rumaringihē hengetang u Mawu Ruata. ⁸Kai i Barnabas dēduan Saulus rēdokateng i Elimas tau tahatariang ene, ualingu i Elimas (u kai ene e arenge su werang Yunani) kū mētētawakali tadeau kumbahang sarang gubernurē ene mangimang su Mawu Yesus. ⁹Kuteu i Saulus – isēsēba lai si Paulus nēpapinunuen^j tukang sihir

Rohkē Susi e kū nēmandā e ma-taedē su tahatariang ene, ¹⁰mase nēbera, "Ei taha pēngakalē, anā kawontogang! I kau e rokā u patiku munara mapapia e. Unue i kau tawe mangēdo mēnggoghahē karakin Duata e mēdeau mapakasalamat'u taumata? ¹¹Kū ene kakēllae, watūu Mawu e mang mēhukung i kau e! I kau sarung mawuta, sarang tawe makasilo tualagu matangēllo e arēgan sēngkatempo."

Su orasē ene lai i Elimas nakapēndang u kai pia hiwū maitung nēnakā matane, hakiu i sie rimaleng e mēsēsasaghipo mēdēdeā taumata mēdeau pēnata si sie. ¹²Su tempon gubernurē ene nakasilōe apa nariadi e, i sie nangimang su Mawu Yesus, batūu i sie kai rimalinau tā si-hinge su tēntiro māanun Mawu e.

Su Antiokhia, Pisidia

¹³Bōu Pafos, i Paulus dingangkewelain manga hapi e nēmpēmundalē solong Perga su Pamfilia. Sene i Yohanes Markus nanēntang i sire, bōu ene nēsule solong Yerusalem. ¹⁴Bōu Perga, i sire nanēpasu raraleng i sire solong Antiokhia su Pisidia, bōu

ene su ẽllon Sabatẽ i sire simuẽ nahungkaiang suralungu kanisa. ¹⁵Saraeng Bukẽ i Musa ringangu Bukẽ u Manga Nabĩ e nibawasa, manga tẽmbonangu kanisa e nẽndolohu taumata pakĩbalõ si Paulus dingangu manga hapĩ e, "Manga anau sẽmbau, kereu i kamene piã manga sasasa pẽsẽmbau baug'i sire ini e, ute sala-matẽbe mẽmpẽhengetangu ene." ¹⁶I Paulus mẽngkatewe rimarisi, kũ bõu ene nẽnida ringangu limane, mase nẽbera,

"Manga anau sẽmbau tau Israel ringangu i kamene walĩne, kẽbĩ apang sini kũ dudaringihẽbe su Mawu Ruata! Pẽmpẽdarĩngihẽko si siã: ¹⁷Duatan Israelẽ e seng nẽmile manga iupung i kite e, kũ napakasẽllahu umatẽ ini piã i sire nakoã tau raghĩ su wanuan Misirẽ. Bõu ene kinahiang kawasan Duata masẽllahẽ e nanẽbang i sire wõu Misirẽ. ¹⁸I Sie nẽtingkẽdang u pẽkakoã i sire su kẽhu linggi e ghẽnnangu ẽpa u puõ su taunge karẽngu. ¹⁹Umatẽ pitung kawanaẽng su Kanaan nĩpapukin'E mẽdeãu pẽpapahiakengu wanua ene su tau Israel makoã tata-

ghuaneng i sire. ²⁰Kẽbĩ ene mariadi ẽpa u hasu limam puõ su taunge karẽngu e.

Samurin nẽpapahĩa u wanuan Kanaan tangu Mawu Ruata nẽngonggõu manga mẽlahukung si sire. Kasamuriange kẽbĩ mẽlahukung ene ute kai nabi i Samuel. ²¹Bõu ene i sire nẽdorong sẽngkatau ratu. Kũ Mawu Ruata e nẽngonggõ i Saul anã i Kis bõu hẽnton Benyamin, mẽdeãu makoã datun sire karẽngu u ẽpa u puõ su taunge.

²²Bõuten Mawu Ruata nẽlohos'i sie, Duata e nẽhengkẽ i Daud niapakakoã datun sire. Kũ seng ini e nipẽhengetang u Mawu Ruata e maanun Daud, 'Iã e seng nakahombang si Daud anã i Isai e kai sẽngkatau taumata mẽtẽtatahino su naung'Ku. Seng i sie taumata sarung makawatu kapulu'Ku.' ²³Bõu hẽnton Daud ene tangu Mawu Ruata e napasẽpu u sẽngkatau Ratu Mẽnanalamatẽ kerẽewe sembeng nikẽdon'E. Kũ seng i Yesus ene e Ratu Mẽnanalamatẽ e. ²⁴Kalamonan i Yesus nanẽta u munaran'E, i Yohanes seng bõu nẽmohang su taumatan Israel tadeãu i sire

13:17: Sas. 1:7, 12:51 13:18: Pẽt. 14:34, Pang. 1:31 13:19: Pang. 7:1, Yos. 14:1
 13:20: Mẽl. 2:16, 1Sam. 3:20 13:21: 1Sam. 8:5, 10:21 13:22: 1Sam. 13:14,
 16:12, Mzm. 89:21

měmpětobatě bōu kalawōu rosan sire ringangu isahani. ²⁵ Kū maraning manguadipě munarane, i Yohanes nēbera su taumata, angkuēng: 'Kai i sai tangu ia ini e tumuhū kasingka i kamene? Ia e walineuwe Taumata lēampaleng i kamene e. Pětahēndung Tau e-ne sarung dumēnta samuring ia; kalingung mēluka sapatun'E e, ia e mālaining tawe wotonge.'

²⁶ Manga anau sēmbau palahēnton Abraham, dingangu kēbi taumata waline apang sini kū matuhū su Mawu Ruata! Duata e seng nēndohong habaru kasa-salamatě ene si kite; ²⁷ batu taumata apang mētētana su Yerusalem dingangu manga tēmbo-nang i sire e tawe nakaēnna u kai seng i Sie ene e manana-lamatě e. I sire tawe nakahēngang tēntiron manga nabi e kū seng bēba-saēng apang ēllong Sabatě, hakiu i sire nēhukung i Yesus. Kaiso ualingkewen pēkakoā kerene tangu nakawodaiewe kaghaghana-pu apan seng nitēbaļu manga nabi e. ²⁸ Maningbeng i sire tawe makahombang pēsasaļa apa e si Sie kū makakahukungu huku-

mang papate e, kaiso i sire kawē mēdēdorong si Pilatus tadeau i Sie pakipate. ²⁹ Kū saraeng i sire nasue nēmpēkoā kēbi apang kabawohe suralungu Winohe Susi, i sire napalintuem balunangu wadang'E wōu kalu kuruisē, bōu ene nipēllo suralungu lēbing. ³⁰ Kai Mawu Ruata e napēbiah'i Sie kapia wōu papate. ³¹ Bōu e-ne ghēnnangu pētaha pira ēllo e i Sie mēngkate rūdēnta mēnode u watangeng'E su taumata apan seng bōu rimēnta ringang'E wōu Galilea solong Yerusalem. Seng i sire ene kū orasē ini e nakoā mēsasahidin Sie su manga umat'u Israel. ³² Kū orasē ini e i kami mēlēhabaru Injilē ene si kamene: Apang kū seng nikēdo su manga iupung i kite e, ³³ ene tangu seng nikoā e si kite dingangu napēbiah'i Yesus kapia wōu papate. Batu suralungu bukē u Mazmur karuane piā kabawohe,

'Seng i kau e Ahusē'Ku,
kū su ēllo ini tangu Ia
seng makoa i Amang'U.'

³⁴ Mawu Ruata e seng napēbiah'i Sie kapia wōu papate. Kū orasē

13:24: Mrk. 1 4, Luk 3:3 13:25: Mat. 3:11, Mrk. 1:7, Luk. 3:16, Yoh. 1:20, 27

13:28: Mat 27:22-23, Mrk. 15:13-14, Luk. 23:21-23, Yoh. 19:15

13:29: Mat 27:57-61, Mrk 15:42-47, Luk 23:50-56, Yoh. 19:38-42

13:31: MMR. 1.3 13:33: Mzm 2:7

ini e i Sie seng tawe lai sarung
makahombang papate suralungu
kubulë. Ku baugu halë ene, Ma-
wu Ruata e nëhengetang,

'Ia sarung mēngonggou
pëkakëdo susi ku sarung
ipakasëhu,

kerëewe seng Taku
pinëkëdo si Daud.'

³⁵ Kerene lai suralungu ayete
waline niwera u,

'I Kau e sarung tawe map-
kawalan Ëllang'U satia ene
mawuhu suralungu lëbing.'

³⁶ I Daud seng nate, ku nilëbing
sëngkalëbing dingang i upunge,
samurin sie nëkoā apang pakikoā
u Mawu Ruata e si sie. Malet'i
Daud malaing seng nasue nahene
këbi. ³⁷ Arawe i Yesus, ku seng
niapëbiah'u Ruata kapia wou pa-
pate e, kai i Yesus e tawe nasue
nahene. ³⁸⁻³⁹ Ualingu ene, manga
anau sëmbau, i kamene hinong
masingka u kai wou anun Yesus
ini e habaru kalaampungu rosa
e ipakihabarë si kamene; i ka-
mene hinong masingka u apan
taumata ku mangingang si Sie
e, ipakaliwirë bou kalawou rosa
ku tawe ikarëdasë ualingu wou
manga titan Duata ku ilëhabar'i
Musa. ⁴⁰ Ualingu ene i kamene

hinong pakapapia tadeau, kum-
baliang sarang mariadi si kamene
apang niwerang manga nabi ini e,

⁴¹ 'Tatinganko pakapia-pia, ei
kamene taumata apam
puluang mēhinakang!

I kamene e sarung
mëngkaherang, mase mate!

U sutoempo ini Ia e kapëkëkoā
e munara

ku i kamene hala e sarung
tawe mēmpangimang u
ene,

maningbe pia u mēnualagë
si kamene.'"

⁴² Ene pia i Paulus dëduan Bar-
nabas nanëntangu kanisa ene, i
sire su kanisa e mēdëdorong ta-
deau i sire sau mësule kapia su
ëllon Sabatë tuhu e, sau mēnua-
lagu manga halë ene e pakaun-
sui. ⁴³ Samurin sasëbangu tauma-
ta wou kanisa e, i Paulus dëduan
Barnabas e nitoleëngu tau Ya-
hudi malawo dingangu tauma-
ta wou umatë baline ku seng
nasowa agamang Yahudi. Tangu
manga rarolohang ene nënasa si
sire e tadeau i sire e hanesë
mëngumbala su kakëndag'u Ma-
wu Ruata.

⁴⁴ Su ëllon Sabatë tuhu e,
marani këbi dalohon soa e

rimēnta mēdaringihē hengetangu Mawu. ⁴⁵ Kai saraeng tau Yahudi e nakasilo taumata lawo e, i sire kai nēngkapenē u sasasingking. I sire maṇungkeang si Paulus dingangu ruḍendehē patiku apang iwēberane. ⁴⁶ Kai nēngalembo laing kawahanine i Paulus dēduan Barnabas mēngkatewe mēbēbera mahatedē. Ungkuēng i sire, "Hengetang u Mawu e mam-beng hinong ihabarē si kamene kaḷimona. Kaiso ualingu i kamene kawe tawe mapulu mēnarima u ene, i kamene seng nēnantu hala u i kamene ta hinone mēnarima u pēbawiahē tutune ringangu kakalē. Ku ini e i kandua nēnēntang i kamene ku mēbihu bansa waline. ⁴⁷ U kai ini e laorong Mawu e si kami; Mawu e nēhengetang,

'Ia e seng nēnilakeh'i kamene e makoā sēmbau tualagē baug'u kaḷawou taumata wansa waline ku baḷine Yahudi,

tadeau i kamene
makakarēntambeng
kasasalamatē baugu
patiku dunia.'" ⁴⁸

Pia e umatē baline tau Yahudi nakaringihē ene, i si-

re mēngkate maḷua-luasē, bou e mēdēdalō e hengetangu Mawu e. Mase taumata apan seng nitaning Duata mēdeau makahombang pēbawiahē tutune ringangu kakalē, i sire ene e nangimang.

⁴⁹ Hengetang u Mawu e maḷaing nasawuhē su patiku tanpa su kaguwau wanua ene. ⁵⁰ Arawe manga adimaḷa^k u soa ene ringangu manga wawine matatuhasē mēngkatakū u Mawu e tangu, sēsahowongang u taumatan Yahudi e. I sire mapalēton pēsasitori waug'i Paulus dēduan Barnabas, ku mēnokol'i rēdua wou wanua ene. ⁵¹ Tangu manga rarolohang e nēmpantong u awulē su laed'i rēdua e su tēngon sire e nakoā kere tatahēndung, bou e nakoā solong Ikonium. ⁵² Manga muritē su Antiokhia e mēngkate maḷua-luasē dingangu nēngkapenē u Rohkē Susi e.

Su Ikonium

14 I Paulus dēduan Barnabas maḷaing kinahombangeng u halē mēsulung su Ikonium. I rēdua maḷaing na-

^k tēmbonang'u

13:47: Yes. 42:6, 49:6 13:51: Mat. 10:14, Mrk. 6:11, Luk. 9:5, 10:11

hunsuë su kanisan Yahudi ku nẽmpẽbisara sẽngapang botonge sene hakiu maławo tau Yahudi ringangu waline tau Yahudi nẽmpangimang su Mawu Yesus. ²Arawe tau Yahudi apan ta mangangimang e mẽmpañahowong suapang baline tau Yahudi, hakiu makakaralakı naung i sire ku mabẽnsing u apan mangimang su Mawu Yesus. ³Ualingu ene i Paulus dẽduan Barnabas nẽmpẽtana marẽngu sene. Ku mẽngkai kakabahanine i sire mahumbisarang halẽ u Mawu. Tangu Mawu e maıaing mapakalahẽ u palahumbisaran sire maanun tatalẽntu'E tangu mambeng kahẽngang; i Sie mangonggou kawasa si sire waugu mẽkoı haghin tanda ringangu haghing halẽ makadalinau ta sihinge. ⁴Kaiso ralohon soa ene mẽgẽgulẽwasẽ sẽmbau dingangu waline; piabeng manumbẽka wou tau Yahudi ringangu piabeng manumbẽka wou manga rarolohang ene.

⁵Bou e tau Yahudi ringangu tẽmbonang e sẽnsunduang dingangu taumata waline tau Yahudi ku manigẽsa dingangu mẽmpẽngẽntungu watu su manga rarolohang ene. ⁶Kaiso manga rarolohang ene nakaẽna kaka-

koı e, ku nẽlingka solong Listra ringangu Derbe manga e soa su Likaonia ringangkewen banua mangelikı soa ene. ⁷Ku sene i rẽdua e maıaing mẽmpẽlẽhabar'u Injilẽ e.

Su Listra ringangu Derbe

⁸Kutẽu su Listra e kai pia tau esẽ laede ruambẽka e nipeosse reng dokeng bou gandongang, hakiu reng ta nakadaleng, batuu laede kawẽ tumanıu lome. ⁹Tau ene maıang sene rudaringihẽ si Paulus mẽbẽbisara. I Paulus nakasihidi u tau ene mangimang, ku ualingu ene tangu i sie wotonge maule wou saki e. Ku I Paulus e nẽmandı e si sie, ¹⁰ku dingangu tingihe maiha, i Paulus nẽbera, "Endai e rarisı pakatei!" Tau ene mẽngkatewe rimarisı pia linso e ku bou ene rimaleng. ¹¹Ene Pia e taumata lawo e nakasilo apang ku nikoı i Paulus, i sire mẽngkatewe sẽngkapẽluntingihẽ su werang Likaonia, "Manga ruata e seng nẽmpẽlintu solong dunia e nẽmpẽbawadang u wadangu taumata." ¹²Bou ene i Barnabas nisẽba i sire si Zeus, dingangu i Paulus nisẽba i sire si Hermes, batuu kai i sie mẽbawerane. ¹³Ampuang i Zeus, pangkunange su tẽngon soa, dimẽnta

nangëntudu manga sapi esë dingangu manga bungang dalëgahu pasëllangengu soa. I sie mapulu tumole ringangu taumata lawo e mëmpënarakang u sasëmba su manga raro loh ang ene.

¹⁴ Pia i Barnabas dëduan Paulus nakaringihe kapulun sire koatengu taumata lawo ene i rëdua mëngkatewe nëmpananingsasë pakeang i rëdua e apidu katalange solong anun taumata lawo e bou e nëmpebuheang, ¹⁵ "E, kawe unye i kamene nëkoakere ini? I kami e malaing taumata mësulung i kamene! I kandua ene tamai sini e kai waugu mëhabaru Injilë si kamene tadeau i kamene mëmpanëntangu kalawou sabarang tawë humpa e ini e ku dumënta solong anun Duata ku biahë, nëndiadi langi dingangu dunia ringangu laudë dingangu këbi apan suralunge.

¹⁶ Su tempo tamai naliu Mawu Ruata e napakawalan kalawou taumata apang mëmpëbëbiahë tutole kapulun sire sëngkatau-sëngkatau. ¹⁷ Arawe i Sie tawe niwule nangonggo u manga tatialan batangeng'E ku ualingu pëkakoa mapia. I Sie nëngonggo u tahiti wou langi dingangu pëba-

wawua su musunge si kame-
ne. I Sie mapakaëng i kame-
ne ringangu mapakaluasë naung
i kamene." ¹⁸ Kaiso ringangke-
wen manga wawera tamai ene
malaing bëdang mawëha baug'i
rëdua e mësedingu taumata lawo
e mëmpanarakang u sasëmba si
rëdua e.

¹⁹ Manga pirangkatau wou taumatan Yahudi e apan dimënta su Listra wou Antiokhia su Pisidia ringangu wou Ikonium mamodai taumata lawo e hakiu taumata lawo e mëmpanumbëka wo'i sire. I sire nëm pangëntungu watu si Paulus, mase nëhiudë solong likud'u soa. I sire mangiraling u i sie kai seng nate, ²⁰ kaiso saraeng i sie pinëtataliwungang u apan taumata mangimang sene, tangu nëbangungke i sie ringangu simuë kapia solong soa. Sëngkariëllone i sie nëbua solon Derbe sëngkapëbua dingang i Barnabas.

I Paulus dëduan Barnabas
nësule kapia solong
Antiokhia

²¹ Su Derbe, i Paulus dëduan Barnabas nëhabaru Injilë e ku malawo taumata nëm pangimang su Mawu Yesus. Bou ene i si-

re nēsule soḷong Listra, tuḥu e soḷong İkonium, mase soḷong Antiokhia su Pisidia. ²² Su apan soa ene, i sire maṇoghasē naungu manga murit'i Yesu dingangu mēmpēnēnasa si sire tadeau pakatatanabe su pangangimang su Mawu Yesu. "I kite e harusē masau mētatahangu sigēsā kalimona, buḥu e i kite makapēndang karāunsemahu Ruman Duata Wuhu e," kerene kakakoḥa e manga rarolohang ene mēmpānēntiro su manga murit'i Yesu su apan soa ene. ²³ Dingangu su apan jemaatē e, i Paulus dēduan Barnabas nēhengke mēngangaha jemaatē e. Bōu ene kahian pēkakaliomaneng dingangu pēpapuasa, i rēdua e mēmpanarakangken mēngangaha jemaatē e su Mawu pangimangeng i sire e.

²⁴ Bōu ene i Paulus dēduan Barnabas nanēpaseng daraleng i sire lumiu wanuan Pisidia dingangu sarang Pamfilia. ²⁵ Ku bōuten i rēdua nēhabaru hengtang u Mawu Ruata su Perga, i sire nakoḥa soḷong Atalia. ²⁶ Bōu ene i sire mēsau mēsakaeng soḷong Antiokhia. Ene e kai soa tampa i sire kalimona nisarakang su tatalēntu u Mawu Ruata e, ta-

deau i sire mēmpēkoḥa munara ku seng lēnsueēng i sire.

²⁷ Saraeng nahumpa u Antiokhia, i sire nēngomoleng tau-mata wōu jemaatē e, bōu ene nēbēkeeng patiku apang nikoḥa u Ruata limiun sire e. I sire maḷaing nēmpēbēkeng kerea-pa kakakoḥa u Ruata seng nēmu-ka raleng tadeau i sire apang baline tau Yahudi e mangimang si Yesu. ²⁸ Su soa ene i Paulus dēduan Barnabas e nētana marēngu dingangu apan taumata mangimang e.

Pēralahintau su Yerusalem

15 Pirangkatau taumata wōu Yudea narēnta su Antiokhia ku nēmpānēntiro taumata mangimang su Antiokhia ene, u kamagengu i sire tawe sunateng tumuḥu torat'i Musa, i sire tawe masaḷamatē. ² I Paulus dēduan Barnabas dudoka kahēngang su timonan sire ene. Pēngēnsueēnge tangu mapakasaḥe u tadeau i Paulus dēduan Barnabas dingangu pirangkatau lai waline wōu Antiokhia, apata-rai soḷong Yerusalem mēdeau mēdalahintaung halē ene ri-

ngangu manga rarolohang ore lai apang mēngangahā e sene.

³Jamaatē su Antiokhia nēnondan sire sarang likudu soa, bōu e i sire nakoā solong Feni-sia ringangu Samaria. Sene i sire nēmpēbēkēeng kakakoā u taumata waline tau Yahudi kŭ seng nēmpēnarakang u watangeng i sire su Mawu Ruata. Habarē e-ne mangkewen nakaŭasē naungu taumata māngimang su tampa e-ne. ⁴Piā e i sire narēntā e su Yerusalem, i sire nisēnsomaheng mapia kahian jamaatē e, ringangu kahian manga rarolohang ore lai manga pangahā e. Bōu e i rēdua nēbēkēeng kēbī apang seng nikoā u Mawu Ruata si rēdua e, si sire. ⁵Arawe pirangkatau wōu komolangu tau Farisi kŭ seng māngimang, dimarisi kŭ nēbera, "I sire wōu kawanua waline kŭ seng nēmpangimang e hinong i sunatē dingangu mambeng harusē tumolē torat'i Musa."

⁶Mase manga rarolohang dingangu manga pangahā e nēkomolē baugu mēdalāhintaung halē ene. ⁷Marēngu kahēngang i sire mēgēgaghelli u ēnna. Pangēsueēnge i Petrus dimarisi kŭ nēbera angkuēng, "Manga anāu sēmbau! I kamene hala e

masingkā u seng naung bēdang tempo naliu, Mawu Ruata e nēmile si siā bōu taloarang kamene tadeāu mēhabaru Injilē su waline tau Yahudi e, tadeāu i sire mālaing dumarangihē dingangu māngimang. ⁸Kŭ Mawu Ruata e kŭ masingkā u ralungu naungu taumata e seng nēnode u i Sie nēnarima i sire; I Sie napakalahē u ene kŭ nēngonggō u Rohkē Susi e si sire mēsulungkewelai seng nionggō e si kite. ⁹Duata e tawe mapēdalahaeng kite e ringang i sire. I Sie napakasusin naung'i sire, ualingu i sire nēmpangimang. ¹⁰Kŭ, kawe unūe i kamene mapulu rumokā Duata su tempo ini kŭ mēngonggō u wawaēng mawēhā su manga murite ini, sēmbaliau manga iupung i kite dingangkewelain i kite hala e mālaing tawe makaumalē mēndalangu kēbī e? ¹¹Raliune wue, i kite e kawe māngimang dingangu i kite e iapakasalamatē ualingu kakēndag'u Mawu Yesus; kerene lai i sire."

¹²Tangu nēngkarēmase kēbī taumata apaewen nēmpēkomolē sene. Bōu ene i sire e rimaringihewe si Barnabas dēduan Paulus saŭ mēbēbēken kalawōu tанда makalaherang dingangu apa-

weng makadalinau ta sihinge ku
seng nikoā u Mawu Ruata ku pi-
nakikoāewe si rēdua e sutaloaræ-
weng kawanua waline tau Yahudi
e. ¹³Nasueen bēkene i rēdua e,
i Yakobus nēbera, "Manga anau
sēmbau! Kēnnangko raringihē si
sia. ¹⁴I Simon buhūewe nēbēken
saheng kakakoā u Mawu Rua-
ta e naung humotong nēngukahu
pēndangu naung'E si sire waline
tau Yahudi, pia timonane mēmile
wou taloarang sire taumata wali-
ne e ku sarung makoa umat'E.
¹⁵Ku ene nētatalahino kere seng
nitēbalu manga nabi e. Batūu
kai pia kabawohē kereini,

¹⁶ 'Samuring ene Ia e rumēnta
kapia,' angkuēngu Mawu,
'Ia e sarung mēmangung
kapia waleng Daud ku
seng nahaka e,
ringangu manguli apang
naopehē e,

ku sau ipakatei;
¹⁷ tadeau kalawou taumata
apan nalēmbē ene,
mēmpēdeā Mawu,
sēngkapēdeā dingangi sire
kēbi kawanua waline
apang baline Yahudi Ku
seng nikuiang baugu
makoa tataghuaneng'Ku.'

Kerene angkuēng u Mawu,
¹⁸ ku seng nēhabaru halē ene
naung kalamona."

¹⁹"Ku pēndangengku," ang-
kuēng i Yakobus, "i kite e
tawe wotonge manigēsa si si-
re waline tau Yahudi ene ku
seng nēnarakang u watangenge
su Mawu Ruata. ²⁰Arawe i kite
e hinong mēmohē u suratē si
sire ringangu mēnasa si sire ta-
deau i sire mētēllingu kumaēng
kaēng malamuhū ku seng nakoa
sasēmba su mahang duata, a-
rau kumina gēsing binatang na-
te natēpu arau kumina (mangi-
nung) daha. Dingangu lai tadeau
i sire mētēghang u watangeng i
sire wou pēsasasundalē. ²¹Batūu
torat'i Musa e seng naung do-
keng kalamona wēbasaēng apang
ēllong Sabatē su manga kani-
sa, ringangu ilēhabarē su patiku
soa."

Suratē su apang kawanua
waline apaweng seng
nangimang e

²²Manga raro lohanga di-
ngangu manga pangaha e,
ringangkewelain kalawou ralo-
hong jamaatē nēmpamutusē u



Manga mahang duata (15:20)

mēmile manga pirangkatau wou i sire apan nirolohē solong Antiokhia ringang i Paulus dēduan Barnabas. Tangu i sire nēmile si Silas dēduan Yudas ku isēsēba lai si Barsabas. I Rēdua ini e kai taumata mapapiang jamaatē e wou taloarang taumata manging-mang su Yerusalem. ²³ Ringang-kewelain manga rarolohang ene i sire nēndoho lai suratē ku bawerane kereini,

”Su kalawou manga anau sēmbau bou kawanua waline ku baline Yahudi, apang mētētana su Antiokhia, Siria, ringangu Kilikia. Tabea bo’i kami manga rarolohang dingangu pangaha u jamaatē ku ana u sēmbau i kamene. ²⁴ I kami nakaringihē pia pirangkatau wou taloarang kami ku seng nakoā solong anung ka-

mene ku nakapēganoha dingangu nakapēbingo si kamene ualingu manga tēntiron sire. Sumbaliau i kami e tawe mēngangoro si sire pēkēkoā ene. ²⁵ Hakiu ene i kami e seng nēralahintau, ku kēbi e seng sēngkanaung mēdeau mēmile manga pirangkatau ku mēndolohi sire solong anung kamene. I sire sarung sēngkaraleng dingangu ikēkēndag’i kite i Barnabas, dēduan Paulus. ²⁶ I rēdua ini e kai seng kahēnga-hēngang nēnarakangu watangeng irēdua e su Mawung kite i Yesus Kristus. ²⁷ Ku i kami e mēndoloh’i Yudas dēduan Silas solong anung manga anau sēmbau. Seng i sire e ku sarung mēhabarē si kamene wou mohong i sire hala habarē ku malaing kabawohē suralungu suratē ini. ²⁸ Rohkē Susi

e seng kimire – dingangkewe-
laing i kami kükire – tadeau
i kamene kumbahangbe lëngka-
nengu wawawaëng limembong
kawëhæ wou manga wawawaëng
ini: ²⁹ mangalene tangu: pëtëlling
bue kumaëng kaëng kü seng bou
nakoä sasëmba su mahang duata,
kumbahang kumina^l dahang bi-
natang kü nate natëpu, ringangu
pëmpëtëghang bue wou kakanoä
u pësasasundalë. Kereu i kamene
mëtëghangu watangeng i ka-
mene wou tamai ene, ute i
kamene seng bou nëkoä mapia.
Këtaëngbeng kerene e, kü sala-
matë bue!”

³⁰ Bouten nëkata, i sire apan
nirolohë ene nëbua solong An-
tiokhia. Sene tangu i sire nëkui
e këbi dalohong jamaatë e
nipëtampung kü pinëhabareng u
suratë ene. ³¹ Saraëng këbi dalohong
jamaatë nakawasa e suratë
ene tangu, i sire mëngkate na-
huluasu ralohone nakapia iha i
sire e. ³² I Yudas dëduan Silas
e maiaing nabi, selaing marëngu
mahumbisarang kamene manga
anau sëmbau apang mangingang
su Antiokhia e mëdeau mëgëlli u
wawahansang dingangu wawalin-
sahë si sire. ³³ Sarangkeng i Yu-

das dëduan Silas nëtana sëngka-
tempo sene, taumata mangingang
su Antiokhia e napësulen dëdua
e ringangu nëngoro si rëdua
apanëpasu tabea suapaewen tau-
mata rimoloh'i rëdua e. [³⁴ Kai i
Silas e nëmutusë u mëtana sene
pakatatapë^m su Antiokhia.]

³⁵ I Paulus dëduan Barnabas
maiaing mëtëtana sëngkatempo
su Antiokhia, mëmpañëntiro ri-
ngangu mëmpëlëhabaru henge-
tang u Mawu e ringangkewe lai
taumata waline e lawo.

I Paulus nëtaleing Barnabas

³⁶ Ta naraëna wou ene tangu
i Paulus nëbera si Barna-
bas, "Boete i kite kapia mët-
wo manga anau sëmbau apang
mangingang su Mawu Yesus, su
patiku soa suapaeweng pinëha-
bareng i kite e hengetang u
Mawu; tadeau i kite e maka-
silo kereapa kakakoä i sire." ³⁷ I
Barnabas mapulu mëmaringang
i Yohanes Markus, ³⁸ kaiso i
Paulus tawë karaluase mëma-
ringang i Markus, ianu ta ma-
pulu sëngkapëhalë dingang ma-
se nanëntangkolain sire su Pam-

^l manginung ^m pakarëpang
15:38: MMR. 13:13

filia. ³⁹Tangu i Paulus dëduan Barnabas nêdarendehë marasai hakiu pangënsueënge i rêdua e nêtaiei: I Barnabas nêmaringang i Markus, kû nêsakaeng dingange sojong Siprus. ⁴⁰I Paulus ute namile si Silas mase nêbua dingange saraeng manga anau sêmbau su Antiokhia e nênarakang i sire su tatalëntu u Mawu e. ⁴¹I sire maiaing limuhu wanuan Siria ringangu Kilikia; kû sene i sire mêmpanoghasë apan jamaatë.

I Timotius timole si Paulus dëduan Silas

16 I Paulus nanëpasu ralenge sojong Derbe, bou e sojong Listra. Sene tangu pia sêngkatau murit'i Yesus, arenge i Timotius. I ninange tau Yahudi, kû seng mangingang su Mawu Yesus; arawe i amange ute kai tau Yunani. ²Bou taloarang taumata mangingang kû matana su Listra ringangu Ikonium, i Timotius timeleng kere sêngkatau mapia. ³I Paulus mapulu tadeau i Timotius tumole ringange; ualingu ene i sie nênunatë si Timotius. I sie nêkoa ene. batuu taumatan Yahudi su wanua ene kêbi e masingka u i amang i Timotius e kai sêngkatau taumatang Yunani. ⁴Suapae-

weng soa kû têtivoëng i sire e, i sire mëlëhabaru apang putusang kû seng ninawong manga rarolohang dingangu manga pangaha e su Yerusalem. I sire mêmpenëna-sa manga anau sêmbau apang mangingang e mèdeau tumuhu kalawou atorang ene. ⁵Tangu apaeweng jamaatë e mahuntinambang katoghase pangangimange, kû apang kalaëlo e mang mahuntinambang kakëpale.

Su Troas: I Paulus nakasiloko sêmbau papasilo

⁶Rohkë Susi e tawe mapakawalan Paulus dëduan Silas mēhabaru hengetang u Mawu e su propinsi Asia. Kû daraleng i sire e nipakatëpasë sojong banuan Frigia ringangu Galatia. ⁷Ene nahumpaeng pësaraëng su Misia, i sire nēnaluka e simuë sojong propinsing Bitinia, kaiso Rohkë u Mawu Yesus e nēmeto si sire sojong ene. ⁸Kû i sire nēhëpuse Misia e apidu nakoā sojong Troas. ⁹Sēhēbi ene su Troas, i Paulus nakasilo sêmbau papasilo. Su papasilo ene, i sie nakasilo tau Makedonia sêngkatau rudara si su tēngone apidu mēdēdorong sēngapang botonge tadeau i sie makoā sojong Makedonia mēdeau mētulung i sire. ¹⁰Sa-

rangke i Paulus nakahombang papasilo ene, i kami mēngkatewe ringangu nēdariahi makoa solong Makedonia. Batūu mambeng natahutēngadē su naung i kami nēmuru e ghēsine u Mawu Ruata e rimoloh'i kami pēlēhabaru Injilē e su patikū taumata apang sene.

Su Filipi: I Lidia māngimang su Mawu Ruata

¹¹I kami e nēbuā e wou Troas, kū apidu nēmundalē solong Samotrake, ringangu sēngkarioēllone nakoā solong Neapolis. ¹²Bou ene i kami solong Filipi, soa sēmbau su distriku Makedonia kahumotongange. Filipi e kai su paparentaēngu kararatuangu Roma. Sene tangu i kami e nētana manga pira ēllo karēngu e. ¹³Su ēlloeng Sabatē i kami nakoā solong biwihu saļu su likudu pasēllangengu soa, u su pēndangeng i kami e sene kai piā tampa u pēkakaliomanengang u tau Yahudi. Bou e i kami naiang dingangu māhumbisara ringangu manga wawine apang nēmpēkomolē sene. ¹⁴Sēngkatau wou taļorang sire kai tahawaļu u heka kamumu, arenge i Lidia, tau wou soan Tiatira. I sie kūkēndag'u Mawu Ruata, kū

Mawu e mēngēnganoā daļungu naunge tadeau i sie mēnarima bue apang itētēntirong Paulusē e si sie. ¹⁵I Lidia ringangu raļohong balene e nisahani. Bouten nisahani e i sie nēhaēngke si kami e. I sie nēbera, "Kereu manga anau sēmbau makapēndang u ia e kahēnga-hēngang seng māngimang su Mawu Yesus, ute pahundangengke su waleku." Mase i sie mēnēnihasa e si kami mēdeau pakītuhuke roronge.

I Paulus nitahungkū su Filipi

¹⁶Su sahēllo i kami e kapa-hundalenge solong tampa u pēkakaliomanengang, i kami e nēsombangke ringangu sēngkatau wawine; e kai ēllang. Tau wawine ene kai nipēkawasaēngu rohkē daļakisē e kū makatēbaļu kakakoā u sarung mariadi. Kahian pēnanighadu paļedu limang sēmbau-sēmbau tangu tau wawine ene makaonggo u untune maraļawo su manga mawune. ¹⁷Tau wawine ene mēngkate tapē tūtoļe si Paulus dingangi kami e kapēmēmansage, "I sire ini e kai ēllangu Mawu Kasēllahenge! I sire rimēnta tadeau mēhabarē su manga anau sēmbau kereapa raļenge tadeau i kame-



Soang Filipi (16:12)

ne masalamatë!" ¹⁸ Kū gënnangu manga pira ëllo karëngue tau wawine ene mëngkate hanesë mansagë kerene. I Paulusë e kai natakehë, hakiu i sie nëbihi kū nëbera su rohkë ene, "Su areng'i Yesus Kristus e ia mangoro si kau sëbangke wou wawine ini!" Tangu su tempo ene lai e rohkë e nanëntang u wawine ëndaj e. ¹⁹ Ene sarangke manga mawune nakahëngangke u i sire seng tawë lësabu makaëbä doitë e, i sire mëngkatewe nëname si Paulus dëduan Silas böu e nëhiud'i rëdua sojong dëlahë niapëtëngon manga tëmbonange. ²⁰ I sire napëtëngon Paulus dëduan Silas, su manga tëmbonang u kawanua su Roma e, wou e nëbera, "I sire ini e taumatan Yahudi e. I sire kai nënggaghohaeng su soang kite

e. ²¹ I sire kai nëmpënahowong taumata apëkëkoä tundu kū tawe sëndalengu atorang i kite taumatan Roma. I kite e tawe makatarima arau makakatole tundun sire ene!" ²² Taumata lawo e maiaing sëngkapëtatibulu rimoka si Paulus dëduan Silas; dingangu apaeweng manga mawu tëmbonang u kawanua nëmpëhëngkasewe pakeang böu awa irëdua manga raro lohng ene, böu e nangoro taumata pinëlimadë si rëdua. ²³ Bouten i rëdua nilimadë pinakatëdu-tëdu e, mase i rëdua nitaho su tahungkū. Tëmbonangu waleng tahungkū e nioro pinëlukadë si sire pakapia-pia. ²⁴ Ualingu kawë parenta e tangu tëmbonangu waleng tahungkū e nëngaresë si rëdua e su huangu tahungkū kara-

lungang e, bōu e namēntung lae-
d'i rēdua e su balakē.

²⁵ Manga e kēkaḷoarane, i Paulus dēduan Silas kapēkēkaḷio-amanenge ringangu kapēkēkantarieng kakantari daralo su Mawu Ruata. Taumatang talungkuewe lai waline e maḷaing kapēdēdaringihe si sire mēkēkantari. ²⁶ Sēngkēlēndiū nēlimuhē maiha-iha, hakiu pinamanggilangu tahungku e maḷaing gininuē." Kaḷawōwen manga tukad'u tahungku e nasue nēngkatope ringangu mangaewe hante pinēhapusē kaḷawōu taumatang tahungku e maḷaing naraḷuka. ²⁷ Tēmbonang u tahungku ene himēkose ku napuko. Sarangke i sie nakasilo manga tukadu tahungku e nēngkatope, tangu i sie mēngkatewe nēngasa pedane ku nēmatē e wadange, watu i sie māngiraling u taumatan tahungku e kai seng nasue nēmpahuntalang. ²⁸ Kai i Paulus e mēngkatewe nēkia maiha-iha, "Abe pētumpate! I kami kēbi e ēndaung bue ene sini!"

²⁹ Tēmbonangu tahungku e nēdorongke soḷo, ku bōu ene timalang soḷong daḷunge, ku apidu kakendene, i sie naēnsa su tēngon Paulus dēduan Silas. ³⁰ Bōu e i sie nangahaen dēdua niapasēbang
" kimio = berguncang

ku nēbera, "Manga Mawu, kai apa e hinong taku koateng tadeau ia e masalaḷamatē?"

³¹ I Paulus dēduan Silas siminibang, "Pangimangke su Mawu Yesus! I kau sarung masalaḷamatē – i kau ringangu kēbi taumata suraḷungu walenu!" ³² Mase i Paulus dēduan Silas nēnualagu waweran Mawu su tēmbonang u tahungku e ringangu su patiku taumata apang ene su walene. ³³ Su hēbi ene lai kēkaḷoarane tangu tēmbonang u tahungku e nēngalia i sire ku nēmpamurēsi manga lese i sire. Tangu i sie ringangkewen patiku taumata apang su walene e apidu nisahani. ³⁴ Bōu ene i sie nēngahaen Paulus dēduan Silas soḷong balene ku nēnadiang kaēng si sire. I sie ringangkewen kēbi daḷohong balene mēngkate maḷua-luasē batu orasē ini e i sie kai māngimang su Mawu Ruata.

³⁵ Sēngkariōellone maḷukadē, manga mapapangkatē tēmbonang u kawanuan Roma e nēndoloh'u polisi soḷong tahungku mēdeau pēlēhabaru parenta tadeau i Paulus dēduan Silas pakipello.

³⁶ Tēmbonang u tahungku e nēhabaru hālē ene si Paulus. I sie nēbera, "Manga mawu mapas-

pangkatu tēmbonangu kawanua e seng nēparenta pēmēmēllo i tuang dēdua. Ku ini e tangu i tuang dēdua e seng botonge mapule. Ku salamatē mēmpahun-daleng!”

³⁷ Kai i Paulus nēbera su manga mawu polisi ene, ”I kami e kai kawanuang nēgarang Roma. Tawe nipēparikēsaēng, kuteu i kami kawē seng nīdalimadē su tēngon lawo dingangu nitahungku. Ku ini e i sire mēdēndoloh’i kandua pakapule pakapēnnisē? I kandua e madiri! Pēngoro e manga mapapangkatē apan tēmbonang’u kawanua e aparēnta hala solong ini apēlēso i kandua e.”

³⁸ Manga aghaghaheng^o u polisi e nēhabaru ene su tēmbonang u kawanuan Roma. Pia e i sire mapapangkatu tēmbonang u kawanua e nakaringihē u i Paulus dēduan Silas kawē tau Roma, ute i sire nēngkataku e. ³⁹ Mase i sire nēdorongke ampung si Paulus dēduan Silas, ku bou ene i sire nēmpanondang dēdua simēbang bou tahungku apidu kadoronge i rēdua e pañētangu soa ene. ⁴⁰ I Paulus dēduan Silas nanēntangken tahungku e ku nakoā solong baleng Lidia. Bouten nēsombang u jamaatē sene, apidu mēgēgēlli u

^o petugas

wawahansang si sire e, i Paulus dēduan Silas tangu nēbuā e.

Su Tesalonika

17 I Paulus dēduan Silas nanēpaseng daraleng i sire nisaheng Amfipolis dingangu Apolonia bou e nahumpa u Tesalonika. Sene kai pia kanisan Tau Yahudi e. ² Tangu i Paulus malaing nakoā solong kanisa ene – mēsulungkewe tundu-ne kēkoatenge kereu pia kanisa’n tau Yahudi sēmbau e – wou e mēmpēdēdalahintau ringangu apaeweng sene e mahumbisarang halē u manga ayetē su Winohe Susi e. I sie nēkoā ene e karengūwen tēllung ka Sabatē mētētatuhu. ³ Suralungu ayet’u Winohe Susi e i sie mēnēnualagē dingangu mēlēlahē u Ratu Mananałamatē ku seng nikēdon Mawu Ruata e hinong mēdararagu sigēsa dingangu mēbiahē kapia wou kapapohong’E. ”I Yesus taku ilēhabarē si kamene e, i Sie kai Ratu Mananałamatē ku seng nikēdo e,” angkuēng i Paulus. ⁴ Pirangkatau nēmpangimang mase timole si Paulus dēduan Silas; kerene lai kaławokange wou tau Yunani ku

matakū u Ruata, dingangu lawo lai manga wawine lēadateng.

⁵Arawe tau Yahudi e kawe susingking. I sire mēmpēkēkui taumata apang lūliongahē su apan daleng kū nēkoā komolāng u ghanohā. Tangu i sire nēnggo-haengke su kaguwau soa e, mase nēmpēngalo e walēn sēngkatau māngimang isēsēbā si Yason pēdēdeakeng si Paulus dēduan Silas, u i sire kai mapulu makisēbang i Paulus dēduan Silas ipētēngon taumata lawo. ⁶Ualingu piā i sire kawe tā nakaēbā si Paulus dēduan Silas ute, nēhiude si Yason dingangkewelain taumata māngimang baline e manga pirangkatau solong tēngon manga mapapangkatē apang piā kawasane su soa ene. I sire nēmpēheang u, "I rēdua ini e kai mēmpēgēnggohaeng suapan tampa! Orasē ini e soang kite e mālaing seng nirēntaēng i rēdua, ⁷kū i Yason seng nēnarima i rēdua su walene. I sire kēbi e tangu lūlampa kalawou titang kaisar'u Roma, batūu i sire kai mēbēbera u piābe lai ratu waline kū arenge i Yesus." ⁸Dingangu manga wawera ene tangū nakapēgēgahe taumata lawo e ringangu apaeweng mangangawasa e su soa ene. ⁹Mase manga

mangangawasa e nangoro si Yason dingangu taumata māngimang baline e pēgēgēlliu wawaehe. Bōu ene wuhūewe i rēdua e pakipēllo.

Su Berea

¹⁰Su hēbi ene taumata māngimang su soa ene nēndoloh'i Paulus dēduan Silas apakākoā solong Berea. Nahumpa e sene, i Paulus dēduan Silas nakoā solong kanisang tau Yahudi. ¹¹Taumata su Berea e nēngalem-bong mābawuka naunge wōu i sire apang su Tesalonika. Mēngkate apa māluasē naung i sire nakaringihē bēkeng habaru Mawu Yesus, kū bōu e ēllo-ēllo i sire mēmpānanēsui Winohe Susi mēdeāu makākasingkā u mēnsang kahēngang bue tēntiron Paulus. ¹²Lawo bōu taloaran sire māngimang su Mawu Yesus, ringangu walineuwe lai mahali tau Yunani mapapia e nēmpangimang; baē bawine ringangu waēbe lai esē e. ¹³Piā e tau Yahudi su Tesalonika nakaringihē u i Paulus selaing mēlēhabaru hengetangu Mawu su Berea, tangu i sire mālaing nahundēnta su Berea kū mēmpēuēnahowong dingangu nīpēbēbimbong u apang taumata sene. ¹⁴Dingangu masahawū-

saliawu manga anau sēmbau su Berea e nēnonda si Paulus solong apeng, arawe i Silas dēduan Timotius mēngkate tēbe mēmpētētana su soa ene. ¹⁵ Bōuten nanonda si Paulus solong Atena, nianga anau sēmbau ene e nēsule solong Berea nēhabaru tatanatang Paulus tadeau i Silas dēduan Timotius apētētuhū si sie sēngapang kaligha e.

Su Atena

¹⁶ Ene i Paulus kapēngēngampale si Silas dēduan Timotius su Atena, naunge mēngkate apa kimēndu u nakasilō e soa e mēngkatewe napenē u pakaluang. ¹⁷ Ualingu ene tangu i Paulus mēngkate mēdēdalahintau ringangu tau Yahudi ringangkewen taumata waline apang mānēmba Mawu su tampa ene, su kanisa e. Kerene lai su manga pasarē, ēllo ēllo i sie mēngkate mēkēkakerea-pa ringangu apaeweng taumata sene. ¹⁸ Manga mananēntiro wou ghalipohon Epikuros dingangu ghalipohon Stoa mēmpēdēdaren-dehē lai ringange. Pirangkatau wō'i sire nēbera, "Tau ini e masingka u a? Kasingka e kētabeng kadodo, kai arawe mohonge matanantadē!" Sēngga ete wue ute nēbera u, "Luhude i sie kai

mēlēhabaru mahang duata wou wansa waline." I sire nēmpēbera kerene, ualingu i Paulus mēlēhabaru kakakoā u Mawu Yesus ringangu niāanun pēbawangunge kapia wou kapapohong'E. ¹⁹ Mase i sire nēmaringang i Paulus solong pēsasonibang su wulud'u Areopagus. Ku sene i sire nēmpēbera e si sie, "I kami e mapulu masingka u tēntiro wuhu ilēhabaru ene. ²⁰ Batu u i kau kai mēlēhabaru halē buhu ikēkaringihu tulung kami e. Ku ualingu ene tangu i kami e reng mapulu masingka u mēnsang kai apa mangalene." (²¹ Batu tau Atena kēbi-kēbi e ringangu taumata raghi apang mēmpētētana sene e mēngkai papuluang mēngēusueewe tempon sire su loahe ipēdēdarinhē dingangu mēmpahumbisarang halē buhu ikēkaringihē e.)

²² Su tempong i Paulus dudarisi su tēngon taumata apang mēmpētētampung su Areopagus e, i Paulus nēbera, "E i kamene tau Atena! Ia makasahidi u suralungu patiku munara e i kamene manga anau sēmbau mēngkate mālaagama. ²³ Batu pia ia kapēdaralenge māngēliku soang kamene e ringangu tuta-tingangke manga tampa u pēkalīomanengang i kamene, ute ia

nakasilo lai tampa u pëmamëllo-
 kang sasëmba sëmbau, ku sene
 pia kabawohë, 'Su Ruata ku
 ta nikëkahënganeng.' Ku kai su
 Ruata sësëmbaëng i kamene, ka-
 tewe i kamene wëga wue, u kai
 seng i Sie taku ilëhabarë si ka-
 mene. ²⁴ Duata e nëndiadi dunia
 ini ringangu patiku dalohone, ute
 kai Mawun langi dingangu dunia
 e. I Sie maiaing tawe mëtatanä
 suralungu walën mahang duata
 koä u liman taumata. ²⁵ I Sie
 maiaing tawe mëgaghausë manga
 apa wou taumata, u kai i Sie
 mangonggou pëbawiahë dingangu
 singongo ringangkewelain patiku
 sabarang su taumata e. ²⁶ Bou-
 ten sëngkatau taumata e, i Sie
 napakariading patiku bansa ri-
 ngangu nangoro si sire ipëlëloho
 kaguwau dunia e. I Sie lai nëni-
 lakehë deng dokeng bou tëtä e
 mënsang su tempo sude arau
 su tampa sude i sire wotonge
 makapëbiahë. ²⁷ Mawu Ruata e
 nëkoä ene tadeau i sire mëdeä
 si Sie. Małowoko i sire mësom-
 bang dingang'E su tempong i sire
 kapëdëdeä e. Kai tumuhu hinone
 Ruata e tawë kararaune wou
 anung kite sëngkatau-sëngkatau
 e. ²⁸ Kereewe ipëpauli u tau-
 mata e, 'I kite e ipëbëbiahë di-

ngangu kukanoa dingangu më-
 bëbiahë su dunia ini e kai ualing-
 u kawasan'E.' Mësulungu lai
 ilëhabaru tahaanang berang ka-
 mene.

'I sire nëmpëbera u, i kite
 këbi e kai manga ana'E.' ²⁹ Ho,
 ualingu i kite e kawe manga
 palahana u Mawu e, ute i kite
 tawe wotonge mangënnau Ruata
 e kawe tabidaü mësulungu tula-
 da wou wulaeng arau salaka a-
 rau watu nikoä tuhu kapandeng
 taumata. ³⁰ Tempong kawawodo-
 ki kite e seng nipakawëgan Dua-
 ta, arawe orasë ini e i Sie nëndo-
 lohu patiku taumata su kaguwau
 dunia e pëtëtohatë bou manga
 rosan sire e. ³¹ Batu i Sie kai
 seng namoëngu ëllo sahëllo wau-
 gu mapëgutang kasëllahu dunia
 e tuhu kaadile. Halë ene sarung
 koateng u sëngkatau pinilen Dua-
 ta e samatang baugu halë ene.
 Ringangu lai tadeau patiku tau-
 mata e maiaking u halë ene, u
 Ruata e seng napëbiahë kapia
 tau ene wou kapapohong'E!"

³² Saraeng i sire nakaringihë
 u nakasasëbaeng pëbawiahë kapia
 wou papate, tangu pia u wou i si-
 re nahulëgeeng Paulus. Pia u lai
 nëbera, "I kami e mapulu mëda-
 ringihë si kau e mëbisarang halë

ini." ³³Mase i Paulus naněntangkeng komo_lang ene. ³⁴Kuteu pia u sutaloaran sire manumbeka wo'i Paulus dingangu mangimang su Mawu Yesus, kere i: Dionisius sengkatau wo_lu ra_lohon majelis_e u Areopagus, ringangu sengkatau wawine arenge i Damaris, dingangu lai manga pirangkatau.

Su Korintus

18 B_ou ene i Paulus naněntang u Atena ku nako_a so_long Korintus. ²Sene i sie nėsombangken sengkatau Yahudi arenge i Akwila, tau wo_lu soan Pontus. I Akwila buhu e lai simongo wo_lu Italia ringangu kawinge i Priskila. I sire riměnta so_long Korintus bat_u i kaisar Klaudius seng něndolohu kěbi taumatan Yahudi e apasěbang b_ou Roma. I Paulus tamai nětiwo si rědua, ³mase nětana sene ringang'i sire, ku něhal_e sěngkapěhal_e bat_u hambaki sire e kai mėsul_ungu hambaki Paulus, ku kai měkěko_a tenda. ⁴Arawe su ėllon Sabat_e e i Paulus tamai naněntiro su kanisa mēde_{au} makariading tau Yahudi ringangu lai tau Yunani e mangimang si Yesus.

⁵Ene saraeng i Silas dēduan Timotius narěnta e wo_lu Ma-

kedonia, i Paulus mēngkatewe mangěnsueen tempone waugu mēhabaru injil_e b_ou anun Duata e su tau Yahudi u i Yesus e kai Ratu Manana_lamat_e e nikēdon Duata. ⁶Kai ua_lingken taumata e mēngkate hanes_e d_udoka dingangu mēlēhinakang si sie, ute i Paulus mēngkatewe nēnontongu awul_e b_ou pakeange, kere sěmbau tatialan pětatahěndungangu pēsasa_lang sire. I sie nēbera u, "Kereu i kamene masilaka, ute ene sembeng sa_lang kamene hala! Ia e wěga wue! Ku maněta b_ou oras_e ini tangu ia sarung mako_a so_long anun sire wa_line tau Yahudi e." ⁷B_ou e i Paulus naněntangken sire ku nětana e su wa_le su sěmběkang kanisa e. Ba_le ene kai wa_leng sengkatau wa_line tau Yahudi e, kaiso i sie kawe mēnēnēmba Ruata. Arengu tau ene ute kai i Titius Yustus. ⁸Arawe i Krispus tēmbonangu kanisa e ringangkewe ka_lawo_lu ra_lohong ba_lene e mangimang su Mawu Yesus. Dingangu ma_lawo_l lai taumatang Korintus ba_line e ru_daringih_e tēntirong Paulus, mase i sire mangimang su Mawu Yesus ku b_ou ene sahaniang.

⁹Su sěhěbi tangu sura_lungken sěmbau papasilo e, Mawu

e nēhengetang si Paulus, "Abe katakū! Mēngkate pēnēntiro kū abe karēmmasē. ¹⁰U iā e rumēndingang si kau. Tawēu sarang sēngkatau makapēkoā dalākī si kau, u kai lawō taumata su soa ini e kai taumata'Ku." ¹¹Uaḷingu ene i Paulus nētana su Korintus sēntaung dingangu ēnung u wuḷang karēngu e kū mēnēnēntirong hengetang u Mawu e si sire.

¹²Piā e i Galio nakoā gubernurē u Akhaya, tau Yahudi e mēngkatewe sēnsunduang dumoka si Paulus, mase manuē i sie su pēnggaghutaēng. ¹³I sire nauḷieng kabaratang ini, "Tau ini e māmiraḥi taumata lawō e tadeāu pēnēnēmba Ruata kū tawe nētatalahino ringangu torat'i Musa!"

¹⁴Kuteu piā i Paulus mapulu sumimbahē, Galio seng nēbera su tau Yahudi, "E tau Yahudi! Kereu ipēpangaduhang ini e kai sēmbau dalawang arau sēmbau kakanoā dalākī, tangu hinone iā mang mēsabarū pangaduhang i kamene ini. ¹⁵Kaiso ini e kawē pēdararendehu wawera ringangu manga areng ore lai manga torat'i kamene hala e! Kū mang i kamene hinong mapakaliung kēbī ene. Iā e reng maḍiri mēhukung

u manga haḷē kereini!" ¹⁶Bou ene i Galio nēnokoli sire nia-pasēbang sarang likude. ¹⁷Tangu i sire nēname si Sostenes tēmbonang'u kanisa e, kū namēbahē si sie su tēngon medang pēnggaghutaēng e. Arawe i Galio mang ta kadionge mēsēmpī u haḷē ene.

I Paulus nēsule solong Antiokhia

¹⁸Bou ene i Paulus bēdang mētētana marēngu su Korintus. Bou ene i sie nēberaeng sala-matēbe matēntang su kēbī taumata mangimang su tampa ene, bou ene nēmundale, ringang i Priskila rēduang Akwila solong Siria. Su Kengkrea i Paulus nakilungguhu uta e nāung seng niḅawalane niapakanandu uaḷingu kēdone su Mawu. ¹⁹Ene narēntae su Efesus, i Paulus nanēntangken Priskila rēduang Akwila bou e simuē solong dalungu kanisa kū mēkēkakere-apa ringangu tau Yahudi sene. ²⁰I sire mēgēgausē u tadeāu i sie reng apakadarēnna mētana dingangi sire, kaiso i sie tawe mapulu. ²¹Maningbe kerene, kai su tempong i sie sarung mēbuā e, i sie nēbera u, "Kereu Mawu Ruata e mapakawala, ute iā

saube mësule kapia su tampa i-ni." Bōuten nēbera kerene i sie nēbua e wou Efesus.

²²Ene nalintu e su Kaisarea, i sie nakoā solong Yerusalem nēgēllieng adatē su rałohong jamaatē sene, bōu ene natēpasu Antiokhia. ²³Wōuten nētana sene sēngkatempo e, i sie saŭete wue namundaļē, nēniata ēntanang Galatia ringangu Frigia mēdeāu mēmpanoghasē pangangimangu rałohon jamaatē.

I Apolos su Efesus dingangu Korintus

²⁴Tangu piako tau Yahudi sēngkatau wou Aleksandria arenge i Apolos, narēnta su Efesus. I sie kai pande mahumbisara ringangu masingkasingka u rałohong Binohe Susi e, ²⁵kuteu seng nitēntiroēngu mēkirala tēntiro maanun Yesus. Tangu i sie mēngkai manēntiro ringangu kakakēhagē dingangu mēngkai maudu-udupē manēntiro mauli u i Yesus, maning buhu e haļē u pēnanahaning Yohanesē e singka e. ²⁶Dingangu tawē goē e i Apolos nanēta e mēbēbisara suraļungu kanisa pia e i Priskila rēduang Akwila ruđaringihē tēntirone, i sire nēmpēmaringanken sie solong baļe. Sene i sire

mēnēnualagē si sire nēngalembo lai katumange maanun daralengu munarang Mawu baugu kasasalamat'u taumata wou i Yesus Kristus. ²⁷Bōu enee i Apolos kai pia kapulune makoa solong Akhaya. Tangu taumata apang mangingang su Mawu Yesus su Efesus nēmohe u suratē su manga anaū sēmbau apang mangingang su Akhaya e tadeāu i sire mapulu mēnarima i Apolos. Ku pia e i Apolos narēnta e su Akhaya, pētatuļunge mambeng naļahē u pia gunane masaria su apantaumata ku ualingu kakēndagu Mawu Ruata e seng nangimang su Mawu Yesus. ²⁸Batuu apa e makalahēngking, ku i Apolos nakawata tau Yahudi e su haļē u pēdararendehē su tēngong ļawo. Ku i sie mēļēlahe u wawerang Binohe Susi u kai i Yesus Datu Manalamatē nikēdo e.

I Paulus su Efesus

19 Ene pia e i Apolos su Korintus, i Paulus kai kaļuhune uļung banua e ku nahumpaeng Efesus. Pai sene i sie nēsombangken pirangkatau apang seng mangingang su Mawu Yesus. ²I sie nakiwaļo si sire, "I kamene nakatarima u Rohkē Su-

si pia i kamene nēmpangimang su Mawu Yesus?"

I sire simimbang, "I kami e kaṛlung nakaringihē u pia Rohkē Susi e, kai mang tala."

³"Kamageng kerene, kai nisahaning sasahani sude tangu i kamene e?" angkuēng i Paulus.

"Dingangu sasahaning Yohanes," angkuēngkeweng sire. ⁴Mase i Paulus nēbera, "I Yohanes nēnahani taumata e mēdeau pēlahakang u i sire ene seng nēmpētobatē bou kaṛawou rosan sire. Kai i Yohanes maṛaing kapēlēhabare su tau Israel u i sire hinong mangimang su taumata ku sarung dumēnta e samurin sie, ku kai i Yesus."

⁵Ene i sire nakaringihe ene, tangu i sire nisahanī e su arengu Mawu Yesus. ⁶Ku su tempong i Paulus nanēllidu ḷimane si sire, Rohkē Susi e nēkawas sa si sire, ku bou e i sire nanēta e mēmpēbēbera suraṛlungu haghing bawera makadalinau dingangu maṇēpaseng habaru injilē. ⁷Kakēpaḷi sire e tangu mangawe mapulo dua sukataune.

⁸Gēnnangu tēllu wuṛang karēngue i Paulus mēngkatewe mēbēbisara ringangu ta goē e

su taumata e suraṛlungu kani sa, mēpēpapangala dingang i sire baugu mēngiaking i sire mēnsang kereapa Mawu Ruata e mēparenta kere sēngkatau Ratu. ⁹Kai pira-pirangkatau e wou i sire ene kai mēmpētētungkētī u tēmbo i sire ku tawe mapulu mangimang. Su tēngon patiku taumata maṭatampung sene i sire mēngkate mēlēhinakang tēntiro maṇanung Mawu Ruata waugu mēngambang taumata e uṛlingu Yesus. Uṛlingu ene i Paulus nanēntang i sire ku natamai nēmpēpaparingang dingangu manga murit'u Mawu Yesus simuē soḷong daṛlungu pēsasikoḷaēng i Tiranus. Sene i sie apang kaṛaello e mēmpēkēkakiwaḷo ringangkewen manga taumata e. ¹⁰I sie mēngkatewe tatapē mēkēkoḷa haḷē ene suraṛlungu sēntaung karēngu e sarang kēbī taumata apang mēmpētētana su propinsing Asia e, baē tau Yahudi arau kawana lai waḷine, kēbī-kēbī e rimaringihē hengetangu Mawu e.

Manga ana i Skewa

¹¹Duata e mēkēkoḷa haḷē makadalinau ta sihinge suraṛlung'i

Paulus. ¹²Kereu lenso arau papehe k_u seng b_{ou} p_əpaketang i Paulus k_u bawaenge solong an_{un} masasak_i, tangu sak_i i sire e mailang dingangu rohk_ə u setang e ma_laing mahunsēbang b_{ou} an_{un} sire. ¹³Piako tau Yahudi pirangkatau tahapēnokol_u setang lul_uhu apang tampa mēngēng_userē rohk_ə dalakisē e w_{ou} apan taumata. Piako lai wahighan sire mēpēpak_ə u arengu Mawu Yesus ipēnēnokol_ə kalaw_{ou} rohk_ə u setang e. I sire nēmpēbera su manga rohk_ə u setang ene, "Su arengu Mawu Yesus ilēhabar'i Paulus ene, i_a mēnokol_i kamene!" ¹⁴Pi_a manga rari_o esē pitungkatau an_{au} sēngkatau pangkate imang marang_ə arenge i Skewa, mēkēko_a hal_ə kerene.

¹⁵Arawe rohk_ə u setange nēbera si sire, "I_a masingk_a i Yesus dingangu i_a masingkalain Paulus_ə e, arawe i kamene ini e kai i sai?"

¹⁶Mase tau kinasuēkangu setang e limins_o e k_u mēngkat_uewe timēmb_o ringangu kawah_unine, hak_u i sire nahuntal_{ang} b_{ou} wal_ə ene pi_a les_ə e ringangu tēntol_ə, bat_uu pakeang i sire e nipēgaghaghehe b_{ou} wad_{ang} i sire e. ¹⁷Kalaw_{ou} tau Yahudi e ringangkewelaing kawanua wal_{ine}

e ma_tana su Efesus e nakaringi_{he} apa nariadi e, tangu i sire nēngkatak_u e. K_u areng u Mawu Yesus mang sauneng dēdaloēng. ¹⁸Ma_law_o taumata e nēngka_{ko}a taumata m_{ang}imang su Mawu Yesus, d_udēnta mēmp_{ang}akung pēsasa_{lan} sire su tēngon law_o, naung su tempo nal_{iu} e. ¹⁹K_u i sire tiasa e naung kaw_e mēdēdal_{ah}opa e, nēmpēnampungu manga buk_ə i sire k_u nasuen tutunge su tēngon taumata law_o. Mangawe ipēt_{at}tamba kalaw_{ou} arēgang buk_ə i sire e mangawe limang pul_o su hiwune roit_ə tēmbaga. ²⁰Kerene sahen tatuwong hengetangu Mawu e nētimbangkewelain kawasane, k_u mangkeng kakasawuhe ringangu mangkeng kakatoghase wawodai e.

Pēgaghaghohaeng su Efesus

²¹Samuring karariadin tamai ene, i Paulus namutus_ə u ma_{ko}a solong Makedonia ringangu Akhaya b_{ou} ene matēpasu Yerusalem. "K_u maeng seng b_{ou} pai ene," angkuēng i Paulus, "i_a ma_laing harus_ə makaratingu Roma." ²²Tangu i sie nēndol_ohu ruangkatau w_{ou} tumatimbange k_u kai naung i Timotius

dëduan Erastus mëdeau makoa solong Makedonia, tëntalangbe ia mëtëtana sêngkatempo su propinsing Asia.

²³ Luhudu su tempo ene kai pia ganoha masaria nariadi su Efesus, ualingu pënanëntiro mëbëbëkeng kakakoau Mawu Yesus. ²⁴ Batuu su soa ene kai pia sêngkatau tukang salaka arenge i Demetrius ku mëkëkoa tulada salaka rarodo, tuladang pangkunganu mahan duata wawine i Artemis. Hambaku tau ene kai makonggo u asëkine masaria su manga mëlahalë e. ²⁵ Ualingu ene tangu i sie nënampungke manga mëlahalë e ringangkewelain manga mëlahalë u tukang salaka waline, ku bou ene nëbera, "Manga anau sëmbau! I kame-ne masingka u i kite e kai makahombang asëkine wou munara ini e. ²⁶ Ku ini e i kame-ne seng nakasilo e ringangu nakaringihë hala apang ku niko i Paulusëe. I sie nëbera u manga mahan duata ku nangun seng niko u taumata e mambeng balinewe ruata. Dingangu i sie seng nakakariadin taumata lawo e mangimang u tëntirone balinewe këtaeng sini su Efesus, kaiso kawe maraning mapëpidu kasëllahu wanuag Asia e lai.

²⁷ Makagënggang ute kai madingu munarang kite ini e kawe makahombang areng mawuhu. Dingangu walinewe këtau ene, kaiso pangkunganu ruata wawine i Artemis malaing sarung koateng ta mangalene, ringangu kawawantuge sarung ralindaeng; sumbaliau i sie kai ruata wawine ku dëdaloeng u patiku taumata su Asia, ringangu su kasëllahu dunia!"

²⁸ Kerene sarangke kalawou taumata e nakaringihë ene naung i sire e nëngkatëti, ku bou e i sire nëmpamansagë u, "Biahë i Artemis, ruatan tau Efesus!"

²⁹ Tangu ghanoha ene mëngkatewe namëpidë sêngkasoang. Bou ene ghapaengu mëgaghohaeng e mëngkatewe nëmpaname si Gaius dëduan Aristarkhus, tau Makedonia e dumararingang si Paulus su raralengang e, bou ene nëhiud'i sire solong stadiongu soa e. ³⁰ I Paulus mapulu sumuë mëtëngkalau dingang i sire, kaiso apang mëmpangimang su Mawu Yesus sene e nëmpësëding i sie. ³¹ Pirangkatau mapapangkatu propinsing Asia e apang mëmpëdëdalahapi i Paulus, nangoro lai su taumata pëlëhabarë si Paulus tadeau i sie kumbahang lai mëtëngkatode u wa-

tangenge su stadion ene. ³²Ene apaeweng taumata mēmpēkēko-molē su stadion ene kawē seng naung nēmpēkalimbuhung. Pia e seng mēmpēmēmansagē kere ini, piabe lain mēmpēbēbansagē kerene, u kaławokang e wou i sire e wēga wue mēnsang kawē unue i sire nēmpētampung sene. ³³Sēngga bou i sire ene mēnēnika u kai i Aleksander nakoā puēngu sitori, batu u kai i sie nisuhudu tau Yahudi solong tēngone. Tangu i Aleksander nēnidaeng limane makionggo u loahe reng mauḷi u hinone su tēngon taumata lawo e. ³⁴Kai kerene i sire nakasilō e u i sie kai tau Yahudi, tangu sēngkahindō e nēmpaman-sagē maiha-ihā angkuēng: "Biahē i Artemis, ruatan tau Efesus!"

³⁵Nadeho katewe durutulisu soa e nakakalēda naungu taumata lawo e. I sie nēbera, "E i kamene tau Efesus! Patiku taumata e masingka u kai soan Efesus nakoā soa pēpapaduliangu pangkunang u ruata i Artemis dingangu watu susi ku matēntung bou langi e. ³⁶Taweu sarang sēngkatau makakarendehu halē ene. Ualingu ene tangu

pakalenehē bue, ringangu kumbahang mēkoā apa ku tawē suna e. ³⁷I sire ini e niwawang kame-ne solong ini e walineuwe ualingu i sire kai seng nēhampasē pangkunang u mahang duata arau kai ualingu i sire seng nēhinakang duatang kite. ³⁸Kereu i Demetrius dingangu manga mēlahalē e pia pangaduhang e su pēsēngkatau e, ute wala e kere i sire apēbawa perekarang sire su pēgaghaghutaēnge. Pēgaghaghutaēng e kabawuka wue waugu ene ringangu manga mapapangkatu tēmbonangu kawanua e sēntinia mang ene. ³⁹Kai kamageng u bēdang lai pia apa-apa waline ku ilēnning i kamene, ute ene e harusē pakasuewe pahumbisarang kamene su pēdararudatong lawo e tuhewe ralenge. ⁴⁰Batu apang ku nariadi su sahēllo ini e kiwua u kai makasilaka si kite. I kite botonge itoke mēkēkoā pēgaghohaeng, ualingu i kite e tawē apa sarang manga pungene kadidi-didi baugu mapakasēgadu hinong pēgaghaghohaeng ini e." ⁴¹Bouten namoka u kēbi ene durutulisu soa e rimolohu taumata lawo e pinakapule.

I Paulus nakoꝝ soꝛong Makedonia ringangu Yunani

20 Sarangke pëgaghaghongga su Efesus e naꝛeḁa e kapia, i Paulus e nëñampungken jamaatë e ku deng nëgëlli u sasasa si sire. Bøu ene i sie nëkataeng sire ku nëberan saꝛamatëbe matëntang, mase nanëpaseng daraleng e sarang Makedonia. ²I sie namëpidë kaꝛuwau wanuan Makedonia ku seng nëmaꝛiansang u sasasa laꝛwo su taumata apang maꝛgimang su Mawu Yesus su tamꝛa ene. Bøu ene i sie nakoꝝ soꝛong Yunani. ³Tëllu wuꝛang kaꝛëngue i sie nëtana sene. Tangu pia i sie kapësasadiane mëmundalë soꝛong Siria e, piako habarë u tau Yahuḁi e sëngkahaung mëmate si sie. Uaꝛingu ene tangu i sie nëmutusu mëdeau mësuꝛe ku ilëngangu Makedonia. ⁴I Sopater ana i Pirus bøu Berea nëḁingang i sie; kereḁe lai i Aristarkhus ḁëduan Sekundus tau Tesalonika, ringangu i Gayus tau Derbe. Kerene lai i Timotius, i Tikhikus dingang i Trofimius, tau wou propinsing Asia. ⁵I sire nëngalimona si kami ku bøu ene nëngampalë si kami su Troas. ⁶Napaꝛuseng Pëmamantugu Ëllon Borotë Ta-
^p janela = jendela

we Kabø e, i kami nëmundalë ku nanëntangken soan Filipi. Lima ëllo tuhu e i kami nëtampung kapia ringang i sire su Troas. Sene i kami e nëtana sëngkamisa kaꝛëngu e.

Pëtatiwon Paulus pëngënsueënge su Troas

⁷Su hëbing ëllo misa e i kami nëtampung mëdeau kumaëng sëngkakaëng kerëwe kaꝛaëngu ana sëmbaꝛu e. I Paulus kai mëḁedarudato ringangu taumata, watuu sëngkariøëllone i sie kai pia karakine mëbua. Sarang këkaꝛoarane i Paulus mëngkate mëbëbisara. ⁸Suraꝛungu kamarë su wowone rasi tamꝛaeng kami mëtampung e, mëngkai natimu soꝛone. ⁹Ene kai pia sëngkatau umbaseng arenge i Eutikhus maꝛiangke su tobangeng.^p Uaꝛingu i Paulus tawë ëdunge mëbisara tangu, i anu umbaseng ene kinahuntikilangke marasai hakiu i sie kinaꝛëñabengke su tobangeng ene, bøu e wëgaweng kinanawoënge rasi bøu katëllu hawenge. Tangu pia e i sire nëhengke si sie, kutëu sëngkakakëllane i sie kai seng nate. ¹⁰Arawe i Paulus e tanae e limintu, ku dimarëmma su tau

umbaseng ene e, ku nilahëkutang e. I Paulus nëbera angkuëng, "Abe ghënggang u i sie wëda-weng biahë!" ¹¹Bou ene i Paulus saüewe naawi solong bowone, bou ene nëmahiaeng borotë dingangu kimaëng sëngkakaëng. Saraeng seng marëngu mahumbi-sara ringangu taumata ene sarang malukadë tangu, i Paulus e nëbua e. ¹²Taumata e mëngkatewe nëmaringang napulë su tau umbaseng ene solong balene. I sire mëngkatewe nakapëndang u maluasë dingangu mahiborë.

Bou Troas sarang Miletus

¹³I kami e nakoä e solong kapalë ku nëbua e nëngalimona solong Asos, mëdeäu mënënsomahë si Paulus ku mapasakeng sie su kapalë e sene. I sie seng nëngatorë kerene ualingu i sie kai makoä solong tampa e-ne mëdeä dalengu lumëngang. ¹⁴Saraeng nësombang su Asos, i Paulus mëngkatewe ligha simake kapalë ku bou ene i kami nëbua solong Metilene. ¹⁵Bou pai ene, i kami e nëbua kapia ku sëngkariqëllone nahumpa u tampa ku mëtëtëngong Khios. Sëngkakarumahing e i kami e nahumpaeng Samos ku naliuën sëhëllö e tangu nahumpaen Miletus. ¹⁶I Paulus

kai nëmutusë u tawe motong su Efesus, tadeäu kumbahangbe mëgaghölö u tempo e su wanuan Asia. Ku i sie kai mësësasahawu sëngapang botonge makoä solong Yerusalem su ëllon pëmaman-tug'u ʔëntakosta.

I Paulus nëberaeng pëkakata su Efesus

¹⁷Bou Miletus i Paulus nëndingö u habarë solong Efesus mëgëgausë apang pangahä u jamaatë sene e pënënsomahë si sie. ¹⁸Ene pia e i sire nasongö e i Paulus e nëbera e si sire, "Manga anäu sëmbau masingka u kereapa ia nëbëbiahë tempo ini sutalö-arang kamene nanëta bou ëllo humotonge ia nasongo su Asia. ¹⁹Dingangu kasasana u naung, ore lai ringangu tatëdö u ëllon mata malawö e ia mëmunara wangu Mawu suralungu pëtatoha u sasaluka këkahombangengku e ualingu kai pia kapulu ralaki bou tau Yahudi. ²⁰I kamene masingka u ia e sembeng tawe mëndalëmping sarang kadidi-didi mauü si kamene apang pia gunane si kamene. Ia manëntiro si kamene walaewe su komolangu taumata lawö dingangu su apang bale. ²¹Baewe su taumatan Yahudi arau lai su wansa waline ia

mëngkate sëntiniã mângarëkilë⁹ si sire tadeau apëtëto batë bôu kalawou rosan sire kû apakakoã solong anun Mawu Ruata, ringangu apangimang su Mawu Yesus. ²²Kû tangu mëdeau makatuhube laorong Rohkë Susi e, ute iã e makoako solong Yerusalem. Kû iã e wëga wue mënsang apa e sarung mariadi si siã pai sene. ²³Iã e këtãengbeng masingka u su apan soa e, Rohkë e manahuntëngadë si siã, u iã e sarung sumuë su tahungkû dingangu sarung masigësã. ²⁴Arawe iã e tawe mëndarekeng u pëbawiahëku ini e, sëmbali kate iã e makauadipëbe munaraku e naung seng nilëngkang u Mawu Yesus si siã e ringangu sëmbali kate iã e masatia sarang pëngënsueëngu pëbawiahëku e waugu mëhabaru Injilë e maanun kakëndagu Mawu Ruata.

²⁵Iã seng bôu nëtiwo si kamene anau sëmbau dingangu selaing bôu nëhabaru maanun kereapa Mawu Ruata e mëparenta kere sengkatau Ratu. Kû ini tangu iã mëpëpëndang u selaing tawe sau makapësombang i kamene manga anau sëmbau. ²⁶Ualingu ene hatede iã e mëbera

si kamene u kamageng u pia u sutaloarang kamene kû sarung mawihua e,^{*} ene walineuwe sala-kû. ²⁷Iã e tawe timëtalang bôu halëku e manualagu patikû karkin Duata e si kamene. ²⁸Kû i kamene pëndiagabeng batangeng i kamene hala e ringangu lukarewe këbi dalohon jamaatë e kû seng pinamëllokang u Rohkë Susi e si kamene mëdeau pakilukade; u i kamene kai seng bôu nirui nakoã mënanahimata jamaatë e. Kû i kamene e pëmpëlukadëbe jamaat'u Mawu e mësulungu sengkatau lukadë mëlëlukadë dombane, batu Mawu e kai seng napakariadin jamaatë e tataghuaneng'E tutune ualingu kapapohongu Ahus'E tutune. ²⁹Su palusëku e nalahë u sarung dëntaëng u manga sarigala wawaliai sutaloarang kamene. Kû i sire apan dëdiagateng i kamene e sarung makoã kinaëngu manga sarigala ene. ³⁰Saralaing bôu taloarang kamene hala e sarung pia u masalinsawu mëhabaru habarë tawë katëngade. I sire mëkëkoã kerene tadeau apan tau-mata kû seng mângimang su Mawu Yesus e mipalidë kû bôu e tu-

⁹ mëgëgëlli u ingate = memberi peringatan ^{*} mawinasa = binasa
20:24: 2Tim. 4:7

moŕe si sire. ³¹ Uaŕingu ene tangu pakaraŕlukadē bue! Pētahēndung u kai tēllu taung karēngu e, ringangu kaŕangi e haneŕ, ēllo hēbi e tawe ēdone ia manēntiro su sēngkatau-sēngkatau e wou i kamene.

³² Ku ini e ia mēnarakang i kamene su Mawu Ruata tadeau i Sie mēhiking si kamene ringangu tadeau i kamene mēngumpaedē bue su habaru kakēndagu Mawu Ruata. Mawu Ruata e kai kawaŕsa waugu manoghaŕe si kamene ringangu mēngonggo u kaŕawou alaŕmatē si kamene ku seng nidaŕiahin'E waugu patiku umat'E.

³³ Ia e tawe lumaēnning⁸ u roitē arau pakeang su sarang sēngkatau. ³⁴ I kamene hala e masingka u kai uaŕingu liaghang gatiku ia mēŕeŕŕalimaē mēnukuwe pan-dunganku ringangkewen manga hapiku apan nēmpētoŕe ringanku. ³⁵ Suraluŕngu patiku munara e ia seng nēngonggo u sansahē⁴ si kamene u kahian pētatēngkasaghedē kere ini e i kite e hinong mētulung u apan seng bou nipēhengetang u Mawu Yesus, 'Limembong makariangkamang e mēngonggo, suŕungu mēnarima e.'"

³⁶ Ene saraeng i Paulus nasuēen bisarane tangu i sie nēmulaŕgengke ringang i sire kēbi e ku nēkaŕiomaneng. ³⁷ Tangu i sire kēbi e mēngkatewe nahunsangi kaŕahēku e si Paulus dingangu kapēbēberane salaŕmatēbe rumaluŕng. ³⁸ Nēngalembōewe makasusa si sire e uaŕingu i Paulus nēbera u i sire e sembeng ta sau makasilo si sie. Bou e i sire nēmpangēntuden sie solong kapalē.

I Paulus nakoŕa solong Yerusalem

21 I kami e nēkata u pangaha u jamaatē bou Efesus e, bou ene nanēntang i sire. Bou e i kami nēbuŕa e natēpasu toadu Kos; ku sēngkariōellone i kami nahumpa e su tahanusang Rodos. Bou tampa ene tangu i kami e nēmundaŕe solong pēmamaŕangoēngu Patara. ² Su Patara e i kami nēŕombangkeng kapalē mētētmona Fenisia. Tangu i kami simake e kapalē ene, mase nēbuŕa e, ³ ku nēŕakaeng sarang i kami e nakasilo e tahanusang Siprus su kaihing kami; kai arawe i kami e mang kapēŕeŕsakaenge mētētmona Siria.

⁸ nalon = menginginkan ⁴ kakakēllaēng = contoh, teladan



Soang Tirus (21:3)

I kami e nēmāḷango su Tirus, batu kapalē e kai pēngaungang lurange. ⁴Su tampa ene i kami tamai limuhu nētiwo apang mēmpangimang su Mawu Yesus, mase mētētana dingang i sire ghēnnangu sēngkamisa karēngu e. Kinahiaen aha u Rohkē Susi e i sire mēnēnēgu si Paulus tadeau kumbahangbe tamai soḷong Yerusalem. ⁵Kai sarangke nahēpusē tempone waug'i kami e mētana sene, i kami e nanēntang i sire ku nanēpasu raraleng i kami. I sire kēbi e ringangkewen manga ana dingangu kawing i sire nēnonda si kami sarang likudu soa. Pai sene, su wiwihu apeng tangu i kami

kēbi nēmūlangeng ku nēkaḷioma-neng. ⁶Bou ene i kami e nēkata e sēmbau dingangu waline wou ene simake su kapalē, ku i sire nēmpēsulē e soḷong bale.

⁷I kami e mēngkate nēmundaḷē bou Tirus soḷong Ptolemais. Sene i kami e nētiwo manga anau sēmbau apang mangimang e, ku mēbēbawa e adatē si sire bou e reng nētana sēhēllo ringang i sire. ⁸Sēngkariōellone i kami e nēbua e kapia, ku nahumpaeng Kaisarea. Sene tangu i kami e reng nēsombang u mēlahabaru Injilē arenge i Filipus, ku nētana dingange su waline. I sie tangu kai sēngkatau wou taḷoarang si-

re pitu kinapile su Yerusalem.

⁹Ana e mahuala i sire epa seng nialamateng u kakendagu Mawu Ruata medeau mehabaru injil'u Ruata. ¹⁰Saraeng nararena e i kami e sene, narenta e sengkatau nabi arenge i Agabus bou Yudea. ¹¹I sie rimenta anung kami ku nengala papehe i Paulus. Dingangu papehe ene i sie nengiki laede ringangu limane hala, mase nebera, "Kai ini e nipauli u Rohke Susi e: Taghuang u papehe ini e sarung hapusang kereini su Yerusalem kahian tau Yahudi e, ku isarakang su waline tau Yahudi."

¹²Sarang nakaringihē ene, i kami ringangkewelaing kēbi manga anau sēmbau matana su Kaisarea e mededorong sengapang botonge si Paulus tadeau i sie kumbahang tamai solong Yerusalem. ¹³Arawe i sie kai simimbang, "Apa wue gunane i kamene mahunsangi kereini hakiu mapakakondō u naungku e? Ia e seng tēbe sadia, walineuwe ketau makihapusē pai sene, kaiso saralaing mate ualingu Mawu Yesus." ¹⁴I Paulus tawe mapulu rumaringihē si kami, tangu i kami e nengēdo nēseding i sie. "Balawe kapulun Mawu e kariadi," angkuēng i kami.

¹⁵Sarangke wou nētana sengapang dengū e sene, i kami e mēngkate nēndiahing apaliwu i kami ku nēbua solong Yerusalem. ¹⁶Ku pirangkatau manga anau sēmbau bou Kaisarea nahun-dingang i kami medeau mēnon-dang kami solong baleng Manason, batu i kami e kai mēnguntang su walene. (I Manason e kai tau Siprus ku kai seng marēngu nakoā murit'u Mawu Yesus.)

I Paulus nētiwo si Yakobus

¹⁷Ene pia i kami narenta e su Yerusalem, manga ana u sēmbau sene nanēnsomahe si kami ku mēngkate maralahimu. ¹⁸Sēngkarioellone i Paulus dimaleng sēngkaraleng dingang i kami nētiwo si Yakobus; ku kēbiwe apan tēmbonang u jamaatē e malaing ene sene. ¹⁹Bouten nēgelli u adatē si sire, i Paulus nēbēke si sire patiku apang kinoā u Mawu Ruata e si sie sutałoaran sire waline tau Yahudi e. ²⁰Bouten nakaringihē bēken Paulusē e, i sire kēbi mēngkatewe nēmpēdalo Mawu. Bou ene i sire nēmpēbera si Paulus, "Paulus! I kau hinong masingka u seng apa hiwune tau-matan Yahudi e nēmpangimang su Mawu Yesus. I sire kēbi e kai

masatia su torat'i Musa e. ²¹ Ku orasē ini e i sire nakaringihē u i kau kai mañēntiro patiku tau Yahudi ku matana kaḷaunidē sutaloarang bansa waline, tadeau i sire apēmēmēllo u torat'i Musa. I kau e nēnasa si sire tadeau i sire tawe makisunatu manga ana i sire arau mēmpēsēmpī u tiahan tau Yahudi e. ²² Ku ini e i sire tau Yahudi apan seng manging mang ene seng nalahe u sarung dumaringihē u i kau e seng ene sini. Ku kereapa e tangu? ²³ Mapiawe tuhu tēgung kami. Kai pia ēpa u katau sini ku seng bou nēkēdo su Mawu. ²⁴ Ku i kau e pēmaringangke si sire panusi watangengu e ringang i sire ku talungko wawaeh'i sire mēdeau makikulu u uta i sire. Maeng kere ne sarung lumēta su kēbi taumata u apang kinarinh'i sire mañanun kau e, walineuwe hinone, ualingu i kau sēsanu malaing mēsēsēmpī u torat'i Musa e. ²⁵ Kai arawe i sire apang baline tau Yahudi e ku seng nangimang su Mawu Yesus, seng bou nisurateng i kami mañanun putusang i kami u i sire apētētēghang u kumaēng kaēng ku naung seng bou nisēmba su mahang duata, apētētēlling

u kumina binatang pia dahane arau kumina gēsing binatang ku nate nikēlo; dingangu apētētēghang u kakanoa u pēsasundalē.”

²⁶ Tangu i Paulus dimalengke ringang i sire ēpa u katau ene, ku bou ene i sire nēmpētēngkasusien batangeng i sire sēngkahindō su sēngkariōellone. Bou ene i sire nahunsuē su Walem Mawu mēdeau mēhabaru kate lai pira ēllo halē u pananusi e maghanapē e ringangu sasēmban sire sēngkatau-sēngkatau e isarakang.

I Paulus nisamē suralungu Walem Mawu

²⁷ Ene pia e poēngu pitu ēllo e seng marani e mapaghohē, tangu pia manga pirangkatau taumatan Yahudi wou Asia e nakasilo si Paulus suralungu Walem Mawu. Bou ene i sire nēnahowongke taumata lawō e, bou ene nēmpēhēgo si Paulus. ²⁸ Kapēmēmansage, "E tau Israel, tulungko! Seng ini e taumatane ku dudaleng suapan tanpa kapanēntirone su patiku taumata e, mañēntiron haghing dalawang su tau Israel, rudoka torat'i Musa e ringangu rudoka Walem Mawu ini e. Kuteu

relaingko mēmēmaringang i sire waline tau Yahudi e apasue suralungu Walem Mawu e ku mapakadalaki u tampa susi ini e!" (29 I sire nēmpēbera kerene watuu i sire seng nakasilo si Trofimus tau Efesus ene e su soa ringang i Paulus; ku i sire nēngēna u kai i Paulus napasue u tau ene suralungu Walem Mawu.)

30 Ene kasellahu soa sēmbau e mēngkatewe nēganoha ku kēbi taumata e nēmpēkaliwo-woēngke mēdeau mētampung. I sire nēmpēname si Paulus dingangu nēhiud'i sie solong likudu Walem Mawu e. Ku su tempo ene lai tukadu Walem Mawu nihēping. 31 Pia i sire manga mēnggaghohaeng e mēdeau u mēmate si Paulus, taumata e nēhabarēko su komēndang^u u mēsaseke bou Roma u kaguwau Yerusalem e kapēgēganoha e. 32 Tangu komēndang ene mēngkatewe nēmaringang manga perwira e ringangu soldado manga pirangkatau ku masahawu-sahawu nahuntalang dingang i sire solong tampa u ghanoha ene. Su tempon taumata lawo e nakasilo komēndang ene ringangu manga soldadone, tangu i sire

nēmpangēdo e namēbahē si Paulus. 33 Komēndang ene mēngkatewe himaung si Paulus, ku nisame e, ringangu nangoro taumata pinēhapusē si sie. Bou ene komēndang ene nakiwalo mēnsang kai i sai i Paulusē e ringangu kai apa e nikakoā e. 34 Sēmbahageang bou taumata lawo e simimbang u kereini ku sēmbahageang kewe lai simimbangu kerene. Kakakoā kerene ute kai kalēmboghang hakū komēndaēng e tawe makakasingka u kai apa e nāung seng nariadi e. Ualingu ene tangu i sie nēngoro tadeau i Paulus pakisuē suralungu markasē." 35 Pia i sire nēngaha i sie solong tumbalatung e, manga mēnggaghanoha e tangu mēngkatewe nēmpēnggaghohaeng tawē sihinge hakieweng i Paulusē e katewe pinētatimbangengu manga prajuritē e. 36 I sire e tētoleēngu wuntuangu mēnggaghohaeng e ku mēmpēmēmansagē u, "Patē e i sie!"

I Paulus mētētahutēnda u watangenge

37 Kerene sumuē e suralungu markasē e, i Paulus nēbera su

^u suralungu wakudē = markas ^v suralungu wakudē = markas

komëndang ene, "Botonge ia deng makapëdudaton Tuang kadodo tempo?"

"I kau makaberangbeng Yunani tangu?" angkuëng u komëndang ene. ³⁸"Kamageng kerene, i kau walineuwe tau Misirë nangun kangere nëkoə go haeng ku bou ene napatalang u ëpa u hiwu sukataune mënggaghohaeng pia aghide simuë solong banua linggi?"

³⁹I Paulus simimbang, "Ia e kai tau Yahudi, tumanau soan Tarsus, soa timeleng su Kilikia. Tulungko ghëlire loahe ia mēbisara ringang."

⁴⁰Tangu saraeng i Paulus nighëlirang u loahe nëbisara, i Paulus dimarisi e su tukadë, ku nënida ringangu limane. Këbi taumata e nëngkarëmmasë. Bou ene i Paulus nëbisara si sire su werang Ibrani. I Paulus nëbera,

22 "Manga ghaghurang esë dingangu manga anau sēmbauku ikëkëndagë e patiku! Ia e mauḷi u hinoku e si kamene. Kēnangko raringihë!" ²Pia i sire nakaringihë si Paulus mēbēbera su werang Ibrani e, saunengke lai nētēngkarëmmasë i sire. Tangu i Paulus nanēpaseng tatualage. ³"Ia e kai tau Yahudi," angkuëng

i Paulus, "ia e kai pinēhënding su Tarsus su wanuan Kilikia. kaiso ia e niapakasaria sini su Yerusalem, ku kai nitëntiroëng pinakiuwuhë kahian mananëntiro gëguwa i Gamaliel su halë u tumuhu torat'i Musa e su manga i upung i kite e. Mēsulungkewelai manga anau u sēmbau patiku e sini su sahëlo ini, ia e maḷaing makēhagë baugu Ma-wu e. ⁴Ia e mëngkai mētëtingkai patiku apan tutole tëntiro wuhu ene. I sire këbi e baë esë arau waëbe lai wawine e taku sēsamekang mase taku sēsuekang suralungu tahungku. ⁵Imang marangë hāla e, ringangu këbiwe apang Mënggaghuta Agama e makasahidi u ia e tawe mēkakonti. Batuu kai seng i sire ene wou nëngonggo u suratë sia baug'i sire tau Yahudi su Damsyik. Ualingu suratë ene tangu ia niapakawala mēname apan taumata mangimang su tëntiro ene e su tampa ene ringangu mēbawawe lai si sire solong Yerusalem mēdeau pahangeng."

I Paulus nëbëkeng ëba e

(MMR. 9:1-19, 26:12-18)

⁶"Pia e ia kadalenge ku maranieng Damsyik, natarang-

ke ɛllo malɛtu e, sɛngkianu e pia tualagɛ masaria natuahɛ bɔu langi nɛliwung si sia. ⁷Ene ia mɛngkatewe nawatang su ɛntana, bɔu e ia nakaringihɛ pia tingihɛ nɛbera; si sia, 'Saulus, Saulus! Kawe unu e i kau manumbiagɛ si sia?' ⁸Mase ia e nakiwalɔ, 'Kai i sai i kau e Tuang?' 'Ia e kai i Yesus tau Nazaret tɛtumbiagengu,' angkuɛnge. ⁹Taumata apaeweng ene sene ringanku e nakasilo tualagɛ ene, kaiso i sire tawe nakaringihɛ tingihɛ mɛbɛbisarang ia e. ¹⁰Mase ia nakiwalɔ kapia, 'Ia e kai hinong makoa e apa Mawu?' Mawu e simimbang, 'Pɛbangungke ku suɛko su Damsyik. Ku sene i kau e sarung paulikangu kapulun Duata e pakikoa si kau.' ¹¹Ia e kai nawuta ualingu tualagɛ nakalangɛ ene. Tangu manga hapiku e nɛngaha u ia e simuɛ su Damsyik.

¹²Tangu sene kai pia sɛngkatau arenge i Ananias. I sie kai sɛngkatau taumata maagama ringangu matuhu-tuhu su manga torat'i Musa. Kɛbi tau Yahudi apang mɛmpɛtɛtana su Damsyikɛ e mɛngkate maadatɛ kahɛngang si sie. ¹³I sie kai rimɛnta rimalinge si sia, ku dimarisi su sɛndihangku apidu nɛbera, 'Saulus, anau sɛmbauku, sauko

pɛmanda pakapia!' Su tempo ene lai ia nɛhengke u ghatiku, wɔu ene nɛmanda si sie. ¹⁴Bɔu ene i sie nɛbera si sia, 'Duata naung pahamawuang i upung i kite e seng nɛmile si kau tadeau i kau makakasingka u kapulun'E, ringangu makasilo si Yesus, ɛllangu Ruata ku mɛkɛkoa kapulun Duata e mase ruɔdaringihɛbe tingihu Mawu Yesus sɛsane. ¹⁵I kau e sarung makoa sahidi wau-gu mɛhabaru patiku apan seng kinasilonu ringangu kinarangihu su patiku taumata e. ¹⁶Ku tawahaɭuasu lai mahɛdo marɛngu-dɛngu. Pɛbangungke, ku pakisahaningkong batangengu. Pɛkuiko arengu Mawu e tadeau i kau e malɛwirɛ bɔu rosanu e.'"

**Mawu Ruata e rimoloh'i
Paulus pɛnɛnasɛ si sire
wansa waline tau Yahudi e**

¹⁷"Ia e nɛsule solong Yerusalem, ku pia ia kapɛkɛkaliomanenge su Walem Mawu, ia e kai nikanoakeng u Rohkɛ Susi. ¹⁸Ia nakasilo Mawu; ku i Sie nɛhengetang si sia, 'Lighako pakasahawu pɛnɛntangu Yerusalem, batuu i sire sini e tawe karaɭuase mɛmpɛnarima u sasa-hidinu e maanun Ia.' ¹⁹Ia kai nɛbera, 'Mawu, i sire masingka-

singka u ia seng bou simuë su manga waleng pëkakalioma-nengang mëdeau mëname dingangu mëmëbahë si sire apang mëmpangimang si Kau e. ²⁰ Kerene lai su tempon sahidinu i Stefanus nipate, ia sësaku e maiaing ene sene, ringangu kapuluku kerene. Hakiu kawe ia e mëlëhapa pakeang i sai-saing nëmate si sie.' ²¹ Kaiso Mawu e maiaing nëbera si sia, 'Dako e, watu ia kai sarung mëndoloh'i kau kakoa solong tanpa marau anun sire apang baline tau Yahudi e.'"

²² Taumata e mang deng dudarangihë si Paulus mahumbisara e, katewe su pëngënsueëngu wawerane e, i sire kawe nëmpëheang sëngapang botonge kaiha e, "Mëngkate pate taumata kerene. I sie tawe hinone ipëbiahë!" ²³ Apidu kapëlëheange maiha-ihä, i sire nëmpëngalipe e kakingkaeng i sire, ringangu mapakatontongu awulë su winangaeng. ²⁴ Tangu komëngangu wuntuang u Roma e nangoro e tadeau i Paulus pakisuë e su waloari^w mëdeau i sie sësuiang dingangu kagesere mëdeau makasingka u kawe unue tau Yahudi e kawe mëmpëbëbuheang kerene

si sie. ²⁵ Kai su tempong i Paulus bouten nilaikë baugu pakilimadë e, i Paulus kai nëbera su perwira ku naung dudarisi sene, "Botonge ngae mëndalimadë sëngkatau kawanuan Roma e ku bëdang tawe nisësësuiang?"

²⁶ Nakaringihë ene, tangu perwira ene, nakoä solong anun komëndangu wuntuange ku nëbera, "Ku seng ini e sarung koateng i Tuang? Tau ini e kai kawanuan Roma!"

²⁷ Tangu komëndang ene nakoä e solong anun Paulus dingangu nakiwalo, "Kënancko pauli, mënsangbe kawanuan Roma i kau e!"

"Ore" angkuëng i Paulus, "ia e kawanuan Roma." ²⁸ Komëndang ene saüewe nëbera, "Ia e nakoä kawanuan Roma, ualingu mëmëmaehëbe pakë tawë sihinge kalawoë!"

I Paulus simimbang, "Arawe ia e pinëhanabe kere anau wanuang Roma e." ²⁹ Tangu orasë ene lai manga soldado apangkewe mapulu mënanë sui si Paulusë e nëmpësohö dingangu komëndang ene maiaing nataku batu i sie kawe seng nëhapus'i Paulusë e,

^w wukudë = markas

sēmbalıau i Paulus kawē anau wanuan Roma.

I Paulus su tēngon Pēnggaghutaēngu Agama

³⁰ Komēndangu wuntuang bōu Roma e mapulu-pulu makakasingka u mēnsang kawē unue hakiu tau Yahudi e mēngēnsilu sala si Paulus. Ualingu ene tangu sēngkariōēllone i sie nēkui manga imang tēmbonang e ringangu manga Mēnggaghuta Agama e niapēkomolē. Bōu ene i Paulus e nilukane wōu wēntunge, mase pinakiwawane niapararisi su tēngon sire kēbi.

23 Ene i Paulus nēmandā e si sire mēnggaghaghuta e ku nēbera, "Manga anau sēmbau ku! Sarang sahēllo ini e iā tawē nakapēndangu mamben tawē salaku su tēngon Duata suralungu naungku māanun pēbawiahēku." ² Pia i Paulus nēbera kerene, imang mawantugē i Ananias nēndolohu taumata ku dūdarisi su sēmbēkang Paulus pinēmeru mohong i Paulus. ³ Tangu i Paulus nēbera e su imang marangē ene, "Mawu Ruata e sarung mēmeru si kau, taumata kontiang ku mēmēmēlle susi! I

kau kukaian sene mēlēhukung u iā tutuhu torat'i Musa, kuteu kawē i kau sēsanu lūlampa toratē e, ku mēngēngoro taumata tadeau apēmēmeru si sia!"

⁴ Taumata apang su sēmbēkang Paulusē e nēbera si Paulus, "I kau mēngkai kasamede imang u Ruata Mawantugē!" ⁵ I Paulus simimbang, "O, iā e wēga, manga anau sēmbau, u i sie kawē imang marangē. Kahēngang bue suralungu Bukē Susi e pia kaba-wohē, 'Kumbahang i kau mēngkai manamedē tēmbonang u wansanu e.'"

⁶ I Paulus nakasilo u sēmbahageang bōu manga mēnggaghaghuta e kai wōu i sire tau Saduki ringangu sēmbahageangkewe lai waline ute kai i sire wōu taumatang Farisi. Ualingu ene i sie nēbera su mēnggaghuta e, "Manga ana u sēmbau! Iā e kai tau Farisi, hēnton Farisi. Iā e nilahukung sini ualingu iā mangimang u taumata apan seng nate e sarungbe mēbiahē kapia." ⁷ Sarang i sie nēbera kerene, tau Farisi ringangu tau Saduki e nanēta e nēdarendehē, hakiu komolang ene napahia duang kamonaēng. (⁸ Batuu unguēng u

tau Yahudi e, taumata nate e seng tawe saŭ mẽbiahẽ kapia, dingangu tawe apa malækatẽ e, ringangkewe lai manga rohkẽ e tawe apa; arawe tau Farisi e mangimang u sarungbe piã kẽbi tamai ene.) ⁹Tangu nẽganoha e marehe. Pirangkatau taumatang Farisi e nakoã mananẽntiro agama e nẽmpẽdarisi kũ dudoka kahẽnga-hẽngang. Angkuẽng i sire: "Tumuhũ kasingka i kami e, tau ẽndai e tawe salane sarang kadidi-didi! Aramanung mamben tẽngadẽ piãbe rohkẽ arau malækatẽ e kũ mẽbẽbisaran sie!"

¹⁰Pẽdararendehẽ ene nakoã e keren kasẽllahe hakiu komẽndang e nataku kibasine u i Paulus kai sarung pẽtataliwungang i sire pateẽng. Kũ i sie nẽndolohu wuntuangu soldado e pinẽngala si Paulus wou taloaran sire e ringangu pinẽbawa si sie soLONG markasẽ.

¹¹Su hẽbi tuhu e Mawu Yesus dimarisi su sẽndihang i Paulus kũ nẽbera u, "Pakatarima bue naungu e! I kau e seng nẽsalihin Ia e su Yerusalem. I kau e hẽdon sarung mẽsahidin ene lai su Roma."

Galipohong mẽmamate si Paulus

¹²Sẽngkarioẽllone maluka-lukadẽ tau Yahudi e nanẽta e nẽmpẽngindore. I sire nẽmpẽsalu tawe kumaẽng dingangu tawe manginung, kereu i sire tanakapate si Paulus. ¹³Piã kalimam pulone su kataune taumata e nẽmpẽngindore. ¹⁴I sire nẽngkakoã soLONG anung manga imang tẽmbonange ringangu manga tẽmbonang u tau Yahudi apidu nẽbera, "I kami e seng nẽsalu sẽngkapẽsalu u tawe kumaẽng dingangu tawe manginung apa-apa kereu tawe nakapate si Paulus. ¹⁵Ho, ini e manga ana u sẽmbau dingangkewen manga mẽnggaghuta e mapiawe nẽmpẽdingo u suratẽ su apang komẽndangu wuntuang bou Roma e kũ pẽdorong si sie pẽbawa si Paulus kapia pẽtẽngong kame-ne, tabidau i kamene mapulu saũ mananẽsui perkarane pakaunsu-unsui. Kũ i kami e seng sadia waugu mẽmate si sie tẽntalang ta nahumpa u ini."

¹⁶Arawe anaũ wawineng Paulusẽ e nakaringihẽ niusu kin-

dore ene. Tangu i sie nakoā e soḷong markasē e kṽ nēhabaru haḷē ene si Paulus. ¹⁷I Paulus mase nēkui e sēngkatau pērwira kṽ nēbera si sie, "Paringangko umbaseng ini e soḷong anung komēndang; batṽu i sie kai mapulu piā u ipauli e si sie."

¹⁸Perwira ene nēmaringangke rariṽ umbaseng ene soḷong anung komēndang kṽ nēbera angkuēng, "Paulus, taumatang hukumang ene, nēkui si siā, kṽ nēdorong si siā tadeāu pēmēmaringang rariṽ umbaseng ini e soḷong anun Tuang; u kai piā u hinong takṽ ihabarē."

¹⁹Komēndang ene nēngumbeḷe e ḷimang dariṽ umbaseng ene kṽ nipakaghea soḷong sēndihang e kṽ pinakiwaḷoēng, "Kai mauli u apa si siā i kau e?"

²⁰Dariṽ umbaseng e simimbang u, "Tau Yahudi e seng sēngkapēgaghilē u mēdorong takadeāu i Tuang pēbawa si Paulus apētēngon Mēnggaghaghuta Agama e riēllo, mēsulungu i sire mapulu saṽ mēnēsui perkarane pakaunsu-unsui. ²¹Kai kumbahangbe i Tuang mahimang dorong i sire, batṽu kai piā kaḷimam puḷone su kataune taumata kapēkēkēmbunine mēdeāu mēhēga si sie suraḷeng. I sire kēbi

e seng nēmpēsalu tawe kumaēng dingangu tawe manginung kereu i sire tawe nakapate si Paulus. Kṽ ini e i sire sembeng sadia; kṽ kate mēngēngampaḷē sasimbang i Tuang samatang." ²²Komēndang ene nēbera, "Kumbahang mēhabarē si sai-sai, u i kau kawē seng nauli u ini e si siā." Bṽu ene i sire nēndolohu rariṽ umbaseng ene pinakapulē.

I Paulus nipakitonda su anun Feliks

²³Bṽu e komēndang ene nēkui e pērwira ruangkatau, mase i sie nēbera si sire, "Diahiko soldado rua hasṽ sukataune ringangu tēntara sṽsake kawaḷo e pitum puḷo sukataune, dingangu tēntara piā daleange rua hasṽ sukataune kṽ apēbua lai soḷong Kaisarea mēntēhang hēbi pukuḷē sio. ²⁴Diahieko lai kawalone i Paulus pakisakei, kṽ tondako i sie sarang mahumpau anun gubernurē i Feliks kṽ tawēbe kurange apa." ²⁵Mase komēndang ene nēmoḷe u suratē bawerane kereini,

²⁶"Su mawu gubernurē i Feliks lēadateng, tabeā bṽi Kladius Lisias! ²⁷Tau ini e seng niṽsasame u tau Yahudi kṽ seng masara pateēng i sire kai manga

ia tawe rimēnta ringangu wuntuang u tēntaraku e kŭ nēngambang si sie; batu u ia kai nakaringihē u i sie kai anau kawanuang Roma. ²⁸ Ualingu ia kai mapulu masingka u kai apa ngae salane kŭ ilēnsil'i sire si sie, mēdeau taku iwa-wa solong Pēnggaghutaēngu Agamang sire. ²⁹ Kuteu i sie naung tawe nēkoabe apa-apa kŭ i sie hinong sigēsakengu papate arau itahungku. Laēnsil'i sire si sie kētabeng ualingu piā kalahēmpukange ringangu toratu agamang sire hala e. ³⁰ Bōu ene ia nipaulikangu kai piā karaki rālakisē bōu tau Yahudi e si sie. Hakiu sauneng taku pinakiēntudē i sie su anun tuang gubernurē. Kŭ ia e seng dimolohu apan nēmpēngēnsil'i sie apēbēbawa pangaduhang i sire e māanuewen sie si Tuang."

³¹ Tangu manga tēntara e nēmpēkaradiahangke munarang sire. I sire e nēmpēngalā e si Paulus kŭ nēmpēbawa si sie hēbi ene lai solong Antipatris. ³² Sēngkarioēllone i sire napakawalan buntuangu sumasake kawalo nēnēpasu raraleng dingang i Paulus, kŭ i sire hala e nēbalī kapia solong markasē. ³³ Ene wuntuangu tēntara sumasake kawalo

e nahumpa e su Kaisarea, i sire nēhabaren suratē ene su gubernurē, kŭ bōu ene nēnarakang i Paulus si sie. ³⁴ Saraeng gubernurē e nasuēen basane suratē e, i sie nakiwalo si Paulus, mēnsang kai wōu apa asalē. Ene i sie nasingka e u i Paulusē e kai wōu Kilikia asalē, ³⁵ ute i sie nēbera u, "Kerene e! Ia hēdon mananēsui perkaranu, kŭ kamageng u i sire apan nēmpēpangaduhang i kau e seng marēnta sini." Bōu ene i sie nēngoro tadeau i Paulus pakiaresē suralungu walēn datu i Herodes.

I Paulus nikalakē u tau Yahudi

24 Lima ēllo tuhu e, imang marangē i Ananias ringangu manga tēmbonang u tau Yahudi e nakoā solong Kaisarea nēdingangu sēngkatau pēngacara arenge i Tertulus. I sire nētēngon gubernurē i Feliks dingangu nēhabaru pangaduhang i sire māanun Paulus. ² Piā e i Tertulus nikuiang solong tēngone, i sie nēngēnsil'i Paulus kereini,

"I tuang gubernurē lēdateng! Su liman tuang, banuang kami e rembeng mēbēbiahē su pēdarame. Dingangu ualingken katatahuēnnang tuang, u-

te selaing maławo halę mapapia e kękoateng i paňaghupia kawauang kami. ³Kębi e mang tętairimakeng i kami ringangu tata rimakase dingangu pęngangaręga sęngapang karangę e su patikuewe tampa. ⁴Kai tadeau kumbahangbe męgagholo u tempo lawo si tuang, ute ia męlēharapę małowoko i tuang dembeng mędaringihę pangaduhang i kami e kadodo ini. ⁵I kami e nakaęba tau ini e naung kai męnggaghohaeng makasilaka. Su apan tampa i sie kai makakadęntang ganoha sutaloaran tau Yahudi ringangu i sie nakoę pangaha e suapang kakanoau tau Nazaret. ⁶I sie seng hakiu wou lai nęnaluka napakalamuhu u Walem Mawu e, hakiu nisme i kami e i sie. (I kami e kai mapulu męhukung i sie tutuhewe toratu agamang kami e. ⁷Kai-so komęndang i Lisias e nanganhon sie wou limang kami, ⁸ringangu nangoro tadeau apang męmpangaduhang e pętętęngon tuang.) Kereu i tuang męnanęsui tau ini e, i tuang sęsane sarung makaringihę bo'i sie katulidę e wou patiku laęnsilę ipangęnsil'i kami e si sie." ⁹Tauman Yahudi apan sene maļaing męmpangęnsilę dingang si Pau-

lusę e, ringangu maňahuntęgadę patiku apang niweran Tertulus.

I Paulus mętętahutęnda u hinone su tęngon Feliks

¹⁰Mase gubernurę e nęni-da si Paulus mędeau apębębera. Tangu i Paulus simimbang ungkuęng, "Ia maňingka u i tuang kai seng nakoę hakim su wanua ini e ringangu taunge karęngu e. Hakiu ene ia nakapęndang maļuasę mauļiu sasimbangku e su pahes'i tuang. ¹¹I tuang seng nakasęsui hala u tawe nęngalembo wou mapulo dua su ęllone naliu ia e nakoę solong Yerusalem ku nękaliomaneng. ¹²Dingangu tawe nikękaębakeng u tau Yahudi e ia mędędarendehi sai-sai arau napękomolu tau-mata waugu pęgęnggohaeng su Walem Mawu, arau su manga kanisa arau su tampaewe sude suralungu soa. ¹³I sire maļaing tawę u makalahe u manga laęnsili sire ilęhabarę si tuang maňanun ia e. ¹⁴Mambeng tęngadę ia harusębe męngaku su tęngon tuang u ia kawę męnęnęmba Ruatang i upung i kami e tutuhewe tęntirong Mawu Yesus ku angkuęng i sire kawę nęsaļa. Arawe ia e wędang maňgimang u patiku apang maňawohę suralungu Bukę

i Musa e ringangu Bukë u manga nabi e. ¹⁵ Mësulungu i sire, ia ma_laing pi_a pëlaharapëku ilëun-sandehë su Mawu Ruata u këbi taumata e sarung mëbiahë kapia wou papatene – taumata mapapia arau taumata ewe lai rarala_i! ¹⁶ Hakiu ene ia mëkëkulëte sëngapang botonge tadeau ralungu naungku e wurësi su têngon Mawu e ringangu wurësi su têngoe-we lain taumata e.

¹⁷ Saraeng naung tawë di-se su Yerusalem mangae pira taunge, ia nëbali sene nangentu-du roitë kakëndagë su kawanua-ku ringangu waugu mënarakangu sasëmba su Mawu Ruata. ¹⁸ Su tempong ia kapëkëko_a ene, i sire nakaëba e si si_a su Wa_lem Mawu, bouten nanusi watangeng. Tawë apa taumata lawo e ringanku, ringangu tawë apa lai ganoha sene su tempo ene. ¹⁹ Këtaembeng pi_a tau Yahudi pirangkatau sene wou propinsing Asia. Kawe i sire hinong ene sini e wau-gu mëbawa pangadunang i sire si tuang, kereu i sire pi_a pangaduhang ualingu laënsil'i sire si si_a e. ²⁰ Arau mëngkate wala i sire ini hala ma_liu karalakiku apaeweng kinasilon sire, su tempon ia e mapëtêngon Mënggaghuta

Agama e. ²¹ Kinaëbakeng i sire këtäbeng bawera sëmpëdi ini, ku pinëbera su têngon sire u: Ia e nïdaratë sahëllo ini e, kai ualingu ia mangingang u taumata nate e saube iapëbiahë kapia."

²² Mase i Feliks ku seng nakasingka lawo halë u tëntirong Mawu Yesus, nëngondöeng perkara ene, "Ia e sarung mamutusu perkara ini," unguënge, "kereu komëndang i Lisias seng marënta." ²³ Mase i sie nëndolohen perwira ku masasingka i Paulus tadeau pakipaere apide-we lai pëgëgëlli u loahe pëkadodo si sie ringangu kumbahangbe mësëdingu manga hapi e mëmpëgëlli u apang gëgausange.

I Paulus su têngon Feliks dëduan Drusila

²⁴ Ene nali_uen pira ëllo i Feliks dimënta, niringanengkeng kawinge isësëba si Drusila; i sie sëngkatau tau Yahudi. Tangu i Feliks nëngoro taumata pinëngala si Paulus, bou ene i Feliks dimaringihë si Paulus mëbëbisara maanun pangangimang si Kristus Yesus. ²⁵ Kuteu pi_a i Paulus nanëpasu wisarane maanung katulidu naung dingangu pëta-

tingkĕdang dingangu maanun hukumang su Ĕllong Kiamatĕ, i Feliks natakū e kū bōu ene nĕbera, "I kau e wotonge mapulĕ ini e. Iā hĕdo sau mĕkui si kau maeng piā loahe." ²⁶Ene i Feliks naung kai manganĭtibĕ sarung makaĕbā doitĕ e bō'i Paulus. Ualingu ene hakū i sie mĕngkate seng masau mĕndolohu taumata apĕngĕngala si Paulus mĕdeau mĕbisara ringange.

²⁷Naliĕn dua taung i Perkius Festus nĕngaweng si Feliks nakoā gubernurĕ. Kū ualingu i Feliks mapulu mĕngala naung u tau Yahudi e, i sie mĕngkatewe napakawalan Paulus maĕlaaresĕ suralungu tahungkū.

I Paulus nĕngapelĕ

25 Tĕllu ĕllo samurin Festus natumpa su wana ene, i sie natarai solong Yerusalem bōu Kaisarea. ²Sene manga imang tĕmbonange ringangu manga tĕmbonang u tau Yahudi e mĕbĕbawā e pangaduhang i sire maanun Paulus. I sire mĕngkate mĕmpĕlĕloke si Festus, ³tadeau ualingu kapiā naunge si sire, i sie mapulu mĕndolohu taumata apĕbawa si Paulus solong Yerusalem; batū i sire kai seng sĕngkapĕdaĕahingidu mĕtĕga

mĕmate si sie suraralĕngang. ⁴Kai i Festus simimbangu, "Paulus kai reng maĕlaaresĕ su Kaisarea; kutĕu iā sĕsaku e maĕlaing tawĕ kararĕngu e sarung mĕsulĕ kapiā sene. ⁵Kū balĕte apaewen tĕmbonange sutaloarang kamene aparĕsungke ringangu e solong Kaisarea kū mapĕdaratĕ i sie sene, kereu mambeng kahĕngang i sie seng bōu nĕkoā sĕmbau pĕsasaĕa."

⁶Bōuten nĕtana su Yerusalem manga e reng bĕdang ualū arau mapulō ĕllo, i Festus mĕsulĕ solong Kaisarea. Sĕngkariĕĕllone i sie naiangke su kalaianengu mĕnggaghuta e kū nĕngoro tadeau i Paulus e pakipĕtĕtĕngon sie. ⁷Ene piā i Paulus e nasongō e, tau Yahudi kū apan seng narĕnta wōu Yerusalem nĕmpĕdarisi nĕliwung siā, kū nanĕtā e nĕpangaduhangu manga laĕnsilĕ mawawĕhā si sie. Kaiso i sire tawĕ makatahutĕngadĕ pangaduhang tamai ene. ⁸Suralungu pĕtatahutĕnda e, i Paulus nĕbera, "Iā e tawĕ nĕkĕkoā pĕsasaĕa sarang sĕmbau maanun Torat'i Musa arau su Walĕm Mawu arau lai su kaisaru Roma e."

⁹Kaiso i Festus e mapulu mangaĕa naungu tau Yahudi. Tangu i sie nakiwalō e si Paulus,

"I kau mapulu sojong Yerusalem mēdeau pakighuta sene su tēngoku maanun manga pangaduhang ene?"

¹⁰I Paulus simimbang, "Ia e orasē ini rударisi mētētēngon mēndaratē u kaisaru Roma; ku kai sene hinone ia e ghutaēng u perkaraku e. I tuang sēsane masingka u ia tawē salaku su tēngon tau Yahudi. ¹¹Kereu ia e seng limawang tita e ringangu pia kakanoaku ku hinong pahangengu papate, ute ia e sembeng tawē mēkurate² pateēng. Kai kereu manga laaduhang i sire kawē tawē katēngade, ute tawē u sarang sēngkatau wotonge mēnarakangu ia e si sire. Ia e mēdorong makighuta su pēnggaghutaēngu kaisarē!"

¹²Bouten nēdaḷahintau ringangu manga mēnanēgune, i Festus nēbera, "I kau e mēdēdorong makighuta su pēnggaghutaēngu kaisarē, ku i kau hinong mētēngong kaisarē."

I Paulus su tēngon Agripa rēduan Bernike

¹³Ta nararēnna wou ene datu i Agripa rēduan Bernike nahundēnta su Kaisarea mēdeau mēberan salamatē si Festus.

² mēkunsinging = rela, menyerah

¹⁴Saraeng i sire seng mangae pira ḗllo sene i Festus nēnuala-gu perkarang Paulus su ratu i Agripa. Ungkuēng i Festus, "Sini kai pia sēngkatau tinēntang i Feliks, taumatan tahungku.

¹⁵Pia ia nāung ene su Yerusalem, manga imang tēmbonange ringangu manga tēmbonangu tau Yahudi e nēmpēbawa pangaduhang i sire su tau ene ringangu mēdēdorong tadeau ia mēmēllo u ponesē si sie. ¹⁶Kai ia e simimbang u tau Roma e tawē wotonge mēngkate mēnarakang kerene sēngkatau lēnsilang e pakihukung, kereu i sie bēdaweng tawē nētētēngon mēngangalakē i sie ringangu ongotangu loahe mauḷi u hinone. ¹⁷Ku pia e i sire ramahi nēmpēdēnta e, ia e tawē nēngampalē marēngu. Sēngkariōellone ia mēngkatewe apidu naiang su kaderan pēnggaghaghutaēng ku nangoro tadeau tau ene pakibawa pētēngo. ¹⁸Ene manga mēngangalakē rimarisi e nēhabaru pangaduhang i sire, kai i sire tawē nēmpēngalakē u kakanoa ḍalakī sarang kadiongeng sembau, kerewe ia māngiraling u sarung i kalakē i sire. ¹⁹I sire kēṭabeng nēgulewasu tinēnna ringange su halē u agamang sire

hala ringangu maanun sengkatau arenge i Yesus. Tau ene seng napohong, kaiso i Paulusē e mang matoghasē mēlēhabaru tau ene wiahē. ²⁰ Ualingu iā e tawe nakareā hēnganku mēnsang iā e makahombangbe tatualagu halē ene, kŭ iā e nakiwalō si Paulus mēnsang i sie mapulu solong Yerusalem kŭ pakighuta sene halē u perkara ene. ²¹ Arawe i Paulusē kawē nēdorong nēngapelē; i sie nēdorong tadeāu i sie mēngkateko wala kalaarese turusē sarang iā makareā loahe mēndoloh'i sie solong anung kaisarē." ²² Mase i Agripa nēbera si Festus, "Iā sēsaku e maļaing mapulu rumaringihē tau ene." "Diōello i tuang makaringihē si sie," unguēng i Festus.

²³ Tangu sengkarioēllone i Agripa rēduan Bernike rimēnta ringangu kawantugē masaria. I sire nahunsuē suralungu huangu pēgaghaghutaēnge sēngkapahunsuē dingangkewen manga tēmbo-nangu wuntuangu mēsaseke dingangkewen manga matatebennen soa ene. Ualingu parentang Festus, tangu i Paulusē e pakisuē. ²⁴ Mase i Festus nēbera, "Tuangku Agripa, ringangkewen apang nakomolē kēbi e! Tau ini e seng bōu nikalakē siā ka-

hiang kalawōu tau Yahudi baē su Yerusalem arau ļai sini. I sire mēmpamansagē mēpēpatodiangu i sie tawe wotonge pakawala wiahē. ²⁵ Kaiso iā e tawe nakasilo mēnsang piā apa nikoā e kŭ makakahukung i sie ringangu hukumangu papate. Dingangu ualingu i sie sēsane nēdorong tadeāu perkarane pakighuta su pēnggaghutaēngu kaisarē, kŭ iā e seng nēmutusu mēdeāu mēndoloh'i sie solong anung kaisarē. ²⁶ Arawe iā e wēdang ta nakaum-paedē kasasahe u i sie takŭ surateng solong anung kaisarē. Kai ualingu ene hakiu iā nakiwawan sie nipētēngong kamene manga mawu e, nēngalembo kate si tuan datu Agripa lēadateng! Timonaku e ute tadeāu samurin pananēsui ini e piābe ikasuratē si sie. ²⁷ Batu tumuhu pēdangku e, balinewe su tampa e mēdingō u sengkatau taumatan tahungku e tawe nalāhe mēnsang kai apa e salane."

I Paulus mētētahutēnda u watangenge su tēngon Agripa

26 I Agripa e nēbera si Paulus, "I kau e seng botonge mēbisara manondan tul-

du watangeng.” Tangu i Paulus nēhengkeən limane ku nēhabaru tulide kereini,

²”I tuan datu Agripa lēa-dateng! Ia e su pēndangengku mambeng nēbarauntu nakapanndan tulidēku ku su tēngon Mawu Ratu, māanueng kēbi pangaduhang ilēənsilu tau Yahudi e si sia; ³kahunotong – motongange ualingu Mawu Ratu e masingka-singka u adatē dingangu kakakoə u tau Yahudi e. Ualingu ene, ia mēdēdorong małowoko i tuang deng dumarinhē taturalagēku e pakapia-pia.

⁴Patiku taumatan Yahudi e masingka u pēbawiahēku e reng dokeng manguda. I sire masingka u rokeng ia deng manguda e, ia seng nēbiahē sutaloarang kawanuaku e su Yerusalem. ⁵Seng marēngu i sire masingka u ia. Ku kereu i sire mapulu, ute i sire wotonge makapangonggo u sasihidi u rokeng kalimona ia seng nēbiahē mēsulungu tau Farisi ku tutuhu patiku atorang kalahētiwange suralungu agamang kami. ⁶Ku ini e ia dudarisi sini mēdeəu pakighuta ualingu ia mangimang u pēkakakēdo nikoə

u Ruata e su manga i upung i kami. ⁷Pēkakakēdo ene lai lēantiwang u hēnton sire mapulo dua wou kawanuang Israel hakiu i sire mēngkate mēmpētētahamawu Ruata e əllo hēbi. Ku ualingkewe lai seng nētatapengu ia e mangimang u pēkakakēdo ene, mawu ratu, ia e pənokeəng u pēsasała kahian tau Yahudi e. ⁸Unue wue manga anau sēmbau taumatan Yahudi e tawe makapangimang u Mawu Ruata e mapēbiahu taumata nate?

⁹Naung ia sēsaku małaing mənəna u ia harusē mēkoə patiku kakanoə ipēndoka si Yesus tau Nazaret ene. ¹⁰Ku kai seng əndaī ene taku nikoə su Yerusalem. Tangu pia e suratu kawasa wou manga imang tēmbonange, ia e seng nēnahungku u taumata lawo apan masatia su Mawu Ruata. Ia e małaing sēnsunduang u i sire ihukung pateəng. ¹¹Kasauange ia manigēsə si sire su manga kanisa, tadeəu mēnihasa si sire mēsuniału apang lēimangeng i sire. Karaū katētju naungku e si sire, hakiweng mēdēdatingu manga soa waline e ia tamai mēnahuu si sire tamai sene.”

I Paulus mēbēbēkeng ēba e

(MMR. 9:1-19, 22:6-16)

¹²"Ualingken timona ene lai tangu ia e nēbawa suratu kawasa wou manga imang tēmbonange ku nakoā solong Damsyik. ¹³Ku su tempong ia kaḍalenge ēllo rangē, Tuang Mawantugē e, ia nakasiloko tualagē bou langi namaliu tualagu matangēllo. Tualagē ene simarang nēliku si sia dingangu manga ringanku. ¹⁴I kami kēbi e nasue nēngkawatang su ēntana. Mase ia e nakaringihē tingihē nēkui si sia su werang Ibrani; 'Saulus, Saulus! Kawe unue i kau mēngkate sēntinia mēdēndariha si Sia? I kau sēsanu sarungbe makapēndang masaki, kereu i kau e mēngkate hanesē dudoka tēntiron Mawunu e.' ¹⁵Tangu ia nakiwalō e, 'Kai isai i Kau e Mawu?' Kutēu Mawu e simimbahē, 'Ia e kai i Yesus ku naung dēdarihangu. ¹⁶Pēbangungke ku darisi! Ia e mētēngkatodē u watangengku si kau mēdeau mēhengke i kau makoā mētatangkiang si Sia. I kau harusēbe pēhabarē su taumata waline apang kinasilonu sahēllo ini maanun Ia dingangu apang sarung taku ilahē si kau su tempo

ramahi kaḍēntane. ¹⁷Ia e sarung mēnggeang i kau wou kawanuang Israel dingangu wou manga kawanua waline ku balinewe tau Yahudi. Ia e sarung mēndoloh'i kau kakoā solong anun sire ku pēmekesē matang sire, ¹⁸tadeau i sire mēmpēsēbang bou kararēndung ku sumuē suralungu tualagē; tadeau i sire makapēllo bou kawang setang, ku bou ene pēkawasaēngu Mawu Ruata. Tangu ualingken pangangimang si Sia e, kaḷawou rosan sire sarung i kaampung dingangu i sire sarung makoā kawanuan Duata nika-pile.'"

I Paulus mēlēlahē u munarane

¹⁹"Ualingu ene i tuan datu Agripa, ia e mambeng su pasilo ku seng taku kinatarima bou Mawu Ruata ene. ²⁰Hatede ia e mēlēhabaru ini su taumata e, tadeau i sire nēmpētobatē bou kaḷawou rosan sire ku manarakangu watangeng i sire su Mawu Ruata ringangkewen mapatodē suralungu pēbawiah'i sire u i sire seng nēmpētobatē bou kaḷawou rosan sire. Ia e mēlēhabaru ene, kahumotongange su Damsyik,

bou ene su Yerusalem dingangu su kaguwaŋ Yudea, ringangu su-taloaran sire waŋine tau Yahudi. ²¹Tangu uaŋingu ene tau Yahudi e mēname si siā su Waŋem Mawu ringangu mēdeau mēmate si siā. ²²Kai sarang orasē ini e iā tētēntanudang u Ruata, hakiu iā nakararisī sini mēsēsahidi su tēngon patiku taumata baēbe ghaghuwa arau lai rarodo. Apan taku niwera ini e ta u waŋine wou apan seng nitēbaŋu manga nabi ringang i Musa e; ²³kū kai Ratu Mananaŋamatē kū naung seng nikēdon Duata e kai harusē mētatahang u sunsara, ringangu makoā taumata kahumotongange mēbangung kapia wou kapapohong'E; tadeau uaŋingu ene i Sie makapēhabaru tualagē, maanung kasasaŋamatē baē su taumatan Yahudi arau waēbe lai su waŋine tau Yahudi e."

²⁴Ene i Paulusē e kapanondane tulide ene, i Festus e namansage, "Paulus, i kau kai seng nēpulu! Kasingka u maŋawo ene ute kai seng nakapēpulu si kau!" ²⁵Arawe i Paulus simimbangu, "Ia e waŋinewe pulu, tuang. Manga waweraku taku pinēbera e mambeng tēngadē, di-

ngangu simēbangbe wou tinēna mapia. ²⁶I tuangku Agripa sēsane e masingka-singka u haŋe ene. Kū kai uaŋingu ene hakiu iā e wahani makapēbera mahatedē su tēngon tuang su tualage. Su pēndangengku taweu sarang sēmbau bou patiku ene kū tawe su kasingka i tuang, batu kēbi ene waŋinewe nariadi su manga wēlle e^y kū maŋawuni. ²⁷I tuan datu Agripa lēadateng; i tuang mangimang u apang kū sarung ihabaru manga nabi? Su pēndangengku e i tuang mangimang!"

²⁸Mase i Agripa e nēhenge-tang si Paulus, "Su ēnnanu e gampang tangú mapakariading iā e Sahani su ralung'u tempo kadodo ini e?" ²⁹"Maŋigha arau marēngu," angkuēng i Paulus, "iā e mēkaŋiomaneng su Mawu Ruata, tadeau i tuang dingangu manga mawu patiku e kū apang dimaringihē si siā sahēllo ini e makoabe kere iā – kamageng baŋine, mēnsang katewe lahapusē ini e tantu!"

³⁰Pēngēnsueēnge i tuang datu, gubernurē dingang i Bernike, ringangkewelain kēbi apang baŋi-

^y kēlle e = tersembunyi

ne nĕmpĕdarisi. ³¹ Saraeng seng sulikude, i sire nahumbisara sĕmbau dingangu waline, "Tau ini e tawe nĕkoa manga apa sĕbarang ku hinong makahombang hukumang papate arau itahungku." ³² Mase i Agripa nĕbera si Festus, "Tau ini e seng botonge i pĕllo, kereu i sie tawe mĕnuntu mĕngapelĕ su pĕngga-ghutaĕngu^z kaisarĕ."

I Paulus nĕbua solong Roma

27 Lĕpasewen naputusĕ u i kami e mĕbua solong Italia, i Paulus dingangu pirangkatau taumatan tahungkuewe lai waline e nisarakang si Yulius, tĕmbonang u soldadong Roma ku isĕsĕba, "Resimeng u kaisarĕ". ² I kami e simake kapalĕ ku narĕnta wou Adramitium, bou ene nĕbua dingangu kapalĕ ene ku hatede seng kate mĕbua solong kewe manga pĕmamalangoĕng su raruruhang u propinsing Asia. I Aristarkhus, tau Makedonia e rimĕnta wou Tesalonika, nĕbua lai ringang i kami e. ³ Sĕngkariqĕllone i kami e nahumpaen Sidon. I Paulus mĕngkatewe kĕkapiaĕng i Yulius. I sie niapakawala nĕtiwo

manga hapi e tadeau i sire makaonggobeng apang ku gĕgausang e. ⁴ Bou ene i kami e nanĕpa-seng pĕmamamunda*l*'i kami e. Ualingu anging kawe pinĕsomahĕ ute i kami e rimuruheng apeng u tahanusang Siprus ku dio malĕmpi bou anging. ⁵ Bou ene i kami e namihĕtong taghaloang su lanteh'u Kilikia ringangu Pamfili e, ku nawuna u Mira su Likia. ⁶ Sene tangu perwira ene nakareĕ e kapalĕ bou Aleksandria mĕtĕtimona solong Italia. Tangu i sie napĕngaling i kami su kapalĕ ene.

⁷ Gĕnnang u manga pira ĕllo karĕngu e kapal'i kami e mĕngkate tĕtondo malongge-longge^{aa} ku katewe ringangu tĕtehĕ i kami e nakaratingu soang Knidus. Bou ene ualingu anging kawe wĕdang tawe nangindunu, tangu i kami e tawe nakapanĕpasu raraleng i kami e solong pĕtatimonaĕng i kami e kalamona. Ene i kami e nĕsenggo e nĕtimona sĕmbĕkang timuhĕ bou tahanusang Kreta simahe tonggeng Salmone ku tadeau sene i kami e malĕmpi bou anging. ⁸ Ku kate lai sarang tĕtehĕ i kami nakapĕsenggo dimuruhĕ apeng'u tahanusa ene, ku pĕngĕnsueĕnge nasahampi e su tampa sĕmbau isĕsĕba Bele-

^z pĕndaratĕkang = pengadilan ^{aa} malawa-lawa



Pēmamaḷangoëng Maḷënggihë (27:8)

ngange Mahole,^{ab} mahampingu kudaton Lasea.

⁹Su tempo ene, Ėllong Kawawantugu Pëdaramen tau Yahudi e seng napalusë. I kami e seng nikailangengu tempo lawo hakiu sembelaing balinewe tempone makapësenggo matulende. Kai ualingu ene hakiu i Paulusë e nëngonggo u tëgu ini e si sire, ¹⁰”Manga anau sëmbau, su pëndangengku e kai apa e masaria hombange ke-reu i kite e mësenggo turusë. I kite e kai sarung marugi glëguwa, balinewe këtang su lurang i kite dingangu kapal’i kite, kaiso kawe lai niawang kite e mailang.” ¹¹Arawe perwira ene ëndoben nahimang su pilot^{ac} dingangu su nangkodang

kapalë sulungu su manga wawerang Paulus. ¹²Pēmamaḷangoëng sene e mambeng daḷaki su musungu dunia matëho. Ualingu ene hakiu sasakeng kapalë e kaḷawokange nëmpañegu mapia-we mësenggo kapia manëntangu pēmamaḷangoëng ene ualingu i sire mapulu mësang deng makaratingu Feniks, ku matana sene karënguëwen musungu matëho. Feniks ute kai sawange pēma-maḷangoëng su Kreta ku tutatëngo tahangeng dingangu poḷoëng.

Anging maiha su laudë

¹³Su tempo ene angingu timuhë e kai tutiü masikome. Tangu manga sasakeng kapalë e mąngiralıngu i sire e

^{ab} Pēmamaḷangoëng Maḷënggihë ^{ac} męnganguling

seng botonge sau makapēsenggo kapia. Tangu i sire nēmpamatungke walango e kṛ bou ene nēsenggo dimuruhe apengu tananusang Kreta. ¹⁴Kaiso tawe nararēna wou ene timiṽ e anging maiḥa-iḥa isēsēba anging u laesuiki kṛ mēngkate apa nēkalulu wou ruṽnge, ¹⁵kṛ nēmukulewe kapali kami e. Ualiweng kapalē e seng tawe makasomahē tangu mēngkate seng niḃawalang kami e kapalē e walaewe kalaonode iwawang anging. ¹⁶I kami e reng diḃ naṽindung kadodo, piḃ i kami nasahe wou sēmbēkang timuhē bou tahanusang Kauda kadodo ene. Sene tangu i kami e mēngkatewe ringangu sigēsḃ nakaala bolotung kapali kami e. ¹⁷Sarangke bolotu ene nawatungke su kapalē, tangu kapalē ene mēngkatewe nipahēkutangu tali papahēkṽ pinēlikṽ baṽunangu kapalē e. Ualiṽkewelain maṽakṽ u masiladē kṽ iēndue su naponḡ Sirtis mawawo ene, tangu senggo e niruṽngke, kṽ kapalē e mēngkate niwala kararehe su anging. ¹⁸Tangu anginge mangkeng mētētēṽgkaiḥa, hakiweng su sēṽkariḃēllone lurangu kapalē e nanēṽa e irēdēmme su laudē. ¹⁹Sēṽgkakarumahinge manga masanaeng kapalē e saue-

we nēmpēhiḃe manga apaliwṽ u kapalē e, ringangu ṽiman sire hala e. ²⁰Ene, sarang manga karēṽu u pira ēllo e i kami tawe makasasilo matangēllo arau wituṽng, dingangu anginge mēṽgkate tatapē mētētēṽgkaiḥa. Tangu nadeḃo nikasueēṽgken harapē u i kami masalaṽmatē.

²¹Mēṽgkai apa pira ēllo karēṽu e taumata e tawe kumakaēṽg. Tangu i Paulusē e mēṽgkai rimariṽi sutaloaran sire kṽ nēbera, "Manga anau sēmbau! Kereu i kamene seng timuhṽ tēḡuku e kṽ tawe nēsa-kaeng bou Kreta, ute angkeēṽg i kite e tawe kinahombangeng- u kēḃi silaka dingangu kararugi ini e. ²²Kai ini e tangu ia maṽaiṽg mēḃēḃorong sēṽgapang botonge tadeau naung i kamene e pakaraṽoahē bue. Taweu sarang sēṽgkatau wou i kamene kṽ sarung mate; kai i kite e kēṽaeng-beng kailangengu kapalē ini e samatang. ²³Batu mēkēllaenge kai piḃ maṽaekate bou anun Mawu Ruata e takṽ tēṽahamawuang, kṽ kai Ruata maṽa-ghuang si siḃ, kṽ dimēṽta su anuku. ²⁴Maṽaekate ene nēbera si siḃ angkuēṽg, 'Abe katakṽ, Paulus! U i kau e sarung mētēṽgong kaisar. Kṽ ualiṽgu kapiḃan naungu

Ruata e si kamene, kēbī taumata kŭ apang su kapalē sēnggēsā e ringangu e sarung masalamatē ualingu i kau.' ²⁵ Ualingu ene, manga anau sēmbau, naung i kamene e pakaraloahē bue! Batū ia e mangimang su Mawu Ruata u, kēbī e sarung mariadi ke-re seng nipēhengetang'E si sia. ²⁶ Kai i kite e sarung masampelē su apeng u tahanusane sēmbau."

²⁷ Ene su kapulo ēpa u hēbine, i kami e mang dūdālētō su laud'u Adria. Manga e kēkaḷoarane masanaeng kapalē e mēpēpēndang u kai saḷa e kakadaninen dūlunge. ²⁸ Tangu i sire nēngulūhen tali kŭ nīlaikitangu watu sasuka dālangu sasi. Sēngkakasuka e ute kai maraning ēpa u pulo su metere karalunge. Tawē kararēngu e wou ene saḡewe nisuka ute kinareakeng dālunge tangu maraning tēllun pulo su metere. ²⁹ I sire kai ghugēnggang u kapalē e maḡiring masiladē su himang, kŭ i sire nēmpamētulū walango ēpa u wau bōu petone, kapēkēkahumange maḡowoko ligha maēllo. ³⁰ Kuteu manga masanaeng kapalē e kai mēmpēlikosē tumaḷang bōu kapalē. Kŭ i sire nēngulūheng bolotu su sasi mēllewe mēmētulū walango wou monang

kapalē. ³¹ Kai i Paulusē e nēbera e su perwira ringangu manga soldado su kapalē, ungkuēng, "Kereu masanaeng kapalē ini e tawe matana su kapalē e ute i kamene kēbī e tawe maambang." ³² Ualingu ene manga soldado ene nēmpēhēsā e taling laikī bolotu e, kŭ bolotu ene nionode.

³³ Deng bēdang masalēnibē i Paulusē e māngansang si sire kēbī u pēmpēkaēng bue. I Paulus nēbera u, "Seng kapulo ēpa e su ēllone i kamene mēngkate mēmpēngēngampalē su kaghaghēngganeng dingangu mēmpētētīngkēdang tawe kumaēng sarang manga apa e. ³⁴ Ia e manēgu si kamene pēmpēngētō bue maning kadodō. Ene kai mapia waug'i kamene tadeau i kamene saḡbe mēngkatoghasē. Kŭ i kamene kēbī e sarungbe maambang dingangu tawē kurange apa." ³⁵ Bōuten nēberang ene, i Paulus mēngkatewe nēngalā borotē kŭ bōu ene napatarima kase su Mawu e su tēngon sire kēbī. Bōu ene i sie nēngangempangke borotē pinahia si sire kŭ nahungkaēng. ³⁶ Tangu i sire kēbī e nawahansangke kapia ringangu nahungkaēng. ³⁷ Kakēpaḷu tau-mata su kapalē e kai rua hasu pitum pulo ēnung sukataune.

³⁸ Saraeng kēbī seng nēngkalāedē, i sire nēhipēen lurang i sire manga gandung e su sasi tadeau kapalē e mahaēng.

Kapalē nasiladē

³⁹ Ene sarangke naēllo e, masanaeng kapalē e nakasilō e katanāēng, kai i sire wēgawue mēnsang kai tahanusang apa. I sire nakasilō e wēngā e sēmbau dingangu apenge. Tangu i sire kai mapulu mēnonsolū kapal'i sire sene kereu wotonge. ⁴⁰ Tangu manga taling balango e nasuēen hēsā e si sire pinakiwulūsē su sasi. Manga talīewe lahosē ulinge maīang nīkakoā kerene. Bōu ene i sire nēmpēmewēen senggō kilewerē e tadeau kereu anging tumiū tangu kapalē e seng tumondo mētimonāewe apeng. ⁴¹ Arawe kapalē kawē nasiladē su towōe, monane tangu mēngkatewe maīatātētelē kū tawē kadiongeng kumanoā, arawē kawē petone ute mēngkatewe naghagholangu kawawēseng luā gaghaghuwā e.

⁴² Manga soldado su kapalē e piā olange mēmpēmāte kēbī apang taumatan tahungkū e, ualingu i sire matakū kibasi u piā u kumalang mēdeā dulunge kū mahuntalang. ⁴³ Kai arawē perwira e nametō u olang i sire

batūu i sie kai mapulu mangambang si Paulus. I sie nēngoro apan tahakalange niapatumpa kalimona kū niapakalang solong apeng; ⁴⁴ kū i sire walīne ute hēdowe apatolē kū apēhumbang u pēpalē arau manga wēkang kapalē e. Kētaēngbeng kerene ralenge tadeau i kami kēbī e mambang solong dulunge.

Su Malta

28 Ene sarang i kami nambangke kū seng surulunge, ute wuhūewe i kami e nasingkā u tahanusa ene kai naung isēsēbā Malta. ² Taumatan tahanusa ene mēngkate maralahimumu si kami e. I sire kēbī e mēngkate nēmpēnarimā i kami e ringangu naung maīuasē, nēmpēhunūe putung baug'i kami e, batūu kai seng nanēta dimasehē dingangu wanua e mēngkate hanesē matēho. ³ I Paulus nangomolē manga kalu, ringangu namēlloen manga kalu e su putung ene. Ene i sie kapēkēkoā e kerene e, sēngkianūe piā tēmpu sēmbua simēbang ualingu tētīu putung ene, kū nēngiki līmane. ⁴ Ene taumatan tahanusa e nakasilō e tēmpu ene mētētīmbalong su līman Paulus, i sire e nahumbisara e sēmbau dingangu walīne

angkuëng, "Tau ini e kai taha-pate, batu manimbe i sie seng naambang bou hombang su laudë e, kaiso Mahang-duatan Katulidë e mang tamapakawalan sie katatana biahë." ⁵Arawe i Paulusë e mëngkatewe nēdałahipen tēmpu ene kù pinakatontonge suralungu putung kù ta kadiongeng tēdu e sarang kadidi-didi. ⁶I sire mëngēnnau ta mararēnna liman Paulusë e sarung sumahēnnu arau sēngkēlëndiu katewe mawatang kù mate. Kaiso sarangke nangampalë marēngu e i sire nakasilö e u mang tawë suwü e ralai nariadi si sie, kù tinēnnan sire nēbalui wou ene i sire katewe nēbera u i Paulusë e kai ruata.

⁷Tawë karaune wou tampa ene pia ēntana tataghuaneng i Publius, tēmbonang u tahanusa ene. I sie mëngkate małuasë naunge nēnarima i kami e nakoā sakene karēnguēweng tēllu ēllo. ⁸Su tempo ene i amang i Publiusë e kai su kasasakitang, batu nitanggaēngu lēhabë dingangu susea mahamu. I Paulusë e tangu rimalingeko matimadë esë masakı ene kù nēkaliomaneng dingangu nanēllidu limane si sie hakı i sie nule. ⁹Ualingu pia ene nariadi, ute kēbi apan masasakı su tahanusa ene nahundēnta

e su anun Paulusë e, kù i sire niapakaule. ¹⁰I sire nēmpēgēlli e manga kakēndag'i sire, ringangu su tempōeng i kami e mēbua, i sire nasue nēmpangēntudë kēbiēwe apaliwü hinong mawawa si kami e su raralengang i kami e.

Bou Malta solong Roma

¹¹Naliun tēllu wulang sene, i kami e nēbua e wou tahanusa ene simake kapalë e bou Aleksandria e karēnguēwen musungu matēho e i kami nēmałango su tahanusa ene. Kapalë e kai nēpake u tuladang, "Duata hindua i Kastor dēduan Poluks". ¹²I kami e nēmałango su soan Sirakusa kù nētana sene tēllu ēllo karēngu e. ¹³Bou ene i kami e sau nēbua dimuruhë sarangke nawuna u kudaton Regium. Sēngkariōellone anginge nanēta e timiu bou sēmbēkan timuhë, kù natiņu e rua ēllo tangu i kami e nahumpaeng kudaton Putioli. ¹⁴Sene tangu i kami e nakapēsombangken taumata mąngimang su Mawu Yesus pira-pirangkatau, ringangu ualingu ghaghaus'i sire, i kami e nēbua solong Roma. ¹⁵Manga anau sēmbau su Roma apang kù mąngimang su Mawu Yesus e nakaringihë habaru kakoa i kami e, hakı i sire

němpahunděnta sarang nidatingu pasaru Apius dingangu wale kawawunakeng Tatěllu mēdeau maněnsomahě si kami e. Ene i Paulus nēsombangke ringang i sire, i sie nakitarimakasē su Mawu Ruata e, kų saųewe natoghasě naunge.

Su Roma

¹⁶Ene sarang i kami e narěnta e su Roma e, i Paulus e niwala niapakatana su wale těntanine kų lěhapaěngu soldado sěngkatau.

¹⁷Naliųeng těllu ěllo, i Paulus nakireaen matatebonen tau Yahudi e apangkewe su tanpa. Kų bouten němpěkomolě i sire, i sie něbera si sire angkuěng, "Manga anau sěmbau! Ia e tawē salaku apa su wansang kite e arau rųdoka tundu kų naung ikěkatarima bōu i upung i kite e. Kai maningbe kerene ia e mang nisasame su Yerusalem, kų nisarakang małahapusě e, su tau Roma. ¹⁸Saraeng perkaraku e wouten nisasěsuiang e, ute i sire mapulu maměllo u ia e, watųu ia e tawe někoabe pēsasala apa kų hinong makapěhukungu papate. ¹⁹Kai ualingken tau Yahudi e rųdendehě, ute ia e nasiha-

sa hinong měngapelě u perkaraku e su pěgaghaghutaěngu kaisaru Roma e. Ia někoā kerene wali-newe ia pia pangaduhangu su bansaku hala e. ²⁰Kų hakųu ene ia kai mapulu mēsombang i kamene mēdeau reng makapěbisara ringang'i kamene e; watųu ia kai nitahungkų, ualingu Měnanałamatě ku lěantiwang u tau Israelě e."

²¹Mase i sire něbera si sie, "I kani e wědangbeng tawe nakatarima suratě kađiongeng sěmbau, bōu Yudea maanun manga anau sěmbau. Dingangu tawē u kađiongeng wōu i kamene pai wōu ene kų deng nakawawa habaru mēběběkeng kau e arau mēběbisarang karalakųu e. ²²Kaiso i kani e małaing mapulu rumarinhě měnsang kereapa kaka-koāu pěngangimangu e, u i kami kěbi e seng nakaringihě u taumata e maunungkeang těntiro lěumpaerangu e."

²³Tangu i sire namoěngken ěllo sahěllo ringangi Paulus mēdeau mēsombang. Su ěllo ni-poěng ene maławō taumata nahunděnta solong tanpa katanakeng i Paulus. Bōu małukadě sarang bawěllo e i Paulus mēnėnualagě dingangu

mëbëbëkeng kakakoä u Duata e mëparenta kere Ratu. Ualingken pëndaralëkeng manga ayet'u Bukë i Musa e ringangu Bukë u manga Nabi e, i Paulus nëtawakali e sëngapang botonge mapëngimang i sire su Mawu Yesus. ²⁴Pia beng mangingimangu apang iwëberang Paulus, kaiso piabe lai apang tawe mëmpangimang. ²⁵Batu i sire mëngkate tawe pësasunduange, ute i sire e nëmpanëntangken tanpa ene, sarangke i Paulus bouden nëberang bawera kereini si sire e, "Mambeng nëtatalahino suapaeweng niwerang Rohkë Susi e wou Nabi Yesaya su manga i upung i kamene! ²⁶Mawu Ruata e nëhenge-tang,

'Dako e kakoä solong bansa ini:

I kamene sarungbe sëntinia dudarangihë kaiso tawe nakahëngang,

i kamene mëngkate
sëntinia tutingang, kaiso
wëga wue mënsang
apawue nariadi.

²⁷ Batu tinënnan bansa ini e
seng nëngkalumu,

tuling sire kai seng
nëdëhing dingangu matan
sire kai seng pinëbutane.
Ini e nariadi, tadeau matan
sire kumbahang makasilo,
ringangu tuling sire
kumbahang makaringihë
ëndumang^{ad}
sire kumbahang ma-
kaënna, ringangu kumba-
hangbe mësulë su anuku,
Ku bou ene kawe sarung
makakaulen sire wou saki i
sire.'"

²⁸ Kasueënge i Paulusë e nëbera,
"Manga anau sëmbau, harusë
masingka u habaru kasasalamatë
ku bou anun Duata e orasë i-
ni e seng nipëdalahabarë suapaeweng
bansa waline sulikudu bansang
Yahudi e. I sire e sarung
dumaringihë!" [²⁹ Bouden i
Paulus nëbera kerene, tau Yahudi
e nëmpanëntangken tanpa ene
kapëdëdarendehe sëmbau dingangu
waline.]

³⁰ Dua taung karëngu e i
Paulus nëtana su Roma, su wale
ku sësewaënge hala. Maluasë i
sie mënarima u këbi taumata ku
mahundënta mëmpëtëtiwo si sie.

^{ad} tinënnan = pikiran

28:26-27: Yes. 6:9-10

31 Ku tawę goę e i sie męľęhabarę lusę e męķękoą ene ringangbeng
si sire maanung kereapa kakakoą karaľoahę, tawę kadiongeng apa
u Mawu Yesus Kristus. I Pau- makasahaghe.

SURAT'I PAULUS SU JAMAAT'U ROMA

DARUMATINGE

Surat'i Paulus su Jamaat'u Roma niwohe baugu ipanadia si sire mētēngon darētane su anun sire. Timuhu karakim Paulus, ute i sie sarung mēmunara sēngkatempo sutaloaran taumatan Sahani pai sene ualingken tulumang i sire, i sie kai mapulu makoꝝ sarang Spanyol. I Paulus nēmohē suratē ini baug'u ipēnualagē mangalēn agaman Sahani ringangu kakakoꝝ e ku malahe baug'u pēbawiahu taumatan Sahani.

Saraeng bōu napēdarumatingu adate su ralohon jamaat'u Roma, ku napakasingka si sire maanun pēkakaliomanenge baug'i sire. I Paulus nēlahe u tumang u suratē ini: "Kahian Injilē ene Mawu Ruata e nanode u kereapa kakakoꝝ u pēkakauhangu taumata ringangu Mawu Ruata saꝝ makoꝝ mapia, kakakoꝝ e ute kai ringangu pangangimang su Mawu Ruata, wōu panētakenge sarang pangēnsueēnge" (1:17).

Bōu ene i Paulus nēdalahaedu tumange ene. Kēbi taumata – baꝝ Yahudi ore lai waline Yahudi – mēgēgausē iapakapia pēkakauhe ringangu Mawu Ruata, baugu kēbi e mang suralungu kawasan dosa. Pēkakauhangu taumata ringangu Mawu Ruata saꝝbe makoꝝ mapia kereu taumata e mangimang si Yesus Kristus. Bōu e i Paulus nanualagē ben halē u pēbawiahē buhu ku kēkahombangengu taumata kereu masēmbau dingang i Kristus. Pēbawiahē buhu ene tutuwo ualingu pia pēkakauhē buhu nariadi ringangu Mawu Ruata. Taumata seng mangimang si Yesus mēbēbiahē marame ringangu Mawu Ruata, ringangu Rohkē u Mawu Ruata mēliwir'i sie wōu kawasan dosa ringangu papate. Suralungu pasal 5-8 i Paulus malaing nēlahe u timonan titan Mawu Ruata ringangu kawasan Rohkē Susi suralungu pēbawiahu taumata mangimang. Bōu ene i Paulus nanualag'u taumatan Yahu-

di ringangu waline Yahudi nasowa suralungu hingid'u Mawu Ruata waug'u patiku taumata. I Paulus nēnahiangkung u pēbawinsi u tau Yahudi si Yesus seng nasowa suralungu karakin Duata waug'u mētulung u taumata ualingu tatalēntu'E suralungi Yesus Kristus. I Paulus mangingiaking u tau Yahudi tawe hanesē mēbinsi i Yesus. Kasamuriange i Paulus nēmohe u kereapa hinone pēbawiahu sengkatau taumatan Sahani, nēngalembōe wue su halē u mēlahē u kakēndagē suralungu pēkakauhē dingangu taumata waline. Baugu ene i Paulus namile wanggilu manga wisarane kere mābawohē kereini; mētangkiang Mawu Ruata, tatuhū u tau Sahani su nēgara ringangu su patiku taumatan Sahani, ringangu su manga haghin dalungu naung. I Paulus nēngēnsue e surate ini ringangu manga tatanatane ringangkewelain manga raralone su Mawu Ruata.

Lohone

Panētakege ringangu tumange	1:1-17
Pēkakamae u taumata su kasasalamatē	1:18-3:20
Dalengu kasasalamatē bou Mawu Ruata	3:21-4:25
Pēbawiahē buhu ualingu pētātēngkasēmbau dingang i Kristus	5:1-8:39
Israel suralungu hingid'u Ruata	9:1-11:36
Kakakoā u tau Sahani	12:1-15:13
Kakunsiē ringangu adatē e	15:14-16:27



Daleng mauēnahē su soan Roma (1:6)

1 Patiku manga anau sēmbau ikēkēndagu Mawu Ruata su Roma, dingangu apan seng nikuiangu Mawu Ruata mēdeau makoā umat'E.

Mawu Ruata seng namile ringangu nēhengkē u iā tēntani mēdeau mēhabar'u Injilē bou Mawu Ruata. ²Injilē ene seng niriandin Duata su tempong kalamona wou manga nabin'E ringangu seng mābawohē suralungu Winohe Susi. ³Injilē ene mēlēhabar'u Ahusu Ruata, Mawung kitē i Yesus Kristus. Tuhū mātaumata, i Sie ute kai hēnton Daud, ⁴arawe kereu māduata e ute i Sie kai Ahusu Ruata. Ene ute nilahē u munarang kawasa ta

sihinge lumium pēbawangung'E wou papatene. ⁵Lumiun Sie lai Mawu Ruata nēgēlliū alamatē si siā mēdeau makoā darolohang, tadeau iā – mangadatē si Kristus – manata apan taumata wou patiku banua tadeau mangimang dingangu tumuhū. ⁶Ku timonang bawera wou patiku banua e ute i kamene lai apang su Roma e seng nikuiang mēdeau mariadi umat'i Yesus Kristus. ⁷Ualingu ene iā namohē u suratē ini su manga anau sēmbau.

Karimako Mawu Ruata i Amang i kitē e ringangu Mawu Yesus Kristus mangonggou alamatē dingangu karalunsemahē su manga anau sēmbau.

Ka kalïomaneng tatarimakase

⁸Kahumotongange sura_lungu areng i Yesus Kristus ia ma-kitarimakase su Mawu Ruata ualingu i kamene kēbī manga anau sēmbau; batu_u patiku dunia seng nakaringihē u manga anau sēmbau e nangimang kahēngang si Kristus. ⁹Ia hanesē mētētahēndung su manga anau sēmbau kereu ia mēkalïomaneng. Mawu Ruata e nakoā sahidine u apan taku niwera ene mang kahēngang. Seng i Sie e Mawu Ruata ku taku tētangkianeng u kaguwau naung dingangu mamombengu Injilē maanun Ahus'E. ¹⁰Ia mēdēdorong sēngapam botonge su Mawu Ruata, małowoko i Sie mapakawalang ia orasē ini e mētiwo si kamene. ¹¹U ia mambeng mapulu mēsombang i kamene tadeau ia makapēmahia u alamatē bou Rohkē u Mawu e makapēnoghasē si kamene. ¹²Timonaku e kai ualingu i kite kai seng sēngkapēngimang su Mawu Yesus Kristus, ute i kite e makapanoghasē sēngkatau su waline.

¹³Manga anau sēmbau! Ia lūēnningu tadeau i kamene ma-

singka u seng masau susulene ia mēkēkaraki mētiwo si kamene, kai mēngkai hanesē ta kasēhukange. Ia lūēnningu tadeau sutaloarang kamene e munaraku reng pia lētae kereuwe lai naung munaraku sutaloaram baline taumatan Yahudi su tampa baline e. ¹⁴U ia kai hinong mapēdarumatingu injilē su patiku bansa, suapam makaēnna ringangu tamaka_lāēnna, suapan pia siko_lane ringangu apan tawē nēsēsiko_la. ¹⁵Ualingu ene ia mēngkatewe lūēnning u mamombeng u Injilē ene si kamene manga anau sēmbau ku matana su Roma e lai.

Kawasang Injilē e

¹⁶Ia mēngkai mangingimang kahēngang su Injilē e ualingu injilē e kai kawasan Duata makasalamatē kēbī taumata mangimang; kahumotongange su tau Yahudi, ringangu wansa walinē'ewe lai. ¹⁷U kai ualingu Injilē ene, Mawu Ruata e nanode u ke-reapa ralenge tadeau pēkakauhu taumata ringangu Mawu Ruata e mau_li kapia; dalenge ute kētaeng ualingu mangimang su Mawu Ruata, wou panētakege sarang pēngēnsueēnge. Ene mēsulungu

kere maḃawoḃe suraḃungu Wi-noḃe Susi, "Taumata ku mangi-mang su Mawu Ruata sarang pēkakauhe ringangu Mawu Ruata e mēngkai saḃbe makoḃa mapia e, taumata ene sarung mēḃiahē!"

Pēsasaḃan taumata

¹⁸ Bōu sorga e Mawu Ruata nanodeḃu raḃangehe su patiku do-sa ringangu karaḃakisu taumata, batuḃu karaḃakisē e kai maḃasa-haghe taumata ta mēkiraḃa tēnti-ron Mawu Ruata kaḃēngang. ¹⁹ Apang kinasingkateng u taumata maḃanun Mawu Ruata e seng naḃaḃe suraḃungu naung u taumata, u Ruata hala e seng nēḃaḃe u ene su taumata. ²⁰ U ren dokeng Mawu Ruata nēndia-di dunia, manga kakakoḃu Mawu Ruata ku tawe ikasasilo e ute kai kararuatan'E ringangu kawasan'E seng nikahēnganeng u taumata wōu patiku apang kinoḃa e. Hakiḃu taumata e seng tawē banggilu i-kaḃangēmping su pēsasaḃan sire. ²¹ Taumata e masingkaḃu Mawu Ruata katewe taumata e tawe mēngangadat'i Sie kawe sēngka-tau Ruata ringangu tawe maki-tatarimakasē si Sie. Raḃiune tau-mata e mēmpangēnnawe apan ta kēhase; u sipirang i si-

re seng nēngkarēndung. ²² I sire mēpēpēndangu watangeng i sire e seng ta u wēgane, kutēu i sire kawe longong. ²³ Baḃinewe Ruata kakalē sēsēmbaēng i sire, kai-so kawe manga patong maḃawē diadikang mētate, ku kai tauma-ta, manga maḃu u winalangeng, manga binatang laede ēḃa, di-ngangu binatang tuḃondo.

²⁴ Uaḃingu ene Mawu Ruata e napakawalan sire nipakahimatu u kapulun naung i sire mēdeḃu mēkoḃa haḃē daralaḃi, hakiḃu i sire mēngkate mēmpēkēkoḃa haghin la-muhḃu lawō i sire. ²⁵ Mawu Ruata tutune e, niawengang i si-re ringangu sēmbaḃu konti. Baḃinewe Mēndariadi e, kaiso ka-we riadikang ene e mundangu sēsēmbaēng dingangu tētangkia-neng i sire. Sēmbaḃiau kawe Men-dariadi ene e hinon daloēng sa-ram marēngu-dēngu! Aming.

²⁶ Uaḃingu taumata nēmpē-koḃa kerene, ute Mawu Ruata e nēmalan sire napēbatuḃu abuḃin sire raraḃaḃi. Manga wawinen sire selaing tawe mawawulu'n manga esē kere'ewe tundune su taumata, kaiso kawe maḃulun lawō manga wawine. ²⁷ Manga esē e maḃaing kerene; i sire nēmpamalan tun-dun esē su wawine tuḃu kakakoḃa

e tutune, kuteu kawē kēkasa-higang'u lawo esē. Manga esē e mēmpēkēkoabe apa makasamedē su lawo esē, hakū i sire maka-hombangke wawalise tuhūewe kanoa i sire e.

²⁸ Ualingu taumata e makapēndang u seng tawahaḷuasū masingka u Ruata, tangu Ruata e mēngkatewe namalan tinēnnan sire hala nipakaghoghahē, hakū i sire mēngkawe mēmpēkēkoā apau tawē wotonge koateng. ²⁹ Naung i sire napenēu kēbi kararalakisē, tā katulide, napenēu anggang, karalamuhū, pananaui, kapulu mamate, mēdaḷia, mēngakalē, dingangu mēndeso'u une. I sire papuluang mēsampuhu taumata waline, ³⁰ mēndaḷai arengu waline; maobotē dingangu tawē atorange, mābēnsingu Ruata ringangu matataghunalang u mohong. Pelesa mēkoā ḍalakisē. I sire rūdoka matatimadē; i sire ³¹ mādiri katēguang; tawē satiane, ringangu wēgawe mētatalēntu u lawo taumata. ³² I sire masingka u tumuhū titan Mawu Ruata, i sain mēkēkoā patiku ene e hinom pateēng. Maning kerene i sire mālaing mēmpēkēkoā lai manga ḥalē ene dingangu lēla-

himpuluang kereu pia u waline mēmpēkoā kerene.

Hukumang u Mawu Ruata

2 Ualingu ene, manga anaū sēmbau kai isai tangu i kau e hakū i kau mapēsalaṅ taumata waline? I kau tawē apang hinong ikapētahutēnda baugu watangengu! U kamagengu i kau kawē mapēsalaṅ taumata waline, kuteu i kau sēsanu mēkēkoabe-lai kere kēkoateng i sire, ute i kau mēlēhukung u watangengu hala. ² I kite masingka kereu Mawu Ruata mapakanawong hukumang e si sai-saijēwen kakanoa e kerene ute, putusang u Mawu Ruata e kahēngang. ³ Arawe i kamene, manga anaū sēmbau mālaing mēmpēkēkoā kaḷawou apan ipangēnsil'i kamene si sire waline! Dingangu i kamene mētētinnēna u i kamene makatalang bou hukumang u Mawu Ruata e? ⁴ Arau i kamene kai tawē mēngarēggang kakēndag'u Ruata, ringangu kakalau raḷungu naung ore lai kasēllahu pēsasa-bar'E? Tēngadē i kamene masingkau Mawu Ruata e mēlaheū kapiā naung'E ualingu i Sie mapulu tadeau i kamene mēto-

batē bou kalawou rosang kamene. ⁵Kutēu tēmbo i kamene kawe makakēti dingangu maḍiri mēmaḷui. Ualingu ene i kamene hala nakatambang kawēhae hukumang su Ēllong Kiamatē kereu Mawu Ruata e mapakarēntan daḷangēh'E ringangu mapakanawong hukumang maaḍilē. ⁶U Mawu Ruata e sarung mamaliṣē suapan taumata ituhū su kakanoaē. ⁷Mawu Ruata mangonggo'u pēbawiahē tutune ringangu kakalē si sire apang makakēḍang mēmpēkoā haḷē mapia tadeaū makaēba kawawantugē, adatē, dingangu kakaoā kakalē. ⁸Arawe i sai-saing kētaeng kukēndagu watangenge ringangu maḍiri tumuhū Mawu Ruata, kaiso kawe tutole karalakisē e, ute i sire ene e sarung makalangehē Mawu Ruata marasai. ⁹Apan taumata mēkēkoā daḷakie sarung masunsara ringangu masigēsa, kahumotongange su tau Yahudi, kerene lai su manga wansa waḷine. ¹⁰Kai kēbi taumata apang mēkēkoā mapia e sarung kapusakateng u kawawantugē dingangu adatē dingangkewen katatulende wou Mawu Ruata kahumotongange su tau Yahudi kerene lai

si sire wansa waḷine. ¹¹Batūu Mawu Ruata e mēmpēkoā kēbi taumata e mēsulung.

¹²Taumatan banua waḷine e nēmpēdosa ku bēgawen torat'u Yahudi. Ku i sire ihukung sulung toratē. Arawe taumatan Yahudi nēmpēdosa suaḷungu toratē e; ualingu ene i sire sarung lai tuntukang u toratē e. ¹³Batūu i sain mētobatē e waḷinewe ualingu tau ene seng masingka u torat'u Yahudi, kaiso kawe ualingu i sie mēkēkoā apam maḅawohē suraḷungu toratē e. ¹⁴Taumatan banua waḷine e wēgawen torat'u Yahudi. Kai kereu i sire su kapulun sire hala e mēmpēkēkoābe apang ilēatoru toratē ute naung i sire hala e nakoābe tiaha'n sire, maningbe i sire wēgan torat'u Yahudi. ¹⁵Kakanoā i sire e mēmpēnodeu apan ilēator'u toratē maḅawohē su naung i sire. Kasingka u naung i sire e maḷaing mēmpēsēsahidin haḷē ene, u i sire hala kaḍinga ipēsēsala ringangu kaḍinga lai nētatahino ualingu tinēnnan sire. ¹⁶Kerene sarung mariadi su ēllone ku seng nitantu ene. Su ēllo ene – tuhewe Injilē taku niḅawombeng – Mawu Ruata suraḷungken Yesus Kristus, sa-

rung mēhukung kalawou rahasian dalungu naung dingangu sipirang u kēbi taumata.

Tau Yahudi ringangu torat'u Yahudi

¹⁷Kai orasē ini e kereapae i kamene manga anau sēmbau? I kamene nēngakuwen batangeng i kamene tau Yahudi. I kamene māngumbalang torat'u Yahudi ringangu i kamene lūluasu pēka-kauh'i kamene ringangu Mawu Ruata. ¹⁸I kau nakaēba manga tēntiro wou tita ene, hakiu i kau māsingka u kapulun Mawu Ruata e ringangu i kau māsingka mētilakehu sude mapia. ¹⁹I kau e māngiaking u i kau kai mēngangaha tau wuta ringangu tualagē baugi sire sumarēndung; ²⁰I kau e mananēntiro taumata longong dingangu mananēntiro taumata wodo. I kau māngiaking u suralungu torat'u Yahudi e, i kau mānaghuang patiku kasingka dingangu tēntiro kahēngang. ²¹I kau mānēntiro taumata waline; kŭ unue i kau tawe mananēntiro watangeng u hala? I kau mēsēsēding taumata mēdeau kumbahang mētako, kŭ unue i kau sēsanu mētētako! ²²I kau mānēntiro taumata kumbahang

mawuang, raliune i kau sēsanu nawuang! I kau e mēbēbinsiu mahangduata e, sumbaliau kawe i kau sēsanu mēngēngala manga apaliwu bou waleng mahanduata. ²³I kau lūlesa u i kau mānaghuangbe torati Musa, raliune kawe i kau nēhinakang Duata mase tawe timuhu hengtang'E. ²⁴Suralungu Winohe Susi e mābawohe kereini: "Ualingu i kamene taumatan Yahudi, ute areng u Mawu Ruata sēsamedang sutaloaran manga wansa waline."

²⁵Kamageng i kau matuhu su torat'u Yahudi ute sunat'u e mālaing pia gunane. Kai kereu i kau mēngkate lai lūlampa toratē ene, ute sunat'u e semben tawē ualine. ²⁶Kereu sēngkatau wali-ne Yahudi e kŭ tawe nisēsunatē, kai mēsēsēmpī torat'u Yahudi, kŭ balīnewe irekeng u Mawu Ruata e kere sēngkatau wou nisunatē ngae? ²⁷Kŭ i sire apan ta nīsasunatē e sarung mapēsalang kau sēngkatau tau Yahudi u i kau kai mānaghuang torat'u Yahudi ringangu i kau kawe nisunatē, kuteu i kau kawe limampa toratē ene. I sire tawe nisunatē, kuteu i sire mēgēngganapēbe torat'u Yahudi. ²⁸Batūu tau Yahudi patutune e, balīnewe kētaeng

arengē tau Yahudi e dingangu taumata ku kahēnga'-hēngang nisunatē e balinewe taumata ku nisunatē tuhu mābadang samatang. ²⁹ Raliune tau Yahudi tutune e, i sie kai piā naungu Yahudi, ringangu sunatē tutune ute kai sunat'u raḷungu naung nipēkara-diahang u Rohkē Susi, waline-we kētaeng kabawohe suraḷungu bukē. Taumata kerene tangu makatarima daralo wou Mawu Ruata, waline-we wou taumata.

3 Maeng kerene, kai apa untune makoā tau Yahudi? Dingangu apa ualine tumole atorang'u sunatē? ² Kai lawo bue gunane! Kahumotong-motongange kai ualingu su tau Yahudi e Mawu Ruata nangumbalang kaḷawou hengetange. ³ Kai kereapa wue kereu sēngga tau Yahudi e kawē tā satiane? Ku apa ualingu ene Mawu Ruata e mariadi tā satiane? ⁴ Tantu tala! Batuu naḷahe Mawu Ruata e napenē u katēngadē, maniweng apan taumata e kakontiang. Suraḷungu Winohe Susi mābawohe,

"Tadeau i kau matodebe
adilē suraḷungu patiku
baweranu,

ringangu makauntung
kereu i kau ghēgutaēng."

⁵ Kai kereu kaadil'u Mawu Ruata e mangkeng kakalahe e, watuu i kite mēkēkoā apan tā katulide, ku i kite e kai mēberaeng apa ngae? U Mawu Ruata e tawē adile kereu i Sie mēhukung i kite? (Tēngadē kakiwalo ini su tampa e ituhu mataumata.) ⁶ Mambeng tala! Batuu kereu Mawu Ruata e tawē katulide, ute kereapa wue i Sie makapēhukung u dunia ini?

⁷ Kai kereu ualingu kakanoā ku tawē katulide, ute apang ku matulidē e maanun Mawu Ruata, mangkeng maḷēta hakiweng i Sie rēdaloēng, unue taumata ku mēkēkoā daḷai e wēdang iapēsēsala kere taumata warado-sa? ⁸ Dingangu unue i kite tawe wotonge mēbera, "Maḷiangbe i kite mēkoā daḷai tadeau lumēto apam mapia?" Tēngadē piā manga taumata ku mēlēhinkang siā mēbēbera u iā e kai wou nēbera kerene. Apan taumata ku kerene su tampa e ihukung u Mawu Ruata.

Tawēu sarang sēngkatau
mēkēkoā kapulun Mawu
Ruata

⁹ Ho! Kereapae ngae i kite
tau Yahudi e limembong ka-

piane wou i sire wafine? Mam-
beng tala! Sen taku niwera u
bae tau Yahudi kerene lai
taumatan banua wafine, kebı
mang masasellung su rosa. ¹⁰ Ke-
re mabawohe suralungu Winohe
Susi,

"Taweu sarang sengkatau
maadile,

¹¹ taweu sarang sengkatau e
lai matahuenna ringangu
taweu sarang sengkatau
reng mēsuba Mawu
Ruata.

¹² Kebı taumata seng nētēngka-
rau wou Mawu Ruata;
kebı e seng nailang.
Taweu sarang sengkatau
mēkēkoā mapia mang ta u
sarang sengkatau.

¹³ Tinggolang i sire mēsulungu
lēbing matatope;
akali sire luelehē bou lilan
sire,

dingangu wiwih'i sire
susaliwēbud'u lahinakang,
mēsulungu wisan tēmpu.

¹⁴ Mohong i sire mēngkatewe
mapene u laane ringangu
sēngkulē.

¹⁵ Lempang i sire mahawesē
kereu tamai manigēsā
dingangu mēmate taumata.

¹⁶ Kawawinasa ringangu
kasasusa e sēsawuhang i
sire suapan tampa.

¹⁷ I sire tawe makasasilo raleng
u pēdarame,

¹⁸ ringangu tawe mēnganga-
datē Mawu Ruata."

¹⁹ Ini e i kite masingka u
kebı apan mabawohe suralungu
torat'u Yahudi e, tumange kai si
sire apan masasellung su toratē e.
Ku ualingu ene ute taweu sarang
sengkatau lai makakoā manga a-
pa ringangu patiku dunia e
kapēnuntukangu Mawu Ruata e.
²⁰ Batū taweu sarang sēngka-
tau makakoā mapia ringangu
Mawu Ruata ualingu tau ene
mēkēkoābe apang ku kēkaēba-
keng suralungu toratē. Kaiso to-
ratē ene kētaeng mēlēlahē su tau-
mata u taumata e kai waradosa.

Mawu Ruata mēlēloahē
taumata mēsēngkapiā Sie

²¹ Arawe ini Mawu Rua-
ta seng nanēbou raleng kerea-
pa taumata mēsēngkapiā Sie ku
daleng ene e tawē kalahēmpu-
kangē ringangu torat'u Yahudi.
Manga bukē i Musa ringangu
bukē u manga nabi e mēlēlahē

u halē ene, ²² u Mawu Ruata e mēlēloahu taumata e mēsēngkapiān Sie, kētaeng kereu taumata mēmpāngimang si Yesus Kristus. Mawu Ruata e mēkēkoā i ni waugu kēbi taumata apam māngimang si Yesus Kristus; u kawē tawē pinētātēntangenge: ²³ Kēbi taumata e seng nēdosa ringangu maraun Mawu Ruata kū makasalamatē si sire. ²⁴ Kētaeng ualingu tatalēntu u Mawu Ruata sēsane kū nilaonggo matagē, pēkakauhu taumata ringangu Mawu Ruata e saū nakoā mapia; kakakoā e ute: taumata e nipa-kaliwir'i Yesus Kristus. ²⁵ Duata e nanarakang i Kristus Yesus tadeāu ualingken papaten'E ute taumata e nipakaliwirē bou pēsasaļa kereu i sire mangimang si Sie. Mawu Ruata e mēkēkoā kerene tadeāu mapatodeu kaadil'E. Watu tempo naliu, Mawu Ruata seng nētēngkasabarē su kaławou manga rosan taumata, hakiu i Sie tawē nēhukung i sire. ²⁶ Arawe orasē ini i Sie kimanōā e nēteghangu rosa pēlahekangu kaadil'E. Kakanoā kerene mānodeu watangeng'E adilē; kū apan taumata māngimang si Yesus nilahē'E kere taumata kū saū nēsēngkapiān Mawu Ruata.

²⁷ Ualingu ene ute semben tawē dalenge si kite baugu lumesa. Unue kerene? Apa nikaianenge ualingu i kite mēkēkoābe apan kabawohē su torat'u agaman Yahudi? Baline. Kaiso ualingu i kite e māngimang. ²⁸ Batu nimbue kai kerei-ni: I sain nilahē saū mēsēngkapiā ringangu Ruata, balinewe ualingu i sie mēkēkoā apang mābawohē suralung'u toratu agaman Yahudi, kaiso ualingu i sie mangimang si Yesus Kristus.

²⁹ Arau Mawu Ruata ene Mawun tau Yahudi samatang? Walinewe i Sie Ruatan bansa lai wali-ne? Ore, tēngadē i Sie mālaing Duatan bansa wali-ne. ³⁰ U Ruata e mang sēmbau. I Sie kai napakariadin tau Yahudi saū nēsēngkapiān Mawu Ruata ualingu i sire māngimang. Dingangu i Sie lai napakariadin manga taumatan bansa wali-ne saū nēsēngkapiān Duata; ene mālaing ualingu i sire māngimang. ³¹ Kai ini e mangalene ualingu i kite mangimang si Kristus, i kite mēndēmme torat'u Yahudi? mamben tala wue! Saļa anune ualingu pangangimang i kite ene, i kite mēngarēgan toratē ene.

I Abraham nakoꝝ tatēnoēng

4 Mageng kerene, apae ika-
werang kite maanung Abra-
ham, iupung u wanuꝝ kite
e? Kereapa e apang kinahom-
bangnge? ²Kereu manga haḷe a-
pang kinoꝝ e makariadiwe sa-
rang Mawu Ruata mēnarima i
sie ku makaḷuasē naungu Ruata,
tangu piabe pinēbuakenge si sie
waugu lumesa. Kaiso i sie tawe
makalesa su tēngon Duata. ³Su-
raḷungu Winohe Susi maḃawohe,
"I Abraham nangimang su Rua-
ta, dingangu ualingu pangangi-
mange ini, i sie nitarima u Ruata
nakoꝝ taumata makaḷuasē naung
u Ruata." ⁴I sain mēlēhaḷe,
makatarima gadine; ku gadine
waḷinewe irēdekeng kere sēmbau
ghaghēlli, batuu ene kawe hakē
e. ⁵Kuteu piabe taumata tawe
mēngangumbala sutawakaḷine ha-
lae, kaiso maḃarakangu wata-
ngenge su Ruata ku seng nēliwirē
taumata waradosa wou pēsasaḷa-
ne. Suralungken pangangimange
ene e Mawu Ruata manarima i
sie makoꝝ sēngkatau makaḷuasē
naungu Ruata. ⁶Kerene lai su
sipirang i Daud; hakiu i sie
nakapēberang kariangkamang su

taumata ku kahian Duata e seng
nitarima kere taumata makaḷuasē
naung'E, maningbe Mawu Ruata
e tawe kumakēlla manga kakanoꝝ
u taumata ene. I Daud nēbera
kereini,

⁷ "Kariangkamang taumata
apam pēsasaḷane
niampungang
dingangu kaḷawou manga
rosane niampungang u
Mawu Ruata!"

⁸ Kariangkamang taumata
apan dosan sire tawe
tatuntukang u Mawu!"

⁹ Apa pēkakariangkamang
ēndai tumange kētaeng su manga
taumata ku tutuhu atorangu su-
natē samatang? Arau kai lai tu-
mange su taumata ku tawe tu-
matuhu atorangu sunatē ngae?
Seng nisēba i kami kaḷimona, u
i Abraham nitarima u Ruata ke-
re sēngkatau makaḷuasē naung'E,
ualingu i Abraham maḃimang
su Ruata. ¹⁰Ku ange wue Mawu
Ruata e mēlahe u haḷe ene? Kaḷi-
mona arau samurin Abraham ni-
pakisunatē? Tēngadē, tēntaḷang
i sie ren tawe niḃsunatē baḷine-
we seng bou. ¹¹I sie nisunatē
samuri, ku sunatē ene kētaeng
kere tatiala u Mawu Ruata

seng nanarima i sie kere tau-mata maka_ɾluasə naung u Ruata, ualingu mangingang su Mawu Ruata. I sie nitarima u Ruata su tempon i sie wə_ɾang ta tumatuhu atorangu sunatə e. Ku i Abraham nako_ɾ amang tuhu marohkə baugu kəbi apan mangingang su Ruata, dingangu ualingu ene ute seng nitarima u Mawu Ruata kere taumata maka_ɾluasə naung'E maningbe i sire tawe tumatuhu atorang u sunatə. ¹²I Abraham ma_ɾlaing nako_ɾ i amang marohkə baugu taumata tutuhu tiahan sunatə. I sie i amang marohkə baug'i sire waline kətaeng ualingu i sire tutuhu sunatə, kaiso kawelai ualingu i sire mēbēbiahə dingangu pangangimang su Ruata mēsulung i Abraham su tempong i sie wə_ɾang ta tumatuhu atorangu sunatə.

Kədong Duata nitarima ualingu mangingang su Ruata

¹³Mawu Ruata nəkədo si Abraham dingangu palahitene u dunia ini e sarung mariadi pusaka i Abraham. Mawu Ruata e nəkədo kerene balinewe ualingu i

Abraham matuhu su torat'u Yahudi, kaiso kawelai ualingu i sie mangingang su Ruata hakui i sie nitarima u Ruata kere tau-mata maka_ɾluasə naung'E. ¹⁴Kai kereu kətaeng ualingu apan tutuhu torat'u Yahudi samatang makatarimau apan seng nikədon Duata, na_ɾahəu mangimang su Mawu Ruata e mamben tawekəhase marihutu ringangu pəkakədon Duata e ma_ɾlaing tawelohone. ¹⁵Torat'u Yahudi e makakədentang hukumang u Mawu Ruata. Arawe kamageng beng tawetoratə ute tawə apa ra_ɾwang.

¹⁶Ku kədon Duata e nēbua_ɾ bou pangangimang u taumata su Ruata. Ene mariadi sēmbau papaiang su patiku hēnton Abraham u kədo ene niongo si sire kere sēmbau gaghelli matagə kahian Duata, balinewe kətaeng si sire apan matuhu su torat'u Yahudi kaiso ma_ɾlaing baugi sire apan mēmpangimang su Mawu Ruata mēsulung i Abraham mangingang si Sie. Batuu i Abraham kai i amang i kite kəbi tuhu marohkə. ¹⁷Batuu Mawu Ruata e nēhengetang kereini si Abraham, "Ia seng napakariading kau

i amang u kalawou umatē." Kere-
rene Mawu Ruata e nangonggo
kēdo ene si Abraham. Ku i Ab-
raham nangimang si Sie. I Sie
kai Ruata ku māmiahē taumata
nate; I Sie kai mālaing Dua-
ta ku kētaeng ualingu mēhenge-
tang seng makariadi apan nāung
tala makoa pia. ¹⁸I Abraham
mēngkatewe tinalung mēlēharapē
dingangu māngimang maning
seng lai sala tā harape. Ualingu
ene i sie nariadi i Amang u
patiku umatē. Kereē mābawohē
suralungu Winohe Susi: "Hite-
nu e sarung mahuntinambang
kalawōe." ¹⁹I Abraham su tempo
ene masingka u i sie seng tawe
mēhite, watuu seng tumaniu ma-
ghurang dingangu umure seng
masandigē mahasu su taunge;
kuteu lai i Sara kawinge kawe
wantō. Kaiso pangangimang i A-
braham tawe manga nēlome. ²⁰I
sie mang tatapē māngimang di-
ngangu tawe nēbimbong u kēdon
Duata. Kaiso pangangimang sau-
neng nahuntinambang katoghase,
hakiu i sie mēngkate mēdēdalo
Ruata. ²¹I sie mangkewen ma-
ngimang u Ruata mapakasē-
hū'u apan seng nikēdon'E.
²²Hakiewen ene i Abraham

nitarima u Ruata nakoā tau-
mata ku makaḷuasē naung u
Ruata. ²³Bawera, "nitarima kere
taumata makaḷuasē naung u
Ruata" mābawohē baḷine kēta-
eng baugi Abraham sēsane,
²⁴kaiso mālaing baugi kite. I
kite mālaing sarung itarima ma-
koā taumata ku seng makaḷuasē
naung u Ruata, ualingu i kite
māngimang su Ruata ku napē-
bangung i Yesus, Mawung kite
bōu papate. ²⁵I Yesus e seng ni-
sarakang tadeau pateeng ua-
lingu kalawou rosang kite;
mase i Sie niapēbangung kapia
kahian Duata mēdeau i kite e
mēsēngkapia sau dingangu
Ruata.

Sau Kapia Mēsēngkapan Duata

5 Ini i kite seng sau nēsēngka-
pian Duata, ualingu i kite
nangimang. Ku ualingu ene ute
i kite nēbiahē suralungu pēdara-
me ringangu Ruata wōu Mawung
kite i Yesus Kristus. ²Ualingu i
kite māngimang su Mawu Ye-
sus ute i Sie makādiading kite
e makapēndang kakēndagu Mawu
Ruata, ku kai ualingu kakēndagē
ene e i kite biahē tempo i-

ni. Ualingu ene i kite mahulusə ualingu i kite piabe pələharapə u i kite e sarung makatemang karaluensang^a ku nighelli u Mawu! ³Dingangu nangəlembo wou ene i kite e kai lumiagə u suralungu kasasigəsə, batu i kite masingka u kasasigəsə e makadiadi taumata masagə,^b ⁴dingangu kalaasagə e makadiadi taumata makəkəndang; ini e kai makədəntang pələharapə. ⁵Pələharapə kereini e tawe mapakakellohi kite, batu naung i kite seng nilohoəng u Mawu Ruata ringangu kakəndag'E. Mawu Ruata nanganoə ene ringangu karadahangu Rohkə'E, ku seng nighelli si kite.

⁶Su tempəng i kite suralungu karalome, i Kristus e nate waugi kite ku su tempone mapia tinantun Mawu Ruata; səmbaliau i kite taumata e kai marau wou anun Mawu Ruata. ⁷Baugu pəsəngkatau taumata adilə e mamben masigəsə taumata mapulu mate. Aramanung baugu səngkatau mapia, pia lai taumata wahani mətumpate. ⁸Arawe Mawu Ruata nəlahəu kakəndage si kite su tempəng i Kristus napohong baugi kite su tempəng i kite

bəndang taumata marosa. ⁹Ini e i kite seng nəśəngkapan Dua-ta ualingu kapapohong i Kristus; ualingu ene təngadə i kite e sarung iapakasalamatə lai wou ralangehu Mawu Ruata kahiang Kristus. ¹⁰Kereu su tempəng i kite məsəsədu u Mawu Ruata; i kite e iapədamen Sie ualingkeng kapapohong u Ahus'E, apa lai ini sarəng pəkakauhi kite dingangu Mawu Ruata e nuli kapia, tantu i kite sarung iapakasalamatə lai ualingu pəbawiahi Kristus. ¹¹Ku limembo wou ene tangu i kite mahulusə lai su kapien Dua-ta ualingu Mawung kite i Yesus Kristus. U kai ualingu i Yesus Kristus, orasə ini i kite makatemang pəkakauhi kite mapia e ringangu Mawu Ruata.

I Adam dingang i Kristus

¹²Dosa simuə suralungu dunia ualingu səngkatau, ku bou rosa ene siməpue papate. Nənggəe, papate timəpasə su patiku taumata, batu kəbi taumata seng nanawo suralungu rosa. ¹³Dokeng torat'u Yahudi e reng tawe nigaghelli, dosa e seng ene suralungu dunia. Kai tangu rosa e tawe tatuntukang, ualingu tawə

^a kebahagiaan ^b tekun

apa toratē kū botonge lampaeng. ¹⁴Maning kerene, wou tempom Adam saraewen tempom Musa e, papate nangawasa patikū taumata. Sarangkatewe taumata kū tawe limawang kere kinoā i Adam taumata kerene maiaing nipēkawasāngu papate.

I Adam maiaing tuladang apang bo'i Sie kū sarung dumēnta samurine. ¹⁵Kai i rēdua ene e tawe nēsulung; batu laonggo u Ruata e nangēlembong kasēllahe kereu isihing dingangu rālawang kū kinoā i Adam. Daławang u sengkatau nakawodai taumata lawo nihombangengu papate. Nangēlembong kasēllahe lai nēngga u tatalēntu u Ruata ringangu laonggo kasasalamatē kū nīgaghēlli su taumata kereng kakēpaļe, ualingu kapiān naungu sengkatau mangalene i Yesus Kristus. ¹⁶Laonggo u Ruata maiaing nangēlembong kasēllahe marau wou rosan sengkatau ene. Batu samurin sengkatau nēkoā daławang ute simēbangke ponēsē, "Nēsala". Kai saraeng taumata lawo e nēmpēdosa, narēntae laonggo bo Ruata kū mēlēlahē, "Tawe nēsala". ¹⁷Ualingu rālawang u sengkatau, ute papate nēdaraki su apan tampa ualingu sengkatau ene. Kai nangēlem-

bong kasēllahe lai nēnggae wou apan nīkakoā u sengkatau wali-ne, mangalene i Yesus Kristus. Ualingu i Sie, Mawu Ruata mēngkai napēdaļembon tatalēntu'E su kakēpaļu taumata, kū dingangu tā bawahe nakariadi si sire saū nipēsēngkapiān Duata; i sire sarung mēkawasa su dunia ini ualingu i Kristus.

¹⁸Kū kereapaewen daławang u sengkatau e nēnggae su kēbi taumata nihukung, kerene lai kakanōā u sengkatau kū tūtoļe kapulun Mawu Ruata, nēnggae ute kēbi taumata maļiwirē bo pēsasaļa ringangu kaonggotangu pēbawiahē. ¹⁹Kū kereapaewen taumata lawo e nariadi taumata marosa ualingu sengkatau ta tumatuhū, ute kerene lai lawo taumata wotonge saū mēsēngkapiān Mawu Ruata ualingu sengkatau matuhū su Ruata.

²⁰Nēgēlliū torat'u Yahudi e kai Mawu Ruata sēsane. Kaiso mangkewelain kapahuntinamban tatuhūe su toratē e kaiso i sire mangkewelain kapahuntinamban daławang e ringangu nēmpēdosa su tēngon Duata. Kaiso mangkeng kapahuntinambane taumata nēmpēdosa, Ruata e mangkewelain limembong kakēndage, si sire. ²¹Ho! i kite e harusē mate


ualingu i kite e nẽmpẽdosa. Kai Mawu Ruata e kũkẽndagi kite dingangu nẽgẽlli u raleng si kite tadeau sau mẽsẽngkapien Sie. Ku ualingu pẽkakauh'i kite dingangu Mawu Ruata e seng sau mapia, tangu i Sie maĩaing mangonggou pẽbawiahẽ tutune ringangu kakalẽ si kite suralung i Yesus Kristus, Mawung kite.

Nate ualingu rosa, ringangu
pẽbawiahẽ nasẽmbau
dingang i Kristus

6 Maeng kerene, apae ipẽbe-
rang kite e? Apa i kite
mẽngkate mẽkẽkoã dosa ta-
deau Mawu Ruata mẽngkai
kumẽndag'i kite? ²Tantu tala!
Dosa e semben tawe lai mẽka-
wasa si kite, ku unue wue i
kite mẽngkai hanesẽ mẽbẽbiahẽ
dingangu kapẽkẽkoãe rosa? ³Ma-
singka buie i kamene u su tem-
pong i kite nisahani e i kite
niapakasẽmbau dingang i Kris-
tus Yesus? Ini e mangalene i
kite niapakasẽmbau dingangu pa-
paten'E. ⁴Dingangu pananahani
ene, i kite e nilẽbing dingang
i Kristus dingangu sẽngkakapa-
te ringange, tadeau kereapaewen
i Kristus nipẽbangung bou papa-
te ualingu kawang Amang ku

mawantugẽ, kerene lai i kite ma-
karaleng su pẽbawiahẽ buhu e.

⁵Kereu i kite seng nasẽmbau
dingang i Kristus batu i kite
sẽngkakapate ringang i Sie, i kite
sarung masẽmbau dingang i Sie
lai ualingu i kite niapẽbangung
kapia mẽsulungkewen Sie. ⁶I kite
masingka u kakakoã i kite tẽbe
e seng niapakapate sẽngkakapate
ringang i Kristus su kalu ku-
ruisẽ tadeau kawang kakakoã i
kite marosa e seng nipakagho-
ghahẽ; ku ualingu ene ute i
kite semben tawe ipẽtahuẽllangu
rosa. ⁷Kereu sẽngkatau e kawe
nate, ute taumata ene iapakali-
wirẽ bou kawasan dosa. ⁸Kereu
i kite seng nate ringang i Kris-
tus, i kite mangimang u i kite
lai sarung mẽbiahẽ dingang'E.
⁹U i kite masingka u i Kris-
tus seng nẽbangung bou papate-
ne, dingangu i Sie sembeng lai
tawe mate; papate e seng tawe
kawasane su watangeng'E. ¹⁰Pa-
pate kinahombangeng i Kristus
e kai papate ualingu rosa. Ene
samatang mariadi sẽnsule waugu
sarang marẽngu-dẽngu. Dingang-
u pẽbawiahẽ niralengange'E ini
kai pẽbawiahẽ baugu Ruata. ¹¹I
kamene harusẽ lai mangẽna wa-
tangeng i kamene nate ualingu



Kalu kuruisē (6:6)

rosa, kaiso pëbawiahë suralungu pëkakauhë matoghasë dingangu Mawu Ruata e kai suralung i Kristus Yesus.

¹² Abe lai mapakawalan dosa mangawasa pëbawiahu apan mëtate tadeau i kamene abe kawe tumuhu ënning i kamene raraļai.

¹³ Kumbahang lai i kamene manarakang'u laesu wadang i kamene su kawasan dosa baugu ipake su manga timona ku daralaj. Kaiso sarakangke watangeng i kamene su Mawu Ruata kere tau-mata ku seng nialing bou papate sarang pëbawiahë. Sarakangke kaguwau watangeng i kamene su Mawu Ruata tadeau ipake baugu mëkoā kapulun Duata. ¹⁴ Dosa

tawe wotonge mangawasa si kamene, ualingu i kamene tawe sau nëbiahë sualungu torat'u Yahudi e kaiso kai suralungu kakëndagu Mawu Ruata.

Ėllang baugu kapulun Duata

¹⁵ Orasë ini apa e ghësine? Botonge i kite mëkoā dalaki, batu i kite seng baline sualungu kawasan torat'u Yahudi e kaiso kawe sualungu kawasan tatalëntu u Mawu Ruata? Mamben tala!

¹⁶ Masingka bue i kamene u kereu i kamene mëmpanarakang u watangeng su sengkatau baugu kapulune ute i kamene kai ëllangu tau ku tëtuhukang i kamene ene – bëga e mënsang ëllangu rosa ku

měbēbawa si kamene sarang papate, arau kawē ěllang tutuhū su Mawu Ruata kŭ ualingu ene sau mēsēngkapiān Duata. ¹⁷Kai tarikase su Mawu Ruata! Batūu naung kałamona i kamene nakoā ěllangu rosa, kai ini e i kamene ringangu kaɣuwau naung tutuhū tēntirong katēngadē kŭ seng nighēllī si kamene. ¹⁸I kamene seng niliwirē bōu rosa kŭ tempo ini nakoā ěllang baugu kapulun Duata. ¹⁹Ualingu pangangēnnang kamene wēdang lome ute iā mēpakeu sasihing u pētatahuēllang tadeau nangēlembo maligha i kamene makaēnna. Kałamona i kamene nēmpanarakangu kaɣuwau watangeng i kamene kere ěllang su manga halē maralamuhū dingangu rałai baugu karaki raralaı. Kerene lai orasē ini, małowoko i kamene mēmpanarakangu kaɣuwau watangeng i kamene kere ěllang baugu kapulun Duata mētatalahinon manga timonan Duata tēntani.

²⁰Su tempong i kamene nipētahuēllangu rosa, i kamene tawe nipēkawasaēngu karakin Duata. ²¹Su tempo ene kai apa untune nitarima i kamene wōu manga halē kŭ orasē ini ikēkameang kamene mēmpēkoā?

Manga kakanoā ene kētaeng makawawa sarang papate! ²²Arawe orasē ini i kamene seng niliwirē bōu rosa kŭ nariadi ěllang u Ruata. Kałautungu e ute i kau makapēbiahē susi waugu Ruata kŭ halē ene makauali wiahē tutune ringangu kakalē. ²³Batūu papate e kai wawaehē dosa; arawe pēbawiahē tutune ringangu kakalē dingangkewen Kristus Yesus Mawung kitē e kai laonggo kŭ nionggō u Mawu Ruata wawaehē.

Torat'u pēkakawing nakoā sasihing

7 Manga anau sēmbauku! I kamene kēbi seng makakirala toratē. Kŭ, i kamene masingka u kawasan toratē su pēsēngkatau, mariadi kētaeng karēngu u taumata ene wēdang biahē. ²Kere sēngkatau wawine kŭ pia kawinge ute małaikī u toratē su kawinge kētaeng karēngu kawinge wēdam biahē. Kereu tau esē kawinge seng nairi ute wawine ene maliwirē bōu toratē kŭ mangikī i sie su kawinge. ³Kereu wawine ene mēbēbiahē dingangu esē baline su tempong kawinge wēdang biahē, ute wawine ene ikawerae nawuang. Kai kereu kawinge seng nairi ute tumuhū toratē ute wawine seng naliu. Kŭ

kereu i sie sau mēkawingu ese baline ute i sie tawe nawuang. ⁴Kerene lai kakakoā e si kamene, manga anau sēmbauku. Tumuhu torat'u Yahudi e i kamene seng nate, ualingu i kamene seng niapakasēmbau dingangu wadang i Kristus ku nakoā tataghuaneng i Sie ku seng niapēbiahē kapia wou papate. I Sie nipēbiahē bou papate tadeau i kite mariadi pia gunane waugu Mawu Ruata suralungu pēbawiah'i kite. ⁵Batuu kalamona i kite mēbēbiahē tutuhu kakakoā u taumata. Su tempo ene manga ěnning u rosa e masongkahē ualingu pia toratē mēkēkaradiahang su watangeng i kite. Kai ualingu ene hakiu i kite e mēkēkoā manga apa-apa makakadiadim papate. ⁶Arawe tempo ini i kite tawe lai naikī su torat'u Yahudi. I kite seng nate suralungu toratē ku nāung kalamona māngawasa si kite. I kite seng tawe mētatahamawu kere kakakoā u nāung, tuhu toratē ku mābawohe. Tempo ini i kite e mētētahamawu tuhu kakakoā e wuhu ilēahā u Rohkē u Mawu Ruata e si kite.

Toratē dingangu rosa

⁷Maeng kerene, kai apae ipēberang kite? U torat'u Yahudi e ralai? Tantu tala! Kai toratē ene e mānēntiro si sia māanun dosa. Ia e wēgawue mēnsang anggange kai a, kereu tawē toratē mēbēbera, "Kumbahang mēngkai maanggang." ⁸Ualingu toratē e dosa makaēbā loahe waugu mapasēpu u kēbi haghing ěnning ku suralungu naungku; batuu kereu tawē apa toratē ute rosa e mālaing mate. ⁹Ia nāung kalimona mēbēbiahē tawē toratē. Kai saraeng pia toratē, dosa e nanēta e nēbiahē ¹⁰dingangu ia e nate. Tangu toratē ene tētae ipētētimona waugu makaonggou pēbawiahē, kuteu kawē nakarēntang papate si sia. ¹¹Ualingu toratē ene, dosa e nakaēbā loahe nangkālē dingangu namate sia.

¹²Toratē asale kai wou Mawu Ruata ku apaewen parenta suralungu toratē ene e rarēntane wou Mawu Ruata, ku kai adilē dingangu mapia. ¹³Ho, kiwau mensang inie pia mangalēne, u mapia e makadēntam pa-

pate e si siä? Tantu tala! Dosa e kai makadëntan papate ene. Dingangu mëpake'u mapia e dosa makadëntan papate si siä, tadeau kakakoä u rosa e ikasilo malahë. Suralungu manga parentang Mawu Ruata, nalahë kai apa e karajai dosa e naung!

Pëdararoka suralungu taumata

¹⁴I kite masingka u torat'u Yahudi kai asale wou Rohkë u Mawu Ruata; arawe ia e kai taumata lome. Ia seng niwalu nakoä ëllangu rosa. ¹⁵U ia sësaku tawe makaëna kakanoaku. Apang ilëëningku koateng, ene tawe taku koateng; arawe apang ipëbëbinsikue, katewe mundangu ene këkoatengkue. ¹⁶Ho, kereu ia kawe mëkoä manga halë kere lulawang dingangu kapuluku e ute ene mangalene ia e mangakung torat'u Yahudi e mapia. ¹⁷Ku, balinewe lai ia tuhu dalenge mëkëkoä ene, kaiso kawe rosa nëngawasa watangengku. ¹⁸Ia masingka u tawë manga apae ku mapia suralungu watangengku, mangalene suralungu kakakoaku mataumata. U si siä kai pia ënningu mëkoä mapia, kutëu ia kawe tawe makaumalë mëndaleng

u ene. ¹⁹Ia tawe mëkakoä mapia apang ku taku i lëëning koateng; kaiso kawe mabalë mëkëkoä apan dalai ku balinewe kapuluku e mëkoä. ²⁰Kereu ia mëkoabe apam baline su kapuluku mangalene ute walinewe ia mëkëkoä ene e kaiso kawe rosa nëkawasa watangengku.

²¹Ene, ia nëngalae ghësi-ne ini; u kamageng ia mapulue mëkoä mapia ute iralai e sembengkewe tutimbulë si siä. ²²Dalungu naungku e mëngkai lëlahimpuluangu torat'u Ruata e, ²³kaiso, ia e masingka u suralungu watangengku e pia lai toratë baline ku nakoä tumanggihe – ute kai toratë mëdëndoka toratë ilëakung laënakue. Kai ene hakü ia e kalaiki su torat'u rosa lulambagë batangengku e. ²⁴⁻²⁶Ho, kai kereini e kakakoaku: ia e tutuhu torat'u Mawu Ruata e ringangu laënnaku, arawe kakakoaku mataumata e ute ia kai masëllung su rosa. O kasiang silaka bue ia ini! I sai wue tangu mapulu mangambang siä bou wadang ini ku mëbawa siä sarang papate? Tarimakase su Mawu Ruata! I Sie mapulu mangambang si siä ualingu i Yesus Kristus.

Pëbawiahë kù matuhù su Rohkë u Ruata

8 Orasë ini selaing tawë a-pa pëlahukung si sire kù mëbëbiahë masëmbau dingang i Kristus Yesus. ²U torat'u Rohkë u Mawu nakariading kite mëbëbiahë masëmbau dingang i Kristus Yesus, seng nëliwirë si siä bou toratë kù nakakoä dosa ringangu papate. ³Apang kù tawe ikakoä u toratë ualingu i kite kawë taumata lome ute ene seng kinoä u Mawu Ruata. Mawu Ruata namatä kawasan dosa suralungu lulun taumata rimolohu Ahuse sësane, kù dimënta suralungu kakakoä mësulungu taumata marosa, mëdeäu mëndëdasë kalawou rosa. ⁴Mawu Ruata e nëkoä ene tadeäu kapulun'E ilahë suralungu torat'u agaman Yahudi ene wotonge ikakoä suralungu watangeng i kite kù mëbëbiahë tuhù Rohkë u Mawu kù balinewe tutuhù lulun taumata. ⁵Apan taumata kù mëbëbiahë tuhù lulun taumata e mëngkai mëmpësësipiru apang ilëënniing u lulun taumata. Kai arawe taumata kù mëbëbiahë tuhù Rohkë u Mawu, mëngkai mëmpëtëtinënnang apang kù ilëënningu Rohkë u Mawu Ruata.

⁶Kereu tinënnanu e nipëkawasängu lulun taumata, nënggäe ute papate. Arawe kama-geng tinënnanue nipëkawasängu Rohkë u Mawu, pulise ute pëbawiahë, ore lai pëdarame ringangu Ruata. ⁷I saing kù sipirange pëkëkawasängu lulun taumata, tangú taumata ene kai rudokä Duata; ualingu tau ene tawe mëtatëngkasëllung su torat'u Ruata; kù i sie mamben tawe makakasëllung su torat'u Ruata. ⁸Taumata kù apan mëbëbiahë tuhù lulun taumata e tawe makaraluasë nangu Ruata.

⁹Kaiso i kamene tawe nëbiahë tuhù lulun taumata. I kamene nëbiahë tuhù Rohkë u Ruata – kahëngang-hëngang nakoä tumanggihe suralungu watangengu. Taumata kù tawë Rohkë i Kristus, tau ene walinewe tataghuaneng i Kristus. ¹⁰Kai kereu i Kristus biahë suralung'u watangengu, ute maningbe wadangu sarung mate ualingu rosa, kaiso Rohkë u Ruata mëngonggou pëbawiahë si kamene, watuu pëkakauh'u ringangu Ruata e seng mapia. ¹¹Kereu Rohkë u Mawu Ruata, kù nëmiahë si Kristus bou papate e, wiahë bue suralungu watangengu e, ute i Sie kù nëmiah'i Kristus bou pa-

pate ene, sarung mēmiahē lai wadangu kṽ mētate ene. I Sie mēkēkoā ene ringangu Rohkē'E kṽ biahē suralung i kamene.

¹² Hakiu ene, manga anau sēmbau, i kite e kai piā sasimbang i kite, kai walīnewe waugu lulun taumata, batu tawe hino-ne i kite mēbiahē tumole kapulune. ¹³ Kai kamagengu i kamene mēbēbiahē tutuhṽ lulun taumata, ute i kamene sarung mate; arawe kamagengbe ringangu kawasan Rohkē u Mawu e, i kamene mēngkai mēmpamatewe manga kakanoā i kamene marosa, kṽ i kamene sarungbe mēbiahē. ¹⁴ Taumata kṽ apaewen lēahakeng u Rohkē u Mawu e ute manga anaben Duata. ¹⁵ U Rohkē, kṽ nionggou Ruata si kamene e walīnewe mēdeau i kamene makoa ēllang hakiu i kamene mēbēbiahē suralungu katakautang. Kaiso Rohkē u Ruata e kawe mapakadiading kamene makoa manga anau Ruata. Kṽ dingangu kawasan Rohkē u Ruata ene i kite mēkēkui Mawu Ruata ene, "Amang, o i Amangku!" ¹⁶ Rohkēu Ruata e mahundingangkewen rohkē i kite

e mēsēsahidi u i kite e kai manga anau Ruata. ¹⁷ Ho! kereu i kite e kawe manga anau Ruata, ute i kite malaing taghuang'E kṽ sarung manarima u manga alamatē kṽ nisadian Duata su manga anae. I kite sarung manarima dingangkewen Kristus apaeweng kṽ seng nisadian Duata si Sie; u kereu i kite sēngkapētatahang dingang i Kristus, i kite e sarung iapakawantugē lai ringang'E.

Kawawantugē kakalē

¹⁸ Kalawou sigēsa kinahombangeng i kite tempo ini, tuhewe su ēnnaku ute mang tawe ikapēsasihing dingangu kawawantugē kṽ sarung ilahē si kite. ¹⁹ Patiku alang e mēngkate mēmpēkēkati tempone manga anau Ruata e ilahē. ²⁰ U alang e seng niwala nipakahupadē e, walīnewe ualingu kapulune sēsane, kaiso kawe ualingu Ruata e napakawala kerene. Maning kerene tangu kai piā lai ini lēharapeng: ²¹ U sutoempo sēnsulē alange sarung ipakaliwirē bou kawasa kṽ mēnggoghahē e ringangu sarung ipakaliwirē dingang mase ipakawantugē-sēngkakawan-

tugě dingangu manga anau Ruata.

²²I kite masingka u sarang orasě ini patiku diadikange mēngkai ruḍalumpasiang kere sēngkatau niatimadě bawine masunsara su tempom mēlēhēnding. ²³Dingangu waline kētaeng patiku diadikang ruḍalumpasiang; kaiso i kiteewe lai ruḍalumpasiang suralungu naung i kite. I kite seng nēnarima Rohkě u Mawu nakoḷa laonggou Ruata kahumotongange, kaiso i kite bēdang lai māngampalě Duata mapakaliwir'u watangeng i kite kēbi dingangu mapakariading kite manga ana'E. ²⁴Ualingu pēlaharapě, ute i kite iapakasalamatě. Kai kereu apang ku lēharapeng i kite ene seng kinasilong kite, ute ene sembelain baline harapě. U kai i sai tangu wēdang mēlēharapě sabarang ku seng nikasilone? ²⁵Ku kereu i kite e kai mēlēharapě sabarang ku tawe nikasilong kite, ute i kite e mēmpangampalě be ringangu pēsasabarě.

²⁶Kerene lai Rohkě u Mawu e ruḍenta luontolě si kite e kereu i kite lome. Batuu i kite e kai wēga mēnsang kereapa hinone i kite e mēkalīomaneng.

Rohkě ene sēsane mētēngon Duata ghugahioro u kaḡuwau ralungu naung baug'i kite sarangkatewe taikawera. ²⁷Tangu Ruata e kai masingka u ralungu naung u tau-mata, makaēnna timonan Rohkě e, batuu Rohkě e mēkēkalīomaneng su Ruata wangu umat'E ku matuhū su kapulun Duata.

²⁸I kite masingka u Ruata e māngatorě kaḡawou halě, hakū pia tētaḷe mapia su taumata kukēndag'i Sie ringangu kinuiang tinuhū karakin'E. ²⁹I sire apan kinapilen Mawu Ruata mālaing tinantune rokeng tētaḷe tadeau makoḷa mēsulung dingangu Ahus'E, mangalene i Yesus Kristus. Ualingu ene ute Ahus'E ene mariadi kahumotongange sutaḷorang lawo anau sēmbau. ³⁰Kerene Mawu Ruata e nēkui si sire apan seng nitilakeh'E kalīmona, ku i sire kinuiang'E ene niapakoḷa saū nipēsēngkapia ringang'E. Ku i sire apang saū nipēsēngkapien Duata e nēngalāe wāgeange suralungu pēbawiah'u Ruata e sēsane.

Kakēndagu Ruata suralung i Yesus Kristus

³¹Apae ikawerang kite orasě ini māanung kēbi ene? Kereu

Mawu Ruata e susëmbëkang kite ute i sai wue makaroka si kite? ³²Ahus'E sësane tawe nitalëntukang'E kaiso nisarakang'E waugu pandungang i kite këbi; lahaü i Sie tawe mangonggou patiku sabarang baline si kite? ³³I sai wue makapëneheng si kite umatë seng pinilen Duata, kereu Ruata sësane napakalahëu i kite e tawë pësasala? ³⁴Pia ngae tau-mata mapulu mapësalang kite e? I Kristus Yesus hëdowen tumatawang si kite e. I Sie kü seng napohong, o kawë i Sie lai niapëbangung kapia wou papate, kü ene ringangu Ruata su tampa makawasa. ³⁵I sai wue makasahaghe si Kristus kumëndagi kite? Kü kasasusa e makasahaghe tangu, arau kasasëse arau tatumbiagë, arau karalunusë arau kakasiang arau hombang arau papate? ³⁶Suralungu Winohe Susi e kabawohë kereini,

"Kanandung ëllo e i kami e mëbëbiahë suralungu hombang u papate ualing'i Kau.

I kami e nikakoä kere rumba tinantu potokang."

³⁷Tala! Katewe suralungu patiku ene tangu i kite makahombang kalauntung masuku baugu i Sie kü kimëndag'i kite! ³⁸Batüu ia

mangimang kahëngang u su patiku dunia, baë papate arau walaewe pëbawiahë, baë malaikatë arau walaewe mangangawasa, baë manga hombang kadalenge arau walaewe mangae hombang su tempo ramahi arau walaewe lai hombang baline; ³⁹baëbe kakakoä apa su langi arau walaewe kakakoäu manga apa suralungu ëntana arau apa lai waline, këbi ene tawe makasahaghe Mawu Ruata kumëndag'i kite, kere kü seng nilahë'E suralung i Kristus Yesus, Mawung kite.

Mawu Ruata ringangu umat'E pinilene

9 Apan taku iwera ini e mamben têngadë ualingu ia e kai tataghuaneng i Kristus. Ia e tawe mëkonti. Dalungu naungku e kü lëhakengu Rohkë u Mawu e manoghasë sia lai u waweraku ini e kahëngang. ²Ia e mambeng masusa naungkue matëdu, ³ualingu manga anau sëmbauku apang sënggalipoho ringanku. Batüu waug'i sire, ia sësaku e nënaludë laanen Duata ringangu nipakaghëang bou anung Kristus. ⁴I sire kai umatë pinile ringangu Mawu Ruata e napaka-

riadin sire nakoꝝ manga ana'E sēsane, dingangkewen nēlahē u kawasan'E si sire. I Sie nēkoꝝ pēkakakēdo ringang i sire ku nangonggo u toratē si sire. Mawu Ruata e nēhabarē si sire ke-reapa i sire harusē mētahamawu ringangu i sire seng lai nakatarimaꝝ manga kēdon'E. ⁵ I sire kai palahiten i upung i kite. I Kristus tinuhu taumata e asalē kai wou bansang sire. I Sie limembom marangē bou kēbi. Dalo su Ruata sarang kakalē! Aming.

⁶ Ia e tawē dialu mēbera u kēdon Duata seng nasawehē; kai walineuwe kēbi tau Israel kai umatē pinilen Duata. ⁷ Balineuwe kēbi hēnton Abraham kai manga anaꝝ Ruata. Batuꝝ Mawu Ruata nēhengetang si Abraham, "Kētaeng hēnton Ishak sēsane sarung isēba hitenu." ⁸ Mangalēne ute hēntong Abraham apan ku nēngkakoꝝ manga anaꝝ Ruata, kai kētaeng hēntone apan pinēhana ualingu kēdon Duata; ku walineuwe kēbi hitene. ⁹ Batuꝝ kēdon Duata e kai kereini, "Su tempo seng nipapoēng, Ia e sarung mēbalī, ku i Sarah sarung pia anaꝝ esē sēngkatau."

¹⁰ Dingangu ini lai: i Ribka nēhēnding u anaꝝ esē duangka-tau wō'i amange sēmbau ku kai Ishak i upung i kite e. ¹¹ Kalimonan anaꝝ darua ene pinēhana, Mawu Ruata e seng nanilakehu pilen'E wauꝝ katēpasenge. Pinilen Mawu Ruata e walineuwe mēngumbala suapan ikakoꝝ taumata kaiso mangumbala su kakuin Duata sēsane. Batuꝝ su tempon anaꝝ i Ribka i rēdua esē ene e wēdang ta nakakoꝝ halē mapia arau halē dalai, ¹² Mawu Ruata e seng nēhengetang si Ribka, "Ku iakange sarung mētangkian tuari." ¹³ Suralungu Winohe Susi kabawohe u Mawu Ruata nēhengetang kereini, "I Yakub e Taku kēndageng arawe i Esau e Taku ipēbinsi."

¹⁴ Apae ikapulīsi'i kite orasē ini? U Ruata ene tā kalaadile ngae? Sembeng nalahē u Ruata e mambeng adilē! ¹⁵ Batuꝝ Mawu Ruata nēhengetang si Musa, "Ia sarung mapakalahēu alamatē si sain Taku pēlahékangu alamatē dingangu Ia sarung mapakalahēu tatalēntu si saiewen Taku pēlahékang u tatalēntu."

¹⁶ Ku putusang u Ruata ene wali-

newe iumbala su kapulun taumata arau wou saghedu taumata, kaiso su kapiān naungu Ruata sēsane su tēngon taumata pīnīlen'E ene. ¹⁷Batūu suralungu Winohe Susi e mābawohe, "Mawu Ruata e nēhengetang su ratun Misirē, 'Ia e mapakariading kau ratu tumbau waugu timona sēmbau ini, mēdeau ringang i kau, Ia manodeu kawasa'Ku mase mapakariading areng'Ku ipēdalahabarē su kaguwau dunia e.'" ¹⁸Ku, Mawu Ruata e tūtalēntu bue su pēsēngkatau, kereu Mawu Ruata e mapulu kerene. Dingangu Mawu Ruata e makakoabe pēsēngkatau mētētungkētī u tēmbōe kereu Ruata e mapuluwe lai kerene.

Ralangehu Ruata ringangu kapiān naungu Ruata

¹⁹Ho! I kau sarung mēbera si siā, "Maeng kerene unue Mawu Ruata e wēdang mapulu mapēsēsalan taumata? Balīnewe tawē u sarang sēngkatau makakapeto u kapulun Duata?" ²⁰Arawe i kau! I kau e kētaeng taumata. Dingangu i kau tawe wotonge wahani sumimbang su Ruata!

Botonge ngae potē u bungang makiwalo su mēkakoae, "Unue i kau nēkoā siā kereini?" ²¹Mēkakoā potē u bungang e walīnewe piā kawasane mamunara ēntana masurēka ene su kapulun naung e? Bōu ēntana sēngkompeng ene tau e makakoabe potē u bungang haghine rarua: Sēmbau malēnggihe arawe walīne e tawe tumanie malēnggihe.

²²Kerene lai apang kinoau Ruata. I Sie mēkēkaraki mēdeau manodeu ralangeh'E ringangu mēlahēu kawasan'E. Kaiso i Sie mang mēsēsabar'i sire apang hinong ihukung ualingu nakakariadin Sie limangehe. ²³Mawu Ruata e malaing mēkēkaraki mēdeau makapēlahēu raluasē mēdēdalembo niongo si kite apan nitalēntukang'E. I kite e seng nisadiang'E mēdeau manarima u raluasē ene. ²⁴I kite e seng nikuiang'E, balīnewe kētaeng bōu tau Yahudi, kaiso malaing bōu manga wansa walīne. ²⁵Batūu suralungu bukē u nabi Hosea, Mawu Ruata nēhengetang,

"I sai-sain balīne umatē'Ku, sarun Takū isēba, 'Umatē'Ku'.

Bansa ku baline Taku
ikëndagë,

sarun Taku isëba,
'Ikëkëndagë'Ku'.

26 Dingangu su tampa suapan
pineberang su taumata, 'I
kamene waline kawanua'Ku,'
sene i sire e sarung isëba
manga ana u Mawu Ruata
ku biahë."

27 Nabi Yesaya nëbera masëgadë
maanun tau Israel u, "Manilaing
tau Israelë e kakëpale kere ënne
su apeng, kaiso tumbaeng mahali
sarung masalamatë; **28** batu Ma-
wu e sarung maligha mënawong
hukumang baugu ralohon dunia."

29 I Yesaya malaing nëbera kerei-
ni, "Mangawe andene Ruata Ma-
kawasa e tawe nanëntangu hitene
si kite e, ute nalahëu i kite këbi e
seng nariadi kere Sodom dingang-
u Gomora."

**Pëkakauh'u lawo umat'u
Ruata ringangu Injilë bou
Ruata**

30 Ku, nimbue ute kai ini:
Manga kawanuam bansa wali-
ne ku balinewe tau Yahudi e
tawe nëmpëtatümëgalë, tadeau
pëkakauh'i sire ringangu Rua-
ta e saube makoä mapia. Kai

ualingu i sire mangingimang, tangu
Mawu Ruata saüewe nanguli
përalahëmpukang i sire ringang'E
nipakapia. **31** Kasueënge tau Ya-
hudi e mëngkate mëbëbangkai-
langu tatuhu toratë tadeau pëka-
kauhi sire ringangu Ruata e saü
mauli kapia. Kaiso i sire mang
tawë ualine apa. **32** Unue i si-
re tawe nakaratingu ene? Batu
i sire nëmpëkoä ene e waline-
we ualingu mangingimang su Mawu
Ruata, kaiso ualingu munaran si-
re hala. Hakiu ene i sire kai
matangga su, "Watu katatang-
gaëng". **33** Maanun batu ene e
tangu suralungu Winohe Susi e
mabawohë kereini:

"Tatingangko ini: Su Sion
seng Taku nipëllokangu watu
ku sarung makakasang-
kong taumata ku i sie
kai watu ghëguwä sëmbau
ku sarung makakariadi
taumata manawo.

Arawe taumata apan
mangingimang si Sie tawe
sarung mamea."

10 Manga ana sëmbau! Ka-
humangku e mëdeau ban-
saku e masalamatë. Ku ia e
ringangu kaguwau naung mëkë-
kaliomaneng su Ruata e waug'i

sire. ²Ia bahani mēbera u i sire mēngkate makēhagē mētahamawu su Ruata. Arawe pētātēngkaghising i sire e wālinewe niwēnta su kasingka bōu Ruata. ³I sire wēgaweng kakakoā u Mawu Ruata e mēngulī kapia pēkakauhu taumata e ringang'E. Kū uālingu i sire mapulu tumolē kakakoā i sire hala, ute i sire tawe sumasumēllung su kakakoā u nilahē u Ruata. ⁴Toratē seng nighanap'i Kristus. Kū apan taumata māngimang si Kristus pēkakauhe ringangu Ruata e seng naulī kapia.

**Kasasalamatē e kai waugu
kēbī taumata**

⁵I Musa e namohē, u taumata apan mēsēngkapiā Duata uālingu toratē, ute taumata ene sarung mēbiahē uālingu tūtuhi toratē ene. ⁶Arawe su halē u kakakoāu taumata mēsēngkapiā Duata e uālingu pangangimang su Ruata e, Binohe Susi e nēbera kereini: "Kumbahang i kau mēbera suralungu naungu, 'Kū kai isai tangu masapua sarang sorga?' (mangalene mēbawa si Kristus parēllusē), ⁷arau 'I sai kai sarung dumēllusē su wa-

nuan taumata nate?" (mangalene mēhengkē si Kristus wōu papate)." ⁸Timonane kai kereini, "Habarē bōu Mawu Ruata ene kai marēdu-rēduhi kau; su mohongu ringangu suralungu naungu." Ene e habarē kū ilēhabari kami; Habar'u taumata kū harusē mangimang. ⁹Batūu kereu i kau mangakum mohongu, u "I Yesus kai Mawu", kū i kau mangimang suralungu naungu u Mawu Ruata e seng napēbangung i Yesus wōu papate, kū i kau sarung masalamatē. ¹⁰Uālingu naung e, taumata mangimang hakiu Mawu Ruata manarima i sie makoā taumata mēsēngkapiā Duata. Taumata ene mangakung mohonge, hakiu i sie ipakasalamatē. ¹¹Suralungu Winohe Susi e mābawohē, "Taumata mangimang tawe sarung kumēllohē." ¹²Ene e nariadi su patikū taumata, batūu tawe pinētātētangenge sutaloaran tau Yahudi ringangu wansa wāline. Duata mang sēmbau ene e kai Mawum patikū taumata. I Sie māngonggōu alamate ipēdēdalembo su kēbī taumata apan mēdēdorong tulung si Sie. ¹³Suralungu Winohe Susi e māba-

wohe, "Patiku apan mēkēkui Mawu, sarung masalamatē."

¹⁴Kaiso kereapa taumata makapēkui Mawu kereu i sire wēdang ta nangimang? Dingangu kereapae i sire makapangimang su Mawu Ruata kereu i sire wēdang ta nakadingihē habarē maanun Sie? Dingangu kai makaringihē habaru Mawu kereapa i sire kereu tawē u mēlahabare? ¹⁵Kai makahabaru apa i sire kereu i sire tawe nirolohē? Suralungu Winohe Susi e mābawohe kereini, "Kawe rarēntan taumata apam mēmpēbēbawa habaru Injilē bou anun Dua-ta!" ¹⁶Kaiso walīnewe kēbī taumata mēnēnarima u Injilē e. Batuu i Yesaya nēbera, "Mawu, i sai wue nangimang su habar'i kami?" ¹⁷Kai watuu ene nakapangimang taumata ualingu i sire makadingihē habarē, dingangu habarē e ikēkaringihē, ualingu pia taumata mēmpēlēhabar'i Kristus.

¹⁸Arawe ia makiwalō: Tēngadē bue i sire tawe nakadingihē habarē ene ēng? Nalahēu wou wue! Batuu suralungu Winohe Susi e mābawohe kereini,

"Tingih'i sire seng timeleng su kaguwau dunia,

manga waweran sire seng natēpasu pondolu dunia."

¹⁹Ia makiwalō kapia: Apa tau Israel ta nakaēnna ngae? Bala-ko kakiwalō ene kahumotongang-e pakisimbahe si Musa. I Musa nēbera, "Kereini hengetang u Ruata,

Ia mapakariading kamene pia sasasingking su wansa sēmbau kū baline kawanua ringangu Ia sarung mapalangeh'i kamene su wansa sēmbau kū bodoe."

²⁰I Yesaya e limembo laing kawahanine. I Sie nēbera, "Kereini e hengetang u Ruata,

'Taumata apan tawe nēmpēdeā si Sia e seng nēsombangu Ia.

Dingangu Ia e manodeu watangeng'Ku si sire apan tawe makakiwalong Ia.'"

²¹Arawe waugu Israelē e i Yesaya nēbera u, "Kereini hengetangu Mawu, 'Kanandung Ia e mang mānogor'u lima'Ku e su wansa sēmbau kū ta malahimang dingangu mararendehē.'"

Kapian naung u Ruata su
taumatang Israel

11 Ia makiwalo: Apa Ruata seng nëndëmmeu kawanuan'E sēsane? Tantu tala! Ia sēsaku e tau Israel hēnton Abraham, dingangu wou asali Benjamin. ²Tala! Mawu Ruata tawe nëndëmme u kawanuan'E ku seng nipilen'E rokeng bou tētæ. Manga anau sēmbau masingka apa mabawohē suralungu Winohe Susi e maanun Elia, pia i sie nangaduhang u tau Israel su Mawu Ruata. I Elia nēbera, ³"Mawu, taumata e seng nēmpamate manga nabin'U ringangu nēmpēnggoghahē manga tampa pananēmbaēng si Kau. Kate ia sēsaku ringangu i sire mapulu mēmpamate si sia." ⁴Apae sasimbahu Ruata si Elia? Ruata simimbangu, "Ia seng nanētangu pitu hiwu sukataune waugu watangeng'Ku sēsaku. I sire wēdang tawe nanēmba awē u Baal." ⁵Kerene lai tempo ini: Pia manga pirangkatau apan nipilen Duata ualingu tatalēntu'E. ⁶I Sie namile si sire tinuhewe tatalēntu'E ku baline tinuhu ka-

kanoa i sire. U kamageng u pinilen Duata e kai kahian kakanoau taumata e ute tatalēntu u Ruata e walineuwe tatalantū patutune.

⁷Ku kai kereapae tangu? Kawanuan Israel tawe nakaēba apang ku dēdeakeng i sire. Ku nakaēbae kētaeweng i sire mahali apaewen pinilen Duata. Apam baline e kalawokang e nētungkētju tēmbō i sire su kaquin Mawu Ruata. ⁸Batūu suralungu Winohe Susi e mabawohē kereini, "Mawu Ruata e napētungkētju naung dingangu tinēnnan sire; ku sarang orasē ini matan sire tawe makasasi lo ringangu tulīn sire tawe makararingihē." ⁹I Daud maiaing nēberau,

"Balae manga saliwang i sire nakoabe sedē baug'i sire hala,

ringangu nakoabe wangka,
kawawunsaleng i sire
ringangu mawinasa!

¹⁰ Milumbau matan sire marēndung tadeau i sire tawe makasilo;

ringangu milumbako i sire
mēmpēbētū sarang
karēngue."

¹¹Ia makiwalo lai: Pia tau Yahudi nanawo, apa ene nariadi tadeau i sire mawinasa? Mambeng tala wue! Kaiso ualingu i sire nempedosa ute, endobe wansa waline nipakasalamatē, hakiu tau Yahudi e mēmpēsēsingking su wansa waline. ¹²Ualingu tau Yahudi e nēmpēsala ku tawe tumatuhu kapulun Mawu Ruata, ute manga wansa waline nialamateng u Ruata. Nēngalembo kate pēkaku kauhu taumatan Yahudi ringangu Mawu e saube nakoā mapia, nalahēu alamat'u Mawu e sarung ipēdalembo.

Kasasalamat'u manga bansa waline ku baline Yahudi

¹³Ku ini e mapiawe mēbisara su manga anau sēmbau ku baline Yahudi! Karēngue ini, kere sēngkatau rarolohang baugu manga bansa waline Yahudi, ia e sēngapang botonge mang mēmeweu pangkatēku. ¹⁴Ia mēlēharapēu mēnsang ia deng makasingking su wansaku e hala, mēdeau ringangu raleng ene ia e makasalamatēbe sēmbahageang bo'i sire. ¹⁵Ualingu i sire kai nirēmme u Ruata, ute pēkaku kauhu dunia ringangu Ruata e saube nakoā mapia; kerene lai kamagengu i sire itarima u Ruata!

Nalahēu ene mēsulungu kere tau nate nēbangung kapia!

¹⁶Kereu kempang u borotē kahumotongange seng nīgaghēlli su Ruata ene mangalene kasēllahu borotē kēbi e malaing nighēlli su Mawu Ruata e lai. Ku kereu hamu u kalu e kai tataghuaneng u Ruata, ene mangalene manga lelang e malaing tataghuaneng'E.

¹⁷Sēmbahageang bou manga lelang u kalun zaitun e – ku kai kalawou tau Yahudi e – seng nitēto. Ku su ēnna u pinēnētong ene sinuang lelang u mahang zaitun, ku kai manga anau sēmbau apan baline Yahudi. I kau nisuang sene mēdeau i kau makatemang patiku apan mapia wou pēbawiahē marohkē bou apan tau Yahudi. ¹⁸Ualingu ene kumbahangbe i kamene mēmpa-malan sire apan seng nīsasape kere lelange ene. I kamene harusē pētahēndung u i kamene kētaeng lelange lai. Ku balinewe lelange ku mangonggou kaēng su hamue, kaiso kawē hamue mangonggou kaēng su lelang e.

¹⁹Kutēu i kau sarung mēbera u, "Ore, kai manga lelange ene nipapoto mēdeau ia makasuang su kalune!" ²⁰Ene kahēngang bue. Kai i sire nirēmme ualingu i sire kai tawe mangimang, a-

rawe i kau e nitarima, ualingu i kau nangimang. Ku kumbahangbe mēngobotē, ualingu ene; kaiso ēndokangbe i kau kataku.

²¹ Kai kereu Ruata e tawe tumalēntu mēndēmmeu tau Yahudi mēsulungu manga lelang e tutune ene ute abe panikau i Sie sarung makapēndang tumalēntu ku mēndēmme i kau! ²² Ku sini e i kite makasilo kai kereapa kapiane Ruata ringangu kai nāung lai kerene kahēgise lai i Sie. I Sie mahēgisē si sire apan nēmpēdosa, kaiso i Sie mapia naunge si kau – asalu i kau tatapē mēbēbiahē ualingu kapiān'E. Maeng tala, ute i kau malaing sarung irēmme.

²³ Ku maanun manga tau Yahudi ene, kereu i sire mēmpēngēdo mēmpētumana tawe mēmpaungimang, ute i sire sarung itarima sau; batuu Ruata e kawasa mēnarima i sire kapia. ²⁴ I kamene ku apan asale wāline wou Yahudi, ute kai kere lelang u kalun zaitun duļu. Ku kereu i kamene kawe tawe nēsēndalengu kakakoā i kamene kerene ute wotonge isuang su zaitun kahēngang rumakeleng kate tau Yahudi ku isēsihing su lelang u zaitun kahēngang ene. Limembo laing kalawōe su Rua-

ta mapēsulen sire su kalun zaitun kahēngang.

Tatalēntu u Ruata waugu patiku taumata

²⁵ Manga anau sēmbau! Ia mēlēharapē i kamene kumbahang mēpēndang seng masingkau kēbikēbi. Batuu pia halē sēmbau ku ikēkapulun Duata, ku deng tawe nikēkasingkateng u taumata. Ku kapuluku e tangu mēdeau i kamene masingka u ini: Sēngga bou taumatan Yahudi e mētētungkētju tēmbo i sire, kaiso kakakoā i sire kerene e kētaeng sarang kalawou taumata apan baline Yahudi masue niahundēnta solong anun Duata. ²⁶ Ualingu kawe kerene ute kēbi taumatan Yahudi e sarung masalamatē. Batuu suralungu Winohē Susi e mābawohē kereini,

"Datu mananalamatē e sarung dumēnta wou Sion;
I Sie sarung mangēmму patiku karaļai bou hiten Yakub.

²⁷ Ia sarung mangiki pēkakēdo ene ringang i sire,
su tempong ia mangampung manga rosan sire."

²⁸ Ualingu tau Yahudi mađiri manarima u Injile bōu Ruata tangu i sire nakoā sēdu u Ruata; kŭ ene kai mariadi kalauntung su manga anau sēmbau apan baline Yahudi. Kaiso ualingu pinilen Duata, u te manga tau Yahudi ene mang ikēkēndagu Mawu Ruata baugu i upung i sire. ²⁹ Batuu kereu Ruata e namile taumata ringangu nangalamatē tau ene, Ruata e tawe mangule apang kŭ seng nika-koā'E. ³⁰ Naung kangere i kamene tawe tumatuhŭ su Ruata. Ara-we ini e Ruata seng nēlahē u i kamene seng naliwirē bōu pēsasala, u tau Yahudi tawe tumatuhŭ. ³¹ Kerene lai kalawōu tau Yahudi ene. Orasē ini e i sire tawe tumatuhŭ su Ruata, mēdeau i kamene mālāhē bue māliwirē bōu pēsasala. Kai i sire sarung lai iapakalāhē batuu naliwirē bōu pēsasala. ³² Batuu Ruata seng namalan patiku taumata nipēkawasāeng u ralawang, mēdeau i Sie makapēlahē kakēndag'E si sire kēbi.

Daralo Ruata

³³ Kai apa e kawantugē kakakala u Ruata! Mambeng masēllahē katatahuēna ringang-

u kasingka'E! I sai wue makasēsui manga putusang'E! I sai wue makaēna manga kakakoā u munaran'E? ³⁴ Suralungu Winohe Susi e mābawohē kereini,

I sai wue nakaēna tingirang u Mawu?

I sai wue makatēgu si Sie?

³⁵ I sai wue wōu nangonggōu u apa-apa su Mawu

hakŭ makapanuntŭ bawalīs'E?"

³⁶ Kai Ruata e nēndiadi patiku sabarang. Patiku ene asale kai wōu anun Duata kŭ kai waugu Ruata. Dalo su Ruata sarang kakalē! Aming.

Pēbawiahē baugu Mawu Ruata

12 Manga anau sēmbau! Mawu Ruata e mēngkai mapia si kite. Kai ene hakŭ ia mēdēdorong sēngapam botonge tadeau i kamene mēmpañēmban batangeng i kamene makoa sēmbau sasēmba wiahē kŭ natētani waugu Ruata ringangu u makaḷuasē naung'E. Palahamawung kamene su Ruata e hinone kerene. ² Kumbahang mēngkai tūtole kapulun dunia. Balae Ruata mapēbaḷuing kame-

ne makoꝝ taumata wuhu, tadeꝝu i kamene mēbaꝝui. Ku ualingu i kamene makakasingkau kapulun Duata apang ku mapia ringangu makaꝝluasē naung'E ringangu masuku.

³Mawu Ruata e seng nangonggou alamate si sia. Kai ene hakiu ia manasa si kamene kēbi: Kumbahangbe watangeng mangēna limembong karangē e wou tia-sa lēēnaēng. Pēmpēpēndang batangenge ringangu kasanau naung; pasipēndang batangeng e tuhu kuate nionggou Ruata si sie kahiaen pangangimange si Yesus. ⁴Badang i kite e lawo laese, apan laese pia munarane sēngkatau-sēngkatau. ⁵Kerene lai i kite. Maning i kite kēbi e malawo, kaiso ikite e mangawe badan sēmbau ualingu ikite e nasēmbau ku dingangi Kristus. Dingangu ikite e sēngkatau-sēngkatau pia pēralahēmpukange sēmbau suwaline kere manga laese wou wadan sēmbau. ⁶I kite pēsēngkatau-pēsēngkatau e nahia u manga alamat'u pētatangkiang ku mētētātēntang. Manga alamatē ene nionggou u Ruata si kite tinuhewe tatalēntu'E. Batuu ene i kite harusē mēpakeu

manga alamatē ene. I saing ku pia alamat'u mēhabarē'u Injilē bou Ruata harusē manēpas'u habarē ene tinuhewe ikaumaꝝ'u watangeng e. ⁷I saing ku pia alamat'u mētangkuang taumata waline, harusē sēngapam botonge mētangkuang taumata waline. I saing ku pia alamat'u manēntiro, harusē sēngapam botonge manēntiro. ⁸I saing ku pia alamat'u manasa taumata waline, harusē sēngapam botonge manasa taumata waline. I saim pia alamat'u mangonggo apa-apa tētaghuaneng e su taumata waline e, harusē mēmpēkoꝝ ene ringangu kasēllahu ralung u naung kere hinone. I saing ku pia alamat'u mangaha, harusē sēngapam botonge mangaha. I saing ku pia alamat'u tumalēntu u taumata waline ute hinong mēkoꝝ ene ringangu karaꝝluas'u naung.

⁹Pēkakakēndagēko tuhu kapien naungu. Kēngkawēnsing u apan dalaki, dingangu pēmpangumpaedē su apang ku mapia. ¹⁰Mapiangbe manga anau sēmbau pēkēkakēndagē sēmbau su waline pakapapia kereewe pēkakaēndagu pēsēntamahuariang su wale sēmbau, dingangu pēmpēkakalimona mēmpēpānga-

datë. ¹¹Pakrarading mëmpëhălë. Abe pëmpëmalasë. Pëmpamunara waugu Mawu ringangu kuat'u Rohkë Susi. ¹²Mapiangbe i kamene pëharapë su Mawu ringangu raľuasë, pakasasabarë suraľungu susa ringangu pakakakëdang mëkaľiomang. ¹³Pëpapangontolë su pandangang u manga taumatan Sahani waľine, ringangu pëmpanarima manga ana sëmbau tamba pangangimang ku tawe nika-kiraľang kamene, ringangu naung maľuasë suraľungu waľenu.

¹⁴Pëmpëgause su Mawu Ruata tadeau i Sie mëngaľamatë taumata apan mëmpëtëtingkai si kamene. Ore, pëdorong tadeau Mawu mangaľamatë si sire, abe pëmpëngane. ¹⁵Paľuľuasë dingangu taumata apan maľuľuasë, ku pëmpahunsangidingang i sire apan maľunsangi. ¹⁶Pëmpëbiahë pësëngkanaung sëmbau su waľine. Abe kawe pëmpanodeu naung marangë, kaiso pëtarangkom batangeng u ringangu taumata masasana pangkate. Abe sasahingka boun pang hinone.

¹⁷Kereu piaľ mëmpëkoa daľai si kamene abeko waľi-

se ringangu raľai. Pëmpëkoa apa ku ľënnang mapia su këbi taumata. ¹⁸Bou sëmbëkanu, pëhingidëko sëngapam botonge mëdeau mëbiahë marame ringangu këbi taumata. ¹⁹Manga ana sëmbauku! Kumbahang-bahang mamalisë une, balae Mawu Ruata pëhukung. Batu su-ralungu Winohe Susi e maľawohe, "Kai Ia e mëmalisë. Ia e sarung mëlahukug e angkueng u Mawu." ²⁰Katewe kereu sëdu u e nahutung, onggoteng beng kaeng e i sie; dingangu kereu narou, ute onggotengbeng inumang e i sie. Uaľingu pëkakoľ i kamene kere-ne, ute i kamene mapakamean sie. ²¹Abe pëmalam batangeng u pakawataľ apan daľai, kaiso mapiangbe i kau pëmatako raľai dingangu kapia.

Kakakoľ u hinon su tēngon tēmbonang u kawanua

13 Pësëngkatau hinone ma-tuhı su tēmbonang e, batu tawe apa tēmbonang u kawanua e ku ta nakaëba kawasane wou Ruata. Dingangu pëmerenta orasë ini e mëdëndalengu kawasane uaľingu parentan Dua-ta. ²Kai ene hakiu taumata ku

lulawang pëmërenta e iweræe u mësulungu lulawang apang ku seng ilëatoru Mawu Ruata. Ku i saing mëkëkoæ kerene sarung makahombang hukumang. ³ Batu u i saing ku mëkoæ mapia e tawahaluasus matakus su pëmërenta. Këtaeng i saing ku mëkoæ dalai e kawë hinong matakus. Kereu i kamene mapulu tadeau i kamene tawë matakus su pëmërenta ute i kamene pëkoæ mapia, ku i kamene sarung daloëng. ⁴ U pëmërenta e kai ëllang u Ruata ku mëmunara mapakapiang kamene. Kai kamageng u i kamene mëmpëkoæ dalai, ute hinone i kamene matakus si sie, u walinewë mëngkai sia-sia kawasane mëhukungu taumata. I sie kai ëllang u Ruata, ku mapakanawong hukumang u Ruata su manga taumata apang mëkëkoæ dalai. ⁵ Kai ene hakiu i kamene hinong sumasumëllung su pëmërenta – walinewë këtaeng ualingu i kamene mading ihukung, kaiso kai ualingken pëndangu ralungu naung i kamene.

⁶ Ku kai ene malaiing banggilu kawë unue i kamene mamaehë pajakë, batu pëmërenta e kai sawohi u Ruata ku mëdëndaleng

u munara ini natuntu. ⁷ Ku pëmpëmaehë buë apang hinong baehang i kamene e su pëmërenta. Ku pëmpëmaehëbe pajakë, kereu i kamene hinong i pëmaehë pajakë, dingangu pëmpëmaehëbe bea kereu i kamene hinong i pëmaehë bea. Pakahunggeë buë si sire apang ilëlahunggeë, dingangu pëngadatë buë si sire apang hinong lëadateng.

Pëkakoæ su têngon sëndinganeng

⁸ Kumbahang buë mëmpangutang manga apa si sai-sai, sulikudu mëtahëndung kakëndagë sëmbau su waline. Ku i saing kumëndagu kasanggidange, seng nakasuku kalawou torat'i Musa. ⁹ Batu torat'u Yahudi e, kai: Kumbahang mawuang, kumbahang mamate, kumbahang mëta-ko, kumbahang mënning u raro-tong u kasanggidangu. Patiku ene seng nasahiangkung dingangu toratë baline seng nakomolë nakoæ sëmbau, "Këndag'u kasanggidangu kere i kau kumëndagu watangengu." ¹⁰ I saing kumëndag'u taumata waline e, tawë mëkakoæ dalaki su tau ene. Ku i saing kumëndagu kasanggidange

ute kai taumata kũ seng naka-sukũ patikũ titang agama.

¹¹ Sulikudeweng kēbĩ ene i kamene masingka u tempo ini kai orasu i kamene hinong mēngkapuko wou pētatikĩ. Batuu tempone mēdeau i kitē iapakasalamatē e seng limembong kasang-gide orasē ini wou tempong i kitē buhũe m̄angimang. ¹² Hēbi e seng kākaliune; kũ seng marani lai maēllo. Kũ mapiawe i kitē mēmpangēdō mēkoā manga kakanōa marēndung. I kitē e hinong mēnpēpapangaghidu watangeng i kitē dingangu aghidu tualagē. ¹³ I kitē hinong mēnpēkoā manga halē mawantugē kere kēkoateng u taumata su ēllo malētu; abe kawe m̄hēnpaliu mēmpēsaliwang, arau mēmpētēngkiwukang. Abe pēmpēsahigē arau tawē adate. Abe pēnpēkakoka, arau lai abe pēmpēdalāhiri. ¹⁴ Balae Mawu Yesus Kristus pēnantu apa hinong koateng i kanene. Ringangu kumbahang tumuhũ tabiet'u taumata marosa makasahowong pēbawatũ kapulung ēnningu sahigē.

Kumbahang mapēsalang anau sēngkataunu

14 Taumata kũ tawe mai-aking suapang hinong pangimangenge harusēbe tarima dingangu mapia sutaŋorang manga anau sēmbau. Kumbahang mēdarendehē dingange ualingu kapulun naunge. ² Piabe tauniata nēpēpēndang u i sie wotonge kumaēng balāewe apa kanengang. Kai piabe lai taumata waline panganginange lonie; i sie mēpēpēndang u i sie kētaeng botonge mēdukũ matagē. ³ I saing kũ kaēnge waharia wue ute abe mapakasanau tauniata apang kũ kũkaēng kaēng matuntũ e, abekowe lai mapēsalan taumata apang kaēnge waharia e watuu Mawu Ruata e seng nēnarima i sie. ⁴ Kũ i sai wue i kau hakieweng i kau e mēhukung u ēllang u tau wali-ne? Mēnsang ēllang ene m̄abatang arau r̄udarisĩ bue, ute kai urusangu mawune. Kũ ēllang ene mambeng sarung dumarisĩ matei, ualingu Mawu e kawasa mapararisĩ i sie apakatei.

⁵ Pia taumata makapëndang u pia sahëllö e limembong kapiane wou manga ëllö waline, arawe taumata waline e wue mëpëndang u këbi ëllö ene mang mësulung. Balae sengkatau-sengkatau e pakasahekon pëndangu sëmбай-sëmбай. ⁶ I saing ku mëšëšëmpï u ëllö tinantu e, tau ene mëkëkoä kerene e waugu mëngadatë Mawu, ualingu i sie makitarimakasë su Mawu Ruata waugu kaëng ene. Kerene lai i saing këtaeng kukaëng kaëng matuntü e tau ene maiaing mëngëngadatë Mawu ringangu makitarimakasë su Mawu Ruata. ⁷ Tawë u sarang sengkatau woi kite ku mëbëbiahë baugu watangenge hala ringangu tawëu sarang sengkatau woi kite ku mate waugu watangenge hala. ⁸ Kereu i kite biahë ute i kite e wiahë baugu Mawu. Dingangu kereu i kite e mate, i kite lai mate, waugu Mawu. Ku biahë arau mate, i kite e tataghuanengu Mawu. ⁹ I Kristus seng nate ringangu nëbiahë kapia kai ene hakiu i Sie nakoä Mawum patiku taumata wiahë dingangu waugu patiku taumata nate. ¹⁰ Ku manga anau sëmбай! Baugu a-

pa mapësaang anau sëmбай ku tamba pangangimang? Dingangu waugu apa i kau mapakasana i sie? I kite këbi e sarung mëtëngon Duata e mëdeau ihukung. ¹¹ Suralungu Winohe Susi e mabawohe,

"Katëngadewen," angkuëng u Mawu,

"sengkatau-sengkatau sarung mëmpëtumpëkuhë su tëngo'Ku,

ku apan taumata sarung mangaku u la e kai Ruata."

¹² Ku i kite sengkatau-sengkatau hinong masi simbang u patiku kakanoä i kite su Ruata.

Kumbahangbe mapakapalidu anau sëmбай u

¹³ Ualingu ene kuhäe i kite mëtatokeng sala. Ëndokangbe pëmpëtätëtehë tadeau i kame-ne tawe mëkoä apa-apa ku makakoä sasalukä su anau sëmбай tamba pangangimang ku manawo su rosa. ¹⁴ Kuteu ia nakauhë dingangu Mawu Yesus ute ia mangimang kahëngang u tawë kädiongeng apa ku nëbua bou lamuhü, kaiso pëkakoä kerene kawë maalamuhü su pësengkatau kereu

tau ene mǎngǎnna u kawē maḷa-
muḥu. ¹⁵Kai kamageng uḷingu
apa ipǐbǐbiahu kṽ kai makatǣdu
naungu sǣngkatau wou manga
anaṽ sǣngkataunu tamba panga-
ngimang ute i kau sembeng lai
tawē kimǣndagǣ. Kereu i Kristus
seng napohong baugu pǣsǣngka-
tau, ute kumbahang i kau ma-
pakawalan tau ene apakasilaka
u apang kǣkanengangu. ¹⁶Hakiṽ
ene kumbahang mǣmalang a-
pang mapia si kamene itǣtinǣnna
raḷaki su taumata waḷine. ¹⁷Kai
kereu Ruata e mǣngatorǣ bia-
hu pǣsǣngkatau, apang botonge
kanengang dingangu inungange,
ene waḷinewe kahumotongange.
Kahumotongange ute kai tau e-
ne tutuḥu bue kapulun Mawu
Ruata, pia karalenehu naung
dingangu makatarimaṽ raḷuasǣ
ilǣongḡou Rohkǣ Susi e. ¹⁸I saing
mǣtǣtangkiang si Kristus kerene
ute tau ene makaḷuasǣ naung u
Ruata ringangu lǣadateng u tau-
mata waḷine.

¹⁹Batuṽ ene timonang kite
e mǣngkai sǣntinia makaka-
dǣntan pǣgaghaghilǣ dingang-
u mǣdǣdalahengkeng. ²⁰Kumba-
hangbe, kawē uḷingu kakaǣng, i
kau kawē makaghoghahǣbe apan
seng kinoṽ Ruata. Kǣbi kaǣnge
tawē apawē pǣlline waugu ka-

nengang. Kai kereu apang ka-
nengangu makakariadin tauma-
ta waḷine mǣbaradosa, ute i
kau e mamben nǣsaḷa. ²¹Mapia-
we abe kina gǣsin binatang a-
rau mǣmpanginung anggorǣ arau
mǣmpǣkoṽ katatanggaǣng baugu
anaṽ sǣngkatau tamba panga-
ngimang. ²²Balaṽ apang lǣima-
ngengu ene, koṽ e ene su tǣngon
Duata samatang baugu wata-
ngengu. I sain makapǣndang u
tawē sangkonangu pǣsasala sua-
pang kṽ nihino su naunge ute ka-
riangkamang bue tau ene. ²³Ara-
we i saing kṽ pǣndange mǣbǣbim-
bong baugu kumaǣng manga apa,
kai samurine kimaǣng bue kaǣng
ene, ute tau ene ipǣsaḷan Duata;
batuṽ tawē kinoṽ e tuḥu panga-
ngimange maanung apa kṽ nihi-
no ringangu nǣsaḷa. Kṽ apaewen
niḷakoṽ su ḷikudu pangangimange
ute rosa.

Pǣluasǣko sendinganengu,
abe kawē watangengu e hala

15 I kite apan tǣnga-tǣngadǣ
maiaking su apang lǣi-
mangeng i kite, mang hinone
karalomeng pangangimangu tau-
mata. Abe kawē kǣtaeng mapa-
kaḷuasṽ watangeng i kite hala.
²Su sǣmbǣkane i kite sǣngkatau-
sǣngkatau mambeng mapaḷua-

su naungu lawo sēdinganeng i kite, tadeau pangangimang e mahuntinambang katoghase. ³Batuu i Kristus e tawe tumbau mēngēngēna tadeau mapakiam batangeng'E sēsane. Suralungu Winohe Susi e mabawohe kereini: "Kalawou tatelorē e ku niapētmona si Kau e seng nanawo si sia." ⁴Kēbi apam mabawohe suralungu Winohe Susi e kai tadeau panēntiro si kite. Batuu tēntiro nikatarima i kite bou Winohe Susi e makakēdang dingangu makatoghasē si kite hakiu i kite makapēlēharapē su Ruata. ⁵Karimako Mawu Ruata ku māngonggo u pēkakakēdang dingangu lahiborē su taumata e mētulung i kamene mēdeau mēbiahē sēngkanaung matuhu su kapulung Kristus Yesus. ⁶Dingangu sēngkanaung i kamene kēbi sēngkapēdalo Ruata, i Amangu Mawung kite i Yesus Kristus.

Injilē baugu manga wansa baline Yahudi

⁷Batuu ene karimako manga anau sēmbau mēnarimaū sēmbau su waline ringangu naung

maļuasē kereuwe lai i Kristus maļaing manarima i kamene waugu kawawantug'u Mawu Ruata. ⁸Kai pētahēndungko, u i Kristus seng bou nētangkiang tau Yahudi pēlahakang u Mawu Ruata e satia suralungu mēngganapē manga kēdon'E su manga i upung i kite. ⁹Mawu Yesus maļaing mapakariadin manga wansa waline mēmpēdalo Ruata ualingu kapiā naung'E si sire. Suralungu Winohe Susi mabawohe kereini,

"Hakiu ene ia sarung mēpudi si Kau sutaļoaran manga wansa e,

ia sarung mēkantariu raralo waugu areng'U."

¹⁰Pia mabawohe lai kereini,

"Pahuļuasēko ringangu kawanuan Duata ku pinilene, ei patiku bansa."

¹¹Dingangu ini lai,

"Pēmpēdalo Ruata, ei patiku bansa,

ku patiku taumata pēmpēpudi si Sie!"

¹²Dingangu ini lai pinēberan Yesaya,

"Bou hēnton Isai sarung lumēto sēngkatau

kū sarung mēparēnta
manga wansa; kū kai si
Sie pēharapeng u patikū
bansa ene.”

¹³ Mawu Ruata e kai tanpa
pēlēharapeng i kamene. Ka-
rimako i Sie mamene u naung i
kamene ringangu kalawou raluasē
dingangu ramenaung, ualingu i
kamene mangimang si Sie, ta-
deau ualingu kawasan Rohkē u
Mawu Ruata i kamene mangkeng
mēdalēmbom pēlaharape su Rua-
ta.

Ai u nakariadin Paulusē e namohē manēngga

¹⁴ Manga anau sēmbauku! Ia
maiaking u mēngkate apa lawo
halē mapapia si kamene. I kame-
ne maļaing masingka u haghim
patikū e ringangu makapanēntiro
sēmbau su waline e lai. ¹⁵ Ara-
we su manga halē matuntue, ia
mapētētahēndung si kamene pa-
kaamumang suralungu suratē ini,
batu Ruata e seng nangonggou
tatalēntu e si sia munara ene. ¹⁶ I
Sie seng napakariading ia nakoā
mētatangkiang si Kristus Yesus
tadeau ikarolohē su manga wan-
sa waline Yahudi. Dingangu ia
nakoā kere imang kū mēlēha-

baru Injilē bou Ruata, tadeau
apan taumata kū baline Yahudi e
mēngkakoā sasēmba su Ruata kū
ikatarima i Sie. Karimako Rohkē
u Mawu e makakariading kamene
makoa sēmbau sasēmba makala-
himpulu si Sie. ¹⁷ Kū ualingu ia
seng nasēmbau dingang i Kris-
tus Yesus, ute ia botonge lumesa
u munaraku e waug'u Rua-
ta. ¹⁸ Ia bahani mēbisara kere-
ne kētaeng maanung apan seng
niḱakoā i Kristus suralungu ia
tadeau apan taumata waline Ya-
hudi matuhu su Ruata. Ia e
mēkēkoā ene ringangu kalawou
wawera ringangkewelaing, kaka-
noā, ¹⁹ ipēsēsarētau manga ha-
ghin tanda ringangu manga halē
makadalinau, kēbi ene ualingu
kawasang Rohkē u Mawu. Injilē
maanung Kristus e sen taku ni-
habarē kēbi su taumata nanēta
bou Yerusalem sarang Ilirikum.
²⁰ Kapuluku e kai mēhabar'u In-
jilē bou Mawu suapam pia u ta-
we nakadingihē habar'i Kristus e.
Batu ia madiri mēlanging mu-
nara su watu pinēbukuang nipēl-
lou taumata waline. ²¹ Suralungu
Winohe Susi e mābawohē,

”Taumata apam bēdang tawe
nakadingihē habaru maanun
Sie, ute sarungbe makasilo;

dingangu i sire apam
bëdang tawe nakadingihë
e sarungbe makaënna.”

Karakin Paulus sarang Roma

²² Kai ualingu ene hakiu ia mëngkai masahaghe mëtiwo si kamene. ²³ Arawe ini e munaraku su apan banua ene seng naua-dipë.^c Pira-pira taung karëngue ia mëngkate mapulu mëtiwo si kamene. ²⁴ Hëdöeng kereu ia sumahë soanu suraralengku sarang Spanyol, kü malowoko ia deng makapësombang i kamene kü deng makapëdaluasë kadodo tempo ringang i kamene. Bøu ene ia mëlëharapë i kamene reng makatulung u ia baugu raralengku sarang Spanyolë e. ²⁵ Arawe orasë ini e ia mapulu sarang Yerusalem tadeau mëbawa lahuwü^d baugu ralohon jamaat'u Mawu sene. ²⁶ Batuu apan jëmaatë su Makedonia ringangu Akhaya seng nëmpëgaghighilë mëgëlliü lahuwü baug'u manga anau sëmbau kasiang su taloaran jamaat'u Mawu su Yerusalem. ²⁷ Dingangu karaluasü naung i sire nëmpëmutus'u mëdeau mëkoä ene. Mam-

ben tëngadë i sire hinom mëtulung u manga anau sëmbau apang kasiang su Yerusalem ene; batuu kai wou tau Yahudi e, kü apam baline Yahudi e sen nakatarima u kalawou alamatë bøu Ruata. Kü apam baline tau Yahudi e hinone lai mëtulungu apan tau Yahudi e ringangu kalawou alamatë bøu arëtae. ²⁸ Kereu ia seng mëngganapë halëku ini, kü manarakang u kakëndagë kü seng nakomolë e si sire su Yerusalem, tangu ia e kai makoä sarang banuan Spanyol isahe wou soang kamene. ²⁹ Kereu ia dumënta su anung kamene, ute rüdëntang alamatë mëdëdalembo wö'i Kristus baug'i kamene.

³⁰ Ualiem Mawung kite Yesus Kristus, ringangu ualieng kakëndag'u Rohkë u Mawu, ia mëdëdorong sëngapam botonge si kamene, karimako i kamene malaing mëkalïomaneng sëngkapëkalïomaneng masëgadë dinganku su Mawu Ruata wau-gu ia. ³¹ Pëkalïomaneng mëdeau Ruata e mëliung ia bøu liman tau kapiřë apan su Yudea, ringangu mëdeau halëku mëbawa roitë kakëndagë su Ye-

^c natagapi ^d tatongka/bantuan

15:21: Yes. 52:15 15:22: Rm. 1:13 15:25-26: 1Kor. 16:1-4 15:27: 1Kor. 9:11

rusalem ikatarimaben dingangu naung maľuasę kahian daľohon jamaat'u Mawu sene. ³² Uaľingu ene, kereu iapakawalan Mawu ia makakaręnta we anung kamene ringangu naung maľuasę. Ku ia sarung mahiborę dingang i kame-
ne. ³³ Milumbako Mawu Ruata e mangonggou pędarame su tau-
mata, mahundingang si kamene kębi. Aming.

Tatabea

16 Ia e kai mapulu mapaka-
singkau wawineng kite i
Febe. I sie ľennau męnenongka
mętangkuang jamaatę su Keng-
krea. ² Tarimako i sie makoa
sęngkatau raľohon jamaat'u Ma-
wu. Mambeng kerene kakakoau
taumata mąngimang su Mawu
e hinong męnarimau sęmbau su
waline. Lęontole wue i sie, kereu
i sie męgęgausę tulųmang bo'i ka-
mene, uaľingu i sie sęsane seng
nętulųng lawo taumata – suľiung
ia.

³ Pęmpaulikon tabeaku si
Priskila ręduan Akwila, manga
hapiku ku sęngkahalękang baug'i
Kristus Yesus. ⁴ I sire maraning
mairi uaľingu mapulu mangam-
bang sia. Ia makitarimakasę si
sire – ku balinewe kętaeng sęsaku

kai kębi jamaatę maning baľine
tau Yahudi e maľaing makitari-
makasę si sire. ⁵ Pęmpaulikon lai
tabeaku su jamaatę apan nako-
molę su walęn sire.

Tabeaku si Epenetus i
kękęndagęku. Kai i sie tau kahu-
motongange mąngimang si Kris-
tus su wanuang Asia. ⁶ Tabeaku
lai si Maria. I sie seng nętęngka-
saghedę kahęngang baug'i kame-
ne. ⁷ Pęmpaulikon lai tabeaku si
Andronikus ręduang Yunias. I si-
re e kai wansa sęmbau dingang-
ku mase lai ľennau sęngkata-
hungku dinganku. Kalimonang
ia mąngimang si Kristus, i sire e
sen tębe mąngimang. I sire pia
areng i sire sutaloaram manga ra-
sulę.

⁸ Tabea si Ampliatus ku
i kękęndagęku uaľingu i sie
ringangkewen ia e seng nasęmbau
dingangu Mawu. ⁹ Pęmpaulikon
tabeaku si Urbanus ringang i
kite e ku nęmunara ringang i
kite baug'i Kristus. Dingangu ta-
beaku si Atakhis i kękęndagęku.
¹⁰ Tabea si Apeles. Kasatiane si
Kristus seng limęta. Tabea lai
su raľohon baľen Aristobulus,
¹¹ dingangu si Herodion. Ia e
kai wansa sęmbau dingange. Ta-
beaku lai su manga anau sęmbau

tamba pangangimang suralohon balen Narkisus.

¹² Tabeaku si Trifena ringang i Trifosa ku nētēngkasaghedē nētangkiang Mawu, ringangu si Persis i kēkēndagēku e. I sie lai seng nētēngkasaghedē kahēngang baugu Mawu. ¹³ Tabea si Rufus dingang i ninange, ku si sia e alingakai i ninangku sēsaku. I Rufus kai tau pinilen Mawu ku dēdaloēng. ¹⁴ Pēmpaulikon tabeaku si Asinkritus, Flegon, Hermes, Patrobas, Hermas dingangu kēbi anau sēmbau tamba pangangimang dingangkewen sire. ¹⁵ Tabeaku si Filologus rēduan Yulia; si Nereus dingangu wawinene si Olimpas dingangu kalawou taumata māngimang ku dingangkewen sire.

¹⁶ Pēmpēpapangadatē pakapia, sēmbau su waline alingakai anau sēmbau Sahani. Patiku jamaat'i Kristus mēmpēdēndingou tatabea i sire su manga anau sēmbau.

Sasasa pēngēnsueēnge

¹⁷ Manga anau sēmbau! Ia mēdēdorong sēngapang botonge: Pēmpēteghang ben sire apan makakadēntan pēsasitori ringang-

u makapēgēnggohaeng pangangimang u taumata su Mawu. Halē ene mētētātēntang u apan seng nitēntiro si kamene. Pēmpētalikudē ben taumata kerene.

¹⁸ Batu taumata ku mēkēkoa kerene walineuwe mēmuna waug'i Kristus Mawung kite, kaiso mēdeau makawatū kapulunau i sire hala. Ualingken bawodai dingangkewen manga wawera malēnggihe e i sire mēmpangakalē apan taumata ku bēgawen manga apa-apa. ¹⁹ Kēbi taumata seng masingka u i kamene satia su tēntirong Injilē bou Ruata. Ku ia maluase su halē u kakakoa i kamene. Ia mapulu tadeau i kamene mapapelesa su manga halē mapapia, ringangu longong, su manga halē daralai. ²⁰ Mawu Ruata ku nangonggou karalunsemahē su taumata, sarung maligha mamello u setang sualungu kawasana ringangu mapakawinasa.

Milomboko manga anau sēmbau hanesē lēalamateng i Yesus Kristus Mawung kite.

²¹ I Timotius, hapiku, makipauliu tabea e si kamene, kerene lai i Lukius, i Yason dingangu i Sosipater, ku tamba wansaku.

²² Ku namohë suratë ini e kai ia i Tertius. Ia e mëhabaren tabeau anau sëngkatau si kamene.

²³ I Gayus nëndohën tabeau si kamene. Ia manumpang su walene ringangu jamaat'i kami lai mëmpëtëtahamawu lai sene. I Erastus tëmbonang u urusang u roitu wahageang soa nëndohong tabeau si kamene. Kerene lai anau sëmbau i kite i Kwartus.

[²⁴ Milomboko Mawung kite i Yesus Kristus mëngalamatë si kamene këbi. Aming.]

Kakunsi u suratë

²⁵ Daralo su Ruata! I Sie kawas manoghasë pangangimang i kamene matuhu su Injilë bou Mawu Ruata ku taku ilëhabarë maanun Yesus Kristus.

Ia manglekeng habarë ene e matuhu kere ilëlahë Ruata e su halë u karakin Duata ku seng hakju ghënnangu hasue su taunge karëngue tawe nikasingkatengu taumata. ²⁶ Arawe ini, su parentang Duata kakalë, karaki ene seng niapakalahë dingangu niapakasingka su patiku bansa, suralungu manga winohë u nabi, tadeau i sire këbi mangimang dingangu matuhu su Ruata. ²⁷ Mang i Sie sësane Ruata, i Sie su wowon patiku tahuëna.

Milomboko i Sie iapakawan-tugë marangë sarang marëngudëngu suralung i Yesus Kristus! Aming.

Adat'i kami,
Paulus, ëllang i Kristus Yesus

SURAT'I PAULUS HUMOTONG
SU JAMAAT'U
KORINTUS

DARUMATINGE

Surat'i Paulus Humotong Su Jamaat'u Korintus niwohē baugu ipēnaŕuahē kaŕawou apam mađiadi suraŕungu jamaatē nirarisi i Paulus su Korintus. Kaŕawou kuŕidaŕange ene e ute kai maanun pēbawiahē dingangu pēngangimangu tau Sahani. Su tempo ene Korintusē e kai nasowa soa ghēguwa su Yunani, niupunangu soa su propinsi Akhaya nasowa paparentaēngu Roma. Soa ini, tumaŕa e kai haghim bansa, timeleng mapia su haŕē u mēdagang, kēbudayaange marange dingangu lai su haŕē u adat'i sire e wēdang ikawera masana hakiu mēngkai mēdēdaŕahaghi agama sene.

Kahumotongangange nakoā sutinēnnan Rasul Paulus e ute kai haŕē u sidaŕa^a dingangu pēhasilontahē suraŕungu jamaatē, dingangu su haŕē u mawuang dingangu pēkakawing, haŕē u pēdang, dingangu karalenehē suraŕungu jamaatē, nēngga u Rohkē Susi, ringangu pēbawangungu taumata nate. Dingangu tingirange^b mararaŕung, i Paulus napakalahe u kereapa Injil'u Mawu e mapētakahino su kēbi kuŕidaŕange ene.

Su pasalē ka puŕo tēllune mēnēnurantungu tatialang kakēndagē tutune. Pasalē ini aramanung kai nakoā pasalē timoŕo bou kēbi pasalē baŕine su bukē ini.

^a perpecahan ^b pandangan

Lohone

Panëtakege	1:1-9
Sidara suralungu jamaatë	1:10-4:21
Halë u mawuang dingangu pëbawiahu kawing ana	5:1-7:40
Tau Sahani ringangu isain tamananëmba Mawu Ruata	8:1-11:1
Pëbawiahu jamaatë dingangu pëkakaliomaneng	11:2-14:40
Pëbawangung i Kristus dingangu tau Sahani e wou papate	15:1-58
Gaghëlli su tau Sahanin Yudea	16:1-4
Halë u watangeng dingangu kakunsi e	16:5-24

1 ¹⁻³ Manga anau sēmbau jamaat'u Mawu su Korintus! I kau seng nikuiangu Mawu Ruata e nakoā umat'E ualingu i kau e kai tataghuaneng i Kristus Yesus, dingangu patiku taumata bae su tampa sude apam mēmpañēmba Mawung kite i Yesus Kristus e kai Mawun sire ringangu Mawung kite lai. Ia, i Paulus, dingangu anau sēmbau i kite i Sostenes, mēlēharapē karimako Ruata i Amang i kite dingangu Mawu Yesus Kristus mēgēlliū alamatē dingangu karalunsemahē si kamene. Ia nēmohēu suratē ini kere sēngkatau rarolohang i Kristus Yesus, nihengkē u Ruata sēsane ringangu u ualingu lai kapulun'E.

Alamatē bōu Mawu Ruata suralungi Kristus Yesus

⁴ Ia sēntiniā makitarimakase su Mawu Ruata maanung kamene, u i kamene seng nakatarima tatalēntu bōu Ruata limiun Yesus Kristus. ⁵ Ualingu i kamene e seng nakoā tataghuanengi Kristus, ku pēbawiah'i kamene e kala su patiku sabarang. Kasingka i kamene su halē u patiku e mam-bem maralung-dalung, masene lai i kamene e mang pelesa manēnti-

rong kasingka ene. ⁶ Ené e mēlēlahēu Injilē maanung Kristus e seng limēna suralungu naung i kamene, ⁷ hakibeng i kamene tawe kakawusangu alamatē saralain manga sēmbau, tēntalang i kamene reng mēmpangampalē Mawung kite i Yesus Kristus dumēnta ringangu ikasilom patiku taumata e. ⁸ I Kristus sēsane sarung mapēbiah'i kamene solong pangēnsueēnge tadeau su tempong i Sie rumēnta kapia e ute i kamene kaēbakengbe tawē apa salane. ⁹ Mawu Ruata e pangi-mangengbe kahēngang. I Sie kai Ruata ku seng nēkui si kamene makoā sēmbau dingangu Ahuse, i Yesus Kristus, Mawung kite.

Pēsasilontahē suralungu jamaatē

¹⁰ Manga anau sēmbau! Dingangu arengu Mawung kite i Yesus Kristus, ia e mēdēdorong takadeau i kamene mēsēngkanaung kēbi; tadeau kumbahangbe pia pēsasilontahē sutaloarang kamene. Karimako i kamene masēmbau, sēngkanaung dingangu sēngkapētinnēna. ¹¹ Batuu manga anau sēmbau bōu waleng Kloē mēbēke si sia u pia pēbawulo sutaloarang ka-

mene. ¹²Hatede ute kai piaŭ woi kamene mēbēbera, "Ia tumole si Paulus," pia lai mēbēbera, "Ia tumole si Apolos," i sire waliŭ nebera u, "Ia tumole si Petrus," arawe waliŭewe lai ute nēberaŭ, "Ia tumole si Kristus."

¹³Ku unŭewe i Kristus ipēkaka-kempang! I Paulus tawe nate ni-ghantong baug'i kamene! I kame-ne maŭaing tawe nisahani waŭgu makoŭa murit'i Paulus arau ēng?

¹⁴Tarimakase ia e tawe nēnahani si kamene sarang sēngkatau, su likud'i Krispus dēduang Gayus. ¹⁵Kumbahang-be piaŭ sēngkatau makapēberaŭ ia seng bou nēnahani si sie makoŭa tumatole si sia. (¹⁶O-re tēngadē, i Stefanus dingang-u raŭohom baŭene, tēngadē kai ia nēnahani si sire. Ore lai su sēmbēkang ene e, su tahēndungku tangu semben tawē u wali-ne taku nisahani.) ¹⁷I Kristus nēndolohu ia e waliŭewe ipēnahani taumata, kaiso kawe ipēlēhar'u Injilē bou Ruata; ku ene harusēbe koatengku waliŭewe ualiŭgu, pande mahumbi-sara maŭaumata, tadeaŭ kawa-sam papateng Kristus su kalu

pinēnggantongang e tawe makoŭa ta kēhase.

**Kawasa ringangu
katatahuēnnan Duata e
bawēntane e si Kristus**

¹⁸Batuŭ si sai-saim mētēti-mona kawawinasa e, habaru kapapohong i Kristus su ka-lu pinēnggantongang kai maŭkoŭa bēke ta kēhase. Arawe si kite apang ipakaŭaŭamat'u Mawu e, habarē ene e kawe kere kakakoŭa u Mawu mēnode u kawasan'E, ¹⁹u su Winohe Susi e, Mawu e nēhengetang,

"Kapapandem mapapande e
sarung Taku gagholangeng,
dingangu katatahuēnnam
masasingka e sarung Taku
i pakaparung."

²⁰Ku apawue gunane taumata pande e? Apawe gunane i si-re masasingka e tangu? Apawe gunane i sire tahapēnanēsui ka-singka u dunia e? Mawu Ruata e seng niapakalahe u kapelesan dunia e mamben ta lohone sēma-tang.

²¹U waēbe kereapa kapanden taumata e, i sie tawe makakiraŭa Mawu wou kapandene sēsane.

Kaiso ualingu Mawu Ruata e kai matahuëna, tangu i Sie wotonge mēngambang si sai-saing ku mangingang si Sie wou habar'u Injilē ilēhabar'i kamie ku kiralingkai tawē kēhase kahian dunia e. ²² Tau Yahudi e mēgēgausē tanda makalaherang makaō tialane, ringangu tau Yunani e mēgēgausē kapelesan dunia ini. ²³ Arawe i kite e tangu kētaeng sēmatang mēlēhabar'i Kristus ku seng napohong su kalu kuruisē. Habarē ini e kai nimēngga makaō katatangaēng su tau Yahudi e, nikoā kere habarē niusē kahian sire waline tau Yahudi e. Ringangu i sire waline tau Yahudi e mangiraling ene e kai sēmbau katatungkō. ²⁴ Kai arawe si sai-sain seng nikuiangu Mawu Ruata e – baewe tau Yahudi arau waline Yahudi e – habarē ini e kai kere kakakoā u Ruata mēnēnode u kawasan'E ringangu katatahuēnnan'E. ²⁵ U kawawodoku Ruata e kai limembom pelesawou kapelesan taumata e; dingangu karalomen Duata e, kai limembong katoghase wou katatoghasu taumata.

Kawasan Duata ringangu karalomen taumata

²⁶ Manga anau sēmbau! Kēnang pētahēndung kerea kaka-koā ikamene su tempōen Duata e nēkui si kamene. Kētabeng kadodo (mahali) sutaōarang kamene e matatahuēna e, arau kawasa, arau matatebone tumuhu tingirangu taumata e. ²⁷ U mamben pinētatudē Duata e nēmile apang lēnnaēng bodokē kahian dunia ini, tadeau ipēnumea mapapande. Ringangu Mawu Ruata e maiaing nēmile apang lēnnaēng lome kahian dunia ini, tadeau apang matatuhasē malahasa e mēngkamea. ²⁸ Mawu Ruata e nēmile apang lēnnaēng masana, mahina, ringangu mundangu kēkoateng tawē mangalene kahian dunia ini, tadeau Ruata e mapakaghoghahu apang lēnnaēng kapiaēng e kahian dunia. ²⁹ Ualingu ene ute tawē u sēngkatau makapēngobotu watangenge su tēngom Mawu Ruata e. ³⁰ Duata sēsane e seng napakariadim manga anau sēmbau e nasēmbau dingangi Kristus Ye-

sus. Bõu anung Kristus, i kite e niapakakoã matahuënnã. Ringangu kai wõi Sie lai Ruata e napakariading kite nēsēngkapiam batangeng i kite e kapia ringangu Mawu, napakariading kite e umate sahı (tutune) ringangu nēngambang si kite e. ³¹Ku kai kerewe kabawohẽ suralungu Winohe Susi u, "I saing ku rulse e ute harusẽbe rulse u apang kinoã u Mawu."

Habaru kapapohong'i

Kristus e su kalu kuruisẽ

2 Manga anau sēmbau! Su tempong iã dumēnta su anunu ringangu nēhabaru hingidu Mawu si kamene ku bēdangta nikēkasingkatengu dunia e, ute iã e tawe nēpakẽ u katatahuēnnan dunia e arau mēbēbisaram bisara ku asalẽwem mēbēbisara. ²Batũu iã seng mēkaraki ringangu kaguwau ralungu naung tadeau karēnguweng iã dingangi kamene tangu, iã e tawe mēhabaru apa-apa, sulikudu kētaeng maanung Yesus Kristus; sēmatang mēlēhabaru i Sie seng napohong su kuruisẽ. ³Pia e iã ene ringang i kamene, iã e kai lome ringangu ghimaghan taku.

⁴Habarẽ taku nipauli si kamene e tawe taku nihabaru wawera makabinsana tuhu katatahuēnnan taumata. Iã e nauliũ ene e mēlēlahẽ Rohkẽ Susi e kai kawasa. ⁵Iã nēkoã kerene e takadeau pēngangimangi kamene si Kristus e tawe iwēnta su katatahuēnnan taumata e, kaiso kawewiwēnta su kawasan Duata.

Katatahuēnnan Duata

⁶Maningbe kerene, sutaloaran taumata ku pēbawiahu marokhẽ e seng natimu, iã e mam-bem mahumbisarang halẽ u katatahuēnnã. Kai katatahuēnnã ini e walĩnewe katatahuēnnan dunia e, arau katatahuēnnam mangangawasan dunia tempo ini, ku kawasane e sarung mapalusẽ. ⁷Katatahuēnnã taku ipahumbisara e tawe kasingkatengu dunia e, kai Mawu Ruata e seng nēnadiang ene e wauku karalunsemahẽ si kite e kalamonan dunia e niriadi. ⁸Tawẽu sarang sēngkatau wou taloaram mangangawasa orasẽ ini e masingka u katatahuēnnã ene. U, kereu i sire kai seng masingka ute, tantu i sire tawe sarung mēnguruisẽ Mawu mawantugẽ ene. ⁹Su sēmbēkane

ute halë ene kai kere məbawohë
suralungu Winohe Susi,

”Apang deng tə kinasilo arau
reng tə kinaringihu taumata
e,

dingangu reng tə
kinatinënnan taumata e,
ute seng sinadian Duata
e waugu taumata apang
kükëndagë e.”

¹⁰Arawe Ruata e seng napa-
kalahe si kite ualingken Rohkë e.
Rohkë Susi e nënanësui patiku e,
saraeweng apang hingidu Ruata
su kapapënisange. ¹¹U masingka
u ralungu naungu pësëngkatau e
ute kai rohkë u tau ene sësane,
arau ëng? Kerene wue halë
u Mawu. Masasingka u ralungu
naungu Mawu Ruata e ute këtā-
beng Rohkë u Mawu sësane!
¹²Dingangu i kite e tawe nighëli-
rangu rohkë u dunia ini, kai-
so kawe Rohkë bōu anun Mawu
Ruata, tadeau i kite makaka-
singkabeng këbi seng nilaonggo u
Mawu Ruata e si kite.

¹³Ualingu ene e, kereu i kite
mënuālagu patiku maanun Dua-
ta e si sai-sai managhuan Rohkë
u Mawu e, i kami e tawe ma-
rauli tutuhu katatahuënnan tau-
mata, kaiso kawe tutuhu tëntiron
Rohkë u Mawu (Rohkë Susi).

¹⁴Taumata ku ta mananaghuan
Rohkë u Mawu e tawe makata-
rima u apan nilahe u Rohkë ene.
Watu u su taumata ene këbi-
këbi ene ute kai mësulungu halë
u katatungko. Tau ene tawe ma-
kaënnā, u ene këtāewen nipanda
kere kakakoā u marokë sëmatang.
¹⁵I sai-sain managhuan Rohkë
u Mawu e makakoā mëngarëgam
patiku sabarang, kaiso taweu sa-
rang sëngkatau makapangarëgam
batangeng'E. ¹⁶Su Winohe Susi
e, kabawohë,

”Kai i sai masingka u
tingirangu Mawu?

Dingangu kai i sai
makapënasa si Sie?

Kai i kite e kinawuakengu tingi-
range mësulungu si Kristus!”

Manga mëtatangkiang Duata

3 Tumuhu hinone ia e tawe
makawisara ringangi kamene
mësulungu taumata pia Rohkë u
Mawu. Ia tumbaeng makapëbisa-
ra ringang i kamene kere ringang-
u taumata ku bëdang mēbëbiahë
tutuhu ënningu dunia; kere ri-
ngangu manga rario bëdang
sususu suralungu pëngangimang
si Kristus. ²Nāung, ia këtāeng
makakaghëlli u kaëngu manga-
rario, baļinewe kaëngu tauma-

ta matatëllang; u i kamene reng ta natoghasë baugu ene. Kai orasë ini e i kamene de laing ta natoghasë, ³u i kamene kai reng mēbēbiahë tūtuhū lulun taumata. U kamageng i kamene wēdang piā u sūsingking dingangu mēdēdalā sēmbau dingangu waline e, ute ene waline-we mēnēnodeu i kamene wēdaweng tūtuhū lulun taumata e, kere taumata wēgan Mawu Ruata? ⁴Kereu piāu mēberau, "I kami tumole si Paulus," dingangu waline e nēberau, "Ia tumole si Apolos," ute ene waline-we mēlēlahēu i kamene taumatan dunia tangu?

⁵Tumuhū hinone ute kai isai tangu i Apolos ene? Dingangu kai sai tang'ū i Paulus? I kami e kētaewem mētatangkiang Mawu e, seng nēmihing si kamene tadeau mangimang si Kristus. I kami e kētaben mēdēndalengu munara nitilakehu Mawu e si kami sēngkatau-sēngkatau. ⁶Ia e mēsasuange ringangu i Apolos mēnanēbohe, arawe Mawu Ruata sēsane e mapātuwon sasuanage. ⁷Kū kakalimonaēnge ute kai Mawu Ruata, batu kai i Sie napatuwo e. Mēsasuange ringangu mēnanēbohe ute tawe sēngapa;

⁸irēdua e kai sēndēdagē. Sēngkatau-sēngkatau e sarungbe mēnarimau wuan saghede. ⁹I kami e kai taumata lawo mēmamunara-ne waugu Mawu; ringangu i kamene e ute kai kere waelu Mawu.

I kamene lai e kai kere walēn Mawu. ¹⁰Kū ualینگken kapande nionggo u Ruata, ia e alینگkai masasingka u bangunang e sen namēllo u pondasi waugu godoēng ene e, ringangu taumata waline e nēmangung godoēng suwowom pondasi ene. Apan taumata e harusēbe tatingang pakapia kereapa kaka-koā e i sie nēmangung suwowom pondasi ene. ¹¹U Mawu Ruata sēsane e seng namēllo i Yesus Kristus samatang batu pinamanggilangu ghodoēng ene; kū tawē apa pondasi waline. ¹²Piāben nēmangung suwowom pondasi ene nēpakeu wulaeng, piāben nēpakeu salaka, piāben nēpakeu watu intang-paramata, piāu lai nēpakeu kalu, rēmpugē hēgu arau rahami. ¹³Munarang sēngkatau-sēngkatau e sarungbe lumēta hēdon su tempong i Kristus e rumēnta kapia. U su ēllo ene e putunge sarung mapakalahēu halē u sēngkatau-sēngkata-

tau. Putunge sarung mēnahi di-
ngangu mēnilakehu lēta u halē
ene. ¹⁴Kereu wale nirarisi u tau-
mata su wowom pondasi ene e
makēdang su putung ene ute,
taumata ene e sarungbe makata-
rima u tatendenge. ¹⁵Kai kereu
halē e ene kawe matutung ute
i sie sarung kailangengu taten-
denge, kaiso i sie ute maambang,
kateweho mēsulungu taumata na-
kalawesē bou putung.

¹⁶I kamene masingka bue
watuu i kamene e kawe Walem
Mawu? Mase Rohkē u Mawu e
kawe matana suralung'i kame-
ne? ¹⁷Kereu piaū mēnggoghahē
Balem Mawu, ute Mawu e sa-
rung mēnggoghahē taumata ene.
U walen Mawu e kai natēnta-
ni waugu Mawu sēsane, ku kai i
kamene wale ene.

¹⁸Ku kumbahang bue piaū
mēngakalē batangenge. Kereu
piaū woi kamene makapēndang
batangenge matahuēna tumuhu
ukurangu dunia e, ute taumata
ene e harusē makoā taumata wo-
do, tadeau i sie kahēnga-hēngang
matahuēna. ¹⁹U isaing itētika
matahuēna kahian dunia e ute
kai wodo su matan Mawu e. Su-
ralungu Winohe Susi mābawohe,

"Mawu e mēname taumata ma-
tahuēna e suralungu kapanden
sire hala e." ²⁰Piaū lai kabawohe
kereini, "Mawu e masingka u
tinēnnan taumata matatahuēna
e ute kai tinēnnawe tawē guna-
ne." ²¹Ualingu ene, kumbahang-
be piaū sēngkatau e ruḥesa u tau-
mata, u patiku sabarange seng
niḷaonggo nakoā tataghuanengu:
²²Paulus, Apolos, Petrus, dunia
ini, pēbawiahē dingangu papate,
tempo ini, arau tempo ramahi
kādēntane, patiku sabarange kai
tataghuanengu. ²³Dingangu i ka-
mene e kai tataghuaneng'i Kris-
tus, mase i Kristus e kai tata-
ghuanengu Ruata.

Manga rarolohang'i Kristus

4 Koae i kami kere mēta-
tangkiang si Kristus, ba-
hani ringangu maḷuasē mēha-
baru manga hingidu Ruata e
ku bēdang ta nikēkasingka-
tengu dunia. ²Kahumotong-mo-
tongange ghēgausang bou mēta-
tangkiang kerene e ute kai ka-
sasatia su mawune. ³Si sia e,
tawe makoabe apa-apa ku apaē-
wen tētinēnaēng ikamene di-
ngangu i sai-sai mētētinnang

ia. Limembo katewe apan taku lëennaëng maanum batangengku e tawe mēkapura wue. ⁴Ia e tawe nakapēndang salaku balawe mēnsang suhalē sude, kai ene e walineuwe maūliu ia mamben ta salaku. Kētaeng Mawu sēsane mēnantune mēnsangbe ia nēsala arau tala. ⁵Ualingu ene, puhinengu wēdang baline tempone, kumbahangbe i kamene mēsahawu mēnantu sēngkatau-sēngkatau e pia salane ringangu tala. Pēngampalēko sarang darēntan Mawu e. Kai i Sie hēdong mēlahē u kēbi rahasia e mābawuni su rēndunge. I Sie e kai sarung mēlēke patiku ēnning mādarēpehē suralungu naungu taumata. Su tempo ene wuhūewe sēngkatau-sēngkatau mēnarimau raralo wou Mawu e tuhūewe hinong ikatarima e.

⁶Manga anau sēmbau! Bau-gu pandungang i kamene e, ia e seng napakatarangu patiku ene si kanduang Apolos. Timonane e tadeau wou aha i kandua e ute i kamene makapētēnno apa mangalem bawera, "Pēmpēngumbebe sua-pang kewe pēlatorang ku pia e." Mādiringbe pia u sēngkatau woi kamene e mētētēngkarangē u naunge kapēlēhinakange waline.

⁷I sai wue tangu mapakariading anau sēmbau e limembo wou waline? Ku patiku sabarange walineuwe nitarimau wou anun Duata tangu? Ku unue mapulu mētēngkarangē u watangeng, ku apam pia sikau ene alingakai walineuwe sēmbau gaghelli tangu?

⁸Kahēngang bue i kamene semben tawe lai mēgausē apa-apa! U i kamene e seng narotong! I kamene semben naratu! Dingangu i kami e tala wue. Limembo-weng kapiaēnge kereu i kamene kahēnga-hēngangbe seng nakoā datu, tadeau i kami e makapēparentawe ringang i kamene. ⁹Kai tuhūewe tingirangkue, i kami manga rarolohange, seng kinoā u Ruata e wawialaēng su tēngon taumata e ringangu manga malaekatē. I kami e kai tabidau taumata raralakisē kinanawoēngu hukumang papate su tēngon lawo e ringangu wēbansagheng u dunia. ¹⁰Ualing'i Kristus e, ute i kami e kai narekeng taumata wodo, ku arawe i kamene ute kai tau Sahani pande! I kami e kai lome, arawe i kamene e matoghasē! I kami e ipēlēghesē, dingang u i kamene rēdaloēng. ¹¹Sarang orasē ini i kami e nakahombangke karalunusē dingangu kararou; pakeang i kami e

kate nalēmbe su wadang; tau-mata e manigēsā si kami, i kami e tawē tampa i kami e tapē; ¹²i kami e mabau u munarang kami ualingu liaghang gati e mēdēdeā biahē. Kereu i kami ipakawontogē e, i kami e mamalīsu alamatē, kereu i kami e tingkaitange ute, i kami mētēngkasabarē; ¹³kereu tau-mata e mapakadalakis'i kami e, i kami e mamalīsu wisara alusē. I kami e tawe nangēlembo wou onasu dunia ini e, sarang tempo ini e i kami e wēdang madarekeng kere raralindaēng.

¹⁴Ia e namohē u ini e si kamene balīnewe waugu mapakameang kamene, kaiso kawē mēnasa si kamene kere manga anaku tutune. ¹⁵Watuu ia e kai makoa iamang i kamene, maningbe aramanung kere tau Sahani i kamene seng pia mananēntirone mapulo hiwu su kataune. Su pēbawiahu kere taumata ku nasēmbau dingangi Kristus, ia e nakoā i amang si kamene, batuu kawē ia e nēbawa Injilē maanung Kristus e si kamene. ¹⁶Batuu ene ia e mēgēgausē sēngapam botonge tadeau i kamene e pēmpētēno-ko si sia e. ¹⁷Baugu ene e ia

e sen nēndolohi Timotius si kamene. Mihino tumatolē si Kristus, i sie alīngkai anaku tutune ikēkēndagē. I sie anā botonge kapēngumbalaēng. I sie hēdowe sarung mapētahēndung i kamene e suhalē u kakakoā u pēbawiahē ku taku tētōlēng sarang sen nangimang si Kristus, ku kai kakakoā u pēbawiahe taku itētēntiro suapan jamaatē walae-we mēnsang suapa.

¹⁸Pira-pirangkatau wo'i kamene e seng nēngkaobotē, u i sire māngēnnau ia e tawe sarung dumēnta anung kamene. ¹⁹Kai kereu Mawu e mapakawalang ia e rumēnta kapia tā kādēngu e solong anung kamene. Hēdowen su tempo ene e, ia sarung lai makasilo apang kinoā u taumata naunge marangē; balīnewe kētau su waweran sire samatang. ²⁰U kamageng Mawu Ruata e mēparenta su pēbawiahu sēngkatau e, halē ene tangu malāhe bue supēwiahu taumata ene e, walīnewe ualingu wawerane. ²¹Ku pēmpēmīlē e apawue lembong i kēkapulung kamene! Apa i kamene mapulu ia e rumēnta manēntiro mahēgisē arau masikome ringangu kakēndagē?

Kawawuang suraḷungu jamaatě

5 Tuhū hinone iā seng nahombang habarě nasěsahě u sutaḷoarang kamene e kai pia pěsasundalě maḥěmpaḷiu: Pia u woi kamene někapapuěng si mamane uata. Taumata apam bėgang Mawu e maḷain tawe měkakoā kerene! ²Maning kere- ne, kai mang bėdang marangě naung i kamene e. Sěmbaḷiau i kamene kawe hinong měngkasu- sa, ringangu mapasėbang i sire apang měmpěkěkōā ene e wou taḷoarang kamene e. ³⁻⁴U iā e maningbe marau tuhū badange, kaiso tuhū dokě e ute ene wue sutaḷoarang kamene. Ku ene, iā e kai něnawong putusang aḷing- kai ene sutaḷoarang kamene. "Su arengu Mawu Yesus Kristus iā mauḷiu i saing ku seng někōā ka- raḷamuhū e ute harusě ihukung!" Kereu i kamene měmpěkomolě e ute mėsulungu iā maḷaing e- ne sutaḷoarang kamene ringangu uaḷingu kawasan Mawung kite i Yesus, ⁵ute i kamene e hinong měnarakangken tau ene su setang tadeau mapakawinasam badange,

arawe himukude maambang su tempon Mawu e ruměnta kapia.

⁶Dalesa i kamene e mam- ben ta nětatahino. Aramanung i kamene masingka u wawe- ra, "Haesě^c kadodo e makatu- wo kěbi tapoěng^d nikaugě!"

⁷Děmmeko kaḷamona haesě těbe, arau haesu rosa e, tadeau i ka- mene mariadiwe kaḷaukangu ta- poěng buhu, wurěsi wou ḷahae- su rosa těbe ku iā e masingka batūu i kamene mambeng kerene. Batūu, pēmamantugu ěllong Pas- kang kite e seng nasadia, watūu i Kristus seng nakoā dombang Paska'ng kite e kara kawe se- laing nihata. ⁸Ku mahi e i kite mēmantugě saliwang i kite e ri- ngangu borotě ta nilěhaesang, mangalene borotěeng kasasusi ri- ngangu patiku apan nětatahino su kapulun Mawu Ruata. Kum- bahang i kite e mēmantugě ěllon Paska e relaing měpake u borotě pia ḷahaese těbe, ku kai ḷahaesu rosa e ringangu karaḷamuhū.

⁹Suraḷungu suratěku tamai naḷiu, iā e nėsěding si ka- mene tadeau i kamene a- be pěmpědalahapi dingangu ta- hapěsundalě. ¹⁰Kai iā baḷine-

^c kabō ^d gaḷěmpung = tepung

we maanung tahapēsundalē arau maḷaanggang arau tahapēngakalē, arau tahapanēm̄ba mahanduata ku mamben bēgawen Mawu Ruata maḍihutu. Waḷine! Ia e waḷinewe maḷiḷu i sire; u kamageng i kamene kawe harusē mētēngkaraun sire e, naḷahē u i kamene e hinong mahunsēbang bōu dunia ini. ¹¹Su timonaku e ute kai, i kamene kumbahang mēdahapī^e u taumatan Sahani e ku maṅakum batangengetau Sahani e, kaiso kawe tahapēsundalē, arau maanggang, arau tahapanēm̄ba mahanduata, arau puluange mēndaḷakisē taumata waḷine, tahawukang, arau lai tahatako. Kaḷingung kumaēng sēngkakaēng dingangu taumata ene e mamben kariē!

¹²⁻¹³Tēngadē buē mēhukungu taumata apam baḷine tau Sahani e waḷinewe haḷēku. Kai Ruata sēsane e sarung mēhukung i sire. Kai arawe maanun daḷohon jamaat'i kamene e, waḷinewe i kamene hala ngae hinong mēhukung i sire? Suraḷungu Winohē Susi e kaḃawohē, "Tokolē taumata raḷakisē e wōu anung kamene."

Mēngalakē i kamene su anum mēlahukung

6 Unūe piaḷu wōu taḷoa-
rang kamene wahani makoa solong anum mēlahukung ku tawe mēngangimang su Mawu e mēdeḷau mēngalakē u manga anaḷu sēmbau tamba pangangimang, kereu i sie mēsitori ringangu kasanggidange e? Unūe wue i sie tawe mēgaghausē masasusi e i pangurusē sidara ene? ²I kamene kai wēga u masasusi e sarungbe mēmpēhukungu dunia e? Ku kereu i kamene mambeng sarung iapēhukungu dunia ini, ute kai tawe makaumaḷē ngae mēhukungu kaḷawōu taḷudiki? ³Unūe i kamene kai wēga u i kite e kai sarung mēhukungu manga ma-laekatē? Nēngalembō e wue ute katewe haḷē u pēbawiahē mēllo-mēllo e! ⁴Tangu kereu sumēpu haḷē kere tamai ene, ute mēnsang i kamene mēngalakē u ene su taumata apang ku tā kaḷaianenge suraḷungu jamaatē? ⁵Mambeng makamamea! Tantu sutaḷoarang kamene manga anaḷu sēmbau e piaḷu pēsēngkatau e limembowe

^e mēdaḷahapī, mēhapī u

matahuënnā makalēm̄m̄ pēsasi-lontahē sutaloaran lawō dalōhon jamaat'u Sahani! ⁶ Kaisu su sēmbēkane piako sēngkatau Sahani nakoā solong anun tau waline Sahani e waugu sēndinganenge Sahani!

⁷ Balakong mēpērkarang baline tau Sahanie; kai pēsasilontahē sutaloaran lawō dalōhon jamaat'e e sembelain nakoasē mbau kananawong kamene. Maëndokangbe i kamene i koā su tā katulidē, arau kaakaleng! ⁸ Kai i kamene hala e saḷa anune mapakariadin taumata waliene e tawē katulide. I kamene hala e maḷaing mapakaruging taumata waline. Kū tamai ene e mang kēkoateng su manga anau sēmbau tamba pangangimang! ⁹ I kamene kai wēga u taumata kū ta tumatuhū kapulun Duata e, sarung tawe makoā dalōhon jamaat'u Mawu? Kumbahang bue i kamene kaakaleng! I sain mēmpēsēsundaḷē, i sain mēmpēnēnēmba mahan-duata, nawuang, kū mēkēkoā kakanoā makamea su tēngon sēndinganenge, ¹⁰ apan mētēta-ko, maanggang, tahawukaneng, apang mēngkai puluang mēndaḷai taumata waline, ringangu tahapēngakalē baline e – patikū

taumata kerene e tawe kapusaka-tengu kararatuangu Mawu Ruata e. ¹¹ Pira-pirang katau sutaloarang kamene naung piā lulune kerene. Arawe orasē ini i kamene nipakalahe u wurēsi wou rosa. I kamene sen nitani nakoā tataghuaneng u Ruata, ualingu i kamene mangingang su Mawu Yesus Kristus dingangu ualingu kawasang Rohkē bou Ruatang kite e.

Koako watangengu makaralo Mawu

¹² Piā u nēbera u, "Ia e wotonge makakoā patikū sabarang." Kai nihino si siā e, walineuwe kēbi e piā mangalene. Kū manilaing ia e makakoabe apa-apa, kai ia e tawe mapulu mapakawalam batangengku e walā e piā u mēkawasa. ¹³ Piā u lai nēbera u, kaēnge kai waugu tiang, dingangu tiange nisadia gunung kaēng. Kaisu kēbi e sarung iapakatadiseng Mawu Ruata e. Badangu taumata e tawe wotonge mēngkai paketang baugu kapulung pēsasundaḷē e kaisu pianē e wau-gu pētangkiang Mawu. Dingangu Mawu e sarung mēpaduli wadang ene. ¹⁴ Kū Mawu Ruata e seng napēbiahu Mawu Yesus bou papate, kerene lai Ruata e sa-

rung mapëbiahi kite ualingu kawasani'E.

¹⁵ Manga anau sëmbau masingka u watangeng i kamene kai laesu wadangi Kristus. Ku botonge ngae ia makapëngala sëmbau bou laesu wadangi Kristus mase ipakakako laesu wadangu sëngkatau tahapësundalë? Mambeng kumbahang! ¹⁶ Arau aramanung i kamene wëdang bëga u taumata apan mëdalau u tahapësundalë e, ute kai mako badang sëmbau dingangu tahapësundalë ene! Kai suralungu Winohe Susi kabawohe u, "Irëdua e nako sëmbau." ¹⁷ Arawe taumata ku mëtëngkatakidë dingangu Mawu, ute Rohkë u Mawu e ringangu rohkë e nako sëmbau.

¹⁸ Pëtëngkagheako wou pësasundalë e. Watuu patiku dosa waline e kino u taumata e, nariadiwe sulikudu wadangu tau ene. Kai arawe isain nëko pësasundalë, ute mësësalang badange tutune. ¹⁹ I kamene harusëbe masingka u wadangi kamene e kai pëttanakengu Rohkë Susi. Rohkë ene e matana suralungi kamene. Mase Mawu sësane ene kai nëngonggo u Rohkë ene si kamene. Batangeng i kamene

e waline i kamene taghuange, ene kai tataghuangengu Mawu Ruata. ²⁰ Ruata e seng nëmëlli si kamene ku seng nasueng baehe. Ualingu ene ute, koako wadang i kamene tadeau mapakawantugu Mawu Ruata.

Pëkakakiwalong halëu pëkakawing

7 Ia e reng mahumbisarang apang nibawohe suralungu surat'i kamene. Sëngkatau esë ku tawe nëkawinge mapiawue. ² Mëdeau i sie tawe kawinsanaëngu mëko apan tawe mëtatalahino, sëngkatau esë e mapiawe pia kawinge, ringangu apam bawine e mapiawe pia kawinge. ³ Kawing esë e harusë mëndalengu patiku munaran sëngkatau esë su kawinge, ringangu marehokange harusë mëngganapë kalawou munarang sëngkatau wawine su kawinge esë e; sëngkatau-sëngkatau e mëngganapëbe munarane sëmbau su waline. ⁴ Marehokang e tawe kawasa su wadang e hala; pia kawasa su wadang e kawe kawing e. Kerene lai esë e tawe kawasa su wadang e hala; pia kawasa su wadang e kawe marehokang e. ⁵ Kumbahangbe mëtëngkaghea

səngkatau wou kawinge, tuhue-we tundung pəsəngkawingang. Botonge su pəsəngkakuhuange asal_ru ruambəka e səngkanaungbue. Kamageng kerene ute makapanuntube pəkaka_rliomanenge ringangu taw_e konsange apa. Arawe wou ene ute, i kamene e harus_e be pəmpəsul_e pəmpəta-tamba tuhu tundung pəsəngkawingang. Kereu wal_rinewe kerene ute, ka_rdingabe i kamene kasal_rkatengu setang, ual_ringu i kamene ta pətatingkədange.

⁶Ia e məbəbera kere ini e wal_rinewe kere məpəparenta, kaiso kawe tabida_ru sasaləntih_o.^f ⁷Ia nəngalembom puluang kereu kəbi taumata e mako_a kere ia. Kaiso səngkatau-səngkatau e kawe seng nahia_r u laonggo u tataləntu si sie tutune wou Mawu Ruata. Səngkatau seng nitilakehu kereini, wal_rine e lai kerene.

⁸Su taumata apan tawe nəkkəkawing dingangu su manga wawine wal_ru e, ute sasaləntihoku e kereini: Mapiawe i kamene ka_rtatanə səsa kere ia e. ⁹Kai kereu i kamene tawe makapətingkədang ute i kamene pəmpəkawingke. U mapiawe i kamene məmpəkawing sul_rungu

mətatahangu ənning susahoka. ¹⁰Si sire apan bou nəmpəkawinge ute, parentaku e kai kereini: (Tulu hinone e wal_rinewe ia nəgəlli_ru parenta ini e, kaiso kawe Mawu). Səngkatau wawine ku seng bou nəkawinge ute kumbahangbe manəntangu kawinge. ¹¹Kereu i sie kawe seng nanəntang ute, ka_rtatanabe taw_e kawinge, arau pəpiang kawinge. Dingangu səngkatau es_e e tawe wotonge mapətal_rein kawinge.

¹²Si sire lai wal_rine ute waweraku – ini e kai sasasaku hala wal_rinewe Mawu e – u kereu səngkatau taumatan Sahani e pia kawinge tau wawine ku ta mangangimang si Kristus, ku kawinge ene e mapulu mēdal_rahiking u kawinge Sahani e, ute tau es_e e abe panindo si sie. ¹³Mase lai kereu səngkatau wawine Sahani e nəkawingu taumata ku ta mangangimang si Kristus, ku kawinge (es_e) ene e mapulu mēdal_rahiking dingange, ute tau wawine ene kumbahang manindo kawinge ene. ¹⁴U tau es_e ta mangangimange kawe nitarima_r u Ruata e ual_ringu pəkakawinge ringangu tau wawine ku seng nako_a tataghuanengu Ruata. Ke-

^f Sasasa = nasihat

7:10-11: Mat. 5:32, 19:9, Mrk. 10:11-12, Luk. 16:18

rene lai tau wawine ta mangangimange nitarima u Ruata e ualingu pëkakawinge ringangu tau esë kù seng nakoã tataghuanengu Ruata. U kereu walineuwe kerene ute, manga ana i sire e tantu kai manga ana tau kapiře e, sëmbaļu manga rariõ kawe nakoã kere ralohon jamaatu Mawu. ¹⁵ Kai kamageng u taumata ta mangangimange kai manëntangu kawinge (wawine) arau kawinge (esë) Sahani e, ute kumbahang mametõ si sie. U su halë ini e ute baë bawine arau lai esë e walawe i sie, u Mawu Ruata e kawe mapulu tadeau i kamene e apëbiahëbe su pëdarame. ¹⁶ U laha u i kau sengkatau wawine – kù seng nangimang su Mawu e – kereapa wue i kau makakasingka kahëngang u i kau tawe makaambang kawingu e? Kerene lai i kau sengkatau esë Sahani e kereapa wue i kau makakasingka malahe u i kau tawe makaambang kawingu e?

**Pëbiahe i kau e kere
sengkatau
iwëbihingu Mawu e**

¹⁷ Sengkatau-sengkatau pëhingide wiahe tumuhu aha u Mawu kerewe seng nitilakehu Mawu e si sie su tempon Mawu Rua-

ta e kimui si sie pëmpangimang si Sie. Kù ene e taku ilëatorë kerene su patiku jamaatë. ¹⁸ Um-pamane, kereu pia u nisunatë su tempon i sie nakatarima u kakuin Mawu e, tangu kumbahangbue tau ene makiuļu ëna u pësasasunatë e. Kerene lai kamageng pia ta nisësunatë su tempon i sie kinakuiangu Mawu e ute kumbahang bue i sie makisumatë. ¹⁹ U watu u tumuhu atorangu pësasunatë arau tala e mamben ta mangalene apa. Kapiaënge ute tumbau tutuhu kalawou titam Mawu e. ²⁰ Sëngkatau-sëngkatau e mapiawe katatana mëbëbiahë kere naung kakakoau i sie seng nakatarima u kakuin Duata. ²¹ Kamageng su tempon i kau nikuiang kawe naung ëllang, ute abe kasusang ene. Kù kamageng i kau semben makapëtëngkaliwirë, ute limemboweng kapiane. ²² U sengkatau ëllang kù seng nangimang su Mawu, ute kai taumatang Mawu nipakaliwirë. Dingangu sengkatau kù seng nipakaliwirë e seng nangimang su Mawu e, ute kai ëllang i Kristus. ²³ Mawu Ruata e kai seng nëmaehë si kamene dingangu kai seng nasueng baehe, kù ualingu ene ute, kumbahangbe i kamene mëtëngkakoã ëllangu taumata.

²⁴Ku i kamene, mauilaing kerea kakakoꝝ i kamene su tempon ni-kuiange kai i kamene e mēngkate pakatana mēbēbiahē kerene ka-daringang su Mawu Ruata.

Halē u hinong ta nēkēka-wing dingangu manga walu

²⁵Mihinowe su apan ta nēkēkawing. Su halē ini e, ia e reng ta nēnarima u laoro apa wou Mawu e. Kaiso kere sēngkatau ku ualingken tatalēntu u Mawu e ku hinong pangimangeng ute ia kai mapulu mēngonggou sasalēntihoku.

²⁶Kereu mēpatehē kalawou susa ramahi kadēntane, ute su pēndangengku e mapiangbe balae katatana kere. ²⁷Kereu i kau e seng nēkawinge ute abe kawe mētēngkapēllo⁹ bou kawing ene e. Kereu i kau e reng tawe nēkēkawing ute manieng tawe mēkawing. ²⁸Kai kereu i kau kawe nēkawinge ute walineuwe rosa. Kerene lai kereu sēngkatau mahuala e mēkawing, ute walineuwe nēkoꝝ dalawang. Kētaengbeng i sire apan nēmpēkawinge kai mēsombangu haghin sigēsa. Ku ia e kai mapulu tadeau i kamene kai maliu wou kalawou haghin sigēsa ene.

²⁹Timonaku e kai kereini, manga anau sēmbau: Tempong kite e kai kadodo. Tēntalang ene ute, manēta bou nēkawinge ute pēbiahēko kere sēngkatau ta nēkēkawing; ³⁰i sain susangi, ute tabidau mēbēbiahē ta susan naunge; i sain rulēge ute tabidau ta karaḷuase; i sain seng bou nēmpamēlli e tabidau ta managhuang apa-apa; ³¹dingangu i sain mēngkai kaḷausihē su halē u madunia e ute pēmpēbiahēko tabidau ta tasibung kēbi-kēbi ene. U semben tawē kadēngue dunia ini e, u suralungu kakakoꝝ e kere orasē ini e ute sarungbe maparung!

³²Kapuluku e tangu kai tadeau i kamene maliu wou sigēsa. I saing ku ta kawinge ute kai reng makapēsēmpī u tinēnnane su munaran Mawu e, u i sie mapulu makaḷuasē naungu Mawu. ³³Arawe i saim pia kawinge ute sarungbe mēngkai mētētinnēnan halēu dunia ini, batuu i sie mapulu mapakaḷuasē naungu kawinge; ³⁴ku pulise ute naunge kai mapahia. Sēngkatau wawine ta kawinge arau sēngkatau mahuala e, mēngkai sarung mēsēsēmpī halē u Mawu e, u i sie mēngkai lēlahimpuluangu wadange ore lai

⁹ mētēngkapēta = melepaskan diri, menceraikan

rohķę e makoạ tataghuanengu Ruata. Kai arawe sęngkatau wawine kų seng nękawinge, ute kai maşasuagę tinęnnane su haļę u dunia ini, u i sie mapulu mapakaluasu naung u kawinge.

³⁵ Ia namohe u patikų ini e, kai waugu i kamene hala, waļinewe mapulu męşędingu ini ringangu męşęding u ene. Enningku e tumbaben tadeau i kamene makapanuntų mękoạ apan matatulidę e ringangu katęngadę e ringangu tadeau i kamene mamumang dingangu matinalung męşęmpį u tinęnnang kamene su Mawu e.

³⁶ Kereu piaų sęngkatau makapęndangu ta makahino pękakoạ e su kaghiange, kereu i sie tawe makapętingkędangu kapulune, mase i sie seng makapęndangu hinong mękawing dingangu wawine ene, ute waļae pękakoạ e apang kinapędangenge kų mapia. I sie tawe nęsaļa kereu i sire mariadi mękawing. ³⁷ Kai kereu pęsęngkatau e seng nękoạ putusange suraļungu naunge kų semben tawe mękawing dingangu putusange waļinewe nisihasa, tangu apang kų kinoạ ene e mapia, kamageng i sie tawe nękawingu kaghiange, asaļu i sie natahutęngadę bue su

naunge. ³⁸ Hatede, i saim nękawing, mapiang koạ e, ringangu i sain tawe nękawing, limemboweng kapiane lai kakakoạ e.

³⁹ Sęngkatau wawine kų seng nękawinge maķakauhę dingangu kawinge karęngueweng kawinge wiahę. Kereu kawinge seng nate ute, wawine ene sembeng makapękawingu ese ķękapulune, asaļu pękakawing ene e kai pękakawingu Sahani. ⁴⁰ Kai limemboweng kapiane kereu i sie semben tawe saų mękawing. Ene e pędangkuwe sęsaku, kai su naungkų ete wue maļaing Rohķę u Mawu e męngęngaha si sia.

Halę u kaęng ighęgęlli sasęmba su mahan duata

8 Su haļewen manga kaęng kų ighęgęlli paņęmba maha'n duata e. Kahęngang bue naung kere nipęberan taumata u, "I kite ķębi e seng nęngkapande." Kai-so kapande nakariadi taumata e naobotę, arawe kai kakęndagę e mamangung pęsęngkatau. ² Taumata kų maļių i sie lawo kasingķae, ute tumuhų hinone ute kai kasingķa e tawe kararaļunge. ³ Arawe kai taumata kų tęngatęngadę kų ķęndagu Mawu Ruata e, ute i sie su kasingķaben Duata.



Duata'n tau Yahudi (8:5)

⁴Su halĕ u kumaĕng kaĕng ku seng nisĕmba su mahan duata e, kai mĕlĕlahĕ u barang tala. Dingangu i kite mambeng lai masingka u Ruata e mang sĕmbau; tawĕ u walĕne. ⁵Tĕngadĕ bue maĕlaing lawo isĕsĕba duata ringangu mawu; baĕ su ĕangi arau su wowon dunia. ⁶Kai arawe si kite e, Ruata e mang sĕmbau. I Sie kai i Amang nĕndia-di patiku. Kai waug'i Sie i kite e mĕbĕbiahĕ. Dingangu Mawu e kĕtabenlai sĕmbau, ku kai Yesus Kristus. Kai wo'i Sie patiku saĕbarange niriadi, ringangu kai ualing'i Sie tangu i kite e nakaĕbiahĕ e.

⁷Maningbe kerene e, walĕnewe kĕbi makakasingka u ene. Piaben naung kaĕlamona e nanarangbe maĕnĕmba mahan duata. Ku ualingu ene ute saraweng orasĕ ini e ute i sire wĕdawen makapĕndangu kaĕng, ku seng nisĕmba su mahan duata e, kai kaĕngu mahanduata. Tangu maĕngu i sire kumaĕng kaĕng ene ute i sire makapĕndangu kai limawang; batuu pĕngangimang i sire e wĕdang ta natoghasĕ. ⁸U tumuhu hinone laidopĕ hala e wĕdawen tawe makakasĕgadĕ pĕdaĕlahĕmpukang i kite e ringangu Mawu Ruata e. Kereu i kite e kumaĕng kaĕng ene e i kite

tawe makahombang be ka_laun-
tung apa-apa. Susëmbëkane e ke-
reu i kite e tawe kumaëng kaëng
ene e i kite mamben tawe maru-
gi.

⁹Kaiso, pakaingatë bue!
Kumbahang bue sarang tauma-
ta wa_line e manawo surosa –
ua_lingu pëngangimange wëdawen
ta natoghasë – u watuu i ka-
mene e mëngkawe wa_laewe apa
koateng. ¹⁰Sutimonakue kai ke-
reini: Andene i kamene apan ma-
toghasë supëngangimang e, kute
u kawe ma_hungkaëng sura_lungu
wa_len pa_nanëmbaëng su ma-
handuatae. Bøu ene pësengkatau
pia_u makasilo si kamene ma_iang
kukaëng sene. Kereu pangangi-
mang e ta toghase, ba_linewe ma-
kawahani taumata ene kumaëng
kaëng seng nisëmba su mahan
duata ngae? ¹¹Ku ua_lingu e-
ne, tangu pëngangimang i kame-
ne e makapanoghasëbe si saing
apan pëngangimange lome ku na-
palidë. Sumbaliu i Kristus e ka-
we napohong ma_laing baugu tau-
mata kerene. ¹²Dingangu kereu i
kamene mëko_a pësasa_la su manga
ana_u sëmbau Sahani e – ute i ka-
mene e kai nënggolang pëngangi-
mang i sire e ku seng tëbe lo-
me – tangu i kamene ute nësasa_la
su tëngong Kristus. ¹³Kai ene

hakiu, kamageng laidopë e kawe
makakatanggan ana_u sëmbau e,
ute ia e semben tawe kumina gësi
e sarang sënsulë. Madiriweng ia
mako_a katatanggaëng su ana_u
sëmbauku.

Hakë dingangu pamamewë u munaran manga rarolohang e

9 Lëënaëng, ia e wa_linewe tau-
matan kara_liwirë ngae? Arau
ënaëng ia e kai wa_linewe raro-
hang? Ia e kai tawe nakasilo ho
tangu! Si Yesus, Mawung kite?
Unu e i kamene kai wa_linewe
lënnau munaraku e waugu Ma-
wu tangu? ²Kamagengbeng i sire
wa_line e kawe tawe mangakung ia
e kai rarolohang, ute mëtëngka-
kadodo i kamene mangaku wue
ene! U pëbawiah'i kamene tau
Sahani e ute kai tatialang ia e kai
sëngkatau rarolohang.

³Kereu taumata e mëmpa-
nëngkulë si sia, ute ia kai sumim-
bang kereini: ⁴Ia e kai ta hinone
makatarima u kakaëng dingang-
u lainung ua_lingu munaraku? ⁵Ia
e kai ta hinone mëbawa sëngka-
tau wawine kawingu taumatan
Sahani e sëngkara_leng dingang-
ku kere su manga tuarin Mawu
Yesus dingangu manga raro-
hang ba_line e, kere i Petrus?


⁶ Arau kai i kanduan Barnabas kapapiane e mēdeā biahē hāla e tangu? ⁷ Tawē bēke soldado e mangongkosē batangenge sēsane suralungu wuntuangu mēsaseke e! Tawē apa mēlahēnsinuange mēsuang anggorē e su waele kṽ tamakakaēng buane! Tawē apa mēlalukadu domba e, kṽ tawe mēnganginung susu wou manga dombane!

⁸ Ia e mauḷi u ini e walineuwe kētau itētuhṽ tundu ēllo-ēllo, kaiso kawē lai ualungu pēpaulikangu Winohe Susi e. ⁹ Suralungu bukē i Musa e kabawohē u, "Kereu sapi e kapēdalindane gandum pañontongang buane wou wulihe ute, kumbahangbe haktang mohonge." Kai mēsēmpṽ sapi e tangu Mawu Ruata? ¹⁰ Arau kai ene ngae timonane si kite? Tēngadē bue ene e niwohē baugi kite. U taumata mēbawaele ringangu mēmamurēsine gandum e sembeng hinone mēkaradiahang dingangu pēlaharapē mēdeāu makatarimaṽ sēngkamonaēng bou nēngga u halē e. ¹¹ I kami e seng nēnawuhu wineng marohkē si kamene. Tangu kamageng i kami e makapamēnsa, bou rarotong i kamene, ute mēnsang i kami e

manuntṽ nēngalembong kalawōe wō'i kamene? ¹² Kamageng taumata waline e nakapētambaweng kawasa ini e si kamene, ute kai walineuwe i kami e nēngalembō lai piā hakē e wou i sire tangu?

Kai ia e wēdawen tawē nēpakeṽ kawasa ene. Kaiso ia e maēndokangbe mēnaludē patikṽ e sulungkeng ia e makakoā sashaghe su pēlahabaru Injili Kristus e. ¹³ I kamene tantu masingka bue u isain mēmunara su ghaheda nēnarimaṽ u pēbawiah'i sire wou ghaheda. Dingangu i sain mēngangurusē sasēmba e, makareabe wahageange wou sasēmba nisarakang sene. ¹⁴ Kereu lai Mawu e seng nēnilakehē u taumata apam mēmpēlēhabaru hengetang e hinong makaēba biahē wou pēlahabarē ene.

¹⁵ Kaiho ia mamben tawē nēpēpakeṽ u tamai ene sarang kadidi. Dingangu ia e namohē u ini e walineuwe lai ia piā kapulu tadeāu kēbi-kēbi ene e koateng si sia e. U ia ēndobem mate, sulungu kailangeng u apan makalahimpulu si sia e. ¹⁶ U, kereu mēhabaru Injilē e, ute ia tawe hinone lumesa u watangeng batṽ Mawu Ruata e



Sapi kapèlèhndane gandum (9:9)

seng nëngoro pěkëkoā ene. Ku kaëngkëhang iā e, kereu iā tawe mēhabaru Injilē e! ¹⁷ Andene kapuluwen naungku e mēkoābe ene ute iā e makaēbābe tatendenge. Kai iā nēhabaru Injilē e watū kai pētatangkiang niumbala si siā. Iā e pinēnarakanengu Ma-wu Ruata e pēdēndaḷengu ene. ¹⁸ Kamageng kerene ute, apa wue tangu tatendenge si siā? Kai ini e tatendenge: U iā e makapēluntingihu Injilē e tawe makakawēha si sai-sai ku hinong mēmaehē si siā, u iā e tawe manuntū apa-apa kere sēngkatau mēlahabaru Injilē e.

¹⁹ Iā ini e walīnewe ěllang i sai-sai; watū iā e kai taumata mēngkate kere ěllangu kēbi. Iā e mēkëkoā kere tadeāu iā e makauntuwe sēngapang kakēpalē waug'i Kristus. ²⁰ Baugu tau Yahudi e, iā e mētēngkakoā kere tau Yahudi e, tadeāu iā makawitaugē^h tau Yahudi baug'i Kristus. Baugu taumata mēbēbiahē tutuhu torat'i Musa e, iā e nētēngkasulung i sire aḷing kai wēdang masasēllung su toratē maningbe sēmbaḷiau iā e walīnewe masasēllung su toratē. Iā mēkëkoā kerene e tadeāu iā e wotonge makawoleng si si-

^h makaḷombang = makaologē = memenangkan

re makoa tumatuhu si Kristus. ²¹Baug'i sire woline Yahudi e, ia e mētēngkasulung kere sēngkatau woline Yahudi e, ku ta torati Musa. Ia mēkēkoa kerene e tadeau ia makakawoleng si sire makoa tumatuhu si Kristus. Kaiso ene e walinewe maanun ia e ta tumatuhu su manga titan Duata; kaiso kai ualingu kakanoa u kawang hengetangi Kristus. ²²Sutałoaran taumata pangangimange lome e, ia e małaing mētētēngkako kere tau lome pēngangimange tadeau ia makawoleng si sire makoa tumatuhu si Yesus Kristus. Hate-de, ia e mēngkatewe mētētēngkasulungu kēbi e mēdeau kēbi taumata e manimbeng suralenge kereapa tadeau ia e makapangambangbe sēmbahageange wo'i sire.

²³Kēbi ene e taku kēkoa-tenge waugu Injilē bou Mawu Ruata e, tadeau ia e makatarima u alamatē. ²⁴I kamene tantu masingka u suralungu pētandungu mahuntalange ute kēbi e mahuntalang bue, kaiso kētaeweng sēngkatau makapanarima pēreisē. Ualingu ene ute talangko pakatoghasē sarang i kau makahombangbe pēreisē e. ²⁵I saing

ku makēhagē mēnēnaungu tandunge, ku mētētingkēdang su kēbi haghi e. Ute i sie mēkēkoa ene e ualingu i sie kai mapulu makisangē u bungang'i sain makauntung, kai kawe bungang małigha malolang. Arawe i kite e kawe mēpēpuhēdangu patiku sabarange u i kite e kawe mapulu makisangē u bungang tamalolang. ²⁶Kai ene hakū ia e tumalangbe pia timonane matuntu. Mēsulungu su tandingu koka,ⁱ ia e abe mēngkai māngoka winangaeng. ²⁷Ia e mēngkai manarakangkeng badanku e suaha e matoghasē sarang ia e makataludē e. Ia mēkēkoa kerene e watu ia e tawe mapulu sarang mariadi u sarangke ia e wouten nēmaringang taumata woline e apatole pētandungange, kai ia sēsaku e kawe suhudang.

Tatumbalung maanung halē u mahanduata e

10 Manga anau sēmbau! Kēnnangko i kamene pētahēndung mēnsang-apa wue nariadi su manga iupung-ghaghu-rang i kite e, su tempōeng i sire tutuhu si Musa. I sire kēbi e nitanurangu winawa e ku na-

ⁱ boksē = tinju

sałamatë limëba laudu Kolsum.
²Makoạ tumatuhụ si Musa e, i sire kěbị e nisahani surałungu winawa ringangu surałungu laudë ene. ³I sire kěbị e sěngkakaěng kaěng marohkë e, ⁴ringangu sěngkapěnginung inumang marohkë e gahie sěmbau. I sire kěbị e němpěnginung bọu ake u watu hanibë marohkë e ruđěndingang si sire; watu hanibë ene e ute kai i Yesus Kristus sěsane. ⁵Maningbe kerene, Mawu Ruata e tawë karałuase si sire kaławokange, ku kai ene hakiu manga kasuang i sire měngkai lułiwatang su wanua linggi e.

⁶Patiku ene nariadi e mędeau makoạ tateghang si kite u kumbahang i kite děntaěngu kapulu su halë dalakisë e kere si sire. ⁷Kerene lai kumbahangbe i kite e męsuba mahanduata kere kěkoateng u sěngkamonaěng bo'i sire. Surałungu Winohe Susi e maławohe, "U taumata lawo ene e nanětae nahungkaěng dingangu němpěnginung, mase němpěsałai e mańěmba mahanduata." ⁸I kite e abe pěmpěkoabe pěsasundalë kere kěkoateng u sěngkamonaěnge wo'i sire. Watuu, ruam-

pulo těllu hiwu su kataune něngkate surałungu sěhěllouałungu pěkakoạ kerene. ⁹I kite e tawe wotonge měmpěnałuka Mawu e kereewe seng kěkoatengu sěngkamonaěng bo'i sire naung kałamona e ku i sire něngkateng kiking těmpu maghaghiađë. ¹⁰I kite e wue abe pěmpěkurubu kere kěkoatengu sěngkamonaěng bo'i sire kałamona e, hakiu i sire nipate kahian Malaekatu Papate.

¹¹Patiku ene nariadie si sire makoạ tateghang ku ikakirałang taumata waline e. Dingangu kěbị ene niwohe lai tadeau makoạ sasalěntihọ si kite e. U i kite ini e kai měběbiahë surałungu kasueěngu tempo.

¹²I saim měpěpěndang batangenge ruđarisị matoghasë e, pakapia wue mađirim mawatang. ¹³Apam bawitaugë kěkahombangeng i kamene e měngkai seng milěhombang su apan taumata e. Kai arawe Mawu Ruata e mang satia su kědon'E. I Sie ta mapakawalang kamene e sałukateng limembo wou kuat'i kamene. Su tempong i kamene kaěbakengu wawitaugë e, i Sie sarung-

^j Sasałuka = Cobaan

10:3: Sas. 16:35 10:4: Sas. 17:6, Pět. 20:11 10:5: Pět. 14:29-30

10:6: Pět. 11:4 10:7: Sas. 32:6 10:8: Pět. 25:1-18 10:9: Pět. 21:5-6

10:10: Pět. 16:41-49

be mangonggou ralenge si kame-
ne, tadeau i kamene matoghasë
kū makakëdang mëtatahangu sa-
salukā e.

¹⁴ Ualingu ene ute, manga
anau sëm̄bau ikëkëndagë e, i
kamene kë̄nangko pë̄mpëbinsi u
palāhamawu mahanduata e. ¹⁵ Ia
e më̄bë̄bisaraweng kamene e ke-
re su manga taumata matata-
huë̄nna. Kë̄nnangko i kamene ha-
la e pë̄mpëtimbang baweraku ini.
¹⁶ Pia i kite kapë̄nginung e ang-
gorë kū makitarimakasë su Mawu
Ruata e, ene walinēwe mëlë̄lahë
u i kite e nasëm̄bau dingang'i
Kristus suralungu kapapohong'E
tangu? Dingangu pia e i kite
kapë̄papahiaem boratë më̄deau
kanengang së̄ngkapahungkaë̄ng,
ene walinēwe mëlë̄lahë u i kite
e nasëm̄bau suralungu wadang i
Kristus tangu? ¹⁷ Ualingu kawe
borotë e man sëm̄bau, kū i kite
kë̄bi e mālaing kimaë̄ng bōu bo-
rotë ene e, ute i kite mālawō ini e
kai wadang sëm̄bau.

¹⁸ Pë̄kakë̄llawē tau Yahudi. I
sire apang kimaë̄ng kaë̄ng makōa
sasëm̄ba e, ute kai i sire apang
nakoā tambang pananë̄mbaë̄nge.
¹⁹ Apa wue ngae ene? Mahan-
duata arau lai kaë̄ng sasëm̄ba

mahanduata e tawē mangalene a-
pa-apa. ²⁰ Apang nikoā sasëm̄ba
su panananë̄mbaë̄ngu mahandua-
ta e tawe ikasëm̄ba su Mawu
Ruata, kaiso kawe i sësë̄mban sire
su manga setange. Dingangu ia e
mādiri kū i kamene masëm̄bau
dingangu rohkē dalakisë̄. ²¹ I ka-
mene e tawe makapanginung bōu
ralohon lainumangu Mawu e, ma-
se kolai manginung bōu ralohon
lainumangu manga setang. I ka-
mene tawe makakaiang mëtata-
mba kumaë̄ng su medan Mawu
e masekolai mëtatamba kumaë̄ng
su medan manga setang. ²² A-
rau kai mapulu apasingkingu Ma-
wu tangu? Arau kai limembong
katoghase i kite e wōu Mawu
tangu?

²³ Pia më̄bë̄bera u, "I kite
e më̄ngkai wotonge më̄koā pa-
tikū apang kapulung kite e."
Kahë̄ngang bue! Kaiso walinēwe
kë̄bi kapulung kite e pia gunane.
"I kite e më̄ngkai wotonge më̄koā
patikū apang kapulung kite e," –
kaiso kawe walinēwe kë̄bi kapu-
lung kite e makapëtī pë̄bawiah'i
kite e. ²⁴ Kumbahang bue pia
sarang së̄ngkatau më̄ngkai më̄deā
kapiam batangenge sësane. Kai

səngkatau-səngkatau e kai hinong pasideā gunang kasanggidange.

²⁵I kamene mēngkai kēkina apang iwēba_lu su pasarē. Manieng tawe sēsuiang ka_limona, kereu piā ēba_u ra_lungu naungu. ²⁶Bat_uu sura_lungu Winohe_u Susi e ma_bawohe, "Dunia ini e ringangu patiku dalo_hone kai taghuanengu Mawu."

²⁷Kereu i kamene ghausang i sire ta mangangimange kumaēng, ku i kamene mēnarima gaghausē ene, ku pempēnarima e laidopē apaewen nisadia si kamene. Manieng tawe kiwa_loēng mēnsang kai wou apa laidopē ene tadeau tawe apawe kara_lumbēha su naungu. ²⁸Kai kereu piāu mēbera si kamene u, "Laidopē ini e kai seng niko_a sasēmba su mahanduata," ute kumbahang kumaēng kaēng ene, wat_uu mēpanda kakako_a u taumatane ringangu ra_lungu naunge. ²⁹Ia ba_linewe ma_uli u naungu, kaiso kawē ra_lungu naungu tau ene.

Aramanung piāu makiwa_lo, "Kai un_ue kara_loahu naungku e kawē isuka_be su kasingka_u u naungu wa_line? ³⁰Kereu ia mēpake_u u laidopē e ringangu tatarimakasē su Mawu Ruata, ute un_ue taumata e harusēbe

mapēsala_{ng} ia e su kakaēng ene e, sēmbaliau ia kawē seng nakita_rimakasē u ene su Mawu Ruata?"

³¹Apawue koatengu e i kau kumaēng arau mēnginunge – ute ko_a e patiku ene e baugu makaralo arengu Mawu Ruata. ³²Pēbiahēko sēngapam botonge tadeau i kau tawe mako_a katatangaēng su wa_line; baēbe i sire tau Yahudi arau wa_line Yahudi e kerene lai jamaat' u Mawu. ³³Pēmpēbiahēko kere ia. Ia e mētētawaka_li mapaka_luas_u naungu patiku taumata e sura_lungu patiku sabarang, tawēbe timonam baugu kapiam batangeng hala e. Timonaku e kētaewen tadeakengu i sire kēbi e iapakasalamatē.

11 Pēmpētēnoko sansahēku, mēsulungkewen ia mētētēnno sansahi Kristus e.

Halē u pētatimbuhung su
komola_{ng}kem
pēkaka_liomangang

²Ia e mambeng mēdēdalo si kamene u i kamene hanesēbe mētētahēndung si sia e, ringangu tutuhu tēntiro taku ipanēntiro si kamene. ³Kai ia e mapulu tadeau i kamene makakasingkau lai halē sēmbau, ku kai mako_a

těmbonang u manga esě u ute kai i Kristus, dingangu niakoạ těmbonangu kawinge ute kai esě e mase těmbonang I Kristus e kai Mawu Ruata e. ⁴Kereu sěngkatau esě e su tempon měkaļioma-neng arau měhabaru hengetangu Mawu su těngon taumata ļawo e ku měpakeu tataka těnbō e,^k ute tau ene makasamadē si Kristus. ⁵Dingangu kereu sěngkatau wawine su temponi měkaļioma-neng arau su tenipom měhabaru hengetangu Mawu e su těngon taumata ļawo, ku tawe něpake u tataka těmbōe, tangu wawine e-ne e makasamedē kawinge makoạ těmbonangu watangenge. Kerene ute tabidaen těmbōu tau wawine ene ute seng bōu nilungguhē. ⁶U kamageng sěngkatau wawine mađiri měpakeu paporonge ute mapiangbe uta e pakighunting. Arawe kamagengbe sěngkatau wawine e těmbōe ilungguhē arau uta e ghuntingang, ute e-ne kai sěmbau lahinakang si sie. Ku ualingu ene ute mapiawe i sie mēnaka těmbōe. ⁷Manga esě e maniweng tawe mēnaka těmbōe, u i sie kai awē dingangu kawawantugu Mawu Ruata e. Arawe

wawine e kai kawawantugu esě e, ⁸u esě e tawe niriadi wou wawine, kaiso kawe wawine e niriadi wou esě. ⁹Manga esě e tawe lai niriadi wagu kapulun bawine, kaiso kai niriadi wagu kapulung manga esě e. ¹⁰Ku kai ene, tadeau mapakaļuasē naungu manga nialaekatē e, ute wawine harusēbe pěpake u tatinibuhung^l su těmbō makoạ kere tatialan sie kai suaļungu kawangang kawinge. ¹¹Maningbe kerene e suraļungu pěbawiah'i kite tau Sahani e, wawine tawe mahae sēsane wou esě e, ringangu esě e tawe mahae sēsane wou wawine. ¹²U maningbe wawine humotonge kai niriadi wou e esě, kai wou ene esě e kai pinēhana bōu wawine; mase kēbi e kai wou anun Mawu Ruata.

¹³Kěnangko manga anau sěmbau hala mēmpětimbangu halē ini e: Měnsang mapia wue sěngkatau wawine měkaļioma-neng su Ruata su těngon ļawo, ku tawe paporonge? ¹⁴U seng lawo, masingka u, i kamene seng kinatěntiroēngu kamageng esě uta e manandu e ute tawe hinone. ¹⁵Kai arawe su wawine ute

^k Tatimbuhunge = penutup kepala ^l paporonge = tutup kepala

uta e kai nionggo pëlëhëmbung tēmbo dingangu uta manandu e kawē kawawantugë si sie. ¹⁶ Ho, kereu pia mapulu mēdarende-hu halë ini, ia kētaeng maka-werau waëbe i kite arau manga jamaat'u Mawu lai waline, kēbi e mang sēntunduang su jamaatë; sulikudu ene e mamben tala.

Pëpapërjamuang u Mawu

¹⁷ Su halë ini e, ia balinewe mēdalo si kamene. Pëkakakomolu pëkakaliomaneng i kamene wali-newe mapia nēnggæ, kaiso kawē makadalaki si kamene. ¹⁸ Humotong-motong ia nakaringihë u suralungu manga komolang kai pia u mēdararende-hë. Ku su pëndangu e habarë ini e mamben tēngadë. ¹⁹ U sembeng hinone sumëpu pēsasasēngkulë sutaloarang kamene, tadeau lumëta kahëngang mēnsang isai wue tau Sahani patutune. ²⁰ Kai arawe su tempong i kamene matatampung ute, kēkoateng i kamene e waline-we perjamuang Mawu. ²¹ Batuu su tempong kapahungkaënge ute i kamene sēngkatau-sēngkatau e mēmpëpapulahō mēmpangalakaënge sēsane, sarangbem pia tawe makaëba apa-apa, ku sēnggæ niwukangke. ²² Unue ke-

re? Balinewe pia baleng kamene tangu? Ku i kamene makapahungkaëng dingangu makapanginung sene! Arau kawē i kamene mapulu mēmpëndalakisë jamaat'u Mawu mase mapakamean taumata kasiang? Ku kai mēberaeng apa tangu ia e si kamene? Arau kai harusë pēdalo si kamene ia e tangu? Tala! Haeng badangu e ia mang ta daloku si kamene.

²³ U taku ipanëntiro si kamene ute, apaewen taku tētarimakeng bou anun Mawu e sēsane: batuu su hēbi ene pia e i Yesus, Mawung kite e niakaleng, i Sie tangu nēngalæ borotë, ²⁴ dingangu wouten i Sie nakitari-makase u borotë ene su Mawu e, ute nikakakempange, mase nēberau, "Ini e kai wadangu ku nisarakang baugi kamene. Koako ini e tatahëndung si Sia." ²⁵ Kereu lai nasuëng kaënge, ute nēngalæ panganginumangu anggorë e ku nēbera, "Anggorë ini e kai pëkakakëdo'n Duata wuhu, suralungu raha'Ku e. Sua-pang i kamene manginung ini e, ute koako ini e ipētahëndung si Sia." ²⁶ Ku kasaueweng i kamene kukaëng borotë dingangu manginung anggorë ini e ute i kamene

měļēhabaru kapapohongu Mawu e saræweng i Sie ruměnta e.

²⁷ Ualingu ene e, isaing kumaęng borotē u Mawu e ringangu u manginung anggoru Mawu e kų tawe nihino, ute i sie nēsala su tēngom Mawu e kų seng nēnarakangu wadange ringangu rahane. ²⁸ Kų sęngkatau-sęngkatau e harusēbe pamanikabe^m watangenge kałamona, buhųewe i sie kaęng bų borotē dingangu panginung anggorē su panganginumange. ²⁹ U kereu taumata e kumaęng borotē dingangu manginung anggorē kų ta mětatiham badangu Mawu e ute i sie makatarimaų papahangu Mawu e waugu watangenge. ³⁰ Hakių ene maławų bų taloarang kamene apam masasaki dingangu lome sarangbelain mate. ³¹ Kai kereu i kite e mēmariķsa watangeng i kite kałamona, i kite tawe ihukungu Ruata. ³² Kai kereu i kite kawe ihukungu Ruata, i Sie sarung męnggeserē si kite, tadeaų i kite tawe ihukung sęngkakahukung dingangu dunia ini.

³³ Ualingu ene manga anaų sęmbaų kų kereu i kamene męmpękomolē kumaęng su per-

jamuang u Mawu e ute i kamene e pęmpępapahędo wue. ³⁴ Kereu piaų mahutung, ute i sie harusēbe kaęng bų walene kałamona. Kereu i kamene kawe tawe męngindakangu ini ute komolangu pękakałiomaneng i kamene e kai makaręntan hukumangu Mawu e su watangengu e. Arawe suhaļęewe lai waline e hędon takų iatorē maęng ia maręnta.

Laonggo Marohķē

12 Arawe kaławų laonggo mararohķē e. Manga anaų sęmbaų, ia mapulu tadeaų i kamene makakasingķa kahęngang-hęngang. ² Pętahęndungke watų su tempong i kamene wędawen tanakakirała Mawu e," i kamene kai kękawųdaitangu^o tumolē mahan-duata mou e.^p ³ I kamene harusēbe masingķa u taumata lęahakengu Rohķē Susi e, tawe makawera u, "Kai wontogē su Mawu Yesus!" Kerene lai tawų sarang sęngkatau makawerau, "i Yesus e kai Mawu!" kereu taumata ene e tawe ahakengu Rohķē Susi.

^m pęmarikęsa = memeriksa ⁿ Kapiřē = kafir ^o Kękawuluang = terpengaruh
^p tamakawawera = bobo = bisu

⁴Kai mēdēdalahaghi laonggo Marohkē e, kai kēbī e mang laonggo u Rohkē mang sēmbau. ⁵Dingangu kai mēdēdalahaghi halēu mētangkiang Mawu e, kai Mawu tētangkianeng ene e, kai mang Mawu sēmbau ene lai! ⁶Kai mēdēdalahaghi kakakoau mēkoā munaran Mawu e, kai arawe mēgaghelli u katatoghasē baugu ene suapan taumata e ute maiaing Mawu mang sēmbau. ⁷Rohkē u Mawu e nēkaradiahang su pēsēngkatau tuhūewe kakakoae. ⁸Su sēngkatau e Rohkē e mang mangonggou kapelesane su halē u mahumbisara matatahimadē. Su walineete wue Rohkē ene e maiaing mangonggou kapelesa maanun halēu manualagu Ruata. ⁹Rohkē ene e maiaing mangonggo su pēsēngkatau e kapelesawe limembo tawē sihinge e wau gu mangimang su Mawu Yesus Kristus; arawe kawe su waline ute Rohkē e mangonggou kawasa mapakapian taumata wou sakie. ¹⁰Su pēsēngkatau e lēonggotangu kawasa mēkoā munara makadalinau dingangu su waline ute kēkawahageaneng u kapelesa mēnēbaļu manga haghing karaking Mawu Ruata. Su pēsēngka-

tau ete waline e Rohkē ene e mangonggou kapelesa mapēdalahædu sude laonggo bou Rohkē Susi e ringangu sude waline wou Rohkē Susi e. Pia beng kēkaonggotangu kapelesa mēbisara su haghim bisara, ringangu pia beng nionggotangu kapelesa mēnanualagu mangaleng haghim manga wisara. ¹¹Kēbī-kēbī e ikēkaradiahang u Rohkē maiaing sēmbau ene; su pēsēngkatau-sēngkatau e semben nipēdalahædewe timuhū kapulun Rohkē e sēsane.

Laesu wadange lawo kai mang badang sēmbau

¹²I Kristus e kai mēsulungu wadangu taumata; badang ene sēmbau, kaiso kawe lawo laese. Patiku laese ene maningbe malawo kaiso nakoā sēmbau. ¹³Kerene lai i kite kēbī e, baēbe tau Yahudi arau lai waline Yahudi, manga ēllang arau waline ēllang; i kite kēbī e seng nisahaning Rohkē sēmbau ene tadeau i kite niapakasēmbau su wadang i Kristus e. I kite kēbī e maiaing nakahombang Rohkē sēmbau ene nasahiangkung.

¹⁴Batuu wadang hētubē e tawe tumbaeng nariadi wou laese

sěmbau, kaiso kawē wou laese maławo. ¹⁵ Kereu laedē e nēbera, "Ia e walinewe lima, hakiu ene ia e walinewe wahagengu wadang," ku ene walinewe mauiu laedē e walinewe laesu wadange. ¹⁶ Ku kereu tui mēbera, "U ia e walinewe mata, hakiu ia e walinewe laesu wadang," ene walinewe lai mauiu tui e kai walinewe laesu wadang. ¹⁷ Mangawe ande ne kaguwau wadange tumbaeng mata e ute kereapa wue wadange makaringihē? Arau kereu kaguwau wadange tumbaeng tui, ute kereapa wue wadange makaimbu? ¹⁸ I kite nakasilo u Mawu Ruata e seng napētatahinhong manga laese ene e su wadang. Sěmbau-sěmbau pinēlo su pēmamēlokange kahian Mawu Ruata e timuhewe kapulune. ¹⁹ Kereu kēbi e kētaeweng laese sěmbau, ute kai sude isēsēba badang? ²⁰ Ku mambeng maławo laese, kai wadange mang sěmbau.

²¹ Ualingu ene ute mata e tawe makawera su lima, "Ia e tawe mēgausē si kau!" arau tēmbōe mēbera su laedē, "Ia e tawe mēgausē si kau!" ²² Su sěmbēkane manga laesu wadang ku lēnnaēng karałomeēngē kawē limembong gēgausang i

kite e, ²³ ringangu manga laese lēnnaēng i kite e riō małahina e ute kawē ene limemboweng arēgaēng. Manga laesu wadang ta kalaholē e⁹ kaiso kawē limembong kakēllaēng i kite e. ²⁴ Arauwe manga laesu wadang ku seng kēkasilo malēnggihe e, semben tawe wahałuasū naungang i kite e. Mawu Ruata e seng nēhundugē badang i kite e kereng kapiane hakiu manga laesu wadang apan diō tawe laarēgaēngē kai sauneng mahuntinambang lēarēgaēng. ²⁵ Ualingu ene tangu wadange tawe mapapahia; apan laese tangu mahang pandaēng sěmbau dingangu waline. ²⁶ Kereu pia laese sěmbau matēdu e, tangu kēbi laese waline e ute małaing matēdu; kereu pia laese sěmbau daloēngē ute, kēbi laese lai waline e ute małaing mahuluasē.

²⁷ I kamene kēbi ute kai lawo badangi Kristus mase i kamene sēngkatau-sēngkatau e małaing laesu wadang ene. ²⁸ Kerene lai su rałung u jamaatē, Mawu Ruata e sen nēnilakehu tampa baug'u kalawou haghin taumata: Kahumotongange manga ralohang; karuane manga nabi, katēllune manga mananēntiro,

⁹ Karalēnggihe = cantik

mase i sire apam mēmpēkēkoā tanda makadalinau, bōu ene i sire apam niongotang'u alamatē baugu mapakapiam masasakī, arau waug'u mētulung'u taumata waline, arau waug'u mēngangaha e, arau lai waug'u mēbisara ringangu kalawōu haghim bawera makadalinau. ²⁹I sire ene walineuwe kēbī manga rarolohange, arau nabi arau lai mananēntiro. Walineuwe kēbī piā tilakehu mēkoā munara makadalinau, ³⁰arau mapakapian masasakī, tahawisarang haghim bera, arau waugu mananungkangu kēbī bera e. ³¹Ualingu ene ute, kēnangko i kamene pētawakali sēngapani botonge tadeau makahombang laonggo u tatalēntu kasēllahenge.

Mase iā manodeu raleng delaing mēmaliun ene si kamene.

Kakēndagē

13 Manilaing iā makaberang kalawōu haghim beran taumata, arau ringangu weram malaekatē e kai kereu iā e wēgaweng kumēndagu taumata waline e, ute patiku baweraku ene e kere tingihu tagonggong tingihe nuneong kaiso tawē mangalē-

ne. ²Dingangu manilaing iā kinawuakengu kapande mēhabaru hengetangu Mawu, ringangu makaēnna patiku kasingka mapapēnisē, dingangu masingkau patiku sabarang dingangu mangimang masēga-sēgadē su Ruata e hakiu iā makaaling bulude, kaiso kawe tā kakēndagē su taumata waline ute angkeēng iā e apawe tā mangalene! ³Maningbe lai patiku apam tētaghuanengku e," taku ipakasuem balawuhe siā su tau kasiange ringangu wadangu e taku ipakitutung, kutēu kawe tā kakēndagē e, ute kēbī-kēbī ene mambeng tawē pulise apa.

⁴I saing kükēndagu sēdinganenge i sie kai makēdang dingangu mapia naunge. I sie tawe sumasingking, tawe mēbawisara tā humpae, tawē obote, ⁵i sie tawe mēmamantugē, tawē bēta-de,⁶ tawe mēnanihasa taumata waline patole kapulune hala, tawe lumainu, dingangu wēgawue mēngindore.⁷ ⁶I saing kükēndagu sēdinganenge tā karaluase su kararalakisē, i sie tumbaben maluasē su katēngadē e. ⁷I sie makēdang mētēngom patiku

^r darotong = harta milik ^s kasar ^t mēlandung = mendendam

12:28: Ef 4 11 13:2: Mat. 17:20, 21 21, Mrk 11 23

sabarange ringangu makëhagë mangimang u apang kapiaënge su sengkatau-sengkatau e; maningbe lai kereapa kakakoau taumata mangimange kai tawe kailangengu harapë dingangu kakakëdang mënäludë patikü.

⁸Tawë bëke u kai pia tempong taumata tawe mëkakëndagë e. Orasë ini e pia masasingka mëhabaru hengetangu Mawu, kü sënsulë tempo e sarung mangirulë mëhabaru ene. Orasë ini e pia mapapande mahumbisarang haghim bera, kai sarung mëmpangirulë mëbisara suralungu kalawou haghim bera ene. Orasë ini e kai pia limembong masasingkau këbi tamai ene, kaiso këbi apang kasingka i sire e sarungbe kawulenang. ⁹U kasingka i kite dingangu kua ti kite e kai waugu ipëhabaru hengetangu Mawu e mang matimporo^u dingangu wëdang kuarange lawo. ¹⁰Sarung mïdating tempone Mawu Ruata e mapakariadin patikü e masuku dingangu apan ta nasuku e sarung iapakaghëngging.

¹¹Pia ia e naung dario deng talawuø, pëbawisarku e kerewe pëbawisaran dario den talawuø e, pëndang-

ku e kerewe pëndangu rario den talawuø e, pëngangënnaku e kerewe pëngangënnan dario deng talawuø. Orasë ini ia seng matëllang, ute kakakoaku naung ia deng dario e semben nasue taku niwala. ¹²Apang kinasilong kite orasë ini e ute tabidaeng këngkau kükëngkunawadë su kasinaëng. Kai sarungbe i kite makasilom matang badang i kite hala ringangu malahe. Orasë ini ia e wëdang bëgang këbi e, kaiso sarungbe ia masingka u këbi kerewe Mawu Ruata e masingka u patikü kakakoau watangengku e.

¹³Kü tempo ini e kai pia halë tatëllu harusë hinong dalëngang i kite e ute kai: pangangimang, pëlaharapë, dingangu pëkakakëndagë. Kai kasëllahengu tatëllu ene ute kai mang kakëndagë e.

Tatëntiro pira-pira maanun laonggo u Rohkë Susi

14 Pëmpëtawakaliko i kamene, kumëndagu sëndinganeng i kamene. Dingangu pëmpëtatumëgalëko lai mëmpënarimau laonggo mararohkë e, limembo kate mëdeau makapënubuetë su taumata. ²Taumata kü mëbëbisaram bawera makadalinau e,

^u belum cukup

taumata ene waline^uwe mēbēbi-sara ringangu taumata, i sie mēbēbisara ringangu Mawu Ruata. Tawē apa taumata makaēnna apan niwerane, watu^u Rohkē Su sie makadiadin sie makaberang kalawōu apang kētaeng su kasingka u Ruata. ³Su sēmbēkane ute taumata ku makapēnubuatē su taumata e, makapēno-ghasē si sire, waugu mamangung pēndang i sire, ringangu makapēgēlliu lahiborē e si sire. ⁴I saing mēbēberan, "dila e," makabangungbe watangenge; arawe i sain mēnēnubuetē e kai makabangung jamaatē.

⁵Apa e mapia kereu i kamene kēbi e mēbēberang haghim bera makalaherang. Kai limembong kapiane e ute kereu i kamene makahabarū manga kalawōu hingidu Ruata e. U isain mēhabaru injilē e, limembong kasēllahe wōu i sain mēbēbisara ringangu haghim bera makalaherange watu^u kai makatualagē apan ni**ba**werane e, takadeau su kalawōu jamaatē e piabe ualīne. ⁶Kereu andene ia dumēnta su anunu ku ia e makawera ringangu haghim bera makalaherange, ute apawu gunane si kamene e? Mamben tala sarang kadidi-didi! Nētātēntangu, kereu ia e mapalahēu pēlahaba-

ru Ruata e, arau ia mēnualagu apa-apa, māanuen Duata e, arau ia mēhabaru hengetangu Mawu arau ia manēntiro.

⁷Pakakasu musikē e tawē himukude sarang kadodo-dodo, kere manga suling, dingangu koroncong, u kereu manga notē e tawe ipēnalang pakalēta e, kereapa wue taumata e makakasingka u mēnsang kawē lagu sude ipēkēkantari e? ⁸Pia haghine walīne: Kereu slompretē e mēngkate asalē matiū, ute kai i sai wue mapulu mēsasadia mēseke? ⁹Kerene lai ualingu kasingka u makapēberang haghim bera makalaherange. Kereu i kamene ringangu kasingkau e mēberam bawera tawe kalaēnnaēnge, ute tawēu sarang sēngkatau e makaliēngang kai apa ni**ba**werane. Kēbi apau niwerang kamene e sarung mailang su kinoaēng. ¹⁰Su runia ini e mēngkai makēpalē haghim bera e, kai tawēu sarang sēmbau e tā mangalene. ¹¹Kai kamageng ia e tawe makaēnna wera iwēberang pēsēngkatau e, tangu i sajewen mēbēberan bera ene e kai kere tau raghi su tēngoku e; kerene lai ia e si sie. ¹²Kerene lai i kamene, ia masingkau i kamene e mambem pia kapulu makaēba laonggo

Marohkë e. Kai nëngalembo wou patiku ene e, i kamene e pëmpëtatëgehë bue sëngapam bo-tonge, tadeau mëpakeu kapële-sa gunang mëtulung dingangu mëmangung jamaatë iapasombo.

¹³Kai ene hakju taumata apan mëmpëbisaram bera makalaherange ute, harusëbe mëdorong su Mawu Ruata e tadeau onggotangbe lain kapelesa baugu mënualagu apan niwera-ne ene. ¹⁴U kereu ia mëkalio-maneng su wera makalaherang, rohkëku e mamben mëkëkalio-maneng, kai arawe tinënnaku e tawë halë e. ¹⁵Ku ia e kai mëkoa e apa tangu? Ia e sarung mëkalio-maneng u rohkëku, kai ia e maiaing mëkalio-manengu laënnaku. Ia e sarung mëkantari u rohkëku, kai ia maiaing mapulu mëkantari u laënnaku e. ¹⁶Kereu i kau makitarimakasë su Mawu Ruata tumbaben dingangu rohkë u samatang, dingangu pia taumata waline ku tawe makaënnu wawera makadallinau ku asale wou Rohkë Susi e, tangu taumata ene tawe makawera u, "Ia e akorë bue" sukakalioma-neng tatarimakasë u ene; ualingu i sie wëga wue apang ku niwera-nu. ¹⁷Maningbe kakaliomaneng

tatarimakasë u su Mawu e mapia kahëngang, kaiso kakaliomaneng ene e mamben tawë gunane su taumata waline.

¹⁸Ia e makitarimakasë su Mawu Ruata u ia sësaku e makabisara su haghim bera makalaherange lembong kapiane woi kamene këbi. ¹⁹Kaiso suralungu manga komolangu jamaatë e ia e mapiang be mëbisara manga limang kamohong ku kaënnu taumata e sulung-ke ringangu hiwune su kamohong e su wera makalaherang. Endobeng ia mapulu kerene mëdeau makapënëntiro taumata.

²⁰Manga anau sëmbau! Pia-we makoä kere manga rario, su halë u sipirange. Su halë u kararalakisë e ute i kame-ne këngkakoä'e kere manga rario deng talawu. Kai arawe su halë u tinënnu e, i kamene e këngkakoäko kere taumata seng matëllang. ²¹Suralungu Winohë Susi e kabawohë kere ini,

"Mawu nëhengetang,

'Ualingu pëbaweram bera makalaherange

Ia e sarung mëhengetang su manga umatë ini e.

Nangëlembo kate ualingu taumata raghi e Ia e sarung

mēluntinghē su manga
umatē'Ku;
kai maningbe kerene e, i
sire e tawe mapulu
rumaringihē bawera'Ku.'"

²² Ku tahawisarang haghim
bera makalaherange kai ta-
tialan taumatawe tā pangangi-
mange, balinewe waugu taumata
mangimang. Mase tahapēhabaru
hengetangu Mawu e su taumata
u kai tatialan taumata mangi-
mang, balinewe waugu taumata
tā pangangimange.

²³ Ualingu ene ute, kereu su-
ralungu komolangu jamaatē e,
kalawou ralohon jamaatē e mēbi-
sarang haghim bera makalahē-
range, kuteu wou ene rimēntae
pirangkatau wou likude, arau i
sire waline tau Sahani, nalahē u
i sire sarung mēngiralingu i ka-
mene kai seng pulu kēbi! ²⁴ Kai
kamageng i kamene kēbi e mēha-
baru hengetangu Mawu, wou e-
ne e rumēnta sēngkatau waline
tau Sahani e arau taumatan li-
kude, tangu apaewen nihabari
kamene kēbi e sarung mēlahēu
kalawou rosan tau ene ringangu
makariadin sie mēsasēsilu rosa-
ne. ²⁵ Patiku apan kabawuni su-
ralungu naunge ipakalahē, hakiu
i sie mētēngkasanau watangenge

ku manēmba Ruata. I sie sarung-
be mēngaku u Ruata e kahēnga-
hēngangbe ene sutaḷorang kame-
ne.

Tundung jamaatē

²⁶ Ku manga anau sēmbau,
kai apa e ngae mangaleng kēbi
ene? Kereu i kamene mēmpēko-
molē manēmba Mawu e, u-
te piaem mēkēkantari, piaem
manēntiro, piaem mēlēhabaru a-
pa-apa wou Mawu Ruata, piaem
mahumbisara su wera makala-
herang dingangu piaben lai
mēmpēnēnualagu apan nībawera-
ne. Kaiso patiku ene e harusēbe
koa gunan manēntiro ringangu
gunang kapapiang kēbi. ²⁷ Ke-
reu piaū mapulu mēbisara su
wera makalaherange, ute kētau
pētahadua arau mētēngkalawo
e pētahatēllung katau apēda-
rolosē e. Dingangu harusē piaū
mēnualagē apan nipēbisaran tau-
mata mēbawisara ene. ²⁸ Ke-
reu tau makatualagē e, tangu
taumata apan mahumbisaram
bera makalaherange ene e ha-
rusēbe mētēngkarēmmasē su ko-
molang ene. Balae i sire pēbawi-
sarane suralungu naung i sire
e su Mawu e. ²⁹ Darua arau
tēllung katau mēnanubuetē e ha-

rusëbe mëhabaru hengetang ene e tëntalangbe waline mëmpëtimbangu apan niwera e. ³⁰ Kai kereu hengetangu Mawu e kai rimënta su sëngkatau waline nailing su komolang ene, tangu i saing kapëbëbisarane e ute harusë mëngirule. ³¹ Ku ualingu kawé tundune kerene ute, i kamene manga anau sëmbau këbi e, sëngkatau-sëngkatau e wotonge makapëhabaru hengetangu Mawu e; tadeau këbi e makapënarima u tëntiro, ringangu sauneng mato-ghasë su pëngangimang. ³² Laonggo bou Rohkë e waugu mënubuetë e lëulingang isain nëmpëhabaru hengetang ene. ³³ Duata e kai Ruata puluang su atore; i Sie ta karaluase su halëu pëhasilontahë.

Kerëe madiadi suralungu patiku jamaat'u Mawu, ³⁴ manga wawine e harusëbe pëmpëtëngkarëmmasë su komolangu jamaatë. I sire taipakawala mëbisara. I sire taipakawala makoā pangahā e, kerëewe tumuhu toratë. ³⁵ Kereu i sire mapulu mëngëndung manga apa, ute i sire harusëbe makiwalo su kawingi sire su wale. U kai makasamedë kereu sëngkatau

wawine e mëbisara suralungu komolangu jamaatë.

³⁶ Arau kai manga simëbang bou anung kamene, henge-tangu Mawu Ruata e? Arau kai këtau niDatingu anung kamene ngae hengetangu? ³⁷ Kereu pia makapëndangu kai pia tilakehu mënubuetë, arau pia laonggo baline bou Rohkë Susi e, ute tau ene harusëbe makapëndang batangenge u apan seng taku niwohe ini e ute kai laoron Mawu e. ³⁸ Kai kereu pia tamakatarimau ini e ute kumbahangbe lai i sie i tarima.

³⁹ Kai ualingu ene ute, manga anau sëmbauku, pëmpëtëmpalungkangke^v tadeau makapënubuetë, kai kumbahangbe mëšëdingu apam mapulu mëbisarang haghim bera makalaherang. ⁴⁰ Kai këbi e harusëbe koā pakapia ringangu pakaatorë.

Halëu pëbawangung
i Kristus kapia wou
kapapohonge

15 Ku ini e manga anau sëmbau, ia mapulu tadeau i kamene saube makatahëndung kapia Injilë nangun taku ilëhabarë si kamene. I ka-

^v berusaha

mene e nẽmpẽnarima, dingangu nangimang si Kristus ualingu Injilẽ ene. ²Kereu i kamene mangumbelebe masẽgadẽ su apan taku ilẽhabarẽ e ute Injilẽ e kai makasalamatẽ si kamene; tabeau katewe i kamene mangimang ta makalaenna.

³Apan taku nihabarẽ su manga anau sẽmbau e ute sembem bou taku nitarima. Kahumotongange ringangu kasariange ute kerẽwe mabawohẽ suralungu Bukẽ Susi e, ia nẽhabarẽ si kamene u i Kristus e kawe napohong ualingu kalawou rosang kite; nilẽbing; ⁴kai wou ene nẽbiahẽ kapia su ẽllo katellune. Ene e maiaing kabawohẽ suralungu Bukẽ Susi. ⁵Ia e mauai lai si kamene u i Kristus sau nẽbiahẽ kapia e maiaing nanode u watangenge si Petrus, ringangu lai su manga rarolohange i sire mapulo dua. ⁶Bou ene nẽtẽngkatode u watangenge kapia si sire tumatolene lima hasu su kataune sẽngkahindo. Kalawokange wo'i siree wẽdangbe wiahẽ orasẽ ini, ketaewen manga pirang katau

seng nate. ⁷Bou ene i Kristus nẽtẽngkasilo lai si Yakobus bou ene su kẽbi darolohange.

⁸Su pẽngẽnsueẽnge kahẽngang ute nẽtumpasilo e lai si sia e – kerẽ e sẽngkatau rariõ dimẽnta reng baline tempone! ⁹Ia e kai rarolohangu Mawu kasanakenge. Ia e ta hinone ikasẽba darolohang, batuu ia e kawe wou nẽtingkai^w jamaatu Mawu. ¹⁰Kai ualingken tatalẽntu Ruata e ute ia nakoã kere kakakoãku e su orasẽ ini. Ringangu tawe nagholo bue Ruata e nẽngampung si sia. Katewe pundangu ia e nẽhalẽ limembong kasẽgade wou patiku darolohange lai wali-ne e. Kaiso ene e tumuhu hinone e wali-newe ia, kaiso kawe tatalẽntu Mawu Ruata e nahun-dingang u ia. ¹¹Ku mẽnsangbe woi sai-sai i kamene makatarima Injilẽ ene – walaewe wou anuku arau rarolohang baline e – ene e tawe makoabe sangkuralange. Kai kahumotongange ringangu kasariange ute i kami e makapẽhabaru Injilẽ ene e ringangu i kamene mangimang bue.

^w nẽnumbiagẽ = menganiaya

15:3: Yes 53 5-12 15:4: Mzm. 16:8-10, Mat. 12:40, MMR. 2:24-32

15:5: Mat 28 16-17, Mrk. 16 14, Luk. 24 34, 36, Yoh 20:19 15:8: MMR 9 3-6

15:9: MMR 8.3

**Kakakoꝝ u taumata saꝝ
nipëbiahë bõu papate**

¹² Kereu nihabari kami e kawe i Kristus seng saꝝ nëbiahë bõu kapapohonge, unue wõi kamene piaꝝ mẽbera u tau nate e seng tawe saꝝ mẽbiahë? ¹³ Kamagengbe kahëngang tau nate tawe ipëbiahë saꝝ, ute mangalene i Kristus e tawe saꝝ nëbiahë bõu kapapohonge. ¹⁴ Kũ kereu andene i Kristus tawe saꝝ nëbiahë bõu kapapohonge, ute tawë gunane i kami mẽhabaru apa-apa ringangu tawë gunane lai i kamene mẽmpangimang, u pëngangimangu e tawë apa pinamanggilange. ¹⁵ Limembo wõu ene ute nalahëu i kami e kinarapateng kai sahidi konti maꝝanun Mawu Ruata e, batũu i kami e nëhabaru Mawu Ruata e seng saꝝ napëbiahi Yesus Kristus bõu kapapohonge, sëmbaliau Ruata e tawe saꝝ napëbiahi Sie – kereu kahëngang bue taumata nate e tawe saꝝ nipëbiahë! ¹⁶ U kamageng tau nate e tawe nipëbiahë saꝝ ute i Kristus tawe niapëbiahë saꝝ bõu kapapohonge. ¹⁷ Dingangu kamageng i Kristus e tawe nipëbiahë saꝝ ute pëngangimangu e këtangbeng ipi samatang; kũ ene mangalene i kamene

wëdang suralungu kakakoꝝu rosa e kũ seng tau pëharapeng sidutu. ¹⁸ Kũ mangalene lai ute taumatang Sahani apan seng nate ute seng tawëapa pëlaharape. ¹⁹ Kereu pëlaharap'i kitë si Kristus këtangbeng nakëtã su pëbawiah'i kitë su dunia ini e, tangu wõu patikũ umatë suralungu dunia ini e, ute kai i kitë e limembong kaëngkëhang!

²⁰ Kaiso karalahëe i Kristus seng niapëbiahë kapia wõu kapapohonge. Kai ini e wuau taumata nate e kũ saꝝ niapëbiahë kapia. ²¹ Kai watũu papate e kai suwũu taumata sëngkatau e ute kerene lai mẽbiahë kapia wõu papate e nionggõ su taumata e malaing suwũu taumata sëngkatau e. ²² Kereuwe kalawõu taumata e nate nasowa sëmbau dingang'i Adam kerene lai kalawõu taumata sarung ipëbiahë e, ualingu nasowa sëmbau dingang'i Kristus e. ²³ Kai sëngkatau-sëngkatau e sarung ipëbiahë tumuhũ bihingë, humotong-motong i Kristus, bõu ene hëdownen i Sie saꝝ dumënta kapia, dumõlosewe wihingu taumata apan tataghuanengi Kristus. ²⁴ Samuring ene ute nahëpuse dunia e. Su tempo ene i Kristus e sarung mamatã patikũ parenta, patikũ kawasa

ringangu patiku kuatě, mase i Sie sarungbe mēnarakangu kawasane kere sēngkatau ratu e, su Ruata i Amang i kite. ²⁵I Kristus hinowen tatapě mēpěparenta sarangbeng Mawu Ruata e mapakariadin patiku doka i Kristus e mēsamale si Kristus. ²⁶Doka pangēsueēnge sarung ikawata, ute kai papate. ²⁷Suralungu Winohē Susi e kabawohē kere ini, "Mawu Ruata e seng napakariadin patiku sabarang nēsamale si Sie." Nalahē kere su pēsasasēba u, "patiku sabarang" ute Mawu Ruata e madaliuwe su likude, ku napakariadin patiku sabarang nēsamale si Kristus. ²⁸Kai saraeng kēbi-kēbi e seng nisēllunge sualungu parentang Kristus, tangú i Sie sēsane ku Ahusu Ruata e, sarung mētēngkasēllungu watangenge su Ruata ku seng napakariadin patikusabarange nēsamale si Sie. Tangu Ruata e malaing sarung sēsane mēparenta kēbi e.

²⁹Kereu taumata nate e tawe iapēbiahē kapia, unue wue pia taumata nisahani e waugu taumata nate? Kai apa e ikapēharapě bou kalawou tau-

mata kerene? Kereu mamben tēngadē taumata nate e semben tamēsau mēbiahē e, kai pēkapura wue tangu taumata isahani waugu taumata nate e? ³⁰Dingangu kai waug'u a lai i kami e mēngkai tutatēngo hombang sidutu? ³¹Manga anau sēmbau! Apang kalaello ia e mang mēdēdararagu sigēsa e waug'u ia ruľuas pēbawiah'i kamene manga anau sēmbau batu i kamene kawe seng nangimang si Kristus Yesus, Mawung kite. ³²Kamageng ene e kētaengbeng kawe ualingu mataumata e samatang, apa wue untune si sia baug'u mētawakali sēngapam bontonge rumoka kalawou binatang dulu su soa ini, su Efesus? Kereu mamben tēngadē taumata nate e tawe sau ipēbiahē kapia, ho, mapiawe i kite tumole bungang'u wawera ini: "Hotede i kite e kumaēngke ringangu mēnginungke ringangu mēdaraľuase, watuu riello i kite kawe sarung mate."

³³Piawe kalitoēng!² Kereu i kamene mēhapiu taumata ralakisē e, kai makadalakisē bahasa mapapia. ³⁴Ku kuhako wue mēkoā dalaki. Kai apa makamea

² kaakaleng = dapat ditipu

kereu sutaŋoarang kamiene e kai pia taumata ku bēdang ta nakakirala Mawu Ruata.

**Badangu taumata e
samurien nipēbiahē kapia
wou papate**

³⁵ Aramanung kai piaŋ maki-walo, "Kai kereapa e taumata nate ipēbiahē kapia? Kere apa ngae pēbawadange ionggo si sire, saraeng seng nēbiahē kapia?"

³⁶ Ei tau longong! Kereu i kau e mēsuang bine suraŋungu ēntanna, bine ene e ren tawe tumuwo kereu ren tawe nate kaŋamona. ³⁷ Mase wine sinuangu su ēntanna e aramanung kai – wineng gandum arau wine waline – u kai kētaewen bakīu sasuangē.

³⁸ Hēdowen Mawu Ruata sēsane mangonggou tatuwone tumuhū ewe kapulune mētatahino su sasuangē ene. Ku suapaewen haghim bine seng nahia u tatuwone timuhū ewe sasuangē sēmbau-sēmbau.

³⁹ Badangu riadikang susindae walineŋe kēbi mēsulung. Taumata e wadange mēsēsulung arawe binatangē pia gahū wadange waline; manga manu e maŋaŋ baŋine ghahū wadange.

⁴⁰ Kerene lai manga raŋohon langi dingangu dunia. Daŋohon langi e sēmbau-sēmbau nahia u kaŋēnggihe ringangu raŋohon dunia e maŋaŋ kerene. ⁴¹ Kaŋēnggihu sēnnangu matangello e nanēntani wou kaŋēnggihu sēnnangu wuŋang. Manga wituinge maŋaŋ pia kaŋēnggihe sēsane. Saŋaanune apam bituinge mētētātēntani lai kaŋēnggihe.

⁴² Kerene lai sarung taumata nate e mēbiahē kapia. Badange nilēbing ene e kai wadang mahe-ne, arawe ku badange nipēbiahē kapia e ute kai wadang tawa maŋahene. ⁴³ Su tempom badang ene nilēbinge ute wadang ene mahene dingangu lome; arawe su tempong iapēbiahē kapia e ute kai wadange maŋēnggihē dingangu matoghasē. ⁴⁴ Su tempon nilēbinge, ute wadang ene e kai wadang bou dunia, arawe saraeng nēbiahē kapia e ute wadang ene e, kai wadang nionggou Rohkē Susi. Pia badang asaŋe wou dunia, piabe lai wadang ku asaŋe wou Ruata. ⁴⁵ Suraŋungu Winohe Susi kaŋawohe kere ini, "Taumata humotonge ute kai i Adam, nakoŋ diadikang biahē," kai ara-

we i Adam kasamuriange ute kai Rohkë namiahë. ⁴⁶Dimënta kakalimonaënge ute kai ghësi, wafnewe kai rohkë. Arawe rohkë ute kai rimënta samuri. ⁴⁷I Adam humotonge ute kai nikoā bō awuļu ěntana, arawe i Adam karuane ute kai asale wōu sorga. ⁴⁸Taumatana dunia ini ute kai mësulungu i Adam kahumotong-motongange nikoā bō awuļu ěntana, arawe taumatana sorga e ute kai mësulungu i Sie kũ dimënta wōu sorga. ⁴⁹Kerëewe lai i kite orasë ini e mësulung i Adam nikoā bō awuļu ěntana e ute i kite e lai sarung mariadi kerëewe i Sie kũ bō sorga e.

⁵⁰Timonaku e ute manga anau sëm̄bau kai: wadang kũ niriadi wōu ghësi ringangu raha e, tawe makasuë su Runian Duata Wuhu; ringangu wadang kũ mahuta e tawe makoā kakalë.

⁵¹Kë̄nangko patehe rahasia ini: Wafnewe kë̄bi e ikite sarung mate, kai i kite kë̄bi e sarung më̄baui. ⁵²Watũu halë ene e hëdowen mariadi së̄ngkëlëndiũ arau së̄ngkakonda, piã e slompretë e ipahëte su pangë̄nsueë̄nge. Batũu su tempōeng kinaringihë tingihu slompretë e, ute apan na-

te e ipë̄biahë kapia ringangu wadange kakalë, kũ i kite kë̄bi e ipë̄baui. ⁵³Wadang i kite luate e harusë̄be më̄pakeu wadang i kite ta lumate, ringangu wadangi kite bō dunia e seng në̄pakeu wadang kũ bō sorga e. ⁵⁴Kerëu wadang luate seng në̄luheng badang ta lumate, ringangu wadang kũ bō dunia e seng në̄luhen kakakoau wadang kũ bō sorga e, ute su tempo ene buhëwe naghanapë kere mabawohë suralungu Winohe Susi u, "Papate seng kinawata; Kalauntung seng nikahombangeng!"

⁵⁵ "Ei papate, suapae wataũ e?

Ei papate, suapae wisanu?"

⁵⁶Bisang papate ute kai rosa e, ringangu rosa e masë̄gadu toratë e. ⁵⁷Kai tangu, tarima kasë su Mawu Ruata e; u i Sie kai nangonggōu wata e su Mawung kite i Yesus Kristus.

⁵⁸Ualingu ene, manga anau sëm̄bau kũ ikë̄këndagë, pakakuatë dingangu pakatatoghasë bue i kamene. Pë̄mpë̄halë̄ko turusë̄ baugu Mawu e ringangu kaguwau ralungu naung, u i kamene masingka u patiku apang kinoā i kamene wangu Mawu e tawe makoā ta gunane.

Laonggo baugu sëndinganeng tau Sahani

16 Arawe halë u lahuwu baugu sëndinganeng tau Sahani e ia kai maülü koako lai kere taku niatorë su kalawou jamatë su Galatia e. ²Su ëllo humotong apang kamisae kënganko i kamene këbi e pëmpënële u roitë pëkadodo e tuhu ewe ëba e. Komolëko roitë ene sarang ia dumënta, tadeau su tempo ene e semben tawahaluasu mëmpëngomolë. ³Hëdowen ia e seng marënta, ute ia e sarung mëndolohu taumata ku seng kinapulung kamene. Ia e kai mangonggou surat pawawa tatonda kakëndag'i kamene e solong Yerusalem. ⁴Ku Kereu patehang dembem mapia ute ia maling hinon tarai mahundingang ku sengkara leng dingangi sire.

Karakim Paulus

⁵Ia e kai sarung mëtiwo si kamene, kereu matëpasu Makedonia, u ia e mëkëkaraki sumahe wou sene. ⁶Botonge mariadi ia e sarung mëntana kadodo tempo ringangi kamene, arau aramang saraling pakaliun musungu

matëho e. Maliung ene i kamene wotonge makapësumbala si sia manëpasu raraleng solong tampa tuhu e. ⁷Ia e tawe mapulu mëtiwo si kamene tumbau mëtotong matarang sësaheng. Kereu Mawu e mapakawala ute, ia deng mapulu mëntana dio mararënta ringangi kamene.

⁸Tëntalang ene e ia deng matana su soa ini, su Efesus, sarang ëllong, "Katatëntungu Rohkë Susi." ⁹Lawo loahe sini waugu munara pia këhase, maneng lawo lai rudoka.

¹⁰Kereu i Timotius e marënta e, ute sëmpike wue pakapia i sie, tadeau i sie marëpang bue sutaloarang kamene, u i sie kai kere ia maling mëmunara waugu Mawu. ¹¹Kumbahangbe sarang pia tawe mëndekeng i sie. Sumbalai wue i sie tadeau i sie makapanëpasu raralenge mësulë kapia solong anuku ta kurang apa, watu ia e mangampalë darëntane ringangu manga anau sëmбай baline.

¹²Arawe anau sëmбай i kite i Apolos, mëngkate seng apa piran sulë maülü si sie tadeau i sie ringangu manga anau sëmбай baline e mëmpëtiwowe si ka-

mene. Kai i sie wēdawen tawe nakapēndang u i sie kai harusē ligha tamai ini. Kai tangu kereu hēdowe pia tempone, ute tantu sarungbe rumēnta.

Papondolu suratē

¹³I kamene pakaralukadē bue, ringangu pakatatoghasē bue suralengu pēbawiah'i kamene mamewe u tau Sahani. Pakawawahani wue ringangu mēngkai pakakuatē. ¹⁴Apaeweng kēkoateng i kamene e, koabe ringangu pēkakēndagē.

¹⁵I kamene e masingka beng i Stefanus ringangu i sire sēmbaleēng, u kai i sire kakalamonaēngu nēmpēsowa Sahani su wanuan Akhaya. I sire ringangu kaguwau naung nēmpētēngkasarakang su pētatangkiang jamaat'u Mawu. ¹⁶Ia e mauli si kamene ringangu sēngapam botonge tadeau i kamene tumolewe pēmamiingu taumata kerene, ringang kewe lai i sire waline sēhalēkang sēngkapētangkiang si sire.

¹⁷Ia e maļuasē su rarēntang Stefanus, Fortunatus dingangu i Akhaikus. I sire mēsulungkelain

gaghanting kamene wangu ia. ¹⁸I sire e kai seng nakaluasē naungku e, kerewe i sire makaluasē naung i kamene. Taumata kerene e harusēbe lēarēgai.

¹⁹Manga jamaatē su Asia e nēndohom ben tabea i sire si kamene. I Akwila rēduan Priskila e ringangu jamaatē apan nēmpētampung su walen sire e malaing nēmpēndohon tabea si kamene, ualingkem pēkakauhu tau Sahani e. ²⁰Kēbi manga anau sēmbau sini e nēmpēndohon tabea si kamene.

Pēmpēpapangadatē bue pakakēndagē lawo tau Sahani.

²¹Taku lai takidang sini tabeaku taku niwohe sēsaku: *Tabea bou ia, i Paulus.*

²²I sain ta kumakēndagē Mawu e kapiangbe i sie mawinasa!

Maranatha – Mawung kami e dēntae!

²³Karimako Mawu Yesus mēngalamatē si kamene.

²⁴Kakēndagēku e pahundingang i kamene kēbi nasēmbau dingangi Kristus Yesus e.

Adat'i kami,
Paulus

SURAT'I PAULUS KARUANE
SU JAMAAT'U
KORINTUS

DARUMATINGE

Surat'i Paulus Karuane Su Jamaat'u Korintusë e niwohë su tempong kasasëse u kalahëmpukang i Paulusë dingangu jamaatë e. Pia manga rarohon jamaatë sene ku kere luhudu seng dimoka matëdu si Paulus, kai i Paulusë e mang mapulu mësenkapien sire kahënga-hëngang. I sie mambeng napatodë u karaluase pia e halë ene nariadi.

Su wahageang humotong bou surat'i Paulusë ini e mëbëbëke manandu su halë u kalahëmpukangu jamaat'u Korintusë e ringange. I sie nënualagë malahë sene, unue i sie nanëngkulë matëdu suralawang dingangu sasamedë si sie kahian jamaatë sene. Bouten nauli u ene, i sie nanodeeng karaluasus naunge ualingu pananëngkulë ku nakauali e pëtatobatë dingangu pëdarame. Bou ene i sie namoghe^a jamaatë tadeau mënampungu lahuwu^b ipëtulung tau Sahani apang masasusa su Yudea. Su manga pasale pangënsueënge i Paulus nëhabaru hinone su halë u pangkate kawë sëngkatau rarolohang su manga pirangkatau su Korintus makitika u watangenge kai rarolohang tutune, mase manokeng Paulusë e kai mahang darolohang.

^a nëhaëng ^b tatongka

Lohone

Panĕtakenge	1:1-11
I Paulus dingangu jamaatĕ su Korintus	1:12-7:16
Tatongka su taumatang Sahani masasusa su Yudea	8:1-9:15
Pananondan tulid'i Paulus halĕ u kawasane su halĕ u rarolohange	10:1-13:10
Kakunsi e	13:11-14

1 Manga anau sěmbau jamaat'u Mawu su Korintus dingangu kaławou kawanuan Duata su kaguwau Akhaya.

Ia e, i Paulus, darolang i Kristus Yesus, nihengke ualingu kapulum Mawu ringangu anau sěmbau i kite i Timotius, ²mělēharapě u małowoko Ruata i Amang i kite e ringangu Mawung kite i Yesus Kristus mangonggou alamatě dingangu karaļunsemahě si kamene.

I Paulusě e nakitarimakasě su Mawu Ruata

³Dalo su Mawu Ruata, i Amang u Mawung kite i Yesus Kristus. I Sie kai i Amang naunge mapia kahěngang, dingangu i Sie kai Ruata ku nangonggou kuantu pangangimang su taumata. ⁴I Sie manoghasě naung i kami suapan tempon sigěsa ku luhombang si kami, tadeau ringangu toghasě ku nika-hombangeng i kami wou Ruata e, i kami e maļaing makapěnoghasě naungu kěbi taumata apang suralungu sigěsa e. ⁵Haghin sigěsa ku luhombang si Kristus e seng maławo lai kinahombangeng i kami. Ku maļaing suralung i Kristus e naung i kami nipaka-

toghasě. ⁶Kamagengu i kami e hombangenge, ute ene kai wau-gu kaļaiakingu, wangu kasasalamatu. Kereu kaļaiaking i kami e nitoghaseng, tangu i kamene e maļaing natoghasě dingang hakju i kamene makapědēdararagě su haghin sigěsa kereuwe seng luhombang si kami e. ⁷I kami e mang manguaking dingangu taweghiměgoě mihino su manga anau sěmbau, batu i kami masingkau i kamene maļaing mēngkasigěsa dingang i kami. Ku ualingu ene tangu i kamene maļaing niapakatoghasě dingang i kami.

⁸Manga anau sěmbau! I kami e mapulu tadeau i kamene e masingka u sunsara kinahombangeng i kami e su Asia. Sigěsa tētaļudang i kami e mawěha ta sihingē manēda si kami, hakju i kami e seng tawē harapu wēdang lai mēbiahě; ⁹pěndange ute mēsulungu seng ninawoēng u ponesě pateēng. Kaiso haļē ene nariadi kai tadeau kumbahangbe i kamene mangumbala su kuantu watangeng hala, kaiso kawē su Mawu Ruata ku mamiahě taumata nate. ¹⁰Ku seng i Sie nēli-wiri kami e wou ghěnggang masaria makapate e. Ku maļaing i Sie sarung mapakasalamat'i kami

e su ěllo samuri, u kai i Sie e pĕngumbalerang i kami e. ¹¹I kami e maĵaing maŋgimang ualingu pĕkakaliomaneng i kamene si kami e tangu Ruata e sarung mangambang i kami e kapia wou silaka. Ku Mawu Ruata e sadia mĕngalamatĕ si kami e kere sasimbang bou kalawou kakaliomaneng baug'i kami, ku ualingu ene sarung maĵawo taumata mĕtahi-mokoin tatarimakase su Mawu Ruata e.

I Paulus nĕmaĵui karakine

¹²I kami e luĵesa, batu raluŋgu naung i kami e makapangiaking si kami u pĕbawiahi kami e su dunia ini – kahumotongange ute kai pĕdaĵahĕmpukang i kami e ringang i kamene e seng kinoa i kami e ringangu karaki matuĵidĕ dingangu kawawurĕsi e. I kami mĕkĕkoā ene, baĵinewe ualingu kapelesan taumata e, kaiso kawe ualingu katoghasĕ nionggou Mawu Ruata. ¹³⁻¹⁴Apang niĵawoĕ i kami e si kamene ute kai kĕtaeng maŋanung apang ikawasa ringangu kaĕnnaĕng i kamene. Orasĕ ini e i kamene tawe makaĕnna kahĕngang, kai ia

e mĕĵharapĕ u i kamene sarungbe makaĕnna mapia-pia si kami. Ualingu kawe kerene, tangu su tempong Mawu Yesus sarung dumĕnta ute, i kamene ruĵiag'i kami, kereĵewe lai i kami e maĵaing ruĵiagi kamene.

¹⁵Ualingu pangangiaking ene e tangu su tĕta e ia mĕkĕkaraki mapulu mĕtiwo si kamene tadeau i kamene makahombang aĵamatĕ duan suĵe. ¹⁶Ia e kai mĕkĕkaraki u mĕtiwo si kamene maeng u ia soĵong Makedonia ku sau motong maeng seng mĕsuĵe tadeau i kamene makatonda wue si sia manĕpasu raraluŋg soĵong Yudea. ¹⁷Kaiso ia e kai seng nĕmaĵui kĕdoku e; ku mĕnsang ene ute mĕĵlaĕ u kapuluku nasaluŋsuhĕ^c e arau? Ku pia e ia kapĕĵhingide tangu, mĕnsang pĕlaĵahingidĕku e kai ualingu kapuluku hala, ku saĵa e mĕĵera u, "Ore", tawe nararĕna sembengkewe nĕĵera u, "Tala"? ¹⁸Baugu Mawu Ruata e ku paŋgimangenge, diandiku si kamene tangu waĵinewe, "Ore", ringangu, "Tala". ¹⁹Batu i Yesus Kristus, Ahusu Ruata e ku seng niĵabarĕ si kamene kahian Silas, Timotius, ringangkeweng ia sĕsaku e wali-

^c tawe nahunsudĕ
1:16: MMR. 19.21

newe taumata "Ore" ringangu "Tala". Kaiso kawē i Sie nakoā sasimbang u "Ore" wou anun Duata. ²⁰ Ku kai limiun Sie Ruata e seng nēhengetang u, "Ore" su patiku apang nikēdon'E. Kai wou ene pinamanggilangu wawerang kite, "Aming" su Mawu Ruata ualingu i Yesus Kristus. I kami e mēkēkoā kerene tadeau Ruata e iapakawantugē. ²¹ Duata sēsane seng niapakauh'i kite e matoghase dingang i Kristus; ku seng i Sie lai nēmile si kite e samatang baug'i Sie. ²² Baugu ene tangu. Ruata e seng nēnarima i kite e nakoā tataghuanenge ringangu nangonggou Rohkē e suralungu naung i kite, nakoā kere papaiang u i Sie mang sarung mangonggo u kēbi apan nikēdon'E si kite e.

²³ Duata e sahidiku – watu i Sie kai masingka u ralohon naungku – u ia e tawe nisēhu solong Korintus, u ia e tawe mapulu mapakasusan naung i kamene. ²⁴ Ia e tawe manihasa si kamene su halē u apan ilēia-king i kamene, batu i kamene mambeng mangimang matoghase si Kristus. Ia tumba u mapulu sēngkapēmunara ringang i kamene tadeau i kamene mangkeng kakaunsemahe.

2 Ualingu ene ia e sen namutuse u sen tawe sadumēnta suralungu pētatiwo ku makakēndung naung i kamene. ² U kamageng u ia e kawē mapakasusan naung i kamene, ute i sai wue makakahiborē naungku, kereu walineuwe naung i sire ku naunge seng bou taku niapakasusa tangu? ³ Kai ualingu ene hakiu ia nakapēmohē u suratē ene si kamene. Ia e tawe mapulu mētiwo si kamene, ku bou ene kawē ipakasusang kamene, sēmbaliau kawē i kamene hinong mapakaluasu naungku e. Batu ia mangiakingu kamageng u ia e maluasē, tangu kerene lai i kamene malaing maluasē, tangu kerene lai i kamene malaing maluasē kēbi. ⁴ Ia e nēnuratē si kamene e, naungku e masusa ringangu mawēha, mase ringangu tatēdo u ēllo mata malawo. Kapuluku e tangu walineuwe mapakasusan naung i kamene, kaiso kawē tadeau i kamene makahēngangu ia kawē kukēndag'i kamene.

Kalaampung baugu apan nēsala

⁵ Kereu pia napakasusan naung, tangu halē nikoā e ene tawe nihino su watangengku, kaiso kawē nihino su manga anau

sëmbau këbi arau mëtëngkaka-
dodo su sëmbahageang bou i
kamene. U ia e tawe mapu-
lu tumanî e mahasa su têngo-
ne. ⁶Baugu taumata kerene, hu-
kumang pinëllou kalawokang e
wo'i kamene e, seng kapapia-
ne. ⁷Orasë ini e i kamene hi-
nong mëgëlliü ampung si sie ore
lai hinong bahansangeng tadeau
i sie tawe tumanîe masusa ku
sarang mënsu naunge. ⁸Ualingu
ene ia e mëdëdorong, tadeau
i kamene sauko pëmpënode u
i kamene mamben tênga-têngadë
kukëndag'i sie. ⁹Ia e nakapanu-
ratë si kamene mëdeau mëmëma-
nika si kamene, mënsang i
kamene hanesëbe tutuhu apan
takü ilëaha e. ¹⁰Kereu i kame-
ne mëgëlliü ampung su taumata
apan seng nësala si kamene u-
te, ia e maiaing mëgëlliü ampung
su taumata ene. U apan seng
takü niampungang kereu mam-
beng piaü hinong ampungang –
ene seng takü niampungang – su
têngon Kristus baugu kapiang ka-
mene. ¹¹Takü këkoateng ene ta-
deau setang e kumbahangbe ma-
kareä loahe^d mëdeau mëkawasa
si kite; batuu i kite e ma-
singkabeng kalawou karakine.

Gënggang i Paulus su Troas

¹²Su tempon ia nahumpa
su Troas, mëdeau makapëhabaru
Injilë maanung Kristus e, Ma-
wu e seng nanope raleng bau-
gu ia tadeau makapëmunara se-
ne. ¹³Arawe ia e kai taghiawahë
batuu tawe nësombang u anau
sëmbau i kite i Titus pai sene.
Tangu ia e kai nëkata u manga
anau sëmbau sene mase nakoä
solong Makedonia.

Kalauntung ualing'i Kristus

¹⁴Tarimakasë su Mawu Rua-
ta! I Sie hanesë mangaha i ka-
mi tadeau apatole ghapaëngu
kalauntung i Kristus batuu i ka-
mi nëbiahë nasëmbau dingang'E.
Duata e nëpake i kami tadeau
walon habar'i Kristus e make-
ke kere raluru mawëngi ku lu-
miwung su kaguwau weo e.
¹⁵⁻¹⁶Batuu i kami e kai tabidau
ralurung kamania mawëngi, ku
nitutung i Kristus baugu Rua-
ta. Suapan taumata ku kapëtëti-
monane kawawinasa e, i kami
e mësulungu ralurung papate ku
mamihua; kai arawe waugu tau-
mata apang mëtëtimona kasa-
salamatë e, i kami ini e kai

^d lësabe

měsulungu raḷuru mawěngi kṷ makaděntang pěbawiahě. Tangu i sai e ngae makaitṷ parenta ini e? ¹⁷I kami e waḷine-we kere taumata ḷawo o kawe mēkēkoḷa hengetang u Mawu e kere apaḷiwṷ ipahumbaḷṷ. Timonang kami e kai matulidě, batṷu i kami e kai nioron Duata. Kṷ Duata sēsane e makasilo u i kami e manglekeng habarě ene mēsulungu manga elliang i Kristus e.

Mětatangiang pėdariandi wuhu e

3 Kṷ mēnsang ini kēllaěng e saṷewe mēsulungu i kami e mēmpėdėdalo watangeng i kami e ngae? Arau kai mēgėgausewe suratu makidarumalo si kamene arau wo'i kamene kerewe ghėgau-sangu taumata waḷine? ²I kamene hala e kai suratě daralo waug'i kami e, kṷ kaḷawoḷe suraḷungu naung i kami kṷ kėkasingkateng dingangu ikėkawasang kėbi taumata. ³I sire hala e seng nakasilo u i kamene aḷinkai suratě niḷawoḷe i Kristus, kṷ seng niringo limiung kami. Suratě ene waḷine-we niwoḷe u tinta, kaiso kawe ringangu Rohkě Susi kṷ biahě;

baḷinewe lai su watulei, kaiso suraḷungu naungu taumata.

⁴I kami e nēbera kerene uaḷingu kaḷaiaking i kami e su Mawu Ruata suraḷung i Kristus. ⁵I kami e taweu pamanggilange sarang kadodo baugu mapakaḷaḷe i kami e makaumaḷe mēkoḷa munara ini, kaiso kai Ruata e nēgėlliṷ katoghasě ene si kami e. ⁶Kai i Sie nakauaḷi si kami e wotonge makoḷa mětatangkiangu sėmbau pėdariandi wuhu kṷ ilėumbala su Rohkě Susi, baḷinewe su atorang kṷ maḷawoḷe. U apang maḷawoḷe e kai makauaḷi papate, arawe Rohkě Susi e kai makauaḷi pėbawiahě.

⁷Su tempon pėdariandi makapate e nikoḷa dingangu nipa-kang su watu, kawantugu Ruata e simėnnang maṷuahě su ghating Musa. Sėnnang'E mēngkate apa kuḷerong hakṷ kawanuang Israelě e tawe makatoha tumingang gating Musa, manilaing sėnnange su ghatine e su orasě ene seng maṷėṭa kakaparunge su tempo ene. Tangu kereu pėtataingu pėdariandi kṷ makabunau papate ene niaku ringangu niapakawantugě kereng kasariane, ⁸naḷaḷe, u pėtataingu pėdariandi kṷ

nionggou Rohkë Susi e, nighuan-ting demben lai limembong kawantuge. ⁹Kereu pëdariandi kù mēhukungu taumata ene apæ kùkuhenabë, ute dumakelengke lai nēngalembong kawantuge pëdariandi kù makauali taumata e mēsēsēngkapien Duata e. ¹⁰Botonge ikawera u apang kù naung mawantugë e, ute sen tawë kawantuge lai ualingu kawawantugu orasë ini e. ¹¹Kereu manga e apa kù kēdang e kētaeng sēngkatempo, seng kerene kawantuge, nalahe u manga apaeweng kakalë e mālaining nangēlembong kawantuge.

¹²Ualingu i kami e kawë piä pangangiaking kerene, tangu i kami e wahani mahumbera kerene. ¹³I kami e walīnewe kere i Musa kawë mēlēhēmbung gatine ringangu tatimbuhung tadeau tau Israel tawë makasilo tualagu Mawu e kakapura e ringangu mapua bou ghatine. ¹⁴Naung i sire e seng natimbuhung. Kutëu sarang orasë ini naung i sire wēdang katatimbuhung su tempong i sire kapēbēbasane manga bukë u Pëdarian-di Tēbe e. Tatimbuhung ene hēdong mālekesë kereu taumata e masēmbau dingang i Kris-

tus. ¹⁵Orasë ini lai, kereu i sire mēmpēbasa manga bukë i Musa, tangu tatimbuhung ene mālaining bēdang mēlēhēmbung tinēnnan sire. ¹⁶Kai kereu pēsēngkatau e rumēnta mētēngon Mawu e, tatimbuhung ene mālaining lekesang bou ghatin taumata ene. ¹⁷Tangu, Mawu kù iwēbera sini e ute kai Rohkë Susi e. Kù suapang Rohkë u Mawu e ene, ute sene mālaining piä karaliwirë. ¹⁸Orasë ini e ghating kitë kēbi e tawe nitimbuhungang, hakiu i kitë e kai mapasēnnangu kakerong u Mawu Yesus. Kù ualingu ene i kitë e mēngkai hanesë tētalimbu-huang pakakoä mēsulung i Sie; kù kakadēngue i kitë e mangkeng kakatualage. Kù katatualagë ene tangu kai wou Rohkë, mase Rohkë ene ute kai Mawu e.

Arëta bou sorga su
tatahoënge wou ëntana

4 I kami e mēkēkoä muna-ra ini kai ualingu karalon-don naungu Mawu Ruata. Kai ualingu ene hakiu i kami e tawe ikasasuen tinēnna. ²I kami e tawe tumatole kakakoä u munarang kararëndung kù makamamea. I kami e mađiri mēmunara kù mēpakeu kapande ipangakalë a-

rau mēmāleleng hengetangu Mawu. I kami e mētāngkiang Mawu ringangu naung burēsi kereewe kapulun'E. Ualingu ene, i kami mēlēharapē u kēbī taumata e mēngēngarēgangbeng i kami e mapia suralungu kawawurēsinaunge. ³Kereu Injilē kū ilēhabar'i kami e wēdang laing ta kinahēnganeng, ute kate i sire apang mētētīmōna kawawinasa e tawe nakahēngang. ⁴Mahangduata mēngēngawasa dunia ini e nēhēmbung tinēnnan sire apan tawe mēmpangangimang. Kai i sie mēnēnahaghe si sire tadeau i sire tawe makasilo tualagu Injilē e māanung kasēllah'i Kristus, nakoā kere awē u Ruata. ⁵Habarē kū ilēhumpa i kami e wāline-we wēke māanung kami hala e. Habarē ene kai māanung Yesus Kristus; u i Sie kawē Mawu; kū i kami e kai mētātāngkiang si kamene ualingu i Sie. ⁶Mawu Ruata e kawē nēhengetang, "Apasarangko tualagē e wou marēndung e," Duata ene lai napasēpu u tualagē e suralungu naung i kite e tadeau tinēnnang kite e matualagē sarang makahēngang kawawantugu Ruata kū sumēnang su ghating Kristus.

⁷Kaiso arēta marohkē e kereeng kawantuge ene, kai mādaļu-

he su watangeng i kami tā arēgane ini kū asale wou ēntana. Ualingu ene nalahe e u kasēllahu kawasa ene kai su Mawu Ruata, wāline-we si kami. ⁸I kami e lēaloēng bou patikū beo e, kaiso i kami e tawe nasēsē. I kami e niwingo e, kaiso tawe kinasueēngu tinēnna. ⁹Lawo dūdoka si kami e kai tawe mawawala i kami hala. Dingangu manilaing i kami taghalē pēpahangeng sarang i kami pakaēnsu, kaiso i kami e tawe mate. ¹⁰Sēntiniā i kami makapēndang kapapohongu Mawu Yesus su watangeng i kami, tadeau pēbawiah'E mālaing mariadi mālahe su watangeng i kami. ¹¹Karēnguēweng i kami mēbēbiahē e, i kami mēngkate hanesē gugēnggangu pateēng ualingu i Yesus, tadeau ualingu kawē kerene ute pēbawiah'i Yesus mālaing iapakalahe su watangeng i kami e mētate ini. ¹²Ini e mēlēlahēu su watangeng i kami papate e kai kapēkēkaradiahange, kaiso i kami e kai lūluasē batūu pēbawiahē e kai kapēkēkaradiahange su watangeng i kamene.

¹³Suralungu Winohe Susi e kēkaēbakeng bawera kereini, "Ia e māngimang, kū kai ualingu ene ia mēbēbisara." Kū, mālaing ualingu pēngangansang u panga-

ngimang kerene, i kami e mēbēbi-sara watu i kami e mangingang.
14 I kami e mēngiaking u Ruata ku seng napēbiahu Mawu Yesus kapia, malaing sarung mapēbiah'i kami e ringang i Yesus, ku mēba-wa si kite e solong tēngon'E.
15 Patiku ene ute kai waug'i ka-mene. Batu kakalawōe taumata makapēndang kakēndagu Ruata, malaing kakalawōe kaliomanengu tatarimakasē ilēhumpa su Ruata; ualingu kerene tangu Mawu Ruata e niapakawantugē.

Mēbiahē dingangu pangangimang

16 Kai ualingu ene hakiu i kami e tawe lumaēnsu. Manilaing tuhu mābadang seng kakasalobare, kai wou sēmbēkang pangangimang, i kami e hanesē tētalimbuhuang apang kalaēllo. **17** Dingangu kasasusawe tawe sēngapa kawēha e ini kinahombangeng i kami, kētaengbeng pēkadodo tempo, kai sarung makauāli karalunsemahē tā sihingē ringangu kakalē si kami. Karalunsemahē ene limemboweng kasēllahe marau kereu isuka su kasasusa ene. **18** U i kami e tawe mēsasasēmpī apang ikēkasilo e, kaiso kai apan ta ikasilo. Apang ikēkasilo e kētaeng-

beng sēngkatempo e rarage, arawe apan ta ikasilo e kai kakalē sarang karēngue.

5 Batu i kami e masingkau kereu wale – mangalene wadang – ku pēbēbaleēng i kite su dunia ini e ghoghaheng, Duata e sarung mēndiahing pēbawaleēng sēmbau baug'i kite e su sorga, kinoā u Mawu Ruata sēsane ku mēdaragē sarang karēngue. **2** Suralungu wale orasē ini tangu, i kite e mēkēkurate watu i kite e mēkēkarimang mapulu mētana suralungu waleng kite e su sorga. **3** Bale ene ute kai wadang i kite ku buhu. **4** Karēnguweng i kite e mētētana suralungu wale ku bou dunia ini e, i kite e mēkēkurate ualingu wawawaēng i kite e kai mawēha. Balinewe ualingu i kite e mapulu mētēngkapēllo bou wadang i kite bou dunia ini e, kaiso kai ualingu i kite e mapulu mēluhem badang i kite bou sorga e, tadeau wadang i kite ku botonge mate ini e ikawatau pēbawiahē e. **5** Ku napakasadiang kite baugu ene ute kai Mawu Ruata sēsane, ringangu i Sie nangonggou Rohkē'E si kite e kai nakoā kere papaiang e.

6 Ualingu ene tangu naung i kami e mēngkate sēntinia

matoghasē. I kami masingka u karēnguweng i kami wēdaug maṭatana suraṭungu wadang i kami ini e, ute i kami e marau wou wale ku sarung pētanakeng i kami e ringangu Mawu. ⁷ Batuu i kami e kai mēbiahē iwaṭa su pangangimang si Kristus waline-we iwaṭa su apang ikēkasilo, ⁸ ku hakū ene i kami e makēdang. I kami e maēndokangbe mētēngkapēllo bou wadang i kami ini e tadeau makapētanā dingangu Mawu. ⁹ Uaṭingu ene i kami mēkēkulēte^c sēngapam botonge mēdeau makaṭuasē naunge, bae-we su pia i kami wēdang su pēbawaleēng i kami e sini, arau pai sene. ¹⁰ Batuu nalahe i kite kēbi e sarung ipētēngong pēnggaghu-taēng i Kristus, ku i kite sēngkatau-sēngkatau e sarung makahombang bawalise tuḥuwe kakanōa e su dunia ini – kakanoa e mapia arau lai raṭai.

Mēsēngkapiān Duata uaṭingu i Yesus Kristus

¹¹ I kami masingkaben mangalene matakū u Mawu; uaṭingu ene hakū i kami e mētētawakali mēlēlombang taumata maanung kami, Mawu Ruata e masingka-

singka i kami, ku lēharapeng i kamene e malaing masingkabeng kami e sarang daṭungu naung i kamene. ¹² Kai ini i kami e waline-we makidarumalo. I kami e kēṭabeng maṭuli u raṭenge mapia si kamene tadeau i kamene masingka u kai kereapa i kamene harusē sumimbahē su taumata ku kēṭaeng mēmēmāda ghahi baṭinewe raṭungu naunge. ¹³ Kereu i kami e kawe kakēllaēng seng longehē, ute kai uaṭingu waugu Mawu Ruata. Dingangu kereu i kami e kakēllaēngbe pia naung i kami e ute kai waug'i kamene. ¹⁴ Kai kakēndagi Kristus e nēkaradiahang si kami, ringangu i kami e masingka bue u kereu sēngkatau seng nate waugu kēbi taumata, ute ene maṭuli u kēbi taumata e seng nate. ¹⁵ I Kristus e napohong baugu kēbi taumata, tadeau apam biahē e, waline-we samatang mēbēbiahē baugu watangenge hala, kaiso kawe waug'i Kristus e seng napohong dingangu niapēbiahē kapia waugu pandungang i sire.

¹⁶ Uaṭingu ene, i kami e ta-we mangangarēgan taumata e tuḥu ukurangu taumata. Watuu kahēngang bue i kami e wou

^c mētētawakali = berusaha

lai mǝngǝngarǝgang Kristus e tuhu maṭaumata, kai orasǝ i-ni e semben talawue. ¹⁷I sain seng nasǝmbau dingang i Kristus e kai seng nakoṭa taumata wuhu kahǝngang-hǝngang. Apan tǝbe e seng tawǝdise, watu kǝbi e seng nariadi wuhu. ¹⁸Kǝbi ene kai ualingu karadiahang u Mawu Kasǝllahenge. Limiung Kristus e Mawu Kasǝllahenge napakapiang kite kapia ringang'E, bou ene napǝmunarang kite tadeṭu taumata waline maṭaing mǝsǝngkapiang Mawu Kasǝllahenge.

¹⁹I kami e mǝlǝhabarǝ u limiu wou anung Kristus e, Ruata napǝsǝngkapiang taumata e kapia ringangu watangeng'E Duata e nǝkoṭa ene tawe nǝnuntu kaṭawou pǝsasala naung nikoṭa taumata waugu watangeng'E. Ringangu i kami e seng niorom Mawu Ruata e waugu pǝlǝhabaru hengetang ene.

²⁰Ku i kami e kai rarolohang i Kristus. Wou anung kami e Mawu Kasǝllahenge hala nauṭi u tatanatan'E. Su areng i Kristus, i kami e ghugahioro sǝngapang botonge, u pǝmpanarimaṭo lauṭihu takiahu Ruata e mapǝsǝngkapiang kamene ringang'E. ²¹I Kristus e tawǝ dosane, kaiso

Mawu Ruata e nǝndiadin Sie nǝnaludǝ dosang kite, tadeṭu i kite e saube mǝsǝngkapiang Duata e ualingu nakauhǝ dingang i Kristus.

6 Ualingu i kami e kai mǝsǝsambala su haṭǝ u Mawu Ruata e, ute i kami mǝlǝharapǝbe sǝngapam botonge si kamene, piawe i kamene mǝgaghologo u kapiang naungu Ruata e. ²Suralungu Winoṭe Susi, Mawu Ruata e kai nǝhengetang,

"Su tempon niapakawala e,
Iṭa seng nakaringihǝ si kau,
ku su ǝlloeng kasasaṭamatǝ
e, Iṭa seng nǝṭulungi kau."

Pǝtahǝndungko pakapia, seng ini e tempone ku niapakawala e. Ku seng ǝllo ini e ipakasalaṭamatǝ!

³I kami e tawe mapulu pǝtangkiang i kami e kawe ipǝsala. Ualingu ene i kami e mǝṭawakali tawe mǝgǝlliu alasange apa si sai-sai waugu mǝkoṭa ene. ⁴Raliune su patiku saṭarang, i kami e mǝnǝnodeu i kami e kai manga ǝllangu Mawu Ruata. Batuu Patiku haghin sigǝsa e seng kinapǝndangeng i kami e ringangu pǝsasabarǝ, ⁵i kami e lǝlimareng, tǝtahungkutang, dingangu pǝṭǝtatibuluang; i kami e mǝlǝhalǝ masǝgadǝ, pǝsǝngka-

kuhuang e ma_ɾlotah_ɛ dingangu ma_ɾlunus_ɛ. ⁶Kaiso m_ɛngkate ringangu naung bur_ɛsi, pelesa, naung manandu, ringangu kapian naung, manodeu i kami e kawe manga _ɛllangu Mawu. I kami e ma_ɳgumpaedebe kah_ɛngah_ɛngang su tata_ɾl_ɛntu u Rohk_ɛ Susi, ringangu p_ɛkakak_ɛndag_ɛ tune, ⁷dingangu su p_ɛlahabaru hengetang u Mawu ore lai kawas_ɛn Duata e i kami kai manga _ɛllangu Mawu Ruata. I kami e m_ɛt_ɛtumpaedebe su kapulun Duata nako_ɔ kere aghid'i kami e baugu ip_ɛna_ɳgheghe ringangu ip_ɛtahut_ɛnda u watangeng. ⁸I kami e l_ɛadateng, kaiso ma_ɾlaing l_ɛhinakaneng, d_ɛdalo_ɛng kaiso ma_ɾlaing t_ɛtungkeaneng. Maningbe i kami e matulid_ɛ kaiso l_ɛnsilangu^f tahap_ɛngakal_ɛ. ⁹I kami e ik_ɛko_ɔ kere k_ɛkaw_ɛga_ɛng kaiso kawe k_ɛkasingkateng u k_ɛbi taumata, tabidau m_ɛtate kaiso w_ɛdangbeng biah_ɛ. Maningbe i kami e t_ɛtingkaitang, kaiso tawe mate. ¹⁰Maningbe naung i kami e iapaka_ɳsusa e kaiso m_ɛngkawe mara_ɾluas_ɛ lai. Kak_ɛlla_ɛngbe kasiang, kaiso i kami e kawe makakala taumata lawo. Kak_ɛlla_ɛng i kami e tawe manga

apa-apa, kaiso tuhu hinone kawe naung ma_ɳaghuang patiku sabarang.

¹¹Manga ana_ɳu s_ɛmbau ike_ɛndag_ɛ su Korintus_ɛ! I kami e mangukahu p_ɛndang pakatualag_ɛ si kamene. Patiku da_ɾlungu naung i kami e seng nasueng ukahe. ¹²I kami e tawe naung i kami e ka_ɔba_ɳwuni si kamene, k_ɛta_ɔbeng i kamene e ma_ɳuh_ɛs_ɛ u ra_ɾlungu naung i kamene e si kami. ¹³Tangu ia m_ɛbisar_ɛ kere su manga ana_ɳku e hala. Ku naung i kamene e apa_ɳka_ɳloah_ɛko waugi kami e.

**Sasal_ɛntih_ɔ kamiageng pia
bawitaugu taumata apan
tawe mangangimang**

¹⁴Kumbahangbe m_ɛpapu_ɳhehghe^g u taumata apan tawe mangangimang su Mawu Yesus; u kai tawe hinone. Kereapa wue mapia e m_ɛtatambang da_ɾai! Tawe nariadi tualag_ɛ e m_ɛda_ɾau u karar_ɛndung. ¹⁵Tawe mariadi i Kristus m_ɛs_ɛngkanaung u se_ɳtang. Kai apa tangu su_ɾunge wou taumatan Sahani ringangu wa_ɳine Sahani? ¹⁶Kai apa p_ɛra_ɾah_ɛmpukangu Wa_ɾlem Mawu ringangu wa_ɳen mahanduata? I kite_ɳ e kai Wa_ɾlem Mawu, ku kai Mawu Rua-

^f r_ɛt_ɛtoke_ɛng = disangka ^g m_ɛda_ɾahapi

ta wiahë. Mawu Ruata sësane
nëhengetang,

"Ia e sarung mëtana
sutałoaran sire,
dingangu mëbiahë
sëngkapëbiahë dingang i
sire,

Ia e sarung makoa Duatan
sire,

ku i sire e sarung makoa
umatë'Ku.

¹⁷ Ualingu ene,
tëntangke i sire apam bëgang
Mawu e,

ku pënggeangkong
batangengu e wou i sire.

Ku kumbahang-bahang
mëdałau u karałamuhu,
tadeau Ia e sarungbe
mënarima i kamene.

¹⁸ Ia e sarung makoa i Amang
i kamene ringangu i
kamene sarungbe mariadi
manga ana'Ku,
kerene angkuëng u Mawu
Kasëllahenge."

7 Manga anau sëmbau ikëkëndagë! Patiku pëkakakëdo e kai pëtëtimona si kite. Ku i kite e kënangko mamurësi watangeng i kite e wou patiku apang nakałamuhu rohkë dingangu ghësing

kite e. Kënangko i kite e mataku u Mawu Ruata, tadeau i kite e makapëbiahëbe samatang baug'i Sie ringangu masuku.

Dałuas'i Paulus

²Tarima bue i kami e suralungu naung i kamene. I kami e tawe nësala si sai-sai, ringangu taweu sarang sëngkatau niakaleng i kami e. I kami e mamben tawe mëngangahëbuh^h si sai-sai pëdeakeng untune. ³Ia e mëbëbera kerene walineuwe mëdëdeu aı u mapësalaung kamene. Batu, kerewe seng taku pinëbera kałamona, u mambeng masaria kakëndagi kami e si kamene, ringangu i kite e kai hapı balawe su pëbawiahë ore lai su kakate. ⁴Ia e mangumbala masaria si kamene, tapengu lai lulas'i kamene kahënga-hëngang. Maningbe i kami masau hombangengu susa sigësa! Kaiso i kami e mëngkai mahibor'i kamene. Dałuasëku e mambeng masaria!

⁵Pia e i kami narënta su Makedonia ute, i kami e mamben tawe nakapangirule. Baëbe wou lësabe sude, i kami e mang

^h memeras

6:16: Im. 26:12, Yeh 37:27, 1Kor 3:16, 6:19 6:17: Yes 52:11 6:18: 2Sam 7:14, 1Kar 17:13, Yes 43:6, Yer 31:9

kěkaěbakengu sigěsa; boutewelain sěmběkane wałine e pėdarendehě, dingangu wou rałungu naung i kami hala e katatakū. ⁶Kaiso tarimakasę, batuu Ma-wu Ruata e sěntinią tą ědone mapakasarian naungu taumata kų apang męngkapěndų; i Sie męnėnahimbologu rarěntan Titus e su naung i kami. ⁷Naung i kami e maħiborę bałiuewe uałingu i Titus seng narěntae, kaiso kawelai uałingu i sie małių rałuasunaunge uałingu i kamene. I sie nėħabarę si kami u i kamene mękėkarimang u męsombang u ia; u i kamene kai nęsasėsilu kakanoa i kamene naung kałamona kų su orasę ini e i kamene małuasę manumbėka wou ia e. Halę ene tangu mapėdėdalembong ia e su rałuasėku.

⁸Maningbe suratėku nakasusa naung i kamene, kai ia e tawe nęsasėsilu nėkoą suratę ene. Mamben tęgadę pia ia nakasilo u suratėku e kai nakasusa naung i kamene – u manięng susan naung i kamene e tumbaeng sęngkakuhuang – kai ia e małaing pia sėsilėku. ⁹Kai ini e sembeng małuasę – bałinewe uałingu naung i kamene niapakasusa, kaiso kaweałingu kasasusan naung i kamene e kaweałi

kakanoa i kamene. U kasasusan naung' i kamene e nęsėndalėngbeng kapulun Duata. Kų i kami e tawe męndugi si kamene. ¹⁰Batuu kasasusan naung kere-ne e kai makauałi pėmamalaui naung kų makakađėntang kasa-sałamatę. Kų taumata e tawe sarung męsasėsilu ene. Arawe kasasusan naung kų sėndalėng u kapulun taumata e makauałi papate. ¹¹Kėnang i kamene kakėlla męsang apa uałine si kamene uałingu susan naung kų natuhų su kapulun Duata! Uałine ute i kamene mambeng mėtėtawakałi mapakałilang u karałėbuhę! I kamene męngkakoą mębawawinsį u rosa, męngkatakų, lėlahimpuluang, maħuntinambang kėha-ge, sadia mėħukungu apan nępėsala! Surałungu patiku talimbukune ini i kamene semben nanodę u i kamene seng tawe sałane.

¹²Kų manięng ia seng bou namohę suratę ene, ia namohę tangu wałinewe uałingu taumata kų nėsala ene. Wałinewe lai uałingu taumata kų nasigěsa u pėsasala ene. Ia e nakapėmohe u suratę ene tadeau su tęgong Duata e, i kamene semben nakahėngang hala u kai apaę kasariane rałungu naung i kamene

miëba i kami. ¹³Kai ene hakju naung i kami e mëngkai mahiborë. Suljun mahiborë e, i kami e limembowen lai mahiborë makasilo karaluasu naung i Titus; naunge mahiboreweng kamene këbi e. ¹⁴Ia e mang seng lulësa i kamene si sie. Tarimakasë, u i kamene tawe napakamean ia. Këbi apang bou iwëberang kami e si kamene e mamben têngadë. Kerene lai apang ilëlesa i kami e maanung kamene e si Titus mambelain têngadë. ¹⁵Tempo ini e i sie mangkeng kapahuntinambang kakëndage si kamene, u i sie makatahëndung kereapa i kamene këbi e mapulu tumuhu mëngangaha e ringangu kereapa kakakoä i kamene manarima i sie su adate ringangu kasatiane. ¹⁶Ia e maluasë kahëngang u i kamene pangimangeng bue su patiku sabarang.

Laonggo bou taumatan Sahani

8 Manga anau sëmbau, i kami e mapulu lai tadeau i kamene makakasingka u kereapa kapiane Mawu Ruata suapan jamaatë su Makedonia. ²I sire seng

niwanikateng u mëtoha u haghin sigësa mawawëha. Kaiso sutaloarang kasasigësa ene, i sire mang maraluasë dingangu makëhagë mëgëlli u laonggo ipëtulung tau-mata waline, maningbe i sire masasusa wiahe. ³Ia bahaniwe makapëbera u, i sire mëmpëgëgëlli be sëngapang ikaumal'i sire sarang katewe mangëlembo wou ene. Taweu mëngangoro, ⁴kai i sire mëdëdorong sëngapang botonge mënsang maluasë bue kereu i sire mangonggou gaghëlli i sire su jamaat'u Mawu e su Yudea. ⁵I sire mëmpangonggobe limembong kalawoe wou lëharapeng i kami e. I sire kahumotongange mëñënarakangu watangeng i sire su Mawu e, wou ene ute si kami e lai, kerewe ikëkapulun Duata. ⁶Ualingu ene hakju i kami e mëñënahowong' si Titus – ku seng nëmahëtaeng halë ini e – tadeau i sie mëñëpasu halë mapia ini e sutaloaraweng kamene lai. ⁷I kamene e maotelë bue su patiku sabarang: I kamene e maotelë su pangangimang su mëngukahu kasingka dingangu mëgëlli u tahuëna, suralungkewen patiku munara, dingangu suralungkeweng kakëndag'i kamene

ⁱ mendorong

8:1-4: Rm. 15:26

si kami. Ualingu ene, kēnangko lai pakaotelē i kamene su munara mapia ini e.

⁸Ia e tawe mēnanahowong u ene kere sēmbau parenta. Kaiso ualingkewen mapatode u kaghaghisingu taumata waline mētulungu sēndinganeng, ia e malaing mapulu makakasingka u sarang apae kakēndag'i kamene. ⁹Batu i kamene masingkasingka u i kite e limembowen tētalēntukang i Yesus Kristus Mawung kite e. I Sie kai kala, kaiso nētēngkakasiangu watangeng'E waugu kapiang kamene manga anau sēmbau, tadeau ualingu kakakasiang'E, i kamene mēngkakala.

¹⁰Tumuhū tēguku su halē ini ute semben su tampa e i kamene mangēnsue apan seng nitēta i kamene su taung naliu. Batu kai i kamene kakalimonaēng e nanēta u halē ini. ¹¹Ku ini e tangu, mapiawe i kamene pēngēnsue halē ene tuhūewe ikauma*j*'i kamene. Ku pakaghaghising buē mangua-dipu munara ene, kerēwe naung i kamene malaing maghising nēmahētang*j* hingide. ¹²Kereu i kamene ma*l*uasē mēmpangonggo, tangu Mawu Ruata e sarung

sadia manarima*u* laonggo ene suapaeweng pia i kamene, waline-we su talane.

¹³⁻¹⁴Sabanari u tawe apa mapulu mapakaliun taumata waline e wou tanggunang e, ku kawe mapakawēha i kamene. Kai ualingu i kamene orasē ini e riobe nipēngalamatenge, ute sem-beng hinone i kamene maontolu tulumang su nikakawusang i sire. Hēdoweng kereu i kamene kakawusange, ku i sire rembeng ipēngalamateng ku ipēdēdalembotangu i sire sarungbe mētulung i kamene. Kamagengbe kerene tangu ruambēka e lawo be nitangkianeng. ¹⁵Suralungu Winohē Susi e kabawohē u,

"Si sain lawo e
tawe kinalēmboēngē,
ringangu si sa*l*ewen mahali e
tawe kinakawusange."

I Titus dingangu manga hapi e sēndinganeng e nirolohē sēngkarolohē

¹⁶Tarimakasē su Mawu Ruata e napakēhagi Titus mēsulung laing kami e su mētulung i kamene! ¹⁷Batu i Titus e ba*l*ine-we kētaeng tutuhū dorong i kami e samatang, kaiso i sie lai

j memulai

ene e kakēhage mapulu mētulung i kamene hakieweng kai i sie sēsane nēmutusē sarang nēdumating i kamene. ¹⁸Niapataking i sie tangu i kami e nēndolohu sēngkatau wou anau sēmbau ku mēngkai su ralong kēbi jamaatē ualingu munarane kai mangedekeng Injil'u Mawu Ruata. ¹⁹Sulūn ene ute, anau sēmbau ene malaing seng nipile ringangu nitēbou manga jamaatē tadeau tumaking si kami suraralengang i kami. Batuu i kami e sarung dumaleng manondan tatongka ene, tadeau Mawu e wantughang dingangu i kamene makasilo u i kami e sadia wue mētulung.

²⁰I kami e mēngkate matēmu-tēmudē tadeau kumbahangbe piaū mapēsalang kami e su halēu mangētudu laonggo sēngarihang^k ini e. ²¹I kami e mapulu mēmunara matulidē balineuwe kētau su tēngon Mawu e, kaiso su tēngon taumata e lai.

²²Nēsion^l Titus dingangu anau sēmbau ene, i kami e malaing mēndolohu anau sēmbau baline. I kami e seng masau mamaniķa si sie kai nalāheu i sie hanesē puluang mētulung. Ku i-

ni e i sie limembōewen mapulu mētulung i kamene watuu i sie kai pia pangangumbalane masaria si kamene. ²³Arawe i Titus tangu, i sie kai sēngkahalēkang dinganku, ku mēlēhalē dinganku e waugu mētulung i kamene. Ringangu su halēewen māanun dēdua sēngkaraleng dingang-e, ute i sire kai rarolohang u kalawou jamaatē e ringangu makoā daluasē baug'i Kristus. ²⁴Ku lēharapeng i kamene apakalahēkon kakēndagi kamene si sire, tadeau patiku jamaatē e masingķa u i kamene kükēndag'i sire ringangu apaeweng ilēlesa i kami si kamene mamben tēngadē.

Tatongka waugu sēndinganeng tau Sahani

9 Tumuhu hinone seng tawahaluasū iā sau manuratē si kamene halē u tatongka ku seng kadingōe solong jamaatē su Yudea. ²Iā masingķa u i kamene mambeng mapulu mētulung, dingangu iā seng lūlesa i kamene su tau Makedonia. Iā e nēbera si sire u seng dokeng taung taimai naliu manga anau sēmbau su Akhaya e seng sadia mangonggou

^k kereng kalawōe = demikian besar ^l serentak dengan
8:21: Ams. 3:4

tatongka. Dingangu kaghaghising i kamene selaing makabalinsahē igasu sēmbahageang kasariang e wou i sire. ³Ku orasē ini ia mēndolohi Titus dingangu irēdua anau sēngkatau ene solong anung kamene tadeau apang ilēlesa i kami maanung kamene ute waline-we rุดato tawē gēsine. Ku i kamene harusēbe seng sadia, batu ia e nēbera si sire u i kamene mang seng sadia waugu ene. ⁴Ia e ghugēnggang u kamageng pia i sire wou Makedonia ku tumole si sia kereu ia solong anung kamene. Ku kereu i sire makaēba u i kamene kai tawe nasadia, ute halēbe makamea si kami sarung, u kawe seng nauḷi u i kami seng mangumbalawe kahēngang si kamene. Dingangu i kamene hala e malaing sarung mēngkamea. ⁵Kai ualingu ene hakḷu ia makapēndangu hinong dumolohi sire ene anung kamene e kalimona waugu ipangurusē tatongka naung seng nikēdong kamene. Ia e nēkoḷa ene tadeau kereu ia e seng marēnta, tatongkang kamene e seng maḍariahi. Ualingu kawe kerene ute, nalahe e naung laonggo i kamene nionggoben

naung i kamene maḷuasē wali-newe ualingu nasihasa.

⁶Pētahēndungko! I saing makēkidē^m mēnawon bine, malaing mahaliⁿ ikapēnsa e. Arawe maraḷawo mēnawon bine tangu malaing maraḷawo ikapēnsa e. ⁷Sēngkatau-sēngkatau e hinong mēmpēngonggo dingangu haēngu naunge. Kumbahangbe mangonggo dingangu ria-ria arau ualingu nasihasa, u Mawu Ruata e kḷkēndagu taumata ku mēmpangonggobe ringangu haēngu naung'E. ⁸Mawu Ruata e kai kawasa mangonggo alamatē ipēdēdalembo, tadeau i kamene sēntiniḷa makahombang bue apang gausang i kamene; ku i kamene sarungbe mahēmpaḷiu mēmpēkoḷa mapia ringangu mēkakēndagē e. ⁹Suralungu Winohē Susi e maḇawohē kereini maanun Mawu Ruata e:

"I Sie mēnēnawuhē baugu taumata kasiang;

karalondon naung'E kakalē solong karēngue."

¹⁰Mawu e nēndiahing bine waugu mēnanawuhē dingangkewen nēndiahing kaēng baug'i kitē. I Sie lai sarung mēndiahi ringang-

^m makili - makibitē = kikir ⁿ mahali = sedikit

u mapëdalemboŋ apang sësawu-
hang i kamene, tadeau kalon-
don naungu e maļaing mahun-
tinamba. ¹¹Uaļingu kerene ute
i kamene sarungbe mëdalem-
bo suraļungu patiku sabarang
hakieweng i kamene hanesëbe
makaonggo dingangu kaļaeludë.
Dingangu kaļawou laonggo i ka-
mene seng pinëpapahia i ka-
mi, ku taumata ļawo e mëngkai
makitarimakasë su Mawu Ruata
e. ¹²Batuu kakanoa mapia ki-
noa i kamene balinewe tumbau
sarung makatongka kakakawusu
raļohon jamaatu Mawu sama-
tang, kaiso maļaing sarung ma-
kauali tatarimakasë u taumata
ļawo e su Mawu Ruata e. ¹³Ku
uaļingu tulumang ku seng tinodë
i kamene e, maļawo tau Sahani
su Yudea e sarung mëdalo Mawu
Ruata batuu i sire nakasilo kaļai-
aking i kamene su Injilë maanung
Kristus ku tëtölëng i kamene e.
Dingangu, i sire mëdëdalo Ruata
e, uaļingu i kamene e maļaeludë
mëmpamahia si sire ringangu su
këbiwe lai waļine e apaewen pia
i kamene e. ¹⁴Tangu i sire sa-
rung mëkaļiomaneng i kamene ri-
ngangu naung i sire makëndagë
si kamene watuu kapian naungu
Mawu Kasëllahenge si kamene.

¹⁵Karimako i kite e manëmbang
tarimakasë su Ruata bou pëda-
raļembon patiku kakëndag'E e!

I Paulus mëtëtahutënda u pëtatangkiange

10 Orasë ini e ia, i Paulus
e kai pia taku ipauļi si
kamene. Ia ini e, angkuëng i sire
e, kai masikome naungku e kereu
mëtëngong kamene, arawe maeng
mararau e wahani. Ku uaļingu
kasasikome ringangu kapian
naung i Kristus, ²ute ia mëdo-
rong sëngapam botonge kumba-
hang kawe sarang makasihasang
ia mëkoā matëtogë si kamene ka-
magengu ia marënta. Batuu ia e
mëkëkaraki mëdeau mëkoā maha-
sa si sire apang mëmpëbëbera u
pëlahalë i kami e kai pia timo-
nane mađunia. ³I kami e tëngadë
bue wëdaweng mëbëbiahë su du-
nia e, kaiso i kami e tawe
mëkakaradiahang ku mëngum-
bala su timonang mađunia.
⁴Manga aghidë ipëkëkaradiahang
i kami e waļinewe aghidu dunia i-
ni, kaiso kai manga aghidu Ruata
makawasa. Ku dingangu manga
aghidë ene i kami e mëgënggo-
ghahë manga tëndä; ipënë-
nighe^o kaļawou pëdararendehë,
⁵dingangu ipanënehë kaļawou

^o maakimang = menangkis

tëndau kalaobotē nībawētī bau-
gu ipēdēndokā kasingkau māa-
nun Duata. I kami e mēnēna-
weng tinēnnan sire e ringangu
mēmēmata si sire tadeau mēsā-
malē si Kristus. ⁶Kū kamageng
u i kamene sembeng tutuhū di-
ngangu kaguwau naung ute i ka-
mi e seng sadia mēhukungu apan
tawe tumatuhū.

⁷I kamene e kai hinong ma-
kahēngang mapia-pia kakakoā e
tutune. Kereu piaū pēsēngkatau
maiaking u i sie kai tataghua-
neng i Kristus, ute i sie kai
hinong manalēntihō batangenge
ringangu masingkā u i kami e
malāing tataghuaneng i Kristus
kerewe i sie. ⁸Iā e tawe ma-
mea kamageng iā hinong limem-
bong kasaune lumesā u kawasa
kū seng nionggo u Mawu e si
kami, u kawasa ene nionggoe kai
waugu ipamētī si kamene, kai
walinewe tadeau ipēnggoghahē.
⁹Iā mādiri wue i kamene ka-
we mangelennau suratēku e kawe
ipēmatakū si kamene. ¹⁰Tauma-
ta e mēmpēbēbera u, "Apan su-
rat'i Paulus e malahoto, ringangu
mananēngga, arawe kereu i sie
ene sutaloarang kite, i sie ma-
sikome ringangu wisarane tawē
mangalene apa!" ¹¹I sire apang
kerene hinong masingkā u kereu

i kami e ene sutaloarang kame-
ne, pēkakoā i kami e sēndalēng
dingangu apan nībawohē i kami
su apan surat'i kami e.

¹²Sembeng nalahe u i kami
e tawe wahani manulung arau
mētēngkahengke u watangeng i
kami e sēntara ringangu apang
kū mēpēpēndang batangenge ma-
range. Kai apa e kalongong i si-
re! I sire mēkēkoā sasukā hala kū
mangukurē batangeng i sire ri-
ngangu sasukā i sire. ¹³I kami e
walinewe kerene. Kereu i kami e
mahulesā, i kami e tawe rumaliu
kētakenge. I kami e mangētaewe
su kētakengu munara seng ni-
poēngu Mawu Ruata waug'i kami
e. Kū i kamene malāing nataho
suralungu pēsaraēng ene. ¹⁴Kū
kamagengu i kami mētiwong In-
jil'i Kristus si kamene ute i kami
e tawe lumiu wou pēkētakengu
pēlahalēkang i kami e. ¹⁵I kami
e tawe mēdalo watangeng i kami
ualingu saghedu taumata wali-
ne kū sulikudu kētakenge tuhū
nipoēngu Mawu Ruata e si ka-
mi. Kaiso i kami e kawe mang
suralungu pēkētakenge kerewe
seng nipoēngu Mawu Ruata e
waug'i kami, ringangu mangia-
king u i kamene mangkeng
mangumbala si Kristus, tadeau i
kami e wotonge makakoā munara

limembong kasëllahe suta_rloarang kamene. ¹⁶Ualingu kerene ute i kami e mālāing makapēlēhabaru Injilē e su manga soa waline ku tawaha_rluasu harusē lumesau watangeng ualingu halē ku seng nauadipē su pēlahalēkang u tau.

¹⁷Suralungu Winohe Susi e kabawohe, "I saing ku mapulu pia_ru ilesa ute kēnangko lēlesau apang seng niko_a u Mawu e."

¹⁸U taumata rēdaloēnge ute kai taumata ku dēdaloēngu Mawu, waline_w taumata ku mēdēdalo watangenge.

I Paulus dingangu manga mahang darolohang

11 Kēnangko wala ia deng mēkinau wodo kadodo. Botonge arau ēng? ²Ia e mēkēkahumang i kamene, kerewe Mawu sēsane mēkēkahumang i kamene. I kamene kai kere sēngkatau mahuala parawang ku bēdang ta tura e seng taku nikēdoēng u sarung ipēkawing u sēngkatau kaghiang esē ku i Kristus. ³Kai ia e ghūgēnggangu naungu kawe sarung kaiwogang ku sarung ta satiane si Kristus e, kerewe i Hawa e kalimona mālāing nikawitaugang u tondoali^p u

tēmpu e. ⁴Batu luhude i kamene mēngkate maraluasē mēmpa_rnarima u taumata mēmpēdēnta su anung kamene mase manēntiro māanun Yesus baline-baline_w – i Yesus taku ipēpakasingka si kamene. Ku i kamene mālāing sadia rimae rohkē dingangu, "Injilē" nētātēntang u Rohkē Susi ringangu Injilē seng kinatarima i kamene woi kami.

⁵Pēndangengku ia e wali_rnewe nako_a sualungu^q "rarolohang" mawawaigē ene! ⁶Aramanung ia kai longong mēdudato, kai su halē u kasingka ute wali_rnewe longong. U ene seng taku niapasilo si kamene su patiku munara.

⁷Su tempon ia e mēlēhabaru Injilē si kamene, ia e tawe mēga_rhausē si kamene e apēnēnewa si sia sarang kadodo; ku ualingu ene ia e mētētēngkasana u watangengku. Ia nēko_a kerene tadeau mapakarangē i kamene. Ku lēēnnaēng ene kai sēmbau pēsasala wou ia si kamene ngae? ⁸Su tempong ia mētētangkiang si kamene, ia e tētangkianeng u manga jamaatē baline. Botonge ikawera u ia e kai makadugi manga jamaatē ene mēdeau ma-

^p kelictikan ^q suulasu = merasa diri rendah.
10:17: Yer. 9 24 11:3: Pēnd. 3 1-5, 13

kapētulung si kamene. ⁹ Kereu su tempo ene iā e kakawusange, iā e tawe sarang sēnsulē mapakasusang kamene sarang sēngkatau. Kēbī apang takū gēgausang e seng nitalung u manga anau sēmbau bou Makedonia. Iā e mētēteghang sēngapam botonge tadeau iā e tawe makasigēsā si kamene baebe suralungu kakakoā kereapa, dingangu iā e mang sarung hanesē mēteghang tadeau ene mang maṭatana ke-rene. ¹⁰ Dalesaku ini e mamben tawe ikarēdasē balaewe mēnsang su weṭ e sude su kaguwau Akhaya, batuu tēntirong Kristus kū kahēngang e kai si siā. ¹¹ Unue-we iā nēbera kerene? Kiwuau kai ualingu iā e tawe kimēndag'i kamene ngae? Mawu Ruata e masingka u iā e kūkēndag'i kamene.

¹² Apan takū kēkoateng ini e maḷaing takū koateng su tempo ramahi tadeau manga "rarolohang" baḷine e tawē daḷenge wau-gu mapakasēllahu watangenge kū mēmpēberau i sire nēmpēmuna-ra mēsulung i kami. ¹³ Taumata kerene ute kai manga mahangdarolohang. I sire kai mēlahalē kū mēmēmulinā taumata ringangu mētētēngkaambing kere manga rarolohang i Kristus. ¹⁴ Abe ka-

ralinau u i sire mēmpēkēkoā kerene, u setang sēsane maḷaing nakiralumēmping maṇihing ma-laekatu tualagē e! ¹⁵ Tangu a-be lai ralinau kereu manga mētatangkiangu setang e makiralumēmping maṇihing manga rarolohang mēmpēkēkoā kapulun Duata e. Susamurine i sire lai sarung mēmpanarima u wawalise tuhūewe kasarian patikū apang kakakoā i sire.

Pētatingkēdangu sunsaran

Paulus su munaran sēngkatau rarolohang

¹⁶ Kapia iā mēbera u: A-be piaū mangēnna u iā kai longong. Kai kereu i kamene kawe mēmpangēnna u kawe kerene, ute apakawalako iā longong ini e deng lai lumesa kaḍodo. ¹⁷ Tangu! Iā deng mēsēbau ralesaku, kaiso ini e walīnewe Mawu e nangoro si siā pēbēberang ene. Su halē ini iā e kai kahēnga-hēngang mēbisa-ra kere sēngkatau wodo. ¹⁸ Mambeng maḷawo taumata kū lulesau manga halē u madunia, tangu iā e mapulu lai lumesa e. ¹⁹ Kū i kamene mēngkate maraluasē makakēdang su tēngon taumata kū longong, batuu i kamene

měpěpëndang batangeng e enē e kapandene! ²⁰I kamene mēngkate mapakawala kereu piaū mēta-huēllang i kamene, arau manigēsā dingangu māngakalē si kamene, arau mēpěpëndang batangeng e limembong karangē e wō'i kame-ne ringangu wahani mēmeru si kamene. ²¹Ia e mamea manga-ku u i kami e tumanjē lome su mēkoā kerene.

Kaiso apang kŭ bahani ilesau taumata waline, ia e wahani lai! (Ia e mēbēbera kere sēngkatau longong.) ²²Tau Ibrani e i sire? Ia e maīang tau Ibrani. Tau Israel ngae i sire? Ia e maīang tau Israel. Hiten Abraham sire? Ia lai kerene! ²³Manga mētatangkiang si Kristus, tangŭ i sire? Daringihange ia e seng mēsulungu kinasueng'u tinēna, kaiso ia e mambeng mētatangkiang limembong kapiane wōu i sire kēbī e! Ia e mēkēkaradiahang limembong kasēgade, ia e masau itahungku, ia e limembong kasau-ne pahangeng dingangu masau^r masara mate. ²⁴Seng liman sulē ia nipahangeng u tau Yahudi ringangu raluwagē tēllum pulo sio su sulene. ²⁵Tēllun sulē niwēba-

hu tau Roma; ia selaing bōu niwahungang'u watu. Tēllun sulē ia nikasiladeng u kapalē su laudē, dingangu sēnsulē ia e mēngkate rŭdalēto su laudē gēnnangu ruam pulo ēpa su kaorase. ²⁶Masau su sulene ia e rŭdaleng su raleng makagaghēnggang; ghugēnggang u kalēbaēng, piaū mēlingu; som-bang bōu sēmbēkan Yahudi arau lai wōu sēmbēkang baline Yahudi, silakā su soane, silakā sulikudu soa, silakā su laudē, ringangu wōu apan taumata kŭ māngakung batangenge kere anau sēmbau lawo taumatan Sahani sēmbaliau waline wue. ²⁷Ia e mēbēbalinsuagē dingangu mēkēkaradiahang sēngapam botonge, ilēlanggange, tawe kuma-kaēng, tawe manganginung, masau maīanting u tiang tā lohōne, dēdahēndongang ualingu tā lahēmbung badang dingangu tā u pētumanakeng. ²⁸Su sēmbēkang kēbī ene, ēllo-ēllo ia e maīang ghugēnggangu kakako-āu apan jamaatē. ²⁹Maeng piaū mēlome ia e maīang mēlēlome ringang. Kereu piaū mānawo suralungu rosa, naungku e maīang mapēndu dingang.

^r tawē palē e = sering

11:23: MMR. 16:23 11:24: Pang. 25:3

11:26: MMR. 9:23, 14:5

11:25: MMR. 16:22, 14:19

³⁰Tangu, kereu ia e kai hinong pia u ilesa, tangu ia e lulesa u apang mëlëlahë u karalomeku e. ³¹Duata, i Amangu Mawu Yesus masingka u ia e tawe mëkakonti. Karimakö arenge dëdaloëng sarang marëngü-dëngü. ³²Pia e ia naung su Damsyik, gubernurë naung mëpëparenta sene kai su parentan datu i Aretas, nëndolohu manga soldado pinëndiaga tukadu soa ene kü pinëname sia. ³³Kaiso suralungu sambeka ia e niuluhë tanaë limiu lohange sëmbau su meselë e. Kere ne koa e sarang ia naliwirë bou limang gubernurë ene.

**Pëlalahë dingangu papasilo
kü nionggou Ruata si
Paulus**

12 Mamben tawë untune kereu lumesa. Kaiso ia e mang mapulu lumesau apan tinode u Ruata e si sia suralungu pëlalahë arau suralungu papasilo. ²Ia e masingkau tau Saha ni sëngkatau kü mapulo ëpa su taunge tamai naliu e nihengkë solong tampa karangetange su sorga. (Ia e wëga wue mënsang badange kahënga-hëngang nasapua arau ene samatang sëmbau papasilo – këtaeng Mawu Ruata

masingka.) ³⁻⁴Sënsulëko lai sau taku ipauli: Ia masingka tau ini e niapakapua solong Firdaus. (Ia e wëga mënsang kahënga-hëngang badange nasapua arau kai këtaeng sëmbau papasilo – këtaeng Mawu Ruata masingka.) Kü sene tau ene dudarinhë apang kü ta ikaweran taumata ringangu apan tawe iapakawala ipakiwera su taumata. ⁵Kai waugu taumata ene e ia e mapulu lumesa, balinewe ualingu watangengku. Baugu watangengku e tumbaweng kakakoa kü mëlëlahëu karalomeku e, hinon taku ilesa. ⁶Ungkuëng manga ia e mang mapulu lai pia u ilesa, ute ia e tawe mapulu këtaeng makoa taharudato kü kawe ta katëngade. Kai ia e mang mëtingkëdang u watangeng, tadeau ta apa taumata mëngiralingu ia kai limembo wou apang kinasilone taku kinoa, dingangu seng kinaringihe seng taku nibawera e.

⁷Kaiso tadeau ia e tawe tumanie mangobotë ualingu manga papasilo masasëllahë ene, batangengku nighëlirangu saki su wadang kü alingkai palakara u setang. Saki ene niapahombang baugu ipëmahang si sia tadeau ia e tawe mëtëngkarange u naung.

⁸Tëllun sule iạ mặkặkạliomaneng su Mawu tadeạu sakị ene ạlakeng bọu wadangu. ⁹Kaiso Mawu e kai simimbang u, "Iạ e kụkặndagi kau ringangu ene e seng kapapia-ne waug'ị kau; u kawasa'Ku e limembọeweng katoghase kereu i kau e surạlungu karạlome." Kai uạlingu ene hakịu iạ e mạpiang-be lumesạu karạlomeku, u kereu iạ e lome, ute hatede su tempo ene iạ makạpặndang u i Kristus e mặnặntanudu katoghase si Sịạ e. ¹⁰Tangu iạ e mặngkại lụlụa-su kạlawọu karạlomeku. Kerene lai iạ e mạlạing mạlụasặ kereu uạlingu i Kristus iạ e tặtongkeaneng, iạ e lặhombangengu wặhạ, pặsặsasahusuang, dingangu iạ e lặhombangengu susa. U kama-gengu iạ lome, ute seng su orasặ ene e iạ matoghasặ.

Kaghaghặnggang i Paulus su tau Korintus

¹¹Mamben tặngadặ iạ seng nặtặngkạkọạ kere taumata ịongong – kaiso kai i kamene nakawodạ si sịạ nạkọạ kerene. Tumuhụ hinone e kai i kamene hinong mặdalo si sịạ, U manilaing iạ tawẹ mangạlene apa, kai iạ e tawe nanawo sarang kadodọ, su kạlawọu manga "rarolohang" baigặ ene! ¹²Kạlawọu karạlinau

dingangu kakakọạ tawẹ sihinge o-re lai manga munara masasặllahặ e sen takụ tinodặ dingangu kasa-sabarặ si kamene baugu ipặlặlahặ u iạ e kai sặngkatau rasulặ. ¹³Kai su halặ sude i kamene nịpalandaặng kereu isukạ su manga jamaatặ baline? Mặtặngkarangặ kặtạeng su kakakọạ ini: u iạ e tawe namặhạ si kamene waugu pặngangongkosặ si sịạ e. Iạ ampunge e su pặsasạlaku ene!

¹⁴Kụ ini e seng katặllun sule-ne iạ sadia mặtiwo si kamene. Dingangu iạ e tawe mapulu makasigặsạ si kamene, u takụ ilặlundang e ute wạlinewe rarotong i kamene, kaiso kawẹ watangeng i kamene. U wạlinewe manga rario e hinong mặdeạ biahu ghaghurange, kaiso kawẹ maghurange hinong mặdeạ biahu pạlahana e. ¹⁵Uạlingu ene tang'ụ mạlụasặ bue iạ e manarakangu patikụ sabarang e waug'ị kamene, sarang ịai wadangu e takụ isarakang baug'ị kamene. Kereu iạ e kereng kakặndage si kamene, ute hinone wue ngae i kamene mahalịn tatalặntụ e si sịạ?

¹⁶Ho! I kamene e mạlạing kimire u iạ e tawe sarang sặnsule nakasigặsạ si kamene. O kawẹ piạu mặbặbera u iạ ini e malịewehặ; u iạ e makạhombang un-

tunge wou i kamene ualingu tahuakalëku. ¹⁷ Makoabe kereapa! Arau ia e kai manawu untunge wou i sire taku irëdolohë si kamene tangu? ¹⁸ Ia e seng nendoloh'i Titus pinëtiwo si kamene, ringangu ia nëndolohu anau sëmbau Sahani waline ene nia-pataking si sie. Ku kai mangala untunge i Titus bou i kamene ngae? Kai i kandua e mëlëhalëbe timonane mësulung mase koa u pëlahalë i kandua e malaing mësulung.

¹⁹ Aramanung su tinënnang kamene i kami e kai mëdeau mëtahutëndau watangeng i kami su têngong kamene? I kamene mambeng nësala ënna! Mawu Ruata e masingka u këbi iwëberang kami e ute kai tutuhu kapulung Kristus. Dingangu këbi apan nikoa i kami e kai waugu ipamëti pëbawiah'i kamene marohkë. ²⁰ Ia e ghugënggang, u su tempong ia nëtiwo si kamene sarung, takube kaëbakeng i kamene e waliuwe kere lëharapeng. Kiwau kai sarung piau mëmpëkakoka, mësasinking, naung matëti, malaanggang, mëmpësasamadë, mëmpësësasahowong, obotë dingangu pëgaghaghohaeng. ²¹ Ia kai ghugënggang u kama-

gengu su tempong ia dumënta ute Mawu Ruata e sarung mapakasana'u ia sutëngong kamene, dingangu ia e sarung sumangi batu malawo sutaorang kamene e ku naung mëmpëdëdosa e tawe nëbalui ringangu tawe nëngëdo wou kakakoa i sire lamuhu, kotorë dingangu tawe su hinone.

Manga sasalëntihö dingangu pëkakata pangënsueënge

13 Seng katëllun sulene ini e ia dumënta mëtiwo si kamene. Suralungu Winohe Susi e kabawohë, "Walaewe su halë su-de, kai hinong tahutëngadeng u rarua arau tëllung katau sahi-dine, wuhuwe halë ene iaku." ² Taumata naung su tempo tamai e seng bou nëkoa pësasala ringangu këbiwe taumata waline, seng bou taku lëhabareng kalimona su tempong ia nëtiwo si kamene su karuan sulene. Ku ini e tangu tëntalang ia deng maraung kamene, ia mau li kapia u kama-geng u ia sau dumënta kapia, ute tawë u sarang sëngkatau wou i sire ku sarung maliwirë bou lukumang. ³ Tangu i kamene sarung-be makaëba këbi sasahidi apang ikëkapulung kamene u i Kristus e

kahënga-hëngang mëlëhengetang luliu watangengku. Kereu i Kristus e mëkaradiahang si kamene ute i Sie waliuwe mëlëlondo, kaiso i Sie kai mënodeu kawasan'E sutałoarang kamene. ⁴Tëngadë bue su tempong i Sie nikuruisë, i Sie kai lome, kai arawe orasë ini e i Sie kai nëbiahë ualingu kawasan Duata. I kami mälaiing lome suralungu pëbawiah'i kami ku nasëmbau dingang'i Kristus, kaiso kereu i kami mëtëngong kamene, i kami e mälaiing sëngkakato-ghasë dingang i Kristus ualing'u kawasan Duata.

⁵Kënanng i kamene pëmpa-nika batangeng i kamene halla, mënsang i kamene kahënga-hëngangbe mëmpëbëbiahë mabawanggilë su pangangimang si Kristus! Mamben tëngadë i kamene masingka u i Kristus Yesus e ene suralung i kamene! – nëtätëntangbeng kereu i kamene kahënga-hëngang tawe mangimang. ⁶Ia mëlëharapëu i kamene masingka bue u i kami e waliuwe taumata ta darage. ⁷I kami e mëlëkalïomaneng su Mawu Ruata małowoko i Sie mëtulung i kamene tadeau tawe mëkoapësasala. Balinewe waugu mapasiala u i kami e mambem pelesa mëmunara, kai tadeau i kame-

ne mëmpëkoabe apang ikëkapulun Duata e – baëbe këllaëng i kami e ta nakawëbalë, kai tawë apa-apa! ⁸U i kami e tawë makakoabe apa mëgulewasu katulidë e; i kami e hinongbe tumuhu katulidë e. ⁹Małuasë bue kereu i kami e lome, ringangu i kamene e matoghasë. I kami e mälaiing mëkëkalïomaneng tadeau i kamene e mëngkasuku. ¹⁰Kai ualingu ene hakïu ia namohë u suratë ini su tempong ia e wëdang tawë disë ringang i kamene. Ualingu ene tangu, kereu ia e sarung dumënta ute tawahałuasu ia mëlëgisë si kamene mëpake u kawasa nionggou Mawu e si sia. Kawasa ene nionggou e ipamangung si kamene waliuwe ipëgënggoghahë.

¹¹Samurine manga anau sëmbau, pakarałuasë bue i kamene, ringangu pëmpëtawakali wue i kamene mëmpëtëngkasuku. Ku tarimaکو sasälëntihoku e. Pakasasëngkanaung bue ringangu pakaghaghilë bue. Mawu Ruata e kai pungu tatalëntu dingangu pëdarame e sarung mahundingang i kamene.

¹²Pëmpëpapangadatë bue sëmbau dingangu waliuwe, suralungu pëkakakëndagë e kerewe pëtatënganau sëmbau u tau-matan Sahani.

Patiku umat'u Ruata e ngangu Rohkë Susi e mənənta-
mangimang e nēmpəndohongbe nudë si kamene sidutu!
tabea si kamene.

¹³ Mawu Yesus Kristus
məngalamatë si kamene. Mawu
Ruata e kükəndag'i kamene, di-

Adat'i kami,
Paulus

SURAT'I PAULUS
SU APAN JAMAATĚ SU
GALATIA

DARUMATINGE

Saraeng Injilĕ mĕbĕbĕken Yesus e nanĕtĕe ipĕdĕdalahabarĕ dingangu itĕtarimaŋ waŋine taumatan Yahudi, kŋ nariadi e kakiwaŋo mĕnsang baugu makoŋ tau Sahani tutune ute taumata harusĕ tumuhŋ torat'u Yahudi. Angkuĕng i Paulus u haŋĕ ene sembeng tawahaŋuasĕ – batuŋ katatainge mang tumbaŋ sĕmbaŋ nakŋa pinĕbukuange mapia su pĕbawiah'u tau Sahani ute tumbaeng mangimang si Kristus. Uaŋingu pĕngangimang ene ute pĕdalahĕmpukangu taumata ringangu Mawu e nauŋi kapia. Arawe apan taumata kŋ dŋdoka si Paulus e seng dimĕnta su apan jamaatĕ su Galatia, kŋ su propinsi sĕmbaŋ (Roma) su Asia kadodo. Angkuĕng i sire uade kereu saŋ mĕsĕngkapiŋ Duata ute, taumata harusĕ mĕndalengu torat'u Yahudi.

Surat'i Paulus Su apan Jamaatĕ su Galatia ini niwohe baugu pĕtuŋ taumata apan nipaŋidu apan tĕntiro tawe nihino ene, tadeau i sire saŋ mĕsule mĕtĕngkasatia su tĕntiro kahĕngang arau hinone. I Paulus nanĕta e ringangu nĕberau i sie hinone isĕba darolohang i Yesus Kristus. I Paulus nĕbera mahatedĕ u kakuine waugu makoŋ sĕngkatau rarolohange kai wŋ Ruata, waŋinewe wŋ anun taumata. Kerene lai watuŋ munarane e kai tumange kahumotong-motongange kai waugu apan baŋine tau Yahudi (1:2). Bŋ ene i Paulus nĕngukahen pĕndangu pĕkakauhu taumata ringangu Mawu Ruata e nauŋi kapia e kĕtaeng uaŋingu mangimang su Mawu (3-4). Suraŋingu manga pasalĕ kasamuriange wŋ bukĕ ini (5-6), i Paulus e nĕlahe u pĕkakakĕndagĕ kŋ simĕpu suraŋingu tau Sahani e uaŋingu i sie maŋimang si Kristus, kŋ tawe u makasahaghe si sie mĕkŋa apang hinong koatengu taumatan Sahani.

Lohone

Panětakenge	1:1-10
Hinom Paulus makõa rasul	1:11–2:21
Injil’u tatalěntu u Ruata	3:1–4:31
Karaliwirě dingangu munaran tau Sahani	5:1–6:10
Kakunsi e	6:11-18

1 ¹⁻³ Manga anau sɛmbau apan jamaatɛ su kaɣuwau Galatia; Ia Paulus dingangu kɛbi anau sɛmbau Sahani apan dingangu, mɛlɛharapɛ milomboko Mawu Ruata i Amang i kite dingangu Mawu Yesus Kristus mangonggo u alamatɛ dingangu karalunsemahɛ si kamene.

Ia nakoɔ rasulɛ e baline-we ualingu taumata arau ualing nihengke u taumata, kaiso kai ualingu i Yesus Kristus dingangu u Mawu Ruata i Amang i kite ku seng niapɛbiah'i Sie kapia wou kapapohong'E. ⁴ Tumole kapulun Duata i Amang i kite, i Kristus e nanarakang u watangenge nakoɔ sasaliung kalawou rosang kite, tadeau i kite ipakasalamatɛ bou tempong karalai ini e. ⁵ Dalo su Ruata sarang marɛngu-dɛngu. Aming!

Injilɛ samatang mang sɛmbau

⁶ Ia dudalinau u manga anau sɛmbau! I kamene nikakuin Duata ualingu tatalɛntu i Kristus, arawe ini i kamene kawe kalighae mɛmpɛbilingu Ruata ku tumole, "injilɛ" baline, su likudu Injilɛ bou anun Duata. ⁷ Tumuhu dalenge ute, tawɛ, "injilɛ baline". Kɛtaeng piaɣu mɛlɛhabaru "in-

jilɛ" maanun Kristus si kamene ipɛkɛkakaliu hakiewen makaɔganoha si kamene. ⁸ Taumata ku mɛlɛhabar'u "injilɛ" su likudu Injilɛ ilɛhabari kami e, ute walae kere i sie pakihukung u Ruata, maningbe lai tau ene kawe i kami hala arau kawe malaekatɛ bou sorga. ⁹ I kami seng bou nɛbera kalimona, ku ini e tangu sɛnsuleko lai ia mɛbera: taumata mɛlɛhabaru, "injilɛ" baline, su likudu Injilɛ ku seng kinatarima i kamene woi kami e ute taumata ene mapiangbe nilahukungu Ruata.

¹⁰ Ku kiwau ualingu ene tangú kai ia manga e mɛlɛharapɛ ilɛakun taumata? Mambeng tala! Ia kɛtaeng mɛlɛharapɛ pɛngangkun Duata. Apa mɛnsang ia kai kapɛngɛngaɣa e naungu taumata tadeau makaɣuasɛ naungu taumata? Kereu ia bɛdang mɛkɛkɔa kere ne ute, waline we ɛllang i Kristus.

Kereapa i Paulus nakoɔ Rasul

¹¹ Manga anau sɛmbau harusɛ masingka u Injilɛ taku nihabarɛ e waline we wou taumata. ¹² Ia e tawe manarima u habarɛ ene wou taumata, ringangu tawɛ u sarang sɛngkatau lai ku nanɛntiro si sia. I Yesus Kristus sɛsane

e nēlahē u raļohon Injilē ene si siā.

¹³Tantu i kamene seng nakaringihē maanung pēbawiahēku naung kalimona kere sēngkatau tumatoļe agaman Yahudi. I kamene masingkau kereapa kahēgise iā mēkoā jamaat'u Mawu ringangu kereapa kasēgade iā mēdeāu makapēminasa. ¹⁴Su halē u mēndalengu agaman Yahudi, iā nangēlembo wue wou kaļawou taumatan Yahudi apaewen sēntinuwo ringanku. Iā e makēhagē bue su halē u manga tundung i upung gaghurang i kami.

¹⁵Kai ualingu kapiā naungu Mawu Ruata, i Sie namile si siā kalimonan iā naiwantēlē dingangu nēkui si siā tadeāu mētangkang si Sie. ¹⁶Mawu Ruata nēlahē u Ahus'E si siā tadeāu Waļo Mapia maanung Ahus'E botonge taku ihabarē su apam baline tau Yahudi. Su tempo ene iā tawe nakoā soļong anun sarang sēngkatau mēdeāu makitēgu. ¹⁷Iā e tawe lai nakoā sarang anun sai-sai su Yesusalem apan seng kalimona wou iā nakoā rasulē. Kai iā e rimaleng sarang banuang Arabē, mase wou ene nēsulē kapiā soļong Damsyik lai. ¹⁸Tēllu taung tuhu

e, iā nakoā sarang Yerusalem mēdeāu mēsombang dingangi Petrus. Iā nētana dingange kētau mapuļo lima su ēllone karēngue. ¹⁹Iā tawe nēsombang dingangu manga rasul waļine, kētaewen i Yakobus anaū sēmbau u Mawu.

²⁰Apang ku taku niwohē ini e kai tēngadē. Ruata e masingka u iā tawe mēkonti!

²¹Bou ene iā nakoā sarang manga wanuan Siria ringangu Kilikia. ²²Sarang tempo ene manga jamaat Sahani su Yudea e wēdang tawe apidu nakakiraļa. ²³I sire kētaeng makadingihē taumata nēmpēbera, "Taumata ku naung kangerē manumbiagē si kami, ini e mēlēhabaru pangangimang ku kangerē naung kapulune kawē winasaēng." ²⁴Tangu i sire nēmpēdalo Ruata ualingu iā.

I Paulus dingangu manga rasulē baline

2 Mapuļo ēpa su taunge tuhu e, iā nēbaļi sarang Yerusalem dingangi Barnabas, mase nēbawa ko lai si Titus. ²Iā nakoā sarang Yerusa-

lem batu Mawu Ruata e seng nēlahē si siā u iā harusē tamai. Kū suralungken pēsasombang natuntu dingangu manga matatēbone sene, iā nēnualagu Injilē apan taku ilēhabarē su taumata apaewen baline Yahudi. Batu iā madiri tawakaliku naung kangere, dingangu orasē ini e makoabe tawē mangalene. ³I Titus, dinganku e kai sengkatau taumatan Yunani, kai tawe nisihasa patole tiahān sunatē e, ⁴maning lai piā taumata mēmpēnēnihasang halē ene. I sire kai taumata nēmpēkēmbuni suralungu ghalipohon kite kū makitika u kai anaū sēmbau. I sire nēmpētēngkalau mapēni-pēnisē mēdeau mēmpēpahimang karaliwir'i kite ualingu i kite kawē nakauhē dingangi Kristus Yesus. I sire mapulu mapēbali i kite naung kere kalimona kere ēllang, ⁵kai i kami e tawe napakawala kadiongeng sarang kadodo si sire, ualingu i kami mapulu mēndiagā tadeau Injilē e katatanabe wurēsi waugi kamene.

⁶Maning kerene, tawē apa-we manga halē buhu tētuntukang bou iā kahian taumata apaewen ikēkapanda matatēbone – kai si

siā ete wue mēngkate mēsulung kereu i sire kawē matatēbone arau tala watu Ruata e tawē mēmanda ghati. ⁷Su sēmbēkane, taumata kū ikēkasilo matatēbone e mangaku, u Ruata seng dimolohu iā mēdeau pēlēhabaru Injilē su waline tau Yahudi, mēsulungu kere i Sie seng nēngoro si Petrus baugu pēhabaru Injilē ene su tau Yahudi. ⁸Watu Ruata e nangonggo u toghasē si Petrus baugu makoā darolohang baugu tau Yahudi, ringangu mēngonggo u toghasē lai si siā makoā darolohang baugu waline tau Yahudi. ⁹I Yakobus, I Petrus dingangi Yohanes, apang kakēllaēng nakoā manga tēmbonangu jamaatē nangaku u Ruata seng nangonggo muna-ra tētani ini e si siā. Tangu i sire nēngumbele lima ringangi Barnabas dinganku nakoā kere tatialan pēdalāhapi. Mase i sire ringangi kami mapulu mēsēngkanaung sarung mamunara sutaloaran manga wansa waline Yahudi ringangi sire sutaloaran tau Yahudi. ¹⁰Kakēsae rorong i sire ute kai mēdeau i kami iapata-tingang tau kasiang kū iā mam-beng maluasē mēkoā halē ene.

I Paulus nēnasa si Petrus su Antiokhia

¹¹Saraeng i Petrus dimēnta su Antiokhia, iā dimoka si sie su tēngone batu u kakanoa e nēsala. ¹²Kahumotong-motongange i sie naiang kimaēng-sēngkakaēng dingangu manga anau sēmbau baline tau Yahudi. Arawe saraeng taumata rarolohang i Yakobus narēnta, i sie napakaraung batangenge wou manga anau sēmbau baline tau Yahudi sembeng lai tawe mapulu kumaēng dingangi sire, watu mataku u i sire ku mapulu tadeau kēbi taumata ipakisunatē. ¹³Manga anau sēmbau Yahudi lai waline maiaing timole sēngkapēmelle kere i Petrus, hakiu i Barnabas maiaing kēkawinsanaēngu pēmamellen sire. ¹⁴Kerene iā makasilo u kakanoa i sire tawe sēndalengu katēngadu Injilē ene, iā nēbera si Petrus su tēngong kakēpaļu taumata narēnta sene, "Kamagengu i kamene taumatan Yahudi kai seng mēbēbiahē kere waline tau Yahudi, unue wue i kamene mēnihasawe taumata waline mēbiahē kere tau Yahudi?"

Tau Yahudi ringangu waline Yahudi niapakasalamatē ualingu manging si Kristus

¹⁵Tēngadē tumuhu asalē, i kami kai tau Yahudi ku balinewe "taumata waline Yahudi marosa". ¹⁶Maning lai i kami masingka u taumata e mēsēngkapia ringangu Ruata kētaeng ualingu mangimang si Yesus Kristus, kai walinewe ualingu mēndalengu toratē. I kami hala lai manging si Yesus Kristus, mēdeau i kami mēsēngkapan Mawu Ruata, ualingken pēngangimang i kami ene, kai walinewe ualingu i kami mēdēndalengu toratē. Batuu ualingu mēndalengu toratē e, taweu sarang sēngkatau rembeng mēsēngkapan Duata kapia. ¹⁷I kami e seng mētētātētehē sēngapam botonge mēsēngkapan Duata supēbawiahē masēmbau dingangi Kristus. Kai kamagengu seng bou mēndalengu ene, kutu i kami e mang tēbe "taumata marosa" maiaing kere taumata waline tau Yahudi, apa mēnsang ini e ualingu i Kristus nakawaradosa si kami ngae? Nalahēu mambeng tala! ¹⁸Kereu

ia mamēti saŭ tiahan toratē kū seng taku nighoghahē, ute ia seng nakoā taha lampā toratē. ¹⁹Kai ia e seng nate su toratē – niapakapate waugu toratē ene sēsane – mēdeau ia makapēbiahē baugu Ruata. Ia seng nikuruisē dingangkeweng Kristus. ²⁰Kuteu ini e wāline lai ia mēbēbiahē kaiso i Kristus mēbēbiahē suralungu watangengku. Biahē ini taku ipēbēbiahē ini e kai pēbawiahē ualingu pangangimang su Ahusu Ruata kimēndagu ia dingangu seng nētēngkasarakang baugu ia. ²¹Ia tawe mēgagholou tatalēntu u Ruata e. Kereu pēkakauhu taumata ringangu Ruata e mariadi mapia saŭ ualingu mēndalengu toratē, ene mangalene kapapohong i Kristus tawe gunane!

Toratē arau pangangimang si Kristus

3 Manga anau sēmbau tau-
matang Galatia! I kamene mambeng longong! Kū i kamene mēnsang nikaraghusang i sai? Papateng Kristus su kuruisē e seng taku saŭ nitualagē dingangu malahē-lahē si kamene! ²Kēnangko pēhabarē si sia halē sēmbau ini: Apa i kamene seng nēnarimau Rohkē u Mawu ualingu mēn-

dalengu toratē, arau kai ualingu i kamene nakaringihē Injilē bou Ruata ringangu māngimang si Kristus? ³Unu e i kamene kere ne kalongonge! I kamene seng nēmpañēta u pēbawiahē buhu ringangu Rohkē u Mawu, kawē ini i kamene mapulu mapakasuku ene ringangu kuantu watangeng hala? ⁴Kū kai tawē kēhase kēbi apan seng nikaēba i kamene tangu? Kawē unu tawē gunane? ⁵Ruata e nangonggo u Rohkē'E si kamene ringangu nēkoā manga tanda makalaherang sutaŭorang kamene. Apa mēnsang Duata e nēkoā ene ualingu i kamene nēndalengu toratē arau ualingu i kamene nakaringihē Injilē e kū mangimang si Kristus?

⁶Ene mēsulungu kere mābawohē suralungu Winohe Susi māanung Abraham – kere ini, "i Abraham māngimang su Mawu Ruata, ringangu ualingu pangangimange ene i sie nitari-
ma u Mawu Ruata aling kai taumata makaluase naungu Mawu Ruata." ⁷Kū kēnangko i kamene pakaēnna u taumata kahēngahēngang hēntong Abraham ute kai taumata māngimang su Ruata. ⁸Winohe Susi seng nakasilo rokeng kalimona u Ruata e kawa-

sa mapakariadin baline tau Yahudi e sau mēsēngkapiān Duata, keru i sire mangimang si Sie. Injilē ene nipakasingka dokeng kalimona si Abraham suralungu kēdo ini, "Suralung i kau Ruata sarung mēngalamatē patiku umatē su wowon dunia." ⁹I Abraham mangimang hakiu i sie nialamateng. Kerene lai patiku taumata apang mangimang, sarung sēngkaalamatē dingangkewen i Abraham.

¹⁰Apan taumata ku māngumbala su toratē e kēbi mēbēbiahē suralungu laane. Batuu suralungu Winohe Susi mābawohe u, "I sain tawē satiane mēndaleng patiku apan mābawohe suralungu bukē u toratē e, ia-neng Duata!" ¹¹Tawē u sarang sēngkatau mēsēngkapia ringangu Ruata ualingu mēdēndalengu toratē. Halē ene seng nilahe suralungu Winohe Susi, "Kētaeng isain māngimang su Ruata hakiu pēkakauhē dingangu Ruata sau makoā mapia ku sarung mēbiahē!" ¹²Kai toratē e tawē kinaiāneng su pangangimang. Suralungu Winohe Susi mābawohe

u i sain mēndalengu toratē e, sarung mēbiahē ualingu toratē ene.

¹³Arawe i Kristus nēliwirē si kite bōu anen toratē. I Sie nēkoā ene ringangu napakawalan batangeng'E nianéng, ualingu i kite. Batuu suralungu Winohe Susi mābawohe, "Kālaane, si sain nate māgaghantong su kalu." ¹⁴I Kristus nēkoā kerene tadeau alamatē nikēdon Duata si Abraham nionggō lai su apan baline tau Yahudi. Ualingu ene i kite mālaing māngimang su Ruata ku makatarima u Rohkē ku nikēdon Duata ene.

Toratē arau kēdon Duata

¹⁵Manga anau sēmbau! Mapiangbe ia mēpakē u kakakēlaēng bōu ebau pēbawiahē mēllo-mēllo. Kereu taumata mēngikū pēkakakēdo ku kēdo ene seng nitahuntēngareng ute tawēu sarang sēngkatau makaghoghahē pēkakakēdo ene, arau makapēnambang^a manga apa si sie. ¹⁶Kalawōu kēdon Duata e nika-koā u Ruata waug'i Abraham dingangu waugu hēnton Abraham.

^a makapēnakidu

3:8: Pēnd. 12:3 3:10: Pang. 27:26 3:11: Hab. 2:4 3:12: Im. 18:5
3:13: Pang. 21:23

Suralungu Winohe Susi tawe nawohe "kai waugu taumata henton Abraham", ku mangalene taumata lawo. Kuteu mabawohe sene ute, "dingangu waugu palahento-
nu mangalene sengkatau tude", ku kai i Kristus. ¹⁷ Ku taku sarung ipauli sini kai ini: pekakendon Duata seng nikoā dingangu nitahuntengadeng kalimona. Toratē ku nionggo samurin epa u hasu tellum pulo su taunge tawe makaghoghahē^b penanahuntengadē dingangu makarēdasēbe kendon Duata ene. ¹⁸ Kai kereu laonggo u Ruata isesange su toratē ute ene walineuwe lai laonggo su kedo. Ualingu Ruata seng nekēdo si Abraham, ute Ruata e nangonggo u ene si sie.

¹⁹ Kamageng kerene, kai wau-
gu apa tangu toratē e nionggo? Sasimbange ute toratē ene kai nitamba tadeau melaheu pendalampang taumata. Toratē ene ketāeng mapake saraeng darentan sengkatau hiten Abraham ku nisēba suralungu kendon Duata si Abraham. Toratē ene nionggo u manga malaekatē pia mēnanēpase sengkatau taumata. ²⁰ Ku hinong pia duang kamo-
naeng, buhewe pia sengkatau mananaoarane. Arawe Ruata e

tawe mēgaghausē mananaoarane, watuu kai i Sie sēsane kima-
noa.

Kakakoā u toratē

²¹ Ku apa mēnsang ene mangalene ute toratē e mēdēdoka dingangu kendon Duata? Mambeng tēngadē tala! Kai kereu toratē e nionggo mēdeau makariadi alamatē su pēbawiahu taumata, tangu taumata e makapēsēngkapiawen Duata suralungu toratē. ²² Kai suralungu Winohe Susi mabawohe patiku taumata e kai sualungu kawasan dosa. Ualingu ene, laonggo ku pinēkēdo ku niwēnta su pangangimang si Yesus Kristus nionggo si sire apan mēmpangimang!

²³ Tēntalang ta nadēnta tempone mangimang si Kristus, i kite dēdiagatengu toratē masēgasēgadē; i kite mēsulungu nika-
kurung sarang pangangimang ene ilahe. ²⁴ Dingangu kerene ute, toratē e nakoā kere mēnaniti si kite sarang i Kristus dumēnta mēdeau mapakariadin kite saū mēsēngkapiawen Duata ualingu i kite mangimang si Kristus. ²⁵ Orasē ini, ualingu seng tempone taumata mangimang si Kristus ute i kite semben tawe lai titikangu toratē.

^b makaputi = makapeto

²⁶ Ualingu i kamene mangi-mang si Kristus Yesus, ute i kamene nasēmbau dingangi Sie; kũ ualingu ene i kamene nakoā manga anau Ruata. ²⁷ I kamene kēbĩ seng nisahani su areng i Kristus, kũ i kamene seng nē-narima u watangeng i kamene apaewen kakakoā i Kristus sēsane. ²⁸ Suralungu ene ute semben tawē pēdalahaen tau Yahudi ringangu waline Yahudi bōu taloaran ēllang dingangu waline ēllang, bōu taloarang esē dingangu wawine. I kamene kēbĩ e nasēmbau ualingu i Kristus Yesus. ²⁹ Kereu i kamene tētaghuaneng i Kristus, ute i kamene kai hēnton Abraham. Kũ i kamene sarung manarima u apang kũ nikēdon Duata.

4 ¹⁻² Kai iā e hinong manahuntēngadē u karēngu u sēngkatau taghuang pusaka e reng darodo, ute hinong pia taumata mēnēnahimata si sie ringangu mangurusē haghin pandungange sarang i sie makakaratingu umure kũ tinantung amange. I sie i kēkoā mēsulungu sēngkatau ēllang manjeng i sie tuhũ hinone kawē taghuangu patikũ arēta ene. ³ Kerene lai ri-

ngangi kitē: Karēngu u i kitē deng ta natēllang, i kitē nika-koā ēllangu manga rohkē apan mangawasa dunia ini. ⁴ Arawe su tempone mapia, Ruata e rimoloh'u Ahuse sarang dunia. Ahuse ene niwantelu, sēngkatau wawine kũ nēbiahē suralungu kawasan toratē. ⁵ Ualingu ene, i Sie napakaliwiru manga taumata mēbēbiahē sualungu kawasan toratē; tadeau i kitē lai makoābe manga anau Ruata.

⁶ Ualingu i kamene kai manga anau Ruata, Mawu Ruata rimolohu Rohkē u Ahus'E mapasuē suralungu naung i kamene ringangu naungku, kũ Rohkē ete mēkēkui, "Amang, oh Amangku." ⁷ Kuteu, i kamene semben baline lai ēllang, kaiso kawē anā. Kũ ualingu i kamene kawē anā u Ruata ute Ruata e sarung mēgēllĩ u patikũ sabarang apan nisadian'E waugu manga anā'E.

Katataghawah'i Paulus su tēngon taumatang Galatia

⁸ Kangere i kamene wēgan Duata, ene hakũ i kamene nakoā ēllangu manga kawasa kũ lēenang kere mahang duata, kai tumuhũ hinone waline Ruata kahēnga-

hëngang. ⁹ Arawe orasë ini e i kamene seng masingka u Rua-ta, arau limembo lain kapiange Duata e masingka i kamene. Ku unu e i kamene saube lai mësule su manga rohkë u dunia ini apan lome ringangu kasiang? Unu e i kamene mapulu saupë-tahuëllangu manga rohkë ene? ¹⁰ I kamene mësësëmpï be manga ëllo sahi,^c manga wulang sahi di-ngangu manga taung sahi. ¹¹ Ia gugënggang, kiwua u pëtatëngka-saghedëku waugi kamene ta pulise apa.

¹² Manga anau sëmbau! Ia mëdëdorong sëngapam botonge tadeau i kamene makoa kere ia. Ualingu ia malaing seng nako kere i kamene. I kamene tawe nëmpëkoabe sala manga apa su tëngoku. ¹³ I kamene tantu reng makatahëndung kai apa e nakariadi si sia dokeng tëtäe nakapëhabaru Injilë e si kamene. Batuu kai ualingu ia nasaki. ¹⁴ Su tempo ene i kamene tawe narëntingu ia, maningbe kakakoau wadangkue nako sasaluka masaria si kamene. Kaiso i keme-ne nëmpanarimabeng ia tabidaen nëmpanarima u malaekatu Mawu arau kere nëmpanarima i Kristus Yesus sësane. ¹⁵ I kamene mëngkawe apa maraluasë kahëngang

^c nitantu

su tempo ene. Arawe ini ute kai suapa e karaluasë ene? Ia masingka u su tempo ene i kamene mambeng mapulu mëmpëlësä matang kamene hala mëdeau onggotang si sia, kereu ene wotonge ikakoä. ¹⁶ Apa i kamene ini seng mëtëtinënanng ia kere sëdu, ualingu ia mëlëlahëu katëngadë si kamene?

¹⁷ Manga taumata waline ene mëngkate makëhagë mëmpëdeä si kamene, kutëu manga timonan sire kawe ralai. I sire këtäeng mapulu mamësü pëkakauhi kamene ringangi kami, tadeau i kamene tumole si sire ringangu kakëhagë. ¹⁸ Apaewe mapia, lombangeng suralungu manga halë mapia, asalë mëngkate kerene ku abe kawe këtäu kamageng ia ene ringangi kamene. ¹⁹ Manga anaku ikëkëndagë! Ia orasë ini nakapëndang matëdu ualingu i kamene. Ia natatëdu kere sëngkatu wawine matëdu su tempon pamamantelu rario. Ia mëngkai masunsara, kereu kakakoä i Kristus wëdang ta nasuang suralungu watangeng i kamene! ²⁰ Ia mëngkate mëkëkarimangu mapulu ene sutaloarang kamene ini, mëdeau ia makapëbisara si kamene ringangu tingihë baline, ualingu ia

seng bëga mënsang mëkoə apa lai ringangi kamene.

I Hagar dëduan Sara nakoə kakakëllaëng

21 Manga anəu sëmbau apan mapulu mëbiahë suaḷungu kawasən toratë, kënanğ pëdaringihë si siə! Ia sarung mëhabarë si kamene apang hinone məbawohë suraḷungu bukë u Torati Musa.

22 Sene məbawohë u i Abraham pia anə e ruang katau: I ninang anə e sëmbau kai sëngkatau ëllang, arawe i ninangu anə baḷine e taumatawe waḷine ëllang.

23 Anə u wawine nakoə ëllange pinëhëndingbe su kapulun taumata. Arawe anə u wawine waḷine ëllange, naiwantelë uaḷingu niḱakëdon Duata. **24** Ini wotonge ipakë makoə papinintu. Bawine ruang katau ene, kai tabidaḷ papinintun këdo rarua; sëmbau e wou wuḷudu Sinai – ene e kai i Hagar; manga anə e pinëhënding kere ëllang. **25** Ku i Hagar ene kai wuḷudu Sinai su ëntanang Arabë. I sie mëlëlahëu soang Yerusalem dingangu kaḷawou tumanə e o-rasë ini seng nakoə ëllang. **26** Arawe Yerusalem su sorga ene kai Yerusalem naḷiu ku i sie kai i ni-

nang i kite. **27** Batu u suraḷungu Winohe Susi e məbawohë,

”Pahuḷuasë i kamene manga wawine ku tawe nëhana!

Pahuḷiagë dingangu pëtahimokoi ei kamene ta makapëndang kaḷiking bawine mëhënding!

U wawine tinëntangu kawinge makareə anə

limembong kaḷawou wou wawine mëbëbiahë dingangu kawinge.”

28 Manga anəu sëmbau! I kamene hala kai manga anə u Ruata nipëhana uaḷingu këdon Duata; i kamene mësuḷung’i Ishak.

29 Su tempo ene anə pinëhana su kapulun taumata, maḅnumbiagë anə pinëhana uaḷingu kapulun Rohkë u Mawu. Kerene lai orasë ini. **30** Kai apa wue məbawohë suraḷungu Winohe Susi? Sene məbawohë kere ini: ”Tokolëko ëllang bawine ene ringangkewen anə e, watuu anəu tau wawine ëndaie sarung tawe makapëmusakə dingangu anəu tau wawine ku baḷine ëllange.” **31** Ku manga anəu sëmbau i kite ini e waḷinewe manga anə bou sëngkatau ëllang bawine; i kite e kai manga anə bou wawine naḷiwirë e.

Pětumpaedě su karaliwirě

5 I kite ini e seng naliwirě, u i Kristus seng neliwirě si kite! Ku ualingu ene ute pēmpětumpaedě su karaliwiru, ku abe kawe sau mapulu makitahuēllang.

2Ene ěng, kereu i kamene mēdorong makisunatě, ene mangalene i Kristus tawę gunane si kamene. Ku mēbēberang ini e kai iā sēsaku i Paulus. **3**Sēsuleko lai iā mangonggou ingate su taumata apan mēdēdorong makisunatě, u iā kai hinong mēndalengu kaguwau toratě! **4**Kamageng i kamene mētawakaliwe mēsēngkapien Duata suralungu toratě ute, mangalene pēkakauhu ringangi Kristus e seng nābēsū. Ku ualingu ene i kamene mēbēbiahě su likudu talēntu u Ruata. **5**Arawe si kami, i kami e mēlēharapě u ualingken tulumangu Rohkě u Mawu e ringangu iwěnta su pangangimang i kami si Kristus, Mawue mapakawalang kami mēsēngkapia ringang'E. **6**Batu kereu i kite seng nasēmbau dingangi Kristus Yesus, ute halěu tumuhu arau tawe tumuhu atorangu sunatě e tawe lai makoā sungkalene. Ku kahumotongange kētae-

wen pangangimang si Kristus, ku ene malahę suralungu kakēndagi kite su taumata waline.

7Kangere i kamene naungbe mēbēbangkuadě kerene kapiane! Ku ini e kawe unę i kamene seng tawe lai tumuhu kapulun Duata? Kai isai tangu māmitaugě si kamene? **8**Nalahęu i sain nēkoā ene waline Ruata ku seng nēkui si kamene! **9**"Lahaesě kadodo sarung makatuwo kalawou gholopung," angkuęgu taumata. **10**Manięng kerene iā deng bēdang mangimangu i kamene, sarung tawę kanaung i kamene waline; batu i kite seng nasēmbau dingangi Kristus. Ku iā mangimangu isaiewen apan mapēbēbingo u naung i kamene, sarung ihukungu Ruata.

11Iā e wue manga anā u sēmbau, unę iā mēngkate hanesě sēsēdukang kereu iā bēdang mēlēhabaru tiahān sunatě e ghēgaghaleęg? Kereu iā mambeng mēlēhabarě kerene, ute pēlahabarěku su halě u kuruis'i Kristus e tawe makakalēton sangkuralange. **12**Limembong kapiane manga taumata apan mapēkēkalēmboghang u tinēnnang kamene ene saunengke sēbang sēsulebou jamaatě.

¹³I kamene seng nikuiang tadeau makoꝝ taumatang karaliwirë. Kai abe kawe mëpakeu karaliwirë ene tadeau mëngkate hanesë mëkëkoꝝ balaewe apa kapulung kamene koateng. Su sëmbekeane, i kamene harusë mëkakakëndagë dingangu mëtëtatondong tangkiang. ¹⁴Patiku toratë e seng nasahiangkung suralungu wawera sëmbau ini e, "I kaue këdagëkong kasanggidangu kerewe i kau kumëndagu watangengu hala." ¹⁵Arawe kereu i kamene kawe mëkëkakahu sëmbau dingangu waline, ute pakapia wue, i kamene sarung mawinasa sengkawinasa.

Kapulun Rohkë u Mawu ringangu kapulun taumata

¹⁶Timonaku e kere ini: Balae kere Rohkë u Mawu e mamihing si kamene ringangu kumbahangbe mëmpëbiahë tumuhu kapulun taumata. ¹⁷Batuu kapulun taumata e mëdëdaroka dingangu kapulun Rohkë u Mawu, dingangu kapulun Rohkë u Mawu e mëdëdaroka dingangu kapulun taumata. I rëdua ene mëngkate lawo tawe mahang pëloëng hakiu i kamene tawe makakoꝝ apang ku ikëkapulung kamene. ¹⁸Kai kereu

Rohkë u Mawu e mangaha si kamene, ute i kamene tawe pëkawasaëngu toratë.

¹⁹Kapulun tabiatu taumata e malahe suralungu manga kakanoꝝ u pësasundaļë, karalamuhu, dingangu tawe mëlahino; ²⁰suralungu pëtatahamawu su mahang duata, pëdalahopa, suralungu pësasasëdu, pëkakakoka, sasingking, maligha mëpëdu, mënënaung batangeng hala; pëdararalaļ; pëtatawang, ²¹dingangkewen pananoi, pëtatëngkiwukang, pësasalimbang, dingangu lai waline. Su tëngon patiku ene ia mëmaghe mauļi si kamene orasë ini kerewe naung seng taku nipauļi lai kalimona u apan taumata mëmpëkëkoꝝ kere ne ute tawe makoꝝ dalohon jamaatu Mawu.

²²Su sëmbekeane, kereu Rohkë u Mawu mangaha pëbawiah'u pësëngkatau ute wuane kai: I sire mëkëkakëndagë, mëdaraluasë, maghaghigilë, makakëdang, dingangu mawawudi, maralahimumu sëmbau su waline, masatia, ²³naung i sire masasana dingangu mëngkai mëtëtëngkau dupu watangeng. Tawe apa toratë mëšëšëdingu manga halë kere ne. ²⁴Taumata apan seng na-

koa tataghuaneng i Kristus Yesus, taumata ene seng nẽmate kakakoa u taumatane ringangu u patiku kapulun gẽsi ringangu ẽnninge. ²⁵Rohkẽ u Ruata seng nangonggo si kite pẽbawiahẽ buhu; ualingu ene i Sie malaing harusẽ mangawasa pẽbawiahi kite. ²⁶I kite tawe wotonge mẽngobotẽ, dingangu mẽtatatẽdu u ralungu naung, ringangu lai mẽpapangiri sẽmbau su waline.

Mẽmpẽpapangontolẽ

6 Manga ana u sẽmbau kereu pẽsengkatau ikẽkatangka mẽkẽkoa dosa ute kẽnangko, i kamene apan mẽbẽbiahẽ tutuhu Rohkẽ u Mawu, mamihing tau ene pẽsule su raleng mapia. Ku i kamene harusẽ mẽkoa ene ringangu kasasikome ku diagate kumbahang sarang i kamene hala malaing kasalukateng. ²Kẽnangko i kamene mẽmpẽsasumbala mẽmamasaẽng bawawaẽngu tau, tadeau ualingu ene ute i kamene tutuhube laorong Kristus. ³Kereu pẽsengkatau mangleña u watangenge kawe kapiange, sẽmbaliau tala wue, ute tau ene mangakalẽ batangenge hala. ⁴Sengkatau-sengkatau pasibanika

batangenge hala mẽnsang kakanoa e mapia arau ralai. Kereu mapia, i sie wotonge makapẽndang lumesa u halẽ ene. Kai semben tawahaluasu isihing su apang kẽkoatengu taumata waline. ⁵Batu sengkatau-sengkatau hinong masipasaẽng bawawaẽng hala.

⁶I saing manarima u tẽntirong Kristus, kẽnang pamahia dingangu mananẽntirone kẽbi apan mapia si sie.

⁷Kumbahang be kaakaleng. Duata e tawe ikapẽtataghunalang! Apan nias i ene lai ikapẽnsa e. ⁸Kamageng i sain mẽngasi tuhu kakanoa u taumatane, i sie sarung mamẽnsa u papate wou kakanoa e ene. Arauwe kereu i sie mẽngasi tuhu laaha u Rohkẽ u Mawu, i sie sarung mamẽnsau pẽbawiahẽ tutune wou Rohkẽ u Mawu. ⁹Ualingu ene, kumbahang i kite masahe^d mẽkoa manga halẽ mapia; u kamagengu i kite tawe mẽngẽdo mẽkoa manga halẽ ene, sẽnsule tempo i kite sarung mamẽnsa buane. ¹⁰Ku, karẽnguwem pia loahe si kite, ute kẽnangko i kite mẽkoa mapia su kẽbi taumata, napaliu e su manga ana sẽmbau i kite tamba pangangimang.

^d mawui = bosan

Tatahëndung dingangu tatabeā

¹¹ Kakëllako pakapia-pia ba-geang ini taku niwohe sësaku ringangu hurupe gaghaghuwa.

¹² Manga taumata ku makıdarumalo ringangu manga halë u ghësi, i sire e mëtëtatëtehë manihasa si kamene tumuhu atorı pësasunatë. Arawe i sire mëmpekkëkoā ene këtaeng tadeāu i sire tawe tumbiagengu tau Yahudi ualingu kuruisi Kristus. ¹³ I sire apan tıtu-
tuhu pëlatorangu sunatë malaing tawe mëndalengu toratë. Kai i sire mapulu i kamene ipakisunatë, tadeāu i sire makalesa u i sire matuhu su pëlatorang ene.

¹⁴ Kai iā mēngkatewe mādiri lumesa u apa, tumbaewen Mawung kitë Yesus Kristus seng napohong nikuruisë. U watıu i Sie kaweseng napohong nikuruisë ute du-

nia e tawë lai mangalene apa-apa si siā. Dingangu sutēngon dunia ini, iā malaing tabidau seng nate.

¹⁵ Nisunatë arau tawe nisasunatë ene walınewe kahumotongange. Kahumotongange ute kai makoā taumata wuhu. ¹⁶ Su taumata apan mēbëbiahë dingangu sipirange ene, ku kerene lai waugu patiku umat'u Mawu, iā mëlëharapë Duata sarung mangonggo u pëdarame ringangu tatalëntı'E.

¹⁷ Mase, kumbahang delaing pia u sarang sēngkatau makasusa si siā, batıu su wadangu pia manga tatıalan iā kai tumatole si Kristus.

¹⁸ Milumbako Mawung kitë i Yesus Kristus mēngalamatë manga anau sēmbau. Aming.

Adat'i kami,
Paulus

SURAT'I PAULUS SU JAMAAT'U EFESUS

DARUMATINGE

Suralungu *Surat'i Paulus Baugu Jamaatě su Efesus*, mēmamohe e kasariange manuntu su halě u Karakin Duata tadeau, "Kasėllahu dunia e, baę su sorga arau baewe su wowon dunia e, mariadi sěmbau dingang i Kristus nakoą kere těmbøe" (1:10). Suratě ini e makoą lai wawahansang su taumata tadeau i sire makahěngang karaking Duata mawantugě e mapakasěmbau u patiku taumata suralung i Yesus Kristus.

Su wahageang humotong bou suratě su Jamaat'u Efesus ini e ipěpauli u kereapa kasasěmbau ene sarung mariadi. Mědeau mapakalahęu halě ene ute i sie něběkeeng kakakoą u Ruata i Amang seng němile umat'E, kereapa lai Ruata suralung i Yesus Kristus, Ahus'E, něgėlli u ampung dingangu měngambang umat'E wou rosa, ringangu kereapa pěkakakędon Duata e nitoghaseng u Rohkě Susi. Su wahageang karuane, ipěpauli su měbawasane tadeau i sire měbiahě maghighilě tadeau pětatěngkasěmbau i sire mąngimang su Mawu Yesus Kristus e mariadi.

Tadeau malahe u umat'u Mawu e seng nasěmbau suralung i Kristus, mēmamohe e měpěpakeu manga papinintu. Jamaatě e kai kere tabidau walunang e ringangu i Kristus kai kere tabidau těmbøe, arau tabidau sěmbau bangunang ku batu piněbukuang e kai i Kristus, arau kere sěngkatau wawine ku i Kristus e kawinge. Mēmamohe e měngkate apa masusa naunge nakatahěndungke kakěndagu Mawu Ruata woi Kristus, hakiu manga wawerane ku tinaho suralungu surate, kai pělělahėkangu ralungu naunge měngkate kakatoghase su halě u maktarimakase dingangu raralo su Mawu. Patiku sabarang e pěpatehange

wou halë u kakëndag'i Kristus, nalahë su gaghëlli e su pëngangonggou ampung, kapien naunge ringangu kasasusine.

Lohone

Panëtakege	1:1-2
I Kristus dingangu gahedan'E	1:3-3:21
Laidopë buhu kere sengkatau tau Sahani	4:1-6:20
Kakunsi e	6:21-24

1 Kawanuang Duata su Efesus, apan matuhū su Mawu Yesus Kristus!

²Ia e kai i Paulus, daro-lohang i Kristus Yesus ualingu kapulun Duata, mēlēharap'u małowoko Ruata i Amang i kite dingangu Mawung kite i Yesus Kristus mēngonggou alamatē dingangu karaunsemahē si kite kēbi.

Alamatē marohkē nariadi wō'i Kristus

³Dalo su Ruata, i Amang u Mawung kite i Yesus Kristus!

I Sie nēngalamatē mararohkē apaewen pia su sorga e si kite, ualingu nasēmbau dingang i Kristus. ⁴Kalamonan dunia ini niria-di, Mawu Ruata e seng nēmile si kite bō'i Kristus ringangu timonane tadeau i kite makoā tataghuaneng'E ringangu tawē turāe sarung su tēngon'E. Ualingu kakēndagu Ruata, ⁵tangu i Sie seng nisahe e reng kalamona u wō'i Yesus Kristus, i Sie sarung mēhengke i kite makoā manga ana'E sēsane. Ringangu sembeng kerene kapulune kēkoateng'E. ⁶Dalo su Ruata karangetange, u

wou Ahus'E ikēkēndage e i Sie mamben tēngadē kukēndag'i kite.

⁷Batuu kapapohong i Kristus, i kite e nīlaambang u Ruata, mangalene i Sie seng nēgēlliu ampung si kite, bōu kalawou rosang kite e.

⁸I Sie nēkoā kerene ualingu i Sie mamben tēngadē kukēndag'i kite, dingangu kakēndagē ene nipēdalembone si kite nēpakeeng kapelesa ringangu katatahuēna.

⁹Tumuhū kapulun'E sēsane, Duata e kai mēhabaru ralirung u kapulun'E si kite; batuu i Sie seng nēmutusē u kapulun'E ene sarungbe ipakaghanape si Yesus Kristus. ¹⁰Kapulun'E ene ute tadeau patiku sabarange baē su sorga ringangu waēbe lai su dunia, makoā sēmbau dingang i Kristus tabidau tembonange. Ku halē ini e tangu sarungbe ipakaghanapu Ruata e kereu semben nīdatingu tempone.

¹¹Duata e mēkoā patiku sabarang e tumuhūbe sukapulun'E ringangu putusang'E sēsane. Dokeng bōu tētāe i Sie seng nēmile si kite, u i Sie mapulu tadeau i kite mariadiwe umat'E ualingu nasēmbau dingang i Kristus. ¹²Małowoko i kite e ma-

koā kakali monaēngu mēlēharapē su Mawu Yesus Kristus, mēdalo Ruata ualingu kawawantug'E ta sihinge.

¹³I kamene maiaing seng nakoā umat'u Mawu su tempong kamene nakaringihē bawerang katēngadē e, kai Injilē mapakasalamat'i kamene. I kamene mangimang su Mawu Yesus Kristus, ualingu ene Ruata e nēngonggou tatialan tathuanenge si kamene ute kai Rohkē'E ku seng nikēdon'E. ¹⁴Rohkē ene e kai papaiang tadeau i kite sarung mēnarima apan seng kinēdon Duata su manga umat'E. Ini e makatambam pēngangiaking i kite u Ruata e sarung mēngambang umat'E. Dalo su Ruata ualingu kawawantug'E.

Kakaliomaneng i Paulus

¹⁵Ualingu ene, naung ia deng nakaringihē u i kamene mangimang su Mawu Yesus, dingangu i kamene kukēndagu patiku umatu Ruata, ¹⁶ia e tawē umpade mapatarimakasē su Mawu Ruata maanung kamene. Ia e mang hanesē mēsēsēba arengu kereu ia mēkaliomaneng. ¹⁷Ia mēkēkaliomaneng tadeau Ruata Mawung

kite i Yesus Kristus, i Amang mawantugē e, mēngonggou Rohkē'E si kamene. Rohkē ene e sarung mapakariading kamene pelesa ringangu sarung mapakalahēu Ruata si kamene hakiu i kamene makakirala si Sie. ¹⁸Ia mēkaliomaneng tadeau Ruata e mamuka ralungu naungu mapakatualagē; tadeau i kamene makaēnna u kai apa hinong kapēharapeng i kamene wou Ruata e kimui si kamene. Tadeau lai i kamene masingkau kereapa kakēpalē alamatē mapapia iapēdēdalembo seng nisadian Duata e wangu umat'E, ¹⁹dingangu kereapa kasēllahu kuate Ruata nēmunara mahēmpaliung kawasane suralung i kite taumata apam mangimang. Kawasan Duata e tabidaeng kawasa tawē sihinge, ²⁰ku pinēkaradiahang'E supia i Kristus niapēbiahē kapia wou kapapohonge ringangu nangonggou kalaianeng'E karangetange ringangu Ruata e su sorga.

²¹Kalaianeng i Kristus e nēngalembong karangetange wou patiku kalaianeng u tēmbonangu kawanua, patiku mēngangawasa, patiku mēnanēllange, patiku manga mawu ringangu walāewe

i saim pia pangkate mararange; baꝛ i sire apan nẽbiahẽ su orasẽ ini, baewelai apan nẽbiahẽ su tempo ramahi kađẽntane. ²² Duata e napakawatau kẽbi saꝛarang suaꝛungu kawasang Kristus, di-ngangu nẽngonggoi Kristus su jamaatẽ e niapakakoꝛ bou patiku saꝛarang. ²³ Jamaatẽ e kai wadang i Kristus, niapakasuku i Sie ku nẽnuku haghim patiku suraꝛungu kẽbi.

Bou papate sarang pẽbiaheng

2 Naung i kamene e kawe nate tuhu marohkẽ uaꝛungu i kamene marosa ringangu luꝛawang titan Duata. ² Su tempo ene i kamene tutole manga tundun dunia ini; mangalene i kamene tutuhu tẽmbonang u kawasam binangaeng maꝛoahẽ, ku kai rohkẽ ete ini mang bẽdang mẽkẽkaradiahang su taumata luꝛawang Duata. ³ Kaꝛamona i kite kẽbi e mẽngkai mẽsulung i sire; i kite e mẽbẽbiahẽ tutuhu kapulung kite taumata, ringangu mẽbẽbatu e patiku kapulung gẽsi ringangu tinẽnnang kite. Su tempo ene i kite e kai taumata hinong ma-

kahombang daꝛangehu Ruata lai kereewe lai i sire waꝛline.

⁴ Kaiso apaꝛ kasariane ka-raꝛondo'n naungu Ruata! I Sie kereeng kakẽndage si kite, ⁵ hakiu su tempong i kite naung bẽdang kinapateẽng u rohkẽ e kahiaen pẽsasalang kite e, ute i Sie napẽbiah'i kite e kapia ringang i Kristus. Ku kẽtabeng uaꝛungu kapien naungu Ruata e i kamene apakasalamat'i Sie. ⁶ Uaꝛungu i kite e nasẽmbau dingang i Kristus Yesus, Duata e mẽmiah'i kite kapia ringang'E, tadeau mapakaiang i kite sẽngkakaiang dingang'E suraꝛungu sor-ga. ⁷ Duata e mẽkoꝛ kerene tadeau su tempo e ramahi kađẽntane taumata e makasilo u kereapa kasẽllahe kakẽndagu Ruata. Kakẽndagẽ ene nilahe Ruata su kapien naung'E si kite nilahe e si Kristus Yesus. ⁸⁻⁹ Mawu Ruata e kukẽndag'i kamene, hakiu ene i Sie mẽngambang si kamene, watuu i kamene mangimang si Yesus. Kasasalamat'i kamene e waꝛline uaꝛungu lẽnau munaranu sẽmatang. Kaiso uaꝛungu alaꝛnatu Mawu. Ku taweꝛ sarang sẽngkatau

makalesau ene. ¹⁰I kite e kai riadikang u Mawu, niriadine suralung i Yesus Kristus, Mawu e nēluhudē si kite tadeau i kite mēkoabe halē mapapia nisdian'E waug'i kite.

Sēmbau ualing i Kristus

¹¹Manga anau sēmbau baline tau Yahudi! Pētahēndungko kakao i kamene naung kangere: I kamene nisēba, "taumata ta sasunateng", kahian tau Yahudi mēngakum batangeng i sire taumatan sunatē (timonane ute i sain seng pia tatialane nikoā u taumata su wadang i sire). ¹²Su tempo ene i kamene mamben tawe nasēmbau dingang i Kristus, i kamene e kai taumata raghi tawe nasowa pinilen Duata. I kamene tawe nasowa suralungu kalahēmpukangu pēdariandi kinao u Ruata ringangu umat'E. I kamene nēbiahē suralungu dunia ini e tawē harap'i kamene ringangu tawē Duatang kamene. ¹³Arawe ini ute, ualingu i kamene seng nasēmbau dingang i Kristus Yesus, i kamene naungbe marau e seng niapakarani ualingu kapapohong i Kristus. ¹⁴U i Kristus sēsane e kai pēdarameng kite. I Sie napakasēmbau u tau

Yahudi ringangu waline Yahudi nakoā bansa sēmbau. Darēndung nakasara si sire e, kai pēsasitori e seng nitēnehi Kristus su pananarakangu watangeng'E. ¹⁵Torat'u agamang Yahudi ringangu titane lawo ringangu manga haghing tundu e seng nirēdasi Kristus tadeau bansa rarua e makoā sēmbau bansa'n taumata wuhu, niapakasēmbau dingang'E. Kere ne raleng i Kristus nēkoā pēdarame. ¹⁶Ualingu kapapohong'E sukalu pinēkēhusē, i Kristus napakasēmbau u bansa rarua e ringangu napēdamen sire ringangu Mawu, hakiu nailangke pēsasēdu e. ¹⁷Kai ene hakiu i Kristus dimēnta mēhabaru Injilē maanun pēdarame ene si kamene; baē si kamene waline tau Yahudi ku naung kalimona maraun Duata, baewe su tau Yahudi maranin Duata. ¹⁸Ualingu i Kristus e i kite kēbi – baē tau Yahudi baewe lai waline Yahudi e – ualingu Rohkē Susi e man sēmbau e nakakaranin Duata i Amang.

¹⁹Batuu ene ute i kamene semben balinewe tau raghi arau taumatan likude. I kamene ini e kēbi seng lawo kawanuan Duata. I kamene e kai ralohom

ba_lem Mawu Ruata e. ²⁰I kame-
ne lai nipararis_i su wowon ponda-
si pinellou manga rarolohange ri-
ngangu manga nabi, ku i Kristus
Yesus nako_a batu pinëbukuange.
²¹U kai i Sie nëlanging ba_le e-
ne ku nako_a Balen Duata nita-
ni waugu Mawu. ²²U pëbawiahë
e nasëmbau dingang i Kris-
tus, i kamene ma_laing pëpëtikang
sëngkapët_i dingangu wa_line, ma-
ko_a ba_le sëmbau baugu Ruata;
ku sene Ruata ringangu Rohkë'E
mëtumana.

Munaran Paulus baug'i sire wa_line Yahudi

3 Kai ual_ingu ene ia, i Paulus
nitahungku ual_ingu i Kristus
Yesus baugu pandungang i ka-
mene wa_line Yahudi. ²Mamben
tëngadë i kamene semben naka-
ringihë u Ruata e ual_ingu kapi-
an naung'E, seng nëngonggou muna-
ra ini si si_a baugu pandungang
i kamene. ³Duata e napakalaheu
ralirung u timonane mase nilaha-
bare si si_a. (Ma_anung halë ene
sen taku niwohe dasi suwowo-
ne ringangu manimb_u ⁴ku ke-
reu i kamene mëbasa ute sarung
kapangënaëngbeng kamene rali-
rung ma_anung Kristus kereewe
sen taku kinaënaëng.) ⁵Naung

kangere e ralirung ene e ta-
we nipëpakasingka su taumata,
arawe orasë ini ute Rohkë Su-
si e seng napakalahe su manga
rarolohange ringangu manga na-
bin'E. ⁶Rahasia ene ute kai i-
ni: B_ou Injilë ene, i sire wa_line
tau Yahudi ma_laing nakapëndang
manga alamat'u Mawu ku naung
kalimona nisadia këtäbeng bau-
gu tau Yahudi. Taumata apam
ba_line tau Yahudi e seng nako_a
laesu wadang sëmbau dingang-
u mënënarima sëngkapënarima
apan nikëdon Duata e si Kristus
Yesus.

⁷Mawu Ruata e nëngonggou
alamatë si si_a ku kai nako_a
mëlahabaru Injilë. Ia e nakata-
rima alamatë e ual_ingkeng ka-
wasan Duata pinëkaradiahange si
si_a. ⁸Suta_loaran patiku umat'u
Mawu e ia kakadodokange. Kai-
so kahian tatalëntu u Ruata e,
ia e nighëllirang u halëku mëha-
bar'u Injilë si sire wa_line tau
Yahudi e ma_anungkeng kakala i
Kristus e tawë kahëpusange; ⁹di-
ngangu lai tadeau ual_ingu ia
e tangu këbi taumata e maka-
kasingkau kereapa Mawu Rua-
ta, Nëndiadi dunia ini patiku
e, seng napakariading karakin'E
reng kalamona-mona ilë_ilung su

dunia. ¹⁰ Timonan Duata e ute kai tempo ini e boetewen jamaatē kēbī apan mangumpaedē kawasa su wowon langi e masingkaben sipirang u Ruata mapapia su patiku haghine. ¹¹ Mawu Ruata e mēkēkoā kerene tutuhu karakin'E kakalē, kēkoateng e ringangi Kristus Yesus Mawung kite. ¹² Dingangu pangangimang si Kristus ku ualingu nasēmbau dingang'E, i kite e nighēlirangu loahe mētēngkasandigu Mawu Ruata ringangu kasēllahu pangangimang. ¹³ Batu ene, ia e mēdēdorong si kamene, kumbahangbe i kamene ghumēnggang u tatumbiagē si sia ualingu i kamene, batu patiku tamai ene kai waugu mapakapiang kamene.

Kakēndag'i Kristus

¹⁴ Ualingu ene ute ia e nēmulangengke su tēngon Amang. ¹⁵ Kai wō'i Sie apan balagē su sorga dingangu lai su dunia nakatarima u kaka-koā e nitani. ¹⁶ Ia e mēkēkalio-maneng małowoko Ruata limembong makēndagē e mapakatoghasu pangangimang i kamene ualingu Rohkē'E. ¹⁷ Małowoko ualingu i kamene mangimang si Kristus, ute i Kristus matana suralungu naung i kamene, di-

ngangu pēbawiah'i kamene matoghasē ualingu kakēndagē e seng nēbanua. ¹⁸ Ia mēkēkalio-maneng małowoko ringangkeweng kēbī kawanuan Duata, i kamene makasēsui kai kerene karalunge ringangu kanandue ringangu karangē e ringangu kawēnahe kakēndag'i Kristus, ¹⁹ ku dingangu akalū taumata tawe makasēsui karalunge. Karimako i kamene makakirala kakēndag'i Kristus e, takadeau i kamene masuku u kapapian Duata.

²⁰ Dingangu kawasan Duata mēngkai mēkēkaradiahang suralungu watangeng i kite, Duata e makakoā limembong kakēpale wou apang gēgausang arau tētinnēnang i kite. ²¹ Karimako Ruata e mang bēbantughang bou hēnto sarang hēnto suralungu jamaatē, ualingu i Kristus Yesus. Dalo su Ruata wou kakal sarang kakalē! Aming.

Kasasēmbau u wadang

4 Kai ene hakiu ia – sēngkatu taumatan tahungku e, matatahungku u pētatangkiang Mawu – mēdēdorong sēngapang botonge si kamene; pēbiahe tuhū kalaianengu kere sēngkatu seng nikuiangu Ruata. ² Pakasana bue naung i kame-

ne ringangu pakasasikome ringangu pakananandu naung. Pēnodekong kakēndagu ringangu pētatatulung sēmbau dingangu wāline. ³Pētātētehēko ringangu kaguwau naung mēbiahē dingangu pēdarame tadeau kasasēmbau ualingu Rohkē Susi e tatapēbe mapapaduli. ⁴Kētaeweng badang sēmbau dingangu Rohkē sēmbau. Kerene lai i kamene kēkuiang baugu pēlaharapē man sēmbau e. ⁵Kētaeng sēmbau Mawu e, mang sēmbau pēngangimang mang sēmbau sasahani, ⁶ku mang sēmbau Duata nakoā i Amang u patiku taumata. Kai i Sie Mawun sarulung apan munarane tūtausu kēbi, dingangu kawasa suralungu patiku.

⁷I kite sēngkatau-sēngkatau e nakatarima u ghaghelli tuhewe kakēpale nighelli i Kristus. ⁸Suralungu Winohe Susi e kaba-wohe,

”Pia i Sie nētēngkasapua
solong marange e,
i Sie kai nakawawa taumata
nitaweng lawo;
dingangu nēngonggou manga
laonggo su taumata.”

⁹Ho, kereu nibawera, ”I Sie nētēngkasapua” mangalene i Sie

ku humotonge seng limintu solong tanpa kasanakenge su dunia ini. ¹⁰Ku i Sie seng limintu ene ute malaing i Sie nētēngkasapua limembong karange e wou patiku langi hakiewem patiku sarulung e naloho su rarētane. ¹¹Kai i Sie ”mangonggou manga laonggo su taumata”, sēngga nilahengke nakoā manga rarolahang, sēngga nakoā manga nabi; sēngga e wue ute nakoā mēlahabaru Injilē, dingangkewelai i sire wāline ute nihengke e nakoā manga meterē dingangu mēmamaduli jamaatē. ¹²Ini e kinoā'E tadeau apang kawanuan Duata e niapakasuku e pinakapia tadeau makatangkiang Mawu e ringangu makapēlanging badang i Kristus e. ¹³Ualingu ene ute i kite kēbi nariadi sēmbau ualingu pēngangimang mēsulung dingangu katatahuēnna mēsulung māanung Ahusu Ruata. Ku i kite e nakoā matatēllang kakadēngue kakasuku suralung i Kristus. ¹⁴Tangu i kite e ute walinewe wēdang kere mangarariō talawuō ipēdarerehe ringangu ipēdaruru-hu anging tamai ramahi kahian sēllihu haghin tēntiro mēngakalē. I sire kai makapalidē tauma-

ta ualingu pëngangakal'i sire.
¹⁵Kumbahang! Kai i kite e harusëbe mapakalahëu katulidë dingangu ralungu naung napeneu kakëndagë, hakiu ene ute suralungu patiku munara e i kite kakadëngue mang kakasukue kere i Kristus, nakoä tëmbo i kite e.
¹⁶Kai suralungu pëngangah'E, patiku laesu wadang ene e nahundugë mapia, ringangu pia pëdalähëmpukang e sëmbau dingangu waline ualingu lenso-range sëmbau-sëmbau. Ku kereu apan laesu wadange mëmunara tuhewe hinone ute, patiku badange ene sarung tumendang mase matoghasu pëkakakëndagë.

Pëbawiahë buhu suralung i Kristus

¹⁷Batu ene su arengu Mawu, tangu ia mëbera ringangu mëdorong ini sëngapam botonge; kumbahang bue sau mëbiahë kere taumata wëgan Duata mëngkate mëdëdalähaghin tinëna ta këhase. ¹⁸Sipirang i sire e seng marëndung. I sire seng tawe makakirala pëbawiahë nionggou Mawu Ruata, u i sire mamben tënga-tëngadë tawë

kasingka i sire apa-apa maa-nun Mawu. Kakoä i sire kerene ualingu kai runia tëmbo i sire makakëti. ¹⁹I sire semben tawë pëndange mamea lai, hakiu i sire mëngkate tutuhu abuli ringangu mahimatu mawuang.

²⁰Arawe i Kristus Yesus seng kinasingkateng i kamene e walineuwe kerene! ²¹I kamene seng masingka i Sie! Kere tumatolen'E, ute i kamene malaing seng nitëntiroëng u kakakoä u Ruata e tëtaghua-neng'E! ²²Batu ene i kamene e pëmpëluakon taumata tëbe ringangu pëbawiahë tëbe seng kakagolange ualingu haghing kapulu makapalidë. ²³Karimako ralungu naung dingangu tinënnanu e pakasueko pakatalimbuhu. ²⁴I kamene pëmpëbiahëko tabidau taumata wuhu niriadi tuhu koä u Ruata; ringangu tabiete suhinone matulidë dingangu susi.

²⁵Ualingu ene manga anau sëmbau e pakatatulidëko i kamene sëmbau dingangu waline. Abe kowe pëmpëkonti, batu i kite e kawe lawobe laesu wadang i Kristus. ²⁶Kamageng i kamene sawelang u pëdu, ute kumbahangbe mëmpësaia. Pëdung kamene

piawe kasēdakeng u ěllo, ²⁷tadeau setang tawe makaēba loahē. ²⁸Taumata nanarang mētako e harusēbe mangēdo mētako. Su sēmbēkane i sie harusē mētēngkasaghedē tadeau makahombang pēbawiahe ringangu katulidē dingangu makaambangbe apang kēkawusange. ²⁹Mageng i kamene mēmpēbisara ute, kumbahang mēngkai kaberane wawera maralamuhū. Pianē e mēbēberam bawera makabangung dingangu makaonggou tulumang su taumata waline. Wawera kerene e sarungbe makakarēntan kalauntung su manga taumata apam makadingihē e. ³⁰Kumbahangbe mapakasusan Rohkē u Mawu Ruata Susi e. I kamene seng nilaakun Rohkē, nikoā tataghuanengu Ruata. Rohkē e maiaing nakoā tatiala u ěllong karaliwirē e sarungbe rumēnta waug'i kamene. ³¹Hipeko kalawou kurang u naung, kindorē, dingangu pēdu. Kumbahangbe mēngkai mēmpēmansagē dingangu mēngkai mēdarohang. Kumbahang mēngkai lai pia pēndangu pēbawinsī arau pēndang kewe lai waline sihinge. ³²Su sēmbēkane ute, naung i kamene e pakapapia-ko ringangu pēmpēkakēndagē bue

sēmbau su waline ringangu pēmpēgaghēllikong ampung kereewe lai Mawu Ruata maiaing nēngonggou kalaampung si kamene suralung i Kristus.

Mēbiahē suralungu tualagē

5 I kamene e kai manga anau Mawu Ruata ikēkēndag'E, ualingu ene ute i kamene harusēbe pēmpētawakali tumole kakakoā u Mawu e. ²Pēbawiah'i kamene ute małowoko lohoēngu pēkakakēndagē kereewe i Kristus maiaing kimēndag'i kite. I Sie nētēngkaonggou watangeng'E waug'i kite nakoā kere sēmbau sasēmba ralurune mawēngi makaalahimpulu naungu Mawu Ruata e.

³I kamene kai taumatan Duata. Ku pēsasundalē dingangu kakanoā tawe mētatahino, arau anggange tawe hinong kaēbakeng sutaloarang kamene. Kumbahangbe sarang taumata waline pia alasange mēberau i kamene mēmpēkēkoā tamai ene. ⁴Tawe lai hinone i kamene mēbera manga wawera kotorē, beran pēsasundalē arau bawera ta mangalene. Kaiso mapiangbe i kamene makitarimakasē su Mawu Ruata. ⁵Kakēllako pakapapia:

taumata ku mēngkai mēsēsundalē arau mēngkai piā kakanoa e ta hinone, arau maanggang (piā kakanoa e mēsēsihing e ute mēngkate lai mēsulung u manēmba lai mahan duata), tangu i sie ene tawe makoa laesu wadang i Kristus dingangu Mawu Ruata e.

⁶ Kumbahangbe i kamene kakaleng u manga wawera tawegēsine. Batu kēbi-kēbi ene e makakoa dalangēh'u Mawu Ruata su taumata apan ta tumatuhu si Sie. ⁷ Ku kumbahang mēngkai mēdalāhapi u taumata kere-ne. ⁸ I kamene hala tēngadēbe naung marēndung. Kai arawe orasē ini i kamene semben nariadi umatu Mawu, ku i kamene ene suralungu tualagē. Ualingu ene ute i kamene harusēbe pēbiahē suralungu tualagē. ⁹ U kai wou tualagē ene sumēpu patiku kakanoa mapapia, adilē dingangu matēngadē su kasingkau Ruata. ¹⁰ Pētawakaliko mēnanēsui apa hinong makaluasē dalungu naungu Mawu kasēllahenge. ¹¹ Kumbahangbe mēkoa kakanoa tawē kēhase kēkoatengu apan sukararēndung. Susēmbēkane ute, i kamene kēbi e pēmpēluako apang kakanoa ene. (¹² Batu kēbi apang kēkoateng

i sire supēnise ute ipahumbisara e malaing makamamea.) ¹³ Kēbi apang kēkahinoēngu tualagē e sarung ikasilo malahe. ¹⁴ Batu kēbi apang ikasilo malahe e kai tualagē. Hakiu ene kai piā bawerau,

"Kapuko e, ei kau mētētikie, ringangu pēbangungke wou taloaran taumata nate.

I Kristus sarungbe sumēnnang si kau."

¹⁵ Batu ene pakapapia we kahēngang mēluhudē pēbawiah'i kamene. Ariēbe kere pēbawiahu taumata wodo; kaiso pēbiahēko kere taumata matatahuēna. ¹⁶ Pakēko tempo paka pia-pia suapam piā loahi kamene, watu tempo ini e kai tempo ralakisē. ¹⁷ Abe pētēngkawodong batangeng kaiso pēnēnēsuike apang ikēkapulun Mawu.

¹⁸ Ku abe pētēngkiwukang u anggorē, batu ene kai makasilaka si kamene, kaiso kēngkapenēkon Rohkē Susi e i kamene. ¹⁹ Pēmpēsahandaēkon mazmurē dingangu kakantari daralo ringangu kantari marohkē suralungu palahumbisarang kamene. Pakaraluasēko i kamene mēmpēkantariu kakantari daralo

su Mawu. ²⁰ Pakasauko ringangu su halëewe lain manga apa-apa ute i kamene mang pakatatarimakase su Ruata i Amang, su areng i Yesus Kristus Mawung kite.

Pëbawiahu pësëngkawingang esë dingangu wawine

²¹ Mëdeau makaadatë si Kristus, ute pakasasumëllungko i kamene sëmбай dingangu wāline.

²² Manga wawine, pakasumëllungko su kawing i kamene kerewe su Mawu e. ²³ Watuu manga esë e kai tēmbou wawine e, kerewe lai i Kristus malāing nakoā tēmbou jamaatë, ku i Sie sēsane malāing Datun Salamatë baugu jamaatë ku nakoā badange. ²⁴ Kerewe lai jamaatëe sūsasumëllung si Kristus kerene lai su patiku munara e manga wawine e harusëbe sūsasumëllung su kawinge.

²⁵ I kamene manga esë e, kēkëndagëbeng kawing i kamene e, kerewe lai i Kristus kükëndagu jamaatë dingangu nētēngkaonggou watangeng'E waugu jamaatë e. ²⁶ I Kristus nēkoā kerene e tadeau i Sie makapamurësing jamaatë e ringangu tētiron'E bou akë sa-

hani e, tadeau samurine i Sie makapënarakangu patiku ene su Ruata. ²⁷ Ringangu ralenge kerene i Kristus e niapararisi u jamaatë mawantugë dingangu tawë sangkuralange su tēngon'E, tawë turā e arau tawë sungkalene apa-apa. ²⁸ Kerene wue lai manga esë e harusë kumëndagu kawinge kerewe lai kumëndagu wadange sēsane. Manga esë kükükëndagu kawinge mangalene i sie kükëndagu watangenge hala e. (²⁹ Taweu sarang sēngkatau tau-mata mēbëbinsiu ghēsine sēsane. Kaiso i sie mēpëpaduli ringangu mēdëndiagā kerewe i Kristus malāing mēpëpaduli jamaat'E. ³⁰ I kite masingkau ene, ualingu i kite e kai laesu wadang i Kristus.) ³¹ Suralungu Winohe Susi e kabawohe, "Kai ene hakiu esë e kai mēnëntang i amange ringangu i ninange ku mētēngkatakidë dingangu kawinge ku irëdua e makoā sëmбай." ³² Ayatë ini e pia mangalene maralung. Ku pituaku e tangu alīngkai māanung kalähēmpukang i Kristus dingangu jamaatë. ³³ Arawe ayatë ene e malāing pia kalähēmpukange ringang i kamene: Ku i kamene manga esë sēngkatau-

sěngkatau e pasikěndagu kawinge kereewe lai i sie kuměndagu watangenge sěsane ringangu i kamene manga wawine sěngkatau-sěngkatau e kěnangko pětawakali měngadatě kawinge.

Manga rario dingangu i ninang e

6 Manga rario! Makoạ tuma-tole si Kristus e kai harusě pakatatuhụ su ghaghurang i kamene u kai ene harusě koateng i kamene. ²"Pěngadatě si amangu ringangu si ninangu e" kai tita masěllahě bọu Mawu Ruata ringangu někědo, ³u: "Tadeau i kau e maunsemahě dingangu maumburě su dunia".

⁴Manga anau sěmbau nakoạ kere i amang! Kumbahang bue měkoạ manga anạ i kamene sarang i sire měmpěbawaluang. Kaiso pěhikingbe si sire ringangu maatorě dingangu těntiroiwen těntiron Mawu.

Mětatangkiang dingangu Mawune

⁵Manga anau sěmbau apan nakoạ mětatangkiang! Pakata-

tuhuko su mawung kamene su dunia e. Tětuhukengben dingangu adate mase satia mawunu e ringangu kaguwau ralungu naung alingakai kere kakoạ i kamene si Kristus sěsane. ⁶Kumbahangbe kětaeng měkoạ kerene su tempong i kamene ikěkasilo e tadeau kětau makirallo su taumata. Kaiso i kamene kěngkakoạ kere sěngkatau mětatangkiang si Kristus kapěkěkoạ kapulun Mawu Ruata e ringangu kaguwau naung. ⁷Munara kěkoateng i kamene kere sěngkatau mětatangkiang e, koạkong kamene ringangu karaluasu naung alingakai Mawu e tětangkianeng i kamene walineuwe kai kětaeng taumata. ⁸Pětahěndungko u sěngkatau-sěngkatau e waẹbe i sie ểllang arau taumata waline ểllang e, sarung makahombang bawalise wou Mawu e baugu munara mapapia e kinoạ e.

⁹Manga anau sěmbau apan nakoạ manga mawu! I kamene kěbi e kěngkakoạ kerene su manga ểllang i kamene. Kumbahang měngkai měmēmataku. Pětahěndungko u i kamene ringangu manga ểllang i kamene ene, lawo managhuang mawune

sěmbau kũ kai Mawu Kasělla-henge ěnnæ su sorga. I Sie tawe mēmamile ghati.

Aghidu Ruata nasukũ

¹⁰ Samurine ute, i kamene e pakatatoghasěko ualingu kata-toghasě kahombangeng i kamene wou kawasan Mawu, watũ i kamene kai nasěmbau dingang'E. ¹¹ Patikũ pěseketang nighělliũ Ruata si kamene, tadeau i kamene makararagě bue rumokũ akalu setang. ¹² Batũ i kitě e mēsěseke balinewe rudokũ tau-mata, kaiso kawē rudokũ patikũ kuantu setang e kũ mēngěngawa tempo ralakisě ini e. I kitě e kai rudokũ kalawou kuantu rohkě dalakisě někawasa huangu winangaeng. ¹³ Ualingu ene ute ini e pēmpěpakekom patikũ apaliwũ pěseketang'u Ruata, tadeau su ęllo ralakisě e i kamene e makaumalě bue mēmata kalawou seke e. Dingangu tadeau sarangke i kamene mēkulěte makaratingu pēhěpusange ute, i kamene mamben tēbe matoghassě.

¹⁴ Pakaralukadě bue i kamene. Pěpapěgongkong kasasatia su Mawu Ruata e i kamene ta-

bidaem papehě, dingangu pēlu-hengkong katulidě e kere pakeang i kamene uase. ¹⁵ Pakakěhagě bue i kamene mēhabaru Injilě e makawawa karalunsemahě si kamene makoũ kere sapatung kamene.

¹⁶ Mase mēngkai sěntiniũ tempo e pēmpěpakeem pēngangimang su Mawu Ruata e kere aghidě ipēnēnighe; ringangu pēngangimang ene e makapēnēbu horom papiti piũ putunge wou'i ralakisě e. ¹⁷ Daekoko kasasalamatě e koũ kere sakapeti^a waja, ringangu hengetangu Mawu e koũ kere aghidě bou Rohkě Susi e. ¹⁸ Koũko patikũ ene e kapěkaliomanenge mēgěgausě tulumang bou Ruata. Tinia apaewen piũ loahe, ute pēmpěkaliomanengko kerewe laahau Rohkě Susi e si kamene. Pakarariagũ bue i kamene ringangu pakakakědang bue. Pakasau wue mēkaliomaneng baũgu patikũ kawanuan Duata. ¹⁹ Mase lai pěkaliomanengbe waũgu iũ, tadeau su tempong iũ mēbisa-ra ute iũ ongotangbem Mawu e wawera mētatalahino. Dingangu tadeau iũ e wahani makapěhabaru lělirung^b u Injilě e. ²⁰ Ualingu Injilě ene e iũ nakoũ sěngkatau

^a sapeo = cepiau, topi ^b rahasia

6:9: Pang. 10:17, Kol. 3:25, 4:1 6:14: Yes. 11:5, 59:17 6:15: Yes. 52:7
6:17: Yes. 59:17

rarolohang kũ orasẽ ini e matatahungkũ. Pẽkaliomanengko waugu ia e tadeau wahani mahumbisaran Injilẽ e, kerẽewe hinone ia makapẽbisara.

Adatẽ pẽngẽsueẽnge

²¹I Tikhikus, anau sẽmbau i kite dingangu mẽtatangkiang satia suralungu Mawu e, sarung mapakasingkau patikũ kakakoaku e si kamene, tadeau i kamene makakasingkau ia dingangu munaraku. ²²Kai ene hakũ ia nẽndoloh'i sie si kamene pẽlẽhabaru kakakoã i kami si kamene kẽbi,

tadeau mapakasarian naung i kamene.

²³Milumbako Ruata i Amang, dingangu Mawu Yesus Kristus mapakasẽmbau u patikũ jamaatẽ dingangu mẽkakakẽndagẽ dingangu tatapẽ mangimang si Kristus.

²⁴Malumbako Ruata e mẽngalamatẽ si kamene kẽbi kũkẽndagu Mawung kite i Yesus Kristus dingangu kakẽndagẽ tawe lumaẽdusẽ.

Adat'i kami,
Paulus

SURAT'I PAULUS SU JAMAAT'U FILIPI

DARUMATINGE

Jamaat su Filipi kai jamaatë kahumotongange ku nirarişi i Paulus su Eropa. Soan Filipi kai kapapëllö su Makedonia su propinsi karatuangu Roma. *Surat'i Paulus Su Jamaat'u Filipi* ini niwohe su tempon Paulus suralungu tahungku. Naunge su tempo ene taghawahë ualingu pia manga mëlahaļë u jamaatë dūdoka si sie. Nětatapengko lai ualingu suralungu jamaat'u Filipi e pia taumata mēmpanëntiro tëntiro makapalidë. Kai manieng kerene, surat'i Paulus ini e pia tonte u raļuasë dingangu napene u pëlaharapë. Kawe unue kerene? Taweu waline këtæng ualingu i Paulus mangimang kahëngang si Kristus.

I Paulus nēmohëu surate ini ualingu kahumotong-motongange i sie mapulu makitarimakase su jamaat'u Filipi su ghaghëlli ku seng kinatarima e woi sire su tempon i sie su kasasigësa. Dingangu suralungu loahe ini lai i sie lüënningu mëgëlli wawahansang si sire tadeau i sire wahani ringangu matahang suralungu tumatëngo kasasigësa. I sie mëdëdorong dingangu sëngapam botonge tadeau i sire mëtëngkasana u naung kere Mawu Yesus dingangu tawe nipëkawasängu naung marange dingangu mënënaung batangeng hala. I sie mapëtëtahëndung i sire u këtæng ualingu tatalëntu u Mawu Ruata samatang, Mawu Ruata napakasëmbau i sire ringangi Kristus ualingu pangangimang i sire si Sie, walineuwe ualingu i sire maindunu mëndalengu manga tundung agama ku nitantu suralungu torat'u Yahudi. Bōu e i Paulus maļaing namohë haļeu parahūuasë dingangu karaļunsemahë ku nionggō u Ruata su taumata apan mēbëbiahë nasëmbau dingangi Kristus.

Pëkiralaëngu suratë ini ute matumang su parahuluasë, katatoghasu raḷungu naung, kasasëmbau, dingangu kakakëhagu tau Sahani suraḷungu mëtëhutëndau pangangimang su Mawu Yesus Kristus dingangu suraraḷengu pëbawiahu taumatan Sahani. Suratë ini e maḷaing mëlëlahëu kereapa kakëndag'i Paulus su jamaat'u Filipi e.

Lohone

Panëtakenge	1:1-11
Kakakoä i Paulus sësane	1:12-26
Pëbawiahu tau Sahani	1:27-2:18
Oḷang baugi Timotius dingangi Epafroditus	2:19-30
Tatumbaḷung kereu tumatëngom manga rokä böu ḷikude ringangu wo'u raḷunge	3:1-4:9
I Paulus dingangu manga hapï e su Filipi	4:10-20
Kakunsi e	4:21-23



Soan Filipi (1:1)

1 Manga anau sēmbau dalo-
hon jamaat'u Mawu pa-
tikū maṭana su Filipi, kū seng
nasēmbau dingangi Kristus Ye-
sus. Kerene lai manga anau sēm-
bau pangaha dingangkewen mē-
tatangkiang jamaatē!

Ia i Paulus, dingangkewen i
Timotius, manga ěllang i Kris-
tus Yesus, ²mēlēharapē maṭowō-
ko Ruata i Amang i kite di-
ngangu Mawu Yesus Kristus
mangonggou alamatē dingangu
karaḷunsemahē si kamene.

Kaliomaneng i Paulus baugu jamaatē

³Kasaewen ia mētētahēn-
dung si kamene, ia makitarima-
kase su Ruata. ⁴Dingangu masau
su sulene ia mēkēkaliomaneng
baug'i kamene kēbi, ia mēkē-
kaliomaneng dingangu karaḷua-

su naung. ⁵Ia makitarimakase su
Ruata ualingu reng dokeng bou
ěllo humotong sarang orasē ini, i
kamene seng nētulungu ia nange-
keng Injilē bou Ruata. ⁶Duata
sēsane nanētau halē mapia ene
si kamene, dingangu ia mangia-
kingu i Sie sarung manēpasu
halē ene sarawen masue su Ēl-
lon Kristus Yesus dumēnta kapia.
⁷I kamene mēngkate hanesē e-
ne su naungku. Mang kahēngang
su tampa e wue ia pia pēn-
dangku kerene si kamene. Batu
i kamene kēbi seng sēngkapana-
rima dingangu, laonggo u Mawu
Ruata kū seng nionggō sia, baē
su tempo ini ia e ěndaung su-
raḷungu tahungku baēbe su tem-
pon ia su likude wangu tumata-
wang dingangu mētahutēndau In-
jilē ene. ⁸Duata e masingka, u ia
mambeng dudareā si kamene di-

ngangu pëndangu kakëndagu Mawu Yesus Kristus sēsane.

⁹Kai ini e kakaliomanengku waug'i kamene: karimako i kamene mahuntinamba kumëndagu Ruata ore lai kasandigangu ringangu mēngkai matamba suralungu kasingka kahēngang dingangu matatahuēna. ¹⁰Dingangu kerene i kamene masingka mēmile apang kapiaēnge, takadeau i kamene sarung mawurēsi wou karalai arau haghin laēnsilē, su ēllon Kristus dumēnta kapia. ¹¹Pēbawiah'i kamene sarung mēdalembon kakanoa mapapia kahēngang ku kētaeng niual woi Yesus Kristus sēsane; tangu Ruata sarung iapakawantugē dingangu rēdaloēng.

Pēbawiahē baug'i Kristus

¹²Ia e mapulu i kamene masingka u apang ku seng nariadi si sia, kai nakakalawo taumata rimaringihē dingangu nangimangu Injilē ene. ¹³Kasueēnge, kēbi mēndariaga istana ringangu taumata waline su soa ene masingka u ia nitahungku ualingu ia e mētētangkiang si Kristus. ¹⁴Dingangu pananahungku sia e kai nakapangēlembon pangangiakingu tau Sahani kalawokange

su soa ini su Mawu, nakapahuntinamban bahanine mēhabaru titan Mawu tawē goē e.

¹⁵Tēngadē pia pirang katau wou taloaran sire ku mēlēhabar'i Kristus ualingu panananoi ringangu mapulu mēsitori, arawe sēngga e wue ute mēlēhabarēbeng Kristus su katulide. ¹⁶I sire ini mēkēkoā kerene ualingu i sire kukëndagu Ruata ringangu ia, batu i sire masingka u Ruata seng nangonggo u halē sia bau gu mēlahē u Injilē e kahēngang. ¹⁷Arawe sēngga e wue mēlēhabar'i Kristus e pia timonane ralai; i sire mēlēhabarē e waugu pandungang i sire hala. Ualingu ene i sire mēlēharapē u makakoā sia limembong kasigēsa e suralungu tahungku.

¹⁸Kaiso tawe mēkapura! Batu maning kereapa, baē ene nikoā dingangu timonane mapia, baewe lai su timonane ku nēsala, kaiso i Kristus mang ipēdalāhabarē lai; ku ia e maluasē. Dingangu ia e tatapē mēpēpēndang kerene, ¹⁹batu ia masingka u kahiaewen kakaliomaneng i kamene ringangkewelain ontoļu Rohkē u Mawu Yesus Kristus e, ia e iapakaliwirē. ²⁰Nēngalembowe lai taku ilēnning dingangu lēhara-

penge kai tadeakengu mambeng kumbahang iā kawē tā kēhase su munaraku e. Su sēmbēkane iā mēlēharapē tadeau apan tempo e, nēngalembō e su orasē ini, iā mētētumbahani ringangu kaguwau kuatēku – bae iā biahē arau iā mate – i Kristus iapakawantugē. ²¹ Ualingu si siā, timonan biahēku kētaeng i Kristus! Ku papate kai untung. ²² Kai kereu ringangu pēbawiahē su dunia ini, iā makakoā muna-ra ku limembon piā mangalene, ute iā bēga wue sude hinon taku pileng. ²³ Iā wēbolengang^a bōu ruam bēka. Iā mēmēning kahēngang manētangu dunia ini tadeau tamai mētana dingangi Kristus, kai ene e limembong kapiane; ²⁴ kai waugu pandungangu ute kai limembom mapia kereu iā tatapē matana su dunia. ²⁵ Iā mangiaking u halē ene. Kai ene hakū iā masingka u iā matatapē matana dingangi kamene kēbi, tadeau makapētulung si kamene mariadi nēngalembong kakuate ringangu mahuntinambang kaluase suralungu pangangimang su Mawu. ²⁶ Ualingu ene, kereu iā sarung mēsulē su anung kamene, ute i kamene apan seng

nasēmbau dingangi Kristus Yesus e sarung piābe limembong kalawō e lai kakakoaku mēdeau lumesa u watangengku.

²⁷ Ho! Kapiange orasē ini e pēbawiah'i kamene seng sēndalengu kapulun Injilē maanun Yesus Kristus ene. Mageng kere-ne mēnsang iā makapēsombang dingangi kamene arau tala, iā makaringihē bue u i kamene matoghasē su kasasēmbau dingangu sēngkapētawakali sēmatang, baugu timona ringangu ēnning sēmbau baugu pangangimang mētakawen dingangu Injilē bōu Mawu Ruata. ²⁸ Karimakō i kamene sēntiniā mang bawahani ku abe kēngkataku mētēngong kalawōu rumaroka si kamene. Ene kai kere ipēlēlahe u i sire kai sarung ikawata, ku i kamene sarung makauntung, ualingu kai Ruata sēsane mēgēlliu kalauntung ene si kamene. ²⁹ Batu Ruata e seng nangonggōu tatālētūe si kamene baline kētaeng baugu mangimang si Kristus, kaiso lai waugu mētēngkasunsara waug'i Kristus. ³⁰ Ini e i kamene lai tumolē si siā suralungu pēsasekē mēsulung; mangalene ute kai pēsasekē naung seng bōu nikasi-

^a sēsahēsekang = ditarik

long kamene taku ipēsēseke kalimona, ringangu mēngkai wēdan taku ipēsēseke sarang orasē ini, kerewe kinaringih'i kamene orasē ini.

**Pētātēngkasana dingangu
pētātēngkasēllah'i Kristus**

2 I kamene matoghasē, ualingu i kamene nasēmbau dingang i Kristus. Dingangu i kamene māhiborē ualingu i Kristus kimēndag'i kamene! I kamene niahau Rohkē u Mawu ringangu i kamene lai mēkēkakēndagē tapengu mētētatalēntu sēngkatau su wāline. **2** Ho! kēnangko i kamene kahēnga-hēngang makaluasē naungku su manga halē ini: Pēbiahēko sēngkanaung dingangu lawo mēkakēndagē dingangu timona mēsulung. **3** Abe pēmpēkoā manga apa ualingu sēsahēsekangu pandungangu watangeng hala, arau makapangobotu watangeng. Su sēmbēkane karimako i kamene sēngkatau-sēngkatau ringangu kasana u naung mangēnna u tau-mata wāline limembom mapia wou watangeng. **4** Kakēllako pandungangu taumata wāline; a-

be kētaeng pandungangu watangeng. **5** Karimako i kamene pia kanaunge kere Mawu Yesus Kristus.

- 6** Tumuhu hinone i Sie mēsulungu Mawu Ruata, kai i Sie tawe nakapēndangu kakakoā e marohkē ene hinong tahutēndakeng'E.
- 7** Su sēmbēkane, i Sie mamēllo u kēbi mase makoa mēsulungu sēngkatau ēllang. I Sie nakoā kere taumata ku kēllaēng biahē bue mēsulungu taumata.
- 8** I Sie nētēngkasana u watangeng'E ku mēbēbiahē satia su Mawu Ruata sarang napohong – su kalu kuruisē.
- 9** Kai ualingu ene hakju Ruata nēhengkē i Sie niapakarangē-dangē, dingangkewen nēgēlli u kawasa si Sie limembo wou patiku kawasa wāline.
- 10** Tangu waugu mangadatē Mawu Yesus, kēbi diadikang su Sorga ringangu su dunia,

dingangkewe lai su alungu
dunia sarung mēsuba si
Sie.

- ¹¹ I sire kēbi sarung mangaku u
Yesus Kristus e kai Mawu;
kū kamageng kerene Ruata
i Amang niwantugang.

**Sumēnang mēsulungu
tualagē kū manualagē dunia**

¹² Batuu ene, manga anau
sēmbau kū ikēkēndagē, kereapæ-
wen i kamene hanesē susasumēl-
lung si siā su tempon iā e-
ne sutaloarang kamene, tangu
limembōewe orasē ini seng nē-
gagheange, małowoko i kamene
mēngkai sumasumēllung si siā.
I kamene seng niapakasalamat'u
Ruata, kū pētawakaliko turusē
tadeau karalunsemahu e masuku.
Koako ene ringangu adatē ore
lai tatuhu su Ruata, ¹³ualingu
Ruata sēsane nēkaradiahang su-
ralungu watangeng i kamene mē-
deau i kamene mapulu ringangu
makaluasē naungu Ruata.

¹⁴ Halēkeko kēbi sabarang di-
ngangu tawē karubu e arau sito-
rine. ¹⁵⁻¹⁶ Pēkakoā i kamene ke-
rene ute mēnēnode u i kame-
ne kai manga ana u Ruata kū
tawe turæ, kū mēbēbiahē di-

ngangu katulidē ore lai katēngadē
sutaloaran taumata raralai di-
ngangu mararosa. Kū su tem-
pong i kamene mēhabarē si sire
habarē makaonggo u pēbawiahē,
ute małowoko i kamene makoā
kere tualagē si sire simēnang
nanualagē dunia e. Kamageng i
kamene mēbiahē kerene ute, hē-
dowe piā banggile si siā bau-
gu makapēndang lumuasi kamene
su tempon Mawu Yesus Kristus
dumēnta kapia. Ene tiahane u
munaraku e tawe magholo kaiso
piābe kēhase.

¹⁷ Aramanung iā sarung pa-
teēng kū dahaku makoā sasēmba
su wowong apa nipanēmbang ka-
mene su Ruata makoā tatiala u i
kamene mangimang si Sie. Kereu
mang harusē kerene, iā e maki-
tarimakasē su halē ene ringangu
sēngkapahuļuasē dingangi kame-
ne. ¹⁸ Kerene lai, małowoko i ka-
mene malaing makitarimakasē di-
ngangu sēngkapahuļuasē dingang-
ku.

**Timotius dingangi
Epafroditus**

¹⁹ Iā mangimang u kai ri-
ngangu tulumangu Mawu Yesus,
iā e ligha nakapēndoloh'i Timo-

tius solong anung kamene, tadeau ia e mahiborë ualingu habarë maanung kamene. ²⁰Këtaeng i Timotius e kakësa e taumata sengkanaungu ia, dingangu tēnga-tēngadë mētētinnēnang kapiang kamene. ²¹Këbi e lai waline këtaeng mēsēsēmpī halë u watangeng hala, walinewe wau-gu pandungangu Mawu Yesus Kristus. ²²I kamene seng nakasilo tialane u i Timotius mamben nēbaraguna. I sie seng nētēngkasaghedë dinganku baugu pēlahabar'u Injilu Mawu. I kandua e mēsulungu anā dingangu iamange. ²³Batuu ene, lēpase-weng ia nakakasingka u kereapa ralengu halëku e sarung maghanapë, ute ia sarung mēndoloh'i sie solong anung kamene. ²⁴Ia mangimang kai ringangu tulungu Mawu e, ia sēsaku e tawë kadēngue lai sarung mētiwo si kamene.

²⁵Mihino su anā u sēmbau i kite i Epafroditus ku seng niroloh'i kamene baugu iapētulung sia, ia mēpēndangu mambeng hinone mēndoloh'i sie pēbaļi anung kamene. I sie seng timaking Sia suralungu munara ringangu pēkakarādiahangku e. ²⁶I sie ruḍareā i kamene manga anāu sēmbau këbi dingangu i sie mēngkate

su kaghaghēngganeng u i kamene seng nakahombang habarë u i sie masaki. ²⁷Mang kahēngang i sie masaki hakū marani mate. Kai Ruata e timalēntu i sie; ku baline këta si sie, kaiso si sia lai, tadeau kumbahang ia e tumanū nēngalembo masusa lai. ²⁸Kai ene hakū mangkeng kakasariane lai ēnningku mēdeau mēndolohi sie pēbaļi solong anung kamene, tadeau i kamene sarung lai mahuluasë kapia kereu i kamene mēsombang dingange, ku naungku e maļaing maļenehë. ²⁹Tangú, pēmpānarimaķon sie ringangu karaļuasū naung kere sēngkatau anāu sēmbau tamba pangangimang. Pēngarēgawen patiku taumata kere i sie. ³⁰Baugu pandungangu munarang Kristus, i sie maraning lai mate; i sie nēnarakangu niawane baugu mētulungu ia su arengi kamene.

Katēngadë patutune

3 Pangēsueēnge, manga anāu sēmbauku, maļowoko i kamene mahuluasë ualingu i kamene seng nasēmbau dingangu Mawu. Ia tawe nakapēndang mawēha baugu mēlukau apang ku seng taku niwohë si kamene kaļamona; baugu halë ene mapia wau-gu kasasalamat'i kamene. ²Pakata-

teghang bue su taumata apam mēkēkoā daralaki, taumata ku hinone isēba asu. I sire mānihasa tadeau taumata isunatē. ³Sēmbaliau i kite e taumata seng nanarima u sunatē kahēngang, balinewe i sire. I kite mānēmba Ruata e kai ualingu laaha u Rohkē u Mawu sēsane, dingangu i kite makitarimakasē ualingu i kite mēbēbiahē nasēmbau dingangi Kristus Yesus. I kite tawe gumaghalē^b su manga pēkakakomolē ku tutuhu gēsi. ⁴Su hinone ia botonge gumaghalē su manga komolang ene. Kai kereu pia pēsengkatau makapēndangu i sie pia ai e waugu ghumaghalē su komolang ku tutuhu gēsi, ute ia nēngalembo e lai. ⁵Ia nisunatē tempon umurēku ualu ēllo. Ia kinawantelē kere sengkatau tau Israelē bou hiten Benyamin; ia e tau Ibrani tutune. Suralungu sumasumēllung su torat'u agaman Yahudi, ute ia kai nasowa sengkatau ralohong komolangu Farisi e. ⁶Salā anune ia e kai limembong giange hakiu ia e nanumbiagē jamaatē. Kereu tinganeng bou kēhiu torat'u agaman Yahudi ute ia e taumatawe mapia, tawe kasēngkulang.^c ⁷Kai ualingu i

Kristus, tangu kēbi apang naung kalamona taku lēnnaēngu kai untung, ini e taku nirekeng dugi. ⁸Balinewe ketau manga halē tamai ene; kaiso patiku sabarang ku taku lēnaēnge ketaewen makadugi. Ku taku tētaghuaneng tempo ini e kai nēngalembong maarēga: ute kai makakirala si Yesus Kristus, Mawuku. Ualingu i Kristus tangu ia seng namēllo u kēbi-kēbi e. Taku lēnnaēng kēbi ene kai ketaeng kere onasē tadeau ia botonge makahombang si Kristus, ⁹dingangu kahēnga-hēngang na sēmbau dingangi Sie. Pēkakauhē mapia ringangu Ruata e balinewe ualingu kakanoaku hala su halē u tatuhu torat'u agama. Orasē ini e ia kai pia pēkakauhē ku mapia ringangu Ruata, ualingu ia māngimang su Mawu Yesus Kristus. Ku pēkakauhē mapia ene rarētane kai wou Ruata ringangu wou pangangimang su Mawu Yesus Kristus. ¹⁰Kakēsā-kēsā e taku ilēnning ute kai tadeau ia makakirala si Kristus, dingangu makahombang kawasam pēbawangung'E wou papaten'E. Ia

^b bergantung ^c turāe = celanya

3:5: Rm. 11:1, MMR. 23:6, 26:5 3:6: MMR. 8:3, 22:4, 26:9-11

mēmēningu sēngkapētatahang dingang'E kŭ makoꝝ mēsulungu i Sie suralungu papaten'E. ¹¹Kŭ iꝝ e mēlēharapē u iꝝ sēsaku sarung ipēbiahē kapia wou papate.

Tumalang mēndingkau timonane

¹²Iꝝ e tawe nēbera u iꝝ seng nakaringkau ene arau seng nasukŭ. Kaiso iꝝ mangkewen mētētātētehē sarang makaala laonggo kŭ nisadiang Kristus Yesus. Kai waugu ene i Sie seng nakaala sia kŭ nakoꝝ tataghuanenge. ¹³Nalahē manga anau sēmbau, iꝝ tumuhŭ hinone tawe nakapēndangu iꝝ kawe seng nakaala pēreisē ene. Kaiso kai pia sēmbau kŭ hinon takŭ koateng, mangalene iꝝ mētimbuleng apang su li kudēku, ringangu mētētātētehē sēngapam botonge mēndingkau apam su tēngo. ¹⁴Kai ene hakŭ iꝝ mēngkai tūtalang mētētimo-na timona pangēsueēnge mēdeꝝ makahombang kalauntung, mangalene pēbawiahē suralungu sorga; kŭ baugu ene e Ruata kimui si kite limiung Kristus Yesus.

¹⁵I kite kēbi kŭ seng matēlang tuhŭ marohkē, ute hinong

pia pēndangu naung kerene. Kai kereu sutaŭorang kamene kawe pia pēndangu naung baline, tangu Ruata e sarung lai mēlahē si kamene. ¹⁶Kaiso halē ini karimako nēnaungang: i kite e harusē tatapē mēbēbiahē tumole atorē kŭ seng kinatoleēng i kite sarang orasē ini.

¹⁷Manga anau sēmbau kēbi! Pēmpētēnoko si sia. I kami seng nēgēllŭ pētātēnoēng kahēngang, ualingu ene pēmpēnaungke kapia isai-saing kŭ mēmpētētēno kakakoꝝ i kami e. ¹⁸Iꝝ e seng masau su sulene maŭli si kame-ne, dingangu ini e iꝝ sau mēndahisē kapia ringangu sasangi, u kai lawo taumata kŭ pēbawiahe mēgēnggoghahē mangalen papateng Kristus su kuruisē. ¹⁹Pēbawiahu taumata kerene kasueēnge ute kawawinasa, batu mahang duatan sire e kai kapulung gēsŭ sire hala. Manga halē makamea e, sēmatangkewen ilēlansi i sire; batu i sire mēngkate tumbau mētētinnang kalawou apam mētētatahinon dunia ini. ²⁰Arawe i kite ute kai kawanuan sorga. Kŭ kai wou ene lai Datu Mananalamatē si kite e, Mawu Yesus Kristus kŭ sarung dumēnta. I Sie

^d lēampaleng = ditunggu

3:17: 1Kor. 4:16, 11:1

ete sěntiniã lěantiwang.^d ²¹ Ba-
dang i kite e lome ringangu ma-
hene ini e sarung iwalui kahiang
Kristus makoa mėsulungu wa-
dange hala ku mawantugě. I Sie
makakoa ene ualingu i Sie ma-
naghuang kawasa waugu mapasa-
suměllungu patiku sabarang.

Sasasa

4 Batu ene, manga anau
sěmbau ku ikěkendagě, ku
malowoko pěbawiah'i kamene
těnga-těngadě mangimang su
Mawu. Naungku e rudarea i ka-
mene! Kai seng i kamene ilěliagě-
ku ringangu makaľuasě si sia.

² Baugu manga wawine i Eu-
odia ringangu i Sintike! Ia mědě-
dorong sěngapam botonge tadeau
i rua sěngkanaung bue kere tau-
mata tamba pangangimang. ³ Su
manga ringangku apan satia, ia
mědorong lai tadeau i kamene
mětulung i rědua wawine ene. I
rědua seng němpěmunara masě-
gadě baugu měhabar'u Injilu Ma-
wu Ruata; mėsulung i Klemen di-
ngangu kalawou taumata waline
apang sěngkapěmunara ringang-
ku. Manga areng i sire ene su-
ralungu Bukě u Taumata Wiahě.

⁴ Karimako i kamene hanesě
maľuľuasě ualingu i kamene seng
měběbiahě nasěmbau dingangu

Mawu. Sěnsuleko lai ia měbera:
Pahuluasěko!

⁵ Karimako kěbi taumata e
makasilo kakanoa i kamene apan
naunge mapia. Batu Mawu e
tawě kaděngue lai sarung duměn-
ta. ⁶ Abeko ghěnggangu apa.
Suralungu patiku halě, pěmpě-
kaliomaneng dingangu pěhabarě-
kon dorong i kamene su Rua-
ta. Apang gěgausang i kamene e
měngkai pakasaun habare su Ma-
wu Ruata apidu makitarimakase.
⁷ Tangu karalunsemahě bou Rua-
ta ku tawě ikatiněnnan taumata
e sarung maněntanudě dalungu
naung dingangu tiněnnang kame-
ne apan seng nasěmbau dingangi
Kristus Yesus.

⁸ Kasueěnge, manga anau
sěmbau něnaungengkong kamene
kalawou halě maľaarěga ku hi-
nong daloěng, mangalene ute pa-
tiku munarang katulidě. ⁹ Koako
apan seng niěndungang i kamene
ringangu nikatarima bou ia; baě
bou manga wawera arau lai wou
manga kakanoaku. Mawu Ruata
puěngu pědarame, sarung ma-
hundingang i kamene.

Baweran tatarimakase

¹⁰ Suralungu pěbawiahěku ku
seng nasěmbau dingangu Mawu
e, ia e maľuasě kahěngang, batu

u saraeng seng kereeng karēngue ini pia e loahe kapia mētētīnēnam batangengku. Timonaku balinewe tadeau i kamene seng niwuleng ia; i kamene mambeng mēnēnaung sia, kaiso i kamene tawe makaēba loahe waugu manode u ene. ¹¹Ia mēbēberang ini balinewe ualingu ia e kai kinakawusange, batuu ia sēmben nangēndung mēngkate maľuas apang sembeng pia e. ¹²Ia e sembeng bou nihombangengu kasasusam biahē, dingangkewelain mēdēdalembō. Ia seng masingka u rahasiane waugu tumatēngo kakaoa e balaewe mēnsang kerea; baē su tempom mēdēdalembō, arau kasiang, baē su tempom maľhēmpaliu, kurai kēkawusange. ¹³Ualingkeng kawasa ku seng nighēlli i Kristus si sia, ute ia e matoghasē tumatēngo haghimpatiku.

¹⁴Arawe i kamene seng nētulungu ia suralungu kasasusaku; ku apang kēkoateng i kamene e mambeng mapia. ¹⁵Manga anau sēmbau tau Filipi! I kamene hala masingka kahēngang u pia ia nanētangu Makedonia kalāmona, su tempon Injilē ene taku nihabarē kahumotongange,

i kamene kakēsa-kēsa e nakatemang untunge ringangu dugine ringangkewen ia. ¹⁶Pia ia su Tesalonika ku mēgēgausē tatalung, seng limembo wou sēnsule i kamene nēmpēndohong tatalung si sia e. ¹⁷Ene walinewe mangalēne ia kētau mapulu manarima laonggo. Kapuluku e ute kai tadeau ia makasilo manga ualine ku makakatambawe kalauntung i kamene. ¹⁸Ia seng nanarima u kēbi e – sarang katewe limembo wou kasasuku e! Kēbi apan laonggo ku nirohon kamene si sia, seng taku kinatarima bou i Epafroditus. Ini ia seng nakaēba. Kēbi apaewen taku gēgausang kalawou ghaghēlli bou kamene ene kai kere daluru mawēngi wou sasēmba ku nisēmba su Ruata ku nitarima u Ruata ringangu naung maľuasē. ¹⁹Mawu Ruata ku taku sēsēmbaēng, ute kai mēdēdalembong kakala e suralungi Kristus Yesus, sarung manuku kēbi apang gēgausang i kamene. ²⁰Dalo su Ruata i Amangi kite sarang marēngu-dēngu. Aming.

Adatē pēngēsueēnge

²¹Bunako adatēku su kēbi apang kawanuan Duata ku nasēm-

bau dingangi Kristus Yesus. Dingangu tarimaŋko lai adatě bou manga anaŋ sěmbau ku ěndaung dinganku sini. ²² Kěbi kawanuan Duata su soa ini, kahumoto-
ngange i sire su istanang Kaisarě, něndohon adatě si kamene.

²³ Karimaŋko Mawu Yesus Kristus mangalamatě si kamene kěbi.

Adat'i kami,
Paulus dingangi Timotius

SURATI PAULUS
SU JAMAAT'U
KOLOSE

DARUMATINGE

Kolose kai sēmbau kudato su wanuag Asia kadiḡ, su sēmbēkan daki wou kudatong Efesus. Baḡnewe i Paulus naparariṣi u jamaatē su Kolose ini e, kaiso pia i sie nēndolohu mēmamunara wou Efesus, kasēllahengu kudatong propinsi sēmbau bahageangu Roma su Asia kadiḡ, i sie makapēndangbe hinong mapakasombou jamaat'u Kolo-se. I Paulus seng nakatarima u habarē u suraḡungu jamaatē ene kai pia manga mananēntiro, ku mēnēnēntiron tēntiro makapaḡidē. Manga mananēntiro ene mētētungkētḡ u mēdeḡu mēkiraḡa Mawu Ruata ringangu mēdeḡu makahombang kasasaḡamatē nasuku e, ute taumata e harusē manēmba manga "rohkē mēngangawasa ringangu mēpēparenta patiku dunia". Su sēmbēkane ene e, ungkuēngu manga mananēntiro ene e, taumata e harusēbe lai makēhagē tumuhu atorangu sunatē, pēline ringangu apa lai waḡine.

Surati Paulus Su Jamaatē su Kolose ini e niwohe tadeḡu mēlahēu tēntiron Sahani tutune e ringangu lumawang kēbi tēntiro nēsala nitēntirong manga mananēntiro kakontiang ene. Gēsini suratē ini e kai maḡliu i Yesus Kristus mamben tēnga-tēngadē makaongḡo u kasa-saḡamatē nasuku dingangu mangaeḡelai tēntiro waḡine e kētaewen makakaraun taumata e woi Kristus. Boi Kristus e, Duata e napakaria-din dunia ini, dingangu woi Kristus e Ruata maḡaing mapakasalaḡamatē. Kētaeng uaḡingu kasa-sēmbau dingangi Kristus e, dunia e maḡaghuang daḡuas sarung makahombang kasasaḡamatē. Tuhue lai ute i Paulus e nēlēkahu pēdaḡahēmpukangu tēntiro mawantugē e ringangu pēbawiahu taumatan Sahani e.

Hinongbe lai ipakasingka sini, u i Tikhikus – e nêbawa suratê ini sarang Kolose waugi Paulus – e ringaneng i Onesimus, mêtatangkiang ku nirolahi Paulus apêbêbali solong anun mawune e, kai nangun i Filemon, sêngkatau ralohon jamaat'u Kolose.

Lohone

Panêtakege	1:1-8
Kakakoꝝ dingangu ralêta i Kristus	1:9-2:19
Pêbawiahê buhu ku kinahombangengu taumatan Sahani	2:20-4:6
Kakunsi e	4:7-18

1 ¹⁻² Manga anau sɛmbau daɫo-
hon jamaat'u Mawu su Ko-
lose ku satia su pɛkakauhɛ di-
ngangi Kristus!

Kere sɛngkatau rarolohang i
Kristus Yesus, – kahiang kapu-
lun Mawu Ruata e – ia ni-
hengke sɛngkakahengke dingangu
anau sɛmbau i kite i Timotius,
mɛlɛharapu maɫumbako Ruata i
Amang kite e mɛngonggou ala-
matɛ dingangu karalunsemahɛ si
kite kɛbi.

Kakalio-maneng tatarimakasɛ

³⁻⁴ I kami seng nakaringihɛ
u i kamene maŋgimang su Ma-
wu Yesus Kristus dingangu i
kamene kumɛndagu patiku daɫo-
hon jamaatɛ. Kai ene hakɪu su
tempong i kami mɛkɛkalio-
maneng baugi kamene, i kandua
e mɛngkate hanesɛ makɪtarima-
kasɛ su Ruata, i Amang u Ma-
wung kite i Yesus Kristus. ⁵ I
kamene maŋgimang dingangu i
kamene kukɛndagɛ, u i kamene
mɛkɛkarimang u apan nisadian
Duata su sorga waugi kamene.
⁶ Habaru Mawu Ruata e nasa-
wuhɛ su kasɛllahu dunia e ma-
se pɛbawiahu taumata e sɛntinia
lɛalamatengu habarɛ ene, kere-
we lai naung pɛbawiahu nialama-

teng pia i kamene nakaringihɛ
halɛ u tatalɛntu u Mawu Rua-
ta e ku kahɛnga-hɛngang na-
kaɛnna. ⁷ Halɛ ene ipɛpauli si ka-
mene kinahian Epafra, dingang
i kamie ikɛkɛndagɛ. I sie kai
taumatam munarang Kristus sa-
tia mɛmɛmunara e waugu pan-
dungang i kite. ⁸ Kai woi sie a-
sale i kami e makadingihɛ u kai
kawasan Rohkɛ Susie i kamene
makakoɔ mɛkakakɛndagɛ.

⁹ Kai ene hakɪu i kan-
dua mɛngkai hanesɛ mɛkɛkalio-
maneng baugi kamene nanɛtaewe
rokeng bou ɛllo i kandua naka-
ringihɛ habaru maɫi i kamene. I
kandua mɛkɛkalio-maneng su Ma-
wu Ruata e maɫowoko Rohkɛ
Susi e mɛngonggou kasingka di-
ngangu katatahuɛnna masuku si
kamene kai apa e kapulun Ma-
wu Ruata. ¹⁰ Ualingu ene ute
i kamene makapɛbiahɛ tumuhu
kapulun Duata, ringangu sɛnti-
nia makaluasɛ naung'E, hakɪben
su patiku munara e i kame-
ne kapamurukangbe pulise map-
pia. Dingangu kasingka i kamene
maɫanun Duata e maɫaing limem-
bong kapahuntinambane. ¹¹ Ka-
rimako ualingu kawang Mawu
Kasɛllahenge, i kamene iapaka-
toghasɛ hakɪbeng i kamene ma-



Kakaliomaneng (1:9)

katahang dingangu makakēdang su patiku sabarang, masasabarē dingangu mara_ruasē ¹²kū dingangu makitarimakasē si Amang. Batu_u kai i Amange napakariading kamene wotonge makatarima_u u apan nisadian Duata e waugu taumatan'E su kararatuang'E matualagē. ¹³I Sie seng nēlliung kite_u bōu kawang kararēndung kū seng napēngaling i kite_u suralungu kararatuangu Ahuse ikēkēndagē. ¹⁴Ualingu Ahus'E ene e i kite_u niapakaliu; mangalene ute kalawōu rosang kite_u e seng niampungang.

I Kristus dingangu munaran'E

¹⁵I Kristus e kai awē u Mawu Ruata taikasasilo; I Kristus

kai anā kaiakanenge, pinahana_u kalamonang apan niriadine. ¹⁶U kai wōi Sie Mawu Ruata e napakariadin patiku su sorga ringangu su dunia, patiku sabarang ikēkasilo ringangu tawe ikasasilo, nasowa lai suralunge kereewe patiku rohkē makawasa ringangu mēpēparenta. Kasēllahu dunia ini e niriadi ualingu i Kristus dingangu waugi Kristus. ¹⁷Kalamonan patiku sabarang niriadi e, I Kristus semben tēbe ene. Dingangu ualingu i Sie lai haki_u u patiku sabarange seng su tampa e sēmbau-sēmbau. ¹⁸I Sie e tēmbōu wadang'E, kū kai jamaatē, batu_u kai i Sie simbulu patiku laidopu jamaatē e. I Sie kai anā kaiakanenge, kaumotongmotongange niapēbiahē kapiā

wou kapapohong'E, tadeau sēma-
tangbe i Sie sēsane nakoā kasēlla-
hengu patiku. ¹⁹Kai Mawu Rua-
ta sēsane pia kapulune tadeau
patiku sabarang ku kaēbakeng
su Mawu Ruata e, kaēbakeng-
be lai masuku su Ahus'E. ²⁰Ku
suralungu Ahusē ene lai Ma-
wu Ruatae mapakariadin patiku
sabarang pia pēdalahēmpukange
kapia ringang'i Sie – baēbe pa-
tiku apan su dunia, arau lai su
sorga. Mawu Ruata e nēkoā ke-
rene ualingu kapapohongu Ahuse
su kalu kuruisē.

²¹Nang kangere e i kame-
ne marau wou Mawu Ruata. I
kamene rudoka ualingu lulu ri-
ngangu tinēnnang kamene rarala-
kisē. ²²Arawe ini ute, ualingu ka-
papohongu Ahus'E, Mawu Ruata
e nēkoā pēsasēngkapiang kame-
ne ringange nēsau nauli. Ualingu
kakakoā kerene ute i kamene
wotonge ipētēngon Duata e su-
ralungu kasasusi, matilang di-
ngangu tawē turāe. ²³Semben
tantu i kamene harusēbe tatapē
satia su pēngangimang dingangu
rumarisi matoghasē su pēngangi-
mang i kamene. Kumbahangbe
sarang i kamene mēmēllou pēla-
harapi kamene ku seng nionggo
si kamene su tempon nakatarima

Injilu Ruata. Habarē ene e seng
pinēdalahabarē su apan tauma-
ta e su kasēllahu dunia e. Ku
ualingu lai ene watangengku, i
Paulus hakiu seng nakoā mēta-
tangkiang.

Pētatangkiang i Paulus waugu jamaatē

²⁴Orasē ini e ia maľuasē
mētatahangu sigēsā baugu pan-
dungang i kamene. Batu u-
alingu sunsarang badangku e, u-
te ipanuku e apang ku bēdang
ipēdararagi Kristus baugu ja-
maat'Ē, mangalene wadang'E.
²⁵Duata e nēndolohu ia nakoā
mētatangkiang jamaat'Ē baugu
mapakapiang kamene. Ia e mam-
beng hinone manēpasu walon
habarē bou Ruata e patiku;
²⁶mangalene habarē e seng di-
ngangu hasu e su taunge naliu
ilēlirungu Ruata e su patiku tau-
mata kai orasē ini e seng ni-
lahē su manga umat'E. ²⁷Ma-
wu Ruata e mapulu mapakalahēu
kereapa kapiane ringangu kawa-
wantuge ralirunge waugu patiku
taumata. Rahasia ene ute kai: I
Kristus kai ene suralungi kame-
ne mangalene i kamene, sarung-
be kapusakatengu kawawantugu

Ruata. ²⁸I Kristus e kai sarung ipëdalahabari kami su këbî tau-mata. I kami e kai mëngonggou ingate ringangu manëntiro si sire këbî e ringangu patikû kata-tahuëna. Timonang kami e u-te kai tadeau sêngkatau-sêngkatau e ahakeng solong anun Mawu, tabidaen sêngkatau seng natëllang tuhu marohkë, baugu seng nasëmbau dingangi Kristus. ²⁹Tadeau makakahumpau ene u-te iä e mëmunara kahëngang. Iä e mëtawakali sêngapam botonge ringangu kaguwau kuatë kü seng nionggoi Kristus si siä dingangu nëkaradiahang su watangengku e ringangu kasasuku u kawasan'E.

2 Iä e mapulu tadeau i kamene e masingka mënsang kereapa katoghase iä mëbëbangkuadë^a baugi kamene ringangu waugi sire su Laodikia ringangu patikû apang bëgang iä. ²Këbî e taku kinoa tadeau naung i sire mawalinsahë dingangu i sire mëkakakëndagë hakü ene i sire masëmbau kahëngahëngang. Ualingu ene i sire ute tënga-tëngadë makaëna ringangu mëngiaking ore lai makakasingka u rahasian Duata e, kai i Kristus sësane. ³I Kristus e kai nakawualagu patikû sipirang ma-

pia ringangu kasingka u Ruata naung mabawuni.

⁴Iä mauüu ini e tadeau i kamene kumbahangbe kaakaleng i-sai-saim biwihe mararëngang. ⁵U manjeng badangku e maraung kamene, kai koa e kere iä ene sutaloarang kamene. Iä e mëngkai maüasë makasilö e si kamene sêngkanaung dingangu mato-ghasë su pëngangimang si Kristus.

Pëbawiahë masuku

⁶Manga anau sëmbau kü sen dimaë si Kristus Yesus Mawu e. Batu ene i kamene pëmpëbiahëbe makakauhë dingang'E, ⁷ringangu mëhamu suralungi Sie. I kamene e pëmpamëtikom pëbawiahi kamene ringangi Kristus pëmamanggilange. Pakahun-tinambangkom pëngangimang i kamene e si Kristus, tumuhu apan seng nitëntirone si kamene. Kü naung i kamene e pakatatompëko ringangu waweran tata-rima kasë.

⁸Pakatateghang buë i kamene, kumbahangbe sarang piaü mëmitaugë si kamene, wëmbingang u tëntirong manga kapanden taumata ta mangalë-

^a berjuang

ne, kētaeng makapalidē. Manga kapanden dunia ene e waline-we wōi Kristus, kaiso kai wōu kapanden taumata samatang, dingangu wōu manga rohkē u kawasan dunia. ⁹ Batūu patikū kakaoa u Ruata e nēbanua si Kristus su pēbawadang'E. ¹⁰ Kū ualingu mēbiahē nasēmbau dingangi Kristus, i kamene maiaing nighēlirangu pēbawiahē masukū. Batūu i Kristus e kai tēmbo u patikū rohkē māngawasa ringangu mēpaparenta.

¹¹ Ualingu nasēmbau dingangi Kristus e ute i kamene seng nisunatē, balinewe ualingu sunatē kinoa u taumata, kaiso kawe ualingu sunati Kristus kū seng nēliung kamene wōu kawasang kakanoa marosa. ¹² Batūu su tempong kamene nīsasahani, ute i kamene kai nilēbing dingangi Kristus; kū maiaing dingangu sasahani ene, i kamene nipēbiahē kapia ringangi Kristus ualingu i kamene mangimang kawasan Mawu Ruata seng napēbiahi Kristus wōu papatene. ¹³ I kamene nāung nate tuhu marohkē ualingu i kamene waradosa, ringangu i kamene tawe nisu-

natē tuhu gēsī. Arawe orasē ini Mawu Ruata napēbiahi kamene ringangi Kristus. Mawu Ruata seng nēngampung kaławōu rosang kite, ¹⁴ dingangu nēndēdasē pēsasalang kite kū mēmatakū i kite dingangu atorange mawawēha. Dingangu mēndēka winohē ene su kalu pinēnggantongan, Mawu Ruata e nēndēdasem patikū laēnsilē si kite. ¹⁵ Su kalu kuruisē ene e i Kristus namata kaławōu haghin rohkē u mananēmbonang dingangu mangangawasa e nasue nēngkaēnsu.^b I sire nakoā bawialaēng u lawō su pia i Kristus mēngēngahā i sire tabidaen tau kinataweng mābawoleng sutalōaran wuntuangu nakauntung.

¹⁶ Kū kumbahang mapakawalan taumata e mapēsasang kamene su halē u kakaēng dingangu pēnganginung, arau su halēewelain manga haribasarē u agama arau raļuasū wuļang sumenda arau ēllon Sawadē. ¹⁷ Kēbi tamai ene e kētaeweng kēngkaung^c apan sarung dumēnta, arawe karalahēu wōu kēbi ene ute kai i Kristus! ¹⁸ Kumbahangbe i kamene mapakawalam batangeng makiakalē su taumata apang mēmēlle-

^b nēlinsumagē = terjerembab ^c sēhang = bayangan

2:12: Rm 6:4 2:13: Ef. 2:1-5 2:14: Ef. 2:15 2:16: Rm 14:1-6

we mētētēngkasanau naung dingangu mēngadatē manga malaekatē. Taumata kerene ute kai mēngēngobotu manga tinēnnane maḍunia ringangu lūlansiu apan uade kinasilone hala, ¹⁹hakū semben tawe mapulu mēngumbala si Kristus nakoā tēmbōe. Su limang kawang Kristus e, kaguwau wadange mapaduli ringangu mēdēdalahēmpu apan laese, tutuwōen sasombo u Mawu Ruata e.

Mate ringangu mēbiahē dingangi Kristus

²⁰I kamene seng nate ringangi Kristus, ringangu seng niliu wou manga rohkē u mangawasa runia ini. Ku, kawe unue i kamene mēbēbiahē ke-re taumata wēdang makikawasa su dunia ini? Kawe unue i kamene mēngkai kukakoho su manga atorang kerene, ²¹"Kumbahang mētemang ene", "Kumbahang mēnenggehē apa ini"? ²²Kēbi atorang ene kai mang mauliu apang paketang tawe gunane. Ene kētaeweng kalawou atorang dingangu manga tēntiro apan nikakoā u taumata. ²³Tamai ene tēngadēbe ikēka-

silo e kai munarang katatahuēnna, pia e laansange^d tadeau taumata e pañēmba malaekatē, mētēngkasanā u naung dingangu pamamanti wadang, kaiso kēbi e mamben tawe gunane wagu ipēnaludē ēnningu ghēsi.

3 I kamene e seng niapēbatung kapia ringangi Kristus. Ualingu ene i kamene kai harusēbe pēmpēgausē apan dasi su sorga, su pia i Kristus mēpēparenta ringangu Mawu Ruata. ²Pēmpēnēnaungbe apan dasi sene e walineuwe apan su dunia. ³Batuu i kamene seng nate, ku pēbawiahī kamene e maḍalirung dingangi Kristus suralungu Mawu Ruata e. ⁴Ku simbulu pēbawiahē tutune e ute kai i Kristus ku maeng i Sie sarung ikasilo e ute i kamene e maḷaing sarung ipakalahē dingangi Sie suralungu kasasēllah'E!

Pēbawiahē tēbe ringangu Pēbawiahē buhu

⁵Ualingu ene, pakasueko pate kalawou kapulun dunia e mēnēnaghali watangengue; ke-re pēsasundalē, karalamuhū, abuli, ēnning dalakisē dingangu anggang (batuu anggang e kai

^d laorone = anjuran

měsulungu paḷahamawu mahan-duata). ⁶ Manga haḷě kerene e kai makasongkahě daḷangehu Ruata su apan taumata ta tumatuhu si Sie. ⁷ Naung humotong i kame-ne hala e tūtuḥu be lai haghing kapulu kerene, su tempong i kamene suraḷungu kawasane.

⁸ Arawe ini e ute i kamene pēmpēndēmme u haghing kararalakisě bōu watangengu: kumbahang mēngkai mēpēdu, arau mēndongka, arau piā pēndangu inu su taumata waḷi-ne. Kumbahang mēdohang arau mēberam bawera kotorě. ⁹ Kumbahang mēmpēkonti sēmbau su waḷine, u pēbawiahě tēbe e ringangu patiku kakakoā e sen nirēmē i kamene. ¹⁰ Ku i kamene ini e kai sen taumata niongotangu pēbawiahě buhu tētaḷēmbuhuang hanesě itētuhu awē u Mēndariadine ku kai Ruata. Timonane ute tadeau i kamene makakiraḷa Ruata ringangu kasasuku e. ¹¹ Makoā kere pulise wōu ene ute nasuē e nēngkailang pēdaḷahaedangu tau Yahudi ringangu waḷine Yahudi; nisunatě dingangu tawe nisunatě; semben tawē apa pēdaḷahaedangu tau raghi dingangu taumata raḷa-

kisě; arau ěllang dingangu waḷi-ne ěllang; batu i Kristus kai maṇahiangkung patiku sabaṇang dingangu i Sie nasēmbau dingang i sire kēbi e.

¹² I kamene e kai taumatan Mawu. Ruata e kimēndagi kamene mase nēmile si kamene makoā tataghuaneng'E tani. Uaḷingu ene i kamene harusě pēmpēlaheḥu pēkakakēndagě, mēsēngkapiang anau sēmbau, kasana u naung, sikome naung, ringangu makēdang su sigěsa. ¹³ I kamene harusě mēsasabarě sēmbau dingangu waḷine, dingangu mēgaghēlli u ampung kereu piā u mēndeso tunenaung su waḷine. Mawu e maḷuasě mēngampung si kamene, ku i kamene maḷaing hinom mēpēpangampung sēmbau dingangu waḷine. ¹⁴ Su wowon tamai ene, kēbi e ute: i kamene harusěbe mēkakakēndagě u kakēndagě e maḷakasēmbau i kamene makoā masuku. ¹⁵ Kariadiko apan sipirangu e mēngkai maṭuntū u pēdarame niongo i Kristus suraḷungu naungu. U i kamene kai nikuiangu Ruata e makoā laesu wadang sēmbau, tadeau i kamene mēbiahě suraḷungu pēdarame

wou anung Kristus e. Ku i kamene mēngkai pakitarimakase. ¹⁶Karimako hengetang i Kristus napeneu alamatē e mēngkai lumēna suralungu naung i kamene. Ku i kamene e pēmpētātēntiro wue sēmbau dingangu waline ringangu pēmpētātēgu wue sēngapang kaudupe. Pēmpēkantarikon Mazmurē dingangu raralo arau kakantari mararohkē; pēkantariko waugu Ruata, ringangu pēndangu tatarimakase su naung i kamene. ¹⁷Nimbue, patiku apang kinoa i kamene, arau mabe-ra e, hinong i koa dingangu iwera suralungu arengu Mawu Yesus. Ku i kamene e pēmpēkaliomanengko su Mawu Ruata i Amang boi Yesus.

**Pēkakauhu watangeng
suralungu pēbawiahē buhu**

¹⁸I kamene manga wawine e! Pakasasumēlung bue su kawingi kamene, u kawē kerene hinone kakakoā u taumatan Sahani.

¹⁹I kamene manga esē! Kēkēndagēbeng kawingi kamene. Abe ralahētu mēkoā si sire.

²⁰I kamene manga rario e! Kai kerene mēkoā taumatan sa-

hani e, harusēbe pakararingihē si amangu ringangu si ninangu, batu u kai ene maka luasē naungu Mawu Ruata.

²¹I kamene manga iamange! Ariēbe mapalangehu ana i kamene maḍiring kumondo naung i sire.

²²I kamene mētatangkiang e! Pakatatuhu su manga mawung kamene su dunia e su patiku sabarang. Abe kawē kētaeng tutuhu su tempon i sire makasi-lo si kamene, ualingu i kamene kawē kētaeng makiralō. Tuhukeko i sire ringangu naung matulidē, batu i kamene matakū u Mawu. ²³Halēbe sude nionngo si kamene ute, koako ringangu kasēllahu naungu tabida u kamene mēkēkoā baugu Mawu walineuwe tumbaem baugu taumata. ²⁴Pētahēndung u i kamene sarung makatarima bawalise wou Mawu. Apan sen nisadiah Mawu e waugu taumatan'E, ute kai ene sarung gēlirang si kamene. Batu mawu tutune ute kai tētangkianeng i kamene, i Sie kai i Kristus sēsane. ²⁵Ku isai-sai wue nēkoā pēsasala e, sarungbe manarima patiku pēsasalane;

batu Mawu e tawe mēmamile ghati.

4 Manga anau sēmbau apan nako mawu e! Pakapapiako mēmpēko manga mētatangkiang si kamene tuhewe katēngadē dingangu kaadilē. Pētahēndung batu i kamene kai piā Mawu man sēmbau su sorga.

Kakakēllaēng e

2 Pakakakēhagēko mēmpēkaliomaneng, pakasasadia, apidu kapētarmakase e su Ruata. **3** Pēmpēkaliomaneng laing kami e tadeau Mawu Ruata e mangonggoben loahe mapia si kami makapēngkekeng habaru hengetange maanung lēlirungi Kristus. Ualingu halē ene e tangu ia e orasē ini kai matatahungku. **4** Pēmpēkaliomanengko tadeau ia e makatualagu lēlirung ene e pakalahē-lahe kerewe hinone.

5 Suralungu kalahēmpu i kamene ringangu apan taumata ta mēmpangangimang e ute i kamene pēmpēbiahēbe pakata-tahuēnna, pēmpēdedeabe loahe pakapapia-pia. **6** Karimako palahumbisarang kamene e hinowen mēngkai makadaluasē dingangu

makabinsana. I kamene harusēbe masingka u kere apa i kamene hinong sumimbang kakiwalon sēngkatau-sēngkatau e.

Pondolu^c suratē dingangu laadatē

7 I Tikhikus, hapi i kite ikēkēndagē, sarungbe mēhabarē si kamene katataingu pēbawiahēku e. I sie satia mēmuna-ra ringangi kami wagu Mawu e. **8** Ia nēndolohi sie solong a-nung kamene, tadeau i kamene makakasingka u kakako u pēbawiahi kami e ringangu i kamene mēngkahiborē. **9** I Onesimus sarung dumaḷeng sēngkaraleng dingangi Tikhikus; i sie anau sēmbau bou taloarang kamene. I sie taumata satia, ringangu i kami kükēndagi sie. I kanduang Tikhikus e kai sarung mēhabarē si kamene patiku halē apan nariadi su tampaku ini.

10 I Aristarkhus matatahungku dinganku e, mēndohong tabea si kamene. Kerene lai i Markus, anau tamahuari ringangi Barnabas. (I kamene semben nakatarima u tatanataku e panēnsomahē si sie ke-

^c Papero = penutup

reu ia dumënta su anung kamene.) ¹¹Tabeako lai bōi Yesus ku isēsēba lai si Yustus. Bōu taŋoaran tau Yahudi apan seng m̄angimang su Mawu Yesus, kētabeng i sire tēllu hala ku orasē ini e mēlēhalē dingangu mēdeau mēndalēng munaram Mawu Ruata. I sire mamben tēngadē nētulungu ia.

¹²Tabea bōu anung Epafra. I sie m̄aīng taumatang kamene. I sie kai mētatangkiang si Kristus Yesus, ku sīdu-tu mang mēkēkālīomaneng ma-amumang baugi kamene. I sie ghūgahiorō sēngapam botonge su Ruata tadeau pēngangimang i kamene matoghasē dingangu i kamene e kahēnga-hēngang mahuntimadē, tadeau i kamene tinlungbe masatia su kapulun Dua-ta. ¹³Ia e makasahidi sēsaku u i sie seng nēhalē masēgadē baugi kamene ringangu waugi sire su Laodikea ringangu Hierapolis. ¹⁴I Dokter Lukas, ikēkēndagi

kite, dēduan Demas, nēndohon tabea si kamene.

¹⁵Pēmpaulikon tabea i kami su manga anau sēmbau Sahani su Laodikia; ringangu su Nimfa, ringangu su raŋohon jamaatē apang mēmpēkēkālīomaneng su walene. ¹⁶Samurin suratē ini e i-wasa sutaloarang kamene e, ute wasako lai su jamaat'u Laodikia. Kerene lai i kamene hala harusē mēbasa suratē sarung dingo-tang bōu Laodikia, si kamene. ¹⁷Dingangu pēmpauliko si Arkipus, "Pakasueweng koae munara nionggō si kamene gunang mētatangkiang Mawu."

¹⁸*Tabeaku, i Paulus.* Ia sēsaku e nēmohe wahageang ini. Abe kiwulei ia e wēdang mātatahungku!

Karimako Mawu e mēngaŋamatē si kamene.

Adat'i kami,
Paulus

4:10: MMR. 19:29, 27:2, Flm. 24, MMR. 12:12, 25, 13:13, 15:37-39

4:12: Kol. 1:7, Flm. 23 4:14: 2Tim. 4:10, 11, Flm. 24 4:17: Flm. 2

SURAT'I PAULUS HUMOTONG
SU JAMAAT'U

TESALONIKA

DARUMATINGE

Tesalonika ute kai nakoꝝ niupunangu soa su Makedonia, narekeng propinsi sēmbau su kararatuangu Roma. Jamaatē su Tesalonika e niwangung i Paulus sarangke i sie nēnētangu Filipi. Kai tawe narēnna wou ene, apan tau Yahudi ku susingking i Paulus nanēta e rumoka munaran Paulus su halē u mēhabaru tēntiron tau Sahanī su apan taumata apan baline Yahudi ku seng matode u kai riꝝ piꝝ naunge su agaman Yahudi. Ene nasihase i Paulus nanētangu Tesalonika e ku nakoꝝ solong Berea. Ene saraeng i sie nahumpaeng Korintus, ute i sie nakatarima e surat'i Timotius kai hapi dingangu ringange sēhalēkang maanueng katataingu jamaat'u Tesalonika.

Ku *Surat'i Paulus Humotong ini Su Jamaat'u Tesalonika*, niwohe ipamahansang dingangu ipanoghasē pēngangimang i sire. I Paulus nakitarimakase su habarē seng kinatarima e maanung halē u pēngangimang dingangu kakēndag'i sire. I sie mēgēgēlliū ingate si sire halē u pēbawiahe sēsane su tempong i sie wēdangbeng ene sutaloaran sire. Saraeng nasueen paulie kēbi ene, I Paulus simimbangke manga e kakiwalong sire halēu rarēntang Kristus karuan sulene. Kereu sēngkatau wou ralohon jamaat'u Sahani e mairi deng bēdang I Kristus tawē nādēnta kapia, ute wotonge ngae tau ene makatarimau pēbawiahē kēkal, dingangu tutune woi Kristus? Ku angere i Kristus e sarung dumēnta? I Paulus maṇalēntihꝝ u tadeau i sire e manēpasu muna-ra ringangu maudupē ku kapēngampalē rarēntang Kristus nasuku u pēlaharapē.

Lohone

Panětakenge	1:1
Tatarimakase dingangu raralo	1:2–3:13
Sasasa maanung kai kereapa hinone kakakoꝝ u tau Sahani	4:1-12
· Taturalagě maanun darěntang Kristus karuan sulene	4:13–5:11
Sasasa pangensueěnge	5:12-22
Kakunsi e	5:23-28



Soan Tesalonika (1:1)

1 Manga anau sēmbau jama-at'u Tesalonika, nakoā umat u Mawu Ruata i Amang, dingangu Mawu Yesus Kristus:

I kami tēllu, i Paulus, Silas dingangi Timotius mēlēharapē u małowoko Mawu e mēngonggou alamatē dingangu karalunsemahē si kamene kēbi.

**Pēbawiahē dingangu
pēngangimangu tau
Tesalonika**

2-3 I kami e mang taghalē makitarimakasē su Mawu Ruata ualingu i kamene kēbi. Suapan pēkakaliomaneng i kami su Ruata ringangu i Amang i kite e, ute mang tawē

pontode mētahēndung si kamene. I kami e mēngkate hanesē mēkēkaliomaneng i kamene. I kami mētētahēndung kereapa i kamene mēnodeu munaram pangangimang i kamene si Kristus, karadahangu kakēndag'i kamene su taumata waline ku mētangkiang si sire, ringangu kereapa katoghasu pēlaharap'i kamene su Mawung kite Yesus Kristus. **4** I kami masingka, manga anau sēmbau u Ruata e kükēndag'i kamene ringangu seng nēmile si kamene nakoā tataghuanenge tēntani. **5** Batuu i kami e mēlēhabaru Injilē si kamene waline tumbau ringangu wawera e, kaiso maiaing ualingu kawasa ringangu Rohkē u

Ruata. Dingangu i kami e maia-king kahēngang su katulid'u injilē e. I kamene hala masingkəu kereapa pēbawiah'i kami e gunang kamene pia i kamie ene sutaloarang kamene. ⁶I kamene tutolewe laaha i kami ringangu laaha u Mawu. Maningbe i kamene e tumanju masigēsə kai i kamene mamben nēnarimaunang maļuasē habarē ipēpauli i kami e si kamene. Daļuasē ene ute kai niļamongo u Rohkē Susi. ⁷Ualingu ene ute i kamene kai nakoə kakakēllaēng'u^a kēbi taumatan Sahani su Makedonia ringangu Akhaya. ⁸Batu u nanēta bo'i kamene, habar'u maļiļu Mawu e seng nakeke solong Makedonia ringangu Akhaya. Dingangu waliuwe kētau ene samatang; maļa katewe habaru maanung kereapa pangangimang i kamene su Mawu Ruata e seng nakeke suapan tampa, hakiu i kami e sen tawahaļuasulai mēberang manga apa. ⁹Kēbi taumata ene mēbēbisarang kereapa pēnanarima i kamene pia i kami e naung kaļamona e rimēnta su anung kamene. I sire mēbēbisarang kereapa i kamene nanēntangu kaļawou mahan dua-

ta ku dimēnta su anung Mawu wiahē mang sēmbau mēdeau mē-tēngkasatia si Sie. ¹⁰I sire maļaing maļumbisara mēnsang kerapa i kamene mēlēharap'u rarēntan Ahus'u Ruata wou sorge, ku i Yesus, seng niapēbiahē kapia wou kapapohonge. I Yesus ene maļaing nēngambang si kite bou raļangehu Ruata e sarung.

Munaran Paulus su Tesalonika

2 Manga anau sēmbau! I kamene hala masingka u pētatiwong kami si kamene e tawe makoabe tawē gunane. ²I kamene masingka u kaļamonang i kami e rimēnta su anung kamene su Tesalonika, i kami seng nētatahangu tatingkai dingangu sasamedē su Filipi. Kaiso maningbe lawo taumata rudoka si kami e, Ruatang kite e seng nēgēlliū kawawahani baugu pēlēhabar'u Injilē si kamene woi Sie. ³Pēmamaringang i kami e si kamene waliuwe ualingu ēna nēsala; kerene lai waliuwe ringangu tēgalē daļai arau manga ipangakalē. ⁴Tala wue! I kami e

^a pētātēnoēng = contoh = teladan

walīnewe maḥumbisara sēmatang ipāmia naungu taumata, kaiso kai ipāmia naungu Mawu Ruata, maḥamanika daḷungu naung i kami. U i kami e kai narekeng taumata wotonge mamaḷawuhu Injilē e. ⁵I kamene hala masingka u i kami e tawē sarang sēnsulē mēbēberang bawera papalano tulī arau kai manga mēkēkalirungu kai pia ambinge maanggang. Mawu Ruata e sahidine! ⁶I kami e maḷaing balīnewe mēgēgaus'u maḥidarumalo su taumata – baē bō'i kamene arau lai wōu walīne. U hinone kere sēngkatau raroloḥang i Kristus, i kami e wotonge wue mēnuntū apa-apa wō'i kamene. ⁷Kai i kami e mēngkate mētētēngkasikome su tempōen maḍalaḷu dingang i kamene, tabidaen sēngkatau ghaghurang bawine mēndiaga ana e. ⁸Uaḷingken kakēndag'i kami, i kami e saḍia mangonggō si kamene walīnewe tumbau Injilē e, kaiso kawē lai pēbawiah'i kami e. Batuḥ maḥēmpaliu wue kakēndag'i kami e si kamene. ⁹Tantu i kamene bēdawen maḥatahēndung kereapa katoghase i kami mēta-wakalī ringangu mēdēdaḷahingidē. Kaēlloēng kahēbiang i kami e mēmēmunaḥa tadeaḥu i kami e tawē mapakasigēsau sarang

səŋkatau wəu taŋloarang kamene
su tempong i kami e mələhaba-
r'u Injilə si kamene.

10 I kami e mēbēbiahē su-
si, matulidē dingangu tawē
sēngkulē nihino si kamene kŭ
seng nēmpangimang si Kristus. I
kamene e kai mēsasahidi si ka-
mi, kerene lai Mawu Ruata e.
11 I kamene masingkau i kami e
nēmpēkoabe si kamene sēngka-
tau-sēngkatau kere sēngkatau i
amang miēba ana e. 12 I kami
e mēnēnasa si kamene, i kami
mēgēgēlliū laansang si kamene ri-
ngangu i kami e mēnēnahēseu
tadeau i kamene mēbiahē be
sēngapam botonge kerene hakŭ
makaŭuasēbe naungu Mawu Rua-
ta. Batu Mawu Ruata e seng
nēkui si kamene, mēdeau maka-
hombangbe wahageang i kame-
ne suralungu kararatuangu Mawu
Ruata e, ringangu suralungu ka-
wawantuge.

13 Piabe halę sęmbau lai waline; makakoą si kami męngkate masau makitarimakase su Mawu Ruata. Ku pia e i kami męlęhabar'u hengetangu Mawu e si kamene ku i kamene rimaę u hengetang ene waline we kere waweran taumata kaiso kawę kere hengetangu Ruata! Mawu Ruata e kapęmunarane suralungu wa-

tangeng i kamene apan mangi-mang si Kristus. ¹⁴Manga anau sēmbau, apang kinahom bangengi kamene ma_laing seng kinahom bangengu manga jama_lat'u Mawu e su Yudea nako_la tataghua-neng'i Kristus Yesus. I kamene e nētatahangu tatumbiag'u sēmba-lagheng i kamene hala, kere_lewe semben nikahom bangengu manga jama_lat'u Mawu su Yudea e wou sēmbēkan sire tau Yahudi. ¹⁵Tau Yahudi e seng nēmate Mawu Yesus, dingangu manga nabi e, apidewe lai mēnēnum-biagē si kami e. Kēbi taumata e seng nako_la sēdu i sire, dingangu Ruata e mēngkatewe tawē ka-ra_luase si sire. ¹⁶Kuteu i sire mēngkatewe mēmpēnēnahaghe si kami ma_ldirin i kami makapauli (u hengetangu Mawu Ruata e) su wa_line tau Yahudi habareng makasa_lamatē patiku umatē e. Ua_lingu ene ute taumatan Yahudi e sauneng ma_lhuntingambang ka_lawōe rosan sire. Ku ini e pēngēnsueēnge ute i sire kahom bangengu hukumangu ra_langehē e wou Mawu Ruata!

Enningi Paulus mētiwo
taumatan Tesalonika sēnsulē
kapia

¹⁷Arawe i kamene anau sēmbau, dokaeweng i kami e naghea ghēnnangu sēngkatempo woi kamene – naghea wou ma-ta e kaiso wa_linewe su naung – ku i kami e mēngkai mēkēku-letē mēdeau makasilo ghating ka-mene! ¹⁸I kami e mēkēkaraki u mētiwo si kamene e, ku ia e seng nēna_luka sēnsulē ruan sulē kai setange mēngkai mēnēnahaghe si kami e. ¹⁹Ku tēnga-tēngadēbe mang i kamene kapangumba-laēng dingangu ma_lal_luasē si kami. U hēdoweng kereu Mawu Yesus dimēnta e dingangu i kite mētēngon Sie e, ute i kamene sa-rung mako_la da_luasi kami! ²⁰Ku mambeng i kamene kawawantugē dingangu ra_luas'i kami!

3 Samurine, pēkakakating ka-mi e, semben tawe ikapeto baharia. Ua_lingu ene ute i kami mēngēngēnna u mapiawe tēntang i kami hala su Athena, ²tēnta_langu i kami nēndolohu

anau sēmbau i kite i Timotius. I sie kai sēngkatau mētatang-
 kiang Duata sēngkapamunara ri-
 ngangi kami mēhabar'u Injil'i
 Kristus. I kami e nēndoloh'i Ti-
 motius anung kamene mēdeau i
 sie makatoghasē si kamene ri-
 ngangu mēmahansang si kamene
 limembong kasēgade supangangi-
 mang su Mawu Yesus Kristus.
³Mageng kerene ute tawē u sa-
 rang sēngkatau wō'i kamene kṽ
 mahunsohō u manga kalawōu
 sigēsā i kite e. I kamene ha-
 la masingkṽ haghin sigēsā e
 kai nasowa suralungu hingid'u
 Mawu Kasēllahenge waug'i kite.
⁴Su tempong i kami e wēdang-
 ben dingangi kamene, ute i kami
 e seng bōu nēhabarē si kamene
 kalamona u i kite e kai sarung
 masigēsā. Kṽ mamben tēngadē
 ene seng nariadi, kṽ halē ene e
 mambeng su kasingkṽ i kame-
 ne. ⁵Kai ene hakṽ iṽ nēndoloh'i
 Timotius, u iṽ kai masaria ka-
 puluku e mēdeau makakasingkṽ
 kai kereapa katatalēmbuhung
 pangangimangu si Kristus. Iṽ e
 ghūgēnggangu setange kai maka-
 rea lēsabe makapēnalukṽ si kame-
 ne hakṽ kalawōu saghed'i kami
 e makoṽ tawē kēhase. ⁶Kṽ ini e
 i Timotius seng nawalṽ dingangu
 seng nēhabaru ralūasē si kami e

maulṽen pēngangimang i kamene
 si Kristus dingangu lawō mēkēka-
 kēndagē. I sie nēhabarē si kami u
 i kamene mēngkawe sēntiniṽ ma-
 nēntangu tiwṽ e mapapia maṽa-
 nueng kami e su naung i kamene.
 Ringangu i kamene kai mapulu
 mēsombang i kami, kereewe lai
 i kami e maṽaing mapulu mēsom-
 bang i kamene. ⁷Kai ualṽingu ene,
 hakṽu manga anṽ u sēmbau, su
 ralungu kalawōu sunsara ringang-
 u sigēsā i kami, i kami e ma-
 hibor'u habar'u maṽanung kame-
 ne. Pangangimang i kamene si
 Kristus e makasaria naung i
 kami, ⁸hakṽu orasē ini e i kami
 makapēndang u mamben tē-
 ngadē biahē, asalṽ i kamene tē-
 bewe rūdarisi matoghasē, nasēm-
 bau dingangu Mawu. ⁹Mamben
 masaria tumbṽ u ralungu na-
 ung i kami e makitarimakasē
 su Mawu ualṽinken patikṽ
 dalūasē kinahombangeng i kami
 su tēngon Mawu e batṽu i ka-
 mene. ¹⁰Ello hēbṽ e i kami ghṽ-
 ghahiorō si Sie ringangu kaguwṽu
 ralungu naung, tadeau i kami
 makapēsombang hala ringangi
 kamene ipanukṽ apang gau-
 sang i kamene waugu mangimang
 si Kristus kere hinone.

¹¹Karimṽko Ruata i Amang
 i kite e, ringangu Mawung kite

Yesus e mēngahā i kami suraleng matene tadeau makapēsombang i kamene. ¹²Karimako Mawu e mapēdalempong kamene mēkakakēndagē sēmbau dingangu waline ringangu mahēmpaliu kumēndagu patiku taumata, saraewen pēkakakēndag'i kamene e mamben sauneng mahuntinamba, mēsulungkewen pēkakakēndagi kami ringangi kamene. ¹³Hakju ene Mawu e makapanguatē naung i kamene, ku hinong apakasusi ringangu tawē pēsasalang kamene su tēngoen Duata i Amang i kite, su tempon Mawung kite i Yesus rimēnta sēngkakarēnta ringangu patiku taumata e nakoā tataghuanenge.

Pēbawiahē makapia ihau Mawu

4 Samurine, manga anau sēmbau, i kamie seng nēngonggou sansahē si kamene ku mēnsang kereapa hinong mēbiahē baugu makaḷuasē naungu Mawu. Kahēngang, orasē ini i kamene seng mēbēbiahēbe kerene. Kaiso ini e ualingu kawasan Mawu Yesus i kami e mēgēgausē sēngapam botonge si kamene ringangu

mēnēnahēsē tadeau i kamene hinong lai limembo mēkuḷeteng^b halē ene. ²U i kamene semben masingkau kaḷawou sasalēntihō ku seng kinaonggo i kami e si kamene ringangu kawasan Mawu Yesus. ³Ini e kai kapulun Duata: Tadeau i kamene mēbiahē susi, mētēngkaraung^c patiku pēsasundalē. ⁴Apang manga esē sutaloarang kamene e kēngkasinkako kai kereapa tadeau mēbiahē sēngkawingang makaḷuasē naungu Mawu ringangu su taumata. ⁵Kumbahang mēbiahē mēngkai tutolē ēnning u abuli sukawingu, kere kēkoatengu tau kapiṛē bēgang Mawu. ⁶Ualingu ene ute, kumbahangbe piaū sēngkatau makakoā pēsasala su anau sēngkataune, arau lai makaakalē. U naungbe i kami seng nēhabarē malaḥē si kamene u Mawu e sarungbe mēhukungu taumata mēmpēkoā manga pēsasala kerene. ⁷Mawu Ruata e seng nēkui si kite, ku baḷinewe i kite mēbiahē suralungu pēsasundalē, kaiso kawē tadeau i kite mēbiahē dingangu kakanoā makaḷuasē naung'E. ⁸Taumata ku maṇuhudu tēntiro ini ute walineḡe maṇuhudu taumata, kaiso kawē mēnuhudē Mawu

^b mētawakali = berusaha ^c mētēling = menjauhi

Ruata kŭ seng nĕngonggŭ u Roh-kĕ e Susi si kamene.

⁹Semben tawahaluasu lai i kami mĕnuratĕ si kamene mauļu kereapa i kamene hinong mĕkakĕndagĕ lawŭ taumata mangimang. I kamene hala e seng nitĕntiroĕngu Mawu halĕ u mĕkakakĕndagĕ. ¹⁰Kŭ halĕ i-ni e seng nitodĕ i kamene su kĕbi apan mĕmpangimange su kaguwau Makedonia. Kai arawe manga anau sĕmbau, i kami e mĕgĕgausĕbe sĕngapam botonge, tadeau pĕbawiahi kamene e ma-koabe limembong kapiane lai. ¹¹Pĕmpĕbiahĕko marĕmmasĕ dingangu tawe rumalaŭ urusangu taumata waline. Pĕmpĕmunarako mĕdeau pĕbawiah'i kamene hala, kereewe i kami e naung kaŭamona seng nĕngatorĕ si kamene.

¹²Kereu i kamene mĕbĕbiahĕ kerene, i kamene tawe mĕngumbala si sai-sai, dingangu taumata apan tawe mĕngangimang si Kristus e sarungbe mĕngadatĕ si kamene.

Darĕntan Mawu e

¹³Manga anau sĕmbau, i kami mapulu tadeau i kamene makakasingkau kai apa tuhu hinone taumata kŭ apan seng nĕngkairi; tadeau kumbahangbe mĕngkasu-



Duang'katau kapĕlĕhalĕ'e (4:11)

sa naung i kamene kere taumata waline ta pĕlaharape. ¹⁴I kite mangimangu i Yesus seng napohong kutĕu kawē nĕbiahĕ kapia. Kai ene hakŭ i kite e maŭaing mangimangu Mawu Kasĕllahenge sarung mapĕbiahĕ kapia patikŭ taumata seng nĕngkairi suralung'i Yesus, tadeau isire mĕbiahĕ dingang'E.

¹⁵Su halĕ ene ute, kai i-ni tĕntiron Mawu e ipauli i kami e si kamene: Su tempong Mawu Yesus dumĕnta e, i kite apan bĕdang biahĕ e tawe makapĕngalimona taumata apan seng nĕngkairi kaŭamona. ¹⁶Hĕdŭewe tĕmbonangu ma-laekatĕ e sarung mĕluntingihĕ maiha-ihā, dingangu napirin

Duata e ipahēte makoā tatialam parenta. Bōu e Mawu Yesus hala e sarung lumintu bōu sorga, ringangu apan taumatan Sahan i e kŭ seng nēngkairi e sarung ipēbiahē kalimona. ¹⁷Bōu ene, i kiteewe apam bēdang biahē su tempo ene sarung sēngkakapua^d dingangi sire suralungu winawa tadeau makapēsombangu Mawu e su winangaeng. Bōu ene ute i kite makapētanaḅe ringangu Mawu e sarang karēngu-dēngue. ¹⁸Hakiu ene, ute kēnangko i kamene pētatatongka su halē u mēmpanoghasē pangangimang kapēpakeen bawera ini.

Pēmpēdariahie waugu rarēntan Mawu

5 Manga anau sēmbau, semben tawahalŭasu mēnurat'u kasa-saḅe u tempong karariadin tamai ini. ²U i kamene hala seng masingka malahē u ēllon darēntan Mawu e sarung marēnta kere tahatako rūdēnta hēbi. ³Kai kereu pia taumata mēbera: "Patikue su karalenehē dingangu tā kon-sang apa," tangu sēngkalēndi u i sire kinahombangengu kawawinasa, kŭ taweu sarang sēngka-

tau naliwirē. Kŭ ene kai nariadi sēngkēlēndi,^e mēsulungu tau wawine pia kapapia sēngkianu hombangengu kaliki. ⁴Kai manga anau sēmbau e waline-we taumata mēbēbiahē suralungu kararēndung, hakiḅeng ēllo ene kai makalahēkosē si kamene kere rarēntan tahatako. ⁵I kamene kēbi kai taumatan tualagē; i kamene nasowa su ēllo matualagē. I kite e waline-we taumata mēbēbiahē su kararēndung arau nasowa ghalipohong hēbi marēndung. ⁶Ualungu ene ute i kite tawe wotonge kahuntikilang kere i sire waline. I kite e kai hinong maralukadē dingangu tinēnnang kite e kawē hinong matualagē. ⁷Su tempong hēbi e taumata mēmpētētikī, dingangu su tempong hēbi e lai taumata mētētēngkiwukang. ⁸Arawe i kite ini e kai taumata nasowa su ēllo matualagē; ualungu ene ute tinēnnang kite e harusēbe matualagē. I kite harusē mangimang su Mawu ringangu kumēndagu taumata waline ringangkeweng mēlēharapē matinalung u Mawu Ruata e sarung makasaḅamatē si kite. Kai ene e aghidē kŭ maka-

^d sēngkahengke = sama-sama diangkat ^e mēlēhēkosē = tiba-tiba

4:15-17: 1Kor. 15:51-52 5:2: Mat 24:43, Luk. 12:39, 2Ptr 3:10

ëllung si kite suralungu pësa-seke mëseke u kararëndung.

⁹ Mawu Ruata e nēmile si kite balinewe tadeau ihukung, kaiso tadeau i kite makahombang kasasalamatë bō'u Mawung kite i Yesus Kristus. ¹⁰ I Sie napohong baugi kite, tadeau su tempong i Sie rumēnta kapia – mēnsangbe i kite bēdang biahē, arau kai seng nate – kai i kite e makapēbiahēbe ringang'E. ¹¹ Ualingu ene, pēmpēdalahiborē dingangu pēmpētatoğhasē, mēsulungkewen i kamene seng mēkēkoā ene orasē ini.

Sasalēntihō pēngēnsueēnge ringangu laadatē

¹² Manga anau sēmbau, i kami e mēdēdorong sēngapam botonge tadeau i kamene pēmpangadatē su taumata apan mēmpēmēmunara sutaloarang kamene; mangalene si sire ewe apan nipilen Mawu e mēdeau mēngahā dingangu mēnasa si kamene. ¹³ Ku pēmpēngarēgangben^f sire pakapia-pia ringangu kakēndagē u mētahēndungkewelai apa kinoā i sire. Pēmpēbiahēko pakaghaghigihilē sēntiniā i kamene.

¹⁴ I kami e maļaing mēdēdorong, manga anā u sēmbau, uriheko pakasikome isain maḍiri mēmpēhalē; toğhaseko naung u apang mēngkatakū; pētulungkon taumata hinong itulung dingangu pakakakēdang mētēngong kēbi taumata. ¹⁵ Pakapapia wue tadeau maḍirin piaū mēmalis'u raļaki, ipēmalisē daļaki e kaiso sēntiniā mēngkai pēmpētatumēgaļē mēmpēkoā mapia sēngkatau su sēngkatau ļawo i kamene ringangu su kēbi.

¹⁶ Mēngkai pahuluasē sēntiniā, ¹⁷ dingangu pēmpēkaliomaneng sidutu. ¹⁸ Su patikū kaka-koā u pēbawiahē e mēngkai pakitarimakasē sidutu su Mawu Ruata e, u kai ene kēkapulune wo'i kamene kere sēngkatau mēbēbiahē nasēmbau suralungi Kristus Yesus.

¹⁹ Kumbahangbe mēnguhung Rohkē Susi e. ²⁰ Kumbahangbe tawe mēngarēgang kaļawo habarē ilēonggo u Rohkē Susi e. ²¹ Patikū saḅarange mēngkai pakābanikate, ringangu apan mapapia e harusē tētoļei. ²² Pētēngkagheangkom patikū haghin kararalakisē.

^f pēmpētiara = hargailah

5:8: Yes. 59:17, Ef. 6:13-17

²³ Karimako Mawu Ruata sēsane e mēngonggo si kite e karalunsemahē, mapakariadin taumata e kahēnga-hēngang mēbiahē sēmatang baugu Mawu Kasēllahenge. Małowoko Mawu e mēngkai mēlēlukadē si kamene si-dutu baē su rohkē, himukudē ore lai su wadang i kamene, sarangkewen tawē turāe su tempoen Mawung kite i Yesus Kristus e rumēnta kapia. ²⁴ Mawu Ruata e, ku seng nēkui si kamene, sarung mapakariadin ene e watuu i Sie kai masatia.

²⁵ Doa i wue i kami e manga anau sēmbau!

²⁶ Pēmpēpapangadatēbe kēbi pakasasumēlung lawo anau sēmbau tau Sahani.

²⁷ Ualingu kawasan Mawu e, ia mēdēdorong sēngapam botonge tadeau i kamene mapēbasan suratē ini e su patiku anau sēmbau tamba pangangimang.

²⁸ Małowoko Mawung kite i Yesus Kristus e, mēngalamatē si kamene.

Adat'i kami,
Paulus

SURAT'I PAULUS KARUANE
SU JAMAAT'U
TESALONIKA

DARUMATINGE

Pëbawingo u maanun darëntang Kristus karuan sulene wëdaweng hanesë mapalëton manga sidarə suralungu jamaat'u Tesalonika e. *Surat'i Paulus Karuane Su Jamaat'u Tesalonika* e niwohë baugu ipënguadipë sungkalene. I sire mængëna u su tempon darëntang Kristus karuan sulene seng tempone. Tinënnane ene nësala ungkuëng i Paulus. Batıu kalamonang Kristus mësule su dunia, tatingkai, dingangu karalamuhu u dunia e sarung mëdarehe kalamona ahakengu sengkatau isësëba, "tau ralai" dingangu sarung dumoka si Kristus.

I Paulus mënënahëse su mëbawasane u i sire harusë hinong mëtatahang su pangangimang i sire si Kristus manimbe wiah'i sire masigësə dingangu i sire harusë mëtatahangu likibe. I Paulus mënëna-sa sisire sengkatau-sengkatau pëmpëhalëbe gunang pëbawiah'i sire, mësulungkeweng i Paulus dingangu manga hapi e. Kerene lai tadeau i sire satia wue mëkoə apam mapia.

Lohone

Panëtakege	1:1-2
Daralo ringangu wawahansang	1:3-12
Tatualagu rarëntang Kristus su dunia su karuan sulene	2:1-17
Sasasan halëu kereapa hinone sengkatau Sahani	3:1-15
Papondole	3:16-18

1 Manga anau sēmbau dalohon jamaat'u Tesalonika, nakoā dalohon jamaatu Mawu Ruata i Amang i kite e ringangu Mawu Yesus Kristus! I kami tēllu, i Paulus, Silas dingangi Timotius, **2**ghugahiorou karimako Ruata i Amang dingangu Mawu Yesus Kristus mēngonggou alamatē dingangu karalunsemahē si kamene.

Ponesē inawo su tempon darēntang Kristus

3 Manga anau sēmbau, i kami e mang hinong hanesē makitarimakasē su Mawu Kasēllahenge ualingu i kamene. Ku mambeng hinone i kami e mēkoā kerene, u i kamene mangkeng kapahuntinambane mangimang si Kristus, ringangu i kamene mangkeng mēkakakēndagē sēmbau dingangu waline. **4** Kai ene hakiu kawē unue i kami e mēngkai māhum-bisarang kamene sēntiniā tempo, i kami mētiwo manga jamaat'u Mawu. Dingangu karaluasē i kami mēbēkeng kamene u tatapēbe makuatē mangimang si Kristus suralungu tatingkai dingangu tatumbiagē kēkahombangeng i kamene.

5 Ku seng sini e nalahē u apa e kaadile pēlahukung u Ruata: I kamene seng nasunsara ualingu Runian Duata Wuhu, ku ualingu ene i kamene sarung i rekengbe makakasowa su ralunge. **6** Mawu Ruata e mēkaradiahangu kaadilē. I Sie kai sarung mēmalisu susa su taumata apan napakasusang kamene. **7** Dingangu si kamene ku apang orasē ini e lūlahunsusa – kerene lai si kami e – Ruata e kai sarung mēngonggou wawalise iapasinda su tempon Mawu Yesus mētēngkatodē, limintu bou sorga ringangu manga malaekate makawasa, **8** ringangu putunge kapahundēlli e. I Sie limintu mēhukungu taumata tawe mapulu makakiraia Mawu Kasēllahenge ringangu tawe tumuhu habaru Injilē maanun Yesus Mawung kite. **9** Manga umatē ene sarung makatarima u hukumangu kawawinasa sarang marēngu-dēngu, irēmme solong likude wou ghali-pohom Mawu e ringangu wou kawasan'E ku mawantugē e. **10** patiku ene sarung mariadi su ello i Sie marēnta kapia mēdeau ralōengu kēbi taumata mangimang. I kamene lai sarungbe ene sutalarang umatu Mawu ene, u i ka-

mene seng nangimang hengetang ilēhabari kami e si kamene.

¹¹ Kai ualingu ene hakiu i kami e mēngkate hanesē mēkēkalio-maneng i kamene. I kami e mēkēkalio-maneng tadeau Mawu Ruata e makakariading kame-ne e wotonge makapēbiahē tumuhū kapulun'E; kŭ kai waugu ene e i Sie nēkui si kamene. Karimaŭo Mawu Ruata e, ringangu kawasan'E makawatu kapulun'E waugu mēkoā mapia, ringangu mēnukŭ kēbi munara kinoā i kamene ualingu mangimang si Kristus. ¹² Hakiu ene Mawung kite i Yesus wēbantu-gang ualingu i kamene, dingangu i kamene maiaing bēbantugang kahian Yesus nēnggaeng kapi-anau ngu Ruatang kite dingangu Mawung kite i Yesus Kristus.

Taumata ralaki

2 Su halē u rarēntang Mawung kite i Yesus Kristus, dingangu halē u pētatampung i kite mēdeau sēngkapētana dingangu Mawu, ini e rēdorongangu e sēngapam botonge wō'i kamene: ² Kumbahangbe i kame-ne mēngkai ligha mēmpēbingo dingangu rēndēnganengu haba-

ru seng tempone Mawu Yesus dumēnta kapia. Aramanung habarē ene kai nariadi wōu nubuetē sembau arau wōu tēntiro sēmbau, arau wotongewe lai mariadi piaŭ mēbēberau i kami e wōu nēmohe kerene suralungu suratē sēmbau bou talo-arang surat'i kami. ³ Maningbe lai kereapa, kumbahangbe i kamene sarang akalengu taumata. U tēntalangbe tawē nahumpau ēllone ene, halē ini e sembeng mariadi kalamona: Maławo taumata sarung manēntangu pangangimange, mēsuniaŭ'i Kristus ringangu taumata ralaki kawuakengu naraka e sarung sumēpu. ⁴ Tangu ringangu obote i sie sarung dumoka dingangu mētēngkarangē u watangenge su wowon patiku apan dēdalōengu taumata arau su kēbi apang isēsēba Mawu kahian taumata. Saŭa anune i sie kai sarung maiang suralungu wanalan Duata kŭ mamoka^a u i Sie kai Mawu.

⁵ Pētahēndungko u ia kai wōu nēhabarē kēbi tamai ene su tempon ia e wēdang dingangi kamene. ⁶ Dingangu i kamene masingka u apa orasē inie wēdang makapeto kēbi

^a mēhabarē = memberitahukan

2:1: 1Tes. 4:15-17 2:4: Dan. 11:36, Yeh. 28:2

e. Hëdowen su tempone nitan-
tung Mawu Kasëllahenge, tauma-
ta ralakië ene sarung sumëpu.
7Kakakuatu mëkoä dalakisë e-
ne seng nanëta nëkaradiahang
supënisse, kai wëdawen taghalë
këkëdaleng.^b Hëdoweng kama-
gengu i saing mënganguhunge
seng iapakatadië, 8ute wuhue-
we ikasilo taumata ralakisë ene.
Tangu kamagengbe Mawu Ye-
sus marënta ute i Sie sarungbe
mëmate taumata ralakië ene ri-
ngangu singongone wou mohonge
ringangu mapakawinasang ka-
wantugu rarëntane. 9Tau ralakië
sarung sumëpu ku dingangu
kuatu setang. I sie lai sarung
mëkoä haghin tanda makälahe-
rang dingangu makadalinau na-
penëu kontine. 10I sie sarung
mëpakeu haghin bawitaugu kara-
ralai makakapalidu taumata ku
makabinasa. I sire kai sarung
mawinasa u i sire tawe ma-
pulu mënarima dingangu tawe
karaluase su habaru katulidë bou
anun Duata e ku makasalamatë
si sire. 11Kai ene hakiu Mawu
Ruata e maparëntang kawasa
makapalidë si sire, hakiu i si-
re mëmpangimang apam baline
su katulide. 12Bontoge ute këbi
apan taumata papuluangu pësa-

sała ringangu tawe mëmpangi-
mang katulidë e ute sarung ihu-
kung.

I kamene nipile mëdeau ipakasalamatë

13Manga anau sëmbau
ikëkëndag'u Mawu! I kami e
mambeng hinong hanesë maki-
tarimakasë su Mawu Ruata e
wangu i kamene e, watu rong-
keng bou tëtëae Mawu Ruata e
seng nëmile si kamene tadeau i-
pakasalamatë. U ene kai nariadi
ualingu karadiahang Rohkë Su-
si si kamene napakariading ka-
mene ralohon jamaat'u Mawu e
masasusi mase ualingken panga-
ngimang i kamene su habaru
katulidë e wou Ruata. 14Baugu
ene Mawu Ruata e nëkuing ka-
mene ringangu injilë ilëhabar'i
kami e si kamene. Mawu Ruata
e mëkëkui si kamene, u Rua-
ta e mapulu tadeau i kamene
mëtëngkalau bue suralungu ka-
wawantug'u Mawung kite i Ye-
sus Kristus. 15Hakiu ene manga
anau sëmbau darisiko pakatogha-
së dingangu pëmpangumbeleko
turusë tëntiro nitëntirong kami
si kamene, bæ nitëntiro ualingu
palahumbisarang kami e ringangu
lai ualingu pamamohe.

^b dibatasi

16-17 Karimako Mawung kite i Yesus Kristus sēsane, ringangu Ruata i Amang i kite e mēhiborē dingangu manoghasē naung'i kamene, tadeau i kamene makakoā bue ringangu makapēhabarēben munara mapapia. U ruata e kükēndag'i kite e, ringangu ualingu kapiān naung'E i Sie mapakakēdang i kite e ringangu makapēlēharapu apang mapia.

Pēmpēkaliomaneng baug'i kami

3 Pangēsueēnge, manga anau sēmbau, pēmpēkaliomaneng baug'i kami. Pēmpēkaliomaneng tadeau hengetangu Mawu e lighabe masawuhē dingangu matarimabe mapia kerewe lai naung seng nariadi si kamene. **2** Pēmpēkaliomaneng lai tadeau Mawu e mēngambang i kami e wou taumata malahēngi dingangu ralaki. U walineuwe kēbi taumata mangimang hengetangu Mawu e. **3** Kai Mawu e satia. I Sie kai sarung mapakatoghas'i kamene ringangu manēntanudi kamene woi Ralaki. **4** Mase i kami e mangimangbe masēgadē su Mawu maanung kamene, u i kamene e kai kapēkēkoā e ri-

ngangu mēngkate mēkēkoā apang pakikoā i kami e si kamene.

5 Karimako Mawu e mēngaha i kamene limembom makaēnna u Mawu Ruata e kükēndag'i kamene ringang'i Kristus e mangonggou naung makēdang si kamene.

Halē u pēmamunara

6 Manga anau sēmbau, suralungu kawang Mawu Yesus Kristus, i kami e mēngoro si kamene tadeau pēmpēnggeako i kamene woi sire apān manga anau sēmbau luleohē^c dingangu tawe tumatuhū tēntiro itēntirong kami e si sire. **7** I kamene hala e masingkau i kamene harusēbe mētēno kakakoā i kami e. I kami e tawe mēmamalasē naung i kami e ene sutaloarang kamene. **8** I kami e tawe kumakaēng kaēngu taumata ku tawe mēmamaehē. Kai raliune ēllo hēbi e i kami e mēmēmunara mēbēbangun suagē tadeau i kami e tawe mapakasusang i sai-sai wou taloarang kamene. **9** I kami e mēkēkoā ene walineuwe ualingu i kami e tawe hinone mēnuntu tadeau i kamene e kai mētulung i kami, kaiso kawē ualingu i kami mapulu makoa pētātēnoēng si kamene. **10** Su

^c lūlampaeng = lūleong = bermalas-malasan

tempong i kami e wēdang sutaloarang kamene e, i kami e nangonggo u atorang ini, "I saisain tawe mapulu mēmpēmuna ute tawe wotonge mahungkaēng."

¹¹ I kami mēbēbera kereini e watuu i kami e makadingihē u piā taumata sutaloarang kamene e mēpēparalēong. I sire tawē halē i sire tumbau mētētāsibung lulau urusangu taumata waline.

¹² Suralungu kawasan Mawu Yesus Kristus i kami e mangoro si sire ringangu māngonggou tēgu, tadeau i sire mēhalēbe matatapē dingangu mēdēdeabe wiah'i sire hala.

¹³ Kai i kamene kumbahangbe mawoehē mēkoā mapia. ¹⁴ Aramanung hēdowem piāu tawe tumuhū apang iwēberang kami suralungu suratē ini. Pakaingatē bue su taumata kerene ringang-

u abe pēhapi i sie, tadeau i sie mamea wue. ¹⁵ Kai kumbahangbe i sie koateng kere sēdū; kū kētaeng panasā si sie kere su anau sēngkatau.

Papondole

¹⁶ Mawu e kai puēngu karalunsemah'i kite. Karimako i Sie mēngkai hanesē mangonggo u karalunsemahē si kamene suralungu patikū sabarang. Karimako Mawu e mahundingang i kamene kēbi.

¹⁷ *Tabeaku, wō'u ia i Paulus.* Ia sēsaku namohē u wahageang ini. Kū ini e kai takū nipēlo tatiala su kēbi suratēku.

¹⁸ Malowoko Mawung kite i Yesus Kristus mēngalamatē si kamene kēbi.

Adat'i kami,
Paulus

SURAT'I PAULUS HUMOTONG

SI

TIMOTIUS

DARUMATINGE

I Timotius kai sengkatau taumatan Sahani wuhu su Asia kadodo, nakoꝝ hapi dingangu tumatimbang si Paulus su munarane. I Amang i Timotius e kai tau Yunani ringangu i ninange ute kai tau Yahudi. Su *Surate Humotong Si Timotius*, niukahe halẽ tellung kamonaẽng ku pia pẽhẽmpukange sẽmbau dingangu waline.

Kahumotong-motongange ute kai laurihẽ si Timotius u kai pia manga tẽntiro ta mẽtatahino kẽkaẽbakeng sutaloaran jamaatẽ. Manga tẽntiro ene kai nẽdaꝝau u tẽntiron tau Yahudi ringangu waline Yahudi iwẽbẽnta su pẽngangiaking u kasẽllah'u saruluange seng nẽngkarala-kisẽ dingangu kasasalamatẽ e kẽtaeng kaẽbakeng kereu taumata pia kasingkaẽ lẽlirung tẽntani, dingangu matuhũ su atorange kere umpamane tawe wotonge mẽkawing, arau mangawewe pia kaẽng tawe wotonge kanengang ringangkewelain baline.

Karuane, ute kai apan tatẽntiro si Timotius maanung halẽ u pẽtangkiang jamaatẽ dingangu halẽ u pẽkakaliomaneng. Tẽtualageng lai si sie kakoꝝau taumata e ku botonge makoꝝ mananahimata ringangu lumaontolẽ su jamaatẽ. Pẽngẽnsueẽnge i Timotius nitẽntiroẽng lai su halẽ u kereapa i sie makoꝝ sengkatau mẽtatangkiang si Yesus Kristus mapia ringangu su halẽewen mẽmasaẽng bawawaẽnge mẽtoha u haghing komoꝝangu taumata apan nakoꝝ dalohon jamaatẽ.

Lohone

Panětakenge	1:1-2
Manga tatëntiro maanun jamaatë dingangu manga mětatangkiange	1:3–3:16
Manga tatëntiro si Timotius su halë u munarane	4:1–6:21

1 ¹⁻²I Timotius, kai anaku tune suralungu Mawu! Suratē ini e kai wou ia, i Paulus, darolohang i Kristus Yesus e kahiaen parentan Duata e Mananalamat'i kite e ringangu kahiaen parentang Kristus Yesus, pēlaharapeng i kite.

Karimako alamatē, tatalēntu dingangu karalunsemahē bou Ruata i Amang dingangu i Yesus Kristus Mawung kite manēntanudē si kamene.

Tatalumbaghe u waugu pia tēntiro makapalidē

³Ia e kai mapulu tadeau i kau e tatapēbe mētētana su Efesus kereuwe seng bou taku itetalumbaghe si kau naung pia e ia nakoā solong Makedonia. Batuu su Efesus kai pia pirangkatau mēmpēnēnawuh'u tēntiro tawē katulide, ku i kau e harusēbe pēmpēsēding i sire. ⁴Paulike ko i sire u kumbahang i sire mēngkai mēnēnaungu apan bio ringangu kalawou manga wēken asalē tā pangēnsueēnge. Kēbi-kēbi ene kētaeweng makadiadin pēsasitori ringangu tawē humpae wau-gu mapakateing hingidu Ruata ku kētaeng kinakirala kina-

hian pangangimang. ⁵Timonan sasasaku ene ute kai waugu mapasēbangu kakēndagē simēpu bou ralungu naung burēsi ringangu kasingka u naung susi ringangu pangangimang tune, ku ualingu ene i sire makakēndag'u sēndinganenge.

⁶Pia taumata sēngga seng nēmpēlenga wou raleng ene, dingangu nēngkapalidē suralungu pēdararendehē tā kēhase. ⁷I sire mapulu makoā mananēntiro agama, sēmbaliau i sire hala tawe makalahēngang apang iwēberan sire ringangu kalawou apan tēta-hutēngareng i sire.

⁸I kite e masingka u atorangu agama e kai mapia, kereu ipēpakebe ipētatalahinong kakakoā e. ⁹Nalahēu harusēbe pētahēndung u toratē e kai nikoā balinewe waugu taumata mapia e, kaiso kai waugu taumata ta mēndarekengu toratē, taumata raralaj, taumata wēgan Mawu Ruata, taumata waradosa tawē agamane, taumata kapulu-ne madunia, tahapēmate si amange arau si ninange, tahapate, ¹⁰su mawawuang, tahapēkoā katatelorē esē dingangu esē, bawine ringangu wawine, mēnanangehē, kakontiang, mase manga sahi-

di konti, ringangu i sai-saie-wen mēkēkoā balaewe apan ta mētatalahinon tēntirong katulidē. ¹¹Tatēntiro ene kaēbakeng su Injilē ipakisawuhē si siā e, ute kai Injil'u Mawu Kasēllahenge mawantugē dingangu hinon daloēng.

Pēndangu makitarimakasē u tatalēntu u Mawu Ruata

¹²Iā e makitarimakasē si Kristus Yesus Mawung kite seng nēgēlliū kuatē si siā baugu ipētangkiang si Sie ringangu pia u nangēnnau iā e kai kapangumbalaēng su halē ene, ¹³sēmbaliau iā e naung kai taumata tahapēhodatē dingangu tahapanumbiagē dingangu tahapētingkai si Sie. Kaiho iā e mang nitalēntu u Mawu Kasēllahenge watūu su tempo ene iā e wēdang ta nangimang, kū iā bēdangben bēga mēnsang apa takū koateng. ¹⁴Kai raliune iā kawe nipēdalembon tatalēntu u Mawung kite. I Sie nangonggōu katoghasē si siā baugu mangimang si Sie ringangu kumēndagu sēndinganeng taumata. Katoghasē ene nionggō si kite kēbi apan seng nasēmbau dingangi Kristus Yesus. ¹⁵Mambeng tēngadē bawera ini – hakiu

ene sembeng hinong itarima dingangu kahēnga-hēngang – "I Kristus Yesus dimēnta su dunia ini e mēngambang apan taumata waradosa." Kū iā e taumata waradosa karalakisange. ¹⁶Kaiho kawe waugu ene hakiu Ruata e kimēndagu iā e tadeau i Kristus Yesus makapēlahēu kasēllahu pēsasabare si siā, taumata kawaradosaēnge ini. Dingangu ini e nakoā sēmbau kakakēllaēng baugu patikū taumata kū sarung mangimang si Sie ringangu makahombang pēbawiahē tutune ringangu kakalē. ¹⁷Mawu Ruata Datung patikū tempo e hinong pēsubaēng dingangu raloēng sēntiniā tempo, u kai i Sie kū kakalē dingangu ta ikasilo ringangu man sēmbau! Aming.

¹⁸Timotius anaku! Halē ini takū iumbala si kau, kereu mētahēndung hengetangu Mawu Ruata pinēhengetangu manga nabi e su jamaatē maanum batangengu. Karimako hengetang ene makoā sinasau suralungu pētatoḥa u pēmamunaranu e mapia. ¹⁹Pētoḥae kū pētumpaede su pangangimang kahēngang dingangu lai kasingkau ralungu naung burēsi. Piakon sēngga

e kai tawę agise su kasinkau naunge wuręsi hakıu pangangimangkewen sire e kai nęngkahęda.^a ²⁰ Bęu talęaran sire e kai i Himeneus dingangu i Aleksander. I rędua e kai seng taku nisarakang su setang, tadeau i sire męnęta mangędung męngędo męhodatę Mawu Ruata.

Pękakalımaneng u jamaatę

2 Kahumotong-motongange, ia e mędędorong sęgapam botonge tadeau rorong, kakalımaneng, dingangu kakalımaneng manandu, orelai tatarimakasę e darumatingko su Mawu Ruata e waugu patiku taumata, ²baugu manga ratu ringangu kębi taumata apang ku męmpęngumpaędę kawasa. Pęmpęgause tadeau i kite makapębiahębe sukaralenehę dingangu maręmmasę baugu Ruata kereewe su adate. ³Kai ene mapia ringangu makaluasę naungu Mawu Ruata e Mananalamatę si kite e. ⁴I Sie mapulu ute tadeau kębi taumata iapakasalamatę dingangu masingkau apan matulidę. ⁵U Ruata e kai sęmbau dingangu kętaeng sęmbau lai mananaloara węlau Ruata ringangu tauma-

ta, ku kai i Kristus Yesus. ⁶I Sie sęngkatau taumata ku seng nęnarakangu watangenge tadeau mapakalıwir'u patiku taumata e węu kalawęu rosan sire. Ualingu ene ute Mawu Ruata e nęlahęu tempone mapia, u i Sie mapulu tadeau kębi taumata masalamatę. ⁷Ku kai ene hakıu ia nirolhe solong anun taumata, walınewe tau Yahudi e ipęlęhabarę si sire habaru maanun pangangimang tutune. Ku taku ipępauli ini e kai mambeng kahęngang, kai ia e tawe mękonti.

⁸Ia e mapulu tadeau walawe su tampa sude, manga esę męmpękakalımaneng dingangu naung buręsi, tawę pędune arau tawę bulone.

⁹Manga wawine e pęmpęlęgahu watangenge su saręe ringangu pępakeang pakaudupę. Ariębe mędalęgahu uta męsęsalapidę arau manga ralęgahę bulang, arau mutiara, arau pakeang maralęgadę. ¹⁰Su sęmbękane ute, manga wawine e kawę hinong męlęgahę batangenge ringangu kakanoa mapia kereewe hinone su wawine mękękakalımaneng su Mawu Ruata. ¹¹Bawine harusę

^a runtuh

2:7; 2Tim. 1:11 2:9; 1Ptr. 3:3

mangëndung marëmmasë di-
ngangu makëhagë. ¹²Ia e ta-
we mapakawalan manga wawine
mëngkai manëntiro arau mangan-
wasa manga esë e, i sire harusëbe
marëmmasë. ¹³Batuu kai kakali-
monaënge niriadi ute kai i Adam
bou ene wuhewe i Hawa. ¹⁴Ku
balinewe i Adam, kaiso kawe
wawine e kinaakaleng, hakiu li-
mawang titan Mawu. ¹⁵Maning-
be kerene, wawine sarung maam-
bangu pëmamantelë anā, asalū i
sie ringangu kasasana u naung
tatapëbe mangimang si Kristus,
dingangu tatapë kukëndag'u tau-
mata waline ku mëbiahë sama-
tang baugu Mawu Ruata.

Mananahimata jamaatë

3 Tëngadë bue wawera i-
ni, "I sai mëlawi pang-
katë tëmbonangu jamaatë, ute i
sie mëmëningu munara mawan-
tugë." ²Sëngkatau tëmbonangu
jamaatë harusëbe sëngkatau ta-
we kasasëngkulang, kawingu wa-
wine sëngkatau, makëdang, ma-
tahuëna, ringangu maatorë, ma-
himumu dangenang u sake su
walene, ringangu pelesa manënti-
ro, balinewe tahawukaneng, ³a-
rau tahapëndariha, kaiso tuhu

hinone i sie kai harusë tau-
mata naunge maalusë dingangu
puluang mëgaghighilë. Tawe wo-
tonge maanggang su roitë. ⁴I sie
pelesa mëngatorë dalohon bal-
ne, mamihing manga anā e ta-
deau matuhu dingangu maadatë
si sie. ⁵U kamageng tawe maka-
atorë dalohon balene sësane, ku
kai kereapa i sie mangatorë ja-
maat'u Mawu e? ⁶Tëmbonangu
jamaatë tawe wotonge taumata
wuhu nasahani, watuu mading i
sie mëtëngkaobotë, mase manawo
su hukumang kere setang naung
kalamona. ⁷I sie kai harusëbe
mapia arenge su kawanua; kai ka-
mageng balinewe kerene, nalāheu
i sie kai tahumeangu taumata, di-
ngangu maiki u sedë u setang.

Tumatimbang halë u jamaatë

⁸Tumatimbangu halë u ja-
maatë e harusëbe lai sëngkatau
mapia ringangu matulidë, bali-
newe tahainung dingangu ma-
anggang su roitë. ⁹I sire ha-
rusëbe mëngumpaedë masëgadë
dingangu naung burësi su tënti-
ro pëngangimangu tau sahani e
ku seng nilahë u Mawu Rua-
ta. ¹⁰Kai i sire e maiaing ha-

rusēbe wanikateng kalāmona, ku kereu i sire nalaheu mambeng tawe kasasēngkulang ute, wuhue i sire makapēkoā munara tumatimbang u jamaatē e. ¹¹Kawing i sire maiaing harusē taumata mapia, balinewe tahapēsilon-tahē. I sire harusēbe masingka mēndiaga batangeng dingangu matulidē su patiku sabarang. ¹²Tumatimbangu jamaatē e harusēbe kētaeng sengkatau kawinge. I sie harusēbe masingka mamihing manga anae ringangu ralohon balene pakapia. ¹³I saisain mētētangkiang mapia su jamaatē e, sarung lahungeētang mase mēngkate wahani mahumbisan halē u pangangimang i sire si Kristus.

Lēlirungu agamang kite e

¹⁴Ia e mēlēharapē semben ta karēngue lai ia sarung makapētiwo si kamene. Kai maningbe kerene, ia delaing manurat'u ini si kamene, ¹⁵tadeau kama-geng ia e nalongge ute, i kau e sembeng masingka u kereapa i kite harusē mēbiahē kere anau sēmbau suralungu Mawu Ruata, ku kai jamaat'u Mawu Ruata e wiahē. Ku kai jamaatē ini e dihi mēpudē kinaianengu katēngadu Mawu Ruata. ¹⁶Taweu sarang

sengkatau makapēsuniaļu kai apa kasaria lēlirungu agamang kite e:

I Sie nēlaheu watangenge
suralungu ghēsin taumata,
ringangu mapakalētau
katēngadē su Rohkē Susi
ringangu kinasilon manga
malaekatē.

Habare nipēluntingihe
sutałoaran bansa,
ku i Sie pinangimangeng
su patiku dunia
ringangu nihengkē su
sorga.

Manga mananēntiro nēsala

4 Rohkē u Ruata mauli ma-sahe, u su tempo mahi kadēntane, sarung pia u mēmpēsohō bou pangangimang si Kristus. I sire sarung mēmpētēngkatakidē su rohkē makapalidē dingangu tutole manga tēntiron setang, ²ilēhabaru taumata tahapēkonti mēlle. Dalungu naung i sire e seng marēndung. ³I sire manēntiro taumata kumbahang mēkawing dingangu kumbahang kumaēng kaēng pinēpēlli. Sēmbaliau kaēng ene kawe niriadin Duata e ipakipēpēpake pia tatarimakasē e si sire apan seng nēmpangimang dingangu nēngkasingka u katēngadē e kahēngang. ⁴Patiku

apan niriadin Duata e ene kai mapia, k_u taw_e u sarang s_ẽmbau k_u hinong ikadiri kamagengben seng nitarima_u ringangkewen tarimakas_e su Mawu Ruata. ⁵Bat_uu kai al_amat'u Ruata e ringangu kakaliomanenge makadia_{din} ka_ẽng ene ipak_asusi.

**M_ẽtatangkiang si Kristus
Yesus m_ẽm_ẽmunara mapia**

⁶Kereu i kau man_ẽntiro k_ẽb_i ene su manga an_au s_ẽmbau mangimang ute i kau sarung makoa m_ẽtatangkiang si Kristus Yesus k_u m_ẽm_ẽmunara mapia. Dingangu i kau sarung mapakatawang p_ẽndangu naungu kahiaen hengetangu Mawu Ruata e ipangimangeng i kite e ringangkewe lai manga t_ẽntirong kat_ẽngad_e seng t_ẽtole_ẽngu s_ẽngapan d_ẽngue. ⁷P_ẽteghangkong ka_law_ou w_ẽken tahayul_e taw_e k_ẽhase. P_ẽt_ẽngkawihingko watangengu su p_ẽbawiahu pangangagama. ⁸Wat_uu p_ẽmamiasang badange apawe kadid_i gunane; arawe p_ẽmamiasang marohk_e e ute kaw_e mambeng m_ẽbaraguna su k_ẽb_i hal_e, bat_uu kai ka_launid_e p_ẽkakak_ẽdon p_ẽbawiahu oras_e ini e ringangu tempo ramahi sarung. ⁹Kai hal_e ini t_ẽngad_e dingangu hinong itarima dingangu pangimangengu

ka_guw_au naung. ¹⁰Hakiu ene i kite e m_ẽb_ẽbangkuad_e dingangu m_ẽt_ẽt_ẽngkasaghed_e, bat_uu i kite e m_ẽl_ẽharap_ẽbe ringangu ka_guw_au naung su Mawu Ruata wiah_e, i Sie kai M_ẽng_ẽngambang patiku taumata, nang_ẽlembo katewe su taumata apan m_ẽmpangimang.

¹¹T_ẽntiroko k_ẽb_i ene ringangu oroko taumata pahuntole. ¹²Kumbahangbe pia u ta m_ẽndekeng i kau wat_uu i kau kaw_e w_ẽdang umbaseng. Su s_ẽm_ẽkane, kako_ako p_ẽtatat_ẽno_ẽng baugu taumata mangimang sural_ungu waweranu ringangu kakano_au, su kakako_a i kau kum_ẽndagu s_ẽndinganengu ringangu mangimang su Mawu Yesus Kristus, ringangu kasasusin p_ẽbawiahu e. ¹³T_ẽntal_{ang} ene, sarangbe ia mar_ẽnta ute, i kau harus_ẽbe p_ẽnggisingko m_ẽbas_a Wino_he Susi ipakiraringih_e su taumata, p_ẽmahansang dingangu p_ẽn_ẽntiro si sire. ¹⁴Kumbahangbe i kau m_ẽbul_ẽn tatal_ẽnt_u u Rohk_e u Ruata k_u seng niongg_o si kau su tempon matatimadu jamaat_e e n_ẽmpan_ẽlidu liman sire su t_ẽmb_ou e, ringangu manga nab_i n_ẽmp_ẽluntingihu hengetangu Mawu Ruata e ma_anun batangengu. ¹⁵K_ẽko_a bue k_ẽb_i tamai

ene ringangu kaguwau naung tadeau sasombou malahe su patiku taumata. ¹⁶Pakalukare wue watangengu e ringangu tetahimataiwe lai tatentironu. Kenangko pakasatia i kau meko kabi tamai ene watu ene ute i kau sarung makaambang kurai watangengu, kurai lai manga taumata apan dudaringih si kau e.

Papandung su taumata mangimang

5 Abe lehekare taumata li membon naiakang bo'i kau kaiso ahako i sie pararingih manga waweranu kere i sie i amangu. Kakoako manga laumbaseng kere anau sembau, ²dingangu manga wawine matatimade e tabidaewen mekko si ninangu. Manga wawine malahuala e wue ute koako kere tuarinu, ku mangkewen pakaamumang.

³Pakaadat su manga wawine wau ta melahikinge. ⁴Kai kereu manga wawine wau piabe manga anae arau pulunge, ute i sire ene kai kakalimona-monaenge harusbe ongotangu katatahuenna u i sire hinong kumakella ralohon balen sire tutune, ringangu memalisse kopian matimade dingangu manga iu-

pung i sire. U kai ene makaluas dalungu naungu Mawu Ruata e. ⁵Bawine wau ku kahengahengang sesane, ringangu tawe i sai-sai makapaduli si sie, ku ketaben melerap su Mawu Kaselahenge. Eello hebi i sie mengkai mekkalimaneng su Ruata mededorong tulumange. ⁶Arawe wawine wau ku ketaben mapulu metengkasanaengu watangenge ute mesulungu seng nate manimbe i sie wedang biah. ⁷Habaroko manga tentiro ini e si sire, tadeau i sire melerapbe takasengkulang. ⁸Kai kereu pia u tawe mapaduli anau sengkataune, nanglembokate ralohon balene sesane ute i sie nesunialu pangangimange; i sie limembong karalakise wou taumata ta pangangimange.

⁹Ketaben balu makatuhu manga kalawou atorang ini e wotonge masowa su rolo u manga wawine wau; umure harus metengkasana ennungu pulo su taunge, naung ketaben sensule mekawing, ¹⁰iketiwa u kere sengkatau wawine seng nekko apan mapia e, kere andene; seng nepaduli napakasarian manga anae pakapia, maraluas mapanumpangu taumata metana su walene, metangkiang taumata

apan mąngimang, dingangu lųn-
tolę apan masasusa nimbue seng
nękoą dingangu kaguwau naung
patiku haghin munara mapapia.

¹¹ Ariebe sowa suralungu rolę
u wawine walu manganguda.
Batuu kamageng dędęntaęngken
ęnning u manguda, ute i si-
re mapulu mękawing kapia, ku
męmpętalikud'i Kristus. ¹² Tangu
i sire kai nęsała watuu nęlandang
kire nionggo si sire. ¹³ Limembo
kate lai i sire męgęgagholou tem-
po ringangu masuę masębangu
wale. Dingangu limemboewen ka-
ralaki e ute kai i sire męsęsam-
puhu tau waline dingangu lulau
urusangu tau ringangu mahum-
bisarang halę hinong tawe wo-
tonge ipahumbisara. ¹⁴ Hakiu ene
ia mapulu tangu tadeau manga
walu manganguda e pęmpęka-
wing kapia, makahombang ana
dingangu mangurusę dalohom
balene, madirin makawodai doka
makareą lęsađe makapęnamedę a-
rengi kite e. ¹⁵ U kai pia manga
wawine walu seng nęngkapalidę
timole rohkę dalai. ¹⁶ Kai kereu
sęngkatau wawine tau sahani e
ku pia manga anau sęmbau e
wawine walu, ute i sie harusębe
mętulungu manga wawine walu

ene; ariebe makawęha jamaatę
e. Tadeau jamaatę e makaontolę
bue manga wawine walu sęsane
ku tawe manga anau sęngkatau-
ne.

¹⁷ Męngangaha jamaatę e,
ku męmęmunarawe mapapia ke-
re sęngkatau pangaha e ute hi-
nong adatengu laadatę dua ha-
weng, nangalembo e si sire apan
maghaghising męhabaru henge-
tange ringangu męmpanęntiro.
¹⁸ Watuu suralungu Winohe Su-
si, kabawohe, "Sapi kapęlęlindane
gandung mapaka hondosu waki
u gandung bou wulihe, kumba-
hangbe hakutang mohonge." Ke-
rene lai, "I sain masaghedę e,
i sie hinong męnarima taten-
denge." ¹⁹ Abe pęnarima laęnsilę
su męngangaha jamaatę, tabeau
katewe pia sahidine rarua arau
tęllung katau. ²⁰ I sain nęmpęsała
e, pęberai su tęngong kalawou ja-
maatę, tadeau i sire waline e
małaing matakų.

²¹ Su tęngon Duata, i Kris-
tus Yesus, dingangu manga ma-
laekatę pinile e, ia mędędo-
rong sęngapam botonge tadeau
i kau tumole kębi tęntiro i-
ni tawe pęngangantang si sai-
sai, ringangu tawe męsasęmbęka.

²² Abe lai kasasahawu mēnēli-du lima su sēngkatau waugu ihengke makoa mētatangkiang Mawu Kasēllahenge. Kere u waline nēsala, ute kumbahangbe mētēngkalau su pēsasala ene. Pakatanure watangengu e, tadeau pēbawiahu e katatanabe susi.

²³ Abe kētaung mēnginung ake matagē, kaiso pēpakekon anggorē pēkadodo mēdeau makaontolēbe pēlahene kaēng su tiang, batuu pēsēngkakahuang i kau e kai masaki.

²⁴ Pēsasalan taumata sēnggae, kalamonan tawē nikēkiwalōng su pēnggaghutaēnge ute seng nawualagē. Arawe pēsasalan taumata waline ute hēdo kēkasingkateng samuri. ²⁵ Kerene lai apang kakanoa mapapia e ute apidu lulēta. Dingangu apaewen kata-taingu waline kerene ute tawe lai mēngkai kabawuni.

6 Kalawou tau Sahani ku nako ellange, harusē masingkau mawun sire adateng, tadeau taumata e tawe mapakašamedu arengu Mawu Ruata e arau tēntirong kite e. ² Manga ellang ku mawune tau Sahani e tawe ta mēndekeng mawune ualingu i sire kawe lawo tau Sahani. Sala anu-ne i sire kai harusē mētangkiang mawun sire lai limembong kapia-

ne, u mawun sire tētangkianeng limembong kapiane ene kai lawo taumata mēngimang ikēkēndagē.

Tatēntiro ta katulide ringangu kakakala tutune

Kai harusē kerene i kau e manēntirong kēbi ini e ringangu mēnasa e. ³ I sajewen manēntiro waline wou ene e ku tawe sēndaleng dingangu tēntiron katulidē e wou Mawung kite i Yesus Kristus, ku dingangu tēntiron agamang kite, ⁴ kai taumata malaobotē dingangu tawē kasangka e apa! Saki e ute kai papuluang mēmpēsasimbahē dingangu mēmpēdarendehu manga wawera hakiu makakoa pananoi, pēbawulo, pēsasamedē, antang dalai, ⁵ dingangu pēsasasēdu tawē petoe. Daralengu tinēnnan sire ute seng nahēpusē ku seng tawē hinone. I sire mētētimonan makala baugu pangangagamane.

⁶ Kerene wue u agama e makaonggoben kalauntung masēllahē, kereu taumata e seng maļuasū apan tētaghuanenge. ⁷ U tawē apa-apa niwawang kite e su dunia ini, dingangu tawē apa-apa lai isēsēbang i kite bor dunia ini! ⁸ Ku kereu piabe kaēng dingangu pakeang ute ene e seng kapapiane. ⁹ Arawe taumata ku

mapulu makala e, kai kēka-salukateng dingangu maławungu haghing kapulu wodo ringangu makasilaka. Kaławou kapulu ene e kai makabonohu taumata e su kaghagholog dingangu kawawinasa. ¹⁰ U kaławanggang su roitē, kai makakadēntang haghing karalakisē. Pia taumata sēngga e mang mēmpanahusu roitē hakiu seng tawe tumatuhu tēntiron tau Sahani e, ku i sire kēkahombangengken kaławou haghin sigēsa makasunsara naung i sire marasai.

Sasalēntihō baugu watangeng

¹¹ Arawe i kau e kai taumata tētaghuanengu Ruata, ku i kau e harusēbe mēteghangu kēbi ene. Pētawakaliko makoā taumata maadilē su silon Duata, mēmunara waugu Mawu Ruata, pangimang si Kristus, kukēndagu sēndinganeng taumata, kakēdang su susa, dingangu kasa-sikome naung. ¹² Pēbangkuadēko ringangu kaguwau naung baugu mēbiahē kere sēngkatau Sahani e tadeau i kau makaghalawe taten-denge pēbawiahē tutune ringangu kakalē. Kai waugu ene Ruata e nēkui si kau su tempong i kau

nēngaku su tēngon taumata laṛawo u i kau mangimang si Kristus. ¹³ Ku orasē ini e, su tēngon Duata e ku puēngu patiku pēbawiahē e, ringangu su tēngon Kristus Yesus ku seng nēngonggou sahiding katēngadē su tēngon Pontius Pilatus, ia e mēdēdorong ini e wō'i kau: ¹⁴ Sēmpike wue kēbi parenta ene pakatinalung dingangu tawē turae sarangkewe ēllon Mawung kite i Yesus Kristus rumēnta kapia. ¹⁵ Darēntane e ute sarung-be itantu su tempone mapia-pia kahian Mawu Ruata sēsane. U kai mangangawasa mang sēmbau; i Sie Mawantugē. Datum patiku Datu, ringangu Mawung kaławou Mawu. ¹⁶ I Sie sēsane tawe ikawata u papate, tangu i Sie kai wiahē mēbēbanua su tualagē ta kalahaungang i sai-sai. Tawēu sarang sēngkatau taumata reng bou nakasilo, arau makasilo. U kai si Sie adatē dingangu kawasa sarang kakalē e! Aming.

¹⁷ Baugu taumata apang kala su dunia ini e, oroi tadeau i sire abe pēmpēngobotē dingangu abe pēmpangumbala su kakala. I sire harusēbe apangumbala su Mawu Ruata ku seng nēngonggou patiku e si kite ipēdēdaṛembo e tadeau i kite makatemang

bue. ¹⁸Sasaiko i sire apëkëkoạ mapia, apakakala su munara mapapia, maļaälludë, dingangu apakadaļuasë mangonggo. ¹⁹Dingangu ene ute apangëmungke arëta itëtamang i sire makoa sasadian tempo ramahi. Tangu waugu ene i sire e sarung makahombang pëbawiahë kakalë e kụ kai pëbawiahë tutune.

²⁰Kụ apawen seng niumba-la si kamene, riagatewe pakapia, Timotius! Pëteghangben pëbawawisarang apa ta këhase ringang-

u pëdararendeh'u apa makataļu-bambing kai isësëba, "Kasingka".

²¹U kai pia taumata mëmpëbera u i sire pia kasingka ene, hakiu mëmpëlëlenga wou pangangimangu tau sahani kụ pangimangeng i sire kalamona.

Karimakọ Mawu e mëngaļamatë si kamene manga anau sëmbaų.

Adat'i kami,
Paulus

SURAT'I PAULUS KARUANE

SI

TIMOTIUS

DARUMATINGE

Surat'i Paulus Karuane Si Timotius kaguwakenge lohom manga sasalēntihō si Timotius dingange sēhalēkang dingangu tumatimbange deng bēdang manguda. Gēsīn sasalēntihō e ute tadeau i Timotius e makēdang. I Paulus mēnēnalēntihō dingangu tadeau i sie satia mangeleng hengetangu Mawu Yesus Kristus ringangu mangumpaedebe tēntiro su Pēdariandi tēbe ringangu tēntiro maanung Injil'u Ruata; tadeau i Timotius malaing tatapē mēmuna kere sēngkatau mananēntiro dingangu mēlahabar'u Injil'u Ruata, manieng tutatēngo sunsara ringangu pēdararendehe.

I Timotius tumbaen lēulikang tadeau tawe mētēngkalau suralungu tungkōu pēdararendehe dingangu tawe arēgane. Pēdararendehe kerene e tawe pulise apa-apa, sēmatang makadomba tinēnnan taumata apan dūdaringihē.

Baugu patiku tamai ene i Timotius lēingateng tadeau mētēnno wōu pēbawiah'i Paulus – tangu pēngangimange si Kristus, kasasabare, kakēndage, kakakēdange ringangu sigēsae seng kinahombangenge suralungu tatumbiagē.

Lohone

Panĕtakeŋge	1:1-2
Daralo ringangu laansang	1:3-2:13
Sasaĭentiho dingangu papakasingka	2:14-4:5
Habar'u wĕken kakakoꝝ i Paulus sĕsane	4:6-18
Kakunsi e	4:19-22

1 ¹⁻²Timotius, anaku ikëkëndagë! Ia, i Paulus nêmohe u suratë ini e si kau, ringangu kukakindoa^a u karimako Ruata i Amang dingangu Mawung kite i Yesus Kristus mëngonggou alamatë, tatalëntu dingangu karalunsemahë si kau.

Ualieng kapulun Duata ute, ia e nihengke nakoä darolohang i Kristus Yesus dingangu nirolohë pëlëhabar'u pëbawiahë kinëdon Duata. Pëbawiahë ene kai kintarima i kite ualingu kasasëmbau i kite e ringangi Kristus Yesus.

Kakaliomaneng tatarimakasë dingangu wawalinsahë

³Ia makitarimakasë su Mawu Ruata taku nitangkianengu naung burësi kere naung seng nawahëta kalamona woi iupung. Ia e mëngkai hanesë makitari-makasë su Mawu Ruata apaweng kasaune ia makatahëndung si kau suralungu kaliomaneng, baë ëllo arau waëbe hëbi. ⁴Ia e makatahëndung kasasusan dalungu naungu. Kai ene hakiu mang mëkëkahumangu^b sau mësom bang i kau tadeau naungku e mëngkai maluasë. ⁵Ia e nakatahëndungke pëngangimangu

masëga-sëgadë si Kristus, kerëewelai naung pangangimangi nene u i Lois dëduan ninangu i Euni-ke. Ku ia e mangiralingu i kau e malaiing mangimang kerene. ⁶Hakiu ene ia e mapëtahëndung si kau tadeau mapëbiah'u tatalëntu laonggo u Mawu Ruata e si kau su tempong ia e nanëllidu limaku e su pusigu. ⁷U Rohkë Susi niapakawua u Mawu Ruata si kite e, walineuwe, Rohkë ku makakatalo sikite. Kaiso kawewe Rohkë napeneu kakëndagë dingangu pëtatinkëdang.

⁸Ualingu ene tangu abe kamea mëсахiding Mawung kite e ringangu abe lai kameang ia e natahungku ualingu i Sie. Kaiso, kawewe i kau ringangu kuat'u Mawu Ruata, mëngkai pëdararag'u sunsara waug'u Injilë. ⁹Duata e mangambang si kite dingangu mëkui si kite e tadeau makoä taumatane sësane. I Sie mëkëkoä kerene walineuwe ualingu apan seng kinoä i kite e, kaiso kawewe ualingu tingirange hala ringangu tatalëntu'E nilahë'E woi i Kristus Yesus kalamonan dunia e reng tawe niadi. ¹⁰Ku orasë ini e, Ruata e seng nëlahëu tatalëntu'E si kite naparëntan Datu Mana-

^a gūgahioro = mëlëharapë = mengharap
1:2: MMR. 16:1 1:5: MMR. 16:1

^b idem

nalamat'i kite i Kristus Yesus. I Yesus e namata kawasan papate ringangu napakalahēu pēbawiahē tutune e suralungu Injilē ene.

¹¹ Kai waugu mēhabaru Injilē e Ruata nēndui u ia e nakoā darolohang dingangu mananēnti-ro. ¹² Kai ene hakiu ia nētatahangu kēbi ini, kaiso ia e tēbewe māngiaking, u ia e masingka-singkabeng i sain taku pēngimangeng. Ia e mangimang bue u apaeweng seng niumbalane si sia e, i Sie mang makariaga u ene sarang Ėllong Kiamatē. ¹³ Tuhukeweng kasēllahu naung tēntirong katēngadē ku seng taku nionggo si kau. Ku ikau mēngkai pangumpaēdēbe pangangimang dingangu kakēndagē ku seng nakoā tataghuaneng i kite ualingu nasēmbau dingangi Yesus Kristus. ¹⁴ Dingangu tulumangu Rohkē u Ruata e ku seng biahē suralungi kite e, ute mēngkai pakalukare pakapia patiku munara mālaarēga ku seng niumbala si kau.

¹⁵ I kau masingka u patiku taumata su kaguwau Asia e seng timalikudē si sia, suralunge i Figelius dingangi Hermogenes. ¹⁶ Kai arawe ralohon balen Onesiforus seng masau mapa-

kahaēngu naungku e. Małowoko Mawu e mēlahēu kakēndag'E si sire. Manieng ia e suralungu tahungku kai i Onesiforus tawe mamameang kakakoaku. ¹⁷ Ene ia narēntae su Roma e, i sie mēngkatewe nēdeā dalengu makapēsombangu ia. ¹⁸ Dingangu i kau masingka u su Efesus, i sie mēngkatewe mētētulung sia. Karimako Mawu e mēlahēu kakēndage si sie su ėllon Mawu e mapatiralang kaadile su patiku umatē e.

Soldadong Kristus masatia

2 Anaku i Timotius! Pētēngka-kuatēkon tatalēntu nionggo si kite e, ualingkeng kasasēmbau i kite dingang'i Kristus Yesus. ² Tēntiro e naung seng kinaringih'u wou ia su tēngoen lawo e, sarakangko su taumata kapēngumbalaēng dingangu pēlesa manēntiro taumata waline.

³ I kau e pētatahangko lain sigēsā dingang, kerē e soldadong Kristus Yesus masatia. ⁴ Sēngkatau soldado kapēlēhalē e, apawe tawe mētatasibung halē u wiahē e, u i sie mēngkai mēdēdeā u makapētatahinong naungu tēmbonangu mēsasekē. ⁵ Sēngkatau mētatanding tawēu kapiange

suralungu tanding, kereu i sie tawe tumuhu manga atorange.

⁶ Tahapëngëntana ku seng nëhalë masëgadë e, seng i sie kahumotong-motongange makauali wuane. ⁷ Sipireko apan taku nibawera ene, batu Mawu e sarung mangonggo si kau katatahuënnang këbi ene.

⁸ Tahëndungeko ini: Injilë taku ilëhabarë ene kai habarë maanun Yesus Kristus, hënton Daud, kai i Sie i Kristus ku seng nëbiahë kapia wou kapapohonge.

⁹ Ualingu mëlëhabarë Injilë e, ia tangu nakapëtatahangu sigësä sarang lai nihapusë kere taumata ralai. Kai arawe hengetangu Mawu e tawe ikahapusë. ¹⁰ Kai ene hakiu ia e makëdang mënaludë këbi ene baugu patiku taumata ku seng pinilen Duata, tadeau i sire malaing makahombang kasalamatë niongo suralung i Kristus Yesus, rëdëndinganengu kawawantugë kakalë. ¹¹ Mamben têngadë bawera ini,

”Kereu i kite e seng nate ringange,

ute i kite sarung mëbiahë lai ringang'E.

¹² Kereu i kite e makëdang,

i kite e malaing sarung mëparenta ringang'E.

Kereu i kite e mësunial'i Sie, i Sie lai sarung mësunial'i kite.

¹³ Kereu i kite e tawe mëtëngkasatia, i Sie tatapë satia, u tawe mariadi ku i Sie mëdaroka dingangu watangeng'E sësane.”

Mëmamunara ku makaëba daralo

¹⁴ Kënangko i kau e pëgëlliü ingate su apan taumata e maanun patiku ini. Su têngon Duata e, sasaiko i sire tadeau abe pëmpëbulon halë u manga wisara. Ene tawë gunane, salaanune kai makakalëmboghang si sai-sain dumarangihë. ¹⁵ Kënangko i kau pëhaghu sëngapan botonge, makoä taumata kahëngahëngang pangumbalaëngu Ruata e. Pëbangkuadëko tadeau i kau e tawe mamean halë u e kaiso kawë manëntiro pakatumang manga e tëntirong katulidë e wou anun Duata. ¹⁶ Pëteghangkon manga wisara ta gunane ringangu makahina Ruata. Kalawou wisara

tamai ene tumbaeng makako^a taumata mangkeng kapahun-tinamban kararakise. ¹⁷Těntirong manga taumata ene nēdarēkē^c kere saki kangker nētondaisē. Bōu taloaran sire piako i Himeneus rēduan Filetus. ¹⁸I sire seng nēmpēlenga wōu tēntirong katēngadē dingangu u nakapēgolang pēngangimangu sēngga. Ungkuēng i sire u pēbawangungu taumata nate e seng bōu nariadi. ¹⁹Kai laēmpahē matoghasē niēmpahu Ruata e tawe ikaghoghahē baharia. Su wowone e kabawohē kere ini, "Mawu e makakirala tataghuanenge", dingangu "Taumata mēbera u i sie kai tataghuanengu Mawu, taumata ene harusēbe mangēdo wōu pēkakako^a pēsasala".

²⁰Suralungu wale masasaria e kēkaēbakeng manga apaliwū mēdēdalahaghi.^d Piāben niko^a bōu salaka arau wulaeng, kaiso piābe lai wōu kalu arau ēntana. Piāben ipēpake^a baugu pandungangu wēbantugang, dingangu u piābe lai wāgu pandungang sen tiasane. ²¹Taumata kū mētētēngkawurēsīm batangenge wōu patiku kararakisē e, i sie sarungbe paketang baugu apam

munara mapapia. I sie nako^abe tataghuaneng tēntani ringangu mēbaraguna su mawune. I sie mēngkai rēdiahiang baugu apam munara mapapia e. ²²Pēteghangkon haghing ēnning u apam manganguda e. Pēhaghuko pēbawiahē tutuhū kapulun Duata, satia su apam tēntirone ringangu kükēndagu sēndinganeng taumata ringangu managhuaneng lenehē dingangu ramenaung. Pēbiahe kerene ringangi sire apang kükui makitūlung su Mawu e ringangu naunge wurēsī. ²³Abe tētole suralungu pēdararendehu apang longong bēgaweng apa-apa. I kau masingkau kēbi ene tumbaeng makapēbēbu^o. ²⁴I saim mēmunnara wāgu Mawu e tawe hinone mēbu^o; i sie harusēbe mahimumu su kēbi taumata, ringangu pelesa manēntiro ringangu masabarē. ²⁵I sie harusēbe ringangu masikome naunge manēntiro apam puluang dumoka; małowoko Mawu e mangonggo u lo^ahe si sire ene mēde^au mēmpēto^abatē bōu kalawōu rosan sire ringangu makakirala tēntiro kahēngang. ²⁶Kū kerene i sire nēmpēsāsēsīlē kapia, ringangu nētēngkapēllo bōu sasangu setang kū mēnaweng si

^c namete = menjalar ^d mēkēkananginang = bermacam-macam
2:19: Pēt. 16:5



Haghihaghim palitru (2:20)

sire ringangu mēnihasa si sire apatoḷe kapulune.

Manga e ḗllo pangēnsueēnge

3 Tahēndungko ini: Su manga e ḗllo pangēnsueēnge ute kai sarung makahombang kasusa ḷawo. **2** Taumata e sarung kētaeng mēnēnuntū pandungangu watangenge hala, mapulu mēngkakala, mēngkaobotē dingangu papuluang mēnalangu mohong. I sire puluang mēhinakang taumata, dumoka maghurang, bēgaweng makitarimakase,

dingangu mēbēbinsi u muna-ram mararohkē. **3** I sire e wēgaweng pēkakakēndagē susēndingang tawe mapulu mēgaghaghēlli u ampung, puluang mēndaḷakisē arengu waḷine^e mawawētaḍē, maḷahasa, ringangu tawē ḗnninge su mapia. **4** I sire papuluang mēhinakang, maḷaobotē dingangu naunge manimbū. I sire limembom papuluang su kakakoḷa u dunia suḷungu tūtuḥu Mawu Ruata. **5** Maningbe luhude mēngēngagama kaiso kawē mēmpēsēsuniaḷu timonan pēngangagama e.

^e manelorē = menghina


Pētēngkagheako wou anun tau-
mata kerene. ⁶ Piau wou taloaran
sire e seng nēnggalisi^f nahunsuē
su apam baḽe, ku mēmpēmītaugē
apam manga wawine nēngkana-
wo su rosa ku wēbawolengang-
u^g haghing ēnning. ⁷ Manga wa-
wine ene mēngkate apa ma-
sau makītēntiro, kai mang tawē
u sēnsulē makakiraḽa tēntiro
kahēngang e wou anun Dua-
ta. ⁸ Kerēwe lai i Yanes dēduan
Yambres rimoka si Musa e
naung, kerene lai i sire ruḽoka
tēntiron Duata. Tinēnnan sire
e seng nēngkagholang dingangu
pēngangimang i sire e seng nasi-
ladē. ⁹ Kaiso i sire tawe maka-
hombang apa-apa, batūu
kawawodon sire e sarungbe ka-
sēsuiangu taumata e patiku,
kerēwe lai seng kinahombangeng
i Yanes dēduan Yambres.

Sasasa (Sasalēntiho)

¹⁰ Kai i kau semben timuhu
tēntiroku, kakanoaku e, ringang-
u timonam biahēku e. I kau
seng nakasilo hala u kai kerea-
pa ia kahēnga-hēngangbe mangi-
mang su Mawu Yesus Kristus,
ringangu kumēndagu sēndinga-

neng taumata. I kau e maḽaing
masingka naungku e ringang-
u kakakēdangku e. ¹¹ I kau e
seng nakasilo si sia tētumbiageng
dingangu ia nasigēsā. I kau ma-
singka kēbi apan nariadi si sia
su Antiokhia, su Ikonium, di-
ngangu su Listra; ringangu i kau
masingka apang kēbi taku kina-
hombangengku! Kaiso Mawu e
nēngambang sia bou patiku ene.
¹² Mambeng kerene kēbi taumata
apam mapulu mēbiahē maḽaaga-
ma ringangu mēbiahē masēmbau
dingangi Kristus Yesus e sa-
rung tumbiageng, ¹³ arawe apan
taumata raḽakisē e ringang-
u maḽaakaḽē e ute mangkeng
kaḽahuntinambang akaḽē. I sire
mēngakaḽē taumata waḽine kaiso i
sire hala e maḽaing kēkaakaḽeng.
¹⁴ Kai arawe maḽanung i kau,
Timotius, ute kēnangko i kau
pakatanabe maḽumpaedē tēnti-
ro kahēngang ku seng nitēntiro
si kau ringangu paḽgimangengue
masēgadē, u i kau masingka kai
i sai mananēntironu. ¹⁵ I kau e
harusē pētahēndung u reng dong-
keng kadodo i kau e seng ma-
singka u Winohe Susi. U Winohe
Susi ene e makagēlliu ḽaenna gu-

^f kimonong = secara diam-diam ^g wēbaḽēbekang = ditarik



Tampa pëbawasačng bukë naung tempo kašmona (3:15)

nang makahombang kasasałamatë su pëngangimang si Kristus Yesus. ¹⁶ Këbi apang kabawohe su rałungu Winohe Susi, nipałoho-ëngben Duata ringangu piabe pulise ipanëntirong katëngadë, baugu ipënasa ringangu ipanëngkulë apan nësała e ringangu ipëmihing taumata e tadeau mëbiahëbe su kapulun Duata. ¹⁷ Dingangu Winohe Susi e i sain mëtangkiang Mawu Ruata e ipakasuku su këbi haghin munara mapapia.

4 I Kristus Yesus sarung dumënta kapia su dunia ini waugu mëhukung taumata wiahë dingangu nate; ringangu i Sie sarung dumënta mëparenta ke-re sëngkatau Ratu. Ualingu ene ia mëkëkaliomaneng i kau sëngapam botonge su tëngon Duata ringangu i Kristus Yesus: ² Ku i kau pëhabarëko hengtangu Mawu e, ku sëntinia i kau mëngkai pëmëmahansang tadeau isire mëmpëdaringihë. Ku i kau e pangurihëko taumata, pëlahekom

pěsasalan sire, ringangu pěmahansangko si sire. Těntiroiko i sire ringangu pěsasasabarě e sěngapam botonge. ³Batųu sarung midatingu tempone tau-mata e selaing tawę u mapulu mēnarima u tēntirong katēngadę e. Kaiso i sire kawę masitole kapulun sire hāla, ringangu mēnampungu manga mananěntiro maņěntirōwe ipāhi-matu dēndengelu tulīn sire e. ⁴I sire e kai sarung mēhēping tulīn sire su katulidę e kų katewe mēbihi rumaringihę manga wio. ⁵Maningbe kerene, i kau e harusę pēngēdaļu watangeng manilaing kakakoā e kereapa. Pakakēdang suraļungu sigēsā, pēkoāko munaranu e kere mēlahabaru Injilę e kų pēkaradiahangko munaranue sēngapang kapiāne tuħu ewe sēngkatau mētatangkiang Duata.

⁶Maņum batangengku e, seng niđating tempone iā e mairi makoa sasēmba su Ruata. U kate kadodo tempo iā e sarung maněntangu dunia ini. ⁷Iā e seng timole mapia su pētanungang kų semben niđatingu piněkětakenge. Kų iā e mamben tatapę satia si Kristus sarang pēngēsueęge.

⁸Kų ini e seng kađariahi poroseęgu i sain nakauntung. Su Ėllong Kiamatę e, Mawu, Mēlahukung adilę e sarung mēnarakangu poroseęng ene si siā e, ualingu iā e nēbiahębe nēsēngkapiān Duata. Dingangu walīnewe tumbau iā makatarima u poroseęng ene, kaiso kawę kēbiwe taumata apang mēkēkarimangu rarěntan Mawu e.

Manga laatorę pangunsueęge

⁹Pakarolako ruměnta su anuku e, ¹⁰u i Demasę e kai seng naněntangu iā batųu kai kiměndagu dunia ini. I sie kai nakoā soļung Tesalonika. I Kreskes seng nakoā soļung Galatia, ringangu, i Titus kai nakoā soļung Dalmatia. ¹¹Kětāeng i Lukas mētětanađ dingangku e. Pēnēsomahęko si Markusę e kų parianganko i sie ramahi, u i sie kai makasumbala haļęku e. ¹²Iā seng nēndolohi Tikhikus niapakoa soļung Efesus. ¹³Kereu i kau e marěnta, ute apidęko ramahi mantelęku e takų nitěntang su Troas su walēn Karpus. Ba-

wako_lai manga buk_ëku, napali_u
e katewe manga buk_ë niko_a bou
manga pising binatang.

¹⁴I Aleksander, kipungu witu
e seng n_ëko_a hal_ë daralaki-la-
kis_ë ni_ëba si_a e. Mawu e sarung
m_ëmalis_ë si sie tuh_uewe kakano_a
e. ¹⁵I kau s_ësanu e harus_ëbe lai
p_ëteghang i sie, u i sie kai tuman_i
e rumoka mat_ëdu suhal_ëu p_ëla-
habari kite_e e.

¹⁶Su tempong i_a humo-
tong-motong m_ël_ëhabar_ë p_ëtata-
hut_ëndaem batangengku e, taw_u
sarang s_ëngkatau tutaking si_a,
u k_ëb_i kai sen nan_ëntangu i_a
e. Ma_lowoko Mawu Ruata e ta-
we map_ësalan sire su hal_ë ini e!
¹⁷Kaiso Mawu e tutaking bue si_a
e. I Sie nangonggou kuat_ë
haki_u i_a e wotonge makap_ëhaba-
ru k_ëb_i lohong Injil_ë e, tade_u
ikaringih_ëbeng k_ëb_i apam baline
tau Yahudi e. Mase i_a e ma_li-
wir_ë bue wou hombangu papate.
¹⁸Kah_ëngang bue Mawu e sa-
rung m_ëlliung i_a bou apang ka-

raki raralakis_ë e waugu i_a e. I
Sie kai sarungbe m_ëbawa si_a
iapakasalamat_ë suralungu Kara-
ratuangu Sorga. Bantugeko i Sie
sarang kar_ëngu e! Aming.

Alamat_ë ipangunsi

¹⁹Tabe_uku si Priskila r_ëduan
Akwila ringangu su ralohon balen
Onesiforus. ²⁰I Erastus e kai
matana su Korintus, dingangu
i Trofim_us taku nit_ëntang ma-
saki su Miletus. ²¹P_ëtawakaliko
s_ëngapam botonge m_ëde_u ma-
kakar_ënta kalamonang musungu
ral_ënding.^h

Tabe_a b_oi Ebulus, i Pudes, i
Linus, ringangi Klaudia si kau;
ringangu wou k_ëb_i manga an_u
s_ëmbau mangimang.

²²Ma_lowoko Mawu e mahun-
dingang i kau.

Ma_lowoko Mawu e m_ënga_la-
mat_ë si kamene!

Adat'i kami,
Paulus

^h tempon mat_ëho = musim dingin

4:13: MMR. 20:6 4:14: 1Tim. 1:20, Mzm. 62:12, Rm. 2:6 4:19: MMR. 18:2,
2Tim. 1:16-17 4:20: MMR. 19:22, Rm. 16:23, MMR. 20:4, 21:29

SURAT'I PAULUS

SI

TITUS

DARUMATINGE

I Titus kai sengkatau waline tau Yahudi ku seng nasuë su agamang tau Sahani nakoä sēhalēkang dingangu tumatimbang si Paulus su pēmamunarane. Surat'i Paulus ini e nīdaringo si Titus nāung su tempo ene mētētumana su Kreta, batuu seng tinēntang sene kahiam Paulus ipētētangkiang jamaatē sene. Piako halē tatēllu ipāhumbisara suralungu suratē ini e.

Humotong: I Paulus mēgēgēlliu ingate si Titus maanung kakakoä u taumata ku botonge makoä tēmbonangu jamaatē. I Paulus mapasēpuu ene e kahumotongange ualingu kakakoä u taumatang Kreta e maławo dalakisē. Karuane: i Paulus nēnasa si Titus mēnsangbe kereapa i sie hinong makapanēntiro apang komoľangu taumata ku nakoä laesu wadangu jamaatē ene, bae komoľangu manga esē, manga wawine maghaghurang (ku hinong lai manēntiro si sire nangilembong kanguda e wo'i sire), komoľangu manganguda, dingangu komoľangu manga ēllang (mētatangkiang). Kasamuriange i Paulus nanēntiro si Titus kere apa hinone mēbawa kakakoä u taumatan Sahani. Kahumoto-motongange ute taumatan Sahani e kai harusē naunge maraľuasē papuluang su pēdarame, kumbahang mēbinsi u taumata, kumbahang mēdararendehē arau makakarēntam pēsasitori.

Lohone

Panětakege	1:1-4
Manga mananěmbonangu jamaatě	1:5-16
Kaľuandagu patiku komoľangu taumata suraľungu jamaatě	2:1-15
Sasasa ringangu laingatě	3:1-11
Pamerone	3:12-15

1 Anaku i Titus! Ia e i Paulus, nĕmohe u suratĕ ini ualingu sĕngkatau ĕllangu Mawu Ruata ringangu rarolohang i Yesus Kristus. Ia nipapile ringangu nidarolohĕ pĕtĕtulung taumata apam pinilen Duata e tadeau matoghasĕ suralungu pĕngangimang i sire tadeau makakirala tĕntirong agamang kite. **2** Tĕntiro ene pinamanggilange kai su pĕlaharapĕ u i kite e kai sarung makatarimau pĕbawiahĕ tutune ringangu kakalĕ. Duata e seng napĕkĕdom pĕbawiahĕ ene kala-monam pĕnanĕtau tempo mase lai Ruata e apawe wĕga mĕkonti. **3** Su tempone mapia-pia, Mawu Ruata e mapakalahĕu kĕdon'E suralungu hengetang'E. Hengentang'E seng nisarakang si sia, ku ia hĕdowe mapĕdalalahabarue ualingken laorom Mawu Ruata Mĕngangambang si kite.

4 Titus, i kau e mambeng anaku kahĕngang, u i kau ringangu ia e lawo be mangimang si Kristus.

Małowoko Mawu Ruata i Amang dingangi Kristus Yesus Datun Salamati kite e mangonggou alamatĕ dingangu karalunsemahĕ e si kamene.

Sahem pĕmamunaran Titus su Kreta

5 Ia nanĕtang i kau su Kreta e tadeau i kau ipĕlĕhundugĕ apan bĕdang tawe nahundugĕ. Kere-ne lai tadeau i kau makapĕndui u pĕnatua suapan soa ipĕngaha jamaatĕ. Mase tahĕndunge wue sasalĕntihoku ini e: **6** Sĕngkatau pangaha u jamaatĕ e kai ta sĕngkulĕ, kawinge mang sĕngkatau, ana e harusĕ seng mangimang si Kristus dingangu walineuwe ana tawe dusule ringangu ta kasasĕngkulang. **7** U manana-himata jamaatĕ e kai taumata mĕtĕtangkiang munaran Mawu, i sie tawe wotonge pia sungkalene. I sie tawe wotonge maobotĕ arau maotohĕ dingangu maanggang su roitĕ. **8** I sie harusĕbe maluasĕ mĕnarima u taumata su walene, makĕhagĕ mĕkoā mapia, makĕdang, adilĕ, susi ringangu maudupĕ. **9** I sie harusĕ mĕngumpaĕdĕ masĕgadĕ su tĕntiro pangimangeng, kereuwe seng nitĕntiro si sie. Suwue ute i sie wotonge manĕntiro taumata wou tĕntiro kahĕngang dingangu mapasilong pĕsasalang sire rumarendehĕ e.

¹⁰ Batu kai lawo taumata mapulu rumoka nengalembu e i sire apan naung tutole agamang Yahudi; i sire mengakale taumata waine ringangu wisaran sire ta lohone. ¹¹ Mohongi sire harusse sensingang, u i sire kai makakoa sidara sutaloran lawo anau sembau ualingu manga tentiro ta metatahino. Mekko kerene e ute kai ketau medede kalauntung makasamede. ¹² Piako nabin sire hala malaing bou Kreta e nebera, "Tau Kreta e mengkate hanes mekkonti, dingangu mesulungu binatang duhu makakombang tahapaghahu malas." ¹³ Apan niweran nabi e mamben tengade. Ku ene haku i kau e harusse menegu si sire pakahesis; tadeau i sire e tatape mengumpaede tentiro kahengang ¹⁴ masene semben tawe mengumbala su manga wion tau Yahudi arau kalawou tita niko u taumata tumatalikudu tentirong katengade e. ¹⁵ Patiku sabarang e mang burisi su taumata naunge wurisi. Arawe su taumata naunge kotor dingangu tawe pengangimange, taweu sarang sembau burisi e watu u tinenna ringangu ralungu naung i sire e kai seng nalamuhu! ¹⁶ I sire mampangakuwen sire u masingkalem Mawu e, kai arawe su

kakanoa i sire kawe mesesuniale. I sire kai makadarenting dingangu tawe mapulu tumuhu; i sire ute kai taumata tawe makaraumale meko mapia, walewe kerea.

Darasagu tentiro kahengang

2 Arawe i kau, Titus, i kau e panentirongkon tentiro matumang. ² Penasako si sire manga ese maghagurang e tadeau i sire mebiahe mengedalu watangeng pelesa, dingangu tadeau i sire mangimangbe su Mawu Ruata kere hinone, nasuku u kakendage dingangu masabar su sigesa. ³ Kerene lai sasai manga wawine maghaghurange tadeau kalakuang i sire e metetatalahino wue kere su hinone wangu taumata mebiahe nahae wangu Ruata. I sire tawe wotonge mehinakang taumata waine, ringangu tawe wotonge mengkai mahimatu menginung inumang makabukang. I sire kai harusse menentirong hale mapapia, ⁴ tadeau i sire malaing makapanentiro manga wawine manganguda e kumendagu kawinge ringangu ana i sire, ⁵ mapelesa, mebiahe susi, makoa ininangu ralungu wale mapia marariringihe su kawinge. Kamageng kerene tangu

tawe apa taumata ku makatong-keang habarë bou anun Duata.

⁶Kerene lai sasaiko i sire manganguda tadeau i sire mëngkapelesa. ⁷Ku i kau e pënodekong kakanoa mapia su patiku munara e makoa kakakëllaëng. Kereu i kau manëntiro harusëbe pakatatulidë dingangu kasëllahu ralungu naungu. ⁸Pëpakekom bawera maraluegha; ku tawe kasëngkulang i sai-sai, tadeau apan lulawang si kau ene e mëngkamea ualingu tawe apa we kareakeng apa raralakï ikapauli i sire maanung kite.

⁹Mëtatangkiange kai harusë pakasasumëllung su mawune ringangu makadaluasë naunge su patiku munara. I sire kumbahang mëngkai rumëndehë, arau mëtako. ¹⁰Kaiso kawë manodë u kapia ringangu satia, takadeau taumata e mëmantugë injilu Mawu Ruata Mëngangambang si kite e.

¹¹U Ruata e seng mënode u tatalëntu e waugu mëngambang patiku taumata. ¹²Tatalëntuu Ruata e manëntiro si kite e tadeau i kite e semben tawe mëbiahë lumawang kapulun

Duata e ringangu tawe tuma-tuhu ënning madunia e. I kite tëtëntiroëng mëbiahë su dunia ini tadeau mëbiahë maamumang, adilë, dingangu satia su Ruata. ¹³Ku ini e i kite kapëngëngampale Ëllo lëantiwang i kite e; su Ëllo ene dunia sarung makatingang kawangut'i Yesus Kristus, ku kai Ruata Kasëllaheng'E Ratu'n Salamat'i kite e. ¹⁴I Sie seng nënarakangu watangeng'E waugi kite tadeau mëngambang si kite bou patiku kararalakisë ku nëliung kite bou rosa ringangu sëmatang makoa tataghuaneng'E sësane, mase makëhagë mëkoa mapia.

¹⁵Tëntiroko patiku ene, ringangu pënasako arau pëngurihëko rumararingihë si kamene ringangu pia pëhëngkinge. Piawe pia pësëngkatau ta mëndekeng i kau e.

Kakaoa u taumatan Sahani

3 Paulike wue ralohon jama-atu tadeau i sire hinong pakasasumëllung su manga tëmbonangu jamaatë dingangu tëmbonangu kawanua, matuhu dingangu makëhagë su mëkoa apam mapia e. ²Pëberako si sire

u kumbahangbe i sire mapakara_lai arengu wa_line arau mēda-
rende_hē dingangi sai-sai, kaiso
mēngkai mahimumu. Karima_ko i
sire mēngkai masasikome naung
i sire su kēbi taumata. ³U
kangere_e e i kite_e e kai wodo,
nipalidē, dingangu tawe tuma-
tuhū. I kite_e e kai nako_a ēllangu
ka_lawou haghing abu_li ringang-
u ēnning ma_dunia; i kite_e e
mēbēbia_hē sura_lungu kara_lamuhū
dingangu sasingking dingang-
u lai mēbēbawins_i sēmbau di-
ngangu wa_line. ⁴Kai Mawu Rua-
ta e Mēngangambang si kite_e e
nēlahe_u kakēndagē dingangu ka-
pian naung'E si kite_e. ⁵I Sie
nēngambang si kite_e, ba_linewe
ua_lingu i kite_e e seng nēko_a ma-
pia, kaiso kawē ua_lingu i Sie hala
kimēndagi kite_e. I Sie mapaka-
sa_lamati kite_e ua_lingu Rohkē Susi,
mēngonggo si kite_e ka_laiwantelē
buhu ringangu pēbawiahē bu-
hu ua_lingu panganguhasē si kite_e.
⁶Mawu Ruata e namēmbingu
Rohkē'E e si kite_e bo'i Yesus Kris-
tus, Datun Sa_lamati kite_e, ⁷ta-
deau ua_lingu tatalēntu i Yesus,
i kite_e sau mēsēngkapan Dua-
ta ringangu i kite_e makahombang
pēbawiahē tutune ringangu ka-

kalē lēantiwang i kite_e. ⁸Bawera
ini e mambeng kahēnga-hēngang.

Ia e mapulu tadeau i kau
e pētengkatoghasē su patiku e-
ne e tadeau taumata māngi-
mang su Mawu e kahēnga-
hēngang mētawakali sēngapang
botonge mēko_a ha_lē mapapia ri-
ngangu pia_l gunane waugu patiku
umatē. ⁹Pēnggeako wou pēda-
ra_liang mohong tawē manga gu-
nane, mēbawēkeng asalē, pēba-
wawēso_hē dingangu pēdarā_liang
tiahang agama. Kēbi-kēbi e tawē
gunane ringangu tawē untunge.
¹⁰Taumata makakadēntan pēsasi-
tori sura_lungu jamaatē e, rioko
sēngkulē sēnsulē ruan sulē; bou
ene e kumbahangbe mēda_lahapi i
sie. ¹¹I kau e masingka_l u tau-
mata kerene e mambeng bagalē
dingangu wou patiku da_lawange
mēlēlahe_u i sie nēsala.

Papondolē

¹²Ta kararēngue wouten ia
nēndolohi Artemas arau i Tikhi-
kus suanunue, dēntako pakaro_la
solong anuku su Nikopolis, batu_u
ia luolangu matana sene karēngu
u musungu wanua matēho.
¹³Sumbalai wue pakapia i Zenas
mapapanden toratē e, rēduang

Apolos, tadeau wotongewe i sire makapěbua dingangu tawe kakawusangu apa-apa. ¹⁴ Taumatang kite e harusěbe měmpangěndung měmpěkoạ mapia tadeau makaghanapěbe patiku pandungang sěsalimaekang. Kumbahangbue i sire sarang měbiahě tawę gunane.

¹⁵ Kěbi anau sěmbau apan dingangku e, něndohon tabeạ si

kau. Habarěko tabeạ i kami su manga hapi i kite tamba pangangimang.

Małowoko Mawu e měngałamatě si kamene kěbi.

Adat'i kami,
Paulus

SURAT'I PAULUS SI FILEMON

DARUMATINGE

I Filemon e kai sengkatau taumatan Sahani pangahā e kū luhude kai nakoā dalohon jamaat'u Kolose. I Sie piā ěllange isēsēbā si Onesimus. ěllange ene tangu sen timalang bōu anum Filemon mawune e, bōu ene mēnsang kereapa kū seng nahangkasingkateng dingang i Paulus piā i sie nāung su tahungkū. Uālingu ahā i Paulus, i Onesimus nakoā tau Sahani.

Surat'i Paulus Si Filemon ini e nakoā kere rorong i Paulus tadeāu i Filemon mapulu mēdame ringangi Onesimus, ěllange ene, kū deng kadolohē pakapūlē kahiang Paulus. I Paulus mēdēdorong tadeāu i Filemon mapulu mēnarima i Onesimus kapia balinewe kētaeng kere ěllang kū seng nighēlirangu ampunge, kaiso kawē mālaing kere lawō sēndinganeng u tau Sahani.

Lohone

Panētakege	1-3
Kakēndagē dingangu pangangimang i Filemon	4-7
Dorong baug'i Onesimus	8-22
Paperone	23-25

Ana u sēmbau ku i Filemon, hapi ore lai ringang i kami! Ia i Paulus, sēngkatau taumatan tahungku ualing i Kristus Yesus, dingangu ana sēmbau i kite i Timotius, nēmohe u suratē ini si kau, ²ringangu su jamaatē ku mētētampung su walenu, ringangu lai su wawineng kite, i Apfia ringangu hapi i kite sēngkapētawakali i Arkhipus.

³I kami mēlēharapē malowoko Ruata i Amang i kite e ringangu Mawu Yesus Kristus mēngonggou alamatē dingangu karalunsemahē si kau.

Kakēndagē dingangu pēngangimang i Filemon

⁴Balaewe apang ia mēdoa e ia e mēsēsēba arengu ringangu makitarimakasē su Ruata. ⁵U ia e nakaringihē u i kau e kahēnga-hēngang māngimang su Mawu Yesus dingangu kukēndagu kalawou kawanuan Duata e. ⁶Ia e mēkaliomaneng u malowoko pēdalāhapi i kite lawo taumata māngimang sarung makauāli katatahuēna limembong kasariane waugu kalawou ala-

matē ku tētaghuaneng i kite e ualingu nasēmbau dingang i Kristus. ⁷Ana sēmbau ku i Filemon e, kakēndagu patiku kawanuan Duata e, makaluasē si sia dingangu māngonggou wawahansang si sia e! Kalawou kawanuan Duata e seng nēmpahuasē ualingu i kau e.

Dorong baug'i Onesimus

⁸Ualingu ene, kere sēngkatau ana sēmbau tamba pangangimang, ia e wotonge wue mēngoro si kau pēkoa apang hinong koatengu e. ⁹Kaiso ualingu ia e kukēndagi kau, ia e samatang mēdēdorong. Ia ini e sēngkatau seng maghurang dingangu su orasē ini e ia kalaaresē^a suralungu tahungku ualing i Kristus Yesus. ¹⁰Ia i Paulus mēhumpau rorongku sēmbau si kau, māanung Onesimus, anaku suralung i Kristus. Batuu suralungu tahungku ini e ia seng nakoā i amang su marohkē. ¹¹Humotong i sie tawē gunane waug'i kau e, arawe orasē ini e i sie pia gunane, balinewe tumbaeng baug'i kau, kaiso wau-gu ia e lai.

^a kalaaarang

¹²Orasë ini taumata taku ikëkëndagë ene e taku iringo si kau e kapia. ¹³Tumuhu hino- ne ia e mapulu mëmaedë si sie ringanku e kere pëngaweng si kau, tadeau wotonge i sie paon- tolë si sia, karënguweng ia e matatahang suralungu tahungku ini ualingu mëlëhabaru Henge- tang u Mawu e. ¹⁴Arawe ia e madiiri mëkoə manga apa kereu i kau wëdang tawe kimëkire. Ia e limembong mapulu kereu i kau e mëkoəbe ringangu naungu e maľuasë; u ia e madiiri mënihasa si kau.

¹⁵Aramanung i Onesimus kawë nëtaľei wo'i kau e pañentalang, tadeau i kau e wo- tonge makareə si sie kapia solong karëngue. ¹⁶Orasë ini e i sie wal- newe këtaeng sengkatau makoa ëllangu; kaiso kawë nëngalembo wou ene. I sie e kai sëndinga- nengu tau sahani ikëkëndagë. I sie kai ghëguwa gunane si sia, nëngalemboete si kau! Nalahe u i sie masaria gunane baëbe i sie kere sengkatau ëllang arau kate- we sengkatau anau sëmbau su- ralungu Mawu e!

¹⁷Ualingu ene, i kau e mangënnau ia kawë hapi lawo

taumatan Sahani e, ute tarima- ko kapia i Onesimus mësulungke- weng i kau e nënarima u ia.

¹⁸Kereu i sie pia salane arau pia utange si kau e, ute wala e ia e mënaludë këbi ene e. ¹⁹Ku, ma- piawe ia e mëmohe hala sini: *Ia i Paulus sarung mëmaehë pakasue- sue.* (Nalaheu tawahaluasu ia e mapëtahëndung u i kau sësanu e pia utangu e si sia, ku kai pëba- wiahu wuhu e kere taumatan Sa- hani.) ²⁰Ualingu ene, su arengu Mawu e kënangko tulung ia e, luase wue naungku e kere sëhapi- kang suralung i Kristus.

²¹Ia e mëmohe u suratë ini ualingu ia maiaking u ikau e sa- rung mëkoə nëngalembo wou ene. ²²Tëntalang ene, tulungko sadii kamarë baugu ia e su walenu, u ia e mëlëharapë Duata e ru- maringihë bue kakaliomaneng i kamene manga anau sëmbau pa- tikü e ringangu mëbawa sia kapia solong anung kamene.

Adatë pëngënsueënge

²³I Epafra, ku ene ringang- ku e suralungu tahungku ualing i Kristus Yesus, nëndingö u adate

si kau e. ²⁴Tarimako lai laadat'u
manga ringanku: i Markus, i A-
ristarkhus, i Demas dingangu i
Lukas.

²⁵Małowoko Mawu Yesus
Kristus mēngalamatē si kamene.

Adat'i kami,
Paulus

ay. 24: MMR. 12:12, 25, 13:13, 15:37-39, 19:29, 27:2, Kol. 4:10, 4:14,
2Tim. 4:10, 11

SURATĚ SU TAU IBRANI

DARUMATINGE

SuratĚ Su Tau Ibrani ini e ipĕtĕtimona sĕngkomolang bŕou tau Saha-ni kŭ sĕntinia mang kĕkahombangengu wĕha, kŭ kiwuau kai manga mĕsunialĕ bŕou pangangimang i sire si Kristus. Mĕmamohĕ u suratĚ ini e mĕtĕtawakali mĕmahansang si sire tadeau pakatatapĕbe su pĕngangimang. Baugu ene tangu i sie nanodeu Mawu Yesus Kristus e kai pĕlalahĕu Ruata masuku. Halĕ tatĕllu haghine ipĕpauli u mamohĕ suratĚ ini e. Humotong, Mawu Yesus e kai Ahus'u Ruata – Ahusĕ kakalĕ. Ahus'u Ruata ene nĕnodeu u kakakĕhage si Amang ualingu kakakĕdange su sigĕsa. Kere sĕngkatau Ahus'u Ruata e, Mawu Yesus e limembong karangĕ e wŕou manga nabi suralungu Pĕdariandi Tĕbe. I Sie malaing limembong karangĕ e wŕou malĕkatĕ arau wŕoi Musa sĕsane. Karuane, Duata e seng bŕou napakalahĕ i Yesus kere sĕngkatau imang kakalĕ limembong karangĕ e wŕou manga imang suralungu Pĕdariandi Tĕbe. Katĕllune, lumion Yesus tangu, taumata kŭ mangimang su Mawu Yesus e ipakaliwirĕ bŕou rosa ringangu wŕou katatakŭ dingangu papate. Kere sĕngkatau Imang Karangetange, i Yesus e nĕngonggŕou kasasalamatĕ tutune kŭ tawe ikaonggŕou tata-tuhŭ tundung pangangonggŕou u sasĕmba ringangu mangaewe lai tundu waline suralungu agamang Yahudi. Kalawŕou tundu tamai ene kĕtaeweng mangonggŕou u awĕ u kasasalamatĕ, sulung ene mambeng tala.

Su halĕ u mapĕhabaru tatuladang pĕngangimang kĕkoateng u manga matatĕllang apang pinĕtateleng suralungu wĕken tau Israel (pasalĕ 11), mĕmamohĕ u suratĚ ini e mĕnĕnalĕntihŕou su apang mĕbawasane tadeau katatanabe satia. Su pasalĕ kapulo duane i sie mĕngĕngansang si sire tadeau hanesĕbe masatia sarang pĕngĕnsueĕnge, pĕnĕnuntue samatang mamanda si Yesus. I Sie malaing mĕngĕngansang tadeau i sire pakakakĕdang su sigĕsa di-

ngangu pakadararagě mēnaludě kalawou haghing bēhā dingangu haghin tatumbiagě su watangeng i sire. Suratě ini e nikunsiu sasasa ringangu tatumbalung.

Lohone

Panětakenge: I Kristus e kai pēlalahe u	
Ruata nasuku	1:1-3
I Kristus limembom marange bou malaekatě	1:4-2:18
I Kristus limembom marange bo'i Musa	
ringangu i Yosua	3:1- 4:13
Kaholekangu munarang Kristus kere	
sengkatau imang	4:14-7:28
Kaholekangu pěkakakědong Kristus	8:1-9:28
Kaholekangu sasěmbang Kristus	10:1-39
Kasěllahu mangaleng pangangimang	11:1-12:29
Sasasa ringangu kakunsi e	13:1-25

Mawu Ruata e mëlëhenge- tang limiun Ahus'E

1 Naung su tempo kalamona masau susulene Mawu Ruata e mëlëhengetang su manga i upung i kite e pinakiwerane su manga nabi e ringangu haghing kakakoꝝ e. ² Arawe tempo samuri ini e i Sie mëlëhengetang si kite e limiung Ahus'E. Limiung Ahus'E ini e Ruata nëndia-di langi dingangu dunia patiku. Dingangu Mawu e seng napakasahe u Ahus'E ini e maiaing kawasa managhuang patiku. ³ Ku kai i Sie makasarënsangu kawawantug'u Ruata e suseñnang. I Sie kai awe u Ruata sësane. Ku kawe maiaing i Sie mëpëpaduli kalahëmpukang u dunia ini e ringangu hengetang'E makawasa. Bouten i Sie nakakariadin taumata e maliwirë bou kalawou rosan sire e tangu, i Sie naintolangke su kaderang paparentaëng su Sorga sengkakaintolang dingangu Mawu Ruata, Mangangawasa Karangetange.

Kawawantugu Ahus'u Ruata

⁴ Ahusë ene nakaëba kalaianenge limembom marange bou

malækatë, dingangu areng nionggo u Ruata si Sie maiaing limembom maadatë bou areng nionggo su malækatë. ⁵ Taweu sarang sënsule Duata e nëhenge-tang kereini sarang lai su sengkatau malækatë,

"I kau e kai Ahusë'Ku;
su sëhëlo ini e Ia makoa i
Amang'U."

Tawë lai Mawu Ruata e nëhenge-tang kereini maanun malækatë balæwe mënsang sude lai,

"Ia e sarung makoa i
Amang'E,
dingangu i Sie sarung
makoa Ana'Ku."

⁶ Kai su tempon Duata e nëndoloh'u Ahus'E kaiakanenge solong dunia ini, Mawu Ruata e nëhengetang kereini,

"Kalawou malækatë e
hinong mësuba Ahusë ene."

⁷ Maanung manga malækatë e Mawu Ruata e nëhengetang kereini,

"Duata e napakariading
manga malækat'E e nakoꝝ
anging,
dingangu manga
mëtatangkiang'E nakoꝝ
dëlli u putung."

⁸ Arawe su Ahusë ene Ruata
nëhengetang,

"Kararatuang'U, e Mawu,
kai kakalë sarang karëngue!
Kararatuang'U e kai
kararatuang maadilë.

⁹ I Kau e puluang bue su
kaadilë, dingangu mëbëbinsi
u apan tawë katulide;
kū kai ene hakū Ruata,
Ruatan'U e, nēmile si Kau
ringangu nēngonggo
kalaadatë si Kau kū
makakadëntan daluasë,
nangëlembo wou manga
hapi'U."

¹⁰ Duata e malāing
nëhengetang,
"I Kau e, Mawu, kū naung
su tētā e nēndiadi dunia,
ringangu i Kau sēsanu
nēkoā langi.
¹¹ Patikū ene sarung maparung,
dingangu matëbe kere
laku;
arawe i Kau e mang tā
pëbawaluine.
¹² Kaguwau dunia ini e sarung
ipëdalëkun'U kere laku,
kū hëdō e sarung i Kau
pëngawengu waline.
Arawe i Kau e mang tēbe
kerene,

ringangu pëbawiah'U e
tawë kahëpusange."

¹³ Mawu Ruata e tawë ka-
diongeng nëhengetang su sarang
lai sengkatau malækatë u,

"Kaiangke su koaneng'Ku,
sarangkewe manga
rumaroka si kau e Takū
ipakaënsu su tēgonu."

¹⁴ Maeng kerene, kai i sai wue
tangu manga malækatë e? I sire
e kai manga rohkë kū mëtëtang-
kiang Duata, ringangu irëdoloh'u
Ruata tadeau ipëtulung si sire
apan sarung manarima u kasa-
salamatë.

Kasasalamatë masëllahë

2 Ualingu ene i kitë e hinong
kahënga-hëngang nēngalem-
bong mëtumpaedë su manga
tëntiro kū seng kinaringih'i
kitë, tadeau kumbahang i kitë
manëntangu pangangimang i kitë
e. ² Manga hengetang kū pinaki-
habarë su manga malækatë su
manga i upung i kitë e nalahë u
mambeng kahëngang, kū i sain
tawë tumole arau tumuhū e sa-
rung makaëbā hukumang tuhū
kasëllahu ralawange. ³ Limembo
kate kasasalamatë kū napaliung
kasëllahe wou manga hengetang

ene! Kereu i kite e sarung tawe makakatalang bou hukumang. Batu kai Mawu sēsane kahu-motong-motongange namohangu kasasalamatē ene, ringangu i sire naung kalamona nakaringihē e seng napakalahē u katēngade si kite. ⁴Su sēmbēkane, Mawu Ruata e malaing napakasēgadu sasahidin sire, ku nēkoā e kalawou haghing halē makadalinau dingangu munarang kawasa ringangu apamalahuhē manga laonggo u Rohkē Susi e tuhewe kapulun'E hala.

**Bawuka raleng baugu
taumata ipakasalamatē**

⁵Manga malækatē e tawe nakahombang kawasa wou Mawu Ruata waugu mēparenta dunia wuhu sarung dumēnta, ku kai dunia e ipahumbisarang kite ini e. ⁶Arawe su sēmbēkane, pia su sēmbahageang u Winohe Susi e kabawohē kereini,

"Apa wue taumata e Mawu,
hakū i Kau mang
mētētahēndung si sie?
Taumata e kētaengbeng
taumata, kaiso kai
mambeng sēsēmpikang u!

⁷ Kētaeng gēnnangu sēngkatempo i Kau napakasana i sie kadodo bou malækatē.

I Kau e nangonggou
kalaianeng mawantugē
dingangu maadatē si sie,
⁸ dingangu napakariadin sie
mēngēngawasa patiku."

Ku kamageng u niwera u Mawu Ruata e nēndiadi taumata "mangangawasa patiku sabarang", mangalene ute tawē u tamasēllung sualungu kawang taumata. Manilaing kerene, kaiso i kite e tawe nakasilo ini e taumata mangangawasa patiku sabarang. ⁹Arawe i kite e kai seng nakasilo Mawu Yesus e kawe kawasa! I Sie nipakasana kadodo bou malækatē e gēnnangu sēngkatempo, tadeau ualingu kapian naungu Ruata e, i Sie kai nate waugu patiku taumata. I kite makasilo si Sie orasē ini e nighēllirangu kalaianeng mawantugē dingangu maadatē, ualingu i Sie seng nētatahang u sigēsasarang napohong. ¹⁰Sembeng hinone Ruata – e nēndiadi patiku tuhu kapulun'E sēsane napakariadin – Yesus mananalamatē masuku ualingu kasasigēsā

e. Dingangu ene tangu Ruata e makaboghe taumata lawo mēdeau ipakawantugē dingangu Mawu Yesus. Batu kai i Sie nape raleng baug'i sire mēdeau ipakasalamatē.

¹¹ Mawu Yesus namurēsi taumata wou manga rosan sire; ku i Sie mēmamurēsine ringangu i sire niwurēsine'E e lawo pia i Amang i sire mang sēmbau. Ualingu ene Mawu Yesus e tawe mamea mangakun sire ene kere anau sēmbau'E. ¹² Mawu Yesus nēhengetang su Mawu Ruata,

"Ia sarung mēhabarē si kamene manga anau sēmbau maanung Kau.

Ia e sarung mēdalo si Kau suralungu komolang'i sire."

¹³ Mawu Yesus malaing nēhenge-tang, "Ia e sarung mangumbala su Mawu Ruata." Dingangu i Sie malaing nēhengetang u, "Kai ini e Ia, dingangkewelain manga anau ku seng nionggo u Ruata e si Sia."

¹⁴ Ualingu taumata apan nisēba'E anau ene, kai riadikang taumata ku mētate tangu Mawu Yesus sēsane e nētēngkasulung i sire e ku mēbēbiahē suralungu kakakoā u taumata. I Sie

mēkēkoā kerene, tadeau ualingu kapapohong'E, i Sie mapakawinasang setang ēndai mangawasa papate. ¹⁵ Dingangu kakakoā ene tangu i Sie mēngambang taumata ku su kanandum pēbawiahe ipētētahuēllang ualingu katataku u papate. ¹⁶ Nalahē e kai waline-we malækatē ku nilaambang'E, kaiso kawē hiteng Abraham. ¹⁷ Ini e mangalene u i Sie hinom makoā mēsulung dingangu manga anau sēmbau'E suralungu patiku sabarang. Ku ualingu ene i Sie makoā Imang Mawantugē masatia ringangu matalēntu. Ualingu pētatangkiang'E ene tangu rosan taumata e niampungang. ¹⁸ Ku ualingu i Sie sēsane naung bou nasigēsā dingangu nisalukateng, i Sie nakakaontolēbe taumata apang kēkasalukateng, batu i Sie hala e wou kinasalukateng dingangu wou nasigēsā.

Mawu Yesus limembong
kasēllahe wō'i Musa

3 Manga anau sēmbau tamba pangangimang ku seng kinakuiangu Ruata e lai! Kēnangko pētinnēna pakaralung-dalung maanun Mawu Yesus ini e! Mawu Ruata e rimoloh'i Sie sa-

matang tadeau makoꝝ Imang Mawantugě suraḷungu agama ku tětōlēng i kite. ²I Sie masatia su Ruata ku seng nēmile si Sie waugu munara ene, mēsulungkenen naung i Musa e kaḷamo-na e satia mēndaḷengu munarane su waḷen Mawu e. ³Arawe Mawu Yesus e hinone wue adateng limembong kasēllahe wo'i Musa. Batuu i saing ku nēlanging baḷe e hinong makahombang la-adatē limembong kasariane wou waḷe ene. ⁴Tēngadē apaeweng baḷe e piabem mēndaḷanginge, kaiso mēndaḷanging patiku saba-range ute kai Ruata. ⁵I Musa e kai taumata masatia mētang-kiang suraḷungu waḷen Mawu e ringangu manēpaseweng kaḷawou apang ipauli u Mawu Ruata e su tempo sarung dumēnta e. ⁶Kai arawe i Kristus ute kawe satia kere sēngkatau Ahusē mētataḷung Baḷem Mawu e. Dingangu kai seng i kite ini e Waḷem Mawu, kereu i kite e tēbēwe malaigasē dingangu tēbēwe māngiaking u makahombangbe apang ku lēharapeng i kite e.

Pangangirolo waugu kawanuan Duata

- ⁷Uaḷingu ene, mēsulungkenen niwerang Rohkē Susi e
"Kereu su ḗllo ini e i kamene nakaringihēbe tingih'u Mawu,
- ⁸ ute kumbahang
 mēmpētungkētḷ u naung i kamene kere manga iupung i kamene, pia i sire ruḍendehē su tēngon Mawu, dingangu māmanika Duata e su wanua ḷinggi.
- ⁹ 'Sene, manga iupung i kamene mēmpēnēnaḷuka si Sia dingangu mēmpēmēmanika Sia,' angkuēng u Mawu Ruata, 'sēmbaliau i sire seng nakasilo kakanoꝝ'Ku ēpa u puḷo su taunge karēngu e.'
- ¹⁰ Hakiu ene Ia limangehē si sire ku Ia nēhengetang, 'I sire mēngkate sēntinia tawē satiane, ringangu masagaēng tumuhḷ kaḷawou tita'Ku e.'

11 Ia e limangehë dingangu
nësalu,

'I sire tawe sarung
makapahunsuë su wanua
ene kù makapëngirule
sëngkapëngirule
ringangKu.'"

12 Manga anau sëmбай, pakapia wue kumbahangbe su taloarang kamene pia u sëngkatau kù naunge kereng karala-kise ringangu tawë pangangimange, hakiu i sie tumalikudë kù mëtëngkarau wou anun Duata kù biahë! **13** Kù tadeau tawëu sarang sëngkatau wou taloarang kamene kaakaleng u^a rosa kù lumawang Duata, ute karimako i kamene mëmpësësasasa lawo i kamene apang kalaëllo e karëngueweng i kite deng biahë su tempo isësëba "Ëllo Ini" suralungu Winohe Susi. **14** I kite këbi e kai sëhapikang suralungu karadiahang dingang'i Kristus, asaleweng sarang pëngënsueënge i kite e mëtëtumpaedëbe masëgadë su pangangimang kù tëtaghuaneng i kite dokeng su tëta e.

15 Kù kai ini e kabawohe suralungu Bukë Susi,

"Kereu su ëllo ini i kamene makadingihë tingih'u Ruata e,

kumbahang i kamene
mëtungketi u tëmbo i
kamene kerewe manga
iupung i kamene,
pia i sire rüdendehë su
tëngon Mawu Ruata."

16 Ho, kai i sai-sai tangu nakaringihë tingih'u Mawu Ruata e kù dimendehë si Sie? Balinewe i sire këbi apang niaha i Musa niapasëbang bou Misirë e tangu? **17** Kù kai waug'i sai tangu, Mawu Ruata e limangehë gënnangu ëpa u pulo su taunge karëngu e? Kù kai seng baug'i sire apang mara-rosa e, apang nëngkapate su wanua linggi, arau ëng? **18** Pia Mawu Ruata e nësalu kereini, "I sire sarung tawe mahunsuë su wanua ene mëdeau makapëngirule sëngkapëngirule ringang'Ku" – i sai wue tangu tëtimonaëngu Mawu Ruata ëng? Timona'E ute kai waugu i sai-sain düdendehë Mawu Ruata e arau ëng? **19** Kù ini e nakaënna e i kite e u i sire tawe makapahunsuë, batuu i sire kawetawe nangimang su Mawu Ruata.

^a Kawitaugangu = tertipu

4 Ho, kědon Duata e wědang-beng k̄atatan̄a kerene ringangu i kite e sarungbe ipēngirule kereewe su kědon'E. Kū i kite e pakaralukadē bue tadeau kumbahang piā u sarang sēngkatau wo'i kamene kawe nasahe u tawe nakateēng pangangirule kū nikědon'E ene. ² Batū Injilē e seng nihabarē si kite e mēsulungkewelai si sire. Kaiso waug'i sire e, habarē ene tawē gunane. Batū su tempong i sire nakaringihē e, i sire tawe nangimang. ³ Arawe i kite apang nēmpangimange makahombangbe irulene kū seng nikědong Mawu Ruata e. Ene nētatalahino wue kere e-we seng pinēhēngatang u Mawu Ruata e kereini,

"Ia e limangehē dingangu nēsalu,

'kū i sire tawe makapahunsuē makapangirule ringang'Ku e.'"

Duata e nēhengetang kerene, sēmbaliau kalawou munaran'E e sembeng nauadipē dokeng i Sie nēndiadi dunia ini e. ⁴ Batū maanung ēllo kapitune tangu, kai piā kabawohē suralungu Bukē Susi kereini, "Su ēllo kapitune Mawu Ruata e nangirule wou pa-

tikū munaran'E." ⁵ Maanuweng halē ene tangu, niḃawohē lai kereini, "I sire mang tawe makapahunsuē su wanua ene mēdeau makapēngirule ringang'Ku e."

⁶ Kū i sire naung kahumotong-motongange nakaringihē habaru Injilē ene, tawe nanarima u pēngangiruleng ene ualingu i sire tawe nēmpangimang. Maeng kerene seng nalahe u piā taumata waline kū botonge mēnarima u pangangirule ene. ⁷ Batū Ruata e seng nēnilakehu ēllo waline lai, kū isēsēba e "Ēllo Ini". Dingangu taunge kū samurin Duata e mēbēbisara maanung halē ene si Daud suralungu ayet'e kū kere seng niwera kalamona,

"Kereu su ēllo ini e i kamene nakaringihē tingih'u Ruata e, kumbahangbe i kamene mētungkētī u naung i kamene."

⁸ Kai mangaewe i Yosua e seng nangonggou tempone si sire ipangirule tuḃu kědon Duata e tangu, Mawu Ruata e sembelain tawe mahumbisarang ēllo lai waline. ⁹ Kū baugu kawanuan Duata e bēdambeng piā kědong pēngangirule mēsulungkewelain pēngangirulēn Duata e su

ello kapitune ene. ¹⁰ Ualingu tau-
mata ku manarima pangangirule
ku nikedon Mawu Ruata e, si
sie, sarung lai mangirule wou pa-
tiku munarane, kerewe lai Mawu
Ruata e. ¹¹ Ualingu ene, i kite
e metawakaliko kahenga-hengang
medeau makapenarimau irule ku
naung nikedon Duata e. Kumba-
hangbe sarang pia u sengkatau
lai wou i kite e ku tawe maka-
wuna kerewe i sire naung kala-
mona, ualingu tawe nangimang
su Mawu Ruata e.

¹² Hengetangu Mawu Rua-
ta e kai hengetang biahē di-
ngangu matoghasē; limembong
kahorone wou peda matane
ruambēka. Bawera ene nunēngga
sarang kētakengu lensorange su
pēsēmakengu himukudē dingang-
u rohkē, sarangkeweng pēkēta-
kengu lensorange ringangu ghēsin
duhine, makakasingka maun-
sui tinēnna ringangu sipirangu
ralungu naungu taumata e.
¹³ Tawē diadikang sarang sēmbau
ku mābawuni su silon Duata
e. Patiku sabarange mang tilan-
dang dingangu kabawualagē su
tēngon'E. Dingangu i kite e hi-
nong mētulungu sasimbang'i kite
e si Sie.

Mawu Yesus e Imang Ma-
wantugē dingangu masēllahē

¹⁴ Hakū ene i kite e hinong
mangumbele pakasēgadē su la-
akung pangangimang i kite e.
Batuu i kite e kai managhuang
Imang Mawantugē masēllahē, ku
seng nakasuē solong tēngon Ma-
wu Ruata – ku kai i Sie i Ye-
sus Ahus'u Ruata. ¹⁵ Imang i kite
Mawantugē ene, walineuwe imang
ku tawe makapapēndang dingang
kalawou kasasigēsā i kite e. Rali-
une, i Sie kai seng nisaḷuka-
teng suralungu patiku sabarang,
mēsulungkewelain i kite hala e;
kētaeweng i Sie kawe tawē dosa-
ne! ¹⁶ Ualingu ene tangū, i kite e
mētumbahaniko tumatēngo Ma-
wu Ruata ku mēpēparentawe ri-
ngangu naung'E mapia e. Mawu
Ruata e sarung kumēndag'i kite
dingangu mēngalamatē si kite ta-
deau i kite e makahombangbe
tulūmang ku mēkētabeng tempo-
ne.

5 Apaeweng imang mawantugē
nipile wou taloarang tauma-
ta e, ku nihengkē makoā mēta-
tangkiang Duata e kai nakoā kere
tumēllang i sire. Halē e ute kai
mēnēnarakangu manga ghaghelli

dingangkewen manga sasēmba e waugu kalaampung u rosa e su Mawu Ruata e. ²Imang mawantugē ene e mēngkatewe napene u karalome ku ualingu ene u te wotonge mētēngkasikome su tēngon sai-sai apaeweng bēgang apa-apa ringangu kinapalidangu ralenge. ³Ku ualingu i sie hala e kawe lome, ute i sie hinong mēnarakangu sasēmba ringangu manga ghaghelli, balinewe kētaeng ualingu rosan taumata e, kaiso kawe ualingu rosane hala. ⁴Tawē apa sarang sēngkatau ku mētēngkarui u watangenge hala makoā imang mawantugē e. Tau-mata makoā imang mawantugē e, kamagengu Ruata e mēkui si sie waugu ene e – mēsulungkewe i Harun.

⁵Kerene lai i Kristus. I Sie tawe nēndui u watangenge hala nakoā Imang Mawantugē. Mawu Ruata e sēsane nēndui i Sie. Duata e nēhengetang si Sie,

”I Kau e Ahusē’Ku;
sahello ini, Ia makoā i
Amang’U.”

⁶ Su tampa baline e Mawu Ruata e maļaing nēhengetang,

”I Kau e kai Imang sarang kakalē,
mēsulungu Imang
Melkisedek.”

⁷Su tempong pēbawiah’i Yesus su dunia ini e, i Sie nēkaliomaneng dingangu kuka-kindoa pia tingihe maiha dingangu kasangi e su Mawu Ruata, kawasa mēngambang si Sie wou papate. Ku ualingu i Sie kawe sūsasimpello su Mawu Ruata ringangu kalawou adatē e, tangu i Sie rēdaringihang. ⁸Mawu Yesus e kai Ahus’u Ruata, kai manilaing kerene, i Sie kawe nēngēndung nētēngkasatia wou kasasigesa e. ⁹Tangū samurin Sie nipakariadi mananaļamatē kakalē baugu patiku taumata matatuhu si Sie, ¹⁰dingangu Mawu Ruata e maļaing nēlahē u i Sie kai sēngkatau Imang Mawantugē, mēsulungu Imang Melkisedek!

Tatahēndung

¹¹Su halē u kaļaianeng i Yesus nakoā Imang Mawantugē e kai maļawo hinong i habar’i kami si kamene, kaiso kawe masusa pēnualagenge, watuu i kamene kai marēngu makaēnna. ¹²Tuhu

hinone kai seng tempone i kame-
ne makoꝝ mananěntiro, kuteu i
kamene kawē nꝝung deng bėđang
mėngėndung bꝝu waline su hałę
u wałohu tėntirong Mawu Rua-
ta e humotong. I kamene reng
bėđang tawe makatarima u kaėng
makakėti; u i kamene kai hi-
nong bėđang manginung susu sa-
matang. ¹³I sain bėđang mangi-
nung susu e ute, mėlėlahėu i sie
wėđang taławuꝝ; deng tawę ěba e
su kasingkaꝝ mapatirałang apang
nihino ringangu apang nėsala.
¹⁴Kaėng makėti e kai waugu tau-
mata matėllang e ualėngkewen
karałembong ěba i sire, ku seng
makakoꝝ mapėđalaħaen sude ma-
pia ringangu sude rałaki e.

6 Ualėngu ene, tangú i kite e
mėngalėngko su manga tėnti-
ro tuħu e maꝝnueng kałahunti-
madu pėbawiaħu taumatan Saha-
ni, ku abe kawē kėtaeng mėngin-
dunu su tėntirong agamang kite
humotonge. Kumbahang i kite e
saꝝ mėluka u tėntiro ku seng pi-
namałohė e, u taumata e hinong
mėtobatė bꝝu mėkoꝝ kaławꝝu
saħarang haħhi ta kėhase, ku hi-
nong mangimang su Mawu Rua-
ta e, ²arau su wanggilu tėntirong
hałę u pananahani arau maꝝnung
pėnanėlidu lima su taumata, arau

maꝝnun pėbawangung u tauma-
ta nate e arau hukumang kakalė.

³Kereu Mawu e mapakawalang
kite e ute mahie i kite dumakiko-
we sołong manga tėntiro tuħu e!

⁴Batuu i sai-saing ku seng
timalikudė e, semben tawe ika-
wihing kapia. Nꝝung kałimona e
i sire seng surałungu tualag'u
Mawu Ruata ku sembeng naka-
teėng laonggo e. I sire e sem-
belaing baławe kawasang Rohkė
Susi e. ⁵I sire nasingka bꝝu ki-
napėndangeng i sire u henge-
tangu Mawu Ruata e kai ma-
pia, ku i sire seng nakatemang
kaławꝝu tatalėntu napene u ka-
wasa su tempo kađėntane. ⁶A-
rawe samuring ene i sire kawē
tumatalikudė! Ku kawē makoꝝ
kereapa mēmihing si sire kapia
tadeaꝝ saꝝ kapia mėtobatė bꝝu
kaławꝝu rosan sire. Batuu i sire
kai kapėngėnguruise Aħus'u Rua-
ta e lai ringangu mapakasamed'i
Sie su tėngon lawꝝ.

⁷U ěntana ku mėnėnėsu aķe
u tahiti e masau mahondosė su
wowone, ku bꝝu ene mapaten-
dangu manga sasuang pia ualėne
waug'i sai-sain mėlėħėnsinuang e,
ėntana ene alaumatengu Ruata.
⁸Kai kereu ěntana ene kawē ma-
patuwong ěħe ringangu sumpini,

ute ěntana ene tawę gunane, kų sarung aneęngu Ruata kų samurine ketewe pakasue ipakatutung.

⁹Kai manga anau sęmbau ikęķęndagę, manimbe waweraku kerene, kaiso i kami e mang mąngiaking i kamene. I kami e mąngiaking u i kamene seng nakatarima u limembong kapiane, kų kai kaławou ałamatę kere nakoą buą u kasasałamat'i kamene. ¹⁰Mawu Ruata e wałine-we Ruata ta kaadile. I Sie tawe miwawułeng munara kękoateng i kamene waug'i Sie, ringangu kakęndag'i kamene kų seng niata-tode i kamene si Sie su tempong nętułungu manga anau sęmbau tamba pangangimang, naung kałamona ringangu sarang orasę ini. ¹¹I kami e męķękahumang u małowoko i kamene sęngkatau-sęngkatau e męngkai sęntinia małaisę sarang pangęnsueęnge, sarangkewe i kamene makahombang apaeweng lęharapeng i kamene ene. ¹²I kami e tawe mapulu i kamene kawę tawę agise. Kai i kami e kawę mapulu tadeau i kamene mębiahę kere taumata makatarima u apang nikędon Duata e, kahiangkewen pangangimang si Sie ringangu kahiang

kakakędangu pęngangampałi kamene.

Pękakędon Duata e tawe mębawałui

¹³Pia e Mawu Ruata nęķędo si Abraham, i Sie kai nęsalu^b u i Sie sarung mapakasęhu u apang nikędon'E. Mase ualingu kawę tawę limembong karangę e wou Mawu Ruata, tangu i Sie nęsalu su areng'E sęsane. ¹⁴I Sie nęhengetang ungkuęng, "Ia e nęķędo sarung męngalałamatę si kau ringangu mapakaławou hęntonu." ¹⁵I Abraham nęngampałę dingangu kakakędang, tangu i sie nakatarima u apang nikędon Duata e si sie. ¹⁶Kamageng u taumata e męsalu, ute kawę męsalu su arengu taumata wałine kų limembong karangę e wou i sie, ute pęsasalu ene kai mapakasueng kaławou pędararendehę. ¹⁷Mawu Ruata e kai mapakasahe suapang taumata kų męnęnarima u kędon'E, u i Sie tawę sarang męmałui karakin'E. Kai ualingu ene hakiu i Sie napakasęgadu pęsasalun'E su pękakędon'E. ¹⁸Hałę darua ene

^b nętewa = bersumpah

6:8: Pęnd. 3:17-18 6:14: Pęnd. 22:16-17

tawe mawałui: Mawu Ruata e apawe tawę bęke męķękonti e su hałę u pękakędon'E ringangu sa-lun'E. Uałingu ene, i kite apang seng maķakęllung su Mawu Ruata e, ghęęęllirangu wawahansang masęgadę baugu mangumpaede pakasęgadę su pęlaharapę ku seng małaempahę su tęngong kite e. ¹⁹ Pęlaharap'i kite e kai kere wałango nakai marałung-dałung dingangu nakoą pęngangumbele-kang matoghasę dingangu tawę konsange apa su pębawiah'i kite e. Pęlaharapę ene nętahatępasu rałanse surałungu Huang Kasusiange su Wanalan Duata su sor-ga. ²⁰ Mawu Yesus seng nęnu-lętang^c dałeng sołong tampa ene waugu i kite, ringangu selaing nasuę sene nakoą Imang i kite Mawantugę e sarang maręngu-dęngu męsułungu i Melkisedek.

Imang i Melkisedek

7 I Melkisedek ini e kai ratung Salem dingangu imang u Mawu Karangetange. Pia e i Abraham naung nawalı bou pęseketang ku nakawata e manga ratu e, i Melkisedek dimęnta nanęnsomahę dingang-

u nęngalaťmatę si sie. ² Tangu i Abraham nęęęęliu sęngkapułong kapahiakengu kaławou aręta kinauntungange. (Areng Melkisedek mangalene kahumotong-motongange ute kai, "Ratung Kaa-dilę"; ku uałingu i sie kai ratun Salem, tangu arenge pia lai mangalene, "Ratung Karałunsemahę".) ³ Maanung Melkisedek ini e tawę tatualage waebe su apa u i sie pia i amange arau i nina-nange arau iupunge; tawę apa lai węken sie maanung kałaiwan-tele arau kapapohonge. I sie kai męsułungu Ahusu Ruata; i sie kai imang sarang karęngu e.

⁴ Ku i kite nakasilo e sini u kai naung apa e kasęllahe i Melkisedek ini e; hakiu i Abraham i upung i kite e, nęngonggou sęngkapułong kapahiakengu aręta kinaębakenge wou pęseketang ene. ⁵ Surałungu toratu agamang Yahudi e seng nipato u, manga imang hęnton Lewi e hinong makaęba sęngkapułong kapahiakeng bou ębaų kawanuan Israel, bou anaų sęmbau i sire hala maning-be i sire męsułung lawo pałahiteng Abraham. ⁶ I Melkisedek bałinewe hęnton Lewi, kaiso i sie małaing męnęnarima u sęngka-

^c nęmębasę = merintis

tahapulang kapahiakeng bou patiku apan nikauntungang i Abraham dingangu nengalamatē lai si Abraham ualingu i sie kawe seng kinawuakeng u manga pekakēdon Mawu Ruata e. ⁷Mamben tawe karendehang, u taumata ku nialamateng e kai limenbong kasana e wou taumata ku nengalamatē si sie. ⁸Manga imang ku apan nikawuakengu pēsengkatahapulang kapahiakeng e kai taumata ku botonge mate. Arawe tumuhu Bukē Susi e; i Melkisedek ku seng nēnarima gaghelli sengkatahapulang kapahiakeng e ene ute, kai taumata tēbe wiahē. ⁹Botonge i kawera u, i Lewi – e kai hēntone ku manarima u sengkatahapulang kapahiakeng e wou kawanuang Israel – ku malaing mēmaehē bua e ene limiung Abraham su tempong i Abraham mēmaehē ene si Melkisedek. ¹⁰Manilaing i Lewi wotang ta nilēhana, kaiso wotonge i kawera u i sie seng ene su kaluwaeng i upunge i Abraham, su tempong i Melkisedek nēsombang i Abraham.

¹¹Su limang pēmamihingu manga imangu hiten Lewi e, torat'u agamang Yahudi e niongo su kawanuang Israel. Ualingu manga imang hiten Lewi nung

kalamona e tawe makakakoa sēngapa wou apang hinong koateng i sire e, hakiu ene kai hinong pia imang baline, ku mēsulungu imang i Melkisedek, ku senbeng balinewe lai nirui bou ghalipohong hiten Harun! ¹²Ho, ka-



Imang i Lewi (7:11)

mageng u pangkat'u manga imange mēbalui, ute torat'u agamang Yahudi e malaing hinong mēbalui. ¹³Ku timonane sini ute kai Mawung kite: i Sie kai wou hēnto woline, ku bou hēnto ene taweu sarang sengkatau mēmēmunara munarang sengkatau imang. ¹⁴Kēbi taumata e masingka u Mawung kite e kai

wou hěntong Yehuda; ringangu i Musa e tawe nēsēsēba u hěnto ene su tempong i sie mǎhumbisarang halē u manga imang.

Sěngkatau imang baline kere i Melkisedek

¹⁵ Halē ipǎhumbisara ini e mangkeng nēngalembong katualage lai, kahian sasasēpu u sěngkatau imang baline kere i Melkisedek. ¹⁶I sie nirui nakoǎ imang, balinewe ualingu pinēbuakenge wou kalawou parentang taumata e, kaiso kawē nēbua bou pēbawiahe kawē kawasa e ringangu tawē pēhēpusange. ¹⁷Batuu suralungu Bukē Susi e niwera u, "I Kau e kai imang sarang karēngu e, mēsulungu imang Melkisedek." ¹⁸Ku orasē ini e atorang tēbe e seng nipakaliu, batuu seng malongko dingangu seng tawē gunane. ¹⁹Torat'u agamang Yahudi e tawe makakoǎ sarang manga apa ku masuku. Ualingu ene hakiu i kite orasē ini e nighēllirangu sēmbau pēlaharapē nēngalembong kapiane; ku kai ualingu ene hakiu i kite e makakaraning Duata e.

²⁰Kuteu lai patiku ene rēdēndinganengu lai sasalu wou

anun Duata e. Tawē apa pēsasalu kerene su tempong manga imang baline e nirui. ²¹Arawe Mawu Yesus e nirui nakoǎ imange kai piǎ salune, su tempong Mawu Ruata e nēhengetang si Sie,

"Mawu e seng nēsalu, ku i Sie seng tawē mēmaui kapulun'E, 'I Kau e kai imang sarang karēngu e.'"

²²Dingangu ene lai Mawu Yesus e nakoǎ tatalung^d baugu sēmbau pēkakakēdo ku limembong kapiane.

²³Piako lai halē sēmbau: ku manga imang baline e kai malawo, batuu i sire sěngkatau-sěngkatau e nēngkairi, hakiu tawe makapēnēpasu pangkat'i sire. ²⁴Kai arawe i Yesus e wiahē sarang karēngu e, ku pangkat'E kawē sěngkatau imange tawe nailasē su taumata waline. ²⁵Ualingu ene sarang karēngu e Mawu Yesus e makasalamatē si sai-sai rumēnta su anun Mawu Ruata lumiun Sie, batuu i Sie e wiahē sarang karēngu e mēdeau mapēdarumatingu kakindoǎ su Mawu Ruata e waug'i sire.

^d masuha = jaminan

7:17: Mzm. 110:4 7:21: Mzm. 110:4

²⁶Ku i Yesus e tangu kai Imang Mawantugë gëgausang i kite e. I Sie kai susi; ku si Sie tawe kaëbakeng pësasala, arau rosa mënsang a. I Sie nitënta-ni wou taumata waradosa e, ringangu nihengke solong tanpa ku nëngalembong karangë e wou manga langi e. ²⁷I Sie wali-newe kere manga imang mawantugë baline e, ku apang kalaëllo e mëngkai manarakangu sasëmbae ualingken dosang sire hala naung kalamona e, bou e wuhüewe ualingu kalawou rosang sengkawanuaënge. Mawu Yesus e këtäengbeng sënsule nënarakang u sasëmbane wangu sarang marëngudëngu, pia e i Sie nënarakang u watangeng'E hala nakoä sasëmba. ²⁸Torat'u agamang Yahudi e kai mëlëhengke u taumata apang tawe masasuku e ipakakoä imang mawantugë e. Kaiso samuring toratë ene, Mawu Ruata e nëtaingu pëkakëdone apidu nësalu u i Sie kai mëhengke u Ahuse makoa Imang Mawantugë, ku seng nikoä Mënanalamatë ku nasuku baugu sarang karëngu e.

I Yesus, Imang i kite Mawantugë e

8 Banggilu patiku palahumbi-sara ini ute: I kite kai managhuang Imang i kite Mawantugë e kerene, ku maiang su koanengu Mawu Kasëllahenge su sorga ku sëngkapëparenta ringang'E. ²I Sie mëdëndaleng u munarang sëngkatau Imang Mawantugë e su Huang Kasusiange, ku suralungu Selong Mawu tutune, ku nirarisi u Mawu e, wali-newe ualingu kinoä u taumata.

³Apang imang mawantugë e nirui baugu iapangëntudë sasëmba arau laonggo su Mawu Ruata e. Kerene lai Imang i kite e Mawantugë e; i Sie harusëbe pia manga apa-apa wangu isëmbane. ⁴Mangaewe i Sie ene su dunia ini e, ute i Sie angkeëng tawe nakoä imang, batuu kai seng pia imang ku mëngëngëntudu sasëmba tuhüewe tilakehu torat'u agamang Yahudi e. ⁵Halë këkoateng i sire manga imange tumuhu dalenge ute këtäeng sëmbau sulunge ri-

ngangu kēngkaung apaeweng su-
ra_ṛlungu sorga e. Ku ene sembeng
niul_ṛiu Mawu Ruata e, si Musa
naung ka_ṛlamona e, pia i Mu-
sa naung mapulu mēmēti Selong
Mawu e. Mawu e nēhengetang
si Musa kereini, "Pakapia wue!
Kēbi e harusēbe koa u tuhewe
umbaghane^e kere nitode si kame-
ne su wowong bu_ṛlude." ⁶ Arawe
orasē ini tangu Mawu Yesus e
kinawuakengu pangkatē imang li-
membong kawantuge marau wou-
ten ni_ṛkakoa u manga imang ene.
Bat_ṛuu pēkakakēdo niko_ṛa'E su-
ta_ṛloarang Mawu Ruata ringangu
taumata e ute kai pēkakakēdo ku
nēngalembong kapi_ṛane ua_ṛlingu
niwalang kēdo waugu ka_ṛlawou
munara limembong kapi_ṛane.

⁷ Mangaewe tawē apa sung-
ka_ṛlene su pēkakakēdo humotong
e, tangu seng hinong tawa_ṛha_ṛlua-
su pia pēkakakēdo karuane. ⁸ Kai
Mawu Ruata e seng nakaēba
pēsasa_ṛlang manga umat'E, haki_ṛu
Mawu Ruata e nēhengetang,

"Ene ēng, sarung mi_ṛdating
tempone,

Ia e sarung mēko_ṛa pēka-
kakēdo wuhu su tau Israel
dingangu su tau Yehuda.

⁹ Ba_ṛlinewe kere pēkakakēdo ku
seng taku niko_ṛa baugu
manga i upung i sire,
su tempong Ia nēngaha i
sire niapasēbang bou
ēntanang Misirē e.

I sire tawē satiane su
pēkakakēdo taku kino_ṛa baug'i
sire;

ku ua_ṛlingu ene tangu Ia
tawē mēsasēmp_ṛi si sire.

¹⁰ Arawe orasē ini tangu kai ini
e pēkakakēdo ku sarung taku
koateng baugu kawanuang
Israel,

suapaeweng ēllo ramahi
ka_ṛdēntane, ungkuēngu
Mawu:

Ia e sarung mapalo_ṛhong
tita_ṛKu e su ēndumang i
sire,

ringangu wohe_ṛkang su
naung i sire.

Ia sarung mako_ṛa Duatan sire,
ringangu i sire sarung
mako_ṛa kawanua'Ku.

¹¹ I sire ta waha_ṛluasu
mētātēntiro lawo
sēmbalagheng,
arau mēpapaul_ṛi lawo i sire
ana_ṛu sēngkatau,

^e pola

8:5: Sas. 25:40 8:8-12: Yer. 31:31-34

'Kasingkako Mawu
Kasëllahenge.'

Batuu i sire këbî e, bôu
ghaghuwâ sarang darodo e
sarung masingkâ u Iâ e.

12 Iâ e sarungbe mangampung
kalawou pësasalan sire,
ringangu sembelaing tawe
mëtahëndung kalawou
rosan sire.

13 Dingangu pëmamoka u pëda-
riandi wuhu e sëmbaü, Duata
e nëkoa pëdariandi humotong e-
ne e nakoâ maghurang dingangu
natëbe; dingangu apang kû seng
maghurang e sarung malighâ lai
maparung.

Kakakoâ u pënananëmba su
dunia ringangu kakakoâ u
pënananëmba su sorga e

9 Pëdariandi humotonge tangu
piabe lai manga atorangu
palahamawu, dingangu piabe lai
waleng palahamawuang kû nikoâ
u taumata e. ²Selo sëmbaü nira-
risi kû su wahageang têngone e
isësëbâ Huang Susi. Sene tangu
piâ dalaedu solo kapapëllo, di-
ngangu piâ lai meda ringang-

u borotë sasëmba su Mawu
Ruata. ³Su wahageang dalunge,
su sëmbe kang dalanse^f karuane,
piâ huange isësëbâ Huang Ka-
susiange. ⁴Suralungu huang e e-
ne tangu piâ pananëmbaëng bôu
wulaeng baugu pënanawungang
dupa, ringangu piâ lai Peting
Pëdariandi natukusu papikunge
wulaeng. Suralungu Peti ene piâ
kuring buaeng kapapëllo lohong
manna, tëking i Harun kû seng
nëtumbalë, dingangu pëpalë ba-
tu rarua pinëmohekangu titang
Mawu mapulo. ⁵Su wowong Peti
ene kai piâ malækatë duang Ka-
tau, riadikang piâ papanide kû
mëlëlahëu rarëntang Mawu Rua-
ta e. Papanidu riadikang darua
ene nawingkahë su wowon tataka
Peti e, tampa u kalaampungu
rosa e. Kaiso këbî ini e tawe ika-
pahumbisara orasë ini pakaunsui.

⁶Kai kerene naung këbî seng
niatorë e. Ëllo-ëllo manga imang
mahunsuë suralungu selo watu-
hu têngone mëdeau makapëkara-
diahangu munarang sire. ⁷Apang
susuë su wahageang karalungang-
e wou selo e sëmatang imang
mawantugë e. Kû tumbaeng
lai sënsulë suralungu sëntaung

^f gorden

9:2: Sas. 26:1-30, 25:31-40, 23-30 **9:3:** Sas. 26:31-33 **9:4:** Sas. 30:1-6, 25:10-16,
16:33, Pët. 17:8-10, Sas. 25:16, Pang. 10:3-5 **9:5:** Sas. 25:18-22 **9:6:** Pët. 18:2-6

mëkoạ kerene. Kụ mang harusẹ pia daha kạbawawa mềdeạu isẹmba su Mawu Ruata e bau-gu watangenge ringangu waugu pẹsasalan sẹngkawanuag e ni-koạ i sire uạlingu tawe nakahẹngang. ⁸Dingangu atorange kerene, Rohkẹ Susi e nẹnode pi-nakalahe, u karẹngụeweng selo watuh'u tẹngo'e wẹdang dụdarisi, ute rarạlengang soạlong dalung'u Huang Kasusiang'E ene e wẹda-wen tawe niwẹbuka. ⁹Ini e kai sasihing su kakakoạ u tempo ini; mangalene apaeweng laonggo dingangu manga sasẹmba nipoto pinanẹmba Mawu Ruata e, tawe makakasukụ dalungu naungu taumata apang mẹmpẹbẹbawa sasẹmba e. ¹⁰Batu kalawou tundu tamai ene kẹtaengbeng mẹtẹtalahinong kakaeng, inu-mang dingangu kalawou haghing tundung pananusi. Kẹbi-kẹbi e sanatang manga atorangu tutuhụ gẹsi pakisẹmpike sarang tempone Mawu Ruata e managhupia katatalẹmbuhu.

¹¹Arawe i Kristus e seng dimẹnta kere rarẹntang Imang Mawantugẹ e waugu haghing munara mapapia e kụ semben tẹbe ene. Selong Mawu kụ pia i Sie

mẹkẹkoạ munarang sẹngkatau Imang Mawantugẹ e ute kai selo limembong kawantuge ringangu limembong kasukụ e. Ene walẹne-we nikoạ u taumata; mangalene asale walẹnewe wou dunia nịka-koạ ini e. ¹²I Kristus simuẹ su Huang Kasusiang surạlungu selo kẹtaeng sẹnsule sarang karẹngụ. Su tempo ene i Sie tawe nẹbawa rahang kambing esẹ e arau rahang pẹgoạu sapi waugu sasẹmba. I Sie kawe nẹbawa rahan'E sẹsane, kụ uạlingu ene i Sie tangu nẹliwir'i kite e sarang marẹngụ-dẹngụ. ¹³Dahang kambing dingangu rahang sapi esẹ dingangu ahing sasẹmba wou pẹgoạu sapi, nipẹnambusẹ taumata apaeweng dalakị tuhụ atorangu agama e tadeạu i sire ene mawurẹsi. ¹⁴Kụ kamagengu raha ringangu ahi ene makauhasẹ karạlakị i sire tuhụ dalungu agama, dumakeleng kate rahang Kristus! Kụ uạlingu kawe Rohkẹ kakalẹ e taigu, i Kristus e nẹnarakangu watangeng'E su Mawu Ruata nakoạ kere sẹmbau sasẹmba kụ nasukụ. Dahane nanguhasẹ dalungu naung i kite e wou tundung agama tawẹ kẹhase, tadeạu i kite makapẹtangkiangbe Mawu Ruata kụ biahẹ e.

¹⁵ Kai ualingu ene, i Kristus nakoꝝ Mananẽpase waug'u sẽmbau pẽdariandi wuhu, tadeau isain sem bõu nikuiang u Ruata e wotonge makatarima kalawõu alamatẽ kakalẽ kũ seng nikẽdon Duata e. Patikũ ene wotonge mariadi ualingu kai seng pia u nairi, kũ kai i Kristus; kũ kapahongẽ kawẽ nakaliwirẽ taumata wõu kalawõu pẽsasala nikoꝝ i sire su tempong pẽdariandi humotonge wẽdang kaðalenge.

¹⁶ Kereu pia suratu pananilakehu pusaka, ute harusẽbe lai pia tatialane u taumata kũ nẽkoꝝ suratẽ ene kawẽ seng nairi. ¹⁷ Batũu surat'u pusaka e tawẽ ikawali tẽntalang i sain nẽkoꝝ suratẽ ene wẽdang biahẽ. Suratẽ ene ikawali kẽtaeng kereu tau ene e seng nate e. ¹⁸ Ualingu ene pẽdariandi humotonge malaing hinong sẽgadengu raha. ¹⁹ Kahumotong-motongange i Musa e nẽhabaru kẽbi titang Mawu Ruata e su tau Israel. Bõu ene i Musa e nẽngala e raham manga anau sapi ringangu rahang kambing esẽ, bõu ene nilaukangu akẽ, mase nitatambuse su Bukẽ u manga Titang Mawu Ruata e ringangu su kẽbi apan tau Is-

rael kũ nipahi e ringangu rẽmpugu hisop dingangu manga rukũ u domba kũ awaẽ mahamũ mahunggurang. ²⁰ Apidu kãkoꝝ e ene i Musa kapẽberane, "Ini e kai rahan sasẽgadẽ pẽkakakẽdon Mawu Ruata e kũ hinong tuhukang i kamene." ²¹ Kũ dingangkewelaing kakakoꝝ e mẽsulung, i Musa e nẽnambusu raha ene lai su Selon Mawu ringangu su patikũ kakoatengu palahamawu e. ²² Kahẽngang buẽ, tuhũewẽ toratu agamang Yahudi e, seng masara patikũ sabarange ipakasusi ualingu raha e; mase rosa e kawẽ tumbau ikaampung kereu pia tatẽdo u raha e.

Pananarakang i Kristus e nakaampung dosa

²³ Dingangu kãkoꝝ kerene e manga sabarang kũ mẽlẽlahẽu apang su sorga e ipakasusi. Arawe wangu apang su sorga e hala gẽgausang gaghẽlli kũ limembong kapiane. ²⁴ Batũu i Kristus e kawẽ tawẽ simuẽ su Huang Kasusiangẽ kinoꝝ u taumata, kũ samatang mẽnẽnuladang Huang Susi tutunẽ. I Kristus hala e simuẽ su sorga; kũ sene, i Sie orasẽ ini e timatẽngom Mawu Ruata e



*Imang mawantugë su tampa kasusiange
(9:25)*

waugu i kite e. ²⁵ Imang u Yahudi mawantugë e taung-taung susuë suralungu Huang Kasusiange suralungu Walem Mawu mēbēbawa rahang binatang haghine sēmbau. Arawe i Kristus tangu walineuwe lai simuë mēdeau masau manēmbam batangeng'E. ²⁶ Batu angkeëng kai nāung masau i Sie hinong nētatahangu sunsara dokeng su tētau karariading dunia ini. Kuteu nāung orasē ini e i Sie kētabeng sēnsulē rimēnta baugu mēndēdasē dosa e ringangu mēnarakangu watangeng'E hala e. ²⁷ Mawu Ruata e seng nani-lakehē u taumata e tumbāeng sēnsulē mate e kŭ bōu ene ute pēlahukungu Mawu Ruata e.

²⁸ Kerene lai i Kristus e kētaeng sēnsulē nisarakang makoā kere ipēnēbusē dosan taumata lawō e. I Sie sarung dumēnta kapia su karuan sulene, balineuwe wau-gu mēnaludē dosa e, kaiso kawe waugu mapakasalamat'u taumata apang māngampalē darēntan'E.

10 Toratu agamang Yahudi e kētaeng māngonggōu kēngkaune kŭkēngkunawadē māanung halē mapia sarung dumēnta e ringangu walineuwe māanung halē ene tutune. Toratē ene apawe tawe makakasukŭ taumata apang dŭdēnta manēmba Ruata ringangu sasēmbang sire wēbawaēnge, manilaing taung-taung e mēngkai hanesē sidutu mēnēnarakangu sasēmba ghahī e sēmbau e. ² Mangawe i sai-saing kŭ mēnēnēmba Ruata e mambeng tēngadē seng nipakawurēsi wōu rosa e, tangu i sire sembe-laing tawē pēndang u piā dosang sire kŭ sasēmba e selaing tawe sarung ipēllo. ³ Kuteu luhude manga sasēmba ilēonggō apang taung e kawe mapētahēndung u taumata su kalawōu rosan sire, ⁴ batu mambeng tēngadē dahang sapi ringangu rahang kambing esē e tawe makakarēdasē dosa e.

⁵ Hakiu ene su tempong i Kristus narēnta su dunia, ku i Sie nēhengetang su Mawu Ruata,

"I Kau e tawe mēgaghausē laonggo dingangu sasēmba; kaiso i Kau e seng nēndiahing badangu waugu Ia e.

⁶ I Kau e nāung tawē karalua-se su sasēmba tinongka

arau su sasēmba waugu kalaampungu rosa e.

⁷ Tangu Ia e nēbera, 'Endaung Ia, Mawu!

Ia e kai rimēnta waugu mēkoā apang kapulun'U kerēwe mābawohē māa-nung batangeng'Ku e suralungu Winohe Susi e."

⁸ Humotong-motong i Kristus e nēhengetang, "I Kau e tawe mēgaghausē laonggo dingangu sasēmba; I Kau e tawē karalua-se su sasēmba binatang tinongka dingangu su sasēmba wau-gu kalaampungu rosa." I Kristus nēhengetang kerene, maning-be patiku sasēmba e nisarakang tuhu tiahang agamang Yahudi.

⁹ Bōu e i Kristus nēhengetang, "Endaung Ia, e Mawu! Ia e kai rimēnta waugu mēkoā apang kapulun'U." Ku Mawu Ruata e nēndēdasē patiku sasēmba nāung

kalamona e, ku niawengangu sasēmba i Kristus. ¹⁰ I Yesus Kristus seng nēkoā apang ikēkapulun Duata e ringangu nēnarakangu watangeng'E hala nakoā sasēmba. Dingangu sasēmba ene ku nikakoā e sēnsulē baugu sarang marēngu-dēngu, i kite kēbi e niwurēsi wou rosa e.

¹¹ Apaeweng imang tau Yahudi e mēmpēmēmunara apang kalaello e, ringangu mēngkai masau su sulene nēmpēnarakang u sasēmba ghahie mēsulung. Kaiso manga sasēmba ene manben tawe makakarēdasē dosa e. ¹² Kuteu, i Kristus kawe kētaeng sēnsulē nēnarakangu sasēmba waugu kalaampungu rosa, dingangu sasēmba ene kai waugu sarang marēngu-dēngu. Bōuten nangētudu sasēmba ene I Kristus e naiangko su koa-nengu Mawu Ruata e ku nēparenta sēngkapēparenta ringang'E. ¹³ Ku su orasē ini e i Kristus e mēngēngampalē sarang Mawu Ruata e mapēsubang duma-roka e si Sie. ¹⁴ Hatede, ringangu sasēmba sēmbau e, i Kristus mapakasuku u taumata apang seng niapakawurēsi wou rosa.

¹⁵ Su halë ene tangu, Rohkë Susi e maļaing nangonggō u sa-sahidine si kite. Rohkë Susi e nēhengetang,

¹⁶ " 'Ini e kai pēdariandi sarung Taku ikoā dingang'i sire suapaeweng ěllo ku sarung dumēnta e, 'ungkuēng u Mawu, 'Ia e sarung mēmēmbing u manga tita' Ku e apasū suralungu naung i sire, ringangu mamohē su ěndumang i sire.' "

¹⁷ Mawu Ruata e maļaing nēhengetang, "Ia e sarung mētimbuleng kaļawōu rosa e ringangu kararaļakis'i sire e."

¹⁸ Ku kaļawōu manga rosa e ringangu manga kararaļakisē e seng niampungang, ku seng tawahaļuasū lai itonda sasēmbang kalaampungu rosa e.

Bōete i kite mētēngkaraning Mawu Ruata e

¹⁹ Tangu, manga anau sēmbau, ualingu kapapohongu Mawu Yesus e, ute i kite e waha-ni sumuē su Huang Kasusiange. ²⁰ Mawu Yesus seng namuka raļeng buhu sēmbua waugu i kite

e, ku kai raļeng makaonggōu pēbawiahē. Ku daleng ene ute kai matēpasu rarēndunge,⁹ ku kai wadang i Kristus sēsane.

²¹ Ku i kite orasē ini e kai ma-na-guang sēngkatau imang mawan-tugē e ku maņawasa su Waļem Mawu Ruata e. ²² Ualingu ene ute i kite e mahuhaungken naung i kite e matoghasē su Mawu Ruata; ringangu pangangimang matoghasē, dingangu naung seng nawurēsi wōu pēndangu nēsala, ringangkewen badang ku seng ni-wurēsing ake matilang e. ²³ I kite e pētumpaedēko pakasēgadē su laakung pēlaharapi kite e, batu Ruata e kai kapangimangeng dingangu i Sie sarung mapakasēhū u kēdon'E. ²⁴ Dingangu i kite e riōko mēkakakēlla, tadeau i kite e lawōbe makapēbahansang baugu kumēndagu sēndinganeng i kite e ringangu mēkoabe halē mapia e. ²⁵ I kite e mēngkai pakakēhagē mēkomolē sēngkapēkomolē, dingangu kumbahangbe mēmpamalan pēkakakomolē e kerē e tundung sēngga e. Sēmbaliau i kite e kawē hinong limembong kasatiane mēsēsasasa, batu i kite masingka u selaing

⁹ raļanse = gorden

ta karēngu e Mawu e sarung dumēnta.

²⁶ Batu kamageng habarē tutune wou Mawu Ruata e seng nihabarē si kite, kuteu i kite mēngkawe sēntiniā mētētātude mēdosa e, ute semben tawē apa sasēmba sau ipēndēdasē dosang kite e. ²⁷ Kētaeweng piā dalenge mang sēmbau matagē baug'i kite e ku tumatēngo pēngadilangu Ruata e ringangu putungu ralangeh'E ku makatutung kēbi apan taumata rūdoka si Sie! ²⁸ Taumata ku tawe tumatuhu tiahān torat'i Musa e, ihukungu papate e tawē ampunge, kereu piā sahidine rarua arau tēllung katau, ku kinaēbakeng i sie kawe piā salane. ²⁹ Ene e limembong kawēhā e hukumang hinong buā u taumata ku mēnēnahida Ahusu Ruata e. Taumata ene tangu māngēna walinewe susi rahang pēdarianding Duata e, ku kai naung kapapohong i Kristus ku kawe namurēsi wou rosa e. I sie nēhinakang Rohkē mēngangonggou alamatē e. ³⁰ I kite e masingka u kai i sai tangu i Sie ku nēhengetang, "Ia e sarung mamalīsē! Ia e sarung mēhukung!" dingangu i Sie lai

nēbera u, "Mawu e sarung mēhukung u kawanuan'E." ³¹ Apa e makatatakū kereu manawo su līmang Mawu Ruata Wiahē e!

³² Pētahēndungko kereapa kakoa u manga anau sēmbau e naung su tempo naļu e. Su tempo ene, saraeng tua-lag'u Mawu Ruata e simarang si kamene e, i kamene mēngkai sēntiniā māsigēsā; kaiso i kamene mang tatapē mēkēkardiāhang masēgadē. ³³ Kadinga i kamene makahombang tatungkeang dingangu kēkoateng bawialaēngu taumata. Kadinga lai i kamene māsigēsā sēngkapētatahang dingang i sire apang kēkoateng kerene, ³⁴ dingangu i kamene mālaing makapēndang likibu tau-matang tahungku. Dingangu su tempong kēbi apang tētaghua-neng i kamene pulahoēng, i kamene tangu mēnarimā u ene ringangu naung māwasē, batu i kamene masingkau i kamene wēdang mānaghuang sēmbau ku limembong kapiāne, ku sarung mēdaragē sarang marēngūdēngu. ³⁵ Ualingu ene, kumbahang mēngkapēndu u naung i kamene, batu kamageng i kamene tēbewe māngimang, tangu

piabe wawalise masëllahë bau-
gu ene! ³⁶I kamene hinong
mëtingkëdang, tadeau i kamene e
makakatuhube kapulung Duata e
ringangu makahombang kasasëhu
u këdon'E. ³⁷Batuu suralungu
Bukë Susi e kabawohë,

"U seng kate kadodo
tempone,

tangu i Sie kü sarung
dumënta e seng ta
kararëne;

i Sie seng tawe mënoho u
tempon darëntan'E.

³⁸ Dingangu umatë'Ku
matulidë e sarung
mangimang kü mëbiahë;

kai kamageng u pia u wou
taloarang sire e sumoho,
tangu naung'Ku e tawë
karaluase si sie."

³⁹I kite ini e walinewe taumata
süsoho dingangu mapalidë. Kaiso
i kite e kawe taumata kü mangi-
mang su Mawu Ruata e ringangu
ipakasalamatë.

Pangangimang

11 Pangangimang mangalene
e kai tatialang managhuang
kalaiaking matoghasë
suapang lëharapeng, mangalene
ute kai pia karalahë u apan sa-

rung tawe ikasasilo e. ²Ualingu
pangangimang, tangu taumatang
kalimonane e makaluasë naungu
Mawu Ruata e.

³Ualingu pangangimang, ta-
ngu i kite e nakaënnu u dunia e
kai niriading hengetangu Mawu;
kü apang ikëkasilo e, madiadi
wou apang ta ikasasilo e.

⁴Ualingu pangangimang, ta-
ngu i Habel nangëntudu sasëmba-
bane limembong kapiane wou
sasëmbang Kain. Ualingu panga-
ngimange ene, i Habel nitarima u
Mawu Ruata kere taumata ma-
pia, batuu sembeng nalahë u Ma-
wu Ruata e nënarima u sasëmba-
ne. I Habel seng nate kaiso ka-
hian pangangimange ene, tangu i
sie wëdang mëbëbisara sarang o-
rasë ini.

⁵Ualingu pangangimang,
tangu i Henokh e tawe nate, kai-
so kawe niapakasapua dingangu
niapakakoa solong anung Mawu
Ruata e. Taweu sarang sengkata-
tau nakapësombang i sie, watuu
i sie seng niapakasapua u Ruata
e. Suralungu Bukë Susi e maba-
wohë u tëntalang i Henokh e reng
tawe nipakasapua e, i sie kai
makaluasë naungu Mawu Ruata
e. ⁶Kereu ta pangangimang, u-

te tawę u sarang sęngkatau ma-
ka_řuasę naungu Ruata e. Bat_řuu i
sain dumęnta su anun Duata e
harusę mangimangu Mawu Rua-
ta e ene, dingangu Mawu Ruata
e mangonggou wawalise su tau-
mata ku apang męmpędędeę si
Sie.

⁷Ua_řingu pangangimang, ta-
ngu i Noakę nipaulikangu Mawu
Ruata e ma_řanung ka_řawou apa
sarung mariadi e, ku tawe ika-
silon sie. I Noakę e ru_řdaringihę
Mawu e hakiu i sie nęlanging ka-
pa_řlę sęnggęsa ku samurine naung
kawe nakaambang si sie ringangu
ra_řlohon ba_řlene. Ua_řingu kawe ke-
rene ute dunia e nihukung, arawe
i Noakę hala e ute kahian panga-
ngimange tang_řu narekeng tauma-
ta mapia.

⁸Ua_řingu pangangimang ta-
ngu i Abraham du_řdaringihę Ma-
wu ku pia e Mawu k_řukui si sie
ringangu rimoloh'i sie apa_řkako_ř
solong banua ku nikędon Ma-
wu e si sie. B_řou e i Abraham
nębu_řa ku bęga wue męnsang ma-
ko_řa solong apa. ⁹Ua_řingu panga-
ngimang, i Abraham nętana kere
taumata raghi su wanua nikędon

Mawu e si sie. I Abraham nętana
sene sura_řlungu selo. Kerene lai i
Ishak dęduan Yakub, ku seng na-
katarima u kędo męsulung b_řou
anun Mawu e. ¹⁰Bat_řuu i Abra-
ham kai kapęngęngampa_řle soa
kękarakiang dingangu nilangu
Mawu Ruata e ku pia bawęntane
matoghasę e.

¹¹Ua_řingu pangangimang, ta-
ngu i Abraham nakahombang hi-
tene wo'i Sara, maning kuteu
i Abraham kawe seng tumanu
maghurang, dingangu i Sa-
ra e sęsane wanto. I Abraham
ma_řngiaking u Mawu Ruata e
sarung mapakasęhu u kędon'E.
¹²Manilaing i Abraham su tem-
po ene kere taumata wadange
seng nipatene, kaiso i sie naka-
hombangke hitene ma_řawo, hakiu
kahiang ka_řawoę tangu seng ta
kinarekenang^h – kere ka_řawou
wituing su la_řngi dingangu ęne
su apeng.

¹³Patiku taumata ene tębe-
we męmpangimang sarang nate
e. I sire tawe nakahombang ka-
sasęhu pękakędon Duata e, kai-
so kętaeweng męmpamanda ri-
ngangu mępanęnsomahę b_řou

^h ta nikati_ř = tidak terhitung

11:7: Pęnd. 6:13-22 11:8: Pęnd. 12:1-5 11:9: Pęnd. 35:27

11:11: Pęnd. 18:11-14, 21:2 11:12: Pęnd. 15:5, 22:17, 32:12 11:13: Pęnd. 23:4,
1Kar. 29:15, Mzm. 39:13

marauene. Ku ualingu ene ute i sire mauḷiu i sire kētaeweng tau-mata raghi dingangu mananum-pang su dunia ini e. ¹⁴Taumata ku mēbēbera kerene ute mauḷi malahe u i sire kai kapēdēdeḷa e soa ku sarung makoa banuan sire tutune. ¹⁵Balinewe soa ku seng tinēntang i sire e tētinnēnaēng e. Batu kamageng kawe kerene ute, nalahe u seng lawo loahe si sire ku makapēsulē kapia solong banua ene. ¹⁶Kalahe e tangu, i sire kai mēkēkarimangu soa sēmbau limembong kapiane, ku kai soa su sorga. Kai ene hakū Mawu Ruata e tawe mamea keru i sire mēsēba i Sie Ruatan sire e, batu Ruata e seng nēndiahing soa sēmbau baugu i sire e.

¹⁷Ualingu pangangimang lai, tangu i Abraham nēnarakang i Ishak nakoḷa kere sasēmba pia i sie wēbanikateng u Ruata. Seng si Abraham sēsane Mawu Ruata e nangongḡou pēkakēdon'E, kaiso i Abraham mambeng napakawalang manarakangu ana e mang tumbau sēmbau ene. ¹⁸Mawu Ruata e seng nēhengetang si Abraham, "U kai wou i Ishak ini e i kau sarung makahombang palahi-

te nāung Taku nikēdo si kame-ne." ¹⁹I Abraham mangiaking u Ruata e kawasa mapēbiah'i Ishak kapia e wou papatene e – ku botonge i kawera u i Abraham seng nakaule si Ishak kapia wou papate.

²⁰Ualingu pangangimang, tangu i Ishak e mēkēkēdong alamatē e si Yakub dēduang Esau waugu tempo ramahi.

²¹Ualingu pangangimang, tangu tēntalang deng i Yakub bēdang biahē e i sie nēngalamatē ana i Yusuf – dingangu mēnumēking su tēking e ku nēkaliomaneng su Mawu.

²²Ualingu pangangimang, tangu i Yusuf – pia e nāung maraning mairi – mēbēberang halē u sasēbangu tau Israel bou Misirē, apidu timanatang halē u pēnampa u malet'i sie.

²³Ualingu pangangimang, tangu gaghurang i Musa e namuning sie tellu wulang karēngu e bouten sie pinēhēnding. I sire nakasilo u i sie kai rariḡ mahole, dingangu i sire tawe matakū u parentan datu e.

²⁴Ualingu pangangimang, tangu i Musa sarangke nasa-

11:17: Pēnd. 22:1-14 11:18: Pēnd. 21:12 11:20: Pēnd. 27:27-29, 39-40

11:21: Pēnd. 47:31-48:20 11:22: Pēnd. 50:24-25, Sas. 13:19 11:23: Sas. 2:2, 1:22

riā e, tawe mapulu isēbā a-
hus'u sangiangū ratung Misirē e.
25 I sie ěndokangbe sēngkapētata-
hangu sigēsā dingangu kawanuan
Mawu Ruata e sulungu makaun-
tung daluasu rosa e ghēnnangu
sēngkatempo. 26 I Musa e na-
kapēndang u nēngalembong
kaarēgane marau kū makaēbā sa-
samedē baugu Ratu Mēnana-
matē nikēdong Duata e sulungu
makaēbā kalawou arētā u wa-
nuan Misirē e, watū i Musa e
kai mēlēharapē bawalise su tem-
po ramahī e.

27 Ualingu pangangimang, ta-
ngu i Musa e nanētangu Mi-
sirē e tawē kadiongeng takū e
su ralangehu ratu e. I Musa e
mēngkai malintoī mēnēnuntūewe
tētmonaēnge, mēsulungu i sie
seng nakasilo Mawu Ruata e kū
ta ikasasilo. 28 Ualingu pangangi-
mang, tangu i Musa e nakapēkoā
e Paska e ringangu nēngoro ta-
deāu pakītambuseng daha su tu-
kadu walēn tau Israel, maḍiringu
Malāekat'u Papate e maminasa
manga ana'i sire laiakang e.

29 Ualingu pangangimang e,
tangu tau Israel nakaliu lau-
du Kolsum, kū i sire alingkai
rudaleng su ěntana mamara, ara-
we tau Misirē e kawē niselohu
laudē ene, piā i sire mēnēnaluka
lumiū.

30 Ualingu pangangimang, ta-
ngū tau Israelē e nakakahaka
meselu Yerikho sarangke wou ta-
ghalē lēlikutang i sire pitu ěllo
karēngu e. 31 Ualingu lai panga-
ngimang tangū i Rahab bawine
tahapēsundalē ene tawe nikapa-
te sēngkakapate ringangu tauma-
ta apang dūdoka Mawu Rua-
ta e; batū i sie nēnarimabeng
dingangu naung maḷuasē su
mananumpang anune, waugu
mēmpēpahimang tau Israelē e.

32 Ho, Ia e wotonge lai
mēngkate hanesē mēbēbera,
kutēu tempoku e kawē tawe ma-
kaiangē.ⁱ Batū ia bēdang lai
tawe nēsēsēbā i Gideon, i Barak,
i Simeon, i Yefta, i Daud, i Sa-
muelē, ringangu mangaewe nabi.
33 Ualingu pangangimang, tangu
i sire seng nakawata manga ka-

ⁱ piā kētakege = ada batasnya

11:24: Sas. 2:10-12 11:27: Sas. 2:15 11:28: Sas. 12:21-30 11:29: Sas. 14:21-31
11:30: Yos. 6:12-21 11:31: Yos. 6:22-25, 2:1-21 11:32: Mēl. 6:11-8:32, 4:6-5:31,
13:2-16:31, 11:1-12:7, 1Sam. 16:1-1Rat. 2:11, 1Sam. 1:1-25:1

raratuange. I sire mēmpēkēkoabe apang matulidē e hakiu i sire mambeng nakatarima u apang nikēdon Mawu Ruata e. I sire napēkēmming u kaławou mohongu singa, ³⁴manēbu putung masasaria, makatihō bōu horong peda. I sire e kai lome, kuteu kawe matoghasē supēseke-tange, hakiu makabata manga wuntuangu tau raghi. ³⁵Ualingu pangangimang, tangu manga wawine saū kapia nakahombang taumatan sire kŭ seng bōu nate.

Piāben lai mapulu sunsa-raēng sarang mate, ringangu u madiri ipakaliu, ualingu mapulu ipēbangung kapia mēdeau makauli pēbawiahē sēmbau kŭ limembong kapi-ane. ³⁶Piābeng lēheghesang, lēli-madeng, lēhanteēng, dingangu u piā lai tētahungkutang. ³⁷I sire naung lēntungangu watu sarang pakapate, piāben lai pēpentehangu lahaghari, ringangu pēpatēngu peda. I sire mēpēpapalili mēmpēpapedetu pi-sing domba arau pising kam-bing; i sire kai taumata kasiang, tētingkaitang dingangu sēsigēsa-

keng. ³⁸Dunia ini e walineuwe hi-nong pēmamanuaēng i sire. I sire e kai mēmpēpapalili su kēhu ling-gi ringangu su manga wawulu-range, arau mēmpētētana su-raľungu liang dingangu suraľungu manga lohangu ěntana.

³⁹Enē e kasariane wata i sire kēbi ualingu pangangimang i sire! Kaiso i sire tawe nēmpanarima u apang nikēdon Duata e, ⁴⁰batu Mawu Ruata e kai piā hingide li-membong kapi-ane waug'i kite e. Hingide ute kētaeng dingang i kite e, kŭ i sire sarung ipakasukŭ.

Duata i Amang i kite e

12 Ho, ěndaibe i kite ha-la e tētaľiwungang u sa-hidi kereng kakēpaľ! Ualingu e-ne tangu i kite e mēmēľlokong kaławou apang mēmēha si kite e, dingangu rosa e sētnia mēngkate mētētēndēka si kite e. Kŭ i kite e pakatatoelē bue su pētandungang^j tētatēngoēng i kite e. ²Kŭ timonang kite e pakatuntube soľong anun Ma-wu Yesus, u kai i Sie na-mangung pangangimang i kite e ringangu nēpaduli wou tētae

^j pētandungang = perlombaan

11:33: Dan. 6:1-27 11:34: Dan. 3:1-30 11:35: 1Rat. 17:17-24, 2Rat. 4:25-37
11:36: 1Rat. 22:26-27, 2Kar. 18:25-26, Yer. 20:2, 37:15, 38:6 11:37: 2Kar. 24:21

soḷong pangēnsueēnge. Mawu Yesus mēdēdararagu sigēsā su kalu kuruisē! I Sie tawe mēdariang mate su kalu kuruisē e kawe apa e makamea. I Sie kētaeweng mētētahēndung karaluasē kū sarung kapēndangeng'E su samurine. Orasē ini e i Sie māiang su koanengu kaḷaianengu Mawu Ruata e, kū mēpēparenta sēngkapēparenta ringang'E.

³ Kēnnang pēngēna kai ke-reapa sigēsā u Mawu Yesus tūtātēngo raḷawangu taumata waradosa kū kereng katēdu e! Ualingu ene tangu abe pēmpētēngkalomeng naung i kamene ringangu abe kēngkapēndu. ⁴ Batuu suralungu pēkakaradihang i kamene mēseke u rosa e, bēdangbe lain tawe mēsēseke sarang tēdokangu raha e. ⁵ Dingangu abe kiwulei sasasang Mawu Ruata e, kū seng niongo si kamene kere manga ana'E:

"Ana'Ku, pakatitike wue pakapia-pia tēntirong Mawu e,
dingangu abe kēngkanawo
naung'i kamene,
kamagengu i Sie
lumangehē si kamene.

⁶ Batuu Mawu e mānēntiro
apang taumata kū
ikēkēndag'E,

dingangu i Sie
mēgēnggeserē si sain-sain
kū niakun'E kere ana'E."

⁷ Kū i kamene pēmpēnarima bue papahang u Ruata e kere sēmbau tēntirong sēngkatau i amang. U sude wue mādiadi kū ana tawe papahangeng i amang? ⁸ Kereu i kamene tawe papahangeng kere kēbi manga rariḷ baline ini e, ute i kamene waḷinewe ana tutune, kaiso kawe ana su wela. ⁹ I kitē e kawe pia i amang i kitē su dunia. I Sie mānēntiro si kitē mase i kitē e māngadatē si Sie. Kū li-membo miēba i Amang i kitē marohkē su sorga e, naḷahē u i kitē e hinong sauneng kumakoho si Sie tadeau i kitē e mēbiahē. ¹⁰ Manga gaghurang i kitē su dunia e mānēntiro si kitē suralungu tempo pia kētakege, tuḷewe su pēndangeng i sire kawe mapia. Arawe Mawu Ruata e mānēntiro si kitē e kawe waugu kapiang kitē hala, mēdeau i kitē e ipakasusi ringang'E. ¹¹ Kahēngang bue, su tempong i kitē e tētēntiroēng, papahang ene tawe nēta-taḷahino su naung i kitē e, kaiso kai makakasusa. Kai samurine ute, waug'i kitē kū apang seng bou nitēntiroēng tangu, papahang ene makapēbēbiahē si kitē e tūtuḷu

kapulun Duata, ku mapëbëbuam pëndangu karalunsemahë si kite e.

Laaha dingangu tatahëndung

¹² Batuu ene tangu ëndai hengke takiahu nëlome e, ringangu hatedëko wukunu kükende ene! ¹³ Ku pëmpahundalengko sidutu suraleng matene, tadeakengu laedu këmpalë e tawe mëgaghalisa, kaiso kawe sauneng mahuntinambang kapiane.

¹⁴ Pëmpëtumëgalëko pëdaramë ringangu këbi taumata e. Pëdeako kasasusi samatang bawgu Mawu e. Batuu taweu sarang sengkatau makasilo Mawu e kereu i sie tawe mëbiahë kerene. ¹⁵ Pakatanure wue kumbahang sarang pia sengkatau sumëbang bou kapiang tatalëntu u Mawu e, tadeau kumbahangbe pia u mako kere kalu makakilu sutalorang kamene ku makasahaghe ringangu makagholang taumata lawo e kahian daghuse. ¹⁶ Pakatanure wue u kumbahang pia mawuang arau pia u tawë pandungane su pëbawiahë marohkë e, kere naung këkoateng i Esau. I sie nëbalu u kalaiakange,

tumbaeng ualingu kaëng sëlama.

¹⁷ I kamene masingkau wou ene i Esau mapulu makahombang alamatë ene wo'i amange, kuteu i sie kai nisuhudë. Batuu manilaing dingangu kakia i sie mëdëdeä dalengu mëmalui pësa-salane, kai i sie seng tawe nakareä loahe wangu ene.

¹⁸ Manga anau sëmbau tawe rimënta tumatëngo muna-ra sëmbau e kere tëtätëngoëng u tau Israelë e naung. I sire tütatëngowe apang hinong ikëkasaghipo, ku kai wulud'u Sinai ringangu putunge ku kararamasage rudëlli e; i sire tütatëngo kararëndung, kasasunaubë, dingangu rëllang; ¹⁹ i sire rudëndengelu walëmbengu slompretë, dingangu tingihë mëbëbera maiha. Ene pia e tau Israel nakaringihë tingihë ene, i sire mëdëdorong sëngapang botonge tadeau tingihë ene kuha e relaing sau mëbisarang sire. ²⁰ Batuu i sire seng tawe makatahang dumaringihë laorong tingihë ene. Batuu tingihë ene kai mëbëbera u, "Këbi apang ku mënenengehë bulude ini e tawë tiaha-ne mënsang i sie binatang arau

walaewe mēnsang i sai-lai, harusē ěntungeng batu sarang pakapate.” ²¹Apang kũ kinasilon tau Israelē e mambeng makatataku sarang i Musa e nakawera u, ”Ia e nataku dingangu simalungkende!”

²²Kaiso raliune, i kamene seng dimēnta su wongko’n Sion dingangu su soan Mawu Ruata wiahē e, kũ kai i Yerusalem su sorga e ringangkewen. manga malækatē e hiwune kalawoe. ²³I kamene nēmpētole komolang u raluasē – pēsasombangengu manga ana u Ruata malaiakang e, kũ areng i sire e mada-rolē suralungu sorga e. I kamene rimēnta mētēngon Duata e mēlahukungu patiku taumata e. I kamene tutatēngong kalawou rohkē u taumata mapia e, kũ seng niapakasuku e. ²⁴I kamene rimēnta mētēngon Mawu Yesus, Mēnanaoara waugu pēdariandi wuhu ene; i kamene mētēngon daha nipakatēdo kũ makauali apaeweng nēngalembong kapiane i kauali wou rahan Habel.

²⁵Ualingu ene pakapapia wue i kamene, kumbahangbe sarang i kamene tawe mapulu ruma-

ringihē si Sie kapēlēhengetange. I sire kũ apan tawe mapulu rumarinhē si Sie rimēnta su dunia ringangu mēhabaru hengetang u Mawu e, tawe makakatalangu watangenge. Dumakeleng kate i kite ini kũ dūdarinhē si Sie mēbēbera wou sorga! Kereu i kite tawe mapulu rumaringihē e, ute maliwirēbe kereapa i kite e! ²⁶Su tempo ene tangu tingih’E nakapēgēgahē dunia e. Kai orasē ini e i Sie nēkēdo, ”Sēnsulēko lai, Ia e sarung mapēgēgahē e waline-we kētau runia e, kaiso kawē lai langi e.” ²⁷Bawera, ”sēnsulēko lai e” mēlēlahē u kaguwau dunia e seng niriadi e sarung kakio-kang dingangu alingang, tadeau malēmbe kate apang tawe makio.

²⁸Ualingu ene tangu, i kite e pakitarima kasē bue su Mawu Ruata ringangu ualingu i kite e nakatarima bōi Sie karatuang sēmbau kũ tawe ghuminuē. I kite e pakitarimakasē bue pēkaliomaneng su Mawu Ruata, pakasasumēllung dingangu pia taku e, tuhewe mētatalahino su kapulun’E. ²⁹Batū Ruatang kite e kai mēsulungu putung makahēngisē.

Kereapa makaluasë naungu
Mawu Ruata e

13 Pakakakëndagëko sidutu i kamene anau sëm̄bau lawo tau Sahani e. ²Abe ghoë i kamene mën̄arima u taumata raghi e su waleng kamene. Batuu pëkakoã kerene e, kai wou nariadi ku pia taumata ku tawe nikahënganeng kuteu kawē n̄aung nēnarimau malækatë suralungu walene. ³Pëmpëtahëndung apang matatahungku e, mēsulungu lai i kamene katatahungku sengkatahungku dingang i sire. Ku i saisaieweng balæwe koã i kamene e, pëtahëndung bue u i kamene malaing këkoateng kerene.

⁴Patiku taumata e harusë, u kai ene hakiu pësëngkawingang e harusë pakasatia sëm̄bau su wali-ne. Taumata taha pësundalë e ringangu sarung ihukungu Mawu Ruata.

⁵Piawe pëbawiah'i kamene pëkawasaëngu ënning su roitë e, kaiso pëmpëkëtabeng apang pia su watangengu. Batuu Mawu Ruata e seng nēhengetang, "Ia e tawe sarung mapakawala arau sarung manëntang i kau." ⁶Batuu ene i kite e wahani makapëbera u,

"Mawu e kai Mëtulungu ia, ia e tawe matakū.

Kaia koatengu taumata e si sia?"

⁷Abe kiwulei manga mēnganaha si kamene e ku mëlëhabaru hengetangu Mawu Ruata e si kamene. Kakëllaiko kereapa i sire mēmpëbiahë e, ringangu kereapa i sire mēngkairi e, ringangu pëmpëtënnoko pangangimang i sire e. ⁸Mawu Yesus Kristus e tēbewe mēsulung, bæ kalimona, orasë ini, ringangu sarang marëngu-dëngu. ⁹Kumbahang i kamene mangonggou lo-ahe su kalawou haghin tëntiro makalaherang ku makapalidë si kamene. Naung i kite e harusëbe toghasengu kapien naungu Ruata e, u kai ene e mapia, kumbahangbe kawē ualingu manga kalawou atorangu palahungkaëng. Isai-sain n̄aung kalamona e tutuh kalawou atorang ene e tawe makahombang ualine apa.

¹⁰I kite e kai pia panëmbaëng i kite sëm̄bau pëmamëlokangu sasëmba su Mawu Ruata. Dingangu manga imang ku mëtëtangkiang suralungu selong pëkakaliomanengang, ute tawe wotonge kumina sasëmba kapapëllö su wo-

won pananěmbaěng ene. ¹¹Da-
hang binatang ku isěsěmba kere
laonggo baugu ipěngampung do-
sa, kawē nībawawang imang ma-
wantugě e sołong dalungu Huang
Kasusiange arawe kasuangu bina-
tang ene e sěsane nitongka su
likudu raseng. ¹²Kai ualingu e-
ne hakiu Mawu Yesus małaing
napohong su likudu pasěllangeng-
u soa e waugu ipěmurěsi umate
wou rosa e ualingu rahan'E sěsa-
ne. ¹³Ualingu ene tangu mahie i
kite e makoā sołong anun'E sul-
kudu selo e mase manałudě sasa-
medě sěngkapěnałudě dingang'E.
¹⁴Batuu su dunia ini e tawē a-
pa pětatanakeng sarang marěngu
e waug'i kite e; i kite kai mēdea
pětatanakeng ku sarung damahi.
¹⁵Ualingu ene, lumiung Mawu
Yesus e, i kite e hinong sidutu
mēdēdalo Mawu Ruata; u ene kai
makoā kere gaghělli tatarimakasē
i kite e si Sie ku isěmbang kite e
wou wuāen biwihě baugu mēdalo
areng'E. ¹⁶Abe kiwuleng mēkoā
mapia e ringangu mětatułung,
batuu kai ini e manga gaghělli ku
makałuasě naungu Ruata e.

¹⁷Pakatatuhū bue su manga
parentang mēngangaha i kame-
ne e, ringangu pakasasuměllung
bue si sire. Batuu i sire e sidu-

tu mēnēnahimata himukud'i ka-
mene, dingangu i sire e hinong
mětěngong sasimbang i sire su
Mawu Ruata e. Kamagengu i ka-
mene matuhū si sire e, ute
i sire makapěmunarawe ringang-
u naung małuasě; arawe maeng
u tala ute; i sire sarung pia ka-
rałumběha e mēmpěmunara e ku
ene tawe makapěbarauntu si ka-
mene.

¹⁸Sěntiniabe pěmpěkalioma-
neng baug'i kami e, u i ka-
mi e mąngiakingu naung i ka-
mi e matilang, batuu i kami
e sidutu mang mapulu mēkoā
ene tuhewē katulide. ¹⁹Ku na-
paliuwe makapēdēdorong si sia e
sěngapang botonge, tadeau i ka-
mene mēmpěkaliomanengbeng ia
e. Pěkaliomanengko tadeau Ma-
wu Ruata e karimakō mēngkai
limembong kałigha e mēbawa si
sia kapia sołong anung kamene.

Kakaliomaneng

²⁰Mawu Ruata e seng na-
miahě Mawung kite i Yesus
Kristus bou papate. Ualingu pa-
patene, orasě ini e i Sie seng
nakoā Mělalukadē Masěllahě si
kite manga dombane. Papatene
ene małaing mąnēgadē pēdarian-
di kakalē nikoā u Mawu Rua-

ta e ringang'i kite. ²¹Małowoko Mawu Ruata puëngu karalunse-mahë e mapakasuku i kemene e ringangu patiku apang mapapia e ghëgausang i kamene e waugu mëkoə apang kapulun'E. Małowoko lumiun Mawu Yesus Kristus e, Mawu Ruata e mëkadihang suralung i kite e, apæweng ilëëning'E. Ku apakaraloko i Kristus e sarang marëngu-dëngu! Aming.

Kakunsi suratë

²²Ia mëdëdorong tadeau i kamene mëmpënaung bue kalawou sasaku ini e ringangu kasasabarë,

batuu suratëku ini e tawe tumani e manandu. ²³Këngkasingka bue i kamene u anə u sëmbau i kite i Timotius e seng niapasëbang bou ralungu tahungku e. Kereu i sie seng damahi solong tampaku ini e, i sie hëdong taku paringaneng su tempong ia mëtiwo si kamene sarung.

²⁴Paulikong tabea i kami su apang mëngangahə si kamene ringangu su patiku kawanuan Duata. Tarimako lai tatabea u manga anəu sëmbau bou Italia.

²⁵Małowoko Mawu e mëngalamatë si kamene manga anəu sëmbau patiku.

SURAT'I YAKOBUS

DARUMATINGE

Surat'i Yakobus ipakibuna su "patiku dalohon jamaat'u Mawu, nesa-wuhẽ su kaguwau dunia e". Mẽpẽpakeen haghim papinintu tangu i Yakobus e nangonggoen sasasa ringangu sasalẽntihõ pira-pirambua ku mẽtẽtatalahino su taumatan Sahani maanun tabiete ringangu kakanoa e. Bõu kakakẽllaẽngu tau Sahani e, i sie mẽnẽnualagu haghing kakakoau pẽbawiahẽ kere manga kakakala, dingangu kakakasiang, sasaluka, kakanoa mapia, laẽnsilẽ, pẽngangimang dingangu kakanoa, manga palahumbisara, kapelesa, pẽdararendehẽ, kalaobotẽ dingangu kasasanau naung, halẽu mapẽsalan taumata waline, tahapẽkotarila, kakakẽdang, dingangu kakaliomaneng.

Suratẽ ini e mabẽha su halẽ u pẽngangagamang tau Sahani, maanun pangangimange harusẽbe pia kakanoa e.

Lohone

Panẽtakege e	1:1
Pangangimang dingangu kapapelesa	1:2-8
Kakasiang dingangu kakakala	1:9-11
Sasaluka dingangu wawodai	1:12-18
Dudaringihẽ dingangu mẽkẽkoa	1:19-27
Tatumbalung tadeau kumbahang mapẽdalahaeng taumata	2:1-13
Pẽngangimang dingangu kakanoa	2:14-26
Taumatan Sahani ringangu pẽbawisarane	3:1-18
Taumatan Sahani ringangu dunia	4:1-5:6
Kalawõu haghin tẽntiro	5:7-20

1 Manga anau sēmbau patiku dalohon jamaat'u Mawu nakeke su kaguwau dunia! Tabea bou ia i Yakobus ellangu Mawu Ruata, ringangu ellangu Mawu Yesus Kristus.

Pangangimang dingangu kapapelesa

2 Manga anau sēmbau! Kereu i kamene makahombang hagh-haghin sasaluka, ute mēngkai lēnnaweng kamene e raļuasē. **3** Batuu i kamene masingka, u kamagengu i kamene katatanabe mangimang su Mawu e su tempong i kamene kēkahombangeng u sasaluka, ku ualīne ute: i kamene makēdang. **4** Pakarariaga bue tadeau kakakēdangu naung i kamene e mēngkai mahuntinamba sarangkewe i kamene tēnga-tēngadē mēngkasuku mase tawe kakawusangu apa. **5** Kereu piaū sēngkataū wou taļorang kamene e kawe riō longong, ute pēgausēko su Mawu Ruata e i sie, ku Duata e sarungbe mēngonggou kapapelesa si sie; batuu su taumata pēsēngkatau e Mawu Ruata seng nangonggo dingangu naunge maļuasē nēpapiunū u kakēndagē e. **6** Kaiso

i sain mēgēgausē e, harusēbe mangimang; u i sie tawe wotongeria-ria. Batuu taumata ria-ria e kai mēsulungu wēlladē tētiukang u anging tamai-ramahi. **7-8** Taumata kerene tangu tinēnnane tawe matatuntū; i sie tawe makaēba ualīne apa wou kēbi apang kinoa e. Ualīngu ene tangu abepangiralingu kai makaēba apa-apa wou anun Mawu e.

Kakakasiang dingangu kakakala

9 Tau Sahani apang kasiang e pakaraļuasē bue kereu Mawu Ruata e mēhengke i sie. **10** Dingangu tau Sahani apang kala e pakaraļuasēbe lai kereu Mawu Ruata e mapakasana i sie. U taumata kala e sarung mapua kere wurau pēpa. **11** Su tempong matangello e simēbangke ringangu pēdisē maiha e, tangu pēpa e sarung malolang, ku burā e mahondosē, mase kaļaholē e sarung matadise. Kerene lai taumata kala e sarung maghagolē su tempong i sie kapēmunarane.

Bawodai dingangu sasaluka

12 Kariangkamang i sain makēdang su tempom makahom-

bang bawodai. U saraeng i sie nakararagë nětatahang suralungu wawodai ene tangu, i sie sarung makatarimau tatendenge, ku kai pëbawiahë naung seng nikëdom Mawu Ruata e si saising kukëndagu Ruata e. ¹³ Kereu pësëngkatau e këkasalukatengu wawodai kerene ute, abe pëberau, "Sasaluka ini e asale kai wou anun Mawu," batu Mawu e tawe kasasalukatengu ralai, dingangu lai tawe mënaluکا si saisi. ¹⁴ Kaiso taumata e këkasalukateng kereu i sie wëbolëngang dingangu wëbitaugangu ënning e ralaki. ¹⁵ Bou ene, kamagengu ënninge ralaki ene tuhukang, ute mëhana u rosa; ku kamageng u rosa e naghurangke, ute katewe papate ai e.

¹⁶ I kamene piawe kakaleng, ei manga anau sëmbauku ikëkëndagë! ¹⁷ Apang gaghellï mapapia ringangu paporoseëng masasuku e darëntane kai wou sorga, nipakatëntungu Ruata, Nëndiadi patiku tua lagë su langi. I Sie kai Ruata ta mëbawalui, ringangu tawe lai makakarëntang kararëndung. ¹⁸ Kai ualingu kapulun'E hala i Sie napakariading kite manga ana'E ualingu katëngadu hengtang'E. I Sie mëkëkoạ kerene

^a pakaona = lambat

tadeau i kite e makahombang tanpa kalënggihange wou patiku diadikang'E.

Mëdëdaringihë dingangu mëkëkoạ

¹⁹ Pakakakëllai wue ini e pakapia manga anau sëmbaui ikëkëndagë! Sëngkatau-sëngkatau e mëngkai pakasasahawu dumarinhë, kaiso pakatëmudë^a mëbera ringangu pakakëdang mëpëdu. ²⁰ U taumata pëdu e tawe makakoạ munara mapia, ku makaluasë naungu Mawu e. ²¹ Ualingu ene tangu, hipeko kalawou apang lulu maralamuhü dingangu ralakisë e. Dae kengkong kasasana naung, bawera nisuangu Ruata e su naung i kamene, batu wawera ene kai makatoghasë pëngangambang si kamene.

²² I kamene këngkakoạko tumatuhü apang hengetangu Ruata, kumbahang këtang dumararingihe, batu kai makakalë batangeng i kamene. ²³ I saing makadingihëbe hengetang u Mawu kaiso tawe mëkakoạ ene, ute kai mësulungu taumata kapëmëmandane ghatine su kasënaëng. ²⁴ Saraeng i sie nakasilö e mapia-pia watangenge,

mase rimalengke kũ apidu niwuleng gatine mēnsang kai ke-reā n̄aung kakakoā e. ²⁵ Torat'u Mawu e nasukũ dingangu piā kuate mapakaliwiru taumata. Kũ i sain mēnēnanēsui ringangu mēnēnaungbe mapia ringangu mēdēndalengben toratē e, kũ balinewe kētaeng dumararingihe kũ bōu ene kawē niwuleng ene, ute i sie sarung alamateng u Mawu suralengken patikũ munara kēkoateng e.

²⁶ Kereu pēsēngkatau makapēndang batangenge maagama, kaiso wēgawē mangēdahē lilane e, ute i sie m̄angakalē batangenge; pēngangagaman tau ene e tawē kēhase. ²⁷ Pēngangagama wurēsi ringangu tutune tumuhũ tingirang'u Mawu Ruata, ute kai: mētulungu manga rariō kasisi ringangu manga wawine walũ su sigēsā i sire, ringangu mēdēdariagaewelain batangeng tadeau kumbahangbe ipakaghōlōu dunia ini.

Sasalēntihō kereu piā
pangangēnsilē

2 Manga anau sēmbauku! I sain m̄angimang su Mawu Yesus Kristus, Mawu Kawan-tugange, kumbahangbe i kamene mapēdalahaen taumata kũ

kai mēmēmile ghati. ² U kereu piā sēngkatau kalā mēlēluhen sinsing buḷaeng dingangu pake-ange malēnggihē kũ dimēnta su komolang i kamene, bōu ene rimēntako lai sēngkatau kasiang nēluhen pakeange nagha-ghonai, ³ tangu i kamene kawē limembong kaadate su tau pake-ange malēnggihē e. I kamene kai manga mēbera si sie, "Tuang! Kaiangko su kadera malēnggihē ini e." Arawe su tau kasiang ute i kamene kawē mēmpēberau, "Darisiko paise," arau "Kaiangko wawa su masana e." ⁴ Ualingu pēka-koā kerene tangu, i kamene seng nēkoā pēdalahaedē sutaloarang kamene ringangu mēngēngarēgan taumata e tutuhũ tinēnnang kamene malamuhũ.

⁵ Pēmpētahēndungko, i kamene manga anau sēmbau ikēkēndagē! Tau kasiang su dunia ini e, nipilen Duata apakakalā su pēngangimang. Taumata ene sarung makoā dalohong kawanuan Duata mēsulungu nikēdon Duata su taumata apang kükēndag'i Sie. ⁶ Kai i kamene maalā be mēmpānamedē taumata kasiang e, sēmbalīau kawē makakalā e mēmpānēdā i kamene ringangu mānuhudi kamene solong pēnggaghutaēnge. ⁷ Seng i sire e-

ne mëmpëlëhodatë areng mawan-
tugë e niraekang i kamene wou
anun Duata!

⁸I kamene mëmpëkkëkoabe
katulidë e kereu i kame-
ne mëdëndalengben torat'u ka-
raratuang ku këkaëbakeng su-
ralungu Bukë Susi ini: "Këndagu
sëndinganengu taumata e kerë-
we lai kumëndagu watangengu
e." ⁹Kai kereu i kamene kawë
mămile ghati ute, i kamene kai
mëmpëdëdosa, ku torat'u Mawu
e mëlëlahëu i kamene kai lulam-
pa tita. ¹⁰I sain lumampa piaü
sëmbau bou patiku titang Ma-
wu e ute limampa këbi. ¹¹U i
sain nëhengetang, "Kumbahang
mawuang," i Sie lai nëhenge-
tang u, "Kumbahang mamate."
Ku kamagengu i kamene tawë
nawuang, o kawë namate, tangu
i kamene malaing rumalampa ti-
tang Mawu e. ¹²Pëmpëberae ri-
ngangu pëmpëkoä e kere taumata
ku sarung gutaëng tuhu titang
Mawu e ku makaliwirë taumata.
¹³U Mawu Ruata e tawë ma-
nodeu tatalëntu e si sain bëgang
tatalëntu. Kaiso tatalëntu e li-
memboweng katoghase wou pëla-
hukunge!

Pangangimang dingangu kakanoä

¹⁴Manga anau sëmbau! Apa
wue gunane taumata mëberau,
"Iä e taumata mangingang," ke-
reu i sie tawë manodeu ka-
kanoä e? Botonge pangangimang
kerene makaambang si sie? ¹⁵Ke-
reu sëngkatau wou manga anau
sëmbau tamba pangangimang
mëgëgausë pakeang arau nikaka-
wusangu laidopë mëllo-mëllo e.
¹⁶Apa e gunane ku i kame-
ne mëbera si sie: "Pëmpëluhë
e pakeang i kamene pakatukusë
dingangu pëmpëkaëngke paka-
ralaedë!" – kereu i kamene tawë
mëmpëngonggou apang gëgau-
sange gunang ipëbiahë e? ¹⁷Ke-
rene lai taumata mangingang, ke-
reu tawë ilahë su kakanoä tangu,
pangangimang ene e tawë guna-
ne.

¹⁸Aramanung pia u mëbera,
"Piäben taumata mangumbala su
pangangimange ringangu piaü lai
mangumbala su kakanoä e." Iä e
sarung sumimbang u, "Todeko si
sia kereapa taumata makapëna-
ghuang pangangimang tawë kaka-
noä e ringangu iä e sarung mapa-

kalahaḡ dingangu kakanoa u ia e kai managhuang pangangimang.”


¹⁹I kamene mangimang u Ruata e ketaḡbeng sɛmbau arau ɛng? Ku, manga setang e malaing mangimang hakiu i sire kuḡkendeng taku! ²⁰I kamene mambeng bodokɛ! Ku apa mɛnsang hinong ipakalahaḡ si kamene u tawɛ gunane pia pangangimang ku tawe kakanoa e? ²¹Kakellaḡewe si Abraham iupung i kite. I sie nitarimaḡbe mapia kahian Duata ualingu kakanoa e ku su tempong i sie nɛnarakang i Is-hak, ana e, su Mawu Ruata su pananɛmbaɛng. ²²Sini e nalahaḡ u pangangimange harusɛ ilahaḡ dingangu kakanoa tadeau masuku. ²³Ene ute sɛndalɛngu ayetu Bukɛ Susi e, ”I Abraham mangimang su Mawu Ruata, ku ualingu pangangimange tangu Ruata e nɛnarimaḡ i sie mɛsulungu taumata mɛkɛkoḡ kapulun Duata.” Kai ualingu ene hakiu i Abraham nisɛba, ”Hapiu Mawu Ruata”. ²⁴Ku nalahaḡ e ini, u taumata ku nitarimaḡ u Ruata mapia ualingu apan nikoḡ e, ku balinewe ketaḡng ualingu pangangimange samatang.

²⁵Kakellaḡe lai si Rahab, bawine tahapɛsundaḡɛ ene. I sie nitarimaḡ u Mawu Ruata e mapia ualingu kakanoa e, ku pia i sie nɛnarimaḡ u mɛkakakoto tau Israelɛ e, su walene ringangu nɛtulung i sire nipatalang u watangeng i sire e wou raleng baline.

²⁶Ku kereewe wadang ku tawɛ rohke e ute kai wadang nate, kerene lai pangangimang tawɛ kakanoa e ute kai pangangimang nate.

Lilang taumata

3 Manga anau sɛmbau! Abe raralaḡwou bou i kamene mɛngkakoḡ mananɛntiro. I kamene masingkaḡ u i kite apang nɛngkakoḡ mananɛntiro e sarung ihukung limembong kahɛgise wou taumata waline. ²I kite kebɛ e masau su sulene mɛbalinsuhu u pɛkakoḡ sala. Arawe taumata ku tawe nɛsɛsala su wawera e, i sie kai taumata nasuku, ku makaɛdahɛ batangenge. ³Kereu i kite mɛhose taling mohong u kawalo tadeau i sie tumolewe kapulung kite e, tangu i kite e makakoḡ bue mɛnguling badangu



Tali'm mohong'u kawalo (3:3)

kawalo e. ⁴Kakella e lai kapale e. Maningbe kapale e kereng kasariane ku lantoengu anging malaiha e, kai i sie mang kekawaleleng u uling dararidi e, tuhuwe kapulum mananaghurihine. ⁵Kerene lai lilang kite e, maningbe lilang kite dararodo e kaiso kawe makapangobotu hale gaghaghuwa e.

U kakellae wue kereapa kasariang kehu e, u kai mang matutungu putung dararidi e. ⁶Lila e mesulungu putung. Su wadang i kite e, i sie nako kere simbulu kararalakisē manglekeng kararalakisē su kaguwa wadang i kite e. Kahian putungu naraka e, i sie makakarae kaguwa pēbawiah'i kite e. ⁷Kēbi

haghim binatang dulu ringangu manuu winalangeng, binatang tutondo, ringangu kina ikēkaharo, ku sembeng nilaharong taumata. ⁸Kai arawe lilan taumata e tawe ikalaharong sai-sai. Lila e kai ralakisē dingangu tawe ikaala baharia, napene u rarotine makapate. ⁹Lila e ikapēberang tatarimakase i kite e su Mawu ringangu i Amang i kite e, ringangu malaing ikapanganē sēndinganeng taumata, niria-di timuhu awe u Mawu Rua-ta e. ¹⁰Bou mohong sēmbau e sasēbangengu waweran tatarimakase dingangu laane. U hinong balinewe kerene! ¹¹Mēnsang pia simbulu ake mapasalīwēbudu ake tawagē dingangu ake mapai bou simbulē sēmbau? ¹²Manga anau sēmbau, kalun ara e tawe nēbēbuan Zaitun, dingangu kalun anggorē e tawe nēbēbuan ara.^b Simbulu ake mapēhadē e tawe mapasēbangu ake tawagē.

Kapapelesa wou marange

¹³Kereu pia wou i kame-ne pelesa ringangu mawudi, i sie panodekong kapiane mēbiahē dingangu mēko mānara mapapia, rēdēndinganengu kasasanau

^b nggahana

3:9: Pēnd. 1:26

naung dingangu kapapelesa. ¹⁴Arawe kaniagengu i kamene kawe susingking, naunge matëdu, manuntu mangapia watangeng e, ute abe lesa u kapapelesa kerene, ualingu kakakoã kerene ute kai mësulungu i kamene mëmëmälintui katëngadu hengetangu Mawu e. ¹⁵Kapapelesa kerene ute asale walineuwe wou sorga. I sie kai wou dunia asale, wou abuling taumata ringangu wou setang! ¹⁶Su apang pia pësasasingking dingangu tabietu samatang kukëndagu watangeng hala ute, sene maiaing kaëbakeng pia pësasilontahë dingangu haghing kakanoã dalakisë e. ¹⁷Arawe taumata managhuang kapapelesa e ku asale kai wou marange, kahumotong-motongange tangu i sie susi, bou e maghighilë, masahimbuang, dingangu mararingihë. I sie napenë u kakëndagë dingangu makauali kakanoã mapapia, tawe mananumbëka ringangu tawe mëmamëlle. ¹⁸Mamben têngadë u kapapia e kai wuam bineng pëdarame nisuang u taumata puang su pëdarame!

Mëdalahapi u dunia

4 Kai wou apa asalu patiku pësasilontahë dingangu pëbawawulo sutaalarang kamene? Kai

walineuwe wou kalawou ënning i kaniene ku mëngkai hanesë mësëseke su watangeng i kamene mëdeau makawatu kapulun dunia! ²I kamene mëmënnning, kaiso i kamene tawe nakahombang, hakiu i kamene tawe nakahombang apa rëdeakeng i kamene hakiu i kamene mëmpebëbuloringangu mëmpekkëkakoka. I kamene tawe makahombang apa-apa, watuu i kamene tawe nëmpegausë su Mawu Ruata. ³Dingangu manimbe lai i kamene sembeng nëmpegausë e, kaiso i kamene manibeng ta nakahombang, batuu timonang gaghaus'i kamene e kai nësala; batuu apang gëgausang i kamene e kai ipahimatu ënning i kamene hala. ⁴I kamene e kai taumata ta satiane! I kamene kai wëga maeng u i kamene mëdalahapi u dunia e, ute i kamene kawe rumoka Dua ta e? ⁵Abe pëngumbala u kai tawë mangalene baweram Bukë Susi e angkuëng, "Suralungu watangeng i kite e Mawu Ruata e napëtanau Rohkë ënninge matoghasë e." ⁶Manilaing kerene, kai tatalëntuu Mawu e ku nionggo si kite e nëngalembong katoghasë wou ënning rohkë i kite e. Kai ualingu ene hakiu suralungu Bukë Susi e maiaing kabawohë,

"Duata e ruđoka taumata maobotě, arawe waugu apang masana naunge tangu Ruata e kukědag'i sie."

⁷Ualingu ene tangu, pěmpětěngkasěllungko su Mawu Ruata dingangu rokateko setang e, ku i sie sarung tumalang bou anung kamene. ⁸Lěhaungko su Mawu Ruata ku Duata e maļaing sarung humaung si kamene. Burěsiko limang kamene e, ei kamene taumata waradosa e! Dingangu pakatilangko ralungu naung i kamene e, apang naunge mėlělelang! ⁹Pěmpěsasěsilěko kahěngahěngang, pěmpěsang i dingangu lělahunsusa; palahulěgeng kamene waluiko koa daļumpasiang! ¹⁰Pěmpětěngkasanakon batangeng i kamene su těngon Mawu, tangu Mawu sarung mapakarang e i kamene.

Sasasa kumbahang měheghesě taumata

¹¹Manga anau sěmbau, kumbahang měngkai mědědalaheghesě arau mapěsalang sěmbau dingangu waline. I sain měngkawe mėlěheghesě dingangu mapě-

salang anau sěmbau e lawo tau Sahani e, ute i sie mėlěheghesě dingangu mapěsěsalang hengetangu Mawu e. Dingangu kereu i kamene mapěsalang hengetang u Mawu, mangalene ute, i kamene tawe tumatuhu manga hengetang ene, ringangu katewe makoa mėlahunngu hengetange. ¹²Sěmbalau kai kětaeweng sěngkatau pia kawasane měhukungu taumata ringangu měnggaghuta taumata e. I Sie kai Ruata kawasa mapakasalamatě dingangu mapakawinasa. Ku kai i sai i kamene tangu, hakiu i kamene mapulu mapěsalang lawo sěndinganengu e?

Sasasa kumbahang mēbisara marangē

¹³Manga anau sěmbau apang němpěberang: "Ėllo ini arau riĖllo i kami e sarung mēbua soļong soa ini-ini, ku deng mětana sene sěntaung karěngu e mahumbaļu, mēdeawewe roitě" – ku pěmpědaringihěko sasaku ini. ¹⁴Apang ku mariadi suralungu pěbawiahi kamene riĖllo e, i kamene hala e maļaing bēga!

I kamene e tumbaeng kere ti-pu ikasilo sengkariaḷḷe, bōu ene mapua tadie. ¹⁵ Hinone i kamene kai mēbera kerei, "Kereu Mawu mapakawala i kami e sarung mēbiahē kū mēkoā ini arau ene."

¹⁶ Kai arawe orasē ini e i kamene kai maobotē dingangu maḷansi. Kēbī bisarang lansi kerene e, kai nēsala.

¹⁷ Uaḷingu ene taumata masingka u apang mapia e kū hinong koatenge kutēu kawē tawē kakoatenge, tangu tau ene nēdo-sa.

Sasasa su taumata kala

5 Manga anaḷ sēmbau apang kala! Pēmpēdaringihēko sasasaku. Pēmpahunsangi dingangu pēmpēkēndung u i kamene sarung makahombang sigēsā! ² Kakala i kamene seng nahene. Pakeang i kamene seng nasueng kinā e su uane.^c ³ Buḷaeng dingangu saḷakang kamene seng natukusu taine; kū taine tangu sarung makoā sahidi rumokā si kamene ringangu sarung kumaēng ghēsine kamene kere putung. I kamene seng nēmpangēmung arētā su ḷlo kasamuriange. ⁴ I kamene tawē nēmpamaehē sase-

wang mēlahēnsinuang bael'i kamene. Kū daringihēko rorong i sire! I sai-sain mēmpamēnsa bael'i kamene, mēngkate ghūgahiorō u mēdēdorong tulung, kū kakahiorō i sire e seng nika-ringihu Mawu Ruata Makawasa. ⁵ I kamene seng nēmpēbiahē masorogā, dingangu nakateēng kawawusang dunia ini. I kamene aḷinkai mētētēngkatawang batangeng mēngēngampalē ḷlong pamamoto e. ⁶ I kamene nēmpēhukung dingangu nēmpēmate taumata tawē saḷane, kai i sire tawē rimokā si kamene.

Kakakēdang dingangu kakaliomaneng

⁷ Uaḷingu ene, pakakakēdang manga anaḷ sēmbauku, sarang Mawu e rumēnta. Kakēlla e kereapa kararage sēngkatau mēlahēnsinuange mēlēhēdo sarang ḷntanane mēngonggōu ghēsine maarēga si sie. Kū mēngkai mararagē i sie rūdaḷahēdo tahiting musungu kalalolang dingangu tahiting musungu mēburā. ⁸ Kū i kamene pakakakēdangko ḷai ringangu pēmpānoghāsēko raḷungu naung'i

^c waḷukama = rayap

kamene, u ěllon darěntang Mawu e seng masandigĕ.

⁹Kumbahangbe mĕmpĕku-rubu dingangu mĕtatatokeng sala, tadeau i kamene tawe ihukungu Mawu Ruata. Pĕtahĕndung! Mĕlahukunge seng dudarisi su tĕngon tukadĕ ku seng masara marĕnta. ¹⁰Manga anau sĕmbau, pĕtahĕndung manga nabi ku mĕmpĕbĕbisara ringangu arengu Mawu. I sire kai mararagĕ dingangu makakĕdang su sigĕsa. Ku pĕngalako si sire mako pĕtatĕnoĕng. ¹¹I sire isĕsĕba maralunsemahĕ batu i sire makakĕdang. I kamene seng nakaringihĕ kereapa kasabare i Ayub, dingangu i kamene masingka u kereapa wue Mawu e ku pangĕnsueĕnge nĕngalamatĕbe si sie. Batu Mawu e mĕngkai matalĕntu dingangu kereeng kapiane naung'E.

¹²Limembong kasariaĕngĕ ute kai: Kumbahang mĕsalu, waĕbe manĕbo langi, arau lai manĕbo ĕntana, arau walaewe mĕsalun sasalu waline. Mĕngkate pĕbera u "Ore" kereu timonan'u e kerene wue, ringangu "Tala" kereu timonan'u e waline ke-

rene; tadeau i kamene e kumbahang kaĕnsakeng u hukumang kahian Duata.

¹³Kereu sutaloarang kamene pia u lulahunsusa, ute mapiawe i sie pĕkaliomaneng. Kereu pia u luluasĕ e, ute mapiawe i sie pĕkantari pĕdalo Ruata. ¹⁴Kereu pia u masaki ute mapiawe i sie pĕkui manga tĕmbonang u jamaatĕ e pĕkaliomaneng i sain masaki ku kapueng lana ringangu areng u Mawu. ¹⁵Kakaliomaneng iwĕbuna su Mawu ringangu pangangimang matoghasĕ e, sarung makakaule masasaki, dingangu mangampungbe patiku dosa kinoa e. ¹⁶Ualingu ene, pĕmpĕpapangakungkong pĕsasala lawo i kamene, ringangu pĕmpĕkakaliomaneng lawo i kamene, tadeau i kamene ipakaule wou kasasaki. Kakaliomaneng i sain tutuhu kapulun Duata e, mambeng masaria kawasane. ¹⁷I Elia, maiaing taumata mĕsulung i kite. I sie mĕkĕkaliomanembeng kasĕllahu ralungu naunge tadeau tawe rumasehĕ e, tangu tawe rimasehĕ ghĕnnangu tĕllu taung ĕnnungu wulang. ¹⁸Mase i sie nĕsau e nĕkaliomaneng tangu

langi e naparaseheng tahiti hakiu
ěntana e nęęellieng lai ghěsine.

¹⁹ Manga anau sěmbauku!
Kereu wou i kamene pia u sěmbau
ku semben tawe tumatoŕe lai
těntirong Duata, bou ene sěngka-
tau lai waŕine napěbaŕi u tau
ene kaŕia e su Mawu Ruata,
²⁰ pětahěndungko ayeťe ini: Tau-
mata apang nakapamaŕi u tauma-

ta waradosa wou raŕenge něsaŕa
e, taumata ene napakasalaŕa-
tu jiwang tau waradosa e wou
papate ringangu makakauaŕi ro-
sang taumata lawo e gělliram-
beng kaŕaampung.

Adat'i kami,
Yakobus

5:20: Ams 10:12, 1Ptr. 4:8

SURAT'I PETRUS

KAHUMOTONGANGE

DARUMATINGE

Surat'i Petrus Kahumotongange ini ilêhumpa su taumatan Sahani apan nasawuhê su kaguwau wanuan Asia Kadio bahageang sawênahê. I sire isêsêba, "umatê pinilen Duata". Timona kahumotongange suratê ini e kai waugu mapakatoghasu pangangimangu apan mēbawasane makapëndangke pēnanēda dingangu tatingkai ualingken pangangimang si Kristus. I Petrus mangonggou ingate su manga mēbawasane halê u Injilu Mawu Yesus Kristus e nakoā kere sēmbau bawēntan pēlaharapê si sire. Batu i Yesus Kristus seng napohong, nēbangung kapia ringangu nēdiandi u sarung dumēnta kapia. Pinēbuakenge wou ini e ute i sire pia ko haēngu naung dingangu kakakēdang su sigēsā, dingangu makahēngangu sigēsā i sire kai tabidau wawanika mēnsang i sire kahēnga-hēngangbe mangimang su Mawu Yesus Kristus. Kerene lai i sire harusēbe maiaking u i sire sarung pamalisangu Mawu e su tempōen Yesus Kristus mēsulê kapia.

Su sēmbēkan mapakatoghasen pēngangimangu manga mēbawasane ku ikēkahombangengkeng kasasigēsā ene, i Petrusê e mēgēgausê tadeau i sire mēbiahēbe kerewe tumatatolê si Kristus.

Lohone

Panětakenge	1:1-2
Sasasa tadeau makatahëndungu Mawu Ruata e mangambang taumata	1:3-12
Sasasa tadeau mẽbiahě tumbæen baugu Mawu Ruata	1:13–2:10
Kaliandagu tau Sahani suralungu tempon sigěsa	2:11–4:19
Kasasanau naung dingangu pětatangkiangu tau Sahani	5:1-11
Kakunsi e	5:12-14

1 ¹⁻² Manga anau sēmbau u-matē pinilen Mawu Ruata, ku nasawuhē suraraganeng su wanuan Pontus. Galatia, Kapadokia, Asia ringangu Bitinia! Ia e i Petrus, darolohang'i Yesus Kristus, mēkēkahumangu małowoko Mawu Ruata e mēngonggou alamatē dingangu karalunsemahē mēdēdalembo si kamene.

I kamene e seng nipile nariadi ralohon jamaat'u Mawu natuhu suhingidu Ruata i Amang. Dingangu Rohkē Susi e napakariading kamene jamaatē susi, nihae waugu Ruata, tadeau i kamene tumuhu si Yesus Kristus ringangu iapakasusin dahan'E.

Pēlaharapē matoghasē

³ Mahi e kite mēdalo Ruata, i Amangu Mawung kite i Yesus Kristus! I Sie mēngkai kukēndagi kite hakiu ene i Sie nēngonggo si kite pēbawiahē buhu, dingangu napēbangung i Yesus Kristus kapia wou kapapohonge. Kai ini e nakatoghasē pēlaharapi kite. ⁴ I kite mēlēharapē mēdeau makapēmusakā kalawou alamatē ku seng niriahin Duata waugu umat'E, mangalene kalawou alamatē mađareso su sorga, hakiu tawe malahene, arau tamawawuhu dingangu ta tura e. ⁵ Kēbi

ene kai waugi kamene, ualingu pangangimang i kamene su Mawu Ruata e. Tangu i kamene kai rēdiagatengu kawasan Duata e, tadeau i kamene makatarimabe kasasalamatē seng mađariahi sarung iapakalahē su ēllo pangēnsueēnge.

⁶ Ualingu ene ute, pakaraluasēko i kamene, maningbe orasē ini e kadodo tempo e reng rułahunsusa e watuu i kamene kawe makahombang haghin sasalukā e. ⁷ Timonane ute kai pēlahekangu mēnsangbe kahēngahēngang i kamene e mangimang su Mawu arau tala. Bułang ku mahenē e małaing wēbanikatengu putung. Kerene pangangimang i kite e kai nēngalembong kaarēgane wou wułang, ku małaing harusē banikateng tadeau matoghasē. Ku ualingu ene i kamene e sarung daloēng dingangu lēlahunggeētang dingangu iapakarangē su tempoen darēntan Yesus kapia. ⁸ I kamene e kukēndag'i Sie, maniweng naung kalamona e i kamene e tawe nakasilo. Dingangu i kamene mangimang si Sie maningbe orasē ini e i kamene tawe nakasilo. Kai ene hakiu i kamene e małuluasē, dingangu makapēndang daliagē masaria ta ikawera. ⁹ Batuu timonam

pangangimang i kamene e seng kinaratingang. ku kai kasasalamat'u himukudi kamene e.

¹⁰ Kasasalamatē ini e kai rētitikang dingangu sēsēsuiangu manga nabi e, ringangu i sire e manēbaļu tatalēntu u Ruata e sarung mawu si kamene e. ¹¹ I sire e mēnanēsui mēnsang kereapa wue ringangu angere tempone halē ene mariadi, kere ipēsēsasēbau Rohkē i Kristus ku seng ene suralungu naungu watangeng i sire. Su tempo ene Rohkē e nanēbaļu haghin sigēsā ku kahombangeng i Kristus ringangu maanung kawawantuge ku makarolosē e sarung si sire. ¹² Su manga nabi ene Mawu Ruata e nēhabarē u apang kinoa i sire walineuwe waugu pandungang i sire, kaiso kawe waugi kamene. Ku kēbiwe apang kinaringih'i kamene malahē bou mēlahabaru Injil'i Yesus Kristus. I sire mēlēhabaru ene si kamene ute kai ringangu kawasan Rohkē Susi ni-roloh'E wou sorga. Orelai manga malāekatē e malāing mapulu makasingkau habarē ikēkeken sire ene.

Kakui mēdeau mēbiahē susi

¹³ Ualingu ene, pakarariagako i kamene. Pakaralēndi dingangu pēnpēharapēbe pakatinalung su tatalēntu sarung mawu si kamene su tempon i Yesus sarung dumēnta. ¹⁴ Pakatuhuko su Mawu Ruata, ku kumbahang mēngkai tutuhu kapulun biahu naung kalimona tēntalangbe wēgan Mawu Ruata. ¹⁵ Su sēmbēkane, kaiso pakasusiko su patiku apang koatengu, kereewe lai Mawu Ruata e nēkui si kamene e kai susi. ¹⁶ Suralungu Winohe Susi kabawohe u, "Pakasusiko i kamene, u Ia e kai susi "

¹⁷ I kamene mēsēba Duata e kai i Amang su tempong kamene mēkalīomaneng si Sie. Ku Duata ene kai nēhukungu taumata tuhewe kakanoa u sēmbau sēmbau tawe mēmamile ghahī. Ualingu ene ute karēngüewen bēdang ene su dunia ini e, ute i kamene pēmpēmantugēko Mawu Ruata e suralungu pēbawiahu. ¹⁸ I kamene e masingka u apa seng pinēmaehē baugu karaliwir'i kamene wou pēbawiahē

ta kahumpakenge seng niëking'i upung gaghurang i kamene. Bawaehe walinewe apang mahene, kere salaka arau wulaeng, ¹⁹kaiso kawē sēmbau arēta kaarēgaēnge; ku kai watangeng'i Kristus sēsane nakoā kere rumba nisarakang su Mawu Ruata e tawē sēngkulē ringangu tawē turāe. ²⁰I Kristus nipilen Duata e reng dongkeng dunia tawē nadiadi. Ku su tempo kakadanineng manga ěllo pēhēpusangu dunia ini e, i Sie rumēnta su dunia e tadeau i kamene maambang. ²¹Kai wou anun Sie e i kamene harusē mangimang su Mawu ku seng napēbangung i Sie kapia wou kapapohonge ringangu mapakawantugē. Ku kai Ruata e pangimangeng i kamene ringangu kai su Mawu Ruata e lai pēmanggilangu pēlaharap'i kamene.

²²Ualingu i kamene kawē masatia su tēntiron Mawu Ruata ute i kamene hinong mētēngkawurēsing batangeng dingangu i kamene hinong kumēndagu lawo taumata māngimang dingangu karaluasē. Ualingu ene tangu i kamene e pēkakakēndagēko sēmbau dingangu waline e ringangu kasēllahu naungu. ²³Batu limiung hengetang'u

Mawu Ruata ku biahē dingangu kakalē e, i kamene sen nikoā taumata wuhu ku balinewe pinēhana u taumata, kaiso kawē wou i Amang kakalē e. ²⁴Suralungu Winohe Susi mabawohe kereini,

"Patiku taumata e tabidau rēmpugē,

dingangu kēbi kawangtugē
e tabidau wurau rēmpugē.

Dēmpugē e malolang, dingangu wurae lai mahondosē;

²⁵arawe hengetangu Mawu e mang tatapē sarang marēngu-dēngu."

Hengetange kai Injilē ku seng nihabarē si kamene.

Batu wiahē dingangu umatē masasusi

2 Batu ene, ute hipe e kalawou kararalai bou watangengu; kumbahang mēngkai mēlinga; ringangu kalawou haghin pēmamēlle. Kumbahang sumingking dingangu kumbahang mēhinakang baline. ²Kēnangko i kamene kēngkakoā kere manga rariō buhu pinēhana, mēngkai hanesē madoun susu marohkē talaue. Dingangu kerene i kamene sarung tumendang dingangu iapakasalamatē. ³Suralungu Wi-

nohe Susi mabawohe kereini, "I kamene seng nakapëndang hala kereapa kapiān Mawu e."

⁴Batu ene, dēnta e su a-nun Mawu, i Sie kai tabidau watu wiahē, batu kṽ nirēmmeu taumata ualingu tawē gunane, kaiso pinilen Duata e kai kere watu maarēga. ⁵I kamene e kai mēsulungu manga watu wiahē. Tangu i kamene kēngkapuluko ipēlanging Banalan Duata kṽ panēmbaēngu sasēmba marohkē. Kamageng kerene ute i kamene mēngkakoabe manga imang, mēbēbiahē sēmatang baugu Ruata ringangu wou anun Yesus Kristus e manēmban sasēmba mararohkē e makalahimpulu Mawu Ruata e. ⁶Ualingu suralungu Winohe Susi mabawohe kereini,

"Ia e kai seng nēmile batu sēmbau maarēgae,

Takṽ nipēllō su Sion kere watu pinēbukuange;

kṽ isain mangimang si Sie e semben tawe ipakamea."

⁷Batu ene kai mamben maarēga e waug'i kamene apan mēmpāngimange. Kaiso si sain tawe mēmpāngimange, kinahinoēngu

manga ayat'u Winohe Susi kereini,

"Batu kṽ kinādiring manga mēkakoā baḷe e,

samurine kawē nakoā batu pinēbukuange,"

⁸dingangu

"Kai watu nakoā

kinatanggaēng,

dingangu nikasangkonang kṽ nakakanawo si sire."

I sire nēngkasangkong u i sire kai tawe mēmpēngangimang hengetangu Mawu Kasēllahenge. Kerene seng nisahe Ruata i sire.

⁹Arawe i kamene kai wansa pinile, manga imang kṽ nēmpētangkiang datu e, wansa susi, nitētani waugu Ruata, kinauāli tataghuanenge sēsane. Mawu Ruata e nēmile si kamene ringangu nēkui si kamene nipasēbang bou kararēndung mase ipasuē su tualage makānaniange, tadeau iapamombengu habaru kapapian'E tawē sihinge.

¹⁰Nauṽ deng kaḷamona, i kamene e walīnewe kawanuane, arawe orasē ini e ute i kamene seng nakoā kawanuan Mawu Ruata,

a

2:3: Mzm. 34:10 2:6: Yes. 28:16 2:7: Mzm. 118:22 2:8: Yes. 8:14-15
2:9: Sas. 19:5-6, Yes. 43:20-21, Pang. 4:20, 7:6, 14:2, Tit. 2:14, Yes. 9:2
2:10: Hos. 2:23

naung deng tawe itatalēntu ini e semben tētalēntukang.^a

Manga ěllangu Mawu^a

¹¹ Manga anau sēmbau ikēkēndagē! I kamene kai taumata raghi dingangu mēnana-numpang su dunia ini. Ualingu ene ia mēdēdorong sēngapam botonge tadeau i kamene kumbahang mēngkai tūtole abuling taumata ku mēngkai masau mēseke u himukudē. ¹² Pakalau-dupēko mēmpēbiahē sutaloaran taumata kapiṛē ku harusēbe limembong kapiaēnge, hakiu kamageng i sire mēmpēngantangu i kamene kai taumata ralai, pēngēnsueēnge ute i sire kawē makahēngangbe kapiang kamene, ku sarung mēdalo Mawu Ruata e su ělloen darēntan'E.

¹³ Baugu Mawu e tangu, i kamene ute pakasasumēllungko su apan tēmbonangu kawana; walāewe mēnsang su kaisarē nakoā tēmbonange kasariaēnge, ¹⁴ arau walāewe su manga gubernurē ku nitēbou Kaisarē ipēhukung taumata mēkēkoā dalakisē dingangu wagu ipēdaloewe apang kakanoā e mapapia e. ¹⁵ Batuu Mawu Ruata e mapulu tadeau ualingkeng kakanoā mapapia e tangu i kamene

makaghēmning palahumbisaran taumata longong. ¹⁶ I kamene pēmpēbiahēko kere taumata wali-ne ěllang, kai kumbahangbe nakoā lahēmbungu kakanoā i kamene ralakisē, kaiso kakoāko kere sēngkatau ěllangu Mawu Ruata e. ¹⁷ Pēngarēgawem patiku taumata e, kēndagēben manga anau sēmbau lawo taumatan Sahani. Katakuben Mawu Ruata e, ringangu pēngadatē kaisarē.

Sunsarang Kristus tabidau kakakēllaēng

¹⁸ Manga anau sēmbau apan nakoā mētatangkiang, pakasasumēllungko su manga mawung kamene, walīnewe kētau su apam mapapia ringangu malahimumu e, kaiso su apaewen lai maralahegisē. ¹⁹ Mawu Ruata e sarungbe mēngalamatē si kamene, kamageng i kamene makahēngangbe kapulun Duata, makakēdang mētatahangu pēkakakoā tawē katulide. ²⁰ U kai apawue lembone kamagengu i kamene makēdang mētatahangu ralimadē tētagheēng i kamene ualingu pēsasala tangu? Kai arawe kereu i kamene makēdang mēnaludē sigēsa luhombang si kamene ualingu pēkakakoā apan matulidē e, tangu Mawu Rua-

^a kēkēhangeng = dikasihani

ta e mēngalamatē si kamene.

²¹Kai waugu ene ho, Mawu Ruata e hakiu nēkui si kamene. U i Kristus sēsane seng nētatahang baug'i kamene, dingangu ualingu ene tangu i Sie nangonggou sēmbau kakakēllaēng tadeau i kamene tumole ēnnau laed'E. ²²I Sie tawe nēkoā dosa, ringangu tawē sarang sēngkatau lai makadingihē i sie mēkēkonti. ²³Pia e i Sie rēdohangeng, i Sie tawe nēmalisē dingangu rarohang. Su tempon i Sie nisigēsā, i Sie tawe manga nēngindore; i Sie kētaewen nēnarakangu pēngangumbalane su Mawu Ruata, Mēnggaghuta ku adilē e. ²⁴I Kristus sēsane e nēmasaēng kakēpaļu rosang kite e su watangeng'E su wowong kalu kurisē tadeau i kite e maliu wou kawasan dosa e ringangu mēbiahē tumuhu kapulun Duata. Kai ualingu manga lese i Kristus e nakakapia si kamene. ²⁵Naung i kamene e kere domba nēngkapalidē e, kai arawe su orasē ini e i kamene seng nia-pēbaļi kapia paťole Mēndaľukadē e ringangu Mēnanahimata himukud'i kamene e.

Pēsēngkawingang esē dingangu wawine

3 Kerene lai i kamene manga wawine, pakasasumēllung su kawing'i kamene tadeau kawanggu wou taľoaran sire e pia u tawe mēmpangimangu hengtangu Mawu Kasēllahenge, ute kakanoā i kamene mapia e makakawaluin sire ku mēmpangimang. Ku seng tawahaluasu i kamene mēberang apa-apa si sire, ²u i sire e makasilo kakanoā i kamene wurēsi ringangu maľaagimatē.^b ³Karalēnggih'i kamene e abe kawe kētaeng mēlēlēnggihē likude, mangae pēnanaľapidē uta arau pēpapakeu ralēgahē buľaeng, arau pēpapuľawengu pakeang maralēgadē. ⁴Kaiso, ralēgahi kamene e kēnangko pasēpu bou ralungu naung, kapia ringangu kasasikomenaung dingangu marēmmasē; ene ute kai kaľahole ta kumakawusē dingangu limembong kaarēgane tumuhu silomatang Mawu Ruata. ⁵Dingangu kakakoā kereini ute su tempon naung manga wawine maľaagama mēlēharapē su Mawu Ruata mēťēngkahole u watangeng ute

^b maľaagama = beragama

2:22: Yes. 53:9 2:23: Yes. 53:7 2:24: Yes 53 6 3:1: Ef. 5:22, Kol 3.18
3:3: 1Tim. 2:9

mětəngkasuməllung su kawingi si-re. ⁶I Sara e mālaining kerene, i sie mararingihē si Abraham dingangu makituang si sie. Orasē ini e i kamene kai nakoā anā i Sara, kamagengu i kamene mēmpəkəkəoabe mapia ringangu tawe matatakū u waləewe apa.

⁷Dingangu kerene lai i kamene manga esē e, pēmpəbiahēko pakatatahuēna su kawing i kamene, batūu i sire kawe wansa lome. Ləadate wue i si-re, watūu i kamene kawe sarung sēngkapənarimaū tataləntūu pəbawiahē kakalē bəu anun Duata. Kū kəkəokong kamene ho ene, tadeau tawe makapəto pəkakaliomaneng i kamene.

Kasasigəsa u pəkakoā katulidē

⁸Kasasueēnge ute: pakasa-səngkanaungko i kamene. Pēmpəkakəkəndagēko i kamene sēmbau dingangu waline e kerəewe lawo anau sēmbau. Kū pēmpətaləntū bue ringangu pakasana bue naung i kamene. ⁹Kumbahangbe mēmalisē dalaki dingang'u ralaki arau raro-

hang dingangu raro hang, kaiso pēmalisēkon dingangu pədorong alamatē bəu anun Duata. U kai Ruata e nəkui si kamene hatede, tadeau i kamene mənarima u alamatē bəu anun Sie. ¹⁰Suralungu Winohe Susi məbawohē kereini,

"I sain mapulu kuməndagu pəbawiahē e ringangu mapulu makasilo əllo mapapia e, ute pangədahu^c lilane mēbisara wisara raralakisē e ringangu pəmatalu^d wiwihe mēbisara wisara konti.

¹¹ I sie harusē mětəngkarau wəu kararalakisē e ringangu məkəo mapia; kū i sie pətatuməgalē kong kəguwəu ralungu naunge wəgu makahombang pədaramē.

¹² Batūu Mawu e mang hanesē maniti si sai-sain tutuhu kapulun'E

dingangu Mawu e mēngkate hanesē dudaringihē kakaliomaneng i sire, kai arawe Mawu e rudokə si sai-sain məkəkəo dalakisē e."

^c pəngintoəng, pəngədo = memberhentikan

^d pəngirule, pəngirolo = memberantas

¹³I sai tangu mẽkoạ dalaki si kamene, kereu i kamene makēhagē mẽmpēkoạ mapia? ¹⁴Kaiso manilaing i kamene harusē mētatahangu sunsara ualingu pēkakoạ mapia, kai i kamene mang masalamatē! Abe kēngkataku i sai-sai, ringangu abe ghēnggang. ¹⁵Arawe suralungu naung i kamene, ute kēnganko i kamene lūlohon sili su wowon adatē su Mawu i Kristus sēntarangkeng kawangtugu kararatuangu Mawu. Dingangu i kamene mēngkai sēntiniạ sadia sumimbahē kēbi apang kakiwalon taumata maanuen pēlaharap'i kamene. ¹⁶Kai mapiawe koạ i kamene ringangu kasasi-komenaung dingangu maadatē. Dingangu kēngkatilangko ralungu naung i kamene e tadeau kereu i kamene mēngkai tētelorang ualingu i kamene mẽmpēbēbiahē mapia tūtole si Kristus e, tangu i sire apan mẽmpānelorē si kamene e mēngkasamedu kakakoạ i sire hala. ¹⁷Maēndokangbe masunsaram pēkokoạ mapia – kereu ene kai kapulun Duata – sulung'u masunsaram pēkokoạ dalakisē e. ¹⁸Batuu i Kristus sēsane mang kētaeng sēsule nairi baugu sa-

rang karēngue ualingken dosan taumata – u sēngkatau tawē salane, nairi baugu taumata apan nēsala. I Kristus nēkoạ kerene tadeau i Sie makapamihing si kamene solong anun Mawu. I Sie nipate tuhu mawadang, kaiso kawē niapēbangung kapia tuhu marohkē. ¹⁹Suralungu kakakoạ u rohkē e i Sie rimaleng nēhabaru hengetangu Mawu e su rohkē mātatahungku: ²⁰ku kai rohkē u taumata apan tawē tumatuhu su Ruata e naung su tempon Noakē. Su tempo ene Ruata e mēngēngampalē dingangu kasa-sabarē karēngueweng i Noakē kạkoạ kapale. Kētaewen taumata apang su kapale e samatang – kēbie ualung katau – ku nipakasalamatē bou ralulung masaria ene. ²¹Ku, kakakoạ ene tangu makoa kere tabidau papi-nitung sasahani ku orasē ini e makaambang si kamene. Sasahani ini e walinewe tumbau ipanguhasē lēngku u awa u apan tamararenō e, kaiso kawē makoa kere pēkakēdong kamene su Ruata e wou ralungu naung i kamene mapia e. Pēnana-hani ene makaambang si kamene ualingu i Yesus Kris-

tus seng nēbangung kapia wou kapapohonge, ²²ringangu seng nakoā solong sorga e. Ku orasē ini i Sie kawasa, maiang su koa-nengu Mawu Ruata ringangu mēpēparenta patiku malækatē e ringangu patiku mangangawasa ringangu patiku kuantu mararohkē.

Pēbawiahē buhu

4 Ualingu i Kristus seng natsunsara tuhu mawadange, ute i kamene pēmpēnoghasēben batangeng i kamene su karaki kerene. Batuu taumata masunsara tuhu mawadange semben tawe mēkoā pēsasaļa. ²Ualingu ene ute i kamene pēnēpasēkom pēbawiahi kamene su dunia ini e tuhu kapulun Duata e ringangu walineuwe tutuhu ēnningu taumata. ³Su tempo naliu, i kamene naungbe riō marēngu mēkēkoā apang kēkoatengu taumata apam bēgawe mēkiraļa Mawu. Mamben dalakisē pēbawiah'i kamene. I kamene naung mēngkate mahimatu sahigē, mētēngkiwukang, pēbawawusang kakaēng, dingangu pēnganginung dingangu lai mēmpañēmba mahan Dua-

ta e makadarēnting. ⁴Orasē ini e taumata apam bēgan Mawu e, maherangu i kamene e tawe tumatole mēbiahē kere i sire, mēbaradosa tawē ēdone.^e Kai ene hakiu i sire mēmpēnumea si kamene. ⁵Kai tangu i sire e hēdownen hinong mēhabaru sasimbah'i sire su Mawu Ruata ku seng sadia mēhukungu taumata wiahē dingangu nate. ⁶Kai ene hakiu Injilē e seng bou nihabarē lai su taumata apam seng nate. Timonane ute tadeau i sire ku seng nilahukung tuhu mawadang – kerene lai patiku taumata e sarung ihukung – makapēbiahē tuhu marohkē, sēndalengu kapulun Mawu Kasēllahenge.

Mēnanaghulima kakēndagu Ruata

⁷Patiku sabarange semben maraning pangēnsueēnge, ualingu ene ute i kamene kēnangko masingka mangēna watangeng dingangu pakaļaingatē, takadeau i kamene makapēkalio-maneng. ⁸Kasariange ute: i kamene mamben pakaghaghughulē mēmpēkakēndagē sēmbau dingangu waline, u kahiaen

^e kētakenge

pěkakakëndag'i kamene e ute makahěmbungbe kalawou rosa. ⁹Małowoko maḥandangenang bou wale sěmbau solong bale waline e tawe ęnggue.^f ¹⁰I kamene sęngkatau-sęngkatau e seng nakahombang gaghelli mětětātětang bou Mawu Ruata e. Batuu ene, kere matataghulimane mapapia su apang gaghelli u Ruata e, ute kěnangko i kamene pěmpětatinggukon kapapelesa gaghelli ene waugu makapia lawo. ¹¹Taumata apam mėlahabaru injilę e, ute harusębe pěhabaru injilu Mawu Ruata; i sain mětangkiang taumata waline e, harusębe pětangkiangu kuatę bou anun Mawu Ruata, tadeau suralungu patiku saḅarange, Mawu Ruata e ipakawantugę ualingu i Yesus Kristus. Kai i Sie pia kawasane, ringangu hinong bantugang sarang maręngu-dęngu. Aming.

**Kereapa hinone sahen
pětatahangu sunsaran
tau Sahani e**

¹²Manga anau sěmbau ikękëndagę! I kamene e orasę ini e tumanıu masunsara watuu kai wěbanikateng. Kaiso ariębe kęngkaherang, tabidau pia

^f karundunge, galumie = tanpa mengeluh

hombang nariadi nakananiang sutałorang kamene. ¹³Salaanu-ne, kai pěmpahuluasę i kamene watuu kawę nětęngkapętatahang dingang'i Kristus. Tangu hědon sarung kawawantug'i Kristus e semben ilahe ute i kamene sarungbe měmpahuluasę. ¹⁴Barauntu i kamene kereu heghesang ualingu i kamene nakoḅ tumatole si Kristus. Ene e kai tandane Rohkę Susi mawantugę e kai ene ringangi kamene. ¹⁵Kumbahangbe pia sęngkatau sutałorang kamene e nasunsara kahiam pěmamate, arau tahatako, arau tahapękoḅ dałai, arau kinahiang i sie męngkai rułau urusangu waline. ¹⁶Kaiso kamagengu i kamene nasunsara ualingu i kamene kawę tau Sahanı e ute kumbahangbue męngkameang ene. Pakitarimakaseko su Mawu Ruata e, watu u i kamene kawę mębębawa arengi Kristus.

¹⁷Seng niđatingu tempone Ruata měhukungu dunia e. Dingangu kai tętą bou rałohon jamaat'u Mawu e ihukung kalımona. Ku kereu Mawu Ruata e kai měhukung itętą boi kite e, ute kereapa wue kakakoḅ i sire taumata apan tawe měmpangimang Injilu Mawu Ruata e sa-

rung? ¹⁸ Suralungu Bukë Susi e kabawohe kereini,

"Kereu taumata mapapia e
sembeng tētehē maambang,
ute kereapa wue sarung
mariadi su taumata
waradosa e wēgam
Mawu!"

¹⁹ Ualingu ene, kereu pia taumata nasunsara ualingu kapulun Mawu e kerene, ute kēnangko i sire ene pēmpēbiahē pakatatulidē dingangu mēmpenarakangu watangeng'i sire e su Mawu Mēndariadi si sire. I Sie sarung masaun sulene mēngganapē kēdon'E.

Gapaēngu domban Duata

5 Ia e mēgēgausē dalungu naung i kamene matatimadu jamaatē e. Ia nēmohe u ini e, wou sēngkatau matatimatadu jamaatē sēngkapēmuna e ringangu kere sēngkatau taumata ku seng nakasahidi hala sunsarang Kristus, dingangu apan sarung lai iapakawantugē, kereu kawawantug'i Kristus iapakatodē su taumata. Ia e mēdēdorong sēngapam botonge, ² tadeau i kamene rembem mēmpēlukadē gapaēngu domba e ku seng ni-

⁹ mararēdasē = tidak luntur

sarakangu Mawu Ruata e si kamene. Pēmpēlukadē si sire e ringangu karaḷuasū naung kere-we ikēkaēnningu Mawu Ruata e walīnewe ualingu nasihasa. Kumbahangbe lai mēmpēkoā munarang kamene waugu mēdeā kalauntung, kaiso kawē ualingu i kamene kahēnga-hēngang mapulu mēmpētangkiang. ³ Abe kēngka-koā kere mangangawasa si sire apan seng nisarakang si kamene e, kaiso kariadiko kakakēllaēng baug'i sire. ⁴ Dingangu su tempom Mēlalukadē Masēllahē e sarung dumēnta e, i kamene sarungbe makatarimā u paporongu kawantugē e, ku tawē maraḷubesē.⁹

⁵ Kerene lai apam mangangudā. Pakasasumēllungko su matatimadē e. I kamene mangaanau sēmbau kēbi e harusē mētēngkasana u watangeng dingangu ḷawo mētatangkiang dingangu kasasanau naung. Batūu suralungu Winohe Susi e kabawohe kereini, "Mawu Ruata e ruḍoka taumata maḷaobotē, dingangu ku kēndagu taumata naunge masana e." ⁶ Batūu ene ute, pētēngkasanaḱong ba-



Měngahā domba (5:2)

tangengu sualungu līman Mawu Ruata makuatē e tadeāu mapakarange i kamene kamageng semben tempone. ⁷Lěngkangko kalawōu kaghaghěnggang i kamene su Mawu Ruata, u kai i Sie mēsāsěmpī si kamene.

⁸Pakarariaga, pakaralukadē! U setange kai rokā i kamene. I sie kai mēsulungu singa mēdēdaraleng tama-ramahi kapēmunggalōe mēdēdeā mēnsang i saī e ikakināe. ⁹Pakatoelē bue rumokā si sie e ringangu pangangimang masēgadē, batuu i kamene masingkau manga anau sěmbau tau-matan Sahani waline e su kaguwau dunia e malaing masigēsā kere i kamene. ¹⁰Ārawe su liku-du i kamene masunsara pēsěngkatempo e, Mawu Ruata e sēsane

e sarung mapakariadin kamene masuku. I Sie sarung mapakatei ringangu mapakatoghas'i kamene ringangu mapakasēgadi kamene. U i Sie e kai Mawu Ruata puěngu tatalěntu ku seng nēkui si kamene mēdeāu lai makapěndang kawawantuge kakalē bo'i Kristus. ¹¹I Sie e kai taghuangu kawasa e sarang kakalē. Aming.

Tatabea papondol'u suratē

¹²Suratēku manimbū ini e, taku nipanuratē si kamene ringangu tulumang i Silas, ku taku kinapěndangeng u i sie kai anau sěmbau Sahani masatia. Ia e kai mapulu mēgěllīu wawahan-sang si kamene ringangu manahuntěngadē si kamene u ini e kai

mamben tatalëntu Mawu Ruata e kahëngang. Ku i kamene e pëmpangumbelebe pakasasëgadë su tatalëntu ene.

¹³ Manga hapi ku ja-maatë sëmbau su Babilon, ku malaing pinilen Mawu Ruata e, nëndohon tabea si kame-ne; kerene lai su anaku i Markus ikëkëndagë. ¹⁴ Pëmpëpa-

pangadatëko sëmbau dingangu waļine napenëu kakëndagë e lawo anau sëmbau Sahani e.

Maļowoko Mawu e mëngong-gou karaļunsemahë si kamene manga anau sëmbau patiku e na-koā tataghuaneng i Kristus.

Adat'i kami,
Petrus

5:12: MMR 15 22, 40 5:13: MMR 12 12, 25, 13:13, 15 37-39, Kol. 4 10, Flm. 24

SURAT'I PETRUS

KARUANE

DARUMATINGE

Surat'i Petrus Karuane ini e iwëbuna su patiku tau Sahani e nung kalamona. Suratë ini e nibawohe kahumotong-motongange kai gunang ipëndoka munaran manga mananëntiro sala, ringangu lai wangu ipëndëdasë patiku kakanoa tawe nëtatalahino niapaletton manga mananëntiro ene. Takadeau tawe ikawodai u manga tatëntiro ene, ute taumatan Sahani e harusëbe mangumpaede su tëntirong katulidë e manun Mawu Ruata ringangu manun Yesus Kristus – ku kai tëntiro seng nipëkakeken taumata apan nakasahidi ringangu nakaringihë hala si Yesus kereapa i Sie manëntiro e.

Nëngalembong ikëkaghënggang suralungu suratë ini e ute kai i sire apang mëmpanëntiro u i Kristus e sen tawe lai rumënta wangu karua sulene Suratë ini e mënënualagu rarëntang Kristus ene e tinganeng kawe malongge ualingu Mawu Ruata e madiri sarang pia u sengkatau e mawinasa. Kapulun'E ute kai tadeau këbi taumata e mëtobatë bou kalawou rosane.

Lohone

Panëtakege e	1:1-2
Kakuin Duata su taumatan Sahani	1:3-21
Mananëntiron sala	2:1-22
Darëntan Kristus karuan sulene	3:1-18

1 Manga anau sēmbau apau seng nēmpangimang mapia kere i kami! I Yesus Kristus e, kai Ruata ringangu Ratu Mēna-nalamati kite, seng nēnggonggo u pēngangimang kerene e si kite batu i Sie kai mēkēkoā apang matulidē e.

Suratē ini e kai wou anung Simon Petrus, sēngkatau ēllang dingangu rarolohangi Yesus Kristus. ²Małowoko Mawu Ruata e mēnggonggou alamatē dingangu karalunsemahē e si kamene ku iapēdalembu, u i kamene e masingkaben Mawu Ruata ringangu i Yesus Mawung kite.

Kakui ringangu pinilen Duata

³Ruata e seng nēpakē u kawasane manilakehu patiku saba-rang gēgausang baugu makawēti pēkakaliomaneng. I Sie mēkēkoā ini e wou pēkakiralang kite si sie ku seng nēkui si kite tadeau maiaing makapēndang ke-reapang kasēllahe ringangu kalahimumun'E. ⁴Ualingu kakakoā kerene ute Ruata e mangonggou alamatē tawē sihingē si kite e ringangu apa e maarēga naung seng nikedon'E. Ku ualingu kalawou alamatē ene tangu i kamene rembem makalēsō bou

kapulu raralakisē e makawina-sa dunia ini ringangu i kame-ne maiaing kawuakengu kakakoā u maruata. ⁵Ualingu ene, pētātēgehēko ringangu kaguwau naung tadeau pēngangimang i kamene e tētuilangu kapiam pēbawiahē. Suliung kapiam pēbawiahē e, i kamene hinong pia kasingka e, ⁶ku suliun pia kasingka, ute i kamene harusēbe lai pia pētatingkēdang. Dingangu suliun pētatingkēdange ute kēnangko i kamene rēndinganengu lai manoghasē dalungu naung mētātētōlu patiku saba-rang. Katoghasu naunge rēndinganengko lain tatuhu su kapulun Duata. ⁷Dingangu pēbawiahē tutuhu kapulun Duata harusēbe lai timuengkom pēkakakēndagē su sēndinganeng tambang pangangimang. Tuhue pēkakakēndag'i kamene su sēndinganeng tambang pangangimang timuēngkolain kakēndagē su patiku taumata. ⁸Patiku ene ute kai kakakoā i kamene hinong gausang. Kereu kakakoā tamai ene kēkaēbakeng mēdēdalembu si kamene, ute i kamene iapakaghising dingangu makahombang lēta e, ku i kamene sarung makakirala si Kristus Yesus Mawung kite e limembong kapiane. ⁹Kai arawe i sai-sain

tawe kaëbakeng kakakoꝝ e kerene ute, silon matane e masulako; i sie tawe makasilo ringangu i sie niwuleng kalawou rosane naung naliu e seng niapakawurësi.

¹⁰ Ualingu ene, manga anau sëmbau, pëtatëgehëko limembong katoghasë e tadeau kaquin Duata e ringangu pilene nihino su watangeng i kamene e mangkeng kapahuntinambang kasëgade. Kamageng i kamene mëkëkoꝝbe kerene, ute i kamene tawe mawintalo.^a ¹¹ Dingangu u kerene ute i kamene sarungbe ghëlrangu ralenge makakasuë su Kararatuangu Mawu kakalë dingangu Ratu Mëngangambang i kite i Yesus Kristus.

¹² Ualingu ene, ia e mëngkai masau su sulene mapëtahëndungu tamai ene manïeng i kamene semben tëbe masingka dingangu limembowen mangingang su hengetangu Mawu Kasëllahenge seng kinatarima i kamene. ¹³ Karënguweng ia deng bialhë, ia e makapëndangu hinong mapëtahëndung i kamene su halë tamai ene. ¹⁴ Batuu ia masingka u tawë karëngue ia e sarung

mëñëntangu dunia ini, u Mawung kite i Yesus Kristus semben nëhabarë malahe si sia. ¹⁵ Tangu ia e mëtatëgehë bue tadeau samuring papateku e, i kamene mambeng hanesë mëtëtalëndung kapia halë tamai ene.

Mësasahiding kawantug'i Kristus

¹⁶ Su tempong i kami nëhabarë si kamene u kereapa kawantuge rarëntan Mawung kite i Yesus Kristus, i kami e waline-we tutole wio nilangu taumata. Kawawantug'i Kristus e sem-beng kinasilon matang kami hala. ¹⁷ I kami e naung pai sene pia i Sie lëadateng dingangu wëbantungu Ruata i Amang. Ene pia e tingihë bou Kawantugange nawuntiling^b si Sie kereini: "Inie kai Ahusëku ikëkëndagë. I Sie makalahimpulu si Sia e!" ¹⁸ I kami hala e nakaringihë tingihë ene e natëntung bou sorga e pia i kami sëngkarënta ringange su wom bulude susi e.

¹⁹ Kai ene hakiu i kami e limembowen lai maiakingu hengtangu Mawu Ruata e nihabaru manga nabi. Kai kereng

^a mëbañinsuhü = gagal ^b tingihë maiha dingangu mañënno naë natëntung = suara keras tapi merdu

1:17-18: Mat. 17:1-5, Mrk. 9:2-7, Luk. 9:28-35

kalēnggihe kamagengu i kanene mēmpangiakingu wawera ene, u wawera ene kai kerere solō sūsēnnang su tampa marēndunge mīdatingu malukadē dingangu tualagu kaḍadēmahē e sumēnnang suralungu naungi kamene manga anau sēmbau. ²⁰ Kaise nēngalembōewe lai ute pētahēndungko i kamene halē ini: Hengetangu Mawu e māanung pēnanēbaḷu apa sarung mariadi e tawe ikapituan taumata sēmatang. ²¹ U mamben tawē sarang sēnsulē piā taumata ku ualingu kapulune sēsane makapēhabaru hengetangu Mawu Ruata e māanueng halē apa sarung mariadi. I sire ene kawē wēbaḷēbekangu Rohkē Susi e sēmatang, piā i sie mēhabaru hengetangu Mawu Ruata e.

Mahang mēnanēntiro

2 Su tempo napaghohē e sutaloarang umat'u Ruata e piā ko nahunsēpu nianga mahang nabi. Kerene lai sutaloarang kamene nianga anau sēmbau sarung piā u sumēpu manga mahang mēnanēntiro. I sire kai sarung mapasuē u manga tēntiro nēsala, makawinasa tau-

mata. Mase i sire e sarung mēsuniaḷu Mēngangawasa ku seng nēliwir'i sire. Ku ualing'u ene i sire e makakarēntang kawawinasa su watangeng i sire hala e, ku sarung mihombang si sire e maligha. ² Maningbe kerene, kai sarung nialawō taumata mahuntolē mēmpētēno kakakoā u pēbawiahu mahang mananēntiro wēbawaēngu^c abuling sire. Ku kakakoā u mahang-mananēntiro e makariadin tauniata ḷawō e mēmpēhodatē^d Dalengu Katēngadē makakahunipa u anun Duata. ³ Ualingu anggang i sire tangú, nianga mahang mananēntiro e sarung mēmpēbēkem bēke lēlanginang i sire hala tadeau makaēba untung i sire wō'i kamene. Arawe kawē putusangu hukumang si sire semben tēbe marēngu kaḍariahi ringangu kawawinasan sire e seng tinantu e mēmpangampalē si sire.

⁴ Manga malaekatē baradosa e malaing tawe ipakawalam Mawu Ruata ipakaliwirē bōu hukumange kaise kawē irēmme suralungu naraka. I sire iwunsalē suralungu tiḡaḷu u kararēndung ipanguntang sene sarang Ēllon Pēlahukung. ⁵ Kerene lai naung

^c wēbaḷēbidang = dipengaruhi; dikuasai ^d mēmpēnamedē = menghina

dunia e su tempo kalāmona, Mawu Ruata e tawe napakaliwirē bou hukumang. Mawu Ruata e naparēntan dalulung su wanuan taumata ralakisē e su tempo ene. Kētaeng i Noakē dingangu ringange i sire pitung katau niapakasalamatē, baugu i Noakē mēlēhabaru hengetange māanun pēbawiahē mētētalāhino su kapulun Duata. ⁶Kerewe lai kakao e soan Sodom dingangu Gomora: Mawu Ruata e napakawinasan manga soa ene ringangu putung tadeau makoa tuladang apa sarung mariadi su taumata ralakisē. ⁷Kai arawe i Lotē e naambang, baugu i sie e nakalahimpulu Mawu Ruata; i sie nasunsara ualingu kakanoa u taumata ta mētatalāhino e kereng kalāmuhū e. ⁸Sutaloarang kakao u taumata kerene e i Lotē taumata mapia ene e mēbēbiahē suralungu tēdu u naung, batu u mēllo-mēllo e i sie makasi-lo ringangu makadingihē kakanoa i sire ralakisē e. ⁹Ku, Mawu e masingka u kereapa mēnganibang taumata ku mēngkai tutuhū kapulun naung'E kereu i sire kawe tutatēngo kalawou sasaluka e. Dingangu Mawu e masingka u

kereapa mēndeso u taumata ralakisē e mēdea u sigēsakeng su Ēllon Pēlahukunge, ¹⁰lembote taumata ku tutole abulin sire maralamuhū e ringangu mēnēnamedē kawasan Mawu Ruata.

Kereeng kawahanine ringangu kaobote manga mahang mananēntiro e hakiu i sire e tawe goē e mēmpēnamedē diadikang mawawantugē e sarangkewe lai su sorga e! ¹¹Arawe manga malaekatē ku li-memboni matatoghasē dingangu kawasa wou manga mahang, mananēntiro e tawe mēmpēnaoke riadikang mawawantugē e ringangu manga waweran sasamedē e su tēngon Mawu. ¹²Arawe manga mananēntiro ene e walīnewe kaloa! I sire e kai tabidau binatang pinēhana ketau wangu samekang dingangu pateeng. I sire tawe nētīnēma, kaiso kētaeng nēngala kakao ualingu samatang tumbau tutuhū kaloko, hakiu i sire mēngkate kadoka e kalawou sabarang tawe kalaēnnaēng'i sire e ringangu haghim bawera'n tatungkeang. Ualingu ene kahian kakanoa i sire hala e i sire sarung mawinasa kere manga binatang duhu. ¹³Kai

kere wawalisu sunsara kinoa i sire e, ute i sire malaing mētatahangu sunsara. Sunaung i sire ute apan makaḷahimpulu si sire ute mẽkoḷa balaewe apa ku hinong maka-kasahe kapulu'm badang i sire e. Kereu i sire makakaiang sēngkakaēng dingangi kamene suraḷungu saliwange, ute lulun sire e kai makamamuta batu i sire kai mẽbēbiwukangu abuling sire. ¹⁴I sire tawe mẽngkawawui mẽmpēkoḷa daḷaki e, ringangu puluang i sire e mẽngkai mẽmpēmanda wawine raḷakisē. Ringangu taumata apan e nēmpangimange ringangu wēdan tawe tumani e maiaking ute mang lēlokeēng i sire. Daḷungu naung i sire e sen dimēka u anggang. I sire e kai taumata kinawontogang! ¹⁵Batu i sire tawe tumole raḷeng matulidē e, hakiu i sire kawē nēngkapalidē. I sire e kai nēmpētole raḷeng tētoleēng i Bileam ana i Beor naung. I Bileam ini e puluang kahēngang makareḷa doitē bou munaran sire su tawē adile. ¹⁶Kai-so i sie nakahombang tatengko matēdu kahian kararaḷakise, pia e kalidene nakaweran tingihu taumata. Tangu nabi ene nisihasa

takadeḷu mẽngēdo wou kakanoḷa e pulu ene.

¹⁷Manga mahang mananēntiro e kai tabidaḷu matang akē kinamaraēng dingangu kere hiwu nitiukangu anging maiha. Mawu Ruata e seng nēnadian tampa i sire wasagia.^e ¹⁸I sire e nēmpēkoḷa pēkakakēdon sire malaatahē^f tawē gēsine; abuling sire ipēpake i sire apakanawong taumata wuhu-wuhu karaḷiwirē bou ghaḷipohong apang nēngkapalidē e. ¹⁹Manga mahang mananēntiro ene mẽmpēkēkēdong karaḷiwirē si sire, sēmbaliu i sire hala e pinētahuēllangu kawawinasa, u i saing ikēkawataḷu apa-apa e, ute kai ēllangu apan nakawata e. ²⁰Taumata makaḷakiraḷa Mawu ringangu Mananaḷamatē si kite i Yesus Kristus seng naḷiwirē bou manga kawasan dunia ku makaḷaḷakisē taumata. Kai kereu samurine i sie masangkong kapia hakiu ikawataḷu manga kawasa ene, tangu kakakoḷu taumata ene sarungbe nēngalembong karaḷakise wou kaḷamona. ²¹Li-membong kapiane taumata kere-ne e ta nakakasingka u raḷengu katulidē e wou Ruata, sulungu i sire e masingka, kuteu samu-

^e marēndung-dēndung ^f muluk-muluk
2:15-16: Pēt. 22:4-35

rine kawē tawē mapulu tumolē titang Mawu Kasēllahenge si sire. ²²Apan nikoā i sire e mēlēlahē u hinong papasihing ini, "Asu e sarung mēsulē kumaēng mutane," dingangu "Wawī wōu nireno e, mēsulē mētēngkalusi su pētato-naēnge."

Pēkakakēdon darēntan Mawu e

3 Manga anau sēmbauku ikēkēndagē! Kai ini e suratēku karuane si kamene. Suralungu suratē darua ini e, iā e mētētawakali mamangung kalawōu pēndangu naung i kamene matatilang. ²Iā mapētahēndung i kamene su manga tēbalu manga nabi naung kalamona e ringangu titan Mawu, Ratu Manalamatē, nihabarē si kamene wōu manga rarolohang. ³Kahumotongange, i kamene e harusēbe māsingka u su ēllo-ēllo e pēhēpusange, sarung mahunsēpu taumata apan pēbawiahe wēbalēbidangu abuling sahig'i sire. I sire e kai sarung mēmpēheghesē si kamene, ⁴kapēbēberane ungkuēng, "Uadewe Mawu e nēkēdou sarung dumēnta! Ku ini e ka-

we suapa i sie? Manga iupung i kite e seng nasue nēngkairi, kai-so kēbi sabarange mēngkate lai tēbe kere naung dunia e naria-di!" ⁵I sire e semben nētatudē u tawē mapulu mēngaku u naung kalamona e Ruata nēndiadi langi dingangu dunia e ualingu hengtang'E. Dunia e niriadine wōu akē, ⁶ku dingangu akē lai ku kai wōu akēu ralulung masaria dunia tempo ene naelo dingangu nawinasa. ⁷Arawe langi dingangu dunia orasē ini e, pēpaduliangu hengetangu Mawu Kasēllahenge lai katatamang mēdeau sarung ipakawinasan putung. Orase ini langi dingangu runia wēdaweng katatamang sarangkeweng ēllom pēlahukungu taumata raralakisē e ku iapakawinasa.

⁸Arawe manga anau sēmbauku, halē sēmbau ini e kumbahangbe i kamene miwulē: u suralungu silom matang Mawu e, sahēllo e tawē pinētātēntangenge ringangu sēhiwu – su taunge irēdua e mēngkate mēsulung si Sie. ⁹Mawu e tawē marararēnna mēngonggōu apan seng bōu nikēdon'E, maningbe piaū māngiralingu alingkai kere-

ne. Kasueēnge, i Sie mēngkate mētētēngkasabarē su tēngong kamene, batu i Sie tawe mapulu piaū sēngkatau mawinasa. Kapulune ute kai tadeau kēbī taumata e mētobatē bou kaławou rosane.

¹⁰ Arawe Ēllon darēntan Mawu e sarung kere rarēntan tahatako. Su Ēllo ene, langi sarung maparung dingangu tingihu rēllū, masene kaławou apan su langi e masue maupung katatutung, mase dunia ringangu patiku apan suralunge sarung maparung. ¹¹ Ualingu kēbī ene sarung masue magholo kerene ku kereapa wue i kamene mēbiahē? I kamene harusē mētēngkasusi waugu Mawu Ruata, ¹² karēngueweng i kamene mēmpangampalē dingangu mekēkarakin darēntang Ēllon Duata. Su Ēllo ene langi sarung masue matutung, dingangu ualingken katatēti e, ute kaławou sabarang su langi e sarung mēngkatuno. ¹³ Arawe i kite e mēngampalewe apan nikēdon Mawu Ruata e, kukai langi buhu ringangu dunia wuhu, su apan sene pia kalaadilē.

¹⁴ Hakū ene manga anau sēmbau ikēkēndagē tēntalangbe i kamene reng mēmpangam-

palē darēntan Ēllo ene e, pētātēgehēkong kaguwau naung i kamene mētēngkasusi ringangu tawe turae su pēbawiahē e su tēngon Mawu Ruata. ¹⁵ Pēllo e pēkakakēdangu Mawung kite e tabidau ghaghēllū loahe si kamene, tadeau maambang. I Paulus, anau sēmbau i kite ikēkēndagē e semben lai nēmohe kerene si kamene. I sie nēmohe suratē ene timuhu tahuēna niongo u Ruata si sie. ¹⁶ Suralungu patiku surate, i Paulus mēngkate masau mēmohe u ene. Mambem pia halē pira-pirambau e masusa kaēnnaēng suralungu suratē ene. Mase taumata apan tawe makalaēna ringangu malongko pangangimange, seng nēmpēmihu apan seng bou nibawohē i Paulus. Kerene lai kēkoateng i sire su manga winohē baline. Kēbī ene kētaeng makawinasa si sire hala.

¹⁷ Arawe i kamene manga anau sēmbau ikēkēndagē e seng masingka u halē ene. Ualingu ene tangu pakapapia wue, kumbahangbe i kamene ikataweng sarang kapapalidu taumata wēgan atorange ku i kamene mēngkanawo wou tampa tawe konsange

apa. ¹⁸Tangu kěnangko i kame-
ne mangkeng makapěndang ta-
talěntu'i Yesus Kristus, Mawu ri-
ngangu Ratu Mananalamat'i kite
e, ringangu kěnangko i kame-
ne malaing mangkeng makakirala

si Sie. Karaloko i Sie, orasě ini
ringangu sarang marěngu-děngu!
Aming.

Adat'i kami,
Petrus

SURAT'I YOHANES

HUMOTONGE

DARUMATINGE

Surat'i Yohanes Humotong niwohe pia timonane haghine rarua. Humotong ute kai mangongo u wawahansang si saim mēbawasane tadeau i sire masēmbau dingangu Mawu Ruata ringangu Ahus'E i Yesus Kristus. Karuane, ute kai mapētētahēndung i sire tadeau i sire kumbahangbe tumole tēntiro ta nihino makakagholang kasasēmbau i sire ringangu Mawu Ruata ore lai i Yesus Kristus. Kalawou tēntiro tawe nihino e niwēnta su pēngangimangke walāewe apa mētatalahinong kapulun dunia e mēbuam buane ralai; ku tumuhu ēba i sire tangu i Yesus Ahusu Ruata tawe masowa suakalē makoā sēngkatau tau-mata e. I sire mēmpanēntirong ene e nēbera u iapakasalamatē ene mangalene ute kai iapakaliu wou tasibung urusangu laidopu runia ini e; unguēng i sire lai u kasasalamatē e tawē pēdalahēmpukange ringangu halē u pēpapangadatē dingangu pēkakakēndagē sēmbau dingangu sēndinganeng taumata.

Mētētatalikudu tēntiro ene ute, mēmamamohe u suratē ini e mapēdarumatingu tatualagu i Yesus Kristus e kahēnga-hēngang kawē seng nariadi taumata tutune. I Sie manēgadē u patiku taumata ku mangimang si Yesus ringangu kükēndagu Mawu Ruata e harusēbe mēkakakēndagē sēmbau dingangu waline.

Lohone

Panëtakenge	1:1-4
Tualagë dingangu kararëndung	1:5-2:29
Manga ana'u Mawu Ruata ringangu manga ana setang	3:1-24
I sain nihino ringangu i sain nësala	4:1-6
Kereapa hinong kumëndagë	4:7-21
Makakadëntang kalauntung	5:1-21

Hengetang biahë

1 Lohon suratë ini kai maa-nung Hengetang makagëlliü pëbawiahë, kü kai Hengetang naung seng tēbë ene rokeng bōu tētāe. Sembeng kinaringihi kami ringangu sembeng kinasilom matang kami hala. I kami e seng nakasahidi, ringangu sem bōu nikahëgong limang kami. **2** Pia pëbawiahë e niapakalahe, ute i kami mamben nakasilo. Hakü ene i kami makasahiding ene. I kami e mëhabarë si kamene habaru pëbawiahë tutune ringangu kakalë, kü pëbawiahë e kai naung dingangi Amang, kü sembem bōu nipakalahe si kami. **3** Apang kü seng kinasilong kami ringangu kinaringihi kami e, ene malaing ilëhabari kami e si kamene, tadau i kamene ringangi kami e makahëngang mangalën mëbiahë masëmbau dingang'i Amang dingangu Ahus'E i Yesus Kristus. **4** I kami e namohë u ini e mëdeau i kite e kahënga-hëngang masuku u raluasë.

Duata e kai tualagë

5 Kai ini e habarë kinaringih'i kami wōu Ahus'E ringangu ilëha-

bari kami e si kamene: Duata e kai tualagë, kü mang tawë marëndunge sarang kadidi-didi si Sie. **6** Kereu i kite mëberau i kite mëbiahë masëmbau dingang-e, kutëu i kite kawë mëbiahë suralungu kararëndunge ute i kite e kawë mëkëkonti su wawera ore lai su kakanoa. **7** Arawë kereu i kite mëbëbiahë suralungu tualagë kerëwe Mawu Ruata e kawë suralungu tualagë, ute i kite e mëbëbiahëbe makakauhë maghaghghilë sëmbau su wali-ne mase rahan Yesus Ahuse e namurësiwe si kite bōu rosa e. **8** Mageng i kite mëberau i kite tawë dosang kite e, ute i kite kai mangakalë batangeng i kite. Kü Mawu e tawë dië suralungu naungi kite. **9** Arawë kereu i kite mëngakuwen dosang kite su tēngon Duata e, ute i Sie sarung mapakasëhü u këdon'E ringangu mëkoabe apang kü adilë. I Sie sarungbe mëngampung dosang kite dingangu mamurësi si kite bōu patiku kakanoa i kite nësala. **10** Kamageng i kite mëberau i kite tawë nëmpëdosa, ute i kite kai tabidaü manompolu Mawu e kai makonti ringangu i kite e tawë mëndareso u hengetangu Mawu e suralungu naung i kite.

I Kristus mětatuḷung si kite

2 Manga anaḷu ikēkēndagē! Ia e namoḷe u ini si kamene, tadeaḷu i kamene kumbahangbe mēmpēdosa. Arawe kamageng pia u mēmpēdosa e, ute i kite kai pia tumatatawange sēngkatau, i Sie kai i Yesus Kristus ku adilē e, i Sie sarung mēkaḷiomaneng baḷgi kite su tēngon Amang. ²Bou anung Mawu Yesus Kristus ene e rosang kite ampungang. Dingangu waḷinewe kēṭau rosang kite ampungang. Dingangu waḷinewe kēṭau rosang kite hala, kaiso kawe maḷaing rosam patiku umatē.

³Kereu i kite e matuhu su titam Mawu Ruata e kai tatialang i kite makakiraḷa Ruata. ⁴Taumata ku mēbera u, "Ia makakiraḷawe Ruata," kuteu raḷiune kawe ta tumatuhu manga titan'E ute tau ene kai kontiang, ku Duata e taḷiē suraḷungu naunge. ⁵Arawe taumata ku matuhu su hengetangu Mawu Ruata, tau ene ute kuḷēndagu Mawu e ringangu masuku. Kai ene tatialang i kite e nēbiahē su pēkakauhen dingangu Ruata. ⁶I sain mēberau i sie kai nēbiahē

nasēmbau dingangu Ruata e, i sie harusēbe tumoḷe pakeli Kristus.

Tita wuhu

⁷Manga anaḷu sēmbau ikēkēndagē! Ia nanuratu ini e waḷinewe sēmbau tita wuhu si kamene. Ini kai tita sen tēbe ni-habarē si kamene, buhu e i kamene nanēṭa nangimang si Kristus; ku kai hengetang u Mawu e ku seng kinaringih'i kamene. ⁸Manieng kerene, hengetang ku taku niwoḷe ini e maḷaing buhu. Batuu katulide ikasilo su watangeng i Kristus, arau sukakoa i kamene. U kararēndunge seng kakapaghohe ringangu tualagē kahēngang seng sūsēnnang. ⁹I sain mēbēberau i sie suraḷungu tualagē kuteu kai wēdang mēbēbinsi u anaḷu sēmbau e, ute taumata ene kai suraḷungu kararēndung sarang orasē ini. ¹⁰I saing kuḷēndagu anaḷu sēmbau e, ute mēbēbiahē suraḷungu tualagē hakiu si sie tawē apa makawodai taumata waḷine ku manawo suraḷungu rosa. ¹¹Arawe i sain mēmpēbēbinsi anaḷu sēmbau e, tau ene kai wēdang suraḷungu kararēndung. I sie ruḷaleng su marēndung, bēga wue mēnsang

solong apa, u kararëndunge kai makakoä si sie tamakasasilo.

¹²Ia e manuratë si kamene, manga ana, u rosanu e seng niampungang ualingu i Kristus. ¹³Ia e manuratë si kamene, manga esë (i amang), u i kamene seng masingka i Sie ku seng ene rokeng têtäe. Ia mamohë si kamene manga ana manganguda, u i kamene seng nakawata si ralai.

¹⁴Ia mënuratë si kamene manga ana, u i kamene masingkaben Duata i Amang. Ia nënuratë si kamene manga i amang, u i kamene masingka u Hengetange seng tēbe ene rokeng bou têtäe. Ia mēmohë si kamene manga ana manganguda batuu i kamene kai matatoghasë. Hengetangu Mawu e ene suralungu naung i kamene, ringangu i kamene seng nakawata si ralai.

¹⁵Abe këndagu dunia ini, arau walaewe mēnsang apa su dunia ini. Kereu i kamene kukēndagu dunia e, ute i kamene tawe kumēndagi Amang. ¹⁶U apaewen su dunia ini e ikēkapulung gēsī arau ēnningu taumata waradosa e, ikēkasilo mase ilēēnning dingangu ilēlesae patiku ene e walinewe asale wou anung Amange kaiso kawe wou dunia. ¹⁷Dunia e ringangu patiku dalō-

hone ikēkaēnningu taumata e seng kakapaghohe. Kai taumata tutuhu kapulun Duata e, tatapë ipëbëbiahë sarang karēngue.

Seke i Kristus

¹⁸Manga anaku, ěllong kiamatë e seng masandigë! Seng ni-pauli si kamene kalimona u Seke i Kristus sarung dumēnta, ku orasë ini e ute seng lawo nahunsëpu taumata apang sumekë si Kristus. Enee tandan seng marani ěllong kiamatë. ¹⁹Manga ruma-roka si Kristus e ute kai taumata apan seng nēmpanēntang i kite e, u i sire tuhu hinone kai sembem balinewe taumatang kite. Kereu i sire kai taumatam beng kite e ute i sire mang tatapë dingangi kite. Kutëu i sire kai seng nēnēntang i kite, tadeau malahe u tawëu sarang sēngkatau woi sire ku kahēngang-hēngang nasowa ringangi kite.

²⁰Kai arawe i kamene ute seng nēnarima u Rohkë Susi wouten niwēmbing i Yesus Kristus. Kai ene hakiu i kamene kēbi e masingkaben tēntiron Duata e kahēngang. ²¹Ku ia namohë u ini si kamene walinewe ualingu i kamene wēgawen tēntiro kahēngang, kaiso kawe seng ualingu masingka dingang-

u i kamene ma¹laing masingka u tawe apa konti sura¹lungu t¹ntiro kah¹ngang.

²² N²konti e ute kai taumata ku seng n²bera si Yesus ba¹line-we Ratu M¹nanala¹mat¹ ku seng ni¹k¹don Duata e. Taumata ene e kai Se¹ke i Kristus; i sie tawe ma-pulu mangakun Duata i Amang dingangu Ahus¹. ²³ I sain tawe m¹ngakung Ahus¹ e, ute tawe m¹narima i Amange lai. Arawe i saim m¹ngakung Ahus¹ e, ute ma¹laing m¹narima i Amang.

²⁴ U kai ene, hakiu habar¹ dingih'i kamene rokeng t¹tae i kamene nangimang, ute harus¹be riagate pakapia sura¹lungu naung i kamene. Kereu i kamene m¹si-pir¹ pakapia habaru hengetang ene e, ute i kamene m¹ngka-te s¹ntinia m¹b¹biah¹ nas¹mbau dingangu Ahus¹ e ringangu i Amang. ²⁵ Ku kai ini e ni¹k¹dong Kristus s¹sane si kite e ute kai p¹bawiah¹ tutune ringangu ka-kal¹.

²⁶ Ia namoh¹ u ini k¹bi si kamene ma¹anung i sire a-pang m¹deau m¹ngakal¹ si kamene. ²⁷ Kai waugi kamene hala e, i Kristus seng nam¹mbingu Rohk¹'E si kamene. Kar¹ngue-wen Rohk¹'E e ene ringangi ka-

mene, ute seng tawaha¹uas¹ pia taumata wa¹line man¹ntiro si kamene. U Rohk¹'E e man¹ntiro k¹bi si kamene, mase k¹bi apan nit¹ntiro e kah¹ngang ba¹linewe konti. Ku i kamene k¹bi e pa-katatuh¹ bue su patiku t¹ntiron Rohk¹'E e, ringangu pakatanako i kamene m¹b¹biah¹ mas¹mbau dingangi Kristus.

²⁸ Ku manga ana¹ku, k¹ngka-tanako m¹b¹biah¹ su p¹kakauh¹ dingangi Kristus, ku su temp¹en dar¹entan'E, i kite e m¹tumbahani m¹t¹ngon Sie ringangu man¹ng ta m¹k¹mbuni, ua¹ingu mea.

²⁹ I kamene seng masingka u i Kristus m¹b¹biah¹ tutuh¹ kapulun Duata. Ua¹ingu ene ute i kamene harus¹be masingka u i saim m¹b¹biah¹ tutuh¹ kapulun Duata e kai ana¹ Mawu Ruata.

Manga ana¹ Mawu Ruata

3 Kak¹llako kai kereapa Ruata e ku¹k¹ndag'i kite, hakiu i kite e niakuwe kere manga ana'E. U mambeng kerene i kite e kai manga ana¹ Ruata. Kai ene hakiu runia ra¹lakis¹ ini e w¹gaweng kite, bat¹u dunia e w¹gawen Duata. ² Manga ana¹ s¹mbau ik¹k¹ndag¹! Oras¹ ini e i kite kai manga ana¹ Mawu Rua-

ta, kaiso kakakoā i kite e ren tawē nalahe. Kaiso i kite e masingka u kamageng i Kristus e rumēnta, i kite e sarung maria-di kere i Sie, u i kite e sarung makasilo si Sie suralungu kakakoā e kahēngang. ³Patiku taumata apam pia lēharapeng ini si Kristus, mēdēndiaga batangenge takadeau mamben tēngadēbe susi, burēsi wou rosa e kerēwe i Kristus e kawe maiaing susi.

⁴Taumata ku nēdosa e, limampa titan Mawu; u rosa e kai ralawang su manga titan Mawu Ruata. ⁵I kamene masingka u i Kristus dimēnta wau-gu mēndēdasē dosan taumata ringangu masingkau tawē dosa su watangenge. ⁶Kēbi taumata ku nēbiahē nasēmbau dingangi Kristus, tawe hanesē mēbēbaradosa. I sai mēngkai mēbēbaradosa e, tawe nakasilo si Kristus arau tawe nakakirala.

⁷Manga anaku, kumbahang mapakawalan sai-sai wue mapakapalidi kamene. I saing mēkēkoā kapulun Duata e kai anau Ruata kerēwe i Kristus kawe Ahusu Ruata. ⁸Kai arawe i saing mēngkai mēbēbaradosa e ute kai anau setang, u setange kai mēbēbaradosa reng dokeng bou

tētāe. Kai wangu ini e Ahusu Ruata e rimēnta mēdeau mēnggoghahē munaran setang.

⁹I sai-sajewen nakoā Ahus'u Ruata e tawe mēngkai mēbaradosa, batu lulung Mawu Ruata e sēsane mēngkai ene si sie. Ualingken Duata e kai i Amange, ute i sie e, tawe mēngkai mēbaradosa. ¹⁰Kai ini e pēkakiralaēngu manga anau Ruata ringangu manga anau setang: i-sain tawe mēkakoā kapulun Duata, arau ta kumakēndagu anau sēmbau e, i sie walineuwe anau Ruata.

Mēkakakēndagē sēmbau dingangu waline

¹¹Deng dokeng bou tētāe seng nipaulikangu habarē ini e si kamene: I kite e harusē mēkakakēndagē sēmbau su waline. ¹²Kumbahang bue i kite makoā kere i Kain, makoā anau setang ku mēmate tuarine sēsane. Unue i Kain nēmate tuarine? Batu apan nikoā e kai nēsaia, arawe apan kinoau tuarine e kai nihino.

¹³Ualingu ene manga anau sēmbauku, abe kēngkaherang keru taumatan dunia e mēbinsi i kamene. ¹⁴I kite masingka u i kite e seng simēbang bou papa-

te, bəu e nəŋgaling soŋlong pəba-
wiahə tutune. I kite masingka
u ene, u i kite e kukənda-
gu səndinganeng i kite. Tauma-
ta tawe kumakəndagə e, ute i
sie wəđang su kawasan papate.
15 Taumata ku məbəbinsi u anau
səmbau e ute kai tahapəmate ri-
ngangu i kamene masingka u ta-
hapate e tawe kawuakengu pəba-
wiahə tutune ringangu kakalə.
16 Kətaeng kereini ralenge i kite
makakasingkau məkakakəndagə e
səmbau dingangu waline: i Kris-
tus seng nanarakangu pəba-
wiah'E waugi kite. Ualingu ene,
i kite e harusəbe mənara-
kangu pəbawiah'i kite e wau-
gu manga anau səmbau i kite!
17 Maeng pəsəngkatau ku man-
ghuang arəta mənəlembəe ku
makasilo anau səmbau kinaka-
wusang, ku tawe mətulung anau
səmbau e ene, ku kereapa wue i
sie makapəberau i sie kukəndagu
Ruata? **18** Manga anaku! Kum-
bahang i kite kətaeng kukəndagə
su wiwihə arau kətaeng dingang-
u wawera. Karimako i kite e
kuməndagəben kakəndagə tutu-
ne, ipakalahe su kakanoa i kite
kahəngang.

Bahani mətəngon Mawu Ruata

19 Kai kerene katatainge ta-
deau i kite e makoabe reke-
nangu manga anau Ruata e
kahəngang, mase ralungu naung'i
kite e malenehə su təngon Dua-
ta. **20** I kite masingka u kereu i
kite e iapakasalan dalungu naung
i kite e, ute kasingka u Mawu
Ruata e nangəlembong kasəllahe
wou kasingka i kite e, u i Sie
kai masingka u patiku sabarang.
21 Ku manga anau səmbauku
ikəkəndagə, kereu naungi kite e
tawe mapəsalang kite e, ute i
kite makapətəngomben Duata e
ringangu karaŋloahə. **22** Ku apan
dədorongang i kite si Sie, sa-
rungbe makahombang, batuu i
kite e matuhu su apan titan'E
mase məkəkoə apam makalahim-
pulu ralungu naung'E. **23** Laorone
si kite e ute kai: I kite e hinong
mangimang su Ahus'E, i Yesus
Kristus, ku i kite e harusəbe
məkakakəndagə, kerewe semben
iləorong Kristus e si kite. **24** Pa-
tiku taumata apam matuhu su
manga titan Duata e, məbəbiahə
makauhu Ruata, ringangu Ruata

e nasëmbau dingangi sire. Mase i kite e masingkau Ruata e kai wiahë, nasëmbau dingangi kite, batuu i sie seng nangonggou Rohkë e si kite.

Rohkë tutune ringangu rohkë nipalidë

4 Manga anau sëmbau ikëkëndagë! Kumbahang mangimang su patiku taumata apang mangaku u managhuang Rohkë Susi e, kaiso wëbanikatewe kalamona i sire tadeau makakasangkabe mënsang rohkë si sire e asalë wou Ruata wue arau kai tala. U kai malawo nabi konti seng nësaliawuhë su apan tampa. ²Kai kereini e tadeau i kamene makakirala wue mënsang ene Rohkëbe Susi arau waline? Taumata ku mëngakuwen Yesus Kristus e rimënta su dunia kere sengkatau taumata, tau ene e managhuangbe Rohkë e wou anun Duata. ³Arawe isaing ku tawe mëngakung halë ini manung Yesus e, tawe mënaghuang Rohkë Susi e. Tau ene managhuang rohkë bou Seke i Kristus. I kau sen nakaringihë u rohkë ene sarung dumënta, ku orasë ini i sie seng su ralungu dunia ini.

⁴Arawe manga anaku, i kamene kai tataghuanengu Ruata.

I kamene seng nakawata manga nabi kontiang, batuu Rohkë suralung'i kamene limembo kawasa wou rohkë u apan taumata tataghuanengu dunia ini. ⁵Manga nabi kontiange mahumbisaram manga halë u madunia ringangu dunia e nakaringihëbe waweran sire, batuu i sire e kai tataghuanengu dunia. ⁶Arawe i kite e kai manga anau Mawu Ruata; ringangu taumata ku masingka u Ruata e rudaringihë bue wawerang kite. Arawe ku taumata walineuwe tataghuanengu Ruata e, tawe rumararingihë si kite. Kere ne pëkiralaëngu Rohkë manëntiron tëntiro kahëngang, dingangu rohkë makapalidë.

Mawu Ruata e kai makëndagë

⁷Manga anau sëmbau ikëkëndagë! I kite e mëkakëndagëko sëmbau dingangu waline, batuu kakëndagë e asalë kai wou Mawu Ruata. Taumata masingka kumëndagë e ute kai anau Ruata. ⁸I sai-sain tawe kumëndagë e, tawe makakirala Ruata; batuu Mawu Ruata e kai makëndagë. ⁹Mawu Ruata e niapakahëu i Sie kukëndag'i kite dingangu nëndolohu Ahus'E mang sëmbau solong dunia e, tadeau

i kite makahombang pëbawiahë bou Ahus'E ene. ¹⁰Ini ute kai kakëndagë: Balinewe i kite seng kimëndagu Mawu Ruata e, kaiso kawe Mawu Ruata e kimëndagi kite dingangu nëndolohu Ahuse tadeau woi Sie i kite makahombang kalaampung u rosang kite e.

¹¹Manga anau sëmbau ikë-këndagë, kamageng Mawu Ruata e seng kereeng kakëndage si kite e, ute i kite maiaing harusë mëkakakëndagë sëmbau dingangu waline. ¹²Tawë u sarang sengkatau reng bou nakasilo Mawu Ruata, kai kereu i kite e mëkakakëndagë e, ute Ruata e nasëmbau dingangi kitee ku kakëndage nasuku suralungu watangeng i kite.

¹³Ualingu Mawu Ruata e seng nëngonggo u Rohkë'E e si kite, ute i kite masingka u i kite seng nëbiahë nasëmbau dingangu Mawu Ruata, ringangu Mawu Ruata e nëbiahë nasëmbau dingangi kite. ¹⁴I kami hala e seng nakapanda Ahusu Ruata, ringangu i kami e mëlëhabaru i Sie seng nirolöh'i Amang e ma-koä Datu Mënanalamat'u dunia ini. ¹⁵I sai-sain mangukun Yesus e kai Ahusu Ruata e, ute Ruata e nëbiahë nasëmbau dingangu

tau ene mase tau ene maiaing nëbiahë nasëmbau dingangu Mawu Ruata. ¹⁶I kite hala masingka dingangu mangimang u kakëndagu Mawu Ruata e si kite.

Mawu Ruata e kai makëndagë. I sain pëbawiahe kai su kawang kakëndagë e, i sie kai nakauhë dingangu Mawu Ruata, mase Mawu Ruata e nasëmbau dingangi sie. ¹⁷Kakëndagë e kai niapakariadi nasuku si kite, tadeau i kite e pia karaloahu naung su Ëllon Pëlahukung. I kite e kai sarung pia karaloahu naung, watuu pëbawiah'i kite su dunia ini e kai mësulungu pëbawiah'i Kristus. ¹⁸I sain nakapëndang kakëndagu Mawu Ruata e, wëga-wen taku, u kakëndagë nasuku e kai makatokolë kalawou haghin taku. Ku malahe maeng i saing ku bëdang tawë nakapëndang kakëndagu Mawu Ruata nasuku e kereu i sie matakü mëtëngong Ëllom Pëlahukunge.

¹⁹I kite kimëndagë e, watuu Mawu Ruata e seng kimëndag'i kite kalamona. ²⁰Kereu pia nëberau, "Ia kükëndagu Mawu Ruata," kai i sie wëga kumëndagu anau sëmbau e, ute i sie kai taumata kontiang. Batuu taumata ku ta kumakëndagu anau

sěmbau e ikěkasilo, mamben tawe makakoꝝ kuměndagu Mawu Ruata tai kasasilone. ²¹Kuteu i kite kai nakahombang tita ini woi Sie: U isaing kukěndagu Mawu Ruata e, harusěbe lai kuměndagu anau sěmbau e.

Kalauntung i kite e su dunia

5 I sain mangimang u Mawu Yesus e kai Ratun Salamatě nikědon Mawu Ruata e, ute i sie anau Ruata. I saing kukěndagu sěngkatau i amang ute maiaing kukěndagu anau e. ²Kai kerei-ni katatainge i kite masingka u i kite kukěndagu manga anau Ruata: I kite kukěndagu Mawu Ruata ringangu tutuhu kalawou titan'E. ³Batuu kuměndagu Ruata e mangalene tutuhu kalawou titan'E. Dingangu manga titan'E mahaěng bue si kite, ⁴batuu apan anau Ruata e makabata dunia ralai ini. I kite e mēmata dunia e ringangu pěngangimang i kite. ⁵I sai kai makawata dunia e? Kětabeng taumata ku mangimang si Yesus Ahusu Ruata e.

Sasahidi maanung Yesus Kristus

⁶Kai i Yesus Kristus e riměnta su dunia ringangu akě sasahani e ringangu rahang kapapohong'E. I Sie riměnta e wali-newe kětau ringangu akě sěmantang, kaiso kai ringangu akě dingangu raha. Mase Rohkě Susi e sěsane nangonggou sasahidi u ene e mambeng kahěngang, batu u Rohkě e tawe měkakakonti. ⁷⁻⁸Kai pia sahidi tatěllu: Rohkě Susi, akě, dingangu raha – i sire těllu mangonggou sasahidi měsulung. ⁹I kite mangimang su sasahidin taumata, kaiso sasahidin Mawu Ruata e limembon lai katoghase. Ku kai ene sasahidi ku seng nionggo u Mawu Ruata e maanung Ahus'E. ¹⁰Ualingu ene e, i sain mangimang su Ahusu Ruata e, seng něnarima sasahidi ene suralungu naunge; arawe i-sain tawe mangimang su Mawu Ruata e, seng něsipiru Ruata e kai tahakontiang, u i sie kai tawe mangimang apan nipěhengetangu Mawu Ruata e maanung Ahus'E.

¹¹Kai ini sasahidi ene: Mawu Ruata e seng nĕngonggō si kite pĕbawiahĕ tutune ringangu kakalĕ, dingangu Ahus'E kai pungu pĕbawiahĕ e. ¹²I saing managhuan Ahusu Ruata, managhuan pĕbawiahĕ ene: ringangu isain tawe managhuan si Sie, tawe managhuan pĕbawiahĕ ene.

Pĕbawiahĕ tutune ringangu kakalĕ

¹³Ia manuratĕ si kamene mĕmpangimang Ahusu Ruata e, tadeau i kamene masingkau i kamene seng nĕnaghuan pĕbawiahĕ tutune ringangu kakalĕ. ¹⁴Mase i kite e ringangu karaloahu naung mĕtĕngon Mawu Ruata, ualingu i kite e mĕngiakingu i Sie mamben tumuhu apang kalio-manengang i kite e kereu pia dorong i kite e mĕtatahinowe su kapulun'E. ¹⁵Batuu i kite masingka u i Sie rumaringihĕ si kite kereu i kite e mĕgĕgausĕ si Sie, tangu i kite e maĕaing masingka u i Sie mĕngonggō si kite e apan dĕdorongan i kite si Sie.

¹⁶Kereu i kite makasilo sĕngkatau wou sĕndinganeng i kite lawo tau Sahani e mĕkĕkoā dosa ku makakoā i sie ta'i kailangengu pĕbawiahĕ tutune ringangu kakalĕ, ute i kamene

pĕmpĕkaliomanengke su Mawu Ruata; wou ene Mawu Ruata e sarungbe mĕngonggō pĕbawiahĕ ene si sie. Ini e nihinowe si sire apan dosane tawe makapĕkapura si sire wou pĕbawiahĕ tutune ringangu kakalĕ. Kuteu kai pia dosa makakoā sĕbapĕ u tau ene e kailangengu pĕbawiahĕ e. Ku baugu ene ute ia e tawe nĕberau i kamene harusĕbe pĕkaliomaneng su Mawu Ruata. ¹⁷Patiku kakanoā ta nihino e kai rosa, kaiso piabe rosa ta makalai-lang pĕbawiahĕ tutune ringangu kakalĕ e.

¹⁸I kite e masingka u patiku taumata apan seng naria-di manga anau Mawu e tawe mĕngkai hanesĕ mĕbĕbaradosa, u Ahusu Ruata e mĕnanĕtanude, dingangu i ralai e tawe makakoā manga apa-apa si Sie.

¹⁹I kite e masingka u i kite e kai tataghuanengu Mawu Ruata, manĕng kaguwau dunia ini e suaĕlungu kawasan dalai.

²⁰I kite e masingka u Ahusu Ruata e seng dimĕnta ringangu seng nangonggō tatahuĕnna si kite, tadeau i kite makakirala Ruata kahĕngang. I kite e mĕbiahĕ nasĕmbau dingangu Mawu Ruata kahĕngang dingangu mĕbiahĕ masĕmbau dingangu A-

huse i Yesus Kristus. Kai ini e
Ruata kahëngang dingangu kai i-
ni e pëbawiahë tutune ringangu
kakalë.

²¹ Manga anaku, pëmpëte-
ghang u mahang duata e!

SURAT'I YOHANES

KARUANE

DARUMATINGE

Surat'i Yohanes Karuane ini e, niwohe u, "pangaha u jamaatë" si "Ninang^a ku seng pinilen Mawu Ruata e" ringangu su manga ahuse i kəkëndagë. Aramanung timonang pësasasëbau i "Ninang dingangu i sire talahusë"^b ute kai jamaatë dingangu manga ralohone.

Suralungu surate ini manimbü e mamamohe e kai mëgëgausë halë darua su manga mëbawasane. Humotong, tadeau i sire e mëkakakëndagë sëmbau dingangu waline. Karuane, tadeau i sire e maingatë su manga mananëntiro konti ringangu apaeweng itëtëntiron sire e.

Lohone

Panëtakege	1-3
Mangalën kakëndagë	4-6
Laingatë su manga tëntiro tawe nihino	7-11
Papondole	12-13

^a wawu = ibu ^b tahanã = sekeluarga

Si Ninang pinilen Mawu Ruata ringangu manga ahus'i Ninang. Suratē ini e kai wou ia, tēmbonangu jamaatē ku kahēnga-hēngang kukēndagi kamene. Balinewe ketau ia, kaiso kai kēbi taumata masingkau Mawu Ruata kahēngang, maiaing ku kēndag'i kamene. ² Batu Mawu Ruata e mētētumana suralungu naung'i kite, dingangu sarung hanesē dingangi kite sarang karēngue.

³ Karimako i kite gēlirang u alamatē, tatalēntu dingangu karalunsemahē kahian Duata i Amang dingang'i Yesus Kristus Ahus'i Amang ene. Karimako kēbi ene e taghuanengu naungi kite matulidē dingangu ualingu kakēndagē.

Katulidē dingangu kakēndagē

⁴ Ia e mambeng limuasē kahēngang, nakakasingka u pia manga ahus'i Ninange mēbēbiahē tutuhu tēntiron Mawu Kasēllahenge kereewe seng nīlaorom Mawu kasēllahenge si kite. ⁵ Ualingu ene Ninang, ia e mēgēgausē sēngapam botonge tadeau i kite kēbi e mēkakakēndagē. Taku ipēpauli ini e walinewe sēmbau

tita wuhu; kaiso seng tita tēbe nipauli si kite dokeng bou tetau i kite mangimang. ⁶ Kumēndagē e mangalene mēbiahē tumuhu titan Mawu kasēllahenge. Ku tita seng kinaranggih'i kamene dokeng bou tetau ute i kamene harusēbe mēbiahē mēkakakēndagē sēmbau dingangu waline.

⁷ Lawo tahapanmitaugu ralaki e seng nakeke su dunia e. I sire kai taumata tawe mēngaku u i Yesus Kristus rimēnta su dunia e tabidau sēngkatau taumata. Taumata kerene ute kai tahapanmitaugē e ku kai Sekē i Kristus e. ⁸ Ualingu ene ute, pakapapia wue i kamene, mading i kamene kailangengu wuan saghed'i kami e. Pēsālimae bue tadeau i kamene makatarima asēkinu wou Ruata masuku.

⁹ I sain ta mangangumbele su tēntirong Kristus, taumata ene tawē Duatane. I saiewen tatapē suralungu tēntirong Kristus, ute managhuangbe kurai Ruata i Amang kuraiewe Ruata Ahusē. ¹⁰ Ualingu ene kereu pia rumēnta ringangu mēhabarē si kamene tēntiro tai tatēntirong Kristus e, ute kumbahang bue mēnarima u tau ene suralungu walenu arau mangonggou adatē

si sire. ¹¹U taumata mēngadatē su taumata kerene ute ma_ṛlaing tūto_ṛle ringangu tau ene su-
ra_ṛlungu kakanoa da_ṛlakisē.

Papondole

¹²Ma_ṛlawo kahēngang hinon taku ihabarē si kamene, kai-
so mapiangbe wa_ṛline ringangu

suratē. Sukira_ṛlingku e ia ma-
kapētiwo ringangu makapēbisara
hala ringang'i kamene, tadeau
naung i kite e kahēnga-hēngang-
be ma_ṛluasē.

¹³Manga anau tuarin Ni-
nang ku pinilen Mawu Ruata e,
ma_ṛlaing nēndohong adatē e si Ni-
nang.

SURAT'I YOHANES

KATELLUNE

DARUMATINGE

Surat'i Yohanes Katëllune ini e niwohe u sengkatau, "tëmbonangu jamaatë" su sengkatau matimadu jamaatë arenge i Gayus. Mamamoheu suratë ini e mëdëdalong Gayus ualingu pëtatatulunge su taumatan Sahani lai woline. I sie maiaing mamatasë si Gayus u pakaingatë bue su sengkatau esë arenge i Diotrefes.

Lohone

Panëtakege	1-4
Gayus niraloëng	5-8
I Diotrefes niapësaia	9-10
Demetrius niraloëng	11-12
Papondole	13-15

Su anau sēmbau i kēkēndagē i Gayus!

Ia e tēmbonangu jamaatē, kükēndagi kau kahēnga-hēngang, ²mēkēkalīomaneng karimako i kau e mēngkai mahuweka ringangu kēbi apan dingangue mapia wue kereewe lai himukudu e mēngkawe lai mapia. ³Ia e maḷuasē kahēngang pia e pirang katau anau sēmbau Sahani e narēnta ku nēhabarē si sia u kai naung kereng kasatiane i kau su pēbawiahu su tēngon Duata e kahēngang, batuu i kau e mambeng hanesē mēbēbiahē tutuhu tēntirom Mawu Ruata. ⁴Tawē apa wāline makakoā si sia limembom maḷuasē e, wou makaringihē u manga anaku e reng mēbēbiahē tutuhu tēntirom Mawu Ruata.

I Gayus niraloēng

⁵Anau sēmbauku! I kau mambeng masatia suralungu munara kēkoatengu waugu sēndinganeng u tau Sahani, ore lai su tau Sahani wēdan tā kinakiralanue, maḷaing tētangkianengu. ⁶I sire nēsahidiwe lai kakēndagu e su jamaatē su anung kami. Tulungko i sire tadeau makatēpasēben daraleng i sire ringangu tadeau i

sire maḷuasēbe naungu Mawu Ruata, ⁷waugu su raralengangu mētangkianeng si Kristus e, i sire tawe mananarima apa-apa woi sire tau kapiṛē e. ⁸Ualingu ene i kite apan tau Sahani e harusē mētulungu manga hapi lawo Sahani kerene, tadeau i kite e maḷaing makakatole mangelken tēntirong katēngadu Ruata.

I Diotrefes rēduan Demetrius

⁹Ia e seng namoheu suratē manimbū su jamaatē, kaiso i Diotrefes pia kapulune makoa tēmbonange suralungu jamaatē e tawe tumuhu si sia. ¹⁰Hēdowen ia marēnta e, ia sarungbe mapētahēndungu patiku apan nikakoā e patiku kararalakisē dingangu konti iwēberane mauḷi i kami e! Kaiso kēbi ene mang tawe nakasahe kapulune. Ene, naung pia e manga hapi e tau Sahani ku narēnta e, ute i sie kawe tawe mapulu mēnarima i sire. Katewe i sie mundangu nēsēdingu taumata apan mapulu mēnarima u manga anau sēmbau ene, ringangu i sie mēndolohi sire ene apasēbang bou ralohon jamaatē e.

¹¹ Manga anau sēmbau i-kēkēndagē, kumbahang bue mētātēno suralakisē. Pētātēnoko suapan mapapia. I sain mēkēkoā mapia e kai tataghuanengu Mawu Ruata e. Ringangu i sain mēkēkoā dalakisē e kai wēdang bēgang Mawu e.

¹² Kēbi taumata e mēsēsahiding kapiam pēbawiahi Demeterius. Saralaing Mawu Ruata e mēsēsahiding ene. I kami malaing mēsēsahiding Sie, ku i kau masingka u ipēpauli i kamie mamben tēngadē.

Tatabea ipangunsi suratē

¹³ Malawo kahēngang hinon taku ipēbera si kamene, kaiso ia mēpēpēndangu nēngalēmbom mapia e kumbahangbe ringangu suratē. ¹⁴ Ia mēlēharapē lai tawē karēngu e sarung mēsombang dingangu, ku i kite makapēbisara-we mētētēngo.

¹⁵ Karimako alamatu Mawu e mēngkai wua u.

Manga hapi u su tampa ini e nēndohong tabea si kau. Pauliko tabeaku su manga hapi i kite kēbi e sēngkatau-sēngkatau.

SURAT'I YUDAS

DARUMATINGE

Surat'i Yudas ini e niwohe ipangurihe su mebwassane tadeau pakategang su mananentiro ta katengade mauļu watangenge tau Sahani. Suralungu suratē manimbu ini e, lohone mēpēpangawēu surat'i Petrus karuane, kų mamamohe e mamahansang su mebwassane tadeau pakatatoghasē su pangangimang.

Lohone

Panētakege e	1-2
Lulu, tēntiro ringangu kakakoau mananentiro ta katengade	3-16
Sasasa waugu pakatatapē su pēngangimang	17-23
Kakaliomaneng daralo	24-25

Manga anau sēmbau kŭ seng nikuiang dingangu ikēkēndagu Ruata i Amang, dingangu tētēntanudang baugu Mawu Yesus Kristus. Kere sēngkatau mētatangkiang si Yesus Kristus e ia – i Yudas – tuaring Yakobus, ²mēkēkahumang:

Milumbau Ruata e mēngalamatē, tatalēntu dingangu karalunsemahē e kawua si kamene su pēdaralembo.

Mananēntiro ta katēngade

³Manga anau sēmbau ikēkēndagē! Ia e māngiaking sēngapam botonge mapulu mēnuratē si kamene māanung kasasalamatē kŭ seng kinapēndangeng i kite e. Arawe orasē ini e ia nakapēndang sēsahēsekangu mēnalēntihō u suratē ini e si kamene tadeau i kamene mēnēpasēben munarang pēngangimang kŭ seng nionggo u Mawu Ruata e sēsule sarang marēngu-dēngu su apang umat'E. ⁴Batuu ta nikahēnganeng i kite e, kai pia u nēmpēlikosē nahunsuē nētēngkalau dingang i kite. I sire e kai taumata ralakisē mēngēngalintuing habaru tatalēntuu Ruatang kite, mēdeau

makahombang lēsabu mēnukau abuling sire. Kŭ i sire manuhudu Mawu Yesus Kristus, Mēngangawasa mang sēmbau Mawung kite. Ren dokeng kalāmona hukumang baug'i sire e seng nipēhengetang suralungu Winohe Susi e.

⁵Patiku e seng su kasingka i kamene. Kaiso Ia e mapulu mapētahēndung i kamene māanung kereapa Mawu mapakasalamat'u umatu Israel bou wanuan Misirē, kuteu samurine kawe mapakawinasang taumata apan tawe mēmpangimang sutaloaran sire. ⁶Tahēndunge lai manga malāekatē kŭ seng nahēmpaliu wou kawang sire, hakiu i sire nanēntangu pētatanakeng i sire. Mawu e nēhapusē manga malāekatē e ringangu hante kakalē e, su tampa u kararēndung sualungu wanua e. I sire kalāhapusē sene sarangkewen kanawoēngu hukumang si sire su Ēllo masēllahē e sarung. ⁷Kerene lai tahēndungē soan Sodom dingangu Gomora ringangkewen soa māngēliku e kŭ apan tumana e mēmpēkēkoā apang kinoau manga malaekatē ene. I sire mēmpēkēkoā halē u pēsasundalē dingangu karalamuhu,

hakieweng i sire sēsīgēsakengu hukumangu naraka kakalē, nakoā tatahēndungang su patikū tau-mata.

⁸Kerene lai apang wēbaliawangu i sire mēbēbaradosang badang i sire hala. I sire kai mapakasanau kawang Duata ringangu mēnēnamedē tumanau Sorga mawawantugē. ⁹I Mikhael sēsane mananēmbonangu malækatē e, tawe nēkēkoā kerene. Su tempon i sie mēdēdarendehū setang suralungu pēsasitori mēdēdarendehū i sai sarung makahombang balunangu wadang i Musa, i Mikhael e tawe wahanī mēhukungu setang dingangu manga sasamede. I Mikhaelē e tumbaeng nēbera, "Mawu e sarung mēbuheang si kau!" ¹⁰Kai ringangkewen manga sasamedē e i sire nēmpanelorē apaeweng tawe nikaēnnaēng i sire. I sire mēsulungu manga binatang tawe naunge, kū tumbaeng masingka u patikū e ualingu kalokone. Kaiso kawē ualingu ene makabinasa si sire. ¹¹Kāēngkēhang i sire! I sire seng timolē raralengang i Kain. Mēdeau i sire makaēba doitē, i sire nētēngkahumagu watangeng i sire su walang ka-

papalidē mēsulung i Bileam. Kū i sire malaing nipakawinasa ualingu nēmpēnggohaeng kere i Korah. ¹²Su tempong i kamene mēmpēsālimbange, lulun sire e su taloarang kamene makadarēnting. Batu i sire e kai apaewe makakombang mahungkaēnge ringangu tawe mēngkamamea, ringangu tumbaeng mēngēngēnna watangeng hala. I sire e kai tabidau kere winawa nitiū u anging, kai tawe makakarsehē. I sire e malaing kere kakaluang tawe mēbawua maning su musungu pēbawawua, kakaluang kū hamūe seng niēbūdingangu selaing nahēgu-hēgu. ¹³Mēsulungkewen lua malaiha su sasi e mēdēndui'u sēbu, kerene lai i sire mapalēton sēbung kalawou kakanoā i sire makamea. I sire e kai mēsulung'u manga wituing mēpēpalili dingangu apan sen nirihiang'u tampa e kahian Duata su ralung'u kararēndung kaēllikang'e sarang marēngu-dēngu.

¹⁴I Henokh hēnto kapitune wou i Adam nāung kalamona e wou nanēbalu kakakoā i sire. I Henokh nēberau, "Kakēlla,

Mawu e sarung dumēnta ringangu manga malækate susi hiwune ¹⁵baugu mēhukungu patikū taumata. Mawu e sarung mēhukungu taumata raralakisē e ualingu kakanoa i sire malamuhū. Dingangu i sire sarung mēhukungu taumata waradosa e ringangu duruhaka e ualingu kalawou wawerane lahinakang iwēberane.”

¹⁶I sire e mēngkate tā umpade kukurubū dingangu mapēsalang baline e. I sire e mēbēbiahē tutuhū e kalawou ēnning i sire mararosa e. I sire mēngkate tūtahimorasu kakakoā i sire hala e, ringangu mēlēlewa taumata medeāu makareā untune.

Tatumbalung dingangu sasasa

¹⁷Arawe i kamene manga anau sēmbauku ikēkēndagē, pētahēndungko apang naung seng nibawerang manga rarolohangu Mawung kite Yesus Kristus. ¹⁸I sire seng nauli kalimona si kamene u kakasandigeng^a ēllong kiamatē sarung sumēpu taumata mēlaheghesē si kamene, i sire e apang mēmpēbiahē tūtole

kalawou ēnning i sire waradosa. ¹⁹I sire ini e kai taumata makakoā pēdalāhae. I sire e tawe tumatatuhū kawang Rohkē Susi e, kaiso kawē tūtuhū kalawou ēnningu dunia e. ²⁰Arawe i kamene manga anau sēmbauku, pakatalēmbuhu e we turusē pēbawiahi kamene su laēmpahu pangangimang si Yesus Kristus. Pēngangimang i kamene e mambeng susi kahēnga-hēngang: Tēntalang ene e pēmpēkaliomaneng bue suralungu Rohkē Susi e; ²¹Kū pēmpēbiahē sidutu suralungu kakēndagu Mawu Ruata karēnguweng i kamene māngampalē kakēhangu Mawu Yesus Kristus Mawung kite e kū sarung mangonggou pēbawiahē tūtune ringangu kakalē si kamene.

²²Kū baugu i sain naunge tūtaghiawahē e, ute i kamene pēmpēnodekong tatalēntu e. ²³Kū bēbolengkong kamene solong likude taumata e wou ralungu putung tadeāu i sire masalamatē. Su waline ete wue ute i kamene pēmpānedēbeng pēkakēndagē pia takue, kaiso pēmpēbinsi u lai pakeang i sire kū seng nēngkalamuhū u ēnning i sire waradosa e.

^a kakadanineng
ay. 18: 2Ptr. 3:3

Kakaliomaneng daralo

²⁴ Duata e kawasa manënta-nudë si kamene mëdeau kumbahang i kamene manawo, ringangu kawasa mangalä si kamene solong tēngon'E mawantugë e, ringangu raluasë ore lai tawë tura e,

²⁵ u kai i Sie Ruata, nënalamat'i kite e suralungu Mawung kite i Yesus Kristus. Kai i Sie Ruata mawantugë, masëllahë, makawasa, ringangu pia pëhëngking'E dongkeng năung kalamona sarang orasë ini, ringangu sarang marëngu-dëngu! Aming.

PĚLALAHE

SI YOHANESĚ

DARUMATINGE

Pělalahe Si Yohanesě ini e niwohe su tempong tau Sahani e sěsědakeng dingangu tětinkaitang ualingu mąngimang si Yesus Kristus Mawu e. Timona tutune su mēmamohe e ute kai mąnoghasě pėngangumbala ringangu mąnoghasě pėndangu apam mėbawasane, ringangu lai mąmahansang si sire tadeau tatapěbe mąngimang su tempong sěsigěsakeng dingangu sěsědakeng. Lohom bukě ini e kasariange kai wou pėralahěmpukangu pělalahe pira-pira ringangu papasilo piram bau ku ilěhabarě suralungu wawera ipěpěpapasihing ku kěkaěnnaěngu apan tau Sahani su orasě ene, katewe takalaěnnaěng i sire waline. Banggilu sipirang nipauli suralungu bukě ini e ipěbėbawalung suralungu pėdalahěmpu u papasilo malawo dingangu haghing kakako e. Manilaing kěkaěbakeng pia ěba mėdėdalahaghi suralungu pėmamitua maunsui mąanung lohom bukě ini, kaiso ghěsing tiněnnane e malahe, u lumiung Kristus e, Duata e kasueěnge sarung mamata kėbi seke'E, saralaing setange. Ku kamagengu kalauntung ene sembeng kinaringkauang, tangu Ruata e sarung mangonggo u sorga wuhu ringangu dunia wuhu kere sėmbau bawalarě su kawanuan'E ku masatia.

Lohone

Panĕtakege	1:1-8
Papasilo humotong dingangu manga suratĕ su jamaatĕ pitu	1:9– 3:22
Duĭungu bukĕ dingangu segelĕ pitu	4:1–8:1
Tĕrompetĕ ^a pitu e	8:2–11:19
Naga dingangu binatang darua	12:1–13:18
Haghi-haghing papasilo	14:1–15:8
Pitu haghing dalangehu Mawu Ruata	16:1-21
Kaghagholo u Babelĕ, kawawata u binatang, mahang nabi ringangu setang	17:1–20:10
Hukumang pangĕnsueĕnge	20:11-15
Langi wuhu, dunia wuhu, Yerusalem buhu	21:1–22:5
Kakunsi e	22:6-21

^a napiri

1 Lohong bukĕ ini e mĕbĕbĕ-keng apa iwĕboka i Yesus Kristus maanung manga e apa sarung mariadi. Mawu Ruata e napakasingka si Kristus ta-deau i Sie mapakalahĕ su manga ĕllang'E apan seng tawĕ kararĕngu e harusĕ mariadi. I Kristus rimolohu manga malĕekat'E solong anung Yohanes ĕllang'E, apauli u karariading kalawou munara ene si sie. ²Tangu i Yohanes nĕbĕkĕen patiku apang kainasilone e; ku seng ini e katakaingu wĕkene maanun titang Mawu Kasĕllahenge ku nitoghaseng i Yesus Kristus luliu pĕsasihidin'E. ³Kariangkamang taumata ku mapĕbasa ringangu i sain mapararingihu walon tĕbalu bukĕ ini e mase matuhu suapang ku kabawohĕ suralunge. Batuu tawĕ karĕngu e patiku ini e sarung mariadi.

Adatĕ su jamaatĕ pitu


⁴Manga anau sĕmbau su kĕbi jamaatĕ pitu su ĕntanang Asia! Ia i Yohanes, mĕkĕkaralo i kame-ne kĕndagengu alamatĕ dingangu

karalunsemahĕ bou Mawu Ruata – i Sie ku ene, ku seng ene, dingangu sĕntinia ene – ore wou kĕbi rohĕ pitu ku ene su tĕngon kararatun Duata, ⁵ringangu wou i Yesus Kristus, sahidi satia. Kai i Sie kahumotong-motonganĕ niapĕbiahĕ kapia wou kapapohonge ringangu kai i Sie kawasang patiku datun dunia e.

Mawu Yesus kimĕndag'i kitĕ, ku ualingu kapapohong'E, i Sie nĕliung kitĕ bou patiku dosang kitĕ, ⁶ku nĕhengĕ i kitĕ niapakakoā kawanua tĕntani manga imang, mĕtatangkiang Duata, i Amang'E. Kai i Yesus Kristus ene mawantugĕ dingangu kawasa sarang karĕngu e. Aming!

⁷Kakĕlla, i Sie rimĕnta maĕaliwungu winawa! Kĕbi tau-mata e sarung makasilo si Sie, sarangkewen lai i sire apan nĕnĕka si Sie. Patiku bansa su dunia e sarung lumungkang ualing i Sie. Ore, tĕngadĕ! Aming!

⁸"Kai Ia e kahumotongang e ringangu pangĕnsueĕnge," unguĕngu Mawu Ruata e, ku seng ene, dingangu ku ene sĕntinia, Ku Lembong Kawasa.



Tahanusang Patmos (1.9)

Papasilo maanun Kristus

⁹Ia e kai i Yohanes, anau sēmbau u kų ukure mēsulung'i kamene suralungu pēnanaḷudē su-sa kų luhombang su apan tumatoḷe si Kristus. I kite e hinong makēdang susigēsā tarangkewe su sēngkatau umat'E tataghuaneng'E. Ia e niwembang su tahanusang Patmos ualingu ia mēlēhabaru hengetang u Mawu Kasēllahenge nitoghasengu sasa-hidin Mawu Yesus. ¹⁰Su ēllon Mawu e, ia kai nilohoēngu Rohkē Susi, bōu e ia nakaringihē tingihē maiha – kere tingihu napiri

– mēlēluntingihē su likurangku. ¹¹Tingihē ene nēbera u, "Bohēko apang ikasilonu, kų dingōko bukē ene su jamaatē pitu ini: Efesus, Smirna, Pergamus, Tiatira, Sardis, Filadelfia, ringangu Laodikia."

¹²Ene ia nēbihu e soḷong likude namanda mēnsang kai i sai maḡisara si sia e. Tangu ia nakasilo e raḷaedu soḷo ni-koā bōu wuḷaeng kaḷawōe pitumbau. ¹³Sutaḷoarang manga ḷae-du soḷo ene ruḷarisi sēngkatau, kų kēkasilo aḷingkai kere taumata. I Sie nēpake u kakēngkaenge kų kanandue niḷatingu ḷaedē.


Su sēba'E i Sie nēpakeu tatukuse wou wuḷaeng. ¹⁴Uta'E mawira kere manga ruku u domba, kawirane kere kapesē: Matan'E kūkuhenabē kere putung; ¹⁵laed'E luhentē kere witu nitongka. Tingih'E kere ghalēdu u akē u tēdunang gaghuwa. ¹⁶Liman'E koaneng māngumbeḷ bituing pitu, mase wou mohong'E nisēbangengu peda mahoro sēmbau kū horone su ruambēka. Gatin'E kūkuhēnabē kere matangēllo su ēllo malētu. ¹⁷Ené iā nakasilō e si Sie, kutēu iā kawē nēlinsumagē su tēngon'E kere taumata nate. Ené i Sie nanēlideng liman'E koaneng si siā e kū nēbera, "Abe kataku! Kai Iā e panētakenge ringangu pangēsueēnge. ¹⁸Seng Iā e i Sie kū biahē! Iā e seng nate, kaiso kakēllako, Iā e wiahē sarang marēngu-dēngu. Iā e māngawasa papate, ringangu dunian taumata nate. ¹⁹Ualingu ene, wohēko apang kū kinasilonu, kū apaeweng ene su orasē ini e, ringangu apaewen sarung mariadi e. ²⁰Kai ini e rahasiang bituing pitu e kinasilonu su lima'Ku koaneng, dingangu wou raḷaedu soḷo wuḷaeng pitumbau e: Bituing pitu e kai

manga malāekatu jamaatē pitu, dingangu raḷaedu soḷo pitu e ute jamaatē pitu ēndai e."

Tatanata waugu Efesus

2 "Baugu malāekat'u jamaatē su Efesus kereini:

Ini e kai tatanatan Sie māngumbeḷ bituing pitu su liman'E koaneng'E, kū dūdaleng sutaloarang daḷaedu soḷo wuḷaeng pitumbau e. ²Iā e masingka u apang kēkoateng i kamene: I kamene mēmpēlēhalē masēgadē, dingangu i kamene e makakēdang tā sihinge. Iā masingka u i kamene tawē mapulu mēgaghōḷo u raḷungu naung i kamene su taumata raḷakisē. Kutēu taumata apang nēngakung batangenge kawē rarolohang, kutēu naung baḷine wue, kūseng niwanikatang i kamene, ringangu kinaēbakeng i kamene u isire kai tahakontiang. ³I kamene mararagē dingangu i kamene nasigēsā ualingu Iā, kai naung i kamene e tawē nēngkapēndu. ⁴Kai ini e sēngkulē'Ku si kamene: I kamene kai seng tawē kimēndag'u Iā kere naung su tēta e. ⁵Ualingu ene pētahēndungko, kai seng a-



Dałæd'u soło wułaeng pítu'm bau (2:1)

pa karałung kananawong kamene!
Pěmpětobate bōu kaławōu rosang
kamene ringangu pěmpěkoā e a-
pang kěkoateng i kamene kangerē
e. Maeng tala ute, Iā e sa-
rung duměnta kŭ manawu dałæ-
du sołong kamene e wōu tampa
e. ⁶Kai tangu piā bue hałē ma-
pia wōu i kamene, u: I kamene
měběbinsi u kakakoā u manga
tumatōle si Nikolaus, kŭ małain
Taku ipěběbinsi e.

⁷I sain makadingihē e, da-
ringihēko apan nipěhengetangu
Rohkē Susi e suapan jamaatē!

I sain nakawata, Taku iapa-
kawala měmpěkaēng buang ka-
lum pěbawiahē kŭ surałungu wa-
waelangu Ruata.”

Tatanata waugu Smirna

⁸”Baugu małækat'u jamaatē
su Smirna: bohēko kereini:

Ini e kai tatanata wō'i
Sie kŭ panětakenge ringangu
pangěnsueēngē – bōu nate kŭ
něbiahē kapia. ⁹Iā e masingkau
kasasigēsā i kamene; Iā e ma-
singkau kakakasiang i kamene kai
tuhŭ hinone i kamene kai kałā!

Ia masingkau haghin lahodatě ipělěhodatě si kamene kahiaen sire apan mągakung batangenge tau Yahudi e, kutęu nąung baline wue; i sire e kai kawanuang setang! ¹⁰ Abe kęngkatakų u sigęsa kų kate kadodo tempo sarung talųrang i kamene. Pětahëndung, u setange, sarung mapasuę u sęngga bọu i kamene solong dalųngu tahungkų ipęnalųka si kamene. I kamene sarung mętatahangu sigęsa suralųngu mapulọ ęllo karęngue. Karimako i kamene mętęngkasatia si Sia sarang papate, mędeau i kamene takų gęlirangu pębawiahę tutune ringangu kakalę męsulųngu laękingu nakauntung.

¹¹ I sain makądingihę e pępęnaungko apang kų ilęhenge-tang u Rohkę Susi e su apang jamaatę!

I sain nakawata, mambeng tawe sarung mętatahangu sigęsa sarang kądodo ualųngu kapapohong karuan sulene."

Tatanata waugu Pergamus

¹² "Baugu maląekat'u jamaatę su Pergamus e, bohęko kereini:

Kai ini tatanata wọ'i Sie kų mągumpaedę barą mahoro kų horone su ruam bęka. ¹³ Ia masingka u su apa katatanakeng i kamene, kų nąung kai su tampa u kararatuangu setang. I kamene e masatia si Sia. Ore lai pia Antipas, sahidiku satia e, nipa-te su tęngong kamene, su waloari u setang, kų su tempo ene i kamene mamben tawe nęsunialų i kamene kawe mąngimang si Sia e. ¹⁴ Kai maningbe seng kerene mang pia halę pirambau kų tawe Takų iralųasę bọu i kamene: Pia pirangkatau wọu taloarang kamene kų tutole apang itętęntiron Bileam. I Bileam mąnętiro si Balak dalęngu mapakanawon tau Israel suralųngu rosa; kų mąngologę si sire apakaęng kaęng seng bọu nisęmba su mahang duata ringangu mękękoą manga halę u kawawuang. ¹⁵ Kerene lai pia bọu taloarang kamene tau-mata kų mągumpaedę su tętiron manga tumatole si Nikolaus. ¹⁶ Ualųngu ene, pępętobatę bue wọu kalawọu rosang kamene! Maeng tala, ute tamararęna Ia e sarung dumęnta su anung kame-

ne ku mēneķē si sire ringangu peda su mohong'Ku.

¹⁷I saim makādingihē e pēmpēnaungko apang nipēhenge-tangu Rohķē Susi e su apan ja-maatē!

I saim makawata sarungbe Taku iapakawala pakaēng manna ku mābawuni, ringangu sēngkatau-sēngkatau e sarung makatarima u watu mawira pēsēmbau e wou Ia. Su watu ene kābawohē areng buhu, ku tawe kasingkateng i sai-sai su likudu i sain nakatarima e."

Tatanata waugu Tiatira

¹⁸"Baugu malaekat'u jamaatē su Tiatira e, bohēko kerei-ni:

Kai ini e tatanata wou Ahusu Ruata, ku matan'E rūdēlli kere putung, dingangu laed'E luhentē kere tambaga nitongka. ¹⁹Ia e masingka u ķēbi apang nikakoā i kamene – Ia e masingka u i kamene kükēndagu kasanggidangu, i kamene satia, i kamene mēmēmunara, dingangu i kamene makakēdang su sigēsā e. Ia e masingka i kamene orasē ini e nēmunnara limembong kasaghede wou

kangere. ²⁰Kaiso kai ini e wēha u naung'Ku si kamene: I kame-ne seng kinaologang i Izebel, tau wawine ku nēngakung batangenge rarolohangu Ruata e. Seng maławo manga rarolohang'Ku e lēakalenge ringangu nitēntiroēngu kawawuang dingangu apakaēng kaēng seng bou nisēmba su mahang duata. ²¹Seng Taku niongotangu loahe si sie apētētobatē bou manga rosane, kaiso i sie tawe mapulu mangēdo mawuang e. ²²Pētahēndung! Ia e sarung mamēpa i sie sarang masaki su ralokaēnge. Sene i sie ringangu apang nawuang dingange e sarung mētatahangu sigēsā marasai. Kēbi ene e sarung taku koateng su orasē ini – tabeau katewe i sire mēngēdo mēmpēkoā halē daļaki dingange. ²³Manga tumatolene e sarung lai Taku pateēng tadeau ķēbi daļohon jamaatē e makahēngang u kai Ia e makakasēsui tinēnna ringangu ralungu naungu taumata. I kamene sarun taku baļsang tuhu kakanoā i kamene sēngkatau-sēngkatau.

²⁴Arawe i kamene waline su Tiatira e tawe timole tēnti-

ro rałaki ene, ringangu tawe nĕmpangĕndung manga kasingka u setang. Ia mĕbera u Ia tawe sarung mĕnambang bawa-waĕng ku limembong kawĕha e si kamene. ²⁵ Kai arawe sarang darĕnta'Ku e sarung, i kamene harusĕbe tatapĕ pĕmpĕtole apang ku seng tĕbe tĕtaghuaneng i kamene. ²⁶⁻²⁷ I sire apan nakawata, dingangu sarang pangĕnsueĕnge tatapĕ mĕkĕkoa apang ku Taku ikĕkapulu e, sarun Taku gĕlikangu kawasa ku mĕsulungu Taku tĕtarimakeng bou i Amang'Ku. I sire sarung makatarima u kawasa wou anu'Ku mĕparenta haghim bansa ringangu tĕking uase, ringangu waugu ipĕnggolō patiku bansa e kere kuring ĕntana. ²⁸ I sire sarung makatarima u wituing Ahusu ĕllo^b e wou Ia e.

²⁹ I saim makadingihĕ e, pĕmpĕnaungko apang nipĕhenge-tangu Rohkĕ Susi e suapang jamaatĕ!"

Tatanata waugu Sardis

3 "Baugu malĕekat'u jamaatĕ su Sardis, bohĕko kereini:

Kai ini e tatanata wou i Sie ku managhuang rohkĕ u Mawu Ruata arĕgang pitu ringangu wituing arĕgang pitu e. Ia masingka u apang nikakoa i kamene. Uade i kamene wiahĕ, sĕmbaliau kawe nate! ² Ualingu ene, pĕpĕti e ku toghasĕ e apang ku bĕdang ene si kamene tĕntalang ene e tawe nĕtate kahĕngang. Ualingu Taku kinahombangeng u apang kinoa i kamene e, tawĕ u sarang sĕmbau ku deng nasuku su tĕngon Dua-ta. ³ Tangu, tahĕndungeko kapia apang ku seng nitĕntiro si kamene kangerĕ e ringangu apang ku seng nikaringih'i kamene. Koako ene ringangu pĕmpĕtobate wou kaławou rosanu. Kereu i kamene tawe mĕmpĕpĕti, Ia e sarung dumĕnta su anung kamene e mĕsulungu tahatako; ku i kamene tawe makakasingka u angere bue tempone Ia dumĕnta. ⁴ Kaiso su taloarang kamene su Sardis bĕdaweng pia taumata ku mĕtĕtanudĕ tadeau pakeange tatapĕ burĕsi. I sire ene sarung dumalang sĕngkaraleng dingang'Ku dingangu pakeang mawira, batuu i sire kai

^b kadadĕmahĕ = bintang timur

2:26-27: Mzm 2:8-9 3:3: Mat 24:43-44, Luk 12:39-40, Pĕl. 16:15

su tampa e waugu ene. ⁵Baug'i sire apan nakawata e sarung luheengu laku mawira manandu. Areng i sire tawe Taku dēdaseng bou Bukē u Taumata Wiahē. Ku su tēngong Amang'Ku ringangu manga malāekat'E Ia sarung mēsahidi u i sire kai tataghuaneng'Ku.

⁶I saim makadingihē e, pēm-pēnaungko apang ku ipēlēhenge-tangu Rohkē Susi e suapang jamaatē e!"

Tatanata waugu Filadelfia

⁷"Baugu malāekat'u jamaatē su Filadelfia, bohēko kereini:

Kai ini e tatanatan Sie ku susi ringangu tuhasē. Kai i Sie mangangumbeļ kakunsi ku tētaghuaneng'i Daud; kereu topeēnge, tawēu sarang sēngkatau makakahēping e, ringangu kereu hēpingange, tawēu sarang sēngkatau makatope. ⁸Ia e masingka u apang kēkoateng i kamene. Ia masingka u i kamene tawe tumanje matoghasē; i kamene semben tutuhū tēntiro'Ku ringangu satia si Sia. Baug'i kamene Ia e seng nēno-

pe tukadē sēmbau, ku tawēu sarang sēngkatau makapēhēping. ⁹Pētahēndung ini: I sai-saim maka-koā taumatan setang e, manga tahakontiang ku māmewēu watangenge tau Yahudi e, kaiso kawē waline, sarun Taku koateng sarang i sire mēsuba su tēngonu. Ku i sire sarung makakasingka u Ia e kükēndag'i kamene. ¹⁰Ualingu i kamene semben timuhū parenta'Ku tadeau i kamene pakalaamunuang, Ia e sarung lai manēntanudē si kamene su tempong kasasigēsā humombang su kaguwau dunia. Hombang ene sarung mariadi waugu ipēmanika patiku umatē su dunia e. ¹¹Ia e ligha dumēnta! Lukadewe^c pakapia apang ku tētaghuaneng i kamene, tadeau tawēu sarang sēngkatau makahampasē bawa-larē kaļauntung i kamene su pēsasekē e. ¹²I saim makawata e, sarun Taku koateng kere rihi suralungu Walen Duata'Ku Susi e, ku i sie sarung mētumana sene sarang karēngu e. Arengu Ruata'Ku, ringangu arengu soan Duata'Ku – e Yerusalem buhu ku sarung matēntung bou sorga,

^c diagatewe

3:5: Sas. 32:32-33, Mzm. 69:29, Pēl. 20:12, Mat. 10:32, Luk. 12:8 3:7: Yes. 22:22, Ayb. 12:14 3:9: Yes. 49:23, 60:14, 43:4

wou anun Duata'Ku – sarung Taku bohekan su watangeng e. Kerene lai areng'Ku wuhu e sarung Taku bohekan su watangenge.

13 I saim makadingihē e, pēnaungko apang ku ilēhenge-tangu Rohkē Susi e suapan jamaatē!”

Tatanata waugu Laodikea

14 ”Baugu malækat'u jamaatē su Laodikea, boheko kereini:

Kai ini e tatanatan Mawu Amin, Sahidi ku satia ringangu tēngadē, simbulu patiku apan niriadin Mawu Ruata. **15** Ia masingka u apan nikoā i kamene; Ia masingka u i kamene waline-we matēho ringangu waline-we lai matēti. Tuhu hinone i kamene e kai pia u sēmbau bou rarua ene! **16** Kaiso i kamene kai masalumighang; matēti baline, matēho malaing baline. Kai ualingu ene i kamene sarun Taku i kue luaēng bou mohong'Ku. **17** Ungkuēng i kamene, 'I kami e kala dingangu taweu tala, i kami e tawe kakawusangu apa.' Arawe i kamene wēga kawe kasigēsā e ringangu enē e makatatalēntu kakakoā i kamene e! I kamene e kai

kasiang, tēntole ringangu wuta **18** Ualingu ene Ia manēgu si kamene tadeau i kamene mēmēlli wulaeng bou Ia, mangalene wulaeng sahi, tadeau i kamene makala. Pamēlliko lai pakeang mawira wou Ia tadeau i kamene mēpakeang ku mēhēmbung kakakoā i kamene tēntole e ringangu makamamea e. Dingangu pamēlliko lai undang ku buha su matang kamene tadeau i kamene makasilo. **19** Apaeweng i kēkēndagē'Ku e, seng i sire taku sēsasaēng dingangu Taku gēgese-rang. Ualingu ene ute, pētēngkaradingko i kamene ringangu pēmpētobatēko wou kalawou rosang kamene. **20** Kakēlla! Ia dudarisi su tēngon tukadē ku manengkelē. Kereu pia u makaringihē tingihē'Ku, ku manope tukadē; Ia e sarung sumuē mēsombang i sie, Ia e sarung kumaēng sēngkakaēng dingange ku i sie kumaēng sēngkakaēng dingang'Ku. **21** I sire apan nakawata, sarun Taku ipakawala maiang su kararatuang'Ku sēngkakaiang dingang'Ku, kere-we Ia sēsaku malaing seng nakawata ku orasē ini e maiang dingang i Amang'Ku su kararatuang'E.

²²I saim makadingihě e, pēmpēnaungko apan ilēhenge-tangu Rohkě u Mawu Ruata e suapan jamaatě!”

Pēnanēmba su sorga

4 Naļiung ene iā saṣewe naka-hombang papasilo. Iā e nakasilo tukadě sēmbau su sorga e natope. Bōu ene kinaringihěko ļai piā tingihě naung seng bōu mēmēmisara si siā kere tingihu napiri. Tingihě ene nēbera, ”Endai e awi soļong ini. Iā e mapasilo si kau apa kų sarung mariadi.”

²Iā e apidu nilohoēngu Rohkě Susi. Mase iā nakasilo e su sorga e kai piā kararatuang sēmbau, kų piā sēngkatau maiang su kaļaiang e. ³Gatine su sēnnang kere paramata Yaspis dingangu paramatan Sardis. Ene piāko rēndipahě sēmbua awa e kamumu nēliwung kaderang kararatuang ene.

⁴Ene nēlikų nēlimbolong kaderang kawawantugě ene piāko ļai kaderang kararatuang baļine kaļawōe ruam puļo ēpa su waṣ e. Sene tangu nikaianengu tēmbo-nange i sire ruam puļo ēpa su

kataune mēmpēlēluheng pakeang i sire mawawira ringangu makotane wuļaeng. ⁵Bōu kaderang kararatuang ene e namēsī e tualagě mēkēkilā mase piā e tingihu rēllų mēgēgaghalēdu. Kų su tēngong kararatuang ene e piāko ļai oborē pitumbau kađariko; kų kai ene Rohkě u Mawu Ruata, arēgang pitu. ⁶Maļaing kēkaēbakeng su tēngong kararatuang ene e piā apa kakēllaēng maṅawē laud’u kasēnaēng, matilang kere galasē.

Kađalikų su kaderang kararatuange, suapan sēndihange, piā diadikang ēpa, kų su tēngone ringangu su likude napēpidu mata. ⁷Diadikang humotong, kakēllaēng kere singa. Karuane, kere sapi esē. Katēllune piā gatine mēsulungu ghahiu taumata. Arawe kaēpa e, kēllaēng kere manu kamamaresē^d kaťella e. ⁸Kaēpau riadikang ene nahiau panide pētahā ēnnung, mase napēpidē dingangu su sēhaweng daļunge napenē u mata. Ēllo hēbi manga riadikang ene hanesē mēkēkantari tawē ēdone,

”Susi, susi, apakususiko
Mawu, Ruata Makawasa;

^d rajawali

4:2-3: Yeh. 1 26-28, 10:1 4:5: Sas 19 16, Pēl 8 5, 11 19, 16:18, Yeh. 1 13, Pēl 1 4, Za 4 2 4:6: Yeh 1 22 4:6-7: Yeh 1 5-10, 10 14

kų ene, ringangu seng ene,
dingangu ene sěntinią.”

⁹ Kaěpau riadikang ene e měmpěkěkantari u kakantari daralo, adatě dingangu tatarimakasě si Sie kų maiang su kaderang kararatuange, kų kai i Sie kų biahě sarang karěngue. Kų su orasu manga riadikang ene měmpěkěkantari, ¹⁰ tangu i sire ruam pulo ěpa měngangahą e němpětěngkasumagě su těngon tau kųkaiang su kaderang kararatuange, mase němpěsuba si Sie kų biahě sarang kakalě e. Bọu ene i sire e němpěneledu manga makotan sire e su těngong kaderang kararatuange ringangu něbera,

¹¹ ”O Mawu, o Ruatang kami!

Samatang i Kau Mawu e wotonge makatarima u raralo, adatě dingangu kawasa.

U kai i Kau něndiadi patiku sabarange,

ringangu kai suralungu kapulun’U lai patiku e seng nariadi dingangu něbiahě.”

Bukě mađarulung dingangu Ahusu Domba

5 Ené ia nakasilo bukě mada-
rulung sěngkalěpa su liman
Sie kų maiang su kaderang ka-
raratuange. Bukě ene e napeně
u wohę su ruamběka niśasegelu
segelě pitumbau. ² Mase ia e na-
kasilo malaekatě sěngkatau ma-
toghasě kapěləluntingihe maiha,
”Kai i sai wotonge maměka
manga segelě ini ringangu
měmingkahě bukě ini?” ³ Kaiso
baę su sorga ore lai su dunia
e, arau manilaing su alungu du-
nia e, tawęu sarang sěngkatau
kų makawingkahě bukě ini, ri-
ngangu makasilo solong dalunge.
⁴ Tangu ia e měngkatewe apa li-
mungkang marehe batu tawę
u sarang sěngkatau relaing bo-
tonge mamingkahě bukě ene, ri-
ngangu makasilo solong dalunge.
⁵ Mase sěngkatau wou i sire
měngangahą něbera si sia, ”Abe
sangı! Kakělla! Singa wou wa-
lag’i Yehuda, palahěnton Daud
masěllahě e, seng nakawata. I sie

wotonge mēmēka segelē pitu e ringangu mēmīngkahē bukē ene.”

⁶Bou ene ia e nakasilo Ahusu Domba sēmbau dudarisi sutaloarang kaderang kararatuange, lēliwungang u riadikang biahē ěpa e ringangu kēbi pangaha ene. Ahusu Domba ene kakēllaēng aļing-kai kere seng bou nipoto. I Sie pia sungene pitu ringangu matane pitu: ku kai rohkē arēgam pitu wou Mawu Ruata ku seng nirolohē solong kaguwau dunia. ⁷Bou ene Ahusu Domba ene e himaung, ku nēngala bukē mada-rulung ene e wou lima koanengu tau maļiang su kaderang kararatuange. ⁸Ene Ahusu Domba e kapēkēkoā e kerene tangu, riadikang biahē ěpa e ringangu manga mēngangaha e i sire ruam pulo ěpa e nēmpētēngkasumage su tēngone. I sire nahiaeng kēcapi lēumbelekang e ringangu wohogē buļang lohone kamania ku kai manga e kakaliomaneng u kawanuan Duata e. ⁹I sire mēmpēkēkantari u kantari buhu sēmbua:

”I Kau e hinone makapēngala bukē ene ringangu makapēmēka manga segele.

Batuu i Kau e kai seng nipate, ringangu kahiang kapapohongu’E,

taumata wou kēbi hēnto,
wou kēbi haghing bera,
nēgara ringangu wansa e,
niwēlliangu waug’u Ruata.

¹⁰ I Kau e seng napakariadin sire sēmbau bansa pamamileēng manga imang, tadeau i sire mētangkiang Duatang kite, dingangu mēparenta su wowon dunia e.”

¹¹Kuteu ia nakasilo kapia. Ia nakaringihē tingihu malāekatē hiwune ringangu yutane kalawoe. I sire mahundarisi mēmpēlēliwung kaderang kararatuang dingangu riadikang biahē ěpa e ringangken manga mēngangaha e. ¹²Ku i sire mēmpēkēkantari u tingih’i sire malaiha,

”Ahusu Domba ku naung seng nipoto e, su hinone wue makatarima u kawasa, kakakala, kapelesa ringangu katoghasē e; i Sie hinong adateng, bantughang dingangu hanesē daloēng!”

¹³ Mase ia nakaringihě patiku diadikang su langi, su dunia, su alungu dunia ringangu suralungu laudě – nimbu e patiku diadikang su kaguwau dunia ini e – mēkēkantari,

"I Sie ku maiang su kaderang kararatuange, ore Ahusu Domba e,

kai kalahumpakengu raralo, ringangu adatě, dingangu kawawantugě dingangu kawasa waugu sarang karěngu e!"

¹⁴ Tangu riadikang ěpa e nēm-pěsimbahě, "Aming!" Ku mēngangaha e maļaing nēmpětěngkasu-magě nēmpěsuba.

Manga segelě

6 Bōu ene ia nakasilo Ahusu Domba ene nēmēka segelě humotong bōu taļorang segelě pitu e. Mase ia nakaringihě sēmbau bōu riadikang ěpa ene nēberau, "Mahi e!" Tingihe alingakai tingihu rěllu. ² Ene ia nēmāda e, kuteu sēngkakakělla kawe pia kawalo mawira sēmbau. Sumasakene kai manguembeļe papiti,^c ku nighěllirangu makota-

ne sēmbau. Ku i sie rimaleng mēsulungu tau nakawata tamai manaweng bata e.

³ Bōu ene Ahusu Domba e nēmēka segelě karuane ku ia e nakaringihě diadikang karuane nēbera, "Mahi e!" ⁴ Mase piaewe kawalo waline sēmbau simēbang kapia. Kawalo ene awa e mahamu. Sumasakene nighěllirangu kawasa iapangala pēdarame wou wowon dunia, tadeau taumata e mēmpēpapate. Ku i sie nighěllirangu aghide peda masaria.

⁵ Mase Ahusu Domba e nēmēka segelě katěllune. Ku ia e nakaringihě diadikang katěllune nēbera u, "Mahi e!" Ia nēmāda e, sēngkakakělla kawe kawalo mitung sēmbau. Sumasakene manguembeļe timbangeng sēmparě. ⁶ Ku ia e nakaringihě pia apa ku daringihang mēsulungu tingihě lūěnggo wou taļorang diadikang ěpa ene. Ungkuěngu tingihě ene e, "Gětung^f mapia sěliterě e arěgang saghedě su sahěllō, dingangu gětung gahi e waline těllung literě e maļaing arěgang saghedě su sahěllō. Kaiso kumbahangbe mēgagholo u manga

^c naēnakeng = busur panah ^f gandum

kalung zaitun dingangu waelu anggorë e!"

⁷Bou ene Ahusu Domba e nēmëka segelë kaëpa e. Ku ia e nakaringihë diadikang kaëpa e nēbera u, "Mahi e!" ⁸Ia e timatingang, katë u sēngkakakëlla e pia kawalo sēmbau gatine wilosë. Sumasakene arenge i Papate. Ku bou likude i sië tětōlēng i Runiang Papate e marëdu-rëduhë. Ku irëdua e pinëgëlikangu kawasa su kaëpa u ralohon dunia e, tadeau i sire makapëmate lumiung pësasasekë e, lumiung karalunusë, lumiun sahinda dingangu lumiun manga binatang duļu.

⁹Bou ene Ahusu Domba ene nēmëka segelë kalimane. Ene ia nakasilo suaľungu pananëmbaenge pia manga himukudu taumata apan pinate uaľingu i sire mēmpanoghasë tatanatan Duata uaľingu pësasahidin sire. ¹⁰I sire nëkiaen tingihë maiha, "Mawu Kasëllahenge, susi ringangu kahëngang! Delaing kadëngu e, ku i Kau Mawu wuhü e managhupia ralohon dunia ku mēhukung i sire uaľingu

seng nēmate si kami?" ¹¹Sēngkatau-sēngkatau wō'i sire e nighëllirangu lakü e mawira manandü. Mase i sire nipëngiloahë kadodo, sarang seng natimü e manga ringangi sire apan munara sēmbau e ringangu manga anau sēmbau i sire, sarung pateëng kere i sire.

¹²Mase ia nakasilo Ahusu Domba e nēmëka segelë kaënnunge. Tangu nëlinuhe maiha-ihä. Matangëllō nētëngkaitungke kere heka kasahë, dingangu wuľange nētëngkahamü kere raha. ¹³Manga wituinge nëngkahondosë bou ľangi solong bowon dunia mësulungu wuang ara manganguda nighinggou anging malaiha. ¹⁴Langi e napua kere karëtasë nirulung ku këbi bawulurange ringangu tatoarenge nipëbaweho wou ënna e. ¹⁵Mase mararatun dunia e, ringangu masasariane, mawawahanine, mararotong, dingangu mangangawasa, ringangkewelain taumata waline e, baewe ëllang arau waline, këbi e mēmpëkëmbuni suralungu manga liang dingangu su manga këlle u watung buľude. ¹⁶Su manga wuľude ringangu

manga watu e, i sire luěnggo u, "Kaěnsa e si kami! Buniko i kami wou matan Sie ku mađima⁹ su kaderang kawangtugě e, ringangu wou ralangehu Ahusu Domba e. ¹⁷Ĕllon gěnggange seng narěnta, ini i sire seng měngukahu ralangeh'i sire, ku taweu sarang sěngkatau makapětatoħa su těngon sire!"

I sire mahasu ěpa u pulo
ěpa u hiwu sukataune wou
kawanuan Israel

7 Bou ene, ia nakasilo malaekatě ěpa u katau ruđarisi su pungu anging ěpa. I sire měmpěnėnaghe anging ěpa su dunia e tadeau kumbahangbe pia anging tumiu surulunge arau su laudě, arau su manga kakaluang. ²Mase ia nakasilo malaekatě baline sěngkatau simėpu bou sěbangengu ěllo e. I sie měbėbawa segel'u Mawu Ruata ku biahě e. Dingangu tingihe maiħa malaekatě ene nėkui malaekatě ěpa u katau ku seng nakahombang kawasa, wou Ruata baugu i pěnggolang dulunge arau laudě. ³Malaekatě ene nėbera, "Hėdo-ko wue měnggolang dulunge a-

rau laudě arau lai manga kakaluang, kereu i kami e ren tawe něnėnialan segelě su rėhu u manga mětatangkiang Duatang kite e." ⁴Mase ia nipaulikangu pia taumata i sire 144.000 su kataune nitialaěngu segelě bou Ruata e su rėhu i sire. I sire ene ute niala bou kawanuan Israelě bou hěnton sire mapulo dua; ⁵bou apang hěnto e niala i sire pětahă 12.000 su kataune. Ku kai wou hěnton: Yehuda, Ruben, Gad, ⁶Asyer, Naftali, Manasye, Simeon, Lewi, Isakhar, ⁷⁻⁸Zebulon, Yusuf, dingangu i Benyamin.

Taumata sěnggapaěng ta
sihinge kakěpale

⁹Bou ene ia nėmandă e lai, sěngkakakėllane kawe naung laudu taumata e ku tawě sihinge kakěpale – ku taweu sarang sěngkatau makarekeng kaławoe. I sire e kai taumata wou patiku umatě, hěnto wansa arau wera. Pakeang i sire mananandu sěmparesě mawira dingangu kapěnėdene manga kaļėpang kalum palēm su limane, ku i sire maławo ene maħundarisi tutatěngo kaderang kawa-

⁹ maiang

6:16: Hos. 10:8, Luk. 23:30 6:17: Yl. 2:11, Mal. 3:2 7:1: Yer. 49:36, Dan 7:2, Za. 6:5 7:3: Yeh. 9:4, 6

wantugē e dingangu tūtātēgo Ahusu Domba e. ¹⁰Mase ringangu tingihe maiha e i sire mēmpēlēnggahu, "Kasasalamat'i kite e rarēntane kai wou anun Duatang kite, maiang su kadera mawantugē e, dingangu wou Ahusu Domba ene!" ¹¹Kalawou malaekatē e kai nāung māhundarisi mēlēliwung kaderang kawawantugē e ringangu manga tēmbonange ringangkewen diadikang ēpa e. Manga malaekatē e mēngkatewe nēmpētēngkasumagē sutēngong kaderang kawawantugē e, bou e nēsuba Ruata. ¹²I sire nēmpēberang, "Aming! Dalo su Mawu Ruatang kite kasēllahenge ringangu pelesa. I Sie hinong pēdalemboēngu haghin daralo ringangu pēmamantugē. I Sie kai kawasa, ringangu matoghasē sarang marēngu-dēngu! Aming."

¹³Sēngkatau wou manga tēmbonange ene e nakiwalo si sia, "I sire nēmpēluheng laku e manandu mawira ini e, i sai wue i sire dingangu kai wou apa rarēntane?"

¹⁴"Ia bēga wue, tuang! I tuang sēsane masingka," ungkuēngku.

Tangu i sie nēbera e si sia, "Ini e kai i sire apang seng nasalamatē bou kalawou tatumbiagē gaghaghuwa. I sire seng bou nēmpanguhasē laku i sire niapakawiran dahan Ahusu Domba e. ¹⁵Hakiu ene i sire māhundarisi su tēngong kaderang kawawantugu Ruata e, ringangu mēkēkaliomaneng si Sie baewe ēllo arau hēbi suralungu Walem Mawu. Dingangu i Sie ku maiang su kaderang kararatuang'E sarung sumongo ringang i sire mēdeau manēntanudē si sire. ¹⁶I sire semben tawe sau makapēndang mahutung arau marou; matangēllo arau pēdisē maiha e semben tawe makahēngisē si sire, ¹⁷batu Ahusu Domba e ku maiang sutaļorang kaderang kawawantugē e sarung makoā mēngangaha i sire. I Sie sarung mēngaha i sire solong simbulu akē u pēbawiahē. Ku Duata e sarung mangēmū kalawou akē u mata wou matan sire."

Segelē kapitune

8 Ene, saraeng Ahusu Domba ene e nēlēkabe segelē kapitune e, tangu mēngkate sēngkianu e

sorga e kimëndi mangawe mēloarang kaorasē dēngu e. ²Mase ia nakasilōe malaekatē, i sire pitung katau māhundarisi su tēngon Mawu Ruata, kŭ i sire nighēlirangken napiri pitumbua.

³Sēngkatau malaekatewe waline kŭ maṇalēndeng pēnana-wungang dupa wou wulaeng, himaung kŭ dimarisi su tēngon pananēmbaēng. I sie nighēlirangu kania maławo, itakidewe su kakaliomanengu manga kawanuan Duata tadeau itawung su pananēmbaēng bou wulaēng ēndai su tēngong kaderang kawawantugē e. ⁴Nihindō u kakaliomanengu manga kawanuan Duata e, tipung dupa rūdelli e tŭtiowolē bou limang malaekatē kŭ dudarisi su tēngon Mawu Ruata e. ⁵Bou ene malaekatē e nēngaḷa e pananawunga-nge, kŭ nitahoēngu putung bou pananēmbaēnge, mase nikaese solong bowon dunia. Tangu gimalēdu e rēlu dingangu nēkila mētētatiwalesē, dingangu nēlinuhē.

Manga napiri

⁶Bou ene, i sire pitu manga malaekatē e mēmpangumbele napiri pitu e, nēmpēdariahī e mētiŭ napiri.


⁷Malaekatē humotonge nētiŭeng napirine, ute sēngkianŭ e nirasehangu tahiti kompelē, dingangu putung lau u raha solong bowon dunia. Sēngkatēllung kapahiakengu dunia e nasuē e natutung; kerene lai sēngkatēllung kamonaēngu kakaluang e, dingangu apaewen dēmpugē melong e.

⁸Mase malaekatē karuane nētiŭ e napirine, tangu piā e apa masaria-saria kŭ kinasilo kere wulude rūdelli niwahung solong laudē. Sēngkatēllung bahageangu laudē e nakoā daha, ⁹kŭ natē e sēngkatēllung kapahiakengu riadikang su laudē; kerene lai nasuē e naupu^h sēngkatēllung kapahiakengu manga kapalē e.

¹⁰Bou ene malaekatē katēllune nētiŭeng napirine, tangu wituŭng gēguwā sēmbau, rūdelli kere utŭ, nanawo wou langi, kŭ

^h nupu = musnahlah

8:3: Am. 9:1, Sas. 30:1, 3 8:5: Im. 16:12, Yeh 10:2, Sas. 19:16, Pēl. 11:19, 16:18
8:7: Sas. 9:23-25, Yeh. 38:22 8:10: Yes. 14:12

*Napiri (8:7)*

nanawo su sēngkatēllung kapa-
hiakengu manga saļu dingangu
manga simbuļu aķē. ¹¹(Arengu
wituing ene ute, i "Mapai".)
Tangu sēngkatēllung bahageange
wou aķē e napai, dingang-
u maławo-lawo taumata nairi u
pēnganginung aķē mapai ene.

¹²Mase malaekatē kaēpa e
nētiueng napirine. Tangu ki-
napēpele sēngkatēllung ba-
hageange wou matangēllo,
sēngkatēllung bahageange wou
wulang, dingangu sēngkatēllung
bahageange wou manga wituing
hakju niwu e sēngkatēllung ba-
hageange wou toghasu sēnnang i
sire. Kerene lai sēngkatēllung ba-
hageangu ēllo e narēndung, di-
ngangu kerene lai sēngkatēllung
bahageange wou hēbi.

¹³Mase iā nakasilo, tangu iā
e nakaringihē piā manu kama-
maresē sēmbau tūtēlla marange
su winangaeng, kaēnggahe, "Si-
laka! Silaka! Silakaete patiku u-
matē su dunia kereu makaringi-
he malaekatē tatēllu waļine e
nēmpētiū napirin sire sarung!"

9 Bōu e malaekatē kaļima-
ne nētiueng napirine, ku
iā nakasilo e wituing sēmbau
nanawo wou ļangi soļong bo-
won dunia. Bituing ene nighēli-
rangu kakunsi'u tigaļu'u papate
e. ²Tangu wituing ene e nēle-
kese tigaļu u papate e, ku ti-
pu e simēbangke wou raļunge
kere tipun sunggilē gaghere.
Matangēllo ringangu winangaeng
narēndungen tipu wou tagiaļu

ene. ³Mase wou ralungu tipu e nahunsēbangke manga kalimbotong ku dimēllusē solong dunia e. Manga kalimbotong ene nighēllirangu kawasa mēsulungu kere nighēlli su manga wakunang.ⁱ ⁴I sire isēsēding mēmate rēmpugē, arau manga kakaluang, arau mangaewe sasuang baline. I sire kētaeweng botonge tumēmbo taumata su apang dēhu e tawē segele wou Mawu Ruata. ⁵Manga Kalimbotonge tawe nipakawala mēmate si sire ene, kaiso kētaben pēmēmanti sisi-re gēnnangu lima wulang. Giadu pananunsarang manga kalimbotonge mēsulungu ghiadu kiking bakunang. ⁶Su ghēnnangu lima wulang ene, i sire mētētawakali sarang mēmpēkate, kaiso i sire mang tawe mēmpēkate; i sire mapulu mate, kaiso papate e kai marau wō'i sire.

⁷Kakakoā u kalimbotong e manihing kawalo ku seng sadia mēmpēseke. Su tēmbo i sire kai pia apa kere makota wulaeng. Gatin sire mēsulungu ghatin taumata. ⁸Uta i sire mēsulungu uta u manga wawine, ringangu i-sin sire mēsulungu isin singa.

⁹Sēba i sire nihawengangu apa mangawē laku uase. Tingihu panid'i sire e mēsulungu tingihu ghapaēngu kareta wēbolēngangu kawalo ku nēmpēngalo suralungu pēseketang. ¹⁰Pia tolen sire ringangu pia sasipi e kere sasipi u wakunang. Ku su tolene ene e pia toghase ipanunsara taumata su ghēnnangu lima wulang. ¹¹Pia datun sire ku mēpēparenta si sire, ku datu ene ute malāekatē ēndai mētētalung tigalu u papate. Arengē su werang Ibrani e Abadon; dingangu su werang Yunani e Apolion (ku mangalene "Mēnggaghoghahē").

¹²Silaka humotonge naliu e. Bōu ene piaکو lai silaka darua humombang.

¹³Tuhu e malāekatē kaēnnunge nētiū e napirine. Tangu ia e nakaringihe tingihē nasēbang bōu wukung pananēmbaēng buḷaeng ēpa e su tēngon Mawu Ruata. ¹⁴Tingihē ene e nēbera su malāekatē kaēnnunge u, "Lukako malāekatē ēpa kalaiki su salu u Efrat e!" ¹⁵Ku malāekatē ēpa e niḍaluka e. I sire seng niriahi nipētatudē bau-

ⁱ inēngen lipang = Kalajengking

9:3: Sas. 10:12-15 9:4: Yeh. 9:4 9:6: Ayb. 3:21, Yer. 8:3 9:7: Yl. 2.4
9:8: Yl. 1:6 9:9: Yl. 2:5 9:13: Sas. 30:1-3

gu orasě, ěllo, wuḷang dingangu taung ipamate sěngkatěllung bahageange wou patiku taumata. ¹⁶Ia e nipaulikangu kakěpalu mēsasekě su wowong kawalo e rua hasu su yutane. ¹⁷Ku suralungu papasilo, tinganengku e ute kai manga kawalo ene ringangu manga sumasakene. Manga sumasakene mēmpělēluhen laku uase awae mahamu sala rudělli biru mēsulungu watung paramata, ringangu maririhě kere malelang. Těmbou manga kawalo e mēpěpapangawē u tēmbō u singa ringangu wou mohonge sēsěbangengu putung, tipu ringangu malelang. ¹⁸Sěngkatěllung bahageange wou taumata nate ualingu hombang tatěllu e; putung, tipu ringangu malelang ku sūsěbang bōu mohongu manga kawalo ene. ¹⁹Katatoghasu manga kawalo ene kai su mohong i sire ringangu su toḷen sire. Toḷen sire e kai mēsulungu tēmpu pia tēmbō e. Ku dingangu toḷen sire tangu kawalo e manunsara taumata.

²⁰Kai lēmben taumata apan ta nikapateng hombang ene, tawe lai mēmpēnētangu koa u ḷimang sire hala e. I sire tawe mēmpangědo mēsuba manga

rohkě dalakisě dingangu manga pakaluang bōu wuḷaeng, salaka arau tambaga, watu ringangu kalu ku tawe makasilo ringangu makaringihě, arau lai makaraleng. ²¹I sire maḷaing tawe mēnētangu kakanoa i sire ralakisě kere, pēmamate, daghusě, pēsasundaḷē dingangu tako.

Malaekatě dingangu bukě dulunge kadodo

10 Bōu e ia nakasilo sěngkatu malaekatě maḷintoḷ baline limintu bōu sorga. I sie maḷahěmbungu winawa ringangu pia dēndipahě sēmbua nēliwung tēmbō e. Gatine sūsēnnang kere matangěllo, ringangu laede kere rihi putung. ²Su ḷimane pia bukě dulung kadodo maḃawingkahě. Laede koaneng maḃatahida su sasi, arawe kaihi e maḃatahida su ruḷunge. ³Mase i sie nēngěnggahu tingihe maiha kere pēmamunggalō u manga singa. Sarangken malaekatě ene wouten nēluntingihě e ute nisimbahengken dēllu pitum bua ringangu tingihe mēgěgaghalědu. ⁴Saraeng dēllu pitu ene e nēgaghalědu, ia mapulu e mamohē, kai ia nakingihe tingihě bōu sorga nēbera,

"Lēmping bue apan niweran dēllū pitu e; kumbahang iwohe!"

⁵Mase malækatē kinasiloku e ruḍarisi su laudē dingangu su ruḷunge ene, nēhengkē ḷimane koaneng soḷong ḷangi. ⁶I sie nēsalu su arengu Mawu Ruata kṽ biahē sarang marēngu-dēngu, nēndia-di ḷangi, dunia ringangu laudē dingangu ḷohone patikṽ. Malækatē e nēbera, "Tempone e sembeng tawe ikaēdung! ⁷Kai kereu malækatē kapitune e mēniṽ nāpirine, ute Mawu Ruata e sarung mapakasēhṽ u hingidu rahasiane, kereewe seng nihabare su manga ēllange, mangæ nabi e."

⁸Bou ene tingihē kṽ bou takṽ kinaringihē bou sorga e, nēsau kapia nēbera si siā, "Dako e aḷa duḷungu bukē maḃawingkahē pai su ḷimam malækatē kṽ duḍarisi su laudē dingangu su ruḷunge ene."

⁹Tangu iā e maḷaing nata-mai soḷong anun malækatē ene e, kṽ mēḍedorong tadeau i sie mangonggo u bukē duḷung kaḍodo ene si siā e. I sie nēbera, "Daekeko kṽ kaēngko ini e. Suraḷungu tiangu e i sie sarung mapai, arawe suraḷungu mohongu e

i sie marēngang kere ghuḷang katiupang."

¹⁰Iā e mēngkai nangala bukē duḷung kaḍodo ene e wou ḷimane kṽ takṽ niḷakaēng. Suraḷungu mohong tangu temange mang kere temangu guḷang katiupang, kai saraeng takṽ niēllū, tangu suraḷungu tiange kai timemang mapai. ¹¹Su samurine iā e niparentaēng, "Bokako lai sēnsule hengtangu Mawu e maṇanun manga umatē e, arau wansa, manga e wera, ringangu manga e mararatu e."

Sahidi ruangkatau

11 Bou ene iā nighēllirangu kalu sēmpēdi maṇawē tēking sasuka sēmbua, mase nioro u, "Dakoko pēngukurē Baḷem Mawu ringangu pananēmbaēnge. Dekeneko mēnsang kaḷawōe tau-mata nēmpēkaḷiomaneng suraḷunge. ²Kai abe pēngukurē dēllahē su ḷikudu Waḷem Mawu e, batṽu tampa ene kai seng nionggō su taumata apang tawe makakiraḷa Mawu. I sire sarung mēndaraḷita soa susi e ghēnnangu ēpa u puḷo dua su wuḷange karēngu e. ³Iā e sarung dumolo-

hu sahidi'Ku e ruangkatau apĚluhem pakeangu mĚlutu, ringangu i sire sarung mamoka u hengtang'u Mawu Ruata e 1260 su ěllone karĚngu e."

⁴Sahidi rarua ene ute kai kalun zaitun darua, ringangu raġaedu soġo rarua su tĚngon Mawung kaguwaŭ dunia e. ⁵Kereu piġa u manaluka si rĚdua apĚkĚkoġa dalaki e ute piġa putung sumĚbang boŭ mohong i rĚdua e ipaminasa kaġawoŭ apan dumaroka si rĚdua e. Ualingu kakaġoġa kerene ute, patiku taumata apang mĚmpĚndalaŭ si rĚdua e ute sarung ikapate. ⁶I rĚdua e maġaing piġa kawasa waugu mĚhĚping langi e tadeaŭ tawe rumasehĚ karĚngu ewen i rĚdua e mamoka u hengetangu Mawu Ruata e. I rĚdua e maġaing piġa kawasa waugu kĚbi simbulĚ, ipamaġui aġe ipakakoġa daha. Dingangu si rĚdua e maġaing piġa kawasa waugu mĚmahang dunia e ringangu haghin sigĚsa, balaewe mĚnsang su tempo sude koateng tuhu kapulun dĚdua e.

⁷Saraeng i rĚdua seng natagapi pĚsasahidin dĚdua e tangu,

binatang ku sarung sumĚbang boŭ tigaġu u papate e sarung dumoka si rĚdua. ⁸Tangu kasuang'i rĚdua e sarung maġaliwatedĚ sutaloarang daleng mawĚnahĚ su soa ghaghuwa e piġa e Mawun dĚdua e niġagbantong. Sasaling arengu soa ene ute Sodom arau MisirĚ. ⁹Taumata woŭ patiku nĚgara, hĚnto, wera, ringangu wansa e sarung makasilo maiet'i rĚdua e karĚngu u tĚllu ěllo, ringangu tawe mapakawalan manga maietĚ ene ilĚbing. ¹⁰Tumanau dunia e sarung mahuluasu kakaten sahidi rarua ene. I sire sarung mĚmpĚsaġiwang dingangu mĚmpĚdaringoŭ u kakĚngkunang^j batuŭ nabi rarua ene e seng nakarĚntang haghing papahang su kĚbi taumata su dunia. ¹¹Naliŭen tĚllu ěllo ringangu sĚmpotoŭ, piġa e singongong pĚbawiahĚ e woŭ Ruata e, kapia saŭ simuĚ suraġung'i rĚdua nabi ene. I rĚdua e nĚbangung nahundarisiŭ, hakiŭ kĚbi taumata e nakasilo si rĚdua e nĚngkataku tawe sihinge. ¹²Ku Boŭ e nabi rarua ene e nakaringihe tingihĚ maiha kukui si rĚdua e woŭ sorga e, "Ěndai e

^j poroseĚng = hadiah

11:4: Za. 4:3, 11-14 11:6: 1Rat. 17:1, Sas. 7:17-19, 1Sam. 4:8 11:7: Dan. 7:7, PĚl. 13:5-7, 17:8, Dan. 7:21 11:8: Yes. 1:9-10 11:11: Yeh. 37:10

awı sołong ini!" Mase su tēngōen dumaroka si sire, i rēdua e nētēngkasapua sołong sorga e, małahēmbungu winawa. ¹³Tangu su tempo ene nēlinuhē kų makatatakų. Kų sēngkapułong kapahiakengu soa ene naopehē, kų pitu hiwu sukataune e nēngkapatēn linuhē ene. I sire lai wałine e mangkewen nēngkatakų tawē sihing'e, kų bōu e i sire nēdalo kasēllahu Ruata e su sorga.

¹⁴Hombang karuane e seng napaghohē. Kai kakēllako hombang katēllune e selaing małigha makatołe.

Napiri kapitune

¹⁵Bōu e, małækatē kapitune nētių e napirine, tangu kinaringihe tingihē małaiha-ihā su sorga mēbēbera, "Kawasa waugu mēparenta dunia e orasē ini kai seng su limang Mawung kite dingangu Ratu Mananałamatē kų ikēkēdon'E. I Sie sarung mēparenta sarang karēngue!" ¹⁶Tangu i sire ruam puło ēpa manga tēmbonange kų małiang su kade-rang kawawantug'i sire su tēngon Mawu Ruata e, nēmpētēngkasu-magē kų nēsuba Ruata. ¹⁷Ungkuēng i sire,

"Mawu, Ruata Limembong Kawasa,
kų ene ringangu seng tēbe ene!

I kami makitarimakasē si Kau,
batųu i Kau seng nangum-bełe kawasan'U masaria,
ringangu seng nanēta e nēparenta!

¹⁸Taumata apang bēgang Mawu e, nēmpēnulu,
u seng tempone i Kau mapasēbangu rałangehu,
ringangu semben tempone i Kau mēhukungu taumata nate.
Seng ini e tempone mēmaławuhu wawalarē saghedē baugu manga ēllang'U manga nabi,
dingangu su kēbi kawanuan'U apang mēmpēkēkałiomaneng si Kau,
matēllang arau rarodo.
Seng ini e tempone mēdeau mapakawinasang apan małinasas dunia e!"

¹⁹Tangu, Bałem Mawu Ruata su sorga e natope e, kų nikasilō e Peting Pēdariandi e su-rałunge. Ene sēngkianų e nēkila

mědēdahenesang, dingangu piā tingihu rēllū mēgēgaghalēdu dingangu mābawengesē, apidu nēlinuhē dingangu piā tahitine kompelē maławo.

Tau wawine ringangu naga

12 Ene kinasilo e su langi sēmbau tanda makadalinau tawē sihingē. Kū piā e tau wawine sēngkatau kū matangēllo e nakoā kere pakeange, arawe rararisikange su wowom buḷang. Su tembō e piā paporonge wituṅg mapulo dua. ²Bawine ene mēbēbawa kapapia, kū ualingu seng tempone mēhēnding, tangu i sie māmansagu kalikine.

³Mase nakasilo kapia apa makadalinau su langi. Piā naga mahamu gēguwa-guwa sēmbua kū tēmbō e pitu ringangu sungene mapulo. Su apan tēmbō e piā makotane pēsēmbau. ⁴Dingangu tolene ipēmēmōleng sēngkatēllung kapahiakeng bōu manga wituṅg su langi, kū iwēbahunge solong dunia. Naga ene e rimarisi su tēngon tau wawine kū seng tempone mēhēnding e, mēdeau manelohē dariō e su kawawantele. ⁵Mase tau wawine ene nēhēndingken sēngkatau raro

ese kū sarung mēparenta patiku umatē dingangu tēking uase. Arawe raro e kai niaho wōu tau wawine ene e, kū bōu ene nitionda su anun Mawu Ruata su tēngong kaderang kawawantugē e. ⁶Tangu tau wawine ene e timalang solong banua tā taune, su tampa kū seng nisadian Duatae waug'i sie. Sutampa ene hikinang gēnnangu 1260 su ēllone karēngu e.

⁷Ene su sorga e nariadi e pēsasekē. I Mikhael dingangu manga malaekatē e mēmpēsēsekē u naga ene. Naga ene mēsēsekēwe i siren malaekatē rūdoka si Mikhael. ⁸Kuteu naga e kawe kinawata. I Sie ringangu manga malaekate seng taipakawala sau mētana su sorga e. ⁹Naga masaria ene nirēmme solong likude! Seng i sie naung tēmpu seng maghurang ene e isēsēba setang arau rohkē dala-kisē, kū mēngēngakalē patiku dunia e. I sie nirēmme su dunia sēngkarēmme dingangu manga malaekate.

¹⁰Mase ia nakaringihe tingihē maiha bōu sorga e mēbēbera, "Seng ini e tempone Mawu Rua-

ta e mĕngambang umat'E! Ku orasĕ ini e Mawu Ruata e nĕnode u kawasan'E kere sĕngkatau Ratu. Ku orasĕ ini e Datu Manalamatĕ ku seng nipĕkĕdone ene maĭaing mĕnĕnode u kawasane! Batuu apang mapĕsĕsĕalan manga anau sĕmbau i kite su tĕngon Mawu e ĕllo hĕbi, seng niapasĕbang bou sorga. ¹¹ Manga anau sĕmbau i kite e seng namata u rahan Ahusu Domba e si sie, mase ualingu hengetang kahĕngang bou Ruata e ipĕkĕkaken sire. I sire sadia mĕnarakangu pĕbawiah'i sire sarangbe lai mate. ¹² Ualingu ene pahuluase sorga e ringangu kĕbi apan mĕtĕtumana suralunge! Kai kaĕngkĕhang bue rulunge ringangu laudĕ e, batuu setange seng limintu solong anung kame ne ku pĕdu marasai, u i sie kai masingka u tempone e seng kate lai kadodo."

¹³ Su tempong naga ene nakapĕndang u i sie kai seng nirĕmme su dunia e, i sie nanĕta e nĕnahusu tau wawine ku seng nĕhĕndingu rario esĕ ene. ¹⁴ Arawe tau wawine e seng nighĕllirangu papanidu kasiahe ghĕguwa

duambĕka, tadeau i sie tumĕla solong katatanakenge su wanua linggi, su tampa u i sie sarung hikinang tĕllu taung dingangu mĕloara karĕngue, ku deng i-kaingka bou tĕmboĕngu naga. ¹⁵ Tangu naga e nanokaleng ake malawo-lawo bou mohonge ipĕtĕtimona tau wawine e, tadeau i sie iapakaonodĕ. ¹⁶ Arawe dunia e kawe nĕtulungu tau wawine e; ku dunia e gimanganga^k ku nanelohĕ kalawou ake simĕbang bou mohongu naga e. ¹⁷ Naga ene nĕbawaluang marehe su tau wawine e, hakiu i sie mĕngkatewe tamai nangalo hitene waline wou tau wawine ene, ku patikuwe apang mararingihĕ su hengetangu Mawu Ruata e, dingangu apaeweng mĕmpĕsĕsahiding Mawu Yesus dingangu kawasane. ¹⁸ Mase naga ene rimarisi su apeng.

Binatang darua

13 Bou e ia nakasilo pia binatang sĕmbau ĕndai simĕpu bou ralungu sasi. I sie pia sungene mapulo ringangu tĕmbo e pitu. Suapan sungene nahia u makotane, dingangu suapan tĕmbo e niwohekangu a-

^k nĕhenge mohonge = membuka mulut

12:10: Ayb. 1:9-11, Za. 3:1 12:14: Dan. 7:25, 12:7

reng sěmbau sasamedě su Mawu Ruata. ²Binatang kų takų kinasilo ene luhude měpěpapangawę gahiu masang kambalo, laede kere laedu bėruang, dingangu sasimue kere sasimu u singa. Mase binatang ene nionggolangu naga e kuate sěsane ringangu kaderang kawawantuge, ringangu kawasane masėllahě. ³Sěmbau bou binatang těmboe pitu ene kakėllaęng kere pia lese e gěguwa-guwa, kaiso sembeng naule. Kaguwau dunia e męngkate rųdalinau apidu kapahuntolene binatang ene. ⁴Kų i sire měmpěsěsuba su naga ene batu u i sie seng nęgėlli u kawasane su binatang ene. Kų i sire maļaing měmpěsěsuba binatang ene. Ungkuęng i sire, "Tawę apa kų męsulungu binatang ini! Tawę makatoha męseke dumoka si sie!"

⁵Binatang ene męngkate niwala mohonge mębėbera wawera maļaotohě dingangu manungkeang Mawu. I sie niapakawala měparenta karęgu u ěpa u puļo dua su wulange karęgu e. ⁶Mase i sie naněta e nėhinakang Duata dingangu maņala ma arengu Ruata. Kerene lai tampa katatanakengu Mawu Ruata, dingangu

patiku apaeweng tumanau sorga e nasuen tungkeange. ⁷I sie maļaing niapakawala rumoka kawanuan Duata kų apamata si sire. Dingangu mękawasa su wowom patiku hěnto, wansa, ringangu wera, ringangu umatě kų seng nisarakang si sie. ⁸Binatang ene sarung subaęgu patiku taumata apang mębėbiahě su wowon dunia, tabeau ketewe taumata apang arenge seng kadarolě kala monan dunia niriadi e, suralungu bukě u taumata wiahě tětaghuanengu Ahusu Domba e kų seng bou pinoto.

⁹Ualingu ene, kereu i kamene makako a dumaringihě, u te pěmpėdaringihěko habarě ini: ¹⁰"Taumata kų hinong itaweng, mang sarung tawengang. Dingangu taumata kų hinong pateęgu papili, mang sarung pateęng pilikang. Kai ualingu ene hakiu kawanuan Duata e hinon mędararagě dingangu satia."

¹¹Mase ia nakasilo binatang sěmbau baline simėpu bou ralungu dunia. Pia sungene raru męsulungu sungen anau domba. Tingihe męsulungu tingihu naga. ¹²Su tęngon binatang hu-

motong ene i sie mĕpĕpake u kawasa masaria ma_rlaing kina-nombangenge wou binatang ene. Kaguwa_ru dunia ringangu patiku mĕtatuman_a e, sĕsihasa_{ng}u harusĕ mĕmpĕsuba binatang humotong, ku hempange seng napia. ¹³Binatang karuane e nĕko_a e manga ha_rlĕ ma_rka_rda_rlina_ru ga_rghuwa. Su tĕngong kĕb_i taumata e i sie napakanaw_{on}en putung bou lang_i so_rlong dunia e. ¹⁴Ku kĕb_i taumata apang mĕmpĕbĕbia_hĕ su wowon dunia e lĕaka_rlengu manga karal_ina_ru ku kĕkoatenge su tĕngon binatang humotonge. Ku i sire kĕb_i e niorone apĕdĕndaris_i u tulad_ang binatang sĕmbau ku seng bou nilese u wara e, katewe mang tĕbe wiahĕ. ¹⁵Binatang karuane ene niapakawala mapĕbiahu tulada e, hakiu tulada ene wotonge mĕbisara ringangu mamate kĕb_i taumata apan tawe mapulu mĕmpĕsuba si sie. ¹⁶Kĕb_i taumata e, ba_e gaghuwa arau rarodo, kala dingangu kasiang, ĕllang arau kawanua, isĕsihasan binatang ene mĕde_au pĕnĕnarima u tatiala su limang sire koaneng arau su rĕhu i sire. ¹⁷Tawe_ru sarang sĕngkatau makapĕmĕlli arau makapĕba_rlu u apa-apa, kereu i sie tawe tatialane; mangalene arengu

binatang ene hala e, arau rekenangu arenge.

¹⁸Sini e hinong pia katatahuĕnna. I saing ku matahuĕnna ute makarekeng mangaleng dekenangu binatang ene bat_uu rekenang ene kai arengu taumata sĕngkatau. Dekenange tangu kai 666.

An_au Domba ringangu kawanuane

14 Bou e ia nakasilo, ku sĕngkakakĕlla Ahusu Domba e ru_daris_i su wowom bulud'u Sion. Dingange pia i sire 144.000 su kataune ku su apan dĕhu i sire e ma_bawohĕ areng'E ringangu areng'i Amang'E. ²Ma_se ia nakaringihe tingihĕ bou lang_i kere ghalĕgehu ak_e u tĕdunang gaghuwa dingangu kere galĕdu u rĕllu maiha-ih_a. Tingihĕ ene ikĕkaringihĕ kere tingihu kĕcapi kĕkobikangu manga mĕnalange. ³Su tĕngong kaderang kawawantugĕ dingangu riadikang ĕpa e ore manga mananĕmbonange mĕmpĕlĕliku kadera e, i sire 144.000 su kataune e mĕkĕkantari u kantari buhu sĕmbua. Kantari ene tawe ikaĕndung i sai waline, su likudu i sire 144.000 su kataune e ku seng niapa-

kaliwirē bou dunia e. ⁴I sire e-ne kai apang kŭ tã turã e, mēsulungu parawang, batŭu tawe nēmpēnēnggehē manga wawine. I sire mahuntolēewe Ahusu Domba e balāewe solong apa ralengange. Bou kalawou patikŭ umatē e, i sire ene seng niapakaliwirē kere sasēmba kahumotongange su tēngon Duata ringangu su Ahusu Domba e. ⁵Tawe nēmpēkēkonti i sire; dingangu tawē sēngkulē sarang kadodo si sire.

Malaekatē tatēllu

⁶Mase ia nakasilo malaekatē baline sēngkatau tutēlla marangē su langi. Malaekatē ene e nēhabaru Injilē kakalē e mēdeau i habarē su taumata su dunia e wangu patikŭ umatē, hēnto, wera ringangu wanua. ⁷Malaekatē ene mamohang dingangu tingihe maiha u, "Kēngkatakubeng Mawu Ruata, ringangu pēdaloko kasēllah'E. Batŭu seng tempone Mawu Ruata e mēhukungu taumata e. Pēmpēsŭbako si Sie kŭ nēndiadi langi, dunia, laudē dingangu patikŭ simbulu ake!"

⁸Malaekatē karuane e nakatolē malaekatē humotong

kapēberane, "Seng nawatang! Soan Babelē masaria e seng nawatang! I Sie seng nakakiwukang kēbi umatē e ringangu ake u anggor'u abuling pēsasundal'e!"

⁹Malaekatēwe katēllune nakatolē malaekatē darua e, kapamokaen tingihe maiha, "Taumata apang kŭ manēmba binatang e ringangu tuladane, dingangu pia tatialan binatang ene su rēhŭ dingangu su limane, ¹⁰taumata ene sarung manginung anggoru Ruata, mangalene anggoru ralangehe kŭ seng niraling suralungu lainumange, tã golō e sarang kadodo! I sire kēbi ene sarung sigēsakeng suralungu putung dingangu malelang su tēngon manga malaekatē susi dingangu su tēngon Ahusu Domba e. ¹¹Tipun putung kŭ manigēsã si sire ene sarung hanesē tutiowolē sarang karēngu e. Ĕllo hēbi tawē potō e i sire mapahang mangalene i sire apang kŭ mēmpēsēsuba binatang ene ringangu tuladane, kēbi taumata kŭ pia tatialane arengu binatang ene."

¹²Suralungu kakakoã ini, kawanuan Duata kŭ mararingihē su kēbi hengetangu Ruata ringang-

u satia su Mawu Yesus, hinong pakakakēdang.

¹³ Mase iā nakaringihe tingihē bōu sorga nēbera u, "Bohēko ini: Manēta bōu orasē ini, kariangka-mang taumata nate, kŭ mētate tēntalang kapētangkiange Mawu e!"

"Kahēngang!" unguēngu Rohkē u Mawu e. "I sire sarungbe mangēdo wōu mēhalē mawēha, batŭu pulisu pētatangkiang i sire sarung dumēndingang si sire."

Dunia e nipēnsa

¹⁴ Bōu e iā timatingang, tangu sēngkakakēlla e kai piā binawa mawira. Su wowom binawa ene piā sēngkatau maiang kakēllaēng māngawē taumata. Su tēmbo'E piā makotane wŭlaeng, dingangu su liman'E piā bawēbase mahoro. ¹⁵ Bōu e malāekatē sēngkatau waline nasēbang bōu ralungu Walem Mawu. Dingangu tingihe maiha, i sie nangoro su tau maiang su wowon binawa ene. "Bēbaseng gaghambesu e kŭ pēnsa e, batŭu kai seng tempone mamēnsa; dunia e seng maghurang, hakŭu sembeng bo-

tonge pēnsakeng!" ¹⁶ Tangu i anu kŭkaiang su wowon binawa e nangambesu laambes'E su dunia e, tangu dunia e napēnsa.

¹⁷ Bōu ene i sie nakasilō e malāekatē baline sēngkatau simēbang bōu ralungu Walem Mawu su sorga. I Sie malāing nangumbele laambesē mahoro sēmbua.

¹⁸ Bōu ene, malāekatē baline sēngkatau e kŭ piā kawasane su putunge, rimēnta e wōu pananēmbaēnge. Kŭ dingangken tingihe maiha, i sie nēngoro e malāekatē mēngēngumpaede laambesē ene mahoro e angkuēng: "Bēbaseng laambesu e ringangu hēsā e manga wuang kalung anggorē e wōu pungene su dunia e, u manga wuane e seng masasasa!"

¹⁹ Tangu malāekatē ene mēngkate nēngambesu laambese su dunia e kŭ nēhēsā manga wuang anggorē e wōu kalune, bōu ene niwahungke solong tampa u papēhasengu' anggoru ralangehu Ruata kŭ susahoka e. ²⁰ Manga wuang anggorē ene nipēha sulikudu soa, kŭ bōu papēhaseng u anggorē e tangu piāe raha nelehē kŭ kere laelehu saŭu, karaune ute tēllu

¹ pēmamēhaēng arau pēmamēsukang

14:14: Dan. 7:13 14:15: Yl. 3:13 14:20: Yes. 63:3, Dał . 1:15, Pēl. 19:15

hasu su kilometere, ringangu ka-
raļunge maraning dua meterē.

Malaekatē dingangu hombang pēngēsueēnge

15 Bōu ene iā nakasilo su
laņi piā tanda makaļa-
herang tawē sihingē kasēllahe.
Tangu piā malaekatē pitung ka-
tau ringangu papahang kasamu-
riange kū pitu haghine. Kū seng
ini e pangēsueēngu tatompe u
raļangehu Mawu Ruata e.

²Mase iā nakasilo apa
kū kakēllaēng mēsulungu laudē
kasēnaēng nēdaļau u putung. Iā
e maļaing nakasilo si sire apan
seng nakawata binatang e ri-
ngangu tuļadane, ringangu naka-
wata taumata apang arenge ni-
tialaēngu rekenang. I sire apan
nakawata ene ruðarisi su wiwi-
hu laudu kaca, kapangumbele e
kēcapi nionggou Mawu Ruata e
si sire. ³Kū i sire nēmpēkan-
tarieng kakantari i Musa ēllangu
Mawu e, ringangu kakantari u
Ahusu Domba e. Bawerane kerei-
ni,

"Mawu, Ruata Limembong
Kawasa,

apa e kasēllahe dingangu
makaðalinau munaran'U!

Datung patiku umatē,
apa e kaadilē dingangu
katēngadē kaļawou
kakanoa e!

⁴ I Sai tangū tawe matatakū i
Kau, Mawu?

I sai tangū tawe mapulu
mēhabar'u Kasēlla'U e?
I Kau sēsanu e susi.

Kalawou umatē e sarung
mahundēnta mēsuba si Kau
uaļing'u kaļawou
kakanoa'U adilē
seng kinasilong kēbi
taumata."

⁵Bōu ene iā e nakasilo
tenta^m pētētēngkalahekangu Ma-
wu e natope, ringangu Ten-
ta'm Mawu e ene suraļunge.

⁶Mase malaekatē pitu e nēbawa
e hambang pitu ene simēbang
bōu raļungu Waļen Duata e. Pa-
keang i sire e wou heka leneng
burēsi malēda. Dingangu i si-
re kai mēpēpapēgongu papēgong
buļaeng su rokon sire. ⁷Bōu e-
ne sēmbau bōu riadikang ēpa e-
ne e nēngonggou bokorē buļaeng
pitum bau si sire malaekatē pi-

^m selo

tu e napene u lohon dalangehu Mawu Ruata e, – Duata e ku biahē sarang marēngu-dēngu. ⁸Tangu Balen Duata e, napeneen tipung kawawantugē dingangu kawang Mawu Ruata. Ku karēnguēweng hombang pitu e niwawan sire malækatē pitu e wēdang tawe napaghohē e, taweu sarang sēngkatau ku makasuē suralungu Walen Duata e.

Kakakoau ralangehu Mawu Ruata e

16 Mase ia nakaringihe tingihē maiha bou ralungu Walen Duata e mēbēbera su Malækatē pitu e, "Dakoe ringangu woso e ralohon bokoru" ralangehu Mawu Ruata e, su dunia!"

²Malækatē humotong tangu rimalengke ku nēmosoen daloho'm bokor'e ene su dunia. Tangu nilētoēngkem bisulē gaghuwa dingangu maghaghiađē su kēbi taumata apang ku pia tatialam binatang e, ringangu taumata apam mēmpēnēnēmba tuladane.

³Bou ene malækatē karuane nēmosoen dalohong bokorē su laudē. Tangu sasi e maiaing nēbaui nakoā kere rahan taumata nate, ku nēngkapatē e patiku diadikang apam mēbēbiahē su laudē.

⁴Bou ene malækatē katēllu-ne e nēmosoen dalohong bokorē su manga salu dingangu manga simbulu akē, hakiu kēbi manga akene e nakoā daha. ⁵Ia nakaringihē malækatē mēngangawasa akē e nēbera, "Hukumang ku seng nipaponesu e, mambeng su kaadilē, Mawu Kasusiangē, Duata ku ene, ringangu seng tēbe ene! ⁶I sire seng napatēdou rahang umatu Mawu e ringangu raham manga nabi; ku orasē ini e i kau e seng napēnginung i sire raha. Ku mambeng hinone kerene e waug'i sire e!" ⁷Mase ia nakaringihē tingihē bou pananēmbaēnge nēbera, "Mawu, Ruata Makawasa, kahēngang dingangu maadilē manga putusang ninawonu e!"

⁸Bou ene malækatē kaēpa e nēmosoen daloho'm bokor'e su matangello, tangu matangello e

ⁿ tilibē

15:8: Sas. 40:34, 1Rat. 8:10-11, 2Kar. 5:13-14, Yes 6:4 16:2: Sas 9:10

16:4: Sas. 7:17-21, Mzm. 78:44

maļaing niapakawala mēhēngisē taumata ringangu lēhabe tawē si-
hinge ene. ⁹Taumata e nahēngisu
tētje maļuwahang e, dingangu i
sire mēmpēngēngane arengu Rua-
ta, kų kawasa su wowom patikų
haghing papahang ene. Mani-
laing seng kerene, i sire mang ta-
we mapulu mētobatē bōu manga
rosan sire, ringangu tawe mapulu
mēdalo kasēllahu Ruata.

¹⁰Mase maļækatē kalimane e
nēmosōen daļoho'm bokor'e solon
tampa kaļaianengu binatang ene.
Tangu kasēllahu kararatuangu bi-
natang ene, narēndungke, hakju
taumata e nēmpangikų e lilan si-
re e kahian katēdų. ¹¹Bōu ene
i sire nēmpangane Mawu Ruata
su sorga kahian katēdų ringangu
kahian manga wisul'i sire. Kaiso
i sire maļaing tawe mēmpētobatē
bōu kaļawōu kakanoa i sire ra-
raļakisē e.

¹²Bōu ene maļækatē kaēn-
nunge nēmosōen daļoho'm bo-
kor'e su saļų u Efrat gēguwa ene.
Tangu saļų ene naļēsā e hakju
manga ratu wōu sēmbēkang
dakų e, nakaraļeng bōu e.
¹³Mase ia nakasilo rohkē daļa-
kisē tatēllu kere luhudu tumpa-

heā.^o Sēmbau-sēmbau tumpaheā
e sūsēbang bōu mohongu naga,
bōu mohongu binatang, dingang-
u wōu mohongu mahang nabi.
¹⁴I sire ene ute kai manga rohkē
daļakų kų mēmpēkēkoā karaļi-
naų. Rohkē tatēllu ene nēngka-
koā solong anung kaļawōu ra-
tu su kaļuwau dunia ringang-
u nēmpēngomol'i sire e mēdeau
mēseke su Ēllo masēllahē,
mangalene Ēllon Duata Liungka-
wasa e.

¹⁵"Pēdaringihēko! Ia e kai
rumēnta kere tahatako! Kariang-
kamang i sain mēlēlukadē di-
ngangu mēsēsēmpų pakeange,
hakju i sie tawe rumaleng tēntolē
ringangu ipakamea su tēngon
lawō."

¹⁶Bōu e manga rohkē e-
ne napētampungu mararatu e su
tampa kų su werang Ibrani e
isēsēba Harmagedon.

¹⁷Bōu ene maļækatē ka-
pitune e nēmosōeng bokore
solong kinoaēng. Tangu kina-
ringihe tingihē maiha bōu ka-
derang Kawantugē e su Walen
Duata, kų nēbera, "Seng na-
ghanapē!" ¹⁸Mase pia e kilā

^o tumpepa = katak

16:10: Sas 10:21 16:12: Yes 11:15 16:15: Mat. 24 43-44, Luk. 12:39-40,
Pēl. 3:3 16:16: 2Rat 23 29. Za. 12:11 16:18: Pēl 8 5, 11:13, 19

mēdēdahenesang dingangu tingi-hu rēllu mēgēgaghalēdu dingangu ghūgalēgehē, apidu nēlinuhē kū makātataku. Bēdawen ta nēlēlinuhē kerene kaiha e dokeng su pēndariadi taumata e. Seng ini e linuhē kū lembom makātataku! ¹⁹ Soa ghēguwa ene nābēka napahia tatēllu, ringangu naghoghahē kēbi soa su kaguwa dunia. Tangu Mawu Ruata e nakatahēndungke soan Babel gēguwae. Tangu Mawu Ruata e napēnginung i sie anggorē bōu bokoru anggor'u Mawu – kū kai anggoru ralangeh'E kū mēkēka-kalulu e. ²⁰ Patiku tahanusa e mēngkaparung dingangu patiku būlode maiaing masue miwu. ²¹ Tahiting eisē gaghaghuwa, kū bēha e pētaha limampulo su kilone, mahondosē bōu langi milihino su kēbi taumata. Tangu i sire mēmpēngēngane Mawu Ruata e, ualingu papahang u tahiti eisē kū makātataku ene.

Tahasundaļē gēguwa

17 Bōu e sēngkatau wōu taļoarang malaekatē pitu māngumpaedē bokorē pitu e himaung su anuku ringang-

u nēbera, "Boete, ia e sarung mēnode si kau kereapa tahapēsundaļē gēguwa ēndaļ e sarung ihukung, mangalene soa ghēguwa ēndaļ e kū nipēti su rēduhu manga saļu. ² Mararatun dunia e nēmpēsundaļē dingange, kū daļohon dunia e nēngkiwukang ualingu nēmpanginung anggoru pēsasundaļe!"

³ Mase Rohkē Susi e limohō e su watangengku, kū malaekatē e nēbawa si Sia solong kēhu linggi. Paise ia nakasilo tau wawine sēngkatau maiang su wowom binatang sēmbau awae mahamu maghurang, kū napēpidu wohē u areng u tatongkeang su Mawu Ruata. Binatang ene e tēmbōe pitu ringangu sungene mapulo. ⁴ Tau wawine ene nēluhen lakū e kamumu dingangu mahamu maghurang, mase lai nilēgaheng u manga ralēgahē būlaeng, paramata, ringangu mutiara. Limane ipēlēhēgo lainumang būlaeng sēmbēka napenē u katatingkai dingangu karalamuhū, ualing pēsasasundaļe. ⁵ Su rēhū e pia kabawohē areng sēmbau kū mangalene ute kai rahasia. Areng ene ute, "Babel Masēllahē,

16:19: Yes. 51:17 16:20: Pēl. 6:14 16:21: Sas. 9:23, Pēl. 11:19

17:1: Yer. 51:13 17:2: Yes. 23:17, Yer. 51:7 17:3: Pēl. 13:1 17:4: Yer. 51:7

inangu kĕbĭ apan tahapĕsundalĕ dingangu taumata apan dalakisĕ su dunia.” ⁶Mase ia nakasilo tau wawine ene niwukangu rahan taumata nipate ualingu masatia su Mawu Yesus.

Pia e ia nakasilo wawine ene, ia e mĕngkawe naherang-herang. ⁷Tangu malĕkatĕ e nĕhengetang si sia, ”Kai unĕ nakaherang si kau? Mapiawe ia mĕhabarĕ si kau rahasian bawine ene ringangu rahasian binatang sĕsakeĕnge, kŭ tĕmbŏ e pitu ringangu sungene mapuĭlo. ⁸Binatang ene kangere naungbe wou nĕbiahĕ, arawe orasĕ ini e sen tawe saŭ mĕbiahĕ kapia. I sie tawe mararĕna e sarung sumĕpu bou taĕialu u papate, kŭ sarung ma-koĕ solong kawawinasa. Taumata apang mĕmpĕbĕbiahĕ su dunia, kŭ arenge tawe nikarolĕ suralungu Bukĕ u Taumata Wiahĕ, kalamonang dunia e ren tawe niĕiadi sarung dumalinaŭ kereu makasilo binatang ene. Batŭu binatang ene naung kangere e reng bou nĕbiahĕ. Arawe orasĕ ini e seng tawe saŭ mĕbiahĕ, kapia kaiso i sie saube sumĕpu kapia.

⁹Ualingu ene ute kai hinong pia kapelesa ringangu kata-

tahuĕnna. Kŭ tĕmbŏ pitu e ute kai wulude pitu; kŭ kai manga wulude kĕkaianengu tau wawine ene. Ringangu tĕmbŏ pitu ene ute maĕaing mĕlĕlahĕu Ratu i sire pitung katau: ¹⁰kŭ limang katau wou taĕoaran sire e seng nĕngkawatang, arawe sĕngkatau ute wĕdangben tawe naĕĕnta. ¹¹Kŭ binatang kangere naung mĕbĕbiahĕ, arawe orasĕ ini seng tawe nĕbiahĕ, ute kai ratu kauaĕlune. I sie ute maĕaing sĕngkatau wou ratu i sire pitu e, kŭ orasĕ ini e mĕtĕtimona kawawinasa.

¹²Sunge mapuĭlo kŭ kinasilonu e ute kai ratu mapuĭlo kŭ bĕdang ta nĕnĕta nĕmpĕparenta. Kaiso i sire sarungbe iapakawala mĕparenta kere sĕngkatau ratu sĕngkapĕparenta ringangu binatang ene sĕngkaorasĕ karĕngue. ¹³Tĕgaĕu ratu mapuĭlo ini e kĕbĭ naung pia timonan e mĕsulung; i sire kĕbĭ e kai maŕarakangu katoghasĕ dingangu kawasan sire su binatang e. ¹⁴I sire kai sarung mĕseke dumoka Ahusu Domba e, Kaiso Ahusu Domba ringangu tumatolene masasatia e kŭ seng nikuiang'E ringangu pinilen'E e sarung mamata manga ratu e,

batu kai i Sie Mawung kēbi manga mawu, dingangu Ratung kēbi mararatu e.”

¹⁵ Malækatē ene maiaing nēbera, ”Ake naung kinasilonu e, pia kēkaianengu wawine tahapēsundalē, ute kai manga umatē, kawanua, ringangu wansa, ringangu manga haghing bera. ¹⁶ Sunge mapulo kinasilonu e ringangu binatang e, i sire kai sarung mēmpēbinsiu taha pēsundalē ene. I sire sarung mēmpangaho kēbi apang tētaghuanenge, ringangu mapakatētolen sie. I sire sarung mahungkina gēsine ringangu maminasang putung si sie. ¹⁷ Batu Mawu Ruata e seng nanga-noa naung i sire baugu mēmpēndalengu antagu munaran Duata. Mawu Ruata e seng napēsengkanaung i sire tadeau manarakangu pēngangawasang sire su binatang ene, tadeau binatang ene mēparenta saraweng karariading apang ku nipēhenge-tang u Mawu Ruata.

¹⁸ Bawine ku kinasilonu e ute kai soa ghēguwa, ku mēpēparenta mararatu e su dunia.”

Kananawong Babelē e

18 Bōu e ia nakasilo malækatē baline sēngkatau limintu bōu sorga. I sie pia kwasane masaria, ku nēngga u sasombo e nakatualagē kasēllahu dunia. ² Dingangu tingihe maiha, i sie nēluntingihē u, ”Ene ku nanawo^p Babel gēguwa ene seng nanawo! Ku orasē inie seng nakoā pēbawaesangu manga setang dingangu manga rohkē dalaki. Suralunge seng pēbēbiahengu manga haghing manu makadarēnting dingangu ikēkawēnsingu taumata. ³ Batu patiku umatē e seng nēmpangining anggoru igalu pēsasundalē. Mararatun dunia e nēmpēsundalē dingange, ringangu malahumba su dunia e nēngkakala u abulin sire ku taikakakēdange.”

⁴ Mase ia nakaringihēko tingihē baline wou sorga nēluntingihē u,

”Sēbangko i kamene manga umatē’Ku e wou ralunge!

I kamene abe pēmpētēno kalawou rosane,

^p naopehē

18:2: Yes. 21:9, Yer. 51:8, Pēl. 14:8, Yes. 13:21, Yer. 50:39 18:3: Yes. 23:17, Yer. 51:7 18:4: Yes. 48:20, Yer. 50:8, 51:6, 45

madiringu mahukung
sēngkakahukung dingange!

5 U rosane e kai seng
nēbawilowoi⁹ sarang ļangi,
kū Mawu Ruata e
mētahēndung patikū
pēsasalane.

6 Kū pēmpēkoā e si sie kereewe
naung i sie niēbā i kamene;
balise e ruan sule si sie
waugu kēbī apang kinoā e.
Lohoingkōn inumang lainu-
mange, kū duansule limem-
bong katoghase wou inumang
kū seng nisadiane waug'i
kamene.

7 Gēlirengkon sigēsā dingangu
susanaung i sie
kū kakēpalēweng kasasaria
ringangu kakakalā e kū
seng nigaghēllī e su
watangenge sēsane.

U i sie mēngkatewe hanesē
mēbēbera suralungu naunge,
'Ia ini e kai ratu wawine kū
mēpēparenta!

Ia ini e walinewe walū;
ia tawe sarung
hombangengu kasasusa!

8 Kai ualingu halē ene, tangu
kētaeng gēnnangu sahēllo i
sie sarung hombangengu

sahinda, susanaung,
dingangu karalunusē.

Kū i sie sarung ipakahēngisu
putung,
u kai makawasa Mawu
Ruata kū mēhukung i sie
e."


⁹ Mararatun dunia e apan
tutole lulun pēsasundalē dingang-
u idalū wawine ene sarung ma-
hungkiā dingangu mahunsangī u
soa ene kereu i sire makasilo tipu
mēdēdalīwuwung bōu putung kū
nēhēngisē si sie. ¹⁰ I sire sarung
dumarisi bōu maraune, batu
maḍiring masigēsā dingang. I si-
re nēmpēbera, "Pirua, sigēsabe
kasaria su soa kū timeleng ini –
soan Babelē matoghasē! Kētaeng
suralungu sēngkaorasē hukumang
si kau e seng niaparaleng!"

¹¹ Kalawou manga maļahum-
balū su dunia e maļaing maļung-
kiā dingangu lūlahunsusa ualingu
wawine ene, u seng tā u sarang
sēngkatau lai deng mēmpēmēlli
manga apaliwū iwēbalū i sire.
¹² Taweu mēmpamēlli wūlaeng,
salaka, paramata, ringangu mu-
tiaran sire e, dingangu lai heka
leneng, heka kamumu, sutera,
ringangu heka awae mahamu ma-

⁹ bertimbun-timbun

18:5: Pēnd. 18:20-21, Yer. 51:9 18:6: Mzm. 137:8, Yer. 50:29

18:7-8: Yes. 47:7-9 18:9-10: Yeh. 26:16-17 18:11: Yeh. 27:31, 36



Apaliwū baļu (18:11)

hunggurang; kaławou haghing kalu kų mahali kaëbakeng, apaliwū nikoā bōu sunge ringangu wōu kalu maralëgadë, bōu witu, uase, ringangu marmarë; ¹³pising kalu manisë manga rampa, haghin bëngi, mur dingangu kamania; anggorë dingangu lana, tapoëng dingangu ghëtung, sapi ringangu domba, kawalo ringangu kareta, manga ëllang sarawelaing himukudu taumata. ¹⁴Manga malahumbaļu e nëmpëbera su manga wawine ene, u "Patiku apam mapulu taghuanengu e seng nasue tādise, dingangu patiku kakakala dingangu karalepatu e seng nasue

niwu. I kau e semben tawe makareā kapia!" ¹⁵Manga malahumbaļu e seng nëngkakala ualingu mahumbaļu su soa ene kų sarung mahundarisi bōu maraune, u i sire kai matakų u kahinoëngu sigësā e. I sire sarung mëmpahungkiā, dingangu mëmpëlutu, ¹⁶mase mëbera unguëng: "Pirua, sigësābe kasaria su soa time-leng ini e! Tinia i sie mëlëluheng pakeange leneng, heka kamumu dingangu heka laka mahunggurang; tinia i sie mapenëu ralëgahe wulaeng, paramata ringangu mutiara! ¹⁷Kaiso samatang suralungu sëngkaorasë dëngue,

i sie seng kinailangengu patiku kakakala e ene!"

Kěbi nakoda, mananumpang, dingangu sasakene, saraweng kěbi taumata ku hambake su laudě, mahundarisi bou maraune. ¹⁸Ku mēmpamansagě su tempong i sire nakasilo tipu tutiwu bou putung ku nēhngisě soa ene. I sire mēmpělěnggahě u, "Bědaweng ta apa soa waline kere soa ghěguwa ini!" ¹⁹Tangu i sire nēmpēnawuheng awulě su tēmbō i sire, kere tatiala u i sire nēmpělutu, mase nēmpēsangī dingangu mahunggungui u, "Pirua, sigēsabe kasaria su soa ghěguwa ini! Kakakala e seng nakakariading kěbi taumata apang managhuang kapalu laudě e nēngkakala! Kaiso kētaeng suralungu sēngkaorasě, i sie seng kinailangengu patiku sabarang e!"

²⁰Ei sorga, Pēmpahuluasě-kong kaghaghologu soa ene! Ei kawanuan Duata, manga rarolohang, dingangu manga nabī, pēmpahuluasě! Batuu Mawu Ruata e seng nēhukung i sie ke-

re wawalisě su apang ku kinoa e waug'i kamene!

²¹Bou ene, malāekatě sēngkatau malintoī e nēnapua e watu sēmbau – sariane kere watung papēhaseng gaghuwa – mase niwahunge solong laudě apidu nēbera, "Kai kerei kakakoā e soam Babelě ku timeleng e sarung bahungange pakaiha saraweng tawe sarung ipēsombang kapia. ²²Tingihu musikě u mēngangobi kēcapi, bou mēkakantari, bou mēnananiu suling" dingangu wou mēnaniu napi-ri e, semben tawe sarung ikaringihě kapia suralungu! Tawe sarung makaēba mēlahalě peleesa sarang sēngkatau sene, dingangu tingihu watum papēhasenge tawe sarung ikaringihě kapia. ²³Taumata e tawe sarung sau makasilo lēhangu solo suralungu; dingangu tawe sarung lai makaringihě dameng saliwangu mēkakawing sene. Manga malahumbaļu u e kai i sire apang matatoboi su dunia e, ringangu kahian daghusu e

^r mēbawansi

18:17: Yes. 23:14, Yeh. 27:26-30 18:18: Yeh. 27:32 18:19: Yeh. 27:30-34

18:20: Pang. 32:43, Yer. 51:48 18:21: Yer. 51:63-64, Yeh. 26:21

18:22: Yeh. 26:13, Yes. 24:8 18:22-23: Yer. 7:34, 25:10 18:24: Yer. 51:49

i kau nangakalē patikū bansa su dunia e!”

²⁴ Babelē e nīlahukung ua-
lingu su raḷungu soa ene seng
nikahombangeng dahang manga
nabi, dahang kawanuan Duata –
nimbue ute rahang kēbī taumata
kū seng nipate su wowon dunia e.

19 Samuring ene, iā naka-
ringihē tingihē mēgēga-
ghalēdu kere tingihu tauma-
ta maḷawoḷ bōu sorga kū
mēmpēgēgio, ”Pēdalō e Ruata!
Duatang kite e kai Ruata maka-
saḷamatē; i Sie kai Ruata mawan-
tugē dingangu kawasa! ² Pēla-
hukung’E kai adilē dingangu
pelesa! I Sie seng nēnawong hu-
kumange su tau wawine ta-
hapēsundaḷē gēguwā, kū seng na-
kagholang dunia e uaḷingu pēs-
sundaḷē. Mawu Ruata e seng
nēhukungu tahapēsundaḷē ene,
batūu i sie nēmate manga ēllangu
Mawu Ruata.” ³ Mase tingihu
taumata ḷawoḷ e nēmpēgioe-
we kapia, ”Pēdalō e Ruata!
Tipung putung kū nēhēngisē
soa ghēguwā ene sarung tumi-
wū tawē ēdone!” ⁴ Tangu manga
tēmbonange i sire ruam puḷo
ēpa dingangu riadikang ēpa
maḷalikū su kaderang kawawan-

tugē e nēmpētēngkasumagē kū
nēmpēsuba Ruata e kū maḷiang
su kaderang kawawantugē e.
Ungkuēng i sire, ”Aming! Pēdalō
e Ruata!”

Saḷiwangu pēkakawingu Ahusu Domba

⁵ Mase piā e tingihē kina-
ringihē bōu kaderang kawawan-
tugē e mēbēbera u, ”Pēmpēdalō
e Ruata, ei patikū ēllangu Ma-
wu Ruata, ore kēbī tauma-
ta – ghaghuwā darodoḷ – kū
mēmpēsēsuba Ruata e!” ⁶ Bōu e-
ne iā nakaringihē aḷinkai tingihu
ghapaēngu taumata kū maḷawo-
ḷawoḷ; tingihe mēsulungu tingi-
hu wēlladē mēgēgaghalēgehē di-
ngangu kere rēllu mēgēga-
ghalēdu. Iā e nakaringihē si sire
mēmpēbēbera u, ”Pēdalō e Rua-
ta! Batūu Mawu, Ruatang kite
limembong kawasa ene orasē i-
ni mēpēparenta! ⁷ Mahie i kite
mahūḷuasē dingangu mahūḷiagē;
mahie i kite mēdalō kawasa-
ne! Batūu seng tempone ēllong
pēkakakawing kū māngumpaēdē
areng Ahusu Domba e, ringang-
u kaghiang’E seng sadia waug’u
pēkawing’E. ⁸ Pakeange leneng
maḷenda kū seng nionggō si sie i-

pakiluhe." (Pakeang leneng e ute kai kakakoā mapapia ku kēkoa-tengu kawanuan Duata.)

⁹Mase malækatē e nēbera si sia, "Pēmohēko ini: 'Kariangka-mang taumata apang nihaēngang solong saliwangu pēkakawingu A-husu Domba e.'" Bōu ene malækatē e nēberako lai, "Kai ini e walong hengetang matēngadē bōu Ruata."

¹⁰Ia e nētēngkasumagē su tēngon malækatē ene ku mēsuba, kuteu i Sie kai nēbera si sia, "Kumbahang! Abe pēsuba si sia, pēsuba e Ruata. Batuu ia e malaing ēllang mēsulungu i kau ringangu mēsulungu kēbi anau sēmbau u ku apang mangumpadē matoghasē su sasahidin Mawu Yesus e!"

Batuu kai sasahidin Yesus ene e lūloho su taumata apam mēmpēnēnēbalē e.

Sumasakeng kawalo uhisē

¹¹Bōu e ia nakasilo sorga e natope, mase nakasilo kawalo uhisē sēmbau. Sumasaken'E e isēsēba si Masatia ringangu si Matēngadē. I Sie kai adilē mēnawong hukumang dingangu

suralungu pēseketang ku tētaḷudang'E. ¹²Matan'E e mēsulungu rēlliū putung dingangu su tēmbō'E ute napenē u makotane. Kuteu su wadang e kai pia areng sēmbau kabwehē; ku kētabeng i sie sēsane masingka u areng ene. ¹³Laku manandū maḍaluhe si Sie e seng bōu niuno su raha. Ku i Sie isēsēba, "Hengetangu Ruata". ¹⁴Buntuangu mēsasekē u sorga e mahuntole si Sie ku mahunsake kawalo uhisē, dingangu pakeange leneng ku mawira wurēsi. ¹⁵Bōu mohong'E nisēbangengu wara mahoro sēmbua, ku dingangu wara ene i Sie namata manga wansa, ku i Sie sarung mēparenta si sire ringangu tēking uase. I Sie sarung mēmēhasē anggorē e suralungu pēmamēhasengu anggoru ralangehu Ruata Limembong Kawasa. ¹⁶Su laku'E manandū dingang'u su palang'E kabwehē areng ini, "Datun patiku datu, ringangu Mawun patiku Mawu."

¹⁷Mase ia nakasilo malækatē sēngkatau rūdarisi su wowon matangello. Dinganken tingihe maiha i sie kukui kēbi manu u winalangeng, ku mahuntella su kinoaēng, "Mahiko pēmpēko-

moľe ku mituko saliwang gęguwa ku niapakasęllahu Mawu Rua-ta! ¹⁸Maħi e mahungkina gęsing mararatu, gęsing manga tęmbonangu sorodado, dingangu gęsing manga wawahani, mahiko pahungkina gęsing manga sumasake kawalo, ringangu gęsing manga kawalone ringangu ghęsing kębi umatę, matatęllang arau reng dario, ęllang dingangu woline ęllang!”

¹⁹Bou e ia nakasilo binatang ene, dingangu mararatun dunia e ringangkewelaing buntuangu męsaseke i sire, nęmpękomolę mędeau męseke dumoka si Sie ku susake kawalo uhisę dingangkelaing buntuang’u męsaseke’E. ²⁰Tangu binatang ene kinasame e sęngkasame dingangu mahang nabi ku seng nękoą halę makala-herang ene su tęngon binatang ene. (Dingangkeweng manga halę makalaherang ene e tangu binatang ene nangakalę taumataewe apang pia tatialan binatang ene, dingangu manga taumata ku apang męmpañęmba tuladang binatang ene.) Mase binatang ene ringangu mahang nabi ene niręmme biahę solong dalungu laudu putung ku mędędaripęllau ringangu malelang. ²¹Ku bun-

tuang’u męsaseke i sire nipateng bara simępu bou mohongu sumasake kawalo uhisę ene. Tangu manga manu e nahundęnta e ku nęmpękina gęsin sire nipate e ku męngkate apa rimarakua.

Mañuñen tempo sęhiwu su taunge

20 Bou ene ia nakasilo lo malaękatę sęngkatau natętung bou sorga. Su limane kalahęgo kakunsi tigaľu u papate ringangu hante masaria sęmbua. ²Mase i sie nęname naga ene, ku kai tęmpu maghurang, – ku naung kai setang arau rohkę dalaki e – ku nihantene ghęnangu sęhiwu su taunge karęngu e. ³Bou ene malaękatę e nęhipeng naga ene solong dalungu tigaľu u kawawinasa, mase nisukunge tigaľu ene ku nisegelange, tadeau naga e sen tawe makapęngakalę patiku umatę e tęntalang tempo sęhiwu su taunge tanapaghohę. Bou ene i sie harusę ipęllo gęnnangu kadodo tempo.

⁴Mase ia nakasilo manga kaderang kawawantugę, dingangu i sire apang kumakaiange sene, niongotangu kawasa wau-gu męmpęnawong hukumang. Ia e maľaing nakasilo himukud’u

taumata apan seng bōu ni-poto tēmbo i sire puhinengu i sire mēsēsahiding Mawu Yesus, dingangu mēmpēngēngēkeng hengetangu Ruata. I sire ene tawe mēmpēnanēm̄ba binatang, arau mangaewe tuladane. I sire e maļaing tawe nēmpānarimau tatialan binatang e su rēhū arau su līman sire. Tangu i sire sau nēmpēbiahē kapia kū nēmpēparenta kere sēngkatau ratu ringang'i Kristus karēnguweng sēhiwu su taunge. ⁵Seng ini e kahumotongangu taumata nate e nipēbangung kapia. (Arawe taumata apang nate waline ute tawe sau niapēbiahē kapia karēnguweng sēhiwu su taunge.) ⁶Kariangkamang su taumata kū apang niapēbiahē kapia ringang su pēbawangung humotonge. Su tampa e wue i sire makoā tathuanengu Ruata. Papate su karuan sulene e tawe makapēkapura si sire. I sire kai sarung mēngka-koā manga imangu Mawu Ruata ringangu manga imang i Kristus; kū i sire sarung sēngkapēparenta ringange sehiwu su taunge karēngue.

Setang e kinawata

⁷Ene tempo sēhiwu su taunge naliu e, setang e sarung illēsō bōu raļungu tahungkū e, ⁸kū i sie sarung dumaļeng mēmitaugē kaļawou umatē kū nasa-wuhē su kaguwau dunia e, kū kai tau Gog dingangu Magog. Setang e nēngomol'i sire mēdeau mēseke, kū dekenange ute enēewe maļawo-ļawo, kere kaļawou ēnne su apeng. ⁹Tangu i sire mēngkatewe nēmpēsaliawuhē su kaguwau dunia e mase nēmpēliwung pēdarasengangu kawanuan Duata ringangu soa ikēkēndagu Ruata. Kuteu putunge kai natēntung bōu ļangi kū nēnahabē si sire sarang nasue nupu. ¹⁰Bōu ene setang kū namitaugē si sire e, niwahung soļong daļungu ļaudē putung dingangu malelang. Kū kai ēndaļse tampaū binatang dingangu mahang nabi e nihi-pe kakaļimonaēng e. I sire sarung sigēsakeng ēllo hēbi waugu sarang marēngu-dēngu.

20:11-12: Dan. 7:9-10 **21:1:** Yes. 65:17, 66:22, 2Ptr. 3:13 **21:2:** Yes. 52:1, Pêl. 3:12, Yes. 61:10 **21:3:** Yeh. 37:27, Im. 26:11, 12

apa. Apang n̄aung kalimona e seng naghēnging.”

⁵Mase i Sie k̄u maiang su wowong kaderang kawawan-tugē e nēhengetang, ”Orasē i-ni e kēbī seng Tak̄u ipakariadi wuhu!” I Sie nēhengetang lai si siā angkuēng, ”Boheko i-ni, u kalawou hengetang ini e kahēngang dingangu kapangimangeng.” ⁶Mase i Sie nēhenge-tang angkuēng, ”Seng nasueng koā e! Ia e kai kahumotongang-e ringangu pangēnsueēnge; Ia e kai Mawu wou panētakenge sarang pēngēnsueēnge. Apan Tau-mata k̄u m̄adou, sarung tak̄u ipanginung tā bawaehe wou simbulu akē makagēlliu pēbawiahē. ⁷I saing k̄u mak̄auntung e sarung manarimā u kēbī ene wou Anu’Ku. Ia e sarung makoā Mawune, ringangu i sie sarung makoā anā’Ku. ⁸Arawe i saing bahaning kaingga, taha pēsuniaļē, matatingkai, tahapate, tahapēsundaļē, tahapēbalik̄u mata, tahapanēmba mahang duata, dingangu kēbī tahapēkonti, sarung iwahung suraļungu laudē putung dingangu malelang dūdēllī, mangalene papate rialē karuane.”

Yerusalem buhu

⁹Sēngkatau wou taloa-rang malāekatē pitu k̄u seng mēngēngumbeļē bokorē pitu k̄u napenē u lohong papahang haghine pitu kasamuriange k̄u dimēnta su anuku ringangu nēbera u, ”Boete! Ia e reng manodē u Kaghiang bawine si kau, mangalē-ne ute makoā kawing’u Ahus’u Domba e.” ¹⁰Tangu Rohkē u Mawu Ruata e nēkaradihang si siā, k̄u malāekatē e nēmaringang si siā solong pusigu wuļude marangē-dangē. I sie nēnode u Yerusalem si siā, soa susi e, soa ene natēntung bōu sor-ga, bōu Ruata e, ¹¹dingangu lahiansang ore kawantugu Mawu Ruata. Soa ene k̄ukerong kere kakerongu watung paramata, kere watu’ng yaspis matilang kere kasēnaēng. ¹²Meselē marangē masuwenehē nēliwung soa e, piā pasēlangenge mapuļo dua k̄u m̄adariaga su malāekatē mapuļo dua. Suapan pasēlangenge k̄abawohē arengu apaeweng balagē mapuļo dua e kawanuan Israel. ¹³Piā pasēlangenge tatēllu k̄u t̄utātēngo apang pungu anging:

tatēllu su sēmbēkan daki; tatēllu su sēmbēkan timuhē, tatēllu su sēmbēkan sawēnahē, dingangu tatēllu su sēmbēkam bahe. ¹⁴ Meselu soa ene nipētī su wowom batu pondasi^t mapuļo dua. Sua-pang batu pondasi e niwohekangu arengu manga rarolohangu u Ahusu Domba mapuļo dua e.

¹⁵ Malaekatē kū mēbēbisara ringanku e piā tēkinge sasuka nikoā bōu wuļaeng, mēdeau ipanuka soa ene, manga pasēlangenge ringangu mesele. ¹⁶ Soa ene tangu nēbūku ēpa, kū nandū e mēsulungu wēnahe. Tangu malaekatē ene nēnuka e soa e ringangu tēking sasuka e; nalahe e nandū e ute 2400 su kilone; bēnahe ringangu range e mēsulungu nandū e. ¹⁷ Piā e malaekatē e nanuka meselē, nalahe e u range u meselē e ēnnungu puļo su metere. Sasuka kū pinēnuka u malaekatē e ute kai sasuka pinanuka u tau-mata. ¹⁸ Meselu soa é nīkakoā bōu watu'ng yaspis, arawe soane hala e wōu wuļaeng sahi, matilang kere kasēnaēng. ¹⁹ Manga watung pondasing soa ene e nilēgahengu patikū haghing batu

paramata. Batu pondasi humo-tonge nikoā bōu watung yaspis, kū karuane ute wōu watung nilam, katēllune wōu watung yakut, kaēpa e wōu watu zamrud, ²⁰ kaļimane wōu watu baiduri Sepah, kaēnnunge wōu watun dēlima, kapitune wōu watun ratna cempaka^u kuaļune wōu watum beril, kasionē wōu watun Topas, kapuļone wōu watung Krisopras; kapuļo ēsane wōu watung Lazuardi; kapuļo duane wōu watung amethist. ²¹ Pasēlangeng mapuļo dua e nariadi wōu mutiara mapuļo dua, apan tukade nikoā bōu mutiara pēsēmbau. Daļeng su soa ene nikoā bōu wuļaeng sahi, matilang kere kasēnaēng kūkerong.

²² Ia e tawe nakasilo Waļem Mawu suraļungu soa ene, batūu Waļem Mawu e ute kai Mawu sēsane. Duata Limembong Kawasa, ringangu Ahusu Domba e. ²³ Soa ene ute tawe wahaļuasutualagengu matangēllo arau wuļang, batūu kawawantugu Mawu Ruata e maņualagē, dingangu Ahusu Domba e kai soļone. ²⁴ Manga wansa su dunia e sa-

^t pinamanggilang, pinamēnta ^u firusa

21:15: Yeh. 40:3 21:18-21: Yes. 54.11-12 21:23: Yes. 60.19-20

21:24: Yes. 60:3

rung dumaleng suralungu tua-
lage, dingangu manga ratu e
malaing sarung mēmpēbawa ka-
kakala i sire solong dalungu
soa ene. ²⁵ Manga pasēllangu
soa ene e sarung mawuka ka-
nanduweng ěllo; tawe sarung
hēpingang, batu sene tawē a-
pa hēbine. ²⁶ Kasēllahē dingang-
u kakakala u manga ban-
sa e sarung bawaēng solong
dalungu soa ene. ²⁷ Arawe tau-
mata kŭ mēmpēkēkoā halē kŭ
makadarēnting, arau taumata kŭ
mēmpēkēkonti – nimbue walae-
we apa kŭ kotorē e, mēngkatewe
kumbahang-kumbahang masuē
suralunge. Makakasuē ute kētae-
weng taumata kŭ arenge kaba-
wohē suralungu Bukē u Taumata
Wiahē, bukē u Ahusu Domba e.

22 Malāekatē e malaing na-
patodē si siā salŭ kŭ akē
e makonggou pēbawiahē. Salŭ
ene mēngkate kŭkŭhēnabē kere
kasēnaēng dingangu mēlelehē bou
kaderang kawawantugu Ruata ri-
ngangu Ahusu Domba e, ² su-
talōaran daleng su soa ene. Su
wiwihu salŭ ene, su ruambēka e
piā kalu pungu pēbawiahē, kŭ
mēbēbua mapulo dua su sulene

sēntaung, mangalene sēmbulang
sēnsulē. Daung e ipēpēpake bau-
gu mapakaulen tēdu u kēbi u-
matē. ³ Suralungu soa ghēguwa
ene e tawe kadiongeng kaēbakeng
mēnsang apaē kahinoēngu laa-
neng Duata.

Kaderang kawawantugu Rua-
ta e ringangu Ahusu Domba ene
sarung ene suralungu soa ene.
Manga ěllang'E sarung mēkalio-
maneng si Sie, ⁴ ringangu makasi-
lo ghatin'E. Areng'E sarung bo-
hekan su rēhu i sire. ⁵ I sire ta-
we wahaŭasu mēgausē solō arau
tualagu matangēllo, batu hēbi e
semben tawē apa, dingangu kai
Mawu Ruata sēsane sarung ma-
nualagē si sire. Tangu i sire sa-
rung mēparenta kere sēngkatau
ratu e sarang kakalē.

Darēntang Mawu Yesus

⁶ Tangu malāekatē e nēbera
si siā, "Manga wawera tamai i-
ni e mamben tēngadē dingang-
u kapangimangeng. Mawu Rua-
ta kŭ seng nēngonggou Rohkē'E
su manga nabi e seng nēndolo-
hu malāekat'E nēnode su manga
ěllang'E apa kŭ sarung ligha ma-
riadi."

7 "Pēdaringihēko ini e!" angkuēng u Mawu Yesus, "Ia e sarung ligha dumēnta! Kariangkamang i sain tūtuḥu manga wawerang hengetang suralungu bukē ini!"

8 Ia i Yohanes seng nakaringihē dingangu nakasilo patiku ini e. Sarangke ia seng nakaringihē dingangu nakasilo ute ia e naēnsa e su tēngon malāekatē ku seng nēnode u kēbi ene si sia, dingangu ia e mēnaung mēsuba si sie, 9 arawe i sie kawe nēbera si sia, "Kumbahang! Abe pēsuba si sia! Pēsubawe su Mawu Ruata! Batuu ia e maiaing ēllang kere i kau, dingangu kere manga anau sēmbau manga nabi ringangu kēbi taumata apang ku māhuntuḥu manga tatanata suralungu bukē ini!" 10 Mase i sie nēbera kapia, "Kumbahangbe mapakapēnisu manga wawerang henge-tang ku seng nitēbalē suralungu bukē ini, u seng masandigē tempone patiku ini e sarung mariadi. 11 Taumata raḷakī e, balae pēka-koā e raḷakī; taumata maḷamuhū e wala e apētēngkaḷamuhū u watangenge; i sain tūtoḷe kapulun Duata e, balae e hanesē apatoḷe kapulun Duata, dingangu i

sain hanesē mēbēbiahē samatang baugu Ruata e, balae e hanesē apēbiahē samatang baugu Ruata."

12 "Pēdaringihēko ini!" angkuēng u Mawu Yesus, "Sen ta-we mararēngu Ia sarung dumēnta ku mēbawa wawalarē baugu mamalīsē apan taumata tuḥewe apang ku seng nīkakoā e. 13 Kai Ia e kahumotongange ringangu kasamuriange; Kai Ia e Mawu wou panētakenge sarang pēngēnsueēnge."

14 Kariangkamang i saing mēngēnguhāsē laku e sarang mawurēsi hakiewen i sire iapakawala mahungkaēng buang kalam pēbawiahē dingangu sumuē suralungu soa ene lumawesē pasēllangenge. 15 Arawe i saing ku mēmpēkēkoā kaḷawou tatingkai, apang mēpēpakeu waliku mata, tahapēsundaḷē, tahapate, tahapanēmba mahang duata, tahakontiang, bae su wawera ore lai ringangu kakanoā e, kēbi i sire ene katatanakenge ute su likudu soa ene.

16 "Ia e, i Yesus, seng bou nēndolohu malāekatē Ku soḷong anung kamene tadeau i sie ma-

22:11: Dan. 12:10 22:12: Yes. 40:10, 62:11, Mzm. 28:4, Yer. 17:10

22:13: Pēl. 1:8, Yes. 44:6, 48:12, Pēl. 1:17, 2:8 22:14: Pēnd. 2:9, 3:22

22:16: Yes. 11:1, 10

kapauli_ṛu manga ha_ṛlě tamai ini waugu karalambang^v manga ja-maatě. Ia e kai hěnton Daud; kai Ia e wituingu Raki^w ku matuahě e.”

¹⁷Rohkě u Mawu Ruata e ringangu kaghiang bawine e něhengetang u, ”Wōete!” I sai-sain ku nakaringihě ini e hinon lai mēbera u, ”Wōete!” I saing ku narou, pēmpēhaungke! Dingangu i saing ku dūdula_ṛgě e^z ute i sie mēngkate pēnga_ṛla ake ku makəonggou pēbawiahě e ku tawę bawalare.

Kakunsi e

¹⁸Baugu i sai-saing ku makadingihě bawerang hengetang sura_ṛlungu bukě ini e, tangu ia, i Yohanes, ma_ṛngonggou tatalum-baghě ini; kereu pia_ṛu mēnamba

su wawera tamai ini, ute Mawu Ruata e sarung lai mēnamba hukumang su taumata ene ringangu haghing hombang ku seng nilahě sura_ṛlungu bukě ini. ¹⁹Dingangu kereu pia_ṛu mēnggaing bou wawerang hengetang tamai ini, ute Mawu Ruata e ma_ṛlaing sarung mēnggaing bahageange kere seng nilahě sura_ṛlungu bukě ini – mangalene wahageange wou kalum pēbawiahě e ringangu wou soa susi e.

²⁰I Sie ku nēhumpa_ṛu kēbi habarě tamai ini e něhengetang, ”Tēngadě, Ia e sarung ligha dumēnta!” Aming!

Dēnta e, o Mawu Yesus!

²¹Karima_ṛko Mawu Yesus e mapēda_ṛlembon tatalēntu_ṛ’E^y su kēbi kawanuan Duata e!

^v pandangangu ^w kadadēmahě = Ahusu ěllo ^z luēnning ^y a_ṛlamate